

中國醫藥大成

曹炳章 原輯 本草 醫方分冊

中國中醫藥出版社

中国医学大成

(第十册)

原	辑	曹炳章		
主	校	吴少楨		
协	校	田思胜	李志庸	孔立
		杨利平	冯兴中	张林国
		李振波	苗佳	徐春军

中国中医药出版社

• 北京 •

图书在版编目 (CIP) 数据

中国医学大成 (10) / 吴少祯主校. - 北京: 中国中医药出版社, 1997. 10
ISBN 7-80089-658-7

I. 中… II. 吴… III. 中国医药学-全集 IV. R2-52

中国版本图书馆 CIP 数据核字 (97) 第 09115 号

中国中医药出版社出版

发行者: 中国中医药出版社

(北京市朝阳区东兴路七号 电话: 64151553 邮码: 100027)

印刷者: 北京市卫顺印刷厂印刷

经销者: 新华书店总店北京发行所

开 本: 787×1092 毫米 16 开

字 数: 1290 千字

印 张: 50.625

版 次: 1997 年 10 月第 1 版

印 次: 1997 年 10 月第 1 次印刷

册 数: 2000

书 号: ISBN7-80089-658-7/R·657

定 价: 91.00 元

《中国医学大成》整理委员会

学术顾问

(按姓氏笔画为序)

王玉川 史常永 李今庸 李经纬
余瀛鳌 张灿理 郭霭春 颜正华

主任委员

余靖

副主任委员

胡国臣 傅芳 宋志恒 张年顺
田思胜

委

员

(按姓氏笔划为序)

马居英 孔立 王凯 王国辰
田思胜 冯兴中 李东晓 李世华
李振波 李志庸 刘清国 闫志安
芮立新 吴少楨 宋乃光 杨利平
杨金萍 张年顺 张林国 张琨
胡国臣 赵含森 郭洪耀 夏魁周
高萍 谭红 樊正伦 潘桂娟

总策划

樊正伦 吴少楨

责任编辑

吴少楨

前言

曹炳章(1877~1956),字赤电,近代浙江鄞县曹妙乡人,商人曹显卿之子。炳章幼承庭训,学习经商,拜师于绍兴方晓安门下。时年尚少,即志在医,料理业务之余,则诵读医经,焚膏继晷,孜孜不倦。其师见其可造,赠以《内经》、《金匱》及历代医书。自此,益刻苦自励,晨夕研求,历七载而妙悟医理,声誉鹊起。年二十余,应聘任春成及致大药栈经理,兼行医。此时,财力稍裕,则广收医药孤本秘籍,揣摩研读,学术益精。光绪癸卯(1903)年,浙江名医何廉臣,创办《绍兴医药月报》,邀请炳章任编辑,遂得以问业于何氏,并钻研叶、薛、吴、王四家温暑治法,医道乃大行。先后应诊于同善、同义药局,并创办“和剂药局”,日治近百人,皆应手奏效,危险大症,无不药到病除,名望日隆,病家争先延致。上海神州医药总会成立,炳章出任绍兴分会评议,首倡改良药品,并创办医药卫生报,订正丸散方及炮制药物法,以身作则,旨在振兴中医,造福病家。1920年废止中医事起,炳章被公举为绍兴医药学会会长,与裘吉生等代表中医界赴南京请愿,并组织成立中央国医馆,任南京中央国医馆名誉理事。在此期间,他面对海禁开放,西学东渐,中医衰落之情状,应大东书局之请,奋而约集名医,遍览群书,精选中医典籍中的珍本、孤本、抄本,进行整理,共同批校圈注,补阙正谬。历三十年,于万种古籍中,精选出365种,编成巨帙,名曰《中国医学大成》。炳章不仅汇编此书,其自著医书亦甚多,除《霍乱寒热辨证》、《医医病书》、《辨舌指南》刊行外,尚有22种未梓,其手稿仍存。炳章一生致力于中医事业,为中医古籍的保存和普及作出了巨大的贡献。

《中国医学大成》的编纂,在当时倍受中医界的推崇,认为此书是“寿世宝藏,医林巨观”。原书共计365种,分13类,曰医经、药物、诊断、方剂、通治、外感、内科、外科、妇科、儿科、针灸、医案以及痘疹、推拿、疑难杂症等。每书均写有提要,以明此书之来历、内容之要点;每一类之中均按年代先后次序排列,以便考证。可惜此书刊行未半,日本人侵入,印刷被迫中断,仅有136种问世。1990年,上海科学技术出版社与岳麓书社均将曹氏所刊之书影印出版。之后,岳麓书社又将曹氏已列书目而未刊的医书,稍作调整增补,作“续编”影印刊行,完成了曹氏未完成的大业。

《中国医学大成》的编纂对中医事业做出了巨大的贡献。首先,整理保存了大量的中医经典秘籍。是书搜求博采秦汉至清末的海内孤本、珍本、抄本,殆有万余种,约集名医,精校圈点,厘订精选365种。其所选之书,皆医籍中之精华,如医经类有《黄帝内经素问集注》、《黄帝内经灵枢集注》等;本草类有《神农本草经》、《本草衍义》、《雷公炮制药性解》等;伤寒金匱类有《伤寒贯珠集》、《伤寒补例》、《伤寒来苏集》、《金匱要略心典》等;温病类有《温热逢源》、《瘟疫论》等;通治类有《医学心悟》、《周慎斋医书》、《医学源流论》等;医案医话类有《柳州医话》、《吴鞠通医案》等;此外尚有临床各科、生理、病理、诊断等重要书籍。其次,系统完善了中医理论体系。曹氏将其所选医籍分为13类,每一类之中则按朝代先后为序,每一种书之前有提要,简介全书要点,这样,尽管全书博大,但条理清晰、系统连贯,阅一书则遍览历代医论,窥一类则尽知各家学说,中医精论全在此书之中。再次,普及

推广了中医学理论。当时正值废止中医案起之时，中医学术低迷衰微，此书的出版无疑是一支兴奋剂，使整个中医界振奋起来，叹为观止。不仅如此，就对提高整体中医素质，使之立于不败之地而言，此书同样作出了巨大贡献。凡治医者，非博览存书，无以阐明医术，医术不精，何谈着手成春？然秦汉至今，医书逾万，即使毕生考校，犹恐不能，况且一般人所购医书，版本不良，校勘不精，错误百出，怎能精通医理？此书一出，实为业医之准绳，医门之法律，而被称为“寿世宝藏，医林巨观”。即使现在也同样如此！

鉴于此，在国家中医药管理局的领导下，中国中医药出版社组织有关专家、学者，重新对此书（仅限于曹炳章厘定刊行的 136 种）进行点校整理出版，以满足广大中医工作者的需要。

此次整理，在尽量维护原书风格的同时，进行了必要地调整，以方便当今读者阅读，几点原则，简述如下：

1. 全书以现代简化字，标点符号横排；
2. 由于版式的变更，原方位词“左”、“右”一律径改为“下”、“上”；
3. 出于今人的用字习惯，原书“已上”、“已下”一律径改为“以上”、“以下”，量词“钟”径改为“盅”；
4. 中药名称除将“黄耆”径改为“黄芪”外，一律不作改动；
5. 凡属书名，一律加书名号，不出注；
6. 如明显系由刊刻，抄写等所致的错误，则径予改正。如“灸甘草”改为“炙甘草”等等；
7. 原书眉批内容，移于相应章节中，前加“眉批”二字，不出注。

限于我们的整理水平，加之时间仓促，书中难免有误，敬请读者批评指正。

整理者

1997 年 6 月

- | | | |
|--------------|-----|-----|
| 外科选要 | (清) | 唐芹洲 |
| 外科医镜 | (清) | 张贞庵 |
| 痢科全书 | (清) | 梁拓轩 |
| 痰痢法门 | (清) | 李子毅 |
| 徐评外科正宗 | (明) | 陈实功 |
| | (清) | 徐灵胎 |

第七册

- | | | |
|----------------|-----|-------|
| 盘珠集胎产证治 | (清) | 施澹宁 |
| | (清) | 严西亭 |
| | (清) | 洪緝庵 |
| 胎产指南 | (清) | 单南山 |
| 重订产孕集 | (清) | 张曜孙 |
| | (清) | 包兴言 |
| 女科切要 | (清) | 吴道源 |
| 经效产宝 | (唐) | 咎殷 |
| 女科经纶 | (清) | 萧麀六 |
| 校注妇人良方 | (宋) | 陈自明 |
| | (明) | 薛立斋 |
| 慈幼新书 | (明) | 程凤雏 |
| 原瘡要论 | (清) | 袁(佚名) |
| 麻疹备要方论 | (清) | 吴砚丞 |
| 活幼心书 | (元) | 曾世荣 |
| 幼科直言 | (清) | 孟介石 |
| 小儿卫生总微论方 | | 佚名 |
| 幼幼集成 | (清) | 陈复正 |

第八册

- | | | |
|----------------|-----|-----|
| 眉寿堂方案选存 | (清) | 叶天士 |
| 徐批叶天士晚年方案真本 .. | (清) | 叶天士 |
| | (清) | 徐灵胎 |
| 孙文垣医案 | (明) | 孙泰来 |
| | (明) | 孙文来 |
| 三家医案合刻 | (清) | 叶天士 |
| | (清) | 缪宜亭 |
| | (清) | 薛生白 |
| 张畹香医案 | (清) | 张畹香 |
| 程杏轩医案 | (清) | 程杏轩 |
| 何澹安医案 | (清) | 何澹安 |

《中国医学大成》（第十册）总目录

神农本草经	（魏）吴普（清）孙星衍孙冯翼同辑	（1）
珍珠囊补遗药性赋	（元）李东垣原编（清）王晋三重订	（75）
雷公炮制药性解	（明）李中梓编辑（清）王晋三重订	（123）
重刊本草衍义	（宋）寇宗奭撰	（185）
药征	〔日〕吉益东洞撰	（247）
药征续编	〔日〕村井杣撰	（289）
刘涓子鬼遗方	（宋）龚庆宣撰	（327）
医方考	（明）吴鹤皋原著	（353）
圣济总录纂要	（清）程云来纂辑	（497）

神农本草经

〔魏〕 吴 普 述
〔清〕 孙星衍 同辑
孙冯翼

《神农本草经》提要

《本草经》三卷，传为神农所作，故曰《神农本草经》。但《汉书·艺文志》不录。考《汉书》平帝纪则云：元始五年，举天下通知方术本草者，诏传遣诣京师，《楼护传》称少诵医经、本草、方术数十万言，始见本草之名。或曰：上古未有文字，师学相传，谓之本草。两汉以来，名医渐多，张华辈始就古学，附以新说，编述成书，由是本草乃见于经录。寇宗奭曰：《汉书》虽言本草，不能断自何代所作。《淮南子》虽言神农尝本草以和药，亦无本草之名。惟《帝王世纪》云黄帝使岐伯尝味草木定《本草经》，造医方以疗众疾，则本草之名，实自黄帝始。韩保升曰：药有玉石草木鸟兽虫鱼，而云本草者，为诸药中草类最多也。李时珍曰：《神农本草》药分三品，计三百六十五种，以应周天之数。上品一百二十种为君，主养命以应天，无毒，久服不伤人，能轻身益气者；中品一百二十种为臣，主养性以应人，无毒有毒，斟酌其宜，欲遏病补羸者；下品一百二十五种为佐使，主治病以应地，多毒，不可久服，欲除寒热邪气，破积聚愈疾者。本书为魏吴普增辑，再由孙星衍等博采《名医别录》、《太平御览》及经史诸子百家而辑述之。关于药物学说，虽已完备，其所引据，于性味功用，实无所发明。盖孙氏非知医者，亦无足怪，其于名物形状，罗列富有，惟莫辨是非。如水萍与藻蘋并列，柳华和桤杞同种，均有未合。兹备录各家考证，以待来哲之攻究。今所以舍顾本而从孙刊者，取其征引之丰富耳。至于名家之是非，功用之变化，在善读者之自得之矣。

邵 序

记曰：医不三世，不服其药。郑康成曰：慎物齐也。孔冲远引旧说云：三世者，一曰《黄帝针灸》，二曰《神农本草》，三曰《素女脉诀》。康成《周礼注》亦曰：五药，草、木、虫、石、谷也。其治合之齐，则存乎神农子仪之术，是《礼记》注所谓慎物齐者，犹言治合之齐，指本草诸书而言也。冲远既引旧说，复疑其非郑义过矣。《汉书》引本草方术而艺文志阙载，贾公彦引中经簿，有《子仪本草经》一卷，不言出于神农。至隋《经籍志》，始载《神农本草经》三卷，与今分上中下三品者相合，当属汉以来旧本。《隋志》又载《雷公本草集注》四卷，《蔡邕本草》七卷，今俱不传。自《别录》以后，累有损益升降，随时条记，或传合本文，不相别白。据陆元朗《经典释文》所引，则经文与《名医》所附益者，合并为一，其来旧矣。孙君伯渊偕其从子因《大观本草》黑白字书，厘正《神农本经》三卷，又据《太平御览》引经云：生山谷生川泽者，定为本文，其有预章，朱崖，常山，奉高，郡县名者，定为后人入。释本草者，以吴普本为最古。散见于诸书征引者，缀集之以补大观本所未备，疏通古义，系以考证，非澹雅之才，沈郁之思，未易为此也。古者协阴阳之和，宣羸缩之节，凡夫含声负气，以及倒生旁达，蠃飞蠕动之伦，胥尽其性，遇物能名，以达于利用生生之具，儒者宜致思焉。淮南王书曰：地黄主属骨，而甘草主生肉之药也。又曰大戟去水，葶苈愈张，用之不节，乃反为病。论衡曰：治风用风，治热用热，治边用蜜丹；潜夫论曰：治疾当真人参，反得支罗服，当得麦门冬，反蒸横麦，已而不识真，合而服之，病以浸剧，斯皆神农之绪言，惟其贍涉者博，故引类比方，悉符药论，后儒或忽为方技家言，渔猎所及，又是末师而非往古，甚至经典所载鸟兽草木，亦辗转而昧其名，不已慎乎！《后汉书·华陀传》，吴普从陀学，依准陀疗，多所全济，陀以五禽之戏别传，又载魏明帝使普为禽戏，普以其法语诸医，疑其方术相传，别有奇文异数。今观普所释本草，则神农、黄帝、岐伯、雷公、桐君、医和、扁鹊，以及后代名医之说，靡不赅载，则其多所全济，由于稽考之勤，比验之密，而非必别有其奇文异数，信乎！非读三世书者，不可服其药也。世俗所传黄帝、神农、扁鹊之书，多为后人窜易，余愿得夫阅览博物者为之是正也。因孙君伯仲校定本草，而发其端，至其书考证精审，则读者宜自得之。

余姚邵晋涵序

张 序

儒者不必以医名。而知医之理，则莫过于儒者。春秋时，和与缓，神于医者也。其通周易，辨皿虫之义，医也而实儒也。世之言医者，必首推神农，然使神农非与太乙游，则其传不正，非作耒耨钩鋤。巡五岳四渎，则其识不广，非以土地所生万千类，验其能治与否，则其业不神，传不正，识不广。业不神，难口取玉石草木禽兽虫鱼米谷之属，历试之，亲尝之，亦仅与商贾市贩等耳，于医乎何与。吾故曰神农，千古之大儒也，考《崇文总目》，载《食品》一卷，《五脏论》一卷，皆系之神农。其本久不传，传之者，《神农本草经》耳，而亦无专本。唐审元哀辑之，《书录解题》谓之《大观本草》，《读书志》谓之《证类本草》。阙后缪雍有疏，卢之颐有乘雅半偈，皆以本经为之主，然或参以臆说，或益以衍断，解愈纷，义愈晦，未有考核精审，卓然有所发明者，则证古难，证古而折衷于至是，为尤难。孙渊如观察，偕其从子凤卿，辑《神农本草经》三卷，于吴普《名医》外，益以《说文》、《尔雅》、《广雅》、《淮南子》、《抱朴子》诸书。不列古方，不论脉证，而古圣殷殷治世之意，灿然如列眉。孔子曰：多识于鸟兽草木之名，又曰致知在格物，则是书也。非徒医家之书，而实儒家之书也，其远胜于希雍之诸人也固宜。或以本草之名始见《汉书》，平帝纪、楼护传，几有疑于本草经者，然神农始尝百草，始有医药，见于三皇纪矣，因三百六十五种注释，为七卷，见于陶隐居录矣，增一百十四种，广为二十卷，《唐本草》宗之，增一百三十三种，孟昶复加厘定，《蜀本草》又宗之，至郡县本属后人所附益，经但云生山谷生川泽耳。洪范以康宁为福，雅颂称寿考万年，又何疑于久服轻身延年，为后世方士之说哉，大抵儒者之嗜学如医然。渊源，其脉也，覆审，其胥视也，辨邪正，定是非，则温寒平热之介也。观察方闻缀学，以鸿儒名，海内求其著述者，如金膏水碧之珍，凤卿好博闻，研丹吮墨，日以儒为事。则上溯之羲皇以前，数千年如一日，非嗜之专且久而能然耶。顾吾独怪是编中，无所谓治书癖者，安得起神农而一问之。

嘉庆四年太岁在己未冬十月望日宣城张炯撰于瞻园之灌术庄

孙 序

《神农本草经》三卷，所传白字书。见《大观本草》。按《嘉祐补注》序云，所谓《神农本经》者，以朱字名医因神农旧条，而有增补者，以墨字间于朱字。《开宝重定》序云，旧经三卷，世所流传《名医别录》，互为编纂，至梁贞白先生陶弘景，乃以别录参其本经，朱墨杂书，时谓明白。据此则宋所传黑白字书，实陶弘景手书之本，自梁以前，神农、黄帝、岐伯、雷公、扁鹊，各有成书，魏吴普见之，故其说药性主治，各家殊异，后人纂为一书，然犹有旁注，或朱墨字之别，本经之文以是不乱。旧说，本草之名，仅见《汉书》平帝纪及楼护传，予按艺文志有《神农黄帝食药》七卷，今本伪为食禁，贾公彦《周礼》医师疏，引其文，正作食药。宋人不考，遂疑本草非《七略》中书。贾公彦引中经簿，又有《子仪本草经》一卷，疑亦此也。梁七录有《神农本草》三卷，其卷数不同者，古今分合之异。神农之世，书契未作，说者以此疑经，如皇甫谧言，则知四卷成于黄帝。陶弘景云，轩辕以前，文字未传，药性所主，尝以识识相因，至于桐雷，乃著在于编简，此书当于素问同类，其言良是。且《艺文志》，农、兵、五行、杂占、经方、神仙诸家，俱有神农书，大抵述作有本，其传非妄，是以《博物志》云，太古书今见存，有神农经、春秋传注，贾逵以三坟为三皇之书，神农预其列。《史记》言：秦始皇不去医药卜筮之书，则此经幸与周易并存。颜之推家训乃云，《本草》神农所述，而有豫章、朱崖、赵国、常山、奉高、真定、临淄、冯翊等郡县名，出诸药物，皆由后人所贗，非本文。陶弘景亦云，所出郡县，乃后汉时制，疑仲景云化等所记，按薛综注张衡赋，引《本草经》，太一禹余粮，一名石脑，生山谷，是古本无郡县名：《太平御览》，引经上云，生山谷或川泽，下云生某山某郡，明生山谷，本经文也。其下郡县，名医所益，今大观本，俱作黑字，或合其文，云某山川谷，某郡川泽，恐传写之误，古本不若此，仲景元化后，有吴普李当之，皆修此经，当之书，世少行用。《魏志》华佗传，言普从陀学，隋《经籍志》称《吴普本草》，梁有六卷，《嘉祐本草》云：普修《神农本草》，成四百四十一种，唐《经籍志》，尚存六卷，今广内不复存，惟诸书多见引。据其说药性，寒温五味最为详悉，是普书宋时已佚，今其文惟见掌禹锡所引，《艺文类聚》、《初学记》、《后汉书注》、《事类赋诸书》、《太平御览》，引据尤多，足补大观所缺，重是别录前书，因采其文附于《本经》，亦略备矣。其普所称，有神农说者，即是本经，大观或误作黑字，亦据增其药物，或数浮于三百六十五种，由后人以意分合，难以定之。其药名，有禹余粮、王不留行、徐长卿、鬼督邮之属，不类太古时文，按字书以禹为虫，不必夏禹，其余名号，或系后人所增，或声音传述，改古旧称之致，又经有云：宜酒渍者，或以酒非神农时物，然《本草衍义》，已据《素问》，首言以妄为常，以酒为浆，谓酒自黄帝始，又按《文选注》引《博物志》，亦云杜康作酒，王著与杜康绝交书曰，康字仲宁，或云黄帝时人，则俱不得疑经矣。孔子云：述而不作，信而好古。又云：多误于鸟兽草木之名，今儒家拘泥耳目，未能及远，不睹医经本草之书，方家循守俗书，不察古本药性异同之说，又见明李时珍作《本草纲目》，其名已愚，仅取大观本，割裂旧文，妄加增驳，迷误后学。予与家凤卿集成是书，庶以辅翼完经，启蒙方伎，略以所知，加之考证，《本经》云：上药本上经，中药本中经，下药本下经，是古以玉石草木等，上中下

品，分卷，而序录别为一卷。陶序朱书云：《本草经》卷上，注云，序药性之源本，论病名之形论；卷中云，玉石草木三品；卷下云虫兽果菜米合三品。此名医所改，今依古为次，又《帝王世纪》及陶序称四卷者，掌禹锡云：按旧本亦作四卷。韩保升又云：神农本草上、中、下、并序录，合四卷，若此，则三四之异以有序录，则《抱朴子》养生要略，《太平御览》所引神农经，或云问于太乙子，或引太乙子云云，皆经所无。或亦在序录中，后人节去之耳。至其经文或以痒为养，创为疮，淡为痰，注为蛀，沙为砂，兔为菟之类，皆由传写之误，据古订正，勿嫌惊俗也，其辨析物类，引据诸书，本之《毛诗》，《尔雅》，《说文》，《方言》，《广雅》，诸子杂家，则凤卿增补之力俱多云。

阳湖孙星衍撰

周 序

著本草者，代有明哲矣，而求道者必推本于神农，以为神圣之至诚尽性，其兴物以全民者，义至精而用至大也。历三代之世以迄秦汉，守其书而传习之，盖无敢违其教者。自陶贞白杂入《名医别录》，朱墨分书，其书无传本矣。至宋以降，朱墨互淆，其书无真本矣。纷纭散乱，千有余岁，好古者乃欲一一收拾以复其旧，亦难矣哉。故灵胎徐氏有《本草百种录》，修园陈氏有《本草经读》，各于经旨有所发明。不愧述者，要止体厥功能，以便世用。而于三品之全物，卒阙焉而无闻，久之乃得顾氏辑本，复于同郡石埭徐氏借得孙氏辑本二书，皆以考核为能者也，而于其中不能无疑焉。孙氏之书，比于顾氏详且博矣。其所引据，于性味功用，一无所发。盖孙氏本非知医者，此无足怪。乃于名物形状，亦徒罗列富有，莫正是非。如水萍则藻蘋并列。柳华则桤杞同称。如此之类，未可殫举。然而备录前文。以待来哲之论定焉。犹曰贤者至虚至慎。阙所不知之义也。若夫橘柚用其实也，非用其木。青囊为巨胜苗，巨胜九谷长，其可实谷而苗草耶。二种出入，嫌入于妄作矣。尤异者，孙顾二书，同出大观，而三品互殊，几于十二。顾氏诋孙不考《本经》目录，故三品种数，显与名例相违。夫《本经》目录，载在《李氏纲目》第二卷，昭昭者也。孙氏之辑此书，不可谓不勤者矣，独于此忽焉而不一寓目耶？岂谓《本经》久无真本，安所得其目录？李氏所述不足据耶。然而名例相违又何也。夫数典者经生之空谈，而无与于医之实用者也。天下无无用之物，而患无用物之人。物无不乐效用于人，而入每至于负物。是书也，苟不求所以用之，即名物品数，尽如神农之旧，而何所济于世古圣垂教之深心，历代贤士表章之盛意，其在是耶。用药一用兵也，善用则攻即为补，不善用则补亦杀人。世人于兵皆知不可妄动，独于医药往往轻于尝试，抑独何哉？学海虑古籍之湮也，亟为刊布而叙其梗概如此，以见舍顾而从孙者，亦取征引之富贍耳。至于名象之是非，功用之变化，在善读者之自得之矣。

时光緒辛卯秋仲建德周学海澂之记

《神农本草经》目录

卷一

上经	15
丹沙	15
云母	16
玉泉	16
石钟乳	16
涅石	16
消石	17
朴消	17
滑石	17
石胆	17
空青	17
曾青	17
禹余粮	18
太乙余食	18
白石英	18
紫石英	18
青石、赤石、黄石、白石、黑石脂等	18
白青	18
扁青	18
菖蒲	19
鞠华	19
人参	19
天门冬	19
甘草	19
干地黄	20
术	20
菟丝子	20
牛膝	20
充蔚子	20
女萎	21
防葵	21
柴胡	21
麦门冬	21
独活	21
车前子	22
木香	22

薯蓣	22
薏苡仁	22
泽泻	22
远志	22
龙胆	23
细辛	23
石斛	23
巴戟天	23
白英	23
白蒿	23
赤箭	23
奄闾子	23
析蓂子	24
蓍实	24
赤芝	24
卷柏	24
蓝实	24
芍药	25
靡芜	25
黄连	25
络石	25
葵藜子	25
黄芪	25
肉松蓉	25
防风	26
蒲黄	26
香蒲	26
续断	26
漏芦	26
营实	26
天名精	26
决明子	27
丹参	27
茜根	27
飞廉	27
五味子	27
旋华	27

兰草	27
蛇床子	28
地肤子	28
景天	28
因陈	28
杜若	28
沙参	28
白兔藿	29
徐长卿	29
石龙刍	29
薇衔	29
云实	29
王不留行	29
升麻	29
青藜	29
姑活	30
别羈	30
屈草	30
淮木	30
牡桂	30
菌桂	30
松脂	30
槐实	30
枸杞	30
柏实	31
伏苓	31
榆皮	31
酸枣	31
藁木	31
干漆	31
五加皮	31
蔓荆实	32
辛夷	32
桑上寄生	32
杜仲	32
女贞实	32
木兰	32
蕤核	32
橘柚	33
发鬘	33
龙骨	33
麝香	33
牛黄	33

熊脂	33
白胶	33
阿胶	33
丹雄鸡	34
雁肪	34
石蜜	34
蜂子	34
蜜蜡	34
牡蛎	34
龟甲	35
桑螵蛸	35
海蛤	35
文蛤	35
蠹鱼	35
鲤鱼胆	35
藕实茎	35
大枣	36
葡萄	36
蓬蘽	36
鸡头实	36
胡麻	36
麻蕒	36
冬葵子	37
苋实	37
瓜蒂	37
瓜子	37
苦菜	37

卷二

中经	38
雄黄	38
石流黄	38
雌黄	39
水银	39
石膏	39
慈石	39
凝水石	39
阳起石	39
孔公孽	39
殷孽	39
铁精	39
理石	39
长石	39
肤青	40

干姜	40	王孙	16
梨耳实	40	蜀羊泉	16
葛根	40	爵床	16
括楼根	10	假苏	16
苦参	10	翅根	46
当归	40	桑根白皮	46
麻黄	41	竹叶	16
通草	11	吴茱萸	46
芍药	41	苞子	47
鼈宝	41	芫莢	47
狸友	41	枳实	47
元参	42	厚朴	47
秦艽	42	秦皮	47
百合	42	秦菽	47
知母	42	山茱萸	48
贝母	42	紫葳	18
白芷	42	猪苓	48
淫羊藿	42	白棘	48
黄芩	43	龙眼	48
狗脊	13	松罗	48
石龙芮	43	卫矛	18
茅根	43	合欢	49
紫苑	43	白芍药	49
紫草	43	鹿茸	49
败酱	13	牛角髓	49
白鲜	44	羚羊角	19
酸浆	44	牡狗阴茎	49
紫参	44	摩羊角	49
藁本	44	犀角	49
石韦	44	燕屎	49
草薢	44	天鼠屎	49
白薇	44	獾皮	50
水萍	14	露蜂房	50
王瓜	44	鳖甲	50
地榆	45	蟹	50
海藻	15	柞蟬	50
泽兰	45	蛭螬	50
防己	15	乌贼鱼骨	50
款冬花	45	白僵蚕	51
牡丹	45	鲛鱼甲	51
马先蒿	45	鸛鸡	51
积雪草	16	蛭螬	51
女苑	16	石龙子	51

木虻	51	青箱子	58
蜚虻	51	藿菌	58
蜚廉	51	白及	58
虻虫	52	太戟	59
伏翼	52	泽漆	59
梅实	52	芮芋	59
大豆黄卷	52	贯众	59
粟米	52	堇花	59
黍米	52	牙子	59
蓼实	53	羊躑躅	59
葱实	53	商陆	59
水苏	53	羊蹄	59
卷三		蔦蓄	60
下经	54	狼毒	60
石灰	54	白头翁	60
礞石	54	鬼臼	60
铅丹	55	羊桃	60
粉锡	55	女青	60
代赭	55	连翘	60
戎盐	55	兰茹	61
白垩	55	乌非	61
冬灰	55	鹿藿	61
青琅玕	55	蚤休	61
附子	55	石长生	61
乌头	55	陆英	61
天雄	56	苈草	61
半夏	56	牛扁	61
虎掌	56	夏枯草	61
鸢尾	56	茺华	61
大黄	56	巴豆	62
亭历	56	蜀椒	62
桔梗	57	皂荚	62
菝葜子	57	柳华	62
草蒿	57	楝实	62
旋复花	57	郁李仁	62
藜芦	57	莽草	63
钩吻	57	雷丸	63
射干	57	桐叶	63
蛇合	58	梓白皮	63
恒山	58	石南	63
蜀漆	58	黄环	63
甘遂	58	渡疏	63
白敛	58	鼠李	63

药实根	64	腐婢	67
栳华	64	苦瓠	67
蔓椒	64	水蘼	67
豚卵	64	彼子	67
麋脂	64	附吴氏本草十二条	69
鼯鼠	64	附诸药制使	69
六畜毛蹄甲	64	玉石上部	69
虾蟆	61	玉石中部	69
马刀	64	玉石下部	70
蛇蛻	65	草药上部	70
蚯蚓	65	草药中部	70
蠨蛸	65	草药下部	71
蜈蚣	65	木药上部	71
水蛭	65	木药中部	72
班苗	65	木药下部	72
贝子	65	兽上部	72
石蚕	66	兽中部	72
雀瓮	66	兽下部	72
蛻螂	66	虫鱼上部	72
螻蛄	66	虫鱼中部	72
马陆	66	虫鱼下部	72
地胆	66	果上部	72
鼠妇	66	果下部	72
萤火	67	菜上部	72
衣鱼	67	米上部	73
桃核仁	67	米中部	73
杏核仁	67		

神农本草经 卷一

经
清
清

吴 普等述
阳湖 孙星衍 孙冯翼 同编
建德 阮学海 校正
鄞县 曹炳章 圈点

上 经

上药一百二十种，为君，主养命以应天，无毒。多服、久服不伤人。欲轻身益气，不老延年者，本上经。

丹砂、云母、玉泉、石钟乳、涅石、消石、朴硝、滑石、石胆、空青、曾青、禹余粮、太乙余粮、白石英、紫石英、五色石脂、白青、扁青

上 玉石上品一十八种，旧同

菖蒲、鞠华、人参、天门冬、甘草、干地黄、术、菟丝子、牛膝、菟藟子、女萎、防葵、柴胡、麦门冬、独活、车前子、木香、薯蓣、薏苡仁、泽泻、远志、龙胆、细辛、石斛、巴戟天、白英、白蒿、赤箭、菟闾子、析蓂子、蓂实、赤、黑、青、白、黄、紫芝、卷柏、蓝实、芎藭、藜蘆、黄连、络石、蒺藜子、黄芪、肉苁蓉、防风、蒲黄、香蒲、续断、漏芦、营实、天名精、决明子、丹参、茜根、飞廉、五味子、旋华、兰草、蛇床子、地肤子、景天、茵陈、杜若、沙参、白兔藿、徐长卿、石龙刍、薇衔、云实、王不留行、升麻、青藜、姑活、别羈、屈草、淮木

上 草上品七十三种，旧七十二种

杜桂、菌桂、松脂、槐实、枸杞、柏实、茯苓、榆皮、酸枣、藁木、干漆、五加皮、蔓荆实、辛夷、桑上寄生、杜仲、女贞实、木兰、蕤核、橘柚

上 木上品二十种，旧一十九种

发皮

上 人一种，旧同

龙骨、麝香、牛黄、熊脂、白胶、阿胶

上 兽上品六种，旧同

丹雄鸡、雁肪

上 禽上品二种，旧同。

石蜜、蜂子、蜜蜡、牡蛎、龟甲、桑螵蛸、海蛤、文蛤、鱖鱼、鲤鱼胆

上 虫鱼上品一十种，旧同。

藕实茎、大枣、葡萄、蓬蘽、鸡头实

上 果上品五种，旧六种。

胡麻、麻黄

上 米谷上品二种，旧三种。

冬葵子、苋实、瓜蒂、瓜子、苦菜

上 菜上品五种，旧同。

丹沙 味甘、微寒。主身体五藏百病，养精神，安魂魄，益气，明目，杀精魅邪恶鬼。久服，通神明不老。能化为汞，生山谷。（《太平御览》引，多有生山谷三字，大观本，作生符陵山谷，俱作黑字，考生山谷是经文，后人加郡县耳，宜改为白字，而以郡县为黑字，下皆仿此）。

《吴普本草》曰：丹沙，神农甘、黄帝苦，有毒。扁鹊苦，李氏大寒，或生武陵，采无时，能化未成水银，畏磁石，恶咸水（《太平御览》）。

《名医》曰：作末，名真朱，光色如云母，可折者良，生符陵山谷，采无时。

案《说文》云：丹，巴越之赤石也，象

采丹井、象丹形，古文作日，亦作彤、沙、水散石也。灝，丹沙所化为水银也。《管子》地数篇云：山上有丹沙者，其下有钁金。《淮南子》地形训云：赤矢七百岁生赤丹，赤丹七百岁生赤灝。高诱云：赤丹、丹沙也。《山海经》云：丹粟，粟、沙，音之缓急也，沙，旧作砂非。汞，即灝省文。《列仙传》云：赤斧能作水灝，炼丹，与消石服之，按金石之药。古人云久服轻身延年者谓当避谷，绝人道，或服数十年乃效耳。今入和肉食服之，遂多相反，转以成疾，不可疑古书之虚证。

云母 味甘平。主身皮死肌，中风寒热，如在车船上，除邪气，安五脏，益于精，明目，久服轻身延年。一名云珠，一名云华，一名云英，一名云液，一名云沙，一名磷石，生山谷。

《名医》曰：生太山，齐卢山，及琅邪，北定山石间，二月采（此录《名医》说者，即是仲景元化，及普所说，但后人合之，无从别耳，亦以补普书不备也）。

案《列仙传》云：方回，炼食云母。《抱朴子》仙药篇云：云母有五种，五色并具，而多青者，名云英，宜以春服之。五色并具，而多赤者，名云珠，宜以夏服之。五色并具，而多白者，名云液，宜以秋服之。五色并具，而多黑者，名云母，宜以冬服之。但有青黄二色者，名云沙，宜以季夏服之。晶晶纯白名磷石，可以四时长服之也。李善文选注：引异物志：云母一名云精，人地万岁不朽，说文无磷字。《玉篇》云：磷薄也，云母之别名。

玉泉 味甘平。主五藏百病，柔筋强骨，安魂魄，长肌肉，益气，久服耐寒暑（《御览》引耐字多作能，古通），不饥渴，不老神仙。人临死服五斤，死三年色不变。一名玉札（《御览》引作玉液，《初学记》引云，玉桃，服之长生不死，《御览》又引云，玉桃，服之长生不死，若不得早服之，临死日服之，其尸毕天地不朽，则杜疑当作桃），生山谷。

吴普曰：玉泉，一名玉屑，神农岐柏雷公，甘；李氏，平。畏冬华，恶青竹（《御

览》），白玉杜如白头公（同上，事类赋引云，白玉体如白首翁）。

案《周礼》玉府：王斋，则供食玉。郑云：玉是阳精之纯者，食之以御水气。郑司农云：王斋，当食玉屑。《抱朴子》仙药篇云：玉可以乌米酒，及地榆酒，化之为水，亦可以葱浆，消之为枳，亦可饵以为丸，亦可烧以为粉，服之，一年以上，入水不沾，入火不灼，刃之不伤，百毒不犯也。不可用已成之器，伤人无益，当得璞玉，乃可用也，得于闾国白玉尤善，其次有南阳徐善亭界界中玉，及日南，卢容水中玉，亦佳。

石钟乳 味甘温。主咳逆上气，明日益精，安五藏，通百节，利九窍，下乳汁（《御览》引云，一名留公乳，大观本作一名公乳，黑字）。生山谷。

吴普曰：钟乳，一名虚中，神农辛，桐君黄帝医和甘，扁鹊甘无毒（《御览》引去李氏，大寒）。生山谷。（《御览》引云，太山山谷。阴处岸下，溜汁成（《御览》引作溜汁所成聚），如乳汁，黄白色，空中相通，二月三月采，阴干（凡《吴普本草》，掌禹锡所引者不复注，惟注其出《御览》诸书者）。

名医曰：一名公乳，一名芦石，一名夏石，生少室及太山，采无时。

案范子计然云：石钟乳出武都，黄白者善（凡引计然，多出《艺文类聚》，文选注，《御览》及《大观本草》）。《列仙传》云：叩疏，煮石髓而服之，谓之石钟乳，钟当为潼，说《云乳汁》也，钟假音字。

涅石（旧作矾石，据郭璞注，《山海经》引作涅石） 味酸寒。主寒热泄利，白沃阴蚀，恶创，目痛，坚筋骨齿。炼饵服之，轻身不老，增年。一名羽涅，生山谷。

吴普曰：矾石一名羽涅，一名羽泽，神农岐伯酸，扁鹊咸，雷公酸，无毒，生河西，或陇西，或武都，石门。采无时，岐伯，久服伤人骨（《御览》）。

《名医》曰：一名羽泽，生河西及陇西，

武都，石门，采无时。

案：《说文》无矾字，《玉篇》云：矾石也，涅，矾石也。《西山经》云：女床之山，其阴多涅石。郭璞云即矾石也。楚人名为涅石，秦名为羽涅也，《本草经》亦名曰涅石也，范子计然云：矾石出武都。《淮南子》俶真训云：以涅染缁。高诱云：涅，矾石也，旧，涅石作矾石，羽涅作羽涅非。

消石 味苦寒。主五藏积热，胃张闭，涤去蓄结饮食，推陈致新，除邪气。炼之如膏，久服轻身（《御览》引云一名芒硝，大观本作黑字）。生山谷。

吴普曰：消石，神农苦，扁鹊甘（丹出掌禹锡所引，亦见《御览》者，不著所出）。

《名医》曰：一名芒硝，生益州，及五都，陇西，西羌，采无时。

案范子计然云：硝石出陇道，据名医，一名芒硝，又别出芒消条，非；北山经云：京山，其阴处有元磳，疑磳，即硝异文。

朴消 味苦寒。主百病，除寒热邪气，逐六府积聚，结固，留癖，能化七十二种石。炼饵服之，轻身神仙。生山谷。

吴普曰：朴硝石，神农岐伯雷公无毒，生益州，或山阴，入土，千岁不变，炼之不成，不可服（《御览》）。

《名医》曰：一名消石朴，生益州，有盐水之阳，采无时。

案：《说文》云：朴，木皮也，此盖消石外裹如玉璞耳，旧作硝，俗字。

滑石 味甘寒。主身热泄瀉，女子乳难，癰闭。利小便，荡胃中积聚寒热，益精气。久服，轻身，耐饥，长年。生山谷。

《名医》曰：一名液石，一名共石，一名脱石，一名番石，生精阳，及太山之阴，或掖北，白山山，或卷山，采无时。

案范子计然云：滑石，白滑者善；南越志云：替城县出替石，即滑石也。

石胆 味酸寒。主明目，目痛，金创，诸痢瘕，女子阴蚀，痛，石淋，寒热，崩中下

血，诸邪毒气，令人有子。炼饵服之，不老，久服，增寿神仙。能化铁为铜，成金银（《御览》引作合成）。一名毕石，生山谷。

吴普曰：石胆神农酸，小寒；李氏，小寒；桐君辛有毒；扁鹊苦无毒（《御览》引云，一名黑石，一名铜勒，生羌道或名青山，二月瘐子辛丑采）。

《名医》曰：一名黑石，一名棋石，一名铜勒，生羌道，羌里，句青山，二月瘐子辛丑日采。

案范子计然云：石胆出陇西羌道；陶宏景云：《仙经》一名立制石，《周礼》疡医，凡疗疡以五毒攻之；郑云：今医方有五毒之药，作之合黄堇，置石胆丹沙，雄黄，矾石，慈石，其中，烧之三日三夜，其烟上著，以鸡羽扫取之，以注创，恶肉破骨则尽出，《图经》曰：故翰林学士杨亿尝笔记直史馆杨嶠，有疡生于颊，人语之，依郑法合烧，药成。注之疮中，遂愈。信古方攻病之速也。

空青 味甘寒。生眇盲，耳聋。明目，利九窍，通血脉，养精神。久服，轻身延年不老。能化铜铁铅锡作金。生山谷。

吴普曰：空青，神农甘，一经酸，久服，有神仙玉女来时，使人志高（《御览》）。

《名医》曰：生益州及越嶲山有铜处，铜精熏则生空青，其腹中空，三月中旬，采，亦无时。

案《西山经》云：皇人之山，其下多青；郭璞云：空青曾青之属；范子计然云：空青出巴郡；司马相如赋云丹青。张揖云：青，青肭也；颜师古云：青肭，今之丹青也。

曾青 味酸小寒。主目痛止泪，出风痹，利关节，通九窍，破癥坚积聚。久服轻身不老。能化金铜，生山谷。

《名医》曰：生蜀中及越嶲，采无时。

案：《管子》揆度篇云：秦明山之曾青；荀子云：南海则有曾青，杨倞注，曾青，铜之精；范子计然云：曾出宏农豫章，白青出新涂，青色者善；《淮南子》地形训云：青天八百岁生青曾；高诱云：曾青，青石也。

禹余粮 味甘寒。主咳逆寒热，烦满，下（《御览》有痢字）赤白，血闭，癥瘕，大热。炼饵服之，不饥，轻身延年。生池泽及山岛中。

《名医》曰：一名白余粮，生东海及池泽中。

案：范子计然云：禹余粮出河东；《列仙传》云：赤斧，上华山取禹余粮；《博物志》云：世传昔禹治水，弃其所余食子江中，而为药也。按：此出《神农经》，则禹非夏禹之禹，或本名白余粮，名医等移其名耳。

太乙余食 味甘平，主咳逆上气，症瘕，血闭，溺下，余邪气。久服耐寒暑，不饥，轻身，飞行千里，神仙（《御览》引作若神仙）。一名石脑，生山谷。

吴普曰：太一禹余粮，一名禹哀，神农岐伯雷公甘平，李氏小寒，扁鹊甘无毒，生太山上，有甲，甲中有白，白中有黄，如鸡子黄色，九月采，或无时。

《名医》曰：生太白，九月采。

案：《抱朴子》金丹篇云：灵丹经，用丹沙，雄黄，雌黄，石硫黄，曾青，矾石，磁石，戎盐，太一禹余粮，亦用六一泥，及神室祭醮，合之，三十六日成。

白石英 味甘，微温。主消渴，阴痿，不足，咳逆（《御览》引作呕），胸膈间久寒，益气，除风湿痹（《御览》引作阴淫痹）。久服，轻身（《御览》引作身轻健），长年。生山谷。

吴普曰：白石英，神农甘，岐伯黄帝雷公扁鹊无毒，生太山，形如紫石英，白泽，长者二三寸，采无时（《御览》引云：久服，通日月光）。

《名医》曰：生华阴及太山。

案：司马相如赋，有白附，苏林云白附，白石英也，司马山云，出鲁阳山。

紫石英 味甘温。主心腹咳逆（《御览》引作呕逆），邪气，补不足，女子风寒在子宫，绝孕，十年无子。久服，温中，轻身延年。生山谷。

吴普曰：紫石英，神农扁鹊味甘平，李

氏大寒，雷公大温，岐伯甘无毒，生太山，或会稽，采无时，欲令如削，紫色达头如椅蒲者。

又曰青石英，形如白石英，青端赤后者是，赤石英形如白石英，赤端白后者是，赤泽有光，味苦，补心气；黄石英形如白石英，黄色如金，赤端者是；黑石英，形如白石英，黑泽有光（《御览》李禹锡引此节文）。

《名医》曰：生太山，采无时。

青石、赤石、黄石、白石、黑石脂等

味甘平。主黄疸，泄利，肠癖，脓血，阴蚀，下血，赤白，邪气，痈肿，疽痔，恶创，头疡，疥搔。久服，补髓益气，肥健，不饥，轻血延年。五石脂，各随五色补五脏，生山谷中。

吴普曰：五色石脂，一名青、赤、黄、白、黑等。青符神农甘，雷公酸无毒，桐君辛无毒，李氏小寒，生南山，或海涯，采无时。赤符，神农雷公甘，黄帝扁鹊无毒，李氏小寒，或生少室，或生太山，色绛，滑如脂。黄符，李氏小寒，雷公苦，或生嵩山，色如猪脑，雁雏，采无时。白符，一名随髓，岐伯雷公酸无毒，李氏小寒，桐君甘无毒，扁鹊辛，或生少室天姥山，或太山。黑符，一名石泥，桐君甘无毒，生洛西山空地。

《名医》曰：生南山之阳，一本作南阳，又云黑石脂，一名石涅，一名石墨。

案：吴普引神农甘云云：五石脂各有条，后世合为一条也；范子计然云：赤石脂出河东，色赤者善，死仙传云：赤须子好食石脂。

白青 味甘平。主明目，利九窍，耳聋，心下邪气，令人吐，杀诸毒，三虫。久服通神明，轻身，延年不老。生山谷。

吴普曰：神农甘平，雷公酸无毒，生豫章，可消而为铜（《御览》）。

《名医》曰：生豫章，采无时。

案：范子计然云：白青，出巴郡。

扁青 味甘平。主目痛，明日，折跌，痈肿，金创不疗，破积聚，解毒气（《御览》引作

辟毒)，利精神。久服，轻身不老。生山谷。

吴普曰：扁青，神农雷公小寒无毒，生蜀郡，治丈夫内绝，令人有子（《御览》引云：治痢脾风痹，久服轻身）。

《名医》曰：生朱崖武都朱提，采无时。

案范子计然云：扁青山宏农豫章。

上，玉、石，上品一十八种，旧同。

菖蒲 味辛温。主风寒湿痹，咳逆上气，开心孔，补五脏，通九窍，明耳目，出声音。久服轻身，不忘不迷或延年。一名昌阳（《御览》引云：生石上，一寸九节者，久服轻身云云，太观本，无生石上三字，有云一寸九节者良，作黑字），生池泽。

吴普曰：菖蒲一名尧韭（《艺文类聚》引云，一名昌阳）。

《名医》曰：生上洛，及蜀郡严道，五月十二日采根，阴干。

案《说文》云：菖，菖蒲也，益州生。《广雅》云：邛昌阳，菖蒲也。《周礼》云：菖本。郑云菖本，菖蒲根，切之四寸为菹。《春秋左传》云：食以菖歠；杜预云：菖歠，菖蒲菹；《吕氏春秋》云：冬至后五旬七日，菖始生，菖者百草之先，于是始耕；《淮南子》说山训云：菖羊去蚤虱而来蛉穷；高诱云：菖羊，菖蒲；《列仙传》云：商邱子胥食菖蒲根，务光服蒲韭根，《离骚》草木疏云，沈存中云：所谓兰荪，即今菖蒲是也。

鞠华 味苦平。主风，头眩肿痛，目欲脱，泪出，皮肤死肌，恶风湿痹。久服，利血气，轻身，耐老延年。一名节华，生川泽及田野。

吴普曰：鞠华一名白华（《初学记》），一名女华，一名女茎。

《名医》曰：一名日精，一名女节，一名女华，一名女茎，一名更生，一名周盈，一名傅延年，一名阴成，生雍州。正月采根，三月采叶，五月采茎，九月采花，十一月采实，皆阴干。

案《说文》云：鞠治墙也，鞠日精也，似秋华，或省作菊，《尔雅》云：鞠治墙；郭璞

云：今之秋华菊，则蕬、蕬、蕬，皆秋华，惟今作菊，《说文》以为大菊蕬麦，假音用之也。

人参 味甘微寒。主补五脏，安精神，定魂魄，止惊悸，除邪气，明目，开心益智。久服，轻身延年。一名人衔，一名鬼盖。生山谷。

吴普曰：人参一名土精，一名神草，一名黄参，一名血参，一名人微，一名玉精，神农甘小寒，桐君雷公苦，岐伯黄帝甘无毒，扁鹊有毒，生郎郎，三月生叶，小兑，核黑，茎有毛，三月九月采根，根有头足手面目如人（《御览》）。

《名医》曰：一名神草，一名人微，一名上精，一名血参，如人形者有神，生上党及辽东，二月四月八月上旬采根，竹刀刮，暴干，无令见风。

案《说文》云：参，人参，药草，出上党；《广雅》云：地精，人参也；范子计然云：人参出上党，状类人者善。刘敬叔异苑云：人参一名土精，生上党者佳，人形皆具，能作儿啼。

天门冬 味苦平。主诸暴风湿偏痹，强骨髓，杀三虫，去伏尸。久服轻身，益气延年。一名颠勒（《尔雅》注引云，门冬一名满冬，今无文），生山谷。

《名医》曰：生奉高山，二月七月八月采根，暴干。

案《说文》云：墙，墙藟，满冬也；《中山经》云：条谷之山，其草多宜冬；《尔雅》云：墙藟，满冬；《列仙传》云：赤须子食天门冬；《抱朴子》仙药篇云：天门冬，或名地门冬，或名筵门冬，或名颠棘，或名淫羊食，或名管松。

甘草 味甘平。主五脏六腑寒热邪气，坚筋骨，长肌肉，倍力，金创，解暑，解毒。久服轻身延年（《御览》引云一名美草，一名密甘，太观本，作黑字），生川谷。

《名医》曰：一名密甘，一名美草，一名蜜草，一名落草，生河西积沙山，及上郡，二

月八日除日，采根暴干，十日成。

案《说文》云：甘，甘草也，𦰩，大苦也，苦，大甘苓也；《广雅》云：美草，甘草也。《毛诗》云：隰有苓。《传》云：苓，大苦；《尔雅》云：𦰩，大苦；郭璞云：今甘草，蔓延生，叶似荷，青黄，茎赤黄，有节，节有枝相当，或云𦰩似地黄，此作甘，省字，苓通。

干地黄 味甘寒。主折跌绝筋，伤中，逐血痹，填骨髓，长肌肉，作汤，除寒热积聚，除痹，生者尤良。久服，轻身不老。一名地髓，生川泽。

《名医》曰：一名芑，一名芒，生咸阳，黄土地者佳，二月八日采根阴干。

案《说文》云：芑，地黄也，《礼》曰：鉶毛牛薺，羊芑，豕薺；《广雅》云：地髓，地黄也；《尔雅》云：芑，地黄；郭璞云：一名地髓，江东呼芑；《列仙传》云：吕尚服地髓。

术 味苦温。主风寒湿痹死肌，痉疸，止汗，除热，消食，作煎饵。久服，轻身延年，不饥。一名山蓊（《艺文类聚》引作山筋），生山谷。

吴普曰：术，一名山连，一名山芥，一名天苏，一名山姜（《艺文类聚》）。

《名医》曰：一名山姜，一名山连，生郑山，汉中，南郑，二月三月八月九月，采根暴干。

案《说文》云：术，山蓊也；《广雅》云：山姜，术也，白术，牡丹也；《中山经》云：首山草多术；郭璞云：术，山蓊也；《尔雅》云：术，山蓊；郭璞云：今术似蓊，而生山中；范子计然云：术出三辅，黄白色者善；《列仙传》云：涓子好饵术；《抱朴子》仙药篇云：术一名山蓊，一名山精，故神药经曰：必欲长生，长服山精。

菟丝子 味辛平。主续绝伤，补不足，益气力，肥健，汁去面皯。久服明目。轻身延年。一名菟芦，生川泽。

吴普曰：菟丝，一名玉女，一名松萝，一名鸟萝，一名鸭萝，一名复实，一名赤网，生

山谷（《御览》）。

《名医》曰：一名菟缕，一名唐蒙，一名玉女，一名赤网，一名菟累，生朝鲜田野，蔓延草木之上，色黄而细为赤网，色浅而大为菟累，九月，采实暴干。

案《说文》云：蒙，玉女也；《广雅》云：菟邱，菟丝也，女萝，松萝也；《尔雅》云：唐蒙，女萝，菟丝，又云蒙，玉女；《毛诗》云：爰采唐矣，《传》云唐蒙，菜名，又莨与女萝。《传》云：女萝，菟丝松萝也；陆玑云：今菟丝蔓连草上生，黄赤如金，今合药，菟丝子是也，非松萝，松萝自蔓松上，枝正青，与菟丝异；楚词云：被薜荔兮带女萝；王逸云：女萝，菟丝也；《淮南子》云：千秋之松，下有茯苓，上有菟丝，高诱注云：茯苓，千岁松脂也，菟丝生其上，而无根，旧作菟，非。

牛膝 味苦酸（《御览》作辛）。主寒（《御览》作伤寒），湿痿痹，四肢拘挛，膝痛不可屈伸，逐血气伤，热，火烂，堕胎。久服轻身耐老（《御览》作能老）。一名百倍，生川谷。

吴普曰：牛膝，神农甘，一经酸，黄帝扁鹊甘，李氏温。雷公酸无毒，生河内，或临邛，叶如夏蓝，茎，本赤，二月八月采（《御览》）。

《名医》曰：生河内及临邛，二月八月十月，采根，阴干。

案《广雅》云：牛茎牛膝也；陶宏景云：其茎有节似膝，故以为名也，膝当为膝。

充蔚子 味辛微温。主明目益精，除水气。久服轻身，茎主瘾疹痒，可作浴汤。一名益母，一名益明，一名大札。生池泽。

《名医》曰：一名贞蔚，生海滨，五月采。

案《说文》云：菴菴也，《广雅》云：益母，充蔚也，《尔雅》云：菴；菴；郭璞云：今菴蔚也；《毛诗》云：中谷有菴。传云：菴，雥也；陆玑云：旧说及魏博士济阴周元明，皆云菴间，是也，韩诗及三苍说，悉云益母，故曾子见益母而感；刘歆曰菴，臭秽，臭秽即菴蔚也，旧作菴，非。

历代中医资料大全分享

你好，我是**逢原**，你现在看到的这本资料是我从网上收集整理的。

本人自学中医多年，耗时多年搜集珍藏了众多的中医资料，包括了目前已经出版的大多数中医书籍，以及丰富的视频教程，而这些中医资料，是博览群书，勤求古训之必备。

只需要在下面输入你的邮箱并确认就可以直接下载中医资料：

http://list.qq.com/cgi-bin/qf_invite?id=03157beabc6d50e0b64029a2715966596d94dcac7ed0cfd7

如果有你也喜欢中医，需要一些学习中医的资料；或者是学习中医的路上碰到了什么问题需要交流；或者碰到一些疾病的困扰，需要求助，可以通过以下方式联系我：

一、发邮件：fyzy999@qq.com

二、加我 QQ/微信：**2049346637**

三、关注微信公众平台——逢原中医，经常有中医文章更新。

四、关注我的空间：<http://user.qzone.qq.com/2049346637>

免责声明：所有资源均是网上搜集，本人收集整理这些中医资料，仅仅为了方便中医同道中人私下交流学习之用，不为营利，将不对任何资源负法律责任。所有资源请在下载后 24 小时内删除，任何涉及商业营利目的均不得使用，否则产生的一切后果将由您自己承担！如果您觉得满意，请购买正版资源。



私人微信号：2049346637



公众平台：逢原中医

女萎 味甘平。主中风暴热，不能动摇，跌筋结肉，诸不足。久服，去面黑玢，好颜色，润泽，轻身不老。生山谷。

吴普曰：女萎一名藏蕤，一名玉马，一名地节，一名虫蟬，一名乌萎，一名莢，一名玉竹，神农苦，一經甘，桐君雷公扁鵲甘无毒，黄帝辛，生太山山谷，叶青黄相值如姜，二月七月采，治中风暴热，久服轻身（《御覽》），一名左时，久服轻身耐老（同上）。

《名医》曰：一名莢，一名地节，一名玉竹，一名马熏，生太山及邱陵，立春后采，阴干。

案《尔雅》云：莢委萎；郭璞云：药草也，叶似竹，大者如箭，竿，有节，叶狭而长，表白裹青，根大如指，长一二尺，可啖；陶宏景云：按《本经》有女萎，无萎蕤，别录有萎蕤，而为用正同，疑女萎即萎蕤也，惟名异耳；陈藏器云：《魏志》樊阿传，青粘，一名黄芝，一名地节，此即萎蕤。

防葵 味辛寒。主疝瘕，肠泄，膀胱热结，溺不下，咳逆，温疟，癰，痢，惊邪，狂走。久服，坚骨髓，益气轻身。一名梨盖。生川谷。

吴普曰：房葵一名梨盖，一名爵离，一名房苑，一名晨草，一名利如，一名方盖，神农辛，小寒，桐君扁鵲无毒，岐伯雷公黄帝苦，无毒，茎叶如葵，上黑黄，二月生根，根大如桔梗，根中红白，六月花白，七月八月实白，三月三日采根（《御覽》）。

《名医》曰：一名房慈，一名爵离，一名农果，一名利茹，一名方盖，生临淄，及嵩高太山少室，三月三日，采根暴干。

案《博物志》云：防葵与狼毒相似。

柴胡 味苦平。主心腹，去肠胃中结气，饮食积聚，寒热邪气，推陈致新。久服，轻身明目益精。一名地熏。

吴普曰：茈胡，一名山菜，一名茹草，神农岐伯雷公苦无毒，生冤句，二月八月采根（《御覽》）。

《名医》曰：一名山菜，一名茹草，叶一名芸蒿，辛香可食，生宏农及冤句，二月八月采根暴干。

案《博物志》云：芸蒿叶似邪蒿，春秋有白蒿，长四五寸，香美可食，长安及河内并有之；夏小正云：正月采芸，月令云仲春芸始生；吕氏春秋云：菜之美者，华阳之芸，皆即此也，急就篇有云：颜师古注云：即今芸蒿也，然则是此茈胡叶矣，茈柴前声相转，名医别录，前胡条，非；陶宏景云：本经上品，有此胡而无此，晚来医乃用之。

麦门冬 味甘平。主心腹，结气伤中伤饱，胃络脉绝，羸瘦短气。久服轻身，不老不饥。生川谷及堤阪。

吴普曰：一名马韭，一名蚌冬，一名忍冬，一名忍陵，一名不死药，一名仆垒，一名随脂（《太平御覽》引云：一名羊韭，秦，一名马韭，一名禹韭，韭，越一名羊芥，一名麦韭，一名禹韭，一名蚌韭，一名禹余粮），神农岐伯甘平，黄帝桐君雷公甘无毒，李氏甘小温，扁鵲无毒，生山谷肥地，叶如韭，肥泽丛生，采无时，实青黄。

《名医》曰：秦名羊韭，齐名麦韭，楚名马韭，越名羊薺，一名禹葭，一名禹余粮，叶如韭，冬夏长生，生函谷肥土，石间久废处，二月三月八月十月采，阴干。

案《说文》云：葱，葱冬草；中山经云：青要之山，是多仆累，据吴普说，即麦门冬也，忍，葱，垒，累，音同，陶宏景云：实如青珠，根似矿麦，故谓麦门冬。

独活 味苦平。主风寒所击，金疮止痛，胫豚，痢瘕，女子疝瘕。久服，轻身耐老。一名羌活，一名羌青，一名扩羌使者。生川谷。

吴普曰：独活一名胡王使者，神农黄帝苦无毒，八月采，此药有风花不动，无风独摇（《御覽》）。

《名医》曰：一名胡王使者，一名独摇者，此草得风不摇，无风自动，生雍州，或陇西南安，二月八月采根暴干。

案《列仙传》云：山图服羌活独活，则

似二名，护羌胡王皆羌字缓声，犹专诸为专设诸，庚公差为痾公之斯，非有义也。

车前子 味甘寒无毒。主气癰，止痛，利水道小便，除湿痹。久服轻身耐老。一名当道（《御览》有云一名牛舌，大观本作牛遗，黑字）。生平泽。

《名医》曰：一名茺苢，一名虾蟆衣，一名牛遗，一名胜鬲，生真定邱陵阪道中，五月五日采，阴干。

案《说文》云：茺一曰茺苢，一名马舄，其实如李，令人宜子，周书所说，《广雅》云：当道马舄也；《尔雅》云：茺苢马，舄，马舄车前；郭璞云：今车前草，大叶长穗，好生道边，江东呼为虾蟆衣，又茺，牛蒡；孙炎云：车前一名牛边，《毛诗》云采采茺苢，《传》云茺苢，马舄，马舄，车前也；陆玑云：马舄一名车前，一名当道，喜在牛迹中生，故曰车前当道也，今药中车前子，是也，幽州人谓之牛舌草。

木香 味辛。主邪气，辟毒疫温鬼，强志，主淋露（《御览》引云：主气不足，大观本，作黑字）。久服，不梦寤魔寐（《御览》引云：一名密青，一名轻身，致神仙，大观本，俱作黑字）。生山谷。

《名医》曰：一名蜜香，生永昌。

薯蓣（旧作薯蓣，《御览》作薯蓣是），味甘温。主伤中，补虚羸，除寒热邪气，补中益气力，长肌肉。长肌肉。久服耳目聪明，轻身不饥，延年。一名山芋，生山谷。

吴普曰：薯蓣，一名诸薯（《御览》作薯蓣，作诸薯，《艺文类聚》亦作薯），齐越名山芋，一名修脆，一名儿草（《御览》引云：秦楚名玉延，齐越名山芋，郑越名山芋，一名玉延）神农甘小温，桐君雷公甘（御引作苦），无毒，或生临朐钟山，始生，赤茎细蔓，五月华白，七月实青黄，八月熟落，根中白，皮黄，类芋（《御览》引云，二月八月采根，恶甘遂）。

《名医》曰：秦楚名玉延，郑越名土诸，生嵩高，二月八月采根，暴干。

案《广雅》云：玉延，薯蓣，薯蓣也。北

山经云：景山草多薯蓣；郭璞云：根似羊蹄可食，今江南单呼为薯，语有轻重耳；范子计然云：薯蓣本出三辅，白色者善；《本草衍义》云：山药上一字犯宋英庙讳，下一字曰蕒，唐代宗名豫，故改下一字为药。

薏苡仁 味甘微寒。主筋急，拘挛不可屈伸，风湿痹，下气。久服轻身益气。其根下三虫，一名解蠹。生平泽及田野。

《名医》曰：一名屋蓼，一名起实，一名薏，生真定，八月采实，采根无时。

案《说文》云：薏，薏苡，一曰薏苡，薏，一曰薏苡；《广雅》云：薏，起实，薏目也，吴越春秋，鲧娶于有莘氏之女，名曰女嬃，年壮未嫁，嬃于砥山，得薏苡面而吞之，意若为人所惑，因而妊孕，后汉书马援传，援在交趾。常饵薏苡实，用能轻身省欲以胜瘴，薏，俗作薏，非。

泽泻 味甘寒。主风寒湿痹，乳难消水，养五脏，益气力，肥健。久服耳目聪明、不饥，延轻身，面生光，能行水上。一名水泻，一名芒芋，一名鹄泻。生池泽。

《名医》曰：生汝南，五六八月采根，阴干。

案《说文》云：蒺水写也；《尔雅》云：蒺苢；郭璞云：今泽泻，又蒺，牛肤；郭璞云：《毛诗传》云：水苢也，如续断，寸寸有节，拔之可复毛诗云，言采其蒺，传云：蒺，水写也；陆玑云：今泽泻也，其叶如车前草大，其味亦相似，徐州广陵人食之。

远志 味苦温。主咳逆，伤中，补不足，除邪气，利九窍，益智慧，耳目聪明，不忘，强志倍力。久服，轻身不老。叶名小草，一名棘菀（陆德明《尔雅音义》引作菀），一名蓂绕（《御览》作要绕），一名细草。生山谷。

《名医》曰：生太山及冤句，四月采根叶，阴干。

案《说文》云：菀，棘菀也；《广雅》云：棘菀，远志也，其上谓之小草；《尔雅》云：蓂绕，棘菀；郭璞云：今远志也，似麻黄，赤

华，叶锐而黄。

龙胆 味苦涩。主骨间寒热，惊痫，邪气续绝伤，定五脏，杀蛊毒。久服，益智，不忘，轻身，耐老。一名陵游，生山谷。

《名医》曰：生齐胸及冤句，二月八月十一月十二月，采根，阴干。

细辛 味辛温。主咳逆，头痛，脑动，百节拘挛，风湿。痹痛，死肌。久服明目，利九窍，轻身长年。一名小辛，生山谷。

吴普曰：细辛一名细草（《御览》引云：一名小辛），神农黄帝雷公桐君辛小温，岐伯无毒，李氏小寒，如葵叶，色赤黑，一根一叶相连（《御览》引云：三月八月采根）。

《名医》曰：生华阴，二月八月采根，阴干。

案《广雅》云：细条，少辛，细辛也；中山经云：浮戏之山，上多少辛；郭璞云：细辛也；管子地员篇云：小辛大蒙；范子计然云：细辛出华阴，色白者善。

石斛 味甘平。主伤中，除痹，下气，补五脏虚劳，羸瘦，强阴。久服厚肠胃，轻身延年。一名林兰（《御览》引云，一名禁生，观本，作黑字），生山谷。

吴普曰：石斛，神农甘平，扁鹊酸，李氏寒（《御览》）。

《名医》曰：一名禁生，一名杜兰，一名石蓬，生六安水傍石上，七月八月，采茎，阴干。

案范子计然云：石斛，出六安。

巴戟天 味辛微温。主大风邪气，阴痿不起，强筋骨，安五脏，补中，增志，益气。生山谷。

《名医》曰：生巴郡及下邳，二月八月，采根，阴干。

白英 味甘寒。主寒热，八疸，消渴，补中益气。久服，轻身延年。一名谷菜（元本误作黑字），生山谷。

《名医》曰：一名白草，生益州，春采叶，夏采茎，秋采花，冬采根。

案《尔雅》云：苻，鬼目；郭璞云：今江东有鬼目草茎似葛，叶圆而毛，子如耳珰也，赤色丛生，唐本注：白英云：此鬼目草也。

白蒿 味甘平。主五脏邪气，风寒湿痹，补中益气，长毛发，令黑，疗心悬，少食，常饥，轻身，耳目聪明，不老。生川泽。

《名医》曰：生中山，二月采。

案《说文》云：繁，白蒿也，艾，冰台也；《广雅》云：繁，母，蒴藋也；《尔雅》云：艾，冰台；郭璞云：今艾，白蒿；夏小正云：二月采繁；传云：繁，由胡，由胡者，繁母也，繁母者，蒴藋也；《尔雅》云：繁，皤蒿；郭璞云：白蒿，又繁，由胡；郭璞云：未祥；《毛诗》云：于以采繁，传云：繁，皤蒿也，又采繁祁祁；传云：繁，白蒿也；陆玕云：凡艾，白色者为皤蒿；《楚词》王逸注云：艾，白蒿也，按皤白，音义皆相近，艾，是药名，本草经无者，即白蒿是也，名医别出艾条，非。

赤箭 味辛温。主杀鬼，精物蛊毒恶气。久服益气力，长阴，肥健，轻身，增年。一名离母，一名鬼督邮。生川谷。

吴普曰：换督邮，一名神草，一名阎狗，或生太山，或少室，茎箭赤无叶，根如芋子，三月四月八月，采根，日干，治痈肿（《御览》）。

《名医》曰：生陈仓雍州，及太山少室，三月四月八月采根，暴干。

案《抱朴子》云：按仙方中，有合离草，一名独摇，一名离母，所以谓之合离。离母者，此草为物，下根如芋魁，有游子十二枚，周环之，去大魁数尺，虽相须，而实不相连，但以气相属耳，别说云，今医家见用天麻，即是此赤箭根。

菴闾子（旧作庵闾，《御览》作菴闾，是），味苦微寒。主五脏瘀血，腹中水气，肺张留热，风寒湿痹，身体诸痛。久服，轻身延年不老。生川谷。

吴普曰：菴闾，神农雷公桐君岐伯苦小

温无毒，李氏温，或生上党，叶青厚两相当，七月花白，九月实黑，七月九月十月采，驴马食仙去（《御览》）。

《名医》曰：距骹食之神仙，生雍州，变生上党，及道边，十月采根，阴干。

案司马相如赋，有菟园，张揖云菟园，蒿也，子可治疾。

析蓂子 味辛微温。主明目，目痛泪出，除痹，补五脏，益精光。久服，轻身不老。一名蔑析，一名大戢，一名马辛。生川泽及道旁。

吴普曰：析蓂一名析目，一名荣冥，一名马骅，雷公神农扁鹊辛，李氏小温，四月采干，二十日生道旁，得细辛良，畏干姜，苦参芥实，神农无毒，生野田，五月五日采阴干，治腹胀（《御览》）。

《名医》曰：一名大芥，生咸阳，四月五月采，暴干。

案《说文》云：蓂，析蓂，大芥也；《广雅》云：析蓂，马辛也；《尔雅》云：析蓂大芥；郭璞云：芥叶细，俗呼之曰老芥，旧作疥，非。

蓍实 味苦平。主益气，充肌肤，明目，聪慧先知。久服，不饥不老，轻身。生川谷。

吴普曰：蓍实味苦酸平无毒，主益气，充肌肤，明目聪慧，先知，久服，不饥不老，轻身，生少室山谷，八月九月采实暴干（《御览》）。

《名医》曰：生少室，八月九月采实，日干。

案《说文》云：蓍，蒿属，生千岁，三百茎；《史记》龟策传云：蓍，百茎共一根。

赤芝 味苦平。主胸中结，益心气，补中，增慧智，不忘。久食，轻身不老，延年神仙。一名丹芝。黑芝，味咸平。主痿，利水道，益肾气，通九窍，聪察。久食，轻身不老，延年神仙。一名元芝。青芝，味酸平。主明目，补肝气，安精魂，仁恕。久食，轻身不老延年神仙。一名龙芝。白芝，味辛平。

主咳逆上气，益肺气，通利口鼻，强志意，勇悍，安魄。久食，轻身不老延年神仙。一名玉芝。黄芝，味甘平。主心腹五邪，益脾气，安神，忠信和乐。久食，轻身不老延年神仙。

一名金芝。紫芝，味甘温。主耳聋，利关节，保神，益精气，坚筋骨，好颜色。久服，轻身不老延年。一名木芝。生山谷（旧作六种，今并）。

吴普曰：紫芝一名木芝。

《名医》曰：赤芝生霍山，黑芝生恒山，青芝生太山，白芝生华山，黄芝生嵩山，紫芝生高夏地上，色紫，形如桑（《御览》），六芝皆无毒，六月八月采。

案《说文》云：芝，神草也；《尔雅》云：茵芝；郭璞云：芝一岁三华，瑞草；《礼记》则云：芝栢；卢植注云：芝，木芝也；楚词云：采三秀于山间；王逸云：三秀谓芝草；《后汉书》华陀传有漆叶青面散；注引陀传曰：青面者，一名地节，一名黄芝，主理五脏，益精气，本字书无面字，相传音女廉反；列仙传云：吕尚服泽芝，《抱朴子》仙药篇云：赤者如珊瑚，白者如截肪，黑者如泽漆，青者如翠羽，黄者如紫金，而皆光明洞彻如坚冰也。

卷柏 味辛温。生山谷。主五脏邪气，女子阴中寒热。痛，癥瘕，血闭，绝子。久服轻身，和颜色。一名万岁。生山谷石间。

吴普曰：卷柏，神农辛，桐君雷公甘（《御览》引云：一名豹足，一名求股，一名万岁，一名神枝，时，生山谷）。

《名医》曰：一名豹足，一名求股，一名交时，生常山，五月七月采，阴干。

案范子计然云：卷柏，出三辅。

蓝实 味苦寒。主解诸毒，杀蛊蚊，注鬼，螫毒。久服，头不白，轻身。生平泽。

《名医》曰：其茎叶可以染青，生河内。

案《说文》云：葳马蓝也，蓝，染青草也；《尔雅》云：葳，马蓝；郭璞云：今大叶冬蓝也，《周礼》掌染草；郑注云：染草，蓝

茜，象头之属，夏小正五月启灌蒨；《毛诗》云：终朝采蒨。《笺》云：蒨，染草也。

芎藭 味辛温。主中风入脑，头痛，寒痹，筋挛，缓急，金创，妇人血闭，无子。生川谷。

吴普曰：芎藭（《御览》引云一名香果），神农黄帝岐伯雷公辛无毒，扁鹊酸无毒，李氏生温熟寒，或生胡无桃山阴，或太山《御览》作或斜谷西岭，或太山，叶香细青黑，文赤如藁本，冬夏丛生，五月华赤，七月实黑，茎端两叶，三月采，根有节，似马衔状。

《名医》曰：一名胡芎，一名香果，其叶名藁本，生武功斜谷西岭，三月四月，采根暴干。

案《说文》云：芎，芎藭，香草也，芎，司马相如说或从弓；《春秋左传》云：有山鞠穷乎；杜预云：鞠穷所以御湿；《西山经》云：号山，其草多芎藭；郭璞云：芎藭一名江离；范子计然云：芎藭生始无，枯者善（有脱字）；司马相如赋：有芎藭；司马贞引司马彪云：芎藭似藁本；郭璞云：今历阳呼为江离。

藁本 味辛温。主咳逆，定惊气，辟邪恶，除蛊毒鬼注，去三虫，久服通神。一名薇芜。生川泽。

吴普曰：藁本，一名芎藭（《御览》）。

《名医》曰：一名茈藭，芎藭苗也，生雍州及冤句，四月五月，采叶暴干。

案《说文》云：藁，藁本也，藭，茈藭，藁本；《尔雅》云：靳菑藁本；郭璞云：香草，叶小如委状；《淮南子》云：似蛇床；《山海经》云：臭如藁本，司马相如赋，有江离藁本；司马贞引樊光云：藁本，一名藁本，根名勒芷。

黄连 味苦寒。主热气，目痛，眦伤，泣出，明目（《御览》引云，无茎伤，人观本无），肠癖，腹痛，下利，妇人阴中肿痛。久服，令人不忘。一名王连。生川谷。

吴普曰：黄连，神农岐伯黄帝雷公苦无毒，李氏小寒，或生蜀郡，太山之阳（《御

览》）。

《名医》曰：生巫阳及蜀郡，太山，二月八月采。

案《广雅》云：王连，黄连也。范子计然云：黄连山蜀郡，黄肥坚者善。

络石 味苦温。主风热，死肌，痈伤，口干舌焦，痈肿不消，喉舌肿，水浆不干。久服，轻身明目，润泽，好颜色，不老延年。一名石鲛。生川谷。

吴普曰：落石，一名鳞石，一名明石，一名县石，一名云华，一名云珠，一名云英，一名云丹，神农苦小温，雷公苦无毒，扁鹊桐君甘无毒，李氏小寒，云药中君，采无时（《御览》）。

《名医》曰：一名石磈，一名略石，一名明石，一名领石，一名县石，生太山或石山之阴，或高山岩石上，或生人间，正月采。

案《西山经》云：上申之山多磈石，疑即此；郭璞云：磈，磊砢大石儿，非也；《唐本注》云：俗名耐冬，山南人谓之石血，以其包络石木而生，故名络石，《别录》谓之石龙藤，以石上生者良。

蒺藜子 味苦温。主恶血，破瘀结积聚，喉痹，乳难。久服，长肌肉，明目轻身。一名旁通，一名屈人，一名止行，一名豺羽，一名升推（《御览》引云：一名君水香，大观本无文）。生平泽，或道旁。

《名医》曰：一名即藜，一名蒺，生冯翊，七月八月，采实，暴干。

案《说文》云：芥，蒺藜也；《诗》曰：墙上有芥，以蒺为茅苇，开屋宇；《尔雅》云：墙上有蒺；《传》云：蒺，蒺藜也，旧本作蒺藜，非。

黄芩 味甘微温。主痈疽久败创，排脓止痛，大风，痢疾，五痔，鼠瘻，补虚，小儿百病。一名戴椹。生山谷。

《名医》曰：一名戴椹，一名独椹，一名芩草，一名蜀脂，一名百本，生蜀郡白水汉中，二月十月采，阴干。

肉松蓉 味甘微温。主五劳七伤，补中，除茎中寒热痛，养五脏，强阴，益精气，多子，妇人癥瘕。久服轻身。生山谷。

吴普曰：肉苁蓉，一名肉松蓉，神农黄帝咸，雷公酸小温（《御览》作李氏小温），生河西（《御览》作东），山阴，地，长三四寸丛生，或代郡（《御览》下有雁门二字），二月到八月，采（《御览》引云，阴干用之）。

《名医》曰：生河西及代郡雁门，五月五月采，阴干。

案吴普云：一名肉松蓉，当是古本，蓉即是容字，俗写苁蓉，非正字也。陶宏景云：是野马精落地所生，生时似肉，旧作肉苁蓉，非。

防风 味苦温，无毒。主大风，头眩痛，恶风，风邪，目盲无所见，风行周身，骨节疼痛（《御览》作痛），烦满。久服轻身。一名铜芸（《御览》作芒）。生川泽。

吴普曰：防风一名回云，一名回草，一名百枝，一名茼根，一名百韭，一名百种，神农黄帝岐伯桐君雷公扁鹊甘无毒，李氏小寒，或生邯鄲上蔡，正月生叶，细圆，青黑黄白，五月花黄，六月实黑，三月十月采根，日干，琅邪者良（《御览》）。

《名医》曰：一名茼草，一名百枝，一名屏风，一名茼根，一名百韭，生沙苑，及邯鄲，琅邪，上蔡，二月十月采根，暴干。

案范子计然云：防风出三辅，白者善。

蒲黄 味甘平。主心腹旁光寒热，利小便，止血，消瘀血。久服，轻身益气力，延年神仙。生池泽。

《名医》曰：生河东，四月采。

案《玉篇》云：蒿，谓今蒲头，有台，台上有重台，中出黄，即蒲黄；陶宏景云：此即蒲厘花上黄粉也，仙经亦用此，考《尔雅》苳离，其上蒿，苳离与蒲厘声相近，疑即此。

香蒲 味甘平。主五脏，心下邪气，口中烂臭，坚齿明目聪耳。久服轻身耐老（《御

览》作能老）。一名睢（《御览》云睢蒲）。生池泽。

吴普曰：睢，一名睢石，一名香蒲，神农雷公甘，生南海，池泽中（《御览》）。

《名医》曰：一名醯，生南海。

案《说文》云：菩，草也；《玉篇》云：菩，香草也，又音蒲；《本草图经》云：香蒲，蒲黄苗也，春初生嫩叶，未出水时，红白色茸茸然，《周礼》以为菹。

续断 味苦微温。主伤寒，补不足，金创痈伤，折跌，续筋骨，妇人乳难（《御览》作乳痈，云崩中漏血，大观本作黑字）。久服益气力。一名龙豆，一名属折。生山谷。

《名医》曰：一名接骨，一名南草，一名槐，生常山，七月八月采，阴干。

案《广雅》云：裛，续断也；范子计然云：续断，出三辅；《桐君药录》云：续断生蔓延，叶细，茎如茱萸大，根本黄白有汁，七月八月采根。

漏芦 味甘咸寒。主皮肤热，恶创，疽痔，湿痹，下乳汁。久服轻身益气，耳目聪明，不老延年。一名野兰。生山谷。

《名医》曰：生乔山，八月采根，阴干。

案《广雅》云：飞廉，漏芦也；陶宏景云：俗中取根，名鹿脂。

营实 味酸温。主痈疽恶创，结肉，跌筋，败创，热气，阴蚀不疗，利关节。一名墙薇，一名墙麻，一名牛棘。生川谷。

吴普曰：蔷薇，一名牛勒，一名牛膝，一名蔷薇，一名山枣（《御览》）。

《名医》曰：一名牛勒，一名蔷薇，一名山棘，生零陵及蜀郡，八月九月采，阴干。

案陶景云：即是墙薇子。

天门精 味甘寒。主瘀血，血瘀欲死，下血，止血，利小便。久服轻身耐老。一名麦句姜，一名虾蟆蓝，一名豕首。生川泽。

《名医》曰：一名天门精，一名玉门精，一名鼈脑，一名蟾蜍兰，一名葜，生平原，五月采。

案《说文》云：鼈，豕首也；《尔雅》云：

茹蕪豕首；郭璞云：今江东呼豕首，可以灼蚕蛹；陶宏景云：此即今人呼为豕苳；《唐本》云：鹿活草是也，《别录》一名天蔓菁，南文呼为地松；掌禹锡云：陈藏器别立地苳条，后人不当仍其谬。

决明子 味咸平。主青盲，目淫，肤赤，白膜，眼赤痛，泪出。久服益精光（《太平御览》引作理目珠精，理，即治字），轻身。生川泽。

吴普曰：决明子，一名草决明，一名羊明（《御览》）。

《名医》曰：生龙门，石决明生豫章，十月采，阴干百日。

案《广雅》云：羊薤薤，英光也，又决明，羊明也；《尔雅》云：薤苳，英光；郭璞云：英，明也，叶黄锐，赤华，实如山茱萸；陶宏景云：形似马蹄决明。

丹参 味苦微寒。主心腹邪气，肠鸣幽幽如走水，寒热积聚，破瘀除瘕，止烦满，益气。一名却蝉草。生川谷。

吴普曰：丹参，一名赤参，一名木羊乳，一名却蝉草，神农桐君黄帝雷公扁鹊苦无毒，李氏小寒，岐伯咸，生桐柏，或生太山山陵阴，茎华小方如荏，毛，根赤，四月华紫，五月采根阴干，治心腹痛（《御览》）。

《名医》曰：一名赤参，一名木羊乳，生桐柏山及太山，五月采根，暴干。

案《广雅》云：却蝉，丹参也。

茜根 味苦寒。主寒湿，风痹，黄疸，补中。生川谷。

《名医》曰：可以染绛，一名地血，一名茹蕪，一名茅搜，一名茜，生乔山，二月三月，采根，阴干。

案《说文》云：茜，茅搜也，搜，茅搜，茹蕪，人血所生，可以染绛，从草从鬼；《广雅》云：地血，茹蕪，茜尔；《尔雅》云：茹蕪茅鬼；郭璞云：今茜也，可以染绛；《毛诗》云：茹蕪在阪；《传》云：茹蕪，茅搜也；陆玑云：一名地血，齐人谓之茜，徐州人谓之牛蔓，徐广注《史记》云：茜一名红蓝，其

花染绘，赤黄也，按《名医》别出红蓝条，非。

飞廉 味苦平。主骨节热，胫重酸疼。久服，令人身轻。一名飞轻（已上四字，原本黑字），生川泽。

《名医》曰：一名伏兔，一名飞雉，一名木禾，生河内，正月采根，七月八月采花，阴干。

案《广雅》云：伏猪，木禾也，飞廉，漏芦也，陶宏景云：今既别有漏芦，则非，此别名耳。

五味子 味酸温。主益气，咳逆上气，劳伤羸瘦，补不足，强阴，益男子精（《御览》引云：一名会及，大观本作黑字）。生山谷。

吴普曰：五味子，一名元及（《御览》）。

《名医》曰：一名会及，一名元及，生齐山及代郡，八月，采实，阴干。

案《说文》云：苳猪也，茎，苳猪草也，落，苳猪也；《广雅》云：会及，五味也；《尔雅》云：苳，苳落；郭璞云：五味也，蔓生子，丛在茎头，《抱朴子》仙药篇云：五味者五行之精，其子有五味，移门子服五味子十六年，色如玉女，入水不沾，入火不灼也。

旋华 味甘温。主益气，去面𧄢（《御览》作𧄢，黑，色媚好（《御览》作令人色悦泽），其根，味辛，主腹中寒热邪气，利小便。久服不饥轻身。一名筋根华，一名金沸（《御览》引云一名美草，大观本，作黑字）。生平泽。

《名医》曰：生豫州，五月采，阴干。

案陶宏景云：东人呼为山姜，南人呼为美草；《本草衍义》云：世又谓之鼓子花。

兰草 味辛平。主利水道，杀蛊毒，辟不祥。久服，益气轻身，不老，通神明。一名水香。生池泽。

《名医》曰：生大吴，四月五月采。

案《说文》云：兰，香草也；《广雅》云：茝，兰也，易，其臭如兰，郑云兰，香草也，夏小正，五月蓄兰；《毛诗》云：方秉茝兮，方采芣苢；《传》云：茝，兰也；陆玑云：茝即兰，香草也，其茎叶似药草泽兰；范子计然云：大兰出汉

中三辅，兰出河东，宏农，白者善，元杨齐贤注李白诗，引本草云：兰草，泽兰，二物同名，兰草一名水香，云，都梁是也，水经，零陵郡，都梁县西，小山上，有渟水，其中悉生兰草，绿叶紫茎，泽兰，如薄荷，微香，荆湘岭南人家多种之，与兰大抵相类，颜师古以兰草为泽兰，非也。

蛇床子 味苦平。主妇人阴中肿痛，男子阴痿，湿痒，除痹气，利关节，癰疽恶创。久服轻身。一名蛇米。生川谷及田野。

吴普曰：蛇床一名蛇珠（《御览》）

《名医》曰：一名蛇粟，一名虺床，一名思盐，一名绳毒，一名枣棘，一名墙靡，生临淄，五月采实，阴干。

案《广雅》云：蛇粟，马床，蛇床也；《尔雅》云：盱虺床。《淮南子》汜论训云：乱人者若蛇床之与靡芜。

地肤子 味苦寒。主膀胱热，利小便，补中益精气。久服，耳目聪明，轻身耐老。一名地葵（《御览》引云：一名地华，一名地脉，大观本无一名地华四字，脉作麦，皆黑字）。生平泽及田野。

《名医》曰：一名地麦，生荆州，八月十月采实，阴干。

案《广雅》云：地葵，地肤也；《列仙传》云：文宾服地肤；郑樵云：地肤曰落帚，亦曰地扫；《尔雅》云：苻，马帚，即此也，今人亦用为帚。

景天 味苦平。主大热。火创，身热，烦邪恶气，华主女人漏下赤白，轻身明目。一名戒火，一名慎火（《御览》引云：一名水母，大观本作黑字，水作火）。生川谷。

《名医》曰：一名火母，一名救火，一名据火，生太山，四月四日，七月七日采，阴干。

案陶宏景云：今人皆盆养之于屋上，云以辟火。

因陈（《御览》作茵蒿）味苦平。主风湿寒热，邪气，热结黄疸。久服轻身，益气耐老（《御览》作能老）。生邱陵阪岸上。

吴普曰：因尘，神农岐伯雷公苦无毒，黄帝辛无毒，生田中，叶如蓝，十一月采（《御览》）。

《名医》曰：白兔食之仙，生太山，五月及立秋采，阴干。

案《广雅》云：因尘，马先也；陶宏景云：《仙经》云：白蒿，白兔食之仙，而今茵陈乃云此，恐非耳；陈藏器云：茵陈，经冬不死，因旧苗而生，故名茵陈，后加蒿字也，据此，知旧作茵陈蒿，非；又按《广雅》云：马先，疑即马新蒿，亦白蒿之类。

杜若 味辛微温。主胸胁下逆气，温中，风入脑户，头肿痛，多涕泪出。久服，益精（《艺文类聚》引作益气），明目轻身。一名杜衡（《艺文类聚》引作衡，非）。生川泽。

《名医》曰：一名杜连，一名白连，一名白苓，一名若芝，生武陵及冤句，二月八月采根，暴干。

案《说文》云：若，杜若，香草；《广雅》云：楚衡，杜衡也；《西山经》云：于帝之上有草焉，其状如葵，其臭如靡芜，名曰杜衡；《尔雅》云：杜，土卤；郭璞云：杜衡也，似葵而香；《楚词》云：采芳州兮杜若；范子计然云：杜若生南郡汉中又云秦衡，出于陇西天水；《沈括补笔谈》云：杜若，即今之高良姜，后人不识，又别出高良姜条，按经云一名杜衡，是《名医》别出杜衡条，非也，衡正字，俗加草。

沙参 味苦微寒。主血积惊气，除寒热，补中，益肺气。久服利人。一名知母。生川谷。

吴普曰：白沙参，一名苦心，一名识美，一名虎须，一名白参，一名志取，一名文虎，神农黄帝扁鹊无毒，岐伯咸，李氏小寒，生河内川谷，或般阳渚山，三月生如葵，叶青，实白如芥，根大白如茺青，三月采（《御览》）

《名医》曰：一名苦心，一名志取，一名虎须，一名白参，一名识美，一名文希，生河内及冤句般阳续山，二月八月采根，暴干。

案《广雅》云：苦心，沙参也，其蒿，青蒿也；范子计然云：白沙参，出洛阳，白者善。

白兔藿 味苦平。主蛇虺，蜂蛰，猘狗，菜肉蛊毒注。一名白葛。生山谷。

吴普曰：白兔藿，一名白葛谷（《御览》）。《名医》曰：生交州。

案陶宏景云：都不闻有识之者，都富似葛耳；唐本注云：此草荆襄山谷大有，俗谓之白葛。

徐长卿 味辛温。主鬼物，百精，蛊毒，疫疾邪恶气，温疟。久服，强悍轻身。一名鬼督邮。生山谷。

吴普曰：徐长卿，一名石下长卿，神农雷公辛，或生陇西，三月采（《御览》）。

《名医》曰：生太山及陇西，三月采。

案《广雅》云：徐长卿，鬼督邮也；陶宏景云：鬼督邮之名甚多，今俗用徐长卿者，其根正如细辛，小短扁扁尔，气亦相似。

石龙刍 味苦微寒。主心腹邪气，小便不利，淋闭，风湿，鬼注，恶毒。久服，补虚羸，轻身。耳目聪明，延年。一名龙须，一名草续断，一名龙珠。生山谷。

吴普曰：龙刍，一名龙多，一名龙须，一名续断，一名龙本，一名草毒，一名龙华，一名悬莞，神农李氏小寒，雷公黄帝苦无毒，扁鹊辛无毒，生梁州，七月七日采（《御览》此条误附续断）。

《名医》曰：一名龙华，一名悬莞，一名草毒，生梁州湿地，五月七月，采茎，暴干。

案《广雅》云：龙木，龙须也；中山经云：贾超之山，其中多龙修；郭璞云：龙须也，似莞而细，生山石穴中，茎列垂，可以为席；别录云：一名之宾；郑樵云：《尔雅》所谓蓐鼠莞也，旧作菖，非。

薇衔 味苦平。主风湿痹，历节痛，惊痛，叶舌，悸气，贼风，鼠痿，痈肿。一名糜痹。生川泽。

吴普曰：薇衔，一名糜痹，一名无颠，一

名承脊，一名且，一名无心（《御览》）。《名医》曰：一名承脊，一名承肌，一名无心，一名无颠，生汉中及冤句邯鄲，七月采茎。叶，阴干。

云实 味辛温。主泄利（旧作痢，《御览》作泄利），肠癖，杀虫，蛊毒，去邪恶结气，止痛除热，平主见鬼精物，多食令人狂走。久服，轻身通神明。生川谷。

吴普曰：云实，一名员实，一名天豆，神农辛小温，黄帝咸，雷公苦，叶如麻，两两相值，高四五尺，大茎空中，六月花，八月九月实，十月采（《御览》）。

《名医》曰：一名员实，一名云英，一名天豆，生河间，十月采，暴干。

案《广雅》云：天豆，云实也。

王不留行 味苦平。主金创，止血逐通，出刺，除风痹内寒。久服，轻身耐老（《御览》作能老），增寿。生山谷。

吴普曰：王不留行，一名王不流行，神农苦平，岐伯雷公甘，三月八月采（《御览》）。

案郑樵云：王不留行，曰禁宫花，曰剪金花，叶似花，实作房。

升麻 味甘辛（大观本作甘平）。主解百毒，杀百老物殃鬼，辟温疾，障邪毒蛊。久服不夭（大观本作主解百毒，杀百精老物殃鬼，辟温疫瘴气邪气虫毒，此用《御览》文）。一名周升麻（大观本，作周麻）。生山谷（旧作黑字，据吴普有云，神农甘，则本经当有此，今增入）。

吴普曰：升麻，神农甘（《御览》）。

《名医》曰：生益州，二月八月采根，日干。

案《广雅》云：周麻，升麻也（此据《御览》）。

青藜 味甘寒。主五脏邪气，风寒湿痹，益气，补脑髓，坚筋骨。久服耳目聪明，不饥不老，增寿，巨胜苗也。生川谷（旧在米谷部，非）。

吴普曰：青藜，一名梦神，神农苦，雷公甘（《御览》）。

《名医》曰：生中原。

案《抱朴子》仙药篇云：孝经援神契曰，巨胜延年，又云巨胜，一名胡麻，饵服之不老，耐风湿，补衰老也。

姑活 味甘温。主大风邪气，湿痹寒痛。久服轻身益寿耐老。一名冬葵子（旧在《唐本草》中无毒，今增）。

《名医》曰：生河东。

案《水经注》解县，引《神农本草》云：地有固活，女疏，铜芸，紫苑之族也；陶宏景云：方药亦无用此者，乃有固活丸，即是野葛，一名，此又名冬葵子，非葵菜之冬葵子，疗体乖异。

别羈 味苦微温。主风寒湿痹，身重，四肢疼酸，寒邪，历节痛。生川谷（旧在《唐本草》中无毒，今增）。

《名医》曰：一名别枝，一名别骑，一名鳖羈，生蓝田，二月八月采；案陶宏景云：方家时有用处，今俗亦绝耳。

屈草 味苦。主胸胁下痛，邪气，腹间寒热阴痹。久服，轻身益气，耐老（《御览》作补益能老）。生川泽（旧在《唐本草》中无毒，今增）。

《名医》曰：生汉中，五月采。

案陶宏景云：方药不复用，俗无识者。

淮木 味苦平。主久咳上气，肠中虚羸，女子阴蚀，漏下赤白沃。一名百岁城中木。生山谷（旧在《唐本草》中无毒，今增）。

吴普曰：淮木，神农雷公无毒，生晋平阳河东平泽，治久咳上气，伤中羸虚，补中益气（《御览》）。

《名医》曰：一名炭木，生太山，采无时。

案李当之云：是樟树上寄生树，大衔枝在肌肉，今人皆以胡桃皮当之，非也；桐君云：生上洛，是木皮状如厚朴，色似桂白，其理一纵一横，今市人皆削乃以厚朴，而无正纵横理，不知此复是何物，莫测真假，何者为是也。

上草，上品七十三种，旧七十二种，考门芝当一升，升麻当白字，米谷部误入青囊，

唐本草六种，姑活，屈草，淮木，皆当入此。

牡桂 味辛温。主上气咳逆，结气喉痹，叶吸，利关节，补中益气。久服通神，轻身不老。生山谷。

《名医》曰：生南海。

案《说文》云：桂，江南木，百药之长，枝桂也；《南山经》云：招摇之山多桂；郭璞云：桂，叶似枇杷，长二尺余，广数寸，味辛，白花，丛生山峰，冬夏常青，间无杂木；《尔雅》云：棫，木桂；郭璞云：今人呼桂皮厚者，为木桂，及单名桂者，是也，一名肉桂，一名桂枝，一名桂心。

菌桂 味辛，温。主百病，养精神，和颜色，为诸药先聘通使。久服轻身不老，面生光华，媚好常如童子。生山谷。

《名医》曰：生交趾桂林岩崖间，无骨，正圆如竹，立秋采。

案《楚词》云：杂申椒与菌桂兮；王逸云：荈桂皆香木。《列仙传》云：范蠡好服桂。

松脂 味苦温。主疽，恶创头疡，白秃，疥搔，风气，五藏，除热。久服，轻身不老，延年。一名松膏，一名松肪。生山谷。

《名医》曰：生太山，六月采。

案《说文》云：松木也，或作窠；范子计然云：松脂出陇西，松胶者善。

槐实 味苦寒。主五内邪气热，止涎唾，补绝伤，五痔，火创，妇人乳痈，子藏急痛。生平泽。

《名医》曰：生河南。

案《说文》云：槐木也；《尔雅》云：槐，槐大叶而黑；郭璞云：槐树叶大色黑者，名为槐，又守宫槐叶，昼聂宵炕；郭璞云：槐叶昼日聂合，而夜炕布者，名为守宫槐。

枸杞 味苦寒。主五内邪气，热中，消渴，周痹。久服，坚筋骨，轻身不老（《御览》作耐老）。一名杞根，一名地骨，一名枸杞，一名地辅。生平泽。

吴普曰：枸杞，一名枸已，一名羊乳。

(《御览》)

《名医》曰：一名羊乳，一名却暑，一名仙人杖，一名西王母杖，生常山，及诸邱陵阪岸，冬采根，春夏采叶，秋采茎实，阴干。

案《说文》云：继，枸杞也。杞，枸杞也；《广雅》云：地筋，枸杞也；《尔雅》云：杞，枸榘；郭璞云：今枸杞也；《毛诗》云：集子苞杞；《传》云：杞，枸榘也；陆玑云：苦杞秋熟，正赤，服之轻身益气；《列仙传》云：陆通食橐卢木实；《抱朴子》仙药篇云：象紫，一名托卢，是也。或名仙人杖，或云西王母杖，或名天门精，或名却老，或名地骨，或名枸杞也。

柏实 味甘平。主惊悸，安五藏，益气，除湿痹。久服，令人悦泽美色，耳目聪明，不饥不老，轻身延年。生山谷。

《名医》曰：生太山，柏叶尤良，田四时各依方面采，阴干。

案《说文》云：柏，鞠也；《广雅》云：栝柏也；《尔雅》云：柏，栢熟；郭璞云：《礼记》曰：鬯，日以栢；范子计然云：柏脂出三辅，上升价七千，中三千一斗。

茯苓 味甘平。主胸肋逆气（《御览》作疝气），忧患，惊邪，悸，心下结痛，寒热烦满，咳逆，口焦舌干，利小便。久服安魂养神，不饥延年。一名茯菟，（《御览》作茯神，案元本云：其有抱根者，名茯神，作黑字），生山谷。

吴普曰：茯苓通神，桐君甘，雷公扁鹊甘无毒，或生茂州，大松根下，人地三丈一尺，二月七日采。（《御览》）。

《名医》曰：其有抱根者名茯神，生太山大松下，二月八月采，阴干。

案《广雅》云：茯神，茯苓也；范子计然云：茯苓，出嵩高三辅。《列仙传》云：昌容采茯苓，饵而食之；《史记》褚先生云：《传》曰：下有伏灵，上有兔丝，所谓伏灵者，在菟丝这下，状似飞鸟之形，伏灵者，千岁松根也，食之不死，淮南子说林训云：茯苓掘，兔丝死，旧作茯，非。

榆皮 味甘平。主大小便不通，利水道，除邪气。久服，轻身不饥，其实尤良。一名零榆，生山谷。

《名医》曰：生颍川，三月采皮，取白，暴干，八月采实。

案《说文》云：榆，白粉，榆也；《广雅》云：栝榆，梗榆也；《尔雅》云：榆，白粉；郭璞云：粉榆先生叶，却着莢，皮色白，又莢革。郭璞云：今云刺榆；《毛诗》云：东门之枌，《传》云粉，白榆也，又山有樾传云：樾莖也，陆玑云：其针刺如栝，其叶如榆。榆为茹，美滑如白榆之类，有十种，叶皆相似，皮及木理异矣。

酸枣 味酸平。主心腹寒热，邪结气聚，四肢酸疼，湿痹。久服安五藏，轻身延年。生川泽。

《名医》曰：生河东，八月采实，阴干，四十日成。

案《说文》云：槭，酸枣也；《尔雅》云：槭，酸枣；郭璞云：味小实酢；孟子云：养其槭棘；赵岐云：槭棘，小棘，所谓酸枣是也。

藁木 味苦寒。主五藏，肠胃中结热，黄疸，肠痔，止泄利，女子漏下赤白，阴阳蚀创，一名檀栢。生山谷。

《名医》曰：生汉中及永昌。

案《说文》云：槩，黄木也，藁木也，司马相如赋有藁；张揖云：槩木可染者；颜师古云：藁，黄蘗也。

干漆 味辛温无毒。主绝伤补中，续筋骨填髓脑，安五藏，五缓六急，风寒湿痹，生漆去长虫。久服轻身耐老。生山谷。

《名医》曰：生汉中，夏至后采，干之。

案《说文》云：漆木汁可以髹物，象形，漆如水滴而下，以漆为漆水字；《周礼》载师云：漆林之征，郑元云：故书漆林为漆林；杜子春云：当为漆林。

五加皮 孕辛温。主心腹疝气，腹痛，益气疗臂，小儿不能行，疝创阴蚀。一名豺漆。

《名医》曰：一名豺节，生汉中及冤句，五月十月采茎，十月采根，阴干。

案《大观本草》，引东华真人煮石经云：舜常登苍梧山曰，厥金玉之香草，朕用偃息正道，此乃五加皮。鲁定公母，单服五加酒，以致不死。

蔓荆实 味苦微寒。主筋骨间寒热痹，拘挛，明目坚齿，利九窍，去白虫。久服轻身耐老，小荆实亦等。生山谷。

《名医》曰：生河间南阳冤句，或平寿都乡，高岸上，及田野中，八月九月采实，阴干。

案《广雅》云：牡荆，蔓荆也；《广志》云：楚，荆也。牡荆，蔓荆也。据牡曼声相近，故本经于蔓荆，不载所出州土，以其见牡荆也。今或别为二条，非。

辛夷 味辛温。主五脏，身体寒风，头脑痛，面𦘔。久服，下气轻身，明目，增年耐老。一名辛矧（《御览》作引），一名侯桃，一名房木。生川谷。

《名医》曰：九月采实，暴干。

案《汉书》杨雄赋云：列新雉于林薄；师古云：新雉即辛夷耳，为树甚大，其木枝叶皆芳，一名新矧；《史记》司马相如传：杂以流夷；《注汉书音义》曰：流夷，新夷也；陶宏景云：小时气辛香，即离骚所呼辛夷者；陈藏起云：初发如笔，北人呼为木笔，其花最早，南人呼为迎春。按唐人名为玉蕊，又曰玉兰。

桑上寄生 味苦平。主腰痛，小儿背强，痈肿，安胎，充肌肤，坚发齿，长须眉，其实明目，轻身通神。一名寄屑，一名寓木，一名宛童。生川谷。

《名医》曰：一名葛，生宏农桑树上，三月三日，采茎，阴干。

案《说文》云：葛，寄生也；《诗》曰：葛与女萝，或作鵲；《广雅》云：宛童，寄生也；寄生鵲也，又寄屏，寄生也；《中山经》云：龙山上多寓木；郭璞云：寄生也；《尔

雅》云：寓木宛童；郭璞云：寄生树一名葛；毛诗云：葛与女萝；传云：葛，寄生山也；陆玕云：葛，一名寄生，叶似当卢，子如覆盆子，赤黑甜美。

杜仲 味辛平。主腰脊痛，补中，益精气，坚筋骨，强志，除阴下痒湿，小便余沥。久服轻身耐老。一名思仙。生山谷。

吴普曰：杜仲，一名木绵，一名思仲。（《御览》）。

《名医》曰：一名思肿，一名木绵，生上虞及上党汉中，二月五月六月九月采皮。

案《广雅》云：杜仲，曼榆也。《博物志》云：杜仲，皮中有丝，折之则见。

女贞实 味苦平。主补中，安五脏，养精神，除百疾。久服肥健，轻身不老。生山谷。

《名医》曰：生武陵，立冬采。

案《说文》云：桢，刚木也。《东山经》云：太山上多桢木。郭璞云：女贞也，叶冬不凋。《毛诗》云：南山有杞。陆玕云：木杞，其树如栲（陈藏器作栗），一名狗骨，理白滑，其子为木虵子，可合药，司马相如赋有女贞。师古曰：女贞树，冬夏常青，未尝凋落，苦有节操，故以名为焉。陈藏器云：冬青也。

木兰 味苦寒。主身大热在皮肤中，去面热，赤疱，酒皴，恶风痼疾，阴下痒湿。明目耳。一名林兰。生川谷。

《名医》曰：一名杜兰，皮似桂而香，生零陵及太山，十二月采皮，阴干。

案《广雅》云：木栏桂栏也。刘逵注蜀都赋云：木兰，大树也，叶似长生，冬夏荣，常以冬华，其实如小柿，甘美。南人以为梅，其皮可食。颜师古注汉书云：皮似椒而香，可作面膏药。

蕤核 味甘温。主心腹邪气，明目，目赤痛伤泪出。久服轻身益气，不饥。生川谷。

吴普曰：蕤核，一名葛，神农雷公甘平无毒，生池泽，八月采，补中，强志，明目，久服不饥。（《御览》）。

《名医》曰：生函谷，及巴西。

案《说文》云：桫，白桫，桫。《尔雅》云：桫，白桫。郭璞云：桫，小木。丛生有刺，实如耳珰，紫赤可啖。《一切经音义》云：本草作蕤，今桫核是也。

橘柚 味辛温。主胸中痰热逆气，利水谷。久服，去臭下气通神，一名橘皮。生川谷。（旧在果部，非）

《名医》曰：生南山，江南，十月采。

案《说文》云：橘果出江南，柚条也。似橙而酢。《尔雅》云：柚条。郭璞云：似橙实酢，生江南。禹贡云：厥包橘柚。伪孔云：大曰橘，小曰柚。《列子》汤问篇云：吴楚之国有木焉，其名为柚，碧树而冬生，实丹而味酸，食其皮汁，已愤厥之疾，司马相如赋，有橘柚。张揖曰：柚，即橙也。似橘而大，味酢皮厚。

上木，上品二十种，旧一十九种，考果部，橘柚当入此。

发髻 味苦温。主五癰，关格不通，利小便水道，疗小儿痢，大人瘰，仍自还神化。

案《说文》云：发，根也。髻，髻也。髻髻也。或作髻。《毛诗》云：不屑髻。《笺》云：髻，髻也。《仪礼》云：主妇被锡。注云：被锡，读为髻髻。古者或剔贱者刑者之发，以被妇人之笄，为饰，因名髻髻焉。李当之云：是童男发，据汉人说：发髻，当是剃荆人发，或童男发本经不忍取人发用之。故用剃余也。方家至用天灵盖，害及枯骨，卒不能治病。古人所无矣。

上人一种，旧同。

龙骨 味甘平。主心腹，鬼注，精物老魅，咳逆，泄利，脓血，女子漏下，癰疽结，小儿热气惊痫，齿主，小儿大人惊痫瘖疾狂走，心下结气，不能喘息，诸瘰，杀精物。久服，轻身通神明，延年。生山谷。

吴普曰：龙骨生晋地，山谷阴，大水所过处，是龙死骨也，青白者善，十二月采，或无时，龙骨畏干漆，蜀椒，理石，龙芮神农

李氏大寒，治惊痫，久服轻身。（《御览》、《大观》本节文）

《名医》曰：生晋地及太山，岩水岸上穴中死龙处，采无时。

案范子计然云：龙骨生河东。

麝香 味辛温。主辟恶气，杀鬼精物，温疟，蛊毒，痢瘕，去三虫。久服除邪，不梦瘖疾。生川谷。

《名医》曰：生中台及益州雍州山中，春风取之，生者益良。

案《说文》云：麝如小麋，脐有香，黑色犂也（《御览》引多三字）。《尔雅》云：麝父麋足。郭璞云：脚似麋有香。

牛黄 味苦平。主惊痫，寒热热盛，狂瘕除邪逐鬼。生平泽。

吴普曰：牛黄味苦无毒。牛出入呻（《御览》作鸣吼）者有之，夜有光（《御览》作夜视有光），走（《御览》有牛字），角中，牛死入胆中，如鸡子黄。（《后汉书》延笃传注）

《名医》曰：生晋地，于牛得之，即阴干，百日，使时躁，无令见月光。

熊脂 味微寒。主风痹不仁，筋急五藏腹中积聚，寒热羸瘦，头疡，白秃，面奸疱。久服，强志不饥，轻身。生山谷。

《名医》曰：生雍州，十一月取。

案《说文》云：熊兽似豕，山居，冬蛰。

白胶 味甘平。主伤中劳绝，腰痛，羸瘦，补中益气，女人血闭无子，止痛，安胎。久服轻身延年。一名鹿角胶。

《名医》曰：生云中，煮鹿角作之。

案《说文》云：胶，昵也，作之以皮。《考工记》云：鹿胶青白，牛胶火赤。郑云：皆谓煮。用其皮，或用角。

阿胶 味甘平。主心腹，内崩，劳极，洒洒如疟状，腰腹痛，四肢酸疼，女子下血安胎，久服轻身益气，一名傅致胶。

《名医》曰：生平东郡煮牛皮作之，出东阿。

案：二胶，《本经》不着所出，疑《本

经》但作胶，《名医》增白字阿字，分为二条。

上兽，上品六种，旧同。

丹雄鸡 味甘微温。主女人崩中漏下，赤白沃，补虚，温中，止血，通神，杀毒辟不祥，头主杀鬼，东门上者尤良，肪主耳聋，肠主遗溺，胝胫，裹黄皮主泄利，尿，白，主消渴伤寒，寒热。黑雌鸡，主风寒湿痹，五缓六急，安胎，翮羽主下血闭。鸡子主除热，火疮痈疮，可作虎魄，神物，鸡白蠹肥脂。生平泽。

吴普曰：丹鸡卵可作琥珀（《御览》）。

《名医》曰：生朝鲜。

案《说文》云：鸡知时畜也。籀文作鸡，肪，肥也。肠，大小肠也。胝，鸟胫；胫，鸟胃也。鹵，粪也。羽茎也。翮羽，鸟长毛也，此作胝，省文，尿，即尿字，古文，从。亦鹵假音字也。

雁肪 味甘平。主风挛，拘急，偏枯，气不通利，久服，益气不饥，轻身耐老。一名鵞肪。生池泽。

吴普曰：雁肪神农岐柏雷公甘无毒（《御览》有鵞肪二字，当作一名鵞肪），杀诸石药毒。（《御览》引云：采无时）

《名医》曰：生江南，取无时。

案《说文》云：雁，鹅也。鵞，舒凫，也。《广雅》云：鸣鹅，仓鸣雁也。凫，鵞鸭也。《尔雅》云：舒雁，鹅。郭璞云：《礼记》曰，出如舒雁。今江东呼鸣，又舒凫。鵞。郭璞云：鸭也。方言云：雁，自关而东，谓之鸣鹅。南楚之外，谓之鹅，或谓之仓鸣。据《说文》云：别有雁，以为鸿雁字鸭字，鸭，即雁之急音，此雁肪，即鹅鸭脂也。当作雁字，《名医》不晓，别出鵞肪条，又出白鸭鵞条，反疑此为鸿雁，何其谬也。陶苏皆乱说之。

上禽，上品二种，旧同。

石蜜 味甘平。主心腹邪气，诸惊瘈瘲，安五脏，诸不足，益气补中，止痛解毒，除众病，和百药。久服，强志轻身，不饥不老。

一名石饴。生山谷。

吴普曰：石蜜，神农雷公甘气平，生河源或河梁。（《御览》又一引云：生武都山谷）

《名医》曰：生武都河源及诸山石中，色白如膏者，良。

案《说文》云：蠃蜂。甘饴也。一曰螟子，或作蜜。《中山经》云：平逢之山多沙石，实惟蜂蜜之庐。郭璞云：蜜，赤蜂名。《西京杂记》云：南越王献高帝石蜜五斛。《玉篇》云：蠃蜂，甘饴也。苏恭云：当去石字。

蜂子 味甘平。主风头，除蛊毒，补虚羸伤中，久服，令人光泽，好颜色，不老，大黄蜂子，主心腹，复满痛，轻身益气，上蜂子，主痈肿。一名蜚零。生山谷。

《名医》曰：生武都。

案《说文》云：蜂，飞虫螫人者。古文省作蠃。《广雅》云：蠃蜂，蜂也。又上蜂，蠃蜂也。《尔雅》云：土蜂。郭璞云：今江南大蜂在地中作房者为土蜂，啖其子即马蜂，今荆巴间呼为螳又木蜂。郭璞云：似土蜂而小，在树上作房，江东亦呼为木蜂，又食其子。《礼记》檀弓云：范则冠。郑云：范蜂也。《方言》云：蜂，燕赵之间，谓之蠃蜂，其小者，谓之蜚蜂，或谓之蠃蛭，其大而蜜。谓之壶蜂。郭璞云：今黑蜂，穿竹木作孔，亦有蜜者，或呼笛师，按蜂名为范者声相近，若司马相如赋，以泛为枫。《左传》：汎汎即汎汎也。

蜜蜡 味甘微温。主下利脓血，补中续绝伤金创，益气不饥耐老。生山谷。

《名医》曰：生武都蜜房木石间。

案《西京杂记》云：南越王献高帝蜜蜡，二百枚。《玉篇》云：蜡，蜜滓。陶宏景云：白蜡生于蜜中。故谓蜜蜡。《说文》无蜡字。张有云：腊别蜡，非，旧作蜡，今据改。

牡蛎 味咸平。主伤寒寒热，温疟洒洒，惊悸怒气，除拘缓鼠痿，女子带下赤白。久服，强骨节，杀邪气，延年。一名蛎蛤，生池泽。

《名医》曰：一名牡蛎，生东海，采无时。

案《说文》云：蛎，蚌属，似蠓，微大，出海中，今民食之，读苦赖。又云：蜃属，有三，皆生于海，蛤房，千岁雀所化，秦谓之牡蛎。

龟甲 味咸平。主漏下赤白，破癥瘕，痃疟，五痔，阴蚀，湿痹，四肢重弱，小儿凶不合。久服，轻身不饥。一名神屋。生池泽。

《名医》曰：生南海及湖水中，采无时。

案《广雅》云：介，龟也。高诱注淮南云：龟壳，龟甲也。

桑螵蛸 味咸平。主伤中，疝瘕，阴痿，益精生子，女子血闭，腰痛，通五淋，利小便水道。一名蚀疣，生桑枝上，采，蒸之。

吴普曰：桑蛸条，一名（今本脱此二字），蚀疣，一名害焦，一名致，神农咸无毒。（《御览》）

《名医》曰：螵蛸子也，二月三月采，火炙。

案《说文》云：螵，螵蛸也，或作螵蛸，虫蛸，螵蛸子。《广雅》云：螵蛸，乌涕，冒焦，螵蛸也。《尔雅》云：不过螵蛸，其子螵蛸。郭璞云：一名螵蛸，螵蛸卵也。范子计然云：螵蛸出三辅，上价三百，旧作螵，声相近，字之误也。《玉篇》云：螵同螵。

海蛤 味苦平。主咳逆上气，喘息烦满，胸痛，寒热。一名魁蛤。

吴普曰：海蛤，神农甘，岐伯甘，扁鹊咸，大节头有文，文如磨齿，采无时。

《名医》曰：生南海。

案《说文》云：蛤，蜃属，海蛤者，百岁燕所化，魁蛤，一名复累老服翼所化。《尔雅》云：魁陆。郭璞云：本草云：魁，状如海蛤，圆而厚朴有理纵横，即今之蚶也。《周礼》鼈人供鼈郑司农云：鼈，蛤也。杜子春云：鼈，蚌也。周书王会云：东越海蛤。孔晃云：蛤，文蛤。按《名医》别出海蛤条云：一名魁陆，一名活东，非。

文蛤 主恶疮，蚀（《御览》作除阴蚀）五痔

（《御览》下有大孔出血，大观本，作黑字）。

《名医》曰：生东海，表有文，采无时。

鼈鱼（《初学记》引作鼈鱼），味苦寒。主湿痹，面目浮肿，下大水。一名鲟鱼。生池泽。

案《说文》云：鼈，鲟也。鲟，鼈也。读若裤枕纆纆。《广雅》云：鼈，鲟也。《尔雅》云：鼈。郭璞云：鲟也。《毛诗》云：鲟鼈。《传》云：鼈，鲟也。据《说文》云：鼈，鼈也。与鼈不同，而毛茌。郭璞以鲟释鼈，与许不合。然《初学记》引此亦作鼈，盖二字音同，以致访舛，不可得祥。《广雅》又作鼈，亦间访。又《广志》云：豚鱼，一名鲟（《御览》），更异解也。又陆玑云：鼈即鲍鱼也。似鼈，狹厚，今京东人犹呼鼈鱼，又《本草衍义》曰：鼈鱼，今人谓之黑鲤鱼，道家以为头有星有厌，据此诸说，若作鲤字，《说文》所云鲟。《广志》以为江豚，《本草衍义》以为黑鲤鱼，若作鲤字，《说文》以为鼈。《广雅》以为鼈。陆玑以为鲍鱼，说各不同，难以详究。

鲤鱼胆 味苦寒。主目热赤痛青盲，明目。久服，强悍益志气。生池泽。

《名医》曰：生九江，采无时。

案《说文》云：鲤，鲤也。鲤，鲤也。《尔雅》云：鲤，鲤。舍人云：鲤，一名鲤。郭璞注鲤云：今赤鲤鱼。注鲤云：大鱼似鲟。《毛诗》云：鲤鲟发发。《传》云：鲤，鲤也，据此知郭璞别为二，非矣，古今注云：兖州人呼赤鲤为赤骥，谓青鲤为青马，黑鲤为元驹，白鲤为白骐，黄鲤为黄雉。

上虫，鱼。上品一十种，旧同。

藕实茎 味甘平。主补中养神，益气力，除百疾。久服，轻身耐老，不饥延年。一名水芝丹。生池泽。

《名医》曰：一名莲，生汝南，八月采。

案《说文》云：藕，夫渠根。莲，夫渠之实也。茄，夫渠茎。尔雅云：荷，芙渠。郭璞云：别名芙蓉，江东呼荷，又其茎茄，其实莲。郭璞云：莲谓房也，又其根藕。

大枣 味甘平。主心腹邪气，安中养脾，助十二经，平胃气，通九窍，补少气，少津液，身中不足，大惊，四肢重，和百药。久服轻身长年，叶覆麻黄，能令出汗。生平泽。

吴普曰：枣主调中，益脾气，令人好颜色，美志气。（《大观本草》引《吴氏本草》）

《名医》曰：一名干枣，一名美枣，一名良枣，八月采，曝干，生河东。

案《说文》云：枣，羊枣也。《尔雅》云：遵羊枣。郭璞云：实小而圆，紫黑色，今俗呼之为羊矢枣，又洗大枣。郭璞云：今河东猗氏县，出大枣也，如鸡卵。

葡萄 味甘平。主筋骨湿痹，益气，倍力，强志，令人肥健，耐饥忍风寒。久食轻身，不老延年，可作酒。生山谷。

《名医》曰：生陇西五原敦煌。

案《史记》大宛列传云：大宛左右，以葡萄为酒，汉使取其实来，于是天子始种葡萄，葡萄，肥饶也，或疑《本经》不合有葡萄，《名医》所增，当为黑字。然《周礼》场人云：树之果蓏，珍异之物。郑玄云：珍异，葡萄枇杷之属，则古中国本有此，大宛种类殊常，故汉特取来植之，旧作葡，据《史记》作蒲。

蓬蒿 味酸平。主安五脏，益精气，长阴令坚，强志，倍力有子。久服轻身不老。一名覆盆，生平泽。

吴普曰：缺盆，一名决盆（《御览》）。甄氏本草曰：覆盆子，一名马痿，一名陆荆。（同上）

《名医》曰：一名陵藟，一名阴药，生荆山及冤句。

案《说文》云：藟，木也。莛，缺盆也。《广雅》云：藟盆陆英，莓也。《尔雅》云：莛藟盆。郭璞云：覆盆也，实似莓而小，亦可食。《毛诗》云：葛苗茁之。陆玑云：一名巨瓜，似燕萁，亦连蔓，叶似艾，白色，其子赤可食。《列仙传》云：昌容食蓬蒿根。李当之云：即是人所食莓。陶宏景云：蓬蒿是根

名，覆盆进实名。

鸡头实 味苦平。主湿痹，腰脊膝痛，补中除暴疾，益精气，强志令耳目聪明。久服，轻身不饥，耐老，神仙。一名雁啄实。生池泽。

《名医》曰：一名芡，生雷泽，八月采。

案《说文》云：芡，鸡头也。《广雅》云：蓂芡，鸡头也，周礼，笱人加笱之实芡。郑元云：芡，鸡头也。《方言》云：蓂芡，鸡头也，北燕谓之蓂，青徐淮泗之间，谓之芡。南楚江湘之间，谓之鸡头，或谓之雁头，或谓之乌头。《淮南子》说山川云：鸡头已痿。高诱云：水中芡，幽州谓之雁头。《古今注》云：叶似荷而大，叶上蹙绉如沸，实有芒刺，其中有米，可以度饥，即今芡子也。

上果，上品五种，旧六种，今以橘柚入木。

胡麻 味甘平。主伤中虚羸，补五内（《御览》作藏），益气力，长肌肉，填髓脑。久服，轻身不老。一名巨胜。叶名青蕞。生川泽。

吴普曰：胡麻一名方金，神农雷公甘无毒，一名狗虱，立秋采。

《名医》曰：一名狗虱，一名方茎，一名鸿藏，生上党。

案《广雅》云：狗虱，巨胜，藤藟，胡麻也。《孝经》援神契云：巨胜延年，宋均云：世以巨胜为苟杞子。陶宏景云：本生大宛，故曰胡麻。按《本经》已有此，陶说非也，且与麻黄并列，胡之言大或以叶大子麻。故名之。

麻黄 味辛平。主五劳七伤，利五藏，下血，寒气，多食，令人见鬼狂走。久服，通神明，轻身。一名麻勃。麻子，味甘平，主补中益气，肥健不老神仙。生川谷。

吴普曰：麻子中仁，神农岐伯辛，雷公扁鹊无毒，不欲牡蛎白薇，先藏地中者食杀人，麻蓝一名麻黄，一名青欲，一名青葛。神农辛，岐伯有毒，雷公甘，畏牡蛎白薇，叶

上有毒，食之杀人，麻勃，一名花，雷公辛无毒，畏特蛭。（《御览》）。

《名医》曰：麻勃，此麻花上勃勃者，七月七日采。良，子九月要，生太山。

案《说文》云：麻与枲同，人所治在屋下，枲麻也。葩，枲实也，或作磨苧，麻母也，苧，苧也，以苧为杂襦香草。《尔雅》云：磨，枲实，枲麻。孙炎云：磨麻子也。郭璞云：别二名，又苧，麻母。郭璞云：苧，麻盛子者，《周礼》筮朝事之，筮其实苧，郑云：磨，枲实也，郑司农云：麻实曰磨。《淮南子》齐俗训云：胡人见磨，不知其可以为布。高诱云：磨，麻实也，据此则宏景以为牡麻无实，非也，唐本以为麻实，是。

上米、谷，上品二种，旧三种，今以青襄入草。

冬葵子 味甘寒。主五脏六腑，寒热羸瘦，五癰，利小便。久服坚骨长肌肉，轻身延年。

《名医》曰：生少室山，十二月采之。

案《说文》云：异，古文终葵菜也。《广雅》云：苧，葵也，考异与终形相近，当即《尔雅》终葵，《尔雅》云终葵繁露。郭璞云：承露也，大茎小叶，华紫黄色。《本草图经》云：吴人呼为繁露，俗呼胡燕支，子可妇人涂面及作口脂，按《名医》别有落葵条，一名繁露，亦非也，陶宏景以为终冬至春作子，谓之冬葵，不经甚矣。

苋实 味甘寒。主青盲，明目除邪，利大小便，去寒热。久服，益气力，不饥，轻身。一名马苋。

《名医》曰：一名莫实，生淮阳及田中，叶如蓝，十一月采。

案《说文》云：苋，苋菜也。《尔雅》云

苋，赤苋。郭璞云：今苋叶之赤茎者。李当之云：苋实，当是今白苋，《唐本注》云：赤苋一名苋，今名莫实字误。

瓜蒂 味苦寒。主大水身面四肢浮肿，下水，杀蛊毒，咳逆上气，及食诸果，病在胸腹中，皆吐下之。生平泽。

《名医》曰：生蒿高，七月七日采，阴干。

案《说文》云：瓜，瓠也，象形。蒂，瓜当也。《广雅》云：水芝，瓜也。陶宏景云：甜瓜蒂也。

瓜子 味甘平。主令人润泽，好颜色，益气不饥。久服轻身耐老。一名水芝。（《御览》作上芝）生平泽。

吴普曰：瓜子一名瓣，七月七日采，可作面脂。（《御览》）

《名医》曰：一名白瓜子，生蒿高，冬瓜仁也，八月采。

案《说文》云：瓣，瓜中实。《广雅》云：冬瓜蔬也，其子谓之瓢。陶宏景云：白当为甘，旧有白字。据《名医》云：列中白瓜子，则本名当无。

苦菜 味苦寒。主五脏邪气，厌谷，胃痹。久服，安心益气，聪察少卧，轻身耐老。一名荼草，一名选。生川谷。

《名医》曰：一名游冬，生益州山陵道旁，凌冬不死，三月三日采，阴干。

案《说文》云：荼，苦菜也。《广雅》云：游冬，苦菜也。《尔雅》云：荼，苦菜，又檟，苦荼。郭璞云：树小如梔子，冬生叶，可煮作羹，今呼早菜者为荼，晚取者为茗，一名苳，蜀人名之苦菜。陶宏景云：此即是今茗，茗一名茶又令人不眠，亦凌冬不凋而兼其止，生益州，唐本注驳之非矣。选与苳，音相近。

上菜，上品五种旧同。

神农本草经 卷二

魏 吴 普 等述
清 阳湖 孙星衍冯翼同辑
清 建德 周学海 校正
鄞县 曹炳章 圈点

中 经

中药一百二十种为臣，主养性以应人，无毒有毒，斟酌其宜，欲遏病补羸者，本中经。

雄黄、石流黄、雌黄、水银、石膏、慈石、凝水石、阳起石、孔公孽、殷孽、铁精、理石、长石、肤青

上玉石，中品十四种，旧十六种。

干姜、泉耳实、葛根、栝楼根、苦参、当归、麻黄、通草、芍药、蠡实、瞿麦、元参、秦艽、百合、知母、贝母、白芷、淫羊藿、黄芩、狗脊、石龙芮、茅根、紫菀、紫草、败酱、白鲜、酸酱、紫参、藁本、石韦、萆薢、白薇、水萍、王瓜、地榆、海藻、泽兰、防己、款冬花、牡丹、马先蒿、积雪草、女菀、王孙、蜀羊泉、爵床、假苏、翘根

上草，中品四十九种，旧四十六种。

桑根白皮、竹叶、吴茱萸、卮子、茺莢、枳实、厚朴、秦皮、秦菽、山茱萸、紫葳、猪苓、白棘、龙眼、松萝、卫矛、合欢

上木，中品一十七种，旧同。

马茎、鹿茸、牛角腮、羝羊角、牡狗阴茎、羚羊角、犀角

上兽，中品七种，旧同。

燕尿，天鼠尿

上禽，中品二种，旧三种。

猯皮、露蜂房、鳖甲、蟹、作蟬、蛭螬、乌贼鱼骨、白僵蚕、蛇鱼甲、椿鸡、活螭、石

龙子、木虻、蜚虻、蜚廉、廌虫、伏翼

上虫，鱼，中品一十七种，旧十六种。

梅实

上果，中品一种，旧同

大豆黄卷，赤小豆、粟米、黍米

上米谷，中品三种，旧二种。

蓼实、葱实、藎、水苏

上菜，中品三种，旧同。

雄黄 味苦平寒。主寒热，鼠瘻恶创，疽痔死肌，杀精物，恶鬼，邪气，百虫毒，胜五兵。炼食之，轻食神仙。一名黄食石。生山谷。

吴普曰：雄黄，神农苦，山阴有丹雄黄，生山之阳，故曰雄，是丹之雄，所以名雄黄也。

《名医》曰：生武都敦煌之阳，采无时。

案《西山经》云：高山其下多雄黄。郭璞云：晋太兴三年，高平郡界有山崩，其中出数千斤雄黄。《抱朴子》仙药篇云：雄黄当得武都山所出者，纯而无杂，其赤如鸡冠，光明晔晔可用耳，其但纯黄似雄黄，色无赤光者，不任以作仙药，可以合理病药耳。

石流黄 (流旧作硫，《御览》引作流，是) 味酸温。主妇人阴蚀，癰痔恶血，坚筋骨，除头秃，能化金银铜铁奇物(《御览》引云：石流青、白色，主益肝气明目，石流赤，生羌道山谷)。生山谷。

吴普曰：硫黄一名石留黄，神农黄帝雷公咸有毒，医和扁鹊苦无毒，或生易阳，或河西，或五色，黄是潘水石液也(潘，即矾，古

字)，烧令有紫焰者，八月九日采，治妇人血结（《御览》云：治妇人绝阴，能合金银铜铁）。

《名医》曰：生东海牧羊山，及太山河西山，矾石液也。

案范子计然：石流黄出汉中，又云刘冯饵石流黄而更少。

刘逵注吴都赋云：流黄，土精也。

雌黄 味辛平。主恶创头秃痂疥，杀毒虫虱，身痒，邪气诸毒。炼之。久服，轻身增年不老。生山谷。

吴普曰：慈石，一名磁君。

《名医》曰：生武都，与雄黄同山生，其阴山有金，金精熏，由生雌黄，采无时。

水银 味辛寒。主疥痿痂疡白秃，杀皮肤中虱，堕胎，除热，杀金银铜锡毒。熔化还复为丹，久服神仙之死。生平土。

《名医》曰：一名汞，生符陵，出于丹砂。

案《说文》云：汞，丹沙所作为水银也。《广雅》云：水银谓之汞。《淮南子》地形训云：白汞，九百岁生白汞，白汞，九百岁生白金。高诱云：白汞，水银也。

石膏 味辛微寒。主中风寒热，心下逆气惊喘，口干，苦焦，不能息，腹中坚痛，除邪鬼，产乳，金创。生山谷。

《名医》曰：一名细石，生齐山及齐卢山，鲁蒙山，采无时。

慈石 味辛寒。主周痹，风湿，肢节中痛不可持物，洗洗，酸消，除大热烦满及耳聋。一名元石，生山谷。

吴普曰：慈石，一名磁君。

《名医》曰：一名处石，生太山，及慈山阴，有铁处则生其阳，采无时。

案《北山经》云：灌题之山其中，多磁石。郭璞云：可以取铁。《管子》地数篇云：山上有慈石者，不必有铜。《吕氏春秋》精通篇云：慈石召铁。《淮南子》训云：慈石能引铁，只作慈，旧作磁，非，《名医》别出元石条，亦非。

凝水石 味辛寒。主身热，腹中积聚，邪

气，皮中如火烧，烦满，水饮之。久服不饥。一名白水石。生山谷。

吴普曰：神农辛，岐伯医和扁鹊甘无毒。李氏大寒，或生邯鄲，采无时，如云母色（《御览》引云：一名寒水石）

《名医》曰：一名寒水石，一名凌水石，盐之精也，生常案及凝山，又中水县邯鄲。

范子计然云：水石出河东，色泽者善。

阳起石 味咸微温。主崩中漏下，破子藏中血，瘕瘕结气，寒热，腹痛无子，阳痿下起（《御览》引，作阴阳不合），补不足（《御览》引，有句亨二字）。一名白石。生山谷。

吴普曰：阳起石，神农扁鹊酸无毒，桐君雷公岐后咸无毒，李氏小寒，或生太山（《御览》引云，或阳起云，采无时）

《名医》曰：一名石生，一名羊起石，云母根也，生齐山及琅邪，或云山阳起山，采无时。

孔公孽 味辛温。主伤食不化，邪结气，恶创，疽瘰琅邪，利九窍，下乳汁（《御览》引云，一名通石，大观本作黑字）。生山谷。

吴普曰：孔公孽，神农辛，岐伯咸，扁鹊酸无毒，色青黄。

《名医》曰：一名通石，殷孽根也，青黄色生梁山。

殷孽 味辛温。主烂伤瘀血，泄利寒热，鼠寒瘰瘕瘕结气。一名姜石。生山谷（按此当与孔公孽为一条）。

《名医》曰：钟乳根也生越国，又梁山及南海，采无时。

铁精 平，主明目化铜，铁落，味辛平，主风热，恶创，瘡疽创痂，疥气在皮肤中。铁，主坚肌耐痛，生平泽。（旧为三条，今并）。

《名医》曰：铁精一名铁液，可以染色，生牧羊及枋城或析城，采无时。

案《说文》云：铁，黑金也，或省作铁，古文作𨮒。

理石 味辛寒。主身热，利胃解烦，益精明目，破积聚，去三虫。一名石立制石。生

山谷。

《名医》曰：一名饥石，如石膏，顺理而细，生汉中，及卢山，采无时。

长石 味辛寒。主身热，四肢寒厥，利小便，通血脉，明目，去翳，眇，下三虫，杀蛊毒。久服不饥。一名方石。生山谷。

吴普曰：长石一名方石，一名直石，生长子山谷。如马齿，润泽玉色长鲜，服之不饥。（《御览》）。

《名医》曰：一名土石，一名直石，理如马齿，方而润泽，玉色，生长子山，及太山临淄采无时。

肤青 味辛平。主蛊毒，及蛇菜肉诸毒，恶创。生川谷。

《名医》曰：一名推青，一名推石，生益州。

案陶宏景云：俗方及仙经，并无用此者，亦相与不复识。

上玉石，中品一十四种，旧十六种，考铁落、铁，宜与铁精为一。

干姜 味辛温。主胸满咳逆上气，温中止血，出汗，逐风，湿痹，肠澼，下利。生者尤良，久服去臭气，通神明。生川谷。

《名医》曰：生犍为及荆扬州。九月采。

案《说文》云：姜，御湿之菜也。《广雅》云：菝廉姜也。《吕氏春秋》本味篇云：和之美者，阳朴之姜，高诱注：阳朴地名在蜀郡，司马相如上林赋，有茈姜云云。

枲耳实 味甘温。主风头，寒痛，风湿，周痹，四肢拘挛，痛，恶肉死肌，久服益气，耳目聪明，强志轻身。一名胡枲，一名地葵。生川谷。

《名医》曰：一名菝，一名常思，生安陆及六安田野，实熟时采。

案《说文》云：菝卷耳也。苓，卷耳也。《广雅》云：苓，耳菝，常枲，胡枲，枲耳也。尔雅云：苍耳，苓耳。郭璞云：江东呼为常枲，形似鼠耳，丛生如盘。《毛诗》云：采采卷耳。《传》云：卷耳，苓耳也。陆玕云：叶

青，白色，似胡荽，白华，细茎蔓生，可煮为茹，滑而少味，四月中生子，正如妇人耳珰，今或谓之耳珰草，郑康成谓是白胡荽，幽州人谓之爵耳。《淮南子》览冥训云：位贱尚枲。高诱云：枲者，枲耳，菜名也。幽冀谓之檀菜，雒下谓之胡枲。

葛根 味甘平。主消渴，身大热，呕吐，诸痹，起阴气，解诸毒，葛谷，主下利，十岁以上。一名鸡齐根。生种谷。

吴普曰：葛根，神农甘，生太山（《御览》）

《名医》曰：一名鹿藿，一名黄斤，生汶山，五月采根，暴干。

括楼根 味苦寒。主消渴，身热，烦满，大热，补虚安中，续绝伤。一名地楼。生川谷，及山阴。

吴普曰：括楼，一名泽巨，一名泽姑（《御览》）

《名医》曰：一名果裸，一名天瓜，一名泽姑，实名黄瓜，二月八月，采根，暴干，三十日成，生宏农。

案《说文》云：莢，莢葵，果也。《广雅》云：王白，莢也。（当为王莢）《尔雅》云：果裸之实，括楼。郭璞云：今齐人呼之为天瓜。《毛诗》云：果裸之实，亦施于宇。《传》云：果裸，括楼也。《吕氏春秋》云：王善生。高诱云：善或作瓜，瓠瓠也。案《吕氏春秋》善字乃莢之误。

苦参 味苦寒。主心腹结气，癥瘕积聚，黄疸，溺有余沥，逐水，除痈肿，补中，明目，止泪。一名水槐，一名苦识。生山谷及田野。

《名医》曰：一名地槐，一名菀槐，一名骄槐，一名白茎，一名虎麻，一名苓茎，一名禄曰，一名陵郎，生汝南。三月八月十月，采根，暴干。

当归 味甘温。主咳逆上气，温虐，寒热，洗在皮肤中（大观本，洗音霽）。妇人漏下绝子，诸恶创疡金创。煮饮之。一名干归。生

川谷。

吴普曰：当归，神农黄帝桐君扁鹊甘无毒，岐伯雷公辛无毒，李氏小温，或生羌胡地。

《名医》曰：生陇西，二月八月，采根阴干。

案《广雅》云：山靳，当归也。《尔雅》云：薜，山靳。郭璞云：今似靳而粗大，又薜，白靳。郭璞云：即上山靳。

范子计然云：当归，出陇西，无枯者善。

麻黄 味苦温，主中风伤寒头痛温疟，发表，出汗，去邪热气，止咳逆上气，除寒热，破癥坚积聚。一名龙沙。

吴普曰：麻黄一名卑相，一名卑坚，神农雷公苦无毒，扁鹊酸无毒，李氏平，或生河东，四月，立秋采（《御览》）。

《名医》曰：一名卑相，一名卑盐，生晋地及河东，立秋采茎，阴干今青。

案《广雅》云：龙沙，麻黄也。麻黄茎，狗骨也。范子计然云：麻黄出汉中三辅。

通草（《御览》作草）味辛平。主去恶虫，除脾胃寒热，通利九窍，血脉关节，令人不忘。一名附支。生山谷。

吴普曰：蒹草，一名丁翁，一名附支，神农黄帝辛，雷公苦，生石城山谷，叶青蔓延，止汗，自正月采（《御览》）。

《名医》曰：一名丁翁，生石城及山阳，正月采枝，阴干。

案《广雅》云：附支，蒹草也。《中山经》云：升山其草多寇脱。郭璞云：寇脱草，生南方，高丈许，似荷叶，而茎中有瓢，正白，零陵人植而日灌之，以为树也。《尔雅》云：离南活茺。郭璞注同，又倚商，活脱。郭璞云：即离南也。范子计然云：蒹草，出三辅。

芍药 味苦平。主邪气腹痛，除血痹，破坚积寒热，疝瘕，止痛，利小便，益气（《艺文类聚》引云：一名白术，大观本作黑字）。生川谷及丘陵。

吴普曰：芍药，神农苦，桐君甘，无毒，岐伯咸。李氏小寒，雷公酸，一名甘积，一名解仓，一名诞，一名余容，一名白术，三月三日采（《御览》）。

《名医》曰：一名白术，一名余容，一名犁食，一名解食，一名诞，生中岳，二月八月，采根，暴干。

案《广雅》云：李夷，芍药也。白术、牡丹也。《北山经》云：绣山其草多芍药。郭璞云：芍药一名辛夷，亦香草属。《毛诗》云：赠之以芍药。《传》云：芍药，香草。范子计然云：芍药出三辅。崔豹《古今注》云：芍药有三种，有草芍药，有木芍药，木有花，大则色深，俗呼为牡丹，非也。又云：一名可离。

蠹实 味甘平。主皮肤寒热，胃中热气，寒湿痹，坚筋骨，令人嗜食。久服轻身。花叶，去白虫。一名剧草，一名三坚一名豕首。生川谷。

吴普曰：蠹实，一名剧草，一名三坚，一名剧荔华（《御览》），一名泽蓝，一名豕首，神农黄帝甘辛无毒，生宛句，五月采。（同上）

《名医》曰：一名荔实，生河东，五月采，实阴干。

案《说文》云：荔，草也，似蒲而小，根可作刷。广雅云：马薤，荔也。月令云：仲冬之月，荔挺出。郑云：荔挺，马薤也。高诱注淮南子云：荔马，荔草也。通俗文云：一名马兰。颜之推云：此物河北平泽率生之，江东颇多种子阶庭，但呼为早蒲，故不识马薤。

瞿麦 味苦寒。主关格，诸癥结，小便不通，出刺，决痈肿，明目去翳，破胎堕子，下闭血。一名巨句麦生。川谷。

《名医》曰：一名大菊，一名大兰，生大山，立秋采实，阴干。

案《说文》云：薤，薤麦也。菊，大菊，薤麦。《广雅》云：茈薤，陵苕，薤麦也。《尔雅》云：大菊，薤麦。郭璞云：一名麦句姜，即瞿麦。陶宏景云：子颇似麦，故名瞿

麦。

元参 味苦微寒。主腹中寒热积聚，女子产乳余疾，补肾气，令人目明。一名重台。生川谷。

吴普曰：元参，一名鬼藏，一名正马，一名重台，一名鹿腹，一名端，一名元台，神农桐君黄帝雷公扁鹊苦无毒，岐伯咸，李氏寒，或生冤胸山阳，二月生叶如梅毛，四四相植似芍药，黑茎方高四五尺，华赤，生枝间，四月，实黑。（《御览》）

《名医》曰：一名元台，一名鹿肠，一名正马，一名减，一名端，生河间及冤句，三月四月采根，暴干。

案《广雅》云：鹿肠，元参也。

范子计然云：元参出三辅，青色者善。

秦艽 味苦平。主寒热邪气，寒湿，风痹，肢节痛，下水，利小便。生山谷。

《名医》曰：生飞鸟山，二月八月，采根，暴干。

案《说文》云：苽草之相叫者，《玉篇》作苽，居包切。云秦艽，药艽同。萧炳云：《本经》名秦瓜，然则今《本经》名亦有《名医》改之者。

百合 味甘平。主邪气腹胀心痛，利大小便，补中益气。生川谷。

吴普曰：百合一名重迈，一名中庭，生冠胸及荆山。（《艺文类聚》引云：一名重匡）

《名医》曰：一名重箱，一名摩罗，一名中逢花，一名强瞿，生荆州，二月八月，采根，暴干。

案《玉篇》云：躡，百合蒜也。

知母 味苦寒。主消渴，热中，除邪气，肢体浮肿，下水，补不足。益气。一名蜚母，一名连母，一名野蓼，一名地参，一名水参，一名水浚，一名货母，一名蜚母。生川谷。

吴普曰：知母，神农桐君无毒，补不足益气。（《御览》引云：一名提母）

《名医》曰：一名女雷，一名女理，一名儿草，一名鹿列，一名韭蓬，一名儿踵草，一

名东根，一名水须，一名沈燔，一名薺，生河内，二月八月，采根暴干。

案《说文》云：薺，薺母也。蓼，苽藩也，或从爻作薺。《广雅》云：薺母儿踵，东根也。《尔雅》云：薺，苽藩。郭璞云：生山上，叶如韭，一曰蜚母。范子计然云：蜚母，出三辅，黄白者善。《玉篇》作薺母。

贝母 味辛平。主伤寒烦热，淋沥邪气，疝瘕，喉痹，乳难，金创，风痉，一名空草。

《名医》曰：一名药实，一名苦花，一名苦菜，一名商（商字）草，一名勤母，生晋地，十月采根暴干。

案《说文》云：商，贝母也。《广雅》云：贝父，药实也。《尔雅》云：商，贝母。郭璞云：根如小贝，圆而白华，叶似韭。《毛诗》云：言采其虻。传云：虻贝母也。陆玕云：其叶如括楼而细小，其子在根下如芋子，正白，四方连累相著有分解也。

白芷 味辛温。主女人漏下赤白，血闭，阴肿，寒热，风头，侵目，泪出，长肌肤，润泽，可作面脂。一名芳香，生川谷。

吴普曰：白芷，一名薺，一名苽离，一名泽芬，一名薺（《御览》）。

《名医》曰：一名白芷，一名薺，一名苽，一名苽离，一名泽芬，叶一名薺麻，可作浴汤，生河东下泽，二月八月，采根，暴干。

案《说文》云：芷，薺也。薺，楚谓之薺。晋谓之薺，齐谓之芷。《广雅》云：白芷，其叶谓之药。《西山经》云：号山，其草多药薺。郭璞云：药，白芷别名。薺，香草也。《淮南子》修务训云：身苦秋药被风。高诱云：药，白芷，香草也。王逸注《楚词》云：药，白芷，按《名医》一名苽云云，似即《尔雅》苽苽离其上离，而《说文》别有薺，夫离也，苽夫薺上也，是非一草。舍人云：白蒲一名苽离，楚谓之苽，岂蒲与芷相似，而《名医》误合为一乎。或《说文》云：楚谓之薺，即夫薺也，未可得详，旧作芷，非。

淫羊藿 味辛寒。主阴痿绝伤，茎中痛，

利小便，益气力，强志。一名刚前。生山谷。

吴普曰：淫羊藿，神农雷公辛，李氏小寒，坚骨（《御览》）。

《名医》曰：生上山郡阳山。

黄芩 味苦平。主诸热黄疸，肠澼，泄利，逐水，下血闭，恶创恒蚀，火疡。一名腐肠。生川谷。

吴普曰：黄芩，一名黄文，一名妒妇，一名虹胜，一名红芩，一名印头，一名内虚，神农桐君黄帝雷公扁鹊皆无毒。李氏小温，二月生赤黄叶，两两四四相抱，茎空中，或方员，高三四尺，四月花紫红赤，五月实黑根黄，二月至九月采。（《御览》）

《名医》曰：一名空肠，一名内虚，一名黄文，一名红芩，一名妒妇，生秭归及冤句，三月三日，采根阴干。

案《说文》云：葢，黄葢也。《广雅》云：葢，黄文，内虚，黄芩也。范子计然云：黄芩出三辅，色黄者，善。

狗脊 味苦平。主腰背强关机，缓急，周痹，寒湿，膝痛，颇利老人。一名百枝。生川谷。

吴普曰：狗脊一名狗青，一名赤节，神农桐君黄帝岐伯雷公扁鹊皆无毒李氏小温，如葶藶，茎节如竹，有刺，叶圆赤，根黄白，亦如竹根，毛有刺。岐伯经云：茎长节，叶端员青赤，皮白有赤脉。

《名医》曰：一名强脊，一名扶盖，一名扶筋，生常山，二月八月，采根暴干。

案《广雅》云：菝葜，狗脊也。《玉篇》云：菝葜，狗脊根也。《名医》别出菝葜条，非。

石龙芮 味苦平。主风寒湿痹，心腹邪气，利关节，止烦满。久服，轻身明目，不老。一名鲁果能（《御览》作食果），一名地樁，生川泽石边。

吴普曰：龙芮一名姜苔，一名天豆，神农苦平岐伯酸，扁鹊李氏大寒，雷公咸无毒，五月五日采（《御览》）。

《名医》曰：一名石能，一名彭根，一名天豆，生太山，五月五日采子，二月八月采皮，阴干。

案范子计然云：石龙芮，出三辅，色黄者善。

茅根 味甘寒。主劳伤虚羸，补中益气，除淤血，血闭寒热，利小便，其苗，主下水。一名兰根，一名茹根。生山谷田野。

《名医》曰：一名地管，一名地筋，一名兼杜，生楚地，六月采根。

案《说文》云：茅，菅也。菅，茅也。《广雅》云：菅，茅也。《尔雅》云：白华野菅。郭璞云：菅，茅属。诗云：白华菅兮，白茅束兮。《传》云：白华，野菅也，已沤，为菅。

紫菀 味苦温。主咳逆上气，胸中寒热结气，去蛊毒痿蹶，安五藏。生山谷。

吴普曰：紫菀，一名青菀（《御览》）。

《名医》曰：一名紫茜，一名青菀，生房陵及真定邯郸，二月三月，采根，阴干。

案《说文》云：菀，茈菀，出汉中，房陵。陶宏景云：白者名白菀。唐本注云：白菀，即女菀也。

紫草 味苦寒。主心腹邪气五疸，补中益气，利九窍，通水道。一名紫丹，一名紫芙（《御览》引云：一名地血，大观本无文）。生川谷。

吴普曰：紫草节赤，二月花。（《御览》）

《名医》曰：生碭山及楚地，三月采根，阴干。

案《说文》云：茈，草也，藐，茈草也，茈草也，可以染留黄。《广雅》云：茈炭，茈草也。《山海经》云：劳山多茈草。郭璞云：一名紫茈，中染紫也。《尔雅》云：藐，茈草。郭璞云：可以染紫。

败酱 味苦平。主暴热火创，赤气，疥搔，疸痔，马鞍，热气。一名鹿肠。生川谷。

《名医》曰：一名鹿首，一名马草，一名泽败，生江夏，八月采根曝干。

案范子计然云：败酱出三辅。陶宏景云：

气如败酱。故以为名。

白鲜 味苦寒。主头风，黄疸，咳逆，淋沥，女子阴中肿痛，湿痹死肌，不可屈伸，起止行步。生川谷。

《名医》曰：生上谷及冤句，四月五月，采根阴干。

案陶宏景云：俗呼为白羊鲜，气息正似羊膻或名白膻。

酸酱 味酸平。主热烦满，定志益气，利水道，产难吞其实立产。一名醋酱。生川泽。

吴普曰：酸酱，一名酢酱（《御览》）。

《名医》曰：生荆楚，及人家田园中，五月采，阴干。

案《尔雅》云：蒨，寒酱。郭璞云：今酸酱草，江东呼曰苦蒨。

紫参 味苦辛寒。主心腹积聚，寒热邪气，通九窍，利大小便，一名牡蒙。生山谷。

吴普曰：伏蒙，一名紫参，一名泉戎，一名音腹，一名伏菟，一名重伤。神农黄帝苦，李氏大寒，生河西山谷或冤句商山，圆聚生，根黄赤月文，皮黑中紫，五月花紫，赤实黑，大如豆，三月采根。（《御览》大观本节文）

《名医》曰：一名众戎，一名童肠：一名马行，生河西及冤句，三月采根，火炙使紫色。

案范子计然云：紫参出三辅，赤青色者善。

藁本 味辛温。主妇人疝瘕，阴中寒肿痛，腹中急，除风头痛，长肌肤，悦颜色。一名鬼卿，一名地新。生山谷。

《名医》曰：一名微茎，生崇山，正月二月采根暴干，三十日成。

案《广雅》云：山芷蔚香，藁本也。《管子》地员篇云：五臭畴生藁本。《荀子》大略篇云：兰芷藁本，渐子蜜醴，一佩易之。樊光注《尔雅》云：藁本一名藁茝，根名靳芷，归作藁，非。

石韦 味苦平。主劳热邪气，五癰闭不通，利小便水道。一名石韞。生山谷石上。

《名医》曰：一名石皮，生华阴山谷，不闻水及人声者，良，二月采叶，阴干。

葶藶 味苦平。主腰背痛，强骨节，风寒湿，周痹，恶创不瘳，热气。生山谷。

《名医》曰：一名赤节，生真定，八月采根曝干。

案《博物志》云：菝葜与葶藶相乱。

白薇 味苦平。主暴中风，身热肢满，忽忽不知人，狂惑，邪气，寒热酸疸，温疟洗洗，发作有时。生川谷。

《名医》曰：一名白幕，一名薇草，一名春草，一名骨美，生平原，三月三日，采根阴干。

水萍 味辛寒。主暴热身痒（《艺文类聚》初学记律，此是），下水气胜酒，长须发（《艺文类聚》作乌发），消渴。久服轻身。一名水华（《艺文类聚》引云：一名水廉）。生池泽。

吴普曰：水萍一名水廉，生泽水上，叶员小，一茎，一叶，根入水，五月华白，三月采，日干。（《御览》）

《名医》曰：一始水白，一名水苏，生雷泽，三月采，曝干。

案《说文》云：萍，萍也，无根浮水而生者。萍，苹也，萑，大萍也。《广雅》云：藻，萍也。《夏小正》云：七月湍潦生苹。《尔雅》云：萍萍。郭璞云：水中浮萍，江东谓之藻。又其大者蘋。《毛诗》云：于以采蘋。《传》云：蘋，大萍也。范子计然曰：水萍出三辅，色青者善。《淮南子》原道训云：萍树根子水。高诱云：萍，大蘋也。

王瓜 味苦寒。主消渴内痹瘀血，月闭，寒热，酸疼，益气，俞聋。一名土瓜。生平泽。

《名医》曰：生鲁地田野，及人家垣墙间，三月采根，阴干。

案《说文》云：蒹，王蒹也。《广雅》云：葵茹，瓜瓠，王瓜也。《夏小正》云：四月王蒹秀。《尔雅》云：钩蒹茹。郭璞云：钩，瓠也。一名王瓜，实如瓠瓜，正赤，味苦，月

令，王瓜生。郑元云：月令云：王蒹生，孔颖达云：疑王蒹，则王瓜也。《管子》地员篇，黜上之次，曰五沙。其种大蒹细蒹，白茎青秀以蔓。《本草图经》云：大蒹，即王蒹也。蒹亦谓之上瓜，自别是一物。

地榆 味苦微寒。主妇人乳痼痛，七伤带下病，止痛。除恶肉，止汗，疗金创（《御览》上云：主消酒，又云明目，《大观本草》，消酒作黑字，而无明目）。生山谷。

《名医》曰：生桐柏及冤句，二月八月，采根，暴干。

案《广雅》云：蒺藜，地榆也。陶宏景云：叶似榆而长，初生布地，而花子紫黑色如鼓，故名玉鼓。

海藻 味苦寒。主瘰疬气，颈下核，破散结气，痈肿瘰疬坚气，腹中上下鸣，下水十二肿。一名落首。生池泽。

《名医》曰：一名藻，生东海，七月七日采，暴干。

案《说文》云：藻，水草也，或作藻。广雅云：海萝，海藻也。《尔雅》云：薺，海藻也。郭璞云：药草也。一名海萝，如乱发，生海中。《本草》云：又藻石衣。郭璞云：水苔也，一名石发，江东食之，或曰薺，叶似薺而大，生水底也，亦可食。

泽兰 味苦微温。主乳妇内衄（《御览》作衄血），中风余疾，大腹水肿，身面四肢浮肿，骨节中水，金创痈肿创脓。一名虎兰，一名龙枣。生大泽傍。

吴普曰：泽兰，一名水香，神农黄帝岐伯桐君酸无毒，李氏温，生下地水傍，叶如兰，二月生，香，赤节，四叶相值枝节间。

《名医》曰：一名虎蒲，生汝南，三月三日采，阴干。

案《广雅》云：虎兰，泽兰也。

防己 味辛平。主风寒湿疟热气诸痛，除邪，利大小便。一名解离（《御览》作石解引云：通湊理，利九窍，大观本六字黑）。生川谷。

吴普曰：木防己，一名解离，一名解燕，

神农辛，黄帝岐伯桐君苦无毒，李氏大寒，如芹，茎蔓延，如芫，白根外黄似结梗，内黑又如车辐解，二月八月十月，采根。（《御览》）

《名医》曰：生汉中，二月八月，采根阴干。

案范子计然云：防己出汉中旬阳。

款冬花 味辛温。主咳逆上气，善喘，喉痹，诸惊痫，寒热邪气。一名橐吾（《御览》作石），一名颗东（《御览》作颗冬），一名虎须，一名兔奚。生山谷。

吴普曰：款冬十二月，花黄白。（《艺文类聚》）

《名医》曰：一名氏冬，生常山及日常水傍，十一月，采花阴干。

案《广雅》云：苦苣，款冻也。《尔雅》云：菟奚，颗冻。郭璞云：款冬也。紫赤华生水中。《西京杂记》云：款冬花于严冬。传咸款冬赋序曰：仲冬之月，冰凌积雪，款冬独敷华艳。

牡丹 味苦辛寒。主寒热，中风，痲疯，痉，惊痫，邪气，除瘕坚，瘀血留舍肠胃，安五脏，疗痈创。一名鹿韭，一名鼠姑。生山谷。

吴普曰：牡丹，神农岐伯辛，李氏小寒，雷公桐君苦无毒，黄帝苦有毒，叶如蓬相植，根如柏，黑中有核，二月采，八月采，日干，人食之，轻身益寿。（《御览》）

《名医》曰：生巴郡及汉中，二月八月，采根阴干。

案《广雅》云：白术，牡丹也。范子计然云：牡丹也，汉中河内，赤色者变善。

马先蒿 味平。主寒热，鬼注，中风湿痹，女子带下病，无子。一名马尿蒿。生川泽。

《名医》曰：生南阳。

案《说文》云：蔚，牡蒿也。《广雅》云：因生，马先也。《尔雅》云：蔚，牡蒿。郭璞云：无子者。《毛诗》云：匪莪伊蔚。《传》云：蔚，牡蒿也。陆玕云：三月始生，七月华，华

似胡麻华而紫赤，八月为角，角似小豆，角锐而长，一名马新蒿，案新先声相近。

积雪草 味苦寒。主大热，恶创痈疽，浸淫，赤燂，皮肤赤，身热。生川谷。

《名医》曰：生荆州。

案陶宏景云：荆楚人以叶如钱，谓为地钱草，徐仪药图名连钱草。《本草图经》云：咸洛二京亦有，或名胡薄荷。

女菀（《御览》作苑）味辛温。主风，洗洗，霍乱，泄利，肠鸣上下无常处，惊痛，寒热百疾，生川谷，或山阳。

吴普曰：女菀，一名白菀，一名识女菀。（《御览》）

《名医》曰：一名白菀，一名织女菀，一名茆，生汉中，正月二月采，阴干。

案《广雅》云：女肠，女菀也。

王孙 味苦平。主五藏邪气，寒湿痹，四肢疼酸，膝冷痛。生川谷。

吴普曰：黄孙一名王孙，一名蔓延，一名公草，一名海孙，神农雷公苦无毒。黄帝甘无毒，生西海山谷，及汝南城郭垣下，蔓延，赤文，茎叶相当。（《御览》）

《名医》曰：吴名白功草，楚名王孙，齐名长孙，一名黄孙，一名黄昏，一名海孙，一名蔓延，生海西及汝南城郭下。

案陶宏景云：今方家皆呼王昏，又云牡蒙。

蜀羊泉 味苦微寒。主头秃恶创，热气，疥搔，痂癣虫，疗齕齿。生川谷。

《名医》曰：一名羊泉，一名饴，生蜀郡。

案《广雅》云：漆姑，艾但鹿何，泽鞠也。唐本注云：此草，一名漆姑。

爵床 味咸寒。主腰脊痛，不得着床，俯仰艰难，除热，可作浴汤。生川谷及田野。

吴普曰：爵床，一名爵卿（《御览》）。

《名医》曰：生汉中。

案别本注云：今人名为香苏。

假苏 味辛温，主寒热，鼠痿，癰疽生创，破结聚气，下淤血，除湿痹，一名鼠葵，

生川泽。（旧在菜部，今移）

吴普曰：假苏一名鼠实，一名姜芥也。（《御览》）名荆芥，叶似落葵而细，蜀中生啖之。（蜀本注）

《名医》曰：一名姜芥，生汉中。

案陶宏景云：即荆芥也，姜荆声讹耳，先居草部中，令人食之，录在菜部中也。

翹根 味甘寒平（《御览》作味苦平）。主下热气，益阴精，令人而说好，明目。久服轻身耐老。生平泽。（旧在唐本退中，今移）

吴普曰：翹根，神农雷公甘有毒，三月八月采，以作蒸，饮洒病人。（《御览》）

《名医》曰：生蒿高，二月八月采。

案陶宏景云：方药不复用，俗无识者。

上草 中品四十九种，旧四十六种，考菜部假苏，及唐本退中，翹根，宜入此。

桑根白皮 味甘寒。主伤中，五劳六极，羸瘦，崩中，脉绝，补虚益气。叶主除寒热出汗。桑耳黑者，主女子漏下，赤白汗，血病，癰疽积聚，阴补阴阳，寒热，无子。五木耳名糯，益气不饥，轻身强志。生山谷。

《名医》曰：桑耳一名桑菌，一名木麦，生犍为，六月多雨时采，即暴干。

案《说文》云：桑，蚕所食叶，木菴，木耳也。草，桑菴。《尔雅》云：桑瓣有萁梔。舍人云：桑树一半有萁，半无萁，名梔也。郭璞云：瓣，半也，又女桑，槩桑。郭璞云：今俗呼桑树小而条长者，为女桑树，又屎山桑。郭璞云：似桑材中作弓及草轅，又桑柳槐条。郭璞云：阿那垂条。

竹叶 味苦平。主咳逆上气溢筋急，恶疡，杀小虫。根，作汤，益气止渴，补虚下气。汁，主风痉。实，通神明，轻身益气。

《名医》曰：生益州。

案《说文》云：竹，冬生草也，象形，下亟者，箬，箬也。

吴茱萸（《御览》引，无吴字，是）味辛温。主温中，下气，止痛，咳逆，寒热，除湿痹，逐风邪，开溱（旧作膝，《御览》作涛，是）理。

根杀三虫。一名蕞，生山谷。

《名医》曰：生冤句，九月九日采，阴干。

案说文云：茱，茱萸，属，萸，茱萸也。煎茱萸，汉律，会稽献茱一斗。《广雅》云：梲，檄，档，槲，茱萸也。《三苍》云：茱，茱萸也。《御览》、《尔雅》云：椒、檄、丑茱。郭璞云：茱萸子，聚生成房貌，今江东亦呼槲，似茱萸而小，赤色。《礼记》云：三牲用蕞。郑云：蕞煎茱萸也。《汉律》会稽献焉，尔雅谓之槲。范子计然云：茱萸，出三辅。陶宏景云：《礼记》名槲而作俗中呼为蕞子，当是不识蕞字似杂字，仍似相传。

卮子（旧作梲，《艺文类聚》及《御览》引作支，是）味苦寒。主五内邪气，胃中热气面赤，酒泡，鼓鼻，白癞，赤癞，创瘍。一名木丹。生川谷。

《名医》曰：一名槲桃，生南阳，九月采实，暴干。

案《说文》云：梲，黄木可染者。《广雅》云：梲子，楸桃也。《史记》货殖传云：巴蜀地饶卮。《集解》云：徐广白音支，烟支也。紫，赤色也，据《说文》当为梲。

茺藺 味辛。主五内邪气散，皮肤骨节中淫，淫温行毒，去三虫，化食。一名无姑，一名殿塘（《御览》引云：逐寸白，散腹中，温温喘息，大观本作黑字）。生川谷。

《名医》曰：一名殿塘，生晋山，三月采实，阴干。

案《说文》云：梗，山枌榆，有束萸可为茺藺者。《广雅》云：山榆，母估也。《尔雅》云：茺藺蒺藜。郭璞云：一名白藺，又无姑，其实夷。郭璞云：无姑，姑榆也。生山中，叶圆而厚，剥取皮合渍之，其味辛香，所谓茺藺。范子计然云：茺藺在地，赤心者善。

枳实 味苦寒。主大风在皮肤中，如麻豆苦痒（《御览》作痲，非），除寒热结，止利（旧作痢，《御览》作利，是），长肌肉，利五脏，益气轻身。生川泽。

吴普曰：枳实苦，雷公酸无毒，李氏大寒，九月十日采，阴干。（《御览》）

《名医》曰：生河内，九月十月采，阴干。

案《说文》云：枳木似橘。《周礼》云：橘渝淮而化为枳，《沈括笔谈》云：六朝以前，医方，唯有枳实，无枳壳，后人用枳之小嫩者为枳实，大者为枳壳。

厚朴 味苦温。主中风，伤寒，头痛，寒热，惊悸气，血痹，死肌，去三虫。

吴普曰：厚朴，神农岐伯雷公苦无毒，李氏小温。（《御览》引云：一名厚皮，生交址）

《名医》曰：一名厚皮，一名赤朴，其树名榛，其子名逐，生交址冤句，九月十月采皮。阴干。

案《说文》云：朴，木皮也，榛木也。《广雅》云：重皮，厚朴也。范子计然云：厚朴出宏农，按今俗以榛为亲，不知是厚朴，《说文》榛栗，字作亲。

秦皮 味苦微寒。主风寒湿痹，洗洗，寒气，除热，目中青翳白膜。久服，头不白，轻身。生川谷。

吴普曰：芩皮，一名秦皮，神农雷公黄帝岐伯酸无毒，李氏小，或生冤句水边，二月八日采。（《御览》）

吴普曰：一名芩皮，一名石櫟，生庐江及冤句，二月八月采皮，阴干。

案《说文》云：櫟，青皮木，或作櫟。《淮南子》倮真训云：櫟木，色青翳。高诱云：櫟木，苦历木也，生于山，剥取其皮，以水浸之，正青，用洗眼，愈人目中肤翳。据吴普云：芩皮，名秦皮，《本经》作秦皮者，后人以俗称改之，当为芩皮。

秦菽 味辛温。主风邪气，温中除寒痹，坚齿发，明目。久服，轻身，好颜色，耐老增年，通神。生川谷。

《名医》曰：生太山及秦岭上，或琅邪，八月九月采实。

案《说文》云：菽，菽萸。菽菽，菽槲实菜蓂如蓂者，椒似茱萸，出《淮南》。《广

雅》云：檳榔，茱萸也。《北山经》云：景山多秦椒。郭璞云：子似椒而细叶草也。《尔雅》云：檳，大椒。郭璞云：今椒树丛生实大者，名为檳，又椒檳丑菜。郭璞云：茱萸子聚成房貌，今江示亦呼茱萸，似茱萸而小，赤色。《毛诗》云：椒聊之实。《传》云：椒聊，椒也。陆玑云：椒树似茱萸，有针刺，叶坚而滑泽，蜀人作茶，吴人作茗，皆合煮其叶以为香。范子计然云：秦椒出天水陇西，细者善。《淮南子》人间训云：申椒杜茱，美人之所怀服，旧作椒，非，据《山海经》，有秦椒，生闻喜景山，则秦非秦地之秦也。

山茱萸 味酸平。主心下邪气，寒热，温中，逐寒湿痹，去三虫。久服轻身。一名蜀枣。生山谷。

吴普曰：山茱萸，一名魅实，一名鼠矢，一名鸡足，神农黄帝雷公扁鹊酸无毒，岐伯辛，一经酸，或生冤句琅邪，或东海承县，叶如梅，有刺毛，二月，华如杏四月实如酸枣，赤，五月采实。（《御览》）

《名医》曰：一名鸡足，一名魅实，生汉中及琅邪冤句，东海承县，九月十月采实，阴干。

紫葳 味酸，（《御览》作咸），微寒。主妇人产乳余疾，崩中，瘕瘕，血闭，寒热，羸瘦，养胎。生川谷。

吴普曰：紫葳一名武威，一名瞿麦，一名陵居腹，一名鬼目，一名茺华，神农雷公酸，岐伯辛，扁鹊苦咸，黄帝甘无毒，如麦根黑，正月八月采，或生真定（《御览》）。

《名医》曰：一名陵苕，一名茺华，生西海及山阳。

案《广雅》云：茺葳，陵苕，蓬麦也。《尔雅》云：苕。陵苕，郭璞云：一名陵时。《本草》云：又黄华，白华葳。郭璞云：苕、华、色异，名亦不同。《毛诗》云：苕之华。《传》云：苕，陵苕也。范子计然云：紫葳出三辅。李当之云：是瞿麦根据李说与《广雅》合，而《唐本注》引《尔雅注》，有一名

陵霄四字，谓即陵霄花，陆玑以为鼠尾，疑皆非，故不采之。

猪苓 味甘平。主痼疾，解毒蛊注。（《御览》作蛙）不祥利水道。久服轻身耐老。（《御览》作能老）。一名猥猪尿。生山谷。

吴普曰：猪苓，神农甘，雷公苦无毒。（《御览》引云：如茯苓，或生冤句，八月采）。

《名医》曰：生衡山及济阴冤句，二月八月采，阴干。

案《庄子》云：豕零，司马彪注，作豕囊，云：一名猪苓，根似猪卵，可以治渴。

白棘 味辛寒。主心腹痛，痈肿溃脓，止痛。一名棘针。生川谷。

《名医》曰：一名棘刺，生雍州。

案《说文》云：棘，小枣丛生者。《尔雅》云：髭颠棘。孙炎云：一名白棘。李当之云：此是酸枣树针，今人用天门冬苗代之，非是真也。案经云：天门冬一名颠勒，勒棘声相近，则今人用此，亦非无因也。

龙眼 味甘平。主五脏邪气，安志厌食。久服，强魂聪明，轻身，不老，通神明，一名益智。生山谷。

吴普曰：龙眼一名益智，要术一名比目。（《御览》）

《名医》曰：其大者似槟榔，生南海松树上，五月采，阴干。

案《广雅》云：益智，龙眼也。刘达注《吴都赋》云：龙眼，如荔枝而小，圆如弹丸，味甘，胜荔枝，苍梧，交址，南海，合浦皆献之，山中之家亦种之。

松萝 味苦平。主瞋怒邪气，止虚汗头风，女子阴寒肿病。一名女萝。生山谷。

《名医》曰：生熊耳山。

案《广雅》云：女萝松萝毛。《毛诗》云：葛与女萝。《传》云：女萝菟丝，松萝也。陆玑云：松萝自蔓松上，枝正青，与兔丝异。

卫矛 味苦寒。主女子崩中下血，腹满汗出，除邪，杀鬼毒虫注。一名鬼箭。生山谷。

吴普曰：鬼箭一名卫矛。神农黄帝桐君苦无毒，叶如桃如羽。正月二月七月采。阴干，或生野田（《御览》）

《名医》曰：生霍山，八月采，干阴。

案《广雅》云：鬼箭，神箭也。陶宏景云：其茎有三羽，状如箭羽。

合欢 味甘平。主安五脏，利心志。（《艺文类聚》作和心志，《御览》作和心气）。令人献乐无忧。久服轻身明目所欲。生山谷。

《名医》曰：生益州。

案《唐本注》云：或曰合昏，欢昏音相近。日华子云：夜合。

上木，中品一十七种，旧同。

白马茎 味咸平。主伤中脉绝，阴不起，强志益气，长肌肉，肥健，生子。眼，主惊痫，腹满，疟疾，当杀用之。悬蹄，主惊邪，瘕瘕，乳难，辟恶气鬼毒蛊注，不祥。生平泽。

《名医》曰：生云中。

鹿茸 味甘温。主漏下恶血，寒热，惊痫，益气强志，生齿不老。角，主恶创痈肿，逐邪恶气，留血在阴中。

《名医》曰：茸，四月五月解角时取阴干使时躁，角七月采。

牛角腮 下闭血，瘀血，疼痛，女人带下血。髓，补中填骨髓。久服增年。胆可丸药。

案《说文》云：腮角中骨也。

羚羊角 味咸温。主青盲明目，杀疥虫，止寒泄，辟恶鬼虎狼，止惊悸。久服，安心益气，轻身。生川谷。

《名医》曰：生河西，取无时。

案《说文》云：羚羊，牝曰羚。《尔雅》云：关牝，羚。郭璞云：今人便以牝，羚，为黑白羊名。

牡狗阴茎 味咸平。主伤中，阴痿不起，令强热大，生子，除女子带下十二疾。一名狗精。胆主明目。

《名医》曰：六月上伏，取阴干百日。

麋羊角 味咸寒。主明目，益气起阴，去恶血注下，辟蛊毒恶鬼不祥，安心气，常不大厌寐。生川谷。

《名医》曰：生石城及华阴山，采元时。

案《说文》云：麋大羊而细角。《广雅》云：美皮冷角。《尔雅》云：麋大羊。郭璞云：麋羊似羊而大，角圆锐，好在山崖间。陶宏景云：《尔雅》名羴羊。据《说文》云：羴山羊细角也。《尔雅》云：羴如羊。郭璞云：羴似羴羊而大角，角楠，出西方，羴即羴正字，然《本经》羴字，实麋字俗写，当以麋为是《尔雅》释文，引《本草》作麋。

犀角 味苦寒。主百毒虫注，邪鬼，障气杀钩吻鸩羽蛇毒，除不迷或厌寐。久服轻血。生山谷。

《名医》曰：生永昌及益州。

案《说文》云：犀南徼外牛，一角在鼻，一角在顶，似豕。尔雅云：犀似豕。郭璞云：形似水牛，猪头大腹，痹脚，脚有三蹄，黑色，三角，一在顶上，一在鼻上，一在额上，鼻上者，即食角也，小而不楠，好食棘，亦有一角者。《山海经》云：琴鼓之山多白犀。郭璞云：此与辟寒，羴忿，辟尘，辟暑，诸犀，皆异种也。范子计然云：犀角出南郡，上价八千，中三千，下一千。

上兽，中品七种，旧同。

燕屎 味辛平。主蛊毒鬼注，逐不祥邪气，破五癰，利小便。生平谷。

《名医》曰：生高山。

案《说文》云：燕，元鸟也，尔口、布翅枝尾，象形作巢，避戊己，乙元鸟也，齐鲁谓之乙，取其名自呼，象形或作乱。《尔雅》云：燕乱。夏小正云，二月来降，燕乃睇。《传》云：燕、乙也，九月陟元鸟，蜚，传云：元鸟者，燕也。

天鼠屎 味辛寒。主面痈肿，皮肤洗洗，时痛，肠中血气，破寒热积聚，除惊悸。一名鼠注，一名石肝。生山谷。

《名医》曰：生合浦，十月十二月取。

案李当之云：即伏翼屎也。李云：天鼠，方言，一名仙鼠。

案今本方言云：或谓之老鼠，当为天宇之误也。

上禽，中品二种，旧同。

猥皮 味苦平。主五痔阴蚀下血，赤白五色，血汗不止，阴肿痛引要背，酒煮杀之，生川谷。

《名医》曰：生楚山田野，取无时。

案《说文》云：猥似豪猪者，或作猥。《广雅》云：虎王，猥也。《尔雅》云：汇毛刺。郭璞云：今谓状似鼠。《淮南子》说山训云：鹄矢中猥。

露蜂房 味苦平。主惊痫瘈瘲，寒热邪气，瘕疾，鬼精，蛊毒肠痔。火熬之，良。一名蜂肠。生山谷。

《名医》曰：一名百穿，一名蜂黠。生牂柯，七月七日采，阴干。

案《淮南子》汜论训云：蜂房不容卵。高诱云：房巢也。

鼈甲 味咸平。主心腹癥瘕坚积，寒热，去痞息肉，阴蚀，痔恶肉。生池泽。

《名医》曰：生丹阳，取无时。

案《说文》云：鼈，甲虫也。

蟹 味咸寒。主胸中邪气，热结痛，咽僻而肿败漆。烧之致鼠。生池泽。

《名医》曰：生伊洛诸水中，取无时。

案《说文》云：蟹有二敖八足旁行，非蛇螭之穴无所庇，或作鱉，蛇螭也。《荀子》勤学篇云：蟹六跪而二螯，非蛇螭之穴无所寄托。《广雅》云：晡蟹，螭也。《尔雅》云：螭蜂，小者螭。郭璞云：或曰即螭螭也，似蟹而小。

柞蟬 味咸寒。主小儿惊痫，夜啼，瘕病，寒热，生杨柳上。

《名医》曰：五月采，蒸干之。

案《说文》云：蟬以旁鸣者，蜩蟬也。《广雅》云：蜩蛄，蟬也，复育，蛻也，旧作柞蟬。《别录》云：柞者，鸣蟬也，壳一名柞

蟬，又名伏蛸，案柞即柞字。《周礼》考工记云：侈则柞。郑元云：柞读为柞柞然之柞，声大外也。《说文》云：诸，大声也，音同柞，今据作柞。柞蟬即五月鸣蜩之蜩，《夏小正》云：五月良蜩鸣，传良蜩也，五采具。《尔雅》云：蜩、螂、蜩。《毛诗》云：如蜩。《传》云：蜩、蟬也。《方言》云：楚谓之蜩，宋卫之间，谓之蜩蜩，陈郑之间，谓之螂蜩，秦晋之间，谓之蟬，海岱之间，谓之蜩。《论衡》云：蟬生于复育，开背而出。而《玉篇》云：柞蟬，七月生。陶宏景音柞作笮云：瘕蟬，是为月令人寒蟬，《尔雅》所云蛻矣，《唐本注》非之也。

蛭蟪 味咸微温。主恶血，血瘀，《御览》作血瘕）痹气，破折血在胁下坚满痛，月闭，目中淫肤，青翳，白膜。一名蛭蛭。生平泽。

《名医》曰：一名蛭齐，一名勃齐，生河内人家积粪草中，取无时，反行者，良。

案《说文》云：蛭、蛭也，蛭、蛭也，蛭、蛭也。《广雅》云：蛭蛭，蛭蛭，地蚕，蠹，蛭蛭。《尔雅》云：蛭、蛭。郭璞云：在粪土中，又蛭蛭，蛭，郭璞云：在木中，今虽通名蛭，所在异。又蛭，蛭蛭。郭璞云：木中囊虫，蛭、桑蠹。郭璞云：即拈掘。《毛诗》云：领如蛭蛭。《传》云：蛭蛭，蛭虫也。《方言》云：蛭蛭，谓之蛭，自关而东，谓之蛭蛭，或谓之蚕蛭，梁益之间，谓之蛭，或谓之蛭或谓之蛭蛭，秦晋之间，谓之蛭，或谓之天蛭。《列子》天瑞篇云：乌足根为蛭蛭。《博物志》云：蛭蛭以背行，快于足用，《说文》无蛭字，当借蛭为之，声相近，字之误也。

乌贼鱼骨 味咸微温。主女子漏下，赤白经汁，血闭，阴蚀，肿痛，寒热，瘕瘕，无子。生池泽。

《名医》曰：生东海，取无时。

案《说文》云：鰓、乌鰓，鱼名，或作鰓，左思赋，有乌鰓。刘逵注云：乌鰓鱼，腹中有墨。陶宏景云：此是鸚鵡所化作，今其

口脚具存，犹相似尔。

白僵蚕 味咸。主小儿惊痫夜啼，去三虫，减黑疸，令人面色好，男子阴痿病，生平泽。

《名医》曰：生颍川，四月取自死者。

案《说文》云：蚕任丝也。《淮南子》说林训云：蚕食而不饮，二十日而化。《博物志》云：蚕三化，先孕而后交，不交者亦生子，子后为蚕，皆无眉目，易伤，收采亦薄，《玉篇》作僵蚕，正当为僵，旧作殭，非。

鲛鱼甲 味辛微温。主心腹癥瘕，伏坚，积聚，寒热，女子崩中，下血五色，小腹阴中相引痛，创疥，死肌。生池泽。

《名医》曰：生南海，取无时。

案《说文》云：鲛，鱼石，皮可为鼓鼙，蜥、水虫似蜥，易长大。陶宏景云：蛇即鼈甲也。

樗鸡 味苦平。主心腹邪气，阴痿，益精，强志，生子好色，补中轻身。生川谷。

《名医》曰：生河内樗树上，七月采，暴干。

案《广雅》云：樗鸡，樗鸡也。《尔雅》云：鹑、天鸡。李巡云：一史酸鸡。郭璞云：小虫，黑身赤头，一名莎鸡，又曰樗鸡。《毛诗》云：六月莎鸡振羽。陆玕云：莎鸡，如蝗而斑色，毛翅数重，某翅正赤，或谓之天鸡，六月中，飞而振羽，索索作声，幽州人谓之蒲错，是也。

蛞蝓 味咸寒。主贼风，喎僻，轶筋，及脱肛，惊痫挛缩。一名陵蠡。生池泽。

《名医》曰：一名土蛄，一名附蛄，生大山及阴地沙石垣下，八月取。

案《说文》云：蛞，虎蛞也，羸，一石虎蛞。《广雅》云：羸羸、蜗牛、蛞蝓也。《中山经》云：青要之山是多仆累。郭璞云：仆累，蜗牛也，周礼鼈人，祭祀供羸。郑云：羸蛞蝓。《尔雅》云：蛞蝓蛞蝓。郭璞云：即蜗牛也。

《名医》曰：别出蜗牛条，非。旧作蛞，

说文云所无。据《玉篇》云：蛞蛞东，知即活东异文，然则当为活。

石龙子 味咸寒。主五癰邪，结气，破石淋，下血，利小便水道。一名蜥易。生川谷。

吴普曰：石龙子，一名守宫，一名石蜴，一名石龙子（《御览》）。

《名医》曰：一名山龙子，一名守宫，一名石蜴，生平阳及荆山石间，五月取着石上令干。

案《说文》云：蜥、虫之蜥蜴也，易，蜥易，蜥蜴，守宫也，象形，蜥在壁口蜥蜴，在草曰蜥易，或作蜥，蜥蜴蜥蛇，医以注鸣者。《广雅》云：蛤解，蜥蜴，蚘蛞，蜥蜴也。《尔雅》云：蜥蜴，蜥蜴，蜥蜴，蜥蜴，守宫也。《毛诗》云：胡为虺蜴，《传》云蜴，蜥也。陆玕云：虺蜴，一名蜥蜴，蜴也，或谓之蛇医，如蜥蜴，青绿色，大如指，形状可恶。《方言》云：守宫，秦晋西夏谓之守宫，或谓之蜥蜴，或谓之蜥易，其在泽中者，谓之易蜴，南楚谓之蛇医，或谓之蜥蜴，东齐，海岱谓之蜥蜴，北燕谓之祝蜴，桂林之中，守宫大者而能鸣，谓之蛤蚧。

木虻 味苦平。主目赤痛，眦伤，泪出，瘀血，血闭，寒热酸慄无子。一名魂常，生川泽。

《名医》曰：生汉中，五月取。

案《说文》云：虻，蜚人飞虫。《广雅》云：蠹蠹，虻也此省文。《淮南子》齐俗训云：水蚤为蠹。高诱云：青蛉也。又《说文》训云：虻、散积血。

蜚虻 味苦微寒。主逐瘀血，破下血积坚痞癥瘕，寒热，通利血脉及九窍。生川谷。

《名医》曰：生江夏，五月取，腹有血者良。

蜚廉 味咸寒。主血瘀，（《御览》引云逐下血），癥坚，寒热，破积聚，喉咽痹，内寒，无子。生川泽。

吴普曰：蜚廉虫。神农黄帝云：治妇人

寒热 (《御览》)

《名医》曰：生晋阳及人家屋间，立秋采。

案《说文》云：蜃，卢蜃也，蜃、臭虫，负螯也，螯、有螯也。《广雅》云：飞螯，飞螯也。《尔雅》云：蜃，蜃。郭璞云：即负盘臭虫。《唐本》注云：汉中入食之下气，名曰石姜，一名卢蜃，一石负盘，占作螯，据邢昺疏引此作廉。

廕虫 味咸寒。主心腹寒热，洗洗，血积癥瘕，破坚，下血闭，生子大，良。一名土鳖。生川泽。

吴普曰：廕虫，一名土鳖 (《御览》)。

《名医》曰：一名土鳖，生河东及沙中，人家墙壁下，土中湿处，十月暴干。

案《说文》云：螭虫属螭，目螭也。《广雅》云：负螯，螭也。《尔雅》云：草虫，负螯。郭璞云：常羊也。《毛诗》云：嘒嘒草虫。《传》云：草虫，常羊也。陆玑云：小大长短如蝗也，奇音，青色，好在茅草中。

伏翼 味咸平。主目瞑，明目，夜视有精光。久服，令人喜乐，媚好无忧。一名蝙蝠。生川谷。(旧部禽部，今移)。

吴普曰：伏翼，或生人家屋间，立夏后，阴干。治目瞑，令人夜视有光 (《艺文类聚》)。

《名医》曰：生太山，及人家屋间，立夏后采，阴干。

案《说文》云：蝙蝠，蝙蝠也；蝠，蝙蝠服翼也。《广雅》云：伏翼，飞鼠，仙鼠，蜃螭也。《尔雅》云：蝙蝠服翼。《方言》云：蝙蝠，自关而东，谓之伏翼，或谓之飞鼠，或谓之老鼠，或谓之仙鼠，自关而西，秦陇之间，谓之蝙蝠，北燕谓之蜃螭。李当之云：即天鼠。

上虫、鱼中品一十七种。旧十六种，考禽部伏翼宜入此。

梅实 味酸平。主下气，除热，烦满，安心，肢体痛，偏枯不仁，死肌，去青黑志，恶疾。生川谷。

吴普曰：梅实 (《大观本草》作核)。明目，益

气，(《御览》) 不饥 (《大观本草》引《吴氏本草》)。

《名医》曰：生汉中，五月采，火干。

案《说文》云：梅，干梅之属，或作藟，某、酸果也，以梅为楠。《尔雅》云：梅楠。郭璞云：似杏实酢，是以某注梅也，周礼籩人，馈食，籩、其实干梅。郑云：干梅，干梅也，有桃诸梅诸，是其干者。《毛诗》疏云：梅暴为腊，羹臠藟中，人含之以香口 (《大观本草》)。

上果，中品一种，旧同。

大黄豆卷 味甘平。主湿痹。筋挛，膝痛。生大豆。涂痈肿。煮汁，饮，杀鬼毒，止痛，赤小豆，主下水，排痈肿脓血。生平泽。

吴普曰：大豆黄卷，神农黄帝雷公无毒，采无时，去面豕，得前胡，乌啄，杏子，牡蛎，天雄，鼠屎，共蜜和佳，不欲海藻龙胆，此法，大豆初出黄土芽是也。生大豆，神农岐伯生熟寒，九月采，杀乌豆毒，并不用元参。赤小豆，神农黄帝咸，雷公甘，九月采 (《御览》)。

《名医》曰：生大山，九月采。

案《说文》云：椒豆也，象豆生之形也。荅，小椒也，藿椒之少也。《广雅》云：大豆，椒也，小豆，荅也，豆角谓之荚，其叶谓之藿。《尔雅》云：戎叔，谓之荅叔，孙炎支大豆也。

粟米 味咸微寒。主养肾气，去胃脾中热，益气。陈者，味苦，主胃热，消渴，利小便 (《大观本草》，作黑字，据吴普增)。

吴普曰：陈粟，神农黄帝苦无毒，治脾热，渴，粟养肾气 (《御览》)。

案《说文》云：粟、嘉谷实也。孙炎注《尔雅》粢稷云：粟也，今关中人呼小米为粟米，是。

黍米 味甘温。主益气补中，多热，令人烦 (大观本作黑字，据吴普增)。

吴普曰：黍，神农甘无毒，七月取，阴干，益中补气。 (《御览》)。

案《说文》云：黍、禾属而粘者，以大

暑而种，故谓之黍。孔子曰：黍可为酒，禾入水也。《广雅》云：粢黍稻，其采谓之禾。《齐民要术》引记胜之书曰：黍，忌丑，又曰黍，生于巳，壮于酉，长于戌，老于亥，死于丑，恶于丙午，忌于丑寅卯，按黍，即糜之种也。

上米谷，中品三种，旧二种，大小豆为二，无粟米黍米，今增。

蓼实 味辛温。主明目温中，耐风寒，下水气，面目浮肿，痈疡，马蓼，去肠中蛭虫，轻身。生川泽。

吴普曰：蓼实一名天蓼，一名野蓼，一名泽蓼（《艺文类聚》）。

《名医》曰：生雷泽。

案《说文》云：蓼、辛菜蒿虞也，蒿，蒿虞，蓼。《广雅》云：茛、茛、茛、马蓼孔。《尔雅》云：蒿虞，蓼。郭璞云：虞蓼，泽蓼，又茛，茛古，其大者，归。郭璞云：俗呼茛草为茛鼓，语转耳。《毛诗》云：隰有游龙，龙，《传》云：龙，红草也。陆玕云：一名马蓼，叶大而赤色生水中，高丈余，又以薺杀蓼。传云：蓼，水草也。

葱实 味辛温。主明目补中不足，其茎可作汤，上伤寒寒热，出汗，中风面目肿。

薺 味辛温。主金创创败，轻身不饥耐

老。生平泽。

《名医》曰：生鲁山。

案《说文》云：薺菜也，叶似韭。《广雅》云：韭、薺、薺，其华谓之薺。《尔雅》云：薺、薺、薺。郭璞云：即薺菜也，又劲山薺、陶宏景云：葱薺异物，而今共条，《本经》既无韭，以其同类，故也。

水苏 味辛微温。主下气，辟口臭，去毒，辟恶。久服，通神明，轻身，耐老。生池泽。

吴普曰：芥菹一名水苏，一名劳祖（《御览》）。

《名医》曰：一名鸡苏，一名劳祖，一名芥菹，一名芥苴，生九真，七月采。

案《说文》云：苏，桂荏也。《广雅》云：芥菹，水苏也。《尔雅》云：苏、桂、荏。郭璞云：苏荏类，故名桂荏。《方言》云：苏、亦荏也，关之东西或谓之苏或谓之荏，周郑之间，谓之公荏，沅湘之南，谓之荏，其小者谓之薺柔，按薺柔，即香薺也，亦名香菜，《名医》别出香薺条，非，今紫苏薄荷等，皆苏类也，《名医》俱别出之。

上菜，中品三种，旧四种，考葱实宜与薺同条，今并假苏，宜入草部。

神农本草经 卷三

魏 吴 普 等述

清 阳湖 孙星衍冯翼同辑

清 建德 周学海 校正

鄞县 曹炳章 圈点

下 经

下药一百二十五种为左使，主治病以应地，多毒，不可久服，欲除寒热邪气，破积聚，愈疾者，本下经。

石灰、矾石、铅丹、粉锡、锡镜鼻、代赭、戎盐、大盐、卤盐、白垩、冬灰、青琅玕

上玉、石，下品八种，旧一十二种

附子、乌头、天雄、半夏、虎掌、鸢尾、大黄、葶苈、桔梗、葶藶子、草蒿、旋复花、藜芦、钩吻、射干、蛇合、恒山、蜀漆、甘遂、白敛、青箱子、藿菌、白芨、大戟、泽漆、茵芋、贯众、莞华、牙子、羊蹄躑、商陆、羊蹄、篇蓄、狼毒、白头翁、鬼臼、羊桃、女青、连翘、茺苢、乌韭、鹿藿、蚤休、石长生、陆英、苈草、牛蒡、夏枯草、莞华

上草 下品四十九种，旧四十八种

巴豆、蜀菽、皂荚、柳华、楝实、郁李仁、莽草、雷丸、桐叶、梓白皮、石南、黄环、溲疏、鼠李、药实根、栝华、蔓椒

上 木下品一十七种，旧一十八种

豚卵、麋脂、鼯鼠、六畜毛蹄甲

上兽，下品四种，旧同

蛤蟆、马刀、蛇蛻、蚯蚓、螬蛄、蜈蚣、水蛭、斑蝥、贝子、石蚕、雀瓮、蜣螂、螻蛄、马陆、地胆、鼠妇、荧火、衣鱼

上虫、鱼，下品一十九种，旧一十八种

桃核仁、杏核仁

上下品三种，旧同

腐婢

上米、谷下品一种，旧同

苦瓠、水蘼

上菜、下品二种，旧同

彼子

上一种，未祥

附吴普本草

石灰 味辛温。主疽疡疥搔，热气，恶创，癩疾，死肌，堕眉，杀痔虫，去黑子息肉。一名恶痰，生山谷。

《名医》曰：一名希痰，生中山。

按：恶灰，疑当为垩灰，希、石、声之缓急。

礞石 味辛大热。主寒热，鼠瘻，蚀创，死肌，风痹，腹中坚，一名青分石，一名立制石，一名固羊石（《御览》引云：除热，杀百兽，大观本，作黑字），出山谷。

吴普曰：白矾石，一名鼠乡，神农岐伯辛有毒，桐君有毒，黄帝甘有毒。李氏云：或生魏兴，或生少室，十二月采（《御览》引云，一名太白，一名泽乳，一名食盐，又云李氏大寒，主温热）。

《名医》曰：一名白矾石，一名太白石，一名泽乳，一名食盐，生汉中及少室，采无时。

案《说文》云：矾，毒石也，出汉中。《西山经》云：皋涂之山，有白石焉。其名曰矾，可以毒鼠。范子计然云：矾石出汉中，色

白者善。《淮南子》地形训云：白天九百岁生白矾，高诱云：白矾，矾石也。又《说林》训云：人食矾石而死，蚕食之而肥。高诱云：出阴山，一口能杀鼠。案《西山经》云：毒鼠，即治鼠痿也。

铅丹 味辛微寒。主土逆胃反，惊痫瘖疾，除热下气，炼化还成九光。久服通神明（《御览》引作吐下，云久服成仙）。生平泽。

《名医》曰：一名铅华，生蜀郡。

案《说文》云：铅，青金也。陶宏景云：即今熬铅所作黄丹也。

粉锡 味辛寒。主伏尸毒螫，杀三虫。一名解锡，锡镜鼻。主女子血闭，痼瘕，伏肠，绝孕。生山谷（旧作二种，今并）。

《名医》曰：生桂阳。

案《说文》云：锡银铅之间也。

代赭 味苦寒。主鬼注，贼风，蛊毒，杀精物恶鬼，腹中毒，邪气，女子赤沃漏下。一名须丸。生山谷。

《名医》曰：一名血师，生齐国，赤红青色如鸡冠，有泽，染爪甲，不渝者良，采无时。

案《说文》云：赭，赤土也。《北山经》云：少阳之山，其中多美赭。《管子》地数篇云：山上有赭者，其下有铁。范子计然云：石赭出齐郡，赤色者善，蜀赭，出蜀郡。据元和郡县志云：少阳山在交城县，其地近代也。

戎盐 主明目。目痛，益气，坚肌骨，去毒蛊。大盐，令人吐（《御览》引云：主肠胃结热。大观本作黑字）。卤盐，味苦寒，主大热，消渴狂烦，除邪及下蛊毒，柔肌肤（《御览》引云，一名寒石，明目益气）。生池泽（旧作三种，今并）。

《名医》曰：戎盐，一名胡盐，生胡盐山，及西羌，北地，酒泉，福禄城东南角，北海青，南海赤，十月采，大盐，生邯郸又河东，卤盐，生河东盐池。

案《说文》云：盐咸也，古者宿沙初作煮海盐，卤，西方咸地也，从西省象盐形，安定有卤县，东方谓之斥，西方谓之卤盐，河

东盐池，袤五十一里，广七里，周百十六里。北山经云：景山南望盐贩之泽。郭璞云：即解县盐池也，今在河东猗氏县，案：在山西安邑运城。

白堊 味苦温。主女子寒热瘕瘕，目闭，积聚。生山谷。

吴普曰：白堊一名白蜡（《一切经音义》）。

《名医》曰：一名白善，生邯郸，采无时。

案《说文》云：堊，白涂也。《中山经》云：葱聋之山，是多白堊。

冬灰 味辛微温。主黑子，去疣息肉，疽蚀，疥搔。一名藜灰。生川泽。

《名医》曰：生方谷。

青琅玕 味辛平。主身痒，火创，痈伤，疥搔，死肌。一名石珠。生平泽。

《名医》曰：一名青珠，生蜀郡，采无时。

案《说文》云：琅玕似珠者，古文作。《禹贡》云：雍州贡与璆琳琅玕。郑云：琅玕珠也。

上玉，石，下品九种，旧十二种，粉锡，锡镜鼻为二，戎盐，大盐，卤盐为非，三考当各为一。

附子 味辛温。主风寒咳逆邪气，温中，金创，破瘕坚积聚，血瘕，寒湿，痿（《御览》作痿），臂拘挛，脚痛，不能行步（《御览》引云：为百药之长，大观本，作黑字）。生山谷。

吴普曰：附子一名葇，神农辛，岐伯雷公甘有毒，李氏苦有毒，大温。或生广汉，八月采，皮黑肥白（《御览》）。

《名医》曰：生犍为及广汉东，月采为附子，春采为乌头（《御览》）。

案范子计然云：附子出蜀武都中，白色者善。

乌头 味辛温。主中内，恶风，洗洗，出汗，除寒湿。痹，咳逆上气，破积聚，寒热。其汁煎之，名射罔，杀禽兽。一名奚毒，一名即子，一名乌喙。生山谷。

吴普曰：乌头，一名葇，一名干狄，一名毒公，一名卑负（《御览》作果负），一名耿子，

神农雷公桐君黄帝甘有毒,正月始生。叶厚、茎方、中空,叶四四相当,与蒿相似。

又云:乌喙,神农雷公桐君黄帝有毒,李氏小寒,十月采,形如乌头,有两歧相合,如乌之喙,名曰乌喙也,所畏恶使,尽与乌头同,一名蒟子,一名萆,神农岐伯有大毒,李氏大寒,八月采,阴干。是附子角之大者,畏恶与附子同(《御览》)。

《名医》曰:生郎陵,正月二月采,阴干,长三寸,以上为天雄。

按《说文》云:蒟,乌喙也。《尔雅》云:萆,萆草。郭璞云:即乌头也,江东呼为萆。范子计然云:乌头出三辅中,白者善。《国语》云:驪姬置萆子肉。韦昭云:萆,乌头也。《淮南子》主术训云:莫凶于鸡毒,高诱云:鸡毒。乌头也,按鸡毒即奚毒,即子,即蒟子侧子也,《名医》别出侧子条,非。

天雄 味辛温。主大风,寒湿痹,历节痛,拘挛,缓急,破积聚,邪气,金创,强筋骨,轻身健行。一名白幕。(《御览》引云,长阴气,强志,令人武勇,力作不倦,大观本作黑字)生山谷。

《名医》曰:生少室,二月采根,阻干。

案《广雅》云:萆,奚毒,附子也,一岁为蒟子,二岁为乌喙,三岁为附子,四岁为乌头,五岁为天雄。《淮南子》缪称训云:天雄,乌喙,药之凶毒也,良医以活人。

半夏 味辛平。主伤寒,寒热,心下坚,下气,喉咽肿痛,头眩胸张,咳逆肠鸣,止汗。一名地文,一名水玉(以上八字,元本黑字)。生川谷。

吴普曰:半夏一名和姑,生微邱,或生野中,叶三三相偶,二月始生,白华员上(《御览》)。

《名医》曰:一名示姑,生槐里,五月、八月,采根暴干。

案《月令》云:二月半夏生。范子计然云:半夏出三辅,色白者善。《列仙传》云:赤松子服水玉以教神农,疑即半夏别名。

虎掌 味苦温。主心痛,寒热,结气,积聚,伏梁,伤筋,痿,拘缓,利水道。生山谷。

吴普曰:虎掌,神农雷公苦无毒,岐伯桐君辛有毒,立秋九月采之(《御览》引云:或生太山、或宛胸)。

《名医》曰:生汉中及冤句,二月、八月采,阴干。

案《广雅》云:虎掌,瓜属也。

鸢尾 味苦平。主蛊毒邪气,鬼注,诸毒,破癥瘕积聚,去水,下三虫。生山谷。

吴普曰:鸢尾,治蛊毒(《御览》)。

《名医》曰:一名乌园,生九疑山,五月采。

案《广雅》云:鸢尾,乌菴,射干也(疑当作鸢尾乌园也,乌菴射干也,是二物)。《唐本注》云:与射干全别。

大黄 味苦寒。主下瘀血,血闭,寒热,破癥瘕积聚,留饮,宿食,荡涤肠胃,推陈致新,通利水杀(《御览》,此下有道字),调中化食,安和五脏,生山谷。

吴普曰:大黄一名黄良,一名火参,一名肤如,神农雷公苦有毒,扁鹊苦无毒,李氏小寒,为中将军,或生蜀郡,北部,或陇西,二月花生,生黄赤叶,四四相当,黄茎高三尺许,三月华黄,五月实黑,三月采根,根有黄汁,切,阴干(《御览》)。

《名医》曰:一名黄良,生河西及陇西,二月八月采根,火干。

案《广雅》云:黄良大黄也。

亭历 (旧作葶苈,《御览》作亭历) 味辛寒。主癥瘕积聚,结气,饮食,寒热,破坚。一名大室,一名大适。生平泽,及田野。

《名医》曰:一名下历,一名葶蒿,生藁城,立夏后,采实阴干,得酒良。

案《说文》云:葶亭历也。《广雅》云:狗芥,大室,亭苈也。《尔雅》云:葶,亭历。郭璞云:实叶皆似芥。《淮南子》缪称训云:亭历愈张。《西京杂记》云:亭历死于盛夏。

桔梗 味辛微温。主胸胁痛如刀刺，腹满，肠鸣，幽幽惊恐悸气（《御览》引云：一名利如，大观本作黑字）。生山谷。

吴普曰：桔梗，一名符扈，一名白芍，一名利如，一名梗草，一名卢如。神农医和苦无毒，扁鹊黄帝咸，岐伯雷公甘无毒，李氏大寒，叶如茅苳，茎如笔管，紫赤，二月生（《御览》）。

《名医》曰：一名利如，一名房图，一名白药，一名梗草，一名茅苳，生蒿高及冤句，二八月采根，暴干。

案《说文》云：桔，桔梗，药名。《广雅》云：犁如。桔梗也。《战国策》云：今求柴胡，及之皋黍梁父之阴，则郅车而载耳。桔梗于沮泽，则累世不得一焉。《尔雅》云：苳，苳苳。郭璞云：茅苳。据《名医》是此别名，下又出茅苳条，非，然陶宏景亦别为二矣。

莨菪子 味苦寒。主齿痛出虫，肉痹，拘急，使人健行，见鬼，多食令人狂走。久服轻身，走及奔马，强志益力通神。一名横唐。生川谷。

《名医》曰：一名行唐，生海滨，及壅州，五月采子。

案《广雅》云：葱薺，茺蕘也。陶宏景云：今方家多作狼薺，旧作薺。

案《说文》无薺字。《史记》淳于意传云：淄川王美人怀子而不乳，引以莨菪药一撮，《本草图经》引，作狼薺，是。

草蒿 味苦寒。主疥搔，痲痒，恶创，杀虫。留热在骨节间，明目。一名青蒿，一名方溃。生川泽。

《名医》曰：生华阴。

案《说文》云：蒿，藋也，藋，香蒿也，或作莛。《尔雅》云：蒿藋。郭璞云：今人呼青蒿香中炙啖者为藋，《史记》司马相如传，菴蒿。《注汉书音义》曰：菴蒿，蒿也。陶宏景云：即今青蒿。

旋复花 味咸温。主结气，胁下满，惊悸，除水，去五脏间寒热，补中下气。一名

金沸草，一名盛椹。生川谷。

《名医》曰：一名戴椹，生平泽，五月采花，日干，二十日成。

案《说文》云：蓂，盗庚也。《尔雅》云：蓂盗庚；郭璞云：旋复似菊。

藜芦（《御览》作梨芦） 味辛寒。主蛊毒，咳逆，泄利，肠澼，头疡，疥搔，恶创，杀诸蛊毒，去死肌。一名葱蓂。生山谷。

吴普曰：藜芦，一名葱蓂，一名丰芦，一名葱葵（《御览》引云：一名山葱，一名公蓂），神农雷公辛有毒（《御览》引云：玄黄帝有毒），岐伯咸有毒，李氏太寒，大毒，扁鹊苦有毒，大寒，叶根小相连（《御览》引云：二月采根）。

《名医》曰：一名葱葵，一名山葱，生太山，三月采根，阴干。

案《广雅》云：藜芦，葱蓂也。范子计然云：藜芦出河东，黄白者善。《尔雅》云：蓂，山葱，疑非此。

钩吻（《御览》作吻） 味辛温。主金创乳疮，中恶风，咳逆上气，水肿，杀鬼注（旧作注，《御览》作注，是）蛊毒。一名野葛。生山谷。

吴普曰：秦钩肠一名毒根，一名野葛，神农辛，雷公有毒杀人，生南越山，或益州，叶如葛，赤茎大如箭、方、根、黄，或生会稽东治，正月采（《御览》）。

《名医》曰：生傅高山，及会稽东野。

案《广雅》云：莨菪吻也。《淮南子》说林训云：蝮蛇螫人，傅以和莖则愈。高诱云：和莖，野葛，毒药。《博物志》云：钩吻毒，桂心葱叶沸解之。陶宏景云：或云钩吻是毛茛。《沈括补笔谈》云：闽中人呼为吻莽，亦谓之野葛，岭南人谓胡蔓，俗谓之断肠草，此草人间至毒之物，不入药用，恐本草所出别是一物，非此钩吻也。

射干 味苦平。主咳逆上气，喉痹咽痛不得消息，散急气，腹中邪逆，食饮大热。一名乌扇，一名乌蒲。生川谷。

吴普曰：射干，一名黄远也（《御览》）。

《名医》曰：一名乌翼，一名乌吹，一名

草姜，生南阳田野，三月三日，采根阴干。

案《广雅》云：鸢尾乌菴，射干也。《荀子》劝学篇云：西方有木焉，名曰射干，茎长四寸。范子计然云：射干根如□□□安定。

蛇合（原注云，合是含字）味苦微寒。主惊痫寒热邪气，除热，金创，疽痔，鼠痿，恶创，头疡。一名蛇衔。生山谷。

《名医》曰：生益州，八月采，阴干。

按《本草图经》云：或云是雀瓢，即是萝摩之别名。据陆玑云：芄兰一名萝摩，幽州谓之雀瓢，则即《尔雅》藿芄兰也，《唐本草》别出萝摩条，非，又见女青。

恒山（旧作常山，《御览》作恒山，是）味苦寒。主伤寒，寒热，热发温疟，鬼毒，胸中痰结吐逆。一名互草。生川谷。

吴普曰：恒山，一名漆叶，神农岐伯苦，李氏大寒，桐君辛有毒，二月八月采。

《名医》曰：生益州及汉中，八月采根，阴干。

案《后汉书》华佗传云：佗授以漆叶青黏散，漆叶屑一斗，青黏十四两，以是为率，言久服去三虫，利五脏，轻体，使人头不白。

蜀漆味辛平。主疟及咳逆，寒热，腹中癥坚，痞结，积聚邪气，蛊毒，鬼注（旧作疟，《御览》作蛀）。生川谷。

吴普曰：蜀漆叶，一名恒山，神农岐伯雷公辛有毒，黄帝辛，一经酸，如漆叶蓝青相似，五月采（《御览》）。

《名医》曰：生江陵山，及蜀汉中常山，苗也，五月采叶，阴干。

案《广雅》云：恒山蜀漆也。范子计然云：蜀漆山蜀郡。

甘遂味苦寒。主大腹疝瘕，腹满，面目浮肿，留饮宿食，破癥坚积聚，种水谷道。一名主田。生川谷。

吴普曰：甘遂一名主田，一名白泽，一名重泽，一名鬼丑，一名陵藁，一名甘藁，一名甘泽，神农桐君苦有毒，岐伯雷公有毒，须二月八月采（《御览》）。

《名医》曰：一名甘藁，一名陵藁，一名陵泽，一名重泽，生中山，二月采根，阴干。

案《广雅》云：陵泽，甘遂也。范子计然云：甘遂，出三辅。

白敛味苦平。主痈肿疽创，散结气，止痛除热，目中赤，小儿惊痫，温疟，女子阴中肿痛。一名兔核，一名白草，生山谷。

《名医》曰：一名白根，一名昆仑，生衡山，二月八月，采根暴干。

案《说文》云：葢，白葢也，或作葢。毛诗云：葢蔓于野。陆玑疏云：葢似栝楼，叶盛而细，其子正黑，如燕萹，不可食也，幽人谓之乌服，其茎叶鬻以哺牛，除热。《尔雅》云：葢，菟蓼。郭璞云：未祥。据《玉篇》云：葢，白葢也。经云：一名菟核，核与葢声相近，即此矣。

青箱子味苦微寒。主邪气，皮肤中热，风搔，身痒，杀三虫，子名草决明，疗唇口青。一名草蒿，一名萋蒿。生平谷。

《名医》曰：生道傍，三月三日采茎叶，阴干，五月六日，采子。

案魏略云：初平中有青牛先生，常服青箱子。箱当作箱字。

藟菌味咸平。主心痛，温中，去长患，白痢，蛲虫，蛇螫毒，癰疽，诸虫。一名藟芦。生池泽。

《名医》曰：生东海及渤海、章武，八月采，阴干。

案《尔雅》云：滇灌茵芝，文选注，引作茵。声类云：滇灌茵芝也，疑即此灌茵，或一名滇，一名芝，未敢定之。

白及（《御览》作菰）味苦平。主痈肿，恶创，败疽，伤阴，死肌，胃中邪气，贼风鬼击，痲缓不收。一名甘根，一名连及草。生川谷。

吴普曰：神农苦，黄帝辛，李氏大寒，雷公辛无毒，茎叶似生姜，藟芦，十月华，直上，紫赤，根白连，二月八月九月采。

《名医》曰：生北山及冤句，及越山。

案：隋羊公服黄精法云：黄精一名白及，亦为黄精别名，今《名医》别出黄精条。

大戟 味苦寒。主蛊毒，十二水肿，满，急痛，积聚，中风，皮肤疼痛，吐逆。一名印钜（案此无生川泽三字者，古或与干漆为一类）。

《名医》曰：生常山，十二月采根，阴干。

案《尔雅》云：莽，印钜。郭璞云：今药草之戟也。《淮南子》缪尔训云：大戟去水。

泽漆 味苦微寒。主皮肤热，大腹，水气，四肢面目浮肿，丈夫阴气不足。生川泽。

《名医》曰：一名漆茎，大戟苗也，生太山，三月三日，七月七日，采茎叶，阴干。

案《广雅》云：黍茎，泽漆也。

茵芋 味苦温。主五藏邪气，心腹寒热，羸瘦如疟，状，发作有时，诸关节风湿痹痛，生山谷。

吴普曰：茵芋，一名卑共，微温有毒，状如莽草，而细软（《御览》）。

《名医》曰：一名莞草，一名卑共，生太山，三月三日，采叶阴干。

贯众 味苦微寒。主腹中邪，热气，诸毒，杀三虫。一名贯节，一名贯渠，一名百头（《御览》作白），一名虎卷，一名扁符。生山谷。

吴普曰：贯众一名贯来，一名贯中，一名渠母，一名贯钟，一名柏芹，一名药藻，一名扁符，一名黄钟，神农岐伯苦有毒，桐君扁鹊苦，一经甘有毒，黄帝咸酸，一经苦无毒，叶黄，两两相对，茎，黑毛聚生，冬夏不老，四月花，八月实，黑聚相连，卷旁行生，三月八月采根，五月采药（《御览》）。

《名医》曰：一名伯萍，一名药藻，此谓草鸱头，生元山及冤句，少室山，二月八月，采根阴干。

案《说文》云：革草也。《广雅》云：贯节、贯众也。《尔雅》云：泝费众。郭璞云：叶，圆锐，茎，毛黑，布地，冬夏不死，一名贯渠。又上云：扁符止。郭璞云：未祥。据经云：一名篇符，即此也。《尔雅》当云：篇

符，止，泝费众。

莞花 味苦平寒。主伤寒温疟，下十二水，破积聚，大坚，癥瘕，荡涤肠胃中留癖饮食，寒热邪气，利水道，生川谷。

《名医》曰：生咸阳及河南中牟，六月采花，阴干。

牙子 味苦寒。主邪气热气，疥搔，恶疡，创痔，去白虫。一名狼牙。生川谷。

吴普曰：狼牙一名支兰，一名狼齿，一名犬牙，一名抱子，神农黄帝苦有毒，桐君或咸，岐伯雷公扁鹊无毒，生冤句，叶青，根黄赤，六月七月华，八月实，黑，正月八月采根（《御览》）。

《名医》曰：一名狼齿，一名狼子，一名犬牙，生淮南及冤句，八月采根，暴干。

案范子计然云：狼牙出三辅，色白者善。

羊躑躅 味辛温。主贼风在皮肤中，淫淫痛，温疟，恶毒，诸痹。生川谷。

吴普曰：羊躑躅花，神农雷公辛有毒，生淮南，治贼风恶毒诸邪气（《御览》）。

《名医》曰：一名玉支，生太行山，及淮南山，三月采花，阴干。

案《广雅》云：羊躑躅，英光也。古今注云：羊躑躅花，黄羊食之，则死，羊见之则躑躅分散，故名羊躑躅。陶宏景云：花苗似鹿葱。

商陆 味辛平。主水胀疝瘕痹，熨除瘤肿，杀鬼精物，一名芴根，一名夜呼。生川谷。

《名医》曰：如人行者，有神，生咸阳。

案《说文》：芴草，枝枝相值，叶叶相当。《广雅》云：常蓼，马尾，商陆也。《尔雅》云：蓬莠马尾。郭璞云：今关西亦呼为陆也，盖莠即芴俗字，商即芴假音。

羊蹄 味苦寒。主头秃疥搔，除热，女子阴蚀（《御览》此四字作无字）。一名东方宿，一名连虫陆，一名鬼目，生川泽。

《名医》曰：名蓄，生陈留。

案《说文》云：莠草也，读若厘，莠，厘

草也，茺葍草也。《广雅》云：茺，羊蹄也。《毛诗》云：言采其茺。陆德明云：本又作蓄。陆玑云：今人谓之羊蹄。陶宏景云：今人呼秃菜，即是蓄音之伪。《诗》云：言采其蓄，案陆英，疑即此草之花，此草一名连虫陆，又陆英，即蒴藋，一名茺也，亦苦寒。

篇蓄 味辛平。主浸淫，疥搔疽痔，杀三虫（《御览》引云：一名篇竹，大观本无文）。生山谷。

吴普曰：篇蓄一名蓄辩，一名篇蔓（《御览》）。

《名医》曰：生东莱，五月采，阴干。

案《说文》云：篇，篇菰也，菰，篇菰也，藩水篇，藩，读若督，尔雅云：竹篇，蓄。郭璞云：似水蓼，赤茎节，好生道旁，可食，又杀虫。《毛诗》云：绿竹猗猗。《传》云：竹，篇竹也。韩诗藩云：藩，篇菰也，石经同。

狼毒 味辛平。主咳逆上气，破积聚饮食，寒热，水气恶创，鼠瘻，疽蚀，鬼精，蛊毒，杀飞鸟走兽，一名续毒。生山谷。

《名医》曰：生秦亭及奉高，二月八月，采根阴干。

案《广雅》云：狼毒也，疑上脱续毒二字。《中山经》云：大隗之山有草焉，其状如蓍而毛，青华而白实，其名曰菝，服之不夭，可以为腹病。

白头翁 味苦温。主温疟，狂易，寒热，瘕瘕积聚，瘕气，逐血，止痛，疗金疮。一名野丈人，一名胡王使者。生山谷。

吴普曰：白头翁，一名野丈人，一名奈河草，神农扁鹊苦无毒，生嵩山川谷，破气狂寒热，止痛（《御览》）。

《名医》曰：一名奈河草，生高山及田野，四月采。

案陶宏景云：近根处有白茸状似人白头，故以为名。

鬼臼 味辛温。主杀蛊毒鬼注，精物，辟恶气不祥，逐邪，解百毒。一名爵犀，一名马目毒公，一名九臼。生山谷。

吴普曰：一名九臼，一名天臼，一名雀犀，一名马目公，一名解毒。生九真山谷及冤句，二月九月采根（《御览》）。

《名医》曰：一名天臼，一名解毒，生九真及冤句，二月八月采根。

羊桃 味苦寒。主燔热，身暴赤色，风水积聚，恶疮，除小儿热。一名鬼桃，一名羊肠。生川谷。

《名医》曰：一名佻楚，一名御弋，一名桃弋，生山林及田野，二月采，阴干。

案《说文》云：佻，佻楚桃弋，一名羊桃。《广雅》云：鬼桃桃弋羊桃也。《中山经》云：丰山多羊桃，状如桃而方，茎可以为皮张。《尔雅》云：长楚姚弋。郭璞云：今羊桃也，或曰鬼桃，叶似桃华，白子如小麦，亦似桃。《毛诗》云：隰有佻楚。《传》云：佻楚，桃弋也。陆玑云：今羊桃是也，叶长而狭，华紫赤色，其枝茎弱过一尺，引蔓于草上，今人以为汲灌，重而善没，不如杨柳也，近下根，刀切其皮，著热灰中，脱之，可韬笔管。

女青 味辛平。主蛊毒，逐邪恶气，杀鬼温疟，辟不祥。一名雀瓢（《御览》作罔）。

吴普曰：女青一名霍由祗，神农黄帝辛（《御览》）。

《名医》曰：蛇衔根也，生朱崖，八月采，阴干。

案《广雅》云：女青，乌葛也。《尔雅》云：芄兰。郭璞云：藿芄蔓生。断之，有白汁可啖。《毛诗》云：芄兰之支。《传》云：芄兰草也。陆玑云：一名萝摩，幽州人，谓之雀瓢。《别录》云：雀瓢白汁，注虫蛇毒，即女青苗汁也，唐本草，别出萝摩条，非。

连翘 味苦平。主寒热，鼠瘻，瘰癧，痈肿，恶创，瘕瘤，结热，蛊毒。一名异翘，一名兰华，一名轹，一名三廉。生山谷。

《名医》曰：一名折根，生太山，八月采，阴干。

案《尔雅》云：连，异翘。郭璞云：一

名连苔，又名连本草云。

兰茹 《御览》作间，是。味辛寒。主蚀恶肉，败创，死肌，杀疥虫，排脓恶血，除大风热气，善忘不乐。生川谷。

吴普曰：间茹一名离楼，一名屈居，神农辛，岐伯酸咸有毒，李氏大寒，二月采，叶圆黄，高四五尺，叶四四相当，四月华黄，五月实黑，根黄有汁，亦同黄，三月五月采根，黑头者良（《御览》）。

《名医》曰：一名屈据，一名离娄，生代郡，五月采，阴干。

案《广雅》云：屈居，芦茹也。范子计然云：间茹出武都，黄色者善。

乌韭 味甘寒。主皮肤往来寒热，利小肠膀胱气。生山谷石上。

案《广雅》云：昔邪，乌韭也，在屋口昔邪，在墙曰垣衣。西山经云：葍荔，状如乌韭。唐本注云：即石衣也，亦名石苔，又名石发。按广雅又云：石发，石衣也，未知是一否。

鹿藿 味苦平。主蛊毒，女子腰腹痛，不利肠痢，瘰癧（《御览》作历），疡气。生山谷。

《名医》曰：生汶山。

案《说文》云：藿，鹿藿也，读若剿。《广雅》云：藿，鹿藿也。《尔雅》云：藿，鹿藿，其实菰。郭璞云：今鹿豆也，叶似大豆，根黄而香，蔓延生。

蚤休 味苦微寒。主惊痫，摇头弄舌，热气在腹中，瘕疾，痈创，阴蚀，下三虫，去蛇毒。一名蚤休。生川谷。

《名医》曰：生山及冤句。

案郑樵云：蚤休，曰螬休，曰重楼金锦，曰重台，曰草，甘遂，今人谓之紫河车，服食家所用，而茎叶亦可爱，多植庭院间。

石长生 味咸微寒。主寒热，恶创，火热，辟鬼气不祥（《御览》作辟恶气，不祥，鬼毒）。一名丹草（《御览》引云：丹沙草）。生山谷。

吴普曰：石长生，神农苦，雷公辛，一经过甘，生咸阳（《御览》）。

《名医》曰：生咸阳。

陆英 味苦寒。主骨间诸痹，四肢拘挛，疼酸，膝寒，痛，阴痿，短气，不足，脚肿。生川谷。

《名医》曰：生熊耳及冤句，立秋采，又曰蒴藋，味酸温有毒，一名藟（今本误作藟），一名芟，生田野，春夏采叶，秋冬采茎根。

案《说文》云：葍草也。读若厘，葍葍草也，读若急，藟厘草也。《广雅》云：蒴盆，陆英葍也。《尔雅》云：芟葍草。唐本注陆英云：此物蒴藋是也，后人不识，浪出蒴藋条。今注云：陆英，味苦寒无毒，蒴藋味酸温有毒，既此不同，难谓一种，盖其类尔。

葍草 味苦平。主久咳上气喘逆，久寒，惊悸，痲疥，白秃，疡气，杀皮肤小虫。生川谷。

吴普曰：王乌一名黄草，神农雷公口，生太山山谷，治身热邪气，小儿身热气（《御览》）。

《名医》曰：可以染黄，作金公，生青衣，九月十月采。

案《说文》云：葍草也，葍，王乌也。《尔雅》云：葍，王乌。郭璞云：葍，葍也，今呼鸱脚莎。《毛诗》云：绿竹猗猗。传云：葍，王乌也。唐本注云：葍草，俗名葍葍草。《尔雅》所谓王乌。

牛扁 味甘微寒。主身皮创，热气，可作浴汤，杀牛虱小虫，又疗牛病。生川谷。

《名医》曰：生桂阳。

案陶宏景云：太常贮名扁特，或名扁毒。

夏枯草 味苦辛。主寒热瘰癧，鼠瘻，头创，破瘕，散瘕，结气，脚肿，湿痹，轻身。一名夕句，一名乃东。生川谷。

《名医》曰：一名燕面，生蜀郡，四月采。

芫华 味辛温。主咳逆上气，喉鸣，喘咽肿，短气，蛊毒，鬼疟，疝瘕，痈肿，杀虫鱼。一名去水。生川谷（旧在木部，非）。

吴普曰：芫华一名去水，一名败华，一名儿草根，一名黄大戟，神农黄帝有毒，扁

鹄岐伯苦，李氏大寒，二月生，叶青，加厚则黑，华有紫赤白者，三月实落尽，叶乃生，三月五月采花，芫华根，一名赤芫根，神农雷公苦有毒，生邯鄲，九月八月采，阴干，久服令人泄，可用毒鱼（《御览》亦见图经书文）。

《名医》曰：一名毒鱼，一名杜芫，其根名蜀桑，可用毒鱼，生淮源，三月三日采药，阴干。

案《说文》云：芫，鱼毒也。《尔雅》云：栢，鱼毒。郭璞云：栢，大木，子似栗，生南方，皮厚，汁赤，中藏卵果。范子计然云：芫华出三辅，《史记》仓公传，临淄女子病蛲瘕，饮以芫花一撮，出蛲可数升，病已颜师古注急就篇云：郭景纯说，误耳，其生南方用藏卵果，自别一栢木，乃左思所云：绵栢栴栳者耳，非毒鱼之栢。

上草，下品四十九种，旧四十八种，考木部芫华宜入此。

巴豆 味辛温，主伤寒，温疟，寒热，破瘕瘕结聚，坚积，留饮，痰癖，大腹水张，荡炼五藏六府，开通闭塞，利水谷道，去恶内，除鬼毒蛊注邪物（《御览》作鬼毒邪注），杀虫鱼，一名巴叔（占作叔，御览作叔），生川谷。

吴普曰：巴豆，一名巴菽，神农岐柏桐君辛有毒，黄帝甘有毒，李氏主温热寒，叶如大豆，八月采（《御览》）。

《名医》曰：生巴郡，八月采，阴干，用之，去心皮。

案《广雅》云：巴菽，巴豆也。《列仙传》云：元俗饵巴豆。《淮南子》说林训云：鱼食巴菽而死，人食之而肥。

蜀菽 味辛温，主邪气咳逆，温中，逐骨节，皮肤死肌，寒湿，痹痛，下气，久服之，头不白，轻身增年，生川谷。

《名医》曰：一名巴椒，一名蔞菽，生武都及巴郡，八月采实，阴干。

案范子计然云：蜀椒出武都，赤色者善。陆玕云：蜀人作茶，又见秦椒，即《尔雅》茱。陶宏景云：俗呼为樛。

皂荚 味辛咸温。主风痹，死肌，邪气，风头，泪出，利九窍，杀精物。生川谷。

《名医》曰：生壅州，及鲁邹县，如猪牙者良，九月十月采，阴干。

案《说文》云：荚草实。范子计然云：皂荚出三辅，上价一枚一钱。《广志》曰：鸡栖子，皂荚也（《御览》），皂即草省文。

柳华 味苦寒。主风水黄疸，面热黑。一名柳絮。叶主马疥痂创。实主溃痈，逐脓血。子汁疗渴。生川泽。

《名医》曰：生琅邪。

案《说文》云：柳，小杨也。桤，河柳也，杨木也。《尔雅》桤，河柳。郭璞云：今河旁赤茎小杨，又旄泽柳。郭璞云：生泽中者，又杨，蒲柳。郭璞云：可以为箭，《左传》所谓董泽之蒲。《毛诗》云：无折我树杞。《传》云：杞木名也。陆玕云：杞，柳属也。

楝实 味苦寒。主温疾伤寒，大热烦狂，杀三虫疥瘡，利小便水道。生山谷。

《名医》曰：生荆山。

案《说文》云：楝木也。《中山经》云：其实如楝。郭璞云：楝，木名，子如指头，白而粘，可以浣衣也。《淮南子》时则训云：七月其树楝。高诱云：楝实，凤凰所食，今雒城旁有楝树，实，秋熟。

郁李仁 味酸平。主大腹水肿，面目四肢浮肿，利小便水道。根，主齿龈肿，齩齿。一名爵李。生坚齿川谷。

吴普曰：郁李，一名雀李，一名车下李，一名楝（《御览》）。

《名医》曰：一名车下李，一名楝，生高山及邱陵上，五月六月采根。

案《说文》云：楝，白楝也。《广雅》云：山李，雀其馥也。《尔雅》云：常楝，楝。郭璞云：今关西有楝树，子如樱桃可食。《毛诗》云：六月食郁。《传》云：郁，楝属。刘楨毛诗义问云：常楝之树高五六尺，其实大如李，正赤，食之甜。又《诗》云：常楝之华。《传》云：常楝，楝也。陆玕云：奥李。

一名雀李，一曰李下李，所在山中皆有其花，或白或赤，六月中熟大，子如李子可食。《沈括补笔谈》云：晋宫阁铭曰：华林园中有车下李，三百一十四株，萸李一株。

莽草 味辛温。主风头痛肿，乳痈，疔瘕，除结气疥搔（《御览》有痈疮二字），杀虫鱼。生山谷。

吴普曰：莽草一名春草，神农辛，雷公桐君苦有毒，生上谷山谷中，或冤句，五月采，治风（《御览》）。

《名医》曰：一名莽，一名春草，生上谷及冤句，五月采叶，阴干。

案《中山经》云：朝歌之山有草焉，名曰莽草，可以毒鱼，又荔山有木焉，其状如棠而赤，叶可以毒鱼，《尔雅》云：莽，春草。郭璞云：一名芒草，《本草》云：《周礼》云，翦氏掌除蠹物，以薰草莽之。范子计然云：莽草，出三辅者善。陶宏景云：字亦作两。

雷丸（《御览》作雷公丸） 味苦寒。主杀三虫，逐毒气，胃中热，利丈夫，不利女子作摩膏，除小儿百病（《御览》引云：一名雷矢，大观本，作黑字）。生山谷。

吴普曰：雷丸：神农苦，黄帝岐伯桐君甘有毒，扁鹊甘无毒，李氏大寒（《御览》引云：一名雷实，或生汉中，八月采）。

《名医》曰：一名雷矢，一名雷实，生石城及治中土中，八月采根暴干。

案范子计然云：雷矢，出汉中，色白者善。

桐叶 味苦寒。主恶蚀，创著阴皮，主五痔；杀三虫。华主传猪创，饲猪，肥大三倍。生山谷。

《名医》曰：生桐柏山。

案《说文》云：桐，荣也，梧，梧桐木，一名梓。《尔雅》云：椶梧。郭璞云：今梧桐，又荣桐木。郭璞云：即梧桐。《毛诗》云：梧桐生矣。《传》云：梧桐柔木也。

梓白皮 味苦寒。主热，去三虫，叶捣传猪创，饲猪肥大三倍，生山谷。

《名医》曰：生河内。

案《说文》云：梓，楸也，或作梓，椅梓也，楸，梓也，欂，楸也。《尔雅》云：槐小叶曰榎。郭璞云：槐为楸楸，当细叶者为榎，又大而皴，楸。郭璞云：老乃皮粗，皴者为楸，又椅梓。郭璞云：即楸。《毛诗》云：椅，桐梓漆，传云椅，梓属。陆玕云：梓者楸之，疏，理，白色而生子者，梓，梓关，桐皮，曰椅。

石南 味辛苦。主养肾气，内伤，阴衰，利筋骨皮毛。实，杀蛊毒，破积聚，逐风痹。一名鬼目。生山谷。

《名医》曰：生华阴，二月四月采实，阴干。

黄环 味苦平。主蛊毒鬼注，鬼魅，邪气在藏中，除咳逆寒热。一名凌泉，一名大就。生山谷。

吴普曰：蜀黄环，一名生乌，一名根韭。神农黄帝岐伯桐君扁鹊辛，一经，味苦有毒，二月生，初出，正赤，高二尺，叶黄，员端，大茎，叶有汗，黄白，五月实员，三月采根，根黄，从理如车辐，解治蛊毒（《御览》）。

《名医》曰：生蜀郡，三月采根，阴干。

案蜀都赋有黄环，刘逵云：黄环出蜀郡。《沈括补笔谈》云：黄环即今朱藤也，天下皆有，叶如槐，其花穗悬紫色如葛，花，可作菜食，火不熟，亦有小毒，京师人家园圃中，作大架种之，谓之紫藤花者，是也。

溲疏 味辛寒。主身皮肤中热，除邪气，止遗溺，可作浴汤。生山谷，及田野故邱虚地。

《名医》曰：一名巨骨，生熊耳山，四月采。

案李当之云：溲疏，一名杨栝，一名牡荆，一名空疏，皮白中空，时时有节，子似枸杞，子冬日熟，色赤，味甘苦。

鼠李 主寒热瘰癧创。生田野。

吴普曰：鼠李，一名牛李（《御览》）。

《名医》曰：一名牛李，一名鼠梓，一名

啤，采无时。

案《说文》云：桄，鼠梓木。《尔雅》云：鼠梓。郭璞云：楸属也，今江东有虎梓。《毛诗》云：北山有桄，《传》云桄，鼠梓，据《名医》名鼠梓，未知是此否。《唐本注》云：一名赵李，一名皂李，一名乌槎。

药实根 味辛温。主邪气，诸痹疼酸，续绝伤，补骨髓。一名连木。生山谷。

《名医》曰：生蜀郡，采无时。

案《广雅》云：贝父，药实也。

栞华 味苦寒。主目痛泪出，伤眦，消目肿，生川谷。

《名医》曰：生汉中，五月采。

案《说文》云：栞木似栏。《山海经》云：云雨之山，有木名栞，黄木赤枝青叶，群帝焉取药。《白虎通》云：诸侯墓树柏，大夫栞，土槐。《沈括补笔谈》云：栞有一种，树生，其实可作数珠者，谓之木栞，即本草栞花是也。

蔓椒 味苦温。主风寒温痹，痹节疼，除四肢厥气，膝痛。一名家椒。生川谷及邱家间。

《名医》曰：一名猪椒，一名薺椒，一名狗椒，生云中，采茎根，酿酒。

案陶宏景云：俗呼为穆，以椒薺小不香尔，一名稀椒，可以蒸病出汗也。

上木，下品一十七种，旧十八种，今移莞华入草。

豚卵 味苦温。主惊痫，瘕疾，鬼注，蛊毒，除寒热，贲豚，五癰，邪气，挛缩。一名豚颠，悬蹄，主五痔，伏热在肠，肠痛，内蚀。

案《说文》云：豕，小豕也，从豕省，象形，从又，持内以给祭祀，篆文作豚。《方言》云：猪，其子或谓之豚，或谓之彘。

吴扬之间，谓之猪子。

麋脂 味辛温。主痈肿，恶创，死肌，寒风，湿痹，四肢拘缓不收，风头，肿气，通湊理。一名官脂。生山谷。

《名医》曰：生南山及雀淮南边，十月取。

案《说文》云：麋，鹿属，冬至解其角。《汉书》云：刘向以为麋之为言迷也，盖牝兽之淫者也。

鼯鼠 主堕胎，令人产易。生平谷。

《名医》曰：生山都。

案《说文》云：鼯鼠形，飞走且乳之鸟也，籀文作鼯。《广雅》云：鸚鵡飞鼯也。陶宏景云是鼯鼠，一名飞生见，《尔雅》云鼯鼠夷由也，旧作鼯，非。

六畜毛蹄甲 味咸平。主鬼注，蛊毒，寒热，惊痫，瘕瘕，狂走，骆驼毛，尤良。

案陶宏景云：六畜，谓马、牛、羊、猪、狗、鸡也，蹄，即蹄省文。

上兽，下品四种，旧同。

虾蟆 味辛寒。主邪气，破癥坚，血痢肿，阴创。服之不患热病。生池泽。

《名医》曰：一名蟾蜍，一名醜，一名去甫，一名苦盞，生江湖，五月五日取，阴干，东行者良。

案《说文》云：虾，虾蟆也，蟆，虾蟆也，鼃，虾蟆也，鼃，鼃也，詹诸也，其鸣詹诸。其皮鼃鼃，其行完完，或作醜鼃，醜鼃，詹诸也。《夏小正传》云：蟾也者，长股也，或曰屈造之属也。《诗》曰：得此醜鼃，言其行鼃鼃，鼃鼃，詹诸，以鸣者。虾蟆也。郭璞云：似虾蟆，居陆地，淮南谓之去蚊，又蟹蟆。郭璞云：蛙类。《周礼》云：蝮氏。郑司农云：蝮，读为蟾，蟾，虾蟆也，元谓蝮，今御所食蛙也。月令云：仲夏之月，反舌无声。蔡邕云：今谓之虾蟆。薛君韩诗注云：戚放蟾蜍。高诱注《淮南子》云：蟾蜍也，又蝮，虾蟆也，又蟾蜍，虾蟆，又鼓造，一曰虾蟆。《抱朴子》内篇云：或问魏武帝曾收左元放而桎梏之，而得自然解脱，以何法乎。《抱朴子》曰：以自解去父血。

马刀 味辛微寒。《御览》有补中二字，大观本，黑字。主漏下赤白，寒热，破石淋，杀禽兽贼鼠。生池泽。

吴普曰：马刀，一名齐蛤，神农岐柏桐君咸有毒，扁鹊小寒大毒，生池泽江海，采无时也（《御览》）。

《名医》曰：一名马蛤，生江湖及东海，采无时。

案范子计然云：马刀出河东，《艺文类聚》引《本经》云：文蛤表有文，又曰马刀，一曰名蛤，则，岂古本与文蛤为一邪。

蛇蛻 味咸平。主小儿百二十种惊痫，瘰疬，瘰疾，寒热，肠痔，虫毒，蛇痛。火熬之良。一名龙子衣，一名蛇符，一名龙子单衣，一名弓皮。生川谷及田野。

吴普曰：蛇蛻，一名龙子单衣，一名弓皮，一名蛇附，一名蛇筋，一名龙皮，一名龙单衣（《御览》）。

《名医》曰：一名龙子皮，生荆州，五月五日，十五日，取之良。

案《说文》云：它，虫也，从虫而长，象冤，曲巫尾形，或作蛇蛻，蛇蛻所解皮也。《广雅》云：蝮蛻蛻也。《中山经》云：来山多空夺。郭璞云：即蛇皮脱也。

蚯蚓 味咸寒。主蛇瘕，去三虫，伏尸，鬼注，蛊毒，杀长虫，仍自化作水。生平土。

吴普曰：蚯蚓，一名白颈螭螭，一名附引（《御览》）。

《名医》曰：一名土龙，二月取，阴干。

案《说文》云：螭，侧行者，或作蚓，螭螭也。《广雅》云：蚯蚓螭螭引无也。《尔雅》云：螭螭螭螭。郭璞云：即螭螭也，江东呼寒蚓，旧作蚯，非，吕氏春秋淮南子邱蚓出不从虫。又《说文》训云：螭，无筋骨之强。高诱注：螭，一名螭端也，旧又有白颈二字，据吴普古本无也。

蜈蚣 味辛平。主久聋，咳逆，毒气，出刺出汗。生川谷。

《名医》曰：一名土蜂，生熊耳及牂柯，或入屋间。

案《说文》云：蜈蚣蠃，蒲卢，细要土蜂也，或作螺蠃，螺蠃也。《广雅》云：土蜂，

蜈蚣也，《尔雅》土蜂。《毛诗》云：蜈蚣有子，螺蠃负之，传云螺蠃，蒲卢也。《礼记》云：夫政也者，蒲卢也。郑云：蒲卢，果蠃，谓土蜂也。《方言》云：蠃其小者谓之蜈蚣，或谓之蜈蚣，《说文》无蜈字或当为医。

蜈蚣 味辛温。主鬼注蛊毒，啖诸蛇早鱼毒，杀鬼物老精，温疟，去三虫（《御览》引云：一名至掌，大观本在水蛭下）。生川谷。

《名医》曰：生大吴江南，赤头足者良。

案《尔雅》云：蜈蚣，吴公也。

水蛭 味咸平。主逐恶血瘀血，月闭（《御览》作水闭），破血瘕积聚，无子，利水道。生池泽。

《名医》曰：一名蜚，一名至掌，生雷泽，五月六月采，暴干。

案《说文》云：蛭，虬也，蛭蛭，至掌也。《尔雅》云：蛭虬。郭璞云：今江东呼水中蛭虫入人肉者为虬，又蛭蛭至掌。郭璞云未详，据《名医》，即蛭也。

斑蝥 味辛寒。主寒热，鬼注，蛊毒，鼠瘕，恶创，疽蚀，死肌，破石瘕。一名龙尾。生川谷。

吴普曰：斑猫，一名斑虻，一名龙虻，一名斑蝥，一名胜发，一名盘蛰，一名晏青。神农辛，岐伯咸，桐君有毒，扁鹊甘有大毒，生河内川谷，或生水石。

《名医》曰：生河东，八月取，阴干。

案《说文》云：蜚，蜚蜚，毒虫也。《广雅》云：蜚蜚，晏青也，《名医》别出芫青条，非，芫晏音相近也，旧作猫，俗字。据吴氏云：一名斑苗，是也。

贝子 味咸平。主目翳，鬼注，虫毒，腹痛，下血，五癰，利水道。烧用之良，生池泽。

《名医》曰：一名贝齿，生东海。

案《说文》云：贝，海介虫也，居陆名觿，在水名蜆，象形。《尔雅》云：贝小者蜆。郭璞云：今细贝，亦有紫色，出日南，又蜆，小而椭。郭璞云：即上小贝。

石蚕 味咸寒。主五癰，破五淋，堕胎，内解结气，利水道，除热。一名水虱。生池泽。

吴普曰：石蚕亦名沙虱，神农雷公酸无毒，生汉中，治五淋，破随内结气，利水道，除热（《御览》）。

《名医》曰：生江汉。

案《广雅》云：水虱，蛭蠃也。淮南万毕术元：沙虱，一名蓬活，一名地脾。《御览》虫豸部引李当之云：类虫，形如老蚕，生附石。广志云：皆虱，虱色赤，大过虬，在水中，入人皮中，杀人，与李似不同。

雀瓮 味甘平。主小儿惊痫，寒热，结气，蛊毒，鬼注。一名躁舍。

《名医》曰：生汉中，采蒸之，生树树间，蛄蜥房也。八月取。

案《说文》云：蛄，蛄斯黑也。《尔雅》云：蛄，蛄蜥。郭璞云：蛄属也，今青州人呼蛄为蛄蜥。按《本经》名为雀瓮者，瓮与蛄音相近，以其如雀子，又如茧虫之蛄，因呼之。

蛭蟪 味咸寒。主小儿惊痫，瘕瘕，腹张，寒热，大人疾狂易。一名蛄蛭。火熬之良。生池泽。

《名医》曰：生长沙，五月五日取，蒸藏之。

案《说文》云：蟪，渠蟪，一曰天杜。《广雅》云：天杜，蛭蟪也。《尔雅》云：蛄蛭，蛭蟪。郭璞云：黑甲虫，啖粪土，《玉篇》，蛭蟪同，说文无蛭字，渠蟪，即蛄蛭，音之缓急。

蛄蛄 味咸寒。主产难，出肉中刺（《御览》作刺在肉中），溃痈肿，下哽噎（《御览》作咽），解毒，除恶创。一名蛄蛄（《御览》作蛄蛄），一名天蛄，一名蛄蛄。夜出者良，生平泽。

《名医》曰：生东城，夏至取，暴干。

案《说文》云：蛄，蛄蛄也，蛄，蛄蛄也，蛄，蛄蛄也。《广雅》云：炙鼠，津蛄，蛄蛄，蛄蛄，蛄蛄也。《夏小正》云：

三月蛄蛄鸣，蛄，天蛄也。《尔雅》云：蛄，天蛄。郭璞云：蛄蛄也。《淮南子》时则训云：孟夏之月，蛄蛄鸣。高诱云：蛄，蛄蛄也。《方言》云：蛄蛄，谓之杜格，蛄蛄，谓之蛄蛄，或谓之蛄蛄，南楚谓之蛄蛄，或谓之蛄蛄。陆玕诗疏云：《本草》又谓蛄蛄为石鼠，今无文。

马陆 味辛温。主腹中大坚症，破积聚，息肉，恶创，白秃。一名百足。生川谷。

吴普曰：一名马轴（《御览》）。

《名医》曰：一名马轴，生元菟。

案《说文》云：蛄，马蛄民，从虫皿，益声，勺象形。明堂月令曰：腐草为蛄。《广雅》云：蛄蛄，马蛄，马蛄也，又马蛄，蛄也。《尔雅》云：蛄，马蛄。郭璞云：马蛄，俗呼马蛄。《淮南子》时则训云：季夏之日，腐草化为蛄。高诱云：蛄，马蛄也，幽冀谓之秦渠。又汜论训云：蛄足众，而走不若蛇已。兵略训云：若蛄之足。高诱云：蛄，马蛄也。方言云：马蛄，北燕谓之蛄蛄，其大者谓之马轴。博物志云：马蛄，一名百足，中断成两段，名行而去。

地胆 味辛寒。主鬼注，寒热，鼠蛄，恶创，死肌，破瘕瘕，堕胎。一名蛄青。生川谷。

吴普曰：地胆，一名元青，一名杜龙，一名青虹（《御览》）。

《名医》曰：一名青柱，生汶山，八月取。

案《广雅》云：地胆蛇要，青蛄，青蛄也。陶宏景云：状如大马蚁，有翼，伪者即班猫所化，状如大豆。

鼠妇 味酸温。主气癰，不得小便，女人月闭，血癰，痛症，寒热，利水道。一名负蛄，一名伊威。生平谷。

《名医》曰：一名蛄蛄生魏郡及人家地上，五月五日取。

案《说文》云：伊伊威，委黍，委黍，鼠妇也，蛄鼠负也。《尔雅》云：蛄，鼠负。郭璞云：瓮器底虫，又伊威委黍。郭璞云：旧

说，鼠妇别名。《毛诗》云：伊威在室。《传》云：伊威，委黍也。陆玑云：在壁根下，瓮底中生，似白鱼。

荧火 味辛微温。主明目，小儿火创伤，热，气，蛊，毒，鬼注，通神。一名夜光（《御览》引云：一名熠耀，一名即照，大观本作黑字）。生池泽。

吴普曰：荧火一名夜照，一名熠耀，一名救火，一名景天，一名据火，一名挟火（《艺文类聚》）。

《名医》曰：一名放光，一名熠耀，一名即照，生阶地，七月七日收，阴干。

案《说文》云：磷，兵死及牛马之血为磷，鬼火也，从炎舛。《尔雅》云：荧火即照。郭璞云：夜飞，腹下有火。《毛诗》云：熠耀宵行，《传》云熠耀，磷也，磷，荧火也。《月令》云：季夏之月，腐草化为萤。郑元云：萤火虫，萤火也，据毛茛以萤为磷，是也，《说文》无萤字，当以磷为之，《尔雅》作荧，亦是，旧作萤，非，又按《月令》，腐草为萤，当是蠲字假音。

衣鱼 味咸温。无毒。主妇人疝瘕，小便不利（《御览》作泄利），小儿中风（《御览》作头风），项强（《御览》作僵），背起摩之。一名白鱼。生平泽。

吴普曰：衣中白鱼，一名蟬（《御览》）。

《名医》曰：一名蟬，生咸阳。

案《说文》云：蟬，白鱼也。《广雅》云：白鱼，蛎鱼也。《尔雅》云：蟬白鱼。郭璞云：衣书中虫，一名蛎鱼。

上虫，鱼，下品一十八种，旧同。

桃核仁 味苦平。主瘕血，血闭瘕邪，杀小虫。桃花杀注恶鬼，令人好颜色。桃鳧，微温。主杀百鬼精物（《初学记》引云：桑桃在树不落，杀百鬼）。桃毛，主下血瘕寒热，积寒无子。桃蠹，杀鬼邪恶不祥。生川谷。

《名医》曰：桃核，七月采，取仁，阴干，花三月三日采，阴干，桃鳧一名桃奴，一名巢景，是实着树不落，实中者，正月采之，桃

蠹，食桃树虫也。生太山。

案《说文》云：桃，果也。《玉篇》云：桃，毛果也。《尔雅》云：桃李丑核。郭璞云：子中有核仁。孙炎云：桃李之实，类皆有核。

杏核仁 味甘温。主咳逆上气，雷鸣，喉痹下气，产乳，金创，寒心，贲豚。生川谷。

《名医》曰：生晋山。

案《说文》云：杏，果也。《管子》地员篇云：五沃之土，其木宜杏，高诱注《淮南子》云：杏有窍在中。

上果，下品二种旧同。

腐婢 味辛平。主瘕疟，寒热，邪气，泄利，阴不起，病酒，头痛。生汉中。

吴普曰：小豆花，一名腐婢（旧作付月，说），神农甘毒，七月采，阴干，四十日，治头痛止渴（《御览》）。

《名医》曰：生汉中，即小豆花也，七月采，阴干。

上米，谷下品一种，旧同。

苦瓠 味苦寒。主大水，面目四肢浮肿，下水，令人叶。生川泽。

《名医》曰：生晋地。

案《说文》云：瓠，匏也。《广雅》云：匏瓠也。《尔雅》云：瓠栖瓣。毛诗云：瓠有苦叶。《传》云：匏谓之瓠，又九月断壶。《传》云：壶瓠也。《古今注》云：瓠，壶芦也，壶芦，瓠之无柄者，瓠，有柄者。又云：瓢瓠也。其摠曰匏，瓠则别名。

水蘄 味甘平。主女子赤沃，止血养精，保血脉，益气，令人肥健，嗜食。一名水英。生池泽。

《名医》曰：生南海。

案《说文》云：芹，楚葵也，近菜类也。《周礼》有近蒻。《尔雅》云：芹，楚葵。郭璞云：今水中芹菜。《字林》云：芹菜生水中。根可缘器，又云苢菜，似蒜，生水中。

上菜，下品二种，旧同。

彼子 味甘温。主腹中邪气，去三虫，蛇螫，蛊毒，鬼注，伏尸。生山谷（旧在唐本退

中)。

《名医》曰：生永昌。

案陶宏景云：方家从来无用此者，古今诸医，及药家子不复识，又一名熊子，不知其形何类也，掌禹锡云：树似杉子如檳榔。《本经》虫部云：彼子。芝注云：彼字合从木。《尔雅》云：彼一名排。

三品合三百六十五种，法三百六十度，一度应一日，以成一岁（倍其数，合七百三十名也）。

掌禹锡曰：本草例，《神农本草经》以朱书，《名医别录》以墨书，神农药三百六十五种，今此言倍其数，合七百三十名，是并《名医别录》副品而言也，则此下节别录之文也，当作墨书矣，盖传定浸久，朱墨错乱之所致耳。

案禹锡说是也，改为细字。

药有君臣佐使，以相宣摄合和宜，用一君二臣、三佐、五使，又可一君、三臣、九佐使也。

药有阴阳，配合，子母兄弟，根茎花实，草石骨肉，有单行者，有相须者。有相使者，有相畏者，有相恶者，有相反者，有相杀者，凡此七精，合和时之当用，相须相使者良，勿用相恶相反者。若有毒宜制，可用相畏相杀者，不尔，勿合用也。

药有酸咸甘苦辛五味，又有寒热温凉四气，及有毒无毒。阴干暴干，采造时月，生熟土地，所出真伪陈新，并各有法。

药性有宜丸者，宜散者，宜水煮者，宜酒渍者，宜膏煎者，亦有一物兼宜者。亦有不可入汤酒者。并随药性，不得违越。

欲疗病先察其原，先候病机。五脏未虚，六腑未竭，血脉未乱，精神未散，服药必活。若病已成，可得半愈。病势已过，命将难全。

若用毒药疗病，先起如黍粟，病去即止。不去，倍之；不去，十之。取去为度。

疗寒以热药，疗热以寒药。饮食不消，以吐下药。鬼注蛊毒，以毒药。痈肿创瘤，以创药。风湿，以风湿药。各随其所宜。

病在胸膈以上者，先食后服药。病在心

腹以下者，先服药而后食。病在四肢血脉者，宜空腹而在旦。病在骨髓者，宜饱满而在夜。

夫大病之主，有中风伤寒，寒热温疟，中恶霍乱，大腹水肿，肠澼下利，大小便不通，贲胝，上气，咳逆，呕吐，黄疸，消渴，留饮，癖食，坚积，癥瘕，惊邪痼病，鬼注，喉痹，齿痛，耳聋，目盲，金创，踠折，痈肿，恶创，痔瘻，瘰癧。男子五劳七伤，虚乏羸瘦，女子带下崩中，血闭阴蚀，虫蛇蛊毒所伤。此大略宗兆。其间变动枝叶，各宜依端绪以取之。

上药令人身安命延，升天神仙，遨游上下，役使万灵，体生毛羽，行厨立至（《抱朴子》内篇引《神农经》，据《太平御览》校）。

中药养性，下药除病，能令毒虫不加，猛兽不犯，恶气不行，众妖并辟（《抱朴子》内篇，引《神农经》）。

太一子曰：凡药上者养命，中者养性，下者养病（《艺文类聚》引《本草经》）。

太一子曰：凡药上者养命，中药养性，下药养病，神农乃作耒耨钩鋤（尺制切），从六阴阳，与太乙外（巡字）。五岳四渎，土地所生草石，骨肉心灰，皮，毛羽，万千类，皆鞭问之，得其所治主，当其五味。一日（一字旧误作百）。七十毒（《太平御览》引《本草经》）。

神农稽首再拜，问于太乙子曰：曾闻之时寿过百岁，而徂落之咎，独何气使然也。太乙子曰：天有九门，中道最良，神农乃从其尝药，以拯救人命（《太平御览》引《神农本草》）。

按此诸条，与今本经卷上文略相似，诸书所引，较本经文多。又云：是太一子说，今无者，疑后节之，其云耒耨，钩鋤，当是煮辨，候制之假音，鞭问之，即辨问之，无怪说也。

药物有大毒，不可人口鼻耳目者，即杀人，一曰钩吻（卢氏曰：阴地黄精，不相连，根苗独生者，是也）。二曰鸩（状如雌鸡，生山中）。三曰阴命（赤色，著木县其子，生海中）。四曰内童（状如鸩，亦生海中）。五曰鸩羽（如雀，墨头赤喙）。六曰螭蛭

《生海中，雄曰螭，雌曰龟也。博物志引神农经》。

药种有五物，一曰狼毒，占斯解之，二曰巴头，藿汁解之，三曰黎，卢汤解之，四曰天雄乌头，大豆解之，五曰班茅，戎盐解之，毒菜害小儿，乳汁解，先食饮二升（《博物志》引《神农经》）。

五芝，及饵丹砂，玉札，曾青，雄黄，雌黄，云母，太乙禹余粮，各可单服之，皆令人飞行长生（《抱朴子》内篇，引神农四经）。

春夏为阳，秋冬为阴（文选注引《神农本草》）。

春为阳，阳温生万物（同上）

黄精与术，饵之却粒，或遇凶年，可以绝粒，谓之米脯（《太平御览》引《抱朴子》、《神农经》）。

五味，养精神，强魂魄，五石养髓，肌肉肥泽，诸药，其味酸者，补肝养心除肾病，其味苦者，补心养脾除肝病。其味甘者，补肺养脾除心病，其味辛者，补肺养肾除脾病，其味咸者，补肺除肝病，故五味应五行，四体应四时，夫人性生于四时然后命于五行以一补身，不死命神，以母养子，长生延年，以子守母除病究年（《太平御览》引《养生要略》、《神农经》）。

案此诸条，当是玉石草木三品前总论，而后人节去。

附吴氏本草十二条

龙眼，一名益智，一名比目（《齐民要术》）。

鼠尾，一名劲，一名山陵翘，治病也。（《太平御览》）。

满阴实，生平谷，或圃中，延蔓如瓜，叶实如桃，七月采，止渴延年（《太平御览》）。

千岁垣中肤皮，得姜，赤石胎，治。（《太平御览》）。

小华，一名结草（《太平御览》）。

木瓜，生夷陵（《太平御览》）。

谷树皮，治喉闭，一名楮（《太平御览》）。

樱桃，味甘。主调中益气，令人好颜色，美志气。一名朱桃，一名麦英也。（《艺文类聚》）。

李核，治仆僵。花，令人好颜色（《太平御览》）。

大麦，一名矿麦，五谷之大盛，无毒，治消渴，除热益气，食密为使。麦种一名小麦，无毒，治利而不中□（《太平御览》）。

玻，益人气（《太平御览》）。

晖日，一名鸩羽（《太平御览》）。

附诸药制使

唐慎微曰：神农本经相使，正各一种，冀以药对参之，乃有两三。

玉、石、上部

玉泉，畏款冬花。

玉屑，恶鹿角。

丹砂，恶磁石，畏咸水。

曾青，畏菟丝子。

石胆，水英为使，畏牡桂，茵桂，芫花，辛夷白。

钟乳，蛇床子为使，恶牡丹，牡蒙，元石，畏紫石英蓂草。

云母，泽泻为使，畏蛇甲及流水。

消石口为使，恶苦参苦菜，畏女菀。

朴消，畏麦句姜。

芒消，石苇为使，恶麦句姜。

矾石，甘草为使，畏牡蛎。

滑石，石苇为使，恶曾青。

紫石英，长石为使，畏扁青附子，不欲蛇甲，黄连，麦句姜。

白石英，恶马目毒公。

赤石脂，恶大黄，畏芫花。

黄石脂，曾青为使，恶细辛，畏蜚蠊。

太一余粮，杜仲为使，畏铁落，菖蒲，贝母。

玉、石、中部

水银，畏磁石。

殷孽，恶防己，畏木。

孔公孽，木兰为使，恶细辛。

阳起石，桑螵蛸为使，恶泽泻，茵桂，雷丸，蛇蛻皮，畏菟丝子。

石膏，鸡子为使，恶莽草毒公。

凝水石，畏地榆，解巴豆毒。

磁石，紫胡为使，畏黄石脂，恶牡丹，莽草。

元石，恶松脂，柏子仁，茵桂。

理石，滑石为使，恶麻黄。

玉、石，下部

矾石，得火良，棘针为使，恶虎掌，毒公，鼈屎，细辛水。

青琅玕，得水银良，畏鸡骨，杀锡毒。

特生矾石得火良，畏水。

代赭，畏天雄。

方解石，恶巴豆。

大盐，漏芦为使。

草药，上部

六芝，薯蓣为使，得发良，恶常山，畏扁青，茵陈。

术防，风，地榆为使。

天门冬，垣衣，地黄为使，畏曾青。

麦门冬，地黄，车前为使，恶款冬，苦瓠，畏苦参，青襄。

女萎蕤，主畏卤豕咸。

干地黄，得麦门冬，清酒良，恶贝母，畏元夷。

菖蒲，秦花，秦皮为使，恶地胆，麻黄。

泽泻，畏海蛤文蛤。

远志，得茯苓，冬葵子，龙骨良，杀天雄附子毒，畏珍珠，蜚蠊，藜芦。

齐蛤，薯蓣，紫芝为使，恶甘遂。

石斛，陆英为使，恶凝水石，巴豆，畏白僵蚕，雷丸。

菊花，术，枸杞根，桑根，白皮，为使。

甘草，术，干漆，苦参为使，恶远志，反甘遂，大戟，芫花，海藻。

人参，茯苓为使，恶溲疏，反藜芦。

牛膝，恶茱萸，龟，陆英畏白。

细辛，曾青，东根为使，恶狼毒，山茱萸，黄芪，畏滑石，消石，反藜芦。

独活，蠹石为使。

柴胡，半夏为使，恶皂荚，畏女苑，藜

芦。

菴苣子，荆子，薏苡仁为使。

薪薺子，得荆子，细辛，良，恶干姜，苦参。

龙胆，贯众为使，恶防葵、地黄。

菟丝子，得酒良，薯蓣，松脂为使，恶藿菌。

巴戟天，覆盆子为使，恶朝生，雷丸，丹参。

蒺藜子，乌头为使。

沙参，恶防己，反藜芦。

防风，恶干姜，藜芦，白敛，芫花，杀附子毒。

络石，杜仲，牡丹为使，恶铁落，畏菖蒲，贝母。

黄连，黄芩，龙骨，理石为使，恶菊花，芫花，元参，白解皮，畏款冬，胜乌头，解巴豆毒。

丹参味咸水，反藜芦。

天名精，垣衣为使。

决明子，耆实为使，恶大麻子。

续断，地黄为使，恶雷丸。

芎藭，白芷为使。

黄耆，恶龟甲。

杜若，得辛夷，细辛，良，恶柴胡，前胡。

蛇床子，恶牡丹，巴豆，贝母。

茜根，畏鼠姑。

飞蠊，得乌头，良，恶麻黄。

薇衔，得秦皮，良。

五味子，苁蓉为使，恶委蕤，胜乌头。

草药，中部

当归，恶兰茹，畏菖蒲，海藻，牡蒙。

秦艽，菖蒲为使。

黄芩，山茱萸，龙骨为使，恶葱实，畏丹砂，牡丹，藜芦。

芍药，须丸为使，恶石斛，芒消，畏石鳖甲，小蓟，反藜芦。

干姜，秦椒为使，恶黄连，黄芩，天鼠

屎，杀半夏，莨菪毒。

藜本，畏茺苢。

麻横，厚朴为使，恶辛夷，石韦。

葛根，杀野葛，巴豆，百药毒。

前胡，半夏为使，恶皂荚，畏藜芦。

贝母，厚朴，白微为使，恶桃花，畏秦艽，矾石，莽草，反乌头。

栝楼，枸杞为使，恶干姜，畏牛膝，干漆，反乌头。

元参，恶黄芪，干姜，大枣，山茱萸，反藜芦。

苦参，元参为使，恶贝母，漏芦，菟丝子，反藜芦。

石龙芮，大戟为使，畏蛇蛻，吴茱萸。

萆薢，薏苡为使，畏葵根，大黄，柴胡，牡蛎，前胡。

石韦，滑石，杏仁为使，得菖蒲，良。

狗脊，萆薢为使，恶败酱。

瞿麦，藜草，牡丹为使，恶螬蛸。

白芷，当归为使，恶旋复花。

紫菀，款冬为使，恶天雄，瞿麦，雷丸，远志，畏茵陈。

白鲜皮，恶螬蛸，桔梗，茯苓，萆薢。

白薇，恶黄芪，大黄，大戟，干姜，干漆，大枣，山茱萸。

紫参，畏辛夷。

淫羊藿，瞿苢为使。

款冬花，杏仁为使，得紫菀，良，恶皂荚，消石，元参，畏贝母，辛夷，麻黄，黄芩，黄连，黄芪，青葙。

牡丹，畏菟丝子。

防己，殷孽为使，恶细辛，畏萆薢，杀雄黄毒。

女苑，畏卤咸。

泽兰，防己为使。

地榆，得发良，恶麦门冬。

海藻，反甘草。

草药，下部

大黄，黄芩为使。

桔梗，节皮为使，畏白芨，反龙胆，龙眼。

甘遂，瓜蒂为使，恶远志，反甘草。

葶苈，榆皮为使，得酒，良，恶僵蚕，石龙芮。

芫花，决明为使，反甘草。

泽漆，小豆为使，恶薯蓣。

大戟，反甘草。

钩吻，半夏为使，恶黄芩。

藜芦，黄连为使，反细辛，芍药，五参，恶大黄。

乌头，乌喙，莽草为使，反半夏，栝楼，贝母，白敛，白芨，恶藜芦。

天雄，远志为使，恶腐婢。

附子，地坦为使，恶蜈蚣，畏防风，甘草，黄芪，人参，乌韭，大豆。

贯众，藿菌为使。

半夏，射干为使，恶皂荚，畏雄黄，生姜，干姜，秦皮，龟甲，反乌头。

蜀漆，栝楼为使，恶贯众。

虎掌，蜀漆为使，畏莽草。

狼牙，芫荽为使，恶枣肌，地榆。

常山，畏玉札。

白芨，紫石英为使，恶理石，李核仁，杏仁。

白敛，代赭为使，反乌头。

藿菌，得酒，良，畏鸡子。

茺苢，甘草为使，恶麦门冬。

苈草，畏鼠妇。

夏枯草，土瓜为使。

狼毒，大豆为使，恶麦句姜。

鬼臼，畏衣。

木药，上部

茯苓，茯神，马间为使，恶白敛，畏牡蒙，地榆，雄黄，秦艽，龟甲。

杜仲，恶蛇蛻，元参。

柏实，牡蛎，桂心，瓜子为使，畏菊花，羊蹄，诸石，麝曲。

干漆，半夏为使，畏鸡子。

萆荊子，恶乌头，石膏。

五加皮，远志为使，畏蛇皮，元参。

槲木，恶干漆。

辛夷，芍药为使，恶五石脂，畏菖蒲，蒲黄，黄连，石膏，黄环。

酸枣仁，恶防己。

槐子，景天为使。

牡荊实，防己为使，恶石膏。

木药，中部

厚朴，干姜为使，恶泽泻，寒水石，消石。

山茱萸，蓼实为使，恶桔梗，防风，防己。

吴茱萸，蓼实为使，恶丹参，消石，白芷，畏紫石英。

秦皮，大戟为使，恶茱萸。

占斯，解狼毒毒。

梔子，解踰躅毒。

秦椒，恶栝楼，防葵，畏雌黄。

桑根白皮，续断，桂心，麻子为使。

木药，下部

黄环，鸛尾为使，恶茯苓，防己。

石南，五加皮为使。

巴豆，芫花为使，恶藜草，畏大黄，黄连，藜芦，杀斑蝥毒。

栝华，决明为使。

蜀椒，杏仁为使，畏款冬。

洩疏，漏芦为使。

皂荚，柏实为使，恶麦门冬，畏空青，人参，苦参。

雷丸，荔实，厚朴为使，恶葛根。

兽，上部

龙骨，得人参，牛黄，良，畏石膏。

龙角，畏干漆，蜀椒，理石。

牛黄，人参为使，恶龙骨，地黄，龙胆，蜚蠊，畏牛膝。

白胶，得火良，畏大黄。

阿胶，得火良，畏大黄。

兽，中部

犀角，松子为使，恶菹菌，雷丸。

羚羊角，菟丝子为使。

鹿茸，麻勃为使。

鹿角，杜仲为使。

兽，下部

麋脂，畏大黄。

伏翼，芫实，云实为使。

天鼠屎，恶白敛，白薇。

虫、鱼，上部

蜜蜡，恶芫花，齐蛤。

蜂子，畏黄芩，芍药，牡蛎。

牡蛎，贝母为使，得甘草，牛膝，远志，蛇床，良，恶麻黄，吴茱萸，辛夷。

桑螵蛸，畏旋复花。

海蛤，蜀漆为使，畏狗胆，甘遂，芫花。

龟甲，恶沙参，蜚蠊。

虫、鱼，中部

猬皮，得酒良，畏桔梗，麦门冬。

蜥蜴，恶硫黄，斑蝥，芫黄。

露蜂房，恶干姜，丹参，黄芩，芍药，牡蛎。

麋虫，畏皂荚，菖蒲。

蛭蟪，蜚蠊为使，恶附子。

龟甲，恶矾石。

蟹，杀芫荽毒，漆毒。

蛇鱼甲，蜀漆为使，畏狗胆，甘遂，芫花。

乌贼，鱼骨，恶白敛，白芨。

虫、鱼，下部

蛭蟪，畏羊角，石膏。

蛇蛻，畏磁石，及酒。

斑蝥，马刀为使，畏巴豆，丹参，空青，恶肤青。

地胆，恶甘草。

马刀，得水，良。

果，上部

大枣，杀乌头，毒。

果，下部

菜，上部

冬葵子，黄芩为使。

葱实，解黎芦毒。

米，上部

麻黄麻子，畏牡蛎，白薇，恶茯苓。

米，中部

大豆，及黄卷，恶五参，龙胆，得前胡，乌喙，杏仁，牡蛎，良，杀乌头毒。

大麦，蜜为使。

上二百三十一一种，有相制使，其余皆无（三十四种续添，案当云三十五种）。

立冬之日，菊，卷柏先生。时为阳起石，桑螵蛸。凡十物使。主二百草，为之长。

立春之日，木兰，射干先生。为柴胡，半夏使。主头痛，四十五节。

立夏之日，蜚蠊先生。为人参，茯苓使。主腹中。七节，保神守中。

夏至之日，豕道，茱萸先生。为牡蛎，乌喙使。主四肢。三十二节。

立秋之日，白芷，防风先生。为细辛，蜀漆使。主胸背。二十四节。（原注上此五条，出药对中，义旨渊深，非俗所究，虽莫可遵用，而是主统之本，故亦载之）。

《神农本草经》终

珍珠囊补遗药性赋

〔元〕 李东垣 原编

〔清〕 王晋三 重订

《珍珠囊补遗药性赋》提要

元·李杲明之撰。是书撰成对语，原供初学医者诵读之需。如卷一、总赋，列寒性药六十六种，热性药六十种，温性药五十四种，平性药六十八种，总记三百二十种，皆为日用之药。次用药发明，药性阴阳，标本用药法，药性升降浮沉补泻法，五脏所欲，五脏所苦，五臭凑五脏，五行五色五味五走五脏主禁例，手足三阳表里引经主治例，诸药泻诸经之火邪，诸药相反例。十八反歌，十九畏歌，六陈歌，五藏补泻主治例，用药凡例。卷二、诸治指掌逐段锦。凡九十种。用药须知，用药法象，四时用药法，用药丸散，药本五味歌，炮制药歌，妊娠服药禁忌歌。卷三、列药性，玉石部、草部。卷四、列木部、人部、禽兽部、虫鱼部、果品部、米谷部、蔬菜部，皆当熟读强记。为熟谙药性之初步，不可以其浅陋而不重视也。

序

往尝向学，以未博医为欠事。一日，思取古人，既目医类为小道，又谓人不可以不知医。噫嘻！医不可以不知也，亦不必于尽知也。非尽知不可也，顾吾所事者大，其余所谓医者，精神有分数，日月不长居也。君子于医，苟知其概，以知之者付之专之者，斯固不害为知也。此吾有取于药性赋也，虽然！吾为专于大者言也。苟有奇世之人，囊小大而无不知者，奚必尽守乎吾言？或曰：斯人也。吾见亦罕矣！此吾有取于药性赋也。

元山道人识

《珍珠囊补遗药性赋》目录

卷一

总赋	91
寒性六十六种	91
热性六十种	91
温性五十四种	92
平性六十八种	92
用药发明	93
药性阴阳论	93
标本论	93
用药法	93
药性升降浮沉补泻法	94
五脏所欲	95
五脏所苦	95
五气凑五脏例	95
五行五色五味走五脏主禁例	95
手足三阳表里引经主治例	95
诸药泻诸经之火邪	95
诸药相反例	95
十八反歌	95
十九畏歌	95

六陈歌	95
-----------	----

五脏补泻主治例	95
---------------	----

用药凡例	96
------------	----

卷二

主治指掌	97
------------	----

用药须知	103
------------	-----

卷三

玉石部	105
-----------	-----

草部上	107
-----------	-----

草部中	109
-----------	-----

草部下	111
-----------	-----

卷四

木部	114
----------	-----

人部	117
----------	-----

禽兽部	117
-----------	-----

虫鱼部	118
-----------	-----

果品部	119
-----------	-----

米谷部	120
-----------	-----

蔬菜部	121
-----------	-----

《珍珠囊补遗药性赋》目录

卷一 总赋

寒性六十六种

犀角味苦酸咸微寒无毒

羚羊角味苦咸微寒无毒

泽泻味甘咸寒无毒

海藻味苦咸寒无毒

菊花味苦甘寒无毒

射干味苦平微温有毒

薏苡仁味甘微寒无毒

藕节味甘平寒无毒

枯萎子味苦寒无毒

车前子味甘咸寒无毒

黄蘗味苦寒无毒

兜铃味苦寒无毒

地骨皮味苦寒无毒

薄荷叶味苦辛温无毒

枳壳味苦酸微寒无毒

枳实味苦酸咸微寒无毒

干葛味甘平无毒

柴胡味苦平无毒

百部味苦微温无毒

栀子味苦寒无毒

元参味苦咸微寒无毒

升麻味甘苦平微寒无毒

膩粉味甘辛无毒

金箔味辛平无毒

茵陈味苦平微寒无毒

瞿麦味苦辛寒无毒

朴硝味苦辛咸大寒无毒

石膏味甘辛大寒无毒

前胡味苦微寒无毒

滑石味甘咸大寒无毒

天门冬味苦甘平大寒无毒

麦门冬味甘平微寒无毒

竹茹味苦微寒无毒

大黄味苦咸大寒无毒

宣黄连味苦甘微寒无毒

淫羊藿味辛寒无毒

茅根味甘寒无毒

石韦味苦甘平无毒

熟地黄味甘苦寒无毒

生地黄气味同上

赤芍药味苦酸平微寒有小毒

白芍药气味同上

牵牛味苦寒有毒

贯众味苦微寒有毒

金铃子味酸苦寒无毒

重草根味甘凉无毒

侧柏叶味苦微温无毒

香附子味甘微寒无毒

地肤子味苦寒无毒

山豆根味甘寒无毒

白藓皮味苦咸无毒

旋覆花味甘温无毒

荆芥穗味辛苦温无毒

枯萎根味苦寒无毒

地榆味苦甘酸微寒无毒

昆布味辛酸寒无毒

淡竹叶味辛平大寒无毒

牡丹皮味辛苦寒微寒无毒

知母味苦寒无毒

牡蛎味咸平微寒无毒

贝母味辛苦平微寒无毒

桔梗味辛苦微寒无毒

黄芩味苦平大寒无毒

槐花味苦平无毒

常山味苦辛有毒

葶苈味苦辛大寒无毒

热性六十种

草拔味辛大温有毒
 生姜味辛微温无毒
 五味子味酸温无毒
 鳝肭脐味咸性平无毒
 川芎味辛温无毒
 断续味苦辛微温无毒
 麻黄味苦微温无毒
 韭子味辛温无毒
 川乌味辛热有毒
 天雄味辛甘大温有大毒
 川椒味辛温热有毒
 干姜味辛温大热无毒
 葫芦巴味苦温无毒
 生卷柏味辛甘平微温无毒
 白朮味甘温无毒
 菖蒲味辛温无毒
 丁香味辛温无毒
 良姜味辛苦大热无毒
 肉苁蓉味甘酸微温无毒
 石硫黄味酸温大热有毒
 胡椒味辛温无毒
 秦椒味辛生温熟亦有毒
 吴茱萸味辛温大热有小毒
 灵砂味甘温无毒
 草澄茄味辛温无毒
 蓬莪术味苦辛温无毒
 绪砂味辛温无毒
 附子味辛甘温大热有大毒
 白豆蔻味辛大温无毒
 乳香味辛热有毒
 红豆蔻味辛大温无毒
 干漆味辛温有毒
 鹿茸味甘酸微温无毒
 虎骨味辛微热无毒
 檀香味辛热无毒
 鹿角味咸温无毒
 米醋味酸温无毒
 紫苏味辛温无毒

豌豆味甘微温无毒
 麝香味辛温无毒
 五灵脂味甘温无毒
 麒麟竭味甘咸平有小毒
 麝茸味甘温无毒
 当归味甘辛大温无毒
 乌贼骨味咸微温无毒
 鹿角胶味咸温无毒
 白花蛇味甘咸温有毒
 乌梢蛇味甘平有小毒
 乌药味辛温无毒
 禹余粮味甘寒平无毒
 巴豆味辛生温熟寒有大毒
 独活味苦甘平微温无毒
 山茱萸味酸平微温无毒
 白石英味甘辛温无毒
 厚朴味苦辛大温无毒
 肉桂味甘辛大热有小毒
 鲫鱼味甘温无毒
 代赭味苦甘寒无毒
 沉香味辛微温无毒
 橘皮味辛温无毒

温性五十四种

木香味苦辛热无毒
 半夏味辛平微寒温有毒
 苍术味甘温无毒
 萝卜味辛甘温无毒
 钟乳粉味甘温无毒
 青盐味咸温无毒
 山药味甘温平无毒
 阿胶味甘平微温无毒
 赤石脂味苦酸辛大温无毒
 阳起石味酸微温无毒
 紫菀味苦辛温无毒
 防风味甘辛温无毒
 苍耳子味甘温有小毒
 威灵仙味苦温无毒
 细辛味辛温无毒
 艾叶味苦微温无毒

羌活	味苦甘平微温无毒	硼砂	味咸苦平温有毒
白芷	味辛温无毒	龙齿	味涩人寒无毒
红蓝花	味辛温无毒	青皮	味辛温无毒
刘寄奴	味苦温无毒	芡实	味甘平无毒
茵芋叶	味苦微温有毒	木贼草	味甘微苦无毒
骨碎补	味苦温无毒	花蕊石	味平无毒
藿香叶	味苦辛微温无毒	决明	味咸苦甘平微寒无毒
草果仁	味辛温无毒	天麻	味辛平无毒
巴戟天	味甘微温无毒	甘草	味甘平无毒
玄胡索	味辛温无毒	石斛	味甘平无毒
款冬花	味辛甘温无毒	商陆	味辛酸平有毒
肉豆蔻	味辛温无毒	覆盆	味酸咸平无毒
抚芎	味辛温无毒	琥珀	味甘平无毒
何首乌	味苦涩微温无毒	朱砂	味甘微寒无毒
姜黄	味苦辛大寒无毒	牛膝	味苦酸平无毒
防己	味辛苦平温无毒	龙骨	味甘平微寒无毒
藁本	味辛苦微温微寒无毒	甘松	味甘温无毒
仙茅	味辛温无毒	蒺藜	味苦辛温寒无毒
破故纸	味辛大温无毒	人参	味甘微寒微温无毒
宣木瓜	味酸温无毒	蒲黄	味甘无毒
杏仁	味甘苦温令利有毒	南星	味苦辛有毒
茴香	味辛平无毒	三棱	味苦平无毒
诃子	味苦温无毒	没石	味苦温无毒
秦艽	味苦辛平温无毒	皂角	味辛咸温有小毒
槟榔	味辛温无毒	桑螵蛸	味咸甘平无毒
杜仲	味辛甘平温无毒	鸭头血	味甘温平无毒
紫石英	味甘平温无毒	蛤蚧	味咸平有小毒
橘核仁	味甘酸无毒	牛蒡	味辛平无毒
金樱子	味酸涩平温无毒	全蝎	味甘平有毒
紫苏子	味辛温无毒	酸枣仁	味酸平无毒
淡豆豉	味苦寒无毒	桑寄生	味苦甘平无毒
大小蓟	味甘温有毒	大腹子	味辛微温无毒
益智	味辛温无毒	小草	味苦温无毒
麻仁	味甘平无毒	远志	味苦温无毒
黄芪	味甘微温无毒	木通	味甘平无毒
狗脊	味苦甘平微温无毒	猪苓	味甘苦平无毒
兔丝子	味辛甘平无毒	莲肉	味甘平寒无毒
马兰花	味甘平温无毒	没药	味甘平无毒
平性六十八种		郁李仁	味酸平无毒

茯神味甘平无毒

白茯苓味甘平无毒

赤茯苓气味同上

麦蘖味甘咸温无毒

小麦味甘微寒无毒

白附子味甘平微温无毒

大腹皮味辛微温无毒

椿白皮味苦有毒

桑白皮味甘寒无毒

桃仁味苦甘温平无毒

神曲味甘温无毒

五加皮味甘苦温微寒无毒

柏子仁味甘辛平无毒

安息香味辛苦平无毒

冬瓜仁味甘平寒无毒

僵蚕味咸辛平无毒

百合味甘平无毒

赤小豆味甘酸平无毒

枇杷叶味苦平无毒

连翘味苦平无毒

石楠叶味微苦寒有毒

谷蘖味甘温无毒

阿魏味辛平无毒

紫河车味苦微寒无毒

大枣味甘平无毒

鳖甲味咸平无毒

龟甲味苦无毒

乌梅味酸平无毒

竹沥大寒无毒

以上寒热温平总计三百二十味

用药发明 药性阴阳论 标本论 用药

法 药性升降浮沉补泻法 五脏所欲 五脏

所苦 五臭凑五脏例 五行五色五味五走五

脏主禁例 手足三阳表里引经主治例 诸药

泻诸经之火邪 诸药相反例 十八反歌 十

九畏歌 六陈歌 五脏补泻主治例 用药凡

例

卷二 主治指掌

逐段锦凡九十种

羌活味苦甘平微温无毒

升麻味苦平微寒无毒

柴胡味苦平微寒无毒

白芷味辛温无毒

防风味甘平温无毒

当归味甘辛温无毒

独活味苦甘平微温无毒

木香味苦辛微温无毒

槟榔味苦辛温无毒

吴茱萸味苦辛热有小毒

藿香叶味甘温无毒

川芎味辛温无毒

黄连味苦寒无毒

黄芩味苦平无毒

大黄味苦寒无毒

黄蘖味苦寒无毒

玄明粉味甘酸辛微温无毒

白术味甘温无毒

人参味甘温无毒

黄芪味甘温无毒

甘草味甘平无毒

半夏味辛平有小毒

陈皮味辛苦温无毒

青皮味苦寒无毒

枳壳味酸苦微寒无毒

枳实味苦酸微寒无毒

桔梗味苦辛微温有小毒

知母味苦寒无毒

藁本味苦辛微温无毒

生地黄味甘苦寒无毒

熟地黄味甘苦温无毒

五味子味酸温无毒

川乌味辛热有毒

白芍药味酸寒有小毒

白茯苓味甘淡温无毒

泽泻味甘咸寒无毒

薄荷叶味辛凉无毒

麻黄味苦甘温无毒

厚朴味苦辛温无毒

杏仁味苦甘温有毒
 巴豆味辛热有大毒
 黑附子味辛热有大毒
 苍术味苦温无毒
 秦艽味苦平无毒
 白僵蚕味咸平无毒
 白豆蔻味苦平无毒
 地榆味苦甘酸微寒无毒
 连翘味苦平微寒无毒
 阿胶味甘平微温无毒
 桃仁味苦甘平无毒
 生姜味辛性温无毒
 石膏味辛甘性大寒无毒
 桂味辛性热有毒
 细辛味辛性温无毒
 梔子味苦性大寒无毒
 葛根味甘平性寒无毒
 栝蒌根味苦性寒无毒
 猪苓味淡甘平性温无毒
 干姜生则味辛炮则味苦
 草龙胆味苦性寒无毒
 苏木味甘咸平性寒无毒
 杜仲味辛甘平性温无毒
 天门冬味苦平性大寒无毒
 麦门冬味甘平性寒无毒
 木通味甘平性寒无毒
 地骨皮味苦平性寒无毒
 桑白皮味甘性寒无毒
 甘菊花味苦甘平性微寒无毒
 红花味辛性温无毒
 赤石脂味甘酸性温无毒
 通草味甘平微寒无毒
 乌梅味酸平无毒
 川椒味辛性热有毒
 蒺藜味甘平有毒
 秦皮味苦寒无毒
 白头翁味苦寒无毒
 牡蛎味酸平无毒
 干漆味辛平有毒

南星味苦辛温有毒
 商陆味酸辛平有毒
 葶苈味苦寒无毒
 海藻味苦咸寒无毒
 竹叶味苦辛平无毒
 葱白味辛温无毒
 天麻味辛平无毒
 大枣味甘温无毒
 威灵仙味苦温无毒
 鼠黏子味辛平无毒
 草豆蔻味辛温无毒
 玄胡索味苦辛温无毒

用药须知 用药法象 四时用药法 用
 药丸散 药本五味歌 炮制药歌 妊娠服药
 禁歌

卷三

玉石部
 金屑
 玉屑
 辰砂
 石床
 生银屑
 钟乳粉
 代赭石
 伏龙肝
 云母石
 水银
 矾石
 禹余粮
 朴硝
 硝石
 空青
 紫石英
 寒水石
 石硫黄
 磁石
 食盐
 轻粉
 石灰

石膏
滑石
胡粉
铜青
蜜陀僧
无名异
硼砂
硃矾
灵砂
白垩
石燕
黑铅
黄丹
矾石
花蕊石
自然铜
礞砂
信石
梁上尘
井泉石
玄精石
铁粉
雄黄
雌黄
草部上
葛蒲
菊花
人参
甘草
白术
苍术
生地黄
熟地黄
天门冬
麦门冬
地肤子
车前子
菟丝子
巴戟天

牛膝
柴胡
草决明
龙胆草
蜜蒙子
茵陈蒿
远志
黄精
五味子
木香
蜀金花
慎火草
络石
川芎
石斛
升麻
续断
茜根
蛇床子
羌活
独活
细辛
薯蓣
薏苡仁
萎蕤
黄芪
忍冬草
泽泻
防风
蒺藜
蒲黄
肉苁蓉
黄连
漏芦
丹参
草部中
芍药 姜
葛根
瞿麦

栝蒌根
 苍耳子
 玄参
 苦参
 贝母
 知母
 白薇
 白芷
 当归
 麻黄
 大蓟
 小蓟
 小青
 大青
 京三棱
 蓬莪术
 白豆蔻
 草澄茄
 郁金
 藁本
 前胡
 姜黄
 萆薢
 高良姜
 煎草
 王瓜
 木通
 马兰子
 百合
 秦艽
 黄芩
 紫菀
 泽兰
 紫草
 石韦
 防己
 肉豆蔻
 款冬花
 淫羊藿

补骨脂
 芦荟
 牛蒡子
 海藻
 水萍
 艾
 阿魏
 败酱
 酸浆草
 茴香
 昆布
 百部
 天麻
 牡丹皮
 地榆
 香附
 缩砂
 狗脊
 草薢
 红花
 白藓皮
 石龙芮
 胡黄连
 白茅花
 玄胡索
 甘松
 使君子
 草部下
 附子
 乌头
 天雄
 半夏
 大黄
 木贼草
 青箱子
 羊蹄
 鹤虱
 甘遂
 大戟

白薇
白芨
羊躑躅
马兜铃
刘寄奴
续随子
白附子
白头翁
何首乌
骨碎补
葶苈
射干
常山
莨菪子
连翘
桔梗
海金沙
谷精草
草河车
商陆
藜芦
贯众
草蒿
旋覆花
蓖麻子
威灵仙
马鞭草
葫芦巴
萱草
灯心
山豆根
金星草
狼毒
稀莶
夏枯草
天南星
牵牛
山茨菇
仙茅

芋根
茵芋
屋游

卷四

木部

桂
槐角
松脂
柏叶
柏子仁
枸杞子
地骨皮
茯苓
干漆
茯神
琥珀
酸枣仁
榆皮
蔓荆子
桑寄生
诃子
辛夷
乌药
没药
秦椒
蜀椒
莽草
棕榈
巴豆
芫花
木鳖子
雷丸
石楠
海桐皮
牡荆子
郁李仁
密蒙花
苏方木
楮实

竹皮
 檮白皮
 梧桐泪
 枳壳
 山梔子
 槟榔
 厚朴
 猪苓
 龙脑
 黄蘗
 紫威
 杜仲
 卫茅
 虎杖
 羌黄
 蕤仁
 皂荚
 没石子
 益智
 川练子
 五倍子
 吴茱萸
 山茱萸
 桑白皮
 大腹皮
 金樱子
 冬青子
 苏合香
 安息香
 秦皮
 黄药
 苦菜
 钩藤
 麒麟竭
 五加皮
 丁香
 沉香
 檀香
 藿香

乳香
 天竺黄
 胡椒
 人部
 天灵盖
 人粪汁
 童男溺
 乳汁
 裤裆
 血余
 人中白
 禽兽部
 鹿角
 麝香
 牛黄
 龙骨
 牛乳
 獾肝
 象牙
 熊胆
 羚羊角
 鳊肭脐
 阿胶
 犀角
 鹿茸
 虎骨
 兔头骨
 牛角腮
 瓦雀肉
 雄鸡
 蝙蝠
 虫鱼部
 全蝎
 斑猫
 海蛤
 珍珠
 水蛭
 田螺
 鼠妇

蛀虫
 蛇蜕
 衣鱼
 蜚螂
 虾蟆
 地龙
 蜗牛
 蛰蟥
 蛤蚧
 牡蛎
 乌贼骨
 鳊鱼
 石龙子
 穿山甲
 鳖甲
 蟾皮
 蜘蛛
 蝉退
 鲤鱼
 蟹
 鲫
 蛙
 蜈蚣
 土狗
 石决明
 桑螵蛸
 原蚕
 僵蚕
 白花蛇
 五灵脂
果品部
 橘皮
 大枣
 芡实
 覆盆子
 柿干
 梨实
 橄榄
 石榴

藕实
 桃仁
 杏仁
 乌梅
 木瓜
 枇杷叶
 胡桃
 草果
米谷部
 粳米
 秣米
 陈仓米
 黑豆
 白豆
 米粟
 胡麻
 赤小豆
 白扁豆
 小麦
 大麦
 麦蘖
 麦麸
 绿豆
 甜瓜
蔬菜部
 葱
 韭
 莱菔子
 胡荽
 冬瓜
 白芥子
 冬葵子
 香薷
 芸苔菜
 茄子
 豆芽
 荆芥
 马齿苋
 草薺

苏叶
薄荷
饴糖
神曲

醋
酒
香豉

珍珠囊补遗药性赋 卷一

元 真定 李 杲东垣原编
吴门 王子接晋三重订
鄞县 曹赤电炳章校点

总 赋

寒 性

诸药赋性，此类最寒。犀角解乎心热，羚羊清乎肺肝。泽泻利水通淋而补阴不足，海藻散瘰破气而治疝何难。闻之菊花能明目而清头风，射干疗咽闭而消痈毒。薏苡理脚气而除风湿，藕节消瘀血而止吐衄。瓜蒌子下气润肺喘兮，又且宽中；车前子止泻利小便兮，尤能明目。是以黄蘗疮用，兜铃嗽医。地骨皮有退热除蒸之效，薄荷叶宜消风清肿之施。宽中下气，枳壳缓而枳实速也；疗肌解表，干葛先而柴胡次之。百部治肺热，咳嗽可止；梔子凉心肾，鼻衄最宜。玄参治结热毒痢，清利咽膈；升麻消风热肿毒，发散疮痍。尝闻膩粉抑肺而敛肛门，金箔镇心而安魂魄。茵陈主黄疸而利水，瞿麦治热淋之有血。朴硝通大肠，破血而止痰癖；石膏治头疼，解肌而消烦渴。前胡除内外之痰实，滑石利六腑之涩结。天门冬止嗽，补血冷而润肝心；麦门冬清心，解烦渴而除肺热。又闻治虚烦，除哕呕，须用竹茹；通秘结，导瘀血、必资大黄。宣黄连治冷热之痢，又厚肠胃而止泻；淫羊藿疗风寒之痹，且补阴虚而助阳。茅根止血与吐衄，石韦通淋于小肠。熟地黄补血且疗虚损，生地黄宣血更医眼疮。赤芍药破血而疗腹痛，烦热亦解；白芍药补虚而生新血，退热尤良。若乃消肿满逐水于牵

牛，除毒热杀虫于贯众。金铃子治疝气而补精血，萱草根治五淋而消乳肿。侧柏叶治血山崩漏之疾，香附子理血气妇人之用。地肤子利膀胱，可洗皮肤之风；山豆根解热毒，能止咽喉之痛。白藓皮去风治筋弱，而疗足头痹；旋覆花明目治头风，而消痰嗽壅。又况荆芥穗清头目便血疏风散疮之用，瓜蒌根疗黄疸毒痢消渴解痰之忧；地榆疗崩漏，止血止痢；昆布破疝气，散瘰散瘤。疗伤寒，解虚烦，淡竹叶之功倍；除结气，破瘀血，牡丹皮之用同。知母止嗽而骨蒸退，牡蛎涩精而虚汗收。贝母清痰止咳嗽而利心肺，桔梗下气利胸膈而治咽喉。若夫黄芩治诸热，兼主五淋；槐花治肠风，亦医痔痢。常山理痰结而治温疟，葶苈泻肺喘而通水气。此六十六种药性之寒，又当考图经以博其所治，观夫方书以参其所用焉，其庶几矣。

热 性

药有温热，又当审详。欲温中以芣拔，用发散以生姜。五味子止嗽痰，且滋肾水；肭脐疗劳瘵，更壮元阳。原夫川芎祛风湿，补血清头；续断治崩漏，益筋强脚。麻黄表汗以疗咳逆，韭子助阳而医白浊。川乌破积，有消痰治风痹之功；天雄散寒，为去湿助精阳之药。观夫川椒达下，干姜暖中。葫芦巴治虚冷之疝气，生卷柏破瘕瘕而血通。白术消痰壅，温胃兼止吐泻；菖蒲开心气，散冷更治耳聋。丁香快脾胃而止吐逆，良姜止心气痛之功冲。肉苁蓉填精益肾，石硫黄暖胃驱

虫。胡椒主去痰而除冷，秦椒主攻痛而治风。吴茱萸疗心腹之冷气，灵砂定心脏之怔忡。盖夫散肾冷，助脾胃，须萆澄茄；疗心疼，破积聚，用蓬莪术。缩砂止吐泻安胎，化酒食之剂；附子疗虚寒翻胃，壮元阳之力。白豆蔻治冷泻，疗痢止痛于乳香；红豆蔻止吐酸，消血杀虫于干漆。岂不知鹿茸生精血，腰脊崩漏之均补；虎骨壮筋骨，寒湿毒风之并祛。檀香定霍乱，而心气之痛愈；鹿角秘精髓而腰脊之疼除。消肿益血于米醋，下气散寒于紫苏。藕豆助脾，则酒有行药破血之用；麝香开窍，则葱为通中发汗之需。尝观五灵脂治崩漏，理血气之刺疼；麒麟竭止血出，疗金疮之伤折。麋茸壮阳以助肾，当归补虚而养血。乌贼骨止带下，且除崩漏目翳；鹿角胶住血崩，能补虚羸劳绝。白花蛇治瘫痪，除风痒之癖疹；乌梢蛇疗不仁，去疮疡之风热。《图经》云：乌药有治冷气之理；禹余粮乃疗崩漏之因。巴豆利痰水，能破积热；独活疗诸风，不论久新。山茱萸治头晕遗精之药，白石英医咳嗽吐脓之人。厚朴温胃而去呕胀，消痰亦验；肉桂行血而疗心痛，止汗如神。是则鲫鱼有温胃之功，代赭乃镇肝之剂。沉香下气补肾，定霍乱之心疼；橘皮开胃去痰，导壅滞之逆气。此六十种药性之热，又尝博本草而取治焉。

温 性

温药总括，医家素谙。木香理乎气滞，半夏主子风痰。苍术治目盲，燥脾去湿宜用；萝卜去膨胀，下气制曲尤堪。况夫钟乳粉补肺气，兼疗肺虚；青盐治腹疼，且滋肾水。山药而腰湿能医，阿胶而痢嗽皆止。赤石脂治精浊而止泻，兼补崩中；阳起石暖子宫以壮阳，更疗阴痿。诚以紫菀治嗽，防风祛风。苍耳子透脑止涕，葳灵仙宣风通气。细辛去头风，止嗽而疗齿痛；艾叶治崩漏，安胎而医痢红；羌活明目驱风，除湿毒肿痛；白芷止崩治肿，疗痔漏疮痛。若乃红蓝花通经，治

产后恶血之余；刘寄奴散血，疗汤火金疮之苦。减风湿之痛则茵芋叶，疗折伤之症则骨碎补。藿香叶辟恶气而定霍乱，草果仁温脾胃而止呕吐。巴戟天治阴疽白浊，补肾尤滋；玄胡索理气痛血凝，调经有助。尝闻款冬花润肺，去痰嗽以定喘；肉豆蔻温中，止霍乱而助脾。抚芎走经络之痛，何首乌治疮疥之资。姜黄能下气，破恶血之积；防己宜消肿，去风湿之施。藁本除风，主妇人阴痛之用；仙茅益肾，扶元气虚弱之衰。乃若破故纸温肾，补精髓与劳伤；宣木瓜入肝，疗脚气并水肿。杏仁润肺燥止嗽之剂，茴香治疝气肾疼之用。诃子生精止渴，兼疗滑泄之痢；秦艽攻风逐水，又除肢节之痛。槟榔豁痰而逐水，杀寸白虫；杜仲益肾而添精，去腰膝重。当知紫石英疗惊悸崩中之疾，橘核仁治腰疼疝气之癖。金樱子兮涩遗精，紫苏子兮下气涎。淡豆豉发伤寒之表，大小蓟除诸血之鲜。益智安神，治小便之频数；麻仁润肺，利六腑之燥坚。抑又闻补虚弱，排疮脓，莫若黄芪；强腰脚，壮筋骨，无如狗脊。兔丝子补肾以明目，马兰花治疝而有益。此五十四种药性之温，更宜参《图经》而默识也。

平 性

详论药性平和。惟在以礞砂而去积，用龙齿以安魂。青皮快膈除膨胀，且利脾胃；芡实益精治白浊，兼补真元。原夫木贼草去目翳，崩漏亦医；花蕊石治金疮，血行则却。决明和肝气治眼之剂，天麻主脾湿祛风之药。甘草和诸药而解百毒，盖以性平；石斛平胃气而补肾虚，更医脚弱。观夫商陆治肿，覆盆益精。琥珀安神而破血，朱砂镇心而有灵。牛膝强足补精，兼疗腰痛；龙骨止汗住泄，更治血崩。甘松理风气而痛止，葵藜疗风疮而目明；人参润肺宁心，开脾助胃；蒲黄止崩治衄，消瘀调经。岂不以南星醒脾，去惊风痰吐之忧；三棱破积，除血块气滞之症。没石主泄泻而神效，皂角治风痰而响应。桑螵

蛎疗遗精之泄，鸭头血医水肿之盛。蛤蚧治劳嗽，牛蒡子疏风壅之痰；全蝎主风瘫，酸枣仁去怔忡之病。尝闻桑寄生益血安胎，且止腰痛；大腹子去膨下气，亦令胃和。小草远志，俱有宁心之妙；木通猪苓，尤为利水之多。莲肉有清心醒脾之用，没药任治疮散血之科。郁李仁润肠宣水，去浮肿之疾；茯神宁心益智，除惊悸之病。白茯苓补虚劳，多在心脾之有膏；赤茯苓破结血，独利水道以无毒。因知麦蘖有助脾化食之功，小麦有止汗养心之力。白附子去面风之游走，大腹皮治水肿之泛溢。椿根白皮主泻血，桑根白皮主喘息。桃仁破瘀血兼治腰疼，神曲健脾而进饮食。五加皮坚筋骨以立行，柏子仁养心神而有益。抑又闻安息香辟恶，且止心腹之痛；冬瓜仁醒脾，实为饮食之资。僵蚕治诸风之喉闭，百合敛肺劳之嗽萎。赤小豆解热毒，疮肿宜用；枇杷叶下逆气，啰呕可医；连翘排疮脓与肿毒，石楠叶利筋骨与毛皮。谷蘖养脾，阿魏除邪气而破积；紫河车补血，大枣和药性以开脾。然而鳖甲治劳症，兼破症瘕；龟甲坚筋骨，更疗崩疾。乌梅主便血疟痢之用，竹沥治中风声音之失。此六十八种平和之药，更宜参本草而求其详悉也。

以上汇诸药品，总括成章，性分寒热温平，味主抑扬主治随症对药，辞义了然。在习医者，罔当审详，而保身者，亦宜熟读，庶几无天札之虞矣。

用药发明

药性阴阳论

夫药有寒热温凉之性，酸苦辛咸甘淡之味，升降浮沉之能，厚薄轻重之用，或气一而味殊，或味同而气异，合而言之，不可混用。分而言之，各有所能。本乎天者亲上，本乎地者亲下，轻清成象，重浊成形。清阳发腠理，浊阴走五脏。清中清者，荣养精神；浊中浊者，坚强骨髓。辛甘发散为阳，酸苦涌

泄为阴。气为阳，气厚为阳中之阳，气薄为阳中之阴，薄则发泄，厚则发热。味为阴，味厚为阴中之阴，味薄为阴中之阳，薄则疏通，厚则滋润。升降浮沉之辨，豁然贯通，始可以言医，而司人命矣。人徒知药之神者，乃药之力也，殊不知乃用药者之力也。人徒知辨真伪识药之为难，殊不知分阴阳用药之为尤难也。

标本论

夫用药者，当知标本。以身论之，外为标，内为本；气为标，血为本；阳为标，阴为本；六腑属阳为标，五脏属阴为本。以病论之，先受病为本，后传变为标。凡治病者，先治其本，后治其标，虽有数病，靡弗去矣。若先治其标，后治其本，邪气滋甚，其病益坚。若有中满，无问标本，先治其满，谓其急也。若中满后有大小便不利，亦无问标本，先治大小便，次治中满，谓尤急也。又如先病发热，后病吐泻，饮食不下，则先定呕吐，后进饮食，方兼治泻，待元气稍复，乃攻热耳。此所谓缓则治其本，急则治其标也。除大小便不利及中满吐泻之外，皆先治其本，不可不知也。假令肝受心火之邪，是从前来者为实邪，实则泻其子，然非直泻其火，入肝经药为之引，用泻火为君，是治实邪之病也。假令肝受肾邪，是从后来者为虚邪，虚则补其母，入肾经药为引，用补肝药为君是也，标本已得，邪气乃服。医之神良，莫越乎此。

用药法

夫用药之法，贵乎明变。如风会有古今之异，地气有南北之分，天时有寒暑之更，禀赋有厚薄之别，受病有新旧之差，年寿有老少之殊，居养有贵贱之别。用药之际，勿好奇，勿执一，勿轻妄，勿迅速，须慎重精详，圆融活变。不妨沉会以期必妥，药于是乎功成。昔先贤未有发明，后学因而弗讲，其误世也不既多乎？

夫病有宜补，以泻之之道补之。病有宜泻，以补之之道泻之；病有宜寒剂者，以热剂为向导之兵。病有宜热剂者，以寒剂为类从之引。病在上者治下，病在下者治上，病同也而药异，病异也而药同。其义至微，学者最宜深究。

用药之忌，在乎欲速，欲速则寒热温凉行散补泻未免过当，功未获奏，害已随之。药无次序，如兵无纪律，虽有勇将，适以勇而愆事。又如理丝，缓则可清其绪，急则愈坚其结矣。

药有君臣佐使，味有轻重厚薄，人尽知之矣。及其用药也，令人复煎其滓，不知既经煎沸，则轻且薄者，业已无味，重且厚者，不减初煎。君臣佐使之宜，果安在哉？病浅者犹无大害，病深者切勿为之。

凡修丸剂，须每种各为细末，以末之轻重合之，则分两方准。不然，易细者一磨无遗，难碎者三复不尽。卤莽若此，何怪其无功哉？

凡药苦者直行而泄，辛者横行而散，酸者束面收敛，咸者止面软坚。独是甘之一味，可升可降，可浮可沉，可内可外，有和有缓，有补有泄。盖土味作甘，土位居中，而能兼乎五行也。

凡药之在土者，中半以上为根，其气上行，病在中上焦者用之。中半以下为梢，其气下行，病在下焦者用之。药之出土者，中半以上为苗，其气味上升，中半以下为身为干，其气味中守下达咸宜，因其病而酌之，使弗悖乎阴阳也。

凡药在上者，不厌频而少。在下者，不厌顿而多。少服则滋荣于上，多服则峻补于下。

凡病在上者，先食而后药。病在下者，先药而后食。病在四肢者，宜饥食而在昼。病在骨髓者，宜饱食而在夜。

凡煎药用水，亦各有宜。如治湿肿浮胀之疾，而欲使利水道，则取长流水，以流长

源远，其性通达，直引四肢之间也。如治二便不通，及足胫以下风湿，则取急流水。以其湍纵峻急，其性速下也。如治痰饮郁滞，而欲吐发升散，则取逆流水，以其性逆倒流，洄澜涌决也。如治中气不足，则取春雨水，有阳道发生之意也。如治下元不足，则取井水，盖清晨井中天一之气，浮结于面，以磁器轻取之，殊有补阴之功也。如治火热阳证，则取雪水，能大退热也。如治伤寒阴证奔豚等疾，则取甘澜水，盖盛之于缸，扬过千遍，水珠沫液，盈溢于面，其性柔顺，其味甘温，大能和气也。如治脾胃虚弱，泄泻不食等疾，则取池潦水，盖土池中停蓄既久，不流不动，殊有土气，能助脾元也。如治阴不升，阳不降，乖隔诸疾，则取阴阳水，河井各半，阴阳相成，可升可降，而使气平者也。

古人用药如羿之射的，不第谙其理，尤贵择其道地者制之尽善。不然，欲以滥恶之剂，冀其功验，虽扁鹊再起，其可得乎？

凡药有畏恶相反。所谓畏者，畏其制我，不得自纵，如半夏畏生姜之类是也。所谓恶者，恶其异我，不得自尽，如生姜恶黄芩之类是也。统而论之，彼所畏者，我必恶之，我所恶者，彼亦畏我。相畏相恶之中，亦有相成者，在因病制方，轻重多寡之间耳。若所谓相反，则各怀酷毒，两仇不共，共则必害事也。然有大毒之疾，又须用大毒之药以劫之，如古方感应丸，用巴豆、牵牛同剂，以为攻坚破积之用。四物汤加人参、五灵脂以治血块。二陈汤加藜芦、细辛以吐风痰。丹溪治尸瘵莲心散，以甘草、芫花同剂，而谓妙处在此，顾良工用之何如耳。

药性升降浮沉补泻法

足厥阴肝经，足少阳胆经，味辛补酸泻，所以制金。气温补凉泻。手少阴心经，手太阳小肠，味咸补甘泻，所以制水。气热补寒泻。足太阴脾经，足阳明胃经，味甘补苦泻，所以制土。气温凉寒热，补泻各从其宜。手太阴肺经，手阳明大肠，味酸补辛泻，所以制

水。气凉补温泻。足少阴肾经，足太阳膀胱，味苦补咸泻，所以制火。气寒补热泻。

五脏更相平也，一脏不平病。故曰安谷则昌，绝谷则亡。仲景云：水入于经，其血乃成，谷入于胃，脉道乃行。故血不可不养，卫不可不温，血温卫和，荣卫将行，常有天命矣。

五脏所欲

肝欲散，急食辛以散之，以辛补之，以酸泻之。心欲软，急食咸以软之，以咸补之，以甘泻之。脾欲缓，急食甘以缓之，以甘补之，以苦泻之。肺欲收，急食酸以收之，以酸补之，以辛泻之。肾欲坚，急食苦以坚之，以苦补之，以咸泻之。

五脏所苦

肝苦急，急食甘以缓之。脾苦湿，急食苦以燥之。心苦缓，急食酸以收之。肾苦燥，急食辛以润之。肺苦气上，急食苦以泄之。

五气凑五脏例

燥气入肝，腥气入肺，香气入脾，焦气入心，腐气入肾。

五行五色五味走五脏主禁例

东方之木，其色青，其味酸，其脏肝，肝主筋，木曰曲直作酸，酸走肝，筋病人无多食酸。

南方之火，其色赤，其味苦，其脏心。心主血，火曰炎上作苦，苦走心，血病人无多食苦。

西方之金，其色白，其味辛，其脏肺。肺主气，金曰从革作辛，辛走肺，气病人无多食辛。

中央之土，其色黄，其味甘，其脏脾。脾主肉，土曰稼穡作甘，甘走脾，肉病人无多食甘。

北方之水，其色黑，其味咸，其脏肾。肾

主骨，水曰润下作咸，咸走肾，骨病人无多食咸。

手足三阳表里引经主治例

太阳足膀胱手小肠 上羌活 下黄柏 少阴足肾手心 上黄连 下知母 少阳足胆手三焦 上柴胡 下青皮 厥阴足肝手包络 上青皮 下柴胡 阳明足胃手大肠 上升麻白芷 下石膏 太阴足脾手肺 上白芍 下桔梗

诸药泻诸经之火邪

黄连泻心火，梔子、黄芩泻肺火，白芍泻脾火，柴胡、黄连泻肝胆火，知母泻肾火，木通泻小肠火，黄芩泻大肠火，柴胡、黄芩泻三焦火，黄柏泻膀胱火。

诸药相反例

甘草反大戟、芫花、甘遂、海藻，乌头反半夏、瓜蒌、贝母、白芨、白蔹，藜芦反细辛、芍药、人参、沙参、苦参、丹参、元参。

十八反歌

本草明言十八反，半蒺贝藜芫攻乌，藻戟遂芫俱战草，诸参辛芍叛藜芦。

十九畏歌

硫黄原是火中精，朴硝一见便相争。水银莫与砒霜见，狼毒最怕蜜陀僧。巴豆性烈最为上，偏与牵牛不顺情。丁香莫与郁金见，牙硝难合京三棱。川乌草乌不顺犀，人参最怕五灵脂。官桂善能调冷气，若逢石脂便相欺。大凡修合看顺逆，炮制炙煨莫相依。

六陈歌

枳壳陈皮半夏齐，麻黄狼毒及茺萸，六般之药宜陈久，入药方知奏效奇。

五脏补泻主治例

肝虚者，陈皮、生姜之类补之。虚则补其母，肾者肝之母也，熟地、地黄、黄柏补之。如无他症，钱氏泻青丸主之，实则泻其子，以甘草泻心，心者肝之子也。

心虚者，炒盐补之，虚则补其母，肝者心之母也，以生姜补肝。如无他症，钱氏安神丸主之，实则甘草泻之。如无他症，钱氏方中重则泻心汤，轻则导赤散。

脾虚者，甘草、大枣之类补之，实则黄连、枳实泻之。如无他症，钱氏益元散主之。虚则补其母，心乃脾之母，以炒盐补心。实则泻其子，肺乃脾之子，以桑白皮泻肺。

肺虚者，五味子补之，实则桑白皮泻之。如无他症，钱氏阿胶散主之。虚则补其母，脾乃肺之母，以甘草、大枣补脾。实则泻其子，肾者肺之子，以泽泻泻肾。

肾虚者，熟地黄、黄柏补之，肾无实不可泻。钱氏止有补肾地黄丸，无泻肾药。虚则补其母，肺乃肾之母，以五味子补肺。

以上五脏补泻，《素问藏气法》时论，备有之矣。欲究其详，再著本论。

用药凡例

头角痛，须用川芎，血枯亦用。颠顶痛，须用藁本。遍身肢节痛，须用羌活，风湿亦用。腹中痛，须用白芍、厚朴。脐下痛，须用黄柏、青皮。心下痛，须用吴茱萸。

胃脘痛，须用草豆蔻。胁下痛，须用柴胡，日晡潮热、寒热往来亦用。茎中痛，须用生甘草梢。气刺痛，须用枳壳。血刺痛，须用当归。心下痞，须用枳实。胸中寒痞，须用去白陈皮。腹中窄，须用苍术。破血须用桃仁。活血须用当归。补血须用川芎。调血须用玄胡索。补元气须用人参。调诸气须用木香。破滞气须用枳壳、青皮。肌表热须用黄芩，去痰亦用。去痰用半夏。去风痰用南星。诸虚热须用黄芪，盗汗亦用。脾胃受湿用白术，去痰亦用。下焦湿肿，用汉防己、草龙胆。中焦湿热用黄连，下焦湿热用黄芩。烦渴须用白茯苓、葛根。嗽者用五味子。咳有声无痰者，用生姜、杏仁、防风。咳有声有痰者，用半夏、枳壳、防风。喘者，须用阿胶、天门冬、麦门冬。诸泄泻，须用白芍、白术。诸水泻，用白术、白茯苓、泽泻。诸痢疾，须用当归、白芍药。上部见血用防风，中部见血用黄连，下部见血用地榆。眼暴发，须用当归、黄连、防风。

眼久昏暗，用熟地黄、当归、细辛。解利伤风，须用防风为君，白术、甘草为佐。解利伤寒，甘草为君，防风、白术为佐。凡诸风，须用防风、天麻。诸疮疡，须用黄柏、知母为君，茯苓、泽泻为佐。疟疾，须用柴胡为君，随所发之时，所属经部分，以引经药导之。

以上诸药，此大略言之，以为处方之阶，欲究其精，于第二卷主治指掌中求之。

珍珠囊补遗药性赋 卷二

元 真定 李 杲东垣原编
吴门 王子接晋三重订
鄞县 曹赤电炳章校点

主治指掌

羌活_君 羌活气雄，独活气细

羌活，味苦甘平，性微温无毒，升也，阴中之阳也。其用有四：散肌表八风之邪，利周身八节之痛，排阴阳肉腐之疽，除新旧风湿之证，乃手足太阳表里引经药也。

升麻_{形细而黑极坚者佳，形大者味薄不堪用}

升麻，味苦平，性微寒无毒，升也，阴中之阳也。其用有四：引葱白散手阳明之风邪，引石膏止足阳明之齿痛，引诸药游行四经，升阳气于至阴之下，因名之曰升麻。

柴胡_{半夏为之使。恶石英，畏女菀、藜芦}

柴胡，味苦平，性微寒无毒，升也，阴中之阳也。其用有四：左右两旁胁下痛，日晡潮热往来生，在藏调经内主血，在肌主气上行经，手足少阳表里四经之药也。

白芷_{臣 当归为之使。恶旋覆花}

白芷，味辛，性温无毒，升也，阳也。其用有四：去头面皮肤之风，除皮肤燥痒之痹，止足阳明头痛之邪，为手太阴引经之剂。

防风_{臣 恶干姜、藜芦、白薇、羌花。制附子毒}

防风，味甘辛，性温无毒，升也，阳也。其用有二：以气味能泻肺金，以体用通疗诸

风。

当归_{臣 畏菖蒲、海藻。恶热药}

当归，味甘辛，性温无毒，可升可降，阳也。其用有四：头止血而上行，身痒血而中守，梢破血而下流，全活血而不走。

独活_{蠹实为之使}

独活，味苦甘平，性微温无毒，升也，阴中之阳也。其用有二：诸风掉眩，颈项难伸，风寒湿痹，两足不用，乃为足少阴之引经。

木香_君

木香，味苦辛，性温无毒，降也，阴也。其用有二：调诸气不可无，泄肺气不可缺。

槟榔_君

槟榔，味苦辛，性温无毒，降也，阴也。其用有二：坠诸药，性若铁石，治后重，验如奔马。

吴茱萸_{恶丹参、硝石，畏紫石英。先以汤浸去辛味，凡六七次，然后可用}

吴茱萸，味苦辛，性热有小毒，可升可降，阳也。其用有四：咽嗌寒气噎塞而不通，胸中冷气闭塞而不利，脾胃停冷腹痛而不住，心气刺疼成阵而不止。

藿香叶

藿香叶，味甘性温无毒，可升可降，阳

也。其用有二：开胃口、能进饮食，止霍乱、仍除呕逆。

川芎

川芎，味辛性温无毒，升也，阳也。其用有二：上行头角，助元阳之气而止痛；下行血海，养新生之血以调经。

黄连臣 恶菊花、芫花、

玄参、畏款冬、胜乌头、巴豆毒

黄连，味苦性寒无毒，沉也，阴也。其用有四：泻心火，消心下痞满之状；主肠澼，除肠中混杂之物；治目疾暴发宜用；疗疮疡首尾俱同。

黄芩臣 恶葱实，畏丹砂、牡丹、藜芦

黄芩，味苦平，性寒无毒，可升可降，阴也。其用有四：中枯而飘者，泻肺火，消痰利气；细实而坚者，泻大肠火，养阴退阳；中枯而飘者，除风湿留热于肌表；细实而坚者，滋化源退热于膀胱。

大黄使 黄芩为之使，无所畏之

大黄，味苦性寒无毒，其性沉而不浮，其用走而不守。夺土郁而通壅滞，定祸乱而致太平，因名之曰将军。

黄柏

黄柏，味苦性寒无毒，沉也，阴也。其用有五：泻下焦隐伏之龙火，安上焦虚劳之蛔虫，脐下痛则单制而能除，肾不足必炒用而能补，痿厥除热药中，诚不可阙。

玄明粉

玄明粉，味辛甘酸，性微温无毒，沉也，阴也。其用有二：去胃中之实热，荡肠中之宿垢。其效不可尽述，大抵用此而代盆硝也。

白术君 苍者米泔水浸，白者

陈壁上炒，服二术，忌食桃李雀蛤

白术，味甘性温无毒，可升可降，阳也。其用有四：利水道有除湿之功，强脾胃有进食之效，佐黄芩有安胎之能，君枳实有消痞之妙。

人参君 伏苓为之使，反藜芦，恶咸卤。凡使去净芦头

人参，味甘性温无毒，升也，阳也。其用有三：止渴生津液，和中益元气，肺寒则可服，肺热还伤肺。

黄芪恶龟甲、白藓皮，蜜炒用

黄芪，味甘性温无毒，升也，阳也。其用有四：温肉分而实腠理，益元气而补三焦，内托阴证之疮疡，外固表虚之盗汗。

甘草君 恶远志，反大戟、芫花、甘遂、海藻。
用宜去节，服此忌猪肉及菘菜

甘草，味甘平无毒，生之则寒，炙之则温。生则分身稍而泻火，炙则健脾胃而和中。解百毒而有效，协诸药而无争。以其甘能缓急，故有国老之称。

半夏使 畏皂荚，恶雄黄，生姜、干姜、秦皮、龟甲。反为头

半夏，味辛平，生寒熟温，有毒，降也，阳也。其用有四：除湿化痰涎，大和脾胃气，痰厥及头疼，非此莫能治。

陈 皮

陈皮，味辛苦，性温无毒，可升可降，阳中之阴也。其用有二：留白补胃和中，去白消痰泄气。

青 皮

青皮，味苦性寒无毒，沉也，阴也。其用有四：破滞气愈低而愈效，削坚积愈下而

愈良，引诸药至厥阴之分，下饮食入太阴之仓。

枳壳使 去瓢麸炒，令熟用

枳壳，味酸苦，性微寒无毒，沉也，阴也。其用有四：消心下痞塞之痰，泄腹中滞塞之气，推胃中隔宿之食，削腹内连年之积。

枳实臣 凡用先去囊，陈久者佳

枳实，味苦酸，性微寒无毒，沉也，阴也。其用有四：消胸中之虚痞，逐心下之停水，化日久之稠痰，削年深之坚积。

桔梗臣 畏白朮、龙眼、龙胆

桔梗，味苦性微寒，有小毒，升也，阴中之阳也。其用有四：止咽痛，兼除鼻塞，利膈气，仍治肺病。一为诸药之舟楫，一为肺部之引经。

知母君 勿犯铁器，行经上颈，酒炒用

知母，味苦性寒无毒，沉也，阴中之阴也。其用有四：泻无根之实火，疗有汗之骨蒸，止虚劳之阳胜，滋化源之阴生。

藁本臣 恶茱萸畏青柏子

藁本，味苦辛，性微温无毒，升也，阴中之阳也。其用有二：大寒热气客于巨阳之经，苦头疼流于巅顶之上，非此味不除。

生地黄

生地黄，味甘苦，性寒无毒，沉也，阴也。其用有四：凉心火之血热，泻脾土之湿热，止鼻中之衄热，除五心之烦热。

熟地黄君 恶贝母，畏茱萸。忌铁器，犯之令人肾消，亦忌食莱菔，令人发白

熟地黄，味甘苦，性温无毒，沉也，阴也。其用有四：活血气，封填骨髓，滋肾水，补益真阴。伤寒后腰骨最痛，新产后脐腹难

禁。

五味子君 从蓉为之使，恶萎蕤，胜乌头

五味子，味酸性温无毒，降也，阴也。其用有四：滋肾经不足之水，收肺气耗散之金，除烦热、生津止渴，补虚劳、益气强阴。

川 乌

川乌，味辛性热有毒，浮也，阳中之阳也。其用有二：散诸风之寒邪，破诸积之冷痛。

白芍药臣 恶石斛，畏硝石，大小蓟，反藜芦

白芍药，味酸平，性寒有小毒，可升可降，阴也。其用有四：扶阳气。大除腹痛，收阴气、陡健脾经，坠其胎能逐其血，损其肝能缓其中。

白茯苓臣 恶白敛、密蒙、地榆、雄黄、秦艽、龟甲忌醋酸之物中有筋，最损目，宜去之

白茯苓，味甘淡，性温无毒，降也，阳中之阴也。其用有六：利窍而除湿，益气而和中，小便多而能止，大便结而能通，心惊悸而能保，津液少而能生。白者入壬癸，赤者入丙丁。

泽泻君

泽泻，味甘咸，性寒无毒，降也，阳中之阴也。其用有四：去胞垢而生新水，退阴汗而止虚烦，主小便淋涩为仙药，疗水病湿肿为灵丹。

薄荷叶使

薄荷叶，味辛性凉无毒，升也，阳也。其用有二：清利六阳之会首，祛除诸热之风邪。

麻黄臣 恶辛黄、石膏，凡用先煮三沸，去黄沫，否则令人烦闷

麻黄，味苦甘，性温无毒，升也，阴中

之阳也。其用有二：其形中空，散寒邪而发表；其节中闭，止盗汗而固虚。

厚朴_臣 恶泽泻、寒水石、硝石，
入药去粗皮，生姜汁炒用

厚朴，味苦辛，性温无毒，可升可降，阳中之阳也。其用有二：苦能下气，去实满而消腹胀；温能益气，除湿满散结调中。

杏仁_{恶黄芩、黄芪、葛根，}
凡用去皮尖麸炒

杏仁，味苦甘，性温有毒，可升可降，阴中之阳也。其用有二：利胸中逆气而喘促，润大肠气闭而难通。

巴豆_使 恶甘草、畏大黄、
黄连、用之去皮心

巴豆，味辛性热有大毒，浮也，阳中之阳也。其用有二：削坚积、荡脏腑之沉寒，通闭塞、利水谷之道路，斩关夺门之将。不可轻用。

黑附子_{地胆为之使，恶蜈蚣，畏防风、}
黑豆、甘草、黄芪、人参、乌韭

黑附子，味辛性热有大毒。浮也，阳中之阳也。其性浮而不沉，其用走而不息，除六腑之沉寒，定三阳之厥逆。

苍 术

苍术，气味主治与白术同，补中除湿，力不及白。宽中发汗，功过于白。

秦艽_{菖蒲为之使}

秦艽，味苦辛平，性微温无毒，可升可降，阴中之阳也。其用有二：除四肢风湿若神，疗遍体骨疽如金。

白 僵 蚕

白僵蚕，味咸辛平，性微温无毒，升也，

阴中之阳也。其用有二：去皮肤风动如虫行，主面部黥生如漆点。

白 豆 蔻

白豆蔻，味辛性温无毒，升也，阳也。其用有四：破肺中滞气，退口中臭气，散胸中冷气，补上焦元气。

地 榆

地榆，味苦甘酸，性微寒无毒，沉也，阴也。其用有二：主下部积热之血痢，止下焦不禁之月经。

连翘_使

连翘，味苦平，性微寒无毒，升也，阴也。其用有二：泻诸经之客热，散诸肿之疮疡。

阿胶_君 畏大黄

阿胶，味甘平，性微温无毒，降也。阳也，其用有四：保肺益金之气，止嗽蠲咳之脓，补虚而安妊娠，治痿而强骨力。

桃 仁

桃仁，味苦甘平，性寒无毒，降也，阴也。其用有二：润大肠血闭之便难，破大肠久蓄之血结。

生姜_使 恶黄芩、黄连、鼠粪。
去皮则热，留皮则冷，制半夏毒

生姜，味辛性温无毒，升也，阳也。其用有四：制半夏有解毒之功，佐大枣有厚肠之益，温经散表邪之风，益气止翻胃之啰。

石 膏

石膏，味辛甘，性大寒无毒，沉也，阴也。其用有二：制火邪，清肺气，仲景有白虎之名；除胃热，夺甘食，易老有大寒之剂。

桂君 忌生葱，凡用刮去外皮

桂，味辛性热有毒，浮也，阳中之阳也。气之薄者，桂枝也；气之厚者，肉桂也。气薄则发泄，桂枝上行而发表；气厚则发热，肉桂下行而补肾。此天地亲上亲下之道也。

细辛臣 恶狼毒，山茱萸、黄芪，
畏硝石、滑石、反藜芦

细辛，味辛性温无毒，升也，阳也。其用有二：止少阴合病之首痛，散三阳数变之风邪。

梔 子

梔子，味苦，性大寒无毒，沉也，阴也。其用有二：疗心中懊恼颠倒而不得眠，治脐下血滞小便而不得利。易老有云：轻飘而象肺，色赤而象火，又能泻肺中之火。

葛根臣 制野葛、巴豆、白药

葛根，味甘平，性寒无毒，可升可降，阳中之阴也。其用有四：发伤寒之表邪，止胃虚之消渴，解中酒之奇毒，治往来之温疟。

瓜蒌根 枸杞为之使，恶干姜、畏牛膝、反乌豆

瓜蒌根，味苦性寒无毒，沉也，阴也。其用有二：止渴退烦热，补虚通月经。

猪 苓

猪苓，味淡甘平，性温无毒，降也，阳中之阴也。其用有二：除湿肿体用兼备，利小水气味俱长。

干姜臣 恶黄芩、黄连

干姜，生则味辛，炮则味苦，可升可降，阳也。其用有二：生则逐寒邪而发表，炮则除胃冷而温中。

草龙胆 贯众为之使，恶防葵，地黄

草龙胆，味苦性寒无毒，沉也，阴也。其用有二：退肝经之邪热，除下焦之湿肿。

苏 木

苏木，味甘咸平，性寒无毒，可升可降，阴也。其用有二：破疮疡死血，非此无功；除产后败血，用之立验。

杜仲 恶蛇蛻、玄参，凡用炒去丝

杜仲，味辛甘平，性温无毒，降也，阳也。其用有二：强志壮筋骨，滋肾止腰痛。酥炙去其丝，功效如神应。

天门冬君 畏曾青，凡用去皮、心、忌食鲤鱼

天门冬，味苦平，性大寒无毒，降也，阴也。其用有二：保肺气不被热扰，定喘促陡然康宁。

麦门冬君 恶款冬花、苦瓠，畏苦参，
凡用抽去心，不令人烦

麦门冬，味甘平，性寒无毒，降也，阳中之阴也。其用有四：退肺中隐伏之火，生肺中不足之金，止烦躁、阴得其养，补虚劳、热不能侵。

木 通

木通，味甘平，性寒无毒，降也，阳中之阴也。其用有二：泻小肠火积而不散，利小便热闭而不通。泻小肠火，无他药可比。利小便闭，与琥珀同功。

地骨皮 去骨用根皮

地骨皮，味苦平，性寒无毒，升也，阴也。其用有二：疗在表无定之风邪，主传尸有汗之骨蒸。

桑白皮

桑白皮，味甘性寒无毒，可升可降，阳中之阴也。其用有二：益元气不足而补虚劳，泻肺气有余而止咳嗽。

甘菊花 野菊花味苦者名苦蕒，
大伤胃不宜用，又白菊花，亦入药

甘菊花，味苦甘平，性微寒无毒，可升可降，阴中之阳也。其用有二：散八风上注之头眩，止两目欲脱之泪出。

红花

红花，味辛，性温无毒，阳也。其用有四：逐腹中恶血，而补血虚之血，除产后败血，而止血晕之晕。

赤石脂

赤石脂，味甘酸，性温无毒，降也，阳中之阴也。其用有二：固肠胃有收敛之能，下胎衣无推荡之峻。

通草_臣

通草，味甘平，性微寒无毒，降也，阳中之阴也。其用有二：阴窍涩而不利，水肿闭而不行，涩闭两俱立验，因有通草之名。

乌梅

乌梅，味酸平，性温无毒，可升可降，阴也。其用有二：收肺气除烦止渴，主泄痢调胃和中。

川椒

川椒，味辛。性大热有毒，浮也，阳中之阳也。其用有二：用之于上，退两目之翳膜；用之于下，除六腑之沉寒。

萎蕤

萎蕤，味甘平，性温无毒，降也，阳中

之阴也。其用有四：风淫四肢不用，泪出两目皆烂，男子湿注腰疼，女子面黑黧点，皆能疗治。

秦皮 大戟为之使，恶吴茱萸

秦皮，味苦性寒无毒，沉也，阴也。其用有四：风寒邪合湿成痹，青白色幻翳遮睛，女子崩中带下，小儿风热惊痫。

白头翁

白头翁，味苦性温无毒，可升可降，阴中之阳也。其用有四：消男子阴疝偏肿，治小儿头秃羸腥，鼻衄非此不效，痢赤全赖收功。

牡蛎

牡蛎，味咸平，性寒无毒，可升可降，阴也。其用有四：男子梦寐遗精，女子赤白崩中，荣卫往来虚热，便滑大小肠同。

干漆_臣 畏鸡子，又忌油脂，
见蟹黄则化水。凡入药捣碎炒用

干漆，味辛平，性温有毒，降也，阳中之阴也。其用有二：削年深坚结之沉积，破日久秘结之瘀血。

南星

南星，味苦辛，性温有毒，可升可降，阴中之阳也。其用有二：坠中风不省之痰毒，主破伤如尸之身强。

商陆_使 忌犬肉

商陆，味酸辛平，性寒有毒，降也，阳中之阴也，其味酸辛，其形类人，其用疗水，其效如神。

葶苈

葶苈，味苦性寒无毒，沉也，阴中之阴也。其用有四：除周身之浮肿，逐膀胱之留

热，定肺气之喘促，疗积饮之痰厥。

海藻_{臣 反甘草}

海藻，味苦咸，性寒无毒，沉也，阴中之阴也。其用有二：利水道，通闭结之便，泄水气，消遍身之肿。

竹叶_{蜜竹淡竹为上，苦竹次之，余不入药}

竹叶，味苦辛平，性寒无毒，可升可降，阳中之阴也。其用有二：辟除新旧风邪之烦热，能止喘促气胜之上冲。

葱白_{忌与蜜同食}

葱白，味辛性温无毒，升也，阳也。其用有二：散伤风阳明头痛之邪，主伤寒阳明下痢之苦。

天麻_{其苗名定风草}

天麻，味辛平，性温无毒，降也，阳也。其用有四：疗大人风热头眩，治小儿风痫惊悸，祛诸风麻痹不仁，主瘫痪语言不遂。

大枣

大枣，味甘平，性温无毒，降也，阳也。其用有二：助脉强神，大和脾胃。

威灵仙_{忌茗}

威灵仙，味苦性温无毒，可升可降，阴中之阳也。其用有四：推腹中新旧之滞，消胸中痰涎之痞，散疴痒皮肤之风，利冷疼腰膝之气。

鼠黏子

鼠黏子，味辛平，性微寒无毒，降也，阳也。其用有四：主风湿癰疹盈肌，退寒热咽喉不利，散诸种疮疡之毒，利腰膝凝滞之气。

草豆蔻_{面包煨熟用}

草豆蔻，味辛性温无毒，浮也，阳也。其

用有二：去脾胃积滞之寒邪，止心腹新旧之疼痛。

玄胡索

玄胡索，味苦辛，性温无毒，可升可降，阴中之阳也。其用有二：活精血，能疗产后之疾；调月水，亦主胎前之症。

以上凡药九十品，品各赋以短章，既明以升降浮沉，复主以君臣佐使。或一味而内外兼攻，各系阴阳表里。或一物而生熟互异，更分暑湿风寒。辞简意周，凡无余义，诚发前篇之所未尽也，其可不熟读而详记之乎。

用药须知

用药法象

天有阴阳，风寒暑湿燥火，三阳三阴上奉之，温凉寒热四气是也。温热者，天之阳也；寒凉者，天之阴也。此乃天之阴阳也。

地有阴阳，金木水火土，生长化收藏下应之，辛甘淡酸苦咸五味是也。辛甘淡者，地之阳也；酸苦咸者，地之阴也，此乃地之阴阳也。阴中有阳，阳中有阴。

平旦至日中，天之阳，阳中之阳也。日中至黄昏，天之阳，阳中之阴也。合夜至鸡鸣，天之阴，阴中之阴也。鸡鸣至平旦，天之阴，阴中之阳也。

故人亦应之，人身之阴阳，外为阳，内为阴；背为阳，腹为阴；脏为阴，腑为阳；心肝脾肺肾五脏为阴，胆胃大肠小肠膀胱三焦六腑为阳。所以知阳中之阴、阴中之阳者，何也？如冬病在阴，夏病在阳，春病在阳，秋病在阴，知其所在，则施针药也。

背为阳，阳中之阳，心也。背为阳，阳中之阴，肺也。腹为阴，阴中之阴，肾也。腹为阴，阴中之阳，肝也。腹为阴，阴中之至阴，脾也。此系阴阳表里内外雌雄相输应也。

四时用药法

不问所病，或温或凉或热或寒，如春时有疾，于所用药内加清凉之药；夏月有疾，加大寒之药；秋月有疾，加温气之药；冬月有疾，加大热之药，是不绝生化之源也。《内经》曰：必先岁气，无伐天和，是为至治。又曰：无违时，无伐化。又曰：无伐生生之气，此皆常道用药之法。若反其常道而变生异症，则当从权施治。

用药丸散

仲景云：铍如麻豆大，与咬咀同意。夫咬咀者，古之制也。古无铁刀，以口咬细，令如麻豆。为粗药煎之，使药水清饮于腹中，则易升易散也，此所谓咬咀也。今人以刀器铍如麻豆大，此咬咀之易成也。若一概为细末，不分清浊矣。经云：清阳发腠理，浊阴走五脏，果何谓也？又曰：清阳实四肢，浊阴归六腑，是也。咬咀之法，取汁清易循行经络故也。若治至高之病加酒煎，去湿加生姜煎，补元气以大枣煎，发散风寒以葱白煎，去膈上病以蜜煎。散者、细末也，不循经络，止去膈上病及脏腑之病。气味厚者，白汤调服；气味薄者，煎以和滓服去下部之疾。其丸极大而光且圆，治中焦者次之，治上焦者则极小。稠糊而丸者，取其迟化直至下焦。或酒或醋丸者，取其收散之意也。用半夏南星或去湿者，以生姜汁煮糊为丸，制其毒也。稀糊丸者，取其易化也，水浸一宿，蒸饼为丸，及滴水为丸者，皆取易化也。炼蜜为丸者，取其迟化而气循经络也。用蜡为丸者，取其难化而旋旋收功也。大抵汤者荡也，去久病者用之。散者散也，去急病者用之。丸者缓也，不能速去其病，用药徐缓而治之也。

药本五味歌

酸为木化气本温，能收能涩利肝经。苦

为火化气终热，能燥能坚心脏平。甘始土生气化湿，能开缓渗从脾行。辛白金生气带燥，能散润濡通肺窍。咸从水化气生寒，下走软坚足肾道。淡味方为五行本，运用须知造化要。

炮制药歌

计六首

芫花本利水，非醋不能通。绿豆本解毒，带壳不见功。草果消膨效，连壳反胀胸。黑丑生利水，远志苗毒逢。蒲黄生通血，熟补血运通。地榆医血药，连梢不住红。陈皮专理气，留白补胃中。附子救阴症，生用走皮风。草乌解风痹，生用使人蒙。人言烧燉用，诸石火烜红，入醋堪研末，制度必须工。川芎炒去油，生用痹痛攻。炮熅当依法，方能专化工。

知母桑皮天麦门，首乌生熟地黄分，偏宜竹片铜刀切，铁器临之便不驯。乌药门冬巴戟天，莲心远志五般全，并宜剔去心方妙，否则令人烦躁添。厚朴猪苓与茯苓，桑皮更有外皮生，四般最忌连皮用，去净方能不耗神。益智麻仁柏子仁，更加草果四般论，并宜去壳方为效，不去令人心痞增。何物还须汤泡之，苍术半夏与陈皮。更宜酒洗亦三味，苁蓉地黄及当归。

妊娠服药禁歌

斑斑水蛭及虻虫，乌头附子配天雄；野葛水银并巴豆，牛膝薏苡与蜈蚣；三棱芫花代赭麝，大戟蝉蜕黄雌雄；牙硝芒硝牡丹桂，槐花牵牛皂角同；半夏南星与通草，瞿麦干姜桃仁通；硃砂干漆蟹爪甲，地胆茅根都失中。

珍珠囊补遗药性赋 卷三

元 真定 李 杲东垣原编
吴门 王子接晋三重订
鄞县 曹赤电炳章校点

玉 石 部

药能治病，医乃传方，当明药品贵贱良毒之异，须尝气味酸咸苦辣辛甘。

窃以金银珠玉之贵，白垩石灰之贱，药性之良则丹砂钟乳，气毒则信石礞砂。

至于五味，酸入肝，咸入肾，苦入心，辛入肺，甘入脾，辣则有温凉寒热之异。

功力有急缓，性本有温凉。

且如朴硝之性急，若煎作芒硝，性乃缓矣。

本草之作，肇始炎皇。

肇即始也，炎皇神农氏也。本草之为书，由神农尝百草，一日而遇七十毒，始兴医药相救之本草。

未言草木之品汇，且提玉石之纪纲。

仿《本草图经》，以玉石部为先，而草木之品次之。

金屑玉屑，辰砂石床，能驱邪而逼鬼崇，可定魄而制癫狂，止渴除烦，安镇灵台，明耳目补精益气，依经炼服寿延长。

金屑，味辛平有毒，处处有之，梁益宁州最多，出水砂中得屑，谓之生金。若不炼，服之杀人。玉屑，味甘平无毒，生蓝田。丹砂，一名朱砂。味甘微寒无毒，惟辰州者最胜，故谓之辰砂。生深山石崖间，穴地数十尺，始见其苗，乃白石耳，谓之朱砂床，即石床也。砂生石床上，亦有淘土石中得之，非生于石者。又按：本草石床，自有本条，味

甘温无毒，谓钟乳水下凝积，生如笋状，渐长久，与上乳相接为柱，出钟乳堂中，谓之石床。人心谓之灵台，金属玉屑辰砂石床四品之性，主治相同，皆可依《图经》法炼服食，则延年不老。

生银屑镇惊安五脏，钟乳粉补虚而助阳。

银屑，味辛平有毒，生银屑当取见成银箔，以水银消之为泥，合硝石及盐研为粉。烧出水银，淘去盐石，为粉极细用之。石钟乳，味甘温无毒，道州者最佳。须炼服之，不然，使人病淋。治咳嗽，行乳道，补髓添精，强阳道，益肺家，宜慎用之。

代赭石能坠胎，而可攻崩漏；伏龙肝治产难，而吐血尤良。

代赭石，用火煅醋淬七遍，研水飞，味甘寒无毒，出代州，其色赤，故名代赭石。养血气，强精辟邪，畏天雄附子。伏龙肝，即灶中土也，味辛温微毒，消痈肿，催生下胎，止血崩。

云母补劳伤兼明目，水银除疥虱与疮疡。

云母石，味甘平无毒，安五脏，坚肌止痢，《局方》有法煎云母膏，治痲疽恶毒等疮。

水银，即朱砂液，能消化金银使成泥，味辛寒有毒，一名汞。畏磁石，难产可用催生。

治风喉，理鼻息，功全矾石，止漏下，破症结，用禹余粮。

矾石，味酸寒无毒，出晋州者佳，化痰止痢，攻阴蚀诸疮漏，煅过谓之枯矾，亦可生用。禹余粮，火煅醋淬七次，捣细水飞。味甘寒平无毒，出潞州，形如鹅鸭卵，外有壳

重叠者是。其中有黄细末如蒲黄者，谓之石中黄。

朴硝开积聚，化停痰，煎作芒硝功却缓；硝石止烦躁，除热毒，炼之须扫地边霜。

朴硝，味苦辛，大寒无毒，生益州，初采扫得，一煎而成，故曰朴硝。再取朴硝淋汁炼之，有细芒者谓之芒硝，专治伤寒。硝石，味辛苦寒无毒，即扫地霜淋汁炼成者。

打破瞳神，得空青而依然复旧；胎宫乏孕，紫石英有再弄之璋。

空青，味甘酸寒无毒，生于有铜处。铜精气熏则生，今信州时有之，其腹中空破之有浆者，绝难得，大者如鸡子，小者如豆子，治眼翳障为最要。又有会青铜，出处色理亦无异，但其彩累累连珠相缀，其中不空，与空青功效不相上下。紫石英、味甘辛温无毒，治女子风寒在子宫，绝孕十年无子，服之。又白石英，治风湿痹，安魂魄，强阴道，黄赤黑色，皆不入药。

热渴急求寒水石，壮阳须索石硫黄。

寒水石，一名凝水石，味甘寒无毒，出汾州及邯郸，即盐之精也。治火烧丹毒，能解巴豆毒，畏地榆。

硫黄，味酸性温大热有毒，出广州。治疥虫蠹疮，坚筋，疗老风秘。

肾脏既衰，煨磁石而强阳道；膀胱不利，炒食盐以熨脐旁。

磁石，味辛咸寒无毒，有铁处则生，恶牡丹，畏黄石脂，能吸铁。补益劳伤，兼治耳聋。食盐、味咸温无毒，解州者胜。治霍乱痰癖，可用吐之。

水银飞炼成轻粉，杀诸疥癣，善治儿疳；石灰风化方为胜，不堪服食，可疗金疮。

轻粉，即水银粉，味辛冷无毒，畏磁石，忌一切血。风化石灰，五月五日采百草捣汁，调煨过石灰末作团阴干，专治金疮刀斧伤处，不堪入药。

石膏发汗解肌，去风寒热；滑石除烦止渴，快利小肠。

石膏，味甘辛大寒无毒，与方解石相类，须用细理白泽者为真。治头疼，解肌发汗，黄色者，服之使人淋。滑石、味甘寒无毒，用白色软嫩者佳。能益精除热，疗女人产难。

杀三虫，破症结，胡粉一名为粉锡；敛金疮，治眼暗，铜青铜绿竟无双。

胡粉，一名粉锡，一名定粉，俗名光粉，即今化铅所作妇人容面者，味辛寒无毒。

铜青，铜绿，以醋沃铜上即生，乃铜之精华也，微有毒，不可入汤药。

吐痰抵痔蜜陀僧，兼抹野斑随手没；生肌止痛无名异，折伤可理并金伤。

蜜陀僧，即煨银炉底也，味酸辛有毒。无名异，味甘平无毒，金伤谓刀斧伤也。

硼砂攻喉痹，止嗽消痰直有理；胆矾除热毒，诸痢痰气尽消详。

硼砂，一名蓬砂，味苦辛暖无毒，出南番者色重褐，其味和，其效速。出西戎者其色白，其味杂，其功缓，不堪入药，作金银铈药用之。胆矾，《图经》作石胆，味酸辛有毒，信州有之。生于铜坑中，采得煎炼而成，消热毒，疗诸风瘫痪，可吐风痰，伏火灵砂，辟鬼邪，安魂魄，明目镇心通血脉，藏泥白堊、除泄利。破癥瘕，涩精止漏又为良。

灵砂，一名二气砂，用水银一两，硫黄六铢，研细，二味先同炒作青砂头，后入水火既济炉中抽之，如束针纹者成就也。恶磁石，畏酸水。白堊，即善土，味苦辛温无毒，处处有之，采无时。

石燕治淋催难产，黑铅安镇熨蛇创。创伤也。平声，与疮同。

石燕，产零陵州，形似蚶，其实石也，性凉无毒，女人产难，两手各握一枚，胎立出。

黑铅，味甘无毒，有银坑处皆有，粉锡胡粉、光粉，皆化铅所作。又铅白霜，以铅杂水银炼作片，置醋瓮中密封，经久成霜，谓之铅白霜，性极冷。

黄丹乃是熬铅作，生肌止痛；矾石特生非常热，养就丹房。

黄丹，《图经》作铅丹，又名虢丹，用时炒令赤色，研细，味辛微温无毒。止吐逆，疗癫痫，傅金疮良。矾石，俗呼镇风石，味辛甘大热有毒，严寒置水中，水令不冰。性坚硬而拒火，烧之一日夜方解散。攻击积聚痼冷之病最良，须真者，必取鸛巢中团卵而助暖气者方真，乃修真炼丹之药品。

血晕昏迷，法炼广生花蕊石；折伤排脓，火煅醋淬自然制。

花蕊石、出陕州阌乡县，性至坚硬，保金疮止血。《局方》以硫黄合和花蕊石，如法炼成。专治产后血晕，去恶血。自然铜，味辛平无毒，出铜处有之，形方而大小不等，似铜实石也，不从矿炼，自然而生，故曰自然铜也。

礞砂能破癥瘕积聚，若还生用烂心肠。信石可吐膈内风痰，倘中其毒促人亡。

礞砂，味咸苦辛温有毒，能消五金，入口腐人肠胃，生服之化人心为血。信石，《图经》名砒霜，信州者佳，故名信石。味苦酸有大毒，主诸疟风痰在胸膈。可作吐药用，不宜多服，能伤人命。若误中礞砂砒霜二毒，急宜冷水调绿豆汁饮之可解。

梁上尘消软疖，通喉啞，横生立产；井泉石性寒凉，攻火热，除翳神方。

梁上尘，一名乌龙尾，性微寒无毒，凡使须去烟火远，高堂佛殿上者，拂下节而用之。井泉石，性大寒无毒，处处有之，以饶阳郡者为胜，得菊花梔子最良。

除痼冷，止头疼，无遗太阴玄精石；安心志，制癫狂，谁知铁粉和铁浆。

玄精石，出解州解县，今解地积盐仓中方有之，其色青白龟背者良，味咸温无毒。铁，味甘无毒，取铁浸之，经久色青沫出可染皂者为铁浆。治癫狂，铁拍作片段，置醋糟中，积久生衣，刮取为铁粉，能安心志。

雄黄能杀虺蛇毒，妊娠佩带，转生男子。炼之久服自身轻，要生女子，佩带雌黄。

雄黄、雌黄，同山所生，山阳处生雄黄，

山阴有金处，金精熏则生雌黄。妇人觉有孕，以雄黄二两，絳囊盛带之，可转女为男。以雌黄半两，素囊盛带之，可转男为女。雌黄炼服，久则轻身，可入仙家。

备金石之品味，治病得以推详。

总括上文诸药，悉可对证而施治也。

草 部 上

观夫天生蒸民，地生百草，人生不无札瘥之常，以致病于寿夭，草有治病之功，用别花苗实脑。

蒸，众也，实即子，脑即根，各有所宜也。

菖蒲开心明目，去湿痹风寒；菊花消湿散痹风，主头眩痛搅。

菖蒲，一名昌阳，须用生石磧上一寸九节者良，味辛温无毒。菊花，味苦甘平无毒，主胸中烦热，明目聪耳。

治渴补虚安五脏，快觅人参；温中解毒性平和，无如国老即甘草。

人参，一曰人葠，味甘微寒无毒，反藜芦。甘草，味甘平无毒，主解百毒，为众医之王，故号国老，反大戟芫花甘遂海藻。

白术益脾止泻呕，若动气不宜；苍术平胃压山风，用米泔浸炒。

白术，味甘辛无毒。主风寒湿痹，益脾胃，补虚劳，消肿，伤寒有动气者不宜服。

苍术，用米泔浸一宿，换泔浸，炒干去皮，味苦甘辛无毒，治伤寒痹痛，除温疟。可发散。

生地黄能行血，兼止吐衄折伤；熟地黄能补血，更治虚劳焦躁。

生地黄，大寒，亦治产后血攻心，及女人经水闭绝。熟地黄，净洗酒浸，蒸两三次焙干，味甘温无毒，熟干则温补，生干则平宣。熟者止崩漏，安魂魄。治惊悸，补内伤。

天门冬镇心止吐血衄血，性寒而能补大虚；麦门冬解渴开结益心肠，劳热可除烦可

保。

天门冬，味苦甘平，大寒无毒，悦人颜色。麦门冬，味甘平，微寒无毒，二味并去心，焙干用。

地肤子、车前子，除热去风明眼目，能使膀胱水谷分。兔丝子、巴戟天，添精补髓主延年，解去腰疼诚有效。

地肤子，即落蒂子，味苦寒无毒。车前子，味甘咸寒无毒，能滑胎，止泻痢。兔丝子，味辛平无毒，水洗澄去砂土，酒浸一宿，蒸过乘热捣成膏，焙干再入药，方可研末。巴戟天，须连珠者，去心酒浸焙干。味辛甘，微温无毒，除风强筋益力，治梦与鬼交。

牛膝补虚挛膝痛，月经若闭亦能通。柴胡去热治劳伤，主疗伤寒功到。

牛膝，为君，味苦酸平无毒。柴胡，味苦平，性微寒无毒。治湿痹拘挛，可用煎汤浴之；下气消痰止嗽，伤寒为要药。

草决明泻肝热，明目驱风兼鼻渊；草龙胆益肝虚，惊惕无忧疳虫埽。

草决明，味咸苦甘平，微寒无毒。草龙胆，味苦寒无毒，益肝明目，最治疳。

庵蓂子性苦寒，风寒湿痹水皆宽；茵陈蒿性苦冷，时气发黄淋可导。

庵蓂，处处有之，味苦微寒无毒，久服轻身明目。茵陈蒿，味苦平微寒无毒。治淋难小便闭涩不通。

远志一名小草，堪收梦里遗精；黄精俗字山姜，久服延年不老。

远志用去骨，以甘草汤浸煮炒干，味苦温无毒，苗名小草，一似麻黄，但无节。令人生智慧，定心惊。黄精；俗呼为山姜，味甘平无毒，然与钩吻相似，但一善一恶，要仔细辨认，切勿误用钩吻，则伤人至死。

北五味补虚下气，止嗽强筋；南木香止痢健脾，气疼是宝。

五味子，味酸甘咸苦辛，故名五味，性温无毒，止渴消酒毒。木香，形如枯骨者佳，不见火，味辛温无毒，去膀胱冷气，除痞瘕，

止泻痢。

金疮止血，王不留行，是名翦金花；风疹赤丹，本草景天，即是慎火草。

王不留行，味苦平无毒，可催生产，利月经。景天，味苦酸平无毒，主劳烦大热疮，女人漏下，用花良。

络石治痼疮，消热毒，苗似龙鳞；川芎医头痛，主筋挛，形如雀脑。

络石，为君，即石鳞，又名龙鳞薜荔。味苦温，微寒无毒，畏贯母菖蒲。川芎，一名川旁，明目，疮家止痛，味辛温无毒，藟芜即其苗也，白芷为之使。

金钗石斛，解使元阳壮，腰疼膝痛并皆驱；鬼脸升麻，能教百毒消，疹痘斑疮宁可较。

石斛草，味甘平无毒，入肾壮阳，平胃气。升麻，味苦平微寒无毒，能解一切毒。除热去风，为伤寒时气之要药也。

烟尘续断，安胎产，疗金疮，速不可迟；染绛茜根，理风寒，止吐血，须宜乎早。

续断，味苦辛微寒无毒，最能接骨，因名续断。茜根，一作蓐，即今染绛茜草根也，味苦微寒，解中蛊毒。

虺床蛇床同一种，治风湿痒及阴疮；羌活独活本来同，头痛筋挛风气挠。

虺床即蛇床，味苦辛甘平无毒。羌活，独活，本同类，但紫色而节密者为羌活，黄色而作块者为独活，味苦甘平，微温无毒。

细辛薯蓣，能温中下气，仍主脑腰疼；薏苡菱蓂，治痹弱筋挛，并医风湿症。

细辛，味辛温无毒，主拘挛风痹，明目疗痿，治妇人血闭。薯蓣，俗名山药，味甘温平无毒，补心气不足，镇心神。薏苡仁，味甘寒无毒，主肺气肺痈。菱蓂，叶似黄精，味甘平无毒，切勿误用钩吻，误用则伤人。

止泻补虚收盗汗，黄芪奏莫大之功；消痈散肿有高能，忍冬是至贱之草。

黄芪，味甘微温无毒。主虚劳，强筋，治耳聋，止痛排脓。忍冬草，即鹭鹭藤，又名

金银花，其蔓左缠，亦名左缠藤，味甘温无毒，今处处有之。

泽泻会除诸般泻，弭渴疏淋；防风主治一切风，仍齩痛脑。

泽泻，味甘咸寒无毒，止泄精，逐膀胱水，多服令人眼病。防风，味甘辛温无毒能解附子毒，明目止汗疗崩。

葵藜阴痛煎汤，头痛煎酒；蒲黄行血用生，止血用炒。

葵藜，味苦辛温，微寒无毒。破血催生，若风疮阴疮，煎汤作浴，头痛煎酒服。蒲黄，味甘平无毒，生则味滑，炒熟则味涩。

苁蓉扶女子阴绝，兴男子阳绝，补精养肾，生自马精；黄连理大人诸热，却小儿疳热。止痢厚肠，贵称鹰爪。

肉苁蓉，味甘酸咸，微寒无毒，言是马精落地所生，生时似肉，作羹补虚最佳。

黄连，味苦寒无毒，点眼可除热，更治消中，口疮良。

漏芦行乳汁，消瘰癧肠风；丹参补胎气，利月经为吉。

漏芦，味苦咸寒无毒，医疮疡，疗眼，理损伤，续筋骨。丹参，味苦微寒无毒，除积聚，破症瘕，益气去烦满，一名赤参。

更分佐使君臣，是曰神圣功巧。

望而知之谓神，闻而知之谓圣，问而知之谓功，切而知之谓巧。望闻问切，是谓医家之四知。

草 部 中

抑又闻芍药苦平，赤者破血通经，而白者可安胎止痛；生姜大热，生则呕家圣药，而干者除霍乱肚疼。

芍药，为臣，味苦酸平，微寒有小毒，恶石斛芒硝，畏硝石，反藜芦。芍有赤白二种，白者补虚止汗，赤者除热明目。姜，为使，有生用，有干用，干者味辛温，大热无毒，温中止血，逐痹风湿。生者味辛，微温无毒，处

处有之。用熟即去皮，用生即留皮。发散伤寒下气，为呕家圣药。

葛根止渴解醒，发散伤寒消热毒；瞿麦开通关格，宣癰堕子更催生。

葛根，味甘寒无毒。瞿麦，止用实壳，不用茎叶，味苦寒无毒。

栝蒌曰天瓜，实治乳痈，根可止渴；苍耳即葇耳，子能明目，叶解风缠。

栝蒌根，名天花粉，味苦寒无毒，实即瓜蒌。苍耳，味甘温有小毒，今处处有之。主挛痹湿风寒。

玄参攻喉痛，苦参攻肠风，并可消瘰破症结；贝母人面疮，知母润心肺，皆能止嗽理伤寒。

玄参即山麻，味苦咸，微寒无毒，今处处有之，除风热，明眼目。苦参，味苦寒无毒。杀疳虫，治疮毒。贝母，味辛苦平，微寒无毒。专治腿膝人面疮，及诸痈毒。知母，味苦寒无毒，除热止渴。

白薇本消淋露，更治风狂，并除温疟；白芷能除血崩，专攻头痛，亦用排脓。

白薇，味苦咸平，大寒无毒，如葱管者佳。白芷，味辛温无毒，专治蛇咬，研末掺咬处，或捣汁浸伤处，并效。

当归主血补虚劳，止血用头，破血用尾；麻黄发散攻头痛，发汗用茎，止汗用根。

当归，酒浸焙。味苦辛温无毒。麻黄，味苦温无毒。

大蓟功同小蓟，治痈肿血崩吐衄；小青不如大青，疗伤寒热毒时行。

大蓟，小蓟，味甘温，今处处有之。大青、小青，味苦大寒无毒，处处有之，古方只用大青。

京三棱，蓬莪术，破血消癥，宁心脾腹痛；白豆蔻、草澄茄，温脾健胃，能消食宽膨。

三棱，味苦平无毒。莪术，又曰莪术，味苦平温无毒。白豆蔻，味辛大温。草澄茄，味辛温无毒。

郁金胜似姜黄，行经下气；川芎贵乎藁本，头痛皆痊。

郁金，须用蜀中如蝉肚者佳，味苦辛寒无毒。姜黄，说见下文。川芎，解见草部上芎藭下。藁本，俗曰土芎，味辛微寒无毒，主风入四肢，畏青箱子。

前胡柴胡，功无优劣，通医热病，主疗伤寒。

前胡，味苦微寒无毒，下气消痰，推陈致新，安胎止嗽。柴胡，见草部上。

姜黄烈似郁金功，下气消痈，通经破血；萆拔味如良姜辣，转筋霍乱，心痛连颠。颠即头顶也

姜黄，处处有之，味辛苦大寒无毒。郁金，解见前。萆拔，味辛大寒无毒，温中下气。高良姜，味辛温，大热无毒。

翦草入疥疮之气，王瓜导乳汁之泉。

翦草，味苦平无毒，婺州产者最良，根名白药，治金疮。古方以翦草末蜜和，九蒸九晒成膏，可医一切失血。王瓜，一名落鸱瓜，一名土瓜，结子如弹丸，生青熟赤。可啖，闽俗谓之毛桃。其根止渴，散痈除疽，消症下血。

通草元来即木通，治淋退肿；蠡实一名马兰子，去湿医崩。

通草，味辛甘平无毒，除寒热，出音声，治耳聋。马兰子，味甘平无毒，去风寒湿痹，除喉痹。

百合宁心，可除咳痰有血；秦艽治疸，时行劳热犹能。

百合，味甘平无毒，除热咳，攻发背疮痈，消胀，利大小便。秦艽，味苦平微温无毒，消浮肿。利小便。

黄芩解热通淋，女子崩因热者；紫菀化痰定喘，咳嗽吐有红涎。

黄芩，味苦平大寒无毒。治黄疸，止痢，女子血崩，本性热者用良，虚寒者不可用。

紫菀，味苦辛温无毒，补虚止渴，安五脏，通结气滞胸中，红涎，痰中有血脓也。

泽兰行损伤之血，紫草制痘疹之偏。

泽兰，味苦甘，微温无毒。消四肢浮肿，攻痈肿排脓。紫草，味苦寒无毒。通九窍，退肿通淋。

石苇透膀胱小便，防己治风热拘挛。

石苇，味苦甘平无毒，去热除邪，临用刷去毛，不然，令人咳嗽不已。防己，味辛苦平温无毒，治水肿风肿，去湿止嗽。

肉豆蔻补脾止痢，犹调冷泻；款冬花洗肝明目，劳嗽宜遵。

肉豆蔻，用面裹煨熟，味辛温无毒，解酒消食调中，兼治霍乱。款冬花，味辛甘温无毒，定喘消痰。

淫羊藿即仙灵脾，补肾虚，光阳绝不起。补骨脂名破故纸，扶肾冷，绝梦泄精残。

淫羊藿，味辛寒无毒，主治冷风劳气。补骨脂，味辛，大温无毒，主血气劳伤。

禁惊热，杀疳虫，芦荟俗呼为象胆；解风缠，宣痘毒，牛蒡元来号鼠黏。

芦荟，味苦寒无毒，以其味苦，故名象胆，主癰疽痔疮。牛蒡，一名恶实，又名鼠黏。明目消疮毒，手足拘挛，味辛平，处处有之。

海藻海带一般，疝气瘰瘤同有效；水萍虽分三肿，热风癰疹并权衡。

海藻，洗去咸水焙干用，味苦咸寒无毒。水萍，有三种，止渴治火疮，通小便，消水气，味辛咸寒无毒。

艾叶可生可熟，漏血安胎，呕吐衄红还可止；阿魏有真有假，杀虫破积，传尸亦可保天年。

艾叶，处处有之，味苦温无毒，生者治下痢，止呕血，取汁用之。熟者治漏血，可为丸灸百病。阿魏，味辛平无毒，难得真者，气极臭而能止臭气。

败酱妇人产后用，酸浆催产易于生。

败酱，味苦咸平无毒，因作败腐豆浆气，故名败酱，陈良甫作妇人科方，说是苦荠菜。仲景方治腹痛。酸浆，味酸平寒无毒，处处

有之，即酸酱草也。主热除烦，通淋止崩，产难胎衣不下者，若吞其实即出。

茴香治霍乱转筋，更通肾气；昆布消癭瘤结硬，水肿为先。

茴香，一名荜香子，味辛平无毒，开胃调中，得酒良。昆布，味咸酸，性冷无毒，与海藻同科，治癭瘤。

百部除肺热久年劳嗽，天麻逐诸风湿痹拘挛。

百部，味苦微寒无毒，治疥癬去风。天麻，味辛平无毒，益气强筋，苗名赤箭。

牡丹可行经下血，地榆止血痢宜然。

牡丹，味辛苦寒无毒，止痛除邪气，疗惊痫中风，续筋骨，破痈脓。地榆，味苦甘酸，微寒无毒，恶麦门冬，止痛排脓治金疮，女人带下良。

香附缩砂，消食化气，暖胃温脾，皆妇人要药；狗脊草薢，扶老补虚，腰疼脚弱，与湿痹牵缠。

香附子，即莎草根，味甘微寒无毒，处处有之。缩砂，去皮取仁用，味辛温无毒，止泻痢炒过，除妊娠妇腹痛。狗脊，味苦甘平，微温无毒。草薢，川中者为道地，味苦甘平无毒。

红花本能行血，白藓疮疥利便。

红花，本草作红蓝花，味辛温无毒。主产后血晕昏迷，可作胭脂，治小儿聾耳。

白藓皮，味苦咸寒无毒。除疸通淋，主风瘫手足不仁，调经水，疗阴痛。

风寒湿痹，肾冷与遗精，当知石龙芮；劳热骨蒸，兼儿疳惊痢，须用胡黄连。

石龙芮，味苦平无毒，畏蛇蛻茱萸，平胃气，主关节不通。胡黄连，味苦平无毒，折断起烟尘者是。

白茅花能止吐衄血，玄胡索可治腹心疼。

白茅根，味甘寒无毒，处处有之。通血除烦渴，治淋利小便。花止吐衄血。茅针，捣傅金疮良。玄胡索，味辛温无毒，治女人月水不下，行肾气。

甘松青浴体令香，专辟恶气；使君子乃医虫药，疳泻如仙。

甘松，味甘温无毒，善除恶气，浴体香肌，治心腹痛。使君子，用热灰中和壳煨去皮壳，取肉用，味甘温无毒。消痞积，治泻痢，除诸虫。因郭使君用此，因名使君子。

斯乃称为中品，是诚药性钩玄。

草 部 下

因知性甘大热，附子乌雄，可回阳而逐冷，祛风湿而建中。

附子，团圆平正重一两以上者佳，主心腹冷痛，攻咳逆，破症结，坠胎止痢，除风寒湿痹，强阴道。乌头，与附子同种，以原种之母为乌头，破积除寒湿，及中风邪恶风，坠胎，攻腹痛，消积饮。天雄，似附子，但广身長三四寸许，有须，性烈一如乌附。逐痹除风助阳。附子乌雄，味并辛甘大热有毒。

半夏止吐去痰，有毒必须姜制；大黄通肠涤热，快峻因号将军。

半夏，味辛平，生微寒，熟温，并有毒，五月夏至生，故名半夏。健脾止呕去痰涎，熟令人下，生令人吐，合生姜和煎，方制其毒。大黄，味苦寒无毒，黄芩为之使，无所畏。宣气消痞，除结热，通瘀血，荡燥屎，推陈致新，性至快。

木贼青葙开眼翳，羊蹄鹤虱杀三虫。

木贼，味甘微苦无毒。攻积块肠风下痢，止女人赤白带。青葙子，味苦微寒无毒，即白鸡冠花子。主皮肤热，泻肝热去风，除瘙痒杀虫。羊蹄，俗呼为秃菜根，味苦寒无毒。攻疥癬，治女人阴蚀疮痔，杀诸虫。鹤虱、味苦寒有毒，即火欬草，主蛔虫咬心痛。

与甘草相刑，甘遂能消肿破癥，大戟通利水道，兼除虫毒。与乌头相反，白藜治肠风痢肿，白芨破痈疽，并合跟鞞。

甘遂、大戟，味并苦甘寒有毒。治病之功，不相上下，故并反甘草。白藜、白芨，味

并苦辛甘平无毒，同反乌头，疔疾大同小异。

风攻皮肤羊踯躅，热主嗽喘马兜铃。

羊踯躅，味辛有毒，羊误食其苗叶，则踯躅而死，故得名。消虫毒，攻诸痹贼风。

马兜铃，味苦寒无毒。治肺热咳嗽喘促，兼痿疮血痔。其根名土木香，又曰青木香，结子如铃状，故名兜铃。

刘寄奴破血行经，金疮最妙；续随子消癥荡滞，虫毒尤攻。

刘寄奴，味苦温，治汤火伤及金疮最妙。因刘裕小名寄奴，取此草以疗金疮得效，故名。续随子，即联步，味辛温有毒，最治蛇伤。

祛风逐痰白附子，刮磨肠垢白头翁。

白附子，味甘平温无毒。能行药势，主心疼腹痛。白头翁，处处有之，谓之老翁须。因其根有白茸，故名。仲景以此治温疟，又治金疮衄血。

何首乌久服延年，可消疮肿。骨碎补折伤克效，及耳鸣聋。

何首乌，味苦涩微温无毒。昔有老人姓何，见藤夜交，遂采其根食之，白发变黑，因此名之。骨碎补，味苦温无毒，一名猢猻姜，根生缘树上，能补骨碎折伤，因名之。

泻肺消痰，下水去浮萆荔子；通经散肿，开喉明目射干功。

萆荔，味辛苦寒无毒，生道旁处处有之，有甜苦二种。射干，味苦平微温无毒，一名乌扇，俗曰仙人掌。

常山吐涎截疟，葇苳止搐拦风。

常山，味苦辛有毒，形如鸡骨者佳，苗名蜀漆。葇苳子，处处有之，味苦辛有毒，一名天仙子，虽云有毒，得甘草升麻即解。

连翘除心热，破癰瘤，堪行月水；桔梗泻肺癰，清喉痛，止嗽宽胸。

连翘，味苦平无毒，分大小二种，利小便，端治痈疽发背。桔梗，味辛苦微寒有小毒，又有一种名苦桔梗，药性相同。

海金沙用日中收，攻伤寒热病；谷精草

从田中采，破翳膜遮睛。

海金沙，俗名竹园蔓，处处有之，收金法，以纸摊之，日中晒热，以枝击之，其枝叶自然有沙落纸上，旋收之，端利小便，得蓬砂、梔子、马牙硝最良。谷精草，一名鼓槌草，又曰戴星草。生田中，味辛温无毒，治咽喉痹，止齿痛。

草河车即蚤休，痈疮至圣；商陆根名樟柳，退肿之宗。

草河车，名金线重楼，味苦微寒无毒，主治癰疽惊热。商陆，味辛酸平有毒，分赤白二种，白者消水肿，根如人形者有神，赤者不入药。

藜芦为疮疥之药，贯众杀寸白诸虫。

藜芦，味辛苦寒有毒，俗名山稷。反细辛、芍药。可吐风痰，不入汤药，端主疥疮痒虫。贯众，味苦微寒有毒，治金疮，破癥结，止鼻红。

草蒿一本作青蒿，灭骨蒸劳热；旋覆花草名金沸，钝痰嗽之锋。

草蒿，味苦寒无毒，处处有之，根苗子叶皆入药。但各自使用，用子勿用药，用根勿用苗。四者若齐用，则有损无益。得童便浸尤良，亦可煎汤洗疮，除疥虱。旋覆花，味咸甘温微冷有小毒。通膀胱水，去风湿，利痰止呕。

蓖麻子善主催生，捣膏敷脚版；威灵仙能消骨鲛，熬汁灌喉咙。

蓖麻子，味甘辛有小毒，疮痒研麻油搽敷，水疮研服良。威灵仙，味苦温无毒。主宣气，去冷消痰，疗折伤，治诸风。

马鞭草能通月水不行，破癥瘕之癖；葫芦巴好补元阳肾冷，蠲疝气之瘕。

马鞭草，味甘苦寒有小毒，其草穗类鞭梢，因名之，俗谓之铁扫帚，治温疟阴疮。葫芦巴，得茴香、桃仁同用。逐膀胱疝气，得硫黄、附子同用。端补肾经。

萱草治淋，孕带其花生男子；灯心去热，烧灰善止夜啼童。

萱草，一名鹿葱，其性凉而无毒，处处有之。孕妇佩带其花，即生男子。故又名宜男草。灯心，性凉，破伤处捣敷良。

山豆根，疗咽痛头疮五疔；金沸草治丹毒发背诸痛。

山豆根，味甘寒无毒，消肿毒，止热嗽。金沸草，至冬时则皆有黄星，点点成行，味苦寒无毒，解硫黄毒。

狼毒驱九种心痛，稀莩扫湿痹诸风。

狼毒，味辛平有大毒，陆而沉水者良。主咳逆，治虫疽瘰癧结痰。稀莩，即火炊草，味苦寒有小毒，形似鹤虱，昔有知州张詠访尝进此方，治诸风。

夏枯草最治头疮，瘰癧瘰癧同可觅；天南星端能下气，风痰脑痛止怔忡。

夏枯草，至夏即枯，故名，味苦辛寒无毒。天南星，处处有之，味苦辛有毒，散血

坠胎，消痈肿。

退肿消风，牵牛子第一；诸疮解毒，山茨菰最良。

牵牛子，炒过用，味苦寒有毒，处处有之。下气通肠，利大小便，坠胎，端治腰疼脚痛。山茨菰即鬼檠灯，又名金灯花，疮肿痛疽瘰癧消毒良。

仙茅伸风者之脚挛，补虚坚骨；苧根凉小儿之丹毒，安胎胎宫。

仙茅，味辛温无毒。治虚劳，逐冷气，益阳坚骨，生长精神。苧根、补血安胎止渴，兼治小儿丹毒。

茵芋理寒热似疟，屋游断齿衄之踪。

茵芋，味苦温有毒。止心腹痛，通关节，主风寒湿痹。屋游，即瓦上青苔，味苦寒无毒。逐膀胱水，止皮肤寒热。

本草编成斯赋，发医家初学童蒙。

珍珠囊补遗药性赋 卷四

元 真定 李 杲东垣原编

吴门 王子接晋三重订

鄞县 曹赤电炳章校点

木 部

岂不以劳伤须桂肉，敛汗用桂枝，俱可行经破癖，炒过免坠胎儿。

桂，味甘辛大热有小毒，得人参、熟地黄、紫石英良，畏生葱。

五痔伤风称槐角，疮疡杀疥羨松脂。

槐角实，味酸咸寒无毒，今处处有之。除热气，主火烧疮，皮灌漱风疳齿。松脂，味苦甘温无毒，处处有之，道家服饵，轻身延年。松子，味甘温无毒，可供果品。叶与根白皮，味苦温无毒，主辟谷不饥。松节，渍酒治历节风。

柏叶止血吐崩，要安脏镇惊，去壳取仁于柏子；枸杞益阳明目，退虚劳寒热，须用其根地骨皮。

柏叶，味苦微温无毒，四时各依方向采取阴干用。柏白皮主火烧烂疮。枸杞，味苦寒，根大寒，子微寒，无毒，处处有之，惟陕西四川出者最佳。

茯苓有赤白二种，赤者通利小便，白者可补虚定悸；干漆有生熟两般，生则损入肠胃，熟者通月水愈期。

茯苓，味甘平无毒，多年松根之气薰灼而生。有赤白二种，并除寒热，止渴消痰。而赤者专主利小便分水谷，白者专补虚定悸。干漆，味辛温有毒，须炒熟用则无毒，去瘕续骨杀虫，除心气止痛。

茯神则健志收惊，开心益智；琥珀则镇

心定魄，淋病偏宜。

茯神，即茯苓抱根所生者，用须去心中木，味甘平无毒，多益心脾，主风虚。琥珀，味苦平无毒，是松脂入地中多年则化成。

职掌虚烦，敛汗必须酸枣；性行通利，消浮当用榆皮。

酸枣仁，味酸平无毒，安五脏，除风痹，能坚骨补中，宁心定志。榆皮，味甘平无毒，性滑，通行大小便，消浮肿，治小儿白秃下，下妇入胎衣。

攻赤目，清头风，坚齿轻身蔓荆子；欬金疮，除腰痛，治风桑上寄生枝。

蔓荆子，味苦辛，微寒无毒，通关窍，去寸白虫，除筋骨中寒热。桑寄生，一名寓木。味苦甘平无毒，并治崩中补内伤，胎前产后皆宜用。

泻痢有功，诃黎勒同名诃子；头眩鼻塞，木笔花乃是辛夷。

诃子，味苦温无毒，开胃进食消痰，治崩漏及肠风下血，兼主贲豚冷气。辛夷味苦辛温无毒，处处有之，南人谓之迎春木，久服轻身耐老。二月开花，色白带紫，花落无子，至夏复开花，初出如笔，故北人呼为木笔花。主头眩鼻塞最良。

乌药主宽膨顺气，没药主跌扑金疮，血气相攻，诸疼共理；秦椒能明目通喉，蜀椒能涩精疗癖，温中下气，风痹同医。

乌药，味辛温无毒，处处有之，惟天台产者为胜，俗名旁箕。主心腹痛，补中益气，攻翻胃，利小便。没药，味苦平无毒，按伤

表南州记，生波斯国，是彼处松脂也。破血止痛，为产后最宜，推陈致新，理内伤良。秦椒，味辛，生温熟寒，有毒。攻腹痛，祛风邪，温中除痹，醋煎灌漱牙疼。蜀椒，去闭口者，味辛大热有毒，出成都。逐冷风，核名椒目，利水道。

牙痛乳痈求莽草，肠风崩带索梭桐。

莽草，为臣，性有毒。味辛温，善开喉痹，理诸疮瘰癧。梭桐，性平无毒，止痢养血治鼻衄，用烧存性入药。

巴豆破结宣肠，理心膨水肿；芫花消浮逐水，击瘤痔当知。

巴豆，味辛温，生温熟寒，有毒，生巴郡，故名巴豆。性急通利，因名江子。用去皮心膜及油，然后可，畏大黄，黄连。芫花，味辛苦温，有小毒。治咳逆喉鸣痰唾，腰腹心痛。

木鳖治疥疮腰痛有准，雷丸杀三虫寸白无疑。

木鳖子，其形似鳖，故名，味甘温无毒，治乳痈肛门肿及折伤。雷丸，味苦咸寒，有小毒。白者良，赤者有毒能杀人。

养肾除风石楠叶，漱牙洗目海桐皮。

石楠叶，味辛苦平有毒。利皮毛筋骨病。海桐皮，味苦平无毒，主痢，除疥虱，治风痹痛。

无毒俗名唐棣，通关格，去浮肿，根皮治齿痛风蛀。

牡荆子，味苦辛无毒，即黄荆，今官司用作笞杖，处处有之，主头风目眩。郁李仁，味酸平无毒，俗名唐棣，通关格，去浮肿，根皮治齿痛风蛀。

密蒙花总为眼科之要领，苏方木专调产后之血迷。

密蒙花，味甘平微寒无毒。苏方木，味甘咸平无毒，专能破血消痈及扑损。

楮实补虚明目，叶洗疹风，树汁涂癣疥；竹皮刮下止呕，叶解烦躁，烧沥御风痰。

楮实，味甘寒无毒，主涂水肿，及阴痿

不起。竹皮，多种取皮，止呕吐者，南人呼为江南竹，味辛平 甘寒无毒。肉薄。今人取作竹沥者，又谓之淡竹。其叶解烦除咳逆。今方中用淡竹叶，又是一种业小叶，柔微有毛，其根生子如麦门冬。

栲白皮止痢断疳，叶汁洗疮除疥虱；胡桐泪杀风牙蛀，腹膨胀满吐堪施。

栲白皮，与椿白皮性同良，但栲木臭，椿木香。味苦有毒，栲木根叶俱良，南北皆有之，两木最为无异，俗呼作虎目树。胡桐泪，味咸寒无毒，形似黄矾，得水便消，如硝石也。

结胸散痞宽膨，逐水调风宜枳壳；烦闷通淋解热，赤眸黄疸用山栀。

枳壳，味苦酸，微寒无毒，能攻痔瘕，消癥癖。山栀，味苦寒无毒，生于山间者为山栀，人家围圃种时者为黄栀，形肥壮可染物，惟紧小者为山栀，方可入药。

槟榔攻脚气杀三虫，宣通脏腑；厚朴乃温中除霍乱，膨胀堪调。

槟榔，味辛温无毒，生海南，向日曰槟榔，形尖如鸡心者良，向阴曰大腹子，平坐如馒头，榔下气除风，宣利脏腑，逐水消痰破结。厚朴，去粗皮姜汁炒过，味苦温无毒，须用中厚有紫油者佳，通经下气，厚肠胃，消谷食，安腹中虫。

猪苓消渴利水，治伤寒中暑；龙脑清头明目，主惊搐小儿。

猪苓，味甘苦平无毒，生土底皮黑作块似猪粪，故名，治咳疟，消肿利水，止遗精。

龙脑，味辛苦微寒，一云温平无毒，其香透顶，攻耳聋，消风气，通九窍，即梅花片脑，若服饵过多至两许，则身冷如醉，气绝而非中毒，盖性寒故也。

明日凉肝解热，毋遗黄蘗。磨瘕下浮行经，休缺紫葳。

黄蘗，俗名黄柏，味苦寒无毒，除血痢，去黄疸，治痢疮，祛脾胃热，治女人热崩。

紫葳花，一名凌霄花，味咸微寒无毒，处

处有之，治风热毒及痢症。

杜仲坚筋补损伤，兼主肾虚腰脊痛；卫茅杀鬼决经闭，阴人崩带也能医。

杜仲，味辛甘平无毒，折断多白丝，用姜汁和炒去丝良，除风冷，强心志。卫茅，即鬼箭羽，味苦无毒，攻腹痛破症结。

痈肿症瘤凭虎杖，杀虫砥痔问芫荇。

虎杖，俗名斑杖根，味甘平，微温无毒，治伤损，消疮毒。芫荇，味辛平无毒，逐冷除心痛，兼治皮肤骨节风，杀疥虫治癣，攻肠风。

蕤仁捣膏点眼科，辄除热赤；皂荚为末搐鼻嚏，应释妖迷。

蕤仁，味甘温，微寒无毒，通结气，鼻红。皂荚，味辛咸温，有小毒，亦有数种，或长至一二尺，惟如猪牙者良，消痰除嗽，散肿痛，去头风。

没石子主痢生肌，染乌黑髭发；益智子涩精益气，止小便多遗。

没石子，即无食子，味苦温无毒，出西番，用有窍者良，治阴疮阴汗。益智子，味辛温无毒，安神定志，故谓之益智。

川楝子号金铃，冷气膀胱能作主；五倍子名文蛤，肠气五痔效端殊。

川楝子，味苦寒有小毒，处处有之，蜀中者良，根皮最杀蛇虫。五倍子，味酸平无毒，除齿蠹及疮脓，亦可洗眼去风热。

吴茱萸下气消痰，提转筋霍乱；山茱萸添精益肾，治风痹无疑。

吴茱萸，味辛温大热有小毒，处处有之，除咳逆，逐邪风，主脚气攻心。山茱萸，一名石枣，味酸平微温无毒，疗耳聋，调女人月水。

桑白皮泻肺补虚益气，大腹皮通肠开胃健脾。

桑白皮，味甘寒无毒，即桑树根皮，利水道，消浮肿，杀寸白虫。大腹皮，即槟榔大腹子之皮，微温无毒，专下气分冷热，攻心痛。

金樱子，冬青子，养精益肾轻身，调和五脏；苏合香，安息香，辟恶去鬼杀虫，虫毒消除。

金樱子，味酸涩平温无毒，采实捣汁熬膏，久服轻身耐老。冬青子，又名女贞实，味苦平无毒，治病与金樱子同功。苏合香，味甘温无毒，油能辟恶除温症，久服令人不生梦。安息香，味辛苦平无毒，辟邪暖肾止遗泄。

秦皮洗眼除昏，男子添精，妇人收带下；黄药通喉豁痹，蛇伤取效，医马是神枢。

秦皮，味苦寒无毒，治风寒湿痹。黄药，味苦平无毒，治恶肿。

苦采主头疼，痢生腹痛，同姜煎服；钩藤蠲瘕，儿生客忤，胜祷神祇。

苦菜，即茶茗，味甘苦，微寒无毒，除痰下气消宿食。钩藤，味甘苦平，微寒无毒，其形如钩，故得名，舒舒筋活血。

止痛生肌麒麟竭，舒筋展痹五加皮。

麒麟竭，一名血竭，味咸平无毒，除血晕。五加皮，味辛苦温，微寒无毒，治风寒湿痹，止心痛，益精神，通疝气，治阴疮。小儿幼小不能行，服之良。

丁香下气温中，能益脾止吐；沉香调中顺气，疗痛绞心腹。

丁香，味辛温无毒，散肿除风毒，更治齿痛风牙。沉香，味辛温无毒。疗肿除风去水，止霍乱转筋，壮元阳，辟恶气。

檀香、藿香，止霍乱吐呕，痛连心腹；乳香、枫香，专消风止痛，疮毒流离。

檀香，性热无毒，消风肿，肾气攻心。藿香，味辛微温，去恶消肿，治吐逆。乳香，味辛热无毒，辟恶除邪，补精益肾，治诸疮，攻血气。枫香，是枫树脂，即白胶香也治癰疹风，擦齿痛，去虚浮水气，味辛平微有毒。

竺黄理天吊止惊风，更使清心明目；胡椒能下气逐风冷，兼除霍乱昏迷。

天竺黄，味甘寒无毒，生天竺国，故名。胡椒，味辛温无毒，去痰止痢，治心腹卒然

作痛。

此木部之药性，为后学之绳规。

人 部

看方犹看律，意在精详；用药如用兵，机毋轻发，草木之性既陈，人物犹宜立决。

律，法度也，齐之以刑，用药犹用兵，谓医者乃人之司命。

天灵盖最主传尸，久病虚劳，热蒸在骨。

天灵盖，乃死人顶骨十字解者，此骨是天生盖压一身之骨节，阳人用阴，阴人用阳，味咸平无毒，主传尸鬼疰人。

热病乃阳毒发狂，当求人粪汁；打扑损伤并新产，快索童男溺。

人粪，一名人中黄，性寒无毒，专治天行大热，劳气骨蒸，烧末调服，解诸毒，为末汤调，治热病发狂，绞粪汁饮之。童男溺，童子小便也，女子者不宜用。主寒热虚劳，头疼湿气。

乳汁有点眼之功，裤裆救阴阳之易。

妇人乳汁，味甘平无毒，能安五脏悦皮肤，昔张仓常服，享寿百余岁。《衍义》云：乳汁治眼之功何多。盖人心主血，肝藏血，肝受血则能视。妇人之血，上为乳汁，下为月水，用以治目，不亦宜乎？裤裆，即裤裤之当阴处，翦取方圆六七寸许，烧为末服。男子病新瘥，而妇人与之交，则男病阴易，女人病新瘥，而男子与之交，则女病阳易，小腹绞痛，手足挛，目中生花，头重不能举。若不急治则死。男子病用妇人裤裆，女人病用男子裤裆，以水调服。

调诸淋，破瘀血，乱发元来即血余；止吐衄，理肺痿，漩垢便是人中白。

血余，乃常人乱发烧灰，味苦微温无毒，治痼疽及转胞。人中白，即尿桶中澄底垢积之结白者，火上烧灰，最治紧唇，及劳热传尸。

《图经衍义》无虚，医者可知端的。

禽 兽 部

盖言走者属兽，飞者属禽。

禽属阳身轻，故能飞而上；兽属阴身重，故能走而不能上飞。

鹿角煎胶补瘦羸，又安胎止痛；麝香辟邪而通窍，安客忤痛惊。

鹿角，味苦辛，依法煎炼成胶及霜，入药用，止泄精遗尿。麝香，味辛温无毒，攻风疰坠胎救产难。

安魂定魄，牛黄治风痫惊热；生肌止汗，龙骨止泄痢遗精。

牛黄，味苦平有小毒，除狂躁，治天行时气。龙骨，味甘平微温无毒，治女子崩，止小便遗沥，疗阴疮，龙齿，镇惊治癫痫。

牛乳补诸虚，益气通肠，须求羊酪；獭肝开热胀，传尸劳嗽，有验堪凭。

牛乳，味微寒，性平无毒，止渴。獭肝，为君，味辛温有毒，凡人素有冷气虚膨者。此二味皆不宜服。

象牙出肉中之刺，熊胆医痔痢之灵。

象牙，味甘平无毒，生煮汁饮之，利小便，烧末止遗精，磨屑传肉中刺，凡骨鲠者，磨水服即下，更祛劳热止头痛。熊胆，味苦寒无毒，然难分真伪，取一粟许滴水中，一道如线不散者为真。治天行热症诸痞，恶防风、地黄。

羚羊角明目去风，可保惊狂心错乱；肭肭脐温中补肾，何忧梦与鬼交情。

羚羊角，味咸性寒无毒，可活胎易产，益气安心辟邪。肭肭脐，味咸性热无毒。主惊痫，消宿血，除痰癖气。

阿胶止血安胎，兼除嗽痢；犀角凉心解毒，杀鬼闻名。

阿胶，味甘平微温无毒，出阿县城北，并水煮取乌驴皮，以阿井水煎成胶为真，须用一片鹿角同煮，不尔不能成胶也。养肝虚劳极，止四肢酸疼。犀角，味苦酸咸寒无毒，驱

风明目，除心热狂言，又治时行疫疠。

鹿茸益气补虚，男治泄精，女止崩漏；虎骨驱邪辟恶，男去风毒，女保胎惊。

鹿茸、用茄形连顶骨者，味甘酸温无毒，一云味苦辛。虎骨，性平味辛，微热无毒，治恶病及风痹拘挛。

兔头骨主头疼，和水烧灰催产难；牛角腮治崩带，烧灰入药效如神。

兔头骨，味甘平寒无毒，治头昏痛，兔骨治热中消渴，肉不可多食，损人阳气，孕妇食兔肉，生子缺唇，不可与鸡肉及生姜同食。牛角腮，味苦甘无毒，消血闭便血，攻冷痢。

瓦雀肉则益气，卵则强阴，白丁香疗癰疔肿目；雄鸡乌者补中，赤者止血，黄腿脰止遗尿难禁。

瓦雀肉，味甘温无毒。雀粪直立者，名白丁香。雄鸡肉，味温无毒。乌者补中止痛，赤者止血治崩。诸雄鸡胆微寒，主目不明，心主五邪，血主损伤，肺主耳聋，肠主小便数不禁，肝及左翅毛主阴痿不起，冠血能行乳汁。

蝙蝠经名伏翼，能开黑暗目瞑。

伏翼，即蝙蝠别名，味咸无毒。主淋目昏，以服则忘忧。粪名夜明砂，可治疳。

药是伐病之斤，医实司入之命。

言医药之治病，犹斧斤之伐木也。

虫 鱼 部

抑又闻蠹者为虫，潜者为鱼，堪行入药，贵贱何拘。

蠹，动也。潜，登藏也。

全蝎有毒须当去，能透耳聋，疗诸风惊搐。盘螯即斑猫也熟炒不宜生，通淋坠孕，宜瘰癧之疵。

全蝎，宜紧小者佳，味甘辛，须去毒方可用。盘螯，去足翅，以米同炒，至米黄色去米，若生用即令人吐泻，味辛寒有大毒。

消水气，去癭瘤，无如海蛤；安心志，磨翳障，大喜珍珠。

海蛤，味苦咸平无毒，治浮肿，除咳逆，定喘消烦。珍珠，味寒无毒，出廉州王润泽皮肤，悦人颜色，绵包塞耳可治聋。

水蛭治痼疽，通经破血；田螺去目热，反胃堪除。

水蛭，即蚂蝗蜚，生水中名水蛭，生草中名草蛭，生泥中名泥蛭，并能著人及牛马股胫间啞血。入药当用水蛭之小者佳，此物极难得死，虽炙过经年，得水犹可活，必炒令极黄熟，不尔入入腹生子为害。田螺，性大寒无毒，不可多食，其肉傅热疮，壳主反胃，汁能醒酒止渴，田中取者为佳。

鼠妇通月闭，利便痿，仲景将来医久症；虻虫破坚癥，磨血积，伤寒方内不曾无。

鼠妇，味酸温无毒，生人家地上，处处有之。虻虫，名土鳖，味咸寒有毒，处处有之。

搜癭痼惊风，明目催生称蛇蛻；止咽斜口眼，坠胎点翳捉衣鱼。

蛇蛻，味咸苦平无毒。主缠喉风，攻头疮瘰癧。衣鱼，味咸温无毒，处处有之，多见于书卷中。小儿淋闭，用以摩脐及小腹，溺即通，仍可摩疮。

出箭头入肉，医附骨鼠痿，蛻螂便是推车客；扑打扑损伤，疔儿疳昏眼，虾蟆本草即蟾蜍。

蛻螂，味咸寒有毒，疔儿惊癭痼风痛，临用当炙过，勿置水中，令人吐，入药去足翅。虾蟆肉，味辛寒无毒，主邪气坚癥恶疮鼠漏。

杀伏尸鬼疰三虫，地龙俗名蚯蚓；正风贼斜咽肛脱，蜗牛本是蛻螭。

地龙，味苦无毒，须用白颈者良。伤寒狂热须用，汁治痢消毒用粪。蜗牛，俗名蜃螺，处处有之，生砂石垣墙下湿处，变治背疽，用涎涂抹。

蛻螭点眼翳杂科，割金疮出肉中刺；蛤蚧传尸堪止嗽，兼补肺邪鬼咸驱。

蛴螬，味咸甘有小毒，处处有之，以背行反驮于脚，即朽木中蠹虫，但洁白者佳。

蛤蚧，一名守宫，功力全在尾梢，人捕之即自咬断其尾，用以法取之，行常一雌一雄相随，入药亦当用成对者良。

牡蛎固漏血遗精，补虚止汗；虻虫破瘀瘕血积，经闭通渠。

牡蛎，味咸平微寒无毒。主疟疾寒热，除惊恐。虻虫，味苦微寒有毒，啗食牛马背血者用，须炒熟。除去足翅，方可入药。

鳊鱼退劳热骨蒸，杀虫愈痔；石龙子除热淋止血，蜥蜴殊途。

鳊鱼，味甘有毒，处处有之，虽有毒而能补五脏虚损，消项膈白驳风热，煨骨熏蚊虱则灭。石龙子，与蜥蜴蜈蚣蝮守宫五种相近。

乌贼骨是海螵蛸，退翳杀虫，治崩攻痢；鲢鲤鳞为穿山甲，堪医疥癣，鬼魅遭锄。

海螵蛸，味咸微温无毒，疗阴疮，治耳聋。其血似墨，能吸波吸墨以溷水，所以自卫有八足聚生口旁，浮泛于水面，乌见谓其必死，欲啄之，则聚足抱乌，拖入水中食之，故名乌贼鱼。穿山甲，性凉有毒，主邪惊治痹。

劳热骨蒸专鳖甲，脱肛狐臭尚蜘蛛。

鳖甲，味咸平无毒，处处有之。治崩疗症，主瘕瘕痼癖，不可与鸡子同食，合苋菜食则伤人。蜘蛛，性冷无毒，处处有之，然多种，身有毛刺及五色并薄小者，并不可用，瘰癧背疮蛀牙兼治口斜喎僻，喜忘者取纲著衣领中。

蝉退消风，断小儿夜哭之鬼；猬皮生痔，提肠风下血之徒。

蝉退，味咸甘寒毒，亦治妇人产难，小儿惊痫，猬皮，味苦甘无毒，治疝气阴蚀疮。

鲤鱼宽胎胀，骨止赤白之崩，胆抹青盲赤目。蟹主热结胸，黄能化漆为水，壳烧集鼠招嗣。

鲤鱼，味苦甘寒无毒，止渴消肿，腹有

瘕瘕之人不可食。蟹味咸寒有毒，爪能破血坠胎。

鲫治肠风下血，宜作鲙，又宜作羹，治痢无分赤白；蛙能补损祛劳，一种水鸡为美馔，专补产妇之虚。

鲫，味甘温无毒，烧灰治诸疮，补胃和中。蛙，味甘寒无毒，杀疟邪。

蜈蚣开小儿口噤，坠孕妇之胎，更制蛇毒；土狗催胎产难生，鼃肉中之刺，退肿须臾。

蜈蚣，味辛温有毒，用当炒熟。主杀三虫，生则令人吐泻，不堪入汤药。土狗，即蜈蚣，味咸寒无毒，处处有之，下肿利大小便，解毒溃痈。

石决明泻肝，黑障青盲终可决；桑螵蛸补肾，泄精遗溺竟无虞。

石决明，味咸平凉无毒，除肝经风热。桑螵蛸，味咸甘平无毒，即螳螂子也，用炒黄色。不尔令人泄泻。

原蚕蛾主泄精，好强阴道。白僵蚕治诸风，口噤难开。

蚕蛾，雄者有小毒，炒去翅足，补肾疗血，风痹瘾疹用蚕沙。僵蚕，炒去丝嘴，味咸平辛无毒，疗惊痫崩漏病，又除口噤及喉风。

白花蛇主诸风，温痹拘挛兼疥癩；五灵脂行经闭，昏迷产妇早来沾。

白花蛇，味甘温咸有毒，主诸风喎斜口眼，并大风疮，与乌梢蛇同功。五灵脂，即寒号虫粪也，治肠风并冷气，炒之治崩。

著意要行斯道，潜心细下工夫。

果品部

且如果品数端，亦分优劣。

以果品言之，如柿有数种，红者只可生啖，乌者可焙干入药用，其蒂功力且优，白者力薄而功亦劣。

入药当知刑反忌宜，性情要辨苦甘冷热

大枣与生葱相刑，不宜合食，乌梅与黄精相反，岂可同餐。如桃杏双仁者，有毒能杀人。安石榴味酸者，方可入药，苦甘者不宜多食，主损齿伤肺。又如橘味辛温，柚味苦冷，枣味甘热，柿味甘寒之类。

橘皮则理气宽中，消痰止咳，更可止呕定吐；大枣则养脾扶胃，助药成功，又能补气调脉。

陈皮，味辛温无毒，主温脾，青者破积聚。大枣，味甘平温无毒。

鸡豆肉名为芡实，轻身長志，好止腰疼。覆盆子即是蓬蘽，益气强阴，养精最利。

芡实，味甘平无毒，补中治痹；煎和金樱子，最益人。覆盆子，味酸平咸无毒，处处有之。补中益肾，调和脏腑，治虚损风。

柿干止痢涩肠，生宜解酒渴。止嘔须教用蒂良。梨实除烦引饮，浆可吐风痰，乳妇金疮如仇分贼。

柿干，味甘寒无毒，最润喉，通耳鼻。梨实，味甘微酸寒无毒，可止嗽，不宜多食，致成冷痢，乳妇金疮，尤不可多食。

橄榄止渴生津，口唇干燥，研傅核中仁；石榴舒筋止痢，去腹中虫，根皮煎汁啜。

橄榄，味酸甘温无毒，消酒毒。安石榴，味甘酸无毒，壳入药，治筋挛脚痛，攻痢良。

藕实止痢补心垣，节除呕衄，叶堪止渴安胎；桃仁通经破癥结，仍辍腰疼，花主下痢脓血。

藕实，味甘平寒无毒，处处有之。桃仁，去皮尖。味苦甘平无毒，其花通利小便更捷。

杏仁不用双仁，通肠润肺，治咳清音；乌梅即是梅实，止渴化痰，痢中莫缺。

杏仁，去皮尖及双仁者，味酸甘无毒。治惊痫腹痹，及产乳金疮。乌梅，味酸平无毒，下气调中止渴，治骨蒸劳热，咳嗽痰涎。

宣木瓜治霍乱转筋，调理脚气，湿痹伸舒；枇杷叶能止呕和胃，专降肺气，功全口渴。

宣木瓜，味酸温无毒，消肿强筋骨，止

渴，并脚气攻心。枇杷叶，用布拭去毛，炙用。味苦平无毒，主肺风。

胡桃肉肥肌润肉，扑伤和酒捣来尝；草果仁益气温中，好伴常山攻疟发。

胡桃肉，味甘平无毒，去痔疮，消瘰癧。草果仁，味辛湿无毒。温脾胃，消宿食，解酒毒，攻冷气。

若能熟此作筌蹄可洗下工之陋拙。

米 谷 部

精明米谷，豆麦粟麻，虽民生之日用，充药料于医家。

谷入脾，豆入肾，麦入肝，粟入肺，麻入心。

粳米温中和胃，秣米能解漆疮，止渴除烦，须陈仓米。黄豆杀鬼辟邪，黑豆乃堪入药，若问黄卷，便是豆芽。

米，味甘温无毒，粳即常时所食之米，秣即造酒之糯米，其种数甚多，不可尽述。主除烦断痢。豆，惟黑者入药，宜炒熟用，味甘平无毒，其他俱不堪用。

祛胃热，养肾虚，米粟可长生；填精髓，利小肠，巨胜即胡麻。

粟，味咸微寒无毒，治消中。巨胜子，久服之，可长生不老，利大小肠，坚筋快产。主心惊，味甘平无毒，处处有之，即黑麻子。

赤小豆，消水肿虚浮，研涂痈疽消热毒；白扁豆治筋转霍乱，叶傅蛇虫咬最佳。

赤小豆，炒过用，味甘酸平无毒，治消渴，攻脚气。白扁豆，味甘微寒无毒，消暑解毒，下气和中。

小麦止汗养肝，堪除燥热；大麦生肌消渴，长胃荣华。

大小麦，味甘微寒无毒。

麦蘖入汤药，真个温中，可知消食。麦麸若调醋，傅扑损处，愈后无瑕。

麦蘖，即麦芽也，麸皮也。

去丹风解一切之毒，霍乱吐翻，取粉干

绿豆；除浮痘吐一切痰涎，开胸膈病，摘蒂于甜瓜。

绿豆，味甘寒无毒，除热气，主头疼目暗。甜瓜，味苦寒有毒，处处有之。蒂入药，瓜有赤白二种，入药当用赤者。

言之有准，用之无差。

蔬 菜 部

既以言之五谷，又当取用蔬菜。

葱主头疼堪发散，通大小肠，白可安胎止痛；韭补肾虚益元阴，温中下气，予收梦泄遗精。

葱，味辛温无毒。韭，味辛温微酸无毒。葱韭皆不可多食，昏人精神。又不可与蜜同食。

捣汁止头疼，喘嗽风痰菜服子；酒煎喷痘体，自然红润说胡荽。

莱菔，即萝卜也，味甘辛无毒，根脑及嫩叶俱可食。煮熟消食和中下气，去痰癖，肥健人。胡荽，味辛温无毒。消谷通心窍，补五脏不足，利大小便，辟邪秽。

白冬瓜去躁烦止渴，白芥子宽胸膈痰拘。

冬瓜，味甘微寒无毒。治淋利小便，除热散痈，通小肠醒脾，用子中仁尤良。白芥子，味辛温无毒，青白紫数种，惟芥子粗大色白者入药。除冷气，攻反胃，治上气。

妇人产难好催生，滑脏利泄冬葵子；霍乱转筋心腹痛，减烦却暑淡香薷。

冬葵子，味甘寒无毒，处处有之，其子是秋种覆养，经冬至春作子，故谓冬之葵子，除寒热，治疳用根。香薷，味辛微寒无毒，下气除烦热，消肿止渴。

发病生虫又败阳，便是芸薹菜。生疮长瘤精神损，少吃茄子儿。

芸薹菜，味辛温有毒，不宜多食。败损阳气，生腹中长虫，主破癥瘕，通血除丹毒，

消乳痈。茄子，有紫白二种，味甘寒，性冷不宜多食，茄根煎汤，洗冻疮，蒂烧灰，治肠风。

妇人恶血能令下，湿痹筋挛，取豆芽黄卷；疮疥伤寒最得宜，血风血晕，用荆芥假苏。

大豆黄卷，以黑豆大者为芽蘖，生便晒下，名黄卷，入药用，味甘平无毒。假苏，即荆芥，味辛温无毒，下气除劳，兼治头痛。

马齿苋散血敷疮傅火凡，杀虫磨翳；草薺发背疮疡丹风起，烂捣堪涂。

马齿苋，处处有之，味酸寒无毒。止渴攻血痢，磨眼翳，利便难。草薺，叶酸平无毒，名鸡肠菜。

消痰定喘宽膨，当求苏叶；风气头疼发散，切要薄荷。

紫苏，味辛温无毒，叶紫色而气香者佳。消痰下气开胃用叶，风气头疼发散用茎，宽喘急治咳嗽用子。薄荷，味辛苦温无毒。发汗消食宽胀，除霍乱伤寒，可发散。

饴糖敛汗建中，补虚羸不小；神曲养脾进食，使胃气有余。

饴糖，味甘微温无毒，以糯米煮粥，候冷入麦蘖，澄清再熬成饴糖，以净器盛贮，夏天澄沉井中，免令酸，诸米可作饴，惟糯米者入药，止渴消痰治嗽。神曲，味甘大暖，消食下气。

调理产人，去瘀生新犹用醋；通行血脉，助添药势酒同涂。

醋一名苦酒，治痢除癥，消疽退肿，酒，味苦甘辛。大热有毒，辟恶除邪破癥结。

香豉本食中之物，医伤寒切不可无。

淡豆豉，味苦寒无毒，治头痛发汗，止痢解热，以酒浸捣烂，患脚傅之良。

不揣愚衷而作赋，是为药性之斤铢。

揣、量度也。

《珍珠囊补遗药性赋》终

雷公炮制药性解

〔明〕 李中梓 编辑

〔清〕 王晋三 重订

《雷公炮制药性解》提要

旧本题明李中梓撰。凡金石部三十三种，果部十八种，谷部十一种，草部九十六种，木部五十七种，人部十种，禽兽部十八种，虫鱼部二十六种。每味之下，各有论案。其称雷公云者，盖采《炮炙论》之文，别附于末，考宋《雷斅炮炙论》三卷，自元以来，久无刊行之本，惟李时珍《本草纲目》所载较详，是篇所采，似未全备，冠以雷公之名，伪也。然搜采药性，多通用之品，初学诵读，实不可少耳。

序

余读仲景之叙医，辄为之掩卷，盖其感生死之芒忽，笃君父之危殆。贱名利之浮荣，冀年寿以没世。伤哉其言，焉得不原本药性，加意候诊者乎？三皇御宇，太昊首书八卦，开万世道术之祖。而神农遍尝百味，黄帝著为《素问》，迹其鼎足，所化医之用居多。今考本经所载草木鸟兽等类，则干木果震萑苇坤子母牛兑羊良狗之说，酸咸有五味之别，青黄有五色之分。则坎水离火震木兑金坤土之说，定浮沈，明燥湿。则本天本地亲上亲下之说，立君臣，分佐使。则君一民二之说，有畏有喜，有恶有反。则吉凶利害之说，有补有泻，有正治，有从治。则变通趋时之说，无非大易之源流，八卦之分布。圣人所以顺风气而防天札者，端不越此。自太史公著《扁仓论》，以为美好者不祥之器。而儒者又好自张大，置医于九流之中。欲如皇子之论当心，东里之辩六气，文挚止疾于齐王，枚乘霍然于太子，岂可得哉。余以少孤，不及掺药以进慈父，间为母氏尝之，退而考诸方书，多所不合。斯用痛心，乃于读书之暇，发本经仙经暨十四家本草四子等书，靡不悉究。然后辨阴阳之所属，五行之所宜，著《药性解》二卷。敢谓拯危济殆，于是焉赖，特以志余之悲，为人子事亲之一助尔。且夫甘旨以养之，温清以奉之。而卒罹夫不可疗之灾，欲代则不能，欲遍访而证诸人则不及，此人子终天之恨。仲景氏伤之，余所不辞而为之缕析者也。若夫《素问》一书，轩岐之精蕴在焉，亦欲订其同异而折衷之。期于剖微而止，敬以异日，公之同好。

云间李中梓撰

《雷公炮制药性解》目录

卷一

金石部三十三种	133
金银箔	133
黄丹	133
胡粉	133
铜青	133
铁浆铁锈附	133
水银	133
轻粉	133
银朱	133
密陀僧	134
丹砂	134
钟乳	134
矾石	134
禹余粮	135
硝石六种	135
滑石	135
石膏	135
青盐	135
食盐	136
雄黄	136
紫石英	136
赤石脂	136
寒水石	136
花蕊石	136
阳起石	136
蓬砂	136
胆矾	137
青礞石	137
无名异	137
玉屑	137
自然铜	137
石燕	137
磁石	137
硫磺	137
果部十八种	138
陈皮核叶肉附	138

青皮	138
枳壳	138
枳实	138
杏仁肉附	138
桃仁花毛虫叶实附	139
大枣	139
乌梅	139
藕皮节莲了莲须荷叶花蒂附	139
枇杷叶实附	139
石榴皮	139
山查	140
梨	140
柿柿干蒂附	140
芡实	140
胡桃	140
龙眼	140
橄榄核中仁附	140
谷部十种	140
麦芽	140
神曲	140
酒	141
醋	141
饴糖	141
胡麻子	141
白扁豆花豆叶附	141
赤小豆	141
芝麻	141
豆豉	141
绿豆	141

卷二

草部四十二种	142
人参	142
黄芪	142
甘草	142
当归	142
川芎	143
山药	143

白术	143	蓬莪术	149
苍术	143	天麻赤箭附	150
芍药赤白二种	143	南星	150
生地黄	143	秦光	150
熟地黄	143	远志小草附	150
知母	144	破故纸	150
贝母	144	葫芦巴	150
黄芩	144	何首乌二种	151
黄连	144	骨碎补	151
大黄	144	威灵仙	151
桔梗	145	牛膝二种	151
天花粉仁与子附	145	黄精	151
半夏	145	蒲黄	151
紫苏	145	续断	151
白芷	145	益母草	152
防风	145	肉苁蓉	152
独活	145	锁阳	152
羌活	145	车前子	152
柴胡	146	紫菀	152
前胡	146	百部	152
香附	146	百合	152
麻黄	146	款冬花	152
葛根	146	马兜铃	153
麦门冬	146	青黛	153
天门冬	147	甘菊	153
五味子	147	薏苡仁	153
升麻	147	牡丹皮	153
藁本	147	兔丝子	153
细辛	147	茴香大小二种	153
连翘	147	砂仁	153
泽泻	147	白豆蔻	154
玄胡索	148	肉豆蔻	154
地榆	148	草豆蔻	154
防己	148	草果	154
常山	148	菖蒲	154
草龙胆	148	黑附子	154
卷三		天雄	154
草部中五十四种	149	乌头	154
玄参	149	乌喙	155
丹参	149	侧子	155
苦参	149	射干	155
红花	149	旋覆花	155
三棱	149	大戟	155

商陆	155
葶苈甜苦二种	155
牵牛子黑白二种	155
草薢	156
木通	156
通草	156

卷四

草部下五十四种	157
灯心	157
石斛	157
石苇	157
白炭藜子	157
青箱子	157
木贼	157
茅根	158
仙茅	158
郁金	158
姜黄	158
牛蒡子	158
紫草	158
白头翁	158
白前	158
白薇	158
白附子	158
蚤休	159
白藓皮	159
芦荟	159
胡黄连	159
泽兰	159
狗脊	159
青蒿	159
草拔	159
王不留行	159
淫羊藿	159
巴戟天	160
兰叶	160
水萍	160
决明子	160
蓖麻子	160
马鞭草	160
芦根	160
蛇床子	160
金银花	160

山豆根	160
艾叶	160
薄荷	161
稀莪	161
蒲公英	161
夏枯草	161
藿香	161
荆芥	161
香薷	161
佛耳草	161
苍耳子	161
茵陈蒿	162
使君子	162
高良姜	162
石莲子	162
合欢皮	162
苋草根	162
刘寄奴草	162
覆盆子	162

卷五

木部五十七种	163
茯苓赤白二种茯神附	163
琥珀	163
松香子花叶节附	164
柏子仁	164
桂分为四种	161
槐实枝皮胶花附	164
木香	165
山梔	165
吴茱萸	165
山茱萸	165
蔓荆子	165
杜仲	165
乌药	166
厚朴	166
黄柏	166
桑白皮枝槩寄生附	166
枸杞子二种	166
地骨皮	167
酸枣仁	167
益智	167
槟榔	167
大腹皮	167

丁香	167
冰片	167
猪苓	167
苏木	168
沉香	168
乳香	168
没药	168
木瓜	168
竹叶苦竹竹沥竹茹附	168
天竺黄	169
金樱子	169
诃黎勒随风子附	169
郁李仁	169
芫荽	169
五加皮	169
楮实树汁附	170
秦皮	170
栲白皮椿皮	170
密蒙花	170
辛夷	170
蕤仁	170
女贞实	170
五倍子百药煎附	170
牙皂皂角刺附	170
巴豆	171
金铃子	171
紫葳	171
雷丸	171
钩藤	171
血竭	171
茶茗	172
阿魏	172
干漆	172
枫香	172
蜀椒	172

卷六

菜部十种	173
生姜	173
干姜	173
莱菔子附	173
白芥子	173
韭根子附	173
蒜	174

胡荽子附	174
葱白	174
冬葵子	174
白冬瓜	174
人部十种	174
乳汁	174
金汁二种	174
尿蛆	174
人溺	174
秋石	175
月水	175
发三种	175
紫河车	175
天灵盖	175
死人枕	175
禽兽部十九种	175
黑嘴白鸭绿豆鸭附	175
乌骨鸡	176
雄雀	176
雀卵	176
伏翼	176
龙骨质附	176
虎骨	176
犀角	176
羚羊角	176
牛黄	177
麝香	177
鹿茸鹿角麝角麝茸附	177
阿胶	178
熊胆	178
腥肭脐	178
狗肉阴茎血附	178
羊肉	178
牛肉牛乳脑角腮胆附	178
猪肉四蹄脏肠肾肚肺心舌油脑膏附	179
虫鱼部二十六种	179
蜂蜜蜡附	179
牡蛎	179
珍珠	179
石决明	179
龟甲龟尿败龟板夹蛇龟附	179
鳖甲肉附	180

蕲州乌蛇·····	180	上鼈虫·····	182
白花蛇·····	180	虻螂·····	182
暇蟆眉酥及肪附·····	180	斑猫·····	182
蝎子·····	181	穿山甲·····	182
五灵脂·····	181	鲫鱼子附·····	182
蜈蚣·····	181	鲤鱼胆血脂肠鳞骨附·····	182
蜗牛·····	181	乌贼骨·····	182
白僵蚕雄蚕蛾附·····	181	鳃鲋鱼骨·····	183
蝉蜕·····	181	鳝鱼血附·····	183
刺猬皮·····	182	蟹爪附·····	183

雷公炮制药性解 卷一

明 云间 李中梓士材编辑

清 吴门 王子接晋三重订

鄞县 曹赤电炳章校点

金 石 部

金银箔，味辛，性平有毒。入心肺二经，主安心神，定惊悸，镇颠狂，除邪热。

按：金银之入肺部，固其类也。其性沉重，能制火脏之轻扬，故亦入心经。过服必中其毒，以鸱鸒肉解之。

黄丹，味辛，性微寒有毒，不载经络，主吐逆颠狂，止痛生肌。

按：黄丹乃熬铅所作，铅本水中之金，最能制火，吐狂等证，何者非火，而有不瘳者乎。

胡粉，味辛，性寒无毒，不载经络。主一切痈肿诸毒，及腐烂肉。杀三虫，破癥结。

按：胡粉一名粉锡，实下化铅所作。能破结杀虫者，其亦镇坠之功歟。

铜青，味苦涩，性平有微毒，不载经络。主敛金疮，治眼暗，止血杀虫，能去腐肉。

按：铜青即铜绿，本醋沃铜上而得其精华。醋能收敛，故敛疮止血，其去腐肉者，亦醋之功。眼乃肝窍，眼之不明，肝之病也，得金之精以制木，而目之暗者从此明矣。

铁浆，味甘涩，性平无毒。入心肺二经。主颠痫狂乱，解诸毒入腹，蛇犬咬伤，镇心神，明眼目，堪洗膝疮，随手而愈。

铁锈，油调之，可敷恶疮疮疥，蒜磨，傅蜘蛛咬伤。

按：铁浆即浸铁，色青，可染皂者。质本金也，宜归肺部；性本沉也，宜镇心家。明

目治漆，皆由伐木之功。铁锈可敷疮毒，亦以发在外者有散之义歟。

水银，味辛，性寒有毒，不载经络。主疹痿痂疡，白秃皮肤，杀虫虱，坠胎绝孕，解金银铜锡毒，熔化还复为丹服之，神仙不死，畏磁石砒霜。

按：水银疗虫疹等证，良由其毒也，又杀五金毒者，盖以其性阴柔，能消五金为泥耳。入耳能食脑至尽，入肉令百节挛缩，倒阴绝阳，性滑重，极易入肉，最宜谨之。能下死胎，可灌尸骸，内传极言其炼服之功。然后世食之者，往往丧生，可为安信者戒。

雷公云：凡草中取者，并朱漆中者，俱不可用。经别药制过者勿用。曾斂近死尸，及半生半死者勿用。若在朱砂中产出者，其水银色微红，收得后用苧芦盛之，免致遗失。若先以紫背天葵，并夜交藤自然汁二味同煮，一伏时其毒自退。若修十两，立用醋二味汁各七钱，和合煮足为度。

轻粉，味辛，性寒有毒，不载经络。主通大肠转胞，诸疮虫癣，小儿疳积，轻明可爱，烧火上走者真。

按：轻粉即水银所升者，本草言其无毒，误也！外科需为要药，但勿轻用服食。今见癰疽方中多用之，必能损人肠胃，不可不戒。其值颇贵，市中多烧凝水石及石膏为粉以乱真，须细辨之。

银朱，味苦辛，性温有毒。止入敷药杀虫，余无他用。

按：银朱亦水银轻脱，中其毒者，令人

发胀至死，可弗慎耶！

密陀僧，味咸辛，性平有毒，不载经络。主皮肤斑点，五痔金疮，嗽呕吐痰，禁疟痢，镇心惊，体重如金色者佳，水飞用。

按：密陀僧一名没多僧，质极重，过服伤人脏。

雷公云：凡使捣令细，于磁锅中安置了，用重纸袋盛柳木末于密陀僧锅中，次下东流水，浸令满，着火煮，一伏时足，去柳木纸袋，取密陀僧用。

丹砂，味甘，生者微寒无毒，炼者大热有毒，入心经，主镇心安神，益气明目，通血脉，除烦满，止消渴，疗百病，杀精祟鬼邪，祛疥疮癣虫。久服成仙，畏碱水，大如鸡卵，形似芙蓉，破之若云母，光明照彻者佳。

按：丹砂之色，属丙丁火，心脏之所由归也，质性沉滞，勿宜多用。青霞子云：入石见火，悉成灰烬，丹砂伏火，化为黄银，能重能轻，能神能灵，能黑能白，能暗能明。太清云：外包入石，内含金精，先禀气于甲，受气于丙，出胎见壬，结魄成庚，增光归戊。阴阳升降，各本其原，考兹二说，则服食成仙之说信矣。自唐世太平日久，膏粱之家，弗得其理，惑于方士，都致殒身，习俗成风，至今未已，斯民何辜，蒙此惨祸，其理渊奥。察之实难，吾愿好事者慎之。

雷公云：凡使宜须细认，取诸般尚有百等，不可一一论之。有妙硫砂，如拳许大，或重一镞一块者，而面如镜，若遇阴气天雨，即镜面上有红紫汁出。有梅柏砂，如梅子许大，夜有光生，照见一室，有白庭砂，如菩提子许大，上面有小星现。有神座砂，不经丹熬，服之则面白延年。其次有白金砂，澄水砂，阴成砂，辰锦砂，芙蓉砂，镜面砂，箭镞砂，曹未砂，土砂，金星砂，平面砂，神水砂，不可一一细述之也。

凡修事朱砂，先于一净室内焚香斋沐，然后取砂以香水浴，拭于即碎捣之，后向钵中

更研，三伏时，即取一磁锅子放了砂子，用甘草，紫背天葵，五方草各锉之，著砂上下，以东流水煮，亦三伏时，勿令水尽，关失时候，约去三分，次入青芝草，山须草半两，盖之，下十斤火煨，从巳至子时方歇。候冷再研似粉。如要服则入熬密丸，如细麻子许大，空腹服一九。如要入药中用，则依此法。凡煨自然炭火，五两朱砂，用甘草二两，紫背天葵一镞，五方草自然汁一镞，同东流水煮过。

钟乳，味甘，性温有毒，入肺肾二经。主泄精寒嗽，壮元气，益阳事，安五脏，通百节，利九窍下乳汁，亦能通声，光润轻松，色如炼硝石者佳，久研忌歇，须用水飞，以掺臂上入肉不见为度，蛇床为使，恶牡丹玄石牡蒙。畏紫石英蓂草。忌羊血。

按：钟乳性温，而状有下行之义，宜入肾经，肺即其母也，故并入之。诸家本草述其功者甚众，惟丹溪以为慊悍之剂，不宜轻用。不炼而服，使人病淋。

雷公云：凡使勿用头粗厚并尾大者，为孔公石，不是色黑，及经大火烧过，并久在地上收者。曾经药物制者，并不得用。须要鲜明薄而有光润者，似鹭翎管子为上，有长五六寸者。凡修事法，以五香水煮过一伏时，然后漉出。又别用甘草、紫背天葵汁渍，再煮一伏时。凡钟乳八两，用沉香、零陵香、藿香、甘松、白茅各一两，以水先煮过一度了。第三度方用甘草等三味，各二两再煮了，漉出拭干，缓火焙之。然后入白杵如粉，节过却入钵中，令有力少壮者两三人不住研，三日夜勿歇，然后用水飞净了，以绢笼之，于日中晒令干，又入钵中，研二万遍，后以磁合收贮用之。

矾石，味酸。性寒无毒，入肺肝二经。主寒热泄痢，白沃阴蚀，诸恶疮癣，清喉痹，除目痛，祛固热，禁泄泻，收脱肛，同皂荚可吐风痰，和蜜、蜡能消痈肿。光明如水晶者佳，甘草为使，恶牡蛎畏麻黄。

按：矾石西方之色，宜入肺家。东方之

味，宜入肝部。肺肝得令，而寒热诸证可无虞矣，然亦收敛之剂，唯宜慎用。

雷公云：凡使须以磁瓶盛，放火中煅，令内外通赤，用钳揭起盖，旋安石蜂巢于赤瓶之中，烧蜂巢尽为度，将钳夹出，放冷敲碎入钵中，研如粉。后于屋下掘一坑，可深五寸，却以纸裹留坑中一宿，取出再研。每修事十两，用石蜂巢六两，烧尽为度，又云：凡使要光明如水晶，酸咸涩味全者，研如粉，于磁瓶中盛。要盛得两三升者。然后以六一泥泥于火畔，炙之令干，乃研了白矾于瓶内，用五方草，紫背天葵二味，自然汁各一盞，旋旋添白矾于火中逼，令药汁干，用盖了瓶口，复以泥泥上下，用火一百斤煅。从巳至未，去火取白矾。瓶出放冷，敲碎取矾，凡若经大火一煅，色如银。自然伏火，铢两不失，搗细研如轻粉，方用之。

禹余粮，味甘，性寒无毒，不载经络。主峻逆寒热烦满，崩中血闭癥瘕，骨节疼痛，四肢不仁，大热痔瘻。牡丹杜仲为使，畏贝母菖蒲铁器。

按：禹余粮，因禹行山中乏食，采此充粮，故以名之，则其无毒可知矣。太乙余粮，本是一种，今诸家往往分别，惟陈藏器所言者近是。

硝石，味苦辛，性大寒有毒，入心脾二经。主六腑积聚燥急，留血闭藏，天行疫痢，伤寒发狂，停痰作痞，肠风痔漏，椎陈致新，解诸石药毒。种种实热，悉可泻除，能坠胎服孕，大黄为使，恶苦参苦菜女菀，畏麦句姜。

按：硝石为太阴之精，宜入心家泻火。而脾即其子也，故并入之。丹溪云：本经言其无毒，误也！能化七十二种石，岂无毒而然乎？分为六种，气味相同，俱善消化驱逐。但朴硝力紧，芒硝马牙硝力缓，硝石风化硝玄明粉，缓而又缓也。以之治病，病退即已。本经称其炼服补益，岂理也耶？经去：热淫于内，治以咸寒，佐以苦寒，古方因之，故都

用大黄佐芒硝耳。

雷公云：凡使先研如粉，以磁瓶子于五斤火中，煅令通赤。用鸡肠菜、柏子仁和作一处，分丸饼子许大，待饼子赤时，投硝石于磁瓶内，其硝石自然伏火。每四两硝石，用鸡肠菜、柏子仁共十五个，钵子尽为度。

滑石，味甘淡，性寒无毒，入胃膀胱二经。主利水道，实大肠，化食毒，行积滞，逐凝血，解燥渴，导乳汁，补脾胃，降妄火，白腻而无黄砂者佳，甘草石苇为使，曾青。

按：滑石甘，宜于中州，淡宜于利水，胃与膀胱之所由入也。利益虽多，终是走泄之剂，无甘草以和之，弗宜独用也。

雷公云：凡使有多般，勿误用之。有白滑石，绿滑石，乌滑石，冷滑石，黄滑石。其白滑石如方解石，色白，于石上书有白腻文便是。绿滑石性寒有毒，不可入药中用，乌滑石，似黑色书石上，有青白腻文，入用妙也。黄滑石似金颗颗圆，书石上有青及黑色者，勿用，杀人。冷滑石青苍色，书石上作白腻文亦勿用。若滑石色似水白青色，书石有腻文者真。凡使先以刀刮，研如粉，以牡丹皮同煮一伏时。出去牡丹皮，取滑石，却用东流水淘过，于日中晒干方用。

石膏，味辛甘。性寒无毒，入肺胃二经。主出汗解肌，缓脾益气，生津止渴，清胃消痰，最理头疼，与方解石相似，须莹净如水晶者真，鸡子为使，恶莽草、马目毒公、巴豆，畏铁。

按：石膏辛走肺，甘走胃，所以主发散，仲景名为白虎，盖有两义，一则以入肺，一则以其性雄。苟胃弱不食，及血虚发热者误用之，为害不浅。

雷公云：凡使勿用方解石，此石虽白，不透明，其性燥。若石膏出剡州若山县义清山，其色莹洁如水晶，性良善也，凡使之，先于石臼中捣成粉，以密绢罗过，生甘草水飞过，去水，令干，重研细，用之良。

青盐，味咸，性寒无毒，入肾经。主明

目。止痛益气，坚筋骨，助水脏，除心腹痛。破聚癖疥疮。一名戎盐，一名胡盐。

按：青盐味咸，肾所宜也，故独入之，水脏既补，则明目坚骨等功，何足异耶？

食盐，味咸，性温无毒，入肾肺肝三经。主鬼蛊邪疰毒气，洗下部蠱疮，吐中焦痰癖，熨疝气及内肾气，止霍乱及心腹卒痛，杀虫去风，明目固齿，白如霜雪者佳。炒研用。

按：食盐之咸，本归肾脏，肺即其母，肝即其子也，故并入之。本草云：食伤筋损肺水，肿及咳嗽血虚者忌之何也？盖以咸走肾，过多则肾不能胜而受伤。于是盗食母气，而肺气亦损，肺损则金还克木，夫肝主筋而藏血，肺主咳嗽而生水，数证之来，宁能免耶？

雄黄，味苦甘，性平有毒，不载经络。主杀精魅鬼邪，蛇虺蛊毒，山岗瘴毒，恶疮死肌，疥癣虫蠹，百节中风，鼻中息肉，中恶腹痛。佩带之，鬼神不敢近，诸毒不能伤，胎妇辅女成男。解藜芦毒，大块透明中无砂石者佳，研细，水飞用。

按：雄黄或以为黄金之苗，今有金窟处无雄黄，则斯言未足深信。夫孕妇佩之能转女胎为男，言若不经，然里中试之者往往获验，则有夺造化之功，非禀太阳之精，恶能臻此。杀蛊辟邪，宜其效矣。中其毒者，以防己解之。

雷公云：凡使勿用黑鸡黄，自死黄，夹臙黄，其臭似雄黄，只是臭不堪用，时人以醋洗之，三两度，便无臭气，勿误用也。次有夹臙黄，亦似雄黄，其内一重黄、一重石，不堪用。次有黑鸡黄，亦似雄黄，如乌鸡头上冠也。凡使要似鸛鸛乌肝色为上。凡修事，先以甘草、紫背天葵、地胆、碧棱花四件，并细锉，每件各五两，雄黄三两，东流水入瓦锅中煮，三伏时，方滤出，捣如粉。水飞澄去黑者，晒干再研，方入药用。其内有劫铁石，又号赴矢黄，能劫子铁。并不入药用。

紫石英，味甘辛，性温无毒，入心经。主咳逆邪气，宁心定惊，补不足，涂肿毒，又

主妇人子户风寒，十年无孕。长石为使，畏扁青、附子，恶黄连、蛇甲、麦句姜。

按：紫石英为镇重之剂，又有紫赤色，心经之所由入也，心主血，妇人得之，则血受温补而胎可结矣。

赤石脂，味甘，性平无毒，入心经。主养心气，明目益精，疗腹痛下痢，痢疽疮痔，女子崩漏产难，下胞衣，恶大黄及松脂，畏茺花。

按：石脂色赤，宜入心经，腹痛诸证，皆火为之殃，崩漏诸证，皆血为之祸，心主血属火，得石脂以疗之，而更何庸虞哉？

寒水石，味辛甘，性大寒无毒，入五脏诸经。主内外大热，时行热渴，腹中积聚，解巴豆毒，凡使须姜汁煮之，汁尽为度，细研用，畏地榆。

按：寒水石即凝水石，性极寒冷，故于五脏靡所不入。过服令人肠胃受寒，不能饮食。陶居云，夏月能为冰者佳，如此则举世不能得矣，似乎失言。

雷公云：凡使先用生姜自然汁煮，汁尽为度，细研成粉，然后用之。每修十两，用姜汁一铢。

花蕊石，味性经络，诸书不载。主金疮止血，产妇血晕，火煨用。

按：花蕊之功，专主血证，能化瘀血为黄水，服之令人大虚，不宜轻用。若多用，服后当以补剂培之。

阳起石，味咸，性温无毒，入肾经。主肾绝阴痿，崩中漏下，癥瘕结气。有云头雨脚及鹭鸶毛者真，桑螵蛸为使，畏兔丝，恶泽泻、官桂、蛇蛻、雷丸，忌羊血。

按：阳起石咸温之品，宜归水脏。崩漏癥结，皆肾虚所。故咸疗之，难得其真，勿宜误用。

蓬砂，味苦辛，性温无毒，入肺经。主消痰止嗽，理喉痹，破癥结，光明莹彻者佳。

按：蓬砂色白味辛，端入肺部，痰嗽等证，皆肺火也，故咸治之。

胆矾，味酸苦辛，性寒有毒，不载经络。主消热杀虫，止惊痫，吐风痰，鲜明者佳。

按：胆矾之功，大抵与白矾同类。惟能止凉，为少遽耳。

青礞石，味辛甘，性平有毒，入肺大肠胃三经，主荡涤宿痰，消磨食积，研末细用。

按：礞石辛宜于肺，甘宜于胃。大肠者，肺家传送之官也，故都入之。大损元气，不可漫用。

无名异，味甘，性平无毒，不载经络。主金疮折伤内损，止痛生肌及长肉，消痈疽肿毒。

按：海内人云：石无名异绝难得，土无名异不甚贵重，岂《本经》说者为石，今所有者为土乎？用时以醋磨涂患处。

玉屑，味甘，性平无毒，入肺经。主除烦止渴，养神明目，宁心定惊，灭瘢痕，滋毛发，助声喉，美颜色。捣如米，苦酒浸之，消如泥，恶鹿角，畏款冬花。

按：玉屑色白性润，宜入肺部。肺得其养，则烦渴诸证何自而生。又主灭瘢云云者，亦以肺主皮毛，功效之所必及也。

自然铜，味辛平，无毒，不载经络。主破积聚，疗折伤，续筋骨，散血排脓，止痛定惊，亦主产后血邪。凡使须捶碎，以甘草水煮过，又用醋浸一宿，以泥包裹之，火煅研细用。

按：自然铜，实铜坑中所产之石也。其色青黄如铜，不从矿炼，故名之。丹溪曰：自然铜，世以为接骨要药，不知接骨在补气补血，补胃补肾。俗医惟冀速效，以罔利而用之，亦未稔其燥散之祸耳。

雷公云：石髓铅，即自然铜也，方使勿用方金牙，其方金牙，真似石髓铅。若误饵，吐杀人，其石髓铅色似于银泥，味微甘。如采得，先捶碎，同甘草汤煮一伏时，漉出令干。入臼中捣了，重筛过，以醋浸一宿至明，用六一泥泥磁器中。约盛得三升以来，放文武火中，养三日夜，才干。便用盖了泥，用

火煅两伏时，去土，研如粉用。若修事五两，以瓷两铤为度。

石燕，性凉无毒，味与经络，诸书不载。主五淋小便不利，肠风痔瘻。妇人产难，两手各握一枚，立验。研细水飞用。

按：《图经》云：石燕出零陵郡，今祁阳县沙洲亦有之，形似蛤而小，其实石也。观其主治，都是行下之功，食疗贤其补益，似矣然耳。

磁石，味辛咸，性寒无毒，入肾经。主周身湿痹，肢节中痛，目昏耳聋，补劳伤，除烦躁消肿毒，令人有了。能吸重铁者佳，入火煅红，醋淬七次，研绝细用。柴胡为使，恶牡丹，芥草，黄石脂。

按：磁石入肾，何也？盖以性能引铁，取其引肺金之气入肾，使子母相生尔，永得全而清，则相火不攻自去，故主治如上。然久服多服，必有大患，勿喜其功而忽其害也。

雷公云：凡使勿误用玄中石并中麻石，此二石真相似磁石，只是吸铁不得，中麻石心有赤，皮粗。是铁山石也。误服之，令人生恶疮，不可疗。磁石一片，四面吸铁一斤者，此名延年沙。四面吸得铁八两者，号曰续采石。四面吸得五两上下者为磁石。凡修事一斤，用五花皮一铤，地榆一铤，故悬十五两，二件并细锉，于石上捶碎，作二三十块，半磁石入磁瓶中，下草药，以东流水煮三日夜，漉出拭干，以布裹之，向大石上再捶，令细，入乳钵中，研极细如尘，以水飞过，又研如粉用之。

硫黄，味酸，性大热有毒，入命门经。主下焦虚冷，阳绝不起，头秃，疽痔癣疥，心腹痰癖，脚膝冷疼，虚损泄精。莹净无夹杂者良。甘草汤煮过用，畏朴硝、细辛、飞廉，忌百般禽兽血。

按：硫黄为火之精，宜入命门补火，盖人有真火，寄于右肾，苟非此火，则不能有生。此火一燃，则万物无父，非硫黄能补者。太清云：硫黄纯阳，号为将军，破邪归

正，返浊还清，挺立阳精，消阴化魄。戴元礼云：热药皆燥，惟硫黄不燥，则先贤常颂之矣。今人绝不用之，诚虞其热毒耳，然有火衰之证，余此莫疗。亦畏而遗之可乎？中其毒者，以猪肉、鸭羹、余甘子汤解之。

雷公云：凡使勿用青赤色，及半白半黄、半赤半黑者。自有黄色如雏鸡初出壳者为真。凡硫四两，先以龙尾蒿自然汁一镒，东流水三镒，紫背天葵汁一镒，粟逐子茎汁四镒，合之搅匀，入瓦锅，用六一泥固济底下，将硫黄碎之，入于锅中，以前件药汁，旋旋添入水煮之，汁尽为度。再以百部末十两，柳虫末二斤，一簇草二斤，细锉之，以东流水并药等同煮硫黄二伏时，去诸药，取出用甘草汤洗了，入钵中，研二万遍，方妙。

果 部

陈皮，味辛苦，性温无毒，入肺肝脾胃四经。主下气消食，化痰破结，止呕咳，定霍乱，疗吐泻，利小便，通五淋，逐膀胱留热，杀寸白诸虫，核治腰痛疽瘤，叶治乳癖胁痛，肉能止渴，多食令人气逆生痰。去白者兼能除寒发表，留白者兼能补胃和中，微炒用，产广中，陈久者良。

按：陈皮辛苦之性，能泄肺部。金能制水，故入肝家，土不受侮，故入脾胃，采时性已极热，如人至老成，则酷性渐减，收藏又复陈久，则多历梅夏，而烈气全消，温中而无燥热之患，行气而无峻削之虞，中州之胜剂也。乃大全以为多用独用，有损脾胃，师心之过耳。

青皮，味苦酸，性温无毒，入肝脾二经。主破滞气，愈用而愈效；削坚积，愈下而愈良。引诸药至厥阴之分，下饮食入太阴之仓，消温疟热甚结母，止左胁郁怒作痛，去肉微炒用。

按：青皮即橘之小者，酸能泻水，宜走肝经，温能辅导，宜归脾部。其性峻削，多

服伤脾虚羸。

枳壳，味辛苦酸，性微寒无毒，入肺、肝、胃、大肠四经。主下胸中至高之气，消心中痞塞之痰，泄腹中滞塞之气，去胃中隔宿之食，削腹内连年之积，疏皮毛胸膈之病，散风气痒麻，通大肠闭结，止霍乱，疗肠风，攻痔疾，消水肿，除风痛。去瓢核麸炒，用陈久者良。

按：枳壳辛归于肺，酸归于肝，大肠者肺之腑也，胃者上焦之腑也，故均入之。刮下枳茹，其效更速。

雷公云：凡使勿用枳实，缘性效不同，若使枳壳，取辛苦酸，并有油，能消一切癖块，陈久年深者为上，用时先去瓢，麸炒过，待麸焦黑取出，用布拭去焦黑，后再捣如粉用之。

枳实，味苦酸，性微寒无毒，入心脾二经。主消胸中之癖满，逐心下之停水，化日久之稠痰，削年深之坚积，除腹胀，消宿食，定喘咳，下气逆。麸炒用。

按：枳实，即枳壳之小者，苦宜于心，脾者心之子也，故并入之。其性猛烈，有冲墙倒壁之功，气弱者忌之。考青皮陈皮同一种，枳壳枳实同一种，但采有迟早，分老嫩而名也。四者主治，咸以导滞为功，然嫩者性酷治下，老者性缓治高之别尔。

杏仁，味甘苦，性温有小毒，入肺大肠二经。主胸中气逆而喘嗽，大肠气秘而难便，及喉痹暗哑。痰结烦闷，金疮破伤，风热诸疮，中风诸证，蛇伤犬咬，阴户痛痒，并堪捣傅，沸汤泡去皮尖炒用。得火良，恶黄芩黄芪，葛根，畏蓂草，解锡毒及中狗肉毒，双仁者能杀人，杏子不可多食，能损筋骨眼目。

按：杏仁入肺者，经所谓肺苦气上逆，急食苦以泻之是也。大肠则共肺为传送者也，宜并入之。考《左慈秘诀》，称杏仁为草金丹，久服成仙，方书又云：服杏仁者，往往至二三年或泻，或脐中出物，皆不可治，二说相背，然杏仁主散，痰从腠理中发散而去，且

有小毒。则方书之说，最为迂理，《秘诀》所言，意者功在法制，亦未可知，然终属虚渺，勿宜尽信。

雷公云：凡使须以沸汤浸，少时去皮膜及尖，擘作二片，用白火石并乌豆杏仁三件，于锅中下东流水煮，从己至未，其杏仁色褐黄，勿用。修治一斤，用白火石一斤，乌豆三合，水旋添，勿令干，断为妙也。

桃仁，味苦甘，性平无毒，入肝大肠二经，主瘀血血闭，癥瘕鬼邪，血燥便结，杀三虫，止心痛。沸汤泡去皮尖炒用。花，主杀鬼疰，悦颜色，利二便，下诸虫。勿用千叶者，令人鼻衄。毛，主血癥积聚崩带诸疾。桃虫，主杀精鬼邪恶不祥，叶，主恶气客忤，阴户生虫痛痒，及疮中虫。桃实，多食令人发热。

按：桃仁行血，宜入肝经，性润，宜入大肠，典术云：桃为五木之精，故花仁子叶，俱能压邪杀鬼。

雷公云：凡使须泡去皮尖，用白术、乌豆二味，和桃仁，同于瓦锅中煮一伏时，后漉出，用手擘作两片，其心黄如金色乃用之，花勿用。千叶者，能使人鼻衄不止目黄。凡用拣令净，以绢袋盛，于檐下悬，令干，用鬼鬬髅，勿使干桃子，其鬼鬬髅，只是千叶桃花结子在树上不落者，于十一月内采得，可为神妙。凡修事以酒拌蒸，从己至未，焙干，以铜刀切片，焙取肉用。

大枣，味甘，性平无毒，入心脾二经。主和百药，益五脏，润心肺，养脾胃，补精气，生津液，通九窍，强筋骨，祛邪气，悦颜色。去核用，杀乌豆毒，忌生葱。

按：枣之入脾者，经所谓五味入口，甘先归脾是也。心则生脾者也，宜并入之。多服能壅脾作胀，而中满及齿痛风疾者，咸非所宜。

乌梅，味酸，性温无毒，入肺肾二经。主生津液，解烦热，止吐逆，阴疰瘵，止久痢，消酒毒，又主皮肤黑点，痹不仁，去核用。

按：乌梅入肺者，经所谓肺欲收，急食酸以收之是也。肾则其所生者也，宜并入之。多食最能损齿。风寒初起，疟疾未久者，不可骤以此收敛也。

藕，味甘，性平无毒，入脾经，主散瘀血，止吐衄，解热毒，消食止渴，除烦解酒，和蜜食之，能肥腹脏，不生诸虫。煮熟食之，能实下焦，大开胃脘。其节尤佳，其皮散血不凝。莲子，主清心醒脾，补中养神，进饮食，止泻痢，禁泄精，除腰痛，久服耳目聪明。宜去心煮熟用。莲须，主益肾涩精。荷叶，主雷头风，破血止渴。荷蒂，主安胎，逐瘀血，留好血，止血痢。

按：藕味甘温，宜归脾脏，脾实裹血，故治血证。多服莲子，令人气滞，多服莲须，令人秘结。荷叶形如仰盂，其象为震，震为雷，属水化风，故治雷头风，枳术丸用之，取其引升少阳经清气耳，荷蒂在中，故能中守，又能行血者，性温之功也。

枇杷叶，味苦，性平无毒，入肺经，主除呕和胃，解渴止嗽，下气清痰。刷去黄毛，密炙用。枇杷，主润五脏，止吐解渴。

按：枇杷叶入肺，苦能泄气故也，不去黄毛，射入肺中，发咳不已，枇杷多食，亦能发热生痰。

雷公云：凡使采得后秤，湿者叶重一两，干者三叶重一两者，是气足堪用。使粗布拭上毛令尽，用甘草汤洗一遍，却用绵再拭令干，每一两以酥一分炙之，以酥尽为度。

石榴皮，味酸涩，性温无毒，入大肠肾二经，主精漏下痢，筋骨风痛，脚膝难行，目流冷泪，肠风下血。杀牙虫，染须发。其子止渴。其花百叶者，主心热，疗吐血。为末吹鼻中，止衄血及金疮血。

按：肠滑则患血痢，肾滑则患遗泄。榴者留也，故入兹二经。然痢积未尽者，不可先以此涩之。多服能变隔成痰，其子不宜过食，能损肺坏齿，其花色赤属火，宜入心家而主血。

雷公云：凡使皮叶根，勿令犯铁，若使石榴壳，不计干湿，先用浆浸一宿，至明漉出，其水如墨汁，若使枝根叶并干，浆水浸一宿，方可用之。

山楂，味甘酸，性平无毒，入脾经。主健脾消食，散结气，行滞血，理疮疡。

按：山楂之甘，宜归脾脏，消食积而不伤于刻，行气血而不伤于荡。产科用之，疗儿枕疼，小儿尤为要药。

梨味，甘，性寒无毒，入心肺二经，主心经客热，肺脏烦热，止嗽消痰，清喉降火，解渴除烦，消风润燥。

按：梨之入心经，所谓以甘泻之是也。火清而金不受烁，故亦入肺经。性冷而利，多食损脾。丹溪曰：梨者利也，流利下行之谓也。乳妇及金疮忌用。

柿，味甘涩性寒无毒，入心肺大肠三经，主润心肺，通耳鼻，消痰嗽，清火热，除渴解酒，祛肠内宿血，止口中吐血。忌同蟹食。柿干润喉降火，补虚杀虫，厚肠止痢。柿蒂，主呃逆。

按：柿之色赤，宜归心脏，性润宜归肺家。大肠则共肺为传送者也，故亦入之。性冷伤脾，不宜多用。若同蟹食，令人腹痛大泻，柿干及蒂，总属寒凉，都能清火。

芡实，味甘，性平无毒，入心肾脾胃四经。主安五脏，补脾胃，益精气，止遗泄，暖腰膝，去湿痹，明耳目，治健忘。

按：芡实之甘，宜归脾胃，土得其宜，则水不受克，火亦无盗食之虞，故又入心肾二经。多食壅气，最难消化，婴儿食之不长，老人食之延年。

胡桃，味甘，性平无毒，入肺肝肾三经。主通血脉，润肌肤，补下元。同松脂可敷癰病，同热酒能理扑伤。去衣用，过食动风生痰。

按：胡桃入肺，故主肌肤，入肝故主血脉。其性属火，能补相火，故亦入肾经。火能克金，多食则伤肺，故能动风生痰。泻痢

及感冒风寒者忌用。

龙眼，味甘，性温无毒，入心脾二经。主补血气，养肌肉，益虚气，美颜色，除健忘，治怔忡，增智慧，明耳目，久服延年。

按：龙眼甘温之品，脾家所悦。心者脾之母也，母无顾子之忧，则心血可，保故入兹，二经然甘能作胀，凡中满气隔之证，均宜远之。

橄榄，味甘涩，性温无毒，入脾胃二经。主开胃下气，消食化酒，治渴止泻，解诸鱼毒，核中仁，可涂口唇燥裂。

按：橄榄甘温之性，宜职脾胃，然性热能致上壅，亦不可多食。

谷 部

麦芽，味甘咸，性温无毒，入脾胃二经，主温中下气，开胃健脾，催生下胎，去宿食，除胀满，止吐逆，破癥结，消痰痞，炒去芒，再炒焦黄研用，蜜为之使。

按：麦芽甘而且温，宜职中州。夫麦性泥滞，不过水浸生芽，气虽少清，性犹未化。攻效何若是殊哉？全在多炒，使其性枯尔，不然是积食矣，岂复能消耶？丹溪云：大麦有火，能生热病，其芽能行上焦滞血，除腹内寒鸣，然多用久服，令人消肾。

神曲，味甘性温无毒，入脾胃二经，主调中止泻，开胃消食，破癥结，逐积痰，除胀满，又主胎上抢心，血流不止，亦能下鬼胎。

按：神曲甘温，为脾胃所喜，故两入之，本小麦面造成，须得六神气者良，不尔，与面饼何异？其法于六月六日用面五斤，象白虎；苍耳草、自然汁一碗，象勾陈；野藜自然汁一碗，象腾蛇；青蒿自然汁一碗，象青龙；杏仁去皮尖五两，及北方河水，象玄武；赤小豆煮熟去皮四两，象朱雀；一如造曲法，悬风处经年用。

雷公云：凡使捣作末后，掘地坑深二尺，

用物裹内坑中，经宿取出，焙干用。

酒，味苦甘，性大热有毒，入十二经。主驱邪气，辟秽恶，御暑露，解瘴疠，温脾胃，破癥结，助药力。厚肠胃，驻颜色，通行血脉，荣养肌肤，忌诸甜物及乳同食。

按：酒之为用，无微不达，故诸经皆入之。主疗虽宏，能发湿中之热，过饮则相火冒炎，肺经受燥，辄致皮嗽。脾因火而困倦，胃因火而呕吐，心因火而昏狂，肝因火而善怒，胆因火而忘闻，膀胱因火而癃闭。甚者，劳嗽吐衄，哮喘虚胀，癰疽疔疽。流渴不小，尚或不节，死亡立至，可不谨乎？

醋，味酸，性温无毒，入肝经。主胃脘气痰，癥瘕积聚，产后血晕，去瘀生新，同胡粉止鼻中血，同雄黄治蜂蝎蛇伤，渍黄柏可治口疮，磨南星可敷瘤病。调飞面堪涂痈肿，和石灰除腋气，反蛤肉。

按：经曰：东方之木其味酸，醋之所以入肝也，能伤筋损齿，不宜多食。

饴糖，味甘，微温无毒，入肺脾二经。主和脾润肺，补虚止渴，消痰理嗽，建中敛汗。

按：肺喜润，脾喜甘，宜饴糖之入二经也。建中汤用之，取其甘缓，丹溪以为能生胃火。此损齿之因，非土制水，乃湿土生火也，中满呕吐及湿热之证，皆不宜服。

胡麻子，味甘，性平无毒，入肺脾二经。主伤中虚羸，补五内，益气力，润肌肤，填脑髓，坚筋骨，疗金疮，止痛除疮，及伤寒温疟，大吐后虚热羸困，利大小肠，催生落胞，久服耳目聪明，辟谷延年，水淘去浮者，酒蒸晒干，去粗皮，留薄皮。

按：胡麻性润而味甘，脾肺之所由归也，仙经需为要药，取其补虚殊胜，脾家有火，大肠燥结者，始为相宜，不然，恐有泄痢之患。

雷公云：凡使有四棱八棱者两头尖，紫黑色者，又呼胡麻，并是误也。其巨胜有七棱，色赤味涩酸是真。又呼乌油麻，作巨胜，亦误者，修事一斤，先以水淘，浮去之，沉者漉出令干，以酒拌蒸，从巳至亥，取出摊

晒干，于臼中舂去粗皮一重，拌小豆，相对同炒，小豆熟，即出去小豆，用之，上有薄皮留用，力在壳也。

白扁豆，味甘，性微温无毒，入脾经。主补脾益气，和中止泻，醋制能疗霍乱转筋，解酒毒及河鲀毒，一切草木毒。叶主蛇虫咬伤，花主赤白带下。

按：扁豆性味，皆与脾家相得，宜独入之，然此剂最为泥腻，惟入健脾药中，则能补脾，若单食多食，极能壅气伤脾，本草称其下气，恐非。

赤小豆，味甘酸，性平无毒，入心经。主消热毒，排痈肿，解烦热，补血脉，止泄泻，下水气，利小便，除大便血，解小麦毒。

按：赤小豆，南方心火之色也，故独入之。经曰：诸疮痛痒，皆属心火，又曰：心主血也，故主疗如上。小肠者，即受盛而与心应者，故亦能利之。衍义曰：久服令人黑瘦结燥，亦以利小便之故耳。

芝麻，味甘。性温无毒，入胃大小肠三经。主行风气，通血脉，滑肠胃，润肌肤，生嚼可敷小儿头疮，麻油主治相同，能杀虫治疥癣，解百毒。

按：芝麻味甘，宜归胃脾，性滑利，宜入大小肠。总是润泽之剂，故能通血脉，血脉通则风气自行，肌肤自润矣。乳母食之，令儿无热病，不宜久食，令人滑精消瘦，发渴困脾，有牙疼及脾胃疾者，尤所当戒。

豆豉，味苦，性寒无毒，入肺经。主伤寒头痛寒热，恶毒瘴气，烦躁满闷，虚劳喘吸。

按：豉之入肺，所谓肺苦气上逆，急食苦以泄之之意也。伤寒瘴气，肺先受之，喘吸烦闷，亦肺气有余耳，向非治耶。

绿豆，味甘，性寒无毒，入心胃二经。主除热毒，厚肠胃，散风消肿下气，补脏养神，留皮用。

按：绿豆寒则入心而泻火，甘则入胃而和中，商锡具称其补益，宜长食之，又堪作枕，能明目，治头痛。

雷公炮制药性解 卷二

明 云间 李中梓士材编辑
清 吴门 王子接晋三重订
鄞县 曹赤电炳章校点

草 部 上

入参，味甘，性微温无毒，入肺经，补气活血，止渴生津，肺寒可服，肺热伤肺，去芦用，茯苓为使，恶卤咸及藜芦。

按：参之用，脏腑均补，何功之宏也。盖人生以气为枢，而肺主气，经所谓相傅之官，治节出焉。参能补气，故宜入肺，肺得其补，则治节咸宜，气行而血因以活矣。古方用以解散，亦血行风自灭之意也。至于津液，藏于膀胱，实上连于肺，故有生津液之功。肺寒者气虚血滞，故曰可服。肺热者火炎气逆，血脉激行，参主上升，且能溶血，故肺受伤也。性本疏通，人多泥其作饱，不知少服则壅，多则反宣通矣。

雷公云：凡使要肥大，块如鸡腿，并似人形者。采得阴干，去四边芦头，并黑者，锉入药中，夏中少使，发心疟之患也。

黄芪，味甘，性微温无毒，入肺脾二经，内托已溃疮疡，生肌收口，外主表虚盗汗，腠理充盈。恶龟甲，白藜皮。

按：黄芪之用，专能补表，肺主皮毛，脾主肌肉，故均入之。已溃疮疡及盗汗，皆表虚也，故咸用之。里虚者忌服，恐升气于表，愈致其虚。表邪者忌服，恐益其邪也。惟表虚邪凑不发汗者，可酌用之，生者亦能泻火。

雷公云：凡使勿用水芪草真相似，只是生时叶短并根黄，先须去头上破皮了，蒸半

日出，后用手擘令细，于槐砧上锉用。熊氏曰：黄芪动三焦之火。

甘草，味甘，平无毒。入心脾二经，生则分身梢而泻火，炙则健脾胃而和中，解百毒，和诸药。甘能缓急，尊称国老，白芷、干漆，苦参为使，恶远志，反甘遂、海藻、大戟、芫花，忌猪肉、菰菜。

按：味甘入脾，为九土之精，安和七十二种金石，一千二百种草木，有调摄之功，故名国老。然性缓不可多用，一恐甘能作胀，一恐药饵无功，惟虚入多热及诸疮毒者，宜倍用，中满及初痢者忌之，所谓脾病人毋多食甘也。

雷公云：凡使须去头尾尖处，其头尾吐人，每斤切长三寸，余劈破作六七。凡使用器中，盛酒浸蒸，从巳至午出，暴干细割，使一斤用酥七两涂上，炙三尽为度，先炮令内外赤黄用良。

当归，味甘辛，性温无毒，入心肝肺三经。头，止血而上行。身，养血而中守。梢破血而下流。全活血而不走。气血昏乱，服之而定，各归所当归，故名。酒浸用，恶茛菪、畏菖蒲、海藻、牡蒙。

按：当归，血药也，心主血，肝藏血，脾裹血，故均入之。用分为四，亦亲上亲下之道也。雷公云凡：一齐用，不如不使，服亦无效，未可尽信，性泥滞风，邪初旺及气郁者，宜少用之。

雷公云：使先去尘，并头尖硬处一分已

来，涑浸一宿，若要破血，即使皂。若要止痛止血，即用头硬实处。若养血，即用中身。若全用，不如不使，服食无效，虽使妙也。

川芎，味辛甘，性温无毒，入肝经，上行头角，引清阳之气而止痛；下行血海，养新生之血以调经。久服令人暴亡。白芷为使，畏黄连，小者名抚芎，主开郁。

按：川芎入肝经，能补血矣，何云暴亡？以其气升阳，其味辛散，善提清气，于上部有功，然宜中病即已。若久用，则虑逆且耗，故有此患，凡气升痰喘火剧中满等证，不宜用之。

山药，味甘，性温无毒，入脾肺肾三经。补阴虚，消肿硬，健脾气，长肌肉，强筋骨，疗干咳，止遗泄，定惊悸，除痢。乳制用。紫芝为使，喜门冬，恶甘遂。

按：丹溪曰：山药属土，而有金与水，宜入脾肺肾而补虚。经曰：虚之所在，邪必凑之，肿硬之谓也。得补则邪自去，脾自健，于是土盛生金，金盛生水，功效相仍矣。然单食多食，亦能滞气。

白术，味苦甘，性温无毒，入脾经。除湿利水道，进食强脾胃。佐黄芩以安胎，君枳实而消痞。止泄泻，定呕吐，有汗则止，无汗则发。土炒用。防风地榆为使，忌桃、李、雀肉、青鱼松菜。

按：白术甘而除湿，所以为脾家要药，胎动痞满吐泻，皆脾弱也。用以助脾诸疾自去，有汗因脾虚，故能止之。无汗因土不能生金，金受火克，皮毛焦热，既得其补脾，又藉其甘温，而汗可发矣。伤寒门有动气者，不宜用之。

苍术，味甘辛，性温无毒，入脾胃二经。主平胃健脾，宽中散结，发汗祛湿，压山岗气，散温疟。涑浸一宿，换涑浸，炒用，使忌同白术。

按：苍术辛甘祛湿，脾胃最喜，故宜入之。大约与白术同功，乃药性谓其宽中发汗，功过于白，固矣。又谓其补中除湿，力不及白，于理未然。夫除湿之道，莫过于发汗，安

有汗大发而湿未除者也？湿去而脾受其益矣。若以为发汗，故不能补中，则古句可以称之为山精。炼服可长生也？亦以其结阴阳之精气。俗医泥其燥而不常用，不知脾为藏主，所喜惟燥，夫有脾气健而诸藏犹受其损者，独火炎土燥脾虚作闷者忌之，恐益其火也。

白芍药，味酸苦，性微寒有小毒，入肝经。主怒气伤肝，胸腹中积聚，腰脐间瘀血，腹痛下痢，目疾崩漏，调经安胎。赤者专主破血利小便，除热明眼目。雷丸、乌药、没药为使，恶石斛，芒硝，畏硝石、鳖甲、小苏，反藜芦。

按：白芍酸走肝，故能泻水中之火，因怒受伤之证，得之皆愈。积聚腹痛，虽脾之病，然往往亢而承制，土及似木之象也。经曰：治病必求于本。今治之以肝，正其本也。目疾与妇人诸证，皆血之病得之，以伐肝邪，则血自生而病自己，故四物汤用之，亦以妇人多气也。今竟称其补血之效而忘其用，可耶？新产后宜酌用之，恐酸寒伐生生之气也，血虚者煖用，痛痢者炒用。

雷公云：凡采得后，于日中晒干，以竹刀刮去粗皮，将蜜水拌蒸，从巳至未，晒干用之。

生地黄，味甘苦，性寒无毒，入心肝脾肺四经。凉心火之烦热，泻脾土之湿热，止肺经之衄热，除肝木之血热。忌见铁器，当归为使，得麦门冬酒良。恶贝母，畏羌莨、莱菔及子。

按：生地黄总是凉血之剂，故入四经以清诸热。老人津枯梗结，妇人崩漏，及产后血攻心者，尤为要药。实脾药中用二三，使脾家永不受邪。血虚寒者忌之。

熟地黄，味甘苦，性温无毒，入心肝肾三经。活血气，封填骨髓；滋肾水，补益真阴。伤寒后胫股疼痛，新产后脐腹难禁。利耳目，乌须发，治五劳七伤，能安魂定魄。使忌畏恶，俱同生地，性尤泥滞，姜酒浸用。

按：熟地黄为补血之剂，而心与肝，藏

血生血者也，故能入焉。其色黑，其性沉阴重浊，经曰：浊中浊者，坚强骨髓，肾主骨，故入之。精血既足，则胫股脐腹之证自愈，耳目须发，必受其益，而劳伤凉平，并可痊矣。

雷公云：采得生地黄，去白皮，磁锅上柳木甑蒸之，摊令气歇，拌酒，再蒸，又出令干，勿令犯铜铁，令人肾消，并白发，男损荣，女损卫也。

知母，味苦，性寒无毒，入肾经。泻无根之肾火，疗有汗之骨蒸，止虚劳之阳胜，滋化源之阴生。勿犯铁器，犯之损肾，烧去毛，盐酒炒用。

按：知母入肾，为生水之剂，水盛则火熄。所谓壮水之主，以制阳光也。口渴干咳眼花目眩，便赤腰痛，褥劳，烦躁不眠，此皆阳盛阴衰之证，服之皆愈。若肺家寒嗽，及肾气虚脱无火者，禁用。

雷公云：凡使先用槐砧上捶挫，烧干，木臼中杵捣。勿令犯铁器。行经上颈。酒炒用。

贝母，味辛苦，性微寒无毒，入心肺二经。清心润肺，止嗽消痰，主胸腹气逆，伤寒烦热，淋漓痼疽，喉痹，金疮，入面疮，癰瘤诸恶疮。去心研用，厚朴白薇为使，恶桃花，畏秦艽、矾石、莽草，反乌头。

按：贝母辛走肺，苦走心，善能散郁泻火，故治胸腹云云等疾。

雷公云：凡使先于柳木火中炮令黄，擘破去肉，口鼻上有米许大者，心一小颗。后拌糯米，于锅上同炒。待米黄熟，然后去米取出，其中有独颗围，不作两片无皱者，号曰丹龙精，不入药中。若误服，令人筋血脉永不收，用黄精小盐汁，合服立愈。

黄芩，味苦平，性寒无毒，入肺大肠膀胱四经。主崩淋热疸，痈痢恶疮，解毒收口，去翳明目，调经安胎。中枯而飘者，泻肺火，消痰利气，除风湿留热于肌表。细实而坚者，泻大肠火，养阴退阳，滋化源，除热于膀胱。山茱萸、龙骨为使，恶葱实，畏丹砂，牡丹，藜芦、沙参，丹参。

按：芩，枯飘者有上升之象，故入肺，坚实者有下行之理，故入大肠诸经，性甚寒，苟无实火，不宜用之。

黄连，味苦，性寒无毒，入心经。主心火炎，目疾暴发，疮疡红肿，肠红下痢，痞满泄泻小儿疳热，消口中疮，惊悸烦躁，天行热疾。黄芩、龙骨、连翘、滑石为使，恶菊花、芫花、玄参、白藜、白僵蚕，畏款冬花，解巴豆、乌头毒，忌猪肉、冷水。

按：黄连味苦泻心，治心火诸病不可缺。泻痢虽属脾经，正由火不能生土，况心与小肠相为表里，心火泻则小便亦利，而肠胃自厚矣。因寒得泻者忌之，又久病气虚，心火不盛者，用之则愈虚，虚火反炽。

雷公云：凡使以布拭去髭毛，然后用浆水浸二伏时，漉出，于柳木火中焙干用。若服此药，得十两，不得食猪肉，若服至三年，一生不得食猪肉也。

大黄，味苦，性大寒无毒，入脾胃大肠心肝五经。性沉而不浮，用走而不守，夺土郁而无壅滞，定祸乱而致太平，名曰将军。又主痈肿及日疾痢疾暴发，血关火闭，推陈致新。黄芩为使，无所畏，锦纹者佳。

按：大黄之入脾胃大肠，人所解也。其入心与肝也，人多不究。昔仲景百劳丸，庶虫丸，都用大黄以理劳伤吐衄，意最深微。盖以浊阴不降则清阳不升者，天地之道也，瘀血不去则新血不生者，人身之道也，蒸热日久，瘀血停于经络，必得大黄以豁之，则肝脾通畅，陈推而新致矣，今之治劳，多用滋阴，频服不效，坐而待毙嗟乎，术岂止此耶？至痈肿目疾及痢疾，咸热瘀所致，故并治之，伤寒脉弱及风寒未解者，禁用。

雷公云：凡使细切，内纹如水旋斑紧重，锉蒸从巳至未，晒干，又漉，腊水蒸，从未至亥，如此蒸七度，晒干，却漉，薄蜜水再蒸一伏时，其大黄酱如乌膏样子，日晒干用之为妙。

桔梗，味辛，性微温，有小毒，入肺经。

主肺热气奔，痰嗽鼻塞，清喉利膈，能载诸药入肺节，皮为使，畏白芷、龙眼、龙胆草。

按：桔梗味辛，故专疗肺疾，下部药中勿用，恐其上载而不能下达也。

雷公云：凡使勿用本梗，真似桔梗，咬之只是腥涩，不堪用凡，使去头尖硬二三分已来，并两畔，附枝子于槐砧上细锉，用百合水浸一伏时，漉出，缓火熬令干用，每修事口两，用生百合五分，捣作膏，投水中浸。

天花粉，味苦，性寒无毒，入肺心脾胃小肠五经。主肺火盛而喉痹，脾胃火胜而口齿肿痛，清心利小便，消痰除咳嗽，排脓消肿，生肌长肉，止渴退烦热，补虚通月经。枸杞为使，恶干姜，畏牛膝、干漆、反乌头。

按：天花粉色白入肺，味苦入心。脾胃者，心之子，肺之母也，小肠与心相为表里，故均入焉。本功清热，故主疗颇多，其理易达，惟曰补虚通经，此甚不可泥也。夫苦寒之剂，岂能大补？以其能清火，则阴得其养，非真补也。月水不通，亦以热闭，热退则血盛经通，非真能通也。此治本穷源之说耳，倘因寒致疾者，可误使哉。子名瓜蒌，主胸痹。仁主润肺下气，止痰嗽，乳痈乳闭，并宜炒用。

半夏，味辛平，性生寒熟温，有毒，入肺脾胃三经。下气止呕吐，闭郁散表邪，除湿化痰涎，大和脾胃。须汤淋十遍，姜矾甘草制用。射干、柴胡为使，恶皂荚，畏雄黄、生姜、干姜、秦皮、龟甲，反乌头，忌羊肉、羊血、饴糖、海藻。

按：半夏味辛入肺，性燥入脾胃，中其毒者，口噤发吐，烦渴及血证勿用，惟气证发渴者不禁。

雷公云：凡使勿用白傍几子，真似半夏，只是咬著误微酸，不入药用。若修事半夏四两，用捣了白芥子末二两，头醋六两，二味搅令浊，将半夏投中，洗三遍用之。半夏上有陈涎，若洗不净，令人气逆肝气怒满。

紫苏，味甘辛，性温无毒，入肺脾二经。叶能发汗散表，温胃和中，除头痛肢节痛，双

面紫者者佳。不敢用麻黄者，以此代之。梗能顺气安胎。子能开郁下气，定喘消痰。

按：辛走肺，甘走脾。辛散之剂，下气最捷，所患者少用之。

白芷，味辛，性温无毒，入肺脾胃三经。去头面皮肤之风，除肌肉燥痒之痹，止阳明头痛之邪，为肺部引经之剂。主排脓托疮，生肌长肉，通经利窍，止漏除崩，明目散风，驱寒燥湿。当归为使，恶旋覆花。

按：白芷味辛，为肺所喜，而温燥为脾胃所喜，宜其入矣。然香燥而发散，主治虽多，能伤气血，不宜多用。

雷公云：凡采得后，勿用四条，低处生者，此名张公藤，兼勿用马蒿，并不入药中，采得后刮削去皮，细锉，用黄精亦细锉，以竹刀切二味等分，同蒸一伏时，候出。于日晒干，去黄精用之。

防风，味辛甘，性温无毒，入肺经。泻肺金，疗诸风，开结气，理目痛。恶干姜、藜芦、白敛、芫花，解附子毒。

按：防风辛走肺，为升阳之剂，故通疗诸风。气之结者，肺之疾也。目之痛者，风之患也，宜并主之。东垣云：卑贱之辛，听令而行，随所引而至，乃风药中润剂也。能泻上焦，元气虚者不概用，今人类犯此弊。

独活，味苦甘辛，性微温无毒，入肺肾二经。主新旧诸风湿痹，颈项难伸，腰背痠疼，四肢挛痿，黄色而作块者为独活。

按：独活气浊属阴，善行血分，斂而能舒，沉而能升，缓而善搜，可助表虚，故入太阴肺，少阴肾，以理伏风。

羌活，味苦甘平，性微温无毒，入小肠膀胱二经。散入表风邪，利周身即痛，排巨阳腐肉之疽，除新旧风湿之证，紫色而节密者为羌活。

按：羌活气清属阳，善行气分，舒而不斂，升而能沉，雄而善散，可发表邪，故入手太阳小肠，足太阳膀胱，以理游风。其功用与独活虽若不同，实互相表里，用者审之。

雷公云：采得后细锉，拌淫羊藿，蒸二日后，晒干去淫羊藿用，免烦人心。

柴胡，味苦，性微寒无毒，入肝胆心胞络三焦胃大肠六经。主伤寒心中烦热，痰实肠胃中，结气积聚，寒热邪气，两胁下痛，疏痛肝木，推陈致新。半夏为使，恶皂荚，畏女菀、藜芦，犯火无效。

按：柴胡气味升阳，能提下元清气上行，以泻三焦火。补中益气汤用之，亦以其能提肝气之陷者，由左而升也。凡胸腹肠胃之病因热所致者，得柴胡引清去浊而病谢矣，故入肝胆等经。《衍义》曰：《本经》并无一字言及治劳，今治劳多用之，误人不小，劳有一种真脏虚损，复受邪热，邪因虚而致劳者，宜用，后世得此数言，凡遇劳证，概不敢用，此所谓侏儒观场，随众喧喝矣。惟劳证不犯实热者，用之亦能杀人，诚所当慎，咳嗽气急痰喘逆者禁用，以其上升也。伤寒初起忌之，恐引邪入少阳经也。

雷公云：凡使茎长软皮赤，黄髭须，出在平川平县，即今银州银县也。西畔生处，多有白鹤绿鹤于此翔处，是柴胡香直上云间，若有过往，闻者皆气爽。凡采得后，去髭并头，用银刀削去赤薄皮少许，却以粗布拭净，细锉用之，勿令犯火，立便无效也。注云：柴胡乃少阳经药也，久服令人肝胆平。

前胡，味苦甘辛，性微无毒，入肺肝脾膀胱四经。主伤寒痰嗽痞满，心腹结气，解热开胃，推陈致新，亦止夜啼儿，佐使畏恶同柴胡。

按：前胡辛可畅肺，以解风寒，甘可悦脾，以理胸腹，苦能泄厥阴之火，温能散太阳之邪。

雷公云：凡使勿用野蒿根，缘真似前胡，只是味粗酸，若误用，令人反胃不受食。若是前胡，味甘气香，凡修事，先用刀刮去苍黑皮并髭，细锉，用甜水浸令润，于日中晒干用之。

香附，味辛甘，性温无毒，入肺肝脾胃

四经。疏气开郁，消风除痒，便醋制用。

按：香附味甘辛，故主发散疏通，以入肺肝脾胃，类称女科圣药者，盖以妇人心性偏热，多气多郁，血因气郁，则不能生耳。不知惟气实血不大虚者宜之。不然，损其气，燥其血，愈致其疾，惜乎未有发明，而俗多受女科圣药一句之累矣！性燥，故便制以润之，性散故醋制以敛之。

麻黄，味甘苦，性温无毒，入肺心大肠膀胱四经。主散在表寒邪，通九窍，开毛孔，破癥结，除积聚。去根节者，大能发汗。根节能敛汗。厚朴为使，恶辛夷，石苇，陈久者良。

按：麻黄端主发散，宜入肺部，出汗开气，宜入心与大肠膀胱，此骁悍之剂也。可治冬月春间伤寒瘟疫，夏季不可轻用，惟在表真有寒邪者可用，或无寒邪，或寒邪在里，或里虚之人，或阴虚发热，或伤风有汗，或伤食等证。虽发热恶寒，其不头疼而拘急，六脉不浮紧者，皆不可用。虽可汗之证，不宜多服，盖汗乃心之液，若不可汗而汗，与可汗而过汗，则心血为之动矣。或至亡阳，或至衄血不止，而成大患。丹溪以麻黄人参同用，亦攻补之法也，医者宜知之。

雷公云：凡使去节并沫，若不尽，服之令入闷，用铜刀剪去节并头，槐砧上用铜刀细锉，煎三四十沸，竹片掠去上沫尽，漉出，熬干用。

葛根，味甘，性平无毒，入胃大肠二经。发伤寒之表邪，止胃虚之消渴，解中酒之奇毒，治往来之温疟，解野葛、巴豆、丹石、百药毒。

按：葛根疗热解表，故入手足阳明，太阳初病未入阳明而头痛者，不可便服以发之，恐引贼入家也，又表虚多汗者禁用。

麦门冬，味甘，性平，微寒无毒，入肺心二经。退肺中隐伏之火，生肺中不足之金。止消渴，阴得其养；补虚劳，热不能侵。去心用，地黄、车前为使，恶款冬、苦瓠，畏

苦参、青葙，忌卿鱼，肥大者佳。

按：麦门冬阳中微阴，夫阳乃肺药，微阴则去肺中伏火。伏火去，则肺金安而能生水，水盛则能清心而安神矣。故能治血妄行，调经和脉。

天门冬，味苦甘，性寒无毒，入肺肾二经。保肺气，不被热扰，定喘促，故得康宁，止消渴，利小便，强骨髓，悦颜色，杀三虫，去伏尸。去心用，地黄、贝母、垣衣为使，畏曾青、忌鲤鱼。

按：天门冬气薄主升，故入肺；味厚为阴，故入肾。虚热者宜之，虚寒者禁用。

雷公云：采得了，去上皮一重，便劈破去心，用柳木甑，烧柳木柴，蒸一伏时，洒令遍，更添火蒸，出曝，去地二尺已来，作小架，上铺天门叶，将蒸了天门冬摊令干用。

五味子，味皮肉甘酸，核中苦辛，且都有咸味，五味俱备，故名。性温无毒，入肺肾二经。滋肾经不足之水，收肺气耗散之金，除烦热，生津止渴，补虚劳，益气强阴。苳蓉为使，恶萎蕤，胜乌头，北产者良。

按：五味属水，而有木火土金，故虽入肺肾，而五脏咸补，乃生津之要药，收敛之妙剂。然多食反致虚热，盖以收补之骤也。如火嗽辄用寒凉，恐致相激，须用此酸敛以降之。亦宜少用，肺火郁及寒邪初起者禁用，小儿尤甚，以酸能钩痰引嗽也。

雷公云：凡小颗皮皱泡者，有白扑盐霜一重，其味酸咸苦辛甘味全者真也，凡用以铜刀劈作两片，用蜜浸蒸，从巳至申，却以浆水浸一宿，焙干用之。

升麻，味甘苦，性微寒无毒，入大肠脾胃肺四经。引葱白散手阳明之风邪，引石膏止阳明之齿痛，引诸药游行四经，升阳气于至阴之下，故名升麻。又主解百毒，杀精物，辟瘟疫，除蛊毒，止泻痢。白芷为使，形轻而坚实青绿色者佳。

按：升麻提气解肌，故入此四经。然奉令之使，不能益人，若下元不足者用此升之，

则下虚而元气益亏矣。药性乃曰：元气不足者，用此于阴中升阳，恐非惟阳气有余而下陷者宜之。若初病太阳证，便服升麻以发阳汗，是引贼入门，亦非所宜也。

雷公云：采得后，用刀刮去粗皮一重，用黄精自然汁浸一宿，漉出，曝干细锉，蒸了曝干后用之佳。

藁本，味苦辛，性微温无毒，入小肠膀胱二经。主寒气客于巨阳之经，若头痛流于颠顶之上，又主妇人疝瘕，阴中寒肿痛，腹中急疼，恶茴茹，畏青箱子。

按：藁本上行治风，故理太阳头痛，下行治湿，故妇人诸证，风湿俱治，功用虽匹，尤长于风耳。

细辛，味辛，温无毒，入心肝胆脾四经。止少阴合病之苗痛，散三阳数变之风邪，主肢节拘挛，风寒湿痹，温中气，散死肌，破结气，消痰嗽，止目泪，疗牙疼，治口臭，利水道，除喉痹，通血闭。独活、曾青、枣根为使，恶狼毒、山茱萸、黄芪，畏硝石、滑石，反藜芦，忌生菜、狸肉，华阴者良。

按：细辛辛温，宜入心肝等经，以疗在里之风邪，其气升阳，故上部多功。然诸证犯寒者可用，若因火热属阳证者忌之，单服末不可过半钱，多则气塞不通者死。

雷公云：凡使一叶，拣双叶，服之害人，须去头上，田瓜水浸一宿，至明漉出，晒干用。

连翘，味苦，性微寒无毒，入心肝胆胃三焦大肠六经。泻六经之血热，散诸肿之疮疡，利小肠，杀白虫，通月经，疗五淋，破癰瘤，解痘毒。鼠黏子为使。

按：连翘苦寒虽泻六经，而心经为最，诸疮淋闭等证，俱属心火，故能疗之。药性曰：除六经热，与柴胡同功，然此治血热，柴胡治气热之别耳。

泽泻，味甘咸，性寒无毒，入膀胱肾三焦小肠四经。主去胞垢，退阴汗，治小便淋涩仙药，疗水病湿肿灵丹。畏海蛤，文蛤，色

白者佳。

按：泽泻下降为阴，专主渗泄，宜入膀胱诸经，其行水之功，过于猪苓。《衍义》曰：小便既多，肾气焉得复实。扁鹊曰：多服病人眼。《药性》曰：令人面光无子，乃本草称其补虚明目治泄精消渴，《珍囊》注其生新水止虚烦，恐无是理。即六味丸中用之，以其渗去脾湿，退命门火为向导尔。又《药性赋》云：补阴不足，盖以补阴之功不足也。后世不察，谓其可以补阴分之不足，大失本旨。

扁鹊云：多服病人眼，一名水泻，一名及泻，一名芒芋，一名鹄泻。生汝南汝泽，五月八月，采根阴干。

实味，甘无毒，主风痹消渴，益肾气。强阴补不足，除邪湿，久服面生光，令人无子，九月采。

雷公云：不拘多少，细锉，酒浸一宿，漉出晒干任用也。叶味咸无毒，主大风，乳汁不出，产难，强阴气，五月采。

玄胡索，味苦辛，性温无毒，入心肺脾胃四经。活精血，疗产后之疾，调月水，主胎前之证，一切因血作痛之证并治，酒炒行血，醋炒止血，生用破血，炒用调血。

按：玄胡索可升可降，为阴中之阳，故能行上下四经，此理血之剂也苟非血证，用之无益。

地榆，味苦甘酸，性微寒无毒，入大肠肝二经。主下部积热之血痢，止下焦不禁之月经，又主金疮，除恶肉，崩中带下。得发良，恶麦门冬。

按：地榆沉寒属阴，专入肝肠以理下焦，血证有热者宜之，若虚寒下陷，血衰泄泻者勿用。

防己，味辛苦，性平温无毒，入十二经。尤善腰以下至足湿热肿盛，疗中风手脚挛急，口眼喎斜，疥癣虫疮，止嗽消痰，利大小便，去留热。垣衣为使，恶细辛、草薢，杀雄黄毒。

按：防己为阳中之阴，于经络无所不入。

又主降，故下部多功，象之于人，则险而健者也。用之当，则可展其能。一不当，而反阶之祸。惟十二经真有湿热壅塞，及膀胱积热，下注脚气，此诚要药，无可代者。然臭味拂人，妄服之令人减食。其不可用有四：若饮食劳倦，元气既亏，而以防己泄大便，则重亡其血，一也；发渴引饮，热在肺经气分，防己乃下焦血药，二也；外伤风寒，邪传肺部，以至小便黄赤不通，此上焦气分禁忌血药，三也；久病之后，津液不行，此上焦虚渴，宜补宜甘温，若用苦寒之剂，则速其危，四也。分木汉二种，即根苗为名，汉主水气，木主风气为少异耳。

雷公云：凡使勿使水条，以其水防己黄腥，皮皱，上有了足，子不堪用，夫使防己。要心花大黄色者佳，车前草根相对同蒸半日后，出晒，车前草去之，细锉用。

常山，味苦辛，性微寒有毒，入肝经。最开结痰，专理疟疾，毒令人吐。恶生葱、菰菜及醋。苗名蜀漆，鸡骨者良。

按：丹溪云：常山属金，宜伐肝邪，然其性酷，下咽令人大吐，伤脾损胃，惟精壮与痰实者宜之，老人小儿及虚弱久病勿用。

雷公云：凡使春使茎叶，夏秋冬用根，用酒浸一宿，至明漉出，日干，熬捣炒用，勿令老人久病服之，大忌。

草龙胆，味苦涩，性寒无毒，入肝胆肾膀胱四经。退肝经之邪热，除下焦之湿肿，明目定惊，治疸止痢，能杀疳虫。小豆、贯众为使，恶防葵、地黄。

按：《图经》龙胆秋令开花冬间结实，属金与水，金能制木，水入肾家、胆与膀胱，乃肝肾同部之腑也，故均入焉。夫目得肝血而能视，肝得肾水而后生，今益肾清肝，目之受明所自来矣。惊疳痘痢，皆肝胆证也，何弗治耶？

雷公云：采得后阴干，欲出时，用铜刀切去髭上头丁，于甘草汤中浸一宿，至明漉出，晒干用，勿空腹食之，令人溺不禁。

雷公炮制药性解 卷三

明 云间 李中梓士材编辑

清 吴门 王子接晋三重订

鄞县 曹赤电炳章校点

草 部 中

玄参，味苦咸，性微寒无毒，入心肺肾三经。主腹中寒热积聚，女子乳痈诸疾，补肾气，除心烦，明眼目，理头风，疗咽喉，消瘰瘤，散痈肿，解热毒。恶黄芪、干姜、大枣、山茱萸，反藜芦，勿犯铜器，饵之噎喉损目。

按：玄参气轻清而苦，故能入心肺，以清上焦之火，体重浊而咸，故能入肾部，以滋少阴之火，所以积聚等证，靡不疗之。

雷公云：凡采得须用蒲草重重相隔，入甑茈两伏时，后出晒干，使用时勿令犯铜器，饵之坠入喉，损人目，拣去蒲草用之。

丹参，味苦，性微寒无毒，入心经。养神定志，破结除癥，消痈散肿，排脓止痛，生肌长肉，治风邪留热，眼赤狂闷，骨节疼痛，四肢不遂。破宿血，补新血，安生胎，落死胎，理妇人经脉不调，血崩带下。

按：丹参色赤属火，味苦而寒，故入手少阳经，以疗诸般血证。

苦参，味辛，性寒无毒，入胃大肠肝肾四经。主结气积聚，伏热黄疸，肠风燥渴，溺有余沥，逐水消痈，明目止泪，去湿杀虫疗大风及一切风热细疹。以糯米泔浸一宿，去浮面腥气，晒用。玄参为使，恶贝母、漏芦，免丝子，反藜芦。

按：苦参属水，有火性下降，本少少阴心，又入手足阳明及足厥阴经者，以其善主

湿也。盖胜则生热，热胜则生风，而结气等证，从兹有矣。今以苦参燥湿，治其本也。东南卑湿，尤为要药。丹溪曰：能峻补阴气，或得之而腰重者，以其气降而不升，非伤肾也。

雷公云：凡使不计多少，先须用糯米浓泔浸一宿，上有腥秽气，并在水面上浮去，须重重淘过，即蒸，从巳至申，出晒干，细锉用之。

红花，味辛，性温无毒，入心肝二经。逐腹中恶血，而补血虚。除产后败血，而止血晕。疗跌扑损伤，疮毒肿胀，老人血少便结，女子经闭不行，催生下胎衣及死胎。酒渍用，其苗生捣敷肿毒，其子吞数粒，主天行痘疮不出。

按：红花下行血海，宜入足厥阴而逐血。洁古云：苦温为阴中之阳，故又入手少阴而补血，然长于行血，欲其补血须少用，或佐补剂。

三棱，味苦，性平无毒，入肺脾二经。主行气行血，多年癥癖如石，能消为水，面裹煨。醋炒用。

按：三棱为血中气药，脾裹血，肺主气，宜并入焉。盖血随气上，气聚则血下流，故生癥癖之患，非三棱不治，然有新关之势，虚人忌之。

蓬莪术，味苦辛，性温无毒，入肺脾二经，开胃消食，破积聚，行瘀血，疗心疼，除腹痛。利月经，主奔豚，定霍乱，下小儿食积。

按：蓬莪术与三棱相似，故经络亦同，但

气中血药为少异尔，性亦猛厉，但能开气，不能益气，虚人禁之，乃大便谓气短不能续者亦宜用之，过矣。即大小七香丸，集香丸，都用以理气，岂用以补气乎？欲其行先入血则醋炒，欲其先入气则火炮，三棱亦然。

雷公云：凡便于沙盆中用醋磨令尽，然后于火畔吸令干，重筛过用之。

天麻，味辛，性平无毒，入肝膀胱二经。疗大人风热眩晕，治小儿惊悸风痫，祛诸风麻痺不仁，主瘫痪语言不遂，利腰膝，强筋力，活血脉，通九窍，利周身，疗痲肿。湿纸裹煨用，无畏忌，苗名赤箭，主用略同。

按：天麻去风，故入厥阴。去湿，故入膀胱。真有风湿，功效若神。痲肿之证，湿生热也，宜亦治之。赤箭用苗，有自表入里之功。天麻用根，有自内达外之理。不宜同剂，反致无功。

雷公云：凡使勿用街风草，缘与天麻相似。只是叶茎不同，其街风草根茎瓣叶皆自有青点，使街风草根，切勿使天麻，二件误用，即令人有肠结之患。修事天麻十两，用蒺藜子一镞，缓火熬煎，熟后便先安置天麻十两于甑中，只用火熬过，蒺藜子盖，内外再用三重纸盖，并击，从巳至未时，又出蒺藜子，再入熬炒，存前天麻瓶内，用炒蒺藜子于中，依前盖。又隔一伏时取出，如此七遍，瓶盛出后，用布拭上气汗，用刀劈焙之，细锉，单捣。若用街风草，修事法亦同天麻一般。

南星，味苦辛，性平有毒，入脾肺二经。主中风牙关紧闭，痰盛麻痺，下气破坚积，消痲肿，利胸膈，散气坠胎，捣敷疥癬疮毒，并蛇虫咬伤。沸水泡七次，以牛胆汁收其沫入胆，久悬风处更佳，畏附子干姜、生姜。

按：肺受风邪，脾多痰饮，南星专主风痰，故并入二经。味辛主散，所以消痲坠胎，及疗疥癬等疾。大抵与半夏同功，但半夏辛而能守，南星辛而不守，其燥急之性，甚于半夏。故古方以牛胆苦寒之性制其燥烈，且

胆又有益肝镇惊之功，小儿尤为要药。丹溪曰：南星欲其下行，以黄柏引之。

秦艽，味苦辛，性微温无毒，入胃大小肠三经。主骨蒸，肠风泻血，活筋血，利大小便，除风湿，疗黄疸，解酒毒，去头风。菖蒲为使，罗纹者佳。

按：秦艽苦则涌泄，为阴，故入大小肠以疗诸湿；辛则发散，为阳，故入阳明经以疗诸风骨蒸之证；亦湿胜风淫所致，宜并理之。

雷公云：凡使秦艽，须于脚文处，认取左文，列为秦，治疾，右文列为艽，即发脚气。凡用秦艽，以布拭去黄白毛尽，然后用還元汤，浸一宿，日晒干用之。

远志，味苦，性温无毒，入心肾二经。补不足，除邪气，益智慧，明耳目，宁怔忡，定惊悸，利九窍，治健忘，壮阳道，益精气，长肌肉，助筋骨，及妇人血禁失音，小儿惊风客忤，皮肤热，面目黄，久服悦颜色延年。汤泡，去心用，得茯苓、冬葵子、龙骨良，畏珍珠、藜芦、蜚蠊齐始，忌诸肉、生葱、冷水，杀天雄、附子毒，叶名小草，主萝泄。

按：远志苦入心经，温能滋肾，而不足等证，咸本二经，故都治之。

雷公云：远志凡使先须捶去心，若不去心，服之令人闷，去心了，用熟甘草汤浸一宿，漉出，晒干用之。

破故纸，味苦辛，性大温无毒，入肾经。主五劳七伤，阳虚精滑，腰痛膝冷，囊湿肾寒。酒浸一宿，水浸三日，蒸用，恶甘草，忌羊肉、羊血、芸薹。

按：破故纸苦能坚肾，且性大温，故专走少阴，然气燥不宜多用，命门有火及津枯者忌之。

葫芦巴，味苦，性温无毒，入肾膀胱二经。得桃仁，大茴，疗膀胱疝气；得硫黄、黑附，理肾脏虚寒。

按：葫芦巴虽入肾与膀胱，考诸《本经》，无佐使不能独成功也。

何首乌，味苦甘涩，温无毒，十二经络所不收。观其藤夜交，乃补阴之剂也。消癰痈，散痈肿，疗五痔，止肠风，乌须发，美容颜，补劳瘦，助精神，长肌肉，坚筋骨，添精髓，固腰膝，除风湿，明眼目，及治妇人产后带下诸血。老年尤为要药，久服令人多子延年。去粗皮酒浸，拌黑豆末蒸之，水中复加黑豆及酒，晒干，九次为度。春夏采鲜者，赤白合用，兼补气血，茯苓为使，畏猪羊血、无鳞鱼、萝卜，忌铁器。

按：何首乌大能补益，全在蒸晒如法，大者剖开，其中有鸟兽山岳之形，亦神物也。传云：五十年如拳大，号山奴，服之一年，发鬓青黑。百年如碗大，号山哥服，服之一年，颜色红悦，一百五十年如盆大，号山伯，服之一年，齿落重生，二百年如斗大，号山翁，服之一年，颜如童子，行及奔马，三百年如栲栳大，号山精，服之一年，延龄益算，纯阳之体，久服成仙，迩来渐能用之，惜未能如法制之耳。

骨碎补，味苦，性温无毒，入肾经。主折伤，补骨碎，去毒风疼痛，固齿牙，疗蚀疮，杀诸虫。去毛细锉，蜜拌蒸，晒干用。

按：骨碎补温而下行，专入肾家，以理骨病。齿者骨之余也，故能固之。又能杀虫者，盖以虫生于湿，今能去毒风，而虫之巢穴捣矣，岂能生耶？

雷公云：凡使采得后，先用铜刀刮去上黄赤毛尽，便细切，用蜜拌令润，架柳甑蒸一日后，出曝干用，又干宁。记云：去毛细切后，用生蜜拌蒸，从巳至亥，照前曝干捣一用炮猪肾空心吃，治耳鸣，亦能止诸杂痛。

威灵仙，味苦，性温无毒，入十二经。主诸风，宣通五脏，去腹内冷滞，心胸痰水，久积癰癖，膀胱恶水，腰膝冷疼，两足肿满，又疗折伤。忌面及茶茗、牛肉、牛乳，采时不闻流水声，铁脚者佳。

按：威灵仙可升可降，为阴中之阳，故于经络无所不入。丹溪云：属阳，故于肝

多功，治痛风之要药也。其性好走，多服疏人五脏真气，然风注痛疼非此不除，中病即已，不宜多用。

牛膝，味苦酸，性平无毒，入肾经。补精气，利腰膝，填骨髓，除脑漏，祛寒湿，破血结，通月经，坠胎孕，理膀胱气化迟难，阴中作痛欲死。去芦，酒浸一宿用，恶龟甲、萤火、陆英，畏白前白、藓皮，忌牛肉。

按：丹溪云：牛膝引诸药下行，宜入足少阴以理诸疾，妇人得之，应归血海，故行血有功。脾虚气陷及腿膝肿者，不宜用之。有二种，土牛膝所禀薄，故短而细主破血，气川牛膝，所禀厚，故肥而长，主补精髓，竹木刺入肉，涂之可出。

雷公云：凡使去头并尘土了，用黄精自然汁浸一宿，漉出，细锉，焙干用。

黄精，味甘，性平无毒，入脾肺二经。补中益气，除风湿，安五脏，驻颜色，久服延年。

按：黄精甘宜入脾，润宜入肺，久服方得其益，实胜于根，花胜于实，但难辨尔，与钩吻相似，然钩吻有毛钩二个，误服杀人。

雷公云：凡使勿用钩吻，真似黄精，只是叶有毛子二个，是则认处，误服害人，黄精叶似竹叶，凡采得以溪水洗净后蒸，从巳至午，刀薄切，晒干用。

蒲黄，味苦，性平无毒，入肝经。生用则性滑，主行血，通经堕胎，消瘀排脓，利小便，祛心腹膀胱热。炒用则性涩，主止血，除崩漏带下，一切吐衄血，痢血尿血，肠风下血，止精泄，定儿枕痛。忌见铁器，宜隔纸焙黄蒸之，再焙用。

按：蒲黄主血，而肝藏血，故独入焉，仙经用之，亦以多功于血耳。

雷公云：凡使勿用松黄并黄蒿，其二件全似，只是味异，凡饮使蒲黄，须隔三重纸焙，令色黄，蒸半日，却焙，令干用之妙。

续断，味苦辛，性温无毒，入肝肾二经。主伤寒不足，折伤金疮诸痈肿，治漏尿血，益

气力，续筋骨散诸血，暖子宫，疗腰痛，缩小便，止梦泄，利关节，调血和血，生肌止痛。酒浸一宿，焙干用，地黄为使，恶雷丸。

按：肾主骨而藏精，肝主筋而藏血，续断补精血而理筋骨，宜入此二经矣。胎产之证，尤为要药。

雷公云：凡使勿用草茆利，真似续断，若误用，服之令人筋软。采得后，横切锉之，又去向里硬筋了，用酒浸一伏时，焙干用。

益母草，味辛甘，性微寒无毒，入诸阴经。主行血养血，安胎利产，消浮肿恶毒疗疮，治头风血虚目疾，癰疹发痒，堪作浴汤。子名茺蔚，益精明目，除水气，疗血逆大热，头痛心烦，下腹中死胎，理产后血胀。

按：益母本功治血，故入诸阴之经，行血而不伤新血，养血而不滞瘀血，所以为胎产圣药。又能消疮肿者，取其行血，而且辛甘发散也。

肉苁蓉，味甘酸咸，性微温无毒，入命门经。兴阳道，益精髓，补劳伤，强筋骨，主男子精泄尿血，溺有遗沥，女子瘕痛崩带，宫寒不孕，酒浸一宿，去浮甲，劈破中心，去白膜，蒸半日，酥炙用。润而肥大者佳。

按：苁蓉性温，为浊中之浊，故入命门而补火，惟尺脉弱者宜之，相火旺者忌用，多服令人大便滑。

雷公云：凡使先须清酒浸一宿，至明，以板刷去上沙土浮甲尽，劈破中心，去白膜一重，如竹丝草样，是此偏隔人心，前气不散，令人上气不出。凡使先用酒浸并刷净，去蒸，从午至酉出，又用酥炙佳。

锁阳，味甘咸，性温无毒，入肾经。补阴虚，固髓，润大便燥结。宜酥炙用。

按：锁阳咸温，宜入少阴，《本经》不载，丹溪续补，以其固精，故有锁阳之名。主用与苁蓉相似，老人枯闭，最为要药。大便不实者忌之。

车前子，味甘，性寒无毒，入肝膀胱小肠三经。主淋沥癰闭，阴茎肿痛，湿疮泄泻，

赤白带浊，血闭产难。炒细研用，常山为使。根叶主金疮，功用同子。

按：车前子利水，宜入足太阳；行血，宜入足厥阴。然逐水之剂，多损于目，本草云明目者，以其清肝热，如釜底抽薪，非因泄水之功也。

紫菀，味苦辛，性温无毒，入心肺二经。主咳逆上气，痰喘吐衄，补虚劳，安五脏。水洗净，蜜炙用，款冬为使，恶天雄、瞿麦、雷丸、远志，畏茵陈蒿，紫色润软者佳。

按：紫菀苦能入心，而泄上炎之火；辛能入肺，而散结滞之气。行气养血，专治血痰，为血癆要药。

雷公云：凡使先去髭有白练色者，号曰羊须草，自然不同。采得后去头上了，用东流水淘洗令净，用蜜浸一宿，至明，于火上焙干用，凡修治一两，用蜜二分。

百部，味甘苦，性微寒，有小毒，入肺经。主肺热咳逆，传尸骨蒸。杀疳疔疳白诸虫及虱，竹刀劈开，去心，酒浸用。

按：百部专疗咳嗽，宜入肺经，而小毒，故能杀虫也。

雷公云：凡采得后，用竹刀劈破，去心皮，花作数十，于簷下悬。令风吹，待干后，却用酒浸一宿，漉出焙干，细锉，用葱一颗，自有八十三条者焙干，号曰地仙苗，若修事饵之寿长。

百合，味甘，性平无毒，入心肺大小肠四经。主鬼魅邪气，热咳吐血，润肺宁心，定惊益志。攻发背，消痈肿，除胀满，利二便。

按：百合性润，故入心肺诸经，虽能补益，亦伤肺气，不宜多服。

款冬花，味苦辛，性温无毒，入心肺二经。主中风喉痹，肺痿肺癰，润心肺，止咳嗽，除痰喘，定惊，洗肝明目。杏仁为使，得紫菀良。恶皂荚、硝石、玄参，畏贝母、辛夷、麻黄、黄芪、黄芩、黄连、青箱。

按：款冬辛甘发散为阳，故入心肺，以理痰嗽等证，畏恶甚多，用者审之。

雷公云：凡采得须去向外裹花蕊壳并向里实如栗零壳者并枝叶，甘草水浸一宿，待捣碎，才煎两件，半了用。

马兜铃，味苦，性寒无毒，入肺经。主清肺，除咳嗽痰喘，治血痔漏疮。根名青木香，下毒甚速。

按：马兜铃专主手太阴经，何以治痔漏之证也？良以肺与大肠相为表里，肺遗热于大肠，故有此证，令清其表而里病自愈矣。

雷公云：凡使采得后去叶并蔓，用生绢袋盛，于东屋角畔悬，令干，劈开去隔膜，取净子焙用。

青黛，味苦甘，性寒无毒，入肝脾二经。除郁火，解热毒，止下痢，杀诸虫，治小儿疳虫消瘦，惊痫邪气，唇焦口渴，上膈稠痰，疗伤寒赤斑，面黄鼻赤。

按：青黛色青属木，味甘属土，宜入厥阴太阴，以理诸热之证。

甘菊味，甘微苦，性平无毒，入肺脾肝肾四经。能补阴气，明目聪耳，清头风及胸中烦热，肌肤湿痹。枸杞根、桑白皮、苍白术为使。

按：丹溪曰，菊花属金，而有土于水，大能补阴。宜入肺肝等经，盖烦热诸证，皆由水不足而火炎，得此补阴，则水盛而火自息矣。须用味甘者佳，若苦者为苦菊，大伤胃气，慎之。

薏苡仁，味甘，微寒无毒，入肺脾肝胃大肠五经。利肠胃，消水肿，祛风湿，疗脚气，治肺痿，健脾胃。

按：薏苡仁总湿热，故入上下五经，盖受热使人筋挛，受湿使人筋缓者，可用。若受寒使人筋急者，忌之，势力和缓，须多用见效。

雷公云：凡使勿用秠米，裸大无味，其秠米时人呼梗秠是也，若薏苡仁颗小色青味甘，咬著黏人齿，用一两，以糯米一两同熬，令糯米熟，去米取使，若更以盐汤煎之，则是一般修事。

牡丹皮、味辛苦，性微温无毒，入肝经。治一切冷热血凝滞，吐衄血瘀积血，跌扑伤血，产后恶血。通月经，除风痹，催产难。畏兔丝子，忌蒜。

按：丹皮主用，无非辛温之功，禹锡等言其治冷，当矣。本草曰性寒，不亦误耶！夫肝为血舍，丹皮乃血剂，固宜入之，本功专行血，不能补血，而东垣以此治无汗骨蒸，六味丸及补心丹皆用之，盖以血患火烁则枯，患气郁则新者不生。此剂苦能泻阴火，辛能疏结气，故为血分要药。

雷公云：凡采后日干，用铜刀劈破，去骨细锉，如大豆许，用清酒浸蒸，从巳至未，出日晒干用。

兔丝子，味甘辛，性平无毒，入肾经。主男子肾虚精寒，腰膝冷痛，茎中寒，精自出，溺有余沥，鬼交泄精，久服强阴坚骨，驻颜明目轻身，令人多子。浸五宿，蒸熟，杵作饼，晒干研用。山药，松脂为使，恶蠹菌。

按：雷公云：兔丝子禀受中和，凝正阳气，故宜入补少阴，温而不燥，不助相火，至和至美之剂，宜常用之。

雷公云：凡使勿用天碧草子，其样真相似。只是天碧草子，味酸涩，并黏，不入药用，其兔丝子禀中和正阳之气所结，补卫气，助人筋脉。采得去粗薄壳，用苦酒浸二日，漉出，用黄精自然汁浸一宿，至明，微用火煎至干，入臼中热烧，铁杵三千余成粉，并黄精自然汁与兔丝子相对用之。

茴香，味辛甘，性温无毒，入心脾膀胱三经。主一切臭气，肾脏虚寒，癰疽肿痛及蛇伤。调中止呕，下气宽胸。又有一种小茴，气味稍薄，然治膀胱冷痛疝气尤奇。

按：茴香气厚，为阳中之阳，故入少阴太阴，以理虚寒诸证。虽辛温快脾，亦能耗气，今内相都入煎煑油腻之物，与火无异，久则致疾，深宜戒之。

砂仁，味辛，性温无毒，入脾胃肺大小肠膀胱肾七经。主虚寒泻痢，宿食不消，腹

痛心疼，咳嗽，腹满奔豚，霍乱转筋，祛冷逐痰，安胎止吐，下气化酒食。炒去衣研用。

按：砂仁为行散之剂，故入脾胃诸经，性温而不伤于热，行气而不伤于克，太阴经要剂也，宜常用之。

白豆蔻，味辛，性温无毒，入肺脾胃三经。主消寒痰，下滞气，退目中翳，止呕吐，开胃进食，除冷泻痢及腹痛心疼。炒去衣研用，白而圆满者佳。

按：白豆蔻辛宜入肺，温为脾胃所喜，故并入之。大抵辛散之剂，不能补益，药性称其补上焦元气，恐无是理。但不甚克削耳，世俗不察而信之，误人不小。治寒气神效，肺肾中有火及虚者忌之。

肉豆蔻，味苦辛。性温无毒，入肺胃二经。疗心腹胀痛，卒成霍乱，脾胃寒弱，宿食不消，虚冷泻痢，小儿伤乳吐泻，尤为要药。糯米粉裹煨，忌见铁器。

按：肉豆蔻即肉果，辛温之性。宜入脾胃，有未去之积者，不可先用。

雷公云：凡使须以糯米作粉，使热汤搜裹豆蔻于糖灰中炮，待米团子焦黄熟，然后出去米，其中有子取用，勿令犯铁。

草豆蔻，味辛，性热无毒，入脾胃二经。主风寒客邪在胃。其余与白者同功，而性尤燥急，不及白蔻有清高之气。

按：草豆蔻辛温发散，故入脾胃而主风寒。多食大损脾胃，《衍义》谓其虚弱不食者宜此，恐非，胃火者大忌。

雷公云：凡使须去蒂并向里子后，取皮，用茱萸同于锅上缓炒，待茱萸微黄黑，即去茱萸，取草豆蔻皮及子，杵用之。

草果，味辛，性温无毒，入脾胃二经。主疟疾胸腹结滞，呕吐胃经风邪。

按：草果辛温发散，与草蔻同功，故经络亦同，多食亦损脾胃，虚弱及胃火者亦忌之。

菖蒲，味辛，性温无毒，入心脾膀胱三经。主风寒湿痹，咳逆上气，鬼疰邪气，通

九窍明耳目，坚牙齿，清声音，益心志，除健忘，止霍乱，开烦闷，温心腹，杀诸虫，疗恶疮疥癣。勿犯铁器，去根毛用，秦皮、秦艽为使，恶地胆、麻黄，忌羊肉、羊血、饴糖，生上一寸九节者佳。

按：菖蒲通神明，宜入心经，祛风湿，宜入肺与膀胱，功验虽宏，然主散而不主收，勿宜久用。

雷公云：凡使勿用泥菖夏菖，其二件相似，如竹根鞭形，黑气秽味，腥不堪用。凡使采石上生者，根条嫩黄坚硬节稠，长一寸有九节者是真也，采得后用铜刀刮去黄黑硬节皮一重，用嫩桑枝条相拌，蒸，出晒干，去桑条锉用。

黑附子，味辛甘，性大热，有大毒，通行诸经。主六腑沉寒，三阳厥逆，痼坚积聚，寒湿拘挛，霍乱转筋，足膝无力，坠胎甚速。择每双重一两者，去皮脐，以姜汁盐水煮数沸，又用黄连甘草童便合煮一时，于平地上掘坑埋一宿，取出，囫囵晒干用。地胆为使，恶蜈蚣，畏人参、甘草、黄芪、防风、黑豆。

按：附子为阳中之阳，其性浮而不沉，其用走而不息。故于经络靡所不入，宜致坠胎祛痼积等证者，辛甘大热，能补命门衰败之火，以生脾土，故仲景四逆汤用以回肾气，理中汤用以补脾，八味丸用以补肾脾。譬如躁悍之将，善用之，奏功甚捷；不善用之，为害非轻。丹溪以为仲景取其行地黄之滞，而不能有补，则古方用黑附一味，可以回阳，不补而能之乎？丹溪之言，于理未当，虽然，彼或鉴误用之弊，有激而发尔，如法制之，毒性尽去，且令下行，若瘧冷阳脱，但微炮之。

天雄，性味经络功用与附子同，主疗头面风去来疼痛，远志为使，恶腐痹。

按：天雄即附子之长而尖，巛顶不正者，其气亲上。故洁古云：主上焦阳虚。

乌头，性味经络功用，亦同附子，主中风恶风，洗洗出汗。莽草为使，恶藜芦，反半夏、瓜蒌、贝母、白薇、白芨。

按：乌头即春间采附子之嫩小者，一云，原生苗脑。

乌喙，主男子肾湿，阴痒痈肿，使反性味功用同前。

按：乌喙即乌头之有两歧者，如乌之口，故名。

侧子，主发散四肢，为风疹药。

按：侧子即附子傍出小颗，其气轻扬，故主发散。

雷公云：侧子只是附子傍有小颗如枣核者是，主用治风疹神妙也。木鳖子，只是诸喙附雄侧乌中有穗者，号曰木鳖子，不入药用。若服之，令人丧目。

射干，味苦，性微温有毒，入肺肝脾三经。主咳逆上气，咽喉诸证，开胃进食，镇肝明目消痈毒，逐瘀血，通月经，行积痰，使结核自消。又肝经湿气，因疲劳而发便毒者，取三寸与生姜同煎服，利两三行效。

按：射干温能下气行血，宜入肺肝，苦能消痰，宜入脾经，久服令人虚。

雷公云：凡使先以米泔浸一宿，漉出，然后用菰竹叶煮，从未至亥，漉出，日干用之。

旋覆花，味咸甘，性温有小毒，入肺肝大肠膀胱四经。主结气风气，胁下满，膈上痰如胶漆，利大肠，逐水湿。

按：旋覆花专理风气水湿，而肝主风，脾主气，膀胱大肠主水湿，故均入之。丹溪曰：走散之药，病人涉虚者，不宜多服。

雷公云：凡采得后，去里壳蕊皮并蒂子，花蕊蒸，从巳至午，晒干用。

大戟，味苦甘，性大寒有毒，入十二经。主水胀蛊毒，癥结腹满，急痛发汗，利大小肠，通月经，坠胎孕。小豆为使，恶山药，畏菖蒲，反甘草、芫花、海藻。

按：大戟阴中微阳，逐十二经水，能损真气，量虚实用之。

雷公云：凡使勿用附生者，若服令泄气不禁，即用芥苳子灌解去。采得于槐砧上细锉，与海羊叶拌蒸，从巳至申，去羊叶晒干

用之。

商陆，味酸辛，性寒有毒，入脾膀胱小肠三经。主水胀蛊毒，疔瘕痈肿恶疮，坠胎孕。

按：商陆专主逐水，与大戟相似，夫水之为病，由于膀胱小肠不利，而脾家之所深恶者也，故咸入之。有赤白二种，白者可服，赤者有毒，堪用贴肿，误服杀人。

雷公云：凡使勿用赤葛，缘相似，其赤葛抱茎，有消筋骨之毒，故勿饵。商陆花白，年多者仙人采之作脯，可下酒也。每修事先以剉刀刮去粗皮，小薄切，以东流水浸二宿，然后漉出，架甑蒸，以豆叶一重了，与商陆一重，如斯蒸从午至亥，出去豆叶，晒干于细锉用，若无豆叶，只用豆代之。

葶苈，味辛苦，性寒有小毒，入肺心脾膀胱四经。主水肿结气，膀胱留热，定肺气之喘促，疗积饮之痰厥。同糯米焙黄，去米用，榆皮为使，恶僵蚕、灯草、石龙芮。

按：葶苈辛走肺，苦走心，膀胱者，肺所输也，脾土者，心所生也，故皆入之。大伤肺气，渗泄下元，用之不当，杀人甚捷，稍涉虚者忌之。有甜苦二种，苦者太猛劣，甜者性少缓。

雷公云：凡使勿用赤须子，真相似葶苈，只是味微甘苦，葶苈子入顶，凡使以糯米相合，于火上微微焙，等米熟去米，单捣用。

牵牛子，味苦辛，性寒有毒，入大小肠二经。主下气通二便，祛壅滞气急，退水肿，消风毒，治腰膝痛，坠胎孕。酒蒸，去皮用。

按：牵牛子专主水气，故入大小肠经。丹溪曰：属火善走，有两种。黑者兼水，白者兼金，病形与证俱衬者用之，然驱逐致虚，不胀满不大便秘者，勿用，仲景治七种湿证及小便不利，俱不用之，何也？盖受湿之根在下焦，是血分中气病，皆因上焦虚弱，不能气化气致，若复用辛辣之剂，以泻太阴之金，危亡立至矣，可不谨乎？

雷公云：草金零牵牛子是也，凡使其药，

秋末即有实，冬收之，凡用晒干，却入水中淘，浮者去之，取沉者晒干，用酒蒸，从巳至未，晒干，临用舂去黑皮用。

草薢，味苦甘，性平无毒，入脾肾膀胱三经。主风寒湿痹，腰背痛，中风不遂，遍身顽麻，膀胱宿水，阴痿失溺，利水道，益精明目。薤苢为使，畏葵根、大黄、柴胡、牡蛎，忌牛肉。

按：草薢之入三经，何也？盖肾受土克，则水脏既衰，肝挟相火而凌土湿，脾主肌肉，湿郁肌腠，则生热生风，以致荣卫不利，关节不利。而草薢长于去水，用之以渗脾湿，则土安其位，水不受侮矣。然失用令人小便多，小便既多，则肾气得复实？今多泥其入肾，用为补剂，亦未深原其理耳。

木通，味辛甘，性平无毒，入小肠经。主

五淋小便闭，经凝乳闭，难产，积聚，惊悸心烦，健忘耳聋，声哑鼻塞，痈疮脾疸喜睡，天行瘟疫。

按：木通利便，专泻小肠，宜疗五淋等证。其惊悸等证，虽属心经，而心与小肠相为表里，故并治之，脾疸喜睡，此脾之病，皆湿所酿也，利小肠而湿不去乎？瘟疫之来，感天地不正之气，今受盛之官行，而邪不能容，亦宜疗矣。

通草，味淡，性寒无毒，入肺大小肠三经。与木通同功，特泻肺明目，退热行经，下乳通结，力尤胜之。

按：通草色白，宜其泻肺，味淡，故入小肠，性主通行，故又入大肠，即本草续注所谓通脱木，今女工用以作花。

雷公炮制药性解 卷四

明 云间 李中梓士材编辑
清 吴门 王子接晋三重订
鄞县 曹赤电炳章校点

草 部 下

灯心，味淡，性寒无毒，入心小肠二经。主胸腹邪气，清心定惊，除热利水，烧灰敷金疮止血，疗小儿夜啼，吹喉中治急喉痹甚捷。

按：灯心味淡，五脏无归，专入小肠利水。诀曰：小肠受盛与心应，故又入心经。烧灰性凉，宜治疗如上。

石斛，味甘，性平无毒，入胃肾二经。补虚羸，暖水藏，填精髓，强筋骨，平胃气，逐皮肤邪热，疗脚膝冷痹，久服厚肠胃，定志除惊。去根，酒浸一宿，暴干酥炙用，陆英为使，恶寒水石，巴豆，畏僵蚕、雷丸。

按：石斛入肾，则专主下部矣。而又入胃者，盖以其味甘能助肾，而不伤于热，平胃而不伤干燥之故也。

雷公云：凡使先去头上子，用酒浸一宿，漉出晒干，再用酥蒸，从巳至酉，却徐徐焙干。然后用。

石苇，味苦甘，性平无毒，入肺膀胱二经。主劳热邪气，五淋癃闭，膀胱热满。痈疽发背，除烦下气，补虚益精。拭去毛，羊脂炒焦用，络石、杏仁为使，得菖蒲良。

按：石苇清热利水，本入膀胱，而肺则下连者也，宜兼入之。既能清热利水，则无阳亢阴伤之患。

白蒺藜子，味苦辛，性温无毒，入肺肝肾三经。主恶血块，癥结喉痹，产难乳闭，小

儿头疮，皮肤风痒，头痛，咳逆肺痿，除烦下气，明眼目，去燥热，疗肿毒，止遗泄。其叶可作浴汤治风，杵去刺，酒蒸炒用，乌头为使。沙苑蒺藜，主补肾添精，强阴种子。

按：蒺藜利血，宜入肝经，下气宜入肺经，恶血等证，皆二经病也，故俱主之。其所以入肾者，因肺为之母，肝为之子，未有子母俱利，而肾不受其益者，故能止遗泄。产沙苑者，诚续嗣神丹，而本草不言，惜哉。

雷公云：凡使采得后拣了净蒸，从午至酉，出日晒干春，令皮上刺尽，用酒拌再蒸，一二时用。

青箱子，味苦，性微寒无毒，入心肝二经。主邪气，皮肤风热湿痒，杀三虫疥虫，恶疮痔蚀，下部蟹疮，镇肝脏，坚骨筋，益脑髓，明耳目，一名草葶苈。

按：青箱子苦者，丙丁之味也，青者甲乙之色也，故入心肝二经。《本经》并不言治眼，而药性论及日华子皆言之，亦以苦寒之性，能清肝脏热毒上冲耳。

雷公云：凡使勿误用思蓂子并鼠粘子两种，颇相似，只是味不同。其思蓂子味粗，煎之有涎。

木贼，味甘微苦，性平无毒，入肺经。主目疾，退翳膜，消积块，益肝脏。得麝香、牛角腮治休息痢久不瘥。得禹余粮、当归、芎藭疗崩中赤白，得槐子、桑耳治肠虚下血；得槐子、枳实、地榆治肠癖及痔。去节，水润焙用。

按：木贼之名，以其能伐木也。肝为木，

故宜入焉，夫目得血而能视，借之以伐肝邪，则血生而目疾愈矣。

茅根、味甘，性寒无毒，入胃小肠二经。逐瘀血，通血闭，止吐衄，下五淋，利小便，理劳伤。补虚羸，除肠胃客热，治妇人崩漏。

按：茅根利水，本入小肠，而胃则其实受，故亦入之。

仙茅，味辛，性温有毒，入肝肾二经。主心腹冷气，不能食，腰足挛痹，不能行，丈夫血损劳伤，老人失溺无子。强阳道，补精血，明眼目，坚骨髓。洗净去皮，铜刀切如豆大，生稀布袋盛，子乌豆水中浸一宿，酒拌，蒸半日，晒干用，勿犯铁器，忌牛肉、牛乳。

按：仙茅性温，本入肾经，而肝者肾所生也。故兼入之。传云：十斤乳石，不及一斤仙茅，盖表其功尔。中其毒者，令人舌胀，急煎大黄朴硝汤饮之，复以末掺舌间，即解。素有火证者勿用。

雷公云：凡采得后，用清水洗令净，刮去皮，于槐砧上切豆许大，却用生稀布袋盛，蒸一宿用。

郁金，味辛苦，性温无毒，入心肺二经。主下气破血开郁，疗尿血淋血金疮，楚产蝉肚者佳。

按：郁金本草言其性寒，自《药性论》始言其治冷气，今观其主疗，都是辛散之用，性寒而能之乎？夫肺主气，心主血，郁金能行气血，故两入之。丹溪云：属火而有土与水，古人用以治郁遏不散者，故名。

姜黄，味辛苦，性温无毒，经络主治与郁金同功，更烈。

按：姜黄本草亦曰性寒，而陈藏器及日华子咸谓其热，辨之悉矣！能伤元气，用者审之。

牛蒡子，味辛，性温无毒，入十二经。主风湿瘾疹盈肌，咽喉风热不利，诸肿疮疡之证，腰膝凝滞之气，润肺止嗽，散气消痰。酒拌蒸，待有白霜出，拭去，干焙捣用，一名

恶实，一名鼠黏子。

按：《主治秘诀》及东垣皆云，牛蒡子辛温，故能入十二经而通散也。洁古云：吞一枚可出痈疽头，亦表其辛散之功尔。本草言其性平，误矣！

紫草，味苦，性寒无毒，入心小肠二经。主心腹邪气，胀满作痛，痈肿诸毒，除五疸，利九窍，通水道，小儿无热痘疮，尤为要剂，取嫩茸，去髭用。

按：紫草主血热，本入心经。而小肠者，受盛而与心应者也，故并入之。邪气诸证咸本于热，今清其心而自愈矣。

雷公云：凡使须用蜡水蒸之，待水干，取去头并髭，锉用，每治紫草一斤，用蜡二两熔化用。

白头翁，味苦，性温有小毒，入心肾二经。主温疟发狂，癰疽积聚，瘰疬瘰癧，金疮鼻衄，齿痛腹痛骨痛，赤毒痢下，男子阴疝偏肿，小儿头秃臃腥。豚实为使，得酒良。

按：白头翁味苦，本入心经。经曰：肾欲坚，急入苦以坚之，故又入肾。温疟等证，无非水衰火旺，故治之。

白前，味甘辛，性微温无毒，入肺经。主下气，除嗽气，寒呃上冲，不得睡卧，气逆冲喉，呼吸欲绝，腹中时时作水鸡声。甘草水浸一宿，去头须子，焙干用，忌羊肉。

按：白前色白味辛，故入肺经，专主一切气证。

白薇，味苦咸，性大寒无毒，入心肾二经。主暴中风，身热腹满，忽忽不知人，狂惑鬼邪，寒热酸疼，温疟洗洗发作，下水气，利阴气，定惊益精。以糯米泔浸一宿，去髭细锉，蒸用，恶黄芩、大黄、大戟、干姜、大枣、干漆、山萸。

按：白薇味苦入心，咸入肾，故主治如上。

白附子，味甘辛，性温无毒，入肺脾二经。主中风失音，一切冷风气，头面百病，斑点风疮疥癣，心痛血痹，阴囊湿痒，入药炮

用，新罗出者佳。

按：白附色白味辛，故主入肺，以治风痰。甘而且温，故宜入脾，以治反肤。阳中之阳，能上升，故治面痹。

蚤休，味苦，微寒有毒，入心经。主惊痫癫疾，癰疮阴蚀，痈肿毒疮，小儿胎风，手足抽掣。下三虫，去蛇毒。一名紫河车，一名重楼金线。

按：蚤休味苦，故入心经，以治惊痫等疾，而能解毒。

白鲜皮，味苦咸，性寒无毒，入肺小肠二经。主头风黄疸，咳逆淋沥，湿痹死肌，一切疥癩恶风疥癣杨梅诸疮，热毒天行时疾，头痛眼疼，女子阴痛，小儿惊痫，和血脉，通九窍，利小肠。恶螬蛸、桔梗、茯苓、葶藶。

按：白鲜皮入肺经，故能去风，入小肠，故能去湿。夫风湿既除，则血气自活，而热亦从此逝矣。

芦荟，味苦，性寒无毒，入心肝二经。消风热，除烦闷，明眼目，治惊痫，杀三虫，疗五疳及疥癣痔漏诸疮，解巴豆毒。

按：芦荟之苦，本入心经，而肝则其母也，故亦入之。在小儿惊风诸热，尤为要药。

雷公云：凡使勿用杂象胆，其象胆干了，上有竹斑光腻，和象叶捣，此药先捣成粉。

胡黄连，味苦，性寒无毒，入肝胆胃三经。主伤寒咳嗽，温疟发热，骨蒸劳热，三消五痔，补肝胆，明眼目，止泻痢，益颜色，治小儿惊疳霍乱，大入五心烦热，妇人胎蒸虚惊。恶菊花、玄参、白鲜皮，忌猪肉，解巴豆毒，折之出尘如烟者真。

按：胡黄连苦寒，能泻三经之火，小儿多热证最宜。

泽兰，味苦，性微温无毒，入小肠经。通肝脾之血，产前后百病皆治，通九窍，利关脉。又主头风目痛，鼻红吐血，治痈排脓，防己为之使。

按：泽兰能通利小肠，则肝脾无壅遏之患，故能通关窍以理血脉也。行血而无推荡

之思，养血而无凝滞之虞，所以为产科圣药。凡诸症皆因血热，故亦治之。

雷公云：要别识雌雄，其形不同大泽兰，形叶皆圆，能生血益气与茺，合小泽兰通别同用。

狗脊，味苦甘，性微温无毒，入肾膀胱二经。主肾气虚弱，风寒湿痹，腰膝软弱，骨节作疼，老人失滋不节，女子伤中淋露。酒蒸用，萆薢为使，恶败酱。

按：狗脊入肾，故主骨病，入膀胱，故主湿病。

青蒿，味苦，性寒无毒，入心经。主骨蒸劳热，虚烦盗汗，明日杀虫。童便浸七宿，晒干用。

按：青蒿苦入心，故泻丙丁以理诸疾。

草拔，味辛，性大温无毒，入肺脾胃膀胱四经。主温中下气，消食开痰，治阴疽，止霍乱，除泻痢日久，疗心腹冷痛。醋浸一宿，刮去皮粟子令净，方用。

按：草拔辛走肺家，温宜脾胃，膀胱肺经，故咸入之。

王不留行，味苦甘，性平无毒，入心肝二经。主金疮止血，痈疽毒疮，心烦鼻衄，难产。出竹木刺入两，治风毒，通血脉。酒蒸焙用。

按：王不留行专疗血证，而心主血，肝藏血者也，故均入之。痈疽等证，血不和也。经曰：营气不从，逆于肉理，乃生痈肿，此主和血，固宜治之。又治风毒者，所谓治风先治血，血行风自灭也。

淫羊藿，味辛，性温无毒，入肾经。主绝阳不起，绝阴不育，茎中作痛，小便不利，益气力坚筋骨，丈夫久服，令人无子。每斤去花细锉，拌羊脂四两，炒尽脂为度，山药、紫芝为使，得酒良，一名仙灵脾。

按：仙灵脾入肾，而主绝阳等证，其为补也明甚，乃继之曰久服无子，毋及惑乎？不知此剂专功相火，令人淫欲不休，致太甚则精气耗。经曰：因而强力，肾气乃伤，高骨

乃坏，且命门之火，乘水之衰，挟土来克，生之不保，其能嗣耶。

雷公云：凡使仙灵脾须用夹刀去叶枝尽后细锉，用羊脂相对拌，炒过然后用。

巴戟天、味辛甘，性微温无毒，入脾肾二经。主助肾添精，除一切风及邪气。酒浸用，覆盆为使，恶雷丸、丹参。

按：巴戟之温，本专补肾，而肺乃肾之母也，且其味辛，故兼入之以疗风。凡命门火旺以致泄精者，忌之。

雷公云：凡使先用枸杞子汤浸一宿，待稍软，漉出，酒浸一时，又漉出，用菊花同熬，令焦黄用。

兰叶，味甘，性寒无毒，入肺经。止渴生津，益气散郁。

按：丹溪云：兰叶禀金水之精，故入肺脏。昔东垣方中尝用之，经谓消渴治之以兰是也，今屡验之。

水萍，味辛酸，性寒无毒，入肺小肠二经。消水肿，利小便，逐风寒，堪浴遍身疮痒，发汗甚于麻黄。

按：水萍入肺，故主祛风。入小肠，故主祛湿。此是水中大萍，非沟渠所生者。高供奉采萍歌云：不在山，不在岸，采我之时七月半。选甚瘫风与缓风，些小微风都不算。豆淋酒下二三丸，铁袂头儿都出汗。以此观之，其功甚于麻黄可知矣！

决明子，味咸苦甘，性平无毒，入肝经。主青盲赤白翳膜，时有泪出，除肝热，疗头风，研末涂肿毒，贴脑止鼻红，茺实为使，恶大麻子。

按：决明专入厥阴，以除风热，故为眼科要药。鼻红肿毒，咸血热也。宜其疗矣。

蓖麻子，味甘辛，有小毒，入脾大肠二经。主水腹腹满，脏腑燥热，无名肿毒，敷之可消；口眼喎斜，敷之可正；涂足心，下胞胎如神；涂颠顶，收生肠甚捷。忌见铁器，服过者一生忌食豆，误犯之腹胀猛甚。叶，主脚气风肿不仁，捣蒸传之。

按：丹溪云：蓖麻子属阴，故入太阴阳明，以驱水满，以催产难固矣！而无名肿毒热也；口眼喎斜，风也。何并治之，岂其辛甘发散之功耶？

雷公云：凡使勿用黑天赤利子，缘在地蒺上生，是以有毒。其蓖麻子形似巴豆而光滑，有黄黑斑点，凡使先须和皮用盐汤浸半日，去皮取肉，研过用。

马鞭草，味苦甘，性寒有小毒，入肝脾二经。主活血通经，治金疮诸疮疖，取汁和酒服。

按：肝，藏血者也；脾，裹血者也。马鞭专主血分，故入是二经。

芦根，味甘，性寒无毒，入肺胃二经。主消渴客热，止小便利，治五噎膈气，烦闷吐逆，以芦根五两，水三盏煮一盏服，甚效。

按：芦根主气逆呕啰，故入太阴阳明。消渴之证，亦以气化不及故也。今得芦根以下太阴，而津液之生必矣。

蛇床子，味苦辛甘，性平有小毒，入肺肾二经。主风寒湿痹，诸恶疮癬，妇人阴中肿痛，男子阴痿湿痒，久服驻颜轻身，令人有子。酒浸一宿，地黄汁拌蒸，焙干用，恶牡丹皮、巴豆、贝母。

按：蛇床理风湿，宜入太阴，补虚痿，宜入少阴。

金银花，味苦甘，性平微寒无毒，入肺经。主热毒血痢，消痈散毒，补虚疗风，久服延年。

按：金银花解肌肤之毒，故入肺经，为疮科要药。陶隐居云：常服益寿，人多忽之，更求难得者，是贵远贱近，庸人之情乎！

山豆根，味甘，性寒无毒，入心肺二经。主解诸药毒，止咽喉痛，退热消痈。

按：山豆根性寒，专泻心火，心火去则金无所损，金得其保，而热伤之虞，吾知免矣。

艾叶，味苦，性微温无毒，入肝脾二经，主灸百病，温中理气，开郁调经，安胎种子，

止崩漏，除久痢，辟鬼邪，定霍乱，生捣汁，理吐衄血。

按：艾叶温能令肝脾疏畅，而无壅瘀之患。夫人之一身，惟兹气血两端，今土木既调，则荣卫和而百病自却矣。至于湿中等效，又举其偏长耳。煎服者宜新鲜，灸火者宜陈久。生用则寒，熟用则热。

薄荷，味辛，性微寒无毒，入肺经。主中风失音，下胀气，去头风，通利关节，破血止痢，清风消肿，引诸药入荣卫，能发毒汗，清利六阳之会首，祛除诸热之风邪。

按：薄荷有走表之功，宜取太阴之部，中风诸患，固其专也。而血痢之证，病在凝滞，今得辛以畅气，而结凝为之自释矣。

稀莼，味苦，性温有小毒，入肝肾二经。补元气，祛风湿，强筋骨，长眉发，乌须鬓，明耳目。得酒良，九月九日采者。

按：稀莼功验如上，宜取厥阴少阴二经。高邮军谓其性温，当矣！本草言其性寒，与主用相违，不亦误乎？久服大能补益，故张咏进御表云：金梭银线，素根紫萼，谁知至贱之中，乃伏殊常之品，臣服百剂，耳目聪明，渐服满岁，须鬓再黑。罗宁一坠马中风，不意十服即痊。僧知严七十口眼喎斜，数服顿愈。若张益州者，可谓识其用矣！宜去根，连茎叶细锉，捣烂取汁，熬炼成膏，以甘草、熟地煎膏，炼蜜三味收之，出火毒，酒调服，功妙不可具述。所谓有小毒者，以生用令人吐也。今既经制度，则毒去而功全矣。

蒲公英，味苦甘，性寒无毒，入脾胃二经。化热毒，消恶疮结核，解食毒，散滞气。细锉，同忍冬藤取汁入酒，以治乳痈，服罢欲睡，是其功也，睡觉，病已安矣。

按：丹溪云：蒲公英花黄属土，宜入太阴阳明经。有一种花叶茎相类而高大者，非也。其真者短小塌地，质轻脆，断之有白汁，其花干如葱管空者是也。四时常花，花罢结实，絮中有子，落处则生，则其禀天地中和之性可见矣，故治诸毒。又为黄花地丁者，以

治疗毒考名也。

夏枯草，味苦辛，性寒无毒，入肝经。主瘰癧癭瘤，湿脾脚肿，肝虚目痛，冷泪羞明，散血破瘀，生肌解毒，土瓜为使。

按：夏枯草三四月开花，是时正厥阴风木主令，其为肝经之药明矣。丹溪曰：夏至即枯者，盖禀纯阳之气，得阴气则枯也。

藿香，味甘辛，性微温无毒，入肺脾胃三经。开胃口，进饮食，止霍乱，除吐逆。

按：藿香辛温，入肺经以调气。甘温，入脾胃以和中。治节适宜，中州得令，则脏腑咸安，病将奚来？

荆芥，味辛苦，性微温无毒，入肺肝二经。主结气瘀血，酒伤食滞，能发汗，去皮毛诸风，凉血热，疗痛痒诸疮，其治产晕如神，陈久者良。

按：荆芥行血疗风，则太阴厥阴之入，固其宜也。今人但遇风证，辄用荆防，此流气散之相沿尔，不知风在皮里膜外者，荆芥主之，非若防风之入骨肉也，有汗者勿用。

香薷，味辛，性微温无毒，入肺胃二经。主下气，除烦热，定霍乱，止呕吐，疗腹痛，散水肿，调中温胃，最解暑气。

按：香薷性温，其除热解暑之功，何若是其著也！不知炎威酷暑，则脏腑伏阴，胸腹有凝结之忧，而皮肤多蒸热之气，得香薷之辛以散之，温以解之，而伤暑之证，从兹远矣。热服令人泄泻，久服耗人真气。江右硬梗石生者良，土香薷苗软，但能解暑，其他无效。

佛耳草，味酸，性热有小毒，入肺经。主肺中有寒，及痰嗽劳嗽，款冬花为使。

按：佛耳专入太阴，大升肺气。宜少用之，过食损目，以性热有小毒也。

苍耳子，味甘，性温有小毒，入肺经。主风寒湿痹，头风脑漏，疗肿困重，疥癣搔痒，血崩，大风癩病，善能发汗。炒令香，杵去刺用，反猪肉，解狗毒。

按：苍耳甘温，故能走表，肺主皮毛，所

以入之，肺主风邪，故治疗如上。

茵陈蒿，味苦，性微寒无毒，入膀胱经。主伤寒大热，黄疸便赤。治眼目，行滞气，能发汗，去风湿。去根用，犯火无功。

按：茵陈专理洩便，本为膀胱之剂，又何以治疸？盖疸之为病，脾受伤也，而脾之所恶，湿乘土也，得茵陈以利水，则湿去土安，而疸自愈矣！疸分阴寒阳热二种，阳疸热多，有湿有燥，同栀子用，一治湿疸。同栀子橘皮治燥疸。阴疸寒多，只有一证，同附子治之。

使君子，味甘，性温无毒，入脾胃二经。治小儿五疳，利小便，止白浊，除泻痢，杀诸虫，连壳用。

按：使君子甘温，宜主脾胃，然多食令人发呃，伤胃故也。

高良姜，味辛，性大温无毒，入脾胃二经。主胃中冷逆，霍乱腹痛，除寒气，去冷痹，止吐泻，疗翻胃，消宿食，解酒毒。

按：良姜辛温，脾胃所快，真有寒证者，服之甚验。若有热病者，误投愈剧。

石莲子，味苦，性寒无毒，入心胃膀胱三经。主噤口痢，及湿热渗入膀胱，为白浊淋沥等证，清心解烦，开胃进食，去壳用。

按：石莲苦寒，宜泻少阴之火，心火既清，则胃与膀胱不能独热矣，故皆入之。此别是一种，非莲子比也。

合欢皮，味甘，性平无毒，入心经。主安五脏，利心志，杀诸虫，消痈肿，续筋骨，令人欢乐无怒，轻身明目，花主小儿撮口，煎汤洗拭，跌打伤疼，热酒调下。

按：合欢味甘，何以独入心家？经所谓以甘泻之之说也。心得所胜，而痈疮诸患为

之自释矣！其叶细细相并，至夜则合，又名夜合花，似绒拂可爱，俗又谓之乌绒。

萱草根，味甘，性寒无毒，入脾肺二部经。主沙淋水气，酒疸身黄，小便赤涩，身体烦热，大热衄血，安五脏，利心志，令人喜悦忘忧，轻身明目。采其嫩苗，功亦相仿，花名宜男，最利胸膈，妊妇佩之，转女为男。

按：萱草之甘，宜归脾部，而肺则其所生者，故亦入之。嵇康养生论云：合欢蠲忿，萱草忘忧，《图经》亦共言之，当非虚语。

刘寄奴草，味苦，性温无毒，入心肺二经。主下气，除痞破血通经，疗霍乱水泻，止金疮出血，汤火所伤，亦堪捣敷，酒蒸曝用。

按：寄奴之苦，宜归心藏，而温暖之性，又与脾部相宜，故两入之。盖心实主血，脾实裹血，所以专疗血证，唐本云：多服令人利，亦以其宣泄耳。

雷公云：采得后去茎叶，只用实。凡使先以布拭去薄壳皮令净，拌酒蒸，从巳至申出，晒干用。

覆盆子，味甘酸，性温无毒，入肝肾二经。主肾伤精滑，阳痿不起，小便频数，补虚续绝，益气温中，安和五脏，补肝明目，黑发润肌。亦疗中风发热成惊，女子食之多孕，久服延年。去黄叶及蒂，水淘净，酒蒸晒干用。

按：覆盆之酸，宜归肝部，而肾则其母也。且温补之性，适与相宜，故咸入之。《衍义》云：小便多者服之，当覆其溺器，故名。

雷公云：凡使用东流水淘净，子叶并皮蒂尽了，用酒蒸一宿，以东流水淘两遍，又晒干方用。

雷公炮制药性解 卷五

明 云间 李中梓士材编辑

清 吴门 王子接晋三重订

鄞县 曹赤电炳章校点

木 部

白茯苓，味淡微甘，性平无毒，入肺脾小肠三经。主补脾气，利小便，止烦渴，定惊悸，久服延年。去皮心研细，入水中搅之浮者，是其筋也，宜去之，误服损目。赤者专主利水。抱根而生者名茯神，主补心安神，除惊悸，治健忘。马兰为使，恶白藜，畏牡蒙、地榆、雄黄、秦艽、龟甲，忌醋及酸物。

按：茯苓色白，是西方肺金之象也。味淡，是太阳渗利之品也。微甘，是中央脾土之味也，故均入之。夫脾最恶湿，而小便利则湿自除，所以补脾既能渗泄，燥脾似不能生津已。洁古何为称其止渴，良由色白属金，能培肺部，肺金得补，则自能生水。且经曰：膀胱者，州都之官，津液藏焉，气化则能出矣。诚以其上连于肺，得肺气以化之，津液从之出尔。药性所谓白者入壬癸，亦此意也。而渴有不止者乎？至于惊悸者，心经之虚也，而心与小肠相为表里，既泻小肠，而心火亦为之清矣，故能定之。丹溪曰：阴虚未为相宜，盖虞其渗泄尔。然味尚甘，甘主缓，亦无大害，非若猪苓一于淡渗，而大伤阴分也。《药性》云：小便多而能止，大便结而能通，与本功相反，未可轻信。赤者属丙丁，专入膀胱泻火，故利水之外无他长。茯神抱根，有依而附之之义，惊悸者魂不能附，健忘者神不能守，宜其治矣。《广志》云：茯神松脂所作，胜茯苓。《衍义》曰：气盛者泄于身，不

抱本根，结为茯苓，有津气而不甚盛，不离其本，结为茯神，考兹两书，各相违悖。然仙经服食，多需茯苓，而茯神不与焉。两说之是非，于是乎辨。

琥珀，味甘，性平无毒，入心脾小肠三经。主辟百邪，安五脏，定魂魄，止心痛，消瘀血，利水道，通五淋，破癥结，去目翳，傅金疮。

按：琥珀乃松脂入地千载化成，得土既久，宜入脾家。松之有脂，犹人之有血与水也。且成珀者，有下注之义，又宜入心与小肠。《内经》曰：主不明则十二官危，便道闭塞而不通。服琥珀则神室得令，五脏安，魂魄定，邪何所附？病何自生邪？于是便道通，而瘀血诸证靡弗去矣！夫目得血而能视，心宁则荣和，而翳何足虞！金疮者，惟患其血逆于腠尔，能止之和之，未有不瘳者也！丹溪曰：古方用以燥脾土有功，脾能运化，则肺气下降，故小便可通。若血少不利者，反致其燥急之苦。别说云：茯苓生成于阴者也。琥珀生于阳而成于阴者也，故皆主安心利水而治矣。

雷公云：凡使红松脂、石珀、水珀、花珀、物象珀、翳珀、琥珀，红松脂如琥珀，只是大脆文横，水珀多无红色，如浅黄多粗皮，彼石珀如石重，色黄不堪用。花珀文似新马尾，松心文一路赤，一路黄，物象珀其内似有物，极为神妙；翳珀为众珀之长，故号曰翳珀；琥珀如血色，安于布上拭，吸得芥子者真也。凡入药中，用水调侧柏子末，安于

瓷锅中，安琥珀于末中了，下火煮，从巳至申，别有异光，便捣如粉，重筛用。

松香，味苦甘，性温无毒，入脾肺二经。主安五脏，除伏热，解消渴，逐诸风，疗痈疽恶疮，及白秃疥瘙，风气金伤，止血杀虫定痛。松子，益气补虚；松花，清心解烦；松叶，生毛发，去风湿，灸罨冻；松节，主骨节久风，脚痹疼痛。久服俱能辟谷延年。

按：松香甘温之品，与脾部相宜，而肺者脾之子也，故两入之。伏热等证，悉属二经，乌得不治。子花节叶，主疗小异，亦系上亲下之道也。

柏子仁，味甘辛，性平无毒，入肺脾肾三经。主安五脏，定惊悸，补中气，除风湿，兴阳道，暖腰膝，去头风，辟百邪，润皮肤，明耳目。侧柏叶，味苦涩，性微寒。止吐衄崩痢，除风冷湿痹，乌须黑发，灸罨冻疮，久服延年。牡蛎、桂、瓜子为使。畏菊花、羊蹄草、诸石及面曲。

按：柏子仁辛归肺，甘归脾，浊阴归肾，故均入之。柏叶之苦涩，属金而善守，最清血分，为补阴要药。须用嫩叶，春采东，夏采南，秋采西，冬采北，才得节候生气。雷公云：凡使先以酒浸一宿，至明，漉晒干，用黄精自然汁，日中煎，手不住搅，若夫天阴，即于当中着火，用瓶器盛柏子仁，着火，缓缓煮，成膏为度，每煎三两柏子仁，用酒五两浸。干为度。

桂，味辛甘，性大热有毒，其在下最厚者，曰肉桂。去其粗皮，为桂心，入心脾肺肾四经。主九种心疼，补劳伤，通九窍，暖水脏，续筋骨，杀三虫。散积气，破瘀血，下胎衣，除咳逆，疗腹痛，止泻痢，善发汗。其中次厚者，曰官桂，入肝脾二经。主上焦有寒，走肩臂而行枝节。其在嫩枝四发者，曰桂枝，专入肺经，主解肌发表，理有汗之伤寒。四者皆杀草木毒，百药无畏，性忌生葱。

按：桂在下，有入肾之理，属火，有入心之义。而辛散之性，与肺部相投。甘温之

性，与脾家相悦，故均入焉。官桂在中，而肝脾皆在中之脏也。且经曰：肝欲散，急食辛以散之，以辛补之。又曰：脾欲缓，急食甘以缓之，以甘补之。桂味辛甘，二经之所由入也。薄桂在上，而肺胃亦居上，故宜入之。桂枝四发，有发散之义，且气味俱轻，宜入太阴而主表。丹溪曰：仲景救表用桂枝，非表有虚而用以补也，卫有风寒，故病自汗，以此发其邪，则卫和而表密，汗自止尔。《衍义》乃谓仲景治表虚，误也！本草言桂发汗，正合《素问》辛甘发散之义。后人用桂止汗，失经旨矣。大抵桂为阳中之阳，壮年火旺者忌食，惟命门火衰不能生土，纳谷不化，及产后虚弱者，宜之。细考桂有数种，论之者无虑数十家，或言种异，或言地殊，各不相侔，咸无所据，询之交广商人所贩，惟陈藏器所谓虽分数等，同是一物，此说最当。别说亦称之矣，今采其意以详别如上。

雷公云：凡使去薄者，要紫色厚者。去上粗皮，取心中味辛者用，每斤大厚紫桂，只取得五两，取有味厚处生用。如未用，即用重裹熟绢，并纸裹，勿令犯风。其州上只有桂草，无桂心，用桂草煮丹阳木皮，遂成桂心，凡使即单捣用。

槐实，味苦，酸咸，性寒无毒，入心肝大肠三经。主五内邪热，肠风五痔，汤火伤疮，男子囊坠肿痛，阴疮湿证，妇人阴中痛痒，崩中漏下，明目补脑，杀蛊去风，黑发延年。酒服能催生堕胎。枝，专主洗湿热诸疮，治九种心疼。皮，主中风拘挛，齿痛疳蠹，消痈解毒，止痛长肉。胶，主肝脏风，筋脉抽掣，及急风口噤，四肢不收，或毒风周身如虫行，破伤危急。花与实同功，又主心痛及疗肿热毒，赤白下痢，小儿惊痫，景天为使。

按：槐实之苦，能泄心火，酸寒之性，能伐肝经。经曰：酸苦涌泄为阴，其功主降，故又入大肠，以理下焦诸证，且催产难。夫虫之生也因于湿，风之生也因于热，湿热既去，

又奚庸虞。花枝皮叶，主治大同小异，久为瘴疠要药。

木香，味苦辛，性微温无毒，入心肺肝脾胃膀胱六经。主心腹一切气疾，癖瘕块，九种心疼，止泻痢，除霍乱，健脾胃，消食积，定呕逆，下痰壅，辟邪气瘟疫，杀疟蛊清物。宜生磨用，火炒令人胀，形如枯骨，苦口沾牙者良。

按：木香辛入肺，苦入心，温宜脾胃，肝者心之母也，膀胱者肺所连也，故均入焉。盖心乃一身之主，气血之所听命者也，有主则能塞气，肺气调则金能制木，而肝火自伏矣。凡人有怒，则肝气拂逆，而反忤其元气，心有从肝之情而不能制，则肝气于是乎盛，或为拂逆，或为气冲，得木香则心气畅而正气亦畅，肝气何拂逆之有哉？实心之行夫肝也，非肝之自行也。东垣以黄连制之，恶其气行过于通畅，不无走泄之患耳。

雷公云：凡使其木香是芦菔根条，五盘旋，采得二十九日方硬如朽骨，硬碎，其有芦头丁，盖子色青者，是木香神也。

山梔，味苦，性寒无毒，入心肺大小肠胃膀胱六经。主五内邪热，亡血津枯，面红目赤，痈肿疮疡，五种黄病，开郁泻火，疗心中懊恼颠倒而不眠，治脐下血滞小便而不利。皮走肌肤之热，仁去心胸之热，解羊蹄躑及蠹虫毒。

按：山梔味苦归心，轻飘象肺，入肠则供肺为传道者也，小肠受盛与心应者也，胃亦上焦之腑也，膀胱亦肺部之约也，故咸入之，以理邪热诸证。洁古曰：轻清上行。丹溪又曰：屈曲下行。两家之说，似相左矣。不知惟其上行，最能清肺，肺气清而化，则小便从此气化而出。经曰：膀胱藏津液，气化则能出者，是也。虚火炎者，炒黑用。烦郁呕逆者，姜汁炒用，此外并宜生服。

雷公云：凡使勿用颗大者，号曰伏。凡梔子无力，须要如雀脑并须长有九路，赤色者上。凡使先去皮须取仁，以甘草水浸一宿，

漉出焙干，捣筛如金末用。

吴茱萸，味苦辛，性热有小毒，入肝脾胃大肠肾五经。主下气消痰，寒气噎塞，心腹刺痛，霍乱转筋，脚气攻心，止咳逆，逐风邪，消宿食，除血痹。盐汤炮去毒用。寥实为使，恶丹参、硝石、白堊，畏紫石英。

按：吴茱萸辛热之剂，宜入五经，以理寒证。多食大损元气，肠虚者忌之。

雷公云：凡使先去叶梗，并杂收子，用大盆二口，使盐水洗一百转，自然无涎，日干，任入丸散中用。修事十两，用盐二两，研作末，投东流水，四投中分作一百度洗，则有大效。若用醋煮，即先沸醋三十余沸后，共茱萸沸，醋尽，晒干，每用十两，使醋镒为度。

山茱萸味甘酸，微温无毒，入肝肾二经。主通邪气，逐风痹，破瘕结，通九窍，除鼻塞，疗耳聋，杀三虫，安五脏，壮元阳，固精髓，利小便。去梗用，寥实为使，恶桔梗、防风、防己。

按：山茱萸大补精血，故入少阴厥阴。六味丸用之，取其补肾而不伤子热耳。若舍是而别求热剂，以为淫欲助，犹弃贤良而搜佞幸也，愚乎哉？

雷公云：凡使勿用雀儿苏，类似山茱萸，只是核八棱，不入药。使山茱萸，须去内核，每修事去核子一斤，取内皮用，只存成四两已来，缓火熬之，方用。能壮元气精秘，其核最滑精。

蔓荆子，味苦甘辛，性微寒无毒，入肝经。主散风寒，疗头风，除目痛，去翳膜坚齿牙，利九窍，杀百虫。酒浸一宿蒸用，恶石膏、乌头。

按：经曰：东方青色，入通于肝，开窍于目。又曰：风生木，木生酸。酸生肝，荆实入肝，故专主散风，以疗目疾。《主治秘诀》云：其味苦甘，为阳中之阴，能凉诸经之血热。

杜仲，味辛甘，性温无毒，入肾经。主

阴下湿痒，小便余沥，强志，壮筋骨，滋肾止腰痛。去粗皮，酥蜜炙去丝用，恶蛇蛻、玄参。

按：杜仲降而属阳，宜职肾家之证。然精血燥者，不宜多用。

雷公云：凡使先须削去粗皮，用酥蜜和作一两炙之，以尽为度。炙干了，细锉用，凡修事一斤，酥一两，蜜三两，二味相和合处用也。

乌药，味苦辛，性温无毒，入肺脾二经。主一切气证，及中恶心腹痛，蛊毒鬼疟，天行疫瘴，呕逆胀满，霍乱吐泻，痢疔疥癰。

按：乌药辛，宜于肺，温宜于脾，故主中恶等证。痢疔疥癰，成于血逆，始于气逆。乌药长于理气，故并疗之。然辛温发散，不宜久用，恐损真元。

厚朴，味苦辛，性温无毒，入脾胃二经。去实满而治腹胀，除湿结而和胃气，止呕清痰，温中消食。干姜为使，恶泽泻、寒水石、硝石，忌食豆。

按：厚朴辛则能发，温则能行，脾胃之所喜也，故入之以理诸证。丹溪曰：厚朴属土而有火，平胃散用之以佐苍术，正谓泻上焦之湿，平胃土不使太过，以致于和而已。若以为温补而泛用之，非也。体重浊而微降，最能耗气，春夏秋宜用，冬间忌之。气虚之人及孕妇，亦不可服。

雷公云：凡使要用紫色味辛为好，或丸散，便去粗皮，用醋炙过，每条一斤，用酥四两，炙了细锉，若用汤饮下，使用自然姜汁八两，炙一日为度。

黄柏，味苦，性寒无毒，入肾膀胱二经。主泻下焦隐伏之火，安上焦虚劳之虫，除脐下痛，补肾水衰，止血痢，治痢疮，明眼目，利小便，除湿热，疗女子热崩。盐酒多炒，免致寒入于肾，恶干漆，肉厚鲜黄者佳。

按：黄柏沉而属阴，故主肾与膀胱诸证。其性苦寒，能泄亢甚之阳，以坚肾部。则水主既盛，阳光自遏，而阴血无火烁之患矣，岂

实有滋补之功哉！若肾家无火，两尺微弱，或左尺独旺者，均不宜用。

桑白皮，味辛甘，性寒无毒，入脾肺二经。主伤寒羸瘦，崩中脉绝，肺气有余，虚劳客热，瘀血停留，吐血热渴，止嗽消痰，开胃进食，利二便，消水肿，能杀寸白，可缝金疮。皮中白汁，涂唇燥及小儿口疮。铜刀切片，文火蜜炙，勿令涎落，桂心、麻子为使，忌见铅铁。桑枝，疗手足拘挛，阴管作痛，眼眶作晕，气逆咳嗽，肿毒风痒。桑椹，开关窍，利血脉，安神魂，黑须发，明耳目。桑寄生，主除腰痛，去风湿，健筋骨，充肌肤，愈金疮，益血脉，长须发，坚齿牙，安胎气，下乳汁，止崩漏，折其茎深黄色者真。

按：桑皮辛则走西方而泻肺金，甘则归中央而利脾土。然肺气虚脾气弱者，不宜用之，恐润利之品，能走真元尔。枝本四发，有发散之义。椹为桑英，有裨益之功。而寄生独产于海外，盖以地暖不蚕，桑木无采撷之苦，得气最厚，生意浓密，叶上自然生出，何曾有所谓节间可容他子也？此说本之丹溪，最为近理。《图经》诸书，胥失之也！难得其真，误服杀人，用者谨之。

雷公云：凡使在树上自然生独枝树是也，采得后，用铜刀和枝根茎细锉，阴干任用，勿令见火，切忌切忌。

枸杞子，味苦甘，性微寒无毒，入肝肾二经。主五内邪热，烦躁消渴，周痹风湿，下胸胁气，除头痛，明眼目，补劳伤，坚筋骨，益精髓，壮心气，强阴益智，去皮肤骨节间风，散疮肿热毒。久服延年，恶乳酪，解面毒。

按：枸杞子味苦可以坚肾，性寒可以清肝，五内等证，孰不本于二经。宜其治矣！陶隐居云：去家千里，勿食枸杞，此言其补精强肾也。然惟甘州者有其功，至于土产者味苦，但能利大小肠，清心除热而已。

雷公云：凡使用采得后，使东流水浸，以物刷去土，用熟甘草汤浸一宿，然后焙干用，

其根若似物形状者佳。春食叶，夏食子，秋冬食根并子也。

地骨皮，味苦，性寒无毒，入肺肾二经。疗在表无定之风邪，退传尸有汗之骨蒸，除热清肺，止嗽解渴，凉血凉骨，利二便。去骨用。

按：地骨皮即枸杞根也。故均入肾，又入肺者，盖以其为表则其用在表，肺主皮毛，所以入二经。功用与枸杞相同。

酸枣仁，味酸，性平无毒，入心脾肝胆四经。主筋骨酸寒，夜卧不宁，虚汗烦渴，安和五脏，大补心脾。炒熟去皮尖研用，生者治嗜卧不休。恶防己。

按：枣仁味酸，本入肝经，而心则其所生者也，脾则其所制者也，胆又其相依之腑也，宜并入之。《圣惠方》云：胆虚不眠，寒也，炒熟为末，竹叶汤调服。盖以肝胆相为表里，血虚则肝虚，肝虚则胆亦虚，得熟枣仁之酸温，以旺肝气，则木来克土。脾主四肢，又主困倦，所以令人多睡。又《济众方》云：胆实多睡，热也。生研为末，姜茶汤调服，亦以枣仁秋成者也，生则得全金气，而能制肝木，肝木有制，则脾不受侮，而运行不睡矣。

雷公云：凡使采得后，晒干取叶，重拌酸枣仁，蒸半日了，去尖皮了，任研用。

益智，味辛，性温无毒，入脾胃肾三经。主遗精虚漏，小便余沥，益气安神，和中止呕，去皮盐炒用。

按：益智辛温，善逐脾胃之寒邪，而土得所胜，则肾水无相克之虞矣。遗精诸证，吾知免矣。

槟榔，味辛甘涩，性温无毒，入胃大肠二经。主消谷逐水，宣脏利腑，攻坚行滞，除痰癖，杀三虫，却伏尸，疗寸白，攻脚气，解诸蛊。坠药性如铁石，治厚重如奔马，见火无功。

按：槟榔甘温之品，宜于胃家，沉阴之性，宜于大肠。考诸功验，取其下坠，非取

其破气，广闽多服之者，盖以地暖淫蒸，居民惑之，气亦上盛，故服此以降之尔。尖长者，快锐速效。

雷公云：凡使存坐稳正坚实不虚者，心坚有锦纹者妙。半白半黑，并心虚者，不入药用。凡修事即头圆矮毗者为榔，身形尖紫文者为槲，榔力小，槲力大，欲使先以刀刮去底，细切，勿经火。

大腹皮，味苦辛，性微温无毒，入肺脾二经。主冷热气攻心腹，疏通关格，除胀满，祛壅滞，消浮肿，酒洗去沙，复以大豆汁洗用。

按：大腹辛宜泻肺，温宜健脾，然宣泄太过，气虚者勿用，树上多栖鸬鸟，污染粪毒，最能为害，故必多洗，方堪用尔。

丁香，味甘辛，性温无毒，入肺脾胃肾四经。主口气腹痛，霍乱反胃，鬼疟蛊毒，及肾气奔豚气，壮阳暖腰膝，疗冷气，杀酒毒，消痲癖，除冷劳。有大如山茱萸者，名母丁香，气味尤佳。

按：丁香辛温走肺部，甘温走脾胃。肾者，土所制而金所生也，宜咸入之。果犯寒疴，投之辄应，倘因火症，为祸勿轻。陈藏器云：拔去白须，姜汁调涂孔中，重生即黑。

雷公云：凡使有雌雄，雄颗小，雌颗大，似枣核，方中多使。雌力大，膏煎中用雄。若用须去了，盖乳子发人背痛也。

冰片，味辛苦，性温无毒，入肺肝二经。主心腹邪气积聚，喉闭乳蛾，舌肿，痔疮，通九窍，消风气，明耳目，杀诸虫，解蛊毒。又主小儿惊痫，大人痰迷。

按：冰片之辛，本入肺家，而肝则受克者也，故兼入焉。主治诸症，俱是气闭生热。而冰片则辛散之极，开气如反掌，故多用之，然亦从治之法也。世俗因其主用，遂疑其性寒，辄与麝香同用，以为桂附之助，独不计人身阳易于动，阴易于亏。丹溪之训，诿可忽诸。

猪苓，味淡，性平无毒，入膀胱经。主

利便除湿，消肿通淋，去黑皮用。

按：猪苓味淡，五脏无归，专入膀胱利水，今之疗泻者概用之，谓其去脾家之湿也。不知一于渗泄，逐水太过，水尽则伤肾昏目，不可不知。

雷公云：凡采得用铜刀刮上粗皮一重，薄切，下东流水浸一宿，至明漉出细切，以升麻叶对蒸一日，去升麻叶令净，晒干用。

苏木，味甘咸，性平无毒，入肝经。主破产后恶血，疮疡死症，一切跌扑损伤，调月水，去瘀血，和新血，排脓止痛，消痈散肿，及主霍乱呕逆，赤白痢下，酒蒸干用。

按：苏木专主血分，宜入肝经。然破血之功多，而和血之功少，勿得多用，以伤阴分。

雷公云：凡使去上粗皮并节子，若有中心文横如紫角者，号曰水中蓐色，具是倍常百等。须锉细了重捣拌细条梅枝蒸，从巳至申，阴干用。

沉香，味辛苦，性温无毒，入肾命门二经。主祛恶气，定霍乱，补五脏，益精气，壮元阳，除冷气，破癥癖，皮肤瘙痒，骨节不仁。忌见火，生磨用。

按：沉香属阳而性沉，多功于下部，命肾之所由入也。然香剂多燥，未免伤血，必下焦虚寒者宜之。若水脏衰微，相火盛炎者误用，则水益枯而火益烈，祸无极矣。今多以为平和之剂，无损于人，辄用以化气，其不祸人者几希。

雷公云：沉香，凡使须要不枯者，如嘴角硬，重沉于水下为上也。半沉者次也，大凡入丸散中用，俟众药出，即入拌和用也。

乳香，味辛苦，性温无毒，入十二经。主祛邪下气，补肾益精，治霍乱，催产难，定心腹急疼，疗癰疹风痒，诸般恶疮，风水肿毒，中风聋瞶，亦入敷膏，止痛生肌。瓦上微炒出油，灯草同研用。

按：乳香辛香发散，于十二经络无所不入。生南海波斯国赤松脂也，垂滴成珠。缀

木未落者，名珠香，圆小光明，效速，滴下如乳。熔塌地面者，名塌香，大块枯黯，效迟，用者不可不审。

没药，味苦辛，性平无毒，入十二经。主破瘀结宿血，止痛，疗金疮杖疮痔疮，诸恶肿毒，跌打损伤，目中翳晕，历节诸风，骨节疼痛，制同乳香。

按：没药与乳香同功，大抵血滞则气壅，气壅则经络满急，故痛且肿，得没药以宣通气血，宜其治矣。

木瓜，味酸性寒无毒，入肺脾肝三经。主脚气水肿，心腹冷热痛及奔弛，去湿气，调荣卫，助谷气，和脾胃，止吐泻。忌犯铁器，石捣用。

按木瓜之入三经，何也？经所谓以酸补肺，以酸泻肝，脾则受制于木，而孕育夫金者也，何弗入焉？东垣云：气脱则能收，气滞则能和，腰肾脚膝之要药也。香薷饮用之，取其专和脾胃，培植肺气，除夏间之湿，以生至微之金耳。

雷公云：凡使勿误用和圆子、蔓子、土茯苓子，其色样外形，真似木瓜，只气味别，并向里子，各不同，若木瓜皮薄，微赤黄香，甘酸不涩，调荣卫，助谷气，向里子头尖一面，方是真木瓜。若和圆子，色微黄，蒂核粗，子小圆，味涩微酸，伤人气。蔓子颗小似木瓜，味绝涩，不堪用。土茯苓子似木瓜，味绝涩，子如大样油麻，又苦涩不堪用，若饵之令人目涩。目赤，多筋骨痛，凡使木瓜，勿犯铁，用铜刀刮去硬皮并子，薄切，于日中晒，却用黄牛乳汁拌蒸，从巳至未，其木瓜如膏煎，却于日中薄摊，晒干用也。

竹叶，味甘淡，性平无毒，入心肺胃三经。主新旧风邪之烦热，喘促气胜之上冲，疗伤寒，解虚烦，治消渴，疗喉痹，止呕吐，除咳逆。有一种苦竹叶，主舌疮目痛，去青刮取为竹茹，主胃热呕呃，除烦解渴，疗吐衄崩中，噎膈气溢，筋极五痔。火烧竹沥，主阴虚发热，中风口噤，除自汗，解消渴，止

惊悸，清烦躁，痰在手足四肢，非此不达，痰在脾里膜外，有此可驱；又主小儿天吊惊痫，妇人怀妊闷晕。胎前不损子，产后不得虚。笋，补气止渴，久食益人。

按：竹叶生于中半以上，故主治多在上焦，心肺胃，皆脏腑之居上者也，宜并人之。味苦者专泻南方，竹茹者其除土郁，故主用小味。竹沥者竹之液也，犹人身之血也，极能补阴，况阴之不足，由于火烁，竹沥长于清火，则血得其养，《本经》已载其功，丹溪又详其效，而世俗不能常用者。盖泥《证类》之大寒尔，不知竹即笋之老者也。今人自幼食笋，至老不撤，曾无中其寒凉之害者。沥则假火而成，何寒之有？《证类》之所大寒者，盖表其功，非论其气也。幸高明者准之以理，斯药无遗用矣。

天竺黄，味甘，性寒无毒，入心经。主清心明目，除惊解烦，驱邪逐痰，及小儿惊痫天吊风热诸证。

按：竺黄之寒，专泻少阴之火，火去而惊邪诸证靡不疗矣。产三竺国，即竹节内黄粉，然多有伪者，须辨其片片如竹节者真。

金樱子，味酸涩，性温无毒，入脾肺肾三经。主脾泄下痢，血崩带下，涩精气，止遗泄，除咳嗽，止小便，助真气，润颜色，久服延年。先去刺，剖开去子，复试去毛用。

按：丹溪曰：金樱子属土而有金与水，脾肺肾之入，固其宜也。又曰：经络隧道，以通畅为和平，味者取其涩性，煎膏食之，自作不靖，咎将谁执？此恐过服者伤脾百发也。须九十月间半熟时采之，太生令人利，太熟功力薄。

诃梨勒，味苦酸涩，性温无毒，入肺肝脾肾大肠五经。主冷气心腹胀满，久泻痢，霍乱喘急，肠风泻血。崩中带下，奔豚肾气，开胃消食，生津止渴，治嗽开音，酒浸蒸熟用。未熟时风飘坠者，谓之随风子。肺因火伤，郁退胀满，痰嗽咽喉不利者，含三四枚殊胜。

按：诃梨勒，酸以泻肝收肝，苦以坚肾

泻脾，涩以厚大肠，五经之入所由来也。终是酸涩之剂，久泻痢者宜之，若积初而用之，与丹溪痢无止法意相左矣！《衍义》曰：气虚人亦宜缓缓煨熟少服，虽能涩肠，又能泄气故也。丹溪云：诃梨勒文只有六路，或多或少，此是毗梨勒、鼈梨勒、榔精勒、杂路勒，并不宜用。

雷公云：凡使勿用毗梨勒，鼈梨勒，榔精勒、杂路勒。若诃梨，文只是六路，或多或少，并是杂路勒，毗路勒，个个毗杂，路皆圆露。又或八路至十三路，号曰榔精勒，多涩，不入用。凡修事先于酒内浸，后蒸一伏时，以刀削路，细锉，路干用之。

郁李仁，味酸，性平无毒，入大肠经。主四肢浮肿，肠中结气，关格不通，膀胱急痛，润肠破血，利水下气，消食宽中。忌面及牛肉。

按：郁李仁属阴，性主降，故独入大肠。然宣泄太过，能疏五脏真气，虚人不宜多用。

茺萸，味辛，性温无毒，入肺脾二经。主五内邪气，肠风痔漏，疥癣风热，皮肤骨节间风湿，除冷气，化宿食，消痞积，杀诸虫。去衣，面炒黄用。

按：茺萸辛宜于肺，温宜于脾，故两入之。风寒湿脾，大肠冷滑者，此为要剂。夫气食皆因寒而滞，诸虫皆因湿而生，得茺萸以温之燥之，而证犹不痊者，未之有也。

五加皮，味辛苦，性温无毒，入肺肾二经。主心腹腰膝痛，疝气，骨节拘挛多年，瘀血在皮肤，阴痿囊湿，小儿脚软，女子阴痒阴蚀，补劳伤，坚节骨，益志气，添精髓，久服延年。远志为使，畏蛇皮，玄参。

按：五加皮辛能泻肺，苦能坚肾，宜并人之，心腹等件，何非两经之证，而有不治者耶？昔张子声、杨廷如、王叔牙、于世彦等，皆服五加皮酒，不绝房室，得寿三百岁，有子二十人，延年之说，此其征矣。

雷公云：今五加皮其树本是白，秋树其上有叶如蒲叶者，其三叶花是雄，五叶花是

雌，剥皮阴干，阳人使阴，阴人使阳。

楮实，味甘，性平无毒，入肾经。主补虚劳，壮阴痿，助腰膝，退水肿，坚筋骨，益气力，充肌肤，悦颜色，明耳目。久服长生，酒浸一宿蒸用。树汁，涂癣及蝎螫。树皮，主逐水利小便。叶，主小儿身热，煎汤洗恶疮，长肌肉。茎主瘾疹作痒，单煮洗浴。

按：楮实浊阴下降，宜入少阴，补益之功，诸书具载，独《修真秘旨》曰：服楮实者，辄为骨软疾，必非无根之说，然甚难解释，姑录之以待明敏。

雷公云：凡使采得后用，用水浸三日，将物搅旋，浮于水面者去之，然后晒干，却用酒浸一伏时了，使蒸从巳至亥出，焙令干用。

秦皮，味苦，性寒无毒，入肝肾二经。主散风寒湿痹，去肝中久热，两目赤肿，青白翳晕，流泪不止，及丈夫精衰，女子崩带，小儿风热惊痫。大戟为使，恶吴茱萸、防葵。

按：秦皮青碧之色，宜入厥阴，沉阴之品，宜入少阴。脾胃虚寒者，不宜多用。

檉白皮，味苦涩，性寒无毒，入心肝脾三经。主月经过度，带漏崩中，梦泄遗精，肠风痔漏，久痢脱肛。缩小便，除疮疥，祛鬼疰，杀传尸，解蛊毒，逐蛔虫。蜜炙用。有一种椿皮，功用相同，性敛微温。

按：檉白皮血中之药也，心主血，肝藏血，脾裹血，宜均入之。孟诜云：多食令人神昏血气微。

密蒙花，味甘，性微寒无毒，入肝经。主青盲肤翳，赤涩眵泪，赤脉贯睛，又主小儿麸痘及痘眼。酒浸一宿，蜜拌蒸，晒干用。

按：密蒙专入肝经，故治目之外无他长，眼科之要剂也。

雷公云：凡使先拣令净，用酒浸一宿，漉出候干，用将蜜令润蒸，从卯至酉出，日干，如此拌蒸三遍，又却日干用，每修事一两，用酒八两，浸待色变，用蜜半两蒸为度，此元名木锦花。

辛夷，味辛，性温无毒，入肺胃二经。主

身体寒热，头风脑痛，面肿齿痛，眩冒如在车船，温中气，利九窍，解肌表，通鼻塞，除浊涕，生须发，杀白虫，去面点。去毛及心用，芎藭为使，恶五灵脂，畏菖蒲，蒲黄、黄连、石膏、黄环。

按：辛夷辛温发散，太阴阳明之入，固其宜也。若肺胃虚热不受风邪者，勿得漫用。

雷公云：凡使之去粗皮，拭上赤肉毛了，即以芭蕉水浸一宿，漉出，用浆水煮，从巳至未出，焙干用。若治眼目中患，即一时去皮，用向里实者。

蕤仁，味甘，性温无毒，入心肝脾三经。主心腹结气结痰，鼻中衄血，眼疮上下风肿烂弦，左右眦热障努肉，清火止泪，益水生光。破核取仁，去皮尖研用。

按：心肝与脾，皆血之脏，而蕤仁入之，夫目之有疾，血之故也。今得其甘以养血，温以和血，而肿胀诸患，从兹息矣。

雷公云：凡使先用热水浸去皮尖，作两片，用芒硝、木通、甘草、三味，和蕤仁同水煮一伏时，后漉出，去诸药，取蕤仁研成膏，加蜜入药中使。凡修事四两，用芒硝一两，木通甘草七两。

女贞实，味甘苦，性平无毒，入心肝二经。主安五脏，养精神，补阴分，益中气，黑须发，强筋力，去风湿，除百病，久服可延年。冬采，取布袋洗净衣皮，酒浸一宿，晒干用。

按：女贞实苦走心，甘走脾，性用平和，经冬不凋，诚补阴之上剂也。仙家亦需服食，今罕有能用之者，亦未究其药尔。

五倍子，味苦酸，性平无毒，入大肠经。主齿宣疳蠹，风癣疥痒，肠风五痔，及小儿面鼻口耳疮，明目生津，止泻涩精。噙口中，治口疮。善收顽痰，解诸热毒。百药煎即五倍造成，主肺胀喘咳。噙化能敛而降之。

按：五倍酸苦之性专涩大肠，其收敛甚捷，泻痢初起者，未宜入剂。

牙皂，味辛咸，性温有小毒，入肝胃二

经。主风痹死肌，头风目泪，中风邪气劳虫等物。通关窍，理痈疽，消胀满，化谷食，除咳嗽，疗骨蒸，去疥癣。搐鼻喷嚏立至，敷肿疼痛即除。和生矾可吐风痰，拌蜂蜜名为导箭。水浸一宿，去皮弦酥炙，复去核及黄用。柏实为使，恶麦门冬，畏空青、人参、苦参、皂角刺，主厉风鼻梁崩倒，眉发自落。又主痈疽，其未溃者，能发散，其已溃者，能引排脓药直达脓处成功。诸恶疮癣，咸不要缺。

按：肝为风木之脏，胃为水谷之腑，牙皂辛温，有行散之功，宜并入之。多用能耗气损血，其刺乃质干之锐者，故于疮痈，无所不达。若疗厉风，九蒸曝为妙。

巴豆，味辛，性生温熟寒，有大毒，入脾胃大肠三经。主消坚积，荡脏腑之沉寒，通闭塞，利水谷之道路，排脓消肿，破血通经，杀鬼毒蛊疰及腹脏诸蛊。去皮心膜油，水煮五度用，芫花为使，恶藁草，畏大黄、黄连、藜芦、牵牛、芦笋、酱豉、冷水，杀斑蝥蛇蝎毒。

按：巴豆专主宣通，则脾胃大肠宜其入已。妙令紫黑，可以通肠，亦可止泻。盖通因通用之意也。仲景东垣及诸名家，每每用之，今世俗畏其辛热之毒，荡涤之患辄云劫剂，废皆不用，不知巴豆为斩关夺门之将，其性猛烈，投之不当，为害非轻，用之得宜，奏功甚捷。譬如张飞，亦一虎将也。顾人用之何如耳？可概弃哉！倘气虚羸弱，脾气久伤者，诚所大忌。

雷公云：凡使巴豆之与豆及刚子，须在仔细认，勿误用杀人。巴颗小紧实，色黄。豆即颗，有三棱，色黑。若刚子，小似枣核，两头尖，巴与豆即用，刚子，勿使。凡修事巴豆敲碎，以麻油并酒等煮，研膏后用，每修事一两，以酒与麻油各七合，尽为度。

金铃子，味苦，性寒。有小毒，入心小肠二经。主温疾伤寒，理大热颠狂，利小便，通水道，杀三虫，愈疮疡，善除心痛，宜作

浴汤。晒干酒蒸，去皮核用，川蜀者佳。

按：金铃子苦寒，宜入心家，而小肠即其腑也，故并入之。疮疡诸证，何非心火所致，得金铃以泻之，洵可愈矣。

紫葳，味甘酸，性微寒无毒，入脾肝二经。主妇人产后血崩不定，血隔游风，崩中带下，瘕瘕血闭，安胎通淋；又主热风及身痒风疹，二便不通，酒齕热毒。畏卤咸，一名凌霄花。

按：紫葳甘归脾脏，酸走肝家，二经乃藏血裹血者也，故专调血证。风痒之生，亦荣卫不和尔，宜并理之。丹溪曰：治崩中血症之要药也，且补阴甚捷，盖有守而独行。者。

雷丸，味苦咸，性寒有小毒，入肺脾胃三经。主胃中热，癫发狂走，恶风汗出，解蛊毒，杀诸虫，逐皮里膜外之水；又作糜膏，除小儿百病，利丈夫，不利女子，久服阴痿。火炮用，荔实、厚朴、芫花为使，恶葛根、扁蓄，赤者杀人。

按：雷丸苦能燥脾，而胃则其腑也，肺则其子也，故均入之。虫以湿热为巢穴，湿热去而虫可杀矣。《本经》既云利丈夫，《别录》又云久服阴痿，于事相反，陶隐居以此致疑，不知利者疏利之谓尔！非利益也。

雷公云：凡使用甘草，水浸一宿了，将刀刮去黑皮，破作四五片，又用甘草汤浸一宿后蒸，从巳至未，日干，却以酒拌如前，日干用之。

钩藤，味甘苦，性微寒无毒，入十二经。主小儿寒热，诸种惊痫，胎风客忤，热壅夜啼。舒筋活血，色黄而嫩钩多者佳。

按：钩藤兼生气血，故于经络靡所不入，惟疗小儿，不入余方。

血竭，味甘微咸，性平有小毒，入诸阴经。主五脏邪气，心腹卒痛，除带下，破积血，疗疥癣恶疮及金疮，生肌止痛，得密陀僧良。有假者是海母血，颇相似，然味大咸有腥气为辨尔。敲断有光彩，磨指甲红透者佳，另研用。若与别药同捣，化作飞尘。

按：血竭专主血分，故入诸阴之经。日华子云：诸疮久不合者，以敷此药。然不可多使，却能引脓。

茶茗，味甘苦，性微寒无毒，入心肝脾肺肾五经。主下气醒睡，除痰消痞，利便生津，破热气，清头目，善祛油腻，解煎炙毒。

按：茶茗清利之品，故五脏咸入。然过食伤脾，令人面黄消瘦，其醒睡者，亦以伐脾故耳。

阿魏，味辛，性微热无毒，入胃经。主破瘕积，下恶气，治霍乱，止腹疼，辟瘟禁疟，辟鬼祛邪，能消蛊毒，可灭传尸。

按：阿魏辛热之性，与胃腑相宜，故独入之。产波斯国阿虞木内之脂也。《唐本》云：体性极臭，而能止臭，亦奇物也。今市家多煎蒜白假充，不可不辨。真者置热铜器中一日夜，其沾阿魏处，白如银。

雷公云：凡使多有讹伪，共有三验。第一验将半铢安于热铜器中，一宿至明，沾阿魏处，白如银汞，无赤色。第二验将一铢置于五方草自然汁中，浸一夜至明，如鲜血色。第三验将一铢安在树上，树立干，便是真。凡使先于净钵中研如粉了，于热酒器上蒸过，存入药中用之。

干漆，味辛，性温有毒，入胃大小肠三经。主年深坚结之沉积，日久秘结之瘀血，杀

三虫，绝传尸，损咳嗽，止崩漏，除九种心疼，疗风寒湿痹，炒令烟尽用，半夏为使，畏鸡子、油脂、铁浆、黄栌汁、蟹。

按：干漆专主行化，胃与二肠，宜其入已。然攻坚消积之剂，终损元神，不宜过用。中其毒者，以所畏之物解之。

枫香，味辛苦，性平无毒，入脾肝二经。主辟恶气，治痈毒，止齿痛，消风气，除下痢。止霍乱，退癰疹最捷。一名白胶，一名芸香。

按：枫香辛宜走肺，苦宜燥脾，治节得宜，仓廩得令，则恶气等证，何患其不瘳？

蜀椒，味辛，性热有毒，入肺脾二经。主冷气咳逆，心腹邪气，风寒湿痹，癰疽积聚霍乱转筋，留饮宿食，开腠理，通血脉，坚齿发，调关节，堪辟瘟疫，可洗漆疮。微妙能出汗，去黄谷用。

按：蜀椒辛宜肺部，热宜脾家，故并入之。证属寒凝，诚为要剂。然过于行散，多服令人乏气，且发热疾，闭口者能杀人，不可不慎。

雷公云：一名南椒，凡使须去目及闭口者不用。其椒子先须酒拌，令湿蒸，从巳至午放冷。又制法微妙出汗，投器中舂之，取红皮，去黄谷，密收器中任用也。

雷公炮制药性解 卷六

明 云间 李中梓士材编辑

清 吴门 王子接晋三重订

郟县 曹赤电炳章校点

菜 部

生姜，味辛，性温无毒，入肺心脾胃四经。主通神明，去秽恶，散风寒，止呕吐，除泄泻，散郁结，畅脾胃，疗痰嗽，制半夏。和药要热去皮，要冷留皮，恶黄芩。

按：生姜辛入肺，肺得所胜，则气通宣畅，主宰精灵，故能通神明，神明通则一身之气皆为我使，而亦胜矣。一身之气肝，则中焦之元气定，而脾胃出纳之令行，邪气不能容矣，故能去秽恶。经云：秋不食姜者，盖以燥金主令，天道敛收。姜则味辛，善散肺气，人肖天地以生，未有干天地之和而犹受其益者。谚所谓夜不食姜，亦以夜气敛而姜性散耳。如疗病则不可泥也，宜常用而不宜多用。

干姜，味辛，性大热有毒，入肺大肠脾胃肾五经。生者味辛，能行血，逐寒邪而发表。熟者味苦，能止血，除胃冷而守中，沉寒痼冷。肾中无阳，脉气欲绝者，用黑附为引。

按：干姜之辛，本职肺家，其以性热，故又入脾胃大肠。至于少阴之入，黑附为之引耳。夫血遇热则走，生者行之，固其宜也。而吐衄下血崩漏淋产证，熟者反能止之，何也？盖物极则反，血去多而阴不复，则阳无所附，得此以助阳之生，而阴复矣。曰：见火则味苦色黑，守而不走，血安得不止耶？然必病久气虚，亡阳而多盗汗，及手足冷者宜用，若

初病火炽，遽尔投之，是抱薪救火，危亡立至矣！可不懂乎？丹溪曰：干姜散肺气，间五味能止嗽，治血虚发热。该与补阴药同用，入肺中利肺气，入肾中燥下湿，入气分引血药入血也。东垣云：多用能耗元气，壮火食气故也。干姜辛热，皆言补脾，海藏独言泄脾，何也？泄之一字，非泄脾之正气，是泄脾中寒湿之邪。盖以辛热之剂燥之，故曰泄脾也。生者能堕胎。

莱菔，味辛甘，性温无毒，入肺脾二经。主下气消食，除痰止嗽，解渴化癖。捣汁磨墨，堪止吐血；熟者补脾。其子下气犹捷，有推墙倒壁之功；水研可吐风痰；醋研可敷恶毒。俗名萝卜，解面毒。

按：莱菔辛宣肺部，甘走脾家，故两入之。生者下气，多食耗血，以辛多于甘也。熟者补脾，多食滞气，以甘多于辛也。其子力倍，虚者戒之。

白芥子，味辛，性温无毒，入肺胃二经。主下气，止翻胃，消痞癖，辟鬼邪，驱疰气，除皮里膜外痰涎；醋研可敷射工毒；其茎叶，堪却冷气，能安五脏。

按：白芥子辛宜于肺，温宜于胃，故俱入之。气虚及肺胃中有火者，咸禁食之。

韭，味辛，性温无毒，入肺脾肾三经。主下气和中，补肾益阳，利腰膝，和脏腑，除胸腹瘀癖痼冷，止白浊遗精。其根捣汁，下膈中瘀血殊效。其子较根叶犹胜，忌糖蜜及牛肉。

按：丹溪云：韭属金而有土与水，宜入

肺脾肾以主三经之证。然不宜多食，令人神昏目暗。

蒜，味辛，性大温，有小毒，入脾胃二经。主温中消食，止霍乱转筋，除吐泻及中脘冷痛，瘟疫瘴疔，蛊毒疗肿，邪痹毒气。

按：蒜味辛温，故入脾胃以理诸证。丹溪云：性热快膈，人皆喜食，多用则伤脾损肺，坏肝昏目，生痰发嗽，而无颜色，化肉之功，不足多也，有志颐生者，宜知自警。

胡荽，味辛，性温微毒，入肺脾二经。主通小腹气，除四肢热，止头痛，消谷食，散疹疹，齐痘疮。其子煎油，可敷秃疮。忌斜蒿同食，令人汗死。

按：胡荽味辛，肺所药也。性温，脾所快也，故皆入之。肺主皮毛，脾主肌肉，所以理痧痘等证。多食损精神，发痼疾，令人健忘。脚气狐臭者，食之愈甚。

葱白，味辛，性温无毒，入肺胃肝三经。善发汗，通骨节，逐肝邪，明眼目，去喉痹，愈金疮，安胎气，止鼻衄，治霍乱转筋，理伤寒头痛，杀鱼肉毒，通大小肠，散面目浮肿，止心腹急疼，脚气奔豚气。连须捣，可除蛇伤蚯蚓伤。畏蜜、菰菜、常山，同食杀人。

按：皮毛腠理，肺所司也，风淫水旺，肝所患也。邪传入里，胃所疾也。葱白功专发散，又主通中，三经之入有由来矣。多食则伐气昏神，虚者戒之。

冬葵子，味甘，性寒无毒，入小肠膀胱二经。主滑胎产，利小便，疗热淋，逆生者得之即顺，胎死者得之即下，能通乳汁，堪溃痈疽。

按：冬葵子性最滑利，能宣积壅，宜入手足太阳，以为催生之剂，然不可预服，恐胞未转而先催，空涸其水，反艰其产耳。痈疽者，荣气不从，逆于肉理。乳闭者，亦凝滞之所致也，得冬葵以导之，而不瘳者鲜矣。

白冬瓜，味甘，性微寒无毒，入脾胃大小肠四经。主胸前烦闷作渴，脐下水胀成淋，

通大小便，大解热毒，可贴痈疽，又解丹石毒及鱼毒。

按：冬瓜味甘，宜入脾胃，性走而急，宜入大小肠。烦渴痈疽，皆热也，其性寒，故能解之。丹溪曰：久病与阴虚者忌服，未被霜而食之，令人成反胃病。

人 部

乳汁，味甘，性平无毒，入心肝脾三经。主健四肢，荣五脏，实腠理，悦皮肤，安神魂，利关格，明眼目，久服延年。

按：乳汁本血也。心主血，肝藏血，脾裹血，宜并入之。夫妇人之血，降为月水，升为乳汁。房术云：女子一身属阴，惟月水属阳，故名水中金。惜《神农本草》不载，而诸家本草，遂以为血属于阴，其性大冷，不知月水乳汁，本同一物。月水之热，人咸知也，今升而为乳，质较轻清，中和补益，实为过之，何反以为大冷耶？若果大冷，则必能伤脾，小儿食之，当泄利不止矣！有是理哉？特不宜与食混进，诚能令人泻耳。

金汁，味甘苦，性大寒无毒，入心经。主天行狂热，阴虚燥热，解一切毒，疗一切疮，埋土年久者佳。

按：《素问》曰：浊阴出下窍，宜其足以制阳亢，而心则火之主也，故独入之。造法于冬月取竹箩置缸上，棕皮铺满，加草纸数层，尿浇于上，汁淋在缸。新瓮盛贮，磁钵盖之，盐泥封固，埋地年深，自如清泉，闻无秽气。又法，腊月取淡竹刮去青皮，浸厕中取汁亦佳。

屎蛆，味甘咸，性平无毒，入脾经。主小儿疳积胀满，须水中漂净，贮于桶中，剖虾蟆饲肥，烈日曝蒸，盖密即死，文火烘燥用。

按：蛆本浊阴下降流动不拘之物，有行下之理，故专入脾经，以疗儿疳最效。

入溺，味咸，性寒无毒，入心肺二经。主

劳热吐衄，痰喘咳嗽，扑伤瘀血，产后败血，生津解渴，能通二便，童男者犹胜。积垢在器，即名人中白，瓦上文火煨之存性，酒醋兼制，与溺同功，疗口疮痰结，须露天经年者佳。

按：人溺降火最速，丹溪曰：气有余便是火。肺主气，心属火，宜均入之，降火而不伤于寒凉，且补益之功甚大，而本草不言，惜哉？褚澄云：以童便治血证，百不一死，庶得其用矣。

秋石，味咸，性微寒无毒，入肺肾二经。主滋肾水，返本還元，养丹田，归根复命，安和五脏，润泽三焦，消咳逆稠痰，退骨蒸劳热，能除鼓胀，亦软坚积，明目清心，延年益寿。

按：秋石之咸，本专入肾，而肺即其母也，故并入之。须用阴阳炼者，兼而服之，得坎离既济之义，东坡有炼法可用。

月水，性味经络，诸书不载。主男子羸，中伤几死，解药箭毒，首经者犹属纯阳，能回生再造。

按：月水之补，实令人有起死之功，今时罕有能用之者，惜哉！

发，味苦，性微温无毒，入心经。主咳嗽五淋，二便不通，烧灰吹鼻，立止衄血，亦主小儿惊痫，胎发及童男女剃下者尤佳，多产妇人发，烧灰酒服，极善催生。

按：发为血之余。而心则主血者也。故独入之。丹溪称其补阴甚捷，良有故耳。

雷公云：凡使须用男子二十已来，无疾患，颜貌红白，于顶心剪下者佳。凡于丸散膏中，先用苦参水浸一宿，漉出入瓶，以火烧之，令通赤，放冷，研用之。

紫河车，味甘，性大温无毒，入心脾肾三经。主诸虚百损，五劳七伤，骨蒸潮热，体弱气短，吐衄，男子精衰，妇人无孕，的是仙丹。取肥壮者洗净，抽去紫筋切碎，入童便二碗，入铅瓶重汤煮烂，一昼夜方开，杵成膏用。世俗有埋地日久化作清泉者，此名

河车水，主天行时疫热狂，小儿丹疹热毒。

按：紫河车味甘，宜其归脾；父之精也，宜归肾脏；母之血也，宜入心家。夫其精血所结，未有男女，先立胚胎，浑然大虚，实乾坤之橐籥，铅汞之根基，九九数足，九则载而乘之，故名河车。又曰紫者，以红黑色相杂也。合坎离之色，得妙合之精，虽成后天之形，实禀先天之气，补益之功，更无足与俦者。第其性温，若有火证者，必得便制，斯无他患耳。

天灵盖，味咸，性平无毒，所入经络，诸书不载。主传尸鬼疰，并疗大伤，取得后，用糖灰火焙一夜，待腥秽气出尽后，用童便于磁锅内煮一伏时，埋于地下可深一尺亦一伏时，取出听用。阳人使阴，阴人使阳。

按：天灵盖即顶盖骨也，《神农本草经》不载，后世医家始用之，此本同类之物。见则当怜而悲之，乃取而食之，殊非仁人之用心，世称孙思邈有大功于世，以杀命治命，尚有阴责，况于是乎？若必不得已而用之，当取年深湮污者良，以其绝尸气也。

死人枕，味咸，性平无毒，所入经络，诸书不载。主传尸鬼疰邪气石蛔。取之煎汤用，用毕送还原处。

按：死人枕即脑后骨也，夫鬼邪乘人，非药石可攻，用死人枕者，所谓引之以类也。石蛔者，久蛔也，医疗既癖，蛔虫转坚，药剂不能疗，所以需鬼物驱之。用毕即送还原处者，一则使邪疰之气有所依归，一则勿以疗人而伤鬼也。古有神医徐嗣伯刘大用者，用之辄验。

禽 兽 部

黑嘴白鸭，味甘，性微寒无毒，入肺肾二经。主大补虚劳，最消毒热，利小便，除水肿，消胀满，利脏腑，退疮肿，定惊痫。绿头者亦堪用。白目若能杀人，忌龟鳖肉。

按：肺之色属白，肾之色属黑，黑嘴白

鸭宜其入此二经。肺肾受补，诚为劳证仙方，得童便煮服，功效不可尽述。

乌骨毛鸡，味甘，性微温，有小毒，入五脏诸经。主虚羸折伤痼痼，及心腹恶气，亦能安胎，过食生火动风。

按：丹溪曰：鸡属土而有金与木火。则所禀者惟少水尔，今得其毛骨之黑，是五行具备，故于五脏靡弗也。于肝力巽，巽为木，故能生火；又为风，故能动风。日华子以为除风湿麻痺，于理未合。

雄雀，味甘咸，性热无毒，入命门经。主益气壮阳。其脑主耳聋及冻疮，头血主点雀盲。粪名白丁香，主癰痈疔，点目内努肉血膜，除癥瘕伏梁，烂疮癖积块。

按：雀之咸热，宜入命门而补火。然相火久炙，其水必衰，勿宜过服，致伤肾脏，妊娠犹忌食之。脑血及白丁香之功，咸性热所致尔。

雀卵，味酸温无毒，主下气，男子阴痿不起，强之令热，多精有子，脑主耳聋。头血主雀盲。雄雀屎，齿痛用药，疗目痛，治痈疔，女子带下，溺不利，除疝瘕。五月取之良。注云，两头尖者是雄雀屎。

雷公云：雀苏，凡使勿用雀儿粪，其雀儿口黄未经淫者，粪连苏。若底坐尖在上，即曰雌，两头圆者是。阴人使雄，阳人使雌，凡采之先去两畔有附子生者通用，然后于钵中研如粉，煎甘草汤浸一宿，去上清，甘草水尽，焙干任用。

伏翼，味咸，性微热有毒，不载经络。主逐五淋，利水道，去翳明目，令人喜乐，媚好忘忧，久服延年。屎名夜明砂，破腹中血气，及寒热积聚，除惊悸。血堪点眼，形重一斤，色白如雪者佳。

按：伏翼原名蝙蝠，以其昼伏夜飞，因称伏翼。能伏气，冬月不食，故多寿，人服之，宜其有延年之功矣。

雷公云：凡使要重一斤者方采之，每修事先拭去肉上皮毛爪肠，留翅并肉脚及嘴，然

后洒浸一宿，漉出取黄精自然汁涂之，炙令干方用，每修事重一斤一个，用黄精自然汁五两为度。

龙骨，味甘，性平无毒，入肾经。主丈夫精滑遗泄，妇人崩中带下，止肠风下血，疗泻痢不止，得五色具者佳，其齿主惊痫狂疾，俱畏干漆、蜀椒、理石、石膏。

按：《经》曰：肾主骨，宜龙骨独入之。观其沾舌，大抵畜之用居多，故主精滑等症。经曰：涩可去脱，是之谓耶。

虎骨，味辛，性微热无毒，入肾经。主邪气鬼疰，筋骨毒风挛急。酥炙用，畏干漆、蜀椒、磁石。

按：虎骨入肾，亦以肾主骨故也。其治骨间毒风者何也？《易》曰：风从虎，夫风，木也，虎、金也；木受金制，焉得不从。

雷公云：虎睛，凡使须问猎人，其眼有雌有雄，有老有嫩，有杀得者，惟中有毒箭死者勿使，能伤人。凡用虎睛先于草羊血中浸一宿，漉出微微火上焙干，捣成粉，候众药出取合用之也。

犀角，味苦酸咸，性寒无毒，入心肝二经。主百毒蛊疰，鬼魅邪气，伤寒瘟疫，烦躁颠狂，痘疹血热，痈疽肿毒，清心镇肝，明目定惊，孕妇忌服。须纹细色乌光明滑润者佳，取其茸尖，功力具备，松脂为使，恶雷丸，忌盐。

按：犀角苦寒，本入心家泻火，又入肝脏者，盖以火不妄炎，则金能制木也。丹溪曰：属阳性走，比诸角犹甚，痘疮后用以散余毒，俗以为常，若非有余毒而血虚者，与以燥发热者用之，祸无极矣。

雷公云：凡使勿用奴犀角，病水犀、挛子犀、无润犀，惟取乌黑肌皱折裂光润者上。凡修治时锉其屑入臼中，杵令细，再入臼中研万匝，方入药用，妇人妊娠勿服，能消胎气，忌盐。

羚羊角，味苦咸，性寒无毒，入肝经。主伤寒热在肌肤，温气注伏在骨间，邪气不祥，

惊梦狂越，心神不宁，小儿卒热惊搐，产后败血冲心。清心解毒，明目益气。烧灰又主食噎不通，其角多倒卦痕深入者为真。

按：丹溪曰：羚羊属木，它入眠间，木得其平，而风火诸症无能乖矣。

雷公云：凡用有神羊角，其神羊角长有二十四节，为有天生木脑，此角有神力，可抵千牛之力也。凡修事之时，勿令单用，不复有验，须要不拆元对，以绳缚之，力将铁铤子铤之，旋取用，勿令风犯，铤未尽处，须三重纸裹，恐力散也。铤得了即背风头重筛过，然后入药中用之，若更研万匝，用之更妙，免刮人肠也。

牛黄，味苦，性平无毒，入心经。主大人癫狂发瘕，中风痰壅不语，小儿惊痫天吊，客忤口禁，除邪逐鬼，定魄安魂，能堕胎孕。须体轻微香，磨用色透，置舌上先苦后甘，清凉透心者为真。人参为使，恶龙骨、地黄、龙胆、蜚蠊、常山、畏牛膝、干漆。

按：牛黄味苦，宜归心部，癫狂等症，何不属心，而有不疗者耶？

雷公云：凡使有四件。第一是生神黄，赚得者；次有角黄，是取之者；又有心黄，是病死者，后识者剥之，擘破取心，其黄在心中，如浓黄酱汁，采得便收于水中，黄沾水后，便如碎簇藜子许如豆大，便如帝珠子；次有肝黄，其牛身上，光眼如血色，时复鸣吼，照水自有皮光，恐惧人，或有人别采之，可有神妙之事。凡修事先捣细研如尘，用绢裹，又用黄嫩牛皮裹，安于井面上，去水三四尺已来一宿，天明方取用之。

麝香，味辛，性温无毒，入十二经。主恶气鬼邪，蛇虺蛊毒，惊悸痼疽，中恶心腹暴痛胀满，目中翳膜，泪眵风毒，温疟痼瘕，通关窍，杀蛊虱催生堕胎，忌大蒜。

按：麝香为诸香之最，其气透入骨髓，故于经络无所不入。然辛香之剂，必能耗损真元，用之不当，反引邪入髓，莫可救药，诚宜谨之。

雷公云：凡使多有伪者，不如不用。其香有三等：一名透香，乃是子济内商，自于石上刮蹄尖剔出，落处一里草水不生，并真黄，人若取得此香，价与珍珠同也。二名辟香，未得甚堪用。三名结香，咬犬兽捕逐，惊畏坠死，取人收得擘破，见心血在脾上，结作一个干血块，不堪入药。凡使麝香勿近火日，磁钵中细研任用。

鹿茸，味甘咸，性温无毒，入肾经。主益气滋阴，强志补肾，理虚羸，固齿牙，止腰膝酸疼，破流血作痛，疗虚劳如疟，女子崩漏胎动，丈夫溺血泄精，小儿惊痫，散石淋痈肿，骨中热中痒。状如玛瑙红玉，长三四寸，破之中有朽木者佳。连顶骨用。长城鹿角，主逐鬼邪，益神气，续绝伤，强筋骨，消痈肿。愈恶疮，及妇人梦与鬼交。麋茸及角，功相仿而性更热，专主补阳，麋鹿角茸四种，俱杜仲为使，畏大黄。

按：鹿茸咸温之品，舍肾奚归，功效虽宏，须脉沉细。相火衰弱者，始为相宜。若有火热者用之，何异抱薪救火？其角亦然，麋者更甚。夫麋冬至解角，则属阳，鹿夏至解角，则属阴，其性热，所以其功捷。大凡含血之物，肉易长，角难长，惟二茸不两月长大至一十二斤，其坚如石，生长神奇，莫过于此。且诸兽之角，终身不易，惟此种一年一易，盖其性热，生生不已，旧者未去，新者随之，气化脓密，孰能与京，诸贤盛述其功，良有以也。

雷公云：凡使先以天灵盖作末，然后锯解鹿茸作片子，以好羊脂拌天灵盖末，涂之于鹿茸上，慢火炙之，令内外黄脆了，用鹿皮裹之，安室中一宿，其药魂归也。至明则以慢火焙之，令脆，方捣作末用之。每五两鹿茸，用羊脂三两，炙尽为度。又制法用黄柏，自然汁浸两日夜，漉出焙令干，捣漉免渴人也。鹿角使之，胜如麋角，其角要黄色紧重大好者，缘此鹿食灵草，所以异于众鹿也，其麋角顶根上有黄色毛，若金线，兼傍

生小尖也，色苍白者上。注干宁记云：其鹿游龙相戏，乃生此异耳。采得角了，须全戴者，并长三寸，锯解之，以物盛，于急水中浸之一百日满，出用刀刮去粗皮一重，以物盛，水治令净。然后用酢醋煮七日，旋旋添醋，勿食少歇，成时不用煮火，只从子时至戌七日足，其角白色软如粉，即细捣作粉，却以无灰酒煮，其胶阴干了，重重研筛过用。凡修事十两，以无灰酒一盏煎干为度也。孙真人云：鹿肉解药毒，不可久服，盖服解毒草也。孟诜云：主益气，不可以鼻嗅，其茸中有小白虫，视之不见，入人鼻必为虫额，药不及也。

阿胶，味甘咸，性微温无毒，入肺肝肾三经。主风湿木旺，肢节痿疼，火盛金衰，喘嗽痰血，补劳伤疗崩带，滋肾安胎，益气止痢。明澈如水，质脆易断者真。山药为使，畏大黃，蛤粉炒成珠用。

按：阿胶用黑驴皮造成，黑属水，专入肾，能克火，盖以制热则生风之义，故宜入肝。且火得制则金亦无侵，故又宜入肺。夫东阿井系济水所生，性急下趋，清而且重，用之煎煮，搅浊澄清，所以能清上炎之火，及上逆之痰也。

熊胆，味苦，性寒无毒，入胆经。主时气热盛，变为黄疸，小儿风痰壅塞，惊痫疳蠱，杀虫散毒，可敷恶疮及痔。入水分尘，如练不散者真，恶防已地黄。

按：熊胆入胆，从其类也，清火定惊之功，较胜诸胆。

雷公云：凡收得后炼就器中安，每一斤熊胆，入生椒十四个，炼去滓，并椒入瓶中心，任用之。

肭肭脐，味咸，性大热无毒，入脾命门二经。主助肾添精，补中益气，鬼气尸疰，梦与鬼交，宿血癥结，心腹疼痛。置睡犬傍，惊狂跳走，入水不冰者真，酒浸一宿，纸裹于文火上炙脆，细锉捣用。

按：肭肭咸热之品，本入命门补火，脾

家所快者，晒热也，故亦入之。助阳之功，独甲群列，今出登莱州，即海狗肾也。其状头似豕，尾似鱼，止生两足，价殊贵。类多伪者，须细辨之。

雷公云：凡使先须细认其伪者，海中有兽号曰水乌龙，海人采得取肾，以充肭肭脐。入诸药中，修合恐有误，其物自殊有一对，其有两重薄皮裹九核，其皮上自有肉黄毛。一穴三茎，收之器中，年年湿润如新，置于犬头上，其惊跳如狂，即是真也。须用酒浸一日，后以纸裹微微火上炙令香，细锉单捣也。

狗肉，味咸酸，性热无毒，入命门经。主壮元阳，补绝伤，安五脏，益气力。其阴茎最助房事，及治妇人带漏十二疾，血主补阴辟邪。疗癩狗，忌蒜。

按：狗亦咸热之品，命门之所由归也，助火最速，有热症者所以深戒。炙而食之，令人发渴不止。九月食之伤神，孕妇食之，生子缺唇且无声。丹溪曰：人之虚，皆阴虚也，阴虚则阳必亢，用狗为补，宁不炽其火以甚其病也。世人信其补虚，以为指阳虚也。不知凡虚属阴，若果阳虚，死亡立至，仓扁复生，无能措手。岂此之能补乎？虽然，丹溪生平主意，只是滋阴，故有此论，而温补之功，诸家具道。当非虚语？惟命门脉弱，素无火症者，殊为相宜。不然则未获其功，先尝其祸矣。

羊肉，味甘，性大热无毒，入脾肺二经。主虚劳寒冷，脑风大风，补脾益气，安心定惊。

按：羊肉之甘，宜其归脾，于卦为兑，实属西方之金，故亦入肺脏。十剂云：补可以去弱，人参羊肉之类是也。夫人参补气在中，羊肉补形在表凡补虚者，当分用之，不得概视也。六月食之伤神，孕妇及水肿骨蒸疟疾，一切火症，咸宜忌之。

黄牛肉，味甘，性平无毒，入脾经。主安中益气，健脾养胃，强骨壮筋。其乳，补虚弱，养心肺，润皮肤，解热毒，止消渴，滑

大肠。脑治头风，胆主风痰。角腮，主赤白带及行血。

按：牛肉色黄味甘属土，于卦为兑，故专入脾家，用之倒合，诚有再造之功。然此为稼穡之资，不轻屠杀，其自死及有病老迈者，不惟无补，反能损人，市中多犯此弊，食者慎之。

猪肉，味甘，性温无毒，入脾经。主补脾益气，然多食能动风痰。四蹄主捩伤下乳及诸疮，脏肠主内痔，肾主腰疼，肚能扶胃，肺能止嗽；心能定惊；舌能健脾；油可敷疮；脑治头眩脑鸣，膏能润肺利血脉，解风热。

按：猪肉之甘，自宜入脾，遍身之用，各以类从。丹溪谓其热能生痰，痰多则气不升降，故外感者食之而愈剧。患疟者食之而复成，善颐生者，节食为贵。

虫 鱼 部

蜂蜜，味甘，性平无毒，入脾肺二经。主益气补中，润燥解毒，祛邪定经，养脾气，除心烦，通便闭，解虚热，疗心疼，悦颜色，和百药，除众病。畏生葱，恶芫花，每斤炼至十二两半用，蜡主痢下诸疮。

按：蜂蜜甘宜归脾，润宜归肺，其用最多。良有百花之精，且取人溺以酿之故也。七月勿食生蜜，令人暴下霍乱。

雷公云：凡炼蜜一斤，只得十二两半，或一分是数。若火少火过，并不可用之也。

牡蛎，味咸，性微寒无毒，入肾经。主遗泄带下，喉痹咳嗽，荣卫虚热，去来不定，心胁下老痰痞积，宿血温疟，疮肿结核。贝母为使，喜甘草、牛膝、远志、蛇床、恶麻黄、吴茱萸、辛夷，火煨微红，杵绝细用。

按：牡蛎本是咸水结成，故专归肾部，软坚收敛之剂也。

雷公云：有石牡蛎，头边皆大小甲沙石真似牡蛎，只是圆如龟壳。海牡蛎可用，只是丈夫服之，令人无髭。真牡蛎火煨过，用

豎试之，随手走起者是也，豎是万年琥珀。凡修事先用二十个，以东流水入盐一两，煮一伏时，后入火中烧退赤，入钵中研如粉用。

珍珠，味无考，性寒无毒，入心经。主手足皮肤逆肤，镇心润颜，止渴坠痰，点目去膜，塞耳除聋，催生下死胎，又主小儿惊热风癫。须未经钻眼者，研细筛过，再研二万下方用。

按：珍珠为水精所孕，专能制火，且其性镇重，心经之所由入也。研之不细，伤人脏腑，功未获奏，害已随之。

雷公云：须取净新者，以绢袋盛之。然后用地榆、五加皮、五方草三味各四两，细锉了。又以牡蛎约重四五斤以来，先置于平底锅中，以物四向安令稳，然后置珍珠于上，方下铤子。三件药笼之，以浆水煮三日夜，勿令火歇，日满出之，用甘草汤洗之，令净，后于臼中捣令细，以绢罗重重筛过，却更研二万下用，凡使要不伤破钻透者，方可用。

石决明，味咸，性平无毒，入肝经。主风热青盲内障，骨蒸劳热，久服益精，九孔七孔者良。以面裹煨，磨去其外黑处并粗皮，捣细，于乳钵中再研细极，永忌山桃。

按：石决明本水族也，宜足以生木而制阳光，故独入肝家，为眼科要药。命曰决明者，丹溪所谓以能而名也。

雷公云：凡使先去上粗皮，用盐并东流水于大磁中，煮一伏时，漉出拭干，捣为末，研如粉，却入锅中，以东流水淘三度，日干，再研一万匝，入药服至十两，永不得食山桃，令人丧目。凡修事五两，以盐半分取，则第二度淘用地榆五加皮阿胶各十两。

龟甲，味咸甘，性平无毒，入心脾肝三经。主阴虚不足，骨蒸劳热，癥瘕疟疾，五痔阴蚀，四肢重弱，血麻痹风疾，产前后痢疾，惊悸气心腹痛，伤寒劳复，肌体寒热欲死，小儿囟门不合，及头疮，女子赤白漏下，及阴痒。逐瘀血，续筋骨，催生益智。白败者更佳，酥炙用。龟尿、主耳聋久嗽、断疟。

俱畏狗胆，恶沙参蜚蠊。

按：龟甲禀壬癸之气而生，其补阴也甚捷，心主血，肝藏血，脾裹血，故并入之。骨蒸云云等症，靡非阴虚所致，用此主之，不亦宜哉？欲取其尿者，取龟置磁器中，以镜照之，既见镜中影，则淫发而失尿。另有一种夹蛇龟中心折者，不堪服食。生捣其肉，罾傅蛇毒最良，败龟版及自死之龟，形肉渗烂，甲内性气俱全，故其功力较倍。今《本经》以卜师钻灼者为是，恐非，灼者不过烧炙焦黑而已，与生者何异？又何取久，特加败字，谆谆以示人耶。

鳖甲，味咸，性平无毒，入肺脾二经。主骨蒸劳嗽，积聚癥瘕，瘕肉阴蚀痔疽，疮肿瘀血，催生堕胎，妇人五色漏下，九肋者佳。童便浸一宿，滤起酥炙用，其肉益肺补金，大凉血热。奇形异状者有大毒，误食者，以黄芪吴蓝煎汤解之，俱恶理石矾。

按：丹溪云：鳖甲属金与土，肺脾之所以入也，须生取之，煮脱者不堪用。肉性大冷，过食伤脾，癥瘕勿食，恐益其疾。孕妇勿食，恐短子项。同鸡食成癥，同鸡子食能杀人同，同菟苋食生血鳖，同芥子食发恶疾，不可不慎。

雷公云：凡使用要绿色九肋多裙，重七两者为佳，治痞破块消癥定心药中用之。每个鳖甲。以六一泥固瓶子底待干，安甲于中，以物撑起，用头醋下火煎之，尽三升醋为度，乃去裙并肋骨，方炙干，后入药中用。又治劳去热药中用，法似前，不用醋，须用童子小便，煮昼夜，小便一斗二升为度。后去裙留骨，于石臼中捣成粉子，以鸡脰皮裹之，取东流水三两，斗盆盛，搁于盆上一宿，至明任用。力有万倍也。

蕲州乌蛇，味甘性平，有小毒，入脾肺二经。主诸风皮肤不仁，散癰疹身体瘙痒，热毒风淫眉髭脱落，塞耳治聋，须辨真者佳。去头及皮鳞，带子锉碎，酒浸一宿，酥炙埋地一宿炙干用。

按：乌蛇之用，专主去风以理皮肉之症，肺主皮毛，脾主肌肉，故两入之。色黑如漆，背有三棱，浑如剑脊，尾细尖长，性善不伤生命，都在芦丛中嗅其花气，亦乘南风而吸，虽至枯死，两目不陷，俨如生者，头有逆毛二寸一路，可长半分已来。头尾相对，称之重七钱至一两者为上，粗大者转重，力弥减也。

雷公云：凡一切蛇，须认取雌雄及州土，蕲州乌蛇头上有逆毛二寸一路，可长半分已来，头尾相对，使之入药如神，只重一两以下，彼处得此多留进供。蛇腹下有白肠带子一条，可长一寸已来，即是雄也。采得去其头兼皮鳞带子，锉之，以苦酒浸之一宿，至明滤出，向柳木灰中焙之令干了，却以酥炙之，酥尽为度，炙干后于地上掘一坑，可深一尺已来，安蛇于中，一宿至明，再炙令干，任用，凡修事一切蛇，并去胆并上皮了，干湿须酒煮之，用之良。

白花蛇，味甘咸，性温有大毒，入肺肝二经。主肺风鼻塞，去癰疹浮风，四肢不仁，骨节疼痛，口眼喎斜，半身不遂，癰麻风，白癰风，髭眉脱落，鼻柱塌坏，鹤膝风筋骨拘挛。凡使须火烧一尺砖令通红，醋沃之使热气蒸蒸，将蛇头尾各一尺，去净置砖上，以盆覆一宿，如此三过，去骨取肉用，亦以眼不陷者为真。

按：白花蛇专主皮肤之风，肺主皮毛，肝为风水，故都入之。然服之者，瞑睡一昼夜方醒，善螫人，中足者，辄自断之，补养已痊。木接代步，不然令人死，其毒可知！然诸药不效者，独能引达成功，以其性窜，直领药力至于风处，所谓大毒之病，必用大毒之药以攻之是也。诸蛇鼻向下，惟此蛇鼻向上，背有方胜花纹，以此得名。愚谓凡用之，更须日日换酒，浸过五宿，去酒不用。炙用，尽去皮骨埋于土坑，一宿取出再，其毒咸去矣。

雷公云：凡使用治风速于诸蛇，缘蛇性

窜，即令引药至于有风疾处，故能治风。

虾蟆，味甘，性寒无毒，入脾经。主除邪气，破坚血，解结热，疗儿疳，贴痈肿，疗大伤。凡使去皮及肠并爪，阴干，涂牛酥炙用。肩酥，主蛀牙恶疮疗肿，瘰癧痔漏，助阳，其肋涂玉，即刻之如蜡。

按：虾蟆归脾，甘之故也，形状与蟾蜍相似，《本经》未尝分析。自陈藏器吸口分殊。以为虾蟆背有黑点，身小能跳接百虫，在陂泽间，举动极急。蟾蜍身大嘴黑，点多瘳磊，不能跳，不解作声，行动迟缓，腹下有丹书八字者。然意其功用，无甚差别，想有牝牡之分，而种类之异也。

雷公云：有多般勿误用。有黑虎，有蚰黄，有黄蛤，有蜈蚣，有蟾，其形各别。其虾蟆皮上腹下有斑点，脚短不鸣叫者是也。黑虎身小黑嘴，脚小，斑蚰黄斑色，前脚大，后腿有小尾子一条。黄蛤遍身黄色，腹下有脐带长五七分已来，所住处带下有自然汁出。蜈蚣即夜鸣，腰细口大，皮苍黑色。蟾即黄斑，头有肉角。凡使虾蟆先去皮并肠及爪子，阴干，然后涂酥炙，令干。每修事一个，用牛酥一分，炙尽为度。若使黑虎即和头尾皮，并阴干，酒浸三日，漉出焙干用之。

蝎，味甘辛，性平有毒，入肝经。主小儿风痫，手足抽掣，大人中风，口眼喎斜，风痰耳聋，风毒瘾疹，出青州紧小者良。去盐土炙黄用。

按：蝎之主疗，莫非风症，肝为巽风，宜独入之。喜螫人，甚者令人死，雄者螫人，痛在一处，取井泥傅之，稍温则易。雌者螫人，痛牵诸处。用瓦屋沟下流傅之，或不值天雨，可汲新水调用，如螫手足，竟以冷水浸之微暖即易。若余处不可用水浸者，则以冷水浸布贴之，小暖则易，观其喜寒若此则为大热之剂无疑。今诸书不载其性，惟日华子称其平。故姑录之，此即方书所称蝎螂者是也。

五灵脂，味甘，性温无毒，入心肝二经。主心腹冷气疼痛，肠风产后血晕，小儿疳疔。

去目翳，辟疫气，解蛇毒。酒研飞炼，令去研石为佳，生者行血，炒者止血。

按：五灵脂专主血症，心主血，肝藏血，故两入之，行气血最捷，勿宜过用以伤脏腑。

蜈蚣，味辛，性温有毒，不载经络。主小儿口噤，鬼疰蛊毒诸蛇毒，杀精物温疟，去三虫，心腹寒热结聚，去瘀血，堕胎。去头足慢火炙黄用，畏蛭蚘、大蒜、鸡屎。

按：蜈蚣最似百足虫。第百足虫足较细密，死而不僵，头上有白肉，面及尖嘴，其毒更甚，勿宜轻用。

雷公云：凡使勿用千足虫，真似，只是头上有角肉，面并嘴尖。若误用者，腥臭气，入顶致死。凡使用蜈蚣，用柳木末放于器中，炒木末焦黑后，去木末，用竹刀刮去足泥。

蜗牛，味咸性寒，有小毒，不载经络。主贼风口眼喎斜，惊风筋脉拘挛，收大肠脱肛痔痛，消渴累痞。火炒过用。

按：蜗牛之名，以头有角似牛也。夏月往往升高，涎尽即枯死，必用火炒者，诚欲去其寒毒尔，是即蛭蚘也。《图经》考之甚核，本草分为四种，恐非。有一种田螺，主眼赤热疮，醒酒渴，点痔疮。类分数种，功约相同，兹不多赘。

白僵蚕，味咸辛，性微温，有小毒，入心肝脾肺四经。主风温口噤失音，疗毒风痰结滞，皮肤风动如虫行，小儿惊痫夜啼，女子崩中赤白，止阴痒，去三虫，灭黑点。米泔水浸去涎，炒去丝用。恶茯苓、茯神、萆薢、桑螵蛸、桔梗、雄蚕蛾，性热，主固精强阳，交接不倦。

按：丹溪云：白僵蚕属火而有土与金水，心肝脾肺之所由入也。凡使须头蚕者力倍，蚕蛾亦然。

雷公云：凡使先须以糯米泔浸一日，待蚕桑涎出如蜗牛涎浮水面上，然后漉出微火焙干，以布净拭蚕上黄白毛，并黑和甲子，单捣筛如粉用也。

蝉蜕，味咸甘，性寒无毒，不载经络，主

催生下胎衣，通乳汁，止夜啼惊痫，逐邪热，杀疳蛊，亦能止渴。

按：蝉有五种，陈藏器辨之悉，今以形极大而声极高，一鸣而无所停断者，入药最良。西川有一种蝉花，乃蝉在壳中不出，而化为花，自顶中生出，功用略用。故不另载。

刺猬皮，味苦甘，性平有小毒，不载经络，主五痔肠风泻血，翻胃鼻衄，腹痛，积疝阴肿。酒煮熬用，畏桔梗、门冬。

按：猬亦有数种，惟苍白色脚似猪蹄者佳，此外并不宜用，其骨切忌入口，令人消瘦。

土鳖虫，味咸，性寒有毒，入心肝脾三经。主留血瘀痰，心腹寒热洗洗，祛坚积癥瘕、下乳通经。一名廌虫，畏屋游，皂角、菖蒲。

按：土鳖专主血症，心主血，肝藏血，脾裹血，故三入之。今跌打损伤者，往往主此，或不效则加而用之。殊不知有瘀血作疼者，诚为要药；倘无瘀血，而其伤在筋骨脏腑之间，法当和补。愚者不察，久服弗已，其流祸可胜数耶。

蛭螂，味咸酸，性寒有小毒，不载经络。主小儿惊风痲疯，大人癫狂狂忤，破血堕胎，通肠治胀。又主疗恶诸疮，出箭头入肉。去足翅火炙，勿置水中，令人吐，畏羊肉、羊角。

按：《庄子》云：蛭螂之智，在于转丸，宜其皮血通肠之功矣。惊狂皆属痰，亦赖以泄其亢耳。其性猛躁，最能伤脾，勿得概用。

斑猫，味辛咸，性寒有大毒，不载经络。主寒热鬼疰，虫毒鼠漏，疥癣恶疮，疽蚀死肌，破石瘕血积，利水道堕胎。凡使去足翅，拌糯米炒，米黄为度，马刀为使，畏巴豆、丹参、空青，恶曾青，豆花。

按：斑猫入腹，有开山凿岭之势，最称猛烈，故辄致腹痛不可忍。余见里中一壮年患痞疾，服斑猫数剂，初则大泻不止，烦闷

欲绝，断则二便来红，三日而死。自非百药不效之病，不可轻使。

穿山甲，味甘咸，性微寒有毒，不载经络。主五邪惊悸，妇人鬼魅悲伤，山岚瘴疟，恶疮疥癣，蚁漏痔漏，亦能去风，炙黄用。

按：穿山甲形似鲤鱼，有四足，能陆能水，山岸间开鳞甲如死，令蚁入中，闭而入水，开甲蚁浮水面，于是食之，故主蚁漏，其性喜穿山。是以名之。故其用亦主溃痈疽，通血脉，及治吹乳疼痛。

鲫鱼，味甘，性温无毒，入脾胃二经。主温胃健脾进饮食，补虚羸，疗肠癖，水谷不调，肠风血瘀，烧灰可傅诸疮。其子，调中益肝气，恶猪肉，雉、沙糖。

按：鲫鱼甘温之品，且是土所化成，其入脾胃宜矣。《集要杂录》云：诸鱼属火，惟鲫鱼属土，而有调胃入肠之功，然多食亦能动火。

鲤鱼，味甘，性平无毒，入脾肺肝三经。主咳逆气喘上气，水肿脚满，黄疸烦渴，安胎，妊娠身肿，冷气痲痹，气块横关伏梁。胆，点眼去翳，滴耳除聋，涂小儿热肿。血涂小儿丹毒及疮。脂，主小儿痲疾惊悸。鳞，烧灰酒服，破产妇滞血。肠，主小儿肌疮痲病，取虫。骨，主阴蚀，赤白带下。齿，主癰闭石淋。皮，主癰疹恶疮，忌猪肝、天麦门。

按：鲤鱼之甘，本入脾家，土能生金，金能制木，故亦入肺肝二经。《衍义》曰：鲤鱼至阴之物也。故其鳞三十六，阴极则阳复，所以有鱼热中之故。叔和曰：热即生风，故食之多发风热。诸家并不论及，惟日华子云：鲤鱼凉恐无是理，万一风症，更使食鱼，则是貽祸无穷矣！烟薰者损目，天行病后食之，再发必死。

乌贼骨，味咸，性微温，有小毒，入肾经。主崩漏赤白带下，经闭阴蚀肿痛，除目翳止泪，理金疮止血，治惊气入腹，腹痛环脐，阴茎因寒肿，疮多脓汁，寒热癥瘕。久服令人有子，恶白藪，白芨、附子。

按：乌贼之咸，宜归水脏，治病有殊效。今用之者鲜，夫亦未达其功欤。

雷公云：凡使勿用沙鱼骨，缘真相似，只是上文横，不入药中用。凡便要上文顺，以血沾作水浸，并煮一伏时了，漉出于屋下掘一地穴，可盛得前排为贼鱼骨多少，先烧坑子去炭灰，盛药一宿，至明取出，用之其效倍多。

鳗鲡鱼，味甘性平，有微毒，不载经络。上虚劳不足，阳事衰微，传尸鬼疰，蛊毒诸虫，妇人阴疮虫痒带下，皮肤恶疮，疳蛲痔漏，腰背间风寒湿痹，诸般草石药毒，脚气痲风，白剥风。肉烧室内，可辟蚊虫，骨置厢中，能除衣蠹。

按：鳗鲡虽有小毒，而功甚溥，或言是蛟蜃之类，未可尽信。今据稽神录载主疗传尸甚奇，信亦非常物也。五色全者，其功最胜，然罕能得尔。

鳝鱼，味甘，性大温无毒，入脾经。主产后淋沥，血气不调，腹中冷气肠鸣，及湿痹气，又主补脾益气。血堪涂癣。

按：鳝鱼甘温之品，脾所快也，宜专入之。生于泥窟，其性善蛰，过夏方出，则为阴类可知。大有补血之功，惜《本经》及诸家未能悉载尔，多食令人霍乱，时行病食之多复。

雷公云：凡鱼头有白色如连珠及腹中无胆者，头中无腮者，并杀人。注不可合鸬鹚肉食之，鲫鱼不可合鹿雄肉食之，鳊鳊不可合白犬血食之，鲤鱼子不可合猪肝食之，鲫鱼亦尔，青鱼鲙不可生胡荽及生葵并麦酱食之。虾无须及腹中通黑及煮之反白者，皆不可食。生虾鲞不可合鸡肉食之，亦损人。

蟹，味咸性寒，有微毒，不载经络。主散血破结，益气养筋，除胸热烦闷，捣涂漆疮。爪，专主破血堕胎，恶柿子。

按：蟹者解也，故其用主散不主敛。过食令人伤脾吐泻，风疾食之再发，孕妇食之横生，状异者能杀人。误中其毒，用头水冬瓜黑豆煎汤，并可解之。

《雷公炮制药性解》终

重刊本草衍义

〔宋〕 寇宗奭 撰

《重刊本草衍义》提要

宋·政和中医官通直郎收买药材所辨验药材寇宗奭撰。晁公武《读书志》、陈直斋《书录解题》皆有著录。政和六年，提举荆武北路常平等事刘亚夫申投尚书省太医学博士李康看详状申，有旨转一官添差充收买药材所辨验药材。宣和元年，其侄宣教郎知解州解县丞寇约镂本印行。宗奭里贯无考，以割付及卷六罌石条、菊花水条、卷十三桑寄生条推之，知其曾官杭州、永耀、顺安军等处，由承直郎澧州司户进书转一官而已。宗奭以禹锡所修慎微策所续《本草》尚有差失，因参考诸家事实，忝以目验，核以情理，拾遗纠谬，援引辨证，发明良多，凡名未用而意义已尽者，皆不编入，其所辨证，如东壁土取太阳少火之壮，冬灰取冬令烧灼之久，水味不因菊花而香，鼯鼠不能遗溺生子，玉泉为玉浆之讹，石中黄子为黄水之误，皆能实事求是，切实证明，洵《本草》之功臣，医林之津筏也。东垣、丹溪诸公，皆尊信之，故丹溪有《衍义补遗》之作，惟以兰花为兰草，卷丹为百合，微有差误耳。宋时尝与《证类本草》别本单行。自金人张存惠采附《证类本草》之中，金元刻本仍之，单行本殆绝版矣。归安陆公心源藏有南宋麻沙本，完全无缺，爰收刊本集，以广其传。

序

《本草衍义》二十卷，宋通直郎添差充收买药材所辨验药材寇宗奭撰。晁公武《读书志》、陈直斋《书录解题》皆著于录。政和六年，提举荆湖北路常平等事刘亚夫申投尚书省太医学博士李康看详状申，有旨转一官添差充收买药材所辨验药材。宣和元年，其侄宣教郎知解州解县丞寇约镂板印行。宗奭里贯无考。以割付及卷六礞石条、菊花水条、卷十三桑寄生条推之，知其曾官杭州、永耀、顺安军等处，由承直郎澧州司户进书转一官而已。《神农本草》之名，始见于梁《七录》，凡三百六十五种，陶隐居又增三百六十五种，是为《名医别录》。唐显庆中，命苏恭等参考得失，增一百一十四种，是为《唐本草》。宋太祖命刘翰等以医家尝用有效者增一百三十三种，是为《开宝重定本草》。仁宗命掌禹锡等，再加校正增一百种，是为《嘉祐补注本草》。蜀人唐慎微博采群书，增六百余种，是为《经史证类本草》。徽宗又命曹孝忠刊正之，是为《政和重修经史证类备用本草》。宗奭以禹锡所修、慎微所续尚有差失，因考诸家，参以目验，拾遗纠谬，著为此书。凡名未用而意义已尽者，皆不编入。其所辨证，如东壁土取太阳少火之壮，冬灰取冬令烧灼之久，水味不因菊花而香，鼯鼠不能遗溺生子，玉泉为玉浆之讹，石中黄子为黄水之讹，皆能实事求是，疏通证明，洵乎《本草》之功臣，医林之津筏也。宋时与《证类本草》别本单行，自金人张存惠采附《证类本草》之中，明人因之，而单行本遂微，余所藏为南宋麻沙本，完善无缺，因重梓以广其传。

光绪三年岁在强圉赤奋若仲冬之月归安陆心源撰

《重刊本草衍义》目录

卷一

序例上	195
-----------	-----

卷二

序例中	198
-----------	-----

卷三

序例下	200
-----------	-----

卷四

玉泉	202
丹砂	202
空青	202
绿青	202
云母	202
石钟乳	202
朴消	202
芒消	202
消石	203
英消	203
矾石	203
滑石	203
紫石英	203
白石英	203
赤石脂	203
白石脂	203
石中黄子	203
婆娑石	203
无名异	203
菩萨石	203

卷五

金屑	204
银屑	204
水银	204
水银粉	205
雄黄	205
雌黄	205
石硫黄	205
阳起石	205

飞水石	205
石膏	205
磁石	205
理石	205
铁矿	205
食盐	206
太阴玄精石	206
蜜陀僧	206
桃花石	206
花乳石	206
珊瑚	206
马脑	206
石花	206
石蟹	206
石蛇	206

卷六

青琅玕	207
砾石	207
代赭	207
大盐	207
戎盐	207
铅丹	207
粉锡	207
铅霜	207
古文钱	207
金牙	207
石灰	207
冬灰	208
伏龙肝	208
半天河水	208
菊花水	208
浆水	208
热汤	208
硝砂	208
蓬砂	208
姜石	208
自然铜	208

石燕	208
砒霜	208
浮石	209
金星石 银星石	209
石脑油	209

卷七

赤箭	210
天门冬	210
麦门冬	210
苍术	210
地黄	210
菖蒲	210
泽泻	210
山药	210
菊花	210
甘草	210
人参	211
石斛	211
牛膝	211
细辛	211
柴胡	211
薏苡仁	211
车前	211
茺蔚子	211
木香	211
菟丝子	211
巴戟天	211

卷八

肉苁蓉	212
蒺藜	212
防风 黄芪	212
千岁藤	212
黄连	212
蓝实	212
景天	212
蒲黄	212
兰草	212
茵陈蒿	212
决明子	213
芎藭	213
五味子	213
旋花	213

卷九

当归	214
芍药	214
生姜	214
麻黄	214
葛根	214
栝楼实	214
苦参	214
石龙芮	214
瞿麦	214
白芷	214
杜衡	215
紫菀	215
百合	215
酸浆	215
蠹实	215
石香菜	215

卷十

款冬花	216
牡丹	216
女苑	216
泽兰	216
地榆	216
白前	216
土瓜	216
莽苈	216
积雪草	216
莎草	216
恶实	216
大小蓟	216
艾叶	216
陟厘	216
菟葵	216
白药	217
蒜香子	217
郁金	217
肉豆蔻	217
茅香	217
青黛	217
零陵香	217
天麻	217
草拔	217
使君子	217
密蒙花	217

卷十一

大黄	218
桔梗	218
甘遂	218
葶苈	218
茺花	218
旋覆花	218
藜芦	218
乌头	218
射干	218
半夏	218
蜀漆	218
常山	218
青箱子	218
白敛 白及	218
草蒿	219

卷十二

连翘	220
白头翁	220
蒴藋	220
羊蹄	220
蒴藋	220
夏枯草	220
蚕休	220
虎杖	220
马勃	220
虬莓	220
竺根	220
菰根	220
菰草	220
牵牛子	220
蓖麻子	221
菴草	221
独行根	221
芭蕉	221
蒲公英	221
水红子	221
角蒿	221
雀麦	221
骨碎补	221
马兜零	221
灯心草	221
威灵仙	221

何首乌	221
五倍子	221
金樱子	221
菰草	221
葫芦巴	221
金星草	221
木贼	221

卷十三

茯苓	222
琥珀	222
松黄	222
柏	222
桂	222
枫香	222
干漆	222
蔓荆实	222
桑寄生	222
沉香木	223
薰陆香	223
丁香	223
柏木	223
辛夷	223
榆皮	223
羌蕒	223
酸枣	223
槐实	223
槐花	223
枸杞	224

卷十四

龙眼	225
厚朴	225
猪苓	225
竹叶	225
枳实	225
山茱萸	225
吴茱萸	225
梔子	225
槟榔	225
合欢花	225
秦椒	225
卫矛	225
紫葳	225
芫莢	226

茗苦栳	226
桑根白皮	226
白棘	226
龙脑	226
菴摩勒	226
紫蛭	226
天竹黄	226
天竺桂	226
乌药	226
没药	226
墨	226

卷十五

石楠叶	227
蜀椒	227
莽草	227
郁李仁	227
鼠李	227
栾华	227
杉	227
楠材	227
榧实	227
桦木皮	227
白杨	227
栾荆	227
紫荆木	227
钩藤	227
槿藤子	227
皂莢	228
柳华	228
桐叶	228
乌臼	228
河梨勒	228
椿木华 椿樗	228
胡椒	228
橡实	228
无石子	228
榭若	228
黄药	228
无患子	228
椰子	228
桦木皮	229
赤怪木	229
木鳖子	229

木槿	229
棕榈木	229
栢木	229

卷十六

发鬘	230
人乳汁	230
人屎	230
人溺	230
人指甲	230
龙骨	230
牛黄	230
麝	230
象牙	230
醍醐	230
犀角	230
羚羊角	230
羖羊角	231
牛角觝	231
犬胆	231
鹿茸	231
虎骨	231
豹肉	231
狸骨	231
兔	231
鼯鼠	231
鼯鼠	232
獭	232
狐	232
獾	232
野猪黄	232
驴肉	232
腥膈脐	232
鹿	232
野驼	232
败鼓皮	232
丹雄鸡	232
鸛肪	232
雁肪	232
鸱鸢	233
雉	233
鹰屎白	233
雀卵	233
鹳	233

伏翼·····	233
孔雀·····	233
鸛·····	233
白鸛·····	233
斑鸛·····	233
鸛·····	233

卷十七

石蜜·····	234
牡蛎·····	234
桑螵蛸·····	234
海蛤 文蛤·····	234
石决明·····	234
真珠·····	234
秦龟·····	234
玳瑁·····	235
鲤鱼·····	235
鳊鱼·····	235
鳊鱼·····	235
鳊鱼·····	235
鲫鱼·····	235
猬皮·····	235
石龙子·····	235
露蜂房·····	235
鸛鸡·····	235
蚱蜢·····	235
白僵蚕·····	235
木虻·····	235
虻虫·····	235
蛴螬·····	236
蛴螬 蜗牛·····	236
水蛭·····	236
鳖甲·····	236
乌贼鱼·····	236
蟹·····	236
原蚕蛾·····	236
蚕退·····	236
鳊鱼·····	236
鳊鱼·····	236
河豚·····	236
紫贝·····	236
鲈鱼·····	236
虾麻·····	236
蛙·····	236

蛤蚧·····	236
鳊鲤鱼·····	237
蜘蛛·····	237
蜻蛉·····	237
石蚕·····	237
蛇蛻·····	237
蛇黄·····	237
金蛇·····	237
乌蛇·····	237
白花蛇·····	237
蜈蚣·····	237
马陆·····	237
蜈蚣·····	237
雀瓮·····	237
鼠妇·····	237
萤·····	237
衣鱼·····	237
白颈蚯蚓·····	237
蜈蚣·····	238
蛴螬·····	238
斑猫·····	238
马刀·····	238
贝子·····	238
甲香·····	238
蝎·····	238
五灵脂·····	238

卷十八

豆蔻·····	239
葡萄·····	239
蓬蘽·····	239
覆盆子·····	239
大枣·····	239
鸡头实·····	239
藕实·····	239
芡·····	239
栗·····	239
櫻桃·····	239
橘 柚·····	239
乳柑子·····	240
橙子皮·····	240
梅实·····	240
枇杷叶·····	240
柿·····	240

木瓜	240
甘蔗	240
石蜜	240
沙糖	240
芋	240
乌芋	240
荔枝	240
杏核仁	240
杏实	241
桃核仁	241
猕猴桃	241
胡桃	241
李核仁	241
梨	241
苍罗果	241
安石榴	241
橄榄	241
榧梓	241

卷十九

白瓜子	242
白冬瓜	242
瓜蒂	242
甜瓜	242
冬葵子	242
蜀葵	242
黄蜀葵花	242
苋实	242
苦菜	242
蒿苣	242
芜菁 芦菔	242
莱菔根	242
菘菜	242
芥	242
苜蓿	242
蓼实	242
葱实	243
薤	243

韭	243
白蓂荷	243
苏	243
水苏	243
假苏	243
香薷	243
薄荷	243
繁缕	243
胡	243
蒜	243
芸苔	243
茄子	243
马齿苋	243

卷二十

胡麻	244
青囊	244
大麻子	244
白油麻	244
饴糖	244
生大豆	244
赤小豆	244
大麦	244
青、黄、白粱米	244
粟米	244
丹黍米	244
藁米	244
秫米	244
陈廩米	244
酒	245
扁豆	245
粳米	245
稻米	245
稷米	245
罌子粟	245
醋	245
酱	245
小麦	245

重刊本草衍义 卷一

通直郎添差充收买药材所辨验药材寇宗奭编撰

序 例 上

衍义总叙

天地以生成为德，有生所甚重者身也。身以安乐为本，安乐所可致者，以保养为本。世之人必本其本，则本必固。本既固，疾病何由而生？夭横何由而至？此摄生之道无逮于此。夫草木无知，犹假灌溉，矧人为万物之灵，岂不资以保养？然保养之义，其理万计，约而言之，其术有三：一养神，二惜气，三堤疾。忘情去智，恬淡虚无，离事全真，内外无寄。如是则神不内耗，境不外惑，真一不杂，则神自宁矣。此养神也。抱一元之本根，固归精之真气，三焦定位，六贼忘形，识界既空，大同斯契，则气自定矣。此惜气也。饮食适时，温凉合度，出处无犯于八邪，寤寐不可以勉强，则身自安矣。此堤疾也。三者甚易行，然人自以谓难行而不肯行。如此难有长生之法，人罕敦尚，遂至永谢。是以疾病交攻，天和顿失，圣人悯之，故假以保救之术，辅以调病之药，俾有识无识，咸臻寿域。所以，国家编撰《圣惠》，校正《素问》，重定《本草》，别为《图经》。至于张仲景《伤寒论》及《千金》、《金匱》、《外台》之类，粲然列于书府。今复考拾天下医生，补以名职，分隶曹属，普救世人之疾苦。兹盖全圣至德之君，合天地之至仁，接物厚生，大赉天下。故野无遗逸之药，世无不识之病。然《本草》二部，其间撰著之人，或执用己私，失于商较，致使学者，检据之间，不得无惑。

今则并考诸家之说，参之实事，有未尽厥理者，衍之以臻其理。如东壁土、倒流水、冬灰之类。隐避不断者，伸之以见其情。如水自菊下过而水香，鼯鼠溺精坠地而生子。文简误脱者，证之以明其义。如玉泉、石蜜之类。讳避而易名者，原之以存其名。如山药避本朝讳及唐避代宗讳。使是非归一，治疗有源，检用之际，晓然无惑。是以搜求访缉者，十有余年。采拾众善，诊疗疾苦，和合收蓄之功，率皆周尽。矧疾为圣人所谨，无常不可以为，医岂容易言哉！宗奭常谓，疾病所可凭者医，医可据者方也，方可恃者药也。苟知病之虚实，方之可否，若不能达药性之良毒，辨方宜之早晚，真伪相乱，新陈相错，则曷由去道人陈宿之蛊。唐甄立言仕为太常丞，善医术，有道人心腹痼疾，弥二岁。诊曰：腹有蛊，误食发而然。令饵雄黄一剂，少选，吐一蛇，如拇无目，烧之有发气，乃愈。生张果骈洁之齿？唐张果诏见。元宗谓高力士曰：吾闻饮菹无苦者，奇士也。时天寒，取以饮，果三进，赧然曰：非桂酒。乃寝。顷，视齿焦缩。顾左上取铁如意，击堕之，藏带中，更出药傅其断。良久，齿已生，粲然骈洁，帝益神之。此书之意，于是乎作。今则编次成书，谨依二经类例，分门条析，仍衍序例为三卷。内有名未用及意义已尽者，更不编入。其《神农本草经》、《名医别录》，《唐本》先附、今附、新补、新定之目，缘本经已著，目录内更不声说，依旧作二十卷，及目录一卷，目之曰《本草衍义》。若博爱卫生之士，志意或同，则更为脩修，以称圣朝好生之德。时政和六年丙申岁记。

本草之名自黄帝、岐伯始。其《补注·总叙》言，旧说《本草经》者，神农之所作，而不经。《平帝纪》元始五年，举天下通知方术本草者，所在招传，遣诣京师，此但见本

草之名，终不能断自何代而作。又《楼护传》称，护少诵医经、本草、方术数十万言，本草之名盖见于此。是尤不然也。《世本》曰：神农尝百草以和药济人，然亦不著本草之名，皆未臻厥理。尝读《帝王世纪》曰：黄帝使岐伯尝味草木，定《本草经》，造医方，以疗众疾，则知本草之名自黄帝、岐伯始。其《淮南子》之言，神农尝百草之滋味，一日七十毒，亦无本草之说。是知此书乃上古圣贤，具生知之智，故能辨天下品物之性味，合世人疾病之所宜。后之贤智之士，从而和之者，又增广其品，至一千八百二十名，《补注本草》称一千八百二十种，然一种有分两用者，有三用者，其种字为名字，于义方允。可谓大备。然其间注说不尽，或舍理别趣者，往往多矣。是以衍摭余义，期于必当，非足以发明圣贤之意，冀有补子阙疑。

夫天地既判，生万物者，惟五气尔。五气定位，则五味生。五味生，则千变万化，至于不可穷已。故曰生物者气也，成之者味也。以寄生则成而耦，以耦生则成而奇。寒气坚，故其味可用以软。热气软，故其味可用以坚。风气散，故其味可用以收。燥气收，故其味可用以散。土者冲气之所生，冲气则无所不和，故其味可用以缓。气坚则壮，故苦可以养气。脉软则和，故咸可以养脉。骨收则强，故酸可以养骨。筋散则不挛，故辛可以养筋。肉缓则不壅，故甘可以养肉。坚之而后可以软，收之而后可以散。欲缓则用甘，不欲则弗用，用之不可太过，太过亦病矣。古之养生治疾者，必先通乎此，不通乎此，而能已人之疾者，盖寡矣。

夫安乐之道，在能保养者得之。况招来和气之药少，攻决之药多，不可不察也。是知人之生须假保养，无犯和气，以资生命。才失将护，便致病生，苟或处治乖方，旋见颠越。防患须在闲日，故曰安不忘危，存不忘亡，此圣人之预戒也。

摄养之道，莫若守中，守中则无过写不及之害。经曰：春秋冬夏，四时阴阳，生病

起于过用。盖不适其性，而强去为逐，强处即病生。五脏受气，盖有常分，用之过耗，是以病生。善养生者，既无过耗之弊，又能保守真元，何患乎外邪所中也。故善服药，不若善保养。不善保养，不若善服药。世有不善保养，又不善服药，仓卒病生而归咎于神天。噫！是亦未尝思也，可不谨欤！

夫未闻道者，放逸其心，逆于生药。以精神徇智巧，以忧畏徇得失，以劳苦徇礼节，以身世徇财利，四徇不置，心为之病矣。极力劳形，噪暴气逆，当风纵酒，食嗜辛咸，肝为之病矣。饮食生冷，温凉失度，久坐久卧，大饱大饥，脾为之病矣。呼叫过常，辨争陪答，冒犯寒暄，恣食咸苦，肺为之病矣。久坐湿地，强力入水，纵欲劳形，三田漏溢，肾为之病矣。五病既作，故未老而羸，未羸而病，病至则重，重则必毙。呜呼，是皆弗思而自取之也。卫生之士，须谨此五者，可致终身无苦。经曰：不治已病治未病，正为此矣。

夫善养生者养内，不善养生者养外。养外者实外，以充快悦泽，贪欲恣情为务，殊不知外实则内虚也。善养内者实内，使脏腑安和，三焦各守其位，饮食常适其宜。故庄周曰：人之可畏者，衽席饮食之间，而不知为之戒者，过也。若能常如是畏谨，疾病何缘而起？寿考焉不得长？贤者造形而悟，愚者临病不知，诚可畏也。

夫柔情难绾而不断，不可不以智慧决也，故帗箔不可不远。斯言至近易，其事至难行。盖人之智慧浅陋，不能胜其贪欲也。故佛书曰：诸苦所因，贪欲为本，若灭贪欲，何所依止。是知贪欲不灭，苦亦不灭，贪欲灭，苦亦灭。圣人言近而指远，不可不思，不可不惧。善摄生者，不劳神，不苦形，神形既安，祸患何由而致也。

夫人之生以气血为本，人之病未有不先伤其气血者，世有童男室女，积想在心，思虑过当，多致劳损。男则视色先散，女则月

水先闭。何以致然？盖愁忧思虑则伤心，心伤血逆竭。则血逆竭，故神色先散而月水先闭也。火既受病，不能荣养其子，故不嗜食。脾既虚，则金气亏，故发嗽，嗽既作，水气绝，故四肢干。木气不充，故多怒。鬓发焦，筋痿。俟五脏传遍，故卒不能死，然终死矣。此一种于诸劳中最为难治，盖病起于五脏之中，无有已期，药力不可及也。若或自能改易心志，用药扶接，如此则可得九死一生。举此为例，其余诸劳，可按脉与证而治之。

夫治病有八要，八要不审，病不能去。非病不去，无可去之术也。故须审辨八要，庶不违误。其一曰虚，五虚是也。脉细、皮寒、气少、泄痢前后、饮食不入，此为五虚。二曰实，五实是也。脉盛、皮热、腹胀、前后不通、阿瞿，此五实也。三曰冷，脏腑受其积冷是也。四曰热，脏腑受其积热是也。五曰邪，非脏腑正病也。六曰正，非外邪所中也。七曰内，病不在外也。八曰外，病不在内也。既先审此八要，参知六脉，审度所起之源，继以望闻问切加诸病者，未有不可治之疾也。夫不可治者有六失：失于不审，失于不信，失于过时，失于不择医，失于不识病，失于不知药。六失之中，有一于此，即为难治。非止医家之罪，亦病家之罪也。矧又医不慈仁，病者猜鄙，二理交驰，于病何益？由是言之，医者不可不慈仁，不慈仁则招祸。病者不可猜鄙，猜鄙则招祸。惟贤者洞达物情，各就安药，亦治病之一说耳。

合药分剂料理法则中言，凡方云用桂一尺者，削去皮毕，重半两为正。既言广而不言狭，如何便以半两为正。且桂即皮也，若言削去皮毕，即是全无桂也。今定长一尺，阔一寸，削去皮上粗虚无味者，约为半两，然终不见当日用桂一尺之本意，亦前人之失也。

序例，药有酸、咸、甘、苦、辛五味，寒、热、温、凉四气。今详之：凡称气者，即是香臭之气；其寒、热、温、凉，则是药之性。且如鹅条中云：白鹅脂性冷，不可言其气冷也，况自有药性。论其四气，则是香、臭、臊、

腥，故不可以寒、热、温、凉配之。如蒜、阿魏、鲍鱼、汗袜，则其气臭；鸡、鱼、鸭、蛇，则其气腥；肾、狐狸、白马茎、穉近隐处、人中白，则其气臊；沉、檀、龙、麝，则其气香。如此则方可以气言之。其序例中气字，恐后世误书，当改为性字，则于义方允。

今人用巴豆，皆去油讫生用。兹必为《本经》言生温、熟寒，故欲避寒而即温也。不知寒不足避，当避其大毒。矧《本经》全无去油之说。故陶隐居云：熬令黄黑，然亦太过矣。日华子云：炒不如去心膜，煮五度，换水，各煮一沸为佳。其杏仁、桃仁、葶苈、胡麻，亦不须熬至黑。但慢火炒令赤黄色，斯可矣。

凡服药多少，虽有所说，一物一毒，服一丸如细麻之例，今更合别论。缘人气有虚实，年有老少，病有新久，药有多毒少毒，更在逐事斟量，不可举此为例。但古人凡设例者，皆是假令，岂可执以为定法。

《本草》第一序例言犀角、羚羊角、鹿角，一概末如粉，临服内汤中。然今昔药法中，有生磨者，煎取汁者。且如丸药中用蜡，取其能固护药之气味，势力全备，以过关膈而作效也。今若投之蜜相和，虽易为丸剂，然下咽亦易散化，如何得到脏中？若其间更有毒药，则便与人作病，岂徒无益而又害之，全非用蜡之本意。至如桂心，于得更有上虚软甲错处可削之也？凡此之类，亦更加详究。

今人用麻黄，皆合捣诸药中。张仲景方中，皆言去上沫。序例中言先别煮三两沸，掠去其沫，更益水如本数；乃内余药，不尔，令人发烦。甚得用麻黄之意，医家可持此说。然云：折去节，令通理，寸锉之，不若碎锉如豆大为佳，药味易出，而无遗力也。

陶隐居云：药有宣、通、补、泄、轻、重、涩、滑、燥、湿。此十种今详之，惟寒、热二种何独见遗？如寒可去热，大黄、朴消之属是也。如热可去寒，附子、桂之属是也。今特补此二种，以尽厥旨。

重刊本草衍义 卷二

序 例 中

人之生，实阴阳之气所聚耳，若不能调和阴阳之气，则害其生。故《宝命全形篇》论曰：人以天地之气生。又曰：天地合气，命之曰人，是以阳化气、阴成形也。夫游魂为变者，阳化气也。精气为物者，阴成形也。阴阳气合，神在其中矣。故《阴阳应象大论》曰：天地之动静，神明为之纲纪，即知神明不可以阴阳摄也。《易》所以言阴阳不测之谓神，盖为此矣。故曰：神不可大用，大用即竭；形不可大劳，大劳则毙。是知精、气、神，人之大本，不可不谨养。智者养其神，惜其气，以固其本。世有不谨卫生之经者，动皆触犯。既以犯养生之禁，须假以外术保救，不可坐以待毙。《本草》之经，于是兴焉。既知保救之理，不可不穷保救之事，《衍义》于是存焉。二者其名虽异，其理仅同。欲使有知无知尽臻寿域，率至安乐之乡，适是意者，求其意而可矣。

养心之道未可忽也。六欲七情干变万化，出没不定，其言至简，其义无穷，而以一心对无穷之事，不亦劳乎？心苟不明，不为物所病者，未之有也。故明达之士，遂至忘心，心既忘矣，则六欲七情无能为也。六欲七情无能为，故内事不生。内事不生，故外患不能入。外患不能入，则本草之用，实世之荃狗耳。若未能达是意而至是地，则未有不缘六欲七情而起忧患者。忧患既作，则此书一日不可阙也。愚何人哉，必欲斯文绝人之忧患者。

上隐居以谓凡筛丸散药毕，皆更合于白

中，以杵捣数百过，如此恐干末湔荡，不可捣，不若令力士合研为佳。又曰：凡汤酒膏中用诸石，皆细捣之如粟，亦可以葛布筛令调匀，并以绵裹内中，其雄黄、朱砂辈，细末如粉。今详之：凡诸石虽是汤酒中，亦须稍细，药力方尽出，效亦速。但临服须澄滤后再下火，不尔，恐遗药力不见效。汤酒中尚庶几，若在服食膏中，岂得更如粟也。不合如此立例，当在临时应用详酌尔。又说咬咀两字，《唐本》注谓为商量斟酌，非也。《嘉祐》复符陶隐居说为细切，亦非也。儒家以谓有含味之意，如人以口齿咀嚼，虽破而不尘，但使含味耳。张仲景方多言咬咀，其义如此。

病人有既不洞晓医药，复自行臆度，如此则九死一生。或医人未识其病，或以财势所迫，占夺强治，如此之辈，医家病家不可不察也。要在聪明贤达之士掌之，则病无不济，医无不功。世间如此之事甚多，故须一一该举，以提或然。

夫人有贵贱少长，病当别论。病有新久虚实，理当别药。盖人心如面，各各不同。惟其心不同，脏腑亦异。脏腑既异，乃以一药治众人之病，其可得乎？故张仲景曰：又有土地高下不同，物性刚柔，餐居亦异。是故黄帝兴四方之问，岐伯举四治之能，临病之功，宜须两审。如是则依方合药，一概而用，亦以疏矣。且如贵豪之家，形乐志苦者也。衣食足则形乐，心虑多则志苦。岐伯曰：病生于脉。形乐则外实，志苦则内虚，故病生于脉。所养既与贫下异，忧乐思虑不同，当各逐其人而治之。后世医者，直委此一节，闭绝不行，所失甚矣。尝有一医官，暑月与贵

人饮。贵人曰：我昨日饮食所伤，今日食减。医曰：可饵消化药，他人当服十丸，公当减其半。下咽未久，疏逐不已，几至毙。以此较之，虚实相迂，不可不察，故曰病当别论。又一男子，暑月患血痢，医妄以凉药逆制，专用黄连、阿胶、木香药治之。此药始感便治则可，今病久肠虚，理不可服，逾旬不已，几致委顿，故曰理当别药。如是论之，诚在医之通变。又须经历，则万无一失。引此为例，余可效此。

凡用药必须择州土所宜者，则药力具，用之有据。如上党人参、川蜀当归、齐州半夏、华州细辛，又如东壁土、冬月灰、半天河水、热汤、浆水之类，其物至微，其用至广，盖亦有理。若不推究厥理，治病徒费其功，终亦不能活人。圣贤之意不易尽知，然舍理何求哉？

凡人少、长、老，其气血有盛、壮、衰三等。故岐伯曰：少火之气壮，壮火之气衰。盖少火生气，壮火散气，况复衰火，不可不知也。故治法亦当分三等。其少日服饵之药，于壮老之时，皆须别处之，决不可忽也。世有不留心于此者，往往不信，遂致困危，哀哉！

今人使理中汤、丸，仓卒之间多不效者，何也？是不知仲景之意，为必效药，盖用药之人有差殊耳。如治胸痹，心中痞坚，气结胸满，胁下逆气抢心，理中汤主之，人参、术、干姜、甘草四物等，共一十二两，水八升，煮取三升，每服一升，日三服，以知为度。或作丸，须鸡子黄大，皆奇效。今人以一丸如杨梅许，服之病既不去，乃曰药不神。非药之罪，用药者之罪也。今引以为例，他可仿此。然年高及素虚寒人，当遂宜减甘草。

夫高医以蓄药为能，仓卒之间，防不可售者所须也。若桑寄生、桑螵蛸、鹿角胶、天

灵盖、虎胆、蟾酥、野驼、蜚、蓬藂、空青、婆娑石、石蟹、冬灰、腊雪水、松黄之类，如此者甚多，不能一一遍举。唐元澹字行冲，尝谓狄仁杰曰：下之事上，譬富家储积以自资也。脯、腊、膜、胰，以供滋膳。参、术、芝、桂，以防疾疢。门下充旨味者多矣，愿以小人备一药，可乎？仁杰笑曰：公正吾药笼中物，不可一日无也。然梁公因事而言，独譬之以药，则有以见天下万物之中，尤不可阙者也。知斯道也，知斯意而已。

凡为医者，须略通古今，粗守仁义，绝驰惊能所之心，专博施救拔之意。如此则心识自明，神物来相，又何必戚戚沽名，齷齪求利也。如或不然，则曷以致姜抚沽誉之惭，逋华佗之矜能受戮乎。

尝读《唐·方技传》，有云：医要在视脉，唯用一物攻之，气纯而愈速。一药偶得，他药相制，弗能专力，此难愈之验也。今详之：病有大小、新久、虚实，岂可止以一药攻之？若初受病小，则庶几；若病大多日，或虚或实，岂得不以他药佐使？如人用硫黄，皆知此物大热，然石性缓，仓卒之间，下咽不易便作效。故智者又以附子、干姜、桂之类相佐使以发之，将并力攻疾，庶几速效。若单用硫黄，其可得乎？故知许嗣宗之言未可全信，贤者当审度之。

夫用药如用刑，刑不可误，误即干人命。用药亦然，一误即便隔生死。然刑有鞠司，鞠成然后议定，议定然后书罪，盖人命一死，不可复生，故须如此详谨。今医，人才到病家，便以所见用药。若高医识病知脉，药又相当，如此，即应手作效。或庸下之流，孟浪乱投汤剂，逡巡便致困危。如此杀人，何太容易。世间此事甚多，良由病家不择医，平日未尝留心于医术也，可不惧哉！

重刊本草衍义 卷三

序 例 下

治妇人虽有别科，然亦有不能尽圣人之法者。今豪足之家，居奥室之中，处帟幔之内，复以帛幪手臂，既不能行望色之神，又不能殚切脉之巧，四者有二阙焉。黄帝有言曰：凡治病，察其形气色泽，形气相得，谓之可治；色泽以浮，谓之易已；形气相失，谓之难治；色夭不泽，谓之难已。又曰：诊病之道，观人勇怯，骨肉皮肤，能知其情，以为诊法。若患人脉病不相应，既不得见其形，医人止据脉供药，其可得乎？如此言之，不能尽其术也。此医家之公患，世不能革。医者不免尽理质问，病家见所问繁，不为医业不精，往往得药不肯服，似此甚多。扁鹊见齐侯之色，尚不肯信，况其不得见者乎？呜呼！可谓难也已！

又妇人病温已十二日，诊之，其脉六七至而涩，寸稍大，尺稍小，发寒热，颊赤口干，不了了，耳聋。问之，病后数日，经水乃行，此属少阳热入血室也。若治不对病，则必死。乃按其证，与小柴胡汤服之，二日，又与小柴胡汤加桂枝干姜汤，一日，寒热虽已，又云：我脐下急痛，又与抵当丸，微利，脐下痛痊。身渐凉和，脉渐匀，尚不了了，乃复与小柴胡。次日云：我但胸中热燥，口鼻干。又少与调胃承气汤，不得利。次日又云：心下痛。又与大陷胸丸半服，利三行。而次日虚烦不宁，时妄有所见，时复狂言。虽知其尚有燥屎，以其极虚，不敢攻之。遂与竹叶汤，去其烦热。其夜大便自通，至晓两次，中有燥屎数枚，而狂言虚烦尽解。但咳嗽唾沫，此肺虚也。若不治，恐乘虚而成肺痿，遂

与小柴胡去人参、大枣、生姜，加干姜、五味子汤。一日咳减，二日而病悉愈。以上皆用张仲景方。

有妇人病吐逆，大小便不通，烦乱，四肢冷，渐无脉，凡一日半，与大承气汤两剂，至夜半渐得大便通，脉渐生，翌日乃安。此关格之病，极难治，医者当审谨也。经曰：关则吐逆，格则不得小便。如此亦有不得大便者。

有小儿病虚滑，食略化，大便日十余次，四肢柴瘦，腹大，食讫又饥。此疾正是大肠移热于胃，善食而瘦，又谓之食飧者。时五六月间，脉洪大，按之则绝。今六脉既单洪，则夏之气独然，按之绝，则无胃气也。经曰：夏脉洪，洪多胃气，少曰病，但洪无胃气曰死。夏以胃气为本，治疗失于过时，后不逾旬，果卒。

有人病久嗽，肺虚生寒热，以款冬花焚三两，俟烟出，以笔管吸其烟，满口则咽之，至倦则已。凡数日之间五七作，差。

有人病疟月余日，又以药吐下之，气遂弱，疾未愈。观其病与脉，乃夏伤暑，秋又伤风，乃与柴胡汤一剂，安。后，又饮食不节，寒热复作。此盖前以伤暑，今以饮食不谨，遂致吐逆不食，胁下牵急而痛，寒热无时，病名痰疟。以十枣汤一服，下痰水数升，明日又与理中散二钱，遂愈。

有人苦风痰头痛，颠掉，吐逆，饮食减，医以为伤冷物，遂以药温之，不愈。又以丸药下之，遂厥。复与金液丹后，谵语，吐逆，颠掉，不省人，狂若见鬼，循衣摸床，手足冷，脉伏。此胃中有结热，故昏瞢不省人；以阳气不能布于外，阴气不持于内，即颠掉而厥。遂与大承气汤，至一剂，乃愈。方见仲

景。后服金箔丸，方见《删繁》。

有男子年六十一，脚肿生疮，忽食猪肉不安。医以药利之，稍愈。时出外中风，汗出后，头面暴肿，起紫黑色，多睡。耳轮上有浮泡小疮，黄汁出。乃与小续命汤中加羌活一倍，服之遂愈。

有人年五十四，素羸，多中寒，近服菟丝有效。小年常服生硫黄数斤，脉左上二部，上下二部，弦紧有力。五七年来，病右手足筋急拘挛，言语稍迟，遂与仲景小续命汤，加薏苡仁一两，以治筋急。减黄芩、人参、芍药各半，以避中寒，杏仁只用一百五枚。后云尚觉大冷，因令尽去人参、芍药、黄芩三物，却加当归一两半，遂安。今人用小续命汤者，比比皆是，既不能逐证加减，遂至危

殆，人亦不知。今小续命汤，世所须也。故举以为例，可不谨哉！

夫八节之正气，生活人者也。八节之虚邪，杀人者也。非正气则为邪，非真实则为虚。所谓正气者，春温、夏热、秋凉、冬寒，此天之气也。若春在经络，夏在肌肉，秋在皮肤，冬在骨髓，此人之气也。在处为实，不在处为虚。故曰，若以身之虚，逢时之虚邪不正之气，两虚相感，始以皮肤经络，次传至脏腑，逮于骨髓，则药力难及矣。如此则医家治病，正宜用药抵截散补，防其深固而不可救也。又尝须保护胃气。举斯为例，余可仿此。

重刊本草衍义 卷四

玉泉 经云：生蓝田山谷，采无时。今蓝田山谷无玉泉。泉水，古今不言采。又曰：服五斤。古今方，水不言斤。又曰：一名玉札。如此则不知定是何物。诸家所解，更不言泉，但为玉立文。陶隐居虽曰可消之为水，故名玉泉。诚如是，则当言玉水，亦不当言玉泉也。盖泉具流布之义，别之则无所不通。《易》又曰：山下出泉蒙，如此则诚非止水，终未臻厥理。今详泉字乃是浆字，于义方允。浆中既有玉，故曰服五斤。去古既远，亦文字脱误也。采玉为浆，断无疑焉。且如《书》篇尚多亡逸，况《本草》又在唐尧之上，理亦无怪。谓如“蛇含”，《本草》误为“蛇全”。《唐本注》云：全字乃是舍字，陶见误本改为含，尚如此不定。后有“铁浆”，其义同此。又《道藏经》有“金饭玉浆”之文，唐李商隐有“琼浆未饮结成冰”之诗，是知玉诚可以为浆。又荆门军界有玉泉寺，中有泉，与寻常泉水无异，亦不能治病。寺中日用此水。又西洛有万安山，山腹间有寺曰玉泉。尝两登是山，质玉泉之疑，寺僧皆懵不能答。寺前有泉一派，供寺中用。泉窠皆青石，与诸井水无异。若按别本注，玉泉，玉之泉液也，以仙室玉池中者为上。如此则举世不能得，亦漫立此名，故知别本所注为不可取。又有燕玉出燕北，体柔脆，如油和粉色，不入药，当附于此。

丹砂 今人谓之朱砂。辰州朱砂，多出蛮峒。锦州界猪獠峒老鸦井，其井深广数十丈，先聚薪于井，满则纵火焚之。其青石壁迸裂处，即有小龕，龕中自有白石床。其石如玉，床上乃生丹砂。小者如箭簇，大者如芙蓉，其光明可鉴，研之鲜红，砂泊床，大者重七八两，至十两者，晃州亦有。形如箭

簇、带石者，得自土中，非此之比也。此物镇养心神，但宜生使。炼服，少有不作疾者，亦不减硫黄辈。又一医流服伏火者数粒，一旦大热，数夕而毙。李善胜尝炼朱砂为丹，经岁余，沐浴再入鼎，误遗下一块，其徒丸服之，遂发懵冒，一夕而毙。其生朱砂，初生儿便可服，因火力所变，遂能杀人，可不谨也。

空青 功长于治眼。仁庙朝，尝诏御药院，须中空有水者，将赐近戚，久而方得。其杨梅青，治医极有功。中亦或有水者，其用与空青同，第有优劣耳。今信州亢山而取，世谓之杨梅青，极难得。

绿青 即石碌是也。其石黑绿色者佳，大者刻为物形，或作器用。又同硃砂，作吐风涎药，验则验矣，亦损心肺。

云母 古虽有服炼法，今人服者至少，谨之至也。市廛多折花朵以售之。今惟合云母膏，治一切痈毒疮等，惠民局别有法。

石钟乳 萧炳云：如蝉翼爪甲者为上，如鹅管者下。经既言乳，今复不取乳，此何义也？盖乳取其性下，不用如雁齿者，谓如乌头、附子不用尖角之义同。但明白光润轻松，色如炼消石者佳。服炼别有法。

朴消 是初采扫得，一煎而成者，未经再炼治，故曰朴消。其味酷涩，所以力坚急而不和，可以熟生牛马皮，及治金银有伪。葛洪治食鲙不化，取此以荡逐之。腊月中出新瓦罐，满注热水，用朴消二升，投汤中，搅散，挂北檐下，俟消渗出罐外，羽收之。以入乳汁调半钱，扫一切风热毒气攻注目眦外，及发于头面、四肢肿痛，应手神验。

芒消 经云：生于朴消。乃是朴消以水淋汁，澄清，再经熬炼减半，倾木盆中，经

宿，遂结芒有廉棱者。故其性和缓，古今多用以治伤寒。

消石 是再煎炼时，已取訖芒消凝结在下如石者。精英既去，但余滓而已。故功力亦缓，惟能发烟火。《唐本》注：“盖以能消化诸石，故名消石”。煎柳枝汤煮三周时，即伏火，汤耗，即又添柳枝汤。

英消 是消之精英者。其味甘，即马牙消也。别有法，炼治而成。由其煎炼，故其味亦别。治五脏积热。然四物本出于一物。由此煎炼，故分出精粗，所以其用亦不相远。

矾石 今坊州矾务，以野火烧过石，取以煎矾。色惟白，不逮晋州者。皆不可多服，损心肺、却水故也。水化书纸上，才干，水不能濡，故知其性却水。治涎药多须者，用此意尔。火枯为粉，贴嵌甲。牙缝中血出如衄者，贴之亦愈。

滑石 今谓之画石，以其软滑可写画。淋家多用。若暴得吐逆不下食，以生细末贰钱匕，温水服，仍急以热面半盞，押定。

紫石英 明澈如水精，其色紫而不匀。张仲景治风热痙痙及惊痙痙风引汤：紫石英、白石英、寒水石、石膏、干姜、大黄、龙齿、牡蛎、甘草、滑石等分，混合咬五汝切咀子与切。以水一升，煎去三分，食后量多少温呷，不用滓，服之无不效者。

白石英 状如紫石英，但差，大而六棱，白色如水精。紫白二石英，当攻疾，可暂煮汁用，未闻久服之益。张仲景之意，只令咬咀，不为细末者，岂无意焉。其久服，更宜详审。

赤石脂 今四方皆有，以舌试之，粘着者为佳。有人病大肠寒滑，小便精出，诸热药服及一斗二升，未甚效。后有人教服赤石脂、干姜各一两，胡椒半两，同为末，醋糊丸如梧桐子大，空心及饭前米饮下五七十丸。终四剂，遂愈。

白石脂 有初生未满月小儿，多啼叫，致脐中血出，以白石脂细末贴之，即愈。未愈，微微炒过，放冷再贴，仍不得剥揭。

石中黄子 石中黄子，此又字误也。子当作水，况当条自言未成余粮黄浊水，焉得却名之子也？若言未干者，亦不得谓之子也。子字乃水字无疑。又曰太一余粮者，则是兼石言之者也。今医家用石中黄，只石中干者及细末者，即便是。若用禹余粮石，即用其壳。故本条言一名石脑，须火烧醋淬。如此即是石中黄水为一等，石中黄为一等，太一余粮为一等，断无疑焉。

婆娑石 今则转为摩娑石，如淡色石绿间微有金星者佳，磨之色如淡乳汁，其味淡。又有豆斑石，亦如此石，但于石上有黑斑点，无金星。

无名异 今《图经》曰：“《本经》云，味甘平，治金疮折伤，生肌肉。今云味咸寒，消肿毒痈肿，与《本经》所说不同，疑别是一种。”今详上文三十六字未审，今云字下，即不知是何处云也。

菩萨石 出峨嵋山中，如水精明澈，日中照出五色光，如峨嵋普贤菩萨圆光，因以名之，今医家鲜用。

重刊本草衍义 卷五

金屑 不曰金而更加屑字者，是已经磨屑可用之义，如玉浆之义同。《本经》不解屑为未尽，盖须烹炼锻屑为薄，方可研屑入药。陶隐居云：“凡用银屑，以水银和成泥。”若非锻屑成薄，焉能以水银和成泥也？独不言金屑，亦其阙也。生金有毒，至于杀人，仍为难解。有中其毒者，惟鸱鸢肉可解，若不经锻屑，则不可用。颗块金即宕山，或至百十尺，见伴金石，其石褐色，一头如火烧黑之状，此定见金也。其金色深赤黄。熬金即在江沙水中，淘汰而得，其色浅黄。此等皆是生金也，得之皆当销炼。熬金耗折少，块金耗折多。入药当用块金，色既深则金气足。余更防霉制成及点化者，如此，焉得更有造化之气也。若本朝张永德，字抱一，并州人。五代为潞帅，淳化二年改并州。初寓睢阳，有书生邻居卧病，永德疗之，获愈。生一日就永德求汞伍两。即置鼎中，煮成中金。永德忌求药法，生曰：君当贵，吾不吝此，虑损君福。锻工毕升言：祥符年，尝在禁中为方士王捷锻金。以铁为金，凡百余两为一饼，辄解为八段，谓之鸦嘴金。初自治中出，色尚黑。由是言之，如此之类，乃是水银及铁用药制成，非造化所成，功治焉得不差？殊如惠民局合紫雪用金，盖假其自然金气尔。然恶锡。又东南方金色深，西南方金色淡，亦土地所宜也，入药故不如色深者。然得余甘子则体柔，亦相感尔。

银屑 金条中已解屑义。银本出于矿，须煎炼而成，故名熟银。所以于后别立生银条也。其用与熟银大同。世有术士，能以朱砂而成者，有铅汞而成者，有焦铜而成者，非复更有造化之气，岂可更入药？既有此类，不可不区别。其生银即是不自矿中出，而特然

自生者，又谓之老翁须，亦取像而言之耳。然银屑经言有毒，生银经言无毒，释者漏略不言。盖生银已生发于外，无蕴郁之气，故无毒。矿银尚蕴蓄于石中，郁结之气全未敷畅，故言有毒。亦恶锡。

水银 水银入药虽各有法，极须审慎，有毒故也。妇人多服绝娠。今人治小儿惊热涎潮，往往多用。经中无一字及此，亦宜详谛。得铅则凝，得硫黄则结，并枣肉研之则散。别法煅为膩粉，粉霜唾研毙虱。铜得之则明，灌尸中则令尸后腐。以金银铜铁置其上则浮，得紫河车则伏。唐韩愈云：太学博士李千，遇信安人方士柳贲，能烧水银为不死药。以铅满一鼎，按中为空，实以水银，盖封四际，烧为丹砂，服之下血。比四年，病益急，乃死。余不知服食说自何世起，杀人不可计，而世慕尚之益至。此其惑也。在文书所记，及耳闻传者不说，今直取目见，亲与之游，而以药败者六七公，以为世诫。工部尚书归登自说：既服水银得病，若有烧铁杖，自颠贯其下，摧而为火，射窍节以出，狂痛号呼，乞绝。其茵席得水银，发且止，唾血，十数年以毙。殿中御史李虚中，疽发其背死。刑部尚书李逊谓余曰：我为药误。遂死。刑部侍郎李建，一旦无病死。工部尚书孟简邀我于万州，屏入曰：我得秘药，不可独不死，今遗子一器，可用枣肉为丸服之。别一年而病。后有入至，讯之。曰：前所服药误，方且下之，下则平矣。病二岁卒。东川节度御史大夫卢坦溺血，肉痛不可忍，乞死。金吾将军李道古，以柳贲得罪，食贲药，五十死海上。此可为诫者也。薪不死，乃速得死，谓之智，不可不可也？五谷三牲，盐醯果蔬，人所常御，入相厚勉，必曰强食。今惑者皆曰五谷令人

天，当务减节，临死乃悔。呜呼，哀也已！今有水银烧成丹砂，医人不晓，研为药衣，或入药中，岂不违误，可不谨哉！

水银粉 下涎药，并小儿涎潮、痲疯多用。然不可常服及过多，多则其损兼行。若兼惊，则尤须审谨。盖惊为心气不足，不可下，下之里虚，惊气入心不可治。若其人本虚，便须禁此一物，谨之至也。

雄黄 非金苗。今有金窟处无雄黄。金条中言金之所生，处处皆有雄黄，岂处处皆得也。别法，治蛇咬，焚之熏蛇远去。又武都者，镌磨成物形，终不免其臭。唐甄立言仕为太常丞，有道人病心腹遭烦，弥二岁，诊曰：腹有蛊，误食发而然。令饵雄黄一剂，少选，吐一蛇如拇指，无日，烧之有发气，乃愈。此杀毒蛊之验也。

雌黄 入药最稀，服石者宜审谛。治外功多，方士点化术多用，亦未闻其终始如何。画工或用之。

石硫黄 今人和治下元虚冷，元气将绝，久患寒泄，脾胃虚弱，垂命欲尽，服之无不效。中病当便已，不可尽剂。世人盖知用而为福，不知用久为祸。此物损益兼行，若俱弃而不用，当仓卒之间，又可阙乎？或更以法制，拒火而又常服者，是亦弗思也。在本朝则不言如此服良，但专治妇人。不知者，往往更以酒服，其可得乎？或脏中久冷，服之先利。如病势危急，可加丸数服，少则不效，仍加附子、干姜、桂。

阳起石 如狼牙者佳。其外色不白，如姜石。其大块者，亦内白。治男子、妇人下部虚冷，肾气乏绝，子脏久寒，须水飞研用。凡石药冷热皆有毒，正宜斟酌。

飞水石 又谓之寒水石，纹理通彻，人或磨刻为枕，以备暑月之用。入药烧过，或市人烧入膩粉中以乱真，不可不察也。陶隐居言：夏月能为冰者佳。如此则举世不能得，似乎失言。

石膏 二书纷辨不决，未悉厥理。详

《本经》元无方解石之说，正缘《唐本》注石膏、方解石大体相似。因此一说，后人遂惑。经曰：生齐山山谷，及齐庐山、鲁蒙山，采无时，即知他处者为非。今《图经》中又以汾州者编入，前后人都不详。经中所言细理白泽者良，故知不如是，则非石膏也。下有理石条中经云：如石膏顺理而细，又可明矣。今之所言，石膏、方解石，二者何等有顺理细文又白泽者。有是，则石膏也；无是，则非石膏也。仍须是经中所言州上者，方可入药，余皆偏见，可略不取。仲景白虎汤中，服之如神。新校正仲景《伤寒论》后，言四月已后，天气热时，用白虎者是也。然四方气候不齐，又岁中气运不一，方所既异，虽其说甚雅，当此之时，亦宜两审。若伤寒热病，或大汗后，脉洪大，口舌燥，头痛，大渴不已；或着暑热，身痛倦怠，白虎汤服之无不效。

磁石 色轻紫，石上黠涩，可吸连针铁，俗谓之煅铁石。养益肾气，补填精髓，肾虚耳聾目昏皆用之。入药，须烧赤醋淬。其玄石，即磁石之黑色者也。多滑净。其治体大同小异，不可分而为二也。磨针锋则能指南，然常偏东不全南也。其法取新纆中独缕，以半芥子许蜡，缀于针腰，无风处垂之，则针常指南。以针横贯灯心，浮水上，亦指南，然常偏丙位，盖丙为大火，庚辛金受其制，故如是，物理相感尔。

理石 如长石，但理石如石膏顺理而细，其非顺理而细者为长石，治疗亦不相辽。

铁矿 铁于矿中炼出者，谓之生铁。铁落，断而落者也。镔音柔铁，铁炒成熟铁也。刚铁，炼铁，去滓者也。铁精、针沙、铁浆，以上三等，取汁，各依经用。铁华粉、铁粉，以上二等，烧煅取。马啣、秤锤、车辖、杵锯，以上五等，特以其意使之耳。其生铁既自火中炼石而出，世谓之生铁。亦如炒脂麻取油，谓之生油，其义亦同，白油麻条中已著。铁粉，以生姜汁调擦眉上，生眉毛。铜

铁，今用柔铁屈盘，乃以生铁陷其间，泥封炼之，煅令相入，谓之围钢，又曰灌钢。此盖草创之钢，亦不免伪也。盖生铁之坚，及三四炼，则生铁亦自熟，却是柔铁，而天下莫以为非。磁州炼坊，方识真钢。凡铁之有钢，如面之有筋，灌洗揉面既尽，筋乃见，炼钢亦然。恒取精铁一百余斤，每锻一火，称之遂轻。累锻称之，至于不减耗，此则纯钢也。实铁之精纯者，虽百炼不耗矣。其色清明，磨莹之，则黯黯而清且黑。亦有炼之尽，全无钢者，系地之所产精粗尔。前所谓铁精者，其说有二：陶隐居言出煅灶中，如尘、紫色、轻者为佳，亦以摩莹铜器用之。日华子又云：犁铧尖浸水中名为铁精。本条既言化铜，则隐居所说是。盖煅灶中尘紫摩铜则明，浸犁铧尖水非是。

食盐 《素问》曰：咸走血。故东方食鱼盐之人多黑色，走血之验，故可知矣。病嗽及水者，宜全禁之。北狄用以淹尸，取其不坏也。至今如此。若中蚯蚓毒，当以盐洗沃，亦宜汤化饮汁。其烧剥金银，熔汁作药，仍须解州池盐为佳。齿缝中多血出，常以盐汤嗽，即已。益齿走血之验也。

太阴玄精石 合他药，涂大风疾。别有法，阴证伤寒，指甲面色青黑，六脉沉细面疾；心下胀满、结硬，躁渴，虚汗不止，或时狂言，四肢逆冷，咽喉不利，腹疼，亦须佐他药兼之。《图经本草》已有法，惟出解州者良。

密陀僧 坚重，椎破如金色者佳。

桃花石 有赤、白两等。有赤地淡白点如桃花片者。有淡白地、有淡赤点、如桃花片者。入往往磨为器用，今人亦罕服食。

花乳石 其色如硫黄，《本经》第五卷中已著。今出陕、华间，于黄石中间，有淡白点，以此得花之名。今惠民局花乳石散者是。此物陕人又能镌为器。《图经》第二卷中，易其名为花蕊石，是却取其色黄也。更无花乳之名，虑岁久为世所惑，故书之。

珊瑚 治翳目，今入用为点眼筋。有一等红油色，有细纵纹可爱。又一种如铅丹色，无纵纹为下。入药用红油色者。尝见一本高尺许，两枝直上，分十余歧，将至其颠，则交合连理，仍红润有纵纹，亦一异也。波斯国海中，有珊瑚洲。海人乘大舶，堕铁网水底。珊瑚所生磐石上，白如菌，一岁而黄，三岁赤，枝干交错，高三四尺。铁发其根系网，舶上绞而出之。失时不取则腐。

马脑 非石、非玉，自是一类。有红、白、黑色三种，亦有其纹如缠丝者。出西裔者佳。彼土人以小者碾为好玩之物，大者碾为器。今古方入药，绝可用。此物西方甚重，故佛经多言之。其马口吐出，既知谬言，不合编入。

石花 白色，圆如覆大马杓，上有百十枝，每枝各槎牙分歧如鹿角，上有细文起。以指撩之，铮铮然有声。此石花也，多生海中石上，世方难得。家中自有一本，后又于大相国宫中见一本，然其体甚脆，不禁触击。本条所注皆非是。

石蟹 直是今之生蟹，更无异处，但有泥与粗石相着。凡用，须去其泥并粗石，止用蟹，磨合他药点目中，须水飞。

石蛇 《本经》不收，始自《开宝本草》添附。其色如古墙上土，盘结如楂梨大，中空，两头巨细一等，无盖，不与石蟹同类。蟹则真蟹也，蛇非真蛇，今入用之绝少。

重刊本草衍义 卷六

青琅玕 《书》曰：三危既宅。三危，西裔之山也，厥贡惟球琳琅玕。孔颖达以谓琅玕石似玉。《新书》亦谓三苗，西戎。《西域记》云：天竺国正出此物。陶隐居谓为本名大丹石。既是大丹石，则《本经》岂可更言煮炼服之。又曰：可化为丹。陶不合远引，非此琅玕也。《唐本》注云：是琉璃之类。且琉璃火成之物，琅玕又非火成。经曰：生蜀郡平泽。安得同类言之，其说愈远。且《佛经》所谓琉璃者，正如鬼谷珠之翳，乃火成之物也，今人绝不见用。

礞石 特生礞石 《博物志》及陶隐居皆言此二石鹵取之以壅卵，如此则是一物也。隐居又言：仙经不云特生，则止是前白礞石。今《补注》但随文解义，不见特生之意。盖二条止是一物，但以特生不特生为异耳。所谓特生者，不附著他石为特耳。今用者绝少，惟两字礞石入药，然极须谨用，其毒至甚。及至论鹵巢中者，又却从谬说。鹵巢中皆无此石，乃曰：鹵常入水，冷，故取以壅卵。如此则鸕鹚、雁、鹭之类，皆食于水，亦自繁息生化，复不用此二石。其说往往取俗士之言，未尝究其实而穷其理也。尝官于顺安军，亲检鹵巢，率无石。矧礞石焉得处处有之。然治久积及久病胸腹冷有功，直须谨用，盖其毒不可当。

代赭 方士炉火中多用，丁头光泽、坚实、赤紫色者佳。**白堊** 即白善土，京师谓之白土子。方寸许切成段，鬻于市，人得以浣衣。今人合王瓜，等分为末，汤点二钱服，治头痛。**赤土** 今公府用以饰椽柱者。水调细末一二钱服，以治风疹。

大盐 新者不苦，久则咸苦。今解州盐池所出者，皆成斗子，其形大小不等，久亦

苦。海水煎成者，但味和。二盐互有得失。入药及金银作，多用大盐及解盐。傍海之人多黑色，盖日食鱼盐，此走血之验也。齿缝中血出，盐汤嗽之，及接药入肾。北虏以盐淹尸，使不腐。

戎盐 戎盐成朵，裁之如枕，细白，味甘咸，亦功在却血。入肾，治目中瘀赤、涩昏。

铅丹 本谓之黄丹，化铅而成，别有法。《唐本》注：炒锡作。然经称铅丹，则炒锡之说误矣，亦不为难辨。盖锡则色黯暗，铅则明白，以此为异。治疟及久积皆用。

粉锡 粉锡、胡粉也，又名定粉。止泄痢、积聚及久痢。

铅霜 铅霜、《图经》已著其法，治上膈热涎塞。涂木瓜失酸味，金克木也。

古文钱 古铜，焦赤，有毒，治目中瘰癧、腐蚀坏肉、妇人横逆产、五淋多用。非特为有锡也，此说非是。今但取景王时大泉五十及宝货，秦半两，汉荚钱、大小五铢，吴大泉五百、大泉当千，宋四铢、二铢，及梁四柱，北齐常平五铢。尔后其品尚多，如此之类方可用。少时常自患暴赤目肿痛，数日不能开。有客教以生姜一块，洗净去皮，以古青铜钱刮取姜汁，就钱棱上点。初甚苦，热泪蔑而。然终无损。后有患者，教如此点，往往疑惑。信士点之，无不获验。一点遂愈，更不可再作。有疮者不可用。

金牙 今方家绝不用。以此故，商客无利不贩卖，医者由是委而不用，兼所出惟蜀郡有之，盖亦不广也。余如经。

石灰 水调一盞，如稠粥，拣好糯米粒全者，半置灰中，半灰外。经宿，灰中米色变如水精。若人手而上有黑黧子及纹刺，先

微微以针头拨动，置少许如水精者于其上，经半日许，麝汁自出，剔去药不用，且不得着水，三二日愈。又取新硬石灰一合，以醋炒，调如泥，于患偏风牵口喎邪人口唇上不患处一边涂之，立便牵正。

冬灰 诸家止解灰而不解冬，亦其阙也。诸灰一烘而成，惟冬灰，则经三四月方彻炉。灰既晓夕烧灼，其力得不全燥烈乎？而又体益重。今一蒸而成者体轻，盖火力劣，故不及冬灰耳。若古紧面少容方中，用九烧益母灰，盖取此义。如或诸方中用桑灰，自合依本法。既用冬灰，则须尔。《唐本》注云：冬灰本是藜灰，未知别有何说。又汤火灼，以饼炉中灰细罗，脂麻油调，羽扫，不得着水，仍避风。

伏龙肝 妇人血露，蚕沙一两，炒伏龙肝半两，阿胶一两，同为末，温酒调，空肚服二三钱，以知为度。本条中有**东壁土**，陈藏器云：取其东壁上，久干也。今详之：南壁土，亦向阳久干也，何不取？盖东壁常先得晓日烘炙。日者太阳真火，故治瘟疫。或曰：何不取午盛之时南壁土，而取日初出东壁土者，何也？火生之时，其气壮。故《素问》云：少火之气壮。及其当午之时，则壮火之气衰，故不取，实用此义。或曰：何以知日者太阳真火？以水精珠，或心凹铜鉴，向日射之，以艾承接其光聚处，火出，故知之。

半天河水 半天河水，一水也。然用水之义有数种，种各有理。如半天河水，在上，天泽水也。故治心病、鬼疟、狂、邪气、恶毒。**腊雪水**，大寒水也，故解一切毒，治天行时气、温疫、热痢、丹石发、酒后暴热、黄疸。**井华水**，清冷澄澈水也，故通九窍，洗目肤翳，及酒后热痢。后世又用东流水者，取其快顺疾速，通关下膈也。**倒流水**，取其回旋留止，上而不下也。

菊花水 本条见南阳郦县北潭水，其源悉芳。菊生被崖，水为菊味，此说甚怪。且菊生于浮土上，根深者不过尺，百花之中，此

特浅露，水泉莫非深远而来，况菊根亦无香，其花当九月十月间，止三两旬中，焉得香入水也？若因花而香，其无花之月合如何也？殊不详。水自有甘、淡、咸、苦，焉知无有菊味者？尝官于永、耀间，沿干至洪门北山下古石渠中，泉水清澈。众官酌而饮。其味与惠山泉水等，亦微香，世皆未知之，烹茶尤相宜。由是知泉脉如此，非缘浮土上所生菊能变泉味。博识之士，宜细详之。

浆水 浆水不可同李实饮，令人霍乱吐利。

热汤 助阳气，行经络。患风冷气痹人，多以汤濯脚至膝上，厚覆，使汗出周身。然别有药，亦终假汤气而行也。四时暴泄利，四肢冷，脐腹疼，深汤中坐，浸至腹上，频频作，生阳佐药，无速于此。虚寒入始坐汤中必战，仍常令人伺守。

硃砂 金银有伪，投熔锅中，其伪物尽消散。矧人腹中有久积，故可溃腐也。合他药，治目中翳，用之须水飞过，入瓷器中，于重汤中煮其器，使自干，杀其毒，及去其尘秽。

蓬砂 含化咽津，治喉中肿痛，膈上痰热。初觉便治，不能成喉痹，亦缓取效可也。南番者，色重褐，其味和，其效速。西戎者，其色白，其味焦，其功缓，亦不堪作焊。

姜石 姜石，所在皆有。须不见日色旋取，微白者佳。治疗肿殊效。

自然铜 有人饲折翅雁，后遂飞去。今人打扑损，研极细，水飞过，同当归、没药各半钱，以酒调，频服，仍以手摩痛处。

石燕 今人用者如蜾蜭之状，色如土，坚重则石也。既无羽翼，焉能自石穴中飞出，何故只堕沙滩上？此说近妄。《唐本》注：永州土岗上掘深丈余取之，形似坩而小，重如石。则此自是一物，余说不可取。溃、虚、积药中多用。

砒霜 疟家或用，才过剂，则吐泻兼作，须浓研绿豆汁，仍兼冷水饮，得石脑油即伏。

今信州凿坑井，下取之。其坑常封锁，坑中有浊绿水，先绞水尽，然后下筒取。生砒谓之砒黄，其色如牛肉，或有淡白路，谓石非石，谓土非土，磨研酒饮，治癖积气有功。才见火，便有毒，不可造次服也。取砒之法：将生砒就置火上，以器覆之，令砒烟上飞着覆器，遂凝结，累然下垂如乳，尖长者为胜，平短者次之。《图经》言大块者。其大块者已是下等，片如细屑者极下也。入药当用如乳尖长者，直须详谨。

浮石 水飞，治目中翳。今皮作家用之，磨皮上垢，无出此石。石蟹条中云：浮石，平，无毒，止渴，治淋，杀野兽毒，合于此条收

入。

金星石 银星石 治大风疾。别有法，须烧用。金星石于苍石内，外有金色麸片。银星石，有如银色麸片。又一种深青色，坚润，中有金色如麸片，不入药，工人碾为器，或妇人首饰。余如经。

石脑油 真者难收，多渗蚀器物。今入药最少，烧炼或须也。仍常用，有油去声器贮之。又研生砒霜，入石脑油，再研如膏，入钳锅子内，用净瓦片子盖定，置火上，俟锅子红，泣尽油，出之。又再研，再入油，再上火，凡如此共两次，即砒霜伏。

重刊本草衍义 卷七

赤箭 赤箭，天麻苗也。然与天麻治疗不同，故后人分之为二。经言八月采根曝干，故知此即苗也。

天门冬 麦门冬之类。虽曰去心，但以水渍漉，使周润，渗入肌，俟软，缓缓擘取，不可浸出脂液。其不知者，乃以汤浸一二时。柔即柔矣，然气味都尽。用之不效，乃曰药不神，其可得乎？治肺热之功为多。其味苦，但专泄而不专收，寒多人禁服。余如二经。

麦门冬 麦门冬根上子也。治心肺虚热，并虚劳客热，亦可取苗作熟水饮。

苍术 其长如大拇指，肥实，皮色褐，气味辛烈，须米泔浸洗，再换泔浸二日，去上粗皮。**白术** 粗促，色微褐，气味亦微辛，苦而不烈。古方及《本经》止言术，未见分其苍白二种也。只缘陶隐居言术有两种。自此，人多贵白者。今人但贵其难得，惟用白者，往往将苍术置而不用。如古方平胃散之类，苍术为最要药，功尤速。殊不详《本草》元无白术之名，近世多用，亦宜两审。嵇康曰：“闻道人遗言，饵术、黄精，令人久寿”，亦无白字。

地黄 叶如甘露子，花如脂麻花，但有细斑点，北人谓之牛奶子。花、茎有微细短白毛。经只言干生二种，不言熟者。如血虚劳热，产后虚热，老人中虚燥热，须地黄者，生与生于常虑大寒，如此之类，故后世改用熟者。蒸曝之法：以细碎者洗出，研取汁，将粗地黄蒸出曝干，投汁中，浸三二时，又曝，再蒸，如此再过为胜，亦不必多。此等与干生二种，功治殊别。陶但云捣汁和蒸殊用工，意不显其法，不注治疗，故须悉言耳。

菖蒲 世又谓之兰荪。生水次，失水则枯，根节密者，气味足。有人患遍身生热毒

疮，痛而不痒，手足尤甚，然至颈而止，粘着衣被，晓夕不得睡，痛不可任。有下俚教以菖蒲三斗，锉，日干之，舂罗为末，布席上，使病疮人恣卧其间，仍以被衣覆之。既不粘着衣被，又复得睡，不五七日之间，其疮如失。后自患此疮，亦如此用，应手神验。其石菖蒲根，络石而生者节乃密，入药须此等。

泽泻 泽泻，其功尤长于行水。张仲景曰：水痞渴烦，小便不利，或吐或泻，五苓散主之。方用泽泻，故知其用长于行水。《本经》又引扁鹊云“多服，病人眼”，诚为行去其水。张仲景八味丸用之者，亦不过引接桂、附等归就肾经，别无他意。凡服泽泻散人，未有不小便多者。小便既多，肾气焉得复实？今人止泄精，多不敢用。

山药 按《本草》上一字犯英庙讳。下一字曰蕡，唐代宗名豫，故改下一字为药，今人遂呼为山药。如此则尽失当日本名，虑岁久以山药为别物，故书之。此物贵生干，方入药。其法：冬月以布裹手，用竹刀子刮去皮，于屋檐下风透处盛竹筛中，不得见日色。一夕干五分，俟全干收之，惟风紧则干速。所以用干之意，盖生湿则滑，不可入药，熟则只堪啖，亦滞气。余如经。

菊花 近世有二十余种，惟单叶花小而黄，绿叶色深小而薄，应候而开者是也。《月令》所谓菊有黄华者也。又邓州白菊，单叶者亦入药，余医经不用。专治头目风热。今多收之作枕。

甘草 枝叶悉如槐，高五六尺，但叶端微尖而糙涩，似有白毛。实作角生，如相思角，作一本生。子如小扁豆，齿啮不破。今出河东西界，入药须微炙，不尔，亦微凉。生

则味不佳。

人参 今之用者，皆河北榷场博易到，尽是高丽所出，率虚软味薄，不若潞州上党者味厚体实，用之有据。土人得一窠，则置于版上，以色丝缠系，根颇纤长，不与榷场者相类。根下垂有及一尺余者，或十歧者。其价与银等，稍为难得。

石斛 细若小草，长三四寸，柔韧，折之，如肉而实。今人多以木斛浑行，医工亦不能明辨。世又谓之金钗石斛，盖后人取象而言之。然甚不经，将木斛折之，中虚，如禾草，长尺余，但色深黄光泽而已。真石斛治胃中虚热有功。

牛膝 今西京作畦种，有长三尺者最佳。与苡蓉浸酒服，益肾。竹木刺入肉，嚼烂罨之，即出。

细辛 细辛用根，今惟华州者佳，柔韧，极细直，深紫色，味极辛，嚼之习习如椒。治头面风痛，不可阙也。叶如葵叶，赤黑，非此，则杜蘅也。杜蘅叶形如马蹄下，故俗云马蹄香。盖根似白前，又似细辛。襄、汉间一种细辛，极细而直，色黄白，乃是鬼督邮，不可用。

柴胡 《本经》并无一字治劳，今人治劳方中鲜有不用者。呜呼！凡此误世甚多。尝原病劳，有一种真脏虚损，复受邪热，邪因虚而致劳，故曰劳者牢也。当须斟酌用之，如《经验方》中，治劳热青蒿煎丸，用柴胡正合宜耳，服之无不效。热去，即须急已。若或无热，得此愈甚，虽至死，人亦不怨，目击甚多。《日华子》又谓补五劳七伤。《药性论》亦谓治劳乏羸瘦。若此等病，苟无实热，医者执而用之，不死何待！注释本草，一字亦不可忽，盖万世之后，所误无穷耳。苟有明哲之士，自可处治。中下之学，不肯考究，枉致沦没，可不谨哉？可不戒哉！如张仲景

治寒热往来如疟状，用柴胡汤，正合其宜。

薏苡仁 此李商隐《太仓铭》中所谓“薏苡似珠，不可不虞”者也，取仁用。《本经》云：“微寒，主筋急拘挛”。拘挛有两等，《素问》注中“大筋受热，则缩而短，缩短故挛急不伸”。此是因热而拘挛也，故可用薏苡仁。若《素问》言因寒则筋急者，不可更用此也。凡用之，须倍于他药。此物力势和缓，须倍加用，即见效。盖受寒即能止人筋急；受热，故使人筋挛。若但热而不曾受，又亦能使人筋缓。受湿则又引长无力。

车前 陶隐居云：其叶捣取汁服，疗泄精。大误矣！此药甘滑，利小便，走泄精气。经云：主小便赤，下气。有人作菜食，小便不禁，几为所误。

茺蔚子 叶至初春亦可煮作菜食，凌冬不凋悴。唐武后九烧与灰入紧面药。九烧之义，已具冬灰条中。

木香 专泄决胸腹间滞塞冷气，他则次之。得橘皮、肉豆蔻、生姜相佐使绝佳，效尤速。又一种，尝自岷州出塞，得生青木香，持归西洛。叶如牛蒡但狭长，茎高三四尺，花黄，一如金钱，其根则青木香也。生嚼之，极辛香，尤行气。

菟丝子 附丛木中，即便蔓延花实，无绿叶，此为草中之异。其上有菟丝下有茯苓之说，未必耳，已于茯苓条中具言之。

巴戟天 巴戟天本有心，干缩时偶自落，或可以抽摘，故中心或空，非自有小孔子也。今人欲要中间紫色，则多伪，以大豆汁沃之，不可不察。外坚难染，故先从中间紫色。有人嗜酒，日须五七杯，后患脚气甚危，或教以巴戟半两，糯米同炒，米微转色，不用米，大黄一两，锉、炒，同为末，熟蜜为丸，温水服五七十丸，仍禁酒，遂愈。

重刊本草衍义 卷八

肉苁蓉 《图经》以谓“皮如松，子有鳞”。子字当为壳，于义为允。又曰：“以酒净洗，去黑汁作羹”。黑汁既去，气味皆尽。然嫩者方可作羹，老者苦。入药，少则不效。

蒺藜 蒺藜有两等：一等杜蒺藜，即今之道傍布地而生，或生墙上，有小黄花，结芒刺，此正是墙有茨者。花收摘荫干，为末，每服三二钱，饭后以温酒调服，治白癞风。又一种白蒺藜，出同州沙苑牧马处。黄紫花，作荚，结子如羊内肾。补肾药，今人多用。风家惟用刺蒺藜。

防风 黄芪 防风、黄芪世多相须而用。唐许胤宗为新蔡王外兵参军，王太后病风，不能言，脉沉难对，医告术穷。胤宗曰：“饵液不可进”。即以黄芪、防风煮汤数十斛，置床下，气如雾熏薄之，是夕语。

千岁菜 唐开元末，访隐民姜抚，已几百岁，召至集贤院。言服常春藤，使白发还髻，则长生可致。藤生太湖，终南往往有之。帝遣使多取，以赐老臣。诏天下，使自求之。擢抚银青光禄大夫，号冲和先生。又言终南山有旱藕，饵之延年，状类葛粉。帝取之作汤饼，赐大臣。右骁骑将军甘守诚曰：常春者千岁菜也，旱藕者杜蒙也。方家久不用，抚易名以神之，民间以酒渍藤，饮者多暴死。乃止。抚内惭，请求药牢山，遂逃去。今书之以备世疑。

黄连 今人多用治痢，盖执以苦燥之义。下俚但见肠虚渗泄，微似有血便，即用之，更不知止。又不顾寒热多少，但以尽剂为度，由是多致危困。若气实初病，热多血痢，服之便止，仍不必尽剂也。或虚而冷，则不须服。余如经。

蓝实 即大蓝实也，谓之蓼蓝非是，《尔

雅》所说是。解诸药等毒，不可阙也。实与叶两用，《注》不解实只解蓝叶，为未尽。经所说尽矣。蓝一本而有数色——刮竹、青绿、云碧、青蓝、黄，岂非青出于蓝而青于蓝者也。生叶汁解药毒，此即大叶蓝，又非蓼蓝也。蓼蓝，即堪揉汁，染翠碧。花成长穗，细小，浅红色。

景天 陶隐居既云今人皆盆盛养之于屋上，即知是草药。又言广州城外有一株，云可三四围，呼为慎火木。既曰云，即非亲见也。盖是传闻，亦非误耳，乃陶之轻听也。然极易种，但折生枝置土中，频浇溉，旬日便下根，浓研取汁，涂火心疮，甚验。干为末，水调，扫游风、赤肿、痼热者。

蒲黄 蒲黄处处有，即蒲槌中黄粉也。今京师谓槌为蒲棒。初得黄，细罗，取萼别贮，以备他用。将蒲黄水调为膏，擘为块，人多食之，以解心脏虚热。小儿尤嗜。涉月则燥，色味皆淡，须蜜水和。然不可多食，令入自利，不益极虚入。

兰草 诸家之说异同，是曾未的识，故无定论。叶不香，惟花香。今江陵、鼎、澧州山谷之间颇有，山外平田即无。多生阴地，生于幽谷，益可验矣。叶如麦门冬而阔且韧，长及一二尺，四时常青，花黄，中间叶上有细紫点。有春芳者，为春兰，色深。秋芳者为秋兰，色淡。秋兰稍难得，二兰移植小槛中，置座上，花开时满室尽香，与他花香又别。唐白乐天有种兰不种艾之诗，正为此兰矣。今未见用者。《本经》苏注：“八月花白。”此即泽兰也。

茵陈蒿 张仲景治伤寒热甚发黄者，身而悉黄，用之极效。又一僧因伤寒后发汗不彻，有留热，身面皆黄，多热，期年不愈。医

作食黄治之，治不对，病不去。问之，食不减。寻与此药，服五日，病减三分之一，十日减三分之二，二十日病悉去。方用山茵陈、山梔子各三分，秦艽、升麻各四钱，末之。每用三钱，水四合，煎及二合，去滓，食后温服，以知为度。然此药以茵陈蒿为本，故书之。

决明子 苗高四五尺，春亦为蔬，秋深结角。其子生角中，如羊肾。今湖南北人家园圃所种甚多，或在村野成段种。《蜀本·图经》言：叶似苜蓿而阔大，甚为允当。

芎藭 今出川中。大块，其里色白，不油色，嚼之微辛甘者佳。他种不入药，止可为末，煎汤沐浴。此药今人所用最多，头面风不可阙也，然须以他药佐之。沈括云：予一族子，旧服芎藭，医郑叔熊见之云：芎藭不可久服，多令人暴死。后族子果无疾而卒。又朝士张子通之妻病脑风，服芎藭甚久，亦

一旦暴亡。皆目见者。此盖单服耳，若单服既久，则走散真气。既使他药佐使，又不久服，中病便已，则何能至此也。

五味子 今华州之西至秦州皆有之。方红熟时采得，蒸烂，研，滤汁，去子，熬成稀膏。量酸甘入蜜，再火上，待蜜熟，俟冷，器中贮，作汤。肺虚寒人，可化为汤，时时服。作果，可以寄远。《本经》言温，今食之多致虚热，小儿益甚。《药性论》以谓除热气。《日华子》又谓暖水脏，又曰除烦热。后学至此多惑。今既用之治肺虚寒，则更不取除烦热之说。则下药亦用之。入药生曝，不去子。

旋花 旋花蔓生，今之河北、京西、关陕田野中甚多，最难锄艾，治之又生。世又谓之鼓子花，言其形肖也。四五月开花，亦有多叶者。其根寸截，置土下，频灌溉，方涉旬，苗已生。《蜀本·图经》是矣。

重刊本草衍义 卷九

当归 《广雅》云：“山蕮古芹切当归也，似芹而粗大”。《说文》云：“蕮，草也，生山中者名蕮音百”。新书《图经》以谓“当归，芹类也，在平地者名芹，生山中粗大者名当归”。若然，则今川蜀皆以平地作畦种，尤肥好多脂肉。不以平地、山中为等差，但肥润不枯燥者佳。今医家用此一种为胜。市人又以薄酒洒，使肥润，不可不察也。《药性论》云：“补女子诸不足”。此说尽当归之用矣。

芍药 芍药全用根，其品亦多，须用花红而单叶，山中者为佳。花叶多，即根虚。然其根多赤色，其味涩苦，或有色白粗肥者益好。余如经。然血虚寒人禁此一物。古人有言曰：减芍药以避中寒，诚不可忽。

生薑 治暴逆气，嚼三两皂子大，下咽定，屢服屢定。初得寒热痰嗽，烧一块，冷啗之，终日间嗽自愈。暴赤眼无疮者，以古铜钱刮净姜上取汁，子钱唇点目，热泪出，今日点，来日愈。但小儿甚惧，不须疑，已试良验。

麻黄 出郑州者佳，剪去节，半两，以蜜一匙匕，同炒良久，以水半升煎，俟沸，去上沫，再煎，去三分之一，不用滓。病疮疱倒靨黑者，乘热尽服之，避风，伺其疮复出。一法用无灰酒煎。但小儿不能饮酒者难服，然其效更速。以此知此药入表也。

葛根 澧、鼎之间，冬月取生葛，以水中揉出粉，澄成棗，先煎汤使沸，后擘成块下汤中，良久，色如胶，其体甚韧，以蜜汤中拌食之。擦少生姜尤佳。大治中热、酒、渴病，多食行小便，亦能使人利。病酒及渴者，得之甚良。彼之人，又切人煮茶中以待宾，但甘而无益。又将生葛根煮熟者，作果卖。虔、吉州、南安军亦如此卖。

栝楼实 九月十月间取穰，以干葛粉拌，焙干，银石器中慢火炒熟为末。食后，夜卧，以沸汤点一二钱服，治肺燥，热渴，大肠秘。其根与贝母、知母、秦艽、黄芩之类，皆治马热。

苦参 有朝士苦腰重，久坐，旅拒十余步，然后能行。有一将佐谓朝士曰：见公日逐以药揩齿，得无用苦参否？曰：始以病齿，用苦参已数年。此病由苦参入齿，其气味伤肾，故使人腰重。后有太常少卿舒昭亮，用苦参揩齿，岁久亦病腰。自后悉不用，腰疾皆愈，此皆方书旧不载者。有人病遍身风热细疹，痒痛不可任，连胸颈脐腹及近隐处皆然，涎痰亦多，夜不得睡。以苦参末一两，皂角二两，水一升，揉滤取汁，银石器熬成膏，和苦参末为丸，如梧桐子大，食后温水服二十至三十丸，次日便愈。

石龙芮 今有两种：水中生者，叶光而末圆；陆生者，叶有毛而末锐。入药须生水者，陆生者又谓之天灸，取少叶揉系臂上，一夜作大泡如火烧者是。惟陆生者，补阴不足，茎常冷，失精。余如经。

瞿麦 八政散用瞿麦，今人为至要药。若心经虽有热而小肠虚者服之，则心热未退，而小肠别作病矣。料其意者，不过为心与小肠为传送，故用此入小肠药。按经，瞿麦并不治心热。若心无大热，则当止治其心。若或制之不尽，须当求其属以衰之。用八政散者，其意如此。

白芷 白芷，蒞是也，出吴地者良。经曰：“能蚀脓。”今人用治带下、肠有败脓、淋露不已，腥秽殊甚，遂至脐腹更增冷痛。此盖为败脓血所致，卒无已期，须以此排脓。白芷一两，单叶红蜀葵根二两，芍药根白者、白

矾各半两，矾烧枯别研，余为末，同以蜡丸，如梧子大。空肚及饭前米饮下十丸或十五丸。俟脓尽，仍别以他药补之。

杜蘅 用根。似细辛，但根色白，叶如马蹄之下。市者往往乱细辛，须如此别之。《尔雅》以谓“似葵而香”，是也。将杜蘅与细辛相对，便见真伪。况细辛惟出华州者良。杜蘅其色黄白，拳局而脆，干则作团。

紫菀 紫菀用根。其根柔细，紫色，益肺气，经具言之。《唐本》注言“无紫菀时，亦用白菀”。白菀即女菀也。今《本草》无白菀之名，盖唐修《本草》时已删去。

百合 张仲景用治伤寒坏后百合病须此也。茎高三尺许，叶如大柳叶，四向攒枝而上。其颠即有淡黄白花，四垂向下覆，长蕊。花心有檀色，每一枝颠，须五六花。子紫色，圆如梧子，生于枝叶间。每叶一子，不在花

中，此又异也。根即百合，其色白，其形如松子壳，四向攒生，中间出苗。

酸浆 今天下皆有之。苗如天茄子，开小白花，结青壳。熟则深红，壳中子大如樱，亦红色。樱中复有细子，如落苏之子，食之有青草气。此即苦耽也。今《图经》又立苦耽条，显然重复。《本经》无苦耽。

蠡实 陶隐居云：方药不复用，俗无识者。《本经》诸家所注不相应，若果是马蔺，则《日华子》不当更言亦可为蔬菜食。盖马蔺其叶马牛皆不食，为才出土叶已硬，况又无味，岂可更堪人食也。今不敢以蠡实为马蔺子，更俟博识者。

石香薷 石香薷处处有之，不必山岩石缝中，但山中临水附崖处或有之。九月十月尚有花。

重刊本草衍义 卷十

款冬花 百草中，惟此不顾冰雪，最先春也。世又谓之钻冻。虽在冰雪之下，至时亦生芽。春时人或采以代蔬，入药须微见花者良。如已芬芳，则都无力也。今人又多使如箸头者，恐未有花尔。有人病咳多日，或教以然款冬花三两枚，于无风处，以笔管吸其烟，满口则咽之，数日效。

牡丹 用其根上皮。花亦有绯者，如西洛潜溪绯是也。今禁苑又有深碧色者。惟山中单叶花红者为佳，家棹子次之。若移枝接者不堪用，为其花叶既多发，夺根之气也。何以知之？今千叶牡丹，初春留花稍多，来年花枝并叶便瘦，多是开不成。市人或以枝梗皮售于人，其乖殊甚。

女苑 一名白苑。或者谓为二物，非也。唐删去白苑之条，甚合宜。陶能言，不能指说性状。余从经中，所说甚明，今直取经。

泽兰 按《补注》云：“叶如兰。”今兰叶如麦门冬，稍阔面长，及一二尺无枝梗，殊不与泽兰相似。泽兰才出土便分枝梗，叶如菊，但尖长。若取其香嗅，则稍相类。既谓之泽兰，又曰生汝南大泽傍，则其种本别。如兰之说误矣。

地榆 性沉寒，入下焦，热血痢则可用。若虚寒人及水泻白痢，即未可轻使。

白前 保定肺气，治嗽多用。白而长于细辛，但粗而脆，不似细辛之柔。以温药相佐使，则尤佳。余如经。

土瓜 体如栝楼，其壳径寸。一种长二寸许，上微圆，下尖长，七八月间熟，红赤色。壳中子如螳螂头者，今人又谓之赤雹子，其根即土瓜根也。于细根上又生淡黄根，三五相连，如大指许。根与子两用。红子同白土子，治头风。

荠苳 今陕州采为脯，别有法，甚甘美，兼可寄远。古人以谓荠苳似人参者是。此解药毒甚验。

积雪草 今南方多有，生阴湿地，不必荆楚。形如水苳而小，面亦光洁，微尖为异。今人谓之连钱草，盖取象也。其叶各生。捣烂，贴一切热毒痈疽等。秋后收之，荫干为末，水调。

莎草 其根上如枣核者，又谓之香附子，亦入印香中，亦能走气，今人多用。虽生于莎草根，然根上或有或无。有薄鞞皮，紫黑色，非多毛也。刮去皮则色白。若便以根为之，则误矣。其味苦。

恶实 恶实是子也，今谓之牛蒡。未去萼时，又谓之鼠粘子，根谓之牛菜。疏风壅涎唾多，咽膈不利。微炒，同人荆芥穗各一两，甘草炙半两，并为末。食后、夜卧，汤点二钱服，当缓取效。子在萼中，萼上有细钩，多至百十，谓之芒则误矣。根长一二尺，粗如拇指，煮烂为菜。

大小蓟 大小蓟皆相似，花如髻。但大蓟高三二尺，叶皱。小蓟高一尺许，叶不皱，以此为异。小蓟，山野人取为蔬，甚适用。虽有微芒，亦不能害人。

艾叶 艾叶干捣，筛去青滓，取白。人石硫黄，为硫黄艾，灸家用。得米粉少许，可捣为末，入服食药。人硫黄别有法。

陟厘 陟厘，今人治为苔脯堪啖，京城市者甚多。然治渴疾，仍须禁食盐。余方家亦罕用。

菟葵 绿叶如黄蜀葵，花似拗霜甚雅，形如至小者初开单叶蜀葵。有檀心，色如牡丹姚黄蕊，则蜀葵也。唐刘梦得还京云：唯菟葵燕麦，动摇春风者是也。

白药 白药，今为治马肺热药，有效。

荜香子 今人止呼为茴香，治膀胱冷气及肿痛。亦调和胃气。《唐本》注：“似老胡荽”，此误矣。胡荽叶如蛇床，荜香徒有叶之名，但散如丝发，特异诸草。枝上时有大青虫，形如蚕，治小肠气甚良。

郁金 郁金不香。今人将染妇人衣最鲜明，然不奈日炙。染成衣，则微有郁金之气。

肉豆蔻 对草豆蔻言之。去壳，只用肉，肉油色者佳。枯白，味薄，瘦虚者下等。亦善下气，多服则泄气，得中则和来其气。

茅香 茅香花白。根如茅，但明洁而长。皆可作浴汤，同藁本尤佳。仍人印香中，合香附子用。

青黛 青黛乃蓝为之。有一妇人患脐下腹上、下连二阴遍满生湿疮，状如马瓜疮，他处并无，热痒而痛，大小便涩，出黄汁，食亦减，身而微肿。医作恶疮治，用鳊鲩鱼、松脂、黄丹之类。药涂上，疮愈热，痛愈甚。治不对，故如此。问之，此人嗜酒，贪啖，喜鱼蟹发风等物。令急用温水洗拭去膏药，寻以马齿苋四两，烂研细，入青黛一两，再研匀，涂疮上。即时热减，痛痒皆去。仍服八政散，日三服，分败客热。每涂药，得一时

久。药已干燥，又再涂新湿药。凡如此，及日减三分之一，五日减三分之二，自此二十日愈。既愈而问曰：此疮何缘至此？曰：中、下焦蓄风热毒气，若不出，当作肠痈内痔，仍常须禁酒及发风物。然不能禁酒，后果然患内痔。

零陵香 零陵香至枯干犹香，入药绝可用。妇人浸油饰发，香无以加，此即蕙草是也。

天麻 天麻用根，须别药相佐使，然后见其功，仍须加而用之。人或蜜渍为果，或蒸煮食。用天麻者，深思之则得矣。苗则赤箭也。

茱拔 茱拔走肠胃中冷气，呕吐，心腹满痛。多服走泄真气，令人肠虚下重。

使君子 紫黑色，四棱高，瓣深。今经中谓之棱瓣深，似令人难解。秋末冬初，人将入鼎、漚。其仁味如椰子肉。经不言用仁，为复用皮。今按文味甘即是用肉，然难得仁，盖绝小。今医家或兼用壳。

密蒙花 利州路甚多。叶冬亦不凋，然不似冬青。盖柔而不光洁，不深绿，花细碎，数十房成一朵，冬生春开。此木也，今居草部，恐未尽善。

重刊本草衍义 卷十一

大黄 大黄损益，前书已具。仲景治心气不足、吐血、衄血。泻心汤用大黄、黄芩、黄连。或曰：心气既不足矣，而不用补心汤，更用泻心汤，何也？答曰：若心气独不足，则不当须吐衄也。此乃邪热，因不足而客之，故吐衄。以苦泄其热，就以苦补其心，盖两全之。有是证者，用之无不效。量虚实用药。

桔梗 治肺热，气奔促，嗽逆，肺癰，排脓。陶隐居云：俗方用此，乃名荠苎。今别有荠苎，所谓乱人參者便是，非此桔梗也。《唐本》注云：“陶引荠苎乱人參，谬矣。”今详之，非也。隐居所言，其意止以根言之，所以言乱人參。《唐本》注却以苗难之，乃本注误矣。

甘遂 今惟用连珠者，然经中不言。此药专于行水攻决为用，入药须斟酌。

葶苈 葶苈用子。子之味有甜、苦两等，其形则一也。经既言味辛苦，即甜者不复更入药也。大概治体皆以行水走泄为用，故曰久服令人虚。盖取苦泄之义，其理甚明。《药性论》所说尽矣，但不当言味酸。

莨花 今京、洛间甚多。张仲景《伤寒论》以莨花治利者，以其行水也。水去则利止，其意如此。然今入用时，当以意斟酌，不可使过与不及也。仍须是有是证者方可用。

旋覆花 叶如大菊，又如艾蒿。八九月有花，大如梧桐子，花淡黄绿，繁茂，圆而覆下，亦一异也。其香过于菊，行痰水，去头目风。其味甘苦辛，亦走散之药也。其旋花四月五月有花，别一种，非此花也，第八卷已具。

藜芦 藜芦为末，细调，治马疥痒。

乌头 乌喙 天雄 附子 侧子 凡五等。皆一物也，止以大小、长短、似像而名

之。后世补虚寒，则须用附子，仍取其端平而圆、大及半两以上者。其力全不僭。风家即多用天雄，亦取其大者。以其尖角多热性，不肯就下，故取敷散也。此用乌头、附子之大略如此。余三等，则量其材而用之。其炮制之法，经方已著。

射干 此乃荀子所说“西方之木，名曰射干”者也。《注》复引《本草》曰：“不合以射干为木”。殊不知五行止以水、火、木、金、土而言之，故儒者以草、木皆木也，金、铅皆金也，粪、土皆土也，灰、火皆火也，水、池皆水也。由是言之，即非佛经所说火宅喻之兽，及阮公所云临层城者之木。况《本经》亦曰：“一名草姜”，故知是草无疑。今治肺气、喉痹为佳。日华子曰：“大小似高良姜，赤黄色”。此得之。

半夏 今人惟知去痰，不言益脾，盖能分水故也。脾恶湿，湿则濡而困，困则不能制水。经曰：“湿胜则泻”。一男子夜数如厕，或教以生姜壹两碎之，半夏汤洗，与大枣各三十枚，水一升，瓷瓶中慢火烧为熟水，时时呷，数日便已。

蜀漆 常山苗也。治疟、多吐人。其他亦未见所长。此草也。虑岁久，入或别有异论，故预云。余如经。

常山 蜀漆根也，亦治疟、吐痰，如鸡骨者佳。

青箱子 经中并不言治眼，《药性论》始言之。能治肝藏热毒冲眼、赤障、青盲。萧炳可云：“理眼。”日华子云：“益脑髓，明耳目，镇肝。”今人多用之治眼，殊不与经意相当。

白薇 白及 古今服饵方少有用者，多见于敛疮方中。二物多相须而行。

草蒿 今青蒿也。在处有之，得春最早，人别以为蔬，根赤叶香。今人谓之青蒿，亦有所别也。但一类之中，又取其青者。陕西、绥、银之间有青蒿。在蒿丛之间，时有一两

窠，迥然青色，土人谓之香蒿。茎叶与常蒿一同，但常蒿色淡青，此蒿色深青。犹青，故气芬芳。恐古人所用以深青者为胜，不然诸蒿何尝不青？

重刊本草衍义 卷十二

连翘 亦不至翘出众草、下湿地亦无，太山山谷间甚多。今止用其子，折之，其间片片相比如翘，应以此得名尔。治心经客热最胜，尤宜小儿。

白头翁 生河南洛阳界及新安土山中。性温，止腹痛，暖腰膝。《唐本》注及《药性论》甚详。陶隐居失于不审，宜其排叱也。新安县界兼山野中屡尝见之，正如《唐本》注所说。至今本“处山人卖白头翁丸，言服之寿考”，又失古人命名之意。

茵茹 茵茹治疥，马疥尤善。服食方用者至少。

羊蹄 经不言根，《图经》加根字。处处有。叶如菜中菠薐，但无歧，而色差青白。叶厚，花与子亦相似。叶可洁擦瑜浦器，根取汁涂疥癣。子谓之金乔麦，烧炼家用以制铅汞。又锉根，研，绞汁，取三二匙，水半盏，煎一二沸，温温空肚服。治产后风秘，殊验。

蒴藿 蒴藿与陆英，既性味及出产处不同，治疗又别，自是二物，断无疑焉。况蒴藿花白，子初青如绿豆颗，每朵如盏面大，又平生，有一二百子，十月方熟红，岂得言剩出此条，孟浪之甚也。

夏枯草 今又谓之郁臭。自秋便生，经冬不瘁。春开白花，中夏结子，遂枯。古方九烧灰，合紧而药。初生嫩时作菜食之，须浸洗，淘去苦水，治瘰癧鼠漏。

蚤休 蚤休无旁枝，止一茎，挺生，高尺余，颠有四五叶，叶有歧，似虎杖。中心又起茎，亦如是生叶，惟根入药用。

虎杖 根微苦，经不言味，此草药也。《蜀本·图经》言：“作木，高丈余”。此全非虎杖，大率皆似寒菊。然花、叶、茎、蕊差大为异，仍茎叶有淡黑斑。自六七月旋旋开

花，至九月中方已。花片四出，其色如桃花差大，外微深。陕西山麓水次甚多。今天下暑月多煎根汁为饮，不得甘草，则不堪饮。《药性论》云：“和甘草煎，尝之甘美。”其味甘，即是甘草之味，非虎杖也。论其攻治则甚当。

马勃 此唐韩退之所谓“牛溲马勃俱收并蓄”者也。有大如斗者，小亦如升杓。去膜，以蜜揉拌，少以水调，呷，治喉闭咽痛。

虬莓 今田野道傍处处有之，附地生。叶如覆盆子，但光洁而小，微有绉纹。花黄，比蒺藜花差大，春末夏初，结红子如荔枝色。余如经。

苧根 如苧麻。花如白杨而长，成穗生，每一朵，凡数十穗，青白色。

菰根 蒲类。四时取根捣，绞汁用。河朔边人止以此苗饲马，曰菰蔣，及作荐。花如苇，结青子，细若青麻黄，长几寸。彼人收之，合粟为粥，食之甚济饥，此杜甫所谓“愿作冷秋菰”者是也。为其皆生水中及岸际，多食亦令人利。

菰草 《尔雅》曰：菰音犹蔓子。《左传》亦曰：“一薰一菰，十年尚菰臭”者，是此草。

牵牛子 诸家之说纷纷不一，陶隐居尤甚。言花状如扁豆，殊不相当。花朵如鼓子花，但碧色，日出开，日西合。今注又谓其中子类乔麦，亦非也。盖直如木猴梨子，但黑色，可微炒，捣取其中粉一两，别以麸炒去皮尖者，桃仁末半两，以熟蜜和丸如梧桐子，温水服三二十九丸，治大肠风秘壅热。苦涩，不可久服，亦^①行脾肾气故也。

①亦：据文义此处应为“以”。

蓖麻子 蓖麻子作朵生，从下旋旋开花而上，从下结子，宛如牛身之婢。取子炒熟，去皮，烂嚼，临睡服三二枚，渐加至十数枚。治瘰癧，必效。

葎草 葎草，葛勒蔓也。治伤寒汗后虚热，锉，研，取生汁，饮一合，愈。

独行根 苗蔓生，子则马兜零也。根扁，其嗅稍似葛根。细捣，水调，傅疗肿。后有马兜零条。

芭蕉 三年以上，即有花自心中出，一茎止一花，全如莲花。叶亦相似，但其色微黄绿，从下脱叶。花心但向上生，常如莲样，然未尝见其花心，剖而视之亦无蕊，悉是叶，但花头常下垂。每一朵，自中夏开，直至中秋后方尽。凡三叶，开则三叶脱落。北地惜其种，人故少用。缕其苗为布。取汁，妇人涂发令黑。余说如经。

蒲公英 今地丁也。四时常有花，花罢飞絮，絮中有子，落处即生。所以庭院间亦有者，盖因风而来也。

水红子 不以多少，微炒一半，余一半生用，同为末，好酒调二钱，日三服，食后、夜卧，各一服。治瘰癧，疮破者亦治。

水蓼 大率与水红相似，但枝低尔。今造酒，取以水浸汁，和面作曲，亦假其辛味。

角蒿 茎叶如青蒿，开淡红紫花，花大约径三四分。花罢，结角子，长二寸许，微弯。苗与角治口齿绝胜。

雀麦 今谓之燕麦，其苗与麦同，但穗细长而疏。唐刘梦得所谓“菟葵燕麦摇春风”者也。

骨碎补 苗不似姜，姜苗如苇梢。此物苗，每一大叶两边，小叶槎牙，两两相对，叶长有尖瓣。余如经。

马兜零 蔓生，附木而上。叶脱时，零尚垂之，其状如马项铃，故得名。然熟时则自拆，拆间有子。全者，采时须八九间。治肺气喘急。

灯心草 陕西亦有。蒸熟，干则拆取中心穰然灯者，是谓之熟草。又有不蒸，但生干剥取者，为生草。入药宜用生草。

威灵仙 治肠风。根性快，多服疏人五脏真气。

何首乌 兼黑髭鬓，与萝卜相恶，令人髭鬓早白。治肠风热多用。

五倍子 今染家亦用。口疮以末掺之，便可饮食。

金樱子 经：“九月十月熟时采”，不尔，复令人利。

萱草 根洗净研汁一盞，生姜汁半盞相和，时时细呷，治大热衄血。

葫芦巴 《本经》云：“得蒜香子、桃仁，治膀胱气甚效。”尝合，惟桃仁麸炒，各等分，半以酒糊丸，半为散。每服五七十丸，空心食前盐酒下。散以热米饮调下，与丸子相间，空心服。日各一二服。

金星草 丹石毒发于背，及一切痈肿。每以根叶一分，用酒一大盞，煎汁服。不惟下所服石药，兼毒去、疮愈。如不欲酒，将末一二分，新汲水调服，以知为度。

木贼 细锉，微微炒，捣为末，沸汤点二钱，食前服，治小肠膀胱气，缓缓服必效。

重刊本草衍义 卷十三

茯苓 乃樵斫讫多年松根之气所生。此盖根之气味，啞郁未绝，故为是物。然亦由土地所宜与不宜。其津气盛者，方发泄于外，结为茯苓，故不抱根而成物。既离其本体，则有苓之义。茯神者，其根但有津气而不甚盛，故止能伏结于本根，既不离其本，故曰茯神。此物行水之功多，益心脾不可阙也。或曰松既樵矣，而根尚能生物乎？答曰：如马勃、菌、五芝、木耳、石耳之类，皆生于枯木、石、粪土之上，精英未沦，安得不为物也。其上有菟丝，下有茯苓之说，甚为轻信。

琥珀 今西戎亦有之，其色差淡而明澈。南方者色深而重浊，彼土人多碾为物形。若谓千年茯苓所化，则其间有沾着蜾蠃蜂蚁，宛然完具者，是极不知也。《地理志》云：“林邑多琥珀，实松脂所化耳。”此说为胜。但土地有所宜不宜，故有能化有不能化者。张茂先又为“烧蜂窠所作”，不知得于何处。以手摩热，可以拾芥。余如经。

松黄 一如蒲黄，但其味差淡。治产后壮热、头痛颊赤、口干唇焦、多烦躁渴、昏闷不爽。松花、川芎、当归、石膏、蒲黄五物等同为末，每服二钱，水二合，红花二捻，同煎七分，去滓，粥后温温细呷。松子，多东海来，今关右亦有，但细小味薄，与柏子仁同治虚秘。

柏 取脂以疗马痼疥。今未见用松脂者。老人虚秘，柏子仁、大麻子仁、松子仁等分，同研，溶白蜡，丸桐子大。以少黄丹汤，服二三十丸，食前。尝官陕西，每登高望之，虽千万株，皆一一西指。盖此木为至坚之木，不畏霜雪，得木之正气，他木不逮也。所以受金之正气所制，故一一向之。

桂 桂大热。《素问》云：辛甘，发散为

阳。故汉张仲景桂枝汤，治伤寒表虚皆须此药，是专用辛甘之意也。《本草》第一又云：“疗寒以热药”。故知三种之桂，不取菌桂、牡桂者，盖此二种，性止温而已，不可以治风寒之病。独有一字桂，《本经》言甘辛大热，此正合《素问》辛甘发散为阳之说，尤知菌、牡二桂不及也。然《本经》止言桂，仲景又言桂枝者，盖亦取其枝上皮。其本身粗厚处，亦不中用。诸家之说，但各执己见，终无证据。今又谓之官桂，不知缘何而立名。虑后世为别物，故书之。又有桂心，此则诸桂之心，不若一字桂也。

枫香 与松脂皆可乱乳香，尤宜区别。枫香微黄白色，烧之尤见真伪。兼能治风癰疹痒毒。水煎，热燥洗。

干漆 若湿漆，药中未见用。凡用者，皆干漆耳。其湿者，在燥热及霜冷时则难干，得阴湿，虽寒月亦易干。亦物之性也。若沾渍人，以油治之。凡验漆，惟稀者以物蘸起细而不断，断而急收起，又涂于干竹上，荫之速干者，并佳。余如经。

蔓荆实 诸家所解，蔓荆、牡荆纷纭不一。经既言蔓荆，明知是蔓生，即非高木也。既言牡荆，则自是木上生者。况《汉书·郊祀志》所言“以牡荆茎为幡竿”，故知蔓荆即于大者是，又何疑焉。后条有栞荆，此即便是牡荆也。于青色，如茱萸，不合更立栞荆条。故文中云，本草不载，亦无别名，但有栞花，功用又别，断无疑焉。《注》中妄称石荆当之，其说转见穿凿。

桑寄生 新旧书云：今处处有之。从宦南北，实处处难得，岂岁岁斫斫摘践之苦，而不能生邪？抑方宜不同也？若以为鸟食物子落枝节间，感气而生，则麦当生麦，谷当生

谷，不当但生此一物也。又有于柔滑细枝上生者，如何得子落枝节间？由是言之，自是感造化之气，别是一物。古人当月惟取桑上者，实假其气耳。又云今医家鲜用，此极误矣。今医家非不用也，第以难得真桑上者。尝得真桑寄生，下咽必验如神。向承乏吴山，有求药于诸邑者，乃遍令人搜摘，卒不可得，遂以实告，甚不乐。盖不敢以伪药罔人。邻邑有人伪以他木寄生送之，服之逾月而死。哀哉！

沉香木 岭南诸郡悉有之，旁海诸州尤多。交干连枝，岗岭相接，千里不绝。叶如冬青，大者合数人抱。木性虚柔，山民或以构茅庐，或为桥梁，或为饭甌尤佳。有香者，百无一二。盖木得水方结，多在折枝枯干中，或为沉，或为煎，或为黄熟。自枯死者，谓之水盘香。今南恩、高、实等州，惟产生结香。盖山民入山，见香木之曲干斜枝，必以刀斫成坎，经年得雨水所渍，遂结香。复以锯取之，刮去白木，其香结为斑点，遂名鹧鸪斑，燔之极清烈。沉之良者，惟在琼崖等州，俗谓之角沉。黄沉乃枯木中得者，宜入药用。依木皮而结者，谓之青桂，气尤清。在土中岁久，不待剝剔而成者，谓之龙鳞。亦有削之自卷，咀之柔韧者，谓之黄蜡沉，尤难得也。然经中止言疗风水毒肿，去恶气，余更无治疗。今医家用以保和卫气，为上品药，须极细为佳。今人故多与乌药磨服，走散滞气，独行则势弱，与他药相佐，当缓取效，有益无损。余药不可方也。

薰陆香 薰陆香，木叶类棠梨。南印度界阿吒厘国出，今谓之西香。南番者更佳，此即今人谓之乳香，为其垂滴如乳。熔塌在地者，谓之塌香。皆一也。

丁香 《日华子》云：“治口气。”此正是御史所含之香。治胃寒及脾胃冷气不和。有大者名母丁香，气味尤佳。为末，缝纱囊如小指，实末，内阴中，主阴冷病，中病便已。

柏木 今用皮。以蜜匀炙，与青黛各一

分，同为末，入生龙脑一字，研匀。治心脾热，舌颊生疮，当掺疮上，有涎即吐。又张仲景柏皮汤，无不验。《伤寒论》中已著。

辛夷 先花后叶，即木笔花也。最先春，以其花未开时，其花苞有毛，光长如笔，故取像曰木笔。有红、紫二本，一本如桃花色者，一本紫者。今入药当用紫色者，仍须未开时收取。入药，去毛苞。

榆皮 今初春先生荚者是。去上皱涩干枯者，将中间嫩处，锉、干、碓为粉。当歉岁，农将以代食。叶青嫩时收贮，亦用以为羹茹。嘉祐年，过丰、沛，人阙食，乡民多食此。

茺藟 有大小两种，小茺藟即榆荚也。揉取仁，醢为酱，味尤辛。入药，当用大茺藟，别有种。然小茺藟醢造多假，以外物相和，切须择去也。治大肠寒滑及多冷气，不可阙。

酸枣 酸枣微热。经不言用仁，仍疗不得眠。天下皆有之，但以土产宜与不宜。嵩阳子曰：“酸枣县，即滑之属邑，其木高数丈，味酸，医之所重。今市人卖者，皆棘子。”此说未尽。殊不知小则为棘，大则为酸枣，平地则易长，居崖壑则难生。故枣多生崖壑上，久不樵则成千，人方呼为酸枣，更不言棘，徒以世人之意如此。在物则曷若是也，其实一本。以其不甚为世所须，及碍塞行路，故成大树者少，多为人樵去。然此物才及三尺，便开花结子。但窠小者气味薄，本大者气味厚，又有此别。今陕西临潼山野所出者亦好，亦土地所宜也，并可取仁。后有白棘条，乃是酸枣未为大时，枝上刺也。及至长成，其刺亦少，实亦大。故枣取大木，刺取小窠也，亦不必强分别尔。

槐实 槐实止言实，今当分为二。实本出夹中，若捣夹作煎者，当言夹也。夹中子，大如豆，坚而紫色者，实也。今本条不析出夹与夹中子，盖其用各别，皆疏导风热。

槐花 今染家亦用。收时折其未开花，煮一沸，出之釜中，有所澄下稠黄滓，渗漉为

饼，染色更鲜明。治肠风热泻血甚佳，不可过剂。

枸杞 枸杞当用梗皮，地骨当用根皮，枸杞子当用其红实，是一物有三用。其皮寒，根大寒，子微寒，亦三等。此正是孟子所谓“性由杞柳”之杞。后人徒劳分别，又为之枸

棘，兹强生名耳。凡杞，未有无棘者，虽大至有成架，然亦有棘。但此物小则多刺，大则少刺，还如酸枣及棘，其实皆一也。今人多用其子，直为补肾药，是曾未考究经意，当更量其虚实冷热用之。

重刊本草衍义 卷十四

龙眼 经曰：一名益智。今专为果，未见入药。《补注》不言，《神农本草》编入木部中品，果部中复不曾收入。今除为果之外，别无龙眼。若为益智子，则专调诸气，今为果者复不能也。矧自有益智条，远不相当，故知木部龙眼，即便是今为果者。按今《注》云：“甘味归脾，而能益智。”此说甚当。

厚朴 今西京伊阳县及商州亦有，但薄而色淡，不如梓州者厚而紫色有油。味苦，不以姜制，则棘人喉舌。平胃散中用，最调中。至今此药盛行，既能温脾胃气，又能走冷气，为世所须也。

猪苓 行水之功多，久服必损肾气，昏人目。果欲久服者，更宜详审。

竹叶 凡诸竹与笋，性皆微寒，故知叶其用一致。《本经》不言笋及苦竹性，若取沥作油，亦不必强择也。张仲景竹叶汤用淡竹。笋难化，不益脾。邻家一小儿，方二岁，偶失照管，壮热喘粗、不食多睡、仰头呻吟、微呕逆、瞑目多惊，凡三五日，医作慢惊治之。治不对，病不愈。忽然其母误将有巴豆食药作惊药，化五丸如麻子大，灌之。稍久，大吐，有物噎于喉中，乳媪以指摘出之，约长三寸，粗如小指，乃三日前，临阶曝者干箭笋。是夜诸证皆定，次日但以和气药调治，遂安。其难化也如此。经曰：问而知之者谓之工。小儿不能问，故为难治，医者当谨慎也。

枳实 枳实、枳壳一物也。小则其性酷而速，大则其性详而缓。故张仲景治伤寒仓卒之病，承气汤中用枳实，此其意也，皆取其疏通决泄、破结实之义。他方但导败风壅之气，可常服者，故用枳壳，其意如此。

山茱萸 与吴茱萸甚不相类。山茱萸色红，大如枸杞子。吴茱萸如川椒，初结子时，

其大小亦不过椒，色正青。得名则一，治疗又不同。未审当日何缘如此命名。然山茱萸补养肾脏，无一不宜。经与《注》所说备矣。

吴茱萸 须深汤中浸去苦烈汁，凡六七过，始可用。今文与注及注中药法皆不言，亦漏落也。此物下气最速，肠虚人服之愈甚。

梔子 仲景治发汗吐下后，虚烦不得眠，若剧者，必反覆颠倒，心中懊恼，梔子豉汤治之。虚，故不用大黄，有寒毒故也。梔子虽寒无毒，治胃中热气，既亡血、亡津液，腑脏无润养，内生虚热，非此物不可去，张仲景《伤寒论》已著。又治心经留热，小便赤涩，去皮山梔子、火炮大黄、连翘、甘草炙，等分，末之，水煎三二钱匕，服之无不效。

槟榔 二书所说甚详。今人又取尖长者入药，言其快锐速效，屡尝试之，果如其说。

合欢花 其色如今之醺晕线，上半白，下半肉红，散垂如丝，为花之异。其绿叶至夜则合，又谓之夜合花。陈藏器、日华子皆曰皮杀虫，又曰续筋骨。经中不言。

秦椒 此秦地所生者，故言秦椒。大率椒株皆相似，秦椒但叶差大，椒粒亦大而纹低，不若蜀椒皱纹高，为异也。然秦地亦有蜀种椒，如此区别。

卫矛 所在山谷皆有之，然未尝于平陆地见也。叶绝少，其茎黄褐色，若柏皮，三面如锋刃，人家多燔之遣祟。方家用之亦少。

紫葳 今蔓延而生，谓之草。又有木身，谓之木。又须物而上。然干不逐冬毙，亦得木之多也，故分入木部为至当。唐白乐天诗：“有木名凌霄，擢秀非孤标。”由是益知非草也。《本经》又云：“茎叶味苦。”是与瞿麦别一种甚明。《唐本·注》云：“且紫葳、瞿麦皆《本经》所载，若用瞿麦根为紫葳，何

得复用茎叶?”此说尽矣。然其花赭黄色，本条虽不言其花，又却言茎叶味苦，则紫葳为花，故可知矣。

茺莢 性温，治大肠寒滑不可阙也，须佐以他药为丸服。温而散走寒气。

茗苦茶 今茶也。其文有陆羽《茶经》、丁谓《北苑茶录》、毛文锡《茶谱》、蔡宗颜《茶山节对》。其说甚详。然古人谓其芽为雀舌、麦颗，言其至嫩也。又有新芽一发便长寸余，微粗如针。惟芽长为上品，其根干、水土力，皆有余故也。如雀舌、麦颗，又下品，前人未尽识，误为品题。唐人有言曰：“释滞消壅，一日之利暂佳。”斯言甚当，饮茶者宜原其始终。又，晋温峤上表“贡茶千斤，茗三百斤。”郭璞曰：“早采为茶，晚采为茗。”茗，或曰芽尺宽切，叶老者也。

桑根白皮 桑根白皮条中，桑之用稍多，然独遗乌椹，桑之精英尽在于此。采摘，微研，以布滤去滓，石器中熬成稀膏，量多少入蜜，再熬成稠膏，贮瓷器中。每抄一二钱，食后、夜卧，以沸汤点服。治服金石发热渴，生精神，及小肠热，性微凉。

白棘 一名棘针，一名棘刺。按经如此甚明，诸家之意强生疑惑，今掠不取，求其经而可矣。其白棘，乃是取其肥盛紫色，枝上有皱薄白膜先剥起者，故曰白棘。取白之意，不过如此。其棘刺花，乃是棘上所开花也，余无他义。今人烧枝取油，涂垢发，使垢解。

龙脑 条中与《图经》所说各未尽。此物大通利关膈热塞，其清香为百药之先。大人、小儿风涎闭壅及暴得惊热，甚济用。然

非常服之药，独行则势弱，佐使则有功。于茶亦相宜，多则掩茶气味，万物中香尤出其右者。西方抹罗矩吒国，在南印度境，有羯布罗香。干如松株，叶异，湿时无香。采，干之后折之，中有香，状类云母，色如冰雪，此龙脑香也。盖西方亦有。

庵摩勒 余甘子也。解金石毒，为末，作汤点服。佛经中所谓庵摩勒果者，是此。盖西方亦有。

紫钶 音矿如糖霜结于细枝上，累累然，紫黑色，研破则红。今人用造绵烟脂，迓来亦难得。余如经。

天竹黄 自是竹内所生，如黄土着竹成片。凉心经，去风热，作小儿药尤宜，和缓故也。

天竺桂 与牡菌桂同，但薄而已。

乌药 和米气少，走泄多，但不甚刚猛。与沉香同磨作汤点。治胸腹冷气，甚稳当。

没药 大概通滞血，打扑损疼痛，皆以酒化服。血滞则气壅淤，气壅淤则经络满急，经络满急，故痛且肿。凡打扑着肌肉须肿胀者，经络伤，气血不行，壅淤，故如是。

墨 松之烟也。世有以粟草灰伪为者，不可用。须松烟墨，方可入药，然惟远烟为佳。今高丽国每贡墨于中国，不知用何物合和，不宜入药。此盖未达不敢尝之义。又治大吐血，好墨细末二钱，以白汤化阿胶清调，稀稠得所，顿服。热多者尤相宜。又鄜延界内有石油，燃之烟甚浓，其煤可为墨，黑光如漆，松烟不及，其识文曰延川石液者。是不可入药，当附于此。

重刊本草衍义 卷十五

石南叶 状如枇杷叶之小者，但背无毛，光而不皱。正、二月间开花。冬有二叶为花苞，苞既开，中有十余花，大小如椿花，甚细碎。每一苞约弹许大，成一球。一花六叶，一朵有七、八球，淡白绿色，叶末微淡赤色。花既开，蕊满花，但见蕊，不见花。花才罢，去年绿叶尽脱落，渐生新叶。治肾衰脚弱最相宜。但京洛、河北、河东、山东颇少，人以此故少用。湖南北、江东西、二浙甚多，故多用南实。今医家绝不用。

蜀椒 须微炒使汗出，又须去附红黄壳。去壳之法：先微炒，乘热入竹筒中，以梗舂之，播取红，如未尽，更拣，更舂，以尽为度。凡用椒须如此。其中子谓之椒目，治盗汗尤功。将目微炒，捣为极细末，用半钱匕，以生猪上唇煎汤一合，调，临睡服，无不效。盖椒目能行水，又治水蛊。

莽草 今人呼为茺草。浓煎汤，淋灑皮肤麻痹。《本经》一名春草。诸家皆谓为草，今居木部，《图经》亦然。今世所用者，皆木叶也。如石楠，枝、梗干则绝，揉之，其嗅如椒。《尔雅·释草》云：“茺，春草。释曰：今莽草也。”与《本经》合，今当具言之。石楠条中，陶隐居注云：“似茺草，凌冬不凋。”诚木无疑。

郁李仁 其子如御李子，至红熟堪啖，微涩。其仁，汤去皮，研极烂，入生龙脑，点赤目。陕西甚多。根煎汤，灑风虫牙。

鼠李 即牛李子也。木高七八尺，叶如李，但狭而不泽。子于条上四边生，熟则紫黑色，生则青。叶至秋则落，子尚在枝，是处皆有，故经不言所出处。今关陕及湖南、江南北甚多，木皮与子两用。

栲华 今长安山中亦有。其子即谓之木

栲子，携至京都为数珠，未见其入药。

杉 其干端直，大抵如松，冬不凋，但叶阔成枝，庐山有万杉寺，即此杉也。作屑煮汁，浸洗脚气肿满。今处处有。

榱材 今江南等路造船场皆此木也。缘木性坚而善居水，久则多中空，为白蚁所穴。

榱实 大如橄榄，壳色紫褐而脆，其中子有一重粗黑衣。其仁黄白色，嚼久渐甘美。五痔入常如果食之，愈。过多则滑肠。

榱木皮 今人呼为榱柳。然叶谓柳非柳，谓槐非槐。木最大者，高五六十尺，合二三人抱。湖南、北甚多。然亦下材也，不堪为器用。嫩皮，取以缘栲栳与箕扇。

白杨 陕西甚多，永、耀间居人修盖，多此木也。然易生根，斫木时碎札入土即下根，故易以繁殖。非止墟墓间，于人家舍前后及夹道往往植之，土地所宜尔。风才至，叶如大雨声，叶梗故如是。又谓无风自动，则无此事。尝官永、耀间，熟见之。但风微时，当风迳者，其叶孤绝处，则往往独摇。以其蒂细长，叶重大，微风虽过，故往来卒无已时，势使然也。其叶面青光，背白，木身微白，故曰白杨，非如粉之白。

栲荆 即前所谓牡荆也，不合更立此条。况《本经》元无栲荆，已具蔓荆实条中。

紫荆木 春开紫花甚细碎，共作朵生。出无常处，或生于木身之上，或附根土之下，直出花。花罢叶出，光紧微圆。园圃间多植之。

钩藤 钩藤中空，二经不言之。长八九尺或一二丈者，湖南北、江南、江西山中皆有。小人有以穴隙间致酒瓮中盗取酒，以气吸之，酒既出，涓涓不断。专治小儿惊热。

榱藤子 紫黑色，微光，大一二寸，圆扁，治五痔有功。烧成黑灰，微存性，米饮

调服。人多剔去肉，作药瓢垂腰间。

皂荚 皂荚其子炒，春去赤皮、仁。将骨浸软，煮熟，以糖渍之，可食。甚疏导五脏风热壅。其荚不肿肥者，微炙，为末，一两，入生白矾末半两，腻粉半两，风涎潮塞气不通，水调灌一二钱。但过咽则须吐涎。凡用白矾者，分隔下涎也。又暑中湿热时，或久雨，合苍术烧，辟温疫邪湿气。

柳华 经曰：“味苦。”即是初生有黄蕊者也。及其华干，絮方出，又谓之柳絮。收之，贴灸疮及为茵褥。絮之下连小黑子，因风而起，得水湿处便生，如地丁之类，多不因种植，于人家庭院中自然生出，盖亦如柳絮兼子而飞。陈藏器之说是。然古人以絮为花，陶隐居亦曰：“花随风，状如飞雪。”误矣。经中有实及子汁，诸家不解，今人亦不见用。释氏谓“柳为尼俱律陀木，其子极细，如人妄因极小，妄果至大”，是知小黑子得因风而起。

桐叶 经注不指定是何桐，致难执用。今具四种桐，各有治疗，条其状列于后：一种白桐，可斫琴者，叶三权，开白花，亦不结子。《药性论》云：“皮能治五淋，沐发，去头风，生发。”一种荏桐，早春先开淡红花，状如鼓子花，成筒子，子或作桐油。《日华子》云：“桐油冷，微毒。”一种梧桐，四月开淡黄小花，一如枣花。枝头出丝，堕地成油，沾渍衣履。五六月结桐子，今人收炒作果，动风气。此是《月令》清明之日桐始华者。一种岗桐。无花，不中作琴，体重。

乌臼 叶如小杏叶，但微薄而绿色差淡。子，八、九月熟，初青后黑，分为三瓣。取子出油，燃灯及染发。

诃黎勒 气虚人亦宜，缓缓煨熟，少服。此物虽涩肠，而又泄气，盖其味苦涩。

椿木华 椿樗 椿木华、椿樗皆臭，但一种有花结子，一种无花不实。世以无花不实、木身大、其干端直者为椿。椿用木叶。其有花而荚，木身小，干多迂矮者为樗。樗用根、叶、荚。故曰未见椿上有荚者，惟樗木

上有。又有樗鸡，故知古人命名曰不言椿鸡，而言樗鸡者，以显有鸡者为椿，无鸡者为樗，其义甚明。用椿木叶，樗木根、叶、荚者，宜依此推穷。洛阳一女子，年四十六七，耽饮无度，多食鱼蟹，摄理之方蔑如也。后以饮啖过常，蓄毒在脏，日夜二三十泻，大便与脓血杂下，大肠连肛门痛不堪任。医以止血痢药不效，又以肠风药则益甚。盖肠风则有血而无脓，凡如此已半年余，气血渐弱，食渐减，肌肉渐瘦。稍服热药，则腹愈痛，血愈下。服稍凉药，即泄注，气羸，粥愈减。服温平药，则病不知。如此将暮岁，医告术穷，垂命待尽。或有人教服人参散，病家亦不敢主当，谩与服之，才一服，知。二服，减。三服，脓血皆定。自此不十服，其疾遂愈。后问其方，云：治大肠风虚，饮酒过度，挟热下痢脓血，疼痛，多日不差。椿根白皮一两，人参一两，为末，每用二钱匕，空心以温酒调服。如不饮酒，以温米饮代。忌油腻、湿面、青菜、果子、甜物、鸡、猪、鱼腥等。

胡椒 去胃中寒痰吐水，食已即吐，甚验。过剂则走气。大肠寒滑亦用，须各以他药佐之。

橡实 栎木子也。叶如栗叶，在处有，但坚而不堪充材，亦木之性也。山中以春仁为粮，然涩肠。木善为炭，他木皆不及。其壳堪染皂，若曾经雨水者，其色淡，不若不经雨水者。榲亦有壳，但少而不及栎木所实者。

无石子 今人合他药染髭。

榲若 亦有斗，但不及栎木，虽坚而不堪充材。叶微炙，炒槐花减榲叶之半，同为末，米饮调服，治初得肠风及血痔，热多者尤佳。亦堪为炭，但不及栎木。

黄药 亦治马心肺热有功。

无患子 今释子取以为念珠，出佛经。惟取紫红色小者佳。今入药绝少，西洛亦有之。

椰子 椰子开之，有汁如乳，极甘香，自别是一种气味。中又有一块瓢，形如瓜蒌，上有细垆起，亦白色，但微虚。纹若妇人裙褶，

其味亦如其汁。又，着壳一重白肉，刮取之，皆可与瓢糖煎为果汁，色如白酒，其味如瓢。然谓之酒者，好事者当日强名之。取其壳为酒器，如酒中有毒，则酒沸起。今人皆漆其里，则全失用椰子之意。

桦木皮 烧为黑灰，合他药治肺风毒。及取皮上有紫黑花匀者，裹鞍弓、镫。

赤桤木 今谓之三春柳，以其一年三秀也。花肉红色，成细穗。河西者，戎人取滑枝为鞭。京师亦甚多。

木鳖子 蔓生，岁一枯。叶如蒲桃，实如大栝楼，熟则红黄色，微有刺，不能刺人。今荆南之南皆有之。九月十月熟，实中之子

曰木鳖子。但根不死，春旋生苗，其子一头尖者为雄。凡植时须雌雄相合，麻缕缠定。及其生也，则去其雄者方结实。

木槿 如小葵。花淡红色，五叶成一花，朝开暮敛，花与枝两用。湖南、北人家多种植为篱障。余如经。

棕榈木 今人旋为器。皮烧为黑灰，治妇人血露及吐血，仍佐之他药。每岁刮取棕皮。不尔，束死。花如鱼子，渫熟，淹为果。

柘木 柘木，里有纹，亦可旋为器。叶饲蚕，曰柘蚕。叶梗，然不及桑叶。东行根及皮煮汁酿酒，治风虚耳聋有验。余如经。

重刊本草衍义 卷十六

发鬓 与乱发自是两等。发鬓味苦，即陈旧经年岁者。如橘皮皆橘也，而取其陈者。狼毒、麻黄、吴茱萸、半夏、枳实之类，皆须陈者，谓之六陈，入药更良。败蒲亦然，此用鬓之义耳。今人又谓之头鬓。其乱发条中，白无用鬓之义，此二义甚明，亦不必如此过谓搜索。右以乱发如鸡子大，无油器中熬焦黑，就研为末，以好酒一盞沃之，何首乌末二钱，同匀搅，候温灌之，下咽过一二刻，再灌，治破伤风及沐发中风极效。

人乳汁 人乳汁治目之功多，何也？入心生血，肝藏血，肝受血则能视，盖水入于经，则其血乃成。又曰：上则为乳汁，下则为月水。故知乳汁则血也。用以点眼，岂有不相宜者。血为阴，故其性冷。藏寒人，如乳饼酪之类，不可多食。虽曰牛、羊乳，然亦不出乎阴阳造化尔。西戎更以驼马乳为酥酪。老人患口疮不能食，饮人热乳良。

人尿 用干陈者为末，于阴地净黄土中作五六寸小坑，将末三两匙于坑中，以新汲水调匀。良久俟澄清，与时行大热狂渴须水人饮之，愈。今世俗谓之地清，然饮之勿极，意恐过多耳。又治一切痈疔热毒肿，脓血未溃，疼痛不任，用于末、麝香各半钱，同研细，抄一豆大，津唾贴疮心，醋面钱子贴定，脓溃出，去药。

人溺 须童男者。产后温一杯饮，压下败血恶物。有饮过七日者。过多，恐久远血藏寒，令人发带病；气血虚无热者，尤不宜多服，此亦性寒，故治热劳方中亦用。

人指甲 治鼻衄，细细刮取。俟血稍定，去淤血，于所衄鼻中搗之，立愈。独不可备，则众人取之，甚善。衄药，并法最多，或效或不效，故须博采，以备道途、田野中用。

龙骨 诸家之说，纷然不一。既不能指定，终是臆度。西京颖阳县民家，忽崖坏，得龙骨一副，支体头角悉具，不知其蜕也，其毙也。若谓蜕毙，则是有形之物，而又生不可得见，死方可见。谓其化也，则其形独不能化。然《西域记》中所说甚详，但未敢据凭。万物所禀各异，造化不可尽知，莫可得而详矣。孔子曰：“君子有所不知”，盖阙如也。妄乱穿凿，恐误后学。治精滑及大肠滑，不可阙也。

牛黄 牛黄，亦有骆驼黄，皆西戎所出也。骆驼黄极易得，医家当审别考而用之，为其形相乱也。黄牛黄轻松自然微香，以此为异。盖又有牝音猫牛黄，坚而不香。

麝 麝每粪时须聚子一所，人见其所聚粪，及有遗麝气，遂为人获，亦物之一病尔。此猎人云。余如经。

象牙 取口两边各出一牙下垂夹鼻者，非口内食齿，齿别入药。今为象笏者是也。

醍醐 作酪时，上一重凝者为酪面。酪面上其色如油者为醍醐。熬之即出，不可多得，极甘美。虽如此取之，用处亦少，惟润养疮痂最相宜。

犀角 凡入药须乌色、未经汤水浸煮者，故曰生犀。川犀及南犀，纹皆细。乌犀尚有显纹者露，黄犀纹绝少，皆不及西番所出纹高雨脚显也。物像黄外黑者为正透，物像黑外黄者为倒透。盖以乌为正，以形像肖物者为贵。既曰通犀，又须纹头显，黄黑分明，透不脱，有雨脚滑润者为第一。鹿取茸，犀取尖，其精锐之力尽在是矣。犀角尖，磨服为佳，若在汤散则屑之。西番者佳。

羚羊角 今皆取有挂痕者。陈藏器：取耳边听之，集集鸣者良。亦强出此说，未尝

遍试也。今将他角附耳，皆集集有声，不如挂痕一说尽矣。然多伪为之，不可不察。

羖羊角 出陕西、河东，谓之羖羯羊，尤很健，毛最长而厚。此羊可入药，如要食，不如无角白大羊。《本草》不言者，亦有所遗尔。又同、华之间，有卧沙细肋，其羊有角似羖羊，但低小，供饌在诸羊之上。张仲景治寒疝用生姜羊肉汤，服之无不验。又一妇人产当寒月，寒气入产门，脐下胀满，手不敢犯，此寒疝也。医将治之以抵当汤，谓其有瘀血。尝教之曰：非其治也，可服张仲景羊肉汤，少减水。二服遂愈。

牛角腮 此则黄牛角腮。用尖，烧为黑灰，微存性，治妇人血崩、大便血及冷痢。又**白水牛鼻**，干湿皆可用。治偏风口喎斜，以火炙热，于不患处一边熨之，渐正。

犬胆 涂铅如金色。又救生接元气，补虚、损、急。黄狗脊骨一条去两头，截为五、七段，带肉些小。用好晒砂一两，细研。浆水二升，入晒砂，在浆水中搅匀。浸骨三日，以炭火炙令黄色，又入汁蘸，候汁尽为度，其狗骨已酥脆，捣令极细。后入诸药。肉苁蓉去沙，薄切，火焙干。菟丝子酒浸二日，晒干。杜仲去粗皮。肉桂去皮上粗涩。附子炮，去皮、脐。鹿茸急燎去毛，酥，微炙黄色。不可令焦。干姜炮、以上各一两。蛇床子半两，微炒。阳起石半两，酒煮一日，令数人不任手研一日。将前八味同杵，罗为末。次入阳起石并狗骨末，用熟枣肉五两，酥一两，同和。再捣千余下，看硬软，丸如小豆大，晒干。每日空心盐汤下二十九丸。

鹿茸 他兽肉多属十二辰及八卦。昔黄帝立子、丑等为十二辰以名月，又以名兽，配十二辰属。故獐鹿肉为肉中第一者，避十二辰也。味亦胜他肉，三祀皆以鹿腊，其义如此。茸最难得不破及不出却血者，盖其力尽在血中，猎时多有损伤故也。茸上毛，先薄以酥涂匀，于烈焰中急灼之。若不先以酥涂，恐火焰伤茸。俟毛净，微炙入药。今人亦能将麻茸伪为之，不可不察也。头亦可酿酒，然须作浆时稍益葱椒。角为胶，别有法。按

《月令》，冬至一阳生，麋角解；夏至一阴生，鹿角解；各逐阴阳分合，如此解落。今人用麋、鹿茸作一种，殆疏矣。凡麋鹿角，自生至坚完，无两月之久。大者二十余斤，其坚如石，计一昼夜须生数两，凡骨之类成长无速于此。虽草木至易生，亦无能及之，岂可与凡骨血为比。麋茸利补阳，鹿茸利补阴。凡用茸无须太嫩，唯长四五寸、茸端如马脑红者最佳。须佐以他药则有功。

虎骨 头、胫与脊骨入药。肉微咸。陈藏器所注乙骨之事，反射之目光堕地如白石之说，必得之于人，终不免其所诬也。人或问曰：风从虎何也？风，木也，虎，金也，木受金制，焉得不从？故呼啸则风生，自然之道也。所以治风挛急，屈伸不得，走疰，癰疾，惊痫，骨节风毒等，乃此义尔。

豹肉 毛赤黄，其纹黑如钱而中空，比比相次。此兽猛捷过虎，故能安五脏，补绝伤，轻身。又有土豹，毛更无纹，色亦不赤，其形亦小。此各自有种，非能变为虎也，圣人假喻而已。恐医家未喻，故书之。

狸骨 形类猫。其纹有二，一如连钱者，一如虎纹者。此二色狸，皆可入药。其肉味与狐不相远，江西一种牛尾狸，其尾如牛，人多糟食，未闻入药。孟诜云：“骨理痔病，作羹臠食之”。然则骨如何羹臠？音都，肉羹也？炙骨和麝香、雄黄为丸服，治痔及痿疮甚效。

兔 有白毛者，全得金之气也，入药尤功。余兔至秋深时则可食，金气全也。才至春夏，其味变。取四脚肘后毛为逐食，饲雕鹰，至次日吐出。其意欲腹中逐尽脂肥，使饥急捕逐速尔。然作酱必使五味。即患豌豆疮，又食此，则发毒太甚，恐斑烂损人。

鼯鼠 经中不言性味，惟是于难产通用药中云：鼯鼠，微温，毛赤黑色，长尾，人捕得取皮为暖帽。但向下飞则可，亦不能致远。今关西山中甚有，毛极密，人谓之飞生者是也。《注》中又引水马，首如马，身如虾，背偻，身有竹节纹，长二三寸，今谓

之海马。

鼯鼠 鼯鼠也，其毛色如鼠，今京畿田中甚多。脚绝短，但能行。尾长寸许，目极小，项尤短，兼易掘取。或安竹弓射之，用以饲鹰。陶不合更引“今诸山林中大如水牛，形似猪，灰赤色者也。设使是鼠，则熟能见其溺精成鼠也。”陶如此轻信，但真醇之士，不以无稽之言为妄矣。今经云：“在土中行。”则鼯鼠无疑。

獭 四足俱短，头与身尾皆扁，毛色若故紫帛。大者身与尾长三尺余，食鱼，居水中。出水亦不死，亦能休于大木上，世谓之水獭。尝置大水瓮中，于其间旋转如风，水谓之成旋，垆起，四面高，中心凹下，观者骇目。皮，西戎将以饰毳服领、袖。问之，云：垢不着，如风霍翳目，即就袖口拭目中即出。又毛端果不着尘，亦一异也。又《本草·序例》言“獭胆分杯”，尝试之，不验。惟涂于盏唇，但使酒稍高于盏面。分杯之事，亦古今传误言也，不可不正之。肝，用之有验。

狐 今用肝治风，皮兼毛用为裘者是也。此兽多疑，极审听。人智出之，以多疑审听而捕取。捕者多用罟。

獬 獬肥矮，毛微灰色，头连脊毛一道黑，嘴尖黑，尾短阔。蒸食之极美。貉形如小狐，毛黄褐色。野兽中獬肉最甘美，仍益瘦人。

野猪黄 野猪黄在胆中，治小儿诸痢疾。京西界野猪甚多，形如家猪，但腹小、脚长、毛色褐，作群行。猎人惟敢射最后者，射中前奔者，则群猪散走伤人。肉色赤如马肉，其味甘。肉复软，微动风。黄不常有，间得之，世亦少用。食之，尚胜家猪。

驴肉 食之动风，脂肥尤甚，屡试屡验。《日华子》以谓“止风狂，治一切风”，未可凭也。煎胶用皮者，取其发散皮肤之外也。仍须乌者，用乌之意，如用乌鸡子、乌蛇、乌鸦之类。其物虽治风，然更取其水色，盖以制其热则生风之义。

膾腠脐 今出登、莱州。《药性论》以谓是海内狗外肾。日华子又谓之兽。今观其状，非狗非兽，亦非鱼也。但前即似兽，尾即鱼。其身有短密淡青白毛，腹肋下全白，仍相间于淡青白毛，上有深青黑点，久则色复淡。皮厚且韧，如牛皮。边将多取以饰鞍鞵。其脐治脐腹积冷、精衰、脾肾劳极有功，不待别试也。似狐长尾之说，盖今人多不识。

麂 獐之属，又小于獐，但口两边有长牙，好斗，则用其牙。皮为第一，无出其右者，然多牙伤痕。四方皆有，山深处则颇多，其声如击破钹。

野驼 生西北界等处，家生者峰蹄最精，人多煮熟糟啖。粪为干末，搐鼻中，治鼻衄。此西番多用，尝进贡于彼，屡见之。

败鼓皮 黄牛皮为胜。今不言是何皮，盖亦以驴马皮为之者。唐韩退之所谓牛溲马勃，败鼓之皮，俱收并蓄，待用无遗者。今用处少尔，尤好煎胶。专用牛皮，始可入药。

丹雄鸡 今言赤鸡者是也，盖以毛色言之。巽为鸡为风，鸡鸣于五更者，日将至巽位，感动其气而鸣也。体有风，人故不可食。经所著其用甚备。产后血晕，身痉直，带眼、口角与目外眦向上牵急，不知人，取子一枚，去壳，分清，以荆芥末二钱，调服，遂安，仍依次调治。若无他疾，则不须，治甚敏捷。乌鸡子尤善。经、《注》皆不言鸡发风，今体有风，人食之无不发作。为鸡为巽，信可验矣。食鸡者当谨。

鹭音牧肪 陶隐居云：“鹭即是鸭”，然有家鸭，有野鸭。陈藏器《本草》曰：“尸子云，野鸭为凫，家鸭为鹭。”《蜀本》注云：“《尔雅》云，野凫，鹭；注云，鸭也。”如此则凫、鹭皆是鸭也。又云《本经》用鹭肺，即家鸭也。如此所说各不同，其义不定。又按唐王勃《滕王阁记》云“落霞与孤鹭齐飞”，则明知鹭为野鸭也。勃，唐之名儒，必有所据，故知鹭为野鸭明矣。

雁肪 人多不食者，谓其知阴阳之升降，

分长少之行序。世或谓之天厌，亦道家之一说尔。食之则治诸风。《唐本》注曰：“雁为阳鸟”。其义未尽，兹盖得中和之气，热则即北，寒则即南，以就和气。所以为礼币者，一以取其信，二取其和。

鸕鹚 鸕鹚，郑谷所谓相呼相应湘天阔者，南方专充庖。然治瘴及茵毒甚效。余悉如《经》。

雉 其飞若矢，一往而堕，故今人取其尾置船车上，意欲如此快速也。汉吕太后名雉，高祖字之曰“野鸡”。其实即鸡属也。食之，所损多，所益少。

鹰屎白 鹰屎白，兼他药用之，作溃虚积药。治小儿奶癖黄，鹰粪白一钱，密陀僧一两，舶上硫黄一分，丁香二十一个，上为末，每服一字，三岁以上半钱。用乳汁或白面汤调下，并不转泻。一复时取下青黑物后，服补药。醋石榴皮半两、炙黑色，伊祁一分，木香一分，麝香半钱，同为末。每服一字，温薄酒调下，并吃二服。凡小儿胁下硬如有物，乃是癖气，俗谓之奶脾。只服温脾化积气丸子药，不可取转，无不愈也。取之多失。

雀卵 孟诜云：“肉，十月已后正月已前食之。”此盖取其阴阳静定，未决泄之义。卵亦取第一番者。

鸛 头无丹，项无乌带，身如鹤者是，兼不善唳，但以喙相击而鸣。作池养鱼蛇以哺子之事，岂可垂垂后世？此禽多在楼殿吻上作窠，日夕人观之，故知其未审耳。罍石条

中亦著。

伏翼 伏翼屎合疳药。白日亦能飞，但畏鸱鸟不敢出。此物善服气，故能寿。冬月不食，亦可验也。

孔雀 孔雀尾不可入目，昏翳人眼。

鸛 陶隐居云：“此鸟不卵生，口吐其雏。今人谓之水老鸦，巢于大木，群集，宿处有常，久则木枯，以其粪毒也。怀妊者不敢食，为其口吐其雏。”陈藏器复云：使易产，临时令产妇执之，与陶相戾。尝官于澧州，公宇后有木一株，其上有三四十巢，日夕观之，既能交合，兼有卵壳布地，其色碧。岂得雏吐口中？是全未考寻，可见当日听人之误言也。

白鸽 白鸽，其毛羽色于禽中品第最多。野鸽粪一两，炒微焦，麝香别研，吴白术各一分，赤芍药、青木香各半两，柴胡三分，延胡索一两，炒赤色，去薄皮。七物同为末，温无灰酒，空心调一钱服，治带下，排脓，候脓尽即止。后服，仍以他药补血脏。

斑鸛 斑鸛，斑鸛也，尝养之数年，并不见春秋分化。有有斑者，有无斑者，有灰色者，有小者，有大者。久病虚损人食之补气。虽有此数，其用即一也。

鸛 鸛有雌雄，从卵生，何言化生？其说甚容易。尝于田野屡得其卵，初生谓之罗鸛，至初秋谓之旦秋，中秋已后谓之白唐。然一物四名，当悉书之。小儿患疳及下痢五色，旦旦食之，有效。

重刊本草衍义 卷十七

石蜜 《嘉祐本草》石蜜收虫鱼部中，又见果部。新聿取苏恭说，直将石字不用。石蜜既自有本条，煎炼亦自有法。今人谓之乳糖，则虫部石蜜自是差误，不当更言石蜜也。《本经》以谓白如膏者良，由是知石蜜字，乃白蜜字无疑。去古既远，亦文字传写之误，故今人尚言白沙蜜。盖经久则陈白而沙，新收者惟稀而黄。次条蜜蜡，故须别立目。盖是蜜之房，攻治亦别。至如白蜡，又附于蜜蜡之下，此又误矣。本是续上文，叙蜜蜡之用及注所出州土，不当更分之。何者？白蜡本条中盖不言性味，止是言其色白尔。既有黄白二色，今止言白蜡，是取蜡之精英者，其黄蜡直置而不言。黄则蜡陈，白则蜡新，亦是蜜取陈，蜡取新也。《唐注》云：除蜜字为佳。今详之：蜜字不可除，除之即不显蜡自何处来。山蜜多石中或古木中有，经二三年或一得而取之，气味醇厚。人家窠槛中蓄养者，则一岁春秋二取之。取之既数，则蜜居房中日少，气味不足，所以不逮陈白者日月足也。虽收之，才过夏亦酸坏。若瓮于井中近水处，则免。汤火伤，涂之痛止，仍捣薤白相和。虽无毒，多食亦生诸风。

牡蛎 须烧为粉用。兼以麻黄根等分同捣，研为极细末粉。盗汗及阴汗，本方便生者，则自从本方左顾。经中本不言，止从陶隐居说。其《西阳杂俎》已言：“牡蛎言牡，非为雄也。且如牡丹，岂可更有牝丹也？今则合于地，人面向午位，以牡蛎顶向子，视之口，口在左者为左顾。”此物本无目，如此，焉得更有顾盼也。

桑螵蛸 自采者真，市中所售者，恐不得尽皆桑中者。《蜀本·图经》浸泡之法，不若略蒸过为佳。邻家有一男子，小便日数十

次，如稠米泔，色亦白，心神恍惚，瘦瘁，食减，以女劳得之。令服此桑螵蛸散，未终一剂而愈。安神魂，定心志，治健忘、小便数，补心气。桑螵蛸、远志、菖蒲、龙骨、人参、茯神、当归、龟甲醋炙，以上各一两，为末。夜卧，人参汤调下二钱。如无桑上者，即用余者，仍须以炙桑白皮佐之，量多少可也。盖桑白皮行水，意以接螵蛸就肾经。用桑螵蛸之意如此，然治男女虚损，益精，阳痿，梦失精，遗溺，疝瘕，小便白浊，肾衰，不可阙也。

海蛤 文蛤 陈藏器所说是。今海中无雁，岂有食蛤粪出者。若蛤壳中有肉时，尚可食。肉既无，焉得更有粪中过数多者？必为其皆无廉棱，乃有是说。殊不知风浪日夕淘汰，故如是。治伤寒汗不溜，搐却手脚，海蛤、川乌头各一两，川山甲二两，为末，酒糊为丸，大一寸许，捏扁，置所患足心下，擘葱白盖药，以帛缠定。于暖室中取热水浸脚至膝上，久则水温，又添热水，候遍身汗出为度。凡一二日一次浸脚，以知为度。

石决明 经云：“味咸”，即是肉也。人采肉以供饌，及干至都下，北人遂为珍味。肉与壳两可用，方家宜审用之。然皆治目，壳研，水飞，点磨外障翳。登、莱州甚多。

真珠 小儿惊热药中多用。河北塘、泺中亦有。围及寸者，色多微红。珠母与廉州珠母不相类，但清水急流处，其色光白，水浊及不流处，其色暗。余如经。

秦龟 秦龟，即生于秦者。秦地山中多老龟，极大而寿。龟甲即非止秦地有，四方皆有之，但取秦地所出大者为胜。今河北独流、钓台甚多，取龟筒治疗，亦入众药。止此二种，各逐本条。以其灵于物，方家故用

以补心，然甚有验。

玳瑁 治心经风热。生者入药，盖性味全也。既入汤火中，即不堪用，为器物者是矣。与生熟犀其义同。

鲤鱼 至阴之物也，其鳞故三十六。阴极则阳复，所以《素问》曰：“鱼，热中。”王叔和曰：“热即生风。”食之，所以多发风热，诸家所解并不言。《日华子》云“鲤鱼凉”，今不取，直取《素问》为正。万一风家更使食鱼，则是贻祸无穷矣。

鼈鱼 今人谓之黑鲤鱼。道家以谓头有星为厌。世有知之者，往往不敢食。又发故疾，亦须忌尔。今用之疗病，亦止取其一端耳。

鱖鱼 形少类獭，有四足，腹重坠如囊，身微紫色。尝剖之，中有三小蟹，又有四五小石块，如指面许，小鱼五七枚。然无鳞，与鲇、鳢相类。今未见用者。

鳢鱼 腹下黄，世谓之黄鳢。此尤动风气，多食令人霍乱，屡见之。向在京师，邻舍一郎官，因食黄鳢，遂至霍乱吐利，几至委顿。又有白鳢，稍粗大，色白，二者皆亡鳞。大者长尺余，其形类蛇，但不能陆行，然皆动风。江陵府西有湖曰西湖，每岁夏秋沮河水涨，即湖水满溢，冬即复涸，土人于干土下掘得之。每及二三尺，则有往来鳢行之路，中有泥水。水涸又下，水至复出。

鲫鱼 鲫鱼开其腹，内药，烧之，治齿。

猬皮 取干皮兼刺用。刺作刷，治衄帛绝佳。此物兼治胃逆，开胃气有功，从虫从胃有理焉。胆治鹰食病。世有养者，去而复来，久亦不去。当缩身藏足之时，人溺之即开。合穿山甲等分，烧存性，治痔。人肉豆蔻一半，末之，空肚热米饮调二钱服。隐居所说，跳人虎耳及仰腹受啄之事，《唐本》注见摭，亦当然。

石龙子 蜥蜴也，今人但呼为蜥蜴。大者长七八寸，身有金碧色。仁庙朝，有一蜥蜴在右掖门西浚沟庙中，此真是蜥蜴也，郑

状元有诗。有樵者于涧下行，见一蜥蜴自石罅中出，饮水讫而入。良久，凡百十次，尚不已。樵者疑不免，翻石视之，有冰雹一二升。樵人讶而去，行方三五里，大雨至。良久，风雹暴作。今之州县依法用此祈雨。经云：治五癰，破石淋，利水道。亦此义乎。

露蜂房 露蜂房有两种，一种小而其色淡黄，窠长六七寸至一尺者，阔二三寸，如蜜脾下垂，一边是房，多在丛木郁翳之中，世谓之牛舌蜂。又一种或在高木上，或屋之下，外作固，如三四斗许，小者亦一二斗，中有窠如瓠之状，由此得名。蜂色赤黄，其形大于诸蜂，世谓之玄瓠蜂。《蜀本·图经》言“十一月十二月采”者，应避生息之时也。今人用露蜂房，兼用此两种。

鸛鸡 东、西京界尤多，形类蚕蛾，但头足微黑。翅两重，外一重灰色，下一重深红，五色皆具，腹大，此即鸛鸡也。今人又用之行瘀血月闭。

蚱蝉 夏月身与声皆大者是，始终一般声，仍皆乘昏夜方出土中，升高处，背壳坼蝉出。所以皆夜出者，一以畏入，二畏日炙，干其壳而不能蜕也。至时寒则坠地，小儿蓄之，虽数日亦不须食。古人以谓饮风露，信有之。盖不粪而溺，亦可见矣。西川有蝉花，乃是蝉在壳中不出而化为花，自项中出。又，壳治目昏翳。又水煎壳汁，治小儿出疮疹不快，甚良。

白僵蚕 然蚕有两三番，惟头番僵蚕最佳，大而无蛆。治小儿惊风，白僵蚕、蝎梢等分，天雄尖、附子尖共一钱，微炮过，为细末，每服一字或半钱，以生姜温水调，灌之。其蚕蛾则第二番者，以其敏子生育。

木虻 大小有三种。蜚虻，今人多用之，大如蜜蜂，腹凹扁，微黄绿色。雄霸州、顺安军沿塘、冻界河甚多。以其惟食牛马等血，故治瘀血、血闭。

廙虫 今人谓之簸箕虫，为其像形也。乳脉不行，研一枚，水半合，滤清，服。勿使

服药人知。

蛴螬 此虫诸腐木根下有之。构木津甘，故根下多有此虫，其本身未有完者。亦有生于粪土中者，虽肥大，但腹中黑，不若木中者，虽瘦而稍白。生研，水绞汁，滤清饮，下奶。

蛞蝓 蜗牛 蛞蝓、蜗牛二物矣。蛞蝓，其身肉止一段。蜗牛，背上别有肉，以负壳行，显然异矣。若为一物，经中焉得分为二条也。其治疗亦大同小异，故知别类。又谓蛞蝓是蜗牛之老者，甚无谓。蛞蝓有二角，蜗牛四角，兼背有附壳肉，岂得为一物也。

水蛭 陈藏器、日华子所说备矣。大者，京师又谓之马鳖。腹黄者，谓之马黄。畏盐，然治伤折有功。经与《注》皆不言修制，宜子细，不可忽也。今人用者皆炒。

鳖甲 九肋者佳，煮熟者不如生得者，仍以醋炙黄色用。经中不言治劳，惟《蜀本·药性论》云“治劳瘦、除骨热”，后人遂用之。然甚有据，亦不可过剂。头血涂脱肛。又，烧头灰亦治。

乌贼鱼 乌贼鱼干置，四方人炙食之。多取骨镂为细。研细，水飞，澄下，比去水，日干之，熟蜜和得所，点目中翳，缓取效。

蟹 伊洛绝少，今多自京师来，京师亦自河北置之。今河北沿边沧、瀛州等处所出甚多。徐州亦有，但不及河北者。小儿解颅，以蟹并白及，烂捣，涂囟上，颇合。此物极动风，体有风疾人，不可食，屡见其事。河北人取之，当八九月蟹浪之时，直于塘冻岸上，伺其出水面拾之。又，夜则以灯火照捕，始得之。时黄与白满壳，凡收藏十数日不死，亦不食。此物每至夏末秋初，则如蝉蛻解。当日名蟹之意，必取此义。

原蚕蛾 有原复敏速之义，此则第二番蛾也。白僵蚕条中已具。屎，饲牛代谷。又以三升醇酒，拌蚕屎五斗，用甑蒸热，于暖室中铺于油单上，令患风冷气闭及近感瘫风人，就所患一边卧，着温热，厚盖覆，汗出

为度。若虚人须常在左右，防大热昏冒。仍令头面在外，不得壅覆。未全愈，间，再作。

蚕退 治妇人血风，此则眠起时所蛻皮是也。其蚕退纸谓之蚕连，亦烧灰用之，治妇人血露。

鳃蝨鱼 生剖晒干，取少许，火上微炙，候油出，涂白剥用，以指擦之，即时色转。凡如此五七次用，即愈，仍先于白处微微擦动。

鲛鱼 鲛鱼沙鱼皮一等，形稍异。今人取皮饰鞍剑。余如经。

河豚 河豚，经言“无毒”。此鱼实有大毒，味虽珍，然修治不如法，食之杀人，不可不谨也。厚生者不食亦好。苏子美云：“河豚于此时，贵不数鱼虾”。此即诗家鄙讽之言，未足全信也。然此物多怒，触之则怒气满腹，翻浮水上，渔人就以物撩之，遂为人获。橄欖并芦根汁，解其毒。

紫贝 紫贝大二三寸，背上深紫，有点但黑。《本经》以此烧存性，入点眼药。

鲈鱼 鲈益肝肾，补五脏，和肠胃。食之宜人，不甚发病。宜乎，张翰思之也。

虾麻 多在人家渠堑下，大腹，品类中最大者是。遇阴雨或昏夜即出食。取眉间有白汁，谓之蟾酥。以油单裹眉裂之，酥出单上，人药用。有人病齿缝中血出，以纸纆子蘸干蟾酥少许，于血出处按之，立止。世有人收三足枯蟾，以罔众，但以水沃半日，尽见其伪。盖本无三足者。

蛙 蛙其色青，腹细，嘴尖，后脚长，故善跃。大其声则曰蛙，小其声则曰蛤。《月令》所谓“雀人大水化为蛤”者也。唐韩退之诗：“一夜青蛙啼到晓”者是此。食之，性平，解劳热。

蛤蚧 补肺虚劳嗽有功，治久嗽不愈。肺间积虚热，久则成疮，故嗽出脓血，晓夕不止，喉中气塞，胸膈噎痛。蛤蚧、阿胶、生犀角、鹿角胶、羚羊角各一两，除胶外，皆为屑，次入胶，分四服。每服用河水三升，子银石器中慢火煮至半升，滤去滓，临卧微温，

细细呷。其滓候服尽，再捶，都作一服，以水一升，煎至半升，如前服。若病人久虚，不喜水，当递减水。张邢部子旱病极，田枢密况送此方，遂愈。

鲮鲤甲 穴山而居，亦能水。烧一两存性，肉豆蔻仁三个，同为末，米饮调二钱服，治气痔。脓血甚者，加猬皮一两烧入。中病即已，不必尽剂。

蜘蛛 蜘蛛品亦多，皆有毒。经不言用是何种，今人多用人家檐角、篱头、陋巷之间，空中作圆网，大腹、深灰色者。遗尿着入作疮癣。

蜻蛉 其中一种最大，京师名为马大头者是。身绿色。雌者，腰间一遭碧色。用则当用雄者。陶隐居以谓青色大眼。一类之中，元无青者，眼一类皆大。此物生化于水中，故多飞水上。唐杜甫云：“点水蜻蜓款款飞。”

石蚕 谓之草，则缪矣。经言“肉解结气”，《注》中更辨不定。此物在处有，附生水中石上，作丝茧如钗股，长寸许，以蔽其身，色如泥，蚕在其中。此所以谓之石蚕也。今方家用者绝稀。此亦水中虫耳，山河中多。

蛇蛻 蛇蛻，从口翻退出，眼睛亦退，今合眼药多用，取此义也。入药洗净。

蛇黄 椎破，中间有如自然铜者佳。治心悸动，火烧赤，酒淬至酥，二两，朱砂一两，与蛇黄同研，水飞，天麻二两，别为末，与前二味合匀，每以半钱，少以薄荷汤调，食后、夜卧服，殊效。

金蛇 金蛇，今方书往往不见用。

乌蛇 尾细长，能穿小铜钱一百文者佳。有身長一丈余者。蛇类中此蛇入药最多。尝于顺安军塘淤堤上，见一乌蛇长一丈余，有鼠狼啖蛇头，曳之而去，是亦相畏伏尔。市者多伪，以他蛇熏黑色货之，不可不察也。乌蛇脊高，世谓之剑脊乌梢。

白花蛇 诸蛇鼻向下，独此蛇鼻向上。背有方胜花纹，以此得名。用之去头尾，换酒

浸三日，弃酒不用，火炙，仍尽去皮骨。此物毒甚，不可不防也。

蜈蚣 背光，黑绿色，足赤，腹下黄。有中其毒者，以乌鸡屎水稠调，涂咬处，效。大蒜涂之，亦效。复能治丹毒瘤，蜈蚣一条干者，白矾皂子大，雷丸一个，百步二钱，秤，同为末，醋调涂之。又，畏蛄蟪，不敢过所行之路。触其身，则蜈蚣死，人故取以治蜈蚣毒。桑汁、白盐亦效。

马陆 即今百节虫也。身如槎节，节有细蹙纹，起紫黑色，光滑，百足。死则侧卧如环，长二三寸，尤者粗如小指。西京上阳宫及内城砖墙中甚多，入药至鲜。

蠨蛸 乌红 蠨蛸诸家所论备矣，然终不敢舍诗之意。尝析窠而视之，果有子如半粟米大，其色白而微黄。所负虫亦在其中，乃青菜虫，却在子下，不与虫相着。又非叶虫及草上青虫，应是诸虫皆可也。陶隐居所说近之矣。人取此房研细，醋调，涂蜂蛰。

雀瓮 多在棘枝上，故又名棘刚子。研其间虫汁，灌小儿，治原缺。

鼠妇 鼠妇此湿生虫也，多足，其色如蚓，背有横纹蹙起，大者长三四分。在处有之，砖窰及下湿处多，用处绝少。

萤 常在大暑前后飞出，是得大火之气而化，故如此明照也。今人用者少。《月令》虽曰“腐草所化”，然非阴湿处终无。

衣鱼 多在故书中，久不动帛中或有之，不若故纸中多也。身有厚粉，手搯之则落。亦啮蠹衣，用处亦少。其形稍似鱼，其尾又分二歧，世用以灭瘢痕。

白颈蚯蚓 自死者良，然亦应候而鸣。此物有毒，昔有病腹大，夜间蚯蚓鸣于身，有入教用盐水浸之而愈。崇宁末年，陇州兵士暑月中在倅厅前，跳立厅下，为蚯蚓所中，遂不救。后数日，又有入被其毒，博识者教以先饮盐汤一杯，次以盐汤浸足，乃愈。今入药，当去土，了微炙。若治肾脏风下疳病，不可阙也，仍须盐汤送。王荆公所谓“藁壤太

牢俱有味，可能蚯蚓独清廉”者也。

蝼蛄 此虫当立夏后，至夜则鸣，《月令》谓之蝼蛄鸣者是矣。其声如蚯蚓，此乃是五伎而无一长者。

蜣螂 大小二种：一种大者为胡蜣螂，身黑光，腹翼下有小黄，子附母而飞行，昼不出，夜方飞出，至人家庭户中，见灯光则来。一种小者，身黑暗，昼方飞出，夜不出。今当用胡蜣螂，其小者研三十枚，以水灌牛马，治胀结，绝佳。狐遇而必尽食之。

斑猫 须糯米中炒，米黄为度。妊身人不可服，为能溃人肉。治淋药多用，极苦，人尤宜斟酌。下条芫青，其用与此不相远，故附于此。

马刀 京师谓之螯岸，春夏人多食，然发风痰，性微冷。又顺安军界河中亦出蚺，大抵与马刀相类，肉颇淡，人作鮓以寄邻左，又不能致远。亦发风。此等皆不可多食。今蛤粉，皆此等众蛤灰也。

贝子 今谓之贝齿，亦如紫贝，但长寸余，故曰贝子。色微白，有深紫黑者，治目中翳，烧用。北人用之毡帽上为饰及缀衣，或作蹠蹠下垂。

甲香 甲香，善能管香烟，与沉、檀、龙、麝用之甚佳。

蝎 大人小儿通用，治小儿惊风不可阙也。有用全者，有只用梢者，梢力尤功。今青州山中石下捕得，慢火逼，或烈日中晒。蝎渴热时，乃与青泥食之，既满，复以火逼杀之，故其色多赤，欲其体重而售之故也。医家用之皆悉去土。如蛭人还能禁止之，自尝被其毒，兄长禁而止，及令，故蛭终不痛。翰林禁科具矣。

五灵脂 行经血有功，不能生血。尝有人病眼中翳，往来不定，如此乃是血所病也。盖心生血，肝藏血，肝受血则能视。目病不治血，为背理。此物入肝最速。一法：五灵脂二两，没药一两，乳香半两，川乌头一两半，炮去皮，同为末，滴水丸如弹子大。每用一丸，生姜温酒磨服，治风冷气血闭，手足身体疼痛冷麻。又有人被毒蛇所伤，良久之间已昏困。有老僧以酒调药二钱，灌之，遂苏。及以药滓涂咬处，良久，复灌二钱，其苦皆去。问之，乃五灵脂一两，雄黄半两，同为末，止此耳。后有中毒者，用之无不验。此药虽不甚贵，然亦多有伪者。

重刊本草衍义 卷十八

豆蔻 草豆蔻也。气味极辛，微香。此是对肉豆蔻而名之。若作果，则味不和。不知前人之意，编入果部有何意义？性温而调散冷气，力甚速。花性热，淹置京师，然味不甚美，微苦。必为能消酒毒，故为果。花干则色淡紫。

葡萄 先朝西夏持师子来献，使人兼贡葡萄遗州郡，比中国者皆相似。最难干，不干不可收，仍酸澁不可食。李白所谓“胡人岁献葡萄酒”者，是此。疮痍不出，食之尽出。多食皆昏人眼。波斯国所出，大者如鸡卵。

蓬蘽 非覆盆也，自别是一种，虽枯败而枝梗不散。今人不见用此。即贾山策中所言者是此。

覆盆子 覆盆子长条，四、五月红熟。秦州甚多，永兴、华州亦有。及时，山中人采来卖，其味酸甘，外如荔枝，樱桃许大，软红可爱。失采，则就枝生蛆。益肾脏，缩小便，服之当覆其溺器，如此取名。食之多热。收时，五六分熟便可采。烈日曝，仍须薄绵蒙之。今人取汁作煎为果，仍少加蜜，或熬为稀汤，点服，治肺虚寒。采时着水，则不堪煎。

大枣 今先青州，次晋州，此二等可晒曝入药，益脾胃为佳。余止可充食用。又云，御枣甘美轻脆，后众枣熟。以其甘，故多生虫。今人所谓扑落酥者是。又有牙枣，先众枣熟，亦甘美，但微酸，尖长。此二等止堪啖，不堪收曝。今人将干枣去核，于铛锅中微火缓逼干为末，量多少，入生姜末为汤，点服，调和胃气。又，将煮枣肉和治脾胃丸药，尤佳。又青州枣去皮核，焙干为枣圈，达都下，为奇果。

鸡头实 今天下皆有之。河北沿塘泺居

人采得，舂去皮，捣仁为粉，蒸炸作饼，可以代粮。食多，不益脾胃气，兼难消化。

藕实 就蓬中干者为石莲子，取其肉于砂盆中干，擦去浮上赤色，留青心，为末，少入龙脑为汤点，宁心志，清神。然亦有粉红千叶、白千叶者，皆不实。如此是有四等也。其根惟白莲为佳。今禁中又生碧莲，亦一端也。

菱 今世俗谓之菱角，所在有。煮熟取仁食之，代粮，不益脾。又有水菱，亦菱也，但大而脆，可生食。和合治疗，未闻其用。有人食生菱多则利及难化，是亦性冷。

栗 栗欲干，莫如曝，欲生收，莫如润。沙中藏至春末夏初，尚如初收摘。小儿不可多食。生者难化，熟即滞气、隔食、生虫，往往致小儿病，人亦不知。所谓补肾气者，以其味咸，又滞其气尔。湖北路有一种栗，顶圆末尖，谓之旋栗。《图经》引《诗》言莘莘榛栗者，谓其象形也。

樱桃 孟诜以为樱非桃类。然非桃类，盖其以形肖桃，故曰樱桃，又何疑焉？谓如木猴梨、胡桃之类，亦取其形相似尔。古谓之哈桃，可荐宗庙。《礼》云“先荐寝庙”者，是此。唐王维诗云：“才是寝园春荐后，非干御苑鸟啣残”。小儿食之，才过多，无不作热。此果在三月末四月初间熟，得正阳之气，先诸果熟，性故热。今西洛一种紫樱，至熟时正紫色，皮里间有细碎黄点，此最珍也。今亦上供朝廷，药中不甚须。

橘 柚 自是两种，故曰一名橘皮，是元无柚字也。岂有两等之物，而治疗无一字别者，即知柚字为误。后人不深求其意，为柚字所惑，妄生分别，亦以过矣。且青橘与黄橘，治疗尚别，矧柚为别种也。郭璞云：

“柚似橙而大于橘”，此即是识橘柚者也。今若不如此言之，恐后世亦以柚皮为橘皮，是贻无穷之患矣。去古既远，后之贤者，亦可以意逆之耳。橘惟用皮与核。皮，天下甚所须也。仍汤浸去穢。余如经与《注》。核、皮二者须自收为佳。有入患气嗽将期，或教以橘皮、生姜焙干、神曲等分为末，丸桐子大，食后、夜卧，米饮服三五十丸。兼旧患膀胱，缘服此借愈。然亦取其陈皮入药，此六陈中一陈也。肾疰腰痛、膀胱气痛，微炒核，去壳为末，酒调服，愈。

乳柑子 今人多作橘皮售于人，不可不择也。柑皮不甚苦，橘皮极苦，至熟亦苦。若以皮紧慢分别橘与柑，又缘方宜各不同，亦互有紧慢者。脾肾冷人，食其肉多致脏寒或泄痢。

橙子皮 今人止以为果，或取皮合汤待宾，未见入药。宿酒未醒，食之速醒。

梅实 食梅则津液泄，水生木也。津液泄，故伤齿。肾属水，外为齿，故也。王叔和曰：膀胱、肾，合为津府。此语虽鄙，然理存焉。熏之为乌梅，曝干藏密器中为白梅。

枇杷叶 江东西、湖南北、二川皆有之。以其形如琵琶，故名之。治肺热嗽有功。花白，最先春也。子大如弹丸，四五月熟，色若黄杏，微有毛，肉薄，性亦平，与叶不同。有妇人患肺热久嗽，身如炙，肌瘦，将成肺癆，以枇杷叶、木通、款冬花、紫菀、杏仁、桑白皮各等分，大黄减半，各如常制，治讫，同为末，蜜丸如樱桃大。食后、夜卧各含化一丸，未终剂而愈。

柿 有着盖柿，于蒂下别生一重。又牛心柿，如牛之心。蒸饼柿，如今之市买蒸饼。华州有一等朱柿，比诸品中最小，深红色。又一种塔柿，亦大于诸柿。性皆凉，不至大寒，食之引痰，极甘，故如是。去皮，挂大木株上，使风日中自干，食之多动风。火干者味不佳。生则涩，以温水养之，需涩去可食。逮至自然红烂，涩亦自去。干则性平。

木瓜 得木之正，故入筋。以铅霜涂之，则失醋味。受金之制，故如是。今人多取西京大木瓜为佳，其味和美，至熟止青白色，人药绝有功。胜、宣州者味淡。此物人肝，故益筋与血。病腰肾脚膝无力，此物不可阙也。

甘蔗 今川、广、湖南北、二浙、江东西皆有。自八九月已堪食，收至三四月，方酸坏。石蜜、沙糖、糖霜皆自此出，惟川浙者为胜。

石蜜 川浙最佳，其味厚，其他次之。煎炼成，以铜象物，达京都。至夏月及久阴雨，多自消化。土人先以竹叶及纸裹，外用石灰埋之，仍不得见风，遂免。今人谓乳糖。其作饼黄白色者，今人又谓之捻糖，易消化，入药至少。

沙糖 又次石蜜，蔗汁清，故费煎炼。致紫黑色，治心肺大肠热，兼啖驼马。今医家治暴热，多以此物为先导。小儿多食则损齿，土制水也。及生蚌虫，裸虫，属土故，因甘遂生。

芋 所在有之，江浙、二川者，最大而长。京、洛者，差圆小。而惟东西京者佳，他处味不及也。当心出苗者为芋头，四边附芋头而生者为芋子。八九月已后可食。至时掘出，置十数日，却以好土匀埋，至春犹好。生则辛而涎，多食滞气困脾。唐杜甫诗曰“园收芋栗不全贫”者，是此。以梗擦蜂螫处，愈。

乌芋 今人谓之荸荠。皮厚、色黑、肉硬白者，谓之猪荸荠。皮薄、泽色淡紫、肉软者，谓之羊荸荠。正二月，人采食之。此二等，药罕用。荒岁，人多采以充粮。

荔枝 药品中今未见用，惟崔元亮方中收之。果实中为上品，多食亦令人发虚热。此物喜双，实尤可爱。本朝有蔡君谟《荔枝谱》，其说甚详。唐杜牧诗云：“一骑红尘妃子笑，无人知是荔枝来”。此是川蜀荔枝，亦可生置之长安也。以核熨火中烧存性，为末，新酒调一枚末服，治心痛及小肠气。

杏核仁 犬伤人，量所伤大小，烂嚼沃

破处，以帛系定，至差无苦。又汤去皮，研一升，以水一升半，翻复绞取稠汁，入生蜜四两、甘草一茎约一钱，银石器中慢火熬成稀膏，瓷器盛。食后、夜卧，入少酥，沸汤点一匙匕服，治肺燥喘热，大肠秘，润泽五脏。如无上证，更入盐点尤佳。

杏实 《本经》别无治疗，《日华子》言多食伤神。有数种皆热，小儿尤不可食，多致疮痍及上膈热。晒蓄为干果，其深赭色，核大而扁者，为金杏。此等须接，其他皆不逮也。如山杏辈，只可收仁。又有白杏，至熟色青白或微黄，其味甘淡而不酸。

桃核仁 桃品亦多，京畿有白桃，光，小于众桃，不益脾。有赤点斑而光如涂油。山中一种，正是《月令》中桃始华者，但花多子少，不堪啖，惟堪取仁。《唐文选》谓“山桃，发红萼”者，是矣。又，太原有金桃，色深黄。西京有昆仑桃，肉深紫红色。此二种尤甘。又饼子桃，如今之香饼子。如此数种入药，惟以山中自生者为正。盖取走泄为用，不取肥好者。如伤寒八、九日间，发热如狂不解，小腹满痛，有瘀血，用桃仁三十个，汤去皮尖，麸炒赤色，别研，虻虫三十枚，去翅，水蛭二十枚，各炒，川大黄一两，同为末，再与桃仁同捣，令匀，炼蜜丸如小豆大，每服二十丸，桃仁汤下，利下瘀血恶物，便愈。未利，再服。

猕猴桃 今永兴军南山甚多，食之解实热，过多则令人脏寒泄。十月烂熟，色淡绿，生则极酸。子繁细，其色如芥子。枝条柔弱，高二三丈，多附木而生。浅山傍道则有存者，深山则多为猴所食。

胡桃 胡桃发风。陕洛之间甚多。外有青皮包之，胡桃乃核也。核中穰为胡桃肉。虽

如此说，用时，须以汤剥去肉上薄皮。过夏至则不堪食。有人患酒瘡风，鼻上赤，将橘子核微炒为末，每用一钱匕，研胡桃肉一个，同以温酒调服，以知为度。

李核仁 其窠大者高及丈，今医家少用。实合浆水食，令人霍乱，涩气而然。今畿内小窑镇一种最佳，堪入贡。又有御李子，如樱桃许大，红黄色，先诸李熟。此李品甚多，然天下皆有之。所以比贤士大夫盛德及天下者，如桃李无处不芬芳也。别本注云：“有野李，味苦，名郁李子，核仁入药。”此自是郁李仁，别是一种，在木部第十四卷，非野李也。

梨 多食则动脾，少则不及病。用梨之意，须当斟酌。惟病酒烦渴人，食之甚佳，终不能却疾。

庵罗果 西洛甚多，亦梨之类也。其状亦梨，先诸梨熟，七夕前后已堪啖。色黄如鹅梨，才熟便松软，入药绝稀用。

安石榴 有酸淡两种。旋开单叶花，旋结实。实中子红。孙枝甚多。秋后经雨则自坼裂。道家谓之三尸酒，云三尸得此果则醉。河阴县最多。又有一种，子白莹澈如水晶者，味亦甘，谓之水晶石榴。惟酸石榴皮合断下药，仍须老木所结及收之陈久者佳。微炙为末，以烧粟米饭为丸，梧子大，食前热米饮下三十至五十丸，以知为度。如寒滑，加附子、赤石脂各一倍。

橄榄 味涩，食久则甘。嚼汁咽，治鱼鲠。

楡梲 食之须净去上浮毛，不尔，损人肺。花亦香，白色。诸果中惟此多生虫，少有不蛀者。《图经》言：“欲卧，啖一两枚而寝”。如此，恐太多宿塞胃脘。

重刊本草衍义 卷十九

白瓜子 实冬瓜仁也,服食中亦稀用。

白冬瓜 一二斗许大,冬月收为菜,压去汁,蜜煎代果。患发背及一切痈疽,削一大块,置疮上,热则易之,分败热毒气甚良。

瓜蒂 此即甜瓜蒂也。去瓜皮,用蒂,约半寸许,曝极干,不限多少为细末。量疾,每用一二钱匕,腻粉一钱匕,以水半合同调匀,灌之,治风涎暴作、气塞倒卧。服之良久,涎自出。或觉有涎,用诸药行化不下,但如此服,涎即出。或服药良久涎未出,含沙糖一块,下咽,即涎出。此物甚不损人,全胜石碌、硃砂辈。

甜瓜 暑月服之,永不中暑气。多食,未有不下痢者。贫下多食,至深秋作痢为难治,为其消损阳气故也。亦可以如白冬瓜煎渍收。

冬葵子 葵菜子也,四方皆有。苗性滑利,不益人。患痢疳,毒热内攻未出脓者,水吞三五枚,遂作窍脓出。

蜀葵 四时取红单叶者根,阴干,治带下,排脓血恶物,极有验。

黄蜀葵花 与蜀葵别种,非为蜀葵中黄者也。叶心下有紫檀色。摘之,别为数处,就日干之。不尔,即浥烂。疮家为要药。子,临产时取四十九粒,研烂,用温水调服,良久,产。

苋实 入药亦稀,苗又谓之人苋,人多食之。茎高而叶红黄二色者,谓之红人苋,可淹菜用。

苦菜 四方皆有,在北道则冬方凋毙,生南方则冬夏常青。此《月令》小满节后,所谓苦菜秀者是此。叶如苦苣更狭,其绿色差淡,折之白乳汁出,常常点瘰子,自落。味苦,花与野菊相似,春、夏、秋皆旋开花。去中热,安心神。

萵苣 今菜中惟此自初生便堪生啖,四方皆有。多食昏人眼,蛇亦畏之。虫入耳,以

汁滴耳中,虫出。诸虫不敢食其叶。以其心置耳中,留虫出路,虫亦出。有人自长立禁此一物不敢食,至今日不昏。**苦苣** 捣汁,傅疗疮殊验。青苗阴干,以备冬月,为末,水调傅亦可。

茺菁 芦菔 茺菁、芦菔,二菜也。芦菔,即萝卜也。茺菁,今世俗谓之蔓菁。夏则枯。当此之时,蔬圃中复种之,谓之鸡毛菜。食心,正在春时。诸菜之中,有益无损,于世有功。采擷之余,收子为油。根,过食动气。河东太原所出极大,他处不及也。又出吐谷浑。后于茺菔条中。《尔雅·释草》但名“芦菔,今谓之萝卜”是也。则茺菁条中,不合更言及芦菔二字,显见重复。从《尔雅》为正。

茺菔根 即前条所谓芦菔,今人止谓之萝卜。河北甚多,登、莱亦好。服地黄、何首乌人食之,则令人髭发白。世皆言草木中惟此下气速者,为其辛也。不然,如生姜、芥子又辛也,何止能散而已。茺菔辛而又甘,故能散缓而又下气速也。散气用生姜,下气用茺菔。

菘菜 张仲景《伤寒论》“凡用甘草皆禁菘菜”者,是此菘菜也。叶如茺菁,绿色差淡。其味微苦,叶嫩稍阔。不益中虚人,食之觉冷。

芥 似茺菁,叶上纹皱起,色尤深绿为异。子与苗皆辛,子尤甚。多食动风。一品紫芥与此无异,紫色可爱,人多食之,然亦动风。又,白芥子比诸芥稍大,其色白,人药用。

苜蓿 唐李白诗云:“天马常衔苜蓿花”,是此。陕西甚多,饲牛马,嫩时人兼食之。微甘淡,不可多食,利大小肠。有宿根,刈讫又生。

蓼实 即《神农本草经》第十一卷中“水蓼”之子也。彼言蓼,则用茎;此言实,即用子。故此复论子之功,故分为二条。春初,以葫芦盛

水浸湿，高挂于火上，昼夜使暖，遂生红芽，取以为蔬，以备五辛盘。又一种水红，与此相类，但苗茎高及丈。取子微炒，碾为细末，薄酒调二三钱服，治瘰癧。久则效，效则已。

葱实 葱，初生名葱针，至夏，则有花。子秋月植，作高沟垅，旋壅起，以备冬用，曰冬葱，其实一也。又有龙角葱，每茎上出歧如角。皮赤者名楼葱，可煎汤，泔下部。子皆辛，黑色，有皱纹，作三瓣。此物大抵以发散为功，多食昏人神。

薤 叶如金灯叶，差狭而更光，故古人言薤露者，以其光滑难竚之义。《千金》治肺气喘急，用薤白。亦取其滑泄也。与蜜同捣，涂汤火伤，效甚速。

韭 春食则香，夏食则臭，多食则昏神。子，止精滑甚良。未出粪土为韭黄，最不益人，食之即滞气。盖哈噎郁未之气，故如是。孔子曰：“不时不食”，正为此辈。花，食之动风。

白藜荷 八九月间淹贮之，以备冬月作蔬果。治疗只用生者。

苏 此紫苏也。背面皆紫者佳。其味微辛甘，能散，其气香。今人朝暮汤其汁饮，为无益。医家以谓芳草致豪贵之疾者，此有一焉。脾胃寒人，饮之多泄滑，往往不觉。子，治肺气喘急。

水苏 气味与紫苏不同，辛而不和，然一如苏，但面不紫，及周围槎牙如雁齿，香少。

假苏 荆芥也，只用穗。治产后血晕，及中风目带上、四肢强直。为末，二三钱，童子小便一小盏，调，下咽，良久即活，甚有验。又治头目风，荆芥穗、细辛、川芎等为末，饭后汤点二钱。风搔遍身，浓煎汤淋濯，或坐汤中。

香薷 生山野，荆、湖南北、二川皆有。两京作圃种，暑月亦作蔬菜，治霍乱不可阙也，用之无不效。叶如茵陈，花茸紫，在一边成穗，凡四五十房为一穗。如荆芥穗，别是一种香。

余如经。

薄荷 世谓之南薄荷，为有一种龙脑薄荷，故言南以别之。小儿惊风、壮热，须此引药。猫食之即醉，物相感尔。治骨蒸热劳，用其汁与众药熬为膏。

繁菱 鸡肠草，一物也。今虽分之为二，其鸡肠草条中独不言性味，故知一物也。鸡肠草，春开小花如绿豆大，茎叶如同菱，初生则直，长大即覆地。小户收之为斋，食之乌髭发。

葫 葫，大蒜也，其气极荤，然置臭肉中掩臭气。中暑毒人，烂嚼三两瓣，以温水送之，下咽，即知，仍禁饮冷水。又，患暴下血，以葫五、七枚，去梗、皮，量多少入豆豉，捣为膏，可丸即丸梧子大，以米饮下五六十丸，无不愈者。又，鼻衄，烂研一颗，涂两足心下，才止，便拭去。又，将紫皮者横切作片子，厚一分。初患疮发于背胁间未辨痈疽者，若阳滞于阴，即为痈；阴滞于阳，即为疽。痈即皮光赤，疽即皮肉纹起不泽。并以葫片覆之，用艾灸。如已痛，灸至不痛。如不痛，灸至痛。初觉即便灸，无不效者。仍审度正，于中心贴葫，灸之。世人往往不晤此疮，初见其疮小，不肯灸，惜哉！

蒜 蒜，小蒜也。又谓之蒿，苗如葱针。根白，大者如乌芋，子兼根煮食之。又谓之宅蒜，华佗用蒜齏是此物。

芸苔 不甚香，经冬根不死，辟蠹，于诸菜中亦不甚佳。

茄子 新罗国出一种，淡光，微紫色，形长味甘。今其子已遍中国蔬圃中。惟此无益，并无所治，止说损人。后人虽有处治之法，然终与《本经》相失。圃人又植于暖处，厚加粪壤，遂于小满前后求贵价以售，既不以时，损人益多。不时不食，于可忽也。

马齿苋 人多食之，然性寒滑，青黛条中已著。

重刊本草衍义 卷二十

胡麻 诸家之说参差不一，止是今脂麻，更无他义。盖其种出于大宛，故言胡麻。今胡地所出者，皆肥大。其纹鹄，其色紫黑，故如此区别。取油亦多，故诗云：“松下饭胡麻”。此乃是所食之谷无疑，与白油麻为一等。如川大黄、川当归、川升麻、上党人参、齐州半夏之类，不可与他土者更为一物。盖特以其地之所宜立名也。是知胡麻与白油麻为一物。尝官于顺安军，雄、霸州之间备见之。又二条皆言无毒，治疗大同。今之用白油麻，世不可一日阙也。然亦不至于大寒，宜两审之。

青囊 音箱 即油麻叶也，陶隐居注亦曰胡麻叶也。胡地脂麻鹄色，子颇大。《日华子》云“叶作汤沐，润毛发”，乃是。今人所取胡麻叶，以汤浸之，良久，涎出，汤遂稠黄色，妇人用之梳发。由是言之，胡麻与白油麻，今之所谓脂麻者是矣。青囊，即其叶无疑。

大麻子 海东来者最胜，大如莲实，出毛罗岛。其次出上郡、北地，大如豆，南地者子小。去壳法：取麻子，帛包之，沸汤中浸，汤冷出之，垂井中一夜，勿令着水，次日日中曝干，就新瓦上掇去壳，簸扬取仁，粒粒皆完。张仲景麻仁丸，是用此大麻子。

白油麻 与胡麻一等，但以其色言之，比胡麻差淡，亦不全白。今人止谓之脂麻，前条已具。炒熟乘热压出油，而谓之生油，但可点照。须再煎炼，方谓之熟油，始可食，复不中点照。亦一异也。如铁自火中出面谓之生铁，亦此义耳。

怡糖 即糖是也，多食动脾风。今医家用以和药，糯与粟米作者佳，余不堪用。蜀黍米亦可造。不思食人少食之，亦使脾胃气

和。唐白乐天诗“一碟胶牙糖”者，是此。

生大豆 有绿、褐、黑三种，亦有大小两等。其大者出江浙、湖南北，黑小者生他处。今用小者，力更佳。炒熟，以枣肉同捣之为粝，代粮。又治产后百病、血热，并中风疾痒，止痛、背强口噤，但烦热、瘕瘕若渴、身背肿、剧呕逆，大豆五升，急水淘净，无灰酒一斗，熬豆令微烟出，倾入酒瓶中，沃之，经一日以上，服酒一升，取差为度。如素不饮酒，即量多少服。若口噤，即加独活半斤，微微椎破，同沃，仍增酒至一斗二升。暑月旋作，恐酸坏。又可碓为腐，食之。

赤小豆 食之行小便，久则虚人，令人黑瘦枯燥。关西、河北、京东西多食之。花治宿酒渴病。

大麦 性平凉，有人患缠喉风，食不能下，将此面作稀糊，令咽之，既滑腻，容易下咽，以助胃气。三伏中，朝廷作粝，以赐臣下，作麩造糖。

青、黄、白粱米 此三种，食之不及黄粱。青、白二种性皆微凉，独黄粱性甘平，岂非得土之中和气多邪？今黄、白二种，西洛间农家多种，为饭尤佳，余用则不相宜。然其粒尖，小于他谷，收实少，故能种者亦稀。白色者味淡。

粟米 利小便，故益脾胃。

丹黍米 黍皮赤，其米黄，惟可为糜，不堪为饭。粘着难解，然亦动风。

麩米 此则粟麩也。今谷神散中用之，性又温于大麦。

秫米 初捣，出淡黄白色，经久色如糯，用作酒者是此米，亦不堪为饭。最粘，故宜酒。

陈廩米 今经与诸家注说皆不言是梗

米，为复是粟米。然粳、粟二米，陈者性皆冷，频食之，令人自利，与经所说稍戾，煎煮亦无膏膩。入药者，今人多用新粟米。至如春杵头细糠，又复不言新陈粳粟，然皆不及新稻粟二糟，陈则气味已腐败。

酒 《吕氏春秋》曰：“仪狄造酒”。《战国策》曰：“帝女仪狄造酒，进之于禹”。然《本草》中已著酒名，信非仪狄明矣。又读《素问》首言以妄为常，以酒为浆。如此则酒自黄帝始，非仪狄也。古方用酒，有醇酒、春酒、杜坛余酢酒、糟下酒、白酒、青酒、好酒、美酒、葡萄酒、秫黍酒、粳酒、蜜酒、有灰酒、新熟无灰酒、地黄酒。今有糯酒、煮酒、小豆曲酒、香药曲酒、鹿头酒、恙儿等酒。今江浙、湖南北，又以糯米粉入众药，和合为曲，曰饼子酒。至于官务中，亦用四夷酒，更别中国，不可取以为法。今医家所用酒，正宜斟酌。但饮家惟取其味，不顾入药如何尔。然久之，未见不作疾者，盖此物损益兼行，可不谨欤。汉赐丞相上樽酒，糯为上，稷为中，粟为下者。今入药佐使，专以糯米，用清水、白面曲所造为正。古人造曲，未见入诸药合和者，如此则功力和厚，皆胜余酒。今人又以麦蘖造者，盖止是醴尔，非酒也。《书》曰：“若作酒醴，尔惟曲蘖。”酒则须用曲，醴故用蘖。盖酒与醴，其气味甚相辽，治疗岂不殊也。

扁豆 有黑、白、鹊三等，皆于豆脊有白路。白者，治霍乱筋转。

粳米 白晚米为第一，早熟米不及也。平和五脏，补益胃气，其功莫逮。然稍生则复不益脾，过熟则佳。

稻米 今造酒者是此。水田米皆谓之稻，前既言粳米即此，稻米乃糯稻无疑。温，故可以为酒。酒为阳，故多热。又令人大便坚，非糯稻孰能与于此。《西域记》：“天竺国土溽热，稻岁四熟”，亦可验矣。

稷米 今谓之稷米，先诸米熟。又，其香可爱，故取以供祭祀。然发故疾，只堪为饭，不粘着，其味淡。

罌子粟 其花亦多叶者，其子一罌数千粒，大小如葶苈子，其色白。隔年种则佳。研子以水煎，仍加蜜，为罌粟汤，服石人其宜饮。

醋 酒糟为之，乞邻者是此物。然有米醋、麦醋、枣醋。米醋最醞，入药多用。谷气全也，故胜糟醋。产妇房中常得醋气则为佳，酸，益血也。磨雄黄涂蜂蛰，亦取其收而不散也。今人食酸则齿软，谓其水生木，水气弱，木气盛，故如是。造靴皮须得此而纹皱，故知其性收敛，不负酸收之说。

酱 圣人以谓不得即不食，意欲五味和，五脏悦而受之，此亦安乐之一端。

小麦 暴淋煎汤饮，为面作糊。入药，水调，治人中暑。马病肺卒热，亦以水调灌愈。生嚼成筋，可以粘禽虫。

《本草衍义》终

药 征

〔日〕 吉益东洞 撰

《药征》提要

日本东洞吉益撰，书凡三卷。东洞氏为崇尚我国仲景，用药有法有则，爰辑《药征》一书，以征其失，采仲景《伤寒论》、《金匱要略》常用药品共五十四种，每品分考证、互考、辨误、品考四项。指仲景之证，以征其用，辨诸氏之说，以明其误。且其所征，皆为驱疾要药，有功斯道，洵非浅鲜。如石膏宜重用忌煅用，为我国现代张寿甫君实验之发明，而东洞则早已论及。是书乃东洞晚年之作，我国极少流传，前裘君吉生虽曾刊入三三医书，书印无多，现已绝版，今由炳章重加圈点，校正讹字刊印，以广流传。

自序

书曰：若药弗瞑眩，厥疾弗瘳。《周官》曰：医师掌医之政令，聚毒药，共医事。由是观之，药毒也，而病毒也，药毒而攻病毒，所以瞑眩者也。而考本草，有毒者有焉，无毒者有焉，为养者有之，不养者有之。于是人大惑焉，世远人泯经毁，虽欲正之，末由也已，今之所赖也，天地人耳。夫有天地，则有万物焉，有万物，则有有毒之能也，有人则病与不而有焉，是古今之所同也。从其所同，而正其所异也，孰乎不可正哉！扁鹊之法，以试其方也，药之瞑眩，厥疾乃瘳，若其养与不养邪，本草之云，终无其验焉。故从事于扁鹊之法，以试其方，四十年于兹，以量之多少，知其所主治也。视病所在，知其所旁治也。参互而考之，以知其征，于是始之所惑也，粲然明矣。凡攻疾之具，则药皆毒，而疾医之司也。养精之备，则辨有毒无毒，而食医之职也。食者常也，疾者变也，吾党之小子，常之与变，不可混而为一矣。而本草也，混而一之，乃所以不可取也。不可取乎，则其方也。规矩准绳，是故扁鹊之法，以试其方之功，而审其药之所主治也。次举其考之征，以实其所主治也。次之以方之无征者，参互而考次之，以古今误其药功者，引古驯而辨之，次举其品物，以辨真伪，名曰《药征》也。犹之一物也，异其用，则异其功，是以养其生者，随其所好恶；攻其疾者，不避其所好恶。故食医之道，主养其精也。故撰有毒无毒，而随其所好恶也。疾医之道，主攻其疾也。故药皆毒而不避其所好恶也，而为医者不辨之，混而为一，疾医之道，所以绝也。夫古今不异者，天地人也。古今异者，论之说也。以其不异，以正其异，不异则不异，异则异也。譬如人君用人，率材则功，达材则无功矣。一物无异功，用异则功异，用养生乎？用攻疾乎？养生随其所好恶，攻疾不避其所好恶，不知其法，焉得其正？其法既已建，而后以其不异，以正其异，不异则不异，异则异。《诗》曰：伐柯，伐柯，其则不远，是之谓也。盖今之为医之论药也，以阴阳五行，疾医之论药也，唯在其功耳。故不异则不异，异则异。然则治疾如之何，匪攻不克；养生如之何，匪性不得。吾党之小子，勿眩于论之说，以失其功实云尔。

明和八年中秋之月日本艺阳吉益为则题

《药征》目录

卷上

石膏	253
滑石	254
芒硝	254
甘草	255
黄芪	256
人参	258
桔梗	260
术	260
白头翁	262

卷中

黄连	263
黄芩	264
柴胡	264
贝母	265
细辛	265
当归 芎藭	266
芍药	266
牡丹皮	267
茜陈蒿	267
艾	268
麻黄	268
地黄	269
葶苈	270
大黄	270
大戟	271
甘遂	271
附子	271

半夏	273
芫花	274
五味子	274
诃藁实	274
葛根	275
防己	275

卷下

香豉	276
泽泻	276
薏苡仁	277
薤白	277
干姜	278
杏仁	279
大枣	279
橘皮	280
吴茱萸	280
瓜蒂	280
桂枝	281
厚朴	281
枳实	282
梔子	282
酸枣仁	283
茯苓	283
猪苓	285
水蛭	285
龙骨	285
牡蛎	286

药征 卷上

日本 东洞吉益著

郑县 曹炳章校点

石 膏

主治烦渴也，旁治谵语、烦躁、身热。

考 证

白虎汤证曰：谵语遗尿。

白虎加人参汤证曰：大烦渴。

白虎加桂枝汤证曰：身无寒、但热。

以上三方，石膏皆一斤。

越婢汤证曰：不渴、续自汗出、无大热。（不渴，非全不渴之谓。无大热，非全无大热之谓也。说在外传中）。

麻黄杏仁甘草石膏汤，证不具也。（说在《类聚方》）

以上三方，石膏皆半斤。

大青龙汤证曰：烦躁。

木防己汤，证不具也（说在《类聚方》）

以上三方，石膏皆鸡子大也。为则按，鸡子大，即半斤也，木防己汤，石膏或为三枚，或为十二枚，其分量难得而知焉。今从旁例，以为鸡子大也。

上历观此诸方，石膏主治烦渴也明矣。凡病烦躁者，身热者，谵语者，及发狂者，齿痛者，头痛者，咽痛者，其有烦渴之证也，得石膏而其效核焉。

互 考

《伤寒论》曰：伤寒脉浮、发热无汗，其表不解者，不可与白虎汤。渴欲饮水，无表证者，白虎加人参汤主之。为则按，上云不

可与白虎汤，下云白虎加人参汤主之。上下恐有错误也。于是考诸《千金方》，揭《伤寒论》之全文。而白虎汤加人参汤，作白虎汤是也。今从之。

《伤寒论》中，白虎汤之证不具也，《千金方》举其证也备矣，今从之。

辨 误

《名医别录》言：石膏性大寒，自后医者怖之，遂至于置而不用焉。仲景氏举白虎汤之证曰：无大热。越婢汤之证亦云。而二方主用石膏。然则仲景氏之用药，不以其性之寒热也可以见已。余也笃信而好古，于是乎为渴家而无热者，投以石膏之剂，病已而未见其害也。方炎暑之时，有患大渴引饮而渴不止者，则使其服石膏末，烦渴顿止。而不复见其害也。石膏之治渴而不足怖也，斯可以知已。

陶弘景曰：石膏发汗，是不稽之说。而不可以为公论。仲景氏无斯言，意者陶氏用石膏，而汗出即愈。夫毒药中病，则必瞑眩也。瞑眩也，则其病从而除，其毒在表则汗，在上则吐，在下则下。于是乎有非吐剂而吐，非下剂而下，非汗剂而汗者，是变而非常也。何法之为？譬有盗于梁上，室人交索之。出于右，则顺而难逃。踰于左，则逆而易逃。然则虽逆乎？从其易也，毒亦然。仲景曰：与柴胡汤，必蒸蒸而振，却发热汗出而解。陶氏所谓石膏发汗，盖亦此类也已。陶氏不知，而以为发汗之剂。不亦过乎？

后世以石膏为峻药，而怖之太甚，是不

学之过也。仲景氏之用石膏，其量每多于他药。半斤至一斤，此盖以其气味之薄故也。余尝治青山候臣蜂大夫之病。其证平素毒着脊上七椎至十一椎，痛不可忍，发则胸膈烦闷而渴，甚则冒而不省人事，有年数矣。一日大发，众医以为大虚，为作独参汤，贴二钱，日三服。六日未知也。医皆以为必死。于是家人召余诊之。脉绝如死状，但诊其胸，微觉有烦闷状，乃作石膏黄连甘草汤与之。一剂之重三十五钱，以水一盏六分，煮取六分，顿服。自昏至晓，令三剂尽，通计一百有五钱，及晓，其证犹梦而顿觉。次日余辞而归京师，病客曰：一旦诀别，吾则不堪。请与君行，朝夕于左右，遂俱归京师。为用石膏如故，居七八十许日而告瘳。石膏之非峻药而不可怖也，可以见焉尔。

品 考

石膏 本邦处处出焉。加州、奥州最多。而有硬软二种。软者上品也。《别录》曰：细理白泽者良。雷敩曰：其色莹净如水晶。李时珍曰：白者洁净细文，短密如束针。为则曰：采石药之道，下底为佳，以其久而能化也。采石膏于其上头者，状如米糕。于其下底者，莹净如水晶，此其上品也。用之之法，唯打碎之已。近世火煨用之，此以其性为寒故也。臆测之为也，余则不取焉。大凡制药之法，制而倍毒则制之。去毒则不，是毒外无能也。诸药之下，其当制者，详其制也，不制者不，下皆效之。

滑 石

主治小便不利也，旁治渴也。

考 证

猪苓汤证曰：渴欲饮水、小便不利。
以上一方滑石一两。

上此一方，斯可见滑石所主治也。滑石白鱼散证曰：小便不利。蒲灰散证曰：小便不利。余未试二方，是以不取征焉。

互 考

余尝治淋家，痛不可忍而渴者，用滑石矾甘散，其痛立息。屡试屡效，不可不知也。

品 考

滑石

和、汉共有焉，处处山谷多出之也。软滑而白者，入药有效。宗奭曰：滑石今之画石，因其软滑，可写画也。时珍曰：其质滑腻，故以名之。

芒 硝

主软坚也。故能治心下痞坚、心下石硬、小腹急结、结胸、燥屎大便硬。而旁治宿食腹满、小腹胀痞之等诸般难解之毒也。

考 证

大陷胸汤证曰：心下痛、按之石硬。

以上一方，芒硝一升，分量可疑。故从《千金方》大陷胸丸。作大黄八两、芒硝五两。大陷胸丸证曰：结胸，项亦强。

以上一方。芒硝半斤、分量亦可疑，故从《千金方》作五两。

调胃承气汤证曰：腹胀满。又曰：大便不通。又曰：不吐不下心烦。

以上一方。芒硝半斤、分量亦可疑。今考《千金方》、《外台秘要》，此方无有焉。故姑从桃核承气汤，以定芒硝分量。

柴胡加芒硝汤证，不审备也。（说在互考中）

以上一方，芒硝六两。

大承气汤证曰：燥屎。又曰：大便硬。又曰：腹满。又曰：宿食。

大黄牡丹汤证曰：小腹胀痞。

木防己去石膏加茯苓芒硝汤证曰：心下痞坚云云。复与不愈者。

以上三方，芒硝皆三合。

大黄硝石汤证曰：腹满。

以上一方。硝石四两。

橘皮大黄朴硝汤证曰：鲧食之在心胸间不化、吐复不出。

桃核承气汤证曰：少腹急结。

以上二方，朴硝、芒硝皆二两。

硝矾散证曰：腹胀。

以上一方，硝石等分。

上历观此数方，芒硝主治坚块明矣，有软坚之功也。故旁治宿食腹满，少腹肿痞之等诸般难解者也。

互 考

柴胡加芒硝汤，是小柴胡汤而加芒硝者也。而小柴胡汤主治胸胁苦满，不能治其块，所以加芒硝也。见人参辨误中说，则可以知矣。

品 考

硝石 和、汉无别。朴硝、芒硝、硝石，本是一物，而各以形状名之也，其能无异，而芒硝之功胜矣，故余家用之。

甘 草

主治急迫也。故治里急、急痛、挛急。而旁治厥冷、烦躁、冲逆之等诸般迫急之毒也。

考 证

芍药甘草汤证曰：脚挛急。

甘草干姜汤证曰：厥，咽中干，烦躁。

甘草泻心汤证曰：心烦不得安。

甘姜甘草汤证曰：咽燥而渴。

桂枝人参汤证曰：利下不止。

以上五方，甘草皆四两。

芍药甘草附子汤证，不具也，（说在互考

中）

甘麦大枣汤证曰：藏躁喜悲伤欲哭。

以上二方，甘草皆三两。

甘草汤证曰：咽痛者。

桔梗汤证，不具也。（说在互考中）

桂枝甘草汤证曰：叉手自冒心。

桂枝甘草龙骨牡蛎汤证曰：烦躁。

四逆汤证曰：四肢拘急厥逆。

甘草粉蜜汤证曰：令人吐涎、心痛发作有时，毒药不止。

以上六方，甘草皆二两。

上八方，甘草二两三两，而亦四两之例。

苓桂甘枣汤证曰：脐下悸。

苓桂五味甘草汤证曰：气从小腹上冲胸咽。

小建中汤证曰：里急。

半夏泻心汤证曰：心下痞。

小柴胡汤证曰：心烦。又云：胸中烦。

小青龙汤证曰：咳逆倚息。

黄连汤证曰：腹中痛。

人参汤证曰：逆抢心。

旋覆花代赭石汤证曰：心下痞硬、噎气不除。

乌头汤证曰：疼痛不可屈伸。又云：拘急不得转侧。

以上十方，甘草皆三两。

排脓汤证。阙。（说在桔梗部）

谓胃承气汤证曰：不吐、不下、心烦。

桃核承气汤证曰：其人如狂。又云：少腹急结。

桂枝加桂汤证曰：奔豚，气从少腹上冲心。

桂枝去芍药加蜀漆龙骨牡蛎汤证曰：惊狂、起卧不安。

以上五方，甘草皆二两。

上历观此诸方。无论急迫，其他曰痛、曰厥、曰烦、曰悸、曰咳、曰上逆、曰惊狂、曰悲伤、曰痞硬、曰利下，皆甘草所主。而有所急迫者也，仲景用甘草也。其急迫剧者，则

用甘草亦多。不剧者，则用甘草亦少。由是观之，甘草之治急迫也明矣。古语曰：病者苦急，急食甘以缓之。其斯甘草之谓乎？仲景用甘草之方甚多，然其所用者，不巡前证，故不枚举焉。凡征多而证明者，不枚举其征，下皆效之。

互 考

甘草汤证曰：咽痛者，可与甘草汤。不差者，与桔梗汤。凡其急迫而痛者，甘草治之。其有脓者，桔梗治之。今以其急迫而痛，故与甘草汤。而其不差者，已有脓也。故与桔梗汤，据此推之。则甘草主治，可得而见也。

芍药甘草附子汤，其证不具也。为则按其章曰：发汗病不解，反恶寒。是恶寒者，附子主之。而芍药、甘草，则无主证也。故此章之义，以芍药甘草汤。脚挛急者，而随此恶寒，则此证始备矣。

为则按：调胃承气汤、桃核承气汤，俱有甘草。而大小承气汤、厚朴三物汤，皆无甘草也。调胃承气汤证曰：不吐不下心烦。又曰：郁郁微烦，此皆其毒急迫之所致也。桃核承气汤证曰：或如狂、或少腹急结，是虽有结实。然狂与急结，此皆为急迫，故用甘草也。大小承气汤、厚朴三物汤、大黄黄连泻心汤，俱解其结毒耳。故无甘草也，学者详诸。

辨 误

陶弘景曰：此草最为众药之主。孙思邈曰：解百药之毒。甄权曰：诸药中，甘草为君，治七十二种金石毒，解一千二百般草木毒，调和众药有功。呜呼？此说一出，而天下无复知甘草之本功，不亦悲哉？若从三子之说，则诸凡解毒，唯须此一味而足矣。今必不能，然则其说之非也可以知已。夫欲知诸药本功，则就长沙方中，推历其有无多少。与其去加，引之子其证。则其本功，可得而

知也。而长沙方中，无甘草者居半，不可谓众药之主也，亦可以见已。古语曰：攻病以毒药，药皆毒，毒即能。若解其毒，何功之有？不思之甚矣。学者察诸。夫陶弘景、孙思邈者，医家之俊杰，博治之君子也。故后世尊奉之至矣。而谓甘草众药之主，谓解百药之毒，岂得无征乎？考之长沙方中，半夏泻心汤本甘草三两，而甘草泻心汤更加一两，是足前为四两，而误药后用之，陶、孙盖卒尔见之，谓为解药毒也。呜呼？夫人之过也，各于其党。故观二子之过，斯知尊信仲景之至矣。向使陶、孙知仲景误药后，所以用甘草，与不必改其过何也？陶、孙诚俊杰也，俊杰何为文其过乎？由是观之，陶、孙实不知甘草之本功也，亦后世之不幸哉！

东垣李氏曰：生用则补脾胃不足，而大泻心火；炙之则补三焦元气，而散表寒。是仲景所不言也。五藏浮说，战国以降，今欲为疾医乎？则不可言五藏也。五藏浮说，战国以降，不可从也。

品 考

甘草 华产上品，本邦所产者，不堪用也。余家唯铨用之也。

黄 芪

主治肌表之水也。故能治黄汗、盗汗、皮水。又旁治身体肿或不仁者。

考 证

芪芍桂枝苦酒汤证曰：身体肿、发热汗出而渴。又云：汗沾衣、色正黄如蘗汁。防己黄芪汤证曰：身重、汗出恶风。

以上二方，黄芪皆五两。

防己茯苓汤证曰：四肢肿，水气在皮肤中。

黄芪桂枝五物汤证曰：身体不仁。

以上二方，黄芪皆三两。

桂枝加黄芪汤证曰：身常暮盗汗出者。又云：从腰以上必汗出、下无汗、腰腕弛痛、如物在皮中状。

以上一方，黄芪二两。

黄芪建中汤证，不具也。

以上一方，黄芪一两半。

上历观此诸方，黄芪主治肌表之水也。故能治黄汗、盗汗、皮水。又能治身体肿或不仁者，是肿与不仁，亦皆肌表之水也。

互 考

芪芍桂枝苦酒汤、桂枝加黄芪汤，同治黄汗也。而芪芍桂枝苦酒汤证曰：汗沾衣，是汗甚多也。桂枝加黄芪汤证曰：腰以上必汗出、下无汗，是汗少也。以此考之，汗之多少，即用黄芪多少，则其功的然可知矣。

防己黄芪汤、防己茯苓汤。同治肌肤水肿也。而黄芪有多少。防己黄芪汤证曰：身重汗出。防己茯苓汤证曰：水气在皮肤中，此随水气多少，而黄芪亦有多少。则黄芪治肌表之水明矣。故芪芍桂枝苦酒汤、桂枝加黄芪汤，随汗之多少，而用黄芪亦有多少也。

黄芪桂枝五物汤证曰：身体不仁。为则按：仲景之治不仁，虽随其所在，处方不同。而历观其药，皆是治水也。然则不仁，是水病也。故小腹不仁、小便不利者，用八味丸以利小便，则不仁自治。是不仁者，水也。学者思诸。

防己黄芪汤，《金匱要略》载其分量与《外台秘要》异。为则夷考其得失，《外台秘要》古，而《金匱要略》不古矣。故今从其古者也。

辨 误

余尝读本草载黄芪之功。陶弘景曰：补丈夫虚损、五劳羸瘦、益气。甄权曰：主虚喘，肾衰耳聋，内补。嘉谟曰：人参补中，黄芪实表也。余亦尝读《金匱要略》，审仲景之处方，皆以黄芪治皮肤水气，未尝言补虚实

表也。为则尝闻之，周分置医，职四焉：曰食医、曰疾医、曰疡医、曰兽医。夫张仲景者，盖古疾医之流也。夫陶弘景尊信仙方之人也。故仲景动言疾病，而弘景动论养气，谈延命，未尝论疾病。后世之喜医方者，皆眩其俊杰，而不知其有害于疾医也。彼所尊信而我尊信之，滔滔者天下皆是也。岂不亦悲哉？夫逐奔兽者，不见大山。嗜欲在外，则聪明所蔽。故其见物同，而用物之异。仲景主疾病者也，弘景主延命者也；仲景以黄芪治水气，弘景以之补虚。夫药者，毒也。毒药何补之为，是以不补而为补，以不补而为补，是其聪明为延命之欲所蔽也。古语曰：邪气盛则实，精气夺则虚。夫古所谓虚实者，以其常而言之也。昔者常无者，今则有之，则是实也。昔者常有者，今则无之，则是虚也。邪者，常无者也；精者，常有者也。故古所谓实者，病也。而虚者，精也。因病而虚，则毒药以解其病毒而复其故也。非病而虚，则非毒药之所治也，以谷肉养之。故曰攻病以毒药，养精以谷肉果菜。今试论之。天寒肌肤栗起，当此时服黄芪而不已也。以衣衾则已，以衣衾而不已也，啜粥而已，无他。是非病而精虚也。若乃手足拘急恶寒，是与衣衾而不已也，啜粥而不已也，与毒药而已也。无他，是邪实也。呜呼？仲景氏哉？信而有征，此孔子所以非法言不敢道也，甄权、嘉谟不言疾医之法言也，抑亦弘景祸之矣。言必以仙方，必以阴阳，此芪功之所以不著也。

品 考

黄 芪

汉土、朝鲜、本邦皆产也。汉土出绵上者，以为上品，其他皆下品也。其出朝鲜、本邦者，亦皆下品也。今华舶之所载而来者，多是下品，不可不择也。凡黄芪之品，柔软、肉中白色，润泽味甘，是为上品也，铄用。

人 参

主治心下痞坚、痞硬、支结也。旁治不食呕吐、喜唾、心痛、腹痛、烦悸。

考 证

木防己汤证曰：心下痞坚。

以上一方，人参四两。

人参汤证曰：心中痞。又曰：喜唾、久不了了。

桂枝人参汤证曰：心下痞硬。

半夏泻心汤证曰：呕而肠鸣、心下痞。

生姜泻心汤证曰：心下痞硬、干噎食臭。

甘草泻心汤证曰：心下痞硬而满、干呕、心烦。又曰：不欲饮食、恶闻食臭。

小柴胡汤证曰：默默不欲饮食、心烦、喜呕。又云：胸中烦。又云：心下悸。又云腹中痛。

吴茱萸汤证曰：食谷欲呕。又曰：干呕、吐涎沫。

大半夏汤证曰：呕而心下痞硬。

茯苓饮证曰：气满、不能食。

干姜黄连黄芩人参汤证曰：食入口即吐。

桂枝加芍药生姜人参新加汤证，不具也。（说在互考中）

六物黄芩汤证曰：干呕。

白虎加人参汤证，不具也。（说在互考中）

生姜甘草汤证曰：咳唾涎沫不止。

以上十四方，人参皆三两。

柴胡桂枝汤证曰：心下支结。

干姜人参半夏丸证曰：呕吐不止。

四逆加人参汤证，不具也。（说在互考中）

以上三方，其用人参者，或一两半，或一两，而亦三两之例。

附子汤证，不具也。（说在互考中）

黄连汤证曰：腹中痛、欲呕吐。

旋覆花代赭石汤证曰：心下痞硬、噎气不除。

大建中汤证曰：心胸中大寒痛、呕不能饮食。

以上四方，人参皆二两。

上历观此诸方，人参主治心下结实之病也。故能治心下痞坚、痞硬、支结。而旁治不食、呕吐、喜唾、心痛腹痛烦悸。亦皆结实而所致者，人参主之也。

为则按：人参、黄连、茯苓三味，其功大同而小异也。人参治心下痞硬而悸也，黄连治心中烦而悸也，茯苓治肉瞤筋惕而悸也，不可不知矣。

互 考

木防己汤条曰：心下痞坚，愈复发者，去石膏、加茯苓芒硝汤主之。是人参芒硝，分治心下痞硬之与痞坚也。于是乎可见古人用药不苟也。盖其初，心下痞坚犹缓，谓之痞硬亦可，故投以人参也。复发不愈，而痞之坚必矣，故投以芒硝也。半夏泻心汤，脱硬字也。甘草泻心汤，此方中倍甘草。生姜泻心汤，加生姜之汤也。而共云治心下痞硬，则此方脱硬字也明矣。

吴茱萸汤、茯苓饮、干姜黄连黄芩人参汤、六物黄芩汤、生姜甘草汤，皆人参三两。而云治咳唾涎沫、呕吐下利，不云治心下痞硬。于是综考仲景治咳唾涎沫，呕吐下利方中，其无人参者，有居八九。今依人参之本例，用此五汤施之于心下痞硬，而咳唾涎沫呕吐下利者，其应如响也。由是观之，五汤之证，壹是皆心下痞硬之毒也矣。

桂枝加芍药生姜人参新加汤，其证不具也。其云：发汗后身疼痛，是桂枝汤证也。然则芍药、生姜、人参之证，阙也。说在《类聚方》。

白虎加人参汤四条之下，俱是无有人参之证。盖张仲景之用人参三两，必有心下痞硬之证。此方独否。因此考核《千金方》、

《外台秘要》，共作白虎主之，故今尽从之。干姜人参半夏丸，依本治之例，试推其功。心下有结实之毒，而呕吐不止者实是。主之大抵与大半夏汤之所主治也大同小异，而有缓急之别。

四逆加人参汤，其证不具也。恶寒脉微而复利，是四逆汤之所主。而不见人参之证也。此方虽加人参仅一两，无见证，则何以加之？是脱心下之病证也明矣。附子汤证不具也。此方之与真武汤，独差一味。而其于方意也，大有迳庭。附子汤，术、附君药，而主身体疼痛，或小便不利，或心下痞硬者。真武汤，茯苓、芍药君药，而主肉瞤筋惕，拘挛呕逆，四肢沉重疼痛者。

旋覆花代赭石汤，其用人参二两，而有心下痞硬之证，此小半夏汤加减之方也。二两疑当作三两也。

辨 误

甄权曰：参补虚。误矣，此言一出，流毒千载。昔者张仲景之用参也，防己汤莫多焉。其证曰：支饮喘满、心下痞坚、面色黧黑。未尝见言补虚者也。又曰：虚者即愈，实者三日复发。复与而不愈者，去石膏、加茯苓芒硝汤主之。此其所由误者乎？则有大不然。盖汉以降，字诂不古者多矣，则难其解。古语曰：有为实也，无为虚也，故用防己汤。而心下痞坚已，虚而无者，则即愈也，虽则即愈也，心下痞坚，犹实而有者，三日复发，复与防己汤而不愈者，非特痞硬，即是坚也，非参之所主，而芒硝主之，故参如故，而加芒硝、茯苓。由是观之，不可谓参补虚也。孙思邈曰：无参，则以茯苓代之，此说虽误，然参不补虚，而治心下疾也，亦足以征耳。盖参补虚之说，昉于甄权。滔滔者天下皆是，本草终引广雅五行，记是参之名义，而岂参之实乎，学者详诸。余读本草，至参养元气，未尝不发书而诃也。曰：呜呼，可悲哉，人之惑也。所谓元气者，天地根元之一气也，动

为阳，静为阴，阴阳妙合，斯生万物，命其主宰，曰造化之神也。而人也者，非造化之神也，故人生于人，而神不能生人，况于元气乎？夫人之元气也，免身之初，所资以生，医家所谓先天之气也。养之以谷肉果菜，所谓后天之气也。虽然，元气之说，圣人不言，故经典不载焉。战国以降，始有斯言。鹄冠子曰：天地成于元气。董仲舒《春秋繁露》曰：王正则元气和顺。扬雄解嘲曰：大气含元气。孔安国《虞书注》曰：昊天谓元气广大。《汉书·律历志》曰：大极元气，函为一。班固《东都赋》曰：降烟煴，调元气。此数者，皆言天地之元气，而非人之元气也。《素问》曰：天之大气举之，言系地于中而不坠也。又曰：三焦者，原气之别使。言皮肤毫毛之末，温缓之气也。此犹可言也。然论说之言也，于疾医何益之有？又曰：养精以谷肉果菜，是古之道也，未闻以草根木皮，而养人之元气，盖其说出于道家，道家所雅言延命长寿，故立无气以为极也。秦汉以降，道家降盛，而阴阳五行元气之说，蔓延不可芟，医道湮晦，职此之由，岂可不欢哉！夫医术人事也，元气天事也，故仲景不言矣。养精以谷肉果菜，而人参养元气，未尝有言之。由此观之，其言养元气者，后世之说也，不可从矣。

东垣李氏曰：张仲景云：病人汗后，身热亡血、脉沉迟者，下利身凉、脉微血虚者，并加人参也。古人之治血脱者，益气也。血不自生，须生阳气。盖阳气生，则阴长而血乃旺也。今历考《伤寒论》中曰：利止亡血也，四逆加人参汤主之，李氏其据此言乎？然而加人参仅仅一两也。四逆加人参汤，更加茯苓，此为茯苓四逆汤，而不举血证，则人参之非为亡血也，可以见已。且也仲景治吐血、衄血、产后亡血，方中无有人参，则益足证也，李氏之说妄哉！自后苟有血脱者，则不审其证，概用人参，亦益妄哉！

或问曰：吾子言仲景用人参治心下痞硬，而大黄黄连泻心汤之属，无有人参，岂亦有

说乎？曰：有之。何子读书之粗也？大黄酒连泻心汤曰：心下痞，按之濡。其于人参，则诸方皆曰心下痞硬。硬濡二字，斯可以见其异矣。

品 考

人参 出上党者，古为上品，朝鲜次之。今也，上党不出，而朝鲜亦少也。其有自朝鲜来者，味甘，非其真性。故试诸仲景所谓心下痞硬，而无效也，不可用矣。源顺和名抄云人参，此言久末乃伊。盖本邦之俗，谓熊胆为久末乃伊，而亦号人参，则以其味名也。由是观之，本邦古昔所用者，其味苦也亦明矣。今试取朝鲜之苗，而树艺诸本邦者，其味亦苦也。然则其苦也者，是人参之正味。而桐君雷公之所同试也，乃今余取产于本邦诸国者用之，大有效于心下痞硬。其产于本邦诸国者，五叶三桠，其于形状也，亦与所产于朝鲜同矣。产于本邦诸国者，于和州金峰者最良。去土气而锉用，谨勿杀苦也。

桔 梗

主治浊唾肿胀也，旁治咽喉痛。

考 证

排脓汤，证阙。

桔梗白散证曰：出浊唾腥臭、久久吐脓。

桔梗汤证曰：出浊唾腥臭、久久吐脓。

排脓散，证阙。

以上四方，其用桔梗者，或三两、或一两、或三分、或二分。

上四方者，皆仲景之方也，而排脓汤，以桔梗为君药也，不载其证。今乃历观其用桔梗诸方，或肺痈、或浊唾腥臭、或吐脓也。而以桔梗为君药者，名为排脓，则其排脓也明矣。

互 考

排脓汤之证虽阙，而桔梗汤观之，则其主治明矣。桔梗汤证曰：出浊唾腥臭，久久吐脓。仲景曰：咽痛者，可与甘草汤，不差者，与桔梗汤也。是乃甘草者，缓其毒之急迫也。而浊唾吐脓，非甘草之所主，故其不差者，乃加桔梗也。由是观之，肿痛急迫，则桔梗汤。浊唾吐脓多，则排脓汤。

辨 误

排脓汤及散，载在《金匱》肠痈部。桔梗汤及白散，亦有肺痈之言。盖肠痈肺痈之论，自古而纷如也。无有明辨，欲极之而不能也。人之体中，不可见也。故谓无肺痈肠痈者妄也，谓有肺痈肠痈者亦妄也。凡吐下臭脓者，其病在胸也，而为肺痈。其病在腹也，而为肠痈，其亦可也。治之之法，不为名所拘，而随其证，是为仲景也。

品 考

桔梗 处处出焉。药铺所鬻者，渐而白洁，脱其气味也，不可不择焉。唯去其土泥，而不杀其真性，是为良也，锉用。

术

主利水也。故能治小便自利、不利、旁治身烦疼、痰饮、失精眩冒、下利、喜唾。

考 证

天雄散，证阙（说在互考中）

以上一方，术八两。

桂枝附子去枝加术汤证曰：小便自利。

麻黄加术汤证曰：身烦疼。

越婢加术汤证曰：一身面目黄肿、其脉沉、小便不利。

附子汤，证不具也。（说在互考中）

以上四方，术皆四两。

桂枝去桂加苓术汤证曰：小便不利。

人参汤证曰：喜唾。

桂枝人参汤证曰：利下不止。

茯苓泽泻汤，证不具也。（说在《类聚方》）

茯苓饮证曰：心胸中有停痰宿水、自吐出水。

以上五方，术皆三两。

甘草附子汤证曰：小便不利。

真武汤证曰：小便不利、四肢沉重疼痛、自下利。

苓姜术甘汤证曰：小便自利。

苓桂术甘汤证曰：小便自利。

苓桂术甘汤证曰：心下有痰饮，又云头眩。

泽泻汤证曰：其人苦胃眩。

枳术汤，证不具也，说在互考中。

茯苓戎盐汤证曰：小便不利。

以上七方，术皆二两。

五苓散证曰：小便不利。

以上一方，术十八铢，而三两之例。

上历观此诸方，无论小便之变。其他曰饮、曰痰、曰身烦疼、曰喜唾、曰冒眩、亦皆水病也。凡小便不利而兼若证者，用术而小便通，则诸证乃治。由是观之，术之利水也明矣。

互 考

天雄散。《金匱要略》载在桂枝加龙骨牡蛎汤条后，而不载其证。而李时珍作《本草纲目》曰：此仲景治男子失精之方也。然则旧有此证，而今或脱也。男子失精、女子梦交，桂枝龙骨牡蛎汤主之。下当云：天雄散亦主之。以余观之，时珍之见，而岂以术、附为治失精梦交乎？此则观于本草，可以知耳。夫失精梦交，水气之变也，故以术为主药也。

《金匱要略》白术附子汤，即《伤寒论中》桂枝附子去桂加术汤，而分量减其半也。盖术别苍白，非古也。故今称方名，从《伤

寒论》焉。《外台秘要》术附汤，亦同方。而分量非古也，皆不可从焉。

附子汤证，不具也。此方之于真武汤，倍加术、附，以参代姜者也。而真武汤证，有小便不利、或疼痛、或下利。此方倍加术、附，则岂可无若证乎？其证阙也明矣。

枳术汤、桂姜枣草黄辛附汤，二方《金匱要略》所载。同其因与证，而不可别焉。今审其方剂，桂姜枣草黄辛附汤，其方合桂枝去芍药，及麻黄、附子、细辛也。而桂枝去芍药汤，主头痛、发热、恶风、有汗等证，而腹中无结实者也。麻黄附子细辛汤证曰：少阴病，发热。为则按：所谓少阴病者，恶寒甚者也，故用附子。附子主恶寒也。依二汤之证推之，心下坚大而恶寒，发热上逆者，桂姜枣草黄辛附汤主之。术主利水也，是以心下坚大而小便不利者，枳术汤主之。夫秦张之治疾也，从其证而不取因矣。因者，想像也，以冥冥决事，秦张所不取也，故其能治疾也。在方中其证矣，斯不知其方意，则未能中其证也。其知其方意，在知药能也，能知药能，而后始可与言方已。

辨 误

《本事方》许叔微曰：微患饮澀三十年，后左下有声、胁痛、食减、嘈杂、饮酒半杯即止，十数日必呕酸水数升，暑月止右边有汗，左边绝无。自揣必有澀囊，如水之有科臼，不盈科不行。但清者可行，而浊者停滞，无路以决之，故积至五六日必呕而去。脾土恶湿，而水则流湿，莫若燥脾以去湿，崇土以填科臼，乃悉屏诸药，只以苍术麻油大枣丸，服三月而疾除。自此常服，不呕不痛，胸膈宽利，饮啖如故。为则按：仲景用术治水，而不云去湿补脾也；许氏则以术为去湿补脾，而不云其治水。何其妄哉？许氏之病水变，故得术能治也。人云许氏能治其湿痰，余戏之曰：非许自能治其病，而术能治许病也。何则？许氏之所说，以不可见为见，而以不可

知为知也。空理惟依，古人则不然，有水声吐水，则为水治之。是可知而知之，可见而见之实事。惟为此谓知见之道也，故有许氏之病者，用术、附以逐其水，其效如神。呜呼！仲景之为方也，信而有征。由是观之，许之病已也，非许之功，而术之功也。

品 考

术 宗奭曰：古方及《本经》，止单言术，而未别苍白也。陶隐居言有两种，而后人往往贵白术而贱苍术也。为则曰：华产两种，其利水也，苍胜于白，故余取苍术也。本邦所出，其品下而功劣也。铤用。

白 头 翁

主治热利下重也。

考 证

白头翁汤证曰：热利下重。又曰：下利欲饮水。

白头翁加甘草阿胶汤证曰：下利。

以上二方，白头翁皆三两。

夫仲景用白头翁者，特治热利，而他无所见矣。为则按：若热利渴而心悸，则用白头翁汤也，加之血证，及急迫之证，则可用加甘草阿胶汤也。

品 考

白头翁 和、汉无别。

药征 卷中

日本 东洞吉益著

鄞县 曹炳章校点

黄 连

主治心中烦悸也。旁治心下痞、吐下、腹中痛。

考 证

黄连阿胶汤证曰：心中烦、不得卧。

以上一方，黄连四两。

黄连汤证曰：胸中有热、腹中痛、欲呕吐。

干姜黄连黄芩人参汤证曰：吐下。

葛根黄连黄芩汤证曰：利遂不吐。

白头翁汤证曰：下利欲饮水。

以上四方，黄连皆三两。

大黄黄连泻心汤证曰：心下痞、按之濡。

泻心汤证曰：心气不足。

附子泻心汤证曰：心下痞。

以上三方，黄连皆一两，而亦三两之例。

上历观此诸方，黄连治心中烦悸也明矣。故心中烦悸而痞者、吐者、利者、腹痛者，用此皆治也。此外用黄连一两方多，其比余药分量差少，但举心胸之微疾，不足取而征焉，故不枚举也。

互 考

张仲景用黄连。其证与人参、茯苓，大同而小异。说在人参部。

黄连阿胶汤证曰：心中烦。此方黄连为君，而有心中烦之证，斯可以见其主治矣。泻心汤证曰：心气不足，而吐血衄血者，泻心

汤主之。既云不足，又云泻心，此后世论说之所由起也。然《千金方》不足作不定，斯仲景之古也。而不定者，烦悸之谓也。凡病心中烦悸、心下痞、按之濡者，用此汤皆治也。由是观之，所谓不定者，烦悸之谓也。

辨 误

夫万物生于天也，故天命之谓性。性唯一也，其能亦唯一也，谓之良能。然其有多能者，性之所枝而岐也，非性之本也，谓之羸能。人之眩羸能，而谓性多能者多矣。余尝读本草，举其主治甚多。夫主治也者，性之能也。一物一性，岂有此多能哉！今近取譬于人之多能乎？夫人之性也，有任焉者，有清焉者，有和焉者，有直焉者，虽圣人不可移易也。而有多能焉，有无能焉，多能非求于天性之外而成焉，无能非求于天性之中而无焉。人其性而用之，则多能也，是善于用其性者也，非由天性而多能也，故天性任焉者，用而多能，则尽其性之任而已。任之外，无有其能也。清则清，和则和，直则直，从性之一而贯之，不可移易也。亦有学而修之，以成其多能者，若天性然，然非去性而然，亦与性成者也。此所以论于人之道，而非所以论于草根木皮也。夫善于用人性之能者若彼，而况于草根木皮乎？性之外，无有多能，而一草何多能之有？夫黄连之苦，治心烦也，是性之为能也，张仲景用焉，而治心下痞呕吐，下利之证也，是性之所枝而岐也，故无心烦之状者，试之无效。如心烦者，其应如响。仲景治心下痞，呕吐下利，其方用黄连者甚多。

斯亦可以征也。由是观之，黄连主治心烦也，本草之谬也明矣。黄连之能多乎哉，不多也。

品 考

黄连 处处出焉，出于本邦越中者，为上品，世所谓加贺黄连是也。贪利之贾，成以郁金色之，不可不择也，慎用。

黄 芩

治心下痞也，旁治胸胁满、呕吐、下利也。

考 证

黄芩汤证曰：自下利。

六物黄芩汤，证不具也。（说在互考中）

干姜黄连黄芩人参汤证曰：吐下。

小柴胡汤证曰：胸胁苦满。

大柴胡汤证曰：心下痞硬、呕吐而下利。

柴胡姜桂汤证曰：胸胁满、微结、心烦。

葛根黄连黄芩汤证曰：利遂不止。

半夏泻心汤证曰：呕而肠鸣、心下痞。

以上八方，黄芩皆三两。

柴胡桂枝汤证曰：微呕、心下支结。

泻心汤证曰：心下痞。

附子泻心汤证曰：心下痞。

以上三方，黄芩或一两，或一两半，而亦三两之例。

上历观此诸方，黄芩主治心下之病也。若呕吐者，若下利者，有心下痞之证也，则得黄芩即治矣。其无此证者，终无效焉。无他，治心下痞也。

互 考

黄芩汤条曰：太阳与少阳合病，自下利者主之。盖六经也者，疾医之所不言也。而其有六经之言，则后人所搀入焉，故不取焉。以他例推之，心下痞、腹强急而下利者，此汤主之。为则每对若证，即用此汤，其应如

响，学者审诸。

六物黄芩汤，其证不具也。此方半夏泻心汤，而去黄连、甘草加桂枝者也。张仲景用人参、黄芩也，于心下痞而硬者也。然则心下痞硬于呕下利者，此汤主之。其无此证，则终无效也。学者审诸。

辨 误

世医笃信本草。以芩、连为寒药，其畏之也如虎狼焉，不思之甚矣。夫本草论药之寒热温凉，终不一定。彼以为温，则是以为热；甲以为寒，则乙以为凉。果孰是而孰非乎？盖医者之于用药也，譬犹武夫用兵，武夫而畏兵，不可以为武夫也。医亦然，毒药各有其能，各主一病，苟有其证者而不用之，则终不治也。所以不畏焉，此而畏之，则何以医为也？张仲景用黄芩也，治心下痞而已，无有他能。故心下痞，而呕吐下利，则用之即治矣。世医不深察，妄以为呕吐下利之主药，可悲也夫。

品 考

黄芩 处处出焉。出汉土者，此为上品也。出朝鲜者次之。出本邦者，下品也。慎用。

柴 胡

主治胸胁苦满也。旁治寒热往来、腹中痛、胁下痞硬。

考 证

小柴胡汤证曰：胸胁苦满、往来寒热。又云：腹中痛。又云：胁下痞硬。

柴胡加芒硝汤证曰：胸胁满。

柴胡去半夏加瓜蒌汤，证不具也。（说在互考中）

柴胡姜桂汤证曰：胸胁满、微结。又云：往来寒热。

大柴胡汤证曰：心下急、郁郁微烦。又曰：往来寒热。又曰：心下满痛。

以上五方，柴胡皆八两。

柴胡桂枝汤证曰：心下支结。

以上一方，柴胡四两而八两之例。

上历观此诸方，柴胡主治胸胁苦满也。其他治往来寒热、或腹中痛、或呕吐、或小便不利，此一方之所主治。而非一味之所主治也。为则按：《伤寒论》中，寒热、腹痛、呕吐、小便不利，而不用柴胡者多矣。胸胁苦满而有前证，则柴胡主焉。此可以见柴胡之所主治也。

互 考

柴胡去半夏加瓜蒌汤，其证不具也。以渴，故代半夏以瓜蒌也。今试诸世所谓疟疾，胸胁苦满而渴者，甚有效焉。其无有胸胁苦满证，则终不知也。然则胸胁苦满证，其脱也明矣。

辨 误

《本草纲目》柴胡部中，往往以往来寒热为其主治也。夫世所谓疟疾，其寒热往来也剧矣，而有用柴胡而治也者，亦有不治也者。于是质之仲景氏之书，其用柴胡也，无不有胸胁苦满之证。今乃施诸胸胁苦满而寒热往来者，其应犹响之于声。非直疟也，百疾皆然。无胸胁苦满证者，则用之无效焉。然则柴胡之所主治，不在彼而在此。

品 考

柴胡 处处出焉，本草以产于银州银县者为上品也。本邦药铺所鬻者有二品。曰镰仓柴胡，曰河原柴胡也。盖河原柴胡者，非柴胡之种也，不可用焉。镰仓柴胡者尤佳，去须及头，以粗布指拂拭之，铄而用焉。雷敦、陈子承，称柴胡香气甚矣。而本邦之产，比诸产汉土者，形状则同，气味则薄，因稽诸说。嫩则香美也，老则不也。张元素曰：气

味俱清，故今用镰仓柴胡也。

贝 母

主治胸膈郁结、痰饮也。

考 证

桔梗白散证曰：时出浊唾腥臭，久久吐脓。

以上一方，贝母三分。

仲景氏用贝母也，特此一方已然。考之本草，古人用贝母，主治郁结痰饮，旁治咳嗽、乳汁不下也。乃与仲景氏治浊唾腥臭，其归一也已。其功于桔梗，大同而小异也。

品 考

贝母 用自汉土来者也，铄用焉。今本邦间亦出焉，不异于汉土产也。

细 辛

主治宿饮停水也。故治水气在心下而咳满、或上逆、或胁痛。

考 证

小青汤证曰：心下有水气、干呕、发热而咳。

苓甘五味姜辛汤证曰：咳、胸满。

以上二方，细辛皆三两。

麻黄附子细辛汤，证不具也。（说在互考中）

大黄附子汤证曰：胁下偏痛。

桂姜草枣黄辛附汤证曰：心下坚大如盘、边如旋杯。

以上三方，细辛皆二两。

上历观此诸方。其咳者，上逆者，胸满者，胁痛者，心下坚大者，胸胁心下宿饮停水而所致也，用细辛则水饮去，而其证已。可以见其所主治也。

互 考

麻黄附子细辛汤条，特云少阴病反发热，而不举余证。为则按：六经也者，是后人之搀入，而非仲景之古也。所谓少阴病者，踠卧、小便清利也。踠卧者，恶寒甚也。恶寒者，水病也。仲景氏之治恶寒也，其用附子者居多。又其言曰：术、附并走皮中逐水气也。由是观之，恶寒之为水气也明矣。其喘而恶寒，有痰饮之变者，此方主之。桂姜草枣黄辛附汤证，不具也。说在术条下，故不复赘焉。

辨 误

今之为医者，其用药也，瞑眩则栗，遽转其方，何无特操之甚也。书曰：若药弗瞑眩，厥疾弗瘳。余每读书到于此，未尝不废书抵掌而欢。圣哲之言，信而有征也。仲景之为方也，亦有征矣。请举其一二。苓甘五味姜辛夏汤条曰：咳满即止，而更复渴、冲气复发者，以细辛干姜也。而仍用细辛干姜，此非审知此毒，而治此疾者，孰能之为？呜呼！仲景哉！术附汤条曰：其人如冒状，勿怪。即是术附并走皮中逐水气，未得除故耳，此亦瞑眩之谓也。夫欲为仲景氏者，其要在知药之瞑眩，而疾乃瘳焉。而后就其方法，审其药功而已。为则从事于此，审试诸药，本草所谓大毒者，其不彻疾也，不瞑眩。所谓无毒者，亦中肯綮也，必瞑眩。瞑，眩也，疾斯瘳也。余未见药弗瞑眩，而疾之为瘳者也。呜呼！圣哲之言，信而有征哉！学者思诸。

品 考

细辛 本邦称云：真细辛者，即是也，洗去尘土，锉而用之，药铺间以杜衡充细辛也。不可不辨矣。

当归 芍药

仲景之方中，用当归、芍药者，其所主治，不可的知也。今不敢凿从成方而用焉，是阙如之义也。

辨 误

本草以当归、芍药治血，为产后要药。为则按：仲景氏治血方中，无此二药者多。而治他证之方中，亦有此二药。如奔豚汤、当归羊肉汤、酸枣仁汤类是也。由是观之，不可概为治血之药也。

品 考

当归 江州伊歙山所产。其味辛、同汉土所产。而和州所产味甘，此以粪土培养之者也，不可用矣。孙思邈曰：无当归，以芍药代之。今试尝和州当归，其味大不似芍药也。伊歙当归则似焉，故用之也。

芍药 出本邦丰后州者上品也

芍 药

主治结实而拘挛也。旁治腹痛头痛、身体不仁、疼痛腹满、咳逆下利肿脓。

考 证

桂枝加芍药汤证曰：腹满时痛。

小建中汤证曰：腹中急痛。

桂枝加大黄汤证曰：大实痛。

以上三方，芍药皆六两。

枳实芍药散证曰：腹痛烦满。

排脓散，证阙。（说在类聚方）

以上二方，芍药一方等分，一方六分。

芍药甘草汤证曰：脚挛急。

桂枝加芍药生姜人参新加汤证曰：身疼痛。

芍归胶艾汤证曰：腹中痛。

以上三方，芍药皆四两。

芍药甘草附子汤，证不具也。（说在互考中）

以上一方，芍药三两，而亦四两之例。

小青龙汤证曰：咳逆。

大柴胡汤证曰：心下满痛。又曰：呕吐而下利。

附子汤证曰：身体痛。

真武汤证曰：腹痛。又云：沉重疼痛、自下利。又云：咳。

桂枝汤证曰：头痛。又曰：身疼痛。

乌头汤证曰：历节不可屈伸疼痛。又曰：拘急。

黄芪桂枝五物汤证曰：身体不仁。

以上七方，芍药皆三两。

黄芩汤证曰：自下利。

柴胡桂枝汤证曰：肢节烦疼。

以上二方，用芍药，或二两，或一两半。而亦三两之例。

上历观此诸方，曰腹痛、曰头痛、曰腹满、曰咳逆、曰下利、曰排脓、曰四肢疼痛、曰挛急、曰身体不仁，壹是皆结实而所致也。其所谓痛者，拘急也。若夫桂枝加芍药汤、小建中汤、桂枝加大黄汤，皆以芍药为主药，而其证如此。由是观之，主治结实而拘挛也明矣。

互 考

小建中汤，《伤寒论》不备其证。是以世医不获方意，以为补剂，故其所施也，竟无效焉。为则按：此方出自芍药甘草汤，故主治诸病腹拘急而痛者也，学者正焉。芍药甘草附子汤，其条特举恶寒之证，此附子之所主也，而脱芍药、甘草之所主治也。其用甘草者，治毒急迫也。其用芍药者，治拘挛也。然则拘挛急迫而恶寒者，此汤主之。

真武汤、附子汤，特有生姜、人参之异。而所主治，则颇异也。真武汤，苓芍为主。而附子汤，术、附为主也。二方所主治，斯可

以见也已。

辨 误

朱震亨曰：产后不可用芍药，以其酸寒伐生发之气也。李时珍曰：白芍药益脾，能于土中泻木，产后肝血已虚，不可更泻，故禁之。夫酸寒之药，盖不少矣。何独避芍药之为？世医雷同其说，不思之甚矣。诸药皆毒，毒而治毒，毒而不用毒，何治之有？《金匱要略》曰：产后腹痛，枳实芍药散主之。《千金方》曰：产后虚羸、腹中刺痛、当归建中汤主之。此皆芍药主药，而用之于产后也。且也张仲景芍药甘草汤、芍药甘草附子汤、桂枝加芍药汤，皆以芍药为主，而于血证无毫关涉焉，特治结实而拘挛已。若乃酸寒伐生发之气，及泻木之说，此凿空之论，而非疾医之用也。

品 考

芍药 其种有二：曰木芍药也，曰草芍药也。木芍药是其真也，花容绰约，亦可爱也，余取之矣。服食家言，白花胜赤花，尝试其功，赤白惟均也。服食家之说，不可从矣。草芍药，世所谓宇多芍药也，不可用矣。

牡 丹 皮

仲景之方中，桂枝茯苓丸、八味丸、大黄牡丹皮汤，以上三方，虽有牡丹皮，而不以为主药也。如此之类，皆从其全方之主治而用之，如征姑嫜焉，以俟之后君子也。

品 考

牡丹皮 和、汉同。

茵 陈 蒿

主治发黄也。

考 证

茵陈五苓散证曰：黄疸。

茵陈蒿汤证曰：心胸不安、久久发黄。

以上二方茵陈蒿，一方六两，一方十分。

上观此二方，茵陈蒿治发黄也明矣。

互 考

或问曰：发黄之证，治之之方，其不用茵陈蒿者，间亦有之，如何？答曰：发黄、小便不利、或渴无余证者，茵陈五苓散主之。发黄、大便不通者，茵陈蒿汤主之。若乃一身尽黄、腹胀、大便必黑、时溏者，硝矾散主之。发黄、心中懊侬，柏子大黄豉汤。发黄、腹满、小便不利，大黄硝石汤。发黄、头痛恶风自汗出，桂枝加黄芪汤。发黄呕逆，小半夏汤主之。发黄、胸胁苦满，小柴胡汤主之。发黄、腹中拘急，小建中汤主之。此皆随证而异方也。仲景氏之于茵陈蒿，特用之于发黄，无他病者而已。

辨 误

世之医者，论黄疸为湿热，其以黄为土色也。无益于治，此不可从矣。

品 考

茵陈蒿 和、汉无别。

艾

仲景之方中，芎归胶艾汤用艾，而非君药也。是其所主治也，不可得而知矣。芎归胶艾汤，主治漏下血也，今从其成方而用之。

辨 误

《名医别录》曰：艾可以灸百病。后人未审其证之可灸与否，一概行之，故罹其害也，盖不鲜矣。医者见之，以为不候寒热之过也，

不审可否，则固已失之矣。论寒热，亦未为得也。灸者所以解结毒也，若夫毒著脊上，药之不知，下之不及，就其所著而灸之，其毒转而走腹，而后药之为达也。临其可灸之证也，我不终问其寒热，而未有逢其害焉。有灸而发热，是毒动也，世医以为灸误，非也。余于若证，灸而不止，其毒之散也，其热亦止，此即所谓瞑眩而瘳者也。凡艾之为用也，灸之与煎，其施虽异，而以其一物也。偶尔言及焉，灸家言，禁穴颇多，余家不言之，一从《灵枢》，以结毒为喻也。大凡灸不止一日，乃至五日七日，以多日为有效矣。一日暴之，十日寒之，我未见其能治者也。

品 考

艾 处处出焉。所卖者，杂它物可正焉。

麻 黄

主治喘咳、水气也。旁治恶风、恶寒、无汗、身疼骨节痛、一身黄肿。

考 证

麻黄汤证曰：身疼腰痛、骨节疼痛、恶风无汗而喘。

甘草麻黄汤证曰：里水。

麻黄醇酒汤证曰：黄疸。

以上三方，麻黄四两，或三两，而为君药。

大青龙汤证曰：恶寒、身疼痛、不汗出而烦躁。

越婢汤证曰：恶风、一身悉肿。

越婢加术汤证曰：一身面目黄肿。

越婢加半夏汤证曰：其人喘、目如脱状。

以上四方，麻黄皆六两。

麻黄杏仁甘草石膏汤证曰：汗出而喘。

牡蛎汤，证不具也。（说在互考中）

以上二方，麻黄皆四两。

葛根汤证曰：无汗恶风。

小青龙汤证曰：心下有水气、咳而微喘。

乌头汤证曰：历节疼痛。

以上三方，麻黄皆三两。

麻黄附子甘草汤，证不具也。（说在互考中）

麻黄附子细辛汤，证不具也。（说在互考中）

以上二方，麻黄二两。

上历观此数方。麻黄主治喘咳、水气也明矣。故其证而恶风恶寒、无汗身疼、骨节痛、一身黄肿者，用麻黄皆治也。

互 考

甘草麻黄汤、麻黄醇酒汤。唯云里水黄疸，而不审其证。为则按：黄家兼有喘咳。恶寒骨节痛之证者，麻黄之所主治也。

牡蛎汤，此甘草麻黄汤而加牡蛎蜀漆方也。牡蛎治动气，蜀漆主逐水，然则世所谓疟疾，动气在上而喘者，此汤主之也。《外台秘要》特云牡疟，而不举其证，茫乎如舟行无津涯矣。麻黄附子甘草汤、麻黄附子细辛汤二方，其条所谓少阴病者，恶寒甚也，而有无汗之证，故用麻黄也。

辨 误

甚矣世医之怖麻黄也。其言曰：吾闻之麻黄能发汗，多服之则漉漉汗出不止，是以不敢用焉。恶是何言也？譬怯者之于妖怪，足未尝踏其境，而言某地真出妖怪也。为则尝试麻黄之效，可用之证而用之，汗则出焉。虽当夏月而无漉漉不止之患，仲景氏言服麻黄后，覆取微似汗，宜哉，学者勿以耳食而饱矣。

品 考

麻黄 本邦之产未闻，而亦有形状相似者，是木贼而非麻黄也。朱震亨、李时珍言其与麻黄同功，则学者试可乃已。甄权曰：根节止汗，试之无效也，不可从矣。仲景氏曰：

先煮麻黄去上沫，今汉舶所载而来者，煮之无上沫，共诸药煮之而可也。

地 黄

主治血证及水病也。

考 证

八味丸证曰：小腹不仁。又曰：小便不利。

以上一方，地黄八两。

芎归胶艾汤证曰：漏下。又曰：下血。

以上一方，地黄六两。

三物黄芩汤证曰：在草蓐自发露、得风、四肢苦烦热。

以上一方，地黄四两。

上历观此三方，主治血及水、而不及其他也。

互 考

芎归胶艾汤、三物黄芩汤、八味丸，皆以地黄为君药。而二方言血证，一方言小便不利。胶艾汤方中，除地黄之外，有阿胶、当归、芍药，均是治血药也。三物黄芩汤，去地黄，则其余无治血药品也。由是观之，古人用地黄，并治血证水病也，核焉，且也施治之法不别血之与水亦明矣。

辨 误

夫水之与血，其素同类也。亦唯赤则谓之血，白则谓之水耳。余尝读《内经》曰：汗者，血之余也。问曰：血之余，而汗白者何也？答曰：肺者，主皮毛也，肺色白也，故汗白也。此本于阴阳五行，而有害于疾医之道也。疾医之道，殊乎亡也？职斯之由，可悲也哉！夫汗之白也，血之赤也。其所以然，不可得而知也。刃之所触，其创虽浅，血必出也。暑热之酷，衣被之厚，汗必出也。壹是皆历皮毛而出者，或为汗、或为血、故以

不可知为不可知，置而不论，唯其毒所在而致治焉，斯疾医之道也。后世之医者，以八味丸为补肾剂，何其妄也？张仲景曰：脚气上入，少腹不仁者，八味丸主之；又曰：小便不利者；又曰：转胞病，利小便则愈；又曰：短气有微饮，当从小便去之。豈是皆以利小便为其功。书云：学于古训乃有获。呜呼！学于古训，斯有获药功矣。

品 考

地黄 本邦处处出焉。其出和州者最多，而与出汉土者无异也，充实为佳。藏器曰：《本经》不言生干蒸于。《别录》云：生地黄者，乃新掘鲜者是也。李时珍曰：熟地黄，乃后人复蒸晒者，诸家本草，皆谓于地黄为熟地黄。而今本邦药铺，以干地黄为生地黄，非也。干者，燥干之谓，如干姜是也。生者，新鲜之名，如生姜是也。故古人言生地黄，则必言汁，言之顺也，岂有干而有汁者哉？仲景氏之所用，生于二品而已。其熟云者，后世之为也，不可用矣。

葶 苈

主治水病也，旁治肺癰结胸。

考 证

葶苈大枣汤证曰：肺癰、胸满胀、一身面目浮肿。

以上一方，葶苈捣丸如弹丸大。

大陷胸丸证曰：结胸。

以上一方，葶苈半升。

己椒苈黄丸证曰：肠间有水气。

以上一方，葶苈一两。

上历观此三方，一皆是主治水病也。而二方云水病，一方特云结胸，其所谓结胸者，用大陷胸丸，则水利而疾愈，然则葶苈之治水也明矣。

互 考

或问曰：葶苈大枣汤、桔梗汤、桔梗白散，同治肺癰，而异其方，何也？为则答曰：用桔梗之证，浊唾腥臭，久久吐脓者也。用葶苈之证，浮肿清涕，咳逆喘鸣者也。故因其见证而处方，不为病名所绊，斯为得也。

《淮南子》曰：葶苈愈胀。为则按：胀是水病也。

品 考

葶苈 有甜苦二种。而甜者不中用焉，本邦未出苦葶苈也。或曰：关以东间有之。

大 黄

主通利结毒也，故能治胸满、腹满、腹痛。及便闭、小便不利，旁治发黄、瘀血、肿脓。

考 证

大陷胸汤证曰：从心下至少腹、硬满而痛。

以上一方，大黄六两。

小承气汤证曰：腹微满、大便不通。

厚朴三物汤证曰：痛而闭者。

大黄甘遂汤证曰：少腹满、如敦状、小便微难。

大承气汤证曰：腹满痛者。

大黄硝石汤证曰：黄疸、腹满、小便不利。

桃核承气汤证曰：少腹急结。

大黄牡丹汤证曰：少腹肿痛。

大黄甘草汤，证不具也。

调胃承气汤证曰：腹胀满。又曰：大便不通。

以上九方，大黄皆四两。

大黄附子汤证曰：胁下偏痛。

抵当汤证曰：少腹硬满。

大黄黄连泻心汤证曰：心下痞、按之濡。

桂枝加大黄汤证曰：大实痛。

以上四方，大黄或三两、或二两、一两。而亦四两之例。

上历观此诸方，张仲景氏用大黄者，特以利毒而已。故各陪其主药，而不单用焉。合厚朴、枳实，则治胸腹满。合黄连，则治心下痞。合甘遂、阿胶，则治水与血。合水蛭、虻虫、桃仁，则治瘀血。合黄柏、栀子，则治发黄。合甘草，则治急迫。合芒硝，则治坚块也。学者审诸，仲景方中用大黄者，不止于兹，而以其用之之征，显然著明于兹，故不复游赘也。

辨 误

世医之畏大黄也，不啻如蛇蝎。其言曰：凡用大黄者，虽病则治乎损内而死。切问而无其人，此承本草之讹而吠声者也，非耶！仲景氏用下剂，其亦多矣。可见大黄，攻毒之干莫也。今也畏其利，而用铅刀，宜哉不能断沉痾也。虽大下之后，仲景氏未尝补也，亦可以见损内之说妄矣。凡药剂之投，拔病之未及以断其根，则病毒之动，而未能爽快，仍贯其剂也。毒去而后爽快，虽千万人亦同。世医素畏下剂，故遽见其毒未去也，以为元气虚损，岂不亦妄哉？

品 考

大黄 汉土产，有两品，黄色而润实者为良，所谓锦纹大黄也，本邦近者有称汉种大黄者也，其效较劣矣，铍用。

大 戟

主利水也，旁治掣痛咳烦。

考 证

十枣汤证曰：引胁下痛。又曰：咳烦。

互 考

淮南子曰：大戟去水。

品 考

大戟 汉产有两品，绵大戟为良也，本邦之产，其效较劣。

甘 遂

主利水也，旁治掣痛咳烦、短气、小便难、心下满。

考 证

十枣汤证曰：引胸下痛、干呕、短气。又曰：咳烦。

大黄甘遂汤证曰：小便微难。

甘遂半夏汤证曰：虽利、心下续坚满。

大陷胸汤证曰：短气躁烦。又曰：心下满而硬痛。

以上四方，其用甘遂，或三枚，或二两，或一钱也。

为则按：芫花、大戟、甘遂，同是利水，而甘遂之效最胜矣。

品 考

甘遂 汉产为胜，本邦所产，其效较劣。

附 子

主逐水也。故能治恶寒、身体四肢及骨节疼痛，或沉重，或不仁，或厥冷，而旁治腹痛、失精、下利。

考 证

大乌头煎证曰：绕脐痛，若发，则自出汗、手足厥冷。

乌头汤证曰：历节疼痛、不可屈伸。

乌头桂枝汤证曰：腹中痛、逆冷、手足

不仁。

以上三方，乌头皆五枚而为君药也。

桂枝附子汤证曰：身体疼痛、不能自转侧。

桂枝附子去桂加术汤证曰：前证而小便不利。

大黄附子汤证曰：胁下偏痛。

天雄散，证阙。(说在术部)

以上四方，附子皆三枚。

桂枝甘草附子汤证曰：疼烦不得伸屈。

附子汤证曰：背恶寒。又曰：身体痛、手足寒、骨节痛。

以上二方，附子皆二枚。

四逆汤证曰：下利清谷不止、身疼痛。又曰：手足厥冷。

真武汤证曰：腹痛。又曰：四肢沉重、疼痛自下利。

桂枝加附子汤证曰：四肢微急、难以伸屈。

桂枝去芍药加附子汤证曰：恶寒。

附子粳米汤证曰：切痛。

麻黄附子甘草汤，证不具也。(说在麻黄部)

麻黄附子细辛汤，证不具也。(说在细辛部)

附子泻心汤证曰：恶寒。

桂姜草枣黄辛附汤，证不具也。(说在术部)

以上九方，附子皆一枚。

上历观此诸方，其证一是皆水病也。桂枝附子去桂加术汤条曰：一服觉身痹。半日许再服，三服都尽，其人如冒状，勿怪，即是术附并走皮中逐水气，未得除故耳。乌头桂枝汤条曰：初服二合，不知，即服三合，又不知，复加至五合。其知者，如醉状。得吐者，为中病也。此二者，言附子逐水瞑眩之状也。凡附子中病，则无不瞑眩。甚者脉绝色变，如死人状。顷刻吐出水数升，而其所患者，顿除也。余尝于乌头煎知之，附子之逐水也明矣。

互 考

凡附子、大戟、甘遂之类，同逐水气。而其用之也，随毒所在。附子主水气，而骨节及身体疼痛不可屈伸者，大戟、甘遂，则未必然矣。

桂枝加附子汤，附子一枚。桂枝附子汤，附子三枚。四肢微急、难以屈伸者，用附子一枚。身体疼烦、不能自转侧者，用附子三枚。随其痛剧，易附子亦有多少。则附子之功，可得而知也。

《本草纲目》曰：天雄散，治失精。其说曰：暖水脏益精，误矣。仲景以天雄逐水耳。精也，水脏也。造化之主，暖之益之，非人力之所及也。

辨 误

《本草纲目》曰：附子性大热。又云：大温。夫味之辛酸苦甘咸，食而可知也。性之寒热温凉，尝而不可知也。以不可知也为知，一测诸臆，其说纷纷，吾孰适从。夫仲景用附子以逐水为主，而不拘热之有无也。若麻黄附子细辛汤、大黄附子汤，其证岂得谓之无热乎？学者察诸。

孔子曰：名不正，则言不顺。有是哉？今所谓中风者，非古所谓中风也。仲景氏曰：头痛发热、恶风有汗者，名曰中风。今所谓中风，则肢体不遂者而其说昉于《金匱要略》及《千金方》。于是世之医者，因《金匱》、《千金》之方，治其所谓中风者故无效。王安道以其无效也，而设一论。更建曰：类中风。盖类也者，类似也。而《金匱》、《千金》之所谓中风，岂类《伤寒论》之所谓中风乎？不类也，宜其不得其治也。为则朝夕苦思，参考仲景氏之方，今所谓中风者，身体疼痛不仁，而往往附子之证也，今举一二而征焉。乌头桂枝汤证曰：手足不仁、身疼痛也。去桂加术汤证曰：身体疼烦、不能自转侧。桂枝加附子汤证曰：四肢微急、难以屈伸。今有此证而用此方，无一不中。中则瞑眩，疾乃瘳。吾故曰：今所谓中风者，非古所

谓中风。而仲景氏用附子剂者也，不可不知矣。

品 考

附子 今用本邦之乌头也。出于奥州南部津轻松前者，是为上品。今汉客来鬻者，盐藏而非自然之物也，其功能不与古人所论同也。李时珍曰：及一两者难得，但得半两以上者皆良。今汉客来鬻者，大及二两，小不下半两。本邦之乌头，与时珍所说，其轻重只同；而其效与古人之所用，亦只同也。于是乎吾不用彼而用此也。《博物志》曰：乌头、附子、天雄，一物也。《广雅》曰：奚毒附子也。一年为侧子，二年为乌喙，三年为附子，四年为乌头，五年为天雄。为则按：其效皆同，而后世辨别之不可从矣。铨用。

半 夏

主治痰饮呕吐也。旁治心痛、逆满、咽中痛、咳悸、腹中雷鸣。

考 证

大半夏汤证曰：呕吐。

以上一方，半夏二升。

小半夏汤证曰：呕吐，谷不得下。

小半夏加茯苓汤证曰：呕吐。又云：眩悸。

半夏厚朴汤证曰：咽中如有炙脔。

以上三方，半夏皆一升。

半夏泻心汤证曰：呕而肠鸣。

生姜泻心汤证曰：胁下有水气、腹中雷鸣。

甘草泻心汤证曰：腹中雷鸣。又云：干呕。

小柴胡汤证曰：呕。又云：咳。又云：心下悸。

大柴胡汤证曰：呕不止。

小青龙汤证曰：心下有水气、干呕、发热而咳。又曰：吐涎沫。

葛根加半夏汤证曰：呕。

黄芩加半夏生姜汤证曰：干呕。

越婢加半夏汤证曰：咳。

苓甘姜味辛夏汤证曰：呕。

栝蒌薤白半夏汤证曰：心痛。

黄连汤证曰：欲呕吐。

附子粳米汤证曰：腹中雷鸣。又云：逆满呕吐。

小陷胸汤证曰：结胸病，正在心下，按之则痛。

以上十四方，半夏皆半升。

半夏苦酒汤证曰：咽中伤生疮。

甘遂半夏汤证曰：心下续坚满。

以上二方，半夏十四枚，或十二枚，近半升。

半夏散证曰：咽中痛。

半夏干姜散证曰：干呕吐逆、吐涎沫。

半夏麻黄丸证曰：心下悸。

以上三方，半夏诸药等分。

上历观此诸方，半夏主治痰饮呕吐也明矣。其余诸证，呕而有痰者，一是皆半夏治焉。

互 考

呕者，生姜主之。呕而有痰者，半夏主之。

小半夏汤、五苓散，其所治大同而小异。小半夏汤治呕吐有痰饮者，五苓散治呕吐而小便不利也。

大半夏汤证，其载《金匱要略》者，盖非古也。今从《外台秘要》之文。

辨 误

余尝读《本草纲目》半夏条曰：孕妇忌半夏，为其燥津液也。不思之甚矣。古语有之曰：有故无损，此证而用此药。夫何忌之有？自后人为妊娠，而建其药之禁忌也。终使其证者，不得用其药。悲夫！夫妊娠者，人为而天赋也，故仲景氏无有养胎之药。媿身之后亦然。故方其有疾而药也，不建禁忌。故妊娠呕吐不止者，仲景氏用干姜人参半夏

丸。余亦尝治孕妇留饮掣痛者，与十枣汤数剂，及期而娩，母子无害也。古语所谓有故无损者，诚然诚然，孕妇忌半夏，徒虚语耳。

品 考

半夏 和、汉无别。铍用焉。世医姜汁掣之。此因本草入毒草部。而恐畏其毒，遂杀其能者也，不可从矣。

芫 花

主逐水也。旁治咳掣痛。

考 证

十枣汤证曰：引胁下痛。又曰：咳。

张仲景氏用芫花，莫过于十枣汤也。为则试服芫花一味，必大泻水。则其逐水也明矣。

辨 误

本草芫花条。慎微曰：《三国志》云：魏初平中，有青牛先生常服芫花，年百余岁，常如五六十。时珍曰：芫花乃下品毒物，岂堪久服，此方外迂怪之言，不足信也。为则曰：方外迂怪之说，固无论子疾医之道也。下品毒物，岂堪久服，时珍过矣！时珍过矣！有病毒而毒药以攻之，岂不堪久服邪？学者勿眩焉。

品 考

芫花 汉产为良。本邦亦出焉。本邦所产，今之所鬻者，颇多伪也，不可不正矣。本邦俗称志计武志，是真芫花也。

五 味 子

主治咳而冒者也。

考 证

小青龙汤证曰：咳。

苓桂五味甘草汤证曰：时复冒。

以上二方，五味子皆半升。

上观此二方。则五味子所主治也，咳而冒者明矣。

互 考

五味子、泽泻，皆主治冒者，而有其别。五味子治咳而冒者，泽泻治眩而冒者也。

辨 误

余尝读本草，有五味子收肺补肾之言，是非疾医之言也。原其为说，由五脏生克而来也。夫疾医之道熄，而邪术起，臆测之说于是乎行，无益于治也，不可从矣。

品 考

五味子 朝鲜之产，是为上品，汉次之。本邦之产，其品稍劣，铍用。

栝 蒌 实

主治胸痹也，旁治痰饮。

考 证

小陷胸汤证曰：结胸。

栝蒌薤白白酒汤证曰：胸痹、喘息咳唾。

栝蒌薤白半夏汤证曰：胸痹、不得卧。

枳实薤白桂枝汤证曰：胸痹。

以上四方，栝蒌实皆一枚。

上历观诸方。其治胸痹及痰饮也明矣。所谓胸痹者，胸膈痞塞是也。

互 考

枳实薤白桂枝汤条曰：胸痹云云。枳实薤白桂枝汤主之，人参汤亦主之。《金匱要略》，往往有此例，此非仲景之古也。夫疾医之处方也，各有所主，岂可互用乎？胸痹而胸满上气，喘息咳唾，则枳实薤白桂枝汤主之。胸痹而心下痞硬，则人参汤主之。此所

以不可相代也，学者思诸。

品 考

栝蒌实 颂曰：其形有正圆者，有锐而长者，功用皆同。今用世所谓玉章者，李时珍曰：栝蒌古方全用，后世乃分子瓢各用。今从古也。

葛 根

主治项背强也。旁治喘而汗出。

考 证

葛根黄连黄芩汤证曰：喘而汗出。（说在互考中）

以上一方，葛根半斤。

葛根汤证曰：项背强。

葛根加半夏汤，证不具也。（说在互考中）

桂枝加葛根汤证曰：项背强。

以上三方，葛根皆四两。

为则曰：葛根主治项背强急也。葛根汤及桂枝加葛根汤，皆足以征焉。

互 考

葛根黄连黄芩汤，其用葛根最多，而无项背强急之证，盖阙文也。施诸下利喘而汗出者，终无有效也。项背强急而有前证者即是影响也。其文之阙，斯可知也耳矣！

葛根加半夏汤条曰：太阳与阳明合病，此须疾医之言也，不取焉。葛根汤证而呕者，此方即主之也。

品 考

葛根 和、汉无异种。药铺所谓生干者，是为良也。铍用。

防 己

主治水也。

考 证

木防己汤证曰：支饮。

防己茯苓汤证曰：四肢肿。

防己黄芪汤证曰：身重。又曰：肿及阴。

以上三方，防己皆四两。

己椒苈黄丸证曰：肠间有水气。

以上一方，防己一两。

上历观此诸方，其治水也明矣，未见施诸他证者也。

互 考

木防己汤，人参为君，故治心下痞坚而有水者。防己茯苓汤，茯苓为君，故治四肢聂聂动而水肿者。防己黄芪汤，黄芪为君，故治身重汗出而水肿者。仲景氏用防己，未见以为君药者也，而其治水也的然明矣。

品 考

防己 有汉木二种。余家用所谓汉防己者也。为则按：木防己，出汉中者，谓之汉防己，譬如汉术辽五味子也。后世岐而二之，其茎谓之木防己，可谓误矣。余试用所谓木防己者，终无寸效。而所谓汉防己者，能治水也，于是断乎用之。陶弘景曰：大而青白色虚软者好，墨点木强者不佳。李当之曰：其茎如葛蔓延，其根外白内黄，如桔梗，内有黑纹，如车辐解者良。颂曰：汉中出者，破之文作车辐解，黄实而香，茎梗甚嫩、苗叶小类牵牛。折其茎，一头吹之，气从中贯，如木通然。它处者青白虚软，又有腥气，皮皱，上有丁足子，名木防己。苏恭曰：木防己，不任用也。

药征 卷下

日本 东洞吉益著

鄞县 曹炳章校点

香 豉

主治心中懊侬也。旁治心中结痛及心中满而烦也。

考 证

枳实栀子豉汤，证不具也。（说在互考中）

栀子大黄豉汤证曰：心中懊侬。

以上二方，香豉皆一升。

栀子豉汤证曰：心中懊侬。又曰：胸中窒。又曰：心中结痛。

栀子甘草豉汤，证不具也。（说在互考中）

栀子生姜豉汤，证不具也。（说在互考中）

以上三方，香豉皆四合。

瓜蒂散证曰：心中满而烦。

以上一方，香豉一合。

上历观此诸方，其主治心中懊侬也明矣。

互 考

枳实栀子豉汤条，无心中懊侬证。为则按：栀子大黄豉汤，此枳实栀子豉汤而加大黄者，而其条有心中懊侬之证。心中懊侬，固非大黄所主治也。然则枳实栀子豉汤条，其脱心中懊侬之证也明矣。栀子甘草豉汤、栀子生姜豉汤，是栀子豉汤加味之方也。故每章之首，冠以若字焉。心中懊侬而少气者，栀

子甘草豉汤。心中懊侬而呕者，栀子生姜豉汤，斯可以知已。

辨 误

栀子豉汤方后，皆有一服得吐止后服七字，世医遂误以为吐剂，不稽之甚。为则试之，特治心中懊侬耳，未尝必吐也。且心中懊侬而呕者，本方加用生姜其非为吐剂也，亦可以见矣。《伤寒论集注》曰：旧本有一服得吐止后服七字，此因瓜蒂散中有香豉，而误传子此也。今为删正，余亦从之。

品 考

香豉 李时珍曰：造淡豉法，用黑大豆二三斗，六月中淘净，水浸一宿，沥干，蒸熟，取出摊席上，候微温，蒿覆。每三日一看，候黄衣上遍，不可大过，取晒簸净，以水拌之，干湿得所，以汁出指间为准。安礮中，筑实，桑叶盖厚三寸，密封泥，于日晒七日，取出，曝一时，又以水拌入礮。如此七次，再蒸过，摊去火气，礮收筑封，即成矣。

泽 泻

主治小便不利冒眩也。旁治渴。

考 证

泽泻汤证曰：心下有支饮、其人苦冒眩。

五苓散证曰：小便不利、微热消渴。

以上二方，以泽泻为君药。泽泻汤，泽泻五两，五苓散一两六铢半。

茯苓泽泻汤证曰：吐而渴欲饮水。

以上一方，泽泻四两。

八味丸证曰：小便不利。又曰：消渴、小便反多。

以上一方，泽泻三两。

猪苓汤证曰：渴欲饮水、小便不利。

以上一方，泽泻一两。

牡蛎泽泻散证曰：从腰以下有水气。

以上一方，用泽泻与余药等分。茯苓泽泻汤以下四方，以泽泻为佐药也。

上历观此诸方，泽泻所主治也，不辨而明矣。

互 考

泽泻、五味子，同治冒而有其别也。说见于五味子部中。

辨 误

陶弘景曰：泽泻久服则无子。陈日华曰：泽泻催生，令人有子。李时珍辨之，其论详于《本草纲目》。夫怀孕，妇人之常也，而有病不孕，故其无病而孕者，岂其药之所能得失乎？三子不知此义，可谓谬矣。余尝治一妇人，年三十有余，病而无子，有年于兹。诸医无如之何，余为诊之。胸膈烦躁、上逆而渴，甚则如狂，乃与石膏黄连甘草汤，并以滚痰丸服之。周岁，诸证尽愈。其父大喜，以语前医。前医曰：治病则可，而不仁也。曰：何谓也？曰多服石膏，无子也，是绝妇道也。非不仁而何？其父愕然，招余诘之。余答曰：医者掌疾病者也。而孕也者，人为而天赋，医焉知其有无哉？且彼人之言，子何不察焉？彼人疗之十有三年，而不能治之，彼岂豫知其来者乎？其父曰：然。居顷之，其妇人始孕也。弥月而娩，母子无恙。余故曰：妇人无病，则孕非药之所能得失也。

品 考

泽泻 本邦仙台所出者，是为良也。铍用。

薏 苡 仁

主治浮肿也。

考 证

薏苡附子散，证不具也。

以上一方，薏苡仁十五两。

薏苡附子败酱散证曰：腹皮急、按之濡、如肿状、

以上一方，薏苡仁十分。

麻黄杏仁薏苡甘草汤，证不具也。

以上一方，薏苡仁半两。

互 考

薏苡附子散，证不具也，而薏苡附子败酱散，言如肿状，则主治浮肿明矣。麻黄杏仁薏苡甘草汤，亦就麻黄杏仁甘草石膏汤，而去石膏加薏苡，则用之于咳喘浮肿可也。

品 考

薏苡仁 和、汉无别，田野水边，处处多有焉，本交趾之种，马援载还也，本邦有二，其壳厚，无芽，以为念经数珠，不中用药也。有芽尖而壳薄，即意苡也，俗传其种弘法师之所将来也，因号弘法麦。

薤 白

主治心胸痛而喘息咳唾也，旁治背痛、心中痞。

考 证

栝蒌薤白白酒汤证曰：喘息、咳唾、胸背痛。

枳实薤白桂枝汤证曰：胸痹、心中痞。

以上二方，薤白皆半升。

栝蒌薤白半夏汤证曰：心痛彻背。

以上一方，薤白三两。

上历观此三方，薤白所主治也，不辨而明矣。

品 考

薤白 有赤白二种，白者为良。李时珍曰：薤叶状似韭，韭叶中实而扁，有剑脊，薤叶中空，似细葱叶而有棱，气亦如葱，二月开细花，紫白色，根如小蒜，一本数颗，相依而生。五月叶青则掘之，否则肉不满也。

干 姜

主治结滞水毒也。旁治呕吐嗽、下利厥冷、烦躁腹痛、胸痛腰痛。

考 证

大建中汤证曰：心胸中大寒、痛呕不能饮食。

苓姜术甘汤证曰：身体重、腰中冷。又云：腰以下冷痛。

半夏干姜散证曰：干呕吐逆、吐涎沫。

以上三方，干姜或四两，或诸药等分。

人参汤证曰：喜唾。又曰：心中痞。

通脉四逆汤证曰：下利清谷。又曰：手足厥逆。又云：干呕。

小青龙汤证曰：心下有水气、干呕。又云：咳。

半夏泻心汤证曰：呕而肠鸣。

柴胡姜桂汤证曰：胸胁满。又云：心烦。

黄连汤证曰：腹中痛欲呕吐。

苓甘五味姜辛汤证曰：咳胸满。

干姜黄连黄芩人参汤证曰：吐下。

六物黄芩汤证曰：干呕下利。

以上九方，干姜皆三两。

梔子干姜汤证曰：微烦。

甘草干姜汤证曰：厥，咽中干、烦躁吐逆。

干姜附子汤证曰：烦躁、不得眠。

以上三方，干姜二两、一两，而四两之例。

四逆汤证曰：下利清谷。又曰：手足厥冷。

以上一方，干姜一两半，而三两之例。

桃花汤证曰：下利。

干姜人参半夏丸证曰：呕吐不止。

以上二方，干姜一两，而三两之例。

上历观此诸方，其呕吐者，咳者、痛者、下利者之等，查是皆水毒之结滞者也。

互 考

孙思邈曰：无生姜，则以干姜代之。以余观之，仲景氏用生姜、干姜，其所主治，大同而小异。生姜主呕吐，干姜主水毒之结滞者也，不可混矣。

辨 误

本草以干姜为大热，于是世医皆谓四逆汤方中，姜、附热药也，故能温厥冷，非也。按厥冷者，毒之急迫也，故甘草以为君，而姜、附以为佐，其用姜、附者，以逐水毒也。何热之有？京师二条路白山街，有嘉兵卫者，号近江铺，其男年始十有三，一朝而下利，及至日午，无知其行数，于是神气困冒，医为独参汤与之。及至日晡所，手足厥冷，医大惧，用姜、附益多，而厥冷益甚，诸医皆以为不治。余为诊之，百体无温、手足瓣地、烦躁而叫号、如有腹痛之状、当脐有动、手不可近。余乃谓曰：是毒也！药可以治焉。知其死生，则我不知之也。虽然，今治亦死，不治亦死，等死，死治可乎？亲戚许诺。乃与大承气汤，（一帖之重十二钱）一服。不知，复与，厥冷则变为热、三服而神色反正，下利减半。服十日所，诸证尽退。由是观之医之于事知此药，解此毒耳。毒之解也，厥冷

者温，大热者凉。若以厥冷复常为热药，则大黄、芒硝，亦为热药乎？药物之寒热温凉不可论，斯可以知已。

品 考

干姜 本邦之产有二品，曰干生姜、曰三河干姜。所谓干生姜者，余家用之。所谓三河干姜者，余家不用之。

杏 仁

主治胸间停水也。故治喘咳，而旁治短气结胸、心痛、形体浮肿。

考 证

麻黄汤证曰：无汗而喘。

以上一方，杏仁七十个。

苓甘姜味辛夏仁汤证曰：形肿者，加杏仁。

以上一方，杏仁半斤。

茯苓杏仁甘草汤证曰：胸中气塞短气。

麻黄杏仁甘草石膏汤证曰：喘。

桂枝加厚朴杏子汤证曰：喘。

以上三方，杏仁皆五十个。

大青龙汤证曰：咳喘。

麻黄杏仁薏苡甘草汤，证不具也。（说在《类聚方》）

以上二方，杏仁四十个，二两而五十个之例。

大陷胸丸证曰：结胸者，项亦强。

走马汤证曰：心痛。

以上二方，杏仁诸药等分。

上历观此诸方，杏仁主治胸间停水也明矣。

互 考

杏仁、麻黄，同治喘，而有其别。胸满，不用麻黄。身疼，不用杏仁。其二物等用者，以有胸满身疼二证也。《金匱要略》曰：胸痹

云云，茯苓杏仁甘草汤主之，橘枳姜汤亦主之。为则按：胸痹短气、筋惕肉瞤、心下悸者，茯苓杏仁甘草汤主之。胸痹呕吐呃逆者，橘皮枳实生姜汤主之。二方治一证，非古之道也。桔萎实条，既辨明之，今不赘于兹也。

品 考

杏仁 和、汉无异品也。制之之法，去皮不去尖。

大 枣

主治牵引强急也。旁治咳嗽、奔豚、烦躁、身疼、胁痛、腹中痛。

考 证

十枣汤证曰：引胁下痛。又曰：咳烦、胸中痛。

葶蒌大枣汤证曰：咳逆上气、喘鸣迫塞。又曰：不得息。

以上二方，以大枣为君药，一则十枚，一则十二枚。

苓桂甘枣汤证曰：欲作奔豚。

越婢汤，证不具也。（说在《类聚方》）

生姜甘草汤，证不具也。（说在互考中）

以上三方，大枣皆十五枚。

甘麦大枣汤证曰：脏躁、喜悲伤。

以上一方，大枣十枚。

小柴胡汤证曰：颈项强。又云：胁痛。

小建中汤证曰：急痛。

大青龙汤证曰：身疼痛、汗不出而烦躁。

黄连汤证曰：腹中痛。

葛根汤证曰：项背强。

黄芩汤，证不具也。（说在《类聚方》）

桂枝加黄芪汤证曰：身疼重、烦躁。

吴茱萸汤证曰：烦躁。

以上八方，大枣皆十二枚。

上历试此诸方，皆其所举诸证，而有牵引强急之状者，用大枣则治矣，不则无效也。

且也十枣汤，大枣为君药，而有引痛证，斯可以为征已。

互 考

甘麦大枣汤条，有喜悲伤证，此毒之逼迫也，故用大枣以治挛引强急，用甘草、小麦以缓迫急也。

苓桂甘枣汤条，有奔豚证，此其毒动而上冲，有挛引强急之状者，故用大枣也。生姜甘草汤证曰：咳唾涎沫不止。为则按：若之人患，胸中有挛引强急之状，故用大枣居多也。

为则按：仲景氏用大枣、甘草、芍药，其证候大同而小异，要在自得焉耳。

辨 误

大枣养脾胃之说，非古也，不取焉。古人云：攻病以毒药，养精以谷肉果菜。夫攻之与养，所主不同，一物而二义。如曾晰之于羊枣，好而食之是养也。如十枣汤，用大枣，恶而不避，是攻也。无他嗜好之品，而充食用，则为养也。而充药物，则为攻也。十枣汤，大枣为君，而治挛引强急，岂以为养哉？

品 考

大枣 汉种者为良。其品核小而肉厚也，不去核而锉用之。

橘 皮

主治呃逆也。旁治胸痹停痰。

考 证

橘皮竹茹汤证曰：哕逆。（哕者呃之谓也）

以上一方，橘皮二斤。

橘皮枳实生姜汤证曰：胸痹。（说在杏仁部中）

以上一方，橘皮一斤。

橘皮汤证曰：哕。

以上一方，橘皮四两。

茯苓饮证曰：心胸中有停痰。

以上一方，橘皮二两半。

上历观此诸方，主治呃逆也明。胸痹者，停痰者，其有呃逆之证，则橘皮所能治也。

品 考

橘皮 近世间以柑子代橘皮，非也，可选用焉。真橘树者，余观之于和州春日祠前，于远州见附驿也。

吴 茱 萸

主治呕而胸满也。

考 证

吴茱萸汤证曰：呕而胸满。

以上一方，吴茱萸一斤。

品 考

吴茱萸 无臍物。

瓜 蒂

主治胸中有毒，欲吐而不吐也。

考 证

瓜蒂散证曰：胸中痞硬、气上冲咽喉、不得息者。

又曰：心中满而烦、饥而不能食者，病在胸中。

以上一方，瓜蒂一分。

品 考

瓜蒂 宗爽、时珍、以为甜瓜蒂。试之，无寸效也。又有一种，名栝瓜。其种殊少，而其形如栝。又有一种，如栝瓜而皮上有毛者，

其始皆太苦，而不可食也。及熟，则尤甜美，其蒂甚苦，有效可用。三才图会，所谓青瓜也，本邦越前之产，是为良也。

桂 枝

主治冲逆也。旁治奔豚头痛、发热恶风、汗出身痛。

考 证

桂枝加桂汤证曰：气自少腹上冲心。

以上一方，桂枝五两。

桂枝甘草汤证曰：其人叉手自冒心、心下悸、欲得按。

桂枝甘草附子汤，证不具也。（说在互考中）

苓桂甘枣汤证曰：欲作奔豚。

苓桂五味甘草汤证曰：气从少腹、上冲胸咽。

桂枝附子汤，证不具也。（说在互考中）

以上五方，桂枝皆四两。

桂枝汤证曰：上冲。又曰：头痛发热、汗出恶风。

苓桂术甘汤证曰：气上冲胸。

以上二方，桂枝皆三两。

上历观此诸方，桂枝主治冲逆也明矣。头痛发热之辈，其所旁治也。仲景之治疾，用桂枝者，居十之七八，今不枚举焉。

互 考

桂枝甘草汤证曰：其人叉手自冒心。为则按：叉手冒心者，以悸而上冲故也。桂枝甘草附子汤条，无上冲证。为则按：此方桂枝甘草汤，而加附子者也。桂枝甘草汤条，有上冲证。然则此汤，亦当有上冲证，其脱此证也明矣。

桂枝附子汤，用桂枝多于桂枝加附子汤，而无上冲证，盖阙文也。桂枝加附子汤条，犹有桂枝之证，况于此汤，而可无桂枝之证乎？

辨 误

范大成桂海志云：凡木叶心皆一纵理，独桂有两道如圭形，故字从之。陆佃《埤雅》云：桂犹圭也，宣导百药，为之先聘通使，如执圭之使也。为则按：制字之说，范为得之，盖以其所见而言之也。陆则失矣，盖以臆测之，而强作之说也。不可从矣！

《伤寒论》曰：桂枝本为解肌，非仲景氏之意也。不取，此盖注误入本文者也。

宗奭曰：汉张仲景，以桂枝汤治伤寒表虚。是不善读《伤寒论》之过也。《伤寒论》中间说表里虚实，非疾医之言也，盖后人所搀入也。凡仲景之用桂枝，以治上冲也。桂枝汤条曰：上冲者，可与桂枝汤，若不上冲者，不可与之。桂枝加桂汤条曰：气从少腹上冲心。又按去桂加术汤条曰：小便自利。由是观之，上冲则用桂，下降则否，斯可以见已。且虚实之说，仲景所言，不失古训，而后人所搀入，则不合古训。宗奭不善读书，而妄为之说，过矣！

品 考

桂枝 气味辛辣者，为上品也。李杲以气味厚薄分桂枝、肉桂。遂构上行下行之说，是臆测也，不可从矣。桂枝也，肉桂也，桂心也，一物而三名也。桂心之说，陈藏器、李时珍得之。

厚 朴

主治胸腹胀满也。旁治腹痛。

考 证

大承气汤证曰：腹胀满。又曰：腹中满痛。

厚朴三物汤证曰：痛而闭。

厚朴七物汤证曰：腹满。

厚朴生姜甘草半夏人参汤证曰：腹胀满。

以上四方，厚朴皆半斤。

枳实薤白桂枝汤证曰：胸满。

栀子厚朴汤证曰：腹满。

以上二方，厚朴皆四两。

半夏厚朴汤证曰：咽中如有炙脔。

以上一方，厚朴三两。

小承气汤证曰：腹大满不通。

以上一方，厚朴二两。

上历观此诸方，厚朴主治胀满也明矣。

互 考

厚朴三物汤条，无腹满证。此汤即大承气汤，而无芒硝者也。然则有腹满证，也可知已。其无芒硝者，以无坚块也。

辨 误

张元素曰：厚朴虽除腹胀，若虚弱人，宜斟酌用之，误则脱人之元气也。为则曰：是无稽之言也。古语曰：攻病以毒药，方疾之渐也，元气为其所抑遏，医以毒药攻之，毒尽而气旺，何怖之有？请举其征。大承气汤，厚朴为君，而有此汤之证者，多有不能食、神气不旺者，于是施以此汤，则毒除也。毒除能食，能食气旺，往往而然也。厚朴脱人之元气，徒虚语耳。

品 考

厚朴 汉产为良。本邦所产，非真厚朴也，不堪用矣。或云本邦之产，有二种，其一则冬月叶不落，是与汉土所产同，比睿山有之。

枳 实

主治结实之毒也。旁治胸满胸痹、腹满腹痛。

考 证

枳实汤证曰：心下坚大如盘。

以上一方，枳实七枚。

枳实芍药散证曰：腹痛烦满。

以上一方，枳实诸药等分。

桂枝枳实生姜汤证曰：心悬痛。

大承气汤证曰：腹胀满。

厚朴三物汤证曰：痛而闭。

厚朴七物汤证曰：腹满。

栀子大黄豉汤证曰：热痛。

以上五方，枳实皆五枚。

大柴胡汤证曰：心下急、郁郁微烦。

枳实薤白桂枝汤证曰：胸满。

栀子厚朴汤证曰：心烦腹满。

以上三方，枳实皆四枚。

小承气汤证曰：腹大满不通。

枳实栀子豉汤，证不具也。（说在互考中）

橘皮枳实生姜汤证曰：胸痹。

以上三方，枳实皆三枚。

上历观此诸方，枳实主治结实之毒也明矣。

互 考

仲景氏用承气汤也，大实大满，结毒在腹，则大承气汤，其用枳实也五枚。唯腹满不通，则小承气汤，其用枳实也三枚。枳实主治结实，斯可以见已。

枳实栀子豉汤，其证不具也。为则按：栀子香豉，主治心中懊恼。而更加枳实，则其有胸满之证明矣。

品 考

枳实 本邦所产称枳实者，不堪用也。汉土之产，亦多臞也，不可不择焉。《本草纲目》诸家，岐枳实、枳壳而为之说，非古也。吾则从仲景氏也。

栀 子

主治心烦也，旁治发黄。

考 证

大黄硝石汤证曰：黄疸。

梔子蘘皮汤证曰：身黄。

以上二方，梔子皆十五枚。

梔子豉汤证曰：烦。

梔子甘草豉汤，证不具也。（说在香豉部中）

梔子生姜豉汤，证不具也。（说在香豉部中）

枳实梔子豉汤，证不具也。（说在枳实部中）

梔子厚朴汤证曰：心烦。

梔子干姜汤证曰：微烦。

茵陈蒿汤证曰：心胸不安、久久发黄。

以上七方，梔子皆十四枚。

梔子大黄豉汤证曰：黄疸。

以上一方，梔子十二枚。

上历观此诸方，梔子主治心烦也明矣。发黄者，其所旁治也，故无心烦之证者而用之，则未见其效矣。

互 考

梔子大黄豉汤，梔子十二枚。为则按：当作十四枚，是梔子剂之通例也。

为则按：香豉。以心中懊侬为主，梔子则主心烦也。

辨 误

本草诸说，动辄以五色配五脏。其说曰：梔子色赤，味苦人心而治烦。又曰：梔子治发黄，黄是土色，胃主土，故治胃中热气。学者取其然者，而莫眩其所以然者，斯为可矣。

品 考

梔子 处处出焉。锉用。

酸 枣 仁

主治胸膈烦躁、不能眠也。

考 证

酸枣仁汤证曰：虚烦，不得眠。

（为则按：虚烦当作烦躁。）

以上一方，酸枣仁二升。

辨 误

时珍曰：熟用不得眠，生用好眠，误矣！眠与不眠，非生熟之所为也。乃胸膈烦躁，或眠或不眠者，服酸枣仁，则皆复常矣。然则酸枣仁之所主，非主眠与不眠也。而历代诸医，以此立论误也，以不知人道也。夫人道者，人之所能为也。非人之所能为者，非人道也。学圣人之道，然后始知之。盖眠者寤者，造化之主也，而非人之为也。而烦躁者，毒之为而人之造也，酸枣能治之。故胸膈烦躁、或寤而少寐、或寐而少寤，予不问酸枣之生熟，用而治之，则烦躁罢而寤寐复故。呜呼悲哉！圣人之世远人亡。历代之学者，其解圣经，往往以天事混之于人事，故其论可闻，而行不可知也。人而不人，医而不医，吾党小子慎之。勿混造化与人事矣。

品 考

酸枣仁 和、汉共有焉。汉产为良也。

茯 苓

主治悸及肉瞤、筋惕也。旁治小便不利、头眩烦躁。

考 证

苓桂甘枣汤证曰：脐下悸。

茯苓戎盐汤，证不具也。（说在互考中）

茯苓泽泻汤，证不具也。（说在互考中）

以上三方，茯苓皆半斤。

防己茯苓汤证曰：四肢聂聂动。

茯苓四逆汤证曰：烦躁。

以上二方，茯苓皆六两。

茯苓杏仁甘草汤，证不具也。（说在互考中）

以上一方，茯苓三两，而亦六两之例。

苓桂术甘汤证曰：身为振振摇。又云：头眩。

苓桂五味甘草汤证曰：小便难。

苓姜术甘汤，证不具也。（说在互考中）

木防己去石膏加茯苓芒硝汤，证不具也。（说同上）

小半夏加茯苓汤证曰：眩悸。

半夏厚朴汤，证不具也。（说在互考中）

以上六方，茯苓皆四两，此外苓桂剂颇多，今不枚举焉。

茯苓甘草汤证曰：心下悸。

以上一方，茯苓二两，而亦四两之例。

茯苓饮，证不具也。（说在互考中）

栝蒌瞿麻丸证曰：小便不利。

葵子茯苓散证曰：头眩。

真武汤证曰：心下悸、头眩、身瞤动。

附子汤，证不具也。（说在互考中）

桂枝去桂加茯苓汤证曰：小便不利。

以上六方，茯苓皆三两。

五苓散证曰：脐下有悸、吐涎沫而癫眩。

以上一方，茯苓十八铢。

猪苓汤证曰：小便不利、心烦。

桂枝茯苓丸证曰：胎动。（说在互考中）

以上二方，茯苓诸药等分。

上历观此诸方，曰心下悸、曰脐下悸、曰四肢聂聂动、曰身瞤动、曰头眩、曰烦躁，一是皆悸之类也。小便不利而悸者，用茯苓则治。其无悸证者而用之，则未见其效。然则悸者，茯苓所主治。而小便不利者，则其旁治也。头眩烦躁亦然。

互 考

茯苓戎盐汤、茯苓泽泻汤，各用茯苓半斤，以为主药，而不举茯苓之证。苓桂甘枣汤，亦用茯苓半斤，而有脐下悸之证。其他用茯苓为主药者，各有悸眩瞤动之证。况于二方多用茯苓，而可无若证乎？其证脱也必矣。

茯苓杏仁甘草汤方，是苓桂术甘汤去桂术加杏仁者也，然则其脱茯苓之证也明矣。

茯苓姜术甘汤，有身为振振摇证，此非桂之主证，而苓之所能治也，然则苓姜术甘汤条，脱此证也明矣。

木防己去石膏加茯苓芒硝汤方，是防己茯苓汤，以黄芪、甘草代人参、芒硝者。而防己茯苓汤，有四肢聂聂动之证，是非黄芪、甘草之主证，而茯苓之所主治也。由是观之，此汤脱四肢瞤动之证也明矣。

半夏厚朴汤，是小半夏加茯苓汤，更加厚朴、苏叶者也。然则其脱眩悸之证也明矣。

茯苓甘草汤方，是苓桂术甘汤，去术加姜者也。可以前例而推之。

茯苓饮，以苓为主，而不举其证，以他例推之。心悸下而痞硬、小便不利、自吐宿水者，此汤所主治也。

附子汤方，是真武汤去姜加参者也。真武汤条，有心下悸、头眩、身瞤动之证，然则此汤之条，脱若证也明矣。

桂枝茯苓丸证曰：胎动在脐上。为则按：盖所谓奔豚也，而不可臆测焉。以旁例推之，上冲心下悸，经水有变，或胎动者，此丸所主也。

人参茯苓黄连，其功大同而小异，说在人参部中。

品 考

茯苓 和、汉无异也。陶弘景曰：仙方止云茯苓，而无茯神。为疗既同，用之应无嫌。斯言得之，赤白补泻之说，此臆之所断

也，不可从矣。

用之太效。

猪 苓

主治渴而小便不利也。

考 证

猪苓汤证曰：渴欲饮水、小便不利。

猪苓散证曰：思水者。

以上二方，猪苓诸药等分。

五苓散证曰：小便不利、微热消渴。

以上一方，猪苓十八铢。

上历观此三方，猪苓所主治渴而小便不利也明矣。

品 考

猪苓 和、汉共有焉，汉产实者为良也。

水 蛭

主治血证也。

考 证

抵当汤证曰：少腹硬满云云。又曰：经水不利下。

抵当丸证曰：少腹满，应小便不利。今反利者，为有血也。

以上二方，水蛭或三十个、或二十个。

上观此二方，则水蛭之所主治也明矣。为则按：诊血证也，其法有三焉。一曰少腹硬满，而小便利者，此为有血，而不利者，为无血也；二曰病人不腹满，而言腹满也；三曰病人喜妄，尿虽硬，大便反易，其色必黑，此为有血也。仲景氏诊血证之法，不外于兹矣。

品 考

水蛭 苏恭曰：有水蛭、草蛭。大者长尺许，并能啖牛马人血。今俗多取水中小者，

龙 骨

主治脐下动也。旁治烦惊失精。

考 证

桂枝去芍药加蜀漆龙骨牡蛎汤证曰：惊狂、起卧不安。

以上一方，龙骨四两。

桂枝加龙骨牡蛎汤证曰：失精、少腹弦急。

天雄散，证阙。（说在术部中）

蜀漆散，证不具也。（说在互考中）

以上三方，龙骨三两，或诸药等分。

柴胡加龙骨牡蛎汤证曰：烦惊。

以上一方，龙骨一两。（说在外传中）

桂枝甘草龙骨牡蛎汤证曰：烦躁。

以上一方，龙骨二两，而亦四两之例。

上历观此诸方，龙骨所治惊狂烦躁失精也。无容疑者，为则每值有其证者，辄用之而间有无效者，于是乎中心疑之。居数岁，始得焉。其人脐下有动而惊狂、或失精、或烦躁者，用龙骨剂，则是影响。其无脐下动者而用之，则未见其效。由是观之，龙骨之所主治者，脐下之动也。而惊狂失精烦躁，其所旁治也。学者审诸。

互 考

蜀漆散条，所谓症者，是寒热发作有时也。而其有脐下动者，此散所主治也。无脐下动者，而用之，则未见其效。

辨 误

龙骨之说，或曰毙也，或曰石也，诸说终无有一定也。为则按：譬如人物乎，父精母血，相因为体，人人而所知也。虽然，果然之与，不孰究论之龙骨亦然。究论何益之有？至如其效用，则此可论也可择也，不可

不知也。

品 考

龙骨 以能化者为上品也。有半骨半石之状者，是未化也。取龙骨法，如取石膏法也。打碎用之。

牡 蛎

主治胸腹之动也。旁治惊狂烦躁。

考 证

桂枝去芍药加蜀漆龙骨牡蛎汤证曰：惊狂、起卧不安。

以上一方，牡蛎五两。

牡蛎汤，证不具也。（说在互考中）

以上一方，牡蛎四两。

牡蛎泽泻散，证不具也。（说在互考中）

以上一方，牡蛎诸药等分。

柴胡姜桂汤证曰：微烦。

以上一方，牡蛎三两。

桂枝甘草龙骨牡蛎汤证曰：烦躁。

以上一方，牡蛎二两，而亦四两之例。

柴胡加龙骨牡蛎汤证曰：烦惊。

以上一方，牡蛎一两半。（说在外传中）

上历观此诸方，牡蛎所治惊狂烦躁，似与龙骨无复差别。为则从事于此也久之，始知牡蛎治胸腹之动矣，学者亦审诸。

互 考

牡蛎黄连龙骨同治烦躁，而各有所主治也。膈中黄连所主也，脐下龙骨所主也，而部位不定、胸腹烦躁者，牡蛎所主也。

牡蛎汤条曰：疟。牡蛎泽泻散条曰：有水气。其所举之证，盖不具也。以他例推之。喘急息迫，而胸中有动者，牡蛎汤主之也。身体水肿、腹中有动、渴而小便不利者，牡蛎泽泻散主之也。学者审诸。

品 考

牡蛎 壳之陈久者为良也。余家今用出于艺州者也。坊间所鬻者，不堪用也。

《药征》终

跋

盖古书之贵于世，以施诸今而有征也。其古虽并于诗书，言之与实背驰，则不足贵矣。本草之书，传于世也虽邈焉。凿说之甚，辨折以胸臆，引据以神仙，其言巧而似。于是其理达而远乎实，游断谍谍，不异赵括之论兵也。先考东洞翁，于是作《药征》，考校效验，订绳谬误，揣权宜，精异同。虽颇穷经旨，未尝有如本草说多能者。然循其运用之变，奏异功则殆如天出，而俏性多能，是方之功，而非一物之能也。夫阳燧取火于日，方诸取露于月，而浮云盖其光，则水火忽不可致也。而终日握阳燧不得温手，终夜舐方诸不能止渴。方诸阳燧，虽致水火，责之以其能而不获者，非自然之能也。自然之能出乎天，而不假他力，法用之功成乎人，而不能独立，不可苟混焉。本草辨其所以，而不识其实，主治混淆，的证难分，莫法之可以据，载籍虽古，岂足尊信哉？行考之于《药征》也，主治颇详明，不道阴阳，不拘五行，以显然之证。征于长沙之法，推功之实，审事之状，阐众之所未发，以烛乎冥行之徒。诚扁鹊之遗范也。其书之已成，受业者奉之，屡请刊行。翁喟然欢曰：过矣！刊行何急？世所刊之书，后欲废者，往往有之，皆卒然之过也。药论者，医之大本，究其精良，终身之业也。今刊未校之书，传乎不朽，为人戮笑，宁蠹灭于椟中，终不许焉。翁卒暨于今十有二年，遂命剞劂之师，利行之于世矣。

天明甲辰之冬十一月朔男猷谨题

药征续编

〔日〕 村井 杣 撰

《药征续编》提要

东邦东洞翁之撰《药征》一书，采征仲景常用药五十三品，伟业未竟，人遽云亡。其门弟子村井续征十品，分上下二卷，仍分考证、互考、辨误、品考、为四例。仿先师前法，辨论仲景用药奥义，阐发较详，附录一卷，采药七十二品。每分品考辨误，辨古之妄，释今之惑，定正考核，十易寒暑。其序云：观象索本，知几通变，非天下至精，孰能与于此哉？仲景氏出，方法悉备，其书虽存，而知意味者鲜矣。按东洞先生为彼邦汉医复古派之有力分子，学问渊博，著述等身，从游者数百人。治旧痾，起废疾，名振西海。尝谓其及门曰：仲景氏用药方法，有药能方验药功，宜分别辨认，不可混而为一也。如斯而得入神，孰不为良医耶？村井大年，肥后人也，笃信东洞衣钵之传，能竟先师未竟之志，集《药征》未载之药品，稽古征今，审其功能，作《药征续编》。大年之精斯道也。读此书观其所论，从可知焉。

《续编》序

孔子曰：精义入神，以致用也。医药之道，苟不精义，致用也难矣。其观象索本，知几通变，非天下至精，孰能与于此哉？仲景氏出，方法悉备，其书虽存，而知意味者鲜矣。于是治疾之要，唯知随证，而不知观证之有法也。其论药能方验药功，混为一，终不辨本性也。如斯而得入神，孰不为良医耶？村井大年，肥后人也，笃信吾先考东洞翁。治旧疴，起废疾，名声振西海。顷者集《药征》不载之药品，稽古征今，审其功能，作《药征续编》，大年之精斯道也。读此书而观其所论，则可知焉。

宽政丙辰仲冬平安吉益猷修夫序

《药征续编》目录

卷上

赤石脂·····	295
栝楼根·····	295
蜀漆·····	296
生姜·····	297

卷下

桃仁·····	301
巴豆·····	303
蜜·····	304
蜜虫·····	305
虻虫·····	307
阿胶·····	307
粳米·····	309
小麦·····	310
大麦·····	310
粉·····	310
赤小豆·····	311
胶饴·····	311
酒·····	311
醇酒·····	311
清酒·····	311
法醋·····	311
苦酒·····	311
美酒醯·····	312
白酒·····	312
浆水·····	313
清浆水·····	313
白饮·····	313
饮·····	314
暖水·····	314
沸汤·····	314
麻沸汤·····	314
鸡子白·····	314
鸡子黄·····	314

鸡屎白·····	314
马通汁·····	314
猪膏·····	314
猪脂·····	314
猪肤·····	315
猪胆·····	315
獭肝·····	315
羊胆·····	315
羊肉·····	315
蜘蛛·····	315
蛭蟥·····	315
白鱼·····	315
衣中白鱼·····	316
文蛤·····	316
雄黄·····	316
矾石·····	317
戎盐·····	317
云母·····	317
禹余粮·····	317
代赭石·····	317
真珠·····	317
黄丹·····	318
白粉·····	318
黄土·····	318
苦参·····	318
狼牙·····	318
蒲灰·····	318
苇茎·····	318
知母·····	318
麦门冬·····	319
蛇床子·····	319
麻子仁·····	319
土瓜根·····	319
干苏叶·····	319

葱白.....	319	蜀椒.....	320
败酱.....	319	椒目.....	320
瓜子.....	319	乌梅.....	320
瓜瓣.....	319	秦皮.....	320
菟花.....	320	藁皮.....	320
瞿麦.....	320	山茱萸.....	320
薯蓣.....	320	柏叶.....	321
商陆.....	320	竹叶.....	321
海藻.....	320	竹茹.....	321
葵子.....	320	乱发.....	321
干漆.....	320	人尿.....	321
皂荚.....	320		

药征续编 卷上

日本 肥后医人村井柁著

鄞县 曹赤电炳章校点

赤 石 脂

主治水毒下利。故兼治便脓血。

考 证

桃花汤证曰：下利便脓血。

赤石脂禹余粮汤证曰：下利不止。

上二方，赤石脂各一斤。

乌头赤石脂丸，证不具。

上一方，赤石脂一两。

据此三方，则赤石脂，治水毒下利不止便脓血明矣。

互 考

赤石脂配干姜，则治腹痛下利。若无腹痛，则不配干姜。

乌头赤石脂丸，证不具。但云治心痛彻背，背痛彻心者，虽然，此方岂惟治心背彻痛乎？后世误载之《金匱要略·心痛》病篇内。故世医皆以为但治心痛之方也。柁按：此方本当在六经病篇内，某证条下，而治心痛彻背，背痛彻心者矣。今详前后之条，及病证方法，盖厥阴病，蛔厥，心痛彻背，背痛彻心，下利恶寒者主之。当是同甘草粉蜜汤，大建中汤等，在乌梅丸之前后矣。《外台秘要》第七心背彻痛方内曰：仲景《伤寒论》，心痛彻背，背痛彻心，乌头赤石脂丸主之。小注云：出第十五卷中。然则是本《伤寒论·厥阴病》篇内方，而必有前后之证存矣。何以言之？则蜀椒治蛔厥，干姜治下利腹痛，乌

头、附子，并治四肢厥逆，赤石脂惟治下利。由此观之，此方岂惟治心背彻痛乎？余尝疑乌梅能治蛔，故蛔厥心痛彻背，背痛彻心，则此方不可无乌梅矣。然则乌头是乌梅之误矣乎？凡仲景之方，无乌头、附子并用者，则益知乌头是乌梅之误矣。柁又按：《外台秘要》第七久心痛方内，有范汪疗久心痛方，又名乌头赤石脂丸。方内有桂心，（桂心即桂枝，唐方皆以桂枝为桂心）无附子，此为异耳。或疑附子是桂枝之误矣乎？桂枝能治上冲而厥者，乌头、附子，本同物同功，并存以俟明者试效而已。

桃花汤方曰：赤石脂一斤，一半全用，一半筛末，是分赤石脂一斤以为各半斤。干姜一两，粳米一升，以水七升，煮米令熟，去滓，取七合，又取半斤赤石脂末内方寸匕，温服，一日三服。后内赤石脂末方寸匕者，未知何故也，宜随仲景之法施之。《外台秘要》引崔氏方，阮氏桃花汤，分两法，则与此不同，可考。

品 考

赤石脂理膩黏苦缀唇，鲜红桃花色者为上品，近年佐渡州所产者是也。凡方有桃花名者，以有赤石脂也。又有桃花丸，皆即此物耳。

栝 楼 根

主治渴。

考 证

柴胡桂枝干姜汤证曰：渴而不呕。

小柴胡去半夏加栝楼汤证曰：发渴者。

上二方，栝楼根各四两。

栝楼桂枝汤，证不具。

栝楼瞿麦丸证曰：其人若渴。

上二方，栝楼根各二两。

栝楼牡蛎散证曰：渴不差者。

牡蛎泽泻散证不具。

上二方，栝楼根诸药等分。

据此诸方，则栝楼根治渴明矣。凡渴有二证。烦渴者，石膏主之，但渴者，栝楼根主之。是宜分别而治之。按栝楼根者，盖兼治口中燥渴及黏者，然是非栝楼根一味之主治也。合用而后见其妙，要宜考之于柴胡桂枝干姜汤，栝楼桂枝汤二方。

互 考

栝楼桂枝汤证，不具。然太阳病，其证备云，则是全备桂枝汤证之谓也。但身体强几几然云者，岂独栝楼根所主乎？几几然，是项背强急之状也。故桂枝加葛根汤证曰：此方盖于桂枝加葛根汤证曰：项背强，几几然，则几几然，是为葛根之证明矣。余故曰：此方盖于桂枝加葛根汤方内，加栝楼根二两，煮法水率，亦皆依桂枝加葛根汤法，而不依桂枝汤法也。岂不其征乎？然则益知此方者，是桂枝加葛根汤证全备而渴者主之。《类聚方》不载此方，水率煮法者误也。

牡蛎泽泻散，证不具。此方七味等分之剂，而不知何以为主药也？然今此谓大病差后，从腰以下有水气，则必有渴证明矣，故有栝楼根也。

辨 误

《尔雅》曰：果臝之实栝楼。郭璞曰：今齐人呼之为天瓜。李巡曰：栝楼子名也。据此说，则根名果臝，子名栝楼。凡仲景之方，

栝楼桂枝汤，栝楼瞿麦丸，柴胡去半夏加栝楼汤，及牡蛎泽泻散，柴胡桂枝干姜汤二方内，栝楼皆当作果臝。若作栝楼，则当须加根字。不然，与子相混，不可不改焉。又小陷胸汤，瓜蒌薤白白酒汤，瓜蒌薤白半夏汤，枳实薤白桂枝汤方内，瓜蒌实皆当作栝楼也，实字当削之。李时珍曰：栝楼即果臝二字音转也，亦作蔬蔬，后人又转为瓜蒌，愈转愈失其真矣。时珍之说非也，栝楼决非果臝音转也，《尔雅》岂以音转注之乎？瓜蒌蔬蔬，后世假栝楼之音者也。蔬蔬本见《灵枢经》，盖俗字，误见于经，后人所作乎？栝楼非果臝之音转可知矣。

品 考

栝楼二品，其色赤，一其色黄，但其根不异，通用而可也。雷敩曰：圆者为栝，长者为楼，亦属牵强。今药肆所有者，土瓜根混卖，不可不择也。盖土瓜根，短如甘薯，味苦。天瓜长如薯蕷，最大，味甘微苦，宜以此分别也。若无此物，则天花粉可权用。其色如雪，握之又作雪声，不贴银器者佳。

蜀 漆

主治胸腹及脐下动剧者，故兼治惊狂，火逆疟疾。

考 证

桂枝去芍药加蜀漆龙骨牡蛎救逆汤证曰：惊狂起卧不安者。

牡蛎汤证曰：牡疟。

上二方，蜀漆各三两。

牡蛎泽泻散，证不具。

蜀漆散证曰：牡疟，多寒者。

上二方，蜀漆诸药等分。

据此诸方，则蜀漆之为功，古来未尝谓治动矣。然疟疾，及惊狂火逆诸证，必有胸腹脐下动剧者。故见其有动者而用之，则诸

证无不治者。然则蜀漆者，治胸腹及脐下动剧者明矣。

互 考

牡蛎汤服法曰：吐则勿更服。今疟疾有喘鸣急迫，或自汗，或不汗，胸腹动剧者，服之，则其人必吐水数升，而尤其证不愈者，若有不吐者，则其证不愈也。由此观之，蜀漆能吐水毒，动是水毒明矣。当知疟之为病，亦水毒之所为矣。虽然，此方岂惟治疟疾乎？凡病人喘鸣迫塞，或自汗，或不汗，胸腹动剧，皆此方能治之。往来寒热，发作有时，所以不像也。晋唐以来，世医之见仲景之方也，皆以为惟治伤寒者。故如彼葛洪、孙思邈、王焘、许叔微之书，皆知备仲景之方于伤寒门，而未尝知治万病矣。殊不知仲景本取治万病之方，以治伤寒矣。降至赵宋之时，有《金匱要略》之书，当时如王洙，得仲景治伤寒中杂病证之方于蠹简之中，而后各分其门，以为一书。世之为医者，遂称其书谓之《金匱玉函》之方。金匱之玉函之，盖尊重之至也。自此以往，世之为医者，又见某门之方，以为某方惟治某证，于是乎如牡蛎汤蜀漆散二方，亦置诸疟疾篇内，而徒知治疟疾，未尝知治余病矣。甚之束之高阁，而谓古方不宜今病，可胜叹哉！呜呼！仲景之方法之衰也，不独王叔和为之，彼葛孙王许实为之，又医道之大罪人乎哉？

桂枝去芍药加蜀漆龙骨牡蛎救逆汤证曰：惊狂，起卧不安。钝按：此证者，是外证也。凡仲景之为法，不独以外证治之，且并诊内外治之。故无胸腹及脐下动者，若虽有惊狂起卧不安证，亦非此方所宜也。呜呼！是吾东洞翁千古卓识，吾侪岂不奉此乎哉？

蜀漆散证不具，且云牡疟。盖牡疟者，独寒不热，非无热也，多寒也。夫疟之为病，先其寒而后其热，虽然，不可以寒热治疟，则岂无内候在乎？曰：必有脐下动剧矣。故仲景尝以龙骨主之，以蜀漆佐之，医者其察诸。

牡蛎泽泻散证不具，然以仲景用牡蛎之方推之，则其证必有胸腹之动剧。苟有胸腹之动剧，则无有不加蜀漆之方。由此观之，盖此方治水肿胸腹之动剧而渴者明矣。《方极》可考。凡仲景之治动也，其活法有三：有胸腹之动，则以牡蛎治之；有脐下之动，则以龙骨治之；有胸腹脐下之动剧，则以蜀漆治之。此为仲景治动之三活法矣。故仲景之方，有以蜀漆配之牡蛎者，或有配之龙骨者，或有配之龙骨、牡蛎者，是又仲景用蜀漆之法也。本论不载此法者，盖属脱误。故晋唐以来，无有知蜀漆之功者，而诸病之有动者最多。则动之为病也，为诸病内候之主证，而最为难治者。虽然，二千年来，诸医之说诸家本草，何其不载龙骨、牡蛎、蜀漆之本功矣乎？或云：牡蛎之咸，消胸腹之满；或云：龙骨、牡蛎，收敛神气；或云：蜀漆辛以散之；或云：龙骨、牡蛎之涩以固之。未尝见言及治动之功者，又未尝知动之为诸病内候之主证也。吾东洞翁，生于二千年之下，始知龙骨、牡蛎、蜀漆之功，其说详于本条之下，是诚二千年来不传之说。而翁独得其旨者，不亦伟乎？韩退之尝推尊孟子，以为功不在禹之下，余以为翁之有功于我医，不在仲景之下矣。是非余之过论也。

品 考

蜀漆，乃常山苗，其功与常山同，蜀漆无华舶来之物。常山者，华物为良，和产多伪品。若无蜀漆，则常山可以权用。本邦亦多产。医者或未知此物。

生 姜

主治呕。故兼治干呕噦逆。

考 证

小半夏汤证曰：呕吐谷不得下。

小半夏加茯苓汤证曰：卒呕吐。又曰：先

渴后呕。

厚朴生姜半夏甘草人参汤证，不具。

橘皮汤证曰：干呕哕。

橘皮竹茹汤证曰：哕逆。

橘皮枳实生姜汤证，不具。

以上六方，生姜各半斤。

生姜半夏汤证，不具。

上一方，生姜汁一升。

黄芩桂枝五物汤证，不具。

吴茱萸汤证曰：食谷欲呕。又曰：干呕。又曰：呕而胸满。

上二方，生姜各六两。

大柴胡汤证曰：呕不止。又曰：呕吐。

生姜甘草汤证曰：咳唾涎沫不止。

梔子生姜豉汤证曰：呕。

旋覆花代赭石汤证曰：噎气不除。

厚朴七物汤证，不具。

厚朴半夏汤证，不具。

当归生姜羊肉汤证，不具。

以上七方，生姜各五两。

茯苓泽泻汤证曰：吐而渴。

生姜泻心汤证曰：干噎食臭。

茯苓饮证曰：自吐出水。

以上三方，生姜各四两。

桂枝汤证曰：干呕。（凡桂枝汤出入诸方皆仿之）

真武汤证曰：呕。

黄芩加半夏生姜汤证曰：呕。

桂枝枳实生姜汤证曰：诸逆。

茯苓甘草汤证，不具。

以上五方，生姜各三两。

干姜人参半夏丸证曰：呕吐不止。

上一方，生姜汁糊丸。

据此诸方，则生姜但治呕也，哕逆噎气干呕，或干噎食臭，皆呕吐轻证也。故加咳唾涎沫不止，似哕不哕，亦生姜所兼治也。岂不呕之余证乎？

互 考

凡仲景之方，二百十余方。而其内用生姜之方，六十有余首。并用大枣之方，四十有七首。又其内生姜五两，对大枣十二枚之方二首（十二枚乃四两之例，若去核则为三两）对十枚之方一首（十枚乃三两八铢之例），对十五枚之方一首（十五枚乃五两之例）。生姜六两，对大枣十二枚之方一首。生姜四两，对大枣十二枚之方一首。生姜一两，对大枣十枚之方一首。生姜半斤，对大枣三十枚之方一首（三十枚者十两之例）。如此数方，无不专取生姜、大枣之功者。又桂枝汤，去加之方，二十有六首，及越婢汤之方三首，葛根汤之方二首，小柴胡汤之方五首，文蛤汤，防己黄芪汤，以上十三方，凡三十有九首。皆以生姜三两，对大枣十二枚，虽他品加减之。亦至生姜、大枣，无有变之者何也？其证不变故乎？又别有妙用乎？由此观之，姜与枣者，虽为日用饵食之物，亦仲景方内二味必相对者多，则盖似有调和之意。故后世谬仿之，方后必有谓姜、枣水煎者。虽似取仲景之法，亦未知其本功之所在也。殊不知生姜、大枣之于其证也，每方必有其所治之毒矣。宜以桂枝汤小柴胡汤，二方之证征之。若以日用饵食之物推之，则如粳米、赤小豆、大小麦、香豉、酒酢、饴蜜、白朮酒、薤、葱之类，其谓何矣？钝以为如此诸品，亦或有所建单用之功者，或有所助诸药之毒者。余故曰：不可以日用饵食之物推之，然夫如姜与枣，亦别有大勇力者矣，宜以考证中诸方察之。夫孔子每食不撤姜，曾晰常嗜羊枣，亦不可以药中姜、枣见之。今以此为治病之材，则又有大攻毒之功。凡药材以饵食见之，则至桂枝究矣。古者姜、桂、枣、栗，以为燕食庶羞之品，故内则曰：枣、栗、姜、桂。吕览有言，和之美者，阳朴之姜，招摇之桂。是乃古人所常食之物也，又何毒之有？虽然，良医橐而药之，则虽谷肉果菜，亦皆为治病良

材，而无有所不驱除其病毒者。东洞翁有言曰：药之为毒，毒即能，能即毒，知言哉？夫生姜之治呕也，犹桂枝之治上冲，大枣之治拘挛矣。当此时，岂以日用饵食之物论之乎？是以至大枣、生姜相对之方，则又有所合治之功也。如其量法多少，则其功用，亦有所不同者也。《集验方》（《外台秘要》所引）疗肺痿，有生姜五两、甘草二两、大枣十二枚之方。《古今录验》（同上）疗上气，有甘草三两、桂枝四两、生姜一斤之方。由是观之，桂枝与姜、枣，岂以日用饵食之物论之乎？况又于其单用独立之方乎？医者其详诸。

厚朴生姜半夏甘草人参汤证不具，但云：发汗后腹胀满者主之。胀满是厚朴之所主也，今其生姜为半斤，半夏为半升，岂无呕吐兼发之证矣乎？《方极》、《类聚方》可并考。

桂枝枳实生姜汤证曰：心中痞，诸逆，心悬痛。东洞翁曰：痞下疑脱满字。今因此说，则心中痞满者，是枳实之所主。而诸逆者，盖上逆吐逆呕逆之谓也。上逆者，桂枝之所治也。吐逆呕逆者，生姜之所治也。

橘皮枳实生姜汤证，不具。桤按：此方盖橘皮之证多，故为一斤。枳实之证少，故为三两。今加生姜半斤者，岂无有呕证多矣乎哉？故此方呕证不具者，盖属阙文。宜以诸汤加生姜半斤之方推知之。

黄芪桂枝五物汤证，不具。此方本于桂枝加黄芪汤方内加黄芪一两，足前成三两，生姜三两，足前成六两，而去甘草二两，但煮法水率不同耳。故东洞翁曰：桂枝加黄芪汤证，而呕不急迫者主之，是所以生姜之为六两也。

厚朴七物汤证，不具。此方虽生姜、大枣相对，亦生姜多于大枣，则岂得无呕证不具乎？故东洞翁曰：此方于厚朴三物汤桂枝去芍药汤二方内，更加生姜二两，足前成五两，盖二方证而呕者主之。

半夏厚朴汤证曰：妇人咽中如有炙脔，岂因有此一证，而得用此方乎？今依《千金

方》，则作治胸满心下坚（按《千金方》及冀硬字皆作坚，此坚字亦硬字也）。咽中帖帖，如有炙肉脔，吐之不出，咽之不下，是吐之不出，咽之不下，似有呕逆之状。故有生姜五两，半夏一升，此方岂惟妇人之治耶？虽男子亦有此证，则宜施之。

当归生姜羊肉汤证，不具。此方未试之，故今略之。

茯苓甘草汤证，不具。桤按：此方之证，以有茯苓、生姜各三两观之，则有悸无呕者，盖属脱误也。故东洞翁曰：当有冲逆而呕证。余曰：心下悸上冲而呕者，此方主之，屡试屡验。

生姜半夏汤证曰：病人胸中似喘不喘，似呕不呕，似哕不哕，彻心中愤愤然无奈。桤按：是疑非此方全证，何则？生姜、半夏之为功，本惟治呕吐。然今于此方，何其谓似呕不呕乎？若其然，则似无生姜、半夏之所治之证矣。由是观之，似呕不呕四字，盖属衍文，而有呕吐之证不具可知矣。虽然，似喘不喘，似哕不哕者，似有呕吐兼发之证。故今煮半夏半升，以内生姜汁一升者，是欲大取生姜之功也。余故曰：半夏能治呕吐兼发者，生姜能治但呕者，又能治呕多吐少者，故方内有生姜、半夏并用者，则必谓呕吐，或谓卒呕吐，或谓呕吐不止。若有生姜而无半夏，则谓但呕或谓干呕，或谓干呕哕，或谓哕逆，或谓食谷欲呕，或谓呕而胸满，或谓诸逆，是可以征焉？然则此方治呕吐兼发者明矣。故法曰：呕止停后服。岂其谓似呕不呕，而后谓呕止停后服可乎？

茯苓泽泻汤方生姜四两，但云胃反，吐而渴欲饮水者。今有吐而无呕者，盖属脱误。因屡试此方，若施无呕者，则未尝见奏其效者，若施之吐后，但呕而渴者，则其效之速也，如桴鼓相应然。由此观之，此方能治病人胃反，呕而渴欲饮水者。夫胃反者，吐食也。然则此胃反吐之吐字，盖呕字之误可知矣。不然，属重复，若作呕字，则其义始稳。

当，其证亦可谓具而已。按呕吐者，是水毒之上逆者也。桂枝能下其上逆，生姜能止其呕，泽泻、术、茯苓能泻之小便，甘草能缓其呕之急迫者，益知此方之下脱呕证明矣。《类聚方》可并考。

生姜泻心汤方，有半夏半升、生姜四两、而无呕吐证者何？曰：于噫食臭，是乃呕之轻证也。曰：然今有半夏、生姜，而无呕吐兼发证者何？然此方于半夏泻心汤方内减于姜二两，加生姜四两，岂无呕吐兼发证乎？夫半夏泻心汤之为方，治呕而肠鸣、心下痞硬者，既于本方谓呕而肠鸣，故今于此方而不重举呕证者，欲使人思得之也。仲景之方，多此类也，然则此方略呕证，而脱吐证者欤。

茯苓饮证曰：自吐出水。方曰：生姜四两。然则此方，岂但吐出宿水乎？必有呕证明矣。

辨 误

凡生姜之功，详于诸家本草。虽然，其说非疾医之义。盖服饵家腐谈而误世者，不为不少矣。曰：姜久服通神明。曰：姜要热，则去皮。要冷，则留皮。曰：姜制半夏、厚朴之毒。曰：生姜屑、生干姜、生姜，分别用之。曰：姜能彊御百邪。以上诸说，非疾医之义，奚俟余之言哉。呜呼！如食之通神

明之说，则出于伪书《本草经》。朱子尝取此说以注论语。余虽未知其是否，何其说之迂也？陈藏器去皮留皮之言，彼岂知生姜之功，在一根之中矣乎？又至如彼生姜制半夏、厚朴之毒之说，一何盲昧之至于此乎？若夫生姜制半夏之毒，则仲景何用生姜半夏汤、小半夏汤乎？若夫生姜制厚朴之毒，则仲景何用厚朴生姜半夏人参甘草汤、厚朴半夏汤乎？苟如李杲之言，半夏、厚朴，实为钝物，又与不用同焉。夫仲景之用生姜与半夏、厚朴也，则取其毒之用耳，又何制之为？况生姜能姜御百邪之言，则时珍误裁断王安石姜能彊我者也。于毒邪臭腥寒热，皆足以御之之说，而惟云彊御百邪，于义不通。安石之说，犹且牵强，而况于时珍之言乎？是大惑后人，不可从焉。孙思邈曰：姜为呕家圣药。陶弘景尝谓不撤姜食，不多食，言可常食，但不可多尔，有病者是所宜矣。二子之言为得焉。

品 考

生姜宿根，谓之老姜者，为良。霜后采之，水洗尘土，不必去皮，惟锉用。本邦医家用生姜也，徒托之病家妇女之手，而未尝问其生新否。乃云生姜一斤水煎。若依医人之言，则生姜者，是徒加之具耳，岂为治病之材乎哉？医者其宜择生新者，取其效已。

药征续编 卷下

日本 肥后医人村井桃著

鄞县 曹赤电 炳章校点

桃 仁

主治瘀血，少腹满痛，故兼治肠痈，及妇人经水不利。

考 证

桃仁承气汤证曰：少腹急结。

大黄牡丹皮汤证曰：少腹肿痞。

苇茎汤证不具。

上三方，桃仁各五十枚。

下瘀血汤证曰：产妇腹痛。又曰：经水不利。

上一方，桃仁三十枚。

大腹虫丸证曰：腹满。

上一方，桃仁一升。

抵当丸证曰：少腹满。

上一方，桃仁二十五枚。

抵当汤证曰：少腹当硬满。又曰：妇人经水不利。

上一方，桃仁二十枚。

桂枝茯苓丸证，不具。

上一方，桃仁诸药等分。

据此诸方，则桃仁主治瘀血急结，少腹满痛明矣。凡毒结于少腹，则小便不利，或如淋。其如此者，后必有脓自下。或泻血者，或妇人经水不利者，是又脐下久瘀血之所致也。

互 考

桃仁承气汤证曰：热结膀胱，其人如狂，

血自下，下者愈。此似无医治所预也，岂非自愈之证乎？虽然，热结膀胱，其人如狂者，虽其血自下，亦有少腹急结证也。若或有前证，而血不自下，少腹急结者。亦宜与此方攻之。犹产后血不自下，瘀热上冲，少腹急结者。夫急结者，必满痛，是桃仁五十枚所主也。故云：服汤已，其血必自下，大便微利则愈，然则桃仁治少腹急结满痛明矣。后世医者，未见其血自下，而但见少腹急结，以为热结膀胱，岂不想像之治乎？余故曰：热结膀胱四字，后人妄添可知焉。下者愈，《脉经》作下之则愈为是。

大黄牡丹皮汤，后世以为治肠痈之方，虽然，此方岂唯治肠痈矣乎？凡治诸疡脓未成者。苟脓已成者，非此方之所治也。至少腹肿痞、按之即痛如淋、小便自调、其脉迟紧者，则此方之所治也。如彼时时发热自汗出、复恶寒证，此为肠痈表证也，是非此方之所治也。若有少腹肿痞、按之即痛如淋、小便自调、其脉迟紧证，则不问其肠痈也否，又不问其瘀血也否，宜与此方。何以不问其肠痈也否，又不问其瘀血也否，而与此方乎？曰：观少腹肿痞，按之即痛如淋、小便自调证，而后宜与此方，况于其脉迟紧者乎？故方证相对，则血必自下。若其脉洪数，则脓已成，非此方之所宜也。是所谓观其脉证也。虽然，不随其脉迟紧，而今随其少腹肿痞、按之即痛如淋、小便自调证，是所谓随证治之也。然则少腹肿痞者，是桃仁所主明矣。

苇茎汤证，不具。但谓咳有微热、烦满、胸中甲错，是为肺痈，是外证也。以此四证，

名肺痛者，非疾医之义，今不取焉。虽然，因胸中甲错证，则知瘀血内结矣。因咳有微热烦满证，则知瘀血欲成脓矣，不可不以此方吐之。况又云再服当吐如脓，则知胸中瘀血，遂化成脓矣。是所以有咳，有微热，烦满证也。夫芩茎、蓬术、苡仁、桃仁、瓜瓣，皆有化血成脓之功也。今虽曰当吐如脓，亦吐者皆脓也，瘀血所化也。由此观之，则桃仁虽曰治少腹瘀血，亦变用则有治胸腹瘀血结痛之功，是所以方有桃仁五十枚也。下瘀血汤方，治脐下毒痛，及妇人经水不利毒痛者。故后人此为腹中有干血著脐下，夫不问干血也否，苟有脐下毒痛证，则宜与此方。虽然，服之新血下如豚肝，或经水利者，腹中脐下所著干血，共下明矣，唯新字可疑。由此观之，则下瘀血汤之名，盖后人所命焉。余以为此方，本是丸方，疑古有小瘰虫丸之名。方铭不传，故后人入名曰下瘀血之汤，但以蜜和为丸，以酒煎之，似非汤法，下条有大瘰虫丸，可并考。又按法曰：产妇腹痛，法当以枳实芍药散，假令不愈者，此为腹中有干血著脐下。夫腹痛烦满不得卧，岂唯产后有之乎？产后最多此证也，治以枳实芍药散者，是法也。以法治之而不愈者，诊之腹中有毒，而痛著于脐下，此为腹中有干血著脐下矣。故今转其方，用下瘀血汤下之。曰：未见其血自下，而用此方者，何也？曰：今用芍药治腹痛，用枳实治烦满不得卧，而不愈者，盖产时已见瘀血续自下。今瘀血不续自下，是必干血著脐下，使瘀血不自下。是以腹痛烦满，不得卧也，不可不以此方下之。故服汤后，新血又下如豚肝，谓之方证相对也。若不见血自下，而但用此方，治脐下毒痛者，不想臆度之治而何也？若有瘀血，则当有脐下甲错及结痛证。以此二法，候内有瘀血，故今用桃仁三十枚。此为治瘀血毒痛，所以用瘰虫破之，用大黄下之也。《类聚方》产后二字，加曲截者，盖此方不但治妇人产后腹痛矣。虽男子亦有瘀血自下，脐下毒痛证，则

宜服此方。服汤已，瘀血又自下者愈。《方极》但云脐下毒痛，是不问瘀血也否，与此方之谓也。由是观之，谓之干血著脐下，亦属想象臆度，不可从焉。大瘰虫丸证者，后世所谓劳瘵也。故《金匱要略》有五劳、七伤、虚极、及缓中补虚之说，岂仲景之言哉？是盖后人妄添，或注文误入，不俟余辨。但至羸瘦腹满、不能饮食、内有干血肌肤甲错，两目黯黑证，则此方所宜也。按：此方盖古来相传之方，而仲景取以治伤寒差后有此证者，此人本有久瘀血，今患伤寒，故差后又见此证，故用四虫，及桃仁、干漆、地黄、大黄以破血行瘀。况有桃仁一升乎？夫干血者，久瘀血也。苟有久瘀血，则必有肌肤甲错、腹满证也，可以见矣。

桂枝茯苓丸证，不悉具。虽然，此方本五味等分，则一药各治一证，故宜以一药之功，而分治一证矣。按此方，盖治瘀血上冲、腹中毒痛、心下悸、及妇人胎动血自下、或经水有变者。故法曰：漏下不止、胎动在脐上者，是也。由此观之，则桃仁非主少腹有毒，瘀血自下与不下乎？余故曰：桃仁之功，大抵与牡丹皮相似矣！盖以治腹中及脐下毒痛故也。《金匱要略》此方之条，古今诸家注解，不得其义。余尝作此解，今不赘于此。

东洞翁尝立诊察瘀血三法，其说尽矣。仲景又别有诊察瘀血外证之法，曰其身甲错、曰胸中甲错（胸中盖心胸上也）、曰肌肤甲错。此三法，宜以甲错而诊察瘀血也。二方皆有桃仁，故今附于此。

辨 误

李杲云：桃仁治热入血室。杲之言过矣！夫仲景治热入血室证，无有用桃仁之方。本论太阳下篇，治热入血室者，有二法：一刺期门，一用小柴胡汤。一不载其方矣。未尝见用桃仁者，治血岂惟用桃仁乎。

品 考

桃仁，惟一品。无萃渡者，奸商或杂梅仁，不可不择，我门去皮不去尖。

巴 豆

主治心腹胸膈之毒。故兼治心腹卒痛、胀满吐脓。

考 证

桔梗白散证曰：咳而胸满、及吐脓。

备急圆证曰：心腹胀满、卒痛。

九痛丸证曰：心痛、及腹胀痛。

以上三方，巴豆各一两。

走马汤证曰：心痛腹胀。

上一方，巴豆二枚。

据此诸方，则巴豆或一两，或二枚，然本与诸药等分。但白散之方，巴豆一两，以配桔梗、贝母各三两。《金匱要略》九痛丸方，附子本作三两，余皆等分。《千金方》但作一两。盖作一两，则附子亦与诸药等分今从此。凡仲景之用巴豆也，虽备于急卒之病，皆是驱逐膈间之毒物，荡涤肠胃之闭塞，故诸方皆为等分。夫巴豆同桔梗用，则使毒成脓；同贝母用，则能去咽喉之毒；同杏仁用，则能驱心胸之毒；同大黄、干姜用，则能吐下心腹结毒急痛；同附子、吴茱萸用，则能治心中寒冷毒痛。仲景之方用巴豆者，唯此四方，大抵足尽巴豆之功效矣。

互 考

走马汤、备急圆、九痛丸三方，皆不载诸本论，而载诸《金匱要略》，盖脱误矣！走马汤证曰：中恶。又曰：通治飞尸鬼击病。《千金方》走马汤证曰：治肺脏飞尸鬼注，因名曰飞尸走马汤。九痛丸证曰：兼治卒中恶。备急圆证曰：若中恶客忤，停尸卒死者。按上三方证，曰飞尸、曰鬼注、曰鬼击、曰中

恶、曰客忤、曰停尸，皆是晋唐医人之所附会，而决非仲景之意，又非疾医家之言。古者巫医并称，故后世遂以巫者之言，混于医事，实晋唐医人之所为也。故彼所前言诸证，似证非证，孰恶孰鬼，将何以分别之乎？不可从焉！假令巫有前数事，亦于医事何与之有，故随其证而后治之，则何必论是恶是鬼乎哉？若夫天地之间，有恶者，有鬼者，有尸者，有注者，有停者，有忤者，亦人无一毒畜积于身躯间者，则是恶是鬼，亦岂有注之击之中之忤之者矣乎？此人尝有一毒，畜积于身躯间者，故是恶是鬼，亦能注之击之中之忤之也。医者宜治其一毒而已，晋唐医人之说，不可从矣！况于宋明之医说乎？

辨 误

桔梗白散法曰：强人饮服半钱匕，羸者减之。又曰：若下多不止，饮冷水一杯，则定。走马汤法曰：老少量之。九痛丸法曰：强人初服三丸，日三服，弱者二丸。但备急圆，最备其急卒之病，而其服法，无量老少强弱者何也？曰：此方者，最备其急卒之病，则服法不必量老少强弱也。夫病苟至急卒，则岂遑于量老少强弱乎？宜随其毒浅深轻重治之耳。如彼走马汤白散证，却急于备急圆证矣！然今云量其老少强弱者，恐非仲景之意也。盖仲景之治病也，惟随其证而治之。故其证重，则方亦多服之。其证轻，则方亦少服之。故虽强人，其证轻，则方亦随少服之。虽羸者，而其证重，则方亦随多服之，是仲景随证治之之法也。何必羸者弱者减之，强人壮人多服之乎？所谓量老少强弱者，是唯为粗工垂其戒者欤。医之守之，慎之至也。至彼饮冷水止，其下多者，最是后人之恐巴豆者之言，其妄添亦可知已。凡恐药者，不知恐病者也。不知恐病者，则病不可得而治焉。是医者之所常病也。今也不然，有医而恐药者，是不知治病之方法，与察病之规则者也，无如之何而已。夫病人之恐医也，恐其医之

药也，是医施已恐之之药也。是无他，夫医不知其察病之规则，与治病之方法，而欲施已恐之药也。可胜叹哉！呜呼！医犹且恐之，病人岂不恐之乎？此天下古今之通病，而所以恐巴豆及诸药者，为之故也。夫苟有其证，而服其药，又何恐之有？苟无其证，而施其药，则百药皆可恐焉，又何独巴豆之恐乎？

品 考

巴豆带壳者良，是惟一品，无有伪品。宋王硕曰：巴豆不压油而用之，巴豆之功，多在于油也。王硕者，能知巴豆之功者也。

蜜

主治结毒急痛，兼助诸药之毒。

考 证

大乌头煎证曰：寒疝绕脐痛。

乌头汤证曰：历节不可屈伸疼痛。又曰：脚气疼痛，不可屈伸。又曰：寒疝、腹中绞痛。

乌头桂枝汤证曰：寒疝腹中痛。

以上三方，蜜各二升。

大陷胸丸证曰：结胸、项亦强。

上一方，白蜜二合。

大半夏汤证曰：呕吐、心上痞硬。

上一方，白蜜一升。

甘草粉蜜汤证曰：心痛。

上一方，蜜四两。

下瘀血汤证曰：产妇腹痛。

上一方，蜜和为丸，酒煎，又与诸药等分之例。

甘遂半夏汤，证不具。

上一方，蜜半升。

据此诸方，则蜜能治诸结毒急迫疼痛明矣！最能治腹中痛者，故同乌头用，则治寒疝腹痛；同甘草用，则治心痛急迫；同大黄用，则治胸腹结痛；同甘遂用，则治水毒结

痛；同半夏用，则治心胸硬满。由此观之，则蜜能治其急痛，而又能助诸药之毒也。故理中丸、八味丸、栝楼瞿麦丸、半夏麻黄丸、赤丸、桂枝茯苓丸、麻子仁丸、矾石丸、皂荚丸、当归贝母苦参丸、乌头赤石脂丸，上十一方，皆蜜和为丸，是弗助诸药之毒耶。故如乌头、附子、巴豆、半夏、皂荚、大黄，皆以蜜和丸。则倍其功一层矣！是其征也。若或以糊为丸，则必减其功之半，常试有验，无不然者。余故曰：蜜能助诸药之毒矣！或云：炼过则缓诸病之急，不炼则助诸药之毒，岂其然乎哉？

互 考

大乌头煎、乌头汤、乌头桂枝汤条，有寒疝及脚气之名，是盖晋唐以后之人之所加焉。疑非仲景之旧矣！宜随其证而施此方耳。

大陷胸丸证，似不具。然今按其方，此方之子治也。毒结于心胸之间，项亦强痛，如柔痉状者主之。本论但云：项亦强，强字之下，疑脱痛字。故大陷胸汤证曰：从心下至少腹，硬满而痛不可近者主之。又曰：心下满而硬痛者主之。汤法已然。丸方亦岂无强痛之证乎？然则此方，亦当从心下至少腹硬满而痛，项背亦强痛者主之。比诸汤方其证但缓也耳。况有大黄有葶苈有甘遂有杏仁、芒硝，岂无项背心胸至少腹不强痛乎？是蜜之所以补其结毒疼痛也。

大半夏汤证曰：治呕、心下痞硬者。虽无急痛结痛之证，然其人呕，而心下痞硬，则岂无心胸不痛之证乎？故和蜜一升于一斗二升之水而煮之，但取蜜与药汁二升半，则是欲多得蜜之力也明矣。然则不可谓无所急痛矣。

甘草粉蜜汤证曰：毒药不止。《千金翼方》毒药作药毒为是，此方本主缓结毒急痛。故兼治一切药毒不止烦闷者。后世见之，以为蜜能解百药毒。蜜若解百药毒，则仲景之方，何其用蜜之多乎？夫蜜之于诸药也，能

助其毒；又于其病毒也，能缓其急，犹梗米与小麦乎？甘草及粉，亦其功大抵相似，故如此方则为缓其急用之。凡蜜之为物，同诸药用之，则能助其毒。今同甘草及粉用之，则又能缓其急痛也。烦闷，岂非药毒之急乎？又所以兼治蛔虫心痛也。杕又按：所谓药毒者非攻病毒，毒药之药毒，而必是害人毒药之药毒矣，故曰药毒不止烦闷者。所谓烦闷者，非攻病毒毒药之烦闷，而害人药毒之烦闷也。苟止攻病毒毒药之烦闷者，非疾医之义矣。烦闷，是毒药之瞑眩也。岂其止之可乎？余故曰：此药毒者，非攻病毒毒药之药毒矣。由此观之，则蜜之功可以知矣（害人毒药者盖非医人误治之毒药）。甘遂半夏汤证曰：病者脉伏，其人欲自利，利反快。虽利，心下续坚满。按此证，非此方正证，此方盖芍药甘草汤证，而心下硬满呕者主之。夫芍药甘草汤之为方，非治疼痛拘挛急迫者乎？然则此方，亦岂得无治心下硬满疼痛急迫证矣乎？是所以合其蜜半升也。坚满之坚，当作硬。

辨 误

《本草》曰：蜜和百药。李时珍曰：调和百药，而与甘草同功。此二说，俱以味之甘，故云有调和之功。盖甘草者，诸方多用之，蜜则不然。由是观之，蜜调和百药之说，最可笑矣。虽然，若谓之治结毒疼痛急迫，则谓之与甘草同功亦可也。然则蜜有能缓病之急之功也，大抵与甘草相似矣。彼不知之而谓之调和者，所谓隔靴搔痒之类乎哉？或曰：大乌头煎、乌头汤、乌头桂枝汤，功何在于蜜乎？蜜有调和乌头之意。余曰：此不知治疗之法者言也。尝造此三方，去蜜用之，未尝见奏其功。如法者，况有服之如醉状者乎？故此三方，蜜之立功最居多矣。

蜜煎导之方。李时珍曰：张仲景治阳明结燥，大便不通，诚千古神方也。本论云：阳明病，自汗出，若发汗小便自利者，此为津液内竭也。虽硬，不可攻之。当须自欲大便，

宜蜜煎导而通之。杕按：此为以下七字，盖王叔和所掺入也。本论多有此句法，岂仲景之意乎？夫津液内竭与不竭，非治之所急也，宜随其证治之。故此证本有不可施大黄、芒硝者矣！今作此方以解大便初头硬者，则当须大便易而燥结之屎与蜜煎导俱烊解必下，岂谓之润燥可乎？宜谓之解燥结之屎矣！此非蜜之缓病之急之一切乎？时珍不知，而谓之润脏腑，通三焦、调脾胃者，最非也。凡仲景之为方，随证治之，则无一不神方者。岂唯此方特千古神方乎哉？又按此章，当作小便自利者，大便必硬，不可攻之。于是文字稳，法证备，始得其义。

· 品 考

蜜者，本邦关东北国不产，但南海镇西诸州多产之。我门不择崖石土木诸蜜，皆生用之，不用炼法，唯宜漉过。王充曰：蜜为蜂液，食多则令人毒，不可不知，炼过则无毒矣。是王之说，为饵食言之。若为药材，则平人食之有毒，毒乃蜜之能也。炼过无毒，则同于不用。无毒，岂得治病毒乎？

廩 虫

主治干血。故兼治少腹满痛，及妇人经水不利。

考 证

下瘀血汤证曰：产妇腹痛。又曰：经水不利。

上一方，廩虫二十枚。

土瓜根散证曰：带下、经水不利、少腹满痛、经一月再见者。又曰：阴癰肿。

上一方，廩虫三两。

大廩虫丸证曰：羸瘦、腹满不能饮食、内有干血、肌肤甲错、两目黯黑。

上一方，廩虫一升。

据此三方，则廩虫能下于血，利经水明

矣。脐下若有干血必痛，故兼治少腹满痛也。夫经水不利或一月再见者，亦以脐下有干血也。干血者，久瘀血也。是少腹结毒也，可按候之。此三方之外，仲景无用虻虫者。大鳖甲煎丸方内，虽有虻虫，其方驳杂，无所征焉，今不取。

互 考

下瘀血汤证曰：产妇腹痛。土瓜根散证曰：带下、经水不利、少腹满痛。又曰：经一月再见者，上三方。皆以虻虫为主药，似为妇人血毒设之。虽然，或云治癥、或云内有干血、肌肤甲错，何必妇人血毒之治乎？由此观之，则虻虫及此三方，不啻治妇人血毒矣。虽男子亦可用之，但脐下有血毒者，妇人最多。故仲景尝立此方法，以治妇人之病，是其遗法耳。凡一身之内，有血毒所著者，必见肌肤甲错证。若著脐下，则有两目黯黑，羸瘦，腹满，不能饮食证，后世不知此证，名曰五劳。为尔申约，其审听之。

曰七伤、曰虚劳、曰劳瘵，皆属空谈理义，我门所不取也。是以如下瘀血汤，亦治男子少腹满痛，小便不利，及淋沥或血自下者，此人当必有肌肤甲错等证。又按此方服法曰：顿服之。新血下如豚肝，然亦谓腹中有干血著脐下，则似言相矛盾。此方本为干血而设之。今服此方而其血下，谓之新血可乎？凡用虻虫三方，皆为治干血之方。盖干血，乃久瘀血也。若治新血不下证，则别有桃仁承气汤、大黄牡丹皮汤、大黄甘遂汤。若治畜血，则有抵当汤及丸。故治干血，则有此方，及土瓜根散、大虻虫丸。是皆以虻虫为主药，此为虻虫能破久瘀血之用也。由此观之，则新血下如豚肝者，是盖畜结之血，新下如豚肝色之谓乎？

土瓜根散证曰：经水不利、少腹痛、经一月再见者。下瘀血汤证曰：干血著脐下，经水不利者。然则经水不利者，是干血所为明矣。又曰：主阴癰肿、按丈夫阴器连少腹，急

痛谓之癰也。此证亦瘀血所为也。此虽其证不具，然据少腹急痛证，则自有此方证具矣。

大虻虫丸证曰：羸瘦、腹满不能饮食、内有干血、肌肤甲错、两目黯黑。此证者，乃后世所谓劳瘵、五劳七伤是也。皆是世医常谈，其说属臆度也。但羸瘦腹满、至两目黯黑、其证不可废也。其证不可废，则此方亦不可废也。是必仲景遗方，而有所可征者。至五劳虚极，及七伤，及缓中补虚数证，则后人妄添，不俟余言矣。李时珍本草，虻虫附方有之。大黄虻虫丸，治产妇腹痛，有干血者，用虻虫二十枚，去足，桃仁二十枚，大黄二两，为末，炼蜜杵和，分为四丸，每以一九，酒一升，煮取二合，温服，当下血也。张仲景方云云：按是下瘀血汤之方，而非大黄虻虫丸之方也。时珍何以称此方，而谓大黄虻虫丸乎？其文亦大同小异。盖时珍所见《金匱要略》有别所传之本乎？又本草传写之谬误乎？若夫本草之谬，则大黄虻虫丸下，必脱《金匱要略》五劳以下法语，而本草治产妇腹痛条上，脱下瘀血汤四字矣乎？《大观本草》所引苏颂《图经》蛭螬条曰：张仲景治杂病方，大虻虫丸中，用蛭螬，以其主胁下坚满也。由此观之，则十二味方者，名大虻虫丸，而大字之下无黄字，此非大黄虻虫丸也。又虻虫条曰：张仲景治杂病方，主久瘕积结。有大黄虫虻丸，乃今下瘀血汤也。然则本是二方，而《金匱要略》十二味方者，盖古名大虻虫丸，犹大柴胡汤、大承气汤、大青龙汤、大半夏汤、大建中汤、大陷胸汤之大也，当须别有小虻虫丸之方矣。疑今下瘀血汤，盖名大黄虻虫丸，故以大黄虻虫为主药也。且今名下瘀血汤者，疑非方之名，而当须以下此瘀血之汤主之之意矣乎？后之录方者，误脱太黄虻虫丸五字，而称之为曰下瘀血汤乎？又后之辑《金匱要略》者，遂谓之下瘀血汤，而名此方者矣，犹抵当、乌头桂枝汤、救逆汤、新加汤类乎？况此方是丸方，犹抵当丸，以水煮之。然则此方，亦不可名

汤也。由此观之，下瘀血汤，宜称大黄虻虫丸，而十二味大黄虻虫丸，宜称大虻虫丸矣。东洞翁尝谓大黄虻虫丸（乃十二味之方），说非疾医之言。钝谨按：翁盖指五劳虚极，及七伤缓中补虚之语乎！夫羸瘦腹满、不能饮食、内有干血、肌肤甲错、两目黯黑数语，可谓此方之证具矣！若按其腹状，而内外诸证，诊察相应，则此方当须奏其功耳。明者其谓何矣？

鳖甲煎丸方，《千金方》、《外台秘要》皆作大鳖甲煎丸。苏颂《图经》，作大鳖甲丸。张仲景方云云：方内有虻虫，然非仲景之意。疑仲景之时，别有鳖甲煎者，后世失其方。盖苏颂所见别方矣。东洞翁曰：此方唐朝以降之方，而非古方，故不取焉。钝谨按：《千金方》《外台秘要》已载之，则决非唐朝以降之方矣，恐翁未深考之。唯虻虫之功，于此方无所征矣，故不赘于此。

品 考

虻虫，状似鼠妇。而大者寸余，形扁如鳖，有甲似鳞，横纹八道，露目六足，皆伏于甲下，少有臭气，似蜚蠊，本邦未产，此物但华舶来一品，余尝多畜，而使用之，屡得其效。

虻 虫

主治疗血，少腹硬满。兼治发狂、瘀热、喜忘、及妇人经水不利。

考 证

抵当汤证曰：少腹硬满。又曰：有久瘀血。又曰：有瘀血。

上虻虫三十枚。

抵当丸证曰：少腹满、应小便不利。今反利者，为有血者。

上虻虫二十枚。

据此二方，则虻虫治疗血明矣。是与水

蛭，互相为其用，故二品等分。唯汤方用三十枚，丸方用念枚。夫汤之证，急也。丸之证，缓也。故分两，亦有多少也耳。

互 考

《淮南子》曰：虻破积血。刘完素曰：虻食血而治血，因其性而为用也。按用虻虫之方曰：破积血、曰下血、曰畜血、曰有久瘀血、曰有瘀血、曰妇人经水不利下曰为有血、曰当下血、曰瘀热在里、曰如狂、曰喜忘，是皆为血证谛也。然不谓一身瘀血也。但少腹有瘀血者，此物能下之。故少腹硬满，或曰少腹满，不问有瘀血否是所以为其证也。

品 考

虻虫，夏月多飞食人及牛马之血。小者如蜜蜂，大者如小蛭，形似蝇，大目露出，腹凹偏，微黄绿色，或云水蛭所化，间见之山中原野群集。然则大者山蛭所化，而小者水蛭所化矣，俱用之。段成式曰：南方溪涧多水蛭，长寸余，色黑，夏末变为虻。钝按：水蛭，盖水蛭之误，蛭蛭字相似。

阿 胶

主治诸血证。故兼治心烦、不得眠者。

考 证

芎藭当归胶艾汤证曰：妊娠下血。

白头翁加甘草阿胶汤证，不具。

大黄甘遂汤证曰：水与血俱结在血室。

上三方，阿胶各二两。

黄连阿胶汤证曰：心中烦、不得卧。

黄土汤证曰：下血、吐血、衄血。

上二方，阿胶各三两。

猪苓汤证曰：心烦、不得眠。

上一方，阿胶一两。

据此诸方，则阿胶主治诸血证，心烦不得眠者明矣。然心烦有数证，不得眠亦有数

证。若无血证，则属他证也。故法无血证者，皆为脱误矣。

互 考

芎藭当归胶艾汤证曰：妇人漏下者（上一证），有半产后，因续下血都不绝者（上一证），有妊娠下血者（上一证），假令妊娠，腹中痛为胞阻（上一证）。按此条，古来未得其解。余尝如此段落，分裁为四章，其义始明，其证亦可得治之。解曰：妇人漏下、腹中痛、心烦、不得眠者，此方主之。上第一章：妇人半产后、下瘀血、都不绝、腹中痛、心烦、或不得眠者，此方主之。上第二章：妇人妊娠下血、腹中痛、心烦不得眠、或顿仆失跌、或胎动不安者，此方主之。上第三章：妇人妊娠、腹中痛、漏胞、经水时时来、心烦、不得眠、或因房室所劳伤胎者，此方主之。上第四章：以上诸证，皆妇人妊娠、或半产、或产后下血、而心烦腹痛者，此方所宜治也。诸证当须有不得眠之候，然无血证，则非此方所宜也。

白头翁加甘草阿胶汤证，不具，但云产后下利。此方岂惟产后下利治之乎？凡本方证而下血、心烦、急迫不得眠者，此方主之。由此观之，岂惟妇人乎？虽男子亦有热利下重、大便血、心烦、急迫不得眠者，则宜用此方。夫下重者，下利重多也？非后世所谓痢病。肛门下坠、利急后重之谓也。盖利急后重者，下利急迫重多也。古者便为之后，故后重者，下重也。下重者，下利重多也。是此方所治也。

黄连阿胶汤证曰：心中烦、不得卧，盖此方治下利腹痛、大便血、心中烦悸、不得眠者。夫黄芩之于下利，黄连之于心中烦悸，芍药之于腹中痛，主以治之。惟阿胶之于心烦、不得眠、亦不见血，则无所奏其效。然则此方治下利腹痛、心中烦悸、不得眠而见血者明矣。若不见血而施此方，岂其谓之得其治法乎？

大黄甘遂汤证曰：妇人少腹满、如敦状，小便微难而不渴者，是乃此方所主也。《脉经》敦状作敦敦状，敦音堆，敦敦者，不移不动之谓也。若作敦状，则敦音对，器名。按：其此证谓之有血亦非也。谓之无血亦非也。然谓之小便微难，则谓之非血亦非也。是所谓因法立略，因略取法，法略相熟。则虽未见其血，亦有此证，则施此方。施此方，则血自下。血自下，而后其证自差。故仲景曰：其血当下，其此可谓之略而已。夫略也者，不熟其法，则不可得此者也。生后者此为水与血，俱结在血室也。此章盖后人所妄添也。生后，产后也。产后若有前证者，此为水与血，俱结在血室。水血本无二，血是指瘀血，血室谓其分位。义属想像臆度，今不取焉。夫水血若有二，则仲景何其不谓水与血当下乎？今谓其血当下者，是水血无二之谓也。医者其思诸。

猪苓汤证曰：脉浮发热、渴欲饮水、小便不利者主之。又曰：少阴病，下利六七日、咳而呕渴、心烦、不得眠者主之。夫少阴病者，脉微细、但欲寐也。又曰：欲吐不吐、心烦、但欲寐、五六日、自利而渴者。是虽今见此少阴本证，若其人有血证，则心烦不能眠也。故见其下血，而后施此方，则未尝有不差者。若不见其血下，则虽屡施此方，亦未尝见奏其功者，数试数验，不可不知矣。

辨 误

阿胶，后世有补血之说。然今读诸家本草，其所主治，皆是在于治瘀血也。凡久年咳嗽、赤白痢下下血、吐血、咯血、衄血、老人便秘结、或小便淋沥、及见血、妇人经水诸变、妊娠之病，无不属瘀血者。古方既然，后世诸方，皆然宜矣。今医见之，谓之补血药。虽然，以余观之，谓之化血而可也。何以言之？则阿胶配之猪苓、泽泻、滑石，则泻瘀血于小便；配之大黄、甘遂则下瘀血于大便；配之黄芩、黄连，则除瘀血心

中烦者；配之甘草、黄蘗、秦皮、白头翁，则治瘀血热利下重者；配之当归、芍药、地黄、芍药、艾叶，则止瘀血腹中疼痛者；配之术、附子、黄土，则治瘀血恶寒、小便不利者。由此观之，则岂谓之补血可乎？后世皆见其枝叶，而不知其根本。医之所以误治者不亦宜乎？

品 考

阿胶以阿县所制者为名。今华舶来之物数品，入药当以黄透如琥珀色为上品。或光黑如豔漆，不作皮臭者为良。若真物难得，则此邦皮胶黄透，夏月不湿软者可权用。

粳 米

白虎汤、白虎加桂枝汤、白虎加人参汤。

上三方，粳米各六合。

附子粳米汤、竹叶石膏汤。

上二方，粳米各半升。

桃花汤。

上一方，粳米一升。

麦门冬汤。

上一方，粳米三合。

品 考

粳者，稻之不黏者，又名粳。罗愿曰：稻。一名稌，然有黏不黏者，今人以黏为糯，不黏为粳。

辨 误

明·李春懋曰：凡仲景方法，用米者皆稻米。王叔和改稻米作粳米，后世方家仿之，不知其是非。余曰：其是是非非，春懋所能知也。夫人未尝知所以仲景方法，与病证相对，而何得分辨糯粳二米之功乎哉？夫稻也者，粳糯通称也。稌亦然。颜师古刊误正俗（《本草纲目》掌禹锡所引证）。《本草》稻米，即今糯米也。或通呼粳糯为稻。《礼记》曰：

稻，口嘉蔬。孔子曰：食夫稻。《周官》有稻人。郑玄曰：以水泽之地，种谷也。钝按：谷者粳糯并称焉。汉有稻田使者，是通指糯粳而言。所以后人混称，不知稻即糯也。颜说非也，禹锡亦不知其非也。既谓通呼粳糯为稻，并通指粳糯而言，而又云后人混称，不知稻是即糯也。今依此二说，而谓汉以上无粳米，皆是臆度不足取焉，李春懋亦未知此谬矣。王叔和改稻米作粳米。此说未知出于何书，但《外台秘要》第五温疟病方内，引《千金》论白虎加桂枝汤，服度煮法后曰：《伤寒论》云：用粳米。不熟稻米是也。今校之《千金》二方，无所见焉。古本有此说，亦不可知矣。我门常依仲景之方，而试粳米之功，奏其方之效，则今粳米，即古粳米，不俟余辨矣。医者苟用之，不别粳糯亦可也。殊不知粳糯，即是一稻米矣。又按《肘后方》，治卒腹痛，粳米煮饮之，是即附子粳米汤方内，用粳米之意，葛洪盖取之乎。

互 考

《尔雅翼》引汜胜之云：三月种粳稻，四月种秣稻。稻若诗书之文，自依所用而解之。如论语食夫稻。则稻是粳。《月令》：秣稻必齐，则稻是糯。《周礼》：牛宜稌。则稌是粳。诗：丰年多黍多稌，为酒为醴，则稌是糯。又稻人职掌，稼下地至泽草所生，则种之。芒种是明稻，有芒有不芒者，今之粳，则有芒，至糯则无，是得通称稌稻之明验也。然《说文》所谓，沛国谓稻曰糯，至郭氏《解雅》：稌稻乃云：今沛国称稌。不知《说文》亦岂谓此稌讹为糯邪？将与郭自异义也。钝按：许慎东汉人，郭璞西晋人，许岂有将与郭自异义之理乎？盖许慎之说方言也，郭璞之说稌，亦稻之属也，近来古方家，或惑本草者流之说，而偏用今之糯米者非也。

小 麦

甘草小麦大枣汤。

上一方小麦一升。

大 麦

消石矾石散。

上一方，用大麦粥汁服之。

枳实芍药散。

上一方，用麦粥汁服之。

以上皆用今大麦。

粉

甘草粉蜜汤。

上一方，粉一两。

品 考

粉，梁米粉也。《千金方·解百药毒篇》曰：解鸠毒，及一切毒药不止烦满方。乃此甘草粉蜜药也。粉，作梁米粉。毒药，盖药毒颠倒也。《金匱要略》依此。又《千金翼方》，作药毒不止解烦。《外台秘要》，解诸药草中毒方内，引《千金翼方》，疗药毒不止，解烦闷。今本《千金翼方》，脱闷字，又梁米粉，作白梁粉。白梁，乃梁米白者也。又有黄梁，故今作白梁者，所以别于黄梁也。二书又俱毒药作药毒，由是观之。粉，是梁米粉，而毒药，是药毒明矣。《正字通》曰：凡物磴之如屑者，皆名粉。粉为通称，非独米也，故粉有豆屑米粉，又有轻粉、胡粉、铅粉、白粉之名。则如此药方，亦不可单称粉矣。然则二书作梁米粉者为正。况复《金匱要略》，成于赵宋，固多脱误，盖脱梁米二字明矣。《千金翼方》、《外台秘要》，成于李唐，但有讹谬耳。今宜从三书，作梁米粉，试之，得有应验矣。

辨 误

凡粉，米粉也。《释名》曰：粉，分也。研米，使分散也。夫米者，谓诸米。《说文》：米，粟实也。《尔雅翼》曰：古不以粟为谷之名。但米之有浮谷者，皆称粟，然则米是粟实之称也。《说文》：粉，傅面者也。《韵会》云：古傅面，亦用米粉，又染之为红粉。《说文》：米者，九谷六米之米也。《周礼·地官》：舍人掌粟米之出入，注九谷六米者，九谷之中，黍、稷、稻、粱、苽、大豆、六者，皆有米，麻与小豆、小麦、三者无米。故云：九谷六米。然则粉是六米粉明矣，不必俟余辨。故宜呼稻米粉、黍米粉、稷米粉、粱米粉矣，无单称粉之义也。《尚书·益稷》粉米之粉，别有其义可考。或曰，甘草粉蜜汤之粉，胡粉也。李彬之说，胡粉有毒，能杀虫。《本草》曰：杀三虫。陶弘景曰：疗尸虫。陈藏器曰：杀虫而止痢也。由此诸说，则非胡粉能治虫乎。然则，粉，必胡粉，而似非米粉也。《事物记原》轻粉条曰：《实录》曰：萧史与秦缪公练飞云丹，第一转与弄玉涂之，名曰粉，即轻粉也，此盖其始也（《实录》乃《三仪实录》也）。是烧其水银者也。又胡粉条曰：《墨子》曰：禹作粉。张华《博物志》曰：纁烧铅作粉，谓之胡粉。《续事》：始曰铅粉，即所造也（《说文》：铅粉盖粉铅之误）。上二说，虽出《实录》，盖诸家杂说，而非事实也。飞云丹之说，涉怪诞矣。或曰粉铅粉，或曰粉轻粉。虽然，古书单称粉者，多是米粉也。《益稷》曰粉米，盖指其形状。《周礼·人职》曰：粉簋，况复从米分声，则皆似指六米也。胡粉、轻粉，以其物似米粉，而得粉名矣。然则粉，非胡粉、轻粉明矣。凡方书，曰胡粉，曰粉粉，曰数值，未尝见单呼粉者，今唯甘草粉蜜汤一方，《金匱》谓之粉与蜜，方名亦谓之粉蜜汤，故后世医者惑焉。或曰胡粉，或曰轻粉，或曰稻米粉，殊不知《千金方》及《翼方》、《外台秘要》既

谓之梁米粉，岂可不取征于三书乎？今略谓之粉蜜汤者，犹桂枝加桂汤之桂耶。况复试之梁米粉，最有效矣。由是观之，《金匱》方内，脱梁米二字明矣。天下医者惑，则其证不治，可叹乎哉！

赤 小 豆

瓜蒂散。

上一方，赤小豆一分。

赤小豆当归散。

上一方，赤小豆三升。

上二方之外，用赤小豆之方，皆非仲景之意，今不取焉。

胶 饴

大建中汤、小建中汤、黄芪建中汤。

上三方，胶饴各一升。

主治：胶饴之功，盖似甘草及蜜，故能缓诸急。

考 证

小建中汤证曰：腹中急痛。又曰里急。又曰妇人腹中痛。大建中汤证曰：上下痛而不可触近。黄芪建中汤证曰：里急。依此三方，则胶饴能治里急。夫腹中急痛，腹中痛，岂非里急矣乎？余故曰：胶饴之功，与甘草及蜜相似矣。

酒

八味丸、土瓜根散、赤丸、天雄散。

上三方，各酒服之。

下瘀血汤。

上一方，酒煮之。

品 考

中华造酒，与本邦造法不同。然试其功，

又无所异矣。凡单呼酒者，皆用无灰清酒。

醇 酒

美清酒，同麻黄醇酒汤。

上一方，美清酒五升。

品 考

醇酒，乃美清酒，故云以美清酒煮。汉书师古注：醇酒不浇，谓厚酒也。按：厚酒者，酒之美者也，故曰美清酒。

清 酒

当归芍药胶艾汤。

上一方，水酒合煮。

品 考

李时珍引饮膳标食题云：酒之清者，曰酿。《说文》：酿，醕也。然则清酒，宜用平常所饮，无灰清酒也。

法 醋

大猪胆汁导法。

上一方。

品 考

法醋无所考：盖如法造酿之醋矣乎！成本无法字。

苦 酒

苦酒汤、黄芪芍药桂枝苦酒汤。

上二方，上方无升合，下方一升。

品 考

陶弘景曰：醋亦谓之醕，以有苦味，俗呼苦酒。由此说，则苦酒是俗称。苏恭曰：醋

有数种，惟米醋二三年者入药。杕按：此米者，是稻米，《释名》曰苦酒。醇毒苾者，酢苦也。本邦所造，皆米醋，甚醲。今用之有功，其人必心烦不止。故黄芩芍药桂枝苦酒汤法曰：温服一升，当心烦。若心烦不止者，以苦酒阻故也。阻者，盖恶阻之阻也。用之必有心烦不止者，是其阻也。

美酒醯

黄芩芍药桂枝苦酒汤法后曰：一方用美酒醯代苦酒。然则美酒醯者，盖以美酒所造之醋矣，酢醋本谓之醯也。故《周礼》有醯人职可考。

白酒

栝蒌薤白白酒汤。

上一方，白酒七升。

栝蒌薤白半夏汤。

上一方，白酒一斗。

品考

《周礼·酒正职辨》四饮之物，三曰浆。郑玄曰：浆，今之馥浆也。陆德明《音义》：昨再反。疏云：此浆亦是酒类，故字亦从酉。省馥之言馥：米汁相馥，汉时名为馥浆。许慎《说文》浆字注云：浆，酢浆也。本作馥。省声。今作浆。又馥字注云：馥，酢浆也。从酉馥声。《博雅》云：馥，浆也。师古亦云。馥，浆也。《礼记·内则》曰：浆水馥滥。郑玄注：浆字曰酢馥。按或曰馥浆、或曰酢浆、或曰白，皆是酒正所造之浆也。《千金方》：白酒作白馥浆，或作白馥酒。《外台秘要》亦同。但指此方内白酒矣。夫谓之酒者，造酿之法，大抵与酒同。又以酒正所掌。故谓之白酒、或谓之白馥酒。盖白酒者，白馥酒略称矣。李时珍《本草纲目·地水类》载浆水，《释名》谓之酸浆，《兵部手集》谓之酸浆水，《产

宝》亦同。时珍今不载白酒、馥浆、白馥酒、白馥浆者，盖属脱误矣。但薤白附方，引仲景栝蒌薤白白酒汤，又引《千金方》栝蒌汤（即仲景栝蒌薤白半夏汤。白酒作白馥浆），虽有白酒、白馥浆之名，然本部不载之者，彼人未得知仲景用白酒之意也。彼是一草医，但好本草家之言者也，不足深责之，唯注馥字曰：馥，音在，酸浆也。是知馥之为酸浆，而不知浆水之为白酒也。杕按：白酒，乃《大观本草·玉石部》浆水是也。《周礼·酒正职》：浆明矣。然则白馥浆、白馥酒、白酒，及馥浆、浆馥、酢浆、酸浆、馥酒，皆是浆之别名略称也。造法详出于陈嘉模《本草蒙筌》，时珍亦取嘉模之法。虽然，其造法不悉具，疑有脱误矣。近比问诸华客汪绳武曰：白酒即白馥浆，原米之浓汁。以一倍之汁，加三倍之水，冲入，作为白酒矣。造法：用糯米浸一宿，煮熟，候温，以白色曲末，拌入缸内，用稻草护暖，三日后成浆，入水，即成酒。气味甘苦，十月间做者，名曰十月白，尤佳也。今按此造法，与我邦呼为甜酒者同法，或一夜而熟者，呼鸡鸣甜酒，或二三日而成者，谓之醴酒也，造法大抵相似。呜呼！鞅清奸商所言，不足信焉，今唯存以备博物者一事云尔。

辨误

仲景之方，始有白酒之名，晋唐以后，诸子方书，及诸家本草，未尝有说白酒之功者，何哉？晋唐医人，未知此物之功乎？诸家本草，何其略之乎？又可疑耳。但李时珍本草所引《子母秘录》，有栝蒌白酒治乳痈之方，此外又无所见焉。余尝谓仲景氏之方法者，自王叔和撰次之后，历隋唐至宋明，而无有一人全执之者，如何？则我今以其药物，与病证知之。曰：何以知之乎？曰：夫仲景尝用麋虫，而诸家医书，未尝见用其方者；仲景尝用白馥酒，而诸家本草，未尝论及此物；仲景尝治妇人脏躁，有甘草小麦大枣汤，而古

今诸家，未尝知其证之治法，则不能用此方；仲景尝治胸痹，有白朮酒二汤，而天下医者，未尝知胸痹证候，则不能用白朮酒二方。然则二千年来，不能全执仲景方法也，我今于是乎知之。呜呼！吾党小子，幸依东洞翁之德，而得全执仲景方法，岂可不谓天之宠灵乎哉？夫白朮酒之功之湮灭也久乎哉？诸家本草，唯载浆水于水部，而不知为造酿之物，故不载之造酿部，而载之地水部。《大观本草》又误载之玉石部，亦可笑哉。浆水与酒酢，实为造酿物矣。若其以地水造之，而载之水部，则酒酢亦当载之水部，盖本草之谬，往往如此。

考 证

栝蒌薤白白酒汤证曰：胸痹之病，喘息咳唾，胸背痛，短气。栝蒌薤白半夏汤证曰：胸痹不得卧，心痛彻痛。因此二方之证，则白酒能治胸背及心痛烦闷。夫前方之证轻，而后方之证重，其义如何？则凡胸痹之为病，喘息咳唾，胸背痛短气是也。今其痛甚，而心痛彻背，则其证为重。故前方者，白酒七升，而后方为一斗，其以此分别其轻重而已。

浆 水

矾石汤。

上一方，浆水煮之。

蜀漆散、半夏干姜散、赤小豆当归散。

上三方，浆水服之。

清 浆 水

枳实栀子豉汤。

上一方，以清浆水煮之。

品 考

浆水、清浆水二品，俱与白酒同物，清者，盖取其清者。

辨 误

古今医人，不知白酒、白朮浆、白朮酒、浆水，皆为同物。遂无一人解其品物者，是不能手自使用仲景之方也，可胜叹乎！凡仲景之方，非仲景所自制之方也。盖撰用古人之成方，而取其纯粹者也。故如附子、乌头、天雄，本是同根一物，而或曰附子汤，或曰乌头煎，或曰天雄散，是仲景取古人各各所称之方，以不改其名，而使用之者也。是以此一浆，而或谓白酒，或谓浆水，或谓清浆水。如彼醯酢、苦酒亦然，皆因古人所称，而唯取其方治而已。无复异论，医者其思诸。

白 饮

牡蛎泽泻散、五苓散、半夏散。

上三方，皆白饮服之，其余皆云饮服。

品 考

白饮，盖白汤，或云无所考。

辨 误

凡曰饮，曰白饮，盖一物矣。然此三方，但谓白饮服之者，必有所异乎？然《金匱要略》，茵陈五苓散服法曰：先食饮方寸匕者，盖饮字上脱白字，饮字下脱和服二字，《外台秘要》可考。若夫饮者，是四饮六饮之饮，则《周礼》酒正，有清医浆醕。膳夫职有六，清水浆醕醑医醕，乃六饮也。而饮皆寒饮，故食医职曰饮齐眠冬。时注曰：饮宜寒。由此诸说，则单称饮者，及称白饮者，岂此四饮六饮之谓矣乎？又膳夫职食饮，注曰：食，饭也；饮，酒浆也。则是又单称饮者，恐酒浆二物之谓乎？虽然，如此散方，岂以酒浆二物而互服之乎？又按饮及白饮，疑俱是白酒之谓欤。又谓之白汤，亦无所征焉，俟他日考订。

饮

葵子茯苓散、猪苓散、栝蒌瞿麦丸、半夏麻黄丸、干姜人参半夏丸、排脓散、麻子仁丸、防己椒目葶苈大黄丸、桔梗白散、蒲灰散、滑石白鱼散、蜘蛛散、当归贝母苦参丸。

上十三方，皆谓饮服。《三国志·华佗传》曰：便饮麻沸散，须臾便如醉死。然则饮者，乃服散之义乎？又汤水饮散之谓乎？考见上。

暖水

五苓散服法，暖水，盖温暖之汤矣。

辨误

五苓散服法曰：白饮服之，或云白饮是白汤，白汤是热汤，热汤是暖水。若其说是，则何谓服以白汤，助以暖水乎？按白汤，是热汤之谓。而暖水是温暖之汤矣。殊不知一汤而分以二名乎哉。

沸汤

文蛤散。

上一方，以沸汤服之。

麻沸汤

大黄黄连泻心汤、附子泻心汤。

上二方，以麻沸汤渍之。

品考

沸汤、麻沸汤。并是热汤，出于《本草纲目》。

鸡子白

苦酒汤。

上一方。

鸡子黄

排脓散、黄连阿胶汤。

上二方。

鸡屎白

鸡屎白散。

上一方。

马通汁

柏叶汤。

上一方。

品考

《大观本草》云：屎名马通。按：屎，即白马屎。绞取其汁，故曰马通汁。

猪膏

猪膏发煎。

上一方。

猪脂

雄黄葶苈方。

上一方。

品考

猪膏、猪脂本是一物。《说文》曰：戴角者脂，无角者膏。是但注其字耳。《内则》曰：脂用葱，膏用薤。郑玄曰：脂肥凝者。《释

名》曰：膏则猪脂。猪膏者，宜以凝释分之。

猪 肤

猪肤汤。
上一方。

品 考

《礼运》曰：肤革充盈。疏云：肤是革外之薄皮，革是肤内之厚皮。然则猪肤者，猪之外肤也。

猪 胆

大猪胆汁导法、白通加猪胆汁汤、四逆加猪胆汁汤。
上三方。

品 考

仲景之用猪胆，唯三方，皆用其汁，是乃生猪胆汁也。非以干者为汁用之。本邦不畜猪，无所得其生猪胆矣。庶以干猪胆为汁，用之亦可乎？

獭 肝

獭肝散。
上一方。

品 考

獭乃水獭。

羊 胆

四逆加猪胆汁汤。
上一方，方后云：如无猪胆，以羊胆代之。

羊 肉

当归生姜羊肉汤。
上一方。

蜘 蛛

蜘蛛散。
上一方。

品 考

罗愿曰：蜘蛛布网于檐四隅，状如罍，自处其中。飞虫有触网者，辄以足顿网，使不得解，乃此物也。其余不入药。

蛭 螯

大蜜虫丸。
上一方。

品 考

邢昺曰：在粪上者，名蛭螯。陈藏器曰：蛭螯身短足长，背有毛节，入秋化为蝉是。

白 鱼

滑石白鱼散。
上一方。

品 考

东洞翁曰：白鱼，即白鲤鱼。李时珍引刘干曰：白鱼生江湖中，色白头昂，大者长六七尺。按《史记·周纪》：白鱼跃入于王舟者，即此物。

互 考

《人观本草》云：白鱼甘平无毒，主去水气，大者六七尺，色白头昂，生江湖中是，乃

《开宝本草》宋马志之说也。然白鱼之名，出于周纪，由来久矣。《广韵》：鲚字，注云：鲚，居天切；《集韵》，举天切，音鲚，白鱼别名。李时珍云：白鱼释名，鲚鱼音乔，白亦作鰧，白者色也，鲚者，头尾向上也。鰧，《唐韵》旁陌切，音白。《博雅》：鰧鲚也。字书，皆以为鲚。《说苑》必予贱阳桥鱼之桥，《说苑》及《尔雅翼》等，皆作桥梁之桥字，书何以改桥为鲚从鱼乎？阳桥本鲁地名，桥鲚竺音乔，夫以所生阳桥之水之鱼，名鲚乎？未知何是。《说文》、《韵会》俱无鲚字。《玉篇》：鲚，奇兆切，白鱼也。字书盖由《玉篇》以为阳桥鱼之鲚乎？若由《说苑》阳昼之言，则此白鱼者，其为鱼薄而不美者鰧。由此观之，白鱼之名，本出于周纪，跃人于王舟者，岂指衣书中白鱼乎？李时珍曰：形容腹扁，鳞细，头尾俱向上，肉中有细刺。武王白鱼入舟即此，我肥藩江河中有此物，其形大抵似鲤，曰白鲤鱼，其味薄而不甚美，能利水愈肿，用之有效，渔人取而弃之，又非鲤类，疑此物真白鱼矣乎？俟后日试效。

衣中白鱼

《尔雅·释虫》：蟪、白鱼。郭璞注：今衣书中虫，一名蛎鱼，《别录》及《图经》、《千金翼方》，亦同。《千金方》、《外台秘要》，或曰衣中白鱼，或曰书中白鱼，又单称白鱼。虽然，《本经》未尝以白鱼为本名，则古方所谓白鱼者，是必鱼部白鱼，非衣书中白鱼矣。况又虫而得鱼名者，以其形稍似鱼，其尾又分二歧，故得蓐及鳢鱼、囊鱼之名。虽然，但不可单以白鱼为本称也。后之用此者，能治小便不利，则益以衣中白鱼为古方白鱼矣。滑石白鱼散证曰：小便不利。此方本载于《金匱要略》小便利淋篇内，则盖淋家小便不利者主之。本草：衣鱼，主治小便不利。《别录》疗淋，附方又载此方，主治小便不通。然则诸家皆以衣鱼为白鱼，明矣。虽然，此方

内白鱼，未可知衣中白鱼否，并存此二物，以俟后之考订试效。

辨 误

凡药方内，有不以本名称，而以异名呼之者，不欲使人知其物也，是皆后世医家之陋也。独仲景之方，无以异名称之者，如彼乌头、附子、天雄，则以其年数形状称之；如彼芒硝、硝石、朴硝。则以其制之精粗，功之缓急取之；如彼白薇酒、浆水，则以诸家所称之名呼之，或以诸家所传之方录之，盖无异义。按仲景撰用诸家之方，未尝变其方名，依其所称而取之耳。然则如此白鱼散，当须依其本名矣。由是观之，白鱼者，盖非衣中白鱼明矣。明者其审诸。

文 蛤

文蛤汤、文蛤散。

上二方，文蛤各五合。

考 证

文蛤汤证曰：渴欲得水，而贪饮者。文蛤散证曰：意欲饮水。反不渴者。又曰：渴欲饮水不止者。据此二方证，则文蛤者，不问渴不渴，能治意欲饮水者。

品 考

《唐本草》注曰：文蛤大者圆三寸，小者圆五六分，非海蛤之类也。杕按：圆字疑围字之误矣。蜀本《图经》云：背上斑文者，三月中旬采。陈藏器曰：文蛤，未烂时，壳犹有文者。杕又按：蛤蜊之小而有紫斑者是也。

雄 黄

雄黄熏方、疳虫蚀齿方。

上二方。

品 考

凡雄黄者，以鸡冠色莹英者为上品，诸家本草可考。

矾 石

矾石丸、硝石矾石散、矾石汤。
上三方。

品 考

矾石，白而莹净明亮者为上品。一种自然生者，如柳絮，名柳絮矾，为最上品。我藩阿苏山垂玉温泉，多产此物。

戎 盐

茯苓戎盐汤。
上一方。

品 考

戎盐，即青盐，说详于诸家本草可考。

辨 误

李时珍本草附方引此方，口：小便不通，戎盐汤，用戎盐弹丸大一枚，茯苓半斤，白术二两，水煎服之。仲景《金匱》方云云。按：《金匱要略》作小便不利。夫不利与不通，其证不同，不利者，虽少少利之亦不快利之谓也。不通者，决不通利之谓也。即小便闭是也。故仲景于此方，谓之不利，而不谓之不通也。今考其病证，有所不同者，又戎盐汤上脱茯苓二字，唯分两不异而已。至谓水煎服之，则略其煮法，何其疏漏乎？又云：仲景《金匱》方，夫时珍之取仲景之方，往往如此。或云张仲景《金匱要略》，或云《金匱玉函方》，引其书名，亦不一定，录其煮法，亦多略之。至如略引其书，则无害于治，今略其煮法服度，则恒医苟取其法以施之病人，

岂惟不尤益其病而大害于其治矣。时珍之作本草也，其疏漏亦往往如此。况至于品目，其庶物亦自有阙略失其真者，天下医人，何其心醉彼人矣乎？

云 母

蜀漆散。
上一方。

禹 余 粮

赤石脂禹余粮汤。
上一方。

辨 误

宋版《伤寒论》，赤石脂禹余粮汤方，曰太一禹余粮，此方宜用禹余粮也。太一二字，后人妄添，说详于诸家本草。

代 赭 石

旋覆花代赭石汤。
上一方。

品 考

赭石，本出于代州者为上品。故得代赭石名，犹蜀椒、川芎。若得赤绛青色，如鸡冠有泽者，宜供治材，不必代州之物矣。

真 朱

赤丸。
上一方，此方内真朱为色。故得赤丸之名。

品 考

真朱者，即丹砂。丹砂，即朱砂也。陶弘景曰：作朱名真朱，即今辰砂也。凡以辰

州物为良。故得辰砂之名，犹代赭石矣。

辨 误

和医多不分朱砂与银朱，并呼为辰砂。往往用之大误病人。银朱本出于水银，最有毒，可不辨乎哉！

黄 丹

柴胡加龙骨牡蛎汤。

上一方。

品 考

黄丹，即铅丹。

白 粉

蛇床子散、猪肤汤。

上二方。

品 考

白粉，即铅粉，今胡粉也。《释名》曰：胡粉，胡糊也，脂和以涂面。本草粉锡条可考。

黄 土

黄土汤。

上一方。

品 考

黄土，即灶中黄土。

苦 参

当归贝母苦参丸、三物黄芩汤。

上二方。

狼 牙

狼牙汤、乌头赤石脂丸。

上二方。

品 考

狼牙，即《本草·草部》狼牙草。

辨 误

后世以狼兽之牙充之者，非也。岂有以狼兽牙汁，沥阴中之疮之理乎？

蒲 灰

蒲灰散。

上一方。

品 考

蒲灰，诸家本草无所见焉。是盖香蒲草机上织成者，《别录》方家烧用是也。李时珍《本草·蒲席》附方载此方。

苇 茎

苇茎汤。

上一方。

品 考

苇茎，乃芦苇之茎，去叶者也。《外台秘要》作锉苇。又引仲景《伤寒论》云：苇叶切一升，然则茎叶俱用之。

知 母

白虎汤、白虎加人参汤、白虎加桂枝汤、酸枣汤。

上四方。

主治烦热。

考 证

白虎汤证曰：表有热。又曰：里有热。白虎加人参汤证曰：大烦渴。又曰：表里俱热、舌上干燥而烦。又曰：发热。又曰：身热而渴。酸枣汤证曰：虚烦。今由此诸证，则知母能治烦热。

麦 门 冬

麦门冬汤、竹叶石膏汤。
上二方。

蛇 床 子

蛇床子散。
上一方。

麻 子 仁

麻子仁丸。
上一方。

品 考

麻子仁，疑非今大麻、火麻之类。别有考，不赘于此。

土 瓜 根

土瓜根散、土瓜根导法。
上二方。

辨 误

土瓜根散，脉经作王瓜根散，本草或云土瓜，或云王瓜。《礼记·月令》：作王瓜生。《吕氏春秋》作王善。《淮南子》亦作王瓜，则土字盖王字之讹也。宜呼王瓜根散。

品 考

王瓜，其壳径寸，长二寸许，上圆下尖，秋冬间熟，红赤色，子如螳螂头者是也。

干 苏 叶

半夏厚朴汤。
上一方。

葱 白

白通汤、白通加猪胆汁汤。
上二方。

败 酱

薏苡附子败酱散。
上一方。

品 考

败酱，后世或以白花者为真物。然今以黄花者试之有效，故我们不取白花者。

瓜 子

大黄牡丹汤。
上一方。

品 考

瓜子，用甜瓜子仁，今或权用冬瓜子。

瓜 瓣

苇茎汤。
上一方。

品 考

瓜瓣乃瓜瓢。说文：瓣、瓜中实也。

堇 花

小青龙汤，加减法内有堇花。本方无所用之。

皂 荚

桂枝去芍药加皂荚汤、皂荚丸。
上二方。

瞿 麦

栝蒌瞿麦丸。
上一方。

蜀 椒

大建中汤、乌梅丸。
上二方。

薯 蕷

八味丸、栝蒌瞿麦丸。
上二方。

椒 目

防己椒目葶苈大黄丸。
上一方。

商 陆

牡蛎泽泻散。
上一方。

乌 梅

乌梅丸。
上一方。

海 藻

同上。
上一方。

秦 皮

白头翁汤、白头翁加甘草阿胶汤。
上二方。

葵 子

葵子茯苓散。
上一方。

藟 皮

白头翁汤、白头翁加甘草阿胶汤、梔子藟皮汤。
上三方。

品 考

凡方称葵子者，即冬葵子。

山 茱 萸

干 漆

麝虫丸。
上一方。

八味丸。
上一方。

柏 叶

柏叶丸。

上一方。

品 考

凡药方内称柏叶者，皆用今侧柏叶。

竹 叶

竹叶石膏汤。

上一方。

品 考

凡方内称竹叶者，用淡竹叶也。诸竹亦可补其阙。

竹 茹

橘皮竹茹汤。

上一方。

品 考

凡方内称竹茹者，用淡竹之茹。若无，则诸竹亦可权用。

乱 发

猪膏发煎、滑石白鱼散。

上二方。

人 尿

白通加猪胆汁汤。

上一方。

上七十又八品，仲景一二方剂，俱使用之，故无所取其征者。如彼粳米之于白虎汤、附子粳米汤、竹叶石膏汤、麦门冬汤七证也，

小麦之于甘草小麦大枣汤证也，赤小豆之于瓜蒂散证也，胶饴之于大小建中汤二证也，鸡子白之于苦酒汤证也，矾石之于矾石丸、硝石矾石散、矾石汤三证也，土瓜根之于土瓜根散证也，干苏叶之于半夏厚朴汤证也，瓜子、瓜瓣之于大黄牡丹皮汤、葶苈汤二证也，皂荚之于皂荚丸、桂枝去芍药加皂荚汤二证也，蜀椒之于大建中汤证也，秦皮、白头翁、蘘皮之于白头翁汤二方证也，山茱萸又薯蓣之于八味丸证也，是所以其日用试效者也。虽然，皆在于成方妙用如何而已，不必在于取一味一味之功，则又无所以取其征者。故东洞翁于此七十余品，盖阙如，但粳米之于方也。凡七首，此物之于民食也，其美与锦比焉，其功亦所以最大者，故又治其疾病亦多其功。而本草不载此物者，何哉？惟陶弘景《别录》，始载粳米治病之功，曰：益气，止烦，止渴，止泄。不过此四功也。盖仲景之用粳米也，白虎汤三方证曰：大烦渴，或曰舌上干燥而烦，欲饮水数升，或曰口渴渴，或曰渴欲饮水，口于舌燥，或曰热骨节疼烦。竹叶石膏汤证曰：逆欲吐。麦门冬汤证曰：大逆上气。大逆者，上逆也，上逆则必烦渴，烦渴则舌上必干燥，是粳米有止烦止渴之功也。桃花汤证曰：下利。又曰：下利不止。附子粳米汤又能治腹痛下利，是粳米有止泄之功也。故陶弘景尝见此数方之证，以为粳米止烦止渴止泄也。益气者，是道家言，非疾医之事矣。近世称古方家者，以为民生常食之物，安能治彼病毒矣乎？是未知粳米之功，取征于此七方也。夫粳米若作谷食，则实为氓民生命，作之药物，则又足以治病大材。犹生姜、大枣，作之菜果，则足以养性；作之药物，则大有力于治病毒也。虽然，仲景之用粳米也，有其主治，未可悉知者，唯存而不论亦可也。肘后方有粳米一味，治卒腹痛之方。由此观之，又附子粳米汤之治腹中雷鸣切痛，桃花汤之治下利腹痛，亦似偏取粳米之功矣。犹小麦之治急也，如彼白散酒，则

中华人家常所造酿者也。经日易损，故不能久藏蓄之。我邦饮物，未尝用白馥酒矣！故无敢造酿者，假令医家虽欲常藏蓄之，未能每每酿之，则岂得备于不虞矣乎？苟亦每每造酿之，不堪其费之多也，故若遇胸痹之病，

则白馥，其何所取之？是我古方家之所叹也！呜呼！皇和与中华土宜之所然也，我其无如之何而已，此外若有往往试之者，俟他日之论定考征云尔。

安永戊初夏十二日

附言十七则

一仲景之方之有征也。药亦有征，东洞先师尝有药征之举，大行于海内，始开天下古今之人之眼目，非如后世诸家本草之书之墨墨也。呜呼！天下古今，何其诸家本草之书之墨墨也，是实耳听之而目不视之者之言也。墨墨亦宜乎哉？故其书之伙多也，虽汗牛充栋，亦何征之有？是其所以为墨墨也。

一古者，本草之书之出也，阴阳服饵之言也。陶弘景羽之铍之，深入天下古今之医之肺腑，陶实为之喘矢矣。夫晋唐以降之为医也，盖以二家之言，别立医之方法者也。故其为方法也，不之服饵家，则之阴阳家，又何医治之有。仲景之方法，于是乎亡，又何征之为？呜呼！药之有征也，二千年来，始有先师之举。呜呼！天下古今，别有其人乎。

一晋唐以降之方之存也，有若《肘后方》，有若《千金方》，有若《外台秘要》。其方垂数千，今欲取之而征之于其法。无一可征之于其法之方。何其无一可征之于其法之方耶？无药之可征之于其证之方也。无药之可征之于其证之方，则无方之可对之于其证之法也。方之不对于其证也，病何以治哉。苟施其方而谓之治者，非偶中则病自愈之时，与毒自静之时也。医人其著眼于此，则疾医之道，明明察察。

一王叔和尝撰次仲景之书云：未知其是否，盖所谓撰也者。撰择仲景之方法，于己之臆度者也，所谓次也者。相次自家之方法，于仲景之书者也，是《伤寒杂病论》之所以搀入附会也，隋唐之医之所以不能辨别分析焉也。葛洪之作《肘后方》也，孙思邈之著《千金方》也，王焘之辑《外台秘要》也，皆不知取之于仲景氏，而取之于叔矣氏。《伤寒杂病论》之不显也，职是之由。天下之为医者知视仲景氏之方法于三子者之书，而未尝能知视仲景氏之真面目，于《伤寒杂病论》尚乎哉！至赵宋之时，藏一本于御府。天下之为医者，未尝能知有仲景氏之方法矣，故未尝能知仲景氏之为何等者。当此时天下之为医者，知仲景氏之言之一二有存焉，而未尝能知仲景氏之方法之全然有存焉，又未尝能知仲景氏之医之为古之疾医之遗矣。又当此时天下之为医者，别立医道于己之臆度，是汗牛充栋之书之所以起也。呜呼！当仲景氏之书之不显之时，而别立医道云者，则不得不取之于己之臆度矣。至开宝治平之际，而仲景氏之书之再出也，摹印雕版，颁行天下。于是天下之为医者，虽知有仲景氏之方法，视仲景氏之书，亦犹己之臆度之医道矣。我今于林之校正，成之注解乎见之，于是仲景氏之方法之与赵宋氏之医道者，混淆焉。泾渭不分，淄渑不辨，遂至今之医流矣。

一圣人既没，大道乖矣。七十子已死，大道裂矣，当春秋战国之际，圣人之大道，与天下国家，共分崩离析矣，岂得不命与数矣乎。呜呼！圣人之大道犹且然，况于小道医之为术乎。世之无圣人也久矣，我无所取于正矣。呜呼！我不能取正于圣人之道，则我其不可不取征于圣人之言。苟不取征于圣人之言，则言皆不得不取之于己之臆度。事亦然，于是乎圣人之道将坠于地矣。医之为道亦然，苟不取征于仲景氏之言，则言皆不得不取之于己之臆度。事亦然，夫言也者法也，事也者方也。《素问》、《九灵》之说，医也理也。本草之说，治也妄也。妄之与理，君子不依，故彼书之说医也，其谓之存炎黄氏之遗于十之一二则可也，谓之炎黄氏之道则惑也。故如彼书，又无有方法之可言。则后世之有方法也，苟不取之于妄之与惑，则

不得不取之于己之臆度矣。仲景氏没后，天下古今之为医者，滔滔皆是。所谓晋后之医者，伪统乎哉？故先师独取征于仲景氏之方法，以开二千年来眼目者也。呜呼！《药征》之为书，不亦伟乎。

一先师者，非文儒之徒也。故其著书也，不为修辞，不为文章，其意唯在于辨古人之妄，释今人之惑而已，故言皆系于事实。先师尝谓参互而考之次之，以古今误其药功者，引古训而辨之，是以先师之为《药征》也。仲景之方，取征于仲景之法，仲景之法，取征于仲景之药，方法之与药，无一所违戾者。余故曰言皆系于事实，何其修辞文章之为。世医之诋斥先师也，以文章修辞者抑末。今余之于此编亦然，余也性实，拙于文辞，取笑于大方，亦所不辞也。

一余之为医也，陋且拙也，岂足奉东洞先师之教，以修仲景氏之术乎？虽然，余也从事斯方三十有余年于兹矣。余之为医也陋且拙，亦岂无所不熟十之一二乎哉。余也自尝修仲景氏之术，不加减于方，不出入于药，唯随其证而治之耳。呜呼！余之为医也，陋且拙，亦岂无所不愈十之一二乎哉。如余但奉先师之教，以建方之极，取药之征者也。故今所征于此之药者，是皆所征于日用之病者也。夫今之为医者不然，不自憚之甚，妄意加减于方，出入于药，宁知方法之有规则乎哉？是余之所畏也。

一东洞先师，常用所征本编之药。凡五十有三品，余亦于此品，而所以征之，得其征者也，无复异论矣。先师之言，至矣尽矣，吾岂有所容喙哉。今此编所载十品，附录七十有八品，十品者常用之物，而本编所不载也。是乃余之常用所征，而所得其功效者也，是所以私窃补先师之遗也。又未尝取之于己之臆度，而所以征之于日用之事实，试之于日用之证候者也。呜呼！如此数品，先师岂有所不征乎，盖未终之而没者也。噫，可惜乎哉！余之补之，有所大憚于先师者，世之君子，其谓之何哉。虽然，余也其不言之，孰又言之，余也死矣，此言已矣。呜呼，余之补之，唯不免狗尾续貂之诮是惧。

一续编十品，先师日用所施之物也。本编不载其功之与征者，何也？是前所谓盖未终之而没者也。惟蜀漆之助牡蛎龙骨而治动之剧也，蜜之缓诸病之急而助诸药之毒也，是余之所常试，而古今医人所未尝言及者也。余之执斯方，三十年之尚矣，岂无一二之所得矣乎。明者其试诸。

一麋之为虫，我邦未产此物。二十年前，余再游于先师之门，先师出一头示余。余又得一二于直海元周之所，余遂赠之先师，先师喜而藏之，然则先师未尝得试麋虫之功效矣。尔后余多得之，于是余先试之内人之病，而有效焉，后又试之于他人之病，而有效焉，此时先师既没。噫，我邦试麋虫之功者，余于先师之门，为之先登，故今著之。

一粉之为物，赵宋以来，未尝得其实之品。故医者误治甘草粉蜜汤证者，不为不少。余今订之诸书，而始得其真物，又始得治其证矣。

一白戩酒之治胸痹之病也，唐宋以后，诸书所不载也。余又订之，而得其造酿之法矣，胸痹之病。其自此有治乎哉。

一先师尝谓余曰：吾自唱古疾医之道，数十年于今矣，游我们之士，不下数百人，虽然，有传方之人，而无传道之人也，吾子其勉旃。余自辞先师二十年于兹矣。余尝知受业于东洞之塾者，亦不下数十人，余又见其人，无一人不口先师之医者，然未尝闻有得先师本旨者。若有其人，亦或有专长于下剂者，或有纯执家塾方者；或有二三执仲景之方，七八取唐宋之方者，或有取己之臆，负东洞之教者，或有学无其力，业无其术，称古今并执者；其次者，或

有一端，称奉东洞之教，终行后世之方者；或有谓东洞之教，偏于古而不知今者；或有谓东洞之术，便于痼疾，而不宜于平病者。如此抑末，不足以挂以齿牙矣。夫以我藩推之海内皆是矣乎，以余之所见推之，余之所未见亦然矣乎，是余之所长太息也。要之是皆虽曰奉东洞之教，亦不能实读仲景之书者也，可胜叹哉。呜呼，仲景之方法者，执之知之，则不能不为之。不能不为之者，知之者也。不能为之者，不知之者也。先师没后，仲景氏之方法熄矣，是余之所以勤勉劳劬者也。

一仲景之书者，古之疾医之遗也，天下古今，知之者鲜矣。其不知之，故人人有异说，或有以《素》、《灵》解仲景之书者，或有以晋唐医学，说仲景之书者，近世或有以名与数，解仲景之书者，或有取己之臆，辨仲景之书者，要之是又不知仲景真面目者也。苟欲知仲景真面目，请在达于仲景方法，而后施之于今日日用事实而已矣。

一余尝为门徒讲《伤寒论》，听者百余人。余之讲《伤寒论》也，一一取征于仲景之规则，一一取征于仲景之方，一一取征于仲景之法，一一取征于六经史子，一一取征于两汉以上之书，一一取征于某书某篇某人某言以示其事实。余于是谓门徒曰：仲景氏方法者，古之疾医之遗也。苟不经圣人制作之手，安能有此方法乎哉？故其道也正，其方也正，其法也正，其术也正。无所不正者，其不正者有之，此为后人搀入。今之为医者不然，不知执仲景氏之方法之正，不知学仲景氏之治术不正，此反正之徒也。今其取反正之方法治术，以奉此于君之与亲者，不忠之臣也，不孝之子也。噫！己不啻不忠不孝，而使人之臣子不忠不孝者，其谓之何哉，医者其思诸。

一先师之作《药征》也，改稿凡七，余尝得宝历之本是也。二十年前斋游于京师，因请正于先师。先师谓余曰：此本实属草稿，为门人所窃去者也，正本今在于纪州，虽然是亦余之所草也，吾子宜见大体，岂在于文字章句之间乎哉。携而西归，后又得安永之本修夫氏定正之本也，余又别有定本，以余之所闻于先师订之。天明五年乙巳之夏，京师有上木之役，余之定本，不敢出之。

一续编及附录、定正、考索，十易裘葛，安永戊戌初夏，始脱其稿。虽不能得先师订正，亦因剗删氏之请，遂谋上梓之事，刻成其后也悔矣。

天明七年丁未初冬十二日村井杞大年识

刘涓子鬼遗方

〔宋〕龚庆宣 撰

《刘涓子鬼遗方》提要

相传《鬼遗方》之由来，系晋时刘涓子于丹阳郊外打猎，忽见一物高二丈许，射而中之，光如雷电，声若风雨。其夜不敢前追，诘旦率门徒子弟数人，寻踪至山下，见一小儿提罐，问何往，谓我主被刘涓子所射，取水洗疮。问主人是谁，曰黄父鬼。乃随小儿行。及门闻捣药之声，门内遥见有三人，一人阅书，一人捣药，一人仰卧。怪而叫之，三人俱亡。遗有《痈疽方》一卷，并药一臼。时刘方从宋武北征，有患疮者，以是药涂之即愈，说者谓是天助武王也。嗣后有患者，用方为治，无不应效。当时刘涓子寄沛书，尝备述此段故事，附方一卷，以证其所言非妄。方用丹阳白薄纸所写，并无刻本。龚庆宣原序，纪录得方之原委如此，是否可信，以年代久远，亦莫可穷诘。惟是书为希世之珍，终当重视之。本书昔尝刊于读书斋丛中，嘉庆庚申，苏州扫叶山房亦有刻本，惟讹字缺字太多，今就读书斋本考校印行。

《刘涓子鬼遗方》目录

卷一

卷二

治金疮止血散方	336
治金疮血肉痿痹消血散方	336
治金疮肉痿蒲黄散方	336
治金疮箭肉中不出出箭白敛散方	336
治金疮中腹肠出不能内小麦散方	336
治金疮肠出欲入磁石散方	336
治金疮烦闷心烦白芷散方	336
治金疮先有散石烦闷二便不通消石消散方	336
治金疮痛不可忍止痛当归散方	336
治金疮弓弩所中闷绝琥珀散方	336
治金疮弓弩所中筋急屈伸不得败弩散方	336
治金疮内伤蛇衔散方	336
治金疮中筋骨续断散方	336
治金疮烦疼麻黄散方	337
治金疮烦满白薇散方	337
治金疮去血多当归散方	337
治金疮去血多虚竭内补苁蓉散方	337
治金疮内塞泽兰散方	337
治金疮内塞黄芩散方	337
治金疮中茵药蓝子散方	337
治金疮大渴麦散方	337
治被打腹中瘀血蒲黄散方	337
治痈疽金疮续断生肌膏方	337
治金疮痛疽止痛生肌甘菊膏方	337
治痈疽金疮生肌膏方	337
治金疮腹内有瘀血乌鸡汤方	338
治金疮内有瘀血未及得出乌鸡汤方	338
治金疮有瘀血桃核汤方	338
治金疮惊悸独心汤方	338
治金疮痈疽生肉膏方	338
治被打腹中有瘀血白马蹄散方	338

卷三

治强壮热痈疽大黄汤方	339
治发痈疽兼结实淡竹叶汤方	339

治发背发乳痈疽生地黄汤方	339
治乳痈已服前汤又淡竹叶汤方	339
治痈疽虚热生地黄汤方	339
治痈疽内虚热渴甚黄芩汤方	339
治背生地黄汤方	339
治痈疽内虚黄芩汤方	339
治痈疽五味竹叶汤方	340
治痈疽发背远志汤方	340
治发背乳下复住白石脂汤方	340
治发痈疽取利竹叶汤方	340
治发痈疽小便不利竹叶汤方	340
治痈疽取利后热小便不利竹叶汤方	340
治发背痈兼味竹叶汤方	340
治发背已溃白石脂汤方	340
治发背大去脓汁少气力黄芩汤方	340
治痈疽内虚生地黄汤方	340
治发背黄芩汤方	341
治炎疽积实汤方	341
治肠痈大黄汤方	341
治背上欲有疹大黄汤方	341
治妇人妒乳辛夷汤方	341
治妇人乳结肿黄芩汤方	341
治痈肿热盛黄芩汤方	341
治发痈疽去脓血多内补黄芩汤方	341
治痈疽去脓多虚满竹叶汤方	341
治痈疽肿增损竹叶汤方	341
治痈疽后黄芩汤方	341

卷四

九江黄父痈疽论	342
相痈疽知是非可灸法	343
相痈疽知有脓可破法	343
治痈疽肿松脂贴方	343
治痈疽肿松脂贴方	343
治痈疽松脂贴肿方	343
治痈疽升麻薄极冷方	343
治痈白敛薄方	343
治痈疽始一二日痛猪胆薄方	344

治痈肿热盛除热止渴黄芪汤方	344
治客热郁积在内或生疔黄芪汤方	344
治痈未溃黄芪汤方	344
治痈内补竹叶汤方	344
治补度冷下赤石脂汤方	344
治取冷过寒下温中汤方	344
治断下补胃附子汤方	344
治痈及恶疮猪蹄汤洗方	344
治痈肿坏多汗猪蹄汤方	344
治肘疽方	344
治痈疽最脓增损散方	344
治痈消脓木占斯方	345
治发背及妇人发房并肠痈木占斯散方	345
治诸痈肿未溃麦散方	345
治痈食恶肉散方	345
治痈疽食恶肉散方	345
治痈疽兑膏方	345
治食肉青龙膏方	345
治痈疽金疮生肉膏方	345
治丹痈疽始发焮热浸淫长成擒汤方	345

卷五

治痈疽败坏生地黄膏方	346
治痈疽疮生肌黄芪膏方	346
治发背乳口已合急痛丹参膏方	346
治痈疽肿痛坚强不消黄芩膏方	346
治痈疽止痛生肌鸱脂膏方	346
治痈疽金疮续断生肉膏方	346
治痈疽金疮止痛甜竹叶膏方	346
治痈疽败坏生肉茵草膏方	346
治痈疽败坏脓烂蛇衔膏方	346
治痈疽食肉膏方	346
治痈疽食肉大黄膏方	347
治痈疽食恶肉芦荟膏方	347
治痈疽始作硬败坏膏方	347
治久病疥癣恶疮膏方	347
治久病疥癣诸恶疮毒五黄膏方	347
治病疥癣散热水银膏方	347
治面野炮麝香膏方	347
治面瘡炮木兰膏方	347
治瘡炮鸱脂尿膏方	347
治头颊生发白芷膏方	347

治妇人乳肿痛丹参膏方	347
治头白颊疮经年不差五味子膏方	347
治疽漏病疥恶疮膏方	348
治久病疽诸疮野葛膏方	348
治丹砂膏方三首	348
赤膏治百病方	348
治燥疽丹砂膏方	349
治燥疽麝香膏方	349
治丁肿生芎藭膏方	349
治燥疽始发丹砂膏方	349
治风温病疽诸恶疮膏方	349
治病疥诸恶疮丹砂膏方	349
治小儿头疮紫草膏方	349
治小儿热疮水银膏方	349
治火疮柏皮膏方	349
治燥疽浸淫广大烂坏成疮羊髓膏方	349
治热毒疮升麻膏方	350
治热疮生地黄膏方	350
治恶疮皆烂雄黄膏方	350
治病疽痿水银膏方	350
治瘰癧病疮白敛膏方	350
治皮肤中热瘰癧病白敛膏方	350
治热疮生地黄膏方二首	350
治温热诸疮黄连膏方	350
治热疮蛇床子膏方	350
治热疮木兰膏方	350
治热疮黄连膏方	350
治热炙疮甘草膏方	350
治诸痈破后大去脓血黄芪膏方	350
治痈疽已溃白芷摩膏方	350
治诸疽疮膏方	351
治鼻中塞利鼻白芷膏方	351
治竹木所刺手足疼痛羊屎膏方	351
治汤泪入肉烂坏术膏方	351
治火烧烂坏柏皮膏方	351
治病疽疥癣及恶疮芦荟膏方	351
治妇人妒乳生疮雌黄膏方	351
治诸恶疮麝香膏方	351
治头疮骨疽牛屎熏方	351
治诸伤六物灭癰膏方	351
治灭癰小品方二首	351

刘涓子鬼遗方 卷一 并序

宋 龚庆宣 撰

昔刘涓子，晋末于丹阳郊外照射，忽见一物，高二丈许，射而中之，如雷电，声若风雨，其夜不敢前追。诘旦，率门徒子弟数人，寻踪至山下，见一小儿提罐，问何往为？我主被剂涓子所射，取水洗疮。而问小儿曰：主人是谁人？云：黄父鬼。仍将小儿相随，还来至门，闻捣药之声，比及遥见三人，一人开书，一人捣药，一人卧尔，乃齐声叫突，三人并走，遗一卷痈疽方并药一臼。时从未武北征，有被疮者，以药涂之即愈。论者云：圣人所作，天必助之，以此天授武王也。于是用方为治，千无一失。沛适余从祖叔，涓子寄沛书具叙此事，并方一卷。方是丹阳白薄纸本写，今手迹尚存。从家世能为治方，我而不传。孙道庆与余邻居，情款异常，临终见语：家有神方，儿子幼稚，苟非其人，道不虚行，寻卷诊候，兼辨药性，欲以相传属。余既好方术，受而不辞。自得此方，于今五载，所治皆愈，可谓天下神验。刘氏昔寄龚方，故草写多无次第，今辄定其前后，族类相从，为此一部，流布乡曲，有识之士，幸以自防。齐永元元年太岁己卯五月五日撰。道庆曰：王祖刘氏有此《鬼方》一部，道庆祖考相承，谨按处治，万无一失。舅刘涓子兄弟自写，写称云无纸，而用丹阳录，永和十九年，财资不薄，岂复无纸，是以此别之耳。

黄父曰：夫言痈疽，何以别之？岐伯答曰：荣卫稽留于经脉之中，久则血涩不行，血涩不行则卫气从之不通，壅遏不得行，火热不止，热胜则肉腐为脓，然不能陷肤于骨髓，不为焦枯，五脏不为伤，故曰痈。

黄父曰：何谓疽？岐伯曰：热气浮盛，下

陷肌肤，筋髓枯，内连五脏，血气竭，当其痛下筋骨良肉无余，故曰疽。疽上皮肉以坚，状如牛领之皮。痈者，皮薄以泽，此其候也。

黄父曰：及如所说，未知痈疽之姓名、发起处所、诊候形状、治与不治、死活之期，愿一一闻之。

岐伯曰：痈疽图曰：赤疽发额，不写，十余日死，其五日可刺也。其脓赤多血死，未有脓可治。人年二十五、三十一、六十、九十五者在额，不可见血，见血者死。

禽疽发如犛者数十处，其四日，肿合牵核痛，其状若挛，十日可刺。其肉发，身振寒，齿如噤欲痊，如是者，十五日死。

杼疽发顶若两耳下，不写，十六日死，其六日可刺。其色黑，见脓而腐者死，不可治。人年十九、二十三、三十五、三十九、五十一、五十五、六十一、八十七、九十九，百神在耳下，不可见血，见血者死。

丁疽发两肩，此起有所逐恶结，血流内外，荣卫不通，发为丁疽。三日身肿痛甚，口噤如瘞状，十日可刺。不治，二十日死。

蜂疽发髀背，起心膺，若连肩骨，二十日不治死，八日可刺。其色赤黑，脓见青者死，不可治。人年一十八、二十四、三十五、六十七、七十二、九十八者，百神在肩，不可见血，见血者死。

阴疽发髀若阴股，始发腰强，内不能自止，数饮不能多，五日坚痛。不治，三岁而死。

刺疽发起肺膺，不写，二十日死，其八日可刺。发而赤，其上肉如椒子者死，不可治。人年十九、二十五、三十九、四十九、五

十七、六十、七十三、八十一、九十七，百神在背，不可见血，见血者死。

脉疽发颈项如痛，身随而热，不欲动，悄悄或不能食，此有所大畏恐，骇而不精，上气嗽，其发引耳，不可以肿，二十日可刺。不刺，八十日死。

龙疽发背，起胃俞，若肾俞，二十日不写死，九日可刺。不刺，其上赤下黑，若青脓黑死，发血脓者不死。

首疽发热八十日一方云八九日，大热汗，头引血，尽如嗽，身热同，同如沸者，皮颇肿，浅刺之。不刺，二十日死。

荣疽发胁，起若两肘头，二十五日不写死，九日可刺，脓多赤白而可治也。人年一岁、十六、二十六、三十二、四十八、五十八、六十四、八十、九十六，百神在胁，不可见血，见血即死。

行疽发如肿，或后合相从，往来不可，要其所在刺之，即愈。

勇疽发股，起太阴，若伏鼠，二十五日不写死，其十日可刺。勇疽发脓，青黑者死，白者尚可治。不可治，人年十一、十五、二十、三十一、三十三、四十六、五十九、六十三、七十五、九十一，百神皆此尻尾，不可见血，见血者死。

漂叔疽，发背，热同，同耳聋，后六十日肿如聚水，其状若如此者，可刺之。但出水后及有血出，即除，愈也。不可治，人年五十七、六十五、七十三、八十一、九十七者，百神在背，不可见血，见血者死。

癰疽发足趺，若足下，三十日不写死，其十二日可刺。癰疽者，白脓不太多，其疮上痒，赤黑者死，不可治。人年十三、二十九、三十五、六十一、七十三、九十三，百神在足，不可见血，见血者死。

冲疽发小腹，痛而振寒热，四日五日悄悄，六日而变，刺之，五十日死。

敦疽发两指头，若五指头，七八日不写死，其四日可刺。其发而黑拥者，不堪；未

过指节可治。一方不呼为敦疽，恐是刺写。《明堂》引为败疽

疥疽发腋下，若两臂、两掌中，振寒热而喘干者，饮多即呕，心烦悄悄，六十日而渐合者，如此可有汗，如无汗者死。一方云床疽。《明堂》亦引为床痈

筋疽皆发脊两边大筋，其色苍，八日可刺。若有脓在肌腹中，十日死。

陈干疽发两臂，三四日痛不可动，五十日身热而赤，六十日可刺。如刺无血，三四日病愈。

搔疽发手足五指，头起节，其色不变，十日之内可刺，过时不刺，后为蚀。有痈在脉腋，三岁死。

叔疽发身肿，牵核而身热，不可以行，不可以屈伸，成脓，刺之以除。

白疽发脾，若肘后，痒，自痛伤，乃身热多汗，五六处有者死。心主痛疽，在股胫，六日死，发脓血六十日死。

黑疽发肿，居背大骨上，八日可刺，过时不刺，为骨疽。骨疽脓出不可止，壮热碎骨，六十日死。胁少阳，有痈肿在颈，八日死，发脓血者十日死。

仓疽发身，痒后痛。此故伤寒气入脏，笃发为仓疽。九日可刺之，不刺，九十日死矣。

腰太阳脉有肿，交脉属于阳明，在颈十日死，发肿七十日死。

尻太阳脉有脓肿痈，在足心，少阳八日死，发脓血六十日死，或八十日死。

头阳明脉有肿痛，在尻六日死，发脓血六十日死。

股太阴有肿痛，在足太阳十七日死，发肿血百日死。

肩太阳脉有肿痛，在颈八日死，发脓血百日死。

足少阳脉有肿痛，在胁八日死，发脓血六十日死。

手阳阳脉有肿痛，在腋渊一岁死，发脓血三岁死。

黑疽发腋渊死。

黑疽发耳中如米大，此疽不治死。

黑疽发肩死。黑疽发缺盆中，名曰伏疽，不治，死。

赤疽发于脾，半岁可治，出岁死。

黑疽发肘上下，不死可治。

脾解除，指本黑，头赤死。

黑疽发掌中，不死可治。

赤疽发阴股，软可治，坚死。

赤疽发肥肠死。

黑疽发腋腋，软可治，坚不可治。

赤疽发掌中，不可治。

黑疽发趺上，坚死。

足下久痈，色赤死。

痈高而光者，不大热，用薄痈，其肉平平无异而紫色者，不须治，但以黄芪并淡竹叶汤申其气耳。痈平而痛，用八物黄芪。薄大痈七日，小痈五日，其自有坚强，色诊宁生破，发背及发乳，若热，手近不得者，令人之热，熟。先服王不留行散，外散，外摩发背大黄膏。若背生。破无善。在乳者，熟之候，手按之，若随手起，便是熟。针法要脓，看以意消息之，胸、背不可过一寸针，良久不得脓，即以食肉膏散差，瓮头肉痈口中。人体热气，歇服木瓜散。五日后，痈欲差者，

排脓内寒散。

凡破痈之后，病人便连绵欲死，内寒热肿，自有似痈而非者，当以手按肿上，无所连是风毒耳，勿针，可服升麻汤，外摩膏。破痈口，当合流下三分，近一分针，唯令极热便不痛。破痈后，败坏不差者，作猪蹄汤洗之，日再。下汤二日故可用，冬六七日，汤半剂亦可用。胸中断气，断气者，当入闾中，以手按左眼，视右眼，见光者，胸中结痈；若不见光者，燥疽内发。针伤脉，血不出，住实不写，留成痈，肾脉来者大，渐小，阴结。若肌肉痹，痈疔为发，寸口如此来大，如未，渐小矣。

有黑色者，是石留黄毒。有赤色者，是丹砂毒。有青色者，是硃砂毒。有似盐颗者，是钟乳毒。有黄水者，是杏、桃仁毒。有白水者，是附子、干姜毒。有脓者，热肉面等毒。硃砂发，白雄鸭顶上血一合已来，取黑铅汤一茶碗，调服之解。钟乳发，雄鸡肘上血一合，将铁粉汤一茶碗调服之解。附子发，取附子皮三半，豉半升相合，以水一升，煎约一茶碗服之解。丹砂发，取黑铅、黄芪、防风、伏龙肝各半两，水一升，煎半茶碗，去滓服之解。

刘涓子鬼遗方 卷二

宋 龚庆宣撰

治金疮，止血散方。

乌樟根三两 白芷一两 鹿茸二分，烧灰
当归一两 芎藭一两 干地黄一两，切，蒸焙 续断一两

上七味，捣筛令调，着血出处即止。

治金疮血肉痿，蝙蝠消血散方。

蝙蝠三枚，烧令烟尽，未下绢筛之。

上以水服方寸匕，一日服令尽，当下如水，血消也。

治金疮肉痿，蒲黄散方。

七月七日麻勃一两 蒲黄二两

上二物捣筛为散，温酒调服一钱匕，日五服，夜再两服。

治金疮箭肉中不出，出箭，白蔹散方。

白蔹二两 半夏三两，汤洗七遍，生姜浸一宿，熬过

上二味为末。调水服方寸匕，日三服。若轻浅疮十日出，深二十日出，终不停在肉中。

治金疮中腹，肠出不能内之，小麦饮喷疮方。

取小麦五升，水九升，煮取四升，去滓，复以绵度滤之，使极冷。傍含喷之，疮肠自上，渐渐入；以冷水喷其背，不中多人见，亦不欲令傍人语，又不可病人知；或晚未入，取病人席四角，令病人举摇，须臾肠便自入。十日之内不可饱食，频食而宜少。勿使病人惊，惊则煞人。

治金疮肠出欲入，磁石散方。

磁石三两 滑石三两

上二物下筛，理令调，食饮方寸匕，日五服，夜再服。

治金疮烦闷，止烦，白芷散方。

白芷二两 芎藭二两 甘草二两，炙

上三味，熬令变色，捣为散。水调服方寸匕，日五服，夜再服。

治金疮先有散石，烦闷欲死，大小便不通。止烦、消血、解散，消石散方。

消石 泽泻 白蔹 芍药 寒水石 瓜蒌以上各一两

上六味，捣筛为散。水服方寸匕，日夜各一服。或未通，稍增之。

治金疮不可忍，烦疼不得住，止痛，当归散方。

当归 甘草炙 藁本 桂心 木占斯以上各一两

上五味合捣筛，令调。水服半寸方匕，日三服，夜一服。

治金疮弓弩所中，闷绝无所识，琥珀散方。

琥珀随多少，捣筛，以童子小便服之乃热，不过三服便差。

治金疮弓弩所中，筋急屈伸不得，败弩散方。

干地黄十分 干枣三枚 杜仲二分 当归四分 附子四分，炮 故败弩筋烧灰，取五分

上七味合捣筛，理令匀。温酒服方寸匕，日三服，夜一，增一至三。

治金疮内伤，蛇衔散方。

蛇衔 甘草炙 芎藭 白芷 当归各一两 续断 黄芩 泽兰 干姜 桂心各三分 乌头五分，炮

上十一味合捣筛，理令匀。酒服方寸匕，日三服，夜一服。

治金疮中筋骨，续断散方。

芎藭一两半 干地黄二两 蛇衔二两 当归一两半 苁蓉一两半 干姜三分 炮 续断二两 附子三分 炮 汉椒三分 出汗去目 桂心三分 人参一两 甘草一两 炙 细辛一分 白芷三分 一本用芍药一两半

上十四味捣筛，理令匀。调温酒服方寸匕，日三服，夜一服。

治金疮烦疼，麻黄散方。

麻黄六分，去节 甘草五分 炙 干姜三分 附子三分 炮 当归三分 白芷三分 续断三分 黄芩三分 芍药二分 桂心三分 芎藭三分

上十一味捣筛，理令匀。调温酒服方寸匕，日三服，夜一服。

治金疮烦满，疼痛不得眠睡，白薇散方。

白薇 苦参 枳实炒 辛夷去毛 甘草炙 石膏以上各一两 厚朴二分 炙 酸枣二分 炙 上八味为末。调温酒服方寸匕，日三服，夜一服。

治金疮去血多，虚竭，内补当归散方。

当归三分 芍药五分 干姜三分 辛夷去毛 二分 甘草三分 炙

上五味捣筛，理令匀。调温酒服方寸匕，日三服，夜一服。

治金疮去血多，虚竭，内补，苁蓉散方。

苁蓉 当归 甘草炙 芎藭 黄芩 桂心 人参 芍药 干姜 吴茱萸 白及 厚朴炙 黄芪各一两 蜀椒三分，出汗，去目，闭口

上十四味捣筛，理令匀。调温酒服方寸匕，日三服，夜一服。

治金疮内塞，泽兰散方。

泽兰 防风 蜀椒去汗、目、闭口 石膏末 附子炮 干姜 细辛 辛夷去毛，各二两 芎藭三分 当归三分，炒 甘草四分，炙

上十一味筛，理令匀，调温服方寸匕，日三夜一。脓多，倍甘草；渴，加苦参二分；烦，加黄芩二分；腹满、气短，加厚朴二分；疮中血瘀，加辛夷一倍。

治金疮内塞，黄芪散方。

黄芪三两 芎藭 白芷 当归 麻黄去

节 鹿茸 黄芩 细辛 干姜 芍药 续断 桑虫屎以上各一两 附子炮，半两 山茱萸一两 上十五味捣筛，理匀。调温酒服方寸匕，日一服，夜一服，渐可至二匕。

治金疮中菌药，解毒蓝子散方。

蓝子五合 升麻八两 甘草四两，炙 王不留行四两

上四味捣筛，理令匀。调冷水服二方寸匕，日三夜二；及以方寸匕水和匀，涂疮上，毒即解去矣。

治金疮大渴，内补，瞿麦散方。

瞿麦 芎藭 当归 甘草炙 干姜 桂心 续断 厚朴炙 白薇 蜀椒去目，闭口，汗 辛夷去毛 牡蛎末 芍药 桔梗 干地黄 防风各三两 细辛二分 瓜蒌一分 人参三分

上十九味捣筛，理令匀。调温酒服方寸匕，日三夜一。或筋骨断，更加续断三分。

治被打腹中瘀血，蒲黄散方。

蒲黄一升 当归二两 桂心二两

上三味捣筛，理匀。调酒服之方寸匕，日三夜一。不饮酒，熟水下。

治痈疽金疮，续断生肌膏方。

续断 干地黄 细辛 当归 芎藭 黄芩 通草 芍药 白芷 牛膝 附子炮 人参 甘草炙，各二两 腊月猪脂四升

上十四味咬咀，诸药内膏中渍半日，微火煎三上，候白芷色黄膏即成。傅疮上，日四五。膏中是猪脂煎。

治金疮痈疽，止痛生肌，甘菊膏方。

茵草 芎藭 甘草炙 防风 黄芩 大戟以上各一两 生地黄四两 芍药一两半 细辛 大黄 蜀椒去目，闭口，汗 杜仲 黄芪各半两 白芷一两

上十四味咬咀，以腊月猪脂四升，微火煎五上下，白芷候黄成膏。一方添甘菊二两，以敷疮上，日易两次。

治痈疽金疮，生肌膏方。

大黄 芎藭 芍药 黄芪 独活 当归 白芷以上各一两 薤白二两，别方一两 生地黄

一两，别方二两

上九味合薤，咬咀，以猪脂三升煎三上下，白芷黄膏成，绞去滓用。磨之，多少随其意。

治金疮腹内有瘀血，乌鸡汤方。

乌雌鸡一只 大黄三两 细辛二两 人参一两 甘草一两，炙 地黄三两 杏仁一两，去皮，双仁 虻虫一两 当归二两 芍药一两 黄芩一两 桃仁二两，去皮，碎 大枣二十枚

上十三味，理乌鸡如食法，以水二斗煮鸡，取一斗；咬咀诸药，内鸡汁中更煮，取三升，绞去滓，通寒温。伤出甚困者，初服五合，以一日二夕尽汤，便应下。食之粥，慎食他物。

治金疮内有瘀血，未及得出，而反成脓，乌鸡汤方。

乌鸡一只 白芷 麦门冬去心 甘草炙 芍药 当归以上各一两 桂心二两 瓜蒌二两

上八味，先理鸡如食法，以水二斗，煮取二升，咬咀诸药，内汁中更煮，取三升，去滓。服七合，日三，夜勿食。

治金疮有瘀血，桃核汤方。

廕虫三十枚，熬 虻虫 水蛭各三十枚，熬

桂心二分 大黄五两 桃核五十枚，去皮，切

上六味，酒水各五升，咬咀，合煮取三升，去滓。服一升，日三服。

治金疮惊悸，心中满满如车所惊怛，纯心汤方。

纯心一具 人参 桂心 甘草炙 干地黄 桔梗 石膏末 芎藭各一两 当归二两

上九味细切锉，诸药咬咀，先以水二斗煮心，取汁八升，内诸药，煮取一升。一服八合，一日令尽。

治金疮、痈疽，生肉膏方。

黄芪 细辛 生地黄 蜀椒去目汗，闭口

当归 芍药 薤白 芎藭 独活 苁蓉 白芷 丹参 黄芩 甘草以上各一两 腊月猪脂二斤半

上十五味咬咀，以苦酒一升，合渍诸药，夏一夜冬二夜浸，以微火煎三上，候苦酒气，成膏用之。

治被打腹中瘀血，白马蹄散方。

白马蹄烧令烟尽，捣筛。温酒服方寸匕，日三夜一。亦治妇人血疾，消为水。

刘涓子鬼遗方 卷三

宋 龚庆宣 撰

治年四十已还强壮，常大患热痢，无定处，大小便不通，大黄汤方。

大黄三两 梔子五十个 升麻二两 黄芩二两 芒硝一两，别方二两

上五味切，以水五升，煮取二升四合，去滓，下硝绞调。分温三服，快利为度。

治发痈疽兼结实，大小便不通，寒热，已服五利汤，吐出不得下，大渴烦闷，竹叶汤方。

淡竹叶四升，切去尖 苦荬四两 通草 前胡 升麻 茯苓 黄芩 知母草炙 石膏末，以上各二两 生地黄十两 芍药一两 大黄三两 黄芪三两 当归一两半 人参一两

上十六味，先以水一斗六升煮竹叶，去叶取九升，内诸药后煮取三升二合。分为四次服，日三夜一，快利便止，不必尽汤。汤尽不利，便合取利。

治发背、发乳，四体有痈疽，虚热大渴，生地黄汤方。

生地黄十两 竹叶四升 黄芩 黄芪 甘草炙 茯苓 麦门冬去心，以上各三两 升麻 前胡 知母 芍药各二两 瓜蒌四两 大枣二十枚，去核 当归一两半 人参一两

上十五味，先以水一斗五升煮竹叶，取一斗去叶，内诸药，煮取三升六合。分为四服，日三夜一。

治发背、乳痈，已服生地黄汤，取利后服此淡竹叶汤方。

淡竹叶四升 麦门冬去心 黄芪 芍药 干地黄 生姜以上各三两 前胡 黄芩 升麻 远志去心 苦荬各二两 大枣十四枚 当归一两

上十三味，先以水一斗八升煮竹叶及小麦一斗，去滓，内诸药再煮取三升，分温三分。

治痈疽虚热，生地黄汤方。

生地黄五两 人参 甘草炙 黄芪 芍药 茯苓各二两 当归 芎藭 黄芩 通草各二两 大枣二十枚 淡竹叶切成，三升

上十二味，先以水二斗煮了水，取一斗五升，去滓，复诸药，再煮取四升八合。一服八合，日三夜再。能顿服为佳。

治痈疽内虚热，渴甚，黄芪汤方。

生地黄八两 竹叶切成，二升 小麦一升 黄芪 黄芩 前胡 大黄各三两 苦荬四两 通草 芍药 升麻 茯苓 甘草 知母各二两 人参 当归各一两

上十六味，先以水二斗煮竹叶及小麦，取一斗二升，去滓，复煮诸药取四升。分四服，日三夜一。小便利，除通草、茯苓、加麦门冬；腹满，加石膏三两；热盛，去人参、当归。

治背，生地黄汤方。

生地黄八两 人参 甘草炙 芍药各二两 通草 茯苓 黄芪 黄芩各三两 淡竹叶切，二升 大枣二十枚 当归 芎藭各一两

上十二味，先以水三斗煮竹叶，取一斗，去滓，内诸药再煮四升。一服八合，日三夜再。若能每服一升佳。

治痈疽内虚，黄芪汤方。

黄芪 人参 甘草炙 芍药 当归 生姜各三两 大枣二十枚 干地黄 茯苓各二两 白术一两 远志一两半

上十一味，以水一斗三升，煮取四升，去

滓，分温四服。

治痈疽，五味竹叶汤方。

竹叶切，三升 五味子 前胡 当归 干地黄 人参各二两 小麦二升 黄芪 黄芩 麦门冬去心 生姜各三两 甘草一两半，炙 升麻一两 大枣十四枚 桂心半两

上十五味，先以水二斗煮竹叶、小麦，取一斗，去滓，内诸药煮取三升。分温四服，日三夜一。

治痈疽，发背、乳，大去脓后，虚憊少气欲死，服此远志汤方。

远志去心 当归 甘草炙 桂心 芍药各一两 黄芪 人参 麦门冬去心，各三两 茯苓二两 干地黄二两 生姜五两 枣十四枚

上件十三味，以东流水一斗，煮取三升二合。分温四服，日三夜一。

治发背、乳，下复住，服此白石脂汤方。

白石脂四两 龙骨三两 当归 桔梗 女萎 黄连去毛 甘草以上各二两 白头翁一两 干姜三两

上九味，以水九升，煮取三升二合，分四服，下住便止，不必尽服。当下，未即来日止。

治发痈疽取利，热小便退，不用食物，竹叶汤方。

淡竹叶切，三升 小麦二升 干地黄 人参 黄芩 前胡 升麻各二两 麦门冬去心 生姜 黄芪 芍药各三两 大枣十四枚 桂心半两 远志半两，去心 当归一两 甘草炙

上十六味切，先以水一斗八升煮竹叶、小麦，取一斗，去滓，内诸药，又煮取三升。分二服，羸者分四服，日三夜一。

治痈疽取下后，热少退，小便不利，竹叶汤方。

淡竹叶切，三升 小麦三升 干地黄四两 黄芪 人参 甘草炙 芍药 石膏末 通草 升麻 黄芩 前胡各二两 大枣十四枚 麦门冬三两，去心

上十四味，先以水一斗六升煮竹叶、小

麦，取九升，去滓，内诸药，煮取三升二合。强即分三服，羸即四服，日三夜一。

治痈疽取利后，热，小便不利，竹叶汤方。

竹叶切，三升 小麦二升 人参 黄芩 前胡 芍药 甘草炙 干地黄 当归 桂心各二两 黄芪三两 麦门冬三两，去心 龙骨三两，碎 牡蛎一两，末 赤蛭三十枚，炒 大枣十四枚，去核

上十六味，以水二斗煮竹叶、小麦，取一斗，去滓，内诸药煮取四升，分四服，日三夜一。

治发背痈及发乳，兼味竹叶汤下。

淡竹叶切，三升 小麦三升 黄芪 黄芩 五味子 人参 前胡 干地黄 当归各二两 大枣十四枚 麦门冬二两，去心 升麻一两 桂心半两 甘草一两，炙 生姜二两

上十五味，以水二斗煮竹叶、小麦，取一斗，去滓，内药，煮取三升。分温三服，一日服。

治发背已溃，而下不住，白石脂汤方。

白石脂四两 龙骨三两 当归二两 桔梗二两 女萎 白头翁各四两 黄连二两 干姜三两

上八味，以水九升，煮取三升三合，去滓。服八合，日三夜一。

治发背已溃，大脓汁，虚憊少气力，内补，黄芪汤方。

黄芪二两 干地黄 人参 茯苓各二两 当归 芍药 芍药 桂心 远志去心，各一两 甘草一两半 麦门冬去心，三两 生姜五两 大枣十四枚

上十三味，以水一斗，煮取三升二合，去滓，分温四服，日三夜一。

治痈疽内虚热，生地黄汤方。

生地黄五两 人参 甘草炙 芍药 茯苓 芍药 通草 黄芩 当归各二两 大枣二十枚 竹叶切，三升

上十二味，以水三斗煮竹叶，取半，去滓，内诸药，煮取四升，分五服，日三夜二，

能服一升可佳。

治发背，黄芪汤方。

黄芪 黄芩 远志 麦门冬去心，各二两
干地黄 人参 芍药 甘草炙 芍药 当
归各一两 大枣二十枚 生姜五两 鸡脍脰二具，
勿去皮 桑螵蛸十四枚，炙

上十四味咬咀，以水一斗，先煮取四升
五合，一服九合，日三夜一服。

治炎症，枳实汤方甘林所秘不得

枳实炙 夜干 升麻 干地黄 黄芩
前胡各三两 犀角一两半 大黄二两半 麝香半
两，一方用甘草二两

上九味咬咀，以水九升，煮取，分温三
服，须差也。

治肠痈，大黄汤。痈之为病，诊小腹痛
痞坚，按之则痛，或在膀胱左右，其色或赤，
或白色，坚大如掌，热，小便欲调，时色色
汗出，时复恶寒。其脉迟坚者，未成脓也。可
下之，当有血。脉数脓成，不可服此方。

大黄二两 牡丹二两 芥子半升 硝石二
合 桃仁五十枚，去皮，炒，切之

上五味咬咀，以水六五合，煮取一升，分
为两服，脓下。无者，下血大良。

治背上初欲作疹，便服此大黄汤方。

大黄三两 梔子一百枚，去皮 升麻 黄芩
甘草炙，各三两

上五味，以水九升，煮取三升半。分为
三服，得快下数行便止，不下更服。

治妇人妒乳，辛夷汤方。

辛夷一升，去毛 大枣三十枚 桂长一尺 防
风二分 白术 甘草一尺，炙 生姜二分 泽兰
一升，切

上八味切，以水一斗，煮取三升，分温
三服。

治妇人客热，乳结肿，或溃或作痈，内
补黄芪汤方。

黄芪 茯苓各三两 芍药二两 麦门冬三
两，去心 甘草二两，炙 厚朴一两，炙 人参三两
生姜四两 干地黄二两

上九味切，以水一斗二升，煮取三升，分
五服，日三夜一。

治痈肿患热盛，黄芪汤方。

黄芪 麦门冬二两，去心 黄芩六分 梔子
十四枚 芍药二两 苦参二两 干地黄二两 升
麻一两

上八味锉。以水一斗，煮取三升，分温
三服。

治发痈疽，肿溃去脓多，里有虚热，内
补黄芪汤方。

黄芪二两 茯苓 桂心 人参各二两 麦
门冬二两，去心 甘草六分，炙 生姜四两 远志
二两，去心 当归二两 五味子四两 大枣二十枚

上十一味切，以水一斗，煮取四升，分
六服，日四夜二。

治痈去脓多，虚满上气，竹叶汤方。

竹叶切，二升 半夏二两，汤洗 甘草二两，炙
厚朴三两，炙 小麦二升 生姜五两 当归一
两 麦门冬二两，炙 人参 桂心各一两 黄芩
三两

上十一味切，以水一斗半，先煮竹叶、小
麦，取九升，去滓，又煮诸药取二升，分温
三服。

治痈疽肿，烦热，增损竹叶汤方。

竹叶一握，切 当归 茯苓 人参 前胡
黄芩 桂心 芍药各三两 甘草二两，炙 大
枣二十枚 小麦一升 麦门冬一升，去心

上十二味切，以水一斗六升煮竹叶、小
麦，取一斗一升，去滓，内诸药，煮取三升，
分服日三。夜重，加黄芪二两；胸中恶，加
生姜六两；下者，减芍药、黄芩各六分，如
体强、羸者，以意消息之。

治痈疽坏后，补塞去客热，黄芪汤方。

黄芪 生姜 石膏末 甘草炙 芍药
升麻 人参以上各二两 知母 茯苓各一两
桂心六分 麦门冬二两，去心 大枣十四枚 干
地黄一两

上十三味切，以水一斗二升，煮取四升，
分温四服，日二夜一。

刘涓子鬼遗方 卷四

宋 龚庆宣 撰

九江黄父痛疽论

九江黄父问于岐伯曰：余闻肠胃受谷，上焦出气，以温分肉，而养骨节，通腠理。中焦出气如露，注溪谷而燥经脉，津液和调，变化而赤为血，血和则乘脉先满，乃注经络，经络皆盈，乃注于络。句有脱误。阴阳已张，因息乃行，行有经纪，周有道理，与天合同，不得休止。切而调之，从虚去实，写则不足，疾则气减，留则先后，从实去虚，补实则有余，气血已调，形神乃持。余已知血气平与不平，未知痛疽之所从生，成败之时，死生之期，期有远近，何以度之，可知闻乎？

岐伯曰：经脉流行不止，与天同度，与地同纪，故天宿失度，日月薄蚀；地经失纪，水道流溢，草蓂不成，五谷不植；经路不通，民不往来，庵聚邑居，别离异处。血气犹然，则言其故。

夫血脉荣卫，周流不休，上应星宿，下应经数。寒客于经络之中，则血泣，泣则不通，不通则归之不得复及，故痈肿。与寒气化为热，热胜则肉腐，肉腐则为脓，脓不写则烂筋，筋烂则伤骨，骨伤则水，髓消不当，骨肉不泻，筋枯空虚。筋骨肌肉不得相亲，经络败漏，熏于五脏，五脏伤，故死矣。

黄父曰：愿闻于痛疽之形与其期日。

岐伯曰：略说痛疽极者一十八种：痈发于嗑，名曰猛疽。猛疽不治，则化为脓，脓塞其咽，半日死，其为脓者，写则已，含豕膏，无冷，三日而已。一方无冷食。

发于颈者，名曰天疽。其状痈大而赤黑，

不急治，则热气下入于渊脉腋前，伤任脉，内熏肝脉，十余日死。阳气大发，消脑，名曰脑溺。其色不乐，项痛如刺，以藏头乘心者不治。本作留字。发于肩及臑者，名曰雌痈，其状赤黑，急治之。此令人汗出至足，不害五脏。

发于腋下赤坚者，名曰米疽。治之砭石，欲细长疏，或云涂豕肉膏，日已勿裹。其疽坚而不溃者，马刀夹纓，乃治之。

发于胸者，名曰井疽。其状如大豆，三四日起，不早治，下入腹。不治，十日死。

发于臆者，名曰甘疽。其状如谷实萎苳，常寒热，急治之，去其寒，十岁似误死，死后脓自出。

发于胁者，名曰改譬。改譬者，女子之病也。久之，其疾大痛脓，治之，其中乃有生肉，大如赤小豆。锉陵翹草根各一升，水一斗六升煮之，竭为三升，即强饮，厚衣坐釜上，令汗出至足已。

发于股阳明，名曰股瓮疽。其状不甚变，而痛脓附骨。不急治，四十日死。

发于股阴，名曰赤施疽。不急治，六十日死。在两股之内，不治，六日死。一方云十六日死。

发于尻，名曰兑疽。其状赤坚大，急急治之。不速治，三十日死。

发于膝，名曰雌疽。其状痛色，不寒热而坚，勿破，破之死。须以手缓柔之，乃破。

诸痛疽发于节而相应之者，不可治之也。

发于阳者，百日死；

发于阴者，四十日死。

发于脑，名曰兔啖。其状疾赤至胃，急

治之，不治煞人。

发于踝，名曰走趺。其状痈也，急不变，灸而止其寒热，不死。

发于足上，名曰四淫。其状如痈，不急治之，百日死。

发于足，名曰厉疽。其状初如小指发，急治之。去其黑者，不辄益不治，百日死。

发于足指，名曰脱疽。其状赤黑，不死。治之不衰，急渐去之。治不去，必死矣。

夫痈疽者，初发始微，多不为急，此实奇患，惟宜速治之，急治不若速，成病难救，以此致祸，能不痛哉！具述所怀，以悟后贤。谨按黄父痈疽论所著，缓急之处，生死之期，如有别痈之形色、难易之治如左。僧纳私撰是用，非是先贤，恐后高雅，故记之名字，令惑之耳。

发皮肉浅肿，高之赤即消，不治亦愈。

发筋肉深肿，下之坚，其色或青或黄、白、黑，或复微热而赤，宜急治之，成消中。半发附骨者，或未觉肉肉，肉肉已殃者，痈疽之甚也。

凡发背，外皮薄为痈，皮坚为疽。如此者，多现先兆，宜急治之。皮坚甚大者，多致祸。

夫痈坏后有恶肉当者，以猪蹄汤洗其秽，次傅食肉膏散恶肉尽，乃傅生肌膏散，乃摩四边，令善肉速生，当须绝房室，慎风冷，勿自劳动，须筋脉复常，乃可自劳耳。不尔，新肉易伤，便益溃烂，慎之慎之。

相痈疽知是非可灸法

痈疽之甚，未发之兆，饥渴为始，始发之始，或发日疽死；似若小疖，或复大痛，皆是微候，宜善察之。欲知是非，重按其处，是便隐痛，复按四边，比方得失。审定之后即灸，第一便灸其上二三三百壮，又灸四边一二百炷。小者灸四边，中者灸六处，大者灸八处，壮数处所，不患多也。亦应即帖即薄，令得所即消。内服补暖汤散。不已，服冷药，外

即冷薄。不已，用热贴。贴之法，开其口，泄热气。

相痈疽知有脓可破法

痈大坚者，未有脓。半坚薄，半有脓。当上薄者，都有脓，便可破之。所破之法，应在下逆上破之，令脓得易出，用铍针。脓深难见，上肉厚而生肉，火针。若外不别有脓，可当其上数按之，内便隐痛者肉殃，坚者未有脓也。按更痛于前者，内脓已熟也。脓泄去热气，不尔长速，速即不良。

治痈疽肿，松脂贴方。

黄柏 芎藭 白芷 白蔹 黄芪 黄芩 防风 芍药 茵草 白腊 当归 大黄各一两 细辛二分 胭脂三两 松脂二斤

上十六味切，曝干极燥，微火煎三上下，手不得离，布绵绞去滓，贴之。

治痈疽肿，松脂贴方。

当归 黄芪 黄连 芍药 黄芩 大黄 腊蜜 芎藭各一两 松脂一斤半，陈 胭脂一半

上十味细切，合煎，微火三上下，膏成，绵布绞去滓，向火，涂纸上，贴之。

治痈疽，松脂贴肿方。

松脂一斤 大黄三分 胭脂一两 细辛半分 黄芩一分半 防风半分 白芷 白蔹 芎藭 当归 芍药 茵草 黄连 白腊 黄柏各一分

上十五味细切，曝令极燥，先煎脂、腊，下松脂烊尽，内诸药三上下，候色足，绞以绵布，水中。以新竹片，上火炙之，施纸上贴之。此药大秘，实有奇效，不妄传之。

治痈疽，升麻薄极冷方。

升麻一两 大黄一两 白蔹六分 黄芪一两 黄芩六分 白及一分，干者 牡蛎二分，粉 龙骨一两 甘草二分，炙 芎藭一两

上十味筛，和以猪胆调。涂布，敷之痈上，燥易之。

治痈疽，白蔹薄方。

白藜 大黄 黄芩各等分

上三味捣筛，和鸡子白涂布上，薄痂上，干燥辄易之，亦可治。又以三指撮药末，置三升水中，煮三沸，绵注汁，拭肿上数十过，以寒水石末涂肿上，纸覆之，燥复易，一易辄以煮汁拭之，昼夜二十易之。

治痈疽始一二日，痛微，内薄令消，猪胆薄方。

黄芪 龙骨 青木香 梔子仁 羚羊角 干地黄 升麻 白藜 大黄 黄柏 黄芩 芎藭 赤小豆 麻黄去节 黄连 犀角一两

上十六味各等分，捣筛，以猪胆调令如泥。以故布，开口如小豆大，以泄热气。

治痈肿热盛，口燥患渴，除热止渴，黄芪汤方。

黄芪 苦参 干地黄 升麻各三两 麦门冬三两、去心 梔子二十枚 芍药三两 黄芩一两半

上八味，以水一斗，煮取三升，分温三服。

治客热郁积在内，或生疔，黄芪汤方。

黄芪二两 人参一两 芎藭 当归 甘草炙，各一两 远志去心 干地黄各二两 大枣二十枚 生姜五两 麦门冬去心，五两

上十味切，以水一斗二升，煮取三升，分温三服。

治痈未溃，黄芪汤方。

黄芪四两 甘草二两，炙 桂心三两 芍药半夏 生姜各八两 饴一斤

上七味 以水七升，煮取三升。饴化，分三服。

治痈，内补竹叶黄芪汤方。

竹叶切，一升 黄芪四两 甘草二两 芍药四两 黄芩一两 人参二两 桂心一两，如冷，用半两 大枣十二枚 干地黄二两 升麻三两 茯苓 生姜各一两

上十二味，以水二斗煮竹叶，澄清，取九升，内诸药，更煮取三升，分温三服。

治补度冷下，赤石脂汤方。

赤石脂 人参 甘草炙 干姜各二两 龙骨一两，碎 附子大者，一枚，炮

上六味切，以水八升，煮取二升半，去滓。分温三服，如人行十里进一服。

治取冷过，寒下飧见出，温中汤方。

甘草六分，炙 干姜六分 附子炮，去皮，六破，六分 蜀椒二百四十粒，去目、闭口者，出汗

上四味切，以水六升，煮取二升，分温三服。

治断下，补胃，附子汤方。

附子二分，炮 当归 人参 黄连 甘草炙，各一两 干姜 桂心 芍药各二两 蜀椒去汗、目、闭口，半分

上九味，以水五升，煮取一升五合，去滓，分温三服。

治痈疮及恶疮有恶肉，猪蹄汤洗方。

猪蹄一具，修如食法 白藜二两 白芷二两 黄连一两 狼牙二两 芍药三两 黄芩 独活 大黄各一两

上九味，以水三升煮猪蹄一斗五升，去蹄，内诸药，又煮取五斗，洗疮。日四次，甚良。

治痈疽肿坏多汁，猪蹄汤方。

猪蹄一具，治如食法 芎藭 甘草炙 大黄 黄芩各二两 芍药三两 当归一两

上七味，先以水斗五升煮蹄，取八升，去滓，内诸药，更煮取三升，更去滓。及温洗疮上，日三。亦可以布内汤中，薄疮肿上，燥复之。

治肘疽方。

黄连 皂荚各等分，炙，去皮、子

上二味，捣下，和以淳苦酒调令如泥，涂满肘，以绵厚薄之，日三易良。

治痈疽撮脓，增损散方。

黄芪五分，脉多，倍之 小豆一分，热，口干，倍之 芎藭二分，肉未生，倍之 白藜三分，有脓，疮不合，倍之 苦参三分，若小便利，倍之

上六味，捣筛令细。细调温服方寸匕，日

三。

治痈，消脓，木占斯散方。

木占斯 桂心 人参 细辛 败酱 干姜 厚朴 甘草炙 防风 桔梗以上各一两

上十味，捣筛，洒服方寸匕。入咽觉流入疮中，若痈及疽灸之不能发坏者，可服之。疮未坏，去败酱；已发脓，内入败酱。此药时有化痈疽成水者，方正桂为异。故两存焉。

治发背及妇人发房并肠痈，木占斯方。

木占斯 厚朴炙 甘草炙 细辛 瓜蒌 防风 干姜 人参 桔梗 败酱以上各一两

上十味捣筛，清酒服方寸匕，日七夜四，以多为善。败酱，草名也。病在上者当吐，在下者当下脓血，此谓肠痈之属也。诸病在里，唯服此药，即觉有力，有痈疽便即复痛。长服治诸疮及疽，痔疮已溃，便即早愈。凡俗流医不知用此药。发背有不善而渴，便勤服之。若药力行，觉渴止，便消散；若虽坏，服终无苦，但昼夜服勿懈也。发，此药消散，不觉肿去时即愈。或长服，即去败酱。偏治妇人乳肿诸症疵，速愈良。又云：唯服有异，始觉背有不善之也。

治诸痈疽已溃、未溃，疮中疼痛，脓血不绝，瞿麦散方。

瞿麦 白芷 黄芪 当归 细辛 芍药 薏苡仁 芎劳 赤小豆末，各一两

上九味，先以清酒小豆，出于铜器中，熬令干，复渍，渍后复熬，五过止，然后治末，合捣筛。温酒服方寸匕，昼夜各五。三日后痛痒者，肌肉生也。又方用苦酒渍小豆。多痛，倍瞿麦；疮口未开，倍白芷；脓多，倍黄芪、薏苡仁、芍药等。

治痈，食恶肉散方。

藜芦一分半 真珠一分半 石硫黄 雄黄 麝香各三分 马齿矾石 漆头 芦荟各三分

上九味捣筛，粉疮上。亦可为膏，和傅

疮上。

治痈疽，食恶肉散方。

雄黄一两 矾石一分，熬 芦荟一两

上三味捣筛，稍著之，随用多少，不限一两。

治痈疽，兑膏方。

当归 芎劳 白芷 松脂各二两 乌头一两 猪脂二升 巴豆十枚，去心、皮

上七味咬咀，内膏中，微火合煎三沸已，内松脂，搅合相得，以绵布绞之去滓，以膏著绵絮兑头丈，作兑兑之。疮虽深，浅兑之，脓就兑尽，即生善肉；疮浅者，不足兑，着疮中，日三，恶肉尽则止。

治食肉，青龙膏方。

白矾二两，火炼，末之 熟梅二升，去核 盐三合 大钱二十七枚

上四味于铜器中，猛火投之，摩灭成末，乃和猪脂捣千杵，以涂疮上。甚痛勿怪。此膏食恶肉尽，复着可傅蛇衔膏涂之，令善肉复生。

治痈疽、金疮，生肉膏方。

大黄 芍药 黄芪 独活 白芷 芎劳 各一两 当归一两 薤白二两 生地黄三两

上九味咬咀，以盛煎猪膏三升，煎三上下，以绵布绞去滓，用兑摩，多少随意常用之。

治丹、痈疽始发，焮热浸淫长成，擒汤方。

升麻 黄芩各二两 黄连 大黄各二两 当归一两 甘草一两，炙 芎劳二两 芒硝三两 羚羊角屑一两

上九味咬咀，以水一斗三升，煮取五升，绞去滓，铛中，内芒硝，上火，搅令成沸，尽滓，稍分适冷热，贴帛擒肿上数过，其热随手消散。王练甘林所秘，不传此方。

刘涓子鬼遗方 卷五

宋 龚庆宣 撰

治痈疽败坏，生肉，地黄膏方。

生地黄一斤 辛夷 独活 当归 大黄
芎藭 黄芪 薤白 白芷 芍药 黄芩各
二两 续断二两

上十二味切，以腊月猪脂四升，微火煎，
白芷色黄膏成，绞去滓敷，日四。

治痈疽、疮，生肉，黄芪膏方。

黄芪 细辛 生地黄 蜀椒去目、汗，闭口
当归 芍药 薤白 白芷 丹参 甘草炙
苁蓉 独活 黄芩以上各一两 腊月猪脂一
斤半

上十四味细切，以苦酒一升二合，夏即
渍一日，冬二夜，微火煎三上下，酒气尽成
膏，傅之极良。

治发背乳，口已合，皮上急痛，生肉膏
方。

丹参 防风 白芷 细辛 芎藭 黄芩
芍药 甘草炙 黄芪 牛膝 槐子 独活
当归

上十三味切，以腊月脂五升，微火煎三
上下，白芷黄膏成。病上摩，向火，日三四。

治痈疽坚强不消，不可用傅贴处，黄芩
膏方。

黄芪 黄芩 芎藭 白蔹 防风 茵草
白芷 芍药 大黄 细辛 当归以上各一两

上十一味咬咀，以猪脂四升，微火上煎
一沸一下，白芷黄即成，膏成傅之，坚硬者，
日可十易。

治痈疽，止痛生肌，鸥脂膏方。

松脂七两 芍药 当归 芎藭 黄芩各
二两 鸥脂七两 白蜡五两

上七味咬咀，以腊月猪脂二升二合，微

火煎一沸一下，三十过成，以摩于疮上。

治痈疽、金疮，续断生肉膏方。

续断 干地黄 细辛 当归 芎藭 黄
芪 通草 芍药 白芷 牛膝 附子炮裂
人参 甘草炙，以上各二两 腊月猪脂四升

上十四味咬咀，著铜器中，下膏，诸药
渍之半日，微火煎三上下，白芷候黄膏成。敷
之疮上，日四五过良。

治痈疽、疮，止痛生肉，甜竹叶膏方。

甜竹叶五两 生地黄四两 大戟二两 腊
月脂四升 当归 续断 白芷 茵草 芎藭
防风各二两 甘草一两半，炙 芍药一两半 蜀
椒半两，去目、汗、闭口 细辛 大黄 杜仲各半
两 黄芪半两

上十七味咬咀，以猪脂微火煎五上下，候
白芷黄膏成，傅疮上甚良。

治痈疽败坏，生肉，茵草膏。

茵草 当归 薤白 黄芩 甘草炙，各二
两 生地黄五两 白芷三两 大黄四两 续断
一两

上九味咬咀，以猪脂三升，微火煎三沸
三上下，白芷黄膏成，傅疮良。

治痈疽脓烂并小儿头疮，牛领马鞍革及
肠中诸恶，耳聋，痛风肿脚疼，金木水火毒，
螫所中，众疮百疹，无所不治，蛇衔膏方。

蛇衔 大戟 大黄 芍药 附子炮 当
归 独活 茵草 黄芩 细辛 芎藭 蜀椒
去目、汗、闭口 薤白以上各一两

上十三味咬咀，以苦酒渍之，淹一夜，以
猪脂二升半，微火煎三上下膏成，绵布绞去
滓。病在内，酒下弹丸大。

治痈疽，食肉膏方。

松脂五两 雄黄别研 雌黄 治葛皮各二两 猪脂一斤 漆头芦荟三两 巴豆一百枚，去皮膜心

上七味，先煎松脂，水气尽下诸药，微火煎三上下膏成，绞去滓，内雄雌二黄，搅调。以膏着兑头内疮内，日方六七。勿肉兼新，故初用病更肿赤，但用如节度，恶肉尽止，勿使过也。

治痈疽，食肉大黄膏方。

大黄 附子 茵草 芎劳 雄黄 真珠末各一两 白藜 矾石 黄芩 漆头芦荟各二两 雌黄一两

上十一味咬咀，六物以猪脂一升四合，微火煎三上下，去滓，下矾石、芦荟，煎成膏。中以涂兑头，傅疮中，须恶肉尽，勿使过也。

治痈疽，食恶肉，芦荟散方。

漆头芦荟 矾石 硫黄 雄黄以上各二分

上四味捣筛，搅令著兑头内疮口中，恶肉尽止，勿使过也。

治痈疽始作便败坏，发疮膏方。

羊髓一两 甘草二两 胡粉五分 大黄一两 猪脂二升

上五味切，合脂髓煎二物令烺，内甘草、大黄，三上下，去滓，内胡粉搅令极调。傅疮，日四五上。

治久病疥癣，恶疮膏方。

丹砂 雄黄 雌黄 乱发 松脂 白蜜以上各一两 芦荟漆头者，三两 巴豆十四个，去皮心 腊月猪脂二升

上九味，先煎乱发，消尽，内松脂，煎三上下成膏，绞去滓，末茹内膏中，煎搅极调。傅疮上，日三易之。

治久病疥癣，诸恶毒疮，五黄膏方。

雌黄 雄黄 黄连 黄柏 黄芩 青木香 白芷各二两 乱发一团，鸡子大 鸡舌香一两 狼跋子四十枚

上十味咬咀，以苦酒半升渍诸药一夜，以腊月脂三升先煎发一沸，内诸药，三五沸止，绞去滓成膏。傅疮上，日五易之。

治病疥癣、恶疮，散热，水银膏方。

水银 矾石 蛇床子 黄连以上各一两

上四物两度筛，以腊月猪脂七合和，并水银搅令调，打数万过，不见银膏成，傅疮。若膏少益取。并小儿头疮良。龚庆宣加芦荟一两 治面野疮，麝香膏方。

麝香二两 当归 附子 芎劳 白芷 芍药以上各一两 细辛二合 杜衡二分

上八味咬咀，以腊月猪脂一升二合，煎诸药三上下，绞去滓，别末研麝香，安膏中搅令调。傅疮上，日三易之。

治面皴疮，木兰膏方。

木兰 防风 白芷 青木香 牛膝 独活 藁本 当归 芍药 杜衡 辛夷 芎劳 细辛各一两 麝香一分 附子二分，炮

上十五味咬咀诸药，以腊月猪脂一升，微火煎三沸三上下，去滓，末下麝香，搅令调膏成。傅疮上，日三。

治皴疮，鸬鹚屎膏方。

上取鸬鹚屎一升，捣筛，腊月猪脂调和傅之。

治发秃，生发白芷膏方。

白芷 蔓荆子 附子 防风 芎劳 茵草 细辛 黄芩 当归 蜀椒各一两，去汗、闭口 大黄一两半 马髻膏五合，此所用无多

上十二味切，以腊月猪脂三升合诸药，微火煎三上下，白芷色黄膏成。洗头泽发，勿近面。

治妇人乳肿痛，丹参膏方。

丹参 芍药各二两 白芷一两

上三味，以苦酒渍一夜，猪脂六合，微火煎三上下，膏成傅之。

治头白秃疮，发落生白痴，经年不差，五味子膏方。

五味子二分 菟丝子五分 苁蓉二分 雄黄一分 松脂二分 蛇床子 远志去心，各二分 雌黄 白蜜各一分 鸡屎半分

上十味，以猪膏一升二合煎，先内雌黄，次内鸡屎，次内蜜，次内松脂，次内诸药，并

先各自末之，膏成。先以桑灰洗头，后傅之。

治疽痿、痂疥、诸恶疮连年不差，并小儿头疮悉治之膏方。

藜芦 附子 芦茹 桂心 天雄 蛇床子 野葛皮 雄黄 乱发洗 白芷 半夏汤洗 矾石 细辛 杏仁 芎藭 芍药 白术 乌头各二两 黄连 当归 藁本以上各二两 斑猫 茵草 巴豆去皮心 黄柏 吴茱萸 蜀椒各一两，去目、汗、闭口

上二十七味咬咀，以苦酒渍一夜，以腊月猪脂四斤，微火煎令酒气尽，膏成。日四五傅，用多妙。

治久病疽诸疮，野葛膏方。

野葛皮 黄连 细辛 杏仁 茵草 芍药 藜芦 附子 乱发 芦茹 芎藭 白芷 蛇床子 桂心 藁本 乌头 白术 吴茱萸 雌黄 矾石 天雄 当归以上各二两 斑猫 巴豆去皮心 蜀椒去目、汗、闭口 黄柏各一两

上二十六味咬咀，各捣筛，以猪脂五升于铜器中，微火煎诸药七沸七下，绞去滓更煎，搅匀成膏。以傅疮上，日四五。

丹砂膏方三首

丹砂五两 芎藭三两 大黄二两 蜀椒二两，去目、出汗 白芷二两 麝香三两 升麻二两 治葛皮二两 麻黄五两，去节 丹参五两 巴豆二升，去皮心 桂心二两 附子十二枚 皂荚二两，去皮子

上十五味，以猪脂六升，春夏共用，调合在后方消停。

又方

丹砂三两 芎藭三两 大黄二两 蜀椒去目、汗，二两 麝香六两 术二两 附子十二枚 干姜五分 治葛二两 丹参六两 细辛二两 巴豆三升，去皮心

上十三味，秋冬共用，亦在年中有所宜，以意消息。药各捣罗之，巴豆细切，以苦酒渍一夜，量不足须覆之。明旦，以猪脂六升铛中，微火煎三上下，膏成。勿使傍入及鸡、犬、猫见。其膏同治，共叙此方，须是细意

事持。

又方

丹砂二两，末 蜀椒去目、汗、闭口 大黄 白芷 甘草炙，以上各二两 巴豆三升，去皮心 麝香 芎藭各二两 附子二枚 升麻二两 治葛皮 犀角 当归 乌头各二两 丹参一斤

上十五味切，以苦酒渍之一夜，以猪脂六升微火煎三上下膏成，绞去滓用之。此膏是四时常用，日三。此方无比。

丹砂膏 叙治百病：伤寒、温毒、热疾，服如枣大一枚。鼻塞，取半核大内鼻中，缩气，令人聪耳。若耳聋，取如两枣核大，烱之如水，内其耳中，三五年聋可差。或寒癖腹满坚胀及飞尸恶毒，楚痛，温酒服。

霍乱当成未成，已吐未痢，白汤服枣核大；若已痢一二行，而腹烦痛，更服之。眼中风膜，膜或痛，常下泪，取如粟大注眼中，自当下止，或半日痛便愈。

又胸背、喉颈痛，摩足，口中亦稍稍令常闻有膏气。人体自有不同者，易为药，当服取利为度，老小增减。服膏之法：得利若不利，如人行十五里，可与热饮发；当预作白薄弱，令冷，若过利要止者，多进冷粥便住。若能忍，待药势尽，自止更佳。

赤膏 治百病方治病同丹砂膏用之

野葛皮一两 白芷一两 蜀椒二升，去目、汗、闭口 大黄 芎藭各二两 巴豆三升，去皮心 附子十二枚 丹参一斤 猪脂六升

上九味咬咀，以苦酒渍一宿，合微火煎三上下，白芷黄即膏成，绞去滓用。伤寒鼻，温酒服之如枣核大一枚。

贼风，痂疽肿，身体恶气，久温痹，骨节疼痛，向火摩之。痂疥诸恶疮，以帛薄之。鼠痿、疽、痔下血，身体隐疹，痒搔成疮、汁出，马鞍牛领，以药傅之即愈。腰背手足流肿，拘急屈伸不快，以膏傅之，日三。妇人产乳中风及难产，服如枣核大，并以膏摩腹立生。如食鱼哽，日五服愈。如耳聋，以膏如小豆大，着耳中。患息肉，以膏内鼻中，愈。

眼齿痛，以膏如案注眦中。白卢医当瞳子视，以膏如粟注眦，愈。

治療疽，丹砂膏方。

丹砂末 犀角 夜干 大黄 芎藭 麝香末 黄芩各二两 生地黄十两，切 升麻 前胡 沉香各三两 青木香一两

上十二味咬咀，以苦酒渍淹一宿，以猪脂五升微火煎三上下，绞去滓，内丹砂、麝香末，搅调，稍稍服之。

治療疽，麝香膏方。

麝香末 凝水石 黄芩 丹砂末 芎藭 鸡舌香 青木香各二两 茵草三两 升麻三升 羚羊角 夜干 大黄 羊脂各三两 地黄汁一升

上十四味切，以苦酒渍一夜，用猪脂六升微火煎三上下，绞去滓，内丹砂、麝香末，搅令调膏成。以摩病上，甚良。

治丁肿，生芎藭膏方。

生芎藭汁一升 丹砂二两 生地黄二斤 白芷三两 大黄三两 麝香末，二两 甘草三两，炙 当归二两 升麻二两 薤白八两

上十二味咬咀，以苦酒渍一夜，猪脂五升微火煎三上下膏成，摩于肿上。

治療疽，始发未曾治，宜速服丹砂膏方。

丹砂末 犀角二两 夜干二两 生地黄四两 大黄二两 升麻三两 芎藭二两 麝香二两 前胡二两 沉香二两 黄芩二两 青木香一两

上十二味咬咀，以猪脂五升微火煎三上下止，绞去滓，入麝香、丹砂末，搅令调。温酒服如枣核大，日三服。

治风温、病疽，诸恶疮，经年不差，其著胸、臆、背，口大不可视之，恐见肺、肺髓者，皆主之。傅当火，须以意用之。丹砂膏方。

丹砂末 雄黄末 附子 天雄 干地黄 大黄 当归 秦胶各二两 乌头 桂心 黄连 松脂 茜芋各四两 蜀椒一升，去目、汗 干姜二两 巴豆一百枚，去皮心 蜈蚣四枚，去头

足、赤者 石南草二两

上十八味咬咀，十六味以苦酒一斗渍一夜，以猪脂六升微火煎三上下，药色膏成，绞去滓，内二石末，搅令调，傅疮；有口，亦可免疮口。此脂多治合，即随多少，苦酒不必尽一斗，以意量用之。

治病疥、癣，诸恶疮，丹砂膏方。

蜀椒三升，去目、汗 丹砂 细辛 桂心各二两 附子三十枚 前胡 白芷切，各一升 芎藭切 白术 吴茱萸各一升 当归一两

上十一味咬咀，诸药唯椒、茱萸不捣，以苦酒渍一夜令淹，以猪脂不中水者十斤，细切，令诸药于铜器内，煎三上下，白芷黄成膏，以绵帛绞去滓。如患风温肿不消，服弹丸大一枚。

若鼻塞不通，以膏著鼻中。若青盲，风目烂眦、痒痛，茫茫不见细物，以绵絮裹箸头注膏中，以敷两眦，至卧时再傅之。齿痛亦如耳聾，亦准之。诸恶疮皆治之。金疮、牛领马鞍疮，亦可傅之。治下赤，腹中有痈并痿疾，在外即摩之，在内即服之如弹丸大一枚，日三服。此膏无所不治。

治小儿头疮并恶疮，紫草膏方。

紫草三两 黄连 女青 白芷各一两 硃石二两，烧令汗出 苦酒五合 生地榆根一两

上七味内三味硃石、紫草、黄连为末，入诸药煎，白芷黄膏成，敷疮上。

治小儿热疮，水银膏方。

水银二两 胡粉二分 松脂二两 猪脂四升

上四味，煎松脂、水银，气出下二物，搅令不见银，放冷，以傅疮上。

治火疮，柏皮膏方。

上皮去黑皮，用白肉，以猪脂少多，煎去滓，候凝，随意使之。

治療疽浸淫广大，赤黑烂坏成疮，羊髓膏方。

羊髓二两 大黄二两 甘草一两 胡粉一分

上四味咬咀，以猪脂二升半并胡粉微火煎三上下，绞去滓，候冷，傅疮上，日四五。

治热毒并结及肿成疮，升麻膏方。

升麻三两 白术一两 牡蛎二分 白及二两 白蔹二两 茵草二分 夜干二两 大黄二两 黄连二两

上九味咬咀，以猪脂三升微火煎膏成，绞去滓，以傅疮上，日四五。

治热疮，生地黄膏方。

生地黄 白蔹 白芷 黄连 升麻 黄芩 大黄以上各十两

上七味咬咀，以猪脂一升半微火煎成膏，绞去滓，傅疮，日四五。

治恶疮皆烂，雄黄膏方。

雄黄 矾石末 藜芦 当归 黄连 附子各二两 茵草 芎藭 白芨各一两 巴豆六十枚，去心、皮

上十味咬咀，以猪脂二升微火煎成膏，绞去滓，内石末，搅调，傅疮，日四五。

治痼疽痂，水银膏方。

水银二两半 胡粉二两 松脂二两 猪脂四升

上四味，先煎松脂，水气尽下胡粉，搅令水银尽不见，可傅疮，日三。亦治小儿疳热疮、头疮。

治疔、瘰癧疮，白蔹膏方。

白蔹三两 白芷三两 芎藭 大黄 黄连各二两 当归三两 黄柏二两 豉八合，炒 羊脂三两 猪脂二升

上十味咬咀，以二脂合煎，内诸药微火煎，膏成去滓，候凝傅之。

治皮肤中热痒，瘰癧，白蔹膏方。

白蔹 黄连各二两 生胡粉一两

上捣筛，溶脂，调和敷之。

治热疮，生地黄膏方。

生地黄四两 黄连四两 大黄三两 黄柏 甘草炙 白蔹 升麻各二两

上七味咬咀，以猪脂二升半微火合煎，膏成绞去滓，候凝可傅之。

又方治热疮，生地黄膏方。

生地黄四两 黄连五两 白蔹 芍药 白芨各二两 苦参 升麻各三两

上七味咬咀，以猪脂二升半，内诸药同熬，膏成去滓，候凝傅之。

治温热诸疮，黄连膏方。

黄连 白蔹 白芷各二两 生胡粉一两

上四味细筛，用猪脂调涂之。

治热疮，蛇床子膏方。

蛇床子二两 干地黄二两 苦参一两 大黄二两 通草二分 白芷 黄连各一两 狼牙二分

上八味，捣筛为细末，用猪脂，以意调和涂之。

治热疮，木兰膏方。

木兰一两 白芷 黄连各三两 黄柏二两 芍药一两 梔子二十一枚 黄芩二两 狼牙二两 夜干一两 蛇床子一两

上十味咬咀，以猪脂二升合诸药，微火煎，膏成去滓，涂傅之。

治热疮，黄连膏方。

黄连 生胡粉各三两 白蔹二两 大黄二两 黄柏二两

上五味为末，用猪脂，以意调和涂之。

治灸疮，甘草膏方。

甘草一两 当归一两 胡粉半两 羊脂一两半 猪脂三两

上五味咬咀，以猪羊脂并诸药微火煎成膏，绞去滓，候凝敷之。

治诸痈破后大脓血，极虚，黄芪膏方。

黄芪 附子 白芷 甘草 防风 大黄 当归 续断 芍药各一两 苁蓉一分 生地黄五分 细辛三分

上十二味切，以猪脂三升，内诸药微火慢煎，候白芷色黄膏成，绞去滓，候凝涂疮，摩四边、口中，日四过。

治痈疽已溃，白芷摩膏方。

白芷二分 甘草三分 乌头三分 薤白十五枚 青竹皮如鸡子大一块

上五味，以猪脂一升合煎，候白芷黄膏成，绞去滓，涂四边。

治诸疽疮膏方

脑一两 乱发 矾石熬，各一两 松脂 两，
猪脂四两

上五味，先下脂煎令消，下发，发消下矾石，矾石消下松脂，松脂消下脑，脑消膏成，滤过，候凝，涂傅之。

治鼻中塞，利鼻，白芷膏方。

白芷 通草 蕤核各一分 薰草二铢 羊
髓八铢 当归一分

上六味，以清酒炼羊髓三过，哎咀诸药，煎，膏成绞去滓。用小豆大内鼻中，日三。

治竹木所刺入手足，壮不出脓，疼痛，羊屎膏方。

上取干羊屎捣筛，用猪脂和，以涂之疮口，立出。

治汤泪入肉烂坏，术膏方。

术二两 附子二枚，人者，炮 甘草一两 羊
脂五两 松脂鸡子大一块 猪脂五两，不入水者

上六味，微火上煎猪脂，后内羊脂并诸药又煎，膏成绞去滓，候凝涂疮上，日三。

治火烧烂坏，柏皮膏方。

柏树皮四两，去黑处 甘草三两，细切 淡竹
叶二两，切

上三味，以不中水猪脂一升二合入药煎，膏成绞去滓，涂疮上，日三。

又方

麻子一合，取仁 柏皮一两，取白 白芷一两
生柳皮一两，去白

上四味哎咀，以脂一升同药煎，膏成滤去滓，候凝傅疮，日三。

治痂疽疥癣及恶疮，芦荟膏方。

芦荟三两，漆头者 雄黄 雌黄末，各 两
丹砂一两，研 乱发半两，洗

上五味捣筛，令调煎，以先用猪脂二升半煎发，取尽，内诸药微火更煎，候膏成。不令人、鸡、猫、犬见。傅疮上，日三。

治妇人妒乳生疮，雌黄膏方。

雌黄 白蔹 雄黄 漆头芦荟各一两
乱发一团，如鸡子大

上五味，合研捣筛，以不中水猪脂二升，先煎乱发令尽，下诸药再微火煎，候膏成放凝。涂疮上，日三四。

治诸恶疮，麝香膏方。

麝香 冷石 雄黄 丹砂各五分

上四味，各细研如粉，以腊月猪脂量其多少调和。如涂敷疮时，先用大黄汤放温洗了，淹干，然后涂膏。

治头疮、恶疮、骨疽等，牛屎熏方。

取苦瓠截除底，断其鼻，取牛屎着地上烧，以无底瓠笼屎上，引烟从瓠空中出，以疮着烟上熏之，自然止，过三度即除。

治诸伤六物灭瘢膏方

衣中白鱼 鸡屎白 鹰粪白 芍药 白
蔹 白蜂等分

上药研如粉，以乳汁和，涂瘢上，日三良。

治灭瘢《小品》方

鸡矢白一两 辛夷仁四分 白附子二分
细辛二分

上四味，酒浸一宿，以羊脂六合微火煎三上三下，去滓，伤瘢以甘草汤洗讫，涂之一方有桂心二分

又方

鹰屎白一两，研，白蜜和，涂瘢上，日三。

《刘涓子鬼遗方》终

医方考

〔明〕 吴鹤皋 原著



《医方考》提要

明·吴昆撰。昆号鹤皋，安徽歙县人。本书为万历十二年所刊行，《四库全书》中未录。其自序云：取古昔良医之方七百余首，揆之于经，酌以心见，订之于证，发其微义，编为六卷。题之曰《医方考》。盖以考其方药，考其见证，考其名义，考其事迹，考其变通，考其得失，考其所以然之故。匪徒苟然志方而已云。先生分证集方，证列七十有二，方集七百余首，每列一证，必先叙本证原因，为风为火，为血为气，为湿为寒之各现证，再辨诸家治法，然后汇集名方，因证致用，因用则发明愈病方义，条分缕析，纲举目张，辨证疗病之道，无余蕴矣。

序

上医治未病，方无尚也，垂经论焉。经论，医之奥者。中医治已病，于是乎始有方。方，医之粗也，非其得已，视斯民之疾苦，故因病以立方耳。季世人，知医尚矣。习方，其简也。穷经，其烦也。乃率以方授受，而求经论者无之。舍斯道之奥，宝斯道之粗，安望其术之神良也！余年十五志医术，逮今十有八稔，惧辱医名，蚤夜遑遑，惟经论是蒐，不敢自是，游海内者数年，就有道者而赍谒之，见贱工什九，良工什一，不惟上古之经论昧焉，虽中古之方，犹弗达也。弗明方之旨与方之证及诸药升降浮沉、寒热温平、良毒之性，与夫宣、通、补、泻、轻、重、滑、涩、燥、湿，反正类从之理，而徒执方以疗病，恶能保其不殃人乎？乃为之惻惻，取古昔良医之方七百余首，撰之于经，酌以心见，订之于证，发其微义，编为六卷，题之端曰《医方考》。盖以考其方药，考其见证，考其名义，考其事迹，考其变通，考其得失，考其所以然之故，匪徒苟然志方而已。君子曰：夫夫也，弱龄鄙陋，轻议古人，则昆有罪焉尔。世有觉者，触目而疵之，从而可否之，吾幸吾之得师也。游艺者，玩索而惜之，存而左右之，吾幸吾之朋与也。如山野之陋，湖海之远，求良医而不速，得开卷检方，能究愚论而斟酌自药焉，则吾济人之一念也。或者尚论千古，末张、孙而本轩、岐，劣群方而优经论，则孟轲氏所谓游于圣人之门者难为言矣，安用夫斯籍之赘也！

皇明万历十二年岁次甲申孟冬月古歙吴昆序

《医方考》目录

卷 一

中风门第一.....	359
伤寒门第二.....	363
感冒门第三.....	377
暑门第四.....	377
湿门第五.....	379
瘟疫门第六.....	380
大头瘟门第七.....	383

卷 二

火门第八.....	384
斑疹门第九.....	387
疟门第十.....	389
痢门第十一.....	393
泄泻门第十二.....	394
秘结门第十三.....	397
霍乱门第十四.....	397
痰门第十五.....	399
哮喘门第十六.....	401
咳嗽门第十七.....	402

卷 三

虚损劳瘵门第十八.....	405
五尸传疟门第十九.....	414
气门第二十.....	416
血证门第二十一.....	417
脱肛门第二十二.....	421
呕吐门第二十三.....	422
呃逆门第二十四.....	423
翻胃门第二十五.....	423
噎膈门第二十六.....	424
情志门第二十七.....	426

卷 四

脾胃门第二十八.....	428
伤食门第二十九.....	429
吞酸门第三十.....	431
痞门第三十一.....	432
嘈杂门第三十二.....	433
郁门第三十三.....	433
五疸门第三十四.....	434
消渴门第三十五.....	437
水肿门第三十六.....	438
鼓胀门第三十七.....	440
小便不通门第三十八.....	441
小便不禁门第三十九.....	442
淋涩门第四十.....	443
精浊门第四十一.....	444
自汗门第四十二.....	445
盗汗门第四十三.....	446
积聚痞瘕门第四十四.....	447

卷 五

痿痹门第四十五.....	450
厥证门第四十六.....	452
痉门第四十七.....	453
痫门第四十八.....	453
癫狂门第四十九.....	454
惊悸怔忡门第五十.....	456
健忘门第五十一.....	457
痛风门第五十二.....	457
痹风门第五十三.....	458
喉闭门第五十四.....	460
头病门第五十五.....	461
腹痛门第五十六.....	462
胁痛门第五十七.....	464

腰痛门第五十八.....	464	痔漏门第六十六.....	477
七疝门第五十九.....	465	疥疮门第六十七.....	478
脚气门第六十.....	467	暴死门第六十八.....	479
眼疾门第六十一.....	469	痘门第六十九.....	480
耳疾门第六十二.....	472	妇人门第七十.....	488
鼻疾门第六十三.....	472	广嗣门第七十一.....	493
口齿舌疾门第六十四.....	473	延年门第七十二.....	494

卷 六

虫门第六十五.....	476
-------------	-----

医方考 卷一

明 欽昆 吳 昆鶴泉原著
鄞縣 曹赤屯炳章圈点

中风门第一

叙曰：风者，百病之长，得行天之象，故其发也暴。然上世论风，主于外感；乃河间主火，东垣主气，丹溪主湿，而末世之论纷然矣。今考名方二十三首，为风，为火，为气，为湿，皆时出而主之，初不泥于一说也。

乌梅擦牙关方

病人初中风筋急，口噤不开，便以铁物开之，恐伤其齿，宜用乌梅肉擦其牙关，牙关酸软，则易开矣。此酸先入筋之故也。其有中风证而口开不噤者，筋先绝也，不治。

稀涎散

猪牙皂角四条，去果皮，炙 白矾一两，枯共为末，每进三字，水下。

病人初中风，暴仆，痰涎涌盛，此药与之，频吐涎沫，壅塞少疏，续进他药。

清阳在上，浊阴在下，则天冠地履，无暴仆也。若浊邪风涌而上，则清阳失位而倒置矣，故令人暴仆。所以痰涎壅塞者，风盛气涌而然也。经曰：病发而不足，标而本之，先治其标，后治其本。故不与疏风补虚，而先为之吐其涎沫。白矾之味咸苦，咸能软顽痰，苦能吐涎沫；皂角之味辛咸，辛能利气窍，咸能去污垢。名之曰稀涎，固夺门之兵也。师曰：凡吐中风之痰，使咽喉疏通，能进汤液便止。若攻尽其痰，则无液以养筋，能令入挛急偏枯，此大戒也。

通顶散

藜芦 生甘草 川芎 细辛 人参各一钱 石膏五钱
共为末。

病人初中风，不知人事，口噤不能开，用此药一字，吹入鼻中。有嚏者，肺气未绝，可治。

中风，不知人事，病则急矣。以平药与之，不能开其壅塞，故用藜芦与入参、细辛相反，使其相反而相用也，肺苦气上逆，故用石膏之重以坠之，甘草之平以缓之。乃川芎之用，取其清气利窍而已。

苏合香丸

沉香 青木香 乌犀角 香附子 丁香 朱砂 诃梨勒 白檀香 麝香 草拨 龙脑 白术 安息香 苏合油各二两 薰陆香一两

病人初中风，喉中痰塞，水饮难通，非香窜不能开窍，故集诸香以利窍；非辛热不能通塞，故用诸辛为佐使。犀角虽凉，凉而不滞；诃梨虽涩，涩而生津。世人用此方于初中之时，每每取效。丹溪谓辛香走散真气，又谓脑、麝能引风入骨，如油入面，不可解也。医者但可用之以救急，慎毋令人多服也。

许胤宗黄芪防风汤熏蒸法

许胤宗者，唐时常州义兴人也，初仕陈，为新蔡王外兵参军。时柳太后感风不能言，脉沉而紧，胤宗曰：口不下药，宜以汤气蒸之，

令药入腠理，周时可痊。遂造黄芪防风汤数十斛，置于床下，气如烟雾，次日使得语。由是超拜义兴太守。昆谓鼻气通乎天，故无形之气，由鼻而入，呼吸传变，无处不之。黄芪甘而善补，得防风而功愈速，驱风补虚，两得之矣。自非胤宗之通达，不能主乎此法。医者能善用之，则亦可以治乎今之人矣！

二 陈 汤

半夏姜制 陈皮去白 白茯苓去皮，各等分
甘草炙，减半

风盛痰壅，既用稀涎等药开其气道，续以此方主之。

风干于脾则痰壅，然痰之生，本于湿，半夏所以燥湿也，茯苓所以渗湿也，湿去则痰无由以生；痰之为患，本于脾虚气滞，甘草所以补脾也，陈皮所以利气也，补脾利气，则土又足以制湿，而痰且无壅滞矣。此二陈之旨也。名曰二陈，以橘、半二物贵乎陈久耳。正考见痰门。

四君子汤加竹沥姜汁方

人参 白术 茯苓 甘草 竹沥 姜汁
丹溪曰：半身不遂，在右者，属气虚，以此方主之。

经曰：左右者，阴阳之道路也。故左属血，而右属气。气虚者，补之以甘，故用人参、白术、茯苓、甘草。四件称其为君子者，谓其甘平，有冲和之德，而无克伐之性也。其加竹沥，谓其行痰；其加姜汁，所以行竹沥之滞，而共成夫伐痰之功耳。

四物汤加桃仁红花竹沥姜汁方

当归酒洗 川芎洗去土 白芍药酒炒 熟地黄 桃仁 去皮尖 红花酒洗 竹沥 姜汁
丹溪曰：半身不遂，在左者，属瘀血，以此方主之。

芎、归、芍、地，生血药也，新血生，则瘀血滑而易去；桃仁、红花，消瘀药也，瘀

血去，则新血清而易生。然亦加夫竹沥、姜汁者，以痰之为物，靡所不之，盖无分于左右而为患也。

八味顺气散

白术炒 白茯苓 青皮去穰，炒 白芷 陈皮去白 台乌药 人参各一钱 甘草五分

中风，正气虚，痰涎壅盛者，宜此方主之。

人参、白术、茯苓、甘草，四君子汤也。经曰：邪之所凑，其气必虚，故用四君子以补气。治痰之法，利气为先，故用青皮、白芷、台乌、陈皮以顺气，气顺则痰行，而无壅塞之患矣。此标本兼施之治也。

乌药顺气散

麻黄去节 陈皮去白 乌药各一钱 枳壳去穰，麸炒二两 炙甘草 白芷 桔梗各一两 川芎洗去上 白僵蚕炒 干姜炒黑，半两

中风，遍身麻痹，语言蹇涩，口眼喎斜，喉中气急有痰者，此方主之。

遍身麻痹，表气不顺也，故治以麻黄、川芎；语言蹇涩，里气不顺也，故治以乌药、陈、枳；口眼喎斜，面部之气不顺也，故治以白芷、僵蚕；喉中气急，甘草可缓；肺气上逆，桔梗可下；痰之为物，塞则结滞，热则流行，佐以干姜，行其滞也。此治标之剂也。然必邪实初病之人，方可用之；若气虚病久者，则勿之与也，宜以补剂兼之。

牵 正 散

白附子 白僵蚕 全蝎并生用，为末，每服酒调下二钱

中风，口眼喎斜，无他证者，此方主之。

芫、防之属，可以驱外来之风，而内生之风，非其治也；星、夏之辈，足以治湿土之痰，而虚风之痰，非其治也。斯三物者，疗内主之风，治虚热之痰，得酒引之，能入经而正口眼。又曰：白附之辛，可使驱风；蚕、

蝎之咸，可使软痰；辛中有热，可使从风；蚕、蝎有毒，可使破结。医之用药，有用其热以攻热，用其毒以攻毒者，《大易》所谓同气相求，《内经》所谓衰之以属也。

星 香 汤

牛胆南星八钱 木香一钱

中风，体肥痰盛，口不渴者，此方主之。

南星，燥痰之品也。口体肥，口痰盛，口不渴，则宜燥也可知矣，故以南星主之。而必入于牛胆者，制其燥也。佐以木香者，利痰气也。

省 风 汤

防风去芦 半夏姜制，各一钱 全蝎二钱
胆南星 炙甘草 生白附 生川乌 木香不见火，各五分

中风，口眼喎僻，痰涎壅盛者，此方主之。

风涌其痰，干于面部，则口眼喎僻；塞于胸中，则痰涎壅盛。是方也，防风、白附、全蝎、川乌，可以活经络之风痰而正口眼；南星、半夏、甘草、木香，可以疗胸次之风痰而开壅塞。方名曰省风者，省减其风之谓也。

改 容 膏

蓖麻子一两 真冰片三分

共捣为膏。寒月加干姜、附子各一钱。

中风，口眼喎僻在左，以此膏傅其右；喎僻在右，以此膏傅其左。今日傅之，明日改正，故曰改容。若以蜣螂、冰片傅之，或以蟾血、冰片傅之，皆良。盖此三物者，皆引风拔毒之品也，佐以冰片，取其利气而善走窍；佐以姜、附，取其温热而利严寒，此惟冬月加之，他时弗用也。

小 续 命 汤

麻黄去节 人参去芦 黄芩酒炒 芍药酒炒
川芎 炙甘草 杏仁去皮、炒 防己去皮

桂枝净洗 防风去芦，各一钱 附子炮，去皮脐，五分

古人以此方混治中风，未详其证。昆谓麻黄、杏仁，麻黄汤也，仲景以之治太阳证之伤寒；桂枝、芍药，桂枝汤也，仲景以之治太阳证之中风。如此言之，则中风而有头疼、身热、脊强者，皆在所必用也。人参、甘草、四君子之二也，《局方》用之以补气；芍药、川芎，四物汤之二也，《局方》用之以养血。如此言之，则中风而有气虚、血虚者，皆在所必用也。风淫未疾，故佐以防风；湿淫腹疾，故佐以防己；阴淫寒疾，故佐以附子；阳淫热疾，故佐以黄芩。盖病不单来，杂揉而至，故其用药，亦兼该也。

热者，去附子，用白附子；筋急语迟、脉弦者，倍人参，加薏苡、当归，去黄芩、芍药以避中寒；烦躁、不大便，去附、桂，倍加芍药、竹沥；日久大便不行、胸中不快，加枳壳、大黄；语言蹇涩，手足颤掉，加石菖蒲、竹沥；口渴，加麦门冬、瓜蒌、天花粉；身疼、发搐，加羌活；烦渴、多惊，加犀角、羚羊角；汗多，去麻黄；舌燥，加石膏，去附、桂。

大 秦 苳 汤

秦苳去芦 石膏生用 当归酒洗 芍药酒炒
羌活去芦 防风去芦 黄芩酒炒 生苳洗去上，
音胡，即生地 熟苳 甘草炙 川芎洗 白术酒炒
白芷 茯苓去皮 独活各一钱 北细辛去上，五分

中风，手足不能运动，舌强不能言语，风邪散见不拘一经者，此方主之。

中风，虚邪也。许学士云：留而不去，其病则实，故用驱风养血之剂兼而治之。用秦苳为君者，以其主宰一身之风，石膏所以去胃中总司之火，羌活去太阳百节之风疼，防风为诸风药中之军卒。三阳数变之风邪，责之细辛；三阴内淫之风湿，责之苓、术。去厥阴经之风，则有川芎；去阳明经之风，则有白芷。风热干乎气，清以黄芩；风热干乎

血，凉以生芩。独活疗风湿在足少阴，甘草缓风邪上逆于肺。乃当归、芍药、熟芩者，所以养血于疏风之后，一以济风药之燥，一使手得血而能握，足得血而能步也。

三化汤

厚朴姜汤炒 大黄酒浸 枳实麸炒 羌活等分

中风，二便数日不利，邪气内实者，以此方微利之。

大黄、厚朴、枳实，小承气汤也。上焦满，治以厚朴；中焦满，破以枳实；下焦实，夺以大黄；用羌活者，不忘乎风也。服后二便微利，则三焦之气无所阻塞，而复其传化之职矣，故曰三化。此方惟实者可用，虚者勿妄与之；若实者不用，则又失乎通达之权，是当大寇而亡九伐之法矣，非安内之道也。

泻青丸

龙胆草 川芎 梔子炒黑 当归酒洗 大黄酒蒸 羌活 防风等分

中风，发热，不能安卧者，此方主之。

肝主风，少阳胆则其腑也。少阳之经行乎两胁，风热相干，故不能安卧。此方名曰泻青，泻肝胆也。龙胆草味苦而厚，故入厥阴而泻肝；少阳火实者，头角必痛，故佐以川芎；少阳火郁者，必生烦躁，故佐以梔子；肝者将军之官，风淫火炽，势不容易以治，故又夺以大黄。用当归者，培养乎血，而不使其为风热所燥也。复用乎羌活、防风者，二物皆升散之品，此火郁发之、木郁达之之意。乃上下分消其风热，皆所以泻之也。

活络丹

胆南星 川乌炮，去皮脐 草乌炮，去皮，各六两 地龙去土，火干 乳香去油 没药各二两二钱

中风，手足不用，日久不愈者，经络中有湿痰死血，此方主之。

南星之辛烈，所以燥湿痰；二乌之辛热，

所以散寒湿。地龙，即蚯蚓也，湿土所生，用之者何？《易》曰：方以类聚。欲其引星、乌直达湿痰所聚之处，所谓同气相求也。亦《内经》佐以所利，和以所宜之意。风邪注于肢节，久久则血脉凝聚不行，故用乳香、没药以消瘀血。

痲痹汤

黄芪蜜炙 防风去芦 羌活 赤芍药酒炒 姜黄炒 当归酒炒，各二钱五分 甘草炙，五分
中风，表虚，手足顽痹者，此方主之。

《内经》曰：荣气虚则不仁，卫气虚则不用，故用黄芪以实表气。然黄芪与防风相畏，用之者何？洁古云：黄芪得防风而功愈速，故并用之，欲其相畏而相使耳。羌活驱散风邪，得当归不至燥血；姜黄能攻痹血，得赤芍足以和肝；复用甘草调之，取其味平也。

防风通圣散

防风 川芎 当归 芍药炒 麻黄去节 大黄蒸 芒硝 连翘 薄荷 梔子炒黑 桔梗 石膏生 黄芩炒 白术炒 荆芥穗 滑石 甘草

风热壅盛，表里三焦皆实者，此方主之。

防风、麻黄，解表药也，风热之在皮肤者，得之由汗而泄；荆芥、薄荷，清上药也，风热之在巅顶者，得之由鼻而泄；大黄、芒硝，通利药也，风热之在肠胃者，得之由后而泄；滑石、梔子，水道药也，风热之在决渎者，得之由溺而泄。风淫于膈，肺胃受邪，石膏、桔梗，清肺胃也，而连翘、黄芩，又所以祛诸经之游火；风之为患，肝木主之，川芎、归、芍，和肝血也，而甘草、白术，又所以和胃气而健脾。刘守真氏长于治火，此方之旨，详且悉哉！

史国公药酒方

防风去芦 秦艽去芦 油松节 虎胫骨酥炙 鳖甲醋炙 白术各二两，炒 羌活 萆薢

晚蚕砂炒 当归酒洗，去土 川牛膝去芦 杜仲
去皮，姜炒，各二两 苍耳子四两 枸杞子五两
干茄根八两，去土

中风之久，语言蹇涩，半身不遂，手足拘挛，不堪行步，痿痹不仁者，此方神良。

语言蹇涩，风在舌本也；半身不遂，邪并于虚也；手足拘挛，风燥其筋也；不堪行步，风燥而血不濡也；痿痹不仁，风而湿也。是方也，干茄根、苍耳子、羌活、秦艽、防风、松节、草薢、蚕砂，可以去风，亦可以去湿，风去则蹇涩、拘挛之证除，湿去则不遂、不仁之患愈；当归、牛膝、杜仲、枸杞，所以养血，亦所以润燥，养血则手得血而能掇，足得血而能步，润燥则筋得血而能舒矣。若虎骨者，用之以驱入骨之风；白术者，用之以致冲和之气，风痹之久，血必留居，鳖甲之用，所以治风邪之固血也。

豨 薟 丸

豨薟草不拘多少 此草处处有之，其叶似苍耳，对节而生，用五月五日、七月七日、九月九日，采来晒干，铺入甑中，用好酒层层匀洒，蒸之复晒，如此九次，为末，炼蜜为丸，如梧桐子大。每服五十丸，空心无灰酒下。

病人骨节疼痛，缓弱无力，此方主之良。

骨节疼痛，壅疾也，壅者喜通。此物味辛苦而气寒，用九蒸九晒，则苦寒之浊味皆去，而气轻清矣。《本草》云：轻可以去实，盖轻清则无窍不入，故能透骨驱风，劲健筋骨。若未之九蒸九晒，或蒸晒之数不满于九，浊味犹存，阴体尚在，则不能透骨驱风而却病也。此阴阳清浊之义，惟明者求之。唐江陵节度使成纳进豨薟丸，知益州张詠进豨薟丸，事考并见痛风门。

伤寒门第二

叙曰：仲景伤寒方，群方之祖也，自晋

唐而降，历朝医哲，罔不宗之，初学之士，能究其方，识其证，虽施之杂疗，不可胜用，岂徒曰伤寒云尔哉！今取其方七十五首，考之如下，有活人之志者，幸教我焉！

桂 枝 汤

桂枝三两，洗净 芍药三两，炒 甘草二两，生
生姜二两 大枣十二枚，擘

头痛发热，汗出恶风，脉缓者，太阳中风也，此汤主之。

风之伤人也，头先受之，故令头痛；风在表则表实，故令发热；风为阳，气亦为阳，同类相从，则伤卫外之气，卫伤则无以固卫津液，故令汗出；其恶风者，卫气不能卫也；其脉缓者，卫气不能鼓也。上件皆太阳证，故曰太阳中风。桂枝味辛甘，辛则能解肌，甘则能实表，经曰：辛甘发散为阳，故用之以治风；然恐其走泄阴气，故用芍药之酸以收之；佐以甘草、生姜、大枣，此发表而兼和里之意。是方也，惟表邪可以用之，若阳邪去表入里，里作燥渴，二便秘结，此宜承气之时也，而误用之则反矣。论曰：桂枝下咽，阳盛则毙。盖谓阳邪去表入里故也，又曰：桂枝本为解肌，若其入脉浮紧，发热汗不出者，不可与也，盖以与之则表益实，而汗益难出耳。故申之以常须识此，勿令误也。

麻 黄 汤

麻黄去节，三两 桂枝洗净，二两 杏仁去皮尖，七十枚 甘草一两，生

太阳伤寒，头痛发热，身疼腰痛，骨节不利，恶寒无汗而喘，脉来尺寸俱紧者，麻黄汤主之。

足太阳经，起目内眦，循头背腰骱，故所过疼痛不利；寒邪外束，人身之阳不得宣越，故令发热；寒邪在表，不复任寒，故令恶寒；寒主闭藏，故令无汗；人身之阳，既不得宣越于外，则必壅塞于内，故令作喘；寒气刚劲，故令脉紧。麻黄之形，中空而虚；麻

黄之味，辛温而薄，空则能通腠理，辛则能散寒邪，故令为君。佐以桂枝，取其解肌；佐以杏仁，取其利气；入甘草者，亦辛甘发散之谓。抑太阳无汗，麻黄之用固矣，若不斟酌人品之虚实，时令之寒暄，则又有汗多亡阳之戒。汗多者宜扑粉，亡阳者宜附子汤。

葛根汤

葛根四两 麻黄去节，三两 桂枝洗净，二两 芍药二两，炒 甘草二两，生 生姜三两 大枣十二枚

太阳病，项背强，无汗恶风者，名曰刚痉，此方主之。

风寒伤经络之经，则所过但痛而已，未至于强；风寒伤筋骨之筋，则所过筋急强直而成痉。痉，痉字之误也。曰刚痉者，无汗之名也。本草云：轻可去实。葛根、麻黄，形气之轻者也，此以风寒表实，故加二物于桂枝汤中。又，太阳与阳明合病，必自下利。下利，里证也，今之庸医皆曰漏底伤寒，不治，仲景则以此方主之。盖以邪气并于阳，则阳实而阴虚，阴虚故下利也。与此汤以散经中表邪，则阳不实而阴气平，利不治而自止也。斯妙也，惟明者知之。

小青龙汤

麻黄三两，去节 桂枝三两，洗净 芍药三两，炒 五味子半斤，炒 半夏半升，泡 北细辛去土 甘草生 干姜各三两

伤寒表不解，心下水气，干呕，或咳，或噎，或喘，小青龙汤主之。

表不解者，头痛、发热、身疼尚在也。伤寒曾渴。饮水过多，故心下水气。有声无物，谓之干呕，名曰水气，则有形之水已散，但无形之气仍在耳，故无物可吐而但有声。或咳，或噎，或喘，皆水寒射肺故也。青龙者，东方木神，主发育万物，二方以发散为义，故名之。麻黄、桂枝、甘草，发表邪也；半夏、细辛、干姜，散水气也；芍药所以和阴血，五

味所以收肺气。

大青龙汤

麻黄六两，去节 杏仁四十枚，去皮尖 桂枝净洗 甘草生，各二两 生姜三两 大枣十二枚 石膏如鸡子大一块

伤寒太阳证，见风脉者，此方主之。

仲景法：太阳伤寒，治以麻黄汤；太阳中风，治以桂枝汤。今伤寒太阳证见风脉，是有头痛、身热、无汗、恶寒，但脉来不紧而缓，为伤寒且中风矣，故二方并而用之。风寒外盛，则人身之阳郁为内热，此石膏之所加也。名曰大青龙，其发表之尤者乎！而亡阳之戒，筋惕肉瞤之弊，则用青龙之过者也。有此者，急以大温大补之剂主之，又仲景救弊之方也。

升麻葛根汤

升麻 葛根 芍药炒 甘草等分

伤寒，目痛鼻干，不眠，无汗，恶寒发热者，阳明经证也，此方主之。

足阳明之脉，抵目挟鼻，故目痛鼻干。其不能眠者，阳明之经属于胃，胃受邪则不能安卧，此其受邪之初，犹未及乎狂也。无汗、恶寒、发热者，表有寒邪也。药之为性，辛者可使达表，轻者可使去实。升麻、葛根，辛轻者也，故用之达表而去实。寒邪之伤人也，气血为之壅滞，佐以芍药，用和血也。佐以甘草，用调气也。

白虎汤

石膏一斤，捶，不见铁 知母去浮皮，六两 甘草二两 粳米六合

伤寒，传入于胃，不恶寒，反恶热，有汗作渴，脉大而长者，此方主之。

传入于胃，邪入里矣。表无其邪，故不恶寒；里有实热，故反恶热；热越故有汗；里燥故作渴；邪盛故脉大；邪在阳明故脉长。白虎，西方金神也。五行之理，将来者进，功成者退，如秋金之令行，则夏火之炎息。此

方名曰白虎，所以行清肃之令而除热也。石膏大寒，用之以清胃；知母味厚，用之以生津；大寒之性行，恐伤胃气，故用甘草、粳米以养胃。是方也，惟伤寒内有实热者可用之。若血虚身热，证象白虎，误服白虎者死无救，又东垣之所以垂戒矣。

小柴胡汤

柴胡半斤，去芦 黄芩三两 人参三两，去芦
甘草三两 半夏半斤，制 生姜二两 大枣十二枚

伤寒，寒热往来，胁痛，口苦，脉弦者，此邪在少阳经，半表半里之证也，本方主之。

邪在表则恶寒，邪在里则发热，邪在半表半里则恶寒且热，故令寒热往来。少阳之脉行于两胁，故令胁痛；其经属于胆，胆汁上溢故口苦。胆者，肝之腑，在五行为木，有垂枝之象，故脉弦。柴胡性辛温，辛者金之味，故用之以平木，温者春之气，故就之以入少阳；黄芩质枯而味苦，枯则能浮，苦则能降，君以柴胡，则入少阳矣。然邪之伤入，常乘其虚，用人参、甘草者，欲中气不虚，邪不得复传入里耳。是以中气不虚之人，虽有柴胡证俱，而人参在可去也。邪初入里，里气逆而烦呕，故用半夏之辛以除呕逆，邪半在表，则荣卫争，故用姜、枣之辛甘以和荣卫。

仲景云：胸中烦而不呕，去半夏、人参，加枳实一枚；若渴者，去半夏，更加人参一两五钱、栝蒌根四两；若腹中痛者，去黄芩，加芍药三两；若胁下痞硬，去大枣，加牡蛎四两；若心下悸，小便不利者，去黄芩，加茯苓四两；若不渴，外有微热者，去人参，加桂枝三两，温覆取微汗；若咳者，去人参、大枣、生姜，加五味子半斤、干姜二两。以上加减法，皆去其所弊，加其所宜，兹惟明者求之，不复赘也。

大柴胡汤

柴胡半斤，去节 黄芩三两，炒 芍药三两，炒

半夏半升，泡七次 生姜五两 枳实四两，面煨
大黄二两，酒浸 大枣十二枚

伤寒，阳邪入里，表证未除，里证又急者，此方主之。

表证未除者，寒热往来、胁痛、口苦尚在也；里证又急者，大便难而燥实也。表证未除，故用柴胡、黄芩以解表；里证燥实，故用大黄、枳实以攻里。芍药能和少阳，半夏能治呕逆，大枣、生姜，又所以调中而和荣卫也。

调胃承气汤

大黄四两，酒浸 芒硝半升 甘草二两

伤寒，阳明证俱，大便秘，谵语，脉实者，此方主之。

阳明证俱者，不恶寒，反恶热、作渴是也。传至阳明，则热经数日矣。热久则五液干涸，故大便秘；液亡则无水以制火，故谵语。谵语者，呢喃而语，妄见妄言也。邪入于里，故脉实。大黄苦寒，可以荡实，芒硝咸寒，可以润燥；甘草甘平，可以和中。此药行，则胃中调而里气承顺，故曰调胃承气。然犹有戒焉，表证未去而早下之，则有结胸、痞气之患，此大、小陷胸汤之所以作也。夫人恶可以不慎乎？

小承气汤

大黄四两，酒浸 厚朴二两，炒 枳实三枚，麸炒

伤寒，腹胀满，潮热，狂言而喘者，此方主之。

邪在上焦则作满，邪在中焦则作胀，胃中实则作潮热。曰潮热者，犹潮水之潮，其来不失时也。阳乘于心则狂，热干胃口则喘。枳、朴去上焦之痞满，大黄荡胃中之实热。此其里证虽成，病未危急，痞、满、燥、实、坚犹未全俱，以是方主之，则气亦顺矣，故曰小承气。

大承气汤

大黄四两，酒浸 厚朴半升，姜汤炒 枳实五枚，麸炒 芒硝三合

伤寒，阳邪入里，痞、满、燥、实、坚全俱者，急以此方主之。

调胃承气汤不用枳、朴者，以其不作痞满，用之恐伤上焦虚无氤氲之元气也。小承气汤不用芒硝者，以其实而未坚，用之恐伤下焦血分之真阴，谓不伐其根也，此则上、中、下三焦皆病，痞、满、燥、实、坚皆全，故主此方以治之。厚朴苦温以去痞，枳实苦寒以泄满，芒硝咸寒以润燥软坚，大黄苦寒以泄实去热。虽然，仲景言急下之证，亦有数条。如少阴属肾水，病则口燥舌干而渴，乃热邪内炎，肾水将绝，宜急下之，以救将绝之水。又如腹胀不大便，土胜水也，宜急下之；阳明属土，汗出热盛，急下以存津液；腹满痛者，为土实，急当下之；热病，目不明，热不已者死。此肾水将竭，不能照物，则已危矣，须急下之。此皆大承气证也。若病未危急而早下之，或虽危急而下药过之，则又有寒中之患。寒中者，急温之，宜与理中汤。

桃仁承气汤

桃仁五十枚，去皮尖 桂枝二两，洗净，妊娠用炒 大黄四两，酒浸 芒硝二两 甘草二两

伤寒，外证已解，小腹急，大便黑，小便利，其人如狂者，有蓄血也，此方主之。

无头痛、发热恶寒者，为外证已解。小腹急者，邪在下焦也；大便黑者，瘀血渍之也；小便利者，血病而气不病也。上焦主阳，下焦主阴。阳邪居上焦者，名曰重阳，重阳则狂。今瘀热客于下焦，下焦不行，则于上部清阳之分，而天君弗宁矣，故其证如狂。桃仁，润物也，能泽肠而滑血；大黄，行药也，能推陈而致新；芒硝，咸物也，能软坚而润燥；甘草，平剂也，能调胃而和中；桂枝，辛物也，能利血而行滞。又曰：血寒则止，血

热则行。桂枝之辛热，君以桃仁、硝、黄，则入血而助下行之性矣，斯其制力之意乎！

小陷胸汤

黄连一两，去毛 半夏泡七次，半升 栝蒌实一枚，去皮

伤寒，下之早，热结胸中，按之则痛者，小结胸也，此方主之。

三阳经表证未去而早下之，则表邪乘虚而入，故结胸。结胸者，阳邪固结于胸中，不能解散，为硬为痛也；按之则痛者，不按犹未痛也，故用小陷胸汤。黄连能泻胸中之热，半夏能散胸中之结，栝蒌能下胸中之气。然必下后方有是证，若未经下后，则不曰结胸。

大陷胸汤

大黄六两，酒浸 芒硝一升 甘遂一钱

伤寒，下之早，从心下至少腹硬满而痛不可近者，大结胸也，此方主之。

三阳经表证未解，而用承气汤以攻里者，此下之早也。下之早则里虚，里虚则表邪乘之而入，三焦皆实，故心下至少腹硬满而痛不可近也。此其为证危急，寻常药饵不能平矣，故用大黄以荡实，硝石以软坚，甘遂以直达。噫！人称三物之峻矣，抑孰称其有起死之功乎？用人之勇去其怒，惟善将将者能之。

半夏泻心汤即甘草泻心汤

半夏半升，制 黄芩炒 干姜 人参去芦 甘草各三两 黄连一两，去毛 大枣十二枚

伤寒下之早，胸满而不痛者为痞，此方方之。

伤寒自表入里，传至三阴，三阴亦有在经表证。如太阴有桂枝加芍药汤，少阴有麻黄附子细辛汤，厥阴有当归四逆汤之类。若不治其表，而用承气汤下之，则伤中气，而阴经之邪乘之矣。以既伤之中气而邪乘之，则不能升清降浊，痞塞于中，如天地不交而成

否，故曰痞，泻心者，泻心下之邪也。姜、夏之辛，所以散痞气；芩、连之苦，所以泻痞热；以下之后，脾气必虚，人参、甘草、大枣，所以补脾之虚。

附子泻心汤

附子去皮脐，一枚 大黄酒浸 黄连去毛，炒 黄芩炒，各一两

伤寒心下痞，汗出恶寒者，此方主之。

心下痞，故用三黄以泻痞；恶寒，汗出，故用附子以回阳。无三黄，则不能以去痞热；无附子，恐三黄益损其阳。热有附子，寒有三黄，寒热并用，斯为有制之兵矣，张机氏谓医家之善将将者也。俗医用寒则不用热，用热则不用寒，何以异于胶柱而鼓瑟乎？

生姜泻心汤

生姜四两 甘草炙 人参去芦 黄芩炒各三两 半夏半升制 黄连去毛 干姜各一两 大枣十二枚

伤寒中风，医反下之，其人下利日数十行，谷不化，腹中雷鸣，心下痞硬而满，干呕，心烦不得安者，此方主之。

病在表而反下之，则逆矣。下面虚其中气，则表邪乘之而入，虚不任邪，故不利日数十行，今人谓之挟热利也。火性急速，谷虽入而未及化，故谷不化；虚阳奔迫，故令腹中雷鸣；中虚不能化气，故令痞硬而满；胃虚客气上逆，故令干呕、心烦不得安。人参、甘草、大枣，胃虚之圣药也；生姜、半夏、干姜，呕逆之圣药也；黄连、黄芩，痞热之圣药也。

十枣汤

芫花熬 甘遂 大戟各五分 大枣十枚
伤寒表证已去，其人赧赧汗出，心下痞硬，胁痛，干呕，短气者，此邪热内畜而有伏饮也，本方主之。

芫花之辛能散饮，戟、遂之苦能泄水。又

曰：甘遂能直达水饮所结之处。三物皆峻利，故用大枣以益土，此戎衣之后而发巨桥之意也。是方也，惟壮实者能用之，虚羸之人，未可轻与也。

三物白散

桔梗 贝母各三分 巴豆一钱，炒黑

伤寒寒实结胸，无热证者，此方主之。

此证或由表解里热之时过食冷物，故令寒实结胸，然必无热证者为是。桔梗、贝母之苦，用之以下气；巴豆之辛，用之以去实。又曰：病在膈上则吐，病在膈下则利，此桔、贝主上，巴豆主下之意。服后不行者，益以温汤；行之过多者，止以凉粥。

大陷胸丸

大黄酒浸，半斤 葶苈炒 杏仁去皮尖 芒硝各半升 甘遂一钱 白蜜二合，为丸

顿服之，一宿乃下。不下者，更服之。

伤寒结胸项强，如柔痉状，此方下之则和。

结胸项强者，胸满硬痛，能仰而不能俯也。有汗项强为柔痉。此虽有汗，其项强乃胸中满实而不能俯，非是中风痉急，故曰如柔痉。不用汤液而用丸剂，何也？汤主荡涤，前用大陷胸汤者，以其从心下至少腹皆硬痛，三焦皆实，故用汤以荡之。此惟上焦满实，用汤液恐伤中、下二焦之阴，故用丸剂以攻之。大黄、芒硝之苦寒，所以下热；葶苈、杏仁之苦甘，所以泄满；甘遂取其直达；白蜜取其润利。

抵当汤丸

水蛭三十枚，炒褐色 虻虫去翅足，炒，二十枚 桃仁三十枚，去皮尖 大黄二两，酒浸

伤寒不结胸，发狂，少腹硬满，小便自利，脉沉结者，以太阳随经，瘀热在里，而有瘀血也，此方主之。

宜结胸而不结胸，故曰不结胸；瘀热内

实，故令发狂，发狂则重于桃仁承气如狂矣。少腹硬满者，下焦实也；小便利者，血病而气不病也；病深入里，故脉沉；内有积瘀，故脉结。脉行肌下谓之沉，迟时一止谓之结。自经而言，则曰太阳；自腑而言，则曰膀胱。阳邪由经而入，结于膀胱，故曰随经。瘀热在里，热结而燥，是瘀血也。经曰：苦走血，咸胜血。虻虫、水蛭之咸苦，所以除畜血；滑能利肠，苦能泻热，桃仁、大黄之苦滑，所以利血热。

梔子豉汤

梔子十四枚，擘 香豉四合

伤寒汗吐下后，虚烦不得眠，心中懊恼者，此方主之。

汗吐下之后，正气不足，邪气乘虚而结于胸中，故烦热懊恼。烦热者，烦扰而热；懊恼者，懊恼闷也。梔子味苦，能涌吐热邪；香豉气腐，能克制热势，所谓苦胜热，腐胜焦也。是方也，惟吐无形之虚烦则可，若用之以去实，则非梔子所能宣矣。宣实者，以后方瓜蒂散主之。

瓜蒂散

苦瓜蒂略炒 赤小豆各五分

伤寒，胸中多痰，头痛者，此方吐之。

胸中多痰，便是实证，与虚烦不同。痰热交淫，故令头痛。经曰：苦能涌泄。瓜蒂，苦物也，故用之在上则涌胸中实痰。陶隐君曰：燥可去湿，赤小豆之属是也。此用之为佐，亦是燥其湿痰之意。是方也，吐痰诚为快利，诸亡血虚象，则又在所禁矣。盖血亡而复用吐，则气亦去；虚象而复用吐，则损其阴。

文蛤散

文蛤为末，方寸匕

病在阳，反噤以水，热攻于内，寒更益坚，欲饮水而不渴者，此方主之。

不当与水而与饮之，故曰反噤以水。热虽攻于内，因水寒不散，故欲饮而不渴，此其有停水可知矣，故用文蛤之咸以润下而破水。

五苓散

茯苓 猪苓 白术各十八铢 泽泻一两六铢 桂半两

伤寒小便不利而渴者，此方主之。

水道为热所秘，故令小便不利；小便不利，则不能运化津液，故令渴；水无当于五味，故用淡以治水。茯苓、猪苓、泽泻、白术，虽有或润或燥之殊，然其为淡则一也，故均足以利水。桂枝辛热，辛热则能化气。经曰：膀胱者，州都之官，津液藏焉，气化则能出矣。此用桂之意也。桂有化气之功，故并称曰五苓。浊阴既出下窍，则清阳自出上窍，又热随溺而泄，则渴不治可以自除。虽然，小便不利亦有因汗下之后内亡津液而致者，不可强以五苓散利之，强利之则重亡津液，益亏其阴，故曰大下之后复发汗，小便不利者，亡津液故也，勿治之，得小便利必自愈。师又曰：太阳随经之邪，直达膀胱，小便不利，其人如狂者，此太阳之邪不传他经，自入其腑也。五苓散主之，亦是使阳邪由溺而泄耳。互考见霍乱门。

猪苓汤

猪苓 茯苓 泽泻 滑石各三钱 阿胶 蚌粉炒，一钱

伤寒少阴下利而主此方者，分其小便而下利自止也。伤寒渴欲饮水，小便不利，而主此方者，导其阳邪由溺而泄，则津液运化，而渴自愈也。又曰：猪苓质枯，轻清之象也，能渗上焦之湿；茯苓味甘，中宫之性也，能渗中焦之湿；泽泻味咸，润下之性也，能渗下焦之湿；滑石性寒，清肃之令也，能渗湿中之热；四物皆渗利，则又有下多亡阴之惧，故用阿胶佐之，以存津液于决渎尔。

茵陈蒿汤

茵陈蒿半两 梔子四枚，炒 大黄三钱，酒浸
伤寒，头汗出，渴饮水浆，小便不利者，
身必发黄，此方主之。

头汗出者，只是头有汗，脐颈而还皆无汗也。内有实热，故渴饮水浆，升降不交，故小便不利；湿热郁于中而不得越，故必发黄。经曰：大热之气，寒以取之，故用茵陈；苦入心而寒胜热，故用梔子；推除邪热，必假将军，故用大黄。又曰：茵陈、梔子能导湿热由小便而出，故用之。

甘桔汤

桔梗一两 甘草二两

少阴病，咽痛者，此方主之。

口燥舌干而渴，脉来沉者，少阴病也。少阴之脉，循喉咙，挟舌本，病故咽痛。甘草缓邪热而兼发散，桔梗下膈热而治咽喉。

小建中汤

桂 甘草 生姜各三两 芍药六两，炒 胶饴一升 大枣十二枚

伤寒，腹中急痛者，此方主之。

腹中急痛，则阴阳乖于中，而脾气不建矣，故立建中汤。桂肉与桂枝不同，枝则味薄，故用之以解肌；肉则味厚，故用之以建里。芍药之酸，收阴气而健脾；生姜之辛，散寒邪而辅正。经曰：脾欲缓，急食甘以缓之，故用甘草、大枣、胶饴以缓急痛。又曰：呕家不可用建中，为其甘也。则夫腹痛而兼呕者，又非建中所宜矣。

黄芪建中汤

黄芪 桂各一钱半 白芍药三钱 甘草一钱

伤寒汗后身痛，脉迟弱者，此方主之。

汗后身痛者，此由汗多耗损阴气，不能荣养筋骨，故令身痛。阳虚，故令脉迟；汗

后，故令脉弱。黄芪、甘草之甘，补中气也，然桂中有辛，同用之足以益卫气而实表；芍药之酸，收阴气也，桂中有热，同用之足以利荣血而补虚。此方以建中名者，建立中气，使其生育荣卫，通行津液，则表不虚而身痛自愈矣。

黄芩汤

黄芩三两，炒 甘草二两 芍药二两，炒 大枣十二枚

太阳与少阳合病，必自下利者，此方主之。

太阳与少阳合病者，有太阳证头痛、身热、脊强，而又有少阳证耳聋、胁痛、寒热往来、呕而口苦也。必自下利者，表实里虚，邪热渐攻于里故也。若太阳与阳明合病自下利，为在表，当与葛根汤发汗；阳明、少阳合病自下利，为在里，可与承气汤下之；此太阳、少阳合病自下利，为在半表半里，非汗下所宜，故与黄芩汤。师曰：虚而不实者，苦以坚之，酸以收之，故用黄芩、芍药以坚敛肠胃；弱而不实者，甘以补之，故用甘草、大枣以补益肠胃。其有加半夏者，为其呕也。

黄连汤

黄连去毛，炒 干姜炒 桂枝炒 甘草各三两 人参二两 半夏半升 大枣十二枚

伤寒胸中有热而欲呕，胃中有寒而作痛者，与此汤以升降阴阳。

黄连之苦，以泄上热而降阳；姜、桂、半夏之辛，以散中寒而升阴；人参、甘草、大枣之甘，可缓中急而益胃。是方也，以黄连之寒，佐以姜、桂之辛，则寒者不滞；以姜、桂之热，君以黄连之苦，则热者不燥。寒热之相用，犹奇正之相倚耳。况夫人参、甘草之益胃，又所以宰中而建招摇矣乎。

炙甘草汤

甘草四两，炙 桂枝炒 生姜各三两 生地

黄一斤 人参 阿胶各二两 麦门冬 麻仁各半升 大枣十二枚

伤寒脉结代，心动悸者，此方主之。

结与代，皆止脉也，此由气血虚衰，真气不能相续，故有此脉。心动悸者，动而不自安也，亦由真气内虚所致，补虚可以去弱，故用人参、甘草、大枣；温可以生阳，故用生姜、桂枝；润可以滋阴，故用阿胶、麻仁；而生地、麦冬者，又所以清心而宁悸也。

茯苓甘草汤

茯苓去皮 桂枝炒，各一两 生姜三两 甘草 两

伤寒水气乘心，心动悸者，此方主之。

水气乘心而悸者，以水者心火之所畏也，故乘之则为动悸，此饮水过多之所致也。淡可以渗水，故用茯苓；辛可以散饮，故用姜、桂；益土可以制水，故用甘草。又曰：饮之为悸，甚于他邪，虽有余邪，必先治悸。盖以水停心下，不早治之，浸于肺则为喘为咳，传于胃则为哕为噎，溢于皮肤则为肿，渍于肠间则为利下故也。经曰：厥而心下悸，宜先治水，后治其厥。厥为邪之深者，犹先治水，则夫病浅于厥者可知矣。

茯苓桂枝甘草大枣汤

茯苓半斤，去皮 桂枝四两，炒 甘草二两 大枣十五枚

甘澜水煎。

伤寒汗后，脐下悸，欲作奔豚者，此方主之。

汗后则心液虚，肾者水脏，欲乘心火之虚而克之，故脐下悸，俗作奔豚而上凌于心也。茯苓甘淡，可以益土而伐肾邪；桂枝辛热，可以益火而平肾气；甘草、大枣之甘，可以益脾，益脾所以制肾也。煎以甘润水者，扬之无力，取其不助肾气尔。

真武汤

茯苓去皮 芍药炒 生姜各三两 白术二两，炒 附子一枚，制

伤寒发汗过多，其人心下悸，头眩身瞤，振振欲擗地者，此方主之。

汗多而心下悸，此心亡津液，肾气欲上而凌心也；头眩身瞤，振振欲擗地者，此汗多亡阳，虚邪内动也。真武，北方之神，司水火者也。今肾气凌心，虚邪内动，有水火奔腾之象，故名此汤以主之。茯苓、白术，补土利水之物也，可以伐肾而疗心悸；生姜、附子，益卫回阳之物也，可以壮火而祛虚邪；芍药之酸，收阴气也，可以和荣而生津液。

理中汤

人参去芦 白术炒 干姜炮 甘草炮

太阴自利不渴，寒多而呕，腹痛，鸭溏，霍乱，此太阴有真寒也，本方主之。

太阴者，脾也。自利渴者为热，不渴者为寒，脾喜温而恶寒，寒多故令呕；寒者，肃杀之气，故令腹痛，鸭溏者，后便如鸭之溏，亦是虚寒所致；霍乱者，邪在中焦，令人上吐下泻，手足挥霍而目了乱也。霍乱有阴阳二证，此则由寒而致故耳。病因于寒，故用干姜之温；邪之所凑，其气必虚，故用人参、白术、甘草之补。

吴茱萸汤

吴茱萸一升，泡过 人参三两，去芦 生姜六两 大枣十二枚

伤寒食谷欲呕者，属阳明也，此汤主之；得汤反剧者，属上焦，此非所宜也。少阴犯真寒，吐利，手足厥冷，烦躁欲死者，此汤主之。厥阴干呕吐沫，头痛者，亦此汤主之。

阳明，胃也，为仓廪之官，主纳水谷，有寒，故令食谷欲呕，吴茱萸汤温之宜矣。若得汤反剧，便非胃中寒，乃是上焦火，宜用凉剂，而吴茱萸非宜矣。少阴犯真寒者，足

少阴肾脏中寒，与传来阳证不同也。肾间阴寒盛，则上格乎阳而为吐。经曰：肾主二便。故肾寒则大便不禁而为利，手足得阳而温，受气于内者也；内有阴寒，故令手足厥逆而冷。烦躁者，阴盛格阳，阳气内争，故令阳烦而阴躁，斯其为证亦危矣，故欲死。厥阴者，肝也，寒气内格，故干呕吐沫；厥阴与督脉会于巅，故头痛。吴茱萸辛热而味厚，经曰味为阴，味厚为阴中之阴，故走下焦而温少阴、厥阴；佐以生姜，散其寒也；佐以人参、大枣，补中虚也。虽然，张机氏立是方，以治少阴、厥阴之寒也固矣，不又曰少阴病吐利烦躁四逆者死乎？厥冷之与四逆，无相违也。临病之工，乌可不慎！

白通汤

葱白四茎 干姜一两 炮附子一枚 炮
少阴下利者，此方主之。

少阴属肾，水脏也，得天地闭藏之令，主禁固二便，寒邪居之，则病而失其体矣，故下利。葱白，所以通阳气也；姜、附，所以散阴寒也。是方也，能散阴而通阳，故即葱白而名曰白通。

白通加人尿猪胆汁汤

葱白四茎 干姜一两 炮附子一枚 炮人尿五合 猪胆汁一合

少阴下利，脉微者，与白通汤。利不止，厥逆无脉，干呕烦者，此方主之。服汤，脉暴出者死，微续者生。

少阴下利脉微，此少阴有真寒也，故与白通汤散阴复阳。若利不止，厥逆无脉，干呕烦者，乃寒盛格拒乎阳，药不能达于少阴，而阳逆乱于上故也。加人尿、猪胆者，取其苦寒与阴同类，可以引姜、附入拒格之寒而调其逆。《内经》曰：必同其气，可使平也。正此之谓。入腹之后，冷体既消，热性便发，病气随去，烦呕皆除，情且不违，而致大益，此奇正相伏之兵也，惟明者知之。其服汤脉

暴出者，正气因发泄而脱也，故死；脉微续者，阳气渐复也，故生。

附子汤

附子一枚 炮茯苓去皮 芍药炒，各三两 人参二两 白术四两，炒

少阴病口中和，背恶寒者，此方主之。少阴病身体痛，手足寒，骨节痛，脉沉者，亦此方主之。

伤寒以阳为主，上件病皆阴胜，几于无阳矣。辛甘皆阳也，故用附、术、参、苓以养阳；辛温之药过多，则恐有偏阳之弊，故又用芍药以扶阴。经曰：火欲实，水当平之。此用芍药之意也。

四逆汤

甘草二两 干姜两半 附子一枚
煎成凉服。

太阴自利不渴，阴证脉沉身痛，与夫厥逆下利，脉不至者，此方皆主之。

论曰：自利不渴属太阴。太阴主水谷，病故自利；内有真寒，故不渴。阴证者，举三阴而言，则又非独太阴矣。病在里，故脉沉。寒则血脉凝涩，故身痛。四肢受气于里，里寒则阳气不能宣布于手足，故四肢厥逆而冷；下利亦是里寒。脉不至者，寒极而脉藏伏也。经曰：寒淫于内，治以甘热。故用甘草、姜、附大热之剂，申发阳气，祛散阴寒，能温经暖肌而回四逆，因以名汤焉。然必凉服者，经曰治寒以热，凉而行之是也。否则戴阳者，反增上燥，耳目口鼻皆血者有矣。药之难用也有如此。

干姜黄连黄芩人参汤

干姜炮 黄连炮 黄芩炮 人参去芦，各三两
伤寒误吐下，寒气内格，食入口即吐者，此方主之。

不当吐下而吐下之，故曰误吐下。如用梔子、瓜蒂之类以吐，又用承气之类以下，其

性皆寒，误用之，则损中气。中气既虚且寒，便恶谷气，故食入口即吐。入口即吐者，犹未下咽之谓也。用干姜之辛热，所以散寒；用人参之甘温，所以补虚；复用芩、连之寒苦者，所以假之从寒而通格也。经曰：有假其气，则无禁也，正此之谓。自非深得经旨，故能通其变耶？

当归四逆汤

当归去土 桂枝 芍药炒，各二两 细辛去土 甘草炙 通草各二两 大枣廿五枚

论曰：伤寒脉滑而厥者，里有热也，白虎汤主之；手足厥寒，脉细欲绝者，当归四逆汤主之。

滑，阳脉也，故其厥为阳厥。乃火极盛，如乾之上九，亢龙有悔之象也，故用白虎。白虎考见前。若手足厥寒，脉细欲绝，则非白虎所宜矣。手足厥寒，则阳气外虚，不温四末；脉细欲绝，则阴血内弱，脉行不利。阳气外虚，故用桂枝、细辛以温其表；阴血内弱，故用当归、芍药以调其里；通草通其阴阳；大枣、甘草和其营卫。是证也，自表入里，虽曰传至厥阴，始终只是阳证，与寒邪直中三阴不同，故不用吴茱萸、姜、附辈，而用桂枝汤加当归、细辛、通草尔。明者自得之。

当归四逆加吴茱萸生姜汤

当归去土 芍药炒 桂枝各三两 细辛去土 甘草炙 通草各二两 大枣廿五枚 吴茱萸三钱，泡 生姜六钱

论曰：若其人内有久寒者，当归四逆加吴茱萸生姜汤主之。

此承上文言，虽有手足厥寒，脉细欲绝证候，若其人内有久寒，则加吴茱萸、生姜以散久寒而行阳气。曰久寒者，陈久之寒，非时下直中之寒也明矣。

桂枝加芍药汤

桂枝三两，净洗 芍药六两，炒 甘草二两

生姜二两 大枣十二枚

本太阳病，医反下之，因而腹满时痛者，属太阴也，桂枝加芍药汤主之。

表证未罢，而医下之，邪乘里虚，当作结胸，今不作结胸，而作腹满时痛，是属于太阴。里气不和，故腹满时痛耳。时痛者，有时而痛，非大实之痛也，故但与桂枝汤以解表，加芍药以和里。

桂枝加大黄汤

桂枝 芍药 生姜各三两 甘草二两 大枣十二枚 大黄一两

表证未罢，因误下而大实痛者，此方主之。

大凡表证未罢，仍当解表，若误下以虚其里，则余邪乘虚而入，内作大实痛。曰大实痛，则非有时而痛者可例矣，故前方但倍芍药，而此则加大黄。加大黄者，取其苦寒能荡实也。论又曰：太阴为病，脉弱，其人续自便利，设当行大黄、芍药者，宜减之，以其人胃气弱，易动故也。则夫俗医不辨虚实，而执方治病者，皆仲景之罪人矣！

桂枝加附子汤

桂枝 芍药 生姜各三两 大枣十二枚 甘草二两 附子三枚

太阳病发汗，遂漏不止，其人恶风，小便难，四肢微急，难以屈伸者，此方主之。风湿相搏，身体疼烦，不能转侧者，亦此方主之。

发汗遂漏不止，则虚其表而亡阳，阳虚则无以卫外，故其人恶风；小便难者，经虚腑亦虚，而膀胱之气不化，不化则不出，故小便难。汗多，表亡津液，则无以养筋，故四肢微急，难以屈伸。用桂枝汤，所以和在表之营卫；加附子，所以壮在表之元阳。风湿相搏者，风邪与湿邪相搏激也。然何以知之？若风邪为患，必分六经，今身体尽疼，不能转侧，则无六经可辨之证，故知其风

湿相搏也。与桂枝汤解在表之风，加附子以温寒湿。

麻黄附子细辛汤

麻黄去节 细辛去土，各二两 附子一枚

少阴病，始得之，反发热，脉沉者，此方主之。

病发于阴者，当无热。今少阴病始得之，何以反发热也？此乃太阳经表里相传之证故耳。盖太阳膀胱经与少阴肾经相为表里，肾经虚，则太阳之邪由络直入肾脏。余邪未尽入里，故表有发热。真寒入肾，故里有脉沉。有太阳之表热，故用麻黄以发汗；有少阴之里寒，故用辛、附以温中。

黄连阿胶汤

黄连去毛，炒，四两 黄芩一两，炒 鸡子黄二枚，生用 芍药二两，炒 阿胶 蚌粉炒，三两

少阴病，心烦不得卧者，此方主之。

寒邪径中三阴者，名曰阴证，始终只是一经，不复再传。今自三阳经传来，虽至三阴，犹曰阳证。所以有传、有不传者，以阴静阳动也。少阴病者，有舌干口渴、欲寐诸证也。欲寐而不行寐，故曰心烦不得卧也。少阴者，水脏，水为热灼，不足以济火，故心烦。阳有余者，泻之以苦，故用黄芩、黄连之苦；阴不足者，补之以甘，故用鸡黄、阿胶之甘；阴气耗者敛之以酸，故复佐以芍药之酸。

桃花汤

赤石脂一斤 干姜一两 粳米一升

少阴病下利便脓血者，此方主之。

此证自三阳传来者，纯是热证。成无己因其下利而曰协热，因其用干姜而曰里寒。昆谓不然。盖少阴肾水也，主禁固二便，肾水为火所灼，不能济火，火热克伐大肠金，故下利且便脓血。此方用赤石脂，以其性寒而涩，寒可以济热，涩可以固脱；用干姜者，假

其热以从治，犹之白通汤加人尿、猪胆，干姜黄连黄芩人参汤用芩、连，彼假其寒，此假其热，均之假以从治尔。《内经》曰：寒者热之，热者寒之，微者逆之，甚者从之；逆者正治，从者反治，从少从多，观其事也。正此之谓。用粳米者，恐石脂性寒损胃，故用粳米以和之。向使少阴有寒，则干姜一两之寡，岂足以温？而石脂一斤之多，适足以济寒而杀人矣！岂仲景之方乎？噫！以聊摄之明，犹且昧此，则下聊摄者可知矣。

白头翁汤

白头翁 黄柏 黄连 秦皮

伤寒热利下重者，此方主之。

热利者，协热而利；下重者，下利频数而重也。药之为性，寒者能除热，苦者能厚肠。四件皆苦寒，故治热利而疗下重也。

四逆散

甘草炙 枳实麸炒 柴胡去芦 芍药炒

少阴病，四逆者，此方主之。

此阳邪传至少阴，里有结热，则阳气不能交接于四末，故四逆而不温。用枳实，所以破结气而除里热；用柴胡，所以升发真阳而回四逆；甘草和其不调之气；芍药收其失位之阴。是证也，虽曰阳邪在里，甚不可下。盖伤寒以阳为主，四逆有阴进之象，若复用苦寒之药下之，则阳益亏矣，是在所忌。论曰：诸四逆者，不可下之。盖谓此也。

赤石脂禹余粮汤

赤石脂 禹余粮各一斤

伤寒下之利不止，病在下焦者，此方主之。

下之利不止者，下之虚其里，邪热乘其虚，故利；虚而不能禁固，故不止；更无中焦之证，故曰病在下焦。涩可以固脱，故用赤石脂；重可以镇固，故用禹余粮。然惟病在下焦者可以用之。若病在中焦而误与焉，虚

者则二物之寒，益坏中气；实者固而涩之，则邪无自而泄，必增腹胀且痛矣。慎之！

旋覆代赭石汤

旋覆花 甘草各二两 代赭石一两 人参二两 半夏半升 生姜五两 大枣十二枚

伤寒发汗，若吐，若下，解后，心下痞硬，噫气不除者，此方主之。

汗、吐、下而解，则中气必虚，虚则浊气不降而上逆，故作痞硬；逆气上干于心，心不受邪，故噫气不除，《内经·宣明五气篇》曰五气所病，心为噫是也。旋覆之咸，能软痞硬而下气；代赭之重，能镇心君而止噫；姜、夏之辛，所以散逆；参、草、大枣之甘，所以补虚。或曰：汗、吐中虚，肺金失令，肝气乘脾而作上逆，逆气于心，心病为噫。此方用代赭石，固所以镇心，而亦所以平肝也。亦是究理之论。

葛根黄芩黄连汤

葛根半斤 黄芩炒 甘草各二两 黄连三两

太阳表证，医反下之，利遂不止，表证尚在，喘而汗出者，此方主之。

病在表而下之，则虚其里，阳邪乘虚而入，故协热而利不止；表有头疼，发热恶寒，故曰表证尚在；里有热邪，故喘而汗出。表证尚在，故用葛根、甘草之辛甘以解表；里有邪热，故用黄芩、黄连之苦寒以清里。

脾约丸

麻仁二升，去壳 芍药炒 枳实麸炒，各半斤 厚朴姜汤炒 大黄酒浸 杏仁去皮尖，各一斤

伤寒差后，胃强脾弱，约束津液不得四布，但输膀胱，致小便数而大难者，主此方以通肠润燥。

枳实、大黄、厚朴，承气物也；麻仁、杏仁，润肠物也；芍药之酸，敛津液也。然必胃强者能用之，若非胃强，则承气之物在所禁矣。

竹叶石膏汤

竹叶二把 石膏一斤 半夏制 粳米各半升 人参三两，去芦 甘草一两，炙 麦门冬一升，去心

伤寒差后，虚羸少气，气逆欲吐者，此方主之。

伤寒由汗、吐、下而瘥，必虚羸少气，虚则气热而浮，故逆而欲吐。竹叶、石膏、门冬之寒，所以清余热；人参、甘草之甘，所以补不足；半夏之辛，所以散逆气；用粳米者，恐石膏过寒损胃，用之以和中气也。

乌梅丸

乌梅三十枚，去核 人参去芦 细辛去土 黄柏去皮 附子炮 桂枝净洗，炮，各六钱 黄连一两六钱，炒 干姜一两，炮 当归洗净 蜀椒去目及闭目者，各四钱

胃虚脏寒，得食而呕，蛔从上出者，此方主之。

乌梅味酸，蛔得之而软；连、柏味苦，蛔得之而伏；椒、细味辛，蛔得之而死；干姜、附、桂，温脏寒也；人参、当归，补胃虚也。

烧裨散

裨裆取隐处者烧灰，方寸匕，水和服。男取女者，女取男者。

伤寒阴阳易者，此方主之。

伤寒男子新差，未及平复，妇人与之交，得病，名曰阳易；妇人伤寒新差，未及平复，男子与之交，得病，名曰阴易。以无病人染着余毒而病，如换易也。取此物者，亦以病因于阴阳感召而得，故亦以阴阳之理治之。又曰：五味入口，咸入肾，腐入肾，秽入肾，乃浊阴归地之意也。裨裆味咸而腐秽，故能人少阴；烧之则温，故足以化气；灰之则浊，故足以溺膀胱。经曰：浊阴归六腑，是也。药物虽陋，而用意至微，不因其陋而忽之，则升仲景之阶矣。

枳实栀子豆豉大黄汤

枳实三枚 栀子十四枚 豆豉一升 大黄二两

伤寒新瘥后，食复者，此方主之。

伤寒新瘥，胃气未复，内伤饮食，其热复至，名曰食复。枳实、大黄，能夺胃中之食；栀子、香豉，能祛胸中之热。

蜜煎导法

白蜜二合，煎之作挺，长如指许，内便道中，病人以手急抱，欲大便秘去之。

自汗，大便秘者，此法治之。

胃家实则自汗，自汗亡其胃液，则便秘。若以下药与之，则益亡其液矣，故用导法。导法者，迎而夺之之兵也。

猪胆导法

大猪胆一枚，人醋少许，取竹管五寸许，以一头入胆，一头内人谷道中，渍汁灌入肛内。顷当大便出。

阳明自汗，反小便利，尿虽硬不可攻者，宜行此法。

自汗，则胃亡津液，当小便不利，今小便反利，则热犹未实，尿虽硬，不可攻也，故以此法导之。猪胆能泽大肠，入醋能敛肠液，故便难者得之则易。经曰燥者濡之，此法之谓也。

搐鼻法

若瓜蒂不拘多少为末，令病人嚙水一口，将此药搐一字入鼻中，出黄水愈。

湿家，鼻塞头疼，宜行此法。

湿家头疼，是浊邪干清阳之分也。鼻者气窍，上通于脑，下属于肺，浊邪干之，故清窍不利。瓜蒂苦而善涌泻，鼻窍受之，则能出浊邪而泻湿热。经曰客者除之，此之谓也。

阴毒熏法

大豆二升，炒令极热，先以净桶内置热醋三升，旋扶病人坐桶上蒸少时，却以热豆倾桶中，又蒸之，有倾囊下，却与阴证药服。

阴毒逆冷囊缩者，此方主之。

阴毒者，径中三阴之寒毒也。寒主收引，故阴盛则囊缩；热主施张，故熏蒸则囊纵。豆味甘而醋味酸，甘酸合，则能感召厥阴肝木之气，而行宣发之令矣。经曰开之发之，适事为故，此之谓也。

葱熨法

以索缠葱白如臂大，切去根及青，留白二寸许。先以火炙热一面，以着病人脐下，上用熨斗贮火熨之，令葱并热气入腹内；更作三四饼，坏则易之。若病人醒，手足温，有汗则瘥，否则不治。行此法，更当以四逆汤之类温之。

阴毒四肢逆冷，腹痛暴绝者，此法主之。

凡入气之呼出者，心肺主之；气之吸入者，肝肾主之。阴寒中于肝肾，则不能主吸入之气，故气有出而无人，令人逆冷腹痛，暴绝而死。宜外行葱熨法，内服四逆汤。葱有通中之妙，火有回阳之功，经曰热因寒用，此之谓也。

阴毒着艾法

用干艾叶揉熟，去灰作艾炷。取脐下一寸五分名气海，二寸丹田，三寸关元，灸五十壮至二、三百壮。以手足渐温，人事稍苏为可治。

阴毒手足厥冷，不省人事者，此法行之。

手足不自温也，受气于中而后温；里有阴寒，故手足厥冷；阳气明，阴气昏，不省人事者，乃阴盛而失神明之官也。《甲乙经》曰：气海、丹田，任脉所发；关元，足三阴、任脉之会，是任脉实贯三阴，而三阴之脉会于任脉也。故阴毒中于三阴者，取而灸之。

有寒谷回春之妙。

水渍法

叠青布数重，新水渍之，稍拭去水，搭于患人胸上，须臾蒸热，又以别浸冷布易之，频换新水。热稍退，可进阳毒药。

阳毒渐深，脉洪大，内外结热，舌卷焦黑，鼻如烟煤者，此法行之。

阳毒者，三阳热证之毒也。由表入里，故曰渐深；洪大皆阳脉，表邪未去，里热又甚，故曰内外皆热，此由失汗之所致也；舌卷者，热燥华池而筋缩急也；舌焦而黑，鼻如烟煤，此火极而兼水化，亢龙有悔之象也。行此法者，水可以灭火，寒可以却热，外可以安内。经曰：行水渍之，和其中外，可使毕已。此之谓也。

灸少阴法

少阴，即太溪穴也，在两足内踝后跟骨上动脉陷中。灸七壮。

少阴吐利，手足不冷，反发热，脉不至者，此法行之。

少阴，肾也。寒中少阴，阴寒格阳上逆，故吐；少阴主二便，病寒故利；阴在内，拒阳于外，故手足不冷而反发热；脉不至者，阴盛于内而脉沉陷也。太溪，肾之俞也，干焉而灸之，所以引外格之阳，使之归原，如《易》所谓不远之复也。

接汗法

姜、葱各半斤，煎汤一斛，倾大盆中，用小板一块，横加盆上，令患人坐卧其上蒸之，外以席被围定，露其口鼻，外可进发汗药。

朔方严寒之地，腠理闭塞，汗不易泄，故行此法。盖姜、葱能通腠理，作汤以蒸之，则表疏而汗易泄，乃外合之兵也。

扑粉

龙骨 牡蛎 糯米各等分，为末

服发汗药，出汗过多者，以此粉扑之。

汗多有亡阳之戒，故用龙骨、牡蛎之涩以固脱；入粳米者，取其粘腻云尔，乃卫外之兵也。

刺期门

期门，穴名，妇人屈乳头向下尽处是穴。乳小者，以一指为率。陷中有动脉，刺之令病人吸五吸，停针良久出针。

妇人热入血室，胁下满如结胸状，谵语者，此刺主之。

妇人伤寒发热，月事适来，血室空虚，邪热乘虚而入，名曰热入血室。血室，冲脉也。胁下满如结胸状者，冲脉贯肝膈，至胸中而散，故所过皆病也；谵语者，邪热内盛而神明乱也。期门，肝之募穴，刺之出血，乃随其实而泻之，兵之迎夺者也。

大羌活汤

羌活 独活 防己 防风 苍术 白术 黄连 黄芩 细辛 川芎 甘草各三钱 生地黄一两 知母三钱

伤寒两感者，此方主之。

两感者，一日太阳与少阴俱病，谓有太阳证之头疼、身热、脊强，而又有少阴证之口干、烦满而渴也；二日则阳明与太阴俱病，谓有阳明证之身热、谵语，而又有太阴证之腹满、不欲食也；三日则少阳与厥阴俱病，谓有少阳证之耳聋、胁痛，而又有厥阴证之囊缩、厥逆也。凡此两感之证，欲汗之则有里，欲下之则有表，表里不能一治，故《内经》、仲景皆称必死而无活法。易老意曰：证虽有表里之殊，而无阴阳之异，传经者皆为阳邪，一于升阳散热、滋养阴脏，则感之浅者尚或可平矣。经曰：气薄则发泄，故用羌活、独活、防风、苍术、细辛、川芎之气薄者，以升发其传经之邪；又曰：寒胜热，故用黄连、黄芩、防己、生地、知母之寒苦者，以培养其受伤之阴。以升散诸药而臣以寒凉，则升

者不峻；以寒凉诸药而君以升散，则寒者不滞。白术、甘草，脾家药也，用之者，所以益其脾胃而建中营之帜尔。呜呼！于不可治之中，而求为可治之策，大羌活者，其万死一生之兵乎！

感冒门第三

叙曰：六气袭人，深者为中，次者为伤，轻者为感冒，今世人之论也，古昔明医未尝析此。昆也生乎今之世，则亦趋时人之论矣，故考五方以治感冒。

香 苏 散

紫苏 香附醋制，各二两 陈皮去白，一两 甘草半两

四时感冒风邪，头痛发热者，此方主之。

南方风气柔弱，伤于风寒，俗称感冒。感冒者，受邪肤浅之名也。《内经》曰卑下之地，春气常存，故东南卑下之区，感风之证居多。所以令人头痛、发热，而无六经之证可求者，所感人也由鼻而入，实于上部，不在六经，故令头痛、发热而已。是方也，紫苏、香附、陈皮之辛芬，所以疏邪而正气；甘草之甘平，所以和中而辅正尔。

芎 苏 散

川芎七合 半夏六钱，制 柴胡去芦 茯苓各五钱 紫苏叶 干葛各三钱五分 陈皮去白 枳壳去穰 桔梗 甘草各三钱

外有头痛、发热、恶寒，内有咳嗽、吐痰、气涌者，此方主之。

川芎、苏叶、干葛、柴胡，解表药也，表解则头痛、发热，恶寒自愈；桔梗、半夏、陈皮、枳壳、茯苓、甘草，和里药也，里和则咳嗽、吐痰、气涌自除。

卜 神 汤

川芎 甘草 麻黄 干葛 赤芍药 升

麻 白芷 陈皮 香附 紫苏等分

此治外感风寒之套剂也。

古人治风寒，必分六经见证用药，然亦有只是发热、头痛、恶寒、鼻塞，而六经之证不甚显者，故亦总以疏表利气之药主之而已。是方也，川芎、麻黄、干葛、升麻、白芷、紫苏、香附、陈皮，皆辛香利气之品，故可以解感冒气塞之证。乃赤芍者，所以和阴气于发汗之中。而甘草者，所以和阳气于疏利之队也。

参 苏 饮

人参去芦 紫苏 半夏制 陈皮去白 茯苓去皮 木香 枳壳炒 干葛 前胡去芦 桔梗 甘草各五钱

劳倦感冒，妊娠感冒，并宜此方主之。

感冒宜解表，故用紫苏、干葛、前胡；劳倦、妊娠宜补里，故用人参、茯苓、甘草。乃木香、半夏、枳壳、桔梗、陈皮，所以和利表里之气，气和则神和，神和则无病矣。

藿香正气散

大腹皮净洗 白芷 茯苓去皮 苏茎叶 藿香各三两 白术炒 陈皮去白 厚朴姜汤炒 桔梗 半夏各二两 炙甘草一两

凡受四时不正之气，憎寒壮热者，此方主之。

风寒客于皮毛，理宜解表，四时不正之气由鼻而入，不在表而在里，故不用大汗以解表，但用芬香利气之品以主之。白芷、紫苏、藿香、陈皮、腹皮、厚朴、桔梗，皆气胜者也，故足以正不正之气；白术、茯苓、半夏、甘草，则甘平之品耳，所以培养中气，而树中营之帜者也。

暑 门 第 四

叙曰：暑，六气之一也。实者清其暑，虚者益其气，此大都也，至于杂病相揉，则变

通在我而已。今考九方如下，论证论药，可谓举其大纲，触类而通，弗可胜用矣。

黄连香薷饮

香薷一两 厚朴炒 白扁豆各半两 黄连三钱，炒

夏至后，暑热吐利、烦心者，此方冷服。

暑，阳邪也，干于脾则吐利，干于心则烦心。香薷之香，入脾清暑而定吐利；黄连之苦，入心却热而治烦心；暑邪结于胸中，非厚朴不散；暑邪陷于脾胃，非扁豆无以和中。然必冷服者，经所谓治温以清，凉而行之是也。是方也，于伏热之时，自觉酷暑蒸炎；若远行而归，自觉伤于暑热，服一二剂，诚为切当。今人坐于高堂广厦之中，身与冰盘水阁相习，口与浮瓜水果相厌，暑邪原浅，每求此药服之，甚者日日饮之，是谓诛伐太过。弱者，寒中之疾作于旦暮；壮者，待时而病，秋季为泻为利矣，慎之！

十味香薷饮

香薷一两，用糖 人参去芦 陈皮 黄芪炙 白术炒 白扁豆 甘草炒 白茯苓 木瓜各半两

伏暑，身体倦怠，神昏，头重，吐利者，此方主之。

暑能伤气，故身体倦怠，神思昏沉；暑为阳邪，故并于上而头重；暑邪干胃，故既吐且利。火热横流，肺气受病，人参、黄芪，益肺气也；肺为子，脾为母，肺虚者宜补其母，白术、茯苓、扁豆、甘草，皆补母也；火为母，土为子，火实者宜泻其子，厚朴、陈皮，平其敦阜，即泻子也，香薷之香，散暑邪而破湿热；木瓜之酸，收阴气而消脾湿。脾气调则吐利自息，肺气复则倦怠皆除。

人参白虎汤

人参 石膏 知母 甘草

暑月中热，汗出恶寒，身热而渴，脉虚

者，此方主之。

暑，阳邪也，中人则伤卫，卫虚则不能固表，故汗出且恶寒；表有暑邪，故身热；里有暑邪，故口渴；暑伤于气，故脉虚。经曰：壮火食气，故用人参、甘草以补气；石膏性寒味甘辛，寒则能除热，甘则能调胃，辛则能解肌，以其行清肃之令而除烦暑，得西方金神之象，故以白虎名之。用之者，经所谓折其郁气是也。知母滋阴益肾，《易》义曰：火炎则水干，故用知母以益水，经所谓滋其化源是也。

六一散

滑石六两 甘草一两

共为末，每用五钱，冷水调服。

中暑身热烦渴，小便不利者，此方主之。

身热口渴，阳明证也；小便不利，膀胱证也。暑为热邪，阳受之则入六腑，故见证若此。滑石性寒而淡，寒则能清六腑，淡则能利膀胱；入甘草者，恐石性太寒，损坏中气，用以和中耳。经曰：治温以清，凉而行之，故用冷水调服。是方也，简易而效捷，暑途用之，诚为至便；但于老弱、阴虚之人，不堪与也。此虚实之辨，明者详之，否则蹈虚虚之戒，恶乎不慎。

清暑益气汤

人参去芦 白术炒 陈皮去白 神曲炒 泽泻各五分 黄芪炙 苍术制 升麻各一钱 麦门冬去心 当归酒洗 黄柏炒 甘草炙，各三分 五味子九粒 表皮麸炒 干葛各二分

长夏湿热蒸炎，四肢困倦，精神减少，身热气高，烦心便黄，渴而自汗，脉虚者，此方主之。

暑令行于夏，至长夏则兼湿令矣，故此方兼而治之。暑热蒸炎，表气易泄，而中气者，又诸气之源，黄芪所以实表而固易泄之气；白术、神曲、甘草所以调中而培诸气之原；酷暑横流，肺金受病，人参、五味子、麦

冬，一以补肺，一以收肺，一以清肺，此三物名曰生脉散，经所谓扶其所不胜也；火盛则水衰，故又以黄柏、泽泻滋其化源，液亡则口渴，故又以当归、干葛生其胃液；清气不升，升麻可升；浊气不降，二皮可理；苍术之用，为兼长夏之湿也。

大 顺 散

甘草炙 干姜炮 杏仁去皮尖 肉桂去皮，等分

夏月引饮过多，脾胃受湿，清浊相干，阴阳气逆，霍乱呕吐者，此方主之。

脾胃者，喜燥而恶湿，喜湿而恶寒，时虽夏月，过于饮冷吞寒，则伤之矣，故令气逆霍乱而呕吐也。干姜、肉桂，温胃而建中；甘草、杏仁，调脾而理气。此方非治暑，乃治暑月饮冷受伤之脾胃尔。若非饮冷而致诸疾，则勿执方以治也。

桂苓甘露饮

茯苓去皮 泽泻各一两 滑石四两 白术炒 猪苓去皮 桂心炒，各五钱 石膏 寒水石各二两

夏月引饮过多，小便不利，湿热为患者，此方主之。

三石所以清六腑之热，五苓所以利三焦之湿。河间此方，诚治湿热之简捷者。张子和加人参、甘草，因其脉虚；干葛之加，解其暑渴；木香之加，化其湿气。

缩 脾 饮

砂仁 草果仁 乌梅肉 炙甘草各四两 扁豆炒 干葛各二两

夏月伏热，为酒食所伤者，此方主之。

砂仁、草果，所以消肉食；乌梅、干葛，却暑而除烦；扁豆、甘草，助脾而益胃。

六 和 汤

砂仁 半夏 杏仁 人参 白术 甘草

藿香 木瓜 厚朴 扁豆 赤茯苓

夏月病人霍乱转筋，呕吐泄泻，寒热交作，倦怠嗜卧，伏暑烦闷，小便赤涩，或利或渴；中酒，胎产，皆可服之。

六和者，和六腑也。脾胃者，六腑之总司，故凡六腑不和之病，先于脾胃而调之。此知务之医也。香能开胃窍，故用藿、砂；辛能散逆气，故用半、杏；淡能利湿热，故用茯、瓜；甘能调脾胃，故用扁 术；补可以去弱，故用参、草；苦可以下气，故用厚朴。夫开胃散逆，则呕吐除，利湿调脾，则二便治；补虚去弱，则胃气复而诸疾平。盖脾胃一治，则水精四布，五经并行，虽百骸九窍，皆太平矣，况于六腑乎？

湿门第五

叙曰：湿有内外，有阴阳，有上下，今考七方，言其常耳，未及其变也。东南卑下之区，十病九湿，恶能尽其变耶？此在临证而加察焉可也。

二 陈 汤

半夏姜制 陈皮 茯苓各一钱半 甘草七分半，炙

脾弱不能制湿，内生积饮者，此方主之。

水谷入胃，无非湿也。脾土旺，则能运化水谷，上归于肺，下达膀胱，无湿气可留也。惟夫脾弱不能制湿，则积而为痰饮。半夏之辛能燥湿，茯苓之淡能渗湿，甘草之甘能健脾，陈皮之辛能利气。脾健则足以制湿，气利则积饮能行。东南之人，多有湿饮之疾，故丹溪恒主之。其曰加升提之剂者，亦清气升而浊气自降之谓。

平 胃 散

苍术泔浸七日，五斤 陈皮去白 厚朴姜汤炒，各二斤 甘草炙，二十两

湿注于内，脾胃不能克制，有积饮痞满

中满者，此方主之。

此湿上太过之证，经曰敦阜是也。苍术味甘而燥，甘则入脾，燥则胜湿；厚朴味温而苦，温则益脾，苦则燥湿，故二物可以平敦阜之土。陈皮能泄气，甘草能健脾，气泄则无湿郁之患，脾强则有制湿之能，一补一泄，又用药之则也。是方也，惟湿土太过者能用之，若脾土不足及老弱、阴虚之人，皆非所宜也。

羌活胜湿汤

羌活 独活各一钱 藁本 炙甘草 防风 川芎各五分 蔓荆子三分

外伤于湿，一身尽痛者，此方主之。

脾胃虚弱，湿从内生者，二陈、平胃之类主之；水停于膈，湿盛濡泻者，六一、五苓之类主之；水渗皮肤，肢肿黄胀者，五皮、茵陈之类主之。今湿流关节，非上件所宜矣。经曰风胜湿，故用羌、防、藁、独、芎、蔓诸风药以治之。以风药而治湿，如卑湿之地，风行其上，不终日而湿去矣。又曰无窍不入，惟风为能，故凡关节之病，非风药不可。用甘草者，以风药悍燥，用以调之。此之谓有制之兵也。

甘草附子汤

炙甘草 白术各二钱 附子一钱五分，炮 桂枝四钱，炒

风湿骨节疼痛，不欲去衣，小便不利，大便反快者，此方主之。

风湿相搏，故骨节疼痛；伤风则恶风，故不欲去衣；小便不利而大便燥者为热，今小便不利而大便反快，则湿可知矣。附子之热，可以散寒湿；桂枝之辛，可以解风湿；甘草健脾，则湿不生；白术燥脾，则湿有制。是方也，以桂、附之辛热而治湿，犹之燎了之地，得太阳暴之，不终朝而湿去，亦治湿之一道也。

二 妙 散

黄柏乳润一宿 苍术泔浸七日

等分为末，空心酒服三钱。

湿热腰膝疼痛者，此方主之。

湿性润下，病则下体受之，故腰膝病。然湿未尝痛，积久而热，湿热相搏，然后痛。此方用苍术以燥湿，黄柏以去热，又黄柏有从治之妙，苍术有健脾之功，一正一从，奇正之道也。

四 苓 散

白术炒 茯苓去皮 猪苓 泽泻

湿生于内，水泻，小便不利者，此方主之。

经曰：湿胜则濡泻。故湿生于内者，令人水泻；湿并于大肠，故小便不利。白术燥而淡，燥则能健脾，淡则能利湿；茯苓甘而淡，甘则能补中，而淡亦渗湿矣。猪苓枯而淡，泽泻咸而淡，枯者有渗利而无补益，咸者直能润下而兼渗利。丹溪曰：治湿不利小便，非其治也。故主此方。

不换金正气散

厚朴姜汤炒 陈皮去白 半夏制 藿香去梗 苍术制 甘草炙

凡受山岚瘴气及出远方不服水土，吐泻下利者，此方主之。

山岚瘴气，谷气也，《内经》曰：谷气通于脾，故令人不服水土而坏腹。是方也，苍术、厚朴、陈皮、甘草，前之平胃散也，可以平湿土敦阜之气而消岚瘴。乃半夏之燥，所以醒脾；藿香之芬，所以开胃。方名曰正气者，谓其能正不正之气故尔。

瘟疫门第六

叙曰：瘟疫以六淫致疾，证状各各不同，自非良医，鲜有明者。吾尝执贽远迹而求学

益、叩及瘟疫诸证，即擅名之士犹讷焉。今考方十二首，详辨其证，庶几乎活人之补也。

败毒散加黄芩汤

羌活 独活 柴胡 前胡 川芎 黄芩
桔梗 枳壳 人参 茯苓 甘草

壮热，不恶风寒而渴者，瘟疫也，此方主之。

冬时触冒寒气，即病者名曰伤寒，不即病者，寒毒藏于肌肤，至春变为温病，至夏变为热病，以其阳毒最深，名曰瘟疫。寒变为温为热，故病壮热，不恶风寒而渴也。经曰：治温以清。又曰：开之发之，适事为故。羌活、独活、柴胡、前胡、川芎，皆轻清开发之剂也，故用之以解壮热；用黄芩、枳壳、桔梗者，取其清膈而利气也；用人参、茯苓、甘草者，实其中气，使瘟疫不能深入也。培其正气，败其邪毒，故曰败毒。

九味羌活汤

羌活 防风 苍术 细辛 川芎 白芷
黄芩 甘草 生地黄

触冒四时不正之气，而成时气病，憎寒壮热，头疼身痛，口渴，人人相似者，此方主之。

谓春时应暖而反大寒，夏时应热而反大凉，秋时应凉而反大热，冬时应寒而反大温，此非其时而有其气。是以一岁之中，长幼之病多相似也。药之为性，辛者得天地之金气，于人则为义，故能匡正而黜邪。羌、防、苍、细、芎、芷，皆辛物也，分经而主治；邪在太阳者，治以羌活，邪在阳明者，治以白芷；邪在少阳者，治以黄芩；邪在太阴者，治以苍术；邪在少阴者，治以细辛；邪在厥阴者，治以川芎；而防风者，又诸药之卒徒也。用生地，所以去血中之热；而甘草者，又所以和诸药而除气中之热也；易老白序云：此方冬可以治寒，夏可以治热，春可以治温，秋可以治湿，是诸路之应兵也。用之以治四时

瘟疫，诚为稳当，但于阴虚、气弱之人，在所禁尔！

三黄石膏汤

石膏一两五钱，生用 黄芩炒 黄连炒 黄柏各五钱 山栀三十枚，炒黑 麻黄去节 淡豉各二两

瘟疫表里俱盛，五心烦热，两目如火，鼻干面赤，大渴舌燥者，此方主之。

寒毒藏于肌肤，至夏变为热病；热病未除，更遇温热，名曰瘟疫。热病之最重者，寒能制热，故用石膏；苦能下热，故用芩、连、栀、柏；佐以麻黄、淡豉之发散者，以温热至深，表里俱实，降之则郁，扬之则越，郁则温热犹存，兼之以发扬，则炎炎之势皆烬矣。此内外分消其势，兵之分击者也。

沃 渍 法

瘟疫热内外皆实，喜饮水、入水者，取新汲井花水一大缸，使病人坐其水中，复以大杓盛水自顶沃之，水热则病减矣。病人喜饮冷，亦听其大啜，毋得阻也。行此法者，《易》义曰：水盛则火减；经曰：行水渍之，和其中外，可使毕已。此之谓也。

萎 蕤 汤

萎蕤二钱半 麻黄 白薇 青木香 羌活 杏仁 川芎 甘草各五分 石膏 甘菊花各一钱五分

风湿憎寒壮热，头疼身痛，口渴面肿者，此方主之。

寒毒藏于肌肤，至春变为温病。温热未除，更遇于风，病为风湿。表有邪，故寒热；里有邪，故口渴。风之伤人也，头先受之，故头疼；风盛则气壅，故面肿。风湿壅盛，甘能发之，故用萎蕤、甘草；辛能散之，故用羌活、麻黄；清能平之，故用川芎、甘菊；寒能胜之，故用石膏、白薇；佐以杏仁，取其利气；而青木香者，清热下气之物也。

白虎加苍术汤

石膏一斤 知母六两 苍术 甘草各二两
粳米六合

共分四服。

湿温憎寒壮热，口渴，一身尽痛，脉沉细者，此方主之。

湿毒藏于肌肤，更遇于湿，名曰湿温。湿为阴邪，故憎寒；温为阳邪，故壮热；湿热入里，故口渴；湿流百节，故一身尽痛；湿为阴，故脉沉细。石膏、知母、甘草、粳米，白虎汤也，所以解温热；加苍术者，取其辛燥能治湿也。白虎考见伤寒门。

大青龙加黄芩汤

麻黄六两，去节 桂枝净洗 甘草各二两
杏仁四十枚，去皮尖 黄芩七钱 生姜二两 石膏
如鸡子大 大枣十二枚

寒疫头疼身热，无汗恶风，烦躁者，此方主之。

春分以后，至秋分节前，天有暴气，抑遏阳气，不得泄越，有上件诸证者，皆为时行寒疫。表有风寒，故见太阳证头疼身热，无汗恶风；里有温热，故见烦躁。麻黄、桂枝、甘草、杏仁、生姜、大枣，辛甘物也，辛以解风寒，甘以调营卫；石膏、黄芩，寒苦物也，寒以清温热，苦以治烦躁。

升麻葛根汤

升麻 葛根 芍药 甘草等分

冬温，无汗，发热，口渴者，此方主之。

冬月应寒而反大温，民受其温病之气，名曰冬温。非时不正之气，由鼻而入，皮毛未得受邪，故无汗；病由于温，故发热口渴。升麻、葛根，辛凉而发散者也，故足以解冬温；芍药味酸，能养阴而退热；甘草味甘，能调营而益卫。

太无神术散

苍术制 厚朴制，各一两 陈皮一两 石菖蒲 炙甘草 藿香各一两五钱

人受山岚瘴气，憎寒壮热，一身尽痛者，此方主之。

山岚瘴气，谓山谷间障雾，湿土敦阜之气也。湿气蒸腾，由鼻而入，呼吸传变。邪正分争，阴胜则憎寒，阳胜则壮热；流于百节，则一身尽痛。是方也，用苍术之燥，以克制其障雾之邪；用厚朴之苦，以平其敦阜之气；菖蒲、藿香，辛香物也，能匡正而辟邪；甘草、陈皮，调脾物也，能补中而泄气。《内经》曰：谷气通于脾，故山谷之气，感则坏入脾。太无此方，但用理脾之剂，而解瘴毒之妙自在其中，使非深得经旨，不能主此方也。其高识若此，诚不愧为丹溪之师矣。

漏芦汤

漏芦 升麻 大黄 蓝叶 黄芩 玄参
等分 芒硝其者加至二钱

疫疔积热，时生疙瘩结毒，俗称流注，面肿咽塞者，此方主之。

经曰：营气不从，逆于肉理，乃生毒痈；又曰：热胜则肿。故疫疔之余热，解之未尽，逆留于分肉之间，则作上件诸证。药之为性，辛能解散，苦能胜热，漏芦、升麻、蓝叶，辛而且苦，故足以解结热；咸能软坚，苦能泻实，大黄味苦，芒硝味咸，故足以软坚而泻实；玄参苦而润，黄芩苦而枯，润者去血中之热，而枯者去气中之热尔，况与漏芦、升麻走散之药同用之，则又无所不至矣。

消毒丸

大黄酒浸 牡蛎炙 僵蚕等分

疫毒内郁，时成疙瘩者，此方主之。

《内经》曰：陷脉为痿，留连肉腠。谓阳毒乘脉之虚而陷入之，便壅结而为痿核，留连于肉腠之间，正此疫毒疙瘩之谓也。苦能

下热，故用大黄；咸能软坚，故用僵蚕、牡蛎。

辟瘟法

凡觉天行时气，恐其相染，须日饮雄黄酒一卮，仍以雄黄豆许用绵裹之，塞鼻一窍，男左女右用之。或用大蒜塞鼻，或用阿魏塞鼻皆良。

雄黄气悍，能辟恶邪；大蒜、阿魏，气之至臭者，臭胜则诸秽皆不足以加之矣。但蒜大热，阿魏透脑，虚人难用，不若雄黄便于事尔。

大头瘟门第七

叙曰：大头瘟，前古未之论也，东垣始论之。

今上壬午，北方病此者甚众，死者不啻数万人。昆居南土，未尝见其证。乡人自北来者，皆言患者头大如斗，路头而还自若也。今考三方，观其大略。

二黄汤

黄芩酒炒 黄连酒炒 生甘草各一两

天行大头疫病，此方主之。

头大者，炎上作火之象也。故用芩、连之苦以泻之，甘草之甘以缓之。

普济消毒饮子

黄芩酒炒 黄连酒炒 各五钱 柴胡五分

桔梗三分 人参三钱 陈皮去白 甘草 玄参各二钱 连翘 板蓝根 马勃 鼠粘子各一钱

白僵蚕 升麻各七分

便秘加大黄。

泰和二年四月，民多疫病，初觉憎寒壮热，体重，次传头面肿盛，目不能开，上喘，咽喉不利，舌干口燥，俗云大头伤寒，诸药杂治，终莫能愈，渐至危笃。东垣曰：身半以上，天之气也，邪热客于心肺之间，上攻头面而为肿尔。乃主是方，为细末，半用汤调，时时呷之，半用蜜丸噙化，活者甚众。时人皆口天方，遂刻诸石，以传永久。昆谓芩、连苦寒，用之以泻心肺之火；而连翘、玄参、板蓝根、鼠粘子、马勃、僵蚕，皆清喉利膈之物也，缓以甘草之国老，载以桔梗之舟楫，则诸药浮而不沉；升麻升气于右，柴胡升气于左，清阳升于高巅，则浊邪不得复居其位。经曰邪之所凑，其气必虚，故用人参以补虚。而陈皮者，所以利其壅滞之气也。又曰：大便秘者加大黄，从其实而泻之，则灶底抽薪之法尔。

五香麻黄汤

麝香五分 熏陆香 鸡舌香各一钱 青木香 沉香 麻黄去节 防风去芦 独活去土 白薇 萎蕤 枳实麸炒 秦艽去芦 甘草各二钱

凡伤寒热病后，忽发浮肿，或着头面，或着唇口颈项，或着胸背，或着四肢，或偏着两足，不痛不赤者，此方主之。

肿而痛者为实邪，不痛者为虚邪；肿而赤者为结热，不赤者为留气。故知上件诸肿，乃是余邪未去，营卫之行，不相顺接，逆于肉理，而为肿尔。是方也，用五香以开气窍；而麻黄、防风、独活、秦艽、萎蕤、白薇，皆辛散也，一以解其余邪，一以流其着气；乃甘草之补，所以致新；枳实之悍，所以推陈。

医方考 卷二

明 歙县 吴 昆鹤原著
鄞县 曹赤电炳章圈点

火门第八

叙曰：水火，人身之阴阳也。阳常有余，故火证恒多，所谓一水不胜五火是也。人能摄理其火，致其冲和，则调元之手矣。或者寒凉太过，斯又弊焉。自有五行以来，不可以无火，故知灭烬之为非。今考古方二十余首以治火，岂曰灭火云哉？

井花水

水足以济火，故狂躁烦渴火实之证，内以水饮之，外以水渍之，此既济之妙，自《大易》以来，已有之矣。

甘梨浆

甘梨浆，水类也。生之可平六腑之阳，熟之可济五脏之阴。实火宜生，虚火宜熟。

人尿人尿人中白牛尿

猪尿马通驴子小便总考

孙思邈《千金方》凡疗火证、热证，率用上件取汁饮之，往往称其神良，何也？经曰：清阳出上窍，浊阴出下窍。尿溺出于二阴，则无分人类物类，皆阴浊也。惟其阴浊，故足以制阳光。或者鄙而远之，由夫未达医之妙也。

炼秋石

古昔神良之医，但用人尿、溺白堊耳，未尝有用秋石之方也，近时多用之。夫药有气

有味，有精有魄，秋石既经煎炼，则其气味已易，精华已去，所存者独枯魄耳，恶能与人尿、溺白堊论功效耶？此举世尚奇之昧也。或用阴秋石者为近之。

防风通圣散

防风 川芎 川归 白芍药 大黄 芒硝 连翘 薄荷 麻黄 石膏 桔梗 黄芩 白术 栀子 荆芥 滑石 甘草

表里客热，三焦火实者，此方主之。

麻黄、防风，疏表药也，火热之在表者，得之由汗而泄；大黄、芒硝，攻里药也，火热之在里者，得之由下而泄；荆芥、薄荷，清上药也，火热之在巅顶者，得之由鼻而泄；滑石、栀子，清下药也，火热之在决渎者，得之由溺而泄。乃石膏、桔梗，又所以清肺胃；而连翘、黄芩，又所以去诸经之客热也。火热灼其血，则川芎、当归、芍药可以养之；火热坏其气，则白术、甘草可以益之。

导赤散

生地黄 木通去粗皮 甘草梢等分 为末。

心热，小便黄赤，此方主之。

心与小肠为表里，故心热则小肠亦热，而令便赤。是方也，生地黄可以凉心；甘草梢可以泻热；佐之以木通，则直走小肠、膀胱矣。名曰导赤者，导其丙丁之赤，由溺而泄也。

三黄泻心汤

黄芩 黄连 大黄酒洗，各等分

心膈实热，狂躁面赤者，此方主之。

味之苦者，皆能降火。黄芩味苦而质枯，黄连味苦而气燥，大黄苦寒而味厚。质枯则上浮，故能泻火于膈；气燥则就火，故能泻火于心；味厚则喜降，故能荡邪攻实。此天地亲上亲下之道，水流湿、火就燥之义也。

龙胆泻肝汤

柴胡一钱 黄芩七分，炒 五味子九粒 生甘草 山梔炒黑 知母去毛，炒 天门冬去心 麦门冬去心 黄连炒 人参 龙胆草各五分

谋虑不决，肝热胆溢，口苦热盛者，此方主之。

肝主谋虑，胆主决断，谋虑则火起于肝，不决则火起于胆。柴胡性温味苦而气薄，故人厥阴、少阳；黄芩、黄连、龙胆草、山梔子得柴胡以君之，则人肝胆而平之矣。制肝者惟金，故用天麦门冬、五味、知母以益肺；畏肝者惟土，故用人参、甘草以益脾。

左金丸

黄连六两，炒 吴茱萸一两，汤泡

二共为末作丸。

肝脏火实，左胁作痛者，此方主之。

左，肝也。左金者，谓金令行左而肝平也。黄连乃泻心之物，泻去心火，不得乘其肺金，则清肃之令左行，而肝有所制矣。吴茱萸味辛热而气臊，臊则入肝，辛热则疏利，乃用之以为反佐。经曰：佐以所利，和以所宜。此之谓也。

当归龙荟丸

当归 龙胆草 梔子 黄连 黄柏 黄芩各一两 木香一钱 麝香五分 大黄酒浸青黛 芦荟各五钱

蜜丸如豆大。

风热蓄积，时发惊悸，筋惕搐搦，喘塞不利，肠胃燥涩，狂越等证，此方主之。

肝火为风，心火为热，心热则惊悸，肝热则搐搦；喘塞不利者，肺亦火也；肠胃燥涩者，脾亦火也；狂越者，狂妄而越礼也。经曰：狂言为失志；又曰：肾藏志。如斯言之，则肾亦火矣。此一水不胜五火之谓也。故用黄连以泻心，用黄芩以泻肺，青黛、龙胆、芦荟以泻肝，大黄以泻脾，黄柏以泻肾。所以亟亟以泻五脏之火者，几于无水，故泻火以存水耳。用当归者，养五脏之阴于亢火之时；用木香、麝香者，利五脏之气于克伐之际也。互考见咳嗽门。

泻黄散

藿香一钱 山梔一两，炒黑 石膏五钱 甘草三两 防风四两

脾家伏火，唇口干燥者，此方主之。

唇者，脾之外候；口者，脾之窍，故唇口干燥，知脾火也。苦能泻火，故用山梔；寒能胜热，故用石膏；香能醒脾，故用藿香；甘能缓脾，故用甘草；用防风者，取其发越脾气而升散其伏火也。或问何以不用黄连？余曰：黄连苦而燥，此有唇口干燥，则非黄连所宜，故惟梔子之苦而润者为当耳。又问曰：既恶燥，何以不去防风？余曰：东垣已言之矣，防风乃风药中之润剂也，故昔人审择而用之。

升阳散火汤

本方去独活加葱白名火郁汤

升麻去丝根 葛根 独活 羌活 人参 白芍各五钱 柴胡八钱 防风二钱五分 生甘草二钱 炙甘草三钱

过食冷物，抑遏少阳之火，郁于脾部者，此方主之。

少阳者，三焦与胆也。经曰：少火生气。丹溪曰：天非此火不能生万物，人非此火不能以有生。是少火也，生物之本，扬之则光，遏之则灭，今为饮食填塞至阴，抑遏其上行

之气，则生道几于息矣，故宜辛温之剂以举之。升麻、柴胡、羌活、独活、防风、干葛，皆辛温上行之物也，故用以升少阳之气，清阳既出上窍，则浊阴自归下窍，而食物传化自无抑遏之患；芍药味酸，能泻土中之木；人参味甘，能补中州之气；生甘草能泻郁火于脾，从而炙之，则健脾胃而和中矣。东垣氏圣于脾胃者，其治之也，必主于升阳。俗医知降而不知升，是扑其少火也，安望其卫生耶？

泻白散

桑白皮 地骨皮各一两 甘草五钱

肺火为患，喘满气急者，此方主之。

肺苦气上逆，故喘满；上焦有火，故气急，此丹溪所谓气有余便是火也。桑白皮味甘而辛，甘能固元气之不足，辛能泻肺气之有余；佐以地骨之泻肾者，实则泻其子也；佐以甘草之健脾者，虚则补其母也。此云虚实者，正气虚而邪气实也。又曰：地骨皮之轻，可使入肺；生甘草之平，可使泻气，故名以泻白。白，肺之色也。

阿胶散

阿胶一两半，蛤粉炒 鼠粘子二钱半，炒香

马兜铃半两，焙 炙甘草五钱 杏仁去皮尖，七个 粳米一两

肺虚有火，嗽无津液，咳而哽气者，此方主之。

燥者润之，今肺虚自燥，故润以阿胶、杏仁；金郁则泄之，今肺中郁火，故泄以兜铃、粘子；土者金之母，虚者补其母，故入甘草、粳米以补脾益胃。

大补丸

黄柏一斤，炮褐色，为末，水丸 气虚者四君子汤下，血虚者四物汤下

肾火从脐下起者，肾水衰也，此方主之。

肾非独阴也，命门之火寄焉。肾水一亏，

则命门之火无所畏而自炽矣，故龙雷之火从脐下动也。经曰：水郁则折之。水郁者，肾部有郁火也。折之者，制其冲逆也。柏皮味苦而厚，为阴中之阴，故能制肾经冲逆之火，火去则阴生，故曰大补。王冰曰：壮水之主，以制阳光。此之谓也。气虚下以四君子汤，恐其寒凉而坏脾也；血虚下以四物汤，助其滋阴而制火也。

滋肾丸

黄柏十两，酒浸 知母六两，酒浸 肉桂五钱
肾火起于涌泉之下者，此方主之。

热自足心直冲股内而入腹者，谓之肾火起于涌泉之下。知、柏苦寒，水之类也，故能滋益肾水；肉桂辛热，火之属也，故能假之反佐，此《易》所谓水流湿、火就燥也。

三补丸

黄芩 黄连 黄柏俱酒润，等分

三焦有火，咽喉干燥，小便赤涩，大便秘结，此方主之。

少火之火，无物不生；壮火之火，无物不耗，《内经》曰壮火食气是也。故少火宜升，壮火宜降。今以三物降其三焦之壮火，则气得其生，血得其养，而三焦皆受益矣，故曰三补。黄芩苦而枯，故清热于上；黄连苦而实，故泻火于中；黄柏苦而润，故泻火于下。虽然火有虚实，是方但可以治实火，若虚者用之，则火反盛，谓降多亡阴也。丹溪曰：虚火可补，人参、黄芪之类。则虚实之辨，若天渊矣，明者幸求之证焉。

益元散即暑门六一散，又名天水散

滑石六两 甘草一两

共为末，用蜜水调下三钱。

六腑有实火，上有烦渴，下有便秘、赤涩者，此方主之。

滑石性寒，故能清六腑之热；甘草性平，故能缓诸火之势。

凉 膈 散

黄芩酒炒 梔子仁炒黑 薄荷各一两 连翘四两 大黄酒浸 芒硝 甘草各二两
共为末，每服五钱。

火郁上焦，大热面赤者，此方主之。

黄芩、梔子，味苦而无气，故泻火于中；连翘、薄荷，味薄而气薄，故清热于上；大黄、芒硝，咸寒而味厚，故诸实皆泻；用甘草者，取其性缓而恋膈也。不作汤液而作散者，取其泥膈而成功于上也。

清咽太平丸

薄荷叶一两 川芎 甘草 防风 乌犀角 柿霜各一两 桔梗二两
蜜丸噙化。

膈上有火，早间咯血，两颊常赤，咽喉不清者，此方主之。

消风清热，莫如薄荷，故用以为君；佐以乌犀，解心热也；入以柿霜，生津液也；用川芎，有清上之功；用防风，有解散之效；恐诸药之下流，故载以舟楫；因火势之急速，故缓以国老。师云：咽者胆之候，若只咽间痰热，膈内和者，宜以平胆之方主之。

温 胆 汤

竹茹 枳实麸炒 半夏制 甘草各二两
陈皮去白 生姜各四两

胆热呕痰，气逆吐苦，梦中惊悸者，此方主之。

胆，甲木也，为阳中之少阳，其性以温为常候，故曰温胆。竹茹之清，所以去热；半夏之辛，所以散逆；枳实所以破实，陈皮所以消滞，生姜所以平呕，甘草所以缓逆。伤寒解后，多有此证，是方恒用之。

珍 珠 散

琥珀 珍珠粉 铁粉 天花粉 朱砂
寒水石 牙硝 大黄酒浸 生甘草

各等分为末，每用薄荷汤调下三钱。

男、妇、小儿五脏积热，心胸闷乱，口干舌燥，精神恍惚，癫狂等证，此方主之。

明可以安神，琥珀、珍珠皆明物也，故用之以安神魄；重可以去怯，铁粉、朱砂皆重物也，故用之以定惊狂；寒可以去热，硝、黄、水石，皆寒物也，故用之以除积热；热之盛者必渴，天花粉可以生津；火之炽者必急，生甘草所以缓急。

人参黄芪白术甘草考

实火可泻，宜用芩、连、梔、柏；虚火可补，宜用人参、黄芪、白术、甘草。所谓温能除大热也。或者误用芩、连、梔、柏以治虚火，则火益炽。何以然哉？四件皆降下之品，降多则亡阴，阴亡则不足以济火，故令火益炽。

天雄附子川乌硫黄考

诸证无火者，宜于四件斟酌之。

壮火固不可有，少火亦不可无，所谓天非此火不足以生万物，人非此火不足以有生。故凡诸证寒凉太过，几于无阳者，宜审择而用之。昔人以附子一物为太阳丹，以天雄、附子、川乌为三建汤，以硫黄为金液丹，皆所以养其真阳，壮其真火，而存此身之生气耳。明变之上，幸教我哉。

斑疹门第九

叙曰：无热不斑，无湿不疹，此二言者，斑疹之大观也。其致疾之由，则有风、寒、暑、湿之殊；辨证之法，则有表、里、虚、实之异。此在人之自悟，非可以纸上尽也。

防风通圣散

防风 川芎 当归 大黄 芒硝 白芍药 连翘 薄荷 麻黄 石膏 桔梗 黄芩 白术 梔子 荆芥 滑石 甘草

失下发斑者，此方主之。

失下者，肠胃燥实，当下而失于下也。失下则热无所泄而结于胃，胃主肌肉，故肌肉之间见红斑也。红者，火之色，热之炽也。方中有大黄、芒硝、甘草，乃伤寒门调胃承气汤也，所以泻肠胃之实热；加连翘、栀子、黄芩、薄荷，乃火门之凉膈散也，所以散胸膈之热邪。全方除芒硝、大黄，名曰双解散；解表有防风、麻黄、薄荷、荆芥、川芎；解里有石膏、滑石、黄芩、栀子、连翘；复有当归、芍药以和血；桔梗、白术、甘草以调气。营卫皆和，表里俱畅，故曰双解。本方名曰通圣散，极言其用之妙也。正考见中风门。

葛根橘皮汤

葛根 橘皮 杏仁 知母 麻黄 黄芩 甘草

冬月肌中斑烂，咳而心闷者，此方主之。

冬月腠理闭塞，故用麻黄以发表；肌属阳明，故用葛根以解肌；咳为肺气不利，故用橘皮、杏仁以利气；闷为心膈有热，故用黄芩、知母以清热；辛甘发散为阳，故佐以甘草，且调诸药而和中也。

阳毒升麻汤

升麻半两 生犀角镑 麝香 黄芩炒 人参 甘草各二钱五分

伤寒吐、下后，狂言面赤，阳毒发斑者，此方主之。

吐、下后中气必虚，故用人参、甘草以补中；升麻、犀角寒而不滞，故为散斑之要药。佐以麝香，利气窍也。佐以黄芩，清阳毒也。

玄参升麻汤

玄参 升麻 甘草各等分

发斑咽痛者，此方主之。

升麻能散斑，甘草、玄参能清咽。散斑者取其辛温，谓辛能散而温不滞也。清咽者，

取其甘苦，谓甘能缓可苦能降也。

消毒犀角饮子

牛蒡子六钱 荆芥二钱 防风三钱 甘草一钱

皮肤有斑疹，无里证者，此方主之。

辛甘发散为阳，故用防风、甘草；斑之为患，热药治之则血溢而益盛，寒药治之则血凝而不散，惟辛凉之药为宜，故用牛蒡、荆芥。无犀角而名犀角者，谓其功用同乎犀角也。

升麻葛根汤

升麻 葛根 白芍药 甘草

麻疹已出、未出，此方皆主之。

诸疹未出，升麻、葛根能出之；诸疹已出，升麻、葛根能散之；芍药和营，甘草和卫。

消风散

荆芥穗 炙甘草 陈皮 厚朴姜汤炒 藿香 蝉退 人参 白僵蚕炒 茯苓 防风 芍药 羌活

风热丹疹，此方主之。

风热则表实，实者宜散之，荆芥、芍药、防风、羌活皆辛散也。表实则里虚，虚者宜补之，人参、甘草、茯苓皆甘补也。风盛则气壅，厚朴所以下气，陈、藿所以泄气。风热生痰，治以僵蚕。表热留连，治以蝉退。

化斑汤

石膏 人参 知母 甘草

胃热发斑，脉虚者，此方主之。

胃热者，口燥烦渴也。胃主肌肉，故胃热则肌肉斑烂；脉虚者，壮火食气，而脉无力以充实也。惟其胃热，故用石膏之寒；惟其脉虚，故用人参之补；知母养其营，甘草养其卫。此方即人参白虎汤尔。

调中汤

苍术一钱半 陈皮 砂仁 藿香 甘草
芍药炒 桔梗 半夏 白芷 枳壳炒 羌活
各一钱 川芎 麻黄 桂枝各五分

内外、外感热而成斑者，此方主之。

内伤则里热，外感则表热，两热而无泄，故令斑烂。外伤者调其中，苍、陈、砂、藿、半、芍、枳、桔，皆调中药也；外感者疏其表，麻、桂、羌、芎、芷、草，皆疏表药也。表里治而斑自愈矣。

大建中汤

人参 黄芪炙 当归 芍药酒炒 桂心
甘草炙 半夏制 黑附子制

中气不足，无根失守之火，出于肌表面成斑者，此方主之。

此是汗、吐、下后之证。中气虚乏，则余邪无所归附，隐隐然见于肌表，其色淡红而不甚显为辨也。人参、黄芪所以补中，半夏、甘草所以调中，此皆健脾药也；复有当归、芍药之活血，则外溢之斑流而不滞；有桂心、附子之温中，则失位之火引而归原，此中营之帜一端，而失伍之师各就其列也。是方也，以附、桂、参、芪而治斑，法之变者也。医而未至于可以权，则不足以语此。

疟门第十

叙曰：疟之理难言矣。知五运六气、十四经络，始能粗知其证。知阴阳进退消长之理，然后知夫疟疾变迁之妙。苟非精研斯道，则所知者肤浅而已，一有问难，犹然袖手解颐。今考名方十八首，说证用药，可为初学之启蒙也。

麻黄羌活汤

麻黄去节 羌活 防风 甘草各三钱

疟发时，头疼，身热，脊强，脉浮者，名

曰寒疟，此方主之。

寒热一日一发，间日一发，三日一发，皆名曰疟。此云头疼、身热、脊强、脉浮，皆太阳证也。太阳乃寒水所化，故《机要》名为寒疟。麻黄、羌活，太阳经之汗药也，故以为君；防风乃诸风药之卒徒，故以为佐；甘草能和诸药而兼解散，故以为使。是方乃攻实之剂，若临病用药，则血虚者宜加四物，气虚者宜加参、术，全在活法，不徒执也。

白芷汤

白芷二钱 知母 石膏各五钱

疟发时，目痛，鼻干，口渴，自汗，不得眠，脉长，有热无寒，或热多寒少者，名曰热疟，此方主之。

此条皆阳明证也，以其有热而无寒，或热多而寒少，故《机要》名为热疟。白芷所以解阳明之经，石膏所以清阳明之腑，知母所以养阳明之阴。虚者宜加人参。质实便燥者，此方不足与也，宜下之，用伤寒门大柴胡汤，后以本方调之。

小柴胡汤

柴胡去芦 黄芩炒 人参 甘草 半夏
法制 生姜 大枣

疟发时，耳聋，胁痛，寒热往来，口苦，喜呕，脉弦者，名曰风疟，此方主之。

此条皆少阳证也，以少阳为甲木，在天为风，故《机要》名为风疟。柴胡、黄芩能和解少阳经之邪，半夏、生姜能散少阳经之呕，人参、甘草能补中气之虚，补中所以防邪之人里也。正考见伤寒门。

清脾饮

青皮去穰，炒 厚朴姜汤炒 白术炒 黄芩
炒 半夏制 柴胡去芦 茯苓去皮 草果 甘草

疟发时，热多寒少，口苦咽干，大小赤涩，脉来弦数者，此方主之。

此条皆太阴证也。太阴脾主湿，湿生痰，痰生热，故见上件诸证。脉来弦数，弦为痰饮，数为热也。方曰清脾者，非清凉之谓，乃攻去其邪而脾部为之一清也。故青皮、厚朴清去脾部之痰，半夏、茯苓清去脾中之湿，柴胡、黄芩清去脾中之热，白术、甘草清去脾脏之虚，而草果仁又所以清膏粱之痰也。刘宗厚先生因草果仁之温热而讥焉，盖未达严用和氏之清矣。《机要》云：疟在三阴经，总谓之湿疟，当从太阴经论之。此言可谓知要。今即古方审择而用焉，则本方为切当矣。

麻黄杏子甘草石膏汤

麻黄去节，四两 杏仁去皮尖，五十枚 甘草二两 石膏半斤

《伤寒例》云：若脉阴阳俱盛，重感于寒者，变为温疟。温疟先热后寒，宜此方主之。

脉阴阳俱盛者，旧有热也；重感于寒者，新有寒也。凡疟寒热相搏，邪正分争，并于表，则阳实而阴虚，阴虚生内热，阳实生外热，中外皆热，故见其烦渴而身热，恶热莫任也；并于里，则阴实而阳虚，阳虚生外寒，阴实生内寒，中外皆寒，故见其鼓颌而战栗，恶寒莫任也；若其邪正分争，并之未尽，则寒热交集，鼓颌战栗，烦渴身热并至矣。此论常疟寒热之理也。温疟先热后寒者，以其先有旧热而后伤寒也。方中有麻黄、杏仁，可以解重感之寒；有石膏、甘草，可以解旧有之热。仲景主白虎加桂枝汤，亦良。

香薷汤

香薷二两 白扁豆 厚朴姜汁炒 茯神各一两 炙甘草半两

疟发时，独热无寒者，名曰瘧疟，当责之暑，宜此方主之。

暑，阳邪也。《内经》曰：脉虚身热，得之伤暑。又曰：因于暑，汗，烦则喘喝，静则多言，体若燔炭。故独热无寒之疟，责其因于暑也。香薷味薄而气清，能解表里之暑；

扁豆味甘而性平，能解肠胃之暑；厚朴苦辛，破暑饮也；甘草性平，解暑毒也。《易》曰：火就燥，则暑邪中人，先就于心，获神之用，乃所以宁心耳。或问风亦阳邪也，瘧疟何以不责之风？余曰：风为少阳，又为厥阴，在六气犹未纯阳，若临证主方处治，辛热固不可用，如辛凉发散之剂，用之未为不可。此在医者潜心，初不必泥于一方也。

七枣汤

附子一枚，盐水煮，去皮脐 大枣七枚

疟发时，独寒无热，脉迟者，名曰牝疟，当责之寒，宜此方主之。

牝，阴也。王冰曰：益火之原，以消阴翳。故独寒无热之疟，用附子之辛以主之，佐以大枣七枚，取其能和附热，且引之入至阴耳。

蜀漆散

蜀漆烧去腥 云母烧二日夜 龙骨煅，各等分 共为末，于未发前浆水服下半钱。

此仲景治牝疟之方也，病原于顽痰症瘕者，此方主之。

牝，阴也，无阳之名。顽痰乃至阴所化，症瘕乃凝结之阴，故令人有寒无热。蜀漆、云母、龙骨，既经烧炼，则味涩而辛热，味涩可以固既脱之阳，辛热可以消固结之阴。仲景治火劫亡阳之证，于桂枝汤去芍药加蜀漆、龙骨辈，名曰救逆汤，是二物之为纯阳可知。云母烧二日夜，则寒性亦去而纯阳矣，宜仲景之用之也。

补中益气汤

人参一钱 升麻三分 甘草一钱 黄芪一钱五分 陈皮去白 当归 白术 柴胡各五分

疟疾经年不愈者，名曰痼疟，宜此方主之。

痼，老也。经年不愈，则气血皆虚，疟邪深入矣。气虚，则有参、芪、术、草以补

气；血虚，则有当归以养血；症邪深入，则有柴胡、升麻以升举之，邪气可渐出之表也。方内有陈皮，可以消痰泄气，能助升、柴而成功。若症发于夜者，丹溪所谓入阴分、血分也，宜于本方倍入当归，或兼四物可也。正考见脾胃门，互考见虚损门。

柴胡去半夏加栝蒌根汤

柴胡八两 人参 黄芩 甘草各三两 栝蒌根四两 生姜二两 大枣十二枚

疟疾，微劳不任，经年不差，前后复发者，名曰劳疟，此方主之。

任事之劳，责之筋力。筋属肝，少阳胆则其腑也。方中有柴胡、黄芩，可以清少阳之邪热；有栝蒌根，可以生液养筋；有人参、甘草，可以补虚祛劳；有大枣、生姜，可以调荣益胃。又曰：参、草、姜、枣，胃家药也。散精于肝，淫气于筋，惟胃能之，故用此方以调劳疟。

柴平汤

柴胡 人参 半夏 陈皮 黄芩 甘草 厚朴 苍术 生姜 大枣

疟疾，一身尽痛，手足沉重，寒多热少，脉濡者，名曰湿疟，此方主之。

上件皆湿证也，故用小柴胡以和解表里，平胃散以健脾制湿。二方合而为一，故名曰柴平。小柴胡汤正考见伤寒门，平胃散正考见湿门。

红丸子

蓬莪术 京三棱醋煮一伏时，各二两 胡椒一两 阿魏二分，醋化 青皮三两
共为末，作丸矾红为衣。

疟疾，口亡五味，饮食腹痛膨胀者，名曰食疟，此方主之。

食疟者，食积成疟也。《内经》曰留者攻之，故用蓬术、三棱、阿魏以攻积；积之为患，气快则行，气滞则止，得热则行，得寒

则结，故用青皮之辛以快气，胡椒之温以散结；复用矾红为衣者，假其土性以培脾胃云尔。

人参养胃汤

人参 茯苓 甘草 半夏 陈皮 苍术 厚朴 藿香 乌梅 草果

疟因饮食饥饱伤胃而成者，名曰胃疟，此方主之。

《内经》曰：阴之所生，本在五味；阴之五宫，伤在五味。故饥则胃气弱，而阴无所生；饱则胃气强，而五宫因以损，是饥饱皆足以伤胃也。胃伤则营卫虚而谷气乖，乖则争，争则邪正分，寒热作，而成疟矣。方中有人参、茯苓、甘草之甘，可以补胃之不足；有陈皮、苍术、厚朴之辛，可以平胃之有余；半夏之辛，可使醒脾；藿香之香，可使开胃；乌梅之酸，可使收阴；草果之温，可使消滞。

太无神术散

苍术酒浸 厚朴姜炒，各一两 陈皮三两，去白 藿香 石菖蒲 甘草炙，各一两五钱

疟疾，因感山岚瘴气，发时乍寒乍热，一身沉重者，名曰瘴疟，此方主之。

山岚瘴气，谷气也。《内经》曰：谷气通于脾。故此方主以治脾。苍术、厚朴，平脾家之敦阜也；陈皮、甘草，调脾家之虚实也；藿香、石菖蒲，开脾家之障碍也。经曰治病必求其本，此之谓也。正考见瘟疫门。

五神丸塞鼻法

东方：青黛五钱 麝香二分

西方：白矾五钱 白芷二钱

南方：官桂五钱 朱砂一钱

北方：巴豆四十九粒去壳 黑豆三十六粒

粒

中央：硫黄五钱 雄黄一钱

上件各依方位，以磁盘盛之，于五月初一日，虔诚安于本家侍奉神前，至初五日午

时，共研为末，用五家粽角为丸，如梧桐子大，阴干，收贮听用。凡遇患疟之人，于疟发之日侵晨，用绵包裹塞于鼻中，男左、女右用之。

疟疾，一岁之中，长幼相似者，名曰疫疟，此法主之神良。

疫者，天地不正之气也。六位，胜复之气也。禽虫，吐毒之气也。大气之来，无人不受，壮者、逸者、居者则不病；怯者、劳者、出者遇之，则无形之气，由鼻而入，藏于分肉之间，与正气分争，则成疟矣。是方也，位按五方，药按五色，气按五气，味按五味，月按五月，日按五日，粽用五家，此医流而兼阴阳家之识也。故疟邪入于肝，则青黛之凉可以清肝，麝香之臊可使直达；疟邪入于肺，则白芷之辛可以泻肺，矾石之腥可以清燥；疟邪干于心，则丹砂之重可以镇心，官桂之焦可以益火；疟邪干于肾，则黑豆甘咸可以益肾，巴豆之腐可以泻邪；疟邪干于脾，则硫黄之温可使建中，雄黄之悍可使辟秽。以疫气无形，由鼻而入，故亦就鼻而塞之。塞其一窍，露其一窍者，围师必缺之道也。修剂之期，必于五者，病原于阴阳不正之气，故亦以阴阳之理胜之。盖曰五者，中宫甲己之数，南面之政也，诸气之变，虽有胜复、亢制之殊，要皆北面而臣，守位秉命之道也，故率以五数修剂焉。

三 解 汤

麻黄去节 柴胡去芦 泽泻各三钱

此治疟之套剂也，时行之疟，长幼相似者，主之神良。

病有三在：在表，在里，在半表半里也。人在气交之中，鼻受无形之气，藏于分肉之间，邪正分争，并于表则在表，并于里则在里，未有所并，则在半表半里。是方也，麻黄之辛，能散表邪，由汗而泄；泽泻之咸，能引里邪，由溺而泄；柴胡之温，能使半表半里之邪，由中以解。则病之三在，此方率治

之矣。虽然，此方但可以泻实耳，虚者犹当辨其气血而补之，所谓虚者十补，勿一泻也。

截疟七宝饮

常山 厚朴 青皮 陈皮 甘草 槟榔 草果等分

先期用水、酒各一种煎熟，以丝绵裹之，露一宿，于当发之早温服。

疟疾三、四发后，寸口脉来弦滑浮大者，此方吐之。

三、四发后，可截之时也。脉弦为饮，滑为实，浮为表，大为阳，故在可吐。师云：无痰不作疟，疟痰为患，常山善吐，槟榔善坠，草果善消，厚朴、青皮亦理气行痰之要药；陈皮、甘草乃消痰调胃之上材也。是方也，惟脉来浮大弦滑者可用，若脉来沉涩细微者，与之则逆矣。慎之。

鳖甲煎丸

鳖甲十三片 蜂窠四分 炙 蜣螂炙 柴胡各六分 乌羽 瞿麦 桃仁 干姜各二分 牡丹皮 芍药 廑虫各五分 赤消十二分 黄芩 鼠妇炙 桂枝 石苇去毛 厚朴 紫盛 阿胶炒 大黄各三分 葶苈熬 半夏 人参各一分

上二十三味，取煅灶下灰一斗，清酒一斛五斗，浸灰，候酒尽一半，着鳖甲于中，煮令泛烂如胶漆，绞取汁，内诸药煎，为丸如梧子大。空心服七丸，日三。

疟疾久不愈，内结癥瘕，欲成劳瘵者，名曰疟母，此丸主之。

凡疟疾寒热，皆是邪气与正气分争，久之不愈，则邪正之气结而不散，按之有形，名曰疟母。始虽邪正二气，及其固结之久，则顽痰、死血皆有之矣。然其为患，或在肠胃之中，或薄肠胃之外，不易攻去，仲景公先取灰酒，便是妙处。盖灰从火化，能消万物，今入取十灰膏以作烂药，其性可知；渍之以酒，取其善行。若鳖甲、鼠妇、廑虫、蜣螂、

蜂巢者，皆善攻结而有小毒，以其为血气之属，用之以攻血气之凝结，同气相求，功成易易耳。乃柴胡、厚朴、半夏，皆所以散结气；而桂枝、丹皮、桃仁，皆所以破滞血；水谷之气结，则大黄、葶苈、石苇、瞿麦可以平之；寒热之气交，则干姜、黄芩可以调之。人参者，所以固元于克伐之场；阿胶、芍药者，所以养阴于峻厉之队也。乌羽、赤消、紫盛，隋唐医哲，皆不知之，故以乌羽作乌扇，赤消更海藻，紫盛更紫葳、紫苑。今详四物，亦皆攻顽散结之品，更之未为不可，然依旧本，仍录乌羽、赤消、紫盛者，不欲遽然去之，盖曰爱礼存羊云尔。

痢门第十一

叙曰：始痢宜下，夫人之所共知也；久痢宜补，亦夫人之所共知也。至如二阳合病皆下痢，太阳、阳明合病自下痢者宜发汗，太阳、少阳合病自下痢者宜和解，阳明、少阳合病自下痢者宜攻里，非得伤寒之玄关者，不足以语此也。今考十方于后，大都口耳之见而已。

芍药汤加芒硝方

白芍药二钱 当归尾 黄连 黄芩各一钱
木香不见火 桂心 槟榔 甘草各五分 大黄七分 芒硝一钱

痢疾便脓血，里急后重者，此方主之。

痢，滞下也。患痢大都责于湿热，热伤气，故下白；热伤血，故下赤；热伤大肠，则大肠燥涩，故里急后重。河间云：行血则便脓自愈，故用归、芍、硝、黄以行血；和气则后重自除，故用木香、槟榔、甘草以和气；苦能坚肠，寒能胜热，故用芩、连厚肠胃而去热；有假其气，则无禁也，故假桂心之辛热为反佐。

桃仁承气汤

桃仁廿五枚，去皮尖 桂枝七分，炒 大黄五钱，酒浸 芒硝五钱 甘草二钱

痢疾初起，质实者，此方主之。若初间失下，反用固涩之药，以致邪热内蓄，血不得行，腹痛欲死者，急以此方主之。

《内经》曰：通因通用；又曰：暴者夺之。故用大黄、芒硝之咸寒以荡涤邪热；用桃仁之苦以逐败血；甘草之甘以调胃气。乃桂枝则辛热物也，用之者何？经曰：微者逆之，其者从之，故用其引大黄、芒硝直达瘀热之巢穴，乃向导之兵也。

清六丸

滑石六两 甘草 一两 红曲五钱

血痢者，此方主之。

滑石能清六腑之热，甘草能调六腑之气，红曲能和六腑之血。

温六丸

滑石六两 甘草 一两 干姜五钱

姜汁为丸。

白痢者，此方主之。

白痢为寒，中世之谬论也。刘守真氏出，始以白痢责之热伤气，可谓开发群蒙。是方也，滑石寒而淡，寒则能除六腑之热，淡则能利六腑之湿；甘草得天地冲和之气，故性平而调六腑；干姜得天地正义之气，故入气而辟湿邪。又口干姜性温，可使从治，经曰佐以所利，是故用之。

香连丸

黄连二十两，吴茱萸汤润过炒 木香四两八钱，不见火

治噤口痢，加石莲肉八两。

下痢赤白相杂，里急后重者，此方主之。

黄连苦而燥，苦能胜热，燥能胜湿；木香辛而苦，辛能开滞，苦能泻实；石莲肉味

苦而厚，为阴中之阴，故能破噤口痢之结热。经曰有余者折之，此之谓也。

木香槟榔丸

木香 槟榔 青皮去穢，炒 陈皮去白
枳壳去穢，麸炒 黄柏炒 丑末 莪术醋煮 三
棱醋煮 当归酒洗 香附 黄芩酒炒 大黄酒
浸 黄连吴茱萸汤润过炒

水丸梧子大，每服五、六十丸。

痢疾初作，里急后重，肠胃中有积滞者，此丸主之。

《内经》曰湿淫所胜，平以苦热，故用木香；热者寒之，故用黄连、黄芩、黄柏；抑者散之，故用青、陈、香附；强者泻之，故用大黄、丑末；逸者行之，故用槟榔、枳壳；留者攻之，故用莪术、三棱；燥者濡之，故用当归。是方也，惟质实者堪与之，虚者非所宜也，故曰虚者十补，勿一泻之。

败毒散

羌活 独活 柴胡 前胡 川芎 人参
茯苓 枳壳 桔梗 甘草等分

痢疾表热里虚者，此方主之。

皮肤受外感之邪，则表实而里虚。表实则发热，故用羌活、独活、柴胡、前胡、川芎以解表；里虚则痢不禁，故用人参、甘草、茯苓以补里。桔梗可以理气，枳壳可以破滞。昔人立此方非以治痢，而医者善用，则取之左右逢其源矣。仲景以葛根汤治太阳、阳明合病自痢，亦是妙处。举此一例，余可类推。

清暑益气汤

人参去芦 白术炒 陈皮去白 神曲炒
泽泻各五分 黄芪炙 苍术制 升麻各一钱
麦门冬去心 当归酒洗 黄柏炒 甘草炙，各二
分 五味子九粒 青皮麸炒 干葛各二分

痢疾已愈，元气虚弱，暑令尚在者，此方主之。

痢疾已愈，则不当用行血理气之物矣。中

气虚弱，理宜补之，参、芪、归、术、甘草，皆补虚也；暑令尚在，法宜清之，麦冬、五味，皆清药也；黄柏、泽泻，可以养阴水；升麻、干葛，可以散暑邪；青、陈、苍、曲，可以消滞气。正考见暑门。

十全大补汤

人参 白术炒 白芍药炒 茯苓去皮
黄芪炙 当归 甘草炙 熟地黄 川芎各一钱
桂心二分

痢疾已愈，气血大虚者，此方主之。

大虚者必大补，故用人参、黄芪、白术、茯苓、甘草以补气；用当归、川芎、芍药、地黄、桂心以补血。

真人养脏汤

人参 白术炒 白芍药炒 肉桂炒 诃
子面裹煨 粟壳 甘草炒 木香不见火 肉豆
蔻面裹煨

下痢日久，赤白已尽，虚寒脱肛者，此方主之。

甘可以补虚，故用人参、白术、甘草；温可以养脏，故用肉桂、豆蔻、木香；酸可以收敛，故用芍药；涩可以固脱，故用粟壳、诃子。是方也，但可以治虚寒气弱之脱肛耳。若大便燥结，努力脱肛者，则属热而非寒矣，此方不中与也；与之则病益甚。

泄泻门第十二

叙曰：泄泻似乎易识，一遇盘根错节，良手犹难之。所以然者，脾为万物之母，泄泻能坏人之母气故也。今考名方十五首，用之者宜变通焉。

白术茯苓汤

白术土炒 白茯苓去皮，各七钱五分

脾胃虚弱，不能克制水谷，湿盛作泻者，此方主之。

脾胃者，土也。土虚则不能四布津液，水谷常留于胃而生湿矣。经曰：湿盛则濡泻，故知水泻之疾，原于湿也。白术甘温而燥，甘则入脾，燥则胜湿；茯苓甘温而淡，温则益脾，淡则渗湿，土旺湿衰，泻斯止矣。戴氏云：水泻腹不痛者为湿，痛者为食积。河间云：泻而水谷变色者为热；水谷不变色，澄澈清冷者为寒。皆妙论也。若肛门燥涩，小便黄赤，则水谷虽不变，犹为热也。此由火性急速，食下即出，无容变化，仲景所谓邪热不杀谷是也。兹在临证精察，而加药物之所宜者尔。

胃苓汤

苍术 厚朴 陈皮 甘草 白术 茯苓 猪苓 泽泻 桂

此方亦治湿盛泄泻者也。

苍术、厚朴、陈皮、甘草，平胃散也，所以燥湿；白术、茯苓、猪苓、泽泻、桂，五苓散也，所以利湿。脾胃强健者，宜主此方；怯弱者，宜主前方。白术茯苓汤、平胃散正考见湿门，五苓散正考见伤寒门。

益黄散

丁香面煨 木香 青皮炒 陈皮 诃子面裹微煨

胃寒，泄泻脉迟者，此方主之。

肠胃热，则大便燥结；肠胃寒，则洞泄不禁，大都然也，脉迟验其为寒。是方也，二香之辛热，所以温中；二皮之辛利，所以快脾；诃子之固涩，所以止泻。

升阳除湿防风汤

苍术四钱，制 防风二钱 白术 茯苓 芍药各一钱

泄泻头痛者，此方主之。

阳陷于下，则成飧泄；湿犯于上，则令头痛，此清浊倒置而然也。风能胜湿，故用防风；燥能制湿，故用二术；淡能利湿，故

用茯苓；土病木乘，故用芍药。又曰：久风入中，则为肠风飧泄，故用防风；伐肝疏脾，非酸不可，故用芍药。

钱氏白术散

人参 白术 茯苓 甘草 木香 藿香 干葛

脾虚肌热，泄泻者，此方主之。

脾虚者，补之以甘，故用人参、白术、茯苓、甘草；肌热者，疗之以清，故解以葛根；脾困者，醒之以香，故佐以藿、木。

戊己丸

黄连二两 吴茱萸泡 白芍药炒，各二两

脾胃热泻不止者，此方主之。

热泻者，粪色黄褐，肛门敛涩也。苦从火化，火能生土，故用黄连厚肠胃而益土；臊酸从木化，木能疏土，故茱萸辛燥，能疏亢盛之肝，芍药味酸，能泻土中之木。戊为胃土，己为脾土，用是方以调脾胃，故曰戊己丸。

诃梨勒散

诃子仁 肉豆蔻面裹煨 青皮各四两 附子一两 肉桂五钱

肠胃虚寒，滑泄腹痛者，此方主之。

虚寒者，中气虚而生内寒也；滑泄者，上虚不足以防水也；腹痛者，湿淫而木气抑也。寒者温之，故用附子、肉桂；滑者涩之，故用诃子、肉蔻；抑者疏之，故用青皮。

浆水散

半夏一斤，制 甘草炙 附子 肉桂 干姜各五钱 良姜二钱五分

每服三钱。

水泻澄澈清冷者，此方主之。

浆水者，泻利浆水而澄澈也。河间云：水液澄澈清冷，皆属于寒。寒者温之，故是方率用辛温之剂。析而论之，半夏、炙草，可

使健脾，脾健则能防水矣；干姜、附子，可使回阳，阳回则气上升矣；良姜、肉桂，可使化气，气化则能泌别清浊矣。

刘草窗痛泻要方

炒白术三两 炒芍药二两 防风一两 炒陈皮一两半

痛泻不止者，此方主之。

泻责之脾，痛责之肝；肝责之实，脾责之虚。脾虚肝实，故令痛泻。是方也，炒术所以健脾，炒芍所以泻肝，炒陈所以醒脾，防风所以散肝。或问痛泻何以不责之伤食？余曰：伤食腹痛，得泻便减，今泻而痛不止，故责之土败木贼也。

五味子散

五味子二两，炒香 吴茱萸五钱，炒
共为末，每服二钱。

肾虚，子后泄泻者，此方主之。

肾主二便，开窍于二阴，受时于亥子，肾脏虚衰，故令子后常作泄泻。五味子有酸收固涩之性，炒香则益肠胃；吴茱萸有温中暖下之能，炒焦则益命门。命门火旺，可以生土，土生则泄泻自止；酸收固涩，可以生津，津生则肾液不虚。

椒附丸

椒红炒 桑螵蛸炙 龙骨火煅存性 山茱萸炒 附子炮 鹿茸酒蒸，焙

肾脏虚寒，大便滑泻者，此方主之。

虚者，肾精不足也；寒者，命门火衰也。肾主二便，肾脏虚寒则不能禁固，故令大便滑泻。味厚为阴中之阴，故用山茱萸、鹿茸以益肾家之阴；辛热为阳中之阳，故用椒红、附子以壮命门之火；味涩可以固脱，故用桑螵蛸、龙骨以治滑泻之脱。

二神丸

破故纸四两，炒 肉豆蔻二两，煨

枣肉为丸。

脾肾二脏俱虚，泄泻不止者，此方主之。

脾主水谷，肾主二便，脾弱则不能消磨水谷，肾虚则不能禁固二便，故令泄泻不止。肉豆蔻辛温而涩，温能益脾，涩能止泻；破故纸味辛而温，辛则散邪，温则暖肾，脾肾不虚不寒，则泄泻止矣。

补中益气汤去当归方

人参 甘草炙，各一钱 升麻三分 黄芪炙，一钱五分 白术炒 陈皮去白 柴胡各五分
滑泻痞闷者，此方主之。

《内经》曰：清气在下，则生飧泄；浊气在上，则生腹胀。病由中气不足，而不能升降清浊故耳。是方也，有人参、黄芪、甘草、白术，所以补中；有陈皮，所以利气；有柴胡、升麻，所以升举陷下之阳，清阳升则浊阴自降。浊降则痞闷自除，清升则飧泄自止。去当归者，恶其滑利，而非飧泄所宜也，若西北高燥之区，则不必去矣。

青州白丸子

半夏七两 南星 白附子各三两 川乌去皮脐，五钱

共为末，水中浸数日为丸。

痰积，滑泄不止者，此方主之。

肥人滑泄责之痰，脉滑不调责之痰，不食不饥责之痰，昔肥今瘦责之痰。痰之为物，湿土所化，故用半夏、南星以燥之；白附微温，能治风痰；川乌辛热，能攻痰积。

木香豆蔻丸

青木香 肉豆蔻

枣肉为丸，每下梧子大二十丸。

《稽神录》云：江南司农少卿崔万安，常苦脾泄困甚，家人为之祷于后土祠，万安梦一妇人，簪珥珠履，授以此方，如其言服之而愈。昆谓青木香能伐肝，肉豆蔻能温中，枣肉能健脾。久泄脾虚，中气必寒，肝木必乘

其虚而克制之。此方之用，宜其效也。

秘结门第十三

叙曰：秘结，燥证也。然有火燥，有风燥，有水竭之燥，有血虚之燥。从容养血清燥为上手，急遽攻下通肠为下手。今考方药六条，古人之医法见矣。

润肠丸

即脾约丸

麻仁二两，入百沸汤内泡浸一宿，次日曝干，焙之，粒粒皆完。大黄四两，酒蒸。杏仁一两二钱，去皮尖，炒。芍药酒炒。枳实麸炒。厚朴姜汁炒，各三两。

胃强脾弱，不能四布津液濡润大肠，后便燥结者，此方主之。

润可以去燥，麻仁、杏仁、芍药是也；苦可以胜燥，枳实、厚朴、大黄是也。

润燥汤

熟地黄 当归梢 大黄酒浸，煨 桃仁去皮尖 生甘草 麻仁各一钱 红花五分 生地黄 升麻各二分

大肠燥结，便出坚黑者，此方主之。

大肠得血则润，亡血则燥，故用熟地、当归以养血；初燥动血，久燥血瘀，故用桃仁、红花以去瘀。麻仁所以润肠，大黄所以通燥，血热则凉以生地黄，气热则凉以生甘草，微人升麻，消风热也。

通幽汤

生地黄 熟地黄 当归梢 大黄酒浸，煨 桃仁泥 红花 升麻

结燥腹痛者，此方主之。

此即前方润燥汤去生甘草、麻仁也。胃之下口，名曰幽门。此方服之，可以通其留滞，故曰通幽。大便燥结，升降不通，故令腹痛。燥者濡之，生地、熟地，皆濡物也；逸者行之，大黄、归梢，皆行物也；留者攻之，桃仁、红花，皆攻物也；抑者散之，升麻之

用，散抑郁也。

大补丸

黄柏一味，炒褐色，为末作丸。

大便燥结，睡中口渴者，此方主之。

肾主五液，肾水一亏，则五液皆涸，故上见口渴，下见燥结也。黄柏味苦而厚，质润而濡，为阴中之阴，故能滋少阴、补肾水。此经所谓燥者濡之，又谓之滋其化源也。他如六味地黄丸、虎潜丸，皆益肾之药，均可选用。二方见虚损门。

玄明粉散

玄明粉三钱 当归尾五钱

煎汤调服。

血热便秘者，此方主之。

玄明粉咸寒，取其软坚；当归尾辛利，取其破血。此攻下之剂也，宜量人之虚实而用之。

导法

燥在广肠，欲其速出，气弱不能传送而出者，宜用蜜煎导法，或猪胆导法。二法皆见伤寒门。

霍乱门第十四

叙曰：霍乱有阴阳二证，夫人共知之。若霍乱未显之时，及霍乱始定之际，医者不察，而以逆剂左之；病者不识，而以臑食啖之，则死道也。今考古方八首以治霍乱，大都喜通而恶塞尔。

理中丸

人参 白术炒 干姜炒 甘草炙，各二两

共为末，蜜丸如鸡黄大，每服一丸，沸汤和下。

寒犯太阴，腹痛，吐泻，霍乱，寒多不饮水者，此方主之。

寒犯太阴脾脏，非止外感之寒径中太阴，凡吞寒饮冷，皆是寒气塞于中宫。中、下二焦之阳不得宣发，则乖隔而腹痛，而吐泻，而霍乱也。霍乱与吐泻有别，乃吐泻之久，亡其津液，手足抽掣而挥霍，眼目旋视而了乱也。寒者温之，故用干姜之辛热；邪之凑也，其气必虚，故用人参、白术、甘草之温补。

五苓散

茯苓 猪苓 白术各十八铢 泽泻一两六铢 桂半两

霍乱热多欲饮水者，阳邪也，此方主之。

邪在上焦则吐，邪在下焦则泻，邪在中焦则既吐且泻，名曰霍乱。霍乱责之里邪，里邪责之水谷。是方也，桂能建中，术能安谷，茯苓、猪苓、泽泻能安水。水谷得其安，则霍乱自止矣。此五苓治霍乱之意也。正考见伤寒门。

回生散

陈皮去白 藿香各五钱，为末

中气不和，吐泻霍乱者，此方主之。

中气者，脾气也，喜疏利而恶闭塞，喜香窜而恶腐秽，故用陈皮之辛以醒之，藿香之窜以开之。

冷香饮子

草果仁三两 附子一两 橘红一两 甘草五钱

姜煎冷服。

夏月饮食，杂以水果、寒冰之物食之，胸腹大痛，霍乱者，此方主之。

肉食得冰寒、水果而冷，冰寒、水果因肉食而滞，由是填塞至阴，乖隔而成霍乱。草果辛温，善消肉食；附子辛热，能散沉寒；橘红之辛，可调中气；甘草之温，堪以益脾。而必冷服者，假其冷以从治，《内经》所谓必伏其所主，而先其所因也。

华佗危病方

吴茱萸 木瓜 食盐各一钱

夏月过用水果，填塞至阴，抑遏肝气，霍乱转筋者，此方主之。

水果得食盐，则收敛而不为患；肝部得茱萸，则疏利而不为抑；转筋得木瓜，则筋舒而不复痛。

六和汤

砂仁 半夏 杏仁 人参 甘草各一两 厚朴 木瓜 藿香 白术 白扁豆 赤茯苓各二两

夏月饮食后，六腑不和，霍乱转筋者，此方主之。

六和者，和六腑也。食饮为患，和以砂仁；夹涎吐逆，和以半夏；膈气不利，和以杏仁；胃虚不调，和以参、术；中气不快，和以藿香；伏暑伤脾，和以扁、朴；转筋为患，和以木瓜；三焦畜热，和以赤苓；气逆急吐，和以甘草。正考见暑门。

藿香正气散

藿香三钱 白术炒 厚朴姜汤炒 茯苓紫苏 半夏制 大腹皮净洗 桔梗 陈皮去白 甘草炙 白芷各一钱

内伤、外感而成霍乱者，此方主之。

内伤者调其中，藿香、白术、茯苓、陈皮、甘草、半夏、厚朴、桔梗、大腹皮，皆调中药也，调中则能正气于内矣；外感者疏其表，紫苏、白芷，疏表药也，疏表则能正气于外矣。若使表无风寒，二物亦能发越脾气，故曰正气。

《三因》吐法

烧盐十两

热饮十五升，三饮而三吐之。

欲吐不得吐，欲泻不得泻，腹中大痛者名曰干霍乱，令人暴死，急以此方探吐之。

盐，咸物也，多则苦矣。经曰咸能软坚，故可以开宿食顽痰；苦能涌泄，故探之则易吐矣。此法能回生起死，幸勿轻而忽之。

痰门第十五

叙曰：痰证显于外，夫人之所易知也；痰涎隐于内，而怪证百出，夫人之所难知也。显于外者，只依常法调理而治；隐于内者，非控涎丹、神祐丸，与夫倒仓之法，不能空其巢穴也。今考古方十一首以治痰，变而通之，存乎人耳。

二陈汤

半夏制 陈皮去白 茯苓去皮，各一钱五分
甘草炙，七分

湿痰为患，此方主之。

湿痰者，痰之原生于湿也。水饮入胃，无非湿化，脾弱不能克制，停于膈间，中、下二焦之气熏蒸稠粘，稀则曰饮，稠则曰痰，痰生于湿，故曰湿痰也。是方也，半夏辛热能燥湿，茯苓甘淡能渗湿，湿去则痰无由以生，所谓治病必求其本也；陈皮辛温能利气，甘草甘平能益脾，益脾则土足以制湿，利气则痰无能留滞，益脾治其本，利气治其标也。又曰：有痰而渴，半夏非宜，宜去半夏之燥，而易贝母、栝蒌之润。余曰：尤有诀焉，渴而喜饮水者，宜易之；渴而不能饮水者，虽渴犹宜半夏也。此湿为本，热为标，故见口渴，所谓湿极而兼胜已之化，实非真象也，惟明者知之。气弱加人参、白术，名六君子汤。

千缗汤

半夏七枚 皂角一寸，炙 甘草一寸，炙

痰涎上涌，喉中有声，不渴者，此方主之。

湿土生痰，故用半夏以燥湿；气塞则痰滞，故用皂角以利气；肺苦气上逆，故用甘草以缓急。又甘草能益脾，皂角能去垢，半

夏能破逆。曰千缗者，重其效也。

导痰汤

半夏四钱，制 陈皮去白 枳壳麸炒 胆南星 赤茯苓 炙甘草各一钱

风痰涌盛者，此方主之。

风痰者，湿土生痰，痰生热，热生风也。半夏、陈皮、茯苓、甘草，前之二陈汤耳。加南星以治风痰；入枳壳，去痰如倒壁。

九蒸苍术散

苍术一味，九蒸九晒，为极细末，每服浆水调下一钱。

湿痰腹痛者，此方主之。

湿痰腹痛，是土实也。经曰：土欲实，木当平之。苍术九蒸九晒，则其气轻清而薄，风木胜湿之品也，故治湿痰腹痛神良。

三子养亲汤

紫苏子沉水者 白芥子 萝卜子各三钱
年高痰盛气实者，此方主之。

痰不自动也，因气而动，故气上则痰上，气下则痰下，气行则痰行，气滞则痰滞。是方也，卜子能耗气，苏子能降气，芥子能利气。气耗则邪不实，气降则痰不逆，气利则膈自宽，奚痰患之有？飞霞于此方，为人子事亲者设也。虽然，治痰先理气，此治标之论耳，终不若二陈有健脾去湿治本之妙也。但气实之证，则养亲汤亦径捷之方矣。

润下丸

陈皮一斤，去白，盐水洗 甘草二两，炙
共为末所丸。

上而痰吐，下而痰泻，此方皆良。

陈皮有消痰泄气之功；食盐具咸能润下之性；甘草有和药调中之妙，炙之有健脾益胃之能。丹溪翁微加星、夏者，燥其生痰之源；微加芩、连者，扑其动痰之焰。

顺气消食化痰丸

制半夏 胆南星各三斤 神曲炒 杏仁去皮尖 陈皮去白 萝卜子生用 葛根 山楂肉炒 青皮去穰，炒 苏子沉水者 香附制 麦芽各一两

饮食生痰，胸膈膨闷者，此方主之。

星、夏之辛，能燥湿痰；葛根之清，能解酒热；山楂、麦芽、神曲之消，能疗饮食之痰；青皮、陈皮、苏子、杏仁、卜子、香附之利，能行气滞之痰。痰去，则胸膈之膨闷亦去矣。

青州白丸子

半夏七两 南星 白附子各二两 川乌去皮脐，五钱

共为末，浸水数日为丸。

湿痰作眩者，此方主之。

痰之生也，由于湿，故用半夏、南星之燥；痰之滞也，本于寒，故用乌头、白附之温。浸以数日，杀其毒也。

清气化痰丸

陈皮去白 杏仁去皮尖 枳实麸炒 黄芩酒炒 瓜蒌仁去油 茯苓各一两 胆南星 制半夏各一两半

姜汁为丸。

此痰火通用之方也。

气之不清，痰之故也，能治其痰，则气清矣。是方也，星、夏所以燥痰湿，杏、陈所以利痰滞，枳实所以攻痰积，黄芩所以消痰热，茯苓之用，渗痰湿也；若瓜蒌者，则下气利痰云尔。

指迷茯苓丸

半夏二两，制 茯苓一两 风化硝二钱五分 枳壳五钱

姜汁糊丸。

中脘停痰伏饮者，此方主之。

半夏燥湿，茯苓渗湿，湿去则饮不生，枳

壳削坚，化硝软坚，坚去则痰不固。

滚痰丸

大黄酒蒸 黄芩去朽，各半斤 礞石硝煅黄金色，一两 沉香五钱

共为丸。

实热老痰，此方主之。

大黄能推荡，黄芩能去热，沉香能下气，礞石能坠痰。是方乃攻击之剂，必有实热者始可用之，若与虚寒之人，则非宜矣。又礞石由焰硝煅炼，必陈久为妙，若新煅火毒未除，则不宜服。

控涎丹

甘遂去心 紫大戟去皮 真白芥子各等分

痰涎在心膈上下，使人胸背、手足、颈项、腰膝引痛，手足冷痹，气脉不通者，此方主之。

甘遂直达涎结之处，大戟能攻胸胁之涎，芥子能散支痛之饮，此攻痰之厉剂也。又曰：惊痰加朱砂；痛者加全蝎；酒痰加雄黄、全蝎；惊气成块者，加穿山甲、鳖甲、玄胡索、蓬莪术；臂痛，加木鳖霜、桂心；痰热加盆硝；寒痰加丁香、胡椒、肉桂。因其病证而药加焉，兵政之便宜也。

三花神祐丸

甘遂面裹煨 大戟拌湿炒 芫花各半两，炒轻粉一分 大黄一两 黑丑二两，取头末

前药为末，滴水为丸，如小豆大。初服五丸，每服加五丸，温水下，日三服，以利为度。服后痞闷极甚者，此痰涎壅塞，顿攻不开，转加痛闷，即初服三丸，每加二丸，至快利即止。

痰饮变生诸病，风热郁燥，肢体麻痹，走注疼痛，痰嗽，气血壅滞，不得宣通，人壮气实者，此方主之。

甘遂能达痰涎窠匿之处，大戟、芫花能下十二经之饮，黑丑亦逐饮之物，大黄乃推

荡之剂，佐以轻粉者，取其无窍不入，且逐风痰积热，而解诸药之辛烈耳。此大毒类聚为丸，善用之，则能定祸乱于升平；不善用之，则虚人真气。慎之。

哮喘门第十六

叙曰：膈有胶固之痰，外有非时之感，内有壅塞之气，然后令人哮喘。能温之、汗之、吐之，皆是良法。若逡巡调理，则虚喘宜之；人而羸瘦气弱，则宜灸其背腧。今考古方七首，而哮喘之大目可知矣。

麻黄汤

麻黄去节，二钱 桂枝洗净，二钱 杏仁去皮尖，七枚 甘草一钱

肺部原有风痰，背腧复感寒邪而成哮喘者，此方主之。

背腧者，背间之腧穴，主输脏气者也。一受风寒，则脏气为寒邪所闭，不得宣越，故作哮喘。麻黄之辛，能开腠散寒；桂枝之温，能解肌疏表；杏仁微辛，入肺利气；甘草甘平，调中发散。

瓜蒂散

甜瓜蒂七枚为末

大豆煎汤调下五分。

凡病胸膈，气塞不通者，此方三吐之。

苦能涌泄，故用瓜蒂以吐之；甘能谓胃，故用大豆以和之。

定喘汤

白果二十一枚，炒黄色 黄芩炒 杏仁去皮尖，各一钱五分 桑白皮五钱，蜜炙 苏子二钱 甘草一钱 麻黄去节 半夏法制 款冬花各三钱

肺虚感寒，气逆膈热，作哮喘者，此方主之。

声粗者为哮，外感有余之疾也，宜用表散；气促者为喘，肺虚不足之证也，宜用里

药。寒束于表，阳气不得泄越，故上逆；气并于膈，为阳中之阳，故令热。是方也，麻黄、杏仁、甘草，辛甘发散之物也，可以疏表而定哮；白果、款花、桑皮，清金保肺之物也，可以安里而定喘；苏子能降气，半夏能散逆，黄芩能去热。

五味子汤

五味子半两，炒 人参去芦 麦门冬去心 杏仁去皮尖 陈皮去白 生姜各二钱

肺虚作喘，脉大者，此方主之。

喘则气耗，五味子所以收之；虚则喘促，人参所以补之；肺喜润，故用麦冬、杏仁；气喜利，故用陈皮、生姜。

附子理中汤

人参 甘草炙 附子制 干姜炒 白术炒，各一钱

脾肺虚寒，痰涎壅塞，少有动作，喘嗽频促，脉来迟细者，此方主之。

此证为虚而脉为寒也。虚则宜补，参、术、甘草所以补虚；寒则宜温，干姜、附子所以温寒。

六君子汤

人参 白术 茯苓 甘草 半夏 陈皮 气虚痰喘者，此方主之。

气壮则痰行，气虚则痰滞。痰遮气道，故令人喘。甘者可以补气，参、苓、术、草，皆甘物也；辛者可以治痰，半夏、陈皮，皆辛物也。用甘则气不虚，用辛则痰不滞，气利痰行，胡喘之有？或恶人参之补而去之，此不知虚实之妙者也。

久喘良方

用青皮一枚，展开去穰，入江子一个，将麻线系定，火上烧尽烟，留性为末，生姜汁和酒一杯，呷服之。

《名医录》云：李翰林，天台人，有莫生

患喘病求医。李云：病日久矣，我与治之。乃用前方，过口便定，实神方也。昆谓久喘者，肺分有顽痰结气，青皮能破气，江子能攻痰，然其性悍厉，善于走下耳，未可以疗上部也。今用烧灰存性，则大毒已去，所存者几希耳。新烧火性炎上，可使成功于膈；佐之以姜汁，则顽痰易利；行之以酒，则无所不之。姜、酒既行，二物善降，久喘之患，可使愈于一旦，非良方而何？

咳嗽门第十七

叙曰：新咳易愈，久咳难愈。所以难愈者，病邪传变而深入也。经曰：五脏六腑，皆令人咳，非独肺也。是受邪之原亦多矣，岂可以易与乎？今考十五方，率举其大耳。至子诸邪杂揉，则轻重标本，在人心权度而已，乌能编简尽耶？

消风百解散

荆芥 麻黄去节 陈皮去白 苍术泔浸七日 白芷 甘草等分

伤风咳嗽者，此方主之。

有头疼发热，鼻塞声重者，伤风咳嗽也。伤风宜解肌，咳嗽宜利气。荆芥、白芷、麻黄，可以解肌；陈皮、苍术、甘草，可以利气。经曰：辛甘发散为阳。夫六物皆辛甘，则皆解散矣。然能解散，便能利气；能利气，便能解散。其理恒相通者也。

金沸草散

前胡 旋覆花各一两 赤芍药炒 甘草各一钱 半夏五钱，制 荆芥穗一两半 赤茯苓六钱半

因风咳嗽生痰者，此方主之。

风盛则气壅，气壅则痰上，痰上则咳嗽。前胡、旋覆，治风面兼行痰；荆芥、甘草，消风而兼利气；半夏治痰，兼破气逆；赤芍调荣，兼能制急；茯苓用赤，入丙丁也。

五苓散

茯苓 猪苓 泽泻 白术 桂心
水寒射肺而成咳者，此方主之。

上焦有火，渴饮凉水，水为火格，不得润下，停留于膈，水寒射肺，故令人咳。淡足以渗水，故用茯苓、猪苓、泽泻、白术；辛温足以散寒，故用桂心。向非水寒为患，则五苓非所宜矣。有表证者，以伤寒门小青龙汤主之。

丁香半夏丸

槟榔三钱 细辛 干姜炒 人参各五钱
丁香 半夏各一两

脾胃虚寒，痰饮积于胸膈之间，令人咳嗽者，此方主之。

脾胃温暖，则能运行痰饮；脾胃虚寒，则痰饮停于胸膈，肺气因之不利，乃作咳嗽。咳是有声，嗽是有痰，有声有痰，名曰咳嗽。经曰：治病必求其本。证本子脾胃虚寒，则脾胃为本，咳嗽为标。故半夏之辛，所以燥脾，人参之甘，所以养胃，脾胃治则不虚；丁、姜之温，所以行痰；细辛之辛，所以散饮。辛温用则不寒，不虚不寒，则脾胃治而痰饮散，咳嗽止矣。用槟榔者，取其性重，可以坠痰，经所谓高者抑之是也。

人参蛤蚧散

人参二两 真蛤蚧一对，全者，河水浸五日，每换水洗，炙黄 杏仁去皮尖 甘草各五两 茯苓知母炒 桑白皮蜜炙 贝母各二两

二、三年肺气上喘，咳嗽脓血，满面生疮者，此方主之。

二、三年肺气上喘，则病久而肺损矣。咳嗽出脓者气病，出血者脉病也。面为清阳之分，六阳之气皆会于面，其气常实，不易受邪。今满面生疮，此正气衰而邪气盛，乃小人道长，君子道消之象也。是方也，人参益气，蛤蚧补真，杏仁利气，二母清金，桑皮

泻喘，若甘草、茯苓，乃调脾而益金之母也。又曰：蛤蚧为血气之属，能排血气之毒，故此方用之调脓理血，亦假其性而伏奇于正也。

补肺汤

人参 黄芪蜜炙 川五味炒 紫菀洗去土，各一两 桑白皮蜜炙 熟地黄各二两

咳嗽肺虚者，此方主之。

参、芪，脾胃药也。肺虚而益脾胃，乃虚则补其母也。地黄，滋肾药也。肺虚而益肾，恐其失养而盗气于母也。五味子，酸收药也。咳多必失气，故用酸以收之。紫菀凉肺中之血，桑皮清肺中之气，所谓随其实而泻也。益其所利，去其所害，则肺受益，故曰补肺。

犀角地黄汤

生犀角镑 牡丹皮各二钱五分 白芍药二钱 生地黄一两五钱

心移热于肺而咳嗽出血者，此方主之。

心，火也；肺，金也。火者金之畏，心移热于肺，乃咳嗽见火证，如吐血而赤是也，名曰贼邪，甚是难治。是方也，生犀能解心热，生地能凉心血，丹皮、芍药性寒而酸，寒则胜热，酸则入肝，用之者，以木能生火，故使二物入肝而泻肝。此拔本塞源之治也。

当归龙荟丸

当归酒洗 梔子炒黑 龙胆草酒洗 黄连炒 黄柏炒 黄芩各一两 木香一钱 麝香五分 大黄酒浸 青黛水飞 芦荟各半两

炼蜜丸之。

肝移热于肺而咳嗽者，此方主之。

咳嗽而两肋痛，多怒，脉弦者，病原于肝也。肝者将军之官，气常有余，气有余便是火，故宜泻之。是方也，芩、连、梔、柏、草龙、青黛、大黄，皆能泻火，而未必入肝；肝气躁，诸药得芦荟、麝香之躁，同气相求，可以入肝而平肝矣。然肝木为生火之本，而

诸脏之火不无相扇，诸药虽因芦荟、麝香之引而入肝，然其性各有所属，则能兼五火而治之矣。用当归为君者，以其能和五脏之阴；以木香为佐者，以其能行诸药之滞也。正考见火门。

左金丸

黄连六两 吴茱萸一两，汤泡

肝热左胁痛，咳嗽，此方主之。

左金者，黄连泻去心火，则肺金无畏，得以行金令于左以平肝，故曰左金。吴茱萸气臊味辛性热，故用之以为反佐。此方君一臣一，制小其服者，肝邪未盛也；前方证邪盛矣，故用龙、荟诸药以平之。彼之为患滋甚，自不得不用夫大队之兵也。

六味地黄丸

熟地黄八两 山药 山茱萸各四两，净肉 牡丹皮 泽泻 白茯苓各三两

肾虚移热于肺，咳嗽者，此方主之。

有足心热，内股热，腰痛，两尺脉虚大者，病原于肾虚也。熟地黄、山茱萸，味厚者也，味厚为阴中之阴，故能益肾；肾者水脏，虚则水邪归之，故用山药、茯苓以利水邪；水邪归之则生湿热，故用泽泻、丹皮以导坎中之热。滋其阴血，去其热邪，则精日生而肾不虚，病根既去，咳嗽自宁矣。正考见虚损门。

顺气消食化痰丸

制半夏 胆南星各一斤 陈皮去白 香附制 苏子沉水者 青皮去穰，炒 神曲炒 萝卜子生用 棠球肉炒 麦蘖炒 杏仁去皮尖 葛根各一两

酒食生痰，五更咳嗽，胸膈膨闷者，此方主之。

痰之原，生于湿，故用半夏、南星以燥之；痰之滞，原于气，故用香附以开之，杏仁以利之，青皮、陈皮以快之，苏子、卜子

以降之；食痰原于酒食，故用葛根以解酒，神曲、麦蘖、棠球以磨食。

琼玉膏

生地黄四斤 白茯苓十三两 人参六两
白蜜二斤

四共熬膏。

干咳嗽者，此方主之。

干咳嗽者，有声无痰之名也。火乘于肺，喉咙淫淫而痒，故令有声。病原于脾者有痰，病不由脾，故无痰也。《易》曰：燥万物者，莫燥乎火。相火一熯，则五液皆涸。此干咳之理也。生地黄能滋阴降火，白蜜能润肺生津；损其肺者益其气，故用人参；虚则补其母，故用茯苓。又地黄、白蜜皆润，铢两又多，茯苓甘而属土，用之以佐二物，此水位之下，土气乘之之义，乃立方之道也。他如火门阿胶散，主此证亦良。

润肺汤

诃子 五味子 五倍子 黄芩 甘草
咳而失声音，此方主之。

咳而失声，危证也，有肺绝之兆。酸者能收，涩者能固，三子酸而涩，则能收其肺气而固其脱矣，故此方用之。黄芩能清肺热，甘草能调肺气。此方乃劫嗽之剂也。

劫嗽丸

诃子仁 百药煎 荆芥穗等分
共为末，蜜丸噙化。

久咳失气，此药亦宜用之；新咳者不宜用也。

《内经》曰：薄之劫之。薄者，雷风相薄

之薄，药病摩荡之名也。劫者，曹沫劫盟之劫，取之不以正也。久咳失气，不用补剂，而用诃子、药煎之涩；肺有火邪，不用润剂，而用荆芥穗之辛，故曰劫也。

粉黛散

蚌粉新瓦炒红 青黛少许

用淡齏水滴麻油数点调服。

绶带李防御，京师人，初为入内医官。值嫔御阁妃苦痰嗽，终夕不寐，而浮如盘，时方有甚宠。徽宗幸其阁，见之以为虑，驰遣呼李。先数用药弗应。诏令往内东门供状，若三日不效，当诛。李忧技穷，与妻对泣，忽闻门外叫云：咳嗽药一文钱一帖，吃了今夜得睡。李使人市药十帖，其色浅碧，用淡齏水滴麻油数点调服。李疑草药性厉，并三为一自试之，既而无他，于是取三帖合为一，携入禁庭授妃，请分两服以饵。是夕嗽止，比晓面肿亦消。内侍走白，天颜绝喜，锡金帛厥值万缗。李虽幸其安，而念必宣索方书，何辞以对？殆亦死尔。命仆侍卖药人过，邀入坐，饮以巨盅。语之曰：我见邻里服嗽药多效，意欲得方，倘以传我诸物，为银百两，皆以相赠不吝。曰：一文药，安得其值如此？防御要得方，当便奉告，只蚌粉一物，新瓦炒令通红，拌青黛少许耳。扣其所从来。曰：壮而从军，老而停汰，顷见主帅有此，故剽得之，以其易办，姑藉以度余生，无他长也。李给之终身焉。昆谓：蚌粉咸而枯，能软坚痰而燥湿；青黛寒而苦，能清肺膈而除热；齏汁酸咸，亦以软痰；麻油之加，欲其就火而为向导之驱尔。

医方考 卷三

明 歙邑 吴 昆鹤皋原著
鄞县 曹赤电炳章圈点

虚损劳瘵门第十八

叙曰：百病皆足以致虚损劳瘵，治之者必究其因。是疾也，自昔神良之医，每难措手，所谓病已成而后药之，譬之渴而穿井，斗而铸兵，不亦晚乎？以故历朝医哲，撰述劳瘵方论，往往狃于隅见，大都未纯，求其发理精确，以为来学之准则者，盖无全书焉。今考四十三方，聊实诸证云尔，扩而充之，则变化百出，在人心而已。

黄 芪 汤

黄芪四两 人参 白术 桂心各二两 附子二十铢 生姜八两 大枣十枚

五脏皆有劳，劳其肺者，短气虚寒，皮毛枯涩，津液不通，气力损乏，脉来迟缓者，此方主之。

肺主气，久于悲哀喘咳，则成肺劳。肺劳故令气短而声不长。气为阳，阳虚则寒，故令虚寒。肺主皮毛，肺劳则无津液以充肤泽毛，故令枯涩。气有余则物润，津气不足，则无以化液，故令口干而津液不通；气壮则强，气馁则弱，今肺为劳伤，故气力损乏。脉来迟者为寒，缓者为虚。黄芪、人参，甘温者也，故能补气。经曰损其肺者益其气，是故用之。桂心、附子，辛热者也，气虚则阴凑之而为寒，热能壮气，是故用之。白术、姜、枣，脾胃药也。经曰：虚则调其母，脾是肺之母，是故用之。是方也，以上件皆是虚寒之证，故为合宜。若肺热脉数者，非所宜也，

合主二母散。

二 母 散

知母去毛，炒 贝母去心，略炒，各五钱
共为末。

肺劳有热，不能服补气之剂者，此方主之。

治肺有二法：气虚而阴凑之，则如前方之温补。金衰而火乘之，则如此方之滋阴。宜温补者易愈，宜滋阴者难疗。盖火来乘金，谓之贼邪，将作肺痿，甚是难治。是方也，二母皆苦寒之品，苦能坚金，寒能胜热，故昔人主之。

人参固本丸

人参二两 天门冬去心，炒 麦门冬去心，炒
生地黄净洗 熟地黄各四两

肺劳虚热，此方调之。

本，犹根也。肺主气，而气根于丹田。肺畏火，而制火必本于肾水。故用人参益气，二冬清气，熟地补肾，生地凉肾。制之为丸，用之于下，所谓壮水之主，以制阳光是也，非固本而何？或问：补肾何以用人参？余曰：大气周流，无脏不有，故人参之用，亦无处不宜。今得滋阴之品以君之，则亦下行而补下矣。

天王补心丹

人参去芦 白茯苓去皮 玄参炒 丹参炒
远志炒 桔梗各五钱 生地黄四两，净洗 五味子炒 当归酒洗 麦门冬去心，炒 天门冬去

心，炒 柏子仁炒 酸枣仁炒，各一两

过劳其心，忽忽喜忘，大便难，或时溏利，口内生疮者，此方主之。

心者，神明之脏，过于忧愁思虑，久久则成心劳。心劳则神明伤矣，故忽忽喜忘。心主血，血濡则大便润，血燥故大便难。或时溏利者，心火不足以生脾土也。口内生疮者，心虚而火内灼也。人参养心气，当归养心血，天、麦门冬所以益心津，生地、丹、玄所以解心热，柏仁、远志所以养心神，五味、枣仁所以收心液，茯苓能补虚，桔梗能利膈。诸药专于补心，劳心之人宜常服也。此方之传，未考所自。偈云：昔者志公和尚，日夕讲经，邓天子悯其劳也，锡以此方，因得名焉，载在经藏，今未辨其真伪，异日广求佛典而搜之。

犀角地黄汤

生犀角镑 生地黄 白芍药 牡丹皮

劳心动火，吐血、衄血者，此方主之。

心属火而主脉，过劳其心，则火妄动而血涌溢，越窍而出，则为吐为衄者势也。经曰：治病必求其本，故以凉心之药主之。生犀能解心热，生地能凉心血，白芍、丹皮酸寒之物也，酸者入肝，寒者胜热。所以心病而治肝者，肝是心之母，木能生火，故从肝而治之，乃迎夺之兵也。

四物梁米汤

梁米 稻米 黍米各一升 蜡如弹丸大，后入，以化度

心劳吐衄，久服寒凉之剂，因坏脾胃者，此方主之。

心是脾之母，脾是心之子。脾因寒凉而坏，则必盗母气以自养，而心益病矣，求其不殆得乎？故宜调脾益胃。调脾者，莫如谷气，故用稻、梁、黍米。复用蜡者，取其厚肠胃云尔。此疗子益母之义，昔之良医皆用之。

半夏汤

半夏制 宿姜各二两 茯苓去皮 白术土炒 杏仁去皮尖，炒 橘皮去白 芍药炒，各五钱

竹叶二十片 大枣五枚

脾劳，四肢不用，五脏皆乖，胀满肩息，舌根苦直，不能咽唾者，此方主之。

脾主消磨水谷，若劳倦之后，病瘥之余，遇适口之味，过于饜飫，脾弱不能消磨，劳于运化，久久则成脾劳。脾主四肢，故令四肢不用；五脏皆受气于脾，脾劳而伤，则五脏皆无以禀气，故乖而失其常。经曰：脾主行气于三阴。脾劳，则三阴之气皆滞塞不行，故令胀满。三阴之气至胸中而还，故令肩息。脾之经脉，上膈挟咽，连舌本，散舌下，故令舌根苦直，不能咽唾。半夏甘辛，甘则益脾，辛则散滞。宿姜等之，一以醒脾，一以制半夏之毒尔。脾喜燥而畏湿，故用白术燥脾，茯苓渗湿。脾喜通而恶塞，故用杏仁利气，橘皮泄气。竹叶气清，能去土中之火。芍药味酸，能泻土中之木。大枣之用，取其甘而益脾尔。

补中益气汤

人参 甘草炙，各一钱 升麻五分 黄芪一钱五分，炙 当归 白术炒 陈皮去白 柴胡各五分

劳倦伤脾，中气不足，懒于言语，恶食溏泄，日渐瘦弱者，此方主之。

脾主四肢，故四肢勤动不息，又遇饥馁，无谷气以养，则伤脾。伤脾故令中气不足，懒于言语。脾气不足以胜谷气，故恶食。脾弱不足以克制中宫之湿，故溏泄。脾主肌肉，故瘦弱。五味入口，甘先入脾，是方也，参、芪、归、术、甘草，皆甘物也，故可以入脾而补中气。中气者，脾胃之气也。人生与天地相似，天地之气一升，则万物皆生，天地之气一降，则万物皆死。故用升麻、柴胡为佐，以升清阳之气，所以法象乎天地之升生也。用

陈皮者，一能疏通脾胃，一能行甘温之滞也。是证黄芪建中汤亦可主用，见伤寒门。

枸杞酒

枸杞子一斗 酒一斗，同煎

肝劳，面目青，口苦，精神不守，恐畏不能独卧，目视不明者，此方主之。

肝者，将军之官，谋虑出焉，故谋而不决，拂而数怒，久久则劳其肝。肝，东方之色也，病则色征于面目，故令面日色青；口苦者，肝移热于腑而胆汁上溢也；肝藏魂，肝劳则邪居魂室，故令精神不守，且恐畏不能独卧也；肝气通于目，肝和则能辨五色矣，今肝为劳伤，故令目视不明。经曰：味为阴，味厚为阴中之阴，枸杞味厚，故足以养厥阴之阴；煮以纯酒，取其浹洽气血而已。他如六味地黄丸，亦可主用。古谓肝肾之病同一治，又谓虚则补其母，肾是肝之母，故地黄丸亦宜。

六味地黄丸加黄柏知母方

熟地黄八两 山茱萸去核，炙 山药各四两
泽泻 牡丹皮去木 白茯苓各三两 黄柏盐炒 知母盐炒，各二两

肾劳，背难俯仰，小便不利，有余沥，囊湿生疮，小腹里急，便赤黄者，此方主之。

肾者，藏精之脏也。若人强力入房，以竭其精，久久则成肾劳。肾主精，精主封填骨髓，肾精以入房而竭，则骨髓日枯矣，故背难俯仰。前阴者，肾之窍，肾气足，则能管摄小便，而溺溺惟宜。肾气怯，则欲便而不利，既便而有余沥，斯之谓失其开合之常也。肾者水脏，传化失宜，则水气留之，水气留之，则生湿热，故令囊湿生疮也。小腹里急者，此真水枯而真火无制。真水枯，则命门之相火无所畏，真火无制，故灼膀胱少腹之筋膜而作里急也。便赤黄者，亦皆火之所为。熟地、山萸，味厚者也，味厚为阴中之阴，故足以补肾间之阴血。山药、茯苓，甘

淡者也，甘能制湿，淡能渗湿，故足以去肾虚之阴湿。泽泻、丹皮，咸寒者也，咸能润下，寒能胜热，故足以去肾间之湿热。黄柏、知母，苦润者也，润能滋阴，苦能济火，故足以服龙雷之相火。夫去其灼阴之火，滋其济火之水，则肾间之精血日生矣。王冰曰：壮水之主，以制阳光。此之谓也。

猪膏酒

猪膏 姜汁各二升，熬取三升再入酒 酒五合和煎，分三服。

五劳之外，又称六极。筋极之状，令人数转筋，十指爪甲皆痛，苦倦不能久立，宜此方主之。

筋极者，数劳四肢，筋液耗竭，名曰筋极。极者，甚于劳之名也。筋既竭其津液，则失其润养，面作劲急，故令人数转筋也。爪甲，筋之余也，筋属木，木极则金承之，故令十指爪甲皆痛，亦枝枯萌萎之象也。苦倦不能久立者，筋败不能束骨也。是疾也，若以草木之药治之，卒难责效。师曰：膏以养筋，故假猪膏以润养之。等以姜汁者。非辛不足以达四末故也。复熬以酒者，以酒性善行，能浹洽气血，无所不之，故用之以为煎也。

人参养荣汤

人参去芦 黄芪炙 陈皮 白芍药酒炒
当归酒洗 甘草炙 白茯苓 五味子炒 远志去心 白术炒 桂心 熟地黄

脉极者，忽忽喜忘，少颜色，眉发堕落，此方主之。

脉者，血之府。脉极者，血脉空虚之极也，此由失血所致。心主血脉，脉极则无血以养心，故令忽忽喜忘。荣血有余，则令人悦泽颜色，荣血不足，则令人色夭而颜色少也。眉发者，血之所养，养血不足，故令眉发堕落。人参、黄芪、白术、茯苓、甘草、陈皮，皆补气药也，荣血不足而补气，此《大

易》之教，阴生于阳之义也。阴者，五脏之所主，故用当归泽脾，芍药调肝，熟地滋肾，五味益肺，远志宁心，五脏和而阴血自生矣。桂性辛热，热者入心而益火，辛者入经而利血，又心为生脉之原，故假之引诸药入心而养荣血于脉耳。

十全大补汤

人参 黄芪 白术 白芍药 熟地黄
茯苓 当归 川芎 甘草各等分 桂心少许

肉极者，肌肉消瘦，皮肤枯槁，此方主之。

肉极由于阴火久灼者难治，宜别主六味地黄丸。若由饮食劳倦伤脾而致肉极者，宜大补气血以充之。经曰：气主煦之，血主濡之。故用人参、白术、黄芪、茯苓、甘草甘温之品以补气，气盛则能充实于肌肉矣。用当归、川芎、芍药、地黄、肉桂味厚之品以补血，血生则能润泽其枯矣。

生脉散

人参 麦门冬去心 五味子炒，等分

气极者，正气少，邪气多，多喘少言，此方主之。

肺主气，正气少，故少言。邪气多，故多喘。此小入道长，君子道消之象也。人参补肺气，麦冬清肺气，五味敛肺气，一补一清一敛，养气之道毕矣。名曰生脉者，以脉得气则充，失气则弱，故名之。东垣云：夏月服生脉散，加黄芪、甘草，令人气力涌出。若东垣者，可以医气极矣。

虎骨酒

虎骨一具，通炙，取黄焦，汁尽，碎如雀脑 糯米三石，入虎骨，倍用曲，如酿酒法酿之，酒熟封头，五十日开饮之

骨极者，腰脊酸削，齿痛，手足烦疼，不欲行动，此方主之。

肾主骨，骨极者，骨内空虚之极也，故

令腰脊酸削。齿者，骨之余，故齿亦痛。手足烦疼，不欲行动，皆骨内空虚之征也。以骨治骨，求其类也。以虎骨治骨，取其壮也。酿之以酒者，取酒性善渍，直澈于骨也。褚澄云：男子天癸未至而御女，则四肢有未满之处，异日必有难状之疾。其骨极之类乎。

龟鹿二仙胶

鹿角血取者，十斤 龟板五斤 枸杞子三十两人参十五两

上件用铅坛如法熬胶，初服酒化钱半，渐加至三钱，空心下。

精极者，梦泄遗精，瘦削少气，目视不明，此方主之。

精、气、神，有身之三宝也。师曰：精生气，气生神，是以精极则无以生气，故令瘦削少气。气少则无以生神，故令目视不明。龟、鹿禀阴气之最完者，其角与板，又其身聚气之最胜者，故取其胶以补阴精。用血气之属剂而补之，所谓补以类也。人参善于固气，气固则精不遗。枸杞善于滋阴，阴滋则火不泄。此药行则精日生，气日壮，神日旺矣。

加味逍遥散

当归 白芍药 白术 柴胡 茯苓 甘草各一钱 丹皮 山栀各七分

六极之外，又有七伤。一曰大怒逆气伤肝。肝伤则少血目暗，宜此方主之。

经曰：肝者，将军之官，故主怒。怒则气逆，气逆则血亦逆，故少血。眼者，肝之窍。又曰：目得血而能视。今肝伤少血，故令目暗。越人云：东方常实，故肝脏有泻而无补，即使逆气自伤，疏之即所以补之也。此方名曰逍遥，亦是疏散之意。柴胡能升，所以达其逆也。芍药能收，所以损其过也。丹、栀能泻，所以伐其实也。木盛则土衰，白术、甘草，扶其所不胜也。肝伤则血病，当归所以养其血也。木实则火燥，茯苓所以宁其心

也。

安神丸

黄连一两五钱，酒润 朱砂一两水飞 当归酒洗 生地黄酒洗 炙甘草各五钱

二曰：忧愁思虑伤心。心伤则苦惊喜忘，夜不能寐，此方主之。

忧愁思虑，则火起于心，心伤则神不安，故苦惊。心主血，心伤则血不足，故喜忘。心愈伤，则忧愁思虑愈不能去，故夜不能寐。苦可以泻火，故用黄连。重可以镇心，故用朱砂。生地凉心，当归养血。炙甘草者，所以益脾。脾是心之子，用之欲其不食气于母故尔。

归脾汤

人参 白茯苓 龙眼肉 酸枣仁 黄芪 白术各二钱 远志一钱 木香 炙甘草 当归各五分

三曰：饮食太饱伤脾。脾伤则面黄善卧，宜此方主之。

脾者，仓廪之官，故饮食太饱则伤之。中央土色，入通于脾，脾伤则其本色自见，故面黄。神者，中气之所生，脾伤则神亦倦，故善卧。《内经》曰：五味入口，甘先入脾。参、芪、苓、术、甘草，皆甘物也，故用之以补脾。虚则补其母，龙眼肉、酸枣仁、远志，所以养心而补母。脾气喜快，故用木香。脾苦亡血，故用当归。此主食去脾伤之方也，若停食之方，则以消磨之剂主之，而不专于补益矣。

附子理中汤

人参 甘草炙 附子制 干姜炒 白术

四曰：形寒饮冷伤肺。肺伤则短气咳嗽，脉来微迟者，宜此方主之。

形寒者，形气虚寒也。饮冷者，复饮冷物也。热则气壮，寒则气怯，今肺为寒冷所伤，故令气短；水寒射肺，肺不能容，故令

咳嗽。脉来微者为虚，迟者为寒。损其肺者益其气，故用参、术、甘草。寒者温之，故用附子、干姜。

白通加人尿猪胆汁汤

葱白四茎 干姜一两 附子一枚 人尿五合 猪胆汁一合

五曰：久坐湿地伤肾。肾伤则短气腰痛，厥逆下冷，阴脉微者，宜此方主之。

肾者，水脏；湿，其类也，故感之易入而易伤。凡人呼吸之气，呼出心与肺，吸入肾与肝，肾伤则吸微，故令短气。腰者，肾之府，肾伤而腰痛者，其势也。湿为阴，其气寒，阴并于下，则阳格于上，故厥逆而下冷。尺为阴，阴脉微者，下部寒也。干姜、附子，热物也，可以回阳燥湿。师曰：太阳中天，则寒者温，湿者燥。故姜、附可以治寒湿。葱白辛温，可使通肾气。人尿、猪胆，性寒而质阴，用之者，一可以制姜、附之热而不使其燥烈于上焦无病之分，一可以同寒湿之性而引姜、附直达下焦受病之区。此佐以所利，和以所宜，乃兵家之向导也。

玉屏风散

黄芪 防风各一两 白术二两

六曰：风雨寒湿伤形。形伤则皮肤枯槁，宜此方主之。

外冒风雨，则寒湿不免矣，以外得之，故令伤形而皮肤枯槁。然皮肤之间，卫气之所居也。《灵枢经》曰：卫气者，所以温分肉，充皮肤，肥腠理，而司开阖者也。故峻补其卫气，而形斯复矣。黄芪甘温，补表之圣药也，得防风而功愈速，故以防风等之。白术益脾，脾主肌肉，故以白术倍之。三药者皆补气之品。《内经》曰：形不足者，温之以气。此之谓也。方名曰玉屏风，亦是以其补益卫气，足以为吾身之倚靠尔。

升阳益胃汤

羌活 独活 防风 柴胡 白术 茯苓

黄芪 人参 半夏 甘草 陈皮 黄连
泽泻 白芍药

七曰：大怒恐惧伤志。志伤则恍惚不乐，宜此方主之。

怒则气上，恐则气下，一怒一恐，拂于膻中，则志意不得舒畅，故曰伤志。志者，肾之所主，而畅于膻中。膻中者，两乳之间，心君之分也。心者，神明之所出，故令恍惚；膻中者，喜乐之所出，故令不乐。下者举之，郁者达之，故用羌活、独活、防风、柴胡升举之品。气乖于中，脾胃受病，故用参、芪、苓、苓、橘、半、甘、芍调胃之品。方内有泽泻，则陷下之邪可泄。方内有黄连，则膻中之逆可平。

磁石 火内煨红，入醋淬七次，为末入药

古人于肾虚腰疼方中每用磁石，时方多不用之。然磁石性能引铁，则用之者，亦是假其引肺金之气入肾，使其子母相生尔。水得金而清，则相火不攻自去矣。呜呼！医之神妙，在于幽微，此言可与知者道也。

六味地黄丸

熟地黄八两 山茱萸肉 山药各四两 白茯苓去皮 牡丹皮 泽泻各三两

肾虚不能制火者，此方主之。

肾非独水也，命门之火并焉。肾不虚，则水足以制火，虚则火无所制，而热证生矣。名之曰阴虚火动。河间氏所谓肾虚则热是也。今人足心热，阴股热，腰脊痛，率是此证。老人得之为顺，少年得之为逆，乃咳血之渐也。熟地黄、山茱萸味厚者也。经曰：味厚为阴中之阴，故能滋少阴，补肾水。泽泻味甘咸寒，甘从湿化，咸从水化，寒从阴化，故能入水脏而泻水中之火。丹皮气寒味苦辛，寒能胜热，苦能入血，辛能生水，故能益少阴，平虚热。山药、茯苓，味甘者也，甘从土化，土能防水，故用之以制水脏之邪，且益脾胃而培万物之母也。互考见咳嗽门。

崔氏八味丸

淮熟地黄八两 山茱萸肉 山药各四两
牡丹皮 白茯苓 泽泻各三两 肉桂 附子各一两

肾间水火俱虚者，此方主之。

君子观象于坎，而知肾俱水火之道焉，故曰七节之旁，中有小心。小心，少火也。又曰：肾有两枚，左为肾，右为命门。命门，相火也，相火即少火耳。夫一阳居于二阴为坎，水火并而为肾，此人生与天地相似也。今人入房盛而阳事愈举者，阴虚火动也。阳事先萎者，命门火衰也。真水竭，则隆冬不寒。真火息，则盛夏不热，故人乐有药饵焉。是方也，熟地、山萸、丹皮、泽泻、山药、茯苓，前之地黄丸也，所以益少阴肾水。肉桂、附子，辛热物也，所以益命门相火。水火得其养，则二肾复其天矣。互考见小便不禁门。

补 肾 丸

杜仲姜汁炒 牛膝 陈皮各二两 黄柏盐酒炒 龟板酥炙，各四两 夏加五味子一两，炒 冬加干姜五钱

此亦滋肾阴之方也。

黄柏、龟板、杜仲、牛膝，皆濡润味厚物也，故能降而补阴。复用陈皮，假以疏滞。夏加五味者，扶其不胜之金也。冬加干姜者，壮其无光之火也。经曰：无伐天和，此之谓尔。

补 天 丸

黄柏 龟板各四两 杜仲 牛膝 陈皮各二两 夏加五味子炒，一两 冬加干姜五钱 人胞一具，酒洗，蒸烂捣丸

男女交合非时，天癸虚损者，此方主之。

此即前方补肾丸加人胞也。天癸者，男之精，女之血，先天得之以成形，后天得之以有生者也，故曰天癸。补肾丸，前考已悉。人胞者，亦精血之所融结，乃无极之极未生

之天也。已生之后，天癸虚损，补以草木之药，非其类也，卒难责效。人胞名曰混沌皮，则亦天耳。以先天之天，而补后天之天，所谓补以类也，故曰补天。

虎潜丸 一名补阴丸

黄柏盐酒炒 知母炒 熟地黄各三两 龟板四两，酥炙 虎胫骨一两，酥炙 锁阳 当归各一两半 陈皮去白 白芍药酒炒 牛膝各二两 羊肉为丸。

此亦治阴分精血虚损之方也。

虎，阴也。潜，藏也。是方欲封闭精血，故曰虎潜。人之一身，阳常有余，阴常不足，黄柏、知母，所以滋阴。地黄、归、芍，所以养血。牛膝能引诸药下行，锁阳能使阴精不泄。龟得天地之阴气最厚，故用以补阴。虎得天地之阴气最强，故用以壮骨。陈皮所以行滞，而羊肉之用，取其补也。互考见疝门。

滋阴大补丸

熟地黄二两 川牛膝 山药各一两五钱 山茱萸肉 杜仲姜汁炒，去丝 白茯苓 巴戟天去心 五味子炒 小茴香炒 肉苁蓉 远志去心，各一两 石菖蒲 枸杞子各五钱

红枣肉为丸。

此阴阳平补之剂也。

地黄、牛膝、杜仲、山萸、五味、枸杞，滋阴药也。巴戟、苁蓉、茴香、远志、石蒲、山药、茯苓、红枣，养阳药也。滋阴者润而不寒，养阳者温而不热。丹溪翁立方之稳，大都如此。中年之人，服之殊当。

补火丸

生硫黄一斤 猪脏二尺

将硫黄为细末，尽实脏中，烂煮二时取出，去脏蒸饼为丸，如梧子大。每服十丸，日渐加之。

冷劳病瘵，血气枯竭，齿落不已，四肢倦怠，语言不足者，此方主之。

凡人之身，有真火焉，寄于右肾，行于三焦，出入于甲胆，听命于天君，所以温百骸，养脏腑，充七窍者，皆此火也。是火也，万物之父，故曰：天非此火不足以生万物，人非此火不能以有生。若此火一熄，则万物无父，故肉衰而瘠，血衰而枯，骨衰而肉落，筋衰而肢倦，气衰而音微矣。硫黄，火之精也，故用之以补火，然其性过热有毒，故用猪脏烂煮以解之。或曰：世方以寒凉之品治劳，而硫黄又世人罕用，今治劳而用之，谁不惊异？余曰：寒因热用，热因寒用，有熊氏之经也：《汤液》云：硫黄亦号将军，能破邪归正，返滞还清，挺出阳精，消阴化魄而生魂。则先医亦尝颂之矣。戴元礼氏，丹溪之高弟也。有言曰：诸寒凉皆滞，惟有黄连寒而不滞。诸热药皆燥，惟有硫黄热而不燥。则戴氏亦尝颂之矣。奈何拂吾心之理而求同俗乎？昔仁和吏早衰，服之年逾九十，此往昔之验也，表之《类编》。他如范文正公之金液丹，《得效》之玉真丸，《和剂》之来复丹、半硫丸、灵砂丹，《百选》之二气丹，《活人》之返阴丹，杨氏之紫霞丹，往往皆用之，但其所主者，各有攸当，兹不赘尔。

凡服硫黄者，忌猪血、羊血、牛血及诸禽兽之血。慎之！

石膏散

石膏一味，细末如面，每夕新汲水服方寸匕，取身无热为度。

热劳，附骨蒸热，四肢微瘦，有汗脉长者，此方主之。

热劳之证，岂曰尽属阴虚，亦有阳邪外袭，传入于骨，不能泄越，内作骨蒸，令人先寒后热，久久渐成羸瘦。有汗者，胃家实也。脉长者，阳邪证也。石膏寒而清肃者也，可以疗里热。以故《外台》集之，处州吴医用之，睦州郑迪功之妻验之，《名医录》载之，所以开蒙后学也至矣。或问：东垣言血虚身热，证象白虎，误服白虎者必死，非石膏之

谓乎？余曰：若新产失血、饥困劳倦之病，合禁用之。若内热有汗，脉长者，则不在禁也。

甘 梨 浆

劳瘵脉数，燥渴日瘦者，宜服之。盖天一生水，所以养万物者也，若火盛而水灭，令入五液干枯，则甘梨浆可以急救之。此物匪惟可以救急，曾有回生起死者。师云：生用之可以凉五火，熟用之可以滋五脏。

童 便

咳血者，以童便一物主之。

咳血是肺中有窍。肺是清虚之脏，纤芥不容，一有其窍，则血渗入肺矣。愈渗愈咳，愈咳愈渗，此为难治。褚澄云：以寒凉治之，百不一生。以溲溺治之，百不一死。故特表而出之。又曰：血虽阴类，运之者其和阳乎！所以示入者深矣。

股 肉

割股之事，古昔有之。盖贤妇急于舅姑夫子之疾，而祈一念以格天尔。至唐开元间，陈藏器撰《本草拾遗》云：入肉治瘵疾。自是闻閭益多割股，至有假名干誉而为之者。呜呼！同类固不可食，亏体岂曰事亲？且俞、扁、淳、华，上世神良之医也，未闻用入肉以治疾，而闵损、曾参之孝，亦未尝割股，所以来要名之行者，藏器其作之矣。

柴前梅连散

柴胡 前胡 乌梅 胡黄连各三钱 猪胆一枚 猪髓一条 韭白五分 童便二盏

风劳骨蒸，久而不痊，咳嗽吐血，盗汗遗精，脉来弦数者，此方主之。

此治因风成劳者也。盖风者百病之长，乃天之阳气也，主疏泄万物，故在表则令人出汗，在肺则令人咳嗽，在肝则令人吐血，在肾则令人遗精，附骨则令人蒸热盗汗。是论也，《灵枢》函其妙，自汉、唐以至宋、元诸

医，皆未竟其说，无惑乎治劳瘵者之难其人也。柴胡解不表不里之风，胡连清入肌附骨之热，前胡主脾肺表里之邪。褚澄氏曰：酸能入骨，则乌梅之用，亦可以收敛骨蒸。猪胆所以养阴，猪髓所以养骨，童便所以济火。韭白辛热，少用之以使向导。经曰：甚者从之。此之谓也。

秦艽鳖甲散

秦艽 知母 当归各半两 鳖甲一两 乌梅一枚 青蒿五叶 柴胡 地骨皮各一两

风劳骨蒸壮热，肌肉消瘦，此方主之。

风，阳气也。故在表则表热，在里则里热，附骨则骨蒸壮热，久蒸则肌肉消瘦。无风不作骨蒸，此昆之立言也。罗谦甫氏之主此方，盖有神契者矣。柴胡、秦艽，风药也，能驱肌骨之风。骨皮、知母，寒品也，能疗肌骨之热。鳖，阴类也。甲，骨属也。骨以及骨，则能为诸药之向导。阴以养阴，则能退阴分之骨蒸。乌梅味酸，能引诸药入骨而收其热。青蒿苦辛，能从诸药入肌而解其蒸。复有当归，一以养血，一以导诸药入血而除热于阴尔。

柴 胡

《衍义》云：柴胡，《本经》并无一字治劳。今入治劳方中鲜有不用者，凡此误世甚多。斯言也，谓病原不同，不可一概而施之尔！故又继之曰：如经验方中治劳热青蒿煎丸，用柴胡正合宜耳。又尾之曰：服之无有不效。世人因前言而概不用柴胡，虽当用者亦必不用。呜呼！藏器一言，举世割股。丹溪一出，众口滋阴。《衍义》片词，柴胡未弃，更不求其证脉而可否之。此之谓侏儒观场，随众喧喝尔，求其真知则未也。

三 黄 丸

黄芩酒炒，春四、夏秋六、冬二两 黄连酒炒，春四、夏五、秋三、冬一两 大黄酒浸，九蒸晒，春三、秋

二、夏一、冬五两

消渴羸瘦，不生肌肉，其人善谷者，此方主之。

上件皆火证也。火炎则水干，故令消渴。燥万物者，莫燥乎火，故令羸瘦，不生肌肉。火甚则速于传化，故善谷。芩、连、大黄，苦寒物也。寒能胜热，苦能泻火，火去而阴自生，阴生而肌肉自长矣。

麦煎散

鳖甲醋炙 柴胡 生地黄 大黄煨 常山 当归 赤茯苓 干漆炒焦 石膏各一两 白术 甘草各半两 小麦五十粒

有汗加麻黄根一两，共为末，每服三钱。

少男、室女、孀妇郁劳，骨蒸内热，风血攻疰四肢者，此方主之。

此攻郁劳之方也。少男思其女而不得，则有留精。室女思其男而不得，则有留血。孀妇有所思，则气结而有留瘀。其理一而已。谓之留者，精血已离其位，但留于经脉关要之区，阴塞气血留行之道也。气，阳也，阻而塞之，则积阳为热，故令蒸蒸骨热。血，阴也，阻而塞之，则积阴为疰，故令四肢攻疰。曰风血攻疰四肢者，风血内搏，四肢无力，而倦怠浮肿也。鳖甲、干漆，攻坚削积之品也，所以治精血之留结。柴胡、石膏，解肌清热之药也，所以去骨蒸之内热。思则火结于心包，故用常山以开其结；郁则气留于六腑，故用大黄以推其陈；当归、生地，生新血也。白术、甘草，致新气也。赤茯苓所以导丙丁之邪。浮小麦所以止骨蒸之汗。而麻黄根之加，乃以其形中闭，为止汗之最捷尔。东坡云：此黄州吴判官之方也，疗骨蒸肌热盗汗极效。吴君宝之，不肯妄传也。虽然，此攻击之剂，惟少男、室女、孀妇真气完固，始可用之。若男妇交接气弱者，犹禁与也。

桃仁丸

桃仁一百二十枚，去皮尖，双仁不用

只此一味杵丸，平旦井花水下，隔日一服，百日不得食肉。

骨蒸日久者，此方主之。

骨蒸日久，则络有留血，不去其瘀，诸药不效。《外台》此方，以桃仁独味为丸，所以消留瘀也，亦是超人之见。

大黄廬虫丸

大黄十两，蒸 黄芩二两，炒 干地黄半两 杏仁去皮尖 蛭炒 虻虫去翅足，炒各一升 甘草二两 干漆炒 桃仁去皮尖，各一两 芍药四两 水蛭百枚，炙黄 廬虫去头足，半升

上十二味为末，蜜丸如小豆大。日三服，每服酒下五丸。

仲景云：五劳虚极羸瘦，腹满不能饮食，食伤，忧伤，饮伤，房室伤，饥伤，劳伤，经络营卫气伤，内有干血，肌肤甲错，两目暗黑。缓中补虚，大黄廬虫丸主之。

夫浊阴不降，则清阳不升者，天地之道也。小人不退，则君子不进者，家国之道理也。故蒸热之久，内有干血，干血不去，则新血不生者，人身之道也。是方也，干漆、桃仁、虻虫、水蛭、蛭炒、廬虫，去干血之品也。君以大黄，是听令于将军矣。佐以芍药、地黄，生新血也。佐以杏仁、甘草，致新气也。佐以黄芩，驱游热而坚肠胃也。仲景为百代医宗，良有识矣。今世人一遇五劳羸瘦，用滋阴而不愈，则坐以待毙。呜呼！术岂止于此耶？

百劳丸

当归炒 乳香 没药 人参各一钱 大黄四钱，蒸 水蛭炙黄 虻虫去翅足，炒，各十四枚

上为末，炼蜜作丸如梧子大，都作一服，可百丸，五更百劳水下，取下恶物为度。服白粥十日。百劳水者，用杓扬之百遍，即甘澜水也。

一切劳瘵积滞，不经药而成坏证者，此方主之。

此齐大夫传张仲景之方也。疾不经药而成坏证，则中气尚未坏也。有积滞者，蒸热之久，内仍干血也。故乳香、没药、大黄、廑虫、水蛭，皆消瘀逐败之品。用当归所以生新血，用人参所以固元气耳。此与廑虫丸若合一辙，皆推陈致新之义也。

五尸传疰门第十九

叙曰：五疰之说，惟古昔神良之医言之，未登神良之堂者鲜不起而笑之矣。呜呼！知鬼神之原者，自昔难之，彼笑者，未必其无见也，盖曰：拘于鬼神者，不足以言至德云尔。今著六考，益滋斯世之笑，不笑者尚谓我哉！

死人枕即死人脑后骨也。得半朽者良。用毕置之原处。

病人颜色、声音、形、证与脉不合于病者，名曰鬼疰，宜此方主之。

鬼疰，是病人为邪鬼所凭而致疾也。颜色不合于病者，面生五色而含愧赧也。声音不合于病者，语言不伦于理，而涉幽微也。形不合于病者，动摇跳跃而无内热也；证不合于病者，为患诡异，不合于病情也。脉不合于病者，乍大乍小，乍长乍短也。凡此五者，不必悉备，但有一焉，便为鬼疰，即邪祟之谓也。然人鬼异途，不相为类，鬼亦何乐于附人哉？能引之以类，则脱然舍人而就鬼矣。故死人枕，鬼物也，以此物煎汤饮之，则鬼邪触类而出，大泻数行而愈者势也。此之谓病气衰去，归其所宗。用毕即以其枕送还原处者，一则使邪疰之气有所依归，一则勿以疗人而伤鬼也。古有徐嗣伯、刘大用者，常验之矣。志之于后，以便观者。

徐嗣伯者，刘宋时人，徐文伯之弟也。有人患滞冷，积年不瘥。嗣伯诊之曰：尸疰也，当得死人枕煮服之。于是往古冢取枕。枕已

一边腐缺，煮服之即瘥。后秣陵人张景，年十五，腹胀面黄，众医不能疗，以问嗣伯，嗣伯曰：此石蛔耳，极难疗，当得死人枕煮服之。依语煮枕，以汤投之，下蛔虫头坚如石者五升，病即瘥。后沈僧翼患眼痛，又多见鬼物，以问嗣伯。嗣伯曰：邪气入肝，可觅死人枕煮服之，服竟可埋枕于故处。如其言又愈。王晏问之曰：三病不同，而皆用死人枕而俱瘥者，何也？答曰：尸疰者，鬼气状而未起，故令人沉滞，得死人枕促之，魂气飞越，不得复附体，故尸疰可瘥；石蛔者，久蛔也，医疗既癖，蛔虫转坚，世间药不能遣，所以须鬼物驱之，然后可散，故令煮死人枕也；夫邪气入肝，故使眼痛而见魍魉，应须鬼物以勾之，故用死人枕也。气因枕去，故复埋于冢间。

宋季韶州南七十里，乡曰古田，有富家妇入抱异疾，常日无他苦，每遇微风吹拂，则股间有一点奇痒，搔不停手，已而举体皆然。逮于发厥，三日醒，及坐有声如咳，其身乍前乍后，若摇拽之状，率以百数始定。又经日困卧不知人，累夕方愈，至不敢出户，更十医弗效。刘大用视之曰：吾行其证矣，先与药一服，取数珠一串来。病家莫知何用也。当妇人摇动时，记而数之，觉微减。然后云：是名鬼疰，因入神庙，为邪鬼所凭，致精采荡越，法当用死人枕煎汤饮之。既饮，大泻数行，宿疴脱然。大用云：枕用毕，即送还原处，迟留则令人癫狂，但借其气耳。昆谓二医者，古昔神良之流也，知鬼神之原，故能察识异疾。诸医以口耳之识，执方以治之，其不效也固宜！

獾 肝

葛洪云：鬼疰是五尸之一疰，其病变动有若干种，大略使人寒热淋漓，沉沉默默，不得知所苦，无处不恶，积年累月，渐就沉滞，以至于死。传于傍人，乃至灭门。觉如是候者，急治獾肝一具，阴干杵末，服方寸匕，日

三，未止再作。《肘后》亦云此方神良。夫獭，一兽也，其肝能治鬼疟，此何以故哉？凡物恶人而辟处，夜出而昼伏者，皆阴类也。以阴类而治幽隐之疾，《大易》所谓同气相求，《内经》所谓衰之以属是也。獭有五脏六腑，而独用其肝者，肝为厥阴，其上藏魂，用之尤精良也。谚称鸱枭能疗心头气痛，亦是假阴类以疗幽隐尔。

獭 爪 屑

许学士《本事方》云：宣和间，天庆观一法师，行考石极精严，时一妇人投状，率患人所附。须臾召至附语云：非我为患，别是一鬼，亦因病人命衰为祟耳。渠今已成形，在患人肺中，为虫食其肺系，故令吐血声嘶。师掠之，此虫还有畏忌否？久而无语。再掠之，良久云：容某说，惟畏獭爪屑为末，酒调服之，则去矣。患家如其言而得愈。此予所目见者也。夫獭肝、獭爪，一体也。肝极獭之阴，爪极獭之阳，肝蕴獭之精，爪利獭之用，故皆为尽妙。

鳗 煎

《稽神录》云：有人多得劳疾，相因传死者数人。后一女子病，生置之柜中，钉之沉于江，冀绝传染之患。流之金山，有渔人异之，引至岸，见一女子犹然活，因取置渔舍，多得鳗鲡鱼食之，病愈，遂为渔人之妻。又越州镜湖邵长者女十八，染瘵疾累年，刺灸无不求治，医亦不效。有渔人赵十煮鳗羹与食，食竟，内热之病皆无矣。世人得此二说，凡遇瘵疾，即以鳗鱼食之，率多不效。昆谓鳗鱼之性，天和则伏，风涌则动，是逐风之鳞也。若用之以疗风尸，无不愈者。若概以之治瘵，则恐不能。风尸者，五疰之一，其证淫濯四肢，不知痛之所在，每发昏沉，得风雪便作，渐就危笃，以至于死也。

传劳百一选方

天灵盖二钱，炙黄为末，年深沉泥溃朽者良 虎粪内骨一钱，酥炙。杀虎，于大肠内取者，亦可 青蛇脑小豆许，酥炙，色变为度，无此亦可 鳖甲酥炙黄色，一两，九肋者尤良 安息香半斤 桃仁一枚，去皮尖，上件皆为细末 槟榔一枚，别为细末 麝香一分，别研 青蒿六两，取近藁三四寸者 豉三百粒 葱根二十一个，拍 东引桃柳李桑枝各七茎，如箸大，长各七寸，细锉 枫叶二十一片 童子小便半升

上件，先将青蒿、桃柳李桑枝、枫叶、葱、豉，以官升量水三升，煎至半升许，去渣，入天灵盖、虎粪内骨、青蛇脑、鳖甲、安息香、桃仁、童子小便，同煎取汁，去渣有四五合，将槟榔、麝香同研，匀调，作一服。早晨温服，被覆取汗。恐汗内有细虫，以帛拭之，即焚。相次须泻，必有虫下，如未死，以大火焚，并弃长流水内。所用药，切不得令病人知，日后亦然。十来日后，气体复原，再进一服，皆如前法，至无虫而止。

《百一选方》云：袁州寄居武节郎李应，本湘州法司，有男女三人，长子因议买宅，入无人所居之室，忽觉心动，背寒凛凛，遂成瘵疾，既死。次女寻病，又传于第三子，证候一同。应大恐，每日祈神设饭，以斋云水，冀遇异人，且许谢钱三十万。后遇一道人，传以此方，不受一钱而去，且教以祈于城隍，以为阴助。遂如其言，下虫七枚，其色如红燠肉而腹白，长约一寸，阔七八分，前锐后方，腹下近前有口，身之四周有足，若鱼骨，细如针尖而曲，已死。试取火焚之，以铁火箸扎刺不能入，病势顿减。后又用一剂，得小虫四枚，自此遂安。昆谓天灵盖，人虫之尸物也。虎粪内骨，毛虫之尸物也。青蛇脑，鳞虫之尸物也。鳖甲，介虫之尸物也。二五之精，各从其类，故假尸物以疗五尸症疾。此《大易》所谓同气相求，《内经》所谓衰之以属是也。东引桃柳李桑枝，出乎震者也，得天地升生之气，故能匡正而辟不祥。枫叶、青

蒿，相见乎离者也，得天地长养之气，故能止阳而驱邪热。葱根、豆豉，表药也，能疏腠而开鬼门。麝香、安息，窜药也，能利窍而消疟恶。槟榔能杀三虫，桃仁能除恶败。童子小便者，以其得少阳之完气，一能去邪火，一能致新气也。

苏合香丸

白术炒 青木香 乌犀角 香附子炒，去毛 丁香 朱砂研，水飞 诃梨勒根，去皮 白檀香 安息香另为末，无灰酒一升熬膏 麝香研 华拨 龙脑研 沉香各二两 薰陆香另研，一两

苏合香油入安息香膏内

蜜丸蜡固听用。

古称尸疰有五，飞尸、遁尸、风尸、沉尸、注尸也，宜此方主之。

《本事》云：飞尸者，游走皮肤，穿脏腑，每发刺痛，变作无常。遁尸者，附骨入肉，攻凿血脉，每发不可得近，见尸丧、闻哀哭便发。风尸者，淫溜四肢，不知痛之所在，每发昏沉，得风雪便作。沉尸者，缠骨结脏，冲心胁，每发绞切，遇寒冷便发。注尸者，举身沉重，精神错杂，常觉昏废，每节气至，辄变大恶。是方也，香能辟邪恶，故用沉、檀、脑、麝、安息、薰陆、苏油、青木、香附。温能壮胃气，故用华拨、丁香。朱能辟鬼魅，故用朱砂。甘能守中气，故用白术。酸能致新液，故用诃梨。犀能主虫疰，故用生犀。互考见中风门。

死人枕天灵盖败龟板红铅说

昔徐嗣伯用死人枕，取半朽者，用毕曰复埋故处。师云：天灵盖非出《神农本草》，不得已而用，则取年深渍朽者，均之仁人之言也。盖医，仁术也，使其明而利人，幽而祸鬼，如阴责何？故昔人推此心以及物，凡于药内宜用禽虫之类，皆取自死者，如用龟板而曰败龟板是也。孙真人曰：杀生以求生，去生益远。皆所以全此心之仁也。近世术家

有导取红铅者，使童女内服壮阳泄阴之药，外用异术以取之，往往致瘵，是杀人而疗人也，岂同仁之德耶！

气门第二十

叙曰：气、血，人身之二仪也，气为主而血为配，故曰气化即物生，气变即物易，气盛即物壮，气弱即物衰，气正即物和，气乱即物病，气绝即物死。是气之当养也明矣。一或失治，则衰且乱，病且死，故考五方以治气。

独参汤

人参一两

烦躁脉微者，加童便一卮。身寒脉微者，加附子三钱。

诸虚气弱危急者，此方主之。

气者，万物之所资始也。天非此气，不足以长养万物。人非此气，不足以有生。故曰：一息不运则机缄穷。一毫不续则霄壤判。是以病而至于危急，良医以气为首务也。人参味甘性温，得天地冲和之气以成形，故用之以补冲和之气，使其一息尚存，则可以次第而疗诸疾矣。烦躁加童便者，虚而有火也。身寒加附子者，回其孤阳也。虽然，虚实之辨，不可不察，独参但可以疗虚耳。若实证危急，犹然攻之，故越人有实实之戒。

四君子汤

人参 白术 白茯苓 炙甘草各二钱

面色萎白，言语轻微，四肢无力，脉来虚弱者，此方主之。

夫而色萎白，则望之而知其气虚矣。言语轻微，则闻之而知其气虚矣。四肢无力，则问之而知其气虚矣。脉来虚弱，则切之而知其气虚矣。如是则宜补气。是方也，人参甘温质润，能补五脏之元气。白术甘温健脾，能补五脏之母气。茯苓甘温而洁，能致五脏之

清气。甘草。甘温而平，能调五脏愆和之气。四药皆甘温，甘得中之味，温得中之气，犹之不偏不倚之君子也，故曰四君子。

六君子汤

人参 白术 茯苓 甘草 半夏 陈皮
气虚，痰气不利者，此方主之。

《内经》曰：壮者气行则愈，怯者着而成病。东南之土卑湿，人人有痰，然而不病者，气壮足以行其痰也。若中气一虚，则不足以运痰而痰证见矣。是方也，人参、白术、茯苓、甘草，前之四君子也，所以补气。乃半夏则燥湿以制痰，陈皮则利气以行痰耳。名之曰六君子者，表半夏之无毒，陈皮之弗悍，可以与参、苓、术、草比德云尔！

补中益气汤

人参去芦 炙甘草各一钱 黄芪一钱五分，炙
升麻三分 白术炒 当归 陈皮 柴胡各五分

困乏劳倦，伤其中气者，此方主之。

中，脾也，坤也，万物之母。气，阳也，干也，万物之父。过于困乏劳倦，则百骸皆虚。百骸既虚，必盗父母以自养，而中气大伤矣。不有以补之，则形气不几于绝乎？故用白术、甘草之平补者以补中；用人参、黄芪之峻补者以益气。上欲燥，则当归随以润之。气欲滞，则陈皮随以利之。而升麻、柴胡者，所以升乎甲胆乙肝之气也。盖甲乙者，东方生物之始。甲乙之气升，则木、火、土、金、水次第而生生矣。

二十四味流气饮 《和剂》

陈皮 青皮 甘草炙 厚朴姜制 紫苏
香附各四两 大腹皮 丁香皮 槟榔 木
香 草果 莪术炮 肉桂 藿香各一两半 人
参 麦门冬 白术 赤茯苓 枳壳炒 石菖
蒲 木瓜 白芷 半夏各一两 木通
上件每服五钱。

腹中气滞，痞闷不快，胸膈走痛者，此方主之。

气，阳也。升降出入，法乾之行健不息，使气无留滞，斯无痛苦。若人也，以寒、热、怒、恚、喜、忧、愁七气下之，则痞闷痛楚之疾生尔。今夫寒则气收，收则气不流矣。故用丁皮、肉桂、草果之属温而行之。热则气亢，亢则气不流矣，故用麦门冬、赤茯苓、木通之属清而导之。怒则气逆，逆则气不流矣，故用槟榔、枳壳、厚朴、木瓜之属抑而下之。恚则气积，积则气不流矣，故用青皮、陈皮、腹皮、木香、莪术之属快而利之。喜则气缓，缓则气不流矣，故用人参、白术、甘草之属补而益之。忧则气沉，沉则气不流矣，故用白芷、紫苏之属升而浮之。愁则气郁，郁则气不流矣，故用香附、菖蒲、半夏、藿香之属利而开之。或问：七气之来，岂能并至？方以二十四味，何示人以弗精专也？余曰：气证与诸证不同。诸证者，痰、血、积、食属于有形，故着于一处，偏于一隅，可以单方治也。若夫七情之气，属于无形，上下左右散聚无常，故集辛香之品而流动之，虽二十四味，不厌其繁，譬之韩侯之兵，多多益善云尔。

血证门第二十一

叙曰：血营气卫，胥有义焉。阴在内，阳之守也，故曰营。阳在外，阴之卫也，故曰卫。二者宜调而不宜病，血一不调，则营守乎中者，反出于外而败之，微者迫于热，盛者真阳不足以运血，而卫亦败也。今考名方二十八首，酌而用之，则调元之手矣。

四物汤

当归酒洗 熟地黄各三钱 川芎酒洗，一钱五分
白芍药酒炒，二钱

血不足者，此方调之。

气、血，人身之二仪也。天地之道，阳

常有余，阴常不足。人与天地相似，故阴血难成而易亏。是方也，当归、芍药、地黄，味厚者也，味厚为阴中之阴，故能生血。川芎味薄而气清，为阴中之阳，故能行血中之气。然草木无情，何以便能生血？所以谓其生血者，以当归、芍药、地黄能养五脏之阴，川芎能调营中之气，五脏和而血自生耳。若曰四物便能生血，则未也。师云：血不足者，以此方调之则可。若上下失血太多，气息几微之际，则四物禁勿与之。所以然者，四物皆阴，阴者天地闭塞之令，非所以生万物者也，故曰禁勿与之。

当归补血汤

当归二钱 黄芪一两

男、妇肌热，目赤面红，烦渴引饮，脉来洪大而虚，重按全无者，此方主之。

血实则身凉，血虚则身热。或以肌困劳役虚其阴血，则阳独治，故令肌热、目赤、面红、烦渴引饮。此证纯象伤寒家白虎汤之证，但脉大而虚，非大而长，为可辨尔。《内经》所谓脉虚血虚是也。当归味厚，为阴中之阴，故能养血，而黄芪则味甘补气者也。今黄芪多于当归数倍，而曰补血汤者，有形之血不能自生，生于无形之气故也。《内经》曰：阳生阴长，是之谓尔。东垣云：此证误服白虎者必死。当须识此，勿令误之。

独参汤

人参去芦，二两

凡上下失血过多，脉微欲绝者，急以此方主之。

血者气之守，气者血之卫，相偶而不相离者也。一或失血过多，则气为孤阳，亦几于飞越矣，故令脉微欲绝。斯时也，有形之血不能速生，几微之气所宜急固。故用甘温之参以固元气，所以权轻重于缓急之际也。故曰血脱益气，古圣人之法。或者不达此理，见其失血而主四物汤，则川芎之香窜，能散几

微之气，而当归、芍药、地黄，皆滋阴降下之品，不能生血于一时，反以失救死之权，而遗人夭殃矣。医云乎哉？

八珍汤

人参去芦 白术炒 茯苓去皮 炙甘草
当归酒洗 川芎酒洗 芍药酒炒 地黄

血气俱虚者，此方主之。

人之身，气血而已。气者百骸之父，血者百骸之母，不可使其失养者也。是方也，人参、白术、茯苓、甘草，甘温之品也，所以补气。当归、川芎、芍药、地黄，质润之品也，所以补血。气旺则百骸资之以生，血旺则百骸资之以养。形体既充，则百邪不入，故人乐有药饵焉。

犀角地黄汤

生犀角镑 生地黄 白芍药 牡丹皮
吐衄不止者，此方主之。

口出血曰吐，鼻出血曰衄。火逆于中，血随火上，有此二证。然吐血责之腑，衄血责之经，求其实，则皆炎上之火也。火者，心之所司，故用生犀、生地以凉心而去其热。心者，肝之所生，故用丹皮，芍药以平肝而泻其母，此穷源之治也。今人治吐血者，以凉水濯其两足，此釜底抽薪之意也。治衄血者，以凉水拊其后颈，此责其火于太阳经也。皆是良法。互考见咳嗽门、痘门。

四生丸

生荷叶 生艾叶 生地黄 生柏叶
四件烂捣，丸如鸡子大。每服一丸。

阳乘于阴，血热妄行，或吐或衄，此方亦良。

统而论之，生之则寒，则四生皆能去火。析而论之，则荷、艾轻香，去火于气。芩、柏质实，泻火于阴。火去则血归经，而吐衄愈矣。

黄连解毒汤

黄连 黄芩 黄柏 梔子各三钱，炒

阳毒，上窍出血者，此方主之。

治病必求其本。阳毒上窍出血，则热为本，血为标。能去其热，则血不必治而自归经矣，故用连、芩、梔、柏苦寒解热之物以主之。然惟阳毒实火用之为宜。若阴虚之火，则降多亡阴，苦从火化，而出血益甚，是方在所禁矣。

人中白

新瓦上逼干，温汤调下三钱。

衄血不止者，此方主之。

人中白，即《本草》溺白堊也。其味咸寒，咸则能入血，寒则能胜热。其味厚于人便，故其奏功尤捷。

生地黄自然汁

取生苕十余斤，只用新布拭净捣绞取汁，勿用生水洗之。

吐衄不止者，此方亦良。

东垣曰：生地黄，凉心火之血热，泻脾土之湿热，止鼻中之衄热，除五心之烦热。故吐衄之疾，取自然汁呷之，血凉而止。

茜根散

茜根 阿胶 黄芩 侧柏叶 生地黄各一两 炙甘草五钱

阴虚衄血者，此方主之。

阴阳之在人，平则治，偏则病。若肾阴一虚，则阳胜矣，故载血上行而令衄。是方也，阿胶能补虚，黄芩能养阴，甘草能缓急，茜根、侧柏、生地黄，则皆去血中之热，能生阴于火亢之时者也。

黄芩芍药汤

黄芩炒 白芍药酒炒 甘草各三钱

阴火载血上行，衄而不止者，此方亦主。

黄芩之苦能降火，芍药之酸能收阴，甘草之甘能缓急。

止衄散

黄芪六钱 赤茯苓 白芍药 当归 生地黄 阿胶各三钱

饥困劳役，动其虚火，致衄不止者，此方主之。

饥困劳役而动其火，其人本虚可知矣。虚火可补，故用黄芪、当归、阿胶甘温之品以补之。然赤茯苓能导丙丁，白芍药能收阴气，生地黄能凉血热。三物者，去血中之热，自是冲和，与芩、连苦寒之剂殊别。实火宜用连、芩，虚火则惟此类为宜也。或问：虚火、实火，何以辨之？余曰：声高气壮为实火，言而微终日复言为虚火。

人参饮子

人参 黄芪各一钱五分 麦门冬 当归 甘草 白芍药各一钱 五味子九粒

暑月衄血，此方主之。

《内经》曰：必先岁气，无伐天和。故时当暑月，则肺金受克，令人乏气之时也，理宜清金益气。清金故用麦门、五味。益气故用甘草、参、芪；芍药之酸，所以收其阴。当归之辛，所以归其血。此亦虚火可补之例也。

榴花散

百叶榴花晒干为末

衄不止者，以此末吹人鼻中，立止。

榴花之红，有使入血。榴花之涩，可使止血。一夫当关，此药近之。

丹溪咳血方

青黛飞 瓜蒌仁去油 诃子肉 海粉去砂 山梔炒黑，等分

咳嗽痰血者，此方蜜丸噙化。

肺者，至清之脏，纤芥不容，有气有火则咳，有痰有血则嗽。咳者有声之名，嗽者

有物之义也。青黛、山梔所以降火，瓜蒌、海粉所以行痰，诃子所以敛肺。然而无治血之药者，火去而血自止也。

人 溺

咳血者，宜此一物饮之。

褚澄，齐之圣医也。其《遗书》曰：咳血不易医，喉不容物，毫发必咳，血渗入喉，愈渗愈咳，愈咳愈渗，饮溲溺则百不一死，服寒凉则百不一生。吾于是乎师其言矣。

圣 饼 子

青黛一钱 杏仁四十枚，去皮尖

以黄芪煎汤炒黄色，二味研作饼子，入柿饼内，湿纸包煨，连柿饼研细，米饮调服。

咯血者，此方主之。

咯血者，咯而出血，责之脾胃也。青黛去土中之火，杏仁利中宫之气。气利火去则不咯，不咯则不血矣。

荷 叶 散

荷叶不拘多少，焙干为末

咯血，此方亦良。

气分有火，则令人咯，久久咯之，则动其血。褚氏曰：血虽阴类，运之者其和阳乎！荷叶有仰盂之形，得震卦之象，有轻香之气，得清和之体，故能和阳定咯而运血。

大 补 丸

黄柏一物，炒褐色作丸

呕血者，此方主之。

呕与咯不同，声出于上焦为咯，重而短也。声出于下焦为呕，浊而长也。黄柏苦而润，苦故能泻火，润故能就下也。

侧 柏 散

侧柏叶一味，为末。

米饮调下三钱。

此亦治呕血之方也。

侧，阴象也。柏，遇寒而不凋，得阴气之最厚也，故能入阴而泻呕逆之火。然其性微香，则其妙又能和阳，而不偏于阴矣。此其所以为良也。

晚漱治牙宣

牙宣者，齿根出血也，此以肥甘之热致病。每于晚膳后，以茶漱而洁之，则病愈矣。

小 蓊 饮 子

小蓊 生地黄 滑石 通草 蒲黄炒
藕节 淡竹叶 当归 梔子炒 甘草各半两
下焦结热血淋者，此方主之。

下焦之病，责于湿热。法曰：病在下者，引而竭之。故用生地、梔子凉而导之，以竭其热。用滑石、通草、竹叶淡而渗之，以竭其湿。用小蓊、藕节、蒲黄消而逐之，以去其瘀血。当归养血于阴，甘草调气于阳。古人治下焦瘀热之病，必用渗药开其溺窍者，围师必缺之义也。

小蓊琥珀散

小蓊 琥珀等分，为末

此亦治血淋之方也。

蓊根能治下焦瘀血，琥珀能治膀胱结热。

牛 膝 膏

牛膝三斤，煎膏一斤，空心盐水化下四钱

此亦血淋之方也。

牛膝质润而苦咸，形实而修长。质润故能活血，苦咸故能胜热，形实故能就下，修长，故能导小肠而利膀胱。

玄 胡 索 散

玄胡索一两 朴硝三分

分二次服。

此治阳邪陷入下焦，令入尿血之方也。

阳邪者，热病伤寒之毒也。下焦者，阴血所居，阳邪入之，故令尿血。玄胡索味苦

而辛，苦故能胜热，辛故能理血。佐以朴硝，取其咸寒，利于就下而已。

胃风汤

人参去芦 白术炒 茯苓去皮 川芎洗净
当归酒洗 白芍药炒 桂炒，等分

风邪入于肠胃，泄下鲜血，或肠胃湿毒，下如豆汁瘀血者，此方主之。

风，阳邪也，血得之则善行，故下鲜血。湿，阴邪也，血得之则败坏，故如豆汁。气血虚而后邪凑之，故用人参、白术、茯苓以补气。用川芎、当归、芍药以养血。肉桂之辛，可以散风邪，肉桂之热，可以燥湿毒，血药得之可以调营，气药得之可以益卫。又曰：白术、茯苓能壮脾而疗湿，川芎、肉桂能入血而驱风。

槐花散

槐花炒 侧柏叶 荆芥穗 枳壳麸炒，等分

共为末，每服三钱，空心下。

肠风、脏毒下血，此方主之。

槐花、侧柏能凉大肠之血，荆芥、枳壳能疗大肠之风。风热相搏者治之良。

酒煮黄连丸

黄连十二两 好酒五升

煮干，为末作丸。每服三钱。

湿热酒毒令人便血者，此方主之。

黄连，苦寒枯燥之物也。苦寒故能胜热，枯燥故能胜湿。而必煮以酒者，非酒不能引之人血也。

柏灰散

侧柏叶一味，春东、夏南、秋西、冬北取来。

烧灰调下三钱。

脏毒下血不止者，此方主之。

脏毒之初宜凉血，凉血皆苦寒之药，久久则气寒，而血益不固矣。法曰：涩可以固

脱，故用柏灰之涩以止之。四时采之，必辨其方者，取其得气之厚也。他如干柿饼烧灰亦良。

人参樗皮散

人参去芦 樗根白皮等分

每末三钱。

脏毒挟热下血，日久不止者，此方主之。

脏毒，肠毒也。挟热者，谓挟客热与饮酒之类也。日久不止，则气亦虚，而不足以固血矣，故用人参之甘以补气，樗根之涩以固血。补以举之，涩以劫之，杂霸之治也。

脱肛门第二十二

叙曰：脱肛，一也，有寒热之判焉。又能进之而辨气血中之寒热，则精艺者也。今考古方三首，表其要者尔。

丹溪脱肛方

人参 黄芪 川芎 当归 升麻

久泻脱肛者，此方主之。

泻久则伤气，下多则亡阴，是气血皆亏矣，故令广肠虚脱。气不足者，补之以甘温，故用参、芪。阴不足者，养之以厚味，故用芎、归。下者举之，故用升麻。

举肛丸

半夏 天南星 枯白矾各五钱 枯红矾
鸡冠花炒 白附子各五两 诃子肉煨 黑附
子生 枳壳各一两 猬皮二枚，炙 瓜蒌一枚，烧
存性 胡桃仁十五枚，烧存性

共为末，醋糊作丸。空心温酒下三十丸。

泄泻虚寒脱肛者，此方主之。

湿盛则濡泻，久泻则胃虚，胃虚则脏寒，脏寒则无阳以升举，故令肛肠脱而不上。燥能去湿，故用半夏、南星。枯能制湿，故用红、白枯矾。温能暖脏，故用黑、白附子。乃若鸡冠花、刺猬皮、枳壳所以驱风。而诃子、

瓜蒌、胡桃仁之灰，取其涩以固脱也。

收 肛 散

熊胆五分 孩儿茶三分 冰片一分

共为细末，乳调涂肛上，热汁下而肛收矣。

热泻脱肛者，用此方涂之良。

热则肛门涩，涩则便不易出，不易出则令人努责，努责之久，则令脱肛。此与寒脱不同者，此则肛门涩，寒脱则洞泄而不涩也。苦可以胜热，故用熊胆。涩可以固脱，故用儿茶。辛可以拔邪，故用冰片。

呕吐门第二十三

叙曰：呕有声长、声短之辨，吐有见痰、见食之分，参之以脉证，合之以颜色，问之以从来，始为无失。毋但曰呕吐小疾而忽之，常见肝实之证，令人呕吐不已而死者。兹考六方，志其略尔。

二陈加山梔黄连生姜汤

半夏 陈皮去白 茯苓 甘草炙 山梔子炒黑 黄连炒 生姜等分

胃中有热，膈上有痰，令人呕吐者，此方主之。

有声之谓呕，有物之谓吐。声者，气与火也。物者，痰与涎也。半夏燥痰湿，茯苓渗痰湿，陈皮利痰气，甘草益脾气，此二陈治痰之旨也。苦可以泻火，故用梔子。辛可以行滞，故用生姜。

六 君 子 汤

人参 白术 茯苓 甘草各二钱 半夏 陈皮各一钱

久病胃虚，闻谷气而呕者，此方主之。

胃者，水谷之海，仓廩之官也，故胃强则善谷，胃弱则闻谷而呕。经曰：安谷者昌，失谷者亡。奈之何而不急治乎？故人参、白

术、茯苓、甘草，气味甘温，可以益胃。陈皮、半夏，气味辛利，可以破呕。

理中加丁香汤

人参 白术炒 甘草炙 丁香 干姜炒
呕吐，腹痛者，此方主之。

呕吐而痛即止者为火，呕吐而痛不止者为寒。然寒则收引，胡然能吐？师曰：寒胜格阳，故令吐也。治寒以热，故用丁香、干姜之温。吐多损气，故用人参、白术、甘草之补。

竹 茹 汤

葛根三钱 半夏制 竹茹各二钱 甘草一钱

伤寒正汗后，余热留于阳明、少阳，必令作呕，此方主之。

阳明，胃也。少阳，胆也。有辨焉，口渴者热在胃，口苦者热在胆也。兼而有之，则二经均有留热矣。是方也，干葛清胃，竹茹清胆，半夏破逆，甘草调阳。

雄矾瓜蒂散

雄黄 明矾 苦瓜蒂炒，各五分
共为末，酒服。

呕而流涎，脉平者，虫家证也。主此方吐之。

虫动则流涎，胃痒则令呕，脉平者，得平人无病之脉，不迟不数，无寒无热也。雄黄气悍，明矾苦涩，杀虫之品也。佐以瓜蒂之善涌，则虫立吐而出矣。又曰：实而能吐者，主以此方。虚而不能吐者，宜主伤寒门乌梅丸。

六味地黄丸

熟地黄八两 山茱萸 山药各四两 牡丹皮 白茯苓 泽泻各三两 蜜丸。

阴虚于下，令人多呕者，主此方盐汤吞之。

《脉解篇》曰：诸阳气浮，无所依从，故呕、咳、上气喘。此阴虚于下，而令孤阳上浮尔。是方也，熟地、山萸，质润味厚，可使滋阴。丹皮、泽泻，气味咸寒，可制阳光。山药、茯苓，味甘而淡，可使调中土。是六物者，皆有益于阴也。故主之。

呃逆门第二十四

叙曰：呃逆一也，中下判焉。中焦呃逆其声短，水谷之病也。下焦呃逆其声长，虚邪相薄也。今考古方三首，辨其上下，察其虚实，则十全之工矣。若呃逆日久而且吞酸，则翻胃之前驱也，从火治之。

橘皮竹茹汤

橘皮 竹茹各一升 人参 生姜各半两
甘草炙，二两 大枣三十枚

大病后，呃逆不已，脉来虚大者，此方主之。

呃逆者，由下达上，气逆作声之名也。大病后，则中气皆虚，余邪乘虚入里，邪正相搏，气必上腾，故令呃逆。脉来虚大，虚者正气弱，大者邪热在也。是方也，橘皮平其气，竹茹清其热，甘草和其逆，人参补其虚，生姜正其胃，大枣益其脾。

丁香柿蒂竹茹汤

丁香三粒 柿蒂 竹茹各三钱 陈皮一钱
大病后，中焦气塞，下焦呃逆，此方主之。

大病后，五脏皆伤，升降失常，故令中焦否塞，五脏之阴既伤，则少阳之火奋于下，故令下焦呃逆，直冲清道而上也。是方也，丁香、陈皮，辛温者也，理中气之否塞。竹茹、柿蒂，苦寒者也，疗下焦之呃逆。或问：降逆何以不用梔、柏？余曰：此少阳虚邪，非实邪也，故用竹茹、柿蒂之味薄者以主之。若梔、柏味厚，则益戕其中气，否塞不益盛乎？

古人盖亦深权之矣。

木香调气散

木香 檀香 白蔻仁 丁香各三两 砂仁四两 甘草炙 藿香各半两

共为末，每服二钱，盐汤下。

中焦呃逆者，此方主之。

中焦者，水谷之海，仓廪之区也。其呃逆责之谷气，故用砂仁、蔻仁以化食，木香、丁香、檀香、藿香以调气，甘草以和中，盐汤以润下。或问：中焦呃逆，与下焦呃逆何以辨？余曰：彼则由于大病后，此则得之饮食后也。又中焦之呃逆轻而短，下焦之呃逆恶而长，其辨判然矣。

翻胃门第二十五

叙曰：翻胃一证，古今难之。若胃脘未枯，皆为可治。借曰枯之，则从容用药，犹可久延。若造次不察病理，非惟无益，而又害之矣。今著六考，宜于言外而变通之。

韭汁牛乳饮

韭汁 牛乳等分
时呷之。

胃脘有死血，干燥枯槁，食下作痛，翻胃便秘者，此方主之。

翻胃者，胃不能安谷，食下即出之名也。嗜酒燥暴之人，多有此疾。胃脘有死血者，醇酒渍胃，久积瘀热之所致也。干燥枯槁者，燥急心热之所致也。有枯燥，故令食下作痛。有积热，故令翻胃便秘。韭汁味辛，能消瘀行血。牛乳甘温，能养血润燥。

驴尿一物饮

驴尿，每服呷二合。

郁火翻胃者，此方主之。

火郁于中，治以辛香开胃之药，益滋其燥，非所宜也。驴尿辛膈，可使开郁，然为

浊阴之所降，则可以济火矣。唐贞观中，许奉御及柴蒋等，时称名医，奉敕治翻胃，竭其术，竟不能疗，渐至羸惫，死在旦夕。忽有术士云：服驴子小便极验。且服二合，午食惟吐一半。晡时又服二合，人定时食粥，吐即定。后奏知大内中，五六人患翻胃，同服，一时俱瘥。卢和著《丹溪纂要》，谓入驴尿以防生虫，此未究理者也。

螺 泥 丸

取田中大螺，不拘多少，用新水养之，取其吐出之泥，阴干为丸。每服三十丸，藿香汤下。

积热翻胃，此方亦良。

螺性至凉，泥性至冷，故可用之清胃。吞以藿香汤，假其辛芳开胃而已。

九 蒸 大 黄

诸逆冲上，皆属于火，故用大黄酒润丸蒸晒之，取其无伤胃气而能去火。此久练之将军也。

附 子 散

附子一枚

干姜煎汤润七次为末，每服三钱。

寒痰翻胃者，此方主之。

膈上有寒痰，壅塞中、下二焦之气，阴遏其阳，畜极而通，则令翻胃。附子辛热，能解寒痰，寒痰既解，则气道疏通，而无畜极之阳矣，故翻胃顿除。

三花神祐丸

甘遂 芫花 大戟拌温炒，各半两 黑丑二两取头末 大黄一两 轻粉一钱

共为末，水丸。每服五丸，渐加五丸，以快利为度。

积痰满胃，食下即吐，宜主此方。

胃中纯是痰，则遏下焦少阳之火。畜极而通，必作翻胃者，势也。以平剂治之，则

经年不效，故聚甘遂、芫花、大戟、黑丑、大黄峻厉之品以下之。方内有轻粉，一可以逐风涎，一可以解遂、芫、戟、丑之辛烈。此大毒类聚为丸，瞑眩之剂也。惟声重、脉来有力者能行之。若言微，脉来无力者，勿轻与也。

噎膈门第二十六

叙曰：近代医籍，翻胃、噎膈，混作一证。今考于汉、唐之上，有翻胃，有噎，有膈。要之，翻胃自是不同，而噎，而膈，则可混一而治也。考方八首，明者辨之。

《深师》七气汤

干姜 黄芩 桂心 半夏 甘草 橘皮
干地黄 芍药各二两 桔梗三两 枳实五枚
人参一两 吴茱萸五合

气噎膈者，此方主之。

噎膈者，有物噎塞，妨碍饮食之名。今人与翻胃浑然无辨，非古也，深师、孙真人之传也。七气者，寒气、热气、怒气、悲气、喜气、忧气、愁气也。气者，运行不息之物，故气行则治，气郁则病。冲和则治，乖戾则病。是方也，辛可以行气，故用干姜、肉桂、吴萸、半夏、陈皮之辛。苦可以降气，故用黄芩、枳实、桔梗之苦。脾虚则不能运气，故用人参、甘草以益脾。肝肾弱则不能吸气，故用地黄以滋肾，芍药以和肝。

韭 汁 饮

生韭汁 醇酒等分

每服二合，日二。

血噎膈者，此方主之。

汉医但称噎、称膈而已，后之方书称五噎、五膈。五噎者，气噎、忧噎、劳噎、食噎、思噎也。五膈者，忧膈、悲膈、气膈、寒膈、热膈也。立言虽曰有五，说证其实未周。今不拘其说，只据世人所有之证而订其方焉。

血噎膈者，或因跌扑，或因大怒，血积胸膈，久久凝结，令人妨碍饮食，得热则宽，得寒则痛是也。生韭汁，能解畜血之瘀结，佐以醇酒，行其势也。

瓜蒌实丸

瓜蒌仁 枳壳 制半夏 桔梗

姜汁米糊为丸。

痰噎膈者，此方主之。

痰随气上，亦随气下，故瓜蒌、枳壳、桔梗，皆下气药也。痰以湿生，必以燥去，故半夏者，燥湿之品也。或问：桔梗为诸药之舟楫，浮而不沉者也。何以下气？余曰：甘者恋膈，苦者下气，轻者上浮，苦者下降，此药之性也。桔梗甘而苦，为阳中之少阴，故初则恋膈，久则下气矣。痰盛者，宜于痰门诸方消息之。

回令丸

黄连六两 吴茱萸一两，水煮少时，晒干

共末为丸。

火噎膈者，此方主之。

此即左金丸也。曰回令者，黄连之苦能胜热，可以回其火令也。以吴茱萸之辛热佐之，取其反佐以从治尔。

食郁越鞠丸

山楂 神曲 砂仁 香附 童便制 苍术

米泔浸七日 抚芎 梔子

食噎膈者，此方主之。

食不自膈也，或由气寒，或由火郁，然后停食而作食膈。故用香附、苍术、抚芎以顺气，梔子以泻火，山楂、神曲、砂仁以消食。昔齐王中子诸婴儿，病烦急食不下，时呷沫。仓公视之曰：食膈病也，作下气汤以饮之。其方今不可考矣。若芩连枳术丸、木香槟榔丸，义亦近之。

蒜齑酢

《太平御览》云：华佗行道，见一人病噎，嗜食而不得下，家人车载欲往就医。佗闻其呻吟，驻车往视，语之曰：向来道傍卖饼者，有蒜齑大酢，从取三升饮之，病即当瘥。即如佗言，立吐蛇一条。悬之车边，欲造佗，佗尚未还，佗家小儿戏门前，迎见，自相谓曰：客车边有物，必是遇我公也。疾者前入，见佗壁悬此蛇辈以十数。昆谓蒜味辛热，为阳中之阳，能令人气实闷乱而自吐，若蛇虫蛊瘕，犹为宜之。《褚氏传》曰：褚澄以蒜一升，吐李道念之鸡雏。《齐谐记》云：郭坦之儿，食蒜一畦，吐消食笼于顷刻。蒜之妙用如此，今之医者，罕能知之。或问：何以不用瓜蒂散？余曰：伤寒内热者，宜吐以瓜蒂散之苦寒。虫瘕痼冷者，宜吐以蒜酢之辛热。人知苦能吐热，而不知热能吐寒，故特表而出之。

染靛

《广五行记》：永徽中，绛州有僧病噎，防食数年，临死遗言，令破喉视之。得一物似鱼而有两头，遍体悉是肉鳞，致钵中，跳跃不止，以诸味投钵中，皆化为水。时寺中方刈蓝作靛，试取少靛致钵中，此虫绕钵畏走，须臾化为水。昆谓此虫湿热所生，湿从土化，热从火化。靛之为物，色青而性寒，是禀东方之木色，与北方之水味最厚者也。水足以制火，木足以克土，此五行之理也。故足以化湿热之虫。自有五行以来，上而万象，下而万类，一为克制，无不化之，况于此虫乎？

楮实汤

南唐烈祖，因食饴喉中噎，国医皆莫能愈，时吴廷绍尚未知名，进楮实汤一服，疾失去。群医默识之，他日取用，皆不验。或叩之，答曰：噎因甘起，故以楮实汤治之。其方今不可考，但发此二句，便知其为良医。《内经》曰：甘者令人中满，故其气上溢，奈

何不作嗌乎？又曰：酸胜甘，则治法思过半矣。

情志门第二十七

叙曰：情志过极，非药可愈，须以情胜。故曰：怒伤肝，悲胜怒。喜伤心，恐胜喜。思伤脾，怒胜思。忧伤肺，喜胜忧。恐伤肾，思胜恐。《内经》一言，百代宗之，是无形之药也。今考神良之医士十一事，明者触类而通之，则术在我矣。

文挚，齐人也。齐威王病，发使召文挚。挚至，谓太子曰：王病，怒则愈。王若即杀臣，奈何？太子曰：无虑，我当救之。文挚于是不时来见王，及来，不脱履而登床，王大怒，使左右持下将烹之。后及太子叩头请教，王怒遂解，赦挚，因此病愈。所以然者，王之病，得于思，故以怒胜之。

《魏志》云：有一郡守病，华佗以其人甚怒则瘥，乃受其货而不加功，无何弃去，留书骂之。守果大怒，令人追杀，守子知之，嘱吏勿逐，瞋恚不已，吐黑血数升而愈。所以然者，守之病，亦本于思也。经曰：思则气结。气结者，阴翳之根也，故用暴怒以伤其阴，使之归于平调而已。

《邵氏闻见录》云：州监军病悲思，其子迎赫允治之，允告其子曰：法当甚悸即愈。时通守李宋卿御史严甚，监军内所畏也。允与其子请于宋卿一造，问责其过失，监军惶怖汗出，疾乃愈。盖悲思则气结，惊怖则气浮，浮则气不结矣。此亦以情相胜也。

赵知则，太原人；因喜成疾。巢氏医脉之，为之惊异，出取药，竟不与之。数日，赵悲哭辞家人曰：处世不久矣。巢知其将愈，使人慰之。诘其故，引《素问》恐胜喜以对，可谓得玄关者也。

一妇正产之时，收生妇以温水进之，误进鹿角脂。鹿角脂，女子涂鬓物也。因哇而舌出，产后数日不能收，医药屡不应。甄立

言最后至，以朱砂涂其舌，仍命作产子状，以两妇人掖之，乃使人潜于壁外，多捧缶器，向危处掷地作声，声闻而舌收矣。所以然者，恐则气下故也。先用朱砂涂其舌者，恐其惊气入心，故为未然之防尔。

韩丞相疾，天方不雨，更十医罔效。左友信最后至，脉已，则以指计甲子曰：某日当雨，竟出。韩疑曰：岂谓吾疾不可为耶，何言雨而不及药我也？既而其夕果雨。韩喜，起而行乎庭，达旦，疾若脱去。乃召左至而问之，对曰：公相之疾，以忧得之。私计公相忠且仁，方今久旱，必为民忧，以旱为忧，必以雨而瘳，理固宜然，何待药而愈耶？此亦《素问》喜胜忧也。

一女许婚后，夫经商二年不归，因不食，困卧如痴，无他病，竟日向壁而卧。其父迎丹溪翁治之，告以故。翁脉毕，谓其父曰：此思则气结也，药难独治，得喜可解。不然，令其怒。于是，掌其面，诬以外情，果大怒而号泣者三时，令解之，即求食矣。所以然者，悲则气消，怒则胜思故也。翁谓其父曰：病虽瘥，得喜方已。乃谕以夫回，既而果然，疾亦不举。

一县差，拿犯人，以铁索项所犯至县，行至中途，其犯投河而死。犯家告差人索骗威逼至死，及能脱罪，未免破财，忧愤成病，如醉如痴，谬言妄语，无复知识。其主延戴念仁视之。戴云：此以费财而病，必以得财而愈。乃命作三锡锭如银状，预置于泥沟之中，候其至时，诈以锁钥误堕其中，命探之，乃出三锡锭。主曰：银也，吾不用此弗义之财，悉以与汝。其差握视不置，病遂日愈。此亦喜胜忧也。

一女子，母甚是相爱，既嫁而母死，遂思念不已，精神短少，恹恹嗜卧，诸药不应。其夫延韩世良治之。韩曰：此病得之于思，药不易愈，当以术治之。乃贿一巫妇，授以秘语。一日，夫谓妻曰：汝之念母如此，不识彼在地下，亦念汝否，吾当他往，汝盍求巫

妇卜之？妻欣诺，遂召巫至。焚者礼拜，而母灵降矣。一言一默，宛然其母之生前也。女遂大泣，母叱之曰：勿泣，汝之生命克我，我遂早死。我之死，皆汝之故，今在阴世欲报汝仇，汝病恹恹，实我所为，我生则与尔母子，死则与尔寇仇矣。言讫，女改容大怒，诟之曰：我因母病，母反害我，我何乐而思之？自是而病愈矣。此亦以情疗之也。

谭植，素谨言，为韶州佐。一日，会堂属官，筵中有萝卜颇大，众羡之。谭曰：尚有大如人者。众皆笑以为无。谭悔恨自咎曰：人不见如是大者，而吾以是语之，宜其以吾言为妄且笑也。因而忧愤，连日不能食。其子煌，读书达事，思父素不轻言，因愧赧成

疾，必实所言，始可疗病，遂遣人至家，取萝卜如人大者至官所，复会堂属，强父扶疾而陪，酒至数巡，以车载至席前，众皆惊讶，其父大喜，厥口疾愈。此亦《素问》喜胜忧也。

何解，陈留人也。一日，与河南尹乐广会饮于赵修武宅，酒至数杯，忽见杯底有似一小蛇，咽之入口，亦不觉有物，但每每思而疑之。日久觉心疼，自思小蛇长大，食其五脏，医药不愈。久之，又会酒赵宅，才执杯，又见小蛇，乃置杯细视之，见赵宅梁上有角弓，却是弓梢影于酒底，因此解疑，其疾遂无。此以情疑而病，必以疑解而瘥，向来以药治之，皆无验也。

医方考 卷四

明 歙邑 吴 昆鹤泉原著

鄞县 曹赤电炳章圈点

脾胃门第二十八

叙曰：脾胃，人身之坤元也。至哉坤元，万物资生，故脾胃为百骸之母。东垣所以擅名当世者，无他长焉，知脾胃之为要尔。庸师治病，坏人脾胃者多矣。此欲养其子者，先戕其母也，岂豫养之道哉？今考六方于下，庶几乎调元之补也。

参苓白术散

人参 茯苓去皮 白术炒 砂仁 甘草炒 山药 桔梗炒 薏苡仁炒 扁豆 莲肉

脾胃虚弱，不思饮食者，此方主之。

脾胃者，土也。土为万物之母，诸脏腑百骸受气于脾胃而后能强。若脾胃一亏，则众体皆无以受气，日见羸弱矣。故治杂证者，宜以脾胃为主。然脾胃喜甘而恶苦，喜香而恶秽，喜燥而恶湿，喜利而恶滞。是方也，人参、扁豆、甘草，味之甘者也。白术、茯苓、山药、莲肉、薏苡仁，甘而微燥者也。砂仁辛香而燥，可以开胃醒脾。桔梗甘而微苦，甘则性缓，故为诸药之舟楫，苦则喜降，则能通天气于地道矣。

钱氏益黄散

陈皮十两 丁香一两 青皮 诃子肉 甘草各五钱

每服末二钱。

小儿脾虚不实，米谷不化，滑肠滞颐者，此方主之。

胃主受纳，脾主消磨，故能纳而不能化者，责之脾虚。滑肠者，肠滑而飧泄也。滞颐者，颐颌之下多涎滞也，皆土弱不能制水之象。火能生土，故用丁香。甘能补土，故用甘草。香能快脾，故用陈皮。涩能去滑，故用诃子。用青皮者，谓其快膈平肝，能抑其所不胜尔。

补中益气汤

人参 炙甘草各一钱 黄芪一钱五分 陈皮 白术 当归 柴胡各五分 升麻三分

饥困劳倦，中气虚弱者，此方主之。

中气者，脾胃之气也。五脏六腑，百骸九窍，皆受气于脾胃而后治，故曰土者万物之母。若饥困劳倦，伤其脾胃，则众体无以受气而皆病，故东垣谆谆以脾胃为言也。是方也，人参、黄芪、甘草，甘温之品也，甘者中之味，温者中之气，气味皆中，故足以补中气。白术甘而微燥，故能健脾。当归质润辛温，故能泽土。术以燥之，归以润之，则不刚不柔，而上气和矣。复用升麻、柴胡者，升清阳之气于地道也。盖天地之气一升，则万物皆生。天地之气一降，则万物皆死，观乎天地之升降，而用升麻、柴胡之意，从可知矣。或曰：东垣谓脾胃一虚，肺气先绝，故用黄芪以益皮毛，不令自汗而泄肺气，其辞切矣。予考古人之方而更其论，何也？余曰：东垣以脾胃为肺之母故耳。余以脾胃为众体之母，凡五脏六腑、百骸九窍，莫不受其气而母之，是发东垣之未发，而广其意耳，岂曰更论。

调中益气汤

黄芪一钱 升麻三分 陈皮六分 木香二分 人参 甘草炙 苍术 柴胡各五分

脾胃不调而气弱者，此方主之。

脾胃不调者，肠鸣、飧泄、膨胀之类也。气弱者，语言轻微，手足倦怠也。补可以去弱，故用人参、黄芪、甘草，甘温之性行，则中气不弱，手足不倦矣。苍术辛燥，能平胃中敦阜之气。升麻、柴胡轻清，能升胃家陷下之气。木香、陈皮辛香，能去胃中陈腐之气。夫敦阜之气平，陷下之气升，陈腐之气去，宁有不调之中乎？

升阳顺气汤

升麻 陈皮去白 柴胡 草豆蔻 当归各一钱 黄芪四分 甘草 柏皮各五分 半夏姜制 人参各三钱 神曲一钱五分

清气在下，浊气在上，令人胸膈饱胀，大便溏泄者，此方主之。

上件病由于饮食伤其脾气，不能升清降浊故耳。是方也，升、柴辛温升其清，清升则阳气顺矣。柏皮苦寒降其浊，浊降则阴气顺矣。人参、黄芪、当归、甘草补其虚，补虚则正气顺矣。半夏、陈皮利其膈，膈利则痰气顺矣。豆蔻、神曲消其食，食消则谷气顺矣。故曰升阳顺气。

升阳益胃汤

羌活 独活 防风 柴胡 白术 茯苓 泽泻 黄芪 人参 半夏 陈皮 黄连 甘草 白芍药

湿淫于内，体重节痛，口干无味，大便不调，小便频数，饮食不消，洒淅恶寒，面色不乐者，此方主之。

湿淫于内者，脾土虚弱不能制湿，而湿内生也。湿流百节，故令体重节痛；脾胃虚衰，不能运化精微，故令口干无味。中气既弱，则传化失宜，故令大便不调，小便频数，

而饮食不消也。洒淅恶寒者，湿邪胜也，湿为阴邪，故令恶寒。面色不乐者，阳气不伸也。是方也，半夏、白术能燥湿。茯苓、泽泻能渗湿。羌活、独活、防风、柴胡能升举清阳之气，而搜百节之湿。黄连苦而燥，可用之以疗湿热。陈皮辛而温，可用之以平胃气。乃人参、黄芪、甘草，用之以益胃。而白芍药之酸收，用之以和荣气，而协羌、防、柴、独辛散之性耳。仲景于桂枝汤中用芍药，亦是和荣之意。古人用辛散，必用酸收，所以防其峻厉，犹兵家之节制也。

伏龙肝

伏龙肝者，灶中之土也。土性可以益脾，久于薪火，可以温中，脾胃虚弱者，药内宜加入之。

伤食门第二十九

叙曰：食以养生，夫人之所急也。食以伤生，夫人之所失也。炎帝教民耒耜，为养生也。既而品尝百药，惧伤生也。养生之中，而有伤生之患，此君子所以慎口体之奉也。今考方药十九首，卫生者其小补哉！

升阳顺气汤

升麻 柴胡 当归 草豆蔻 陈皮各一钱 黄芪四钱 半夏 人参各三钱 甘草炙 柏皮炒，各五分 神曲炒，各一钱五分

食饮胸膈饱胀，大便溏泄者，此方主之。

《内经》曰：清气在下，则生飧泄。浊气在上，则生腹胀。此由饮食伤脾，不能运化，失其升清降浊之令故耳。是方也，用升麻、柴胡以升其清阳之气，用柏皮以降其浊阴之膜，用半夏、陈皮以利其膈，用豆蔻、神曲以消其食，用人参、黄芪、当归、甘草以益其脾。如此则清气升，浊气降，滞气利，食气磨，而脾胃之气复其常矣。

保和丸

山楂肉二两 神曲 半夏 茯苓各一两
萝卜子 陈皮 连翘各五钱

饮食内伤，令人恶食者，此丸主之。

伤于饮食，故令恶食，诸方以厉药攻之，是伤而复伤也。是方药味平良，补剂之例也。故曰保和。山楂甘而酸，酸胜甘，故能去肥甘之积。神曲甘而腐，腐胜焦，故能化炮炙之腻。卜子辛而苦，苦下气，故能化面物之滞。陈皮辛而香，香胜腐，故能消陈腐之气。连翘辛而苦，苦泻火，故能去积滞之热。半夏辛而燥，燥胜湿，故能消水谷之气。茯苓甘而淡，淡能渗，故能利湿伤之滞。

枳实丸

白术二两，土炒 枳实一两，麸炒
荷叶包陈米饭，煨干为末糊丸。
健脾消痞，此方主之。

一消一补，调养之方也。故用白术以补脾，枳实以消痞，烧饭取其香以益胃，荷叶取其仰以象震。象震者，欲其升生甲胆之少阳也。此易老一时之方，来东垣末年之悟，孰谓立方之旨易闻耶？

枳实导滞丸

白术土炒 茯苓去皮 黄芩酒炒 黄连酒炒，各三钱 泽泻二钱 大黄一两 枳实麸炒 神曲各五钱

伤湿热之物，不得消化，而作痞满者，此方主之。

湿热之物，酒面之类也。燥以制湿，淡以渗湿，故用白术、茯苓、泽泻。苦以下热，寒以胜热，故用芩、连、枳实、大黄。龛造变化者，可以推陈而致新，故用神曲。

红丸子

京三棱醋煮 蓬莪术醋煮 陈皮去白 青皮麸炒，各五两 干姜炮 胡椒各二两

共为末，醋糊为丸，如梧桐子大，硃红为衣。每服三十丸。

伤寒冷之物，腹痛成积者，此方主之。

三棱、莪术，攻坚药也，故可以去积。干姜、胡椒，辛热物也，故可以去寒。青皮、陈皮，快气药也，故可以去痛。而必以醋糊为丸者，经曰酸胜甘，故用以疗肥甘之滞。必以硃红为衣者，取其咸能软坚，枯能着癖也。

附子理中汤

附子去皮脐，炮 干姜炮 人参去芦 白术炒 甘草炙

口食冷物，客寒犯胃，中焦痛甚，脉沉迟者，急以此方主之。

凡吞冰饮泉及一切冷物，食之过其分量，则寒气凝于中焦，故令肚腹大痛。脉来沉者为里，迟者为寒。是方也，干姜、附子之辛热，所以温中散寒。人参、白术、甘草之甘温，所以益胃于被伤之后也。

葛花解醒汤

葛花 砂仁 白豆蔻 木香 陈皮去白 人参 茯苓各五分 神曲炒 白术炒 干生姜 青皮去穰，炒 泽泻各一分

酒食内伤者，此方主之。

葛花之寒，能解中酒之毒。茯苓、泽泻之淡，能利中酒之湿。砂仁、豆蔻、木香、青皮、陈皮之辛，能行酒食之滞，生姜所以开胃止呕，神曲所以消磨炙腻。而人参、白术之甘，所以益被伤之胃尔。

备急丸

大黄 巴豆去皮膜油 干姜各等分

共为末作丸。每服六分，以利为度。

饮食自倍，冷热不调，腹中急痛欲死者，急以此方主之。

脾胃以饮食而养，亦以饮食而伤，故饮食自倍，填塞至阴，上焦不行，下脘不通，则令人腹痛欲死。经曰：升降息，则气立孤危。

是也。以平药与之，性缓无益于治，故用大黄、巴豆夺门之将军以主之。佐以辛利之干姜，则其性益速而效益捷矣。

盐汤探吐法

烧盐四合 温汤二升

和匀饮之，以指探吐。

饮食自倍，胸膈饱胀，宜以此法吐之。

经曰：阴之所生，本在五味。阴之五宫，伤在五味。故饮食过之，则胸膈饱胀者势也。与其胀而伤生，孰若吐而去疾，故用盐汤之咸以软坚，复使探喉以令吐。

杏仁

厨家造索粉，杏仁近之即烂。今后凡遇粉伤者宜加焉。此惟《医余》志之，诸书皆未道也。

糯米

客有货瓜果者，一遇糯米，无不化烂。今后凡遇伤于瓜果者宜入之。

醇酒

《内则》志八珍以养老，取牛肉必新杀者，绝其理而薄切之，湛诸美酒，其朝而食之，则酒之善于烂牛味也可知矣。今后凡遇伤于牛味者，宜使饮之。

橄榄

舟人以橄榄木为橹，凡鱼触之，无有不死。又尝以橄榄木为桌，以鱼骨置之，少时柔软。今后凡遇食鱼而伤者及噎鱼骨者，皆宜用之。

白曲

糯米一石，得白曲一斤，皆酿为酒。今后凡遇伤于粽槿者宜用之。

芽茶

凡造饭成团，以芽茶沃之，粒粒散解。今后凡遇伤于百谷者宜入之。

山楂

楂即紫球子

客有烹猪首者，或告之曰：是草猪母斃之首也，皮厚而不易烹，能多入山楂，则易烹矣。试之果然。今后但遇伤于肉味者，只此足矣。

淡豆豉

凡食煎炙面食，肥甘椒辣等物，令人焦烦消渴者，宜以淡豆豉一物煎汤主之。盖万物归于腐，又曰腐胜焦，淡豉原经蠶造，而质已腐，则能腐化诸味矣，故称其良。

麝香

凡花果草木，一触麝香，无不萎落。今后凡遇伤于果实蔬菜者宜主之。

枳枸子

俗呼鸡距子

门外植枳枸木者，门内造酒，必不熟，屋内有此木作柱亦然。故曰：枳枸解酒，过于葛花。今后凡遇伤酒中酒者，宜用之。

吞酸门第三十

叙曰：吞酸，小疾也，可暂而不可久。或以疾小而忽之，此不知其为翻胃之渐也。语曰：毫末不斫，将寻斧柯。是故慎之。今考古方四首，盖曰防微杜渐云尔。

茱连丸

黄连一两，酒炒 黄芩酒炒 吴茱萸煮少时，晒干 陈皮各五钱 苍术七钱五分，泔浸七日

胃中湿热，抑遏肝火，令人吞酸者，此方主之。

湿郁则热，热郁则酸，故夏月饮食之类，

以物覆冒之，其味必酸。曰肝火者，《洪范》曰：木曰曲直，曲直作酸，故责之肝。是方也，连、芩治热，热去则不吐酸。苍术燥湿，湿除则不生热。陈皮理气，气行则湿不郁。吴茱萸辛热而气躁，辛热可使就燥，气躁可使就肝，故能引连、芩入肝而泻肝火，此从治之义也。他如火门左金丸亦良。

加味平胃散

苍术泔浸七日 陈皮去白 厚朴姜汁炒 甘草炙 神曲炒 麦芽

宿食不化，吞酸呃臭，右关脉滑，此方主之。

食经宿而不化，有热则令人吞酸，无热则但呃臭而已。右关主脾胃，脉滑主停食。治此者，宜宽中下气，健脾消食。辛者可宽中，故用苍术、陈皮。苦者可下气，故用厚朴。甘者可健脾，故用甘草。盖造化变化者能消食，故用神曲、麦芽。

火郁越鞠丸

山栀炒黑 青黛飞 香附童便浸五日 抚芎 神曲炒 苍术米泔浸七日

七情拂郁，吞酸，小便赤，脉来沉数者，此方主之。

一念动处便是火，故七情拂郁，皆能令人内热吞酸。小便赤为火。脉沉为郁，数为热。是方也，山栀，青黛之苦寒，可以导热。香附、苍术、抚芎之辛芳，可使解郁。神曲之陈腐，可使推陈而致新。

茱萸六一散

滑石六两 甘草一两 吴茱萸汤泡过一两
此亦治湿热吞酸之方也。

滑石寒而淡，寒能胜热，淡能导利，故足以治湿热。吴茱萸味辛性热，能反佐以从治。甘草性温气平，能和中而泻火。

痞门第三十一

叙曰：痞，虚中之实也。许学士云：邪之所凑，其气必虚，留而不去，其病则实。故治痞者，一补一消。考方二首，表昔人之法尔。

枳实消痞丸

枳实麸炒 黄连炒，各五钱 厚朴姜炒，四钱 半夏曲 人参 白术各三钱 干生姜 甘草 茯苓 麦芽各二钱

心下虚痞，恶食懒倦，右关脉弦者，此方主之。

痞，与“否”同，不通泰也。《易》曰：天地不交而成否。故肺气不降，脾气不运，升降不通，而名痞也。脾为邪气乘之，不足以胜谷，故令恶食。脾者卑脏，役气于四肢，而后肢体强健，脾病则不能致气于肢体，故令懒倦。肝脉也，木来克土，故令右关脉弦。是方也，枳实、黄连、厚朴之苦，可以下气。半夏曲、干生姜之辛，可以行滞。人参、甘草、白术、茯苓之甘，可使健脾。麦芽善消，则可以推陈而致新矣。是疾也，功在慎口。经曰：阴之五官，伤在五味，奈何不慎乎！

木香化滞汤

木香 生姜 陈皮各六分 柴胡七分 当归梢 枳实各四分 半夏一钱五分 红花二分 草豆蔻 炙甘草各二钱

忧气郁结，腹皮里微痛，心下痞满，不思饮食，此方主之。

上件病证，即六朝之医所谓气膈也，今人谓之气痞耳。经曰：脾主行气于三阴，三阴之脉皆行腹里。今忧气郁结，营卫之行涩，故令腹皮里微痛。心下痞满者，升降之道乖也。不思饮食者，忧气伤脾也。辛香可以化气，故用木香、豆蔻、生姜、陈皮、半夏之辈以主之。升降者，交泰之道也，故用柴胡

之辛以升之，枳实之苦以降之。营卫涩而后腹皮痛，故用归尾、红花以和营，炙甘草以和卫。

治男妇痞块方

白鸽一对，不落毛，去毛肠肚，小破。急性子炒，藜花子水炒，大黄晒，朴硝各五钱。

只为细末，入鸽腹扎紧，砂锅陈酒煮熟，待冷取出药，将鸽肉风晒半日，打碎炙炒，不宜焦枯。同前药磨细末筛净，将糯米粉掬为丸，桐子大。空心服五钱，其块化为脓血，为鱼冻，为粘胶，从大便出，潜消默化，妙难尽述。

嘈杂门第三十二

叙曰：嘈杂，火证也，而痰次之。终岁嘈杂者，必夭天年。此胡云哉？燬万物者，莫若火也。故考三方以疗嘈杂。

痰火越鞠丸

海石研，水飞。南星牛胆者。瓜蒌仁去油。山栀炒黑。青黛水飞过。香附童便浸。苍术泔浸七日。抚芎。

痰因火动，令人嘈杂，此方主之。

嘈杂者，痰火内动，如粗食在膈，令人不自安也。是方也，海石之咸，可以软顽痰。南星之燥，可以枯湿痰。瓜蒌之苦，可以下逆痰。山栀、青黛，苦寒之品也，所以泻火。香附、抚芎、苍术，辛香之品也，所以发越鞠郁。

加味三补丸

黄芩 黄连 黄柏 香附醋浸五日 苍术泔浸七日

郁火嘈杂，此方亦良。

辛香能开郁，故用香附、苍术。苦寒能泻火，故用黄芩、黄连、黄柏。然三黄之寒，得苍、附而不滞。苍、附之香，得三黄而不

燥，其互以成功又如此。

二陈加黄连栀子汤

半夏 陈皮 茯苓去皮 甘草炙 黄连 栀子

此治嘈杂之汤液也。

痰之生也，本于湿，故用半夏燥湿，茯苓渗湿，湿去则痰不生。甘草能健脾，脾健则能制湿。陈皮能利气，气行则痰亦行。黄连、栀子之加，取其寒能胜热，苦能降火尔！

郁门第三十三

叙曰：天地以升生，而万物发陈。故气血以四布，而百体敷荣。一有拂郁，则象天地之闭藏矣，是岂升生之道乎？此诸病之所以生也。今考名方六首，而郁之情状见矣。

越鞠丸

香附醋炒 苍术米泔浸 抚芎 栀子炒黑 神曲炒，等分

水丸小豆大，每服百丸。

诸郁者，此方主之。

越鞠者，发越鞠郁之谓也。香附理气郁，苍术开湿郁，抚芎调血郁，栀子治火郁，神曲疗食郁。此以理气为主，乃不易之品也。若主湿郁，加白芷、茯苓。主热郁，加青黛。主痰郁，加南星、海石、瓜蒌。主血郁，加桃仁、红花。主食郁，加山楂、砂仁。此因病而变通也。如春加防风，夏加苦参，秋冬加吴茱萸，乃经所谓升降浮沉则顺之，寒热温凉则逆之耳。

贝母

《诗》曰：陟彼阿丘，言采其虻。朱子曰：虻，贝母也，采之以疗郁结之疾。故疗郁结者每加之。

盐汤探吐法

烧盐三两 温汤二升

和服探吐。

木郁，两胁大痛，脉代者，此方主之。

木，肝木也，有垂枝布叶之象，喜条达而恶抑郁。若膈间有停痰宿食，抑其肝气，不得上达，则肝木自实，两胁大痛。脉来代者痛盛而脉止也。得吐则生，不吐则死，故主盐汤探吐。盐取润下，吐取肝木之宣畅而已。经曰：木郁则达之。此之谓也。

火郁汤

羌活 葛根 升麻 芍药 人参各七分
柴胡 生甘草各三分 防风五分 葱白五茎

火郁者，内热外寒，脉沉而数，此方主之。

火，心火也，禀炎上之体，喜畅而恶郁。郁之则火无焰，故令身寒。脉沉为在里，沉而数，为里热。是方也，羌活、防风、升麻、柴胡、干葛、葱白，皆辛温升举之药，故足以扬无焰之火，而令炎炎。若芍药、人参、甘草者，乃所以和营卫于升发之余尔。经曰：火郁则发之。此之谓也。

大承气汤

大黄 芒硝 厚朴 枳实

土郁者，痞、满、燥、实、坚全俱，脉来有力而实，此方主之。

土，脾胃土也，为仓廪之官，无物不受，喜传化而恶停滞。若里邪作实，则令人痞、满、燥、实、坚全俱。脉来实者为里实。是方也，厚朴苦温以去痞，枳实苦寒以泻满，芒硝咸寒以润燥软坚，大黄苦寒以泻实去热。经曰：土郁则夺之。此之谓也。

麻黄葛根汤

麻黄去节 赤芍药各三钱 葛根一钱五分

淡豉半合

金郁者，喘满，脉浮，此方主之。

金，肺金也，为清虚之脏，皮毛之合，喜清虚而恶壅塞。塞之则气自实，令人喘满。肺主皮毛，故令脉浮。是方也，麻黄、干葛之轻，可以去实。淡豆豉之腐，可以推陈。赤芍药之酸，可以泻壅。经曰：金郁则泄之。此之谓也。

大补丸

黄柏一味，炒褐色作丸。

水郁者，腰股痛，足下热，此方主之。

水，肾也。水郁者，肾部有郁火也。腰者，肾之府，故令腰痛。肾脉斜走足心，上股内后廉故股内亦痛，而足心热。黄柏苦而润，润能益水，苦能降下。经曰：水郁则折之。此之谓也。

五疸门第三十四

叙曰：疸，黄疾也。初学易谈之，此未遇盘根错节耳，以故芒利不若干将，鲜有不断其锋者。今即名人之方十三首而考之，疸证之难易，概可见矣。

丹溪治黄疸方

黄芩炒 黄连炒 梔子炒黑 茵陈 猪苓 泽泻 苍术制 青皮去穢炒 草龙胆各五分

谷疸加三棱、莪术、缩砂、陈皮、神曲。

丹溪云：疸证不必分五，同是湿热。故以此方主之。

疸，病黄之名也。五疸者，黄汗、黄疸、酒疸、谷疸、女劳疸也。疸分五证，始于仲景之《金匱要略》，此先圣示人以博也。不必分五，同是湿热，此后贤示人以略也。是方也，芩、连、梔子、龙胆之苦，所以去热。猪苓、泽泻之淡，所以去湿。茵陈蒿气微寒而味苦平，为阴中之阳，则兼湿热而治者也，故为黄家君主之药。苍术所以燥湿，青皮所以

破滯。而谷疸诸品之加，乃推陈致新之意也。虽然，丹溪翁之言不能无弊，使后之学者宗其言，至于举一而废百，宜乎视仲景之堂，若登天也。故古方治疸有吐者，有汗者，有下者，有寒者，有温者，有润者，有燥者，有软坚者，有消导者，有逐血者。今曰不必分五，则仲景之门犹不入，奈何而窥百家之奥乎？

瓜蒂散

瓜蒂 赤小豆 淡豆豉各五分

疸证腹满欲吐，鼻燥，脉浮者，宜以此方吐之。酒疸欲吐者同。

腹满欲吐，邪在上也。鼻燥者，邪在气分也。脉浮者，邪未尽入于里也。吐中有发散之义，故吐于浮脉正宜。瓜蒂苦而善涌，赤小豆平而解热，淡豆豉腐而胜燥，此古人之宣剂也。如头额两太阳痛者，令病人噉水一口，以瓜蒂散一字，吹入鼻中，泄出黄水而愈。

桂枝加黄芪汤

桂枝 芍药 生姜各三两 甘草 黄芪各二两 大枣十二枚

黄汗，身体疼重，发热，两胫自冷，此方主之。

黄汗者，汗出皆黄，沾衣有色也。得之汗出时，入水取浴，水从汗孔入。湿郁于表，故病黄。邪伤其卫，故自汗。湿热相搏，故身体疼重而发热。病原寒水所伤，寒气属阴，水性就下，故两胫自冷。客者除之，故用桂枝之辛甘以解肌表之邪。泄者收之，故用芍药之酸寒以敛荣中之液。虚以受邪，故用黄芪之甘温以实在表之气。辛甘发散为阳，故生姜、甘草可以为桂枝之佐。乃大枣者，和脾益胃之物也。

茵陈五苓散

茵陈 猪苓 茯苓 泽泻 白术等分

桂少许

发黄，小便不利者，此方主之。

热病小便不利，湿热内蓄，势必发黄。茵陈，黄家神良之品也，故诸方多用之。猪苓、泽泻、茯苓、白术，味平而淡，故可以导利小便。官桂之加，取有辛热，能引诸药直达热邪蓄结之处。经曰：甚者从治。此之谓也。

茵陈茯苓汤

茵陈二钱 茯苓 猪苓 桂枝各一钱 滑石一钱五分

发黄，小便涩，烦躁而渴者，此方主之。

实热在内，其热不得泄越，故发黄。小便涩者，热之所注也。烦躁者，热犯上焦清阳之分也。渴者，邪热蒸灼，不能生液润喉也。是方也，茵陈主黄疽，佐以茯苓、猪苓则利水；佐以滑石则利热；佐以桂枝则同气相求，直达热邪之巢穴。内热既去，则津液自生，气自化，小便自利，烦渴自除，身黄自愈矣。

茵陈栀子大黄汤

茵陈一两 栀子三枚 大黄二钱五分

发黄，小便赤涩，大便秘结，此方主之。

茵陈苦寒，能利黄疽。栀子泻火，屈曲而下，能疗小便之赤涩。大黄能攻大便秘结。此众人之所共知。大小既利，则湿热两泄，而黄自除矣。

栀子柏皮汤

栀子十五枚 黄柏二两 甘草一两

发黄，身热不止，大、小便利者，此方主之

发黄，身热不止者，阳邪未去也。大便利，故不用大黄。小便利，故不用五苓。但以栀子、柏皮之苦胜其热，甘草之甘缓其势，则治法毕矣。

枳实栀子豆豉大黄汤

枳实五枚 栀子十四枚 大黄一两 豆豉一升

发黄，身热，腹痛，右关脉滑者，名曰谷疸，此方主之。酒疸同。

发黄，身热，少火郁也。腹痛，右关脉滑，水谷积也。故用枳实、大黄攻其水谷之积。栀子、豆豉解其少火之郁。又曰：栀子、豆豉，仲景尝用之以吐懊侬。枳实、大黄，仲景尝用之以下胃实。故酒疸欲吐，谷疸腹痛，此方皆主之。

茵陈四逆汤

茵陈二两 附子一枚 干姜一两半 炙甘草一两

发黄，脉沉而迟，肢体冷逆，腰以上自汗者，此方冷服。

此阴证发黄也。阴寒盛于下，则戴阳于上，故上体见阳证，下体见阴证。阴盛于下，故见阴脉之沉迟，兼阴证之四逆，阳戴于上，故见阳证之发黄，上体之自汗也。茵陈，治黄之要药，故无分于寒热而用之。附子、干姜、炙甘草，回阳之要品也，故有阴寒即用之。然必冷服者，恐姜、附发于上焦阳盛之区，而下部阴寒之分反不及也。是方也，韩祇和、李思训、朱奉议咸用之矣。使据丹溪翁不必分五，同是湿热之言，而执其方以疗之，则药与证不相反耶？韩、李事见《汤液本草》，朱奉议见《活人书》。

消石矾石散

消石 矾石烧，等分

二共为末，大麦粥汤和服方寸匕，日三。

仲景《金匱要略》云：黄家日晡所发热，而反恶寒。此为女劳疸。得之膀胱急，小腹满，额上黑，足下热，因作黑疸。其腹胀如水状，大便必黑，时溲，此女劳之病，非水也。腹满者难治。此方主之。

阳邪传至于胃，热无以越，土色自见而发黄，则日晡所必发热。所以然者，土位旺于日晡故也。今反恶寒，则知其以女劳虚之矣。女劳虚者，责之肾。膀胱者，肾之腑。前阴者，肾之窍。肾虚而阳邪袭之，故令膀胱急，小腹满。黑者，北方肾水之色，额上黑者，肾病而色自见也。足下热者，肾脉起于涌泉，肾水一虚，则相火凑之，故足下热也。因作黑疸者，阳邪尽陷于肾，而肾色尽显于外也。腹胀者，肾脉行于腹里，邪气居之，故令胀如水状，实非水也。若是水病，则大便澄澈而濡泻。今是肾病，故大便必黑而时溲。盖肾主二便，病故黑溲而失其常也。此可以辨其为女劳之病，而非水矣。腹满难治者，腹满与腹胀不同，腹胀是肾脉行于腹，故令胀于外。腹满是脾胃受邪，不能健运，而满于中也。脾胃属土，能克肾水，故曰难治。消石、矾石，咸寒者也，咸能入肾，寒能胜热，故以二物主之。和以大麦粥汤者，恐二物之损胃也。呜呼！仲景公说证立方，精良曲当，大都如此，譬之选将练兵，知入善任，则万举万当，罔不奏功。彼用方不合证者，譬则出师无名。用药不知性者，譬则将不知兵，其不丧师辱国者鲜矣，恶乎建功？

抵当丸

水蛭三十枚，炒褐色 虻虫三十枚，去翅足，炒 桃仁二十枚，去皮尖 大黄三两，酒浸

畜血发黄者，此方主之。

阳邪瘀热在里，少腹硬满，小便自利而发黄者，为畜血发黄。苦走血，咸软坚，故用水蛭、虻虫以逐瘀血。滑利肠，寒下热，故用桃仁、大黄以下血热。他如伤寒门桃仁承气汤亦可酌用。

大温中丸

陈皮去白 厚朴姜汁炒 三棱醋炒 苍术 附浸七日 莪术醋炒 青皮各五两 甘草一两，炙 香附一斤，醋炒 针砂二两，醋炒红七次

忌犬肉、果菜。

此调理谷疸、酒疸之方也。

方名温中者，主疗湿郁于中之义也。水谷酒食，无非湿化，传化得宜则治，一或积于中宫，则遏少火，热而病黄矣。故用苍术、香附、陈皮、青皮、厚朴，以平胃中之敦阜而利其气，气利则水谷不滞。用三棱、莪术以削坚，削坚则积滞渐除。用针砂者，一借其兑金之令，以伐土中之木邪，一用其清肃之气，以除少火之蒸热也。甘草之用，和中而协诸药尔。

枣矾丸

绿矾半斤，火煅通红 枣肉二斤，煮，去皮捣烂
丸 平胃散四两，为衣

每服三十丸；姜汤下。

谷疸身目俱黄，此方亦良。

水谷癖积于中，抑遏肝肾之火，久久郁热，故身目俱黄。是方也，绿矾咸寒，能软痰癖而胜湿热。枣肉甘温，能益脾胃而补中宫。平胃散者，苍术、厚朴、陈皮、甘草也。苍术、厚朴，所以平胃家敦阜之气而除积饮。陈皮、甘草，一以利气，一以和中，乃调胃之意也。

消渴门第三十五

叙曰：消渴，无水也。《易义》曰：火炎则水干。故消渴责之无水。然证有三焦之判，病有虚实之分，常变不同，治疗亦异。方药十二考，示人以一得耳。

丹溪消渴方

黄连末 栝蒌根末 人乳汁 藕汁 生
芩汁

古称三消，上消者，令人消渴，此方主之。

气厥论曰：心移热于肺，传为膈消。夫心，火也；肺，金也。金得火而燥，故今膈

消。燥者润之，故用栝蒌、人汁、藕汁、生芩；火原于心，故泻以黄连。此言可治者尔。又曰：饮一溲二者死不治，得非以火来贼金之故乎！若时热者，主暑门人参白虎汤。

调胃承气汤

大黄四钱 芒硝五钱 甘草二钱

中消者，善食而溲，此方主之。

经曰：瘕成为消中。瘕者，热也。消中者，善食而溲也。大黄苦寒，可以攻热。芒硝咸寒，可以润燥。甘草甘平，可以调中。

大黄甘草饮子

大黄一两五钱 甘草四两 大豆五升，先煮二三沸，去苦水再煮

三物用井花水一桶煮熟，冷服无时。

此治中、上二焦消渴之方也。

大黄能去胃中实热，甘草能缓燥急之势，大豆能解诸家热毒，而必冷服者，寒因寒用也。

六味地黄丸

熟地黄八两 山茱萸 山药各四两 白茯苓 牡丹皮 泽泻各三两

下消者，烦渴引饮，小便如膏，此方主之。

先有消渴善饮，而后小便如膏者，名曰下消。惧其燥热渐深，将无水矣，故用此方以救肾水。熟地、山萸，质润味厚，为阴中之阴，故可以滋少阴之肾水。丹皮、泽泻，取其咸寒，能制阳光。山药、茯苓，取其甘淡，能疗膏浊。

八味丸

熟地黄八两 山茱萸肉 山药各四两 白茯苓 牡丹皮 泽泻各三两 肉桂炮 附子炮，去皮脐，各一两

渴而未消者，此方主之。

此即前方六味地黄丸加附子、肉桂也。渥

而未消，谓其人多渴，喜得茶饮，不若消渴之求饮无厌也。此为心肾不交，水不足以济火，故令亡液口干。乃是阴无阳而不升，阳无阴而不降，水下火上，不相既济耳。故用肉桂、附子之辛热壮其少火，用六味地黄丸益其真阴。真阴益则阳可降。少火壮则阴自生。故灶底加薪，枯笼蒸溽，槁禾得雨，生意维新，惟明者知之，昧者鲜不以为迂也。昔汉武帝病渴，张仲景为处此方，至圣玄关，今犹可想。

朽木汤

取朽木方寸者三十枚，煎汤饮之。得水土中者良。

此消渴之良方也。

经曰：热中、消中富贵人。盖以消渴之病，责之肥甘炮炙、嗜酒耽辛之所致也，非富贵人何以得之？朽木年深而质腐，腐者水之气，水足以制火，故腐足以胜焦。热中、消中皆焦证也，故此物主之。

葛花葛根

伤酒消渴，宜主葛花，以其善解酒毒故耳。或用葛根，其功不相上下也。

淡豆豉

喜食肥甘焦炙，令人消渴者，此物宜用。盖以豆豉由于熏造，味苦而气腐，苦能胜热，腐能胜焦故耳。

乌梅

前有梅林，闻者生液，故胃干暴渴者宜用之，所谓酸能致液也。

香薷

夏月消渴者，多是暑邪入于心包络，宜以香薷君之。

北梨甘蔗

富贵之人，饮酒必多置酢酱、海味，酒能灼人真阴，咸能丧人真液，故每每病致消渴。然酒以酿而浓，以水而淡。咸以燥而坚，以湿而化。故食北梨、甘蔗可以解酒，亦可以解咸。冬月宜煮而啖之。

人 参

凡汗、吐、下后渴者，皆胃液不足，宜以人参补之，盖气能蒸溽故耳。

水肿门第三十六

叙曰：水由地中行，顺道也。怀山襄陵，逆道也。治之者行其所无事，则智大矣。故治水肿者，亦因其势而利导之，宜汗、宜下、宜渗、宜清、宜燥，而药惟宜焉，则医之大智也。考方八首，而治水之大可知矣。

九味羌活汤

羌活 防风 苍术 细辛 川芎 白芷 生苻 黄芩 甘草

水病，腰以上肿者，此方微汗之，即愈。

腰以上皆肿，谓头面俱病也。《内经》曰：上盛为风，下盛为湿。故腰以上皆肿，必兼风治。盖无风则湿不能自上升于高巅清阳之分也。是方也，羌活、防风、苍术、细辛、川芎、白芷，皆辛甘之品，可以疏风，亦可以除热，所谓辛药能疏风，风药能胜湿也。风湿相搏，必有内热，故用生苻、黄芩之凉。而甘草者，所以调和营卫，使其相协而无相争也。

加味五皮饮

五加皮 地骨皮 生姜皮 大腹皮 茯苓皮 姜黄 木瓜

水病腰以下肿者，此方主之。

腰以下肿者，水性就下之象也。药之为

道，辛者、轻者可使走表。枯者、淡者可使渗利。苦者、寒者可使去热。味质厚重者可使走下。是方七味，或各一其性，或兼而有之，故可以渗利皮肤中之水，而调其气血也。

疏凿饮子

羌活 秦艽 商陆 槟榔 泽泻 木通
大腹皮 茯苓皮 赤小豆 椒目 等分

遍身水肿，喘呼气急，烦渴，大、小便不利者，此方主之。

遍身水肿，则外而肌肤，无一而不病矣；喘呼气急，烦渴，大小不利，则内而三焦，无一而不病矣。是方也，羌活、秦艽，疏表之药也。水邪之在表者，得之由汗而泄。泽泻、木通、腹皮、苓皮，渗利之药也。水邪之在里者，得之由溺而泄。商陆、槟榔，攻水之药也。水邪之壅塞者，得之由后而泄。赤小豆、椒目，燥湿之品也。水气之蒸薄者，得之以熯而竭。随在而分其势，病其不衰去乎？

大橘皮汤

陈皮一钱半 木香二分半 滑石六钱 槟榔三分 猪苓去皮 白术炒 泽泻 肉桂炒，各五分 茯苓一钱，去皮 甘草一分

湿热内攻，腹胀，小便不利，大便滑泄，此方主之。

湿热内攻，故令腹胀；小便不利，故令大便滑泄。陈皮、木香、槟榔，行气药也，气行则湿行。滑石、甘草，暑门之六一散也，用之所以治湿热。茯苓、猪苓、泽泻、白术、肉桂，伤寒门之五苓散也，用之所以利水道。二方各有正考。

严氏实脾散

厚朴姜汁炒 白术 附子 大腹子 白茯苓 草果仁 木香 木瓜 干姜炮，各一两 炙甘草半两

水气肢体浮肿，口不渴，大便不秘，小便不涩者，阴水也，此方主之。

脾胃虚寒，不能制水，则水妄行，故肢体浮肿。以无郁热，故口不渴而大小皆利。是方也，用白术、茯苓、甘草之甘温者补其虚，用干姜、附子之辛热者温其寒，用木香、草果之辛温者行其滞，用厚朴、腹子之下气者攻其邪，用木瓜之酸温者抑其所不胜。名曰实脾散者，实土以防水也。虽其药味不皆实上，然能去其邪，乃所以使脾气之自实也。

舟车丸

牵牛四两，炒 大黄二两，酒浸 甘遂面裹煨 大戟面裹 芫花炒 青皮炒 陈皮去白，各一两 木香五钱

水肿证，病气、形气皆实者，此方主之。

通可以去塞，牵牛、大黄、甘遂、芫花、大戟，皆通剂之厉者也。辛可以行滞，陈皮、青皮、木香，皆行滞之要药也。此方能下十二经之水，下咽之后，上下左右无所不至，故曰舟车。

《千金》苦瓠圆

取苦瓠白穰实，捻如大豆，以面裹煮一沸，空腹吞七枚，至午当出水一升，如此三四日，水自出不止，大瘦乃瘥。三年内慎口味。苦瓠须好，无厌翳细理者。不尔，有毒，不堪用。

大水，头面遍身肿胀者，此方主之。石水者，亦主之。

经曰：苦能涌泄，故用之在上，则令人涌，用之在下，则令人泄。今以熟面裹之，空腹而吞，盖用之于下也，宜乎水自泄矣。石水者，四肢皆瘦，惟有少腹坚硬如石，肿胀而便不利也。

麦门冬饮

麦门冬五十枚，去心，姜炒 粮米五十粒
水出高源者，此方主之。

肺非无为也，主降下之令焉。凡人饮入于胃之时，脾气散精，上归于肺。肺热失其

降下之令，不能通调水道，下输膀胱，渍于高原，淫于皮肤，则作水肿。诸医罕明乎此，实土导水，皆不能愈。故用麦门冬清肺，以开其降下之源。粮米益脾，而培平金之母气。此治病必求其本也。或问：此证何以辨之？余曰：肢体皆肿，少腹不急，初病便有喘满，此其候也。

鼓胀门第三十七

叙曰：鼓胀是虚中之实，宜分气、血、虫、食而治之，以朝宽暮急，能食不能食而辨之。实者可攻，虚者渐磨可也。例之相道焉，国内空虚，则宜惠养元气，恶能黠武？今考名方七首，示大法耳。或较形气、病气而攻补兼施，此在人之妙用，初不必泥也。

大安丸

山楂肉二两，炒 白术炒 神曲炒 半夏制 茯苓各一两 陈皮去白 连翘 萝卜子生用，各五钱

饮食伤脾，成鼓胀者，此方主之。

鼓胀者，腹皮虚大，鼓之紧急而有声也。经曰：阴之五官，伤在五味。故饮食过其分量则伤脾，脾伤则不能运化，积其谷气，虚大而鼓胀矣。然五味之变，酸性甘，腐胜焦，苦胜热，香胜腐，燥胜湿，淡胜饮，利胜滞，气胜味。故用山楂之酸以消肥甘，用神曲之腐以化焦炙，用连翘之苦以磨积热，用陈皮之香以开腐秽，用半夏之燥以胜土湿，用茯苓之淡以利水饮，用萝卜子之利以行食滞，用白术之气以胜五味。五味能胜，则脾不伤，脾不伤，则中气运行而无鼓胀矣。此大安之旨也。

导气丸

青皮水蛭炒 莪术虻虫炒 三棱干漆炒 槟榔斑猫炒 吴茱萸牵牛炒 干姜硫砂炒 胡椒茴香炒 附子盐炒 赤芍药川椒炒 石菖蒲桃仁炒

上件同炒药熟，去水蛭等不用，研末，酒糊为丸，如梧桐子大。每服五丸至七丸，空心紫苏汤下。

诸腹胀大，痞塞不通，大便虚秘，此方主之。

青皮、莪术、三棱、菖蒲，气积药也，炒以水蛭、虻虫、干漆、桃仁，则逐败血矣。干姜、附子、胡椒、茱萸，温中药也，炒以硫砂、食盐、茴香、牵牛，则软坚而疏利矣。槟榔炒以斑猫，下气者得破气者而益悍。赤芍药炒以川椒，泻肝者得疏肝者而益利。制度之工如此，以之而治气实有余之证，斯其选矣。

大黄廕虫丸

大黄一两，蒸 黄芩二两 甘草三两 干漆炒 桃仁各一两 芍药四两 杏仁去皮尖 虻虫去翅足，炒 蛭炒，各一升 廕虫半升，炒 水蛭百枚，炙黄 干地黄半两

共为末，蜜丸小豆大。日三服，每五丸。

腹胀有形块，按之而痛不移，口不恶食，小便自利，大便黄色，面黄肌错者，血症谛也，此丸与之。

腹胀有形块，按之而痛移者，气与火也。今痛不移，则属有形矣。然食与血皆有形，食而腹胀则恶食，今不恶食，则知其为血矣。小便自利者，血病而气不病也。大便黑色者，病属于阴也。面黄肌错者，血病则不能荣养其容，濡泽其肤，故令萎黄甲错耳。大黄，攻下之品也，引以干漆、虻虫、蛭、水蛭、廕虫、桃仁之辈，则入血而攻血。芍药、地黄，生新血于去瘀之际。杏仁、甘草，致新气于逐败之余。而黄芩之苦，又所以厚肠坚胃，而不为攻下所伤耳。

鸡矢醴散

大黄酒润 桃仁去皮尖 鸡屎白者，酒炒，等分

共为末，每服三钱，姜汤下。

此方治血蛊良。

大黄苦寒，利于攻下。佐以桃仁，逐败血也。佐以鸡屎，杀蛊虫也。

《腹中论》曰：有病心腹满，旦食则不能暮食，此为何病？岐伯对曰：名为鼓胀。黄帝曰：治之奈何？岐伯曰：治之以鸡矢醴，一剂知，二剂已。王冰注曰：鸡屎利小便，微寒。此注还未妥。

香 枣 丸

苦丁香一物为末，熟枣肉作丸梧子大，每三十丸，空心枣汤下。

诸鼓胀内热者，此方主之。

苦丁香，即苦瓜蒂也。散用之则吐，丸用之则泻，凡有形之邪无不出之。亦良方也。

大戟枣子

大戟连根叶一握 大枣一斗

二物同煮一时，去大戟不用，旋旋吃枣无时。服尽决效。

此攻水证鼓胀之方也。

大戟气大寒而味苦甘，有小毒，能下十二经之水。大枣味甘，取其大补脾胃，而不为攻下所伤耳。服此方大忌甘草，以其与大戟相反故也。

六君子汤

人参 白术 茯苓 半夏姜煮 陈皮 甘草

脾虚鼓胀，手足倦怠，短气漉泄者，此方主之。

经曰：脾主行气于三阴。三阴者，太阴脾、厥阴肝、少阴肾也。其脉皆行于腹里，脾病则三阴之气不行，故令鼓胀。手足倦怠者，四肢受气于脾，脾病则无以受气，故倦怠。短气者，脾病而中气弱也。漉泄者，土弱不能制湿也。是方也，人参、白术、茯苓、甘草，甘温益脾之物也。半夏、陈皮，快脾利气之物也。然温者益气，甘者守中，下咽之后，必

增胀满，此勿疑之。经曰：塞因塞用，故用补剂以治胀满，初服则胀，久服则通。此惟精达经旨者知之，庸医未足道也。

小便不通门第三十八

叙曰：溲溺不通，匪细故也。期朝不通，便令人呕，名曰关格。又日不通而死矣。一见呕证，便不可救。经曰：出入废，则神机化灭，升降息，则气立孤危。此之谓也。故考五方以通溲溺。

倒 换 散

大黄一两 荆芥二两

每服末二钱。

内热小便不通者，此方主之。

内热而小便不通者，郁其少火，而气不化也。《内经》曰：膀胱者，州都之官，津液藏焉，气化则能出矣。然化气之道，莫妙于升降。天地以升而降化万物，奈何而昧于人乎？故用荆芥之轻清者以升其阳。用大黄之重浊者以降其阴。清阳既出上窍，则浊阴自归下窍，而小便随泄矣。方名倒换者，小便不通，倍用荆芥。大便不通，倍用大黄。颠倒而用，故曰倒换。

八正散加木香汤

车前子 瞿麦 扁蓄 滑石 山梔子炒黑 甘草梢 木通 大黄 木香

湿热下注，少腹急，小便不通者，此方主之。

湿热下注，令人少腹急，则小便有可行之势矣。而卒不通者，热秘之也。陶隐君曰：通可以去滞，泻可以去秘，滑可以去着。故用木通、瞿麦、扁蓄通其滞，用大黄、山梔泻其秘。用车前、滑石滑其着。用甘草梢者，取其坚实，能泻热于下。加木香者，取其辛香，能化气于中。

铁服丸

大皂角一物，炒焦为末，炼蜜为丸梧子大。每服七丸，白汤下。

少腹急，小便不通，气不化者，此方亦良。

皂角之气，能通关开窍。皂角之味，能去垢涤污，故能化下焦之气，通膀胱之滞。

熨脐法

用炒盐热熨脐腹，冷复易之。

咸可以软坚，热可以行滞，此炒盐之意也。然必熨其脐者，脐为吾身之枢，有生之系也，故能进气以化滞。

探吐法

烧盐二两 温水二升

服之探吐。

经云：升降出入，无器不有。故不升则不降，而道器灭矣。是以观于注水之瓶，上窍通，则下窍自利。此用吐之意也。

大螺着少腹法

宋季饶医熊彦诚，年五十五岁，病前后便溺不通五日，腹胀如鼓。同辈环视，皆不能措力。与西湖妙果僧慧月相善，遣信邀至诀别。月惊驰而往，于钓桥逢一异客揖之曰：方外高入，何子子走趋若是？月曰：一善友久患秘结病危，急欲往问。客曰：易事耳，待奉施一药。即脱靴入水探一大螺而出曰：事济矣！抵家以盐半匙，和壳生捣，置病者脐下一寸三分，用宽帛紧系之，仍办溺器以须其通。月未以为然，姑巽谢之。至熊家，彦诚昏不知人，妻子聚泣。诸医知无他策，慢使试之，曾未安席而暴下，诸医愧叹而散。月归访异人，无所见矣。熊后十六年乃终。昆谓便溺不通者，热秘之也。大螺性寒而善分清，故浊水之中，一着大螺，便能澄澈。剂之以盐，取其善润而已。

小便不禁门第三十九

叙曰：溲溺惟宜，形气治也。溲溺不禁，形气病也。轻者脬中有痹气，重者大气虚而且绝尔。辨此者以他证合之。姑考四方以志大法。

缩泉丸

乌药 益智仁等分

共为末，山药糊为丸梧子大。每服七十丸，空心盐汤下。

脬气虚寒，小便频数，遗尿不止者，此方主之。

脬气者，太阳膀胱之气也。膀胱之气，贵于冲和，邪气热之则便涩，邪气实之则不出。正气寒之则遗尿，正气虚之则不禁。是方也，乌药辛温而质重，重者坠下，故能疗肾间之冷气。益智仁辛热而色白，白者入气，故能壮下焦之脬气。脬气复其天，则禁固复其常矣。

八味丸

熟地黄八两 山茱萸去核 山药各四两
牡丹皮 白茯苓去皮 泽泻各三两 肉桂炒
附子炮，去皮脐，各一两

肾间水火俱虚，小便不调者，此方主之。

肾具水火，主二便，而司开阖。肾间之水竭，则火独治，能阖而不能开，令人病小便不出。肾间之火熄，则水独治，能开而不能阖，令人小便不禁。是方也，以附子、肉桂之温热益其火。以熟地、山萸之濡润壮其水。火欲实，则丹皮、泽泻之酸咸者可以收而泻之。水欲实，则茯苓、山药之甘淡者可以制而渗之。水火既济，则开阖治矣。正考见虚损劳瘵门、渴门。

四君子汤

人参 白术 茯苓 甘草各三钱

诸急病，遗尿不禁者，此方主之。

诸急病，谓卒然暴仆诸疾也。遗尿不禁者，形气将脱，无形之气不足以固有形之溺也。甘温为阳，可使益气，故人参、白术、茯苓、甘草，皆甘温也，可以用之。或问茯苓淡渗，当遗尿不禁之时，可以去否？余曰：苓有二品，枯而不泽者宜去，若坚洁而润者，则亦不嫌其为苓也。用之引人参以就下，直补膀胱，谁曰不可？正考见气门。

韭子一物丸

大人遗浊，小儿遗尿，以韭子一物作丸，服之神良。

经曰：淫气遗溺，痹聚在肾。痹聚者，湿气聚而为痹也。韭子润而辛热，辛热则能散湿，润则能就下，故孙真人每用之，令其就下而疗痹气尔。

淋涩门第四十

叙曰：淋一也，五疾判焉。必剖析其病情，治疗如法，始可奏功。若冒厥禁忌，纵若情欲，则日药之不足矣。考方八首，而治法之大者庶几哉！

三生益元散

生柏叶 生藕节 生车前各汁一杯 益元散三钱，调服

此主血淋之方也。

丹溪云：淋虽有五，皆主于热。此知要之言也。是方也，三物之生，皆能疗热。析而论之，则柏叶凉心，藕节消血，车前导利。益元散者，滑石、甘草也。滑石能清六腑之热。而甘草者，和中泻火，能协木石之性者也。

木香汤

木香 木通 槟榔 茴香小者，略炒 赤芍药炒 当归 青皮炒 泽泻 橘皮去白

甘草各五分

里气凝滞，小便淋沥，身冷者，名曰气淋，此方主之。

气行则利，气滞则涩，故里气凝滞，则小便淋沥；身冷者，阳气不舒也，乃天地闭塞而成冬，阳气潜藏之象也。药味辛香而轻枯者阳胜，故能理气于阳，木香、茴香、橘皮、木通是也。辛苦而润实者阴胜，故能理气于阴，青皮、槟榔、当归、赤芍是也。泽泻之咸，能引诸药直走膀胱。甘草之甘，能调诸药以和六腑。脬气不滞，则淋沥愈矣。

革薺分清饮

川革薺 石菖蒲 益智仁 乌药各三钱

膏浊频数，漩白如油，光彩不足者，名曰膏淋，此方主之。

膀胱者，水渫之区也。胃中湿热乘之，则小便浑浊，譬之湿土之令行，而山泽昏瞑也。陶隐君曰：燥可以去湿，故革薺、菖蒲、乌药、益智，皆燥物也，可以平湿土之敦阜。湿土既治，则天清地明，万类皆洁矣，而况于膀胱乎！

石苇散

石苇去毛 冬葵子各二两 瞿麦一两 滑石五两 车前子二两

每服三钱，日二。

砂淋痛盛者，此方主之。

砂淋者，溺出砂石也。此以火灼膀胱，浊阴凝结，乃煮海为盐之象也。通可以去滞，故用石苇、瞿麦。滑可以去着，故用滑石、车前、冬葵。虽然，治此证者，必使断盐，方能取效。断盐有二妙，一则淡能渗利，一则无咸不作石也。

清心莲子饮

黄芪炙 石莲肉 白茯苓 人参各七分半 炙甘草 地骨皮 黄芩炒 车前子 麦门冬各五分

劳淋者，此方主之。

遇劳即发者，名曰劳淋。此以体弱，故不任劳。然五脏各有劳。劳者动也，动而生阳，故令内热。内热移于膀胱，故令淋闭。是方也，石莲肉泻火于心，麦门冬清热于肺，黄芩泻火于肝，地骨皮退热于肾，黄芪、人参、茯苓、甘草泻火于脾，皆所以疗五脏之劳热也。惟车前子之滑，乃以治淋去着云尔。

琥珀散

滑石二钱 木通 当归 木香 郁金炒扁蓄 琥珀各一钱

气淋、血淋、膏淋、砂淋，此方皆主。

滑可以去着，故用滑石、琥珀。通可以去滞，故用木通、扁蓄。用当归者，取其活血。用木香、郁金者，取其利气也。

大补丸

黄柏一味，炒褐色为丸。

淋证遇房劳即发者，此方主之。

房劳虚其肾水，则火独治，故灼而为淋。黄柏苦而润，苦能泻火，润能补水。

参苓琥珀汤

人参五分 茯苓四分 玄胡索七分 川楝子炒 生甘草各一钱 柴胡 泽泻 当归梢 琥珀各三分

长流水煎。

脾气不足，小便淋沥，常有余滴不尽者，此方主之。

经曰：壮者气行则愈，怯者着而成病。是以房劳老弱之人，多有此疾。补可以去弱，故用人参、茯苓。滑可以去着，故用琥珀、归梢。泻可以去闭，故用泽泻、生甘草。用柴胡者，使之升其陷下之清阳。用玄胡、川楝者使之平其敦阜之浊气。煎以长流水者，取其就下之意也。

精浊门第四十一

叙曰：精浊，肾之液也。所以精浊者，心为之也，一动其心，而天君摇摇，则精浊走失矣。所谓主不明。则十二官危，以此养生则殆是也。故欲养其身者，先正其心。今考名方六首，外来之药耳。若能正其心，则吾身之大丹也。

九龙丹

枸杞子 金樱子 山楂肉 石莲肉 莲花须 熟地黄 芡实粉 白茯苓 川当归等分

精浊者，此方主之。

精浊与便浊不同，便浊是便溺浑浊，即前之膏淋也，乃是胃中湿热，渗入膀胱，与肾经绝无相干。精浊则牵丝粘腻，虽不便溺，亦是有之。此是肾水不足，淫火易动，精离其位，故令渐渍而出耳。治此者，宜滋肾清心，健脾固脱。是方也，枸杞、熟地、当归，味厚者也，可以滋阴，滋阴则足以制阳光。金樱、莲须、芡实，味涩者也，可以固脱，固脱则无遗失。石莲肉苦寒，可以清心，心清则淫火不炽。白茯苓甘平，可以益土，益土则制肾邪。则山楂肉者，又所以消阴分之障碍也。

珍珠粉丸

牡蛎粉取血色者，炙 黄柏各一斤 珍珠三钱 湿热在中、下二焦，令人便浊者，此方主之。

燥可以去湿，故用牡蛎粉。苦可以胜热，故用黄柏。滑可以去着，故用珍珠。

水陆二仙丹

金樱膏二斤 芡实粉一斤，熟 共为丸，豆大。空心服七十九。 此主精浊之方也。

金樱膏濡润而味涩，故能滋少阴而固其滑泄。芡实粉枯涩而味甘，故能固精浊而防其滑泄。金樱生于陆，芡实生于水，故曰水陆二仙。

妙香散

人参五分 山药二两，姜汁炒 麝香一钱，另研 木香二钱半，煨 黄芪 远志去心，炒 茯苓 茯神各一两 桔梗 甘草各二钱 辰砂二钱，另研

共为细末，每服二钱，酒下。

此安神正气而精自固之方也，梦中遗失者，宜主之。

精、气、神，人身之三宝也。神役气，气役精，三宝之用也。是以神昏则气荡，气荡则精离；神明则气正，气正则精固。是方也，不用固涩之剂以固精，但用人参、茯苓、茯神、远志、辰砂以安神，用麝香、木香、黄芪、桔梗、甘草、山药以正气，神清气正，则淫梦不作，邪火不起，精不必涩而自固矣。《内经》曰：主明则下安，以此养生则寿，没世不殆。此之谓也。

治浊固本丸

莲花须 黄连炒，各二两 猪苓二两五钱 白茯苓 砂仁 益智 半夏姜制 黄柏炒，各一两 炙甘草三钱

胃中湿热，渗入膀胱，浊下不禁者，此方主之。

凡浊下不禁，牵丝者，责之精浊，肾家之病也。不牵丝者，责之便浊，胃中湿热也。是方也，半夏所以燥胃中之湿。茯苓、猪苓所以渗胃中之湿。甘草、砂仁、益智，香甘益脾之品也，益脾亦所以制湿。而黄连、黄柏之苦，所以治湿热。莲花须之涩，所以止其滑泄耳。名之曰固本者，胃气为本之谓也。

韭子

《千金方》精极类用韭子以治遗精、梦失、

小便白浊者，盖九方焉，而单用韭子者居其半。夫韭子辛热物耳，何孙思邈取之深也？昆谓用之以治便浊者，用其辛热之气，燔其湿土，使蒸溽上行而不下，乃釜底加薪之法，益火之原以消阴翳也。用之以治遗精者，用其辛热之气以壮真阳，使之涵乎阴精而不漏，乃益土防水之法，卫外而为固也。凡此方外不传之秘，惟可与知者道耳。

自汗门第四十二

叙曰：有因而自汗，非病也。所谓阳之汗以天地之雨名之，乃阴阳和而雨泽降也。惟无因而自汗，则为病矣，宜以甘剂补之。今考古人四方，率甘剂耳。

玉屏风散

黄芪炙 防风各一两 白术二两

共为末，每服三钱。

气虚自汗者，此方主之。

自汗者，无因而自汗也。常人不汗者，由卫气固卫于外，津液不得走泄，所谓阳在外，阴之卫也。卫气一亏，则不足以固津液，而自渗泄矣，此自汗之由也。白术、黄芪，所以益气。然甘者性缓，不能速达于表，故佐之以防风。东垣有言，黄芪得防风而功愈大，乃相畏而相使者也。是自汗也，与伤风自汗不同，伤风自汗，责之邪气实。杂证自汗，责之正气虚。虚实不同，攻补亦异，临证者宜详别之。

大补黄芪汤

黄芪炙 人参 肉苁蓉 山茱萸去核 白术炒 当归 肉桂略炒 五味子炒 甘草炙 川芎 防风各一钱 茯苓一钱五分 熟地黄二钱

气血俱虚，自汗者，此方主之。

人参、黄芪、白术、茯苓、甘草、防风、肉桂，实表气而止自汗；当归、川芎、熟地、

肉苁蓉、山茱萸、五味子，生津液而收阴气。此气血两补之剂也。

调卫汤

麻黄根 黄芪各一钱 麦门冬 生地黄各三分 生甘草 当归梢 生黄芩 半夏各五分 羌活七分 猪苓 苏木 红花各二分 五味子七粒

湿热自汗，一身尽痛，脉濡者，此方主之。

湿无热不作汗，湿得热而蒸之，则能令人自汗。湿流百节，故一身尽痛。湿为阴气，故脉濡。风能胜湿，故用羌活。辛能燥湿，故用半夏。淡能渗湿，故用猪苓。湿伤气，黄芪、甘草、麦冬所以益气。湿伤血，苏木、红花、归梢所以消瘀。五味子、麻黄根，收汗液而固表虚。生苳、黄芩，凉阴血而除湿热。

艾煎茯苓散

以艾煎汤，调茯苓末一钱服。

别处无汗，独心孔一片有汗者，此方主之。

此是心火自旺，膈有停饮。火热蒸其湿饮，故令此处有汗。茯苓甘而淡，甘能养心，淡能渗湿。艾叶香而涩，香能利气，涩能固津。

盗汗门第四十三

叙曰：汗孔谓之鬼门，故盗汗不止，久久令人丧魄。考名方五首，而治盗汗之法，大可知矣。临证而权度其宜焉可也。

当归六黄汤

当归 生地黄 熟地黄 黄芩 黄连 黄柏各等分 黄芪倍用

阴虚有火，令人盗汗者，此方主之。

醒而出汗曰自汗，睡去出汗曰盗汗。自汗阳虚，盗汗阴虚也。曰有火者，谓其证有

面赤、口干、唇燥、便赤、声音重、脉来数也。然阴虚所以盗汗者，阴虚之人睡去，则卫外之阳乘虚陷入于阴中，表液失其固卫，故濺濺然而汗出。人觉则阳用事，卫气复出于表，表实而汗即止矣。当归、熟苳，养阴之品也。黄芩、黄连，去火之品也。生苳、黄柏，可以养阴，亦可以去火。而黄芪者，所以补表气于盗汗之余也。是盗汗也，与伤寒盗汗不同。伤寒盗汗是半表半里之邪未尽，杂证盗汗则阴虚而已。彼以和表为主，此以补阴为主。明者辨之。

黄芪六一汤

黄芪六两，炙 甘草一两，炙

虚脱已后盗汗者，此方主之。

虚脱者，阴虚而形气将脱，如大病之余，新产失血之后也。斯时也，更有盗汗，宁不复伤其气血乎？故用黄芪七之六，甘草七之一，大补其气而汗自止。或问：何以不用养血之药？余曰：太极之妙，阴生于阳，故无形能化有形，无形者气，有形者血耳。若虚脱之际，而责养阴之药以固脱，是以阴及阴，二女同居，乌能卫外？

正气汤

黄柏炒 知母炒，各二钱五分 甘草炙，五分
此治阴虚有火，令人盗汗之方也。

阴虚，则阳独治，故令有火。火益亢则阴益亏。阴亏则睡去之时，卫外之阳乘虚而入，卫虚无以固表，故令盗汗。经曰：壮水之主，以制阳光。故用黄柏、知母苦寒质润之品以主之。苦能泻火，寒能胜热，质润能滋阴。佐以甘草者，和其阴阳耳。

麦煎散

知母 石膏 人参 白茯苓 赤芍药 滑石 葶苈 杏仁 地骨皮 麻黄根 甘草
共为末，浮小麦煎汤调下二钱。
湿热内淫，肺病喘急，以致皮毛之气不

充，令人盗汗，四肢烦疼，肌肉消瘦者，此方主之。

《内经》曰：肺主皮毛。《灵枢经》曰：卫气者，所以温分肉，充皮肤，肥腠理，司开阖者也。今肺以喘而虚，故皮毛之气不充，气不充，则腠理失肥，开阖失宜，而令盗汗。是方也，滑石、茯苓，可以泻湿。石膏、知母，可以消热。杏仁、葶苈，可以泻喘。人参、甘草，可以益肺。地骨皮、赤芍药，可以去热于里。麻黄根、浮小麦，可以止汗于表。

柴 叶

此物能主五脏之风热。故焙干研末，空心米饮调服，能止盗汗，人所罕知。

积聚癥瘕门第四十四

叙曰：积聚癥瘕，夫人心腹之疾也。凡有此疾者，宜与明医攻疗之。失而不治，复协他邪，不可为矣。譬之奸人蠹国，乘人之危而利之，虽有智者，不能善其后尔。

倒 仓 法

以肥嫩黄牯牛肉三十斤，切成小片，去筋膜；取长流水煮糜烂，以布滤去渣滓，取净汁，再入锅内慢火熬至琥珀色，则成剂矣。令病者预先断肉食淡，前一日不食晚饭，设密屋一间，明亮不通风处行之。置秽桶瓦盆贮吐下之物，一磁瓶盛所出之溺。令病者入室，以汁饮一杯，少时又饮一杯，积数十杯，寒月则重汤荡而饮之，任其吐利。病在上者，欲其吐多。病在下者，欲其利多。病在中及在上复在下者，欲其吐利俱多，全在活法而为之缓急多寡也。视所出之物，必尽病根乃止。吐利后必渴甚，不得与汤，以所出之溺饮之，非惟可以止渴，抑且可以荡涤余垢。行后倦怠觉饥，先与稠米饮，次与淡稀粥。三日后，方可与菜羹。调养半月或一月，自觉精神焕发，形体轻健，沉疴悉能去矣。自后

须忌牛肉数年。

丹溪云：牛，坤土也。黄，上之色也。此以顺为性，而效法乎乾以为功，壮之用也。肉者，胃之乐也，熟而液，无形之物也，横散入肉络，由肠胃而渗透肌肤毛窍爪甲，无不入也。积聚久则形质成，依附肠胃回薄曲折处，以为栖泊之窠臼，阻碍气血津液，熏蒸燔灼成病，自非刮肠刮骨之神妙，可以铢两丸散，窥犯其藩墙户牖乎？肉液之泛溢，肠胃受之，其厚皆倍于前，有似乎肿。回薄曲折处，肉液充满流行，有如洪水泛涨，其浮槎陈朽，皆推逐荡漾，不可停留。在表者，因吐而汗，其清道者自吐而涌，浊道者自泄而去，凡属滞碍，一洗而尽。牛肉全重厚和顺之性，盎然涣然，润泽枯槁，补益虚损，宁无精神焕发之乐乎？正似武王克商，散财发粟，以赈殷人之仰望也。其方得于西域之至人，凡人于中年后，行一二次，亦却疾养寿之一助也。

又尝与人书曰：全在自饮轮回酒十数杯，以却逐余垢，迎接调匀，新宿营卫，使脏气育膜生意敷畅，有脱胎换骨之功也。多嫌其秽，因致中辍，而功亏一篑。若非明物理造化者，其肯视为美酝良味乎！

肥气丸息贲丸伏梁丸

痞气奔豚丸五方总考

东垣，百世之师也。其制肥气丸以治肝积，制息贲丸以治肺积，制伏梁丸以治心积，制痞气丸以治脾积，制奔豚丸以治肾积，率以攻下温热之品类聚为丸。夫五脏积气，辟在肠胃之外，而用巴霜、厚朴辈峻剂以攻肠胃之内，非其治也。入皆曰东垣方，余直以为非东垣之剂也。借曰东垣为之，则无《脾胃论》矣。明者辨之。

《三因》散聚汤

半夏 槟榔 川归各四分 大黄酒浸 陈皮 杏仁 桂心 茯苓各一钱 甘草 附子

川芎各五分 枳壳 厚朴 吴茱萸各一钱五分

聚气在六腑，随其上下，发作有时，令人心腹疼痛，攻刺腰肋，少腹膨胀，大小便不利者，此方主之。

上件皆六腑之病也。气之所积名曰积，气之所聚名曰聚。积者五脏之邪，聚者六腑之病也。是方名曰散聚者，所以散六腑之聚气耳。盖中气之道，热则施张，施张弗聚也。寒则收引，收引则气斯聚矣。故桂心、附子、吴茱萸辛热之品也，半夏、陈皮辛温之品也，川芎、当归、杏仁辛润之品也。辛则能散聚，热则能壮气，温者能和中，润者能泽六腑。乃茯苓、甘草之甘平，可以使之益胃。而槟榔、枳壳、厚朴、大黄，则皆推陈之品也。

伏翼尿

此即天鼠之粪也，又名夜明沙。古人治血积，每用水蛭、虻虫辈，以其善吮血耳！然其性毒，人多患之。而伏翼尿者，食蚊而化之者也，蚊之吮血，不减蛭、虻，故亦可以攻血积。《本草》称其能下死胎，则其能攻血块也何疑？书此以待同志者用之。

古方治积聚药总考

古方有用曲、蘖者，化水谷也。用礞砂、阿魏者，去肉食也。用陈皮、紫苏、生姜者，化鱼蟹也。用丁香、桂心者，腐果菜也。用牵牛、芫花者，攻水饮者。用三棱、鳖甲者，去癥瘕也。用附子、硫黄者，除痼冷也。用水蛭、虻虫者，攻血块也。用木香、槟榔者，攻滞气也。用雄黄、膩粉者，攻涎积也。用礞石、巴豆者，攻痰食也。甘遂、甘草并用者，假其相战以去积也。但立方之人，未入神妙，鲜有不类聚群毒以为丸者，此之谓猎不知兔，广络原野，冀一人获之，术亦疏矣。今考古人神异数事于下，以广见闻。

蛲 瘕

《史记》曰：临菑女子薄吾病甚，众医以

为寒热笃，当死。臣意诊其脉，曰蛲瘕，为病腹大，上肤黄粗，循之戚戚然。臣意欲以芫花一撮，即出蛲可数升，病已，三十日如故。病蛲得之于寒湿，寒湿气郁笃不发，化为虫。所以知薄吾病者，切其脉，循其尺，索刺粗而毛美奉发，是虫气也。其色泽者，中脏无邪气及重病。昆谓仓公以病蛲得之寒湿者，谓寒水湿土之气也。寒水湿土之气，郁极而不能宣发，则化为虫，所谓湿热生虫是也。芫花气身寒而味苦辛，有毒，能下十二经之水而攻积聚，故能下水土生化之蛲。

鸡子致积

北齐褚澄，善医术，建元中为吴郡太守，民有李道念者，以公事至郡。澄遥见谓曰：汝有奇疾。道念曰：果得冷疾五年矣。澄诊其脉曰：非冷也，由多食鸡子所致。令取蒜一升，服之即吐物如升许，涎裹之动，抉涎出视，乃一鸡雏，翅距已具而能走。澄曰：未也，盍服其余？从之，又吐十三枚，疾乃瘳。昆谓蒜性辛热，可以壮气，正气壮，则病邪不能容，故上涌而出，乃君子道长，小人道消之象。经曰：壮者气行则愈，怯者着而成病。此之谓也。

发 瘕

刘宋时，徐文伯者，徐嗣伯之兄也，笃好医术。宫人有患腰痛牵心者，发则气绝，众医以为肉瘕。文伯视之曰：此发瘕也，以油灌之。即吐物如发，引之长三尺，头已成蛇，又能摇动，悬之柱上，水尽沥，惟余一发而已。昆谓发者，血气之余也。入腹成蛇者，乃无情而化有情，离形而自成形也。无情而化有情，一腐草可以为萤，离形而自成形，一折枝可以植林。文伯治之以油者，投其先天之宜也，油性善泛，故哇之而出矣。或问：文伯何以便知其为发瘕？余曰：人患艺弗精耳，精艺自然入神。

蛇 瘕

隋有患者，尝病吐食，医作噎气、膈疾、翻胃三疾治之，无验。任度视之曰：非此三疾，盖因食蛇肉不消而致斯病，但揣心腹上有蛇形是也。病者曰：素有大风，常求蛇肉食，风稍退，复患此疾矣。遂以芒硝、雄黄治之愈。芒硝取其软坚，雄黄解其蛇毒。此《本草》之论，世人之所共识也。

鳖 瘕

宋有温革郎中者，自少壮健无疾，执不信医，见方书有云食鳖不可食芼者，故并啖之。自此苦腹痛，每作时，几不知人，始疑鳖芼所致，而未审也。复以二物令小苍头并食之，遂得病与革类，而委顿尤剧，未几遽死。舁其尸置马厩，未敛也，忽小鳖无数自上下窍涌出，散走厩中，惟遇马溺辄化为水。革闻，自视之，掇聚众鳖以马溺灌之，皆化为水。革乃自饮马溺，其疾亦愈。巢元方亦

谓有患鳖瘕者死，其主破其腹，得一白鳖，鳖乃活，有乘白马来看者，白马遂尿随落鳖上，即缩头，乃以马尿灌之，随化为水。昆谓鳖芼并啖而成瘕者，芼能回鳖之生气故也。瘕成遇马溺而化者，象数克之故也。昔尼父系《易》，系鳖于离，以其外刚内柔，肖其象也。故鳖瘕者，离象；马溺者，坎象也。离为火，坎为水，天地变化，坎离交媾，则火涵乎水，水涵乎火，而鳖生于水，各正性命，象数相制，则火仇于水，水制其火，而鳖瘕化于马溺。然马溺能化鳖瘕，而不能化鳖者，气生者可化，形生者可死而已。他溺不可化，而惟马溺能化者，马得乾之刚，其气悍味厚，非凡溺可例故耳。

京 三 棱

《本草》云：昔有人患瘕瘕死，遗言开腹取之。如其言，得块干硬如石，文理有五色，人谓异物，私取削成刀柄，后因以刀刈三棱，柄消成水，乃知此可疗瘕瘕也。

医方考 卷五

明 歙邑 吴 昆鹤皋原著
鄞县 曹赤电炳章圈点

痿痹门第四十五

叙曰：痿、痹，二病也。今详《内经》，亦有称痹为痿者，故合而为一。考方八首，举其略耳，尽其变化，则在医之方寸焉。

肺热汤

羚羊角 玄参 射干 薄荷 芍药 升麻 柏皮各三钱 生地黄一合 梔子仁四钱 竹茹二钱

肺鸣叶焦，令人色白毛败，发为痿痹，脉来短数者，宜此方主之。

痿，犹萎也。痿痹者，手足不用之义。肺鸣者，火来乘金，不得其平而自鸣，今之喘急是也。叶焦者，火盛金衰，故叶焦也。色白者，肺病而色自见也。毛败者，肺主皮毛，病故折败也。发为痿痹者，肺主气，气者万物之父，肺者五脏之天，所以出纳天地冲和之气，而百骸资始者也。肺病则百骸失其天，而无以资始矣，故令人手足痿痹。脉来短者，肺之真脏脉也。脉来数者，火来乘金也。斯证也，持于冬，死于夏，十有九危。然而主是方者，冀其为十中之一尔。羚羊、玄参、射干，凉膈之品也。肺居膈上，故能清肺热。薄荷、升麻者，辛凉之品也。金郁则泄之，故用其辛凉以解肺中郁热。柏皮能益肾水，肾水益，则子可以救母。生地能凉心血，心君凉，则火不之乘金。梔子、竹茹，能泄肝肾中相火，相火熄，则肺金可清。芍药味酸，和肝之品也，肝和则不至干侮肺。侮肺者，谓

金本以制木，今肺金自病，肝木乘其虚而轻侮之，臣强之象，势使然也。

人尿

肺痿者，取人尿无时呷之，良于诸药。盖天一生水，地二生火。人尿润下咸寒，人身之天地一也，故可以交吾身之坎离，济吾身之水火。或者因其秽而拒之。悲夫！未闻道者也。

三补丸

黄连 黄芩 黄柏等分，为丸

心气热，下脉厥而上，色赤，络脉满溢，枢纽折挐，胫纵而不任地者，名曰脉痿，宜此方主之。

心者，君主之官也。《内经》曰：君火以名，相火以位。言君火正其名而无为，相火守其位以听命。故心气热，下脉厥而上者，此相火听命于君也。色赤者，心病而色自见也。络脉满溢者，孙络充满而溢于表，炎上作火之象也。枢纽折挐者，言肢节折挐而不便，乃阳光用事，邪居百节故耳。胫纵不任地者，脉溢于上则下脉空虚而痿弱，故胫纵而不任地也。脉空而痿，故曰脉痿。是方也，黄连泻心火，黄柏泻相火，黄芩泻五脏之游火，火去则脉不厥逆，各循其经，而手足用矣。正考见火门。

龙胆泻肝汤

柴胡一钱 人参 知母 麦门冬 天门冬 草龙胆 山梔子 生甘草 黄连各五分

黄芩七分 五味子七粒

肝气热，色青爪枯口苦，筋膜干而挛急者，名曰筋痿，宜此方主之。

肝者，东方木也。色青者，肝病而色自见也。肝主筋，爪者筋之余，肝热故令爪枯也。口苦者，胆为肝之腑，咽为之使，胆热则汁上溢于咽，故令口苦也。肝主筋膜，筋膜干则燥而挛，挛急则手足不用，故曰筋痿。是方也，黄芩、黄连、山梔、胆草，皆足以泻肝火。君之以柴胡，则能条达乎肝胆矣。木盛而兼燥金之化，故令挛急。天麦门冬、知母、五味，味厚而润者也，故足以养筋而润燥。若生甘草、人参者，所以养乎阳气也。经曰阳气者，精则养神，柔则养筋，是故用之。互考见火门。

痿痹汤

羌活 赤芍药酒炒 姜黄酒炒 甘草各五分
黄芪 当归酒炒 防风各二钱五分

有渐于湿，以水为事，痹而不仁，发为肉痹者，此方主之。

湿气着于肌肉，则营卫之气不荣，令人痹而不仁，即为肉痿。肉痿即肉痹也。是方也，防风、羌活，风药也，用之所以胜湿。经曰：营血虚则不仁，故用当归以养营。又曰：卫气虚则不用，故用黄芪以益卫。用夫赤芍、姜黄者，活其湿伤之血也。用夫甘草者，益其湿伤之气也。

六味地黄丸加黄柏知母方

熟地黄八两 山茱萸去核 山药各四两
牡丹皮 白茯苓 泽泻各三两 黄柏 知母各二两

肾气热，则腰脊不举，骨枯而髓减，发为骨痿，宜此方主之。

肾者水脏，无水则火独治，故令肾热。肾主督脉，督脉者，行于脊里，肾坏则督脉虚，故令腰脊不举。骨枯髓减者，枯涸之极也。肾主骨，故曰骨痿。是方也，熟地黄、山茱萸，

味厚而能生阴。黄柏、知母，苦寒而能泻火。泽泻、丹皮，能去坎中之热。茯苓、山药，能制肾间之邪。王冰曰：壮水之主，以制阳光。此方有之矣。正考见虚损劳瘵门。

四君子汤

人参 白术 茯苓 甘草

阳明虚，宗筋失养，不能束骨而利机关，令人手足痿弱者，此方主之。

阳明者，胃也。胃为土，土者万物之母。《易》曰：至哉坤元，万物资生。若胃土一虚，则百骸失养，而绝其生气矣。故宗筋纵弛，不能束骨而利机关，令人手足痿弱。是方也，人参、甘草，甘温之品也，甘者土之味，温者土之气，故足以益阳明；白术、茯苓，燥渗之品也，燥之则土不濡，渗之则土不湿，故足以益脾胃。凡人大病之后，手足痿弱者，率是阳明虚也。能于胃而调养之，则继东垣之武矣。

八味丸

熟地黄八两 山茱萸去核 山药各四两
牡丹皮去木 白茯苓 泽泻各三两 附子盐煮
肉桂盐炒，各一两

人房太甚，宗筋纵弛，发为阴痿者，此方主之。

肾，坎象也。一阳居于二阴为坎，故肾中有命门之火焉。凡人人房甚而阴事作强不已者，水衰而火独治也。阴事柔痿不举者，水衰而火亦败也。丹溪曰：天非此火不足以生万物，人非此火不能以有生，奈之何而可以无火乎？是方也，附子、肉桂，味厚而辛热，味厚则能入阴，辛热则能益火，故能入少阴而益命门之火。熟地黄、山茱萸，味厚而质润，味厚则能养阴，质润则能壮水，故能滋少阴而壮坎中之水。火欲实，则泽泻、丹皮之咸酸，可以引而泻之。水欲实，则山药、茯苓之甘淡，可以渗而制之。水火得其养，则肾官不弱，命门不败，而作强之官得其职矣。

天雄附子川乌硫黄蜀椒蛇床子 韭子小茴香八物考

痿证大都主热，痹证大都主寒。然痿证亦有寒者，痹证亦有热者，此不可泥也。《内经》曰：淫气喘息，痹聚在肺。淫气忧思，痹聚在心。淫气遗溺，痹聚在肾。淫气之竭，痹聚在肝。淫气肌绝，痹聚在脾。此五证者，非温药不足以疗之也，宜于天雄、附子、川乌、硫黄、蜀椒、蛇床子、韭子、小茴香辈消息之。

厥证门第四十六

叙曰：六经皆有厥证，率是火尔。今表杂证之厥数条，以示大者。若伤寒阴厥、阳厥，宜于伤寒方考求之。

六物附子汤

附子 肉桂 防己各四钱 炙甘草二钱
白术 茯苓各三钱

阳气衰于下，令人寒厥，从五指至膝上寒者，此方主之。

进退消长者，阴阳之理也，故阳气衰乏者，阴必凑之，令人五指至膝上皆寒，名曰寒厥。寒厥者，寒气逆于下也。附子、肉桂，辛热之品也，故用之以壮元阳。而防己、甘草、白术、茯苓，甘温燥渗之品也，可佐之以平阴翳。

大补丸

黄柏一物，炒褐色，为末作丸。

阴气衰于下，令人足下热，热气循阴股而上者，名曰热厥，此方主之。

阳消则阴长，阴退则阳进，故阴气衰于下，则阳往凑之，令人足下热也。热盛则循三阴经而上逆，因谓之热厥。黄柏味苦而厚，为阴中之阴，故能补阴气之不足，泻热气之有余。王冰曰：壮水之主，以制阳光。此方

之谓也。

八味顺气散

白术 人参 白芷 白茯苓 台乌药
青皮 陈皮各一钱 甘草五分

七气拂郁，令人手足厥冷者，此方主之。

气者，人身之阳也，一有拂郁，则阳气不能回达，故令手足厥冷。是方也，白芷、台乌、青皮、陈皮，开郁顺气之品也，可以宣发诸阳。人参、白术、茯苓、甘草，补中益气之品也，可以调其不足。经曰：邪之所凑，其气必虚。是故用夫补尔。

人参固本丸

人参二两 天门冬 麦门冬 生地黄
熟地黄各四两

《内经》曰：阳气者，烦劳则张，精绝，辟积于夏，使人煎厥。宜此方主之。

诸动属阳，故烦劳则扰乎阳，而阳气张大。阳气张大，则劳火亢矣。火炎则水干，故令精绝。是以迁延辟积，至于夏月，内外皆热，水益亏而火益亢，孤阳厥逆，如煎如熬，故曰煎厥。是方也，生、熟地黄，能救肾水而益阴精；天、麦门冬，能扶肺金而清夏气。人参能固真元而疗烦劳。以之而治煎厥，诚曲当之方也。

蒲黄汤

蒲黄一两，炒褐色 清酒十爵沃之温服。

《内经》曰：大怒则形气绝，而血菀于上，使人薄厥。宜此方主之。

肝藏血而主怒，怒则火起于肝，载血上行，故令血菀于上。菀，乱也。薄，雷风相薄之薄。血气乱于胸中，相薄而厥逆也。蒲黄能消瘀安血，清酒能畅气和荣，故用之以主是证。

二十四味流气饮和苏合香丸

尸厥者，破阴绝阳，形静如死。医者不

知针石，宜此二方主之。

尸厥者，五尸之气，暴注于人，乱人阴阳气血，上有绝阳之络，下有破阴之纽，形气相离，不相顺接，故令暴蹇如死。所谓一息不运则机缄穷，一毫不续则霄壤判也。昔虢太子病此，扁鹊以针石燔烙治之而愈。今之医者，多不识针石，苟临是证，将视其死而不救欤？故用二十四味流气饮和苏合香丸主之，使其气血流动，阳无绝络，阴无破纽，则亦五会之针、五分之熨、八减之剂尔。流气饮见气门，苏合香丸见风门、五疰门。

痉门第四十七

叙曰：痉，风胜之病也，而寒湿每兼之。然疏风之物不可独用，独用则筋益燥而痉益坚，此养血之品所必加也。方药三考，惟同志者广之。

小续命汤

麻黄去节 人参 黄芩酒炒 芍药酒炒
川芎酒洗 防己 杏仁去皮尖，炒 桂枝净洗
甘草各一钱 防风 附子炒，去皮脐、各五分
病强痉者，此方主之。

痉，痉字之误也。强痉者，坚强而劲直，颈项牵急而背反张也。此以风寒湿三者客于太阳，伤其大筋，筋牵而急，故令痉也。然得之风湿者，令人有汗不恶寒名曰柔痉，昔人以桂枝加葛根汤主之是也。得之寒者，令人无汗恶寒，名曰刚痉，昔人以葛根汤主之是也。是方也，有麻黄、杏仁，则可以发表散寒。有桂枝、芍药，则可以解肌驱风。有防风、防己，则可以驱邪胜湿。有人参、甘草，则可以益气柔筋。有川芎、黄芩，则可以和阴去热。乃附子之热，可以温经，而亦可以去湿者也。正考见中风门。

十全大补汤

人参 黄芪蜜炙 茯苓 白芍药酒炒

白术炒 当归酒洗 甘草炙 熟地黄 川芎等分 桂枝少许

发汗过多，因而致痉者，此方主之。疮家虽身疼，不可发汗，发汗则痉者，亦此方主之。

上件皆是过亡津液，无以养筋，筋牵而急，故令百节强痉耳。经曰：阳气者，精则养神，柔则养筋。故用人参、白术、茯苓、黄芪、甘草之甘温者以益阳气。又曰：手得血而能握，足得血而能步。故用当归、川芎、芍药、地黄、桂枝之味厚者以养阴血。

桂 枝

《勾玄》云：以桂熬成浓汁，着于诸木嫩苗之上，必致萎谢。故痉者，筋病也，肝木主筋，药内用桂，可以伐肝缓筋，所谓木得桂而柔也，以故痉病宜之。

痫门第四十八

叙曰：痫，沉疴也，一月数发者易治，周年一发者难治，此虚实之判也。实者即攻之，虚者先补可也。考方三首，识其大耳，临证变化，岂曰拘之？

续命汤加紫苏陈皮方

竹沥一升二合 生姜汁五合 生芫汁一升
龙齿末 防风 麻黄各四两 防己 附子炮石膏 桂枝各二两 陈皮去白 紫苏各半两

痫疾者，发则仆地，闷乱无知，嚼舌吐沫，背反张，目上视，手足搐搦，或作六畜声者是也。宜此方主之。

痫疾者，风痰之故也。风，阳气也，《内经》曰：阳之气，以天地之疾风名之，故其发也暴。然所以令人仆地者，厥气并于上，上实下虚，清浊倒置。清浊倒置，故令人仆。闷乱无知者，浊邪干乎天君，而神明壅闭也。舌者心之苗，而脾之经络连于舌本，阳明之经络人上下齿缝中，故风邪实于心脾，则舌自

挺；风邪实于阳明，则口自噤。一挺一噤，故令嚼舌。吐沫者，风热盛于内也，此风来潮涵之象。背反张，目上视者，风在太阳经也。足太阳之经，起于睛明，挟脊而下。风邪干之，则实而劲急，故目上视而背反张也。手足搐搦者，风属肝木，肝木主筋，风热盛于肝，则一身之筋牵掣，故令手足搐搦也。搐者，四肢屈曲之名。搦者，十指开握之义也。或作六畜声者，风痰鼓其气窍，而声自变也，譬之弄笛焉，六孔闭塞不同，而宫商别异是也。是方也，有麻黄、桂枝、防风、紫苏，则可以泄在经之邪。有竹沥、姜汁、陈皮，则可以行痰涎之滞。有芫汁、石膏，则可以清心肺之热。有龙齿可以安魂。有防己可以通塞。其夫沉痾之痰，非附子不足以行其滞，而其大热之性，又足以益火之原而消阴翳，譬之太阳中天，幽谷之翳障无不消灭。此古人用附子之意也。

利惊丸

青黛 轻粉各一钱 牵牛末五钱 天竺黄二钱

上件为末，蜜丸黍米大，每服一钱。得利止后服。

惊痫气实者，此丸与之。

病疾之原，得之于惊。或在母腹之时，或在有生之后，必以惊恐而致疾，故曰惊痫。盖恐则气下，惊则气乱，恐气归肾，惊气归心，并于心肾，则肝脾独虚，肝虚则生风，脾虚则生痰，畜极而通，其法也暴，故令风痰上涌，而痫作矣。经曰：实者泻之，故用竺黄、青黛以泻肝，牵牛、轻粉以泻脾。泻肝所以驱风，泻脾所以驱涎。

茶子吐法

痫证宜下、宜吐。茶子苦而善涌，能吐顽痰，用者宜取一升，捣烂煎汤五倍之。令患人先一夕勿食夜膳，次早以帛束其少腹，于无风处饮而行之，得大吐便止，不必尽剂。

癫狂门第四十九

叙曰：癫狂，皆失心也。经曰：主不明，则十二官危。故视听言动，皆失其职。初病者宜泻其实。久病者宜安其神。兹考名方八首，而古人之治法见矣。

大黄一物汤

大黄四两

酒浸一宿，水三升煎之，分三服，不已再作。

癫狂病者，此方主之。

多怒为癫，多喜为狂。癫者，精神不守，言语错乱，妄见妄言，登高骂詈是也。狂之始发，少卧少饥，自贤自贵，妄笑妄动，登高而歌，弃衣而走是也。癫病者，责邪之并于肝。狂病者，责邪之并于心也。此皆实证，宜泻而不宜补，故用大黄以泻之，取其苦寒，无物不降，可以泻实。又必数日后方可与食，但得宁静，便为吉兆，不可见其瘦弱减食，便以温药补之，及以饮食饱之，病必再作。戒之戒之！缓与之食，方为得体，故曰损其谷气，则病易愈。所以然者，食入于阴，长气于阳故也。

麻仁煎

麻仁四升

水六升，煎七合，空心服。

癫风者，此方与之，三剂效。

麻仁，润药也，多与之令人通利，故足以泻癫风。然可以济火，可以泽肝，可以润脾，可以濡肾，有攻邪去病之能，无虚中坏气之患，足称良也。

苦参丸

苦参一物为末，蜜丸梧子大。每服十五丸，薄荷汤下。

发狂无时，披头大叫，欲杀人，不避水

火者，此方主之。

上件诸证，皆神明内乱也，故古人病狂谓之失心。苦参主心腹结气，故足以治时热狂言。

生铁洛

黄帝问曰：有病怒狂者，此病安生？岐伯对曰：生于阳也。帝曰：阳何以使人狂？岐伯曰：阳气者，暴折而难决，故善怒也，病名曰阳厥。帝曰：何以知之？岐伯曰：阳明者常动，巨阳、少阳不动，不动而动大疾，此其候也。治之奈何？岐伯曰：夺其食即已，夫食入于阴，长气于阳，故夺其食即已。使之服以生铁洛为饮。夫生铁洛者，下气疾也。昆谓怒者，肝木之志也。铁洛，金之体也。木欲实，金当平之，此其所以用铁洛也。

《灵苑方》朱砂酸枣仁乳香散

辰砂光明有墙壁者一两 酸枣仁半两，微炒
乳香光莹者，半两

癫疾失心者，将此三物为末，都作一服，温酒调下。善饮者以醉为度，勿令吐。服药讫，便安置床枕令卧。病浅者，半日至一日觉。病深者，三二日觉。令人潜伺之，不可惊触使觉，待其自醒，则神魂定矣。万一惊寤，不可复治。

唐相国寺僧允惠，患癫疾失心，经半年，遍服名医药不效。僧俗兄潘氏家富，召孙思邈疗之。孙曰：今夜睡着，明后日便愈也。潘曰：但告投药，报恩不忘。孙曰：有咸物，但与师吃，待酒却来道。夜分，僧果渴。孙至，遂求温酒一角，调药一服与之。有顷，再索酒，与之半角。其僧遂睡两昼夜乃觉，人事如故。潘谢孙，问其治法。孙曰：众人能安神矣，而不能使神昏得睡，此乃《灵苑方》中朱砂酸枣仁乳香散也，人不能用耳。正肃吴公，少时心病，服此一剂，五日方寤，遂瘥。

《本事方》以此方加人参一两，名宁志膏，炼蜜作丸如弹子大。每服一丸，薄荷汤化下。

楼师云：族人因兵火失心，制此方与之，服二十粒愈。亲旧多传去，服之皆验。昆谓重可以去怯，故朱砂能镇心安神。酸可使收引，故枣仁能敛神归心。香可使利窍，故乳香能豁达心志。必酒调尽醉者，欲其行药力而成莫大之功也。许学士加人参者，亦谓人参能宁心尔。

白金丸

白矾三两 郁金七两，须四川蟬腹者为真

二共为末，糊丸梧桐子大。每服五六十丸，温汤下。

《本事方》云：昔有一妇人癫狂失心，数年不愈，后遇至人授此方，初服觉心胸有物脱去，神气洒然，再服顿愈。至人云：此病因忧郁得之，痰涎包络心窍，此药能去郁痰。昆按：白矾咸寒，可以软顽痰。郁金苦辛，可以开结气。

惊气丸

附子 木香 白僵蚕 白花蛇 橘红
天麻 麻黄各半两 干葛二两 麝香五分 脑
子二分 朱砂一钱，留少许为衣 天南星姜汁浸一
宿 紫苏叶各一两

上件为末，炼蜜丸如龙眼大。每服一丸，金银薄荷汤下。

《本事方》云：戊寅年，军中一人犯法，褫衣将受刑而得释，精神顿失如痴。予与一丸，服讫而寐，及觉，病已失矣。提辖张载扬，其妻因避寇失心，已数年，予授此方，不终剂而愈。又黄彦奇妻，狂厥者逾十年，诸医不验。予授此方，去附子加铁粉，亦不终剂而愈。昆谓僵蚕、花蛇、天麻、南星可以豁风痰，麝香、脑子、木香、陈皮可以通脏窍，附子所以正元阳，朱砂所以安神志，麻黄、干葛、紫苏所以疏表而泄其惊气也。以铁粉而易附子者，亦以金能平木，而责厥为肝逆故耳。

云 母

此物性寒质重而明，寒可以胜热，重可以镇心，明可以安神，故纪朋用之汤液，以疗开元宫人。

惊悸怔忡门第五十

叙曰：惊悸怔忡，心疾也。心为一身之主，万化之原，失而不治，则十二官次第而失职，所谓主不明，则十二官危也。故考古人之方五首，以表大法，欲养其心者，尚酌而剂之。

养 心 汤

黄芪 白茯苓 茯神 半夏曲 当归
川芎各半两 柏子仁 酸枣仁炒 人参 远志去心 姜汁炒 五味子 辣桂各二钱半 甘草炙，四钱

每服五钱。

心血虚少，神气不宁，令人惊悸怔忡者，此方主之。

心主血而藏神，故方寸灵台，名曰神室。神室血少而空虚，则邪气袭之，令人如有惊悸而怔忡忡忡不自宁也。《内经》曰：阳气者，精则养神，故用人参、黄芪、茯神、茯苓、甘草以益气。又曰静则神藏，燥则消亡，故用当归、远志、柏仁、酸枣仁、五味子以润燥，养气所以养神，润燥所以润血。若川芎者，所以调肝而益心之母。半夏曲所以醒脾而益心之子。辣桂辛热，从火化也，《易》曰：火就燥，故能引诸药直达心君而补之，经谓之从治是也。亦有加槟榔、赤茯苓者，因其停水为悸，加之以导利水气耳。非停水者，不之用也。

宁 志 丸

人参 白茯苓 白茯神 酸枣仁酒浸半日，隔纸炒 当归 远志 柏子仁 琥珀各半两

乳香 石菖蒲 朱砂各二钱五分

蜜丸梧子大。每服三十九。

气血虚，梦中多惊者，此方主之。

重可以去怯，故用朱砂。明可以安神，故用琥珀。香可以利窍，故用乳香、菖蒲。气可以生神，故用参、苓、茯神。仁可以归心，故用柏仁、枣仁。酸可使养津，故用远志。润可以益血，故用当归。

朱砂安神丸

朱砂五钱，水飞，另研 黄连酒洗，六钱 生地黄 钱五分 炙甘草 当归各二钱五分

梦中惊悸，心神不安者，此方主之。

梦中惊悸者，心血虚而火袭之也。是方也，朱砂之重，可使安神；黄连之苦，可使泻火；生芩之凉，可使清热；当归之辛，可使养血。乃甘草者，一可以缓其炎炎之焰，一可以养气而生神也。

治异梦多惊，外有二法：一于髻中戴粗大灵砂一纱囊，一于枕中置真麝香一囊，皆能杜绝异梦而疗夜魇。

朱 雀 丸

白茯神二两 沉香五钱

惊气怔忡者，此方主之。

因惊而得者，名曰惊气怔忡。《内经》曰：惊则气乱。宜其怔忡忡忡，如物之扑也。是方也，茯神之甘平，可以宁心；沉香之坚实，可使下气，气下则怔忡瘥矣。

密陀僧一物散

每服匕许。

惊气入心，暗不能语者，此方主之。

有人伐薪山间，为狼所逐，暗不能言。一医授以此方，茶调服，寻愈。又一军人采藤于谷，为恶蛇所逢，趋归，证状亦同，以此方与之亦愈。盖此物镇重而燥，重故可以镇心，燥故可以劫其惊痰。

健忘门第五十一

叙曰：以虚无寂灭为宗，则弗忘而学忘。以家国天下为念，则健忘而惧其忘。君子有天下国家之责，奈何而可忘耶？此健忘之方所必考也。

归脾汤

人参 黄芪 龙眼肉 酸枣仁 茯苓
白术 远志各一钱 炙甘草 木香 当归各五分

思虑过多，劳伤心脾，令人健忘者，此方主之。

心藏神，脾藏意，思虑过度而伤心脾，则神意有亏而令健忘也。是方也，人参、黄芪、白术、茯苓、甘草，甘温物也，可以益脾。龙眼肉、酸枣仁、远志、当归，濡润物也，可以养心。燥可以入心，香可以醒脾，则夫木香之香燥，又可以调气于心脾之分矣。心脾治，宁复有健忘者乎？丸剂宜主虚损劳瘵门天王补心丹。

孔子大圣枕中方

败龟甲酥炙 远志去心苗 九节菖蒲去毛
龙骨研末，入鸡腹中，煮一宿

上四件等分，为末。每服一钱，酒调下，日三。

学问易忘，此方与之，令人聪明。

凡人多识不忘者，心血足而无所蔽也。若心血不足，邪气蔽之，则伤其虚灵之体，而学问易忘矣。龟，介虫之灵物也。龙，鳞虫之灵物也。用龟甲、龙骨者，假二物之灵以养此心之灵，欲其同气相求云尔。远志辛温味厚，辛温可使入心，味厚可使养阴。菖蒲味辛气清，味辛则利窍，气清则通神，以之而治易忘，斯近理矣。是方也，出于孙真人《千金方》，其来必有所自，但曰孔子大圣之方，则未敢是非也。

痛风门第五十二

叙曰：风者，百病之长，以其善行而数变也。痛风有寒、有湿、有痰、有血，而惟以风名者，得非以其善行数变，长于诸邪之故乎？今考名方五首，而痛风之情状见矣。

丹溪主上中下通用痛风方

南星姜制 黄柏酒炒 苍术泔浸七日，各一两
神曲炒 川芎各一两 桃仁去皮尖、双仁 白芷
草龙胆 防己各五钱 羌活 威灵仙酒拌
桂各三钱 红花酒洗，一钱五分

此治痛风之套剂也。

有湿痰死血，而风寒袭之，风则善走，寒则善痛，所以痛者，湿痰死血留结而不通也。所以走痛者，风气行天象之象也。是方也，南星燥一身之痰，苍术燥上下之湿，羌活去百节之风，而白芷则驱风之在面，威灵仙驱风之在手，桂枝驱风之在臂，防己驱湿之在股，川芎利血中之气，桃仁、红花活血中之瘀，龙胆、黄柏去湿中之热。乃神曲者，随诸药而消陈腐之气也。然羌活、白芷、威灵、桂枝，亲上药也；防己、杏仁、龙胆、黄柏，亲下药也，二者并用，则上行者亦可以引之而下，下行者亦可以引之而上，顾人用之何如耳？

二 妙 散

黄柏乳润 苍术米泔浸七日，等分
共为末，每用酒调下三钱。

湿热作痛，不拘上下，此方用之每良。

苍术妙于燥湿，黄柏妙于去热，二物皆有雄壮之性，亦简易之方也。

赶痛汤

乳香 没药 地龙酒炒 香附童便浸 桃仁 红花 甘草节 牛膝酒浸 当归 羌活
五灵脂酒淘去土

瘀血湿痰蓄于肢节之间而作痛者，此方

主之。

肢节之间，筋骨之会，空窍之所也，故邪易居之。是方也，桃仁、红花、牛膝、当归，养血而活血也。乳香、没药、五灵脂，散结而定痛也。羌活所以驱风，香附所以理郁。乃地龙者，湿土所化之物，同类相从，故能达湿邪结滞之区。甘草节者，取其性平，能和营卫而缓急痛之势也。或问湿痰瘀血，何以辨之？余曰：肢节沉重者是湿痰，晚间病重者是瘀血。

稀莖丸事考

唐·江陵节度使成讷进稀莖丸方云：臣有弟沂，年三十一，中风就枕五年，百医不瘥。有道人钟臧者，因睹此患，曰：可饵稀莖丸必愈。其药多生沃壤，高三尺许，节叶相对，五月间收洗去土，摘其叶及枝头，九蒸九暴，不必太燥，但取蒸为度，杵为末，炼蜜丸梧子大。空心温酒、米饮下二三十丸。所患忽加，不得忧虑，至四千丸，必复如故；五千丸，当复丁壮。臣依法修合与沂服，果如其言。钟臧又言：此药与《本草》所述功效相异，盖出处盛在江东，彼土民呼猪为稀，呼臭为莖，必缘此药如臭莖气，故以为名。久经蒸暴，莖气自泯，每当服多，须吃饭三五匙压之。奉宣付医院详录。

又知益州张咏进稀莖丸表云：臣因在龙兴观，掘得一碑，内说修养气术并药二件。依方差人访问采觅，其草颇有异，金棱银线，素根紫莖，对节而生，蜀号火杓，茎叶颇类苍耳。谁知至贱之中，乃有殊常之效。臣自吃至百服，眼目轻明；即至于千服，须发俱黑，筋胃较健，效验多端。臣本州有都押衙罗守一，曾中风堕马，失音不语，臣与十服，其病立痊。又和尚智严，年七十，忽患偏风，口眼喎斜，时时吐涎，臣与十服，亦便得瘥。今合一百剂，差职员史元奏进。义考见中风门。

桑枝煎

桑枝一小升，细切炒香，以水三大升，煎取二升，一日服尽无时。

诸痛风者，服此方良。

《图经》云：桑枝性平，不冷不热，可以常服。疗中风体痒，干湿脚气，及风气四肢拘挛，上气眼昏，肺气嗽，消食，利小便；久服轻身，聪明耳目，令人光泽，兼疗口干。《抱朴子仙经》云：一切仙药，不得桑枝煎不服。许学士云：政和间，予尝病两臂痛，服诸药不效，依此作数剂，臂痛寻愈。

痲风门第五十三

叙曰：痲风一证，古今难之，是以斯世之妄治者多也。深达痲风之奥者，洁古、东垣二人而已，余皆未有言也。今考古人之方六首，庶几乎精练之奇哉！

愈风丹

苦参四两，为末 土蝮蛇 白花蛇 乌梢蛇头尾全者，各一条，酒浸二三日，去骨，阴干为末 皂角五斤，去皮弦，以无灰酒浸一宿，取出用水熬膏

上以苦参、蝮蛇、白花、乌梢四味为末，将皂角膏和丸，如梧桐子大。每服七十丸，以玉屏风散煎汤吞下。轻者三蛇得一即效，不必全也。

痲风，手足麻木，毛落眉脱，遍身癩疹，搔痒成疮者，此方主之。

痲风者，天地杀物之风，燥金之气也，故令疮而不脓，燥而不湿。燥金之体涩，故一客于人，则营卫之行滞，令人不仁而麻木也。毛落眉脱者，燥风伐其营卫，而表气不固也。遍身癩疹者，上气下血俱病也。诸痛属实，诸痒属虚，痲风之痒，固多有虫，而卫气之虚，不可诬也。是证也，主燥剂以疏风，则反以助邪，往往血枯而死，故求古方之润剂以主之。白花、乌梢、土蝮三蛇者，血气之属也，

用血气之属以驱风，岂不油然而润乎？然其性中有毒，同气相求，直达痲风毒舍之处，岂不居然而效乎？皂角之性，善于洁身，则亦可以洁病。苦参之性，善于去热，则亦可以去风。昔人吞以防风通圣散，此方乃汗下之剂也，非营卫虚者所宜，今以玉屏风散更之，则黄芪可以排脓补表，防风可以利气疏邪，白术可以实脾而补肌矣。

换肌散

白花蛇 乌梢蛇酒浸各宿 地龙去土，各三两 当归酒制 苍术米泔浸七日 木鳖子去壳
细辛 蔓荆子 白芷 赤芍药 威灵仙
天麻 天门冬 川芎 甘菊花 何首乌 紫参 荆芥穗 沙参 石菖蒲 胡麻炒 苦参
不灰木 草乌 炙甘草 白蒺藜 定风草
即天麻苗 木贼各一两

上件共为末，每服五钱，食后酒调下，多饮为妙。

大风年深不愈，眉毛堕落，鼻梁崩坏，额颅肿破者，此方主之。

身半以上，天之阳也。病则气受之，气受之则上病，故眉落、鼻坏而颅破也。高巅之上，惟风可到，故用细辛、白芷、天麻、蔓荆、威灵、荆芥、甘菊、木贼、川芎、蒺藜、木鳖子、定风草诸物者，气味轻清，可以亲上，可以驱风，可以胜湿。乃不灰木、石菖蒲、草乌、苍术，则直可以疗湿矣。若苦参、紫参、沙参、何首乌，皆用之以解毒。当归、甘草、门冬、赤芍、胡麻，皆养血清气于驱风燥湿之队者也。地龙者，泥蟠之物，湿土所化也，故能引诸药以就湿；白花、乌梢者，奔腾之类，风动之象也，故能引诸药以驱风，此《易》所谓云从龙，风从虎也。

凌霄散

蝉壳 地龙炒 白僵蚕炒 全蝎炒，各七个
凌霄花半两

上为末，每服二钱，熟酒调下无时。尝

坐于浴室汤中一时许，服药神良。

痲风，此方常获奇效。

痲风攻凿气血，木石不能获效者，非其类也。故用血气之属，能主风者以治之。蝉退主风热，地龙主风湿，僵蚕、全蝎主风毒，凌霄花主风坏之血。斯五物者，皆有微毒，用之以治痲风，所谓衰之以属也。然必坐于浴室汤中服药者，所以开泄腠理，使邪气有所出尔。

补气泻荣汤

升麻 连翘各六分 生地黄 黄芩各四分
当归 苏木 全蝎 地龙 黄芪 黄连各三分 桔梗五分 甘草一钱半 人参二分 胡桐泪一分 桃仁三枚 麝香少许 蛇虫一枚，去翅足，微炒 水蛭二枚，炒烟尽

此东垣治痲风之方也。

补气泻荣，治痲风之妙旨也。卫气虚而邪袭，故用人参、黄芪、甘草以补气。营血坏而为痲，故用蛇虫、水蛭、桃仁、苏木以消瘀。全蝎、地龙引诸药至风湿结聚之处。乃麝香者，利关窍而无所不之。升麻、连翘、桔梗入气而解其热。黄连、黄芩入脏而清其气。当归、地黄入血而调其新。若胡桐泪者，用之以除大毒之热，又足以杀痲风之虫而除顽肿也。

蚺蛇

泉州有客卢元钦患大风，惟鼻根未倒。属五月五日，官取蚺蛇胆欲进，或言肉可以治风，遂取一截蛇肉食之，三五日渐可，百日平复。盖蛇之奔腾疾走，皆风象也，故为逐风之鳞，或嫌其毒而唾之，不知医之所取者，妙在其毒也。《易》曰：同气相求。有此蛇毒，方能就彼痲毒，如水流湿，火就燥，各从其类耳。《内经》曰：衰之以属。正是此意。

皂角刺

痲风用发堕落者，取皂角刺九蒸九晒为

末，每服酒下二钱。久服眉发再生，肌肤悦润，眼目倍明。

喉闭第五十四

叙曰：喉者，气之关隘也，通则利，塞则害，无问其标本而当急治焉者也。今考八方于后，皆古人已试之程规，触类而通之，则活人之机杲杲矣。

雄黄解毒丸

雄黄一两 郁金一钱 巴豆十四粒，去油皮
共末为丸。每服五分，津液下。

缠喉急闭者，此方主之。

缠喉急闭，人命之所关也，急治则生，缓治则死。是方也，雄黄能破结气，巴豆能下稠涎，郁金能散恶血。能此三者，闭其通矣。丹溪翁生平不用厉药，而此方者，其不得已而用之乎！

稀涎散

猪牙皂角四条，去黑皮 白矾一两
共为末，每服三字。

喉闭数日不能食者，以此方吐之。涎尽病愈。

皂角之辛利，能破结气。白矾之咸苦，能涌稠涎。数数涌之，涎去而病失矣。

甘桔防风汤

甘草五钱 桔梗 防风各三钱
咽痛者，此方主之。

甘草之甘，能缓喉中之急。桔梗之苦，能下喉中之气。防风之辛，能散喉中之壅。

火刺缠喉风法

用巴豆油涂纸上，捻成条子，以火点着，才烟起即吹灭之，令患人张口，带火刺于喉间。俄顷吐出紫血半合，即时气宽能言，及啖粥饮。盖火气热处，巴油皆到，火以散之，

巴以泻之，烟以叶之，乃一举而三善之方也。

针急喉闭方

于患人手大指外边指甲后一韭叶许，针之出血，男左女右取之，血出即效。如大段危急，两手大指俱针之，其效甚捷。盖喉咙者肺之系，所针之处，乃少商也，为肺之井穴，故出血而愈。

喉中红赤用针出血法

凡患人喉中红赤，宜用针从旁针之，出血即愈。所以必欲旁针者，避夫哑门穴，犯之令人失音故耳。

笔针

《名医录》云：李王公主患喉痛，数日肿痛，饮食不下。召到医官，尽言须用刀针溃破。公主闻用刀针，哭不肯治。痛迫，水谷不入。忽有一草泽医曰：某不用刀针，只用笔头蘸药痛上，霎时便溃。公主喜，令召之。方两次上药，遂溃出脓血一盞余，便宽，两日疮无事。令供其方，医云：乃以针系笔心中，轻轻划破而溃之尔，他无方也。

巧匠取喉钩

宋·咸平中，职方魏公在潭州，有数子弟皆幼，因相戏，以一钩竿垂钩，用枣作饵，登陆钓鸡雏，一子学之而误吞其钩，至喉中，急引之，而钩须已逆不能出。命诸医，不敢措手，魏公大怖，遍问老妇，必能经历。时有一老妇人年余九十岁，言亦未尝见此，切料有识者可出之。时郡中莫都料性甚巧，令闻魏公。魏公呼老妇责之曰：吾子误吞钩，莫都料何能出之？老妇曰：闻医者意也，莫都料曾在水中打碑塔，添仰瓦。魏公悦，亲属勉之曰：试询之。遂召莫都料至，沉思良久曰：要得一蚕茧及念珠一串。公与之。都料遂将茧剪如钱，用物柔其四面，以油润之，中通一小窍，贯之钩经，次贯念珠三五枚，令

儿正坐开口，渐加念珠，引之至喉，觉至系钩处，用力向下一推，其钩以下而脱，即向上急出之，见蚘钱向下裹定钩须，须臾而出，并无所损。魏公大喜，遂厚赂之。公曰：心明者意必大巧，意明者心必善医。

头病门第五十五

叙曰：头者，身之元首，一有疾苦，无问标本，宜先治之。失而不治，虽有股肱，弗能用矣。今考十方以治头，所以尊元首而用股肱也。有医贵者，尚知务哉！

加味二陈汤

半夏 陈皮 茯苓 黄芩酒炒 甘草
川芎 细辛 黄连酒炒 薄荷 苍耳 胆南星

头痛常发者，名曰头风。偏于一边而痛者，名曰偏头风，宜此方主之。

丹溪云：湿土生痰，痰生热，热生风，是以头风为病，多见子嗜酒之人也。偏于一边而痛者，其说有二焉：一则曰气血有虚实，左属血分，右属气分也。一则曰身半以上，天气居之，天不足西北，故俱感于邪而右甚也。是方也，半夏、陈皮、茯苓、甘草，治痰之二陈汤也。加南星之燥，皆所以治痰耳。而黄芩、黄连者，用其苦寒以治热也。若川芎、细辛、薄荷、苍耳，皆治风之品也，高巅之上，惟风可到，是故用之。

辛夷散

辛夷 南星 苍耳 酒芩 川芎

头风鼻塞者，此方主也。

鼻气通乎天，清阳往来之窍也。风盛则气壅，故令鼻塞。《内经》曰：清阳出上窍；又曰：气薄则发泄。辛夷、川芎、苍耳，皆清阳气薄之品也，故可透气窍。佐以南星者，醒其风痰。佐以酒芩者，清其风热也。

三五七散

细辛一两半 防风四两 干姜炮，二两 附子三枚 山茱萸去核 茯苓各三两

共为细末，每服二钱，温酒食前调下。

大寒中于风府，令人头痛，项筋紧急者，此方主之。

风府，脑后之穴，督脉之所主也。寒者，天地严凝之气，故令项筋紧急。干姜、附子，辛热之物也，可以散真寒。细辛、防风，气薄之品也，可使至高巅。山茱萸养督脉之阴，茯苓和督脉之阳。河图之义，奇者为阳，偶者为阴，此方名曰三五七者，以补阳为义也。

半夏白术天麻汤

半夏姜炒 陈皮去白 麦芽各七分半 人参 白参炒 黄芪炙 苍术米泔浸七日 天麻 白茯苓 神曲炒 泽泻各五分 黄柏一分半 干姜二分

痰厥头痛，目眩者，此方主之。

痰厥者，湿痰厥逆而上也，痰气逆则上实，故令头痛。目眩者，目前如见黑色也。东垣曰：头痛苦甚，谓之足太阴痰厥，非半夏不能除。眼黑头旋，风虚内作，非天麻不能疗。人参、黄芪之甘温，可以泻火，亦可以补中。苍术、白术之苦甘，可以去湿，亦可以健脾。泽泻、茯苓，能利湿淫之邪。神曲、麦芽，能消水谷之滞。橘皮、干姜，所以开胃调中。而黄柏者，取其苦辛，能疗少火在泉发燥也。

丹溪治头眩方

南星 半夏 枳壳 桔梗 陈皮 甘草 茯苓 黄芩

痰火头眩者，此方主之。

痰之生也，原于湿，故用半夏、南星以燥湿，茯苓以渗湿，甘草健脾以制湿。痰之滞也，原于气，故用陈皮以利气，桔梗以下气，枳壳以破气。气滞则积而有余，气有余

便是火，故用黄芩以泻火。

香橘饮

木香 白术 橘皮 半夏曲 茯苓 砂仁 丁香 炙甘草

气滞不能运痰，而作头眩者，此方主之。

木香、丁香、砂仁、橘皮，所以行气。白术、半夏、甘草、茯苓，所以健脾。脾运则痰运，气行则痰行。

清空膏

羌活 防风各一两 黄连一两、酒炒 黄芩三两、酒制 川芎五钱 柴胡七钱 炙甘草一两五钱

上件共为末。每服二钱，茶汤调如膏，搽在口内，少用白汤送下。

风热头痛者，此方主之。

风者，天之阳气也。人身六阳之气，皆聚于头，复感于风，是重阳而实矣，故令热痛。辛甘发散为阳，故用羌活、陈风、川芎、柴胡、甘草。乃黄芩、黄连者，苦寒之品也，以羌活之属君之，则能去热于高巅之上矣。

八珍汤

人参 白术 茯苓 甘草 当归 川芎 芍药 地黄

血虚头痛、眩晕，此方主之。

气血，人身之阴阳也，两相得则治，一有失则病。故阴血虚损，则阳气独治，阳气亲上，故令头痛、眩晕。是方也，当归、川芎、芍药、地黄，味厚养血之品也。复用人参、白术、茯苓、甘草甘温之品以养气者，何哉？太极之妙，阴生于阳，故兼用此辈以益气耳。或问：头痛而用人参，阳邪不益亢乎？余曰：虚火可补，人参、黄芪之类，此之谓也。

瓜蒂散搐鼻法

苦瓜蒂 赤小豆等分

湿热淫于巅顶之上，头目偏痛者，令病人噙水一口，以此药一字，吹入痛边鼻中，泄出黄水即减。

苦能涌泄，故用瓜蒂。燥能胜湿，故用赤豆。实者泻之，故行搐法，乃直捣巢穴之兵也。凡云一字者，二分半也，取一文四字之义。

出血法

唐高宗苦风眩头重，目不能视，疾甚，召秦鸣鹤、张文中诊之。鸣鹤曰：风毒上攻，若刺头出少血，即愈矣。天后自帘中怒曰：此可斩也。天子头上，岂是试出血处耶！上曰：医之议病，理不加罪，且吾头重闷，殆不能忍，出血未必不佳。命刺之。鸣鹤刺百会及脑户出血。上曰：吾目明矣。言未毕，后自帘中顶礼拜谢之曰：此天赐我师也。躬负缙宝，以遗鸣鹤。昆谓诸痛为实，理宜泻之，《内经》言出血者屡矣，必以血变而止。今南人恶于针石，每畏出血，北人犹然行之。经曰：恶于针石者，不足与言至巧。故医之巧者，必兼针石。呜呼！丹溪之贤，不知针石，今世人群然以医之大成称之，此子禽之贤子贡也。使翁作于九原，则一言以为不知，必于斯人而示之矣。

腹痛门第五十六

叙曰：腹中者，中气之所居也。一有疾痛，则坏中气，百骸十二官胡然受气而荣养乎？故考名方十一首，以治腹痛。

二姜丸

干姜炮 良姜等分

腹痛脉迟者，此方主之。

腹痛之由有数种，今曰脉迟，则知寒矣，故用干姜、良姜之辛热者以主之。辛可以破滞，热可以散寒，不滞不寒，痛斯失矣。

丁香止痛散

丁香 小茴香 良姜 炒甘草

此亦治寒气腹痛之方也。

寒气入经，涩而稽迟，故令腹痛。经曰：得炅则痛立止。炅，热也，故用丁香、茴香、良姜之辛热者以主之。而复佐以甘草者，和中气于痛损之余也。

盐汤探吐法

烧盐半升 温汤五大升

和服探吐。

诸腹痛，连于胁膈，手足冷，脉来伏匿者，此方主之。

凡腹痛连于胁膈，多是饮食、痰饮填塞至阴，抑遏肝胆之气。肝者将军之官，胆者少阳上升之令，抑之不得敷畅，两实相搏，令人自痛。所以痛连胁膈者，少阳之经行于两胁，厥阴肝脉贯于膈也。手足冷者，少阳之气不敷也。脉来伏者为痛甚，阳气闭藏之象也。经曰：木郁则达之，故用吐法。咸能软坚，故用烧盐。

扶阳助胃汤

附子二钱，炮 人参 草豆蔻 干姜 白芍药 炙甘草 官桂各一钱五分 吴茱萸 陈皮 白术 益智各五分

客寒犯胃，胃脘当心而痛，脉来沉迟者，此方主之。

客寒犯胃，多是饮食寒冷，或因食后呼吸冷气所致。脉来沉者为里，迟者为寒。是方也，附子、干姜、官桂、吴茱萸、草豆蔻、益智仁，辛热之品也，用之所以扶阳。邪之所凑，其气必虚，故用人参、白术、甘草甘温之品以助胃。用芍药者，取其味酸，能泻土中之木，用陈皮者，取其辛香，能利腹中之气。

《三因》七气汤

半夏姜汁制，五钱 茯苓四钱 厚朴三钱，姜汁炒 紫苏二钱

七气相干，阴阳不得升降，攻冲作痛者，此方主之。

三因者，内因、外因、不内外因也。七气者，寒气、热气、怒气、悲气、喜气、忧气、愁气也。以三因而郁，七气升降有妨，则攻冲而痛。是方也，紫苏之辛芳，可使散七气。厚朴之苦温，可使下七气。半夏之辛温，茯苓之淡渗，可使平水谷相干之七气。

桂枝加大黄汤

桂枝洗净，炒 甘草 生姜各三两 芍药六两 大枣十二枚 大黄一两

腹中寒热不调而大痛者，此方主之。

寒热不调而大痛者，先食热物，后食寒物，二者不调，而令大痛之类也。是方也，桂枝能散真寒，大黄能泻实热，芍药能健脾而和肝，甘草能调中而益气，生姜可使益胃，大枣可使和脾。

玄胡酒

玄胡索一两，为末，炒香 清酒一升，淬入，温服

妇人气血攻刺疼痛，连于胁膈者，此方主之。

玄胡索，味苦辛，苦能降气，辛能散血，淬之以酒，则能达乎经脉矣。

韭汁酒

韭菜汁 清酒等分，和服

胁膈常时疼痛，得热则减，得寒则增者，此方主之。

上件证，死血也，故用韭汁消瘀，清酒行滞。

小胃丹

芫花好醋拌匀，炒黑不令焦 大戟长流水煮一

时，洗净晒干 甘遂洗净晒，各半两 黄柏三两，焙干
大黄酒润蒸熟，晒干，一两五钱

上件为末，粥丸麻子大。每服二、三十丸，临卧津液吞下，或白汤一口送下，取其膈上之湿痰，以意消息之，欲利则空心服。

痰涎畜积胃脘，胸腹作痛者，此方主之。

小，消也。小胃者，消去胃中之痰物也。甘遂、芫花、大戟，能下十二经之湿痰，大黄佐之下行，黄柏制其辛烈。是方也，大毒之剂，攻杀击刺之兵也，善用则治，弗善用之则乱。故医者人之司命，实实虚虚，弗可弗察也。

雄 槟 丸

雄黄 白矾 槟榔等分

共为末，饭丸黍米大。每服五分，食远下。

腹中干痛有时者，虫痛也，此方主之。

干痛者，不吐不泻而但痛也。有时者，淡食而饥则病，厚味而饱则否也。《浮粟经》曰：腹疾干痛有时，当为虫。此之谓也。是方也，雄黄、白矾、槟榔，皆杀虫之良剂也，故主之。虫盛者，以吐、下、驱虫之剂加之，视人虚实可也。

冰煎理中丸

宋徽庙常食冰，因致腹痛，国医进药俱不效，乃召泗州杨吉老脉之。吉老曰：宜主理中丸。上曰：服之屡矣，不验。吉老曰：所进汤使不同，陛下之疾，得之食冰，今臣以冰煎药，此欲已其受病之原也。果一服而瘳。昆谓是义也，《大易》所谓同气相求，《内经》所谓衰之以属也。自非吉老之良，乌能主此？

胁痛门第五十七

叙曰：胁者，肝胆之区也。肝为尽阴，胆无别窍，怒之则气无所泄，郁之则火无所越，

故病证恒多。今考名方三首，示大观尔！

抑 青 丸

黄连一味，茱萸汤润一宿，暴干为末作丸

左胁作痛者，此方主之。

肝，东方木也。南面而立，则左为东矣，故左胁为肝之部位。所以痛者，木气实也。木欲实，金当平之。以黄连泻去心火，使金无所畏，自足以平肝，故曰抑青。此古人实则泻其子，治之以其所水胜也。

小 柴 胡 汤

柴胡 黄芩 人参 甘草 半夏 生姜 大枣

两胁作痛者，此方主之。

少阳胆经行于两胁，故两胁作痛，责之少阳。是方也，柴胡味辛而气温，辛者金之味，故足以平木，温者春之气，故足以入少阳。佐以黄芩，泻其实也。佐以半夏，破其滞也。而必用夫人参、甘草者，恐木病传脾，面先实其土也。用夫生姜、大枣者，调其营卫，不令经气壅滞也。

严氏推气散

枳壳 桂心 片子姜黄各半两 炙甘草 一钱五分

肝气胁痛，此方主之。

肝藏血而主怒，故病则气血俱病。越人云：东方常实，实则可以泻矣，故用枳壳破其气，姜黄利其郁，桂心能引二物至于痛处。又曰：木得桂而柔，以故用之。乃甘草者，取其和缓之气，以调肝木之急尔。

腰痛门第五十八

叙曰：腰者，肾之府，水火之司，有生之根也。善调之，则根固而叶荣。不善调之，则根枯而叶萎。考方四首，而治腰之大者见矣。

青娥丸加黄柏知母方

破故纸酒浸少时，略炒 川草薢童便浸一宿
杜仲姜汁炒断丝 黄柏盐水炒 知母酒炒 牛膝
去芦，各四两 胡桃肉去皮、炮，八两

蜜丸。

肾虚腰痛者，此方主之。

肾，坎象也，水火并焉。水衰，则阳光独治，而令肾热。火衰，则阴翳袭之，而令肾寒。水火俱衰，则土气乘之，而邪实于肾，均之令人腰痛也。是方也，破故纸、杜仲、胡桃，味厚而温；黄柏、知母、牛膝，味厚而寒。温者可使养阳，寒者可使养阴，均之味厚，则均之能走下部矣。若草薢者，苦燥之品，足以利水土之邪而平其气也。曰青娥者，涵阳之坎也，假之以名方，明其全夫水火之真尔。

独活寄生汤

独活 细辛 牛膝 桑寄生如无，用续断
秦艽 茯苓 桂心 白芍药酒炒 人参
防风 熟地黄 杜仲姜汁炒断丝 川芎酒洗
当归酒洗 甘草各三钱

每服五钱。

肾气虚弱，肝脾之气袭之，令入腰膝作痛，屈伸不便，冷痹无力者，此方主之。

肾，水脏也，虚则肝脾之气凑之，故令腰膝实而作痛；屈伸不便者，筋骨俱病也。《灵枢经》曰：能屈而不能伸者，病在筋。能伸而不能屈者，病在骨。故知屈伸不便，为筋骨俱病也。冷痹者，阴邪实也。无力者，气血虚也。是方也，独活、寄生、细辛、秦艽、防风、桂心，辛温之品也，可以升举肝脾之气。肝脾之气升，则腰膝弗痛矣。当归、熟地、白芍、川芎、杜仲、牛膝者，养阴之品也，可以滋补肝肾之阴。肝肾之阴补，则足得血而能步矣。人参、茯苓、甘草者，益气之品也，可以长养诸脏之阳。诸脏之阳生，则冷痹去而有力矣。

肾着汤

干姜 茯苓各四钱 炙甘草 白术炒，各二钱

肾着于湿，腰冷如冰，若有物者，此方主之。

肾主水，脾主湿，湿胜则流，必归于坎者势也，故曰肾着。腰为肾之府，湿为阴之气，故令腰冷如冰；若有物者，实邪着之也。干姜，辛热之物，辛得金之燥，热得阳之令，燥能胜湿，阳能暴湿，故象而用之。白术、甘草，甘温之品也，甘得土之味，温得土之气，土胜可以制湿，故用以佐之。白茯苓，甘淡之品也，甘则益土以防水，淡则开其窍而利之，此围师必缺之义也。

猪腰青盐杜仲方

猪腰一具 青盐三钱 杜仲末，五钱

先将猪腰剖开，后入青盐、杜仲于内，湿纸包裹煨熟，空心服之。

小小腰痛，此方主之。

《易》曰：方以类取，物以群分。故猪腰可以补腰。经曰：五味入口，感先人肾。故青盐可以就下。杜仲辛甘，益肾之物也。君以猪腰，佐以青盐，则直走肾而补之矣。

七疝门第五十九

叙曰：疝，隐疾也。证有七，七者皆有虚实。今考七方，志七疝耳。若虚实之辨，则在夫入之变通也。

吴茱萸加附子汤

吴茱萸 生姜各三钱 人参一钱 大枣二枚 附子二钱

水煎凉服。

寒疝腰痛，牵引睾丸，屈而不伸，尺内脉来沉迟者，此方主之。

故称七疝，寒、水、筋、血、气、狐、癰

也。寒疝之由，必是寒客下体，如坐于卑冷，涉于寒渊之所致也。寒气自外入内，束其少火，郁其肝气，故令腰痛；痛而牵引睾丸者，肝之经络环阴器故也。寒主收引，故令屈而不伸。尺内主腰，脉来沉迟，皆阴脉也，寒亦明矣。故用吴茱萸、附子之辛热者以温其寒，用生姜、大枣之辛温者以和其气。邪伤之后，其正必虚，人参之补，可以去其虚矣。

升阳除湿汤

柴胡 羌活 苍术 黄芪各一钱五分 防风 升麻 藁本 炙甘草各一钱 蔓荆子七分 当归 独活各五分

水疝者，肾囊肿大，阴汗不绝，宜此方主之。

子和云：水疝者，得之饮水醉酒，劳于使内。其言当矣。盖饮水醉酒，则湿气胜，劳于使内，则肾气虚。肾气虚，则湿胜而流坎者势也，故令肾囊肿大如水晶，阴汗不绝如罅漏也。《内经》曰：下者举之。又曰：风能胜湿。是方也，柴胡、羌活、苍术、防风、升麻、藁本、蔓荆、独活，皆味辛而气清，风药也。亦升药也，故可以胜湿，可以升阳。而黄芪之甘，可使托其陷下之气。甘草之温，可使培其防水之土。当归之润，可使调荣血于风药之队也。泄泻门胃苓汤亦可酌用。

伏龙肝掺法

此即灶心土也。土足以防水，燥足以胜湿。水疝者，以此物细末掺之肾囊，亦良法也。

甘草梢黑豆汤

生甘草梢二两 黑豆半斤

水五倍，煎去半，空心服。

筋疝者，此方主之。

筋疝者，茎筋掣痛，挺胀不堪也。子和云：此以邪术得之。邪术者，房术春方之故也。治宜解毒缓急，故用甘草梢、黑豆以主

之。

按摩法

外肾因扑损而伤，睾丸偏大，有时疼痛者，中有瘀血，名曰血疝。宜于夜分之时，自以一手托其下，一手按其上，由轻至重，玩弄百回，弥月之间，瘀血尽散，陈气皆行，诚妙术也！虽年深日久，无不愈之。

虎潜丸

黄柏盐酒炒 知母盐酒炒 熟地黄各三两 白芍药酒炒 陈皮盐水润，晒干 牛膝各二两 龟板四两，酥炙 锁阳酒润，晒干 当归各一两半，酒洗 虎胫骨一两，干酥 羊肉为丸。

气疝者，拂郁则睾丸肿大，悲哀则不药而消，宜此方主之。

邪之所凑，常乘其虚。拂郁而睾丸肿大者，肝气乘肾之虚也。悲哀不药而消者，气有所泄也。先医云：肝肾之病同一治。故黄柏、知母、熟地、芍药、牛膝、当归、锁阳，味厚之品也，可以补肾，亦可以补肝。龟得天地之阴气最厚，虎得天地之阴气最雄，以血气中之阴类以补阴，欲其同气相求耳；阴皮者，取其能推陈腐之气。羊肉者，取其能补五脏之阳也。或问：何以不用橘核仁、细辛、枳实、川楝子、青皮之辈？余曰：此皆破气药也，昔医固多用之，然而治标云尔，况蹈重虚之戒乎？气实者用之可也。

补中益气汤加黄柏知母方

人参 黄芪 白术 当归 升麻 柴胡 陈皮 甘草 黄柏 知母

狐疝者，昼则气出而肾囊肿大，令人不堪，夜则气入而肿胀皆消，少无疾苦，宜此方主之。病愈而止。

狐之为物也，昼则出穴而溺，夜则入穴而溺，以斯证肖之，故曰狐疝。夫昼，阳也。夜，阴也。昼病而夜否者，气病而血不病也，

故用人参、黄芪、白术、甘草以益气。方内有升麻、柴胡，则能举其陷下之阳。方内有黄柏、知母，则能益夫不足之坎。当归味辛，可以活其壅滞之血。陈皮气芳，可以利其陈腐之气。或问：何以不主辛香流气之剂？余曰：本以气不足而致疾，复以流气之剂主之，非惟无益，而又害之矣。或又曰：然则子和流气之剂非欤？余曰：吾惟酌之于理而已，胡泥乎子和？

癰疽无治法

癰疽者，頑疽也，辜丸虽大而无疾苦也。此以父子相传，得于有生之初已然，非若有生之后三因所致之疾也，故不必主治。或有先是癰疽，后来疼痛疾苦者，此兼前件六证也，宜于前方消息之。

脚气门第六十

叙曰：脚气类伤寒，则察之难。脚气能令人死，则治之难。一病而有二难，是非可以浅浅论脚气矣。考方八首，同志者尚教我哉。

防己饮

木通 防己 苍术盐炒 生地黄酒炒
白术 槟榔 黄柏酒炒 甘草梢 川芎 犀角

脚气憎寒壮热者，此方主之。

脚气者，湿热在足，而作气痛也。湿热分争，湿胜则令人憎寒，热胜则令人壮热。此其为证，亦有兼头疼者，颇类伤寒，惟其得病之始，本于脚气为异耳。又不可以脚肿为拘，亦有痛而不肿者，名曰干脚气。亦有缓纵不随者，名曰缓风。亦有疼痛不仁者，名曰湿痹。亦有转筋挛急者，名曰风毒，此在医者体会而辨证尔，各有治法不同。大抵脚气之疾，壅疾也，喜通而恶塞，故孙真人曰：脚气之疾，皆由气实而死，终无一人以服药

致虚而殒。故脚气之人，皆不得大补，亦不得大泻。是方也，木通、防己、槟榔，通剂也，可以去塞。犀角、黄柏、生地黄、甘草梢，寒剂也，可以去热。苍、白二术，燥剂也，可以去湿。然川芎能散血中之气，犀角能利气中之血，先痛而后肿者，气伤血也，重用川芎。先肿而后痛者，血伤气也，重用犀角。若大便实者，加桃仁。小便涩者，加牛膝。内热加芩、连，时热加石膏，有痰加竹沥，全在活法，初勿拘也。凡脚气临心，喘急不止，呕吐不休者，皆死，水犯火故也。

越婢汤

石膏一两 白术半两 麻黄七钱半 附子半个 甘草二钱

脚气痛肿，寒热相搏，脉来沉细者，此方主之。

气不得通则痛，血不得行则肿，此脚气之所以为壅疾也。寒热相搏者，邪气与正气相激搏也。脉来沉者为里，细者为阴。名曰越婢者，越，以发越为义。婢，卑也。是方能发越至卑之气，故以越婢名之。石膏性寒而重，寒能胜热，重能就下。附子味辛而热，辛能行壅，热能壮气。佐之以麻黄，则寒热之壅，皆从汗孔而泄矣。用白术、甘草，取其气味温平，能致冲和之气于发越之余耳。而甘草独少者，恐其性缓，多之不能速达于卑下之区也。

六物附子汤

附子 桂心 防己各四钱 甘草炙，二钱
白术 茯苓各三钱

水煎冷服。

寒湿脚气，疼痛不仁，两尺脉来沉细者，此方主之。

此痹证也。《内经》曰：寒气胜者为痛痹，湿气胜者为着痹。今疼痛不仁，是寒而且着也。两尺主两足，脉来沉者为里，迟者为寒。是方也，用桂心、附子温其寒。防己、白术

制其湿。甘草、茯苓，脾家药也，扶土气之不足，制湿气之有余。然必冷服者，欲附、桂之性行于下，而不欲其横于上也。

椒汤洗法

川椒一两 葱一握 姜如掌大一块，槌碎
水一盆，煎汤洗之。

凡人患寒湿脚气，疼痛不体者，内服煎剂，外宜以此汤熏洗之。

川椒辛热，能疗寒湿之痹。姜、葱辛温，能利肌肤之气。又曰：诸脚气者，皆壅疾也，洗之无有不良。

当归拈痛汤

当归 知母酒炒 猪苓 泽泻 白术
防风各一钱 炙甘草 黄芩酒炒 羌活 茵陈
各一两 升麻 苦参酒炒 人参 葛根 苍术
各二钱

脚气疼痛，湿热发黄者，此方主之。

脚气内壅，故令疼痛。湿热不得泄越，故令发黄。是方也，羌活、防风、升麻、葛根、苍术，皆辛散之剂也，可以泄越壅塞之脚气。苦参、黄芩、茵陈、知母，皆苦寒之品也，可以解除内壅之湿热。乃泽泻、猪苓、白术，淡渗物耳，能导利下焦之湿。当归、人参、甘草者，所以养血于败坏之余，益气于泄越之后也。

升阳顺气汤

升麻 柴胡 草豆蔻 陈皮去白 当归
各一钱 黄芪四分 半夏 人参各三分 甘草
柏皮各五分 神曲一钱五分

脾气虚弱，胃气下注，令人足跗气肿者，此方主之。

脾虽具坤静之德，而有乾健之运，故脾气冲和，则升清降浊，无跗肿也。脾气一虚，土不制水，则胃中水谷之气下注，随经而下，令人跗肿。是方也，半夏、甘草，所以益脾。人参、黄芪，所以益气，神曲、豆蔻，所以

消磨水谷。升麻、柴胡，所以升举胃气。当归能使诸药归脾，陈皮能利中宫之气。而柏皮者，取其味厚，能引升麻、柴胡下走足跗，而升举其陷下之阳尔。

杉木汤

杉木节一大升 橘叶一升，无叶用皮 槟榔七枚，火伏，槌碎 童便三大升

共煮一升半，分二服。得快利，停后服。

唐·柳子厚《救死方》云：元和十二年二月，得干脚气，夜成痞绝，左肋有块，大如石，且死，因大寒不知人三日，家人号哭。荥阳郑洵美传杉木汤，服半食顷，大下三次，气通块散。病盖死矣，会有救者，因得不死，恐他人不幸有类予病，故以方传焉。昆谓此云干脚气者，谓脚气入腹，不得通泄也。脚气干于肝，则左肋有块。脚气干于脾，则令人痞。脚气干于心，则令人绝。病绝于夜者，夜气助其阴邪也。因大寒不知人者，阴进而阳不舒也。是方也，杉木节质重而气芳，质重则能达下，气芳则能疏壅。橘叶味苦而厚，过于青皮。槟榔质实而重，等于铁石。味厚则泄，质重则降，故能令邪气大下。童便，咸寒物也，咸则能引邪气以走浊阴，寒则能平热气使不上逆。经曰：道之远者，制大其服，故其量数五升云。

傅螺法

《医说》云：白石董守约，苦脚气攻注，或告之槌数螺，傅两股上，便觉冷气趋下至足而安。盖螺性能泌别清浊，故能疗脚气湿热也。

宣州木瓜

顾安中，广德人，久患脚气，筋急腿肿，行履不得，因至湖州附船。船中先有一袋物，为腿疼痛，遂将腿搁之袋上，微觉不痛，及筋宽而不急。乃问梢人：袋中何物？应曰：宣瓜。自此脚气顿愈。噫！药气相感，且能愈

疾，则用药当病者，从可知矣。

眼疾门第六十一

叙曰：眼，五官之一也。能明则无以作昏，故眼重焉。医眼有专科，亦以其重耳。今考名方十五首，夫人酌其宜而用之，则复明之一助也。

消风养血汤

荆芥 蔓荆子 菊花 白芷 麻黄去节
桃仁去皮尖 红花酒炒 防风 川芎各五分
当归酒洗 草决明 石决明 白芍药酒炒
甘草各一钱

眼痛赤肿者，此方主之。

痛者，邪气实也。赤者，风热伤血也。肿者，风热注之也。是方也，荆芥、菊花、蔓荆、白芷、麻黄、防风、川芎，可以消风，亦可以去热，风热去，则赤肿去矣。桃仁、红花、当归、芍药、草石决明，可以消瘀，可以养血，亦可以和肝，瘀消则不痛，养血和肝则复明。乃甘草者，和诸药而调目气也。

益阴肾气丸

熟地黄二两 生地黄 山药 山茱萸
当归梢 五味子 牡丹皮 柴胡各五钱 泽泻
茯苓各二钱五分

肾虚目暗不明者，此方主之。

精生气，气生神，故肾精一虚，则阳光独治，阳光独治，则壮火食气，无以生神，令人目暗不明。王冰曰：壮水之主，以制阳光。故用生熟地黄、山萸、五味、归梢、泽泻、丹皮味厚之属，以滋阴养肾，滋阴肾火自降，养肾则精自生。乃山药者，所以益脾而培万物之母。茯苓者，所以养神而生明照之精。柴胡者，所以升阳而致神明之气于睛明之窠也。孙思邈云：中年之后有目疾者，宜补而不宜泻。可谓开斯世之蒙矣！东垣此方其近之。

疗本滋肾丸

黄柏酒炒 知母酒炒，等分
共末为丸。空心盐汤下百丸。

此亦治肾虚目暗之方也。

眼者，肝之窍。肝，木脏也，得水则荣，失水则枯，故用黄柏、知母之味厚者以滋肾水，所谓虚则补其母也。是方也，虽曰补肾，亦泻之之类也，脾强目暗者宜主之。脾胃坏者，非所宜也。

干熟地黄丸

人参一钱 当归身 酒黄芩各五钱 干熟地黄一两 柴胡八钱 生地黄酒洗，一钱半 炙甘草 天门冬去心 地骨皮 枳壳麸炒 黄连酒炒 五味子各三钱

血弱不能养心，心火旺盛，肝木自实，瞳子散大，视物不清者，此方主之。

肝者，心之母，心火旺盛，故令肝木自实；肝主风，心主火，瞳子散大，风火动摇之象也。瞳子者，主照物，今而散大，宜其视物不清矣。越人云：实则泻其子，虚则补其母。火是肝之子，故用芩、连、骨皮、生地以泻火。水是肝之母，故用熟地、门冬、五味以滋水。《内经》曰：阳气者，精则养神。故又以人参、甘草益其阳气。而枳壳者，所以破其滞泥。柴胡者，所以升其清阳也，清升而目自明矣。经曰：目得血而能视，故又以当归佐之。

补阳汤

肉桂一钱，去皮 知母炒 当归酒洗 生地黄酒洗 白茯苓 泽泻 陈皮各三钱 白芍药酒炒 白术炒 人参 黄芪炙 防风 羌活 独活 熟地黄 甘草各一两 柴胡二两

青白目翳者，此方主之。

阳不胜其阴，则生目翳。所谓阴盛阳虚，则九窍不通，乃阴埃障日之象也。是方也，人参、黄芪、白术、茯苓、甘草、陈皮，甘温

益气之品也，固所以补阳。柴胡、羌活、独活、防风，辛温散翳之品也，亦所以补阳；知母、当归、生熟地黄、芍药、泽泻，虽曰养阴，亦所以济夫羌、防、柴、独，使不散其真阳耳，是亦所以补阳也。用肉桂者，取其辛热，热者火之象，可以散阴翳，辛者金之味，可以平肝木，盖眼者，肝木之窍，以故用之。

百点膏

蕤仁去皮尖，三钱 防风八钱 黄连净，二两 当归身 甘草各六钱

前药锉细，以水五碗同煎，半干去渣，再煎至滴水不散，以净蜜等分加入，又熬少时为度，日可五七次用之。名曰：百点膏，盖欲使药力相继耳。东垣云：张济氏病翳六年，以至遮蔽瞳人，视物有云风之象，因用此药而效。按此五药，蕤仁能散结气，当归能活滞血，防风能散风邪，黄连能攻久热，甘草能和气血，乃蜜则润之而已。

光明洗眼方

古青钱十文 黄连一钱 杏仁七枚，去皮 艾叶三片

上药用水一盅，煎去其半，澄清一宿，次日频频洗之良。

凡患风热，眼眶红烂者，此方洗之。

铜性清肃，可以胜热明目。黄连苦燥，可以泻热坚肤。艾叶辛温，可使驱风胜湿。杏仁辛润，可使利气泽皮。

《本事》羊肝丸

黄连一两 白羊肝一具 煮烂

二共为丸，梧子大。每服二十丸。忌猪肉、冷水。

《本事方》云：诸目疾翳障青盲，此方皆治。

唐·崔承元者，居官时，治一死囚，出而活之，囚后数年以病死。崔后为内障所苦，

丧明逾年后，半夜叹息独坐，忽闻阶除窸窣之声。崔问为谁？徐曰：是昔蒙出死之囚，生不能报公，今来献目疾方耳。遂以前方言讫而没。崔依此合服，不数月复明。昆谓眼者，肝之窍，肝木自实则病眼，邪害空窍也。越人云：实则泻其子。故用黄连以泻心，能泻其心，则子食气于母，而肝弗实矣，目也岂不莹然而明乎？然必剂以羊肝者，取其为血气之属，同类相从，用之补肝，非若草木之性，偏一而失冲和也。

《类说》羊肝丸

夜明沙净洗 蝉退 木贼去节 当归各一两 羊肝四两

上药以前四物研为细末，以羊肝水煮烂捣如泥，入前四物拌和，丸如梧子大。食后温汤下五十丸。

明州定海人徐道亨者，事母至孝，因患赤眼而食蟹，遂成内障，凡历五年，虽抱眼疾，笃孝弗衰。忽梦一僧人授以此方，制而服之，百日复明。昆谓夜明沙能攻目中恶血，当归身能生目中新血，蝉退能去目中翳障，木贼能散目中翳热。乃羊肝者，同类相从，能引四物入肝而利其窍也。孝道感格，故致神方，所谓诚能动天也。

蛭螬明目

晋·盛彦之母失明，食必自哺。母既病久，婢仆数见捶挞，心怀忿焉。伺彦他出，取蛭螬炙而饲之。母食以为美，藏以示彦，彦见之抱母痛哭，母目豁然而开，若有神者。昆谓蛭螬能攻恶血，若目中血障者，用之必然神良。若用之概治目疾，则弗验也。

真人明目丸

生地黄 熟地黄 川椒去目及闭口者，微炒，等分

共为末，蜜丸梧子大。每服五十丸，空心盐米饮下。

江陵傅氏，目昏多泪，家贫鬻纸为业，性喜云水，见必邀迎。一日，有客方巾布袍过之，授以此方治目。如方修服，不一月目明，夜能视物。昆谓肾主目之瞳子，肾水虚竭，故令目昏。肝之液为泪，肝有风热，故令泪出。是方也，生地所以凉肝，熟地所以补肾，乃川椒者，味辛而热，可以疗肝肾之痹气。痹气者，湿热着而不散之气也。又于空心之时，以盐饮吞之，宜其直达肝肾之区矣。病在标而治其本，可谓神于病情者，此其所以为真人之与欤！

鼃龙点眼方

猪胆一枚，银铤中微火熬成膏，再入冰脑米许，点入眼中。

郭太尉者，真州人，久患目盲，有白翳膜遮睛，遍服眼药，无能效者。有亲仲监税在常州守官，闻张鼃龙之名，因荐于太尉。太尉请张视之曰：予眼缘热药过多，乃生外障，视物昏黑，更无所睹，医者以肝肾虚损治之愈盲。张曰：请太尉将药点眼并服之，一月取翳微消。后果一月翳退，双目如旧。因求点药方。乃只用前件修制，点入眼中，微觉翳轻。后又将猪胆白膜皮暴干，捻作绳子烧灰，待冷点翳，云盛者亦能治之。此方甚好，勿妄传。昆谓猪胆汁者，甲木之精也，可以莹润乙窍。冰脑者，辛温之品也，可以旋开目翳。膜灰者，化烂之品也，可以消去翳膜。

二百味花草膏

羯羊胆出其中，再填入好蜜拌匀，蒸之候干，入钵细研为膏。

福州人病目，两睑赤湿流泪，或痛或痒，昼不能视物，夜不可近灯，兀兀痴坐。其友赵谦子春语之曰：是为烂缘血风眼也，我有一药，正治此疾，名曰二百味花草膏。病者惊曰：用药品如是，世上方书所未有，岂易遽办？君直相戏耳！赵曰：我适间有药，当以与君。携一钱匕，坚凝成膏，使以匙抄少

许入口，一日泪止，二日肿消，三日痛定，豁然而愈。乃往谒赵致谢，且叩其名物。赵笑以前方授之曰：以蜜采百花，羊食百草，故隐其名以眩人耳。昆谓内热则脸赤，肝热则出泪，微热则痒，热盛则痛，或痛或痒，皆火之故也。气热则神浊昏冒，故令昼不能视物；阳胜者善恶火，故令不可以近灯光，此经所谓天明则日月不明，邪害空窍也。羯羊胆，苦物也，足以胜热；蜜，润物也，足以济火。然曰入口，不曰入眼，则固服食之剂耳。用之者，使频频噙之，药力相继为良。

明目六事方

损读书，减思虑，专内观，简外事，旦起晚，夜早眠。

晋·范宁常苦目痛，就张湛求方。湛书此六事，仍尾之曰：上方宋阳子少得其术，以授鲁东门伯，次授左丘明，遂世世相传，以及卜子夏、晋·左太冲，凡此诸贤，并有目疾，得此方之用。熬以神火，下以气筛，蕴于胸中，七日然后纳诸方寸，修之一时，近可数其目睫，远可察夫帘垂，长服不已，洞见墙壁之外。非但明目，乃亦延年。许学士评之曰：审如是而行之，非可谓之嘲谑，真明目之奇方也。

目疾者，戒沐头，宜濯足

昆谓此二句者，先医之格言也。太极之道，动而生阳，静而生阴。沐头则上动矣，必生阳而损目，况夫湿气难干，乘风而梳拂不已，则风湿袭于首而并于目，甚者至于丧明，此沐头之宜戒也。然何以宜濯足也？足太阳之经，根于足之小指端，上贯于睛明；足少阳之经，根于足大指歧骨间，上贯于瞳子帘；足阳明之经，根于足中指内间，上贯于承泣。《易》曰：水流湿，火就燥。若能以温水濯其两足，则头目间之热邪，亦能引之而下，况夫温濯之余，腠理疏泄，又足以泻经中之邪，是亦去病之一助也，故曰宜濯足。

耳疾门第六十二

叙曰：耳以司听，匪听弗聪也。君子有思聪之责者，胡然而使聋如乎？故考四方以治耳。

《千金》肾热汤

磁石煅红淬七次 白术 牡蛎各五两 甘草一两 生地黄汁 葱白各一升 麦门冬 芍药各四两 大枣十五枚

水九升，煎三升，分三服。

肾热耳中脓血，不闻人声者，此方主之。

耳者，肾之窍，故肾热则令人病耳，生脓出血，不闻人声也。是方也，磁石能引肺金之气下降于肾，肾得母气，自然清肃，而病日愈。生地黄汁、麦门冬、白芍药，所以滋肾阴而泻肾热。乃葱白者，所以引肾气上通于耳也。牡蛎咸寒，能软坚而破结气，得葱白引之入耳，则能开听户而消脓血。乃白术、甘草、大枣者，健脾之品也，所以培万物之母，益土气而制肾邪尔。

《千金》补肾丸

人参 黄芪 当归 山茱萸 牡丹皮 芍药 桂心 远志 巴戟天 菟丝子 细辛 苁蓉 附子 熟地黄 蛇床子 茯苓 甘草 干姜 泽泻 石斛各二两 石菖蒲一两 防风一两半 羊肾二枚

《千金》云：劳聋、气聋、风聋、虚聋、毒聋、久聋耳鸣者，此方主之。

劳聋者，劳火鼓其听户也。气聋者，经气滞塞于听户也。风聋者，风热闭其听户也。虚聋者，气血虚耗而神不用也。毒聋者，脓血障碍，妨于听户也。久聋者，病非一日，邪气痹聚也。凡是聋者，势必耳鸣，故总系其耳鸣也。味之甘者，可以补虚，亦可以却劳，人参、黄芪、羊肾、山萸、干地、菟丝、巴戟、苁蓉、泽泻、芍药、当归、茯苓、甘草，

均味甘之品也，能疗虚聋、劳聋。味之辛者，可以驱风，亦可以顺气，防风、细辛、菖蒲、远志、丹皮、石斛，均味辛之品也，能疗气聋、风聋。性之毒者，可以开结毒，亦可以疗久痹，蛇床、桂心、附子、干姜，均辛温微毒之品也，能疗毒聋、久聋。

治三十年久聋方

故铁三十斤，以水七斗，浸三日取汁，入曲酿米七斗，如常造酒法，候熟。取磁石一斤，研末，浸酒中三日，乃可饮取醉。以绵裹磁石内耳中，覆头一卧，酒醒，去磁石即瘥。昆谓磁石引铁，物类之相感也。金石之性寒，可使主内热；金石之性重，可使镇怯气。共酿于酒，欲其无所不之；既饮其酒，复以磁石内耳，欲其内外交感，而听户随开尔。

耳脓方

人发烧灰存性，每用分许，吹入耳中即瘥。此湿者燥之之意。而必以人发者，近取诸身而自足也。他如白矾、赤石脂、鸽粪，皆可枯灰用之。

鼻疾门第六十三

叙曰：鼻居五官之中，疾非美观也。《记》曰：尽饰之道，斯其行者远矣。故考五方以治鼻。

苍耳散

白芷一两 辛夷仁 苍耳子炒，各二钱五分 薄荷五钱

共为末，食后葱汤下二钱。

鼻渊者，此方主之。

鼻流浊涕不止者，名曰鼻渊。乃风热在脑，伤其脑气，脑气不固，而液自渗泄也。此方四件皆辛凉之品，辛可以驱风，凉可以散热。其气轻清，可使透于巅顶。巅顶气清，则脑液自固，鼻渊可得而治矣。

辛夷散

辛夷 川芎 防风 木通^{去节} 细辛^{洗去土} 藁本 升麻 白芷 甘草^{等分}
共为末，每服三钱，茶清调下。

鼻生息肉，气息不通，香臭莫辨者，此方主之。

鼻者，气之窍，气清则鼻清，气热则鼻塞，热盛则塞盛，此息肉之所以生也。故治之宜清其气。是方也，辛夷、细辛、川芎、防风、藁本、升麻、白芷，皆轻清辛香之品也，可以清气，可以去热，可以疏邪，可以利窍；乃木通之性，可使通中；甘草之缓，可使泻热。

瓜蒂散搐息肉法

先将鼻中息肉用针微刺，令患人含水一口，后以瓜蒂散和麝香少许，用水数滴吹鼻内，出涎水则愈。此苦能涌泄也，能泻其实，则息肉愈矣。

补脑散

天雄^炮 辛夷仁 苍耳茸^{等分}
共为末，饭后酒下二钱。

阳虚脑寒，鼻渊者，此方主之。

人身之上，天之阳也，故六阳之气皆会于首。若阳气自虚，则阴气凑之，令人脑寒而流清涕。是方也，天雄辛热而上浮，辛热者太阳之象，故可以温脑而补阳虚。辛夷仁、苍耳茸，皆轻清澈脑之剂，可以佐天雄而透脑。

大朴散

大黄 朴硝^{等分，为末}

鼻赤如榴者，将此二物为末，酒调傅之。

鼻赤者，热也；所以赤者，血也。大黄之寒能泻热，朴硝之咸能败血。是证也，耽于酒者而后有之，若不绝其酒，而徒用其药，抱薪救火，何益于事？

口齿舌疾门第六十四

叙曰：君子无尺寸之肤不爱焉，则无尺寸之肤不养也。口也，齿也，舌也，何莫而非吾身之肤？则亦何莫而非吾之所当养矣？故考十五方以治口、齿、舌。

口糜散

黄柏 黄连^{各一两} 雄黄 没药^{各二钱}
片脑^{五分}

五件共为细末，每用分许着于疮上良。口疮糜烂者，此方主之。

口糜本于湿热，湿热不去，必至痞蚀。寒可以胜热，苦可以坚肤，故用黄连、黄柏。乃雄黄之悍，杀虫而利气。冰脑之窜，杀虫而人腠。没药之苦，散血而愈疮。

蔷薇煎

取蔷薇浓汁含之，又稍稍咽之，日三夜一。冬用根，夏用叶。

孙真人《千金方》云：蔷薇根，口疮之神药，人不知之。故其口齿一门，用蔷薇根者盖六方焉。今尝其药气平而味苦，《内经》曰：气薄为阳中之阴。又口：味厚则泄。如此言之，固清气泄热之药也。

柴胡地骨皮汤

柴胡 地骨皮^{各三钱}
实者加大黄、朴硝。

《气厥论》曰：膀胱移热于小肠，膈肠不便，上为口糜。此方主之。

膀胱者，水道之所出；小肠者，清浊泌别之区也。膀胱移热于小肠，则清浊不能泌别，湿热不去，势必上蒸，故令口中糜烂而疮。乃灶底燃薪，笼中肉糜之象也。是方也，柴胡辛温，所以升其清阳。地骨皮苦寒，所以降其浊阴。清浊既判，则乾清坤宁，膈肠利而口糜愈矣。实者加大黄、朴硝，谓大便

秘涩，邪气自实，二阴皆秘，地道不通，故用大黄苦寒以泻实，朴硝咸寒以软坚，乃灶底抽薪之法也。

益胆汤

人参 炙甘草 黄芩各一钱 官桂半钱
苦参 茯神各一两 远志肉七分

谋虑不决，肝胆气虚，口苦舌疮者，此方主之。

肝主谋虑，胆主决断，劳于谋虑决断，故令气虚。咽门为胆之使，胆汁上溢于咽，故令口苦。木能生火，故令舌疮。是方也，人参、甘草，所以补其气虚；苦参、黄芩，所以清其气热。经曰：主明则十二官各得其职，故用茯神、远志以养心。又曰：微者正治，甚者从治，故用官桂之辛热。

滋阴大补丸加鹿茸方

熟地黄二两 川牛膝去芦 杜仲姜炒去丝
巴戟天去心 山茱萸去核 小茴香略炒 五味子炒 远志去心 肉苁蓉 白茯苓 山药各一两 红枣肉蒸熟，十四两 石菖蒲 枸杞子各五钱 鹿茸炙酥

肾虚，齿长而动者，此方主之。

肾主骨，肾虚则髓弱，髓弱则骨枯，骨枯则不能固齿，故令齿长而动，譬之败几焉，几败木枯，则紧窠之寸木摇摇而出，以水泽之，则败几润而寸木固。故治此者，宜滋阴补肾，肾不虚，则龈骨润。龈骨润，则齿固矣。是方也，熟地、牛膝、杜仲、山萸、五味、枸杞，皆味厚之品也，可以滋阴益肾。巴戟、苁蓉、茴香、远志、石蒲、山药、茯苓，皆甘温之品也，可以温肾生精。乃鹿茸者，取其为血气之属，得阴气之最完，故用之以补肾填精益髓之品耳。红枣肉者，味甘益脾，故用之以剂丸也。

苦参汤

齐大夫病齲齿，仓公为之作苦参汤，日

漱三升，五、六日病已。盖取其苦能安齿蠹，寒能去风热也。后人无风蠹，有用苦参洁齿，久而病腰重者，降多故也。此不知三军之事，而从三军之政，未有不败者也。

煮牙散

附子尖 天雄尖各二钱 全蝎七个

皆生捣和匀，点少许于痛处。

牙痛恶寒喜热者，此方主之。

凡人卧去之时，开口引其风寒，因致牙痛，故得寒饮则助其邪而痛甚，得热饮则散其寒而少宽。是方也，附子尖、天雄尖，辛热之品也，用之所以温寒；乃全蝎者，微毒之品也，假之就寒毒之区，兼疗风邪云尔！或用干姜、草拨、细辛作汤以漱之，亦治寒之意。

定风汤

牙皂角炙，一寸，去皮 白石膏五钱 朴硝一钱 荆芥一钱 葱白三寸

风热牙疼，喜寒恶热者，此方漱之。

内生风热，并于一颊，邪火自实，因致牙疼。故得寒饮则阴阳微和，而痛少可；得热饮则以火济火，而痛益深。是方也，用牙皂、荆芥、葱白之辛温以散其风。用朴硝、石膏之咸寒以驱其热。

梧桐泪蟾酥莨菪子韭子石灰总考

凡牙间有孔而痛者，以上五件，得一治之，皆获奇效。

梧桐泪，主火毒风疳蟹齿，王海藏常奇之矣。蟾酥主牙蚀，到处痛定，林元礼常奇之矣。莨菪子炮气蒸齿去蠹，孙真人常奇之矣。韭子入艾烧烟熏蠹，朱丹溪常奇之矣。此皆古人之方也。新得一方，只是新烧石灰一物，蜜丸，着于齿蚀之处，应手而愈，此则古人之所未道也。

烧盐灶突墨擦牙方

凡人齿缝中出血，只以烧盐、灶突墨二物研匀，临卧擦牙漱口良。

盐胜血，故用烧盐；血得黑则止，故用灶突墨。

取牙不犯手方

草乌 芫拔各半两 川椒 细辛各二两

《本事方》云：四件共为细末，每用少许，以针揩在患牙内外，如此数次，其牙自伤，则易落矣。盖四物皆辛热之品，入齿龈而数伤之，则齿肉日离，此近理之方也。

蒲黄一物散

《本事方》云：一士人夜归，其妻熟寝，士人撼之，妻问何事，不答。又撼之，其妻惊视之，舌肿已满口，不能出声。急访医，得一叟，负囊而至，用药掺之，比晓复旧，问之，乃蒲黄一物。昆谓《内经》曰：热胜则肿。此必心脾之火并于舌，故令肿而满口。蒲黄性寒，能清气凉血，故愈。

槐花一物散

《良方》云：一士人无故舌出血，仍有小窍，医者不晓何疾，炒槐花为末，掺之而愈。昆谓诸见血皆是火证，槐花能疗血中之热，故

愈。

冰 片

热证多舌出。有病愈而舌不能入者，以冰片分许，末其舌上则入。所以舌出者，热实于内，而欲吐舌泄气也；所以不能入者，邪气久居，舌强而不柔和也。冰片味辛热而气清香，可以利窍，可以柔筋，可以泄气，故得之而舌入矣。

蓖麻油捻纸熏舌法

有人舌肿舒出口外，无敢医者。一村人云：偶有此药，归而取至，乃二纸拈。以灯烧之，取烟熏，随即消缩。众问其方，村人曰：吾家旧有一牛，亦舌肿胀出口，人教以蓖麻油蘸纸作拈，烧烟熏之而愈，因以治人亦验。昆谓舌肿舒出口外，经所谓热胜则肿也。然舌者心之苗，又脾之经络连舌本散舌下，其热当责于心脾二经。《本草》云：蓖麻主浮肿恶气，取油涂之。叶主风肿不仁，捣汁傅之，则其能解风肿内热也可知矣。然用其烟，犹有妙义。烟乃轻清之物，一入其口，呼吸传变，可使径达心脾，匪微治标，亦可疗本。村人用之而不达其理，斯其所以为村人；医者闻之而不察其理，则亦村人而已矣。

医方考 卷六

明 欽邑 吳 昆鶴皋原著
鄞縣 曹赤屯炳章圈点

虫门第六十五

叙曰：为国者，必欲去夫蠹国之小人。故为医者，必欲去夫蠹身之匿蚀。身国不同，理相须也。因著六考以疗虫，君子用之，庶几乎保安之一策也。

化虫丸

鹤虱去土 胡粉炒 苦楝根东引不出土者
槟榔各一两 茺莢 使君子各五分 白矾枯，二钱五分

量人大小服，一岁儿可五分。

肠胃中诸虫为患，此方主之。

经曰：肠胃为市，故无物不包，无物不容，而所以生化诸虫者，犹腐草为萤之意，乃湿热之所生也。是方也，鹤虱、槟榔、苦楝根、胡粉、白矾、茺莢、使君子，皆杀虫之品，古方率单剂行之，近代类聚而为丸尔。

灵砂丹

水银一斤 硫黄四两

二物于新铤内炒成砂，更入水火鼎内，煅炼为末，糯米糊丸如麻子大。每服三丸，加至五七丸。忌猪羊血，绿豆粉、冷滑之物。

肠胃诸虫，此方主之良。

尝谓湿热生虫，故知湿热者，虫之天也。是方用硫黄以燥湿，用水银以驱热，是夺虫之天矣。虫失其天，未有不杀。

虫药总考

昆按：古方杀虫，如雷丸、贯众、干漆、蜡尘、百部、铅灰，皆其所常用也。有加附子、干姜者，壮正气也。加苦参、黄连者，虫得苦而安也。加乌梅、诃子者，虫得酸而软也。加藜芦、瓜蒂者，欲其带虫而吐也。加芫花、黑丑者，欲其带虫而下也。用雄黄、川椒、蛇床、樟脑、水银、槟榔者，治疥疮之虫也。用胡桐泪、蓖苳子、韭子、蟾酥者，治齕齿之虫也。用川槿皮、海桐皮者，治风癣之虫也。用青箱子、覆盆叶者，治九窍蛰蚀之虫也。用败鼓心、桃符板、虎粪骨、死人枕、獭爪、鹤骨者，驱瘵虫也。或用桃柳东南枝者，以其得天地春生夏长之气，而假之以为吾身之助也。或用吴茱萸东引根，或用酸石榴东引根，煎汤吞药者，一以此物亦能杀虫，一以东方者生物之始，诸虫受气之所也。东引根，能引诸药东行，夺其生生之气，乃伐根之斧也。

兰

《泊宅编》云：永州通宅听军员毛景，得奇疾，每语喉中必有物作声相应。有道人教之读《本草》药名，至兰而默然，遂取兰搗汁而饮之，少顷吐出肉块，长二寸余，人形悉具。刘思在永州亲见其事。《千金翼》云：兰主瘕蚀，则固杀虫物尔。

雷丸

陈正敏《遁斋闲览》云：杨勳，中年得

异疾，每发言应答，腹中有小虫效之，数年间，其声浸大。有道士见而惊曰：此应声虫也，久不治，延及妻子，宜读《本草》，遇虫不应者，当取服之。勅如言，读至雷丸，虫忽无声，乃顿服数粒，遂愈。

槟榔散石榴根煎

蔡定夫戡之子康积，苦寸白虫。医者教之以月初三日前，先炙猪肉一觔，置口中，咀嚼其津而勿食，诸虫闻香争啮，如箭攻攒，却以槟榔细末一两，取石榴东引根煎汤调服之。蔡如其言，不两时，腹中雷鸣急泻，虫下如倾，以杖挑之，皆连绵成串，其长几丈，尚蠕蠕能动，乃悉置之于火，宿患顿愈。

古称九虫：一曰伏虫，长四寸，为群虫之长。二曰白虫，相生至多，形长一寸，其母长至四、五尺。三曰肉虫，状如烂杏，令人烦闷。四曰肺虫，其状如蚕，令人咳而声嘶。五曰胃虫，状如蛤蟆，令人吐逆呕哕。六曰弱虫，状如瓜瓣，令人多唾。七曰赤虫，状如生肉，令人肠鸣。八曰蛲虫，至微细，状如菜虫，居洞肠间，居则为痔漏、痢疽诸疮。九曰蛔虫，长一尺，贯心则杀人。又有三尸虫，状如大马尾，薄筋依脾而居，乃有头尾，皆长三寸。又有劳虫、膈噎虫、癰虫、蛊虫、狐惑虫，未易悉举，医者推类而治之可也。

痔漏门第六十六

叙曰：察痔漏者，疡医之事也，君子鄙谈之。然择疾而疗，非医之任者也。故考二方，以大其规，详论药物，以要其变。

四物汤加黄芩黄柏槐花方

当归 芍药 川芎 生地黄 酒黄芩
酒黄柏 炒槐花

内热痔漏下血者，此方主之。

痔漏，广肠之毒也。《内经》曰：因而饱食，经脉横解，肠癖为痔。是以痔漏之疾，多

见于膏粱富贵之人，而藜藿之腹，未见其多也。一有病根，则劳思便作，饮酒便用，所以然者，内热而血妄行也。是方也，生地、槐花、黄芩、黄柏，清其热也；当归、芍药、川芎，调其血也。

四君子汤

人参 白术炒 茯苓 甘草炙

年高气弱，痔血不止者，此方主之。误服攻痔之药，致血大下不止而虚脱者，亦此方主之。

血，有形之阴也，必赖无形之气以固之。故年高而气弱，则血下。久药损气，则血下。是方也，人参、白术、茯苓、甘草，皆甘温益气之品也。大气充盈，自足以固有形之血，譬之乾元充溢于两间，自能举乎大地，而无倾陷之危者也。

痔漏诸药总考

昆按：古方医痔漏下血，有用槐角灰者，有用柏叶灰者，有用猬皮灰者，有用露蜂房灰者，有用牛角腮灰者，有用胡桃灰者，俱以方寸匕酒调下，此皆枯痔之法也。汤液之中，有用防风者，有用秦艽者，有用皂角仁者，有用荆芥、白芷者，此皆责之风热入脏也；有用芒硝、大黄者，有用槟榔、枳实者，此皆责之实热可下也；有用胡黄连者，有用酒苦参者，有用石莲肉者，有用番木鳖者，此皆责之实热可清也。有用桃仁、红花者，有用蒲黄、苏木者，此皆责之瘀血未消也。有用杏仁、麻仁者，有用地黄、黄柏者，此皆责其燥金无液也。有用地榆、蕲艾者，有用枯龙骨、鹿角霜者，此欲强止其血也。有用象牙、螳螂者，有用人爪、蟹爪者，此欲放出其肛而外施药以愈之也。有用熏法者，有用洗法者，有用药坐者，无非枯痔止血之品也。有用插药者，有用挂线者，无非烂肌去腐之辈也。呜呼！任医犹任将，用药犹用兵。神于兵者，叠石可以为营，驱牛可以破敌。神于药者，心解而机自灵，见超而术自神，有

不拘拘于纸上之陈言矣。

疥疮门第六十七

叙曰：人以弗病为安，疥疮虽曰小疾，然流连其痒，弗息其搔，则亦非可观之度矣。因著六考以主之，庶几乎无疮痍也。

防风通圣散

防风 川芎 川归 黄芩炒 麻黄去节
连翘 薄荷 石膏 白术炒 梔子炒黑
大黄 芒硝 桔梗 荆芥 白芍药 滑石
甘草

表有疥疮，内有实热，此方主之。

诸痛痒疮痒，皆属心火，故表有疥疮，必里有实热。是方也，用防风、麻黄，泄热于皮毛。用石膏、黄芩、连翘、桔梗，泄热于肺胃。用荆芥、薄荷、川芎，泄热于七窍。用大黄、芒硝、滑石、梔子，泄热于二阴。所以各道分消其势也。乃当归、白芍者，用之于和血。而白术、甘草者，用之以调中尔。互考见中风门、火门。

玉 烛 散

川芎 当归 生地黄 赤芍药 大黄
甘草 朴硝各等分

疥疮作痛者，此方主之。

诸痛属实，实者可泻，故用朴硝、大黄泻其实，生地、赤芍凉其血，川芎、当归和其营，甘草调其卫。是方为攻下之剂，必形气、病气两实者，始可用之。若病气有余，形气不足者，以前方防风通圣散去大黄、芒硝可也。

当归补血汤加防风连翘方

当归 防风各一钱 黄芪五钱 连翘二钱

疥疮有血无脓，痒痒不止者，此方主之。
有血无脓，此表气不足也。诸痒属虚，虚

者可补，故用当归、黄芪大补其气血。乃防风者，引归、芪直达于表，二物得之而效愈速也。若连翘者，解诸经之客热而已。此药服之数剂，诸疮化毒生脓，又更服之，得脓满毒尽，则去病根，而无温癰之患。若脓日久不干者，去黄芪，加白术、茯苓以燥之，如治烂豆之法则善矣。

十全大补汤

人参 黄芪 白术 茯苓 熟地黄 当
归 川芎 芍药 甘草等分 桂心少许

疮久，血气虚弱，颈面腹背皆疮者，此方主之。

疮疥生于手足者为轻，生于颈面腹背者，气血虚羸之盛，乃小人道长之象。故用人参、黄芪、白术、茯苓、甘草大补其气。用当归、川芎、白芍、熟苁、桂心大补其血。气血得其补，则腹背之疮先愈，而君子道长，小人道消矣。脾胃门参苓白术散，亦可酌用。

加 品

古方有苦参、沙参、忍冬花、皂角刺者，此皆治疮善药。若依前法，则此辈不用变愈，必欲用之，苦参宜用酒炒。

疥疮涂药总考

古方涂药，有用蛇床子、川椒、雄黄、樟脑、水银、槟榔者，有少入人言者，皆杀虫也。有用木鳖子、大风子者，皆去风也。有用枯矾、硫黄者，为燥湿也。有用大黄、黄柏、轻粉、铅粉、黄丹者，为解热者。或以柏油涂者，或以麻油涂者，或以猪脂涂者。予少时常自用之，率验于此而违于彼，今月少愈，再月即发，竟以服药而廖，终无益于涂也。然病浅者，间有涂之而愈，故涂药亦所不废。

暴死门第六十八

叙曰：幻化之躯，不能无死，但曰暴死，则非正命矣。君子顺受其正，胡然以非命归耶？故考方法八条，以拯暴死。

六君子汤加天麻方

人参 白术 茯苓 甘草 半夏 陈皮
天麻

暴死口噤吐沫，身体温暖，脉来虚大者，中风暴死也，此方主之。

暴死者，卒然而倒，不省人事也。风燥则筋急，故令口噤。吐沫者，风盛气涌使然，乃风来潮涌之象，风为阳邪，故令身体温暖。脉来虚大者，正气虚而邪气盛也。斯时也，主辛散之剂以驱风，则恢恢之气必绝，非其治也。故用人参、白术、茯苓、甘草之甘温者急固其气，复用半夏、陈皮之辛利者以平其沫。天麻之加，定风邪尔。

附子理中汤

附子 干姜 人参 甘草 白术

腹痛额头黧黑，手足收引，脉来沉下，无气以息者，中寒暴死也，此方主之。

腹痛病因固有数种，但额头黧黑、手足收引、脉来沉下，则中寒之验也。所以无气以息者，呼出主阳，吸入主阴，三阴受其真寒，则病不能吸。吸亡，则呼不能独存矣，故令人暴死。寒者温之，故用附子、干姜。乃人参、白术、甘草，所以生其呼吸之气也。进药后，更着艾灸其关元，此内外交治之法。是证也，有死一日夜而治之复苏者，幸勿因其危而忽之。

生脉散加香薷方

人参 麦门冬 五味子 香薷

人本阴虚，复遇暑途，饮困劳倦，暴仆昏绝者，此方主之。

人本阴虚，则阳独治，复遇暑途，则阳

易亢，加之饥困劳倦，则阳益亏，所以暴仆昏绝者，一则阴虚而孤阳欲脱，一则暑邪乘虚而犯神明之府也。故用人参益元而固脱，香薷辟邪而却暑。麦冬之清，所以扶其不胜之肺。五味之酸，所以敛其欲脱之真。

四君子汤加竹沥姜汁方

人参 白术 茯苓 甘草 竹沥 姜汁
暴死有痰声者，名曰痰厥，此方主之。

痰厥者，虚阳载痰上逆之名。所以令人暴死者，顽痰塞其清阳呼吸之道也。痰既塞之，气欲通之，故令喉中有声。经曰：壮者气行则愈，怯者着而成病。故用人参、白术、茯苓、甘草之温补者以壮气。佐之竹沥、姜汁以行痰。

独参汤

人参二两，去芦煎

行立之间，暴眩仆绝，喉无痰声，身无邪热者，阴虚阳暴绝也，此方主之。

阴阳之在人身，互为其根而不可离者也。若阴道亏乏，则孤阳无所依附，亦自飞越，故令人暴眩仆绝。过不在痰，故无痰声。病不因感，故无体热。斯时也，有形之阴血，不能急生，无形之呼吸，所宜急固，况夫阴生于阳，又太极之妙乎！故以独参主之，取其为固元益气之圣品尔。

五磨饮子

木香 沉香 槟榔 枳实 台乌药
五件等分，白酒磨服。

暴怒暴死者，名曰气厥，此方主之。

怒则气上，气上则上焦气实而不行，下焦气逆而不吸，故令暴死。气上宜降之，故用沉香、槟榔。气逆宜顺之，故用木香、乌药。佐以枳实，破其滞也。磨以白酒，和其阴也。

火醋熏鼻法

凡感臭秽瘴毒暴绝者，名曰中恶。不治

即死。宜烧炭火一杓，以醋沃之，令患人鼻受醋气，则可复苏。既苏，以感冒门霍香正气散主之。

补 拜 法

凡遇尸丧，玩占庙，入无人所居之室，及造天地鬼神坛场，归来暴绝，面赤无语者，名曰尸疰，亦曰鬼疰，即中祟之谓也。进药便死。宜移患人东首，使主人焚香北面礼拜之，更行火醋熏鼻法，则可复苏，否者七窍迸血而死。

凡男妇交感死，在男子名曰脱阳，在女子名曰脱阴。男子虽死，阳事犹然不萎；女子虽死，阴器犹然不闭。亦有梦中脱死者，其阳必举，阴必泄，尸容有喜色，为可辨也。皆在不救。

痘门第六十九

叙曰：小儿壮热，呵欠烦闷，时发惊悸，或吐或泻，手足时冷，面颊腮赤，嗽嚏者，为痘证也。盖痘出于五脏，由内达外，是以各显其证。呵欠烦闷，肝之证也。时发惊悸，心之证也。或吐或泻，手足时冷者，脾之证也。颊赤嗽嚏，肺之证也。钱氏谓独有肾脏无证，此大不然，若腰痛喜寐，则肾之证矣。五脏之证尽显者，其痘必多，但显一二证者，其痘必少。魏氏以痘本于淫火，其言高出前古，虽其主方近于执一，然录古人一十四方，则示人以变通也可知矣。今世之医，率以是短之，使诸子者并作于九原，昆遇魏氏则北面而师之，遇钱，陈则肩随而已。所以然者，二子之资不及魏也。兹考群方，则以百家而出人之，初不拘拘于三子矣。

痘证三四日前诸方考

升麻葛根汤

升麻 葛根各二钱 白芍药一钱半 甘草

一钱

小儿初间发热壮盛，为风寒，为痘疮，莫能的辨，此方稳当，宜主用之。

表热壮盛，此邪实于表也。经曰：轻可以去实，故用升麻、葛根以疏表，甘草佐之，可以和在表之气。芍药佐之，可以和在表之荣，去其实邪，和其营卫，风寒则解，痘疹则出，诚初间之良剂也。如至四五日，痘中夹疹者，亦此方主之。疹散，只依常法治痘。

参 苏 饮

紫苏 陈皮 半夏 茯苓 干葛 前胡
桔梗各一钱 甘草五分 人参七分

风寒壮热，体重头痛，痰嗽壅盛者，此方主之。

风寒客于外，故用紫苏、干葛以发表。痰嗽壅于内，故用半夏、前胡、桔梗、陈皮、茯苓以安里。邪去之后，中外必虚，人参、甘草急固其虚。此则表和而痘易出，里和而气不虚，表里无失，斯良剂矣。

麻 黄 汤

麻黄 杏仁 甘草 桂枝

天寒腠密，表热壮盛者，此方主之。

解表之药有三品，辛凉、辛温、辛热也。夏月表气易泄，宜用辛凉。春秋表气平调，宜用辛温。若天寒之时，表气闭塞，辛凉、辛温不能解散，故以麻黄、桂枝之辛热者以主之，亦各当其可而已。佐以杏仁，利其气也。佐以甘草，和其气也。

惺 惺 散

人参 白术 甘草 细辛 白茯苓 天花粉 白芍药 桔梗各七分

发热之初，未明是痘，形体怯弱者，此方主之。

人参、白术、茯苓、甘草，防其虚也。乃细辛、桔梗，所以疏其阳。天花粉、白芍药，所以和其阴。

加味红绵散

天麻 麻黄 荆芥穗 全蝎 薄荷 紫草 蝉退 等分

风热惊搐者，以此药调抱龙丸。

痘之出也，自内达外。心热则惊，肝热则搐；所以搐者风也。所以惊者热也。是方也，麻黄、荆芥、薄荷、天麻、全蝎、蝉退，所以消风解热。乃紫草者，所以解毒发痘而活血也。

抱龙丸

天竺黄一两 胆南星二两 辰砂五钱，水飞七次 雄黄 琥珀 珍珠各二钱 麝香二钱五分 檀香 人参各二钱 木香 沉香各一钱 金箔二十叶

甘草汁为丸，如大豆大。每服一九，婴儿半丸。

痘前发惊者，此方主之。

明者可以安神，故用琥珀、珍珠。重者可以去怯，故用辰砂、金箔。气窒可以利窍，故用雄黄、沉、檀、木、麝。甘温可以固元，故用人参。辛燥可使开痰，故用南星。寒凉可使清热，故用竺黄。

羌活透肌汤

羌活 陈皮 柴胡 前胡 半夏 茯苓 甘草 桔梗 川芎 当归 山楂

痘出见点未尽者，此方主之。

表气未疏，则出有不尽，故用羌活、柴胡、前胡、川芎以疏表。里气未利，则出有不速，故用半夏、茯苓、陈皮、甘草、桔梗以调里。当归活表里之血，山楂消表里之滞，血活滞消，则痘之出也易易矣。

透肌散

紫草二钱 木通一钱半 白芍药酒炒 人参 蝉退 升麻 甘草各五分

气弱痘出无尽者，此方主之。

人参、甘草，能益气而补中。紫草、木通，能透肌而起痘。升麻、蝉退，能退热而消风。乃芍药者，所以调阴气而和营卫也。

甘桔汤

甘草二钱 桔梗二钱

咽喉肿痛者，此方主之。

甘草之甘，泻实火而补虚火。桔梗之苦，清喉热而泻气热。

消毒饮

牛蒡子二钱 荆芥穗一钱 生甘草 防风各五分

咽喉肿痛，膈上热盛者，此方主之。

牛蒡子疏喉中风壅之痰，荆芥穗清膈间风壅之热，生甘草缓喉中风壅之气。乃防风者，散诸风不去之邪也。一

加味如圣散

桔梗二钱 牛蒡子 麦门冬各一钱五分 甘草 玄参 荆芥各一钱 防风七分 生犀角 黄芩各五分

痰嗽风热，声哑喉痛者，此方主之。

牛蒡子、麦门冬，疗风痰而清肺热。荆芥、防风，散风邪而升郁热。甘草、桔梗、黄芩，利咽喉而清气热。犀角、玄参，凉心膈而疗结热。热去则金清，金清则声哑瘥矣。

紫草化毒汤

紫草二钱 陈皮一钱 升麻 甘草各五分 小便赤加木通

痘已出未出，热壅不快，并宜服之。

紫草活窍，利血化毒。陈皮快膈，消痰利气。升麻消风，发散疮痍。甘草补虚，和中解热。木通之加，为导热邪则由溺而泄尔。

前胡化斑散

酒红花 当归各一钱 前胡八分 荆芥四分 白芷 甘草节 赤芍药 陈皮各五分

郁金七分，酒浸 胡荽子三十粒

痘中夹斑之轻者，此方主之。

斑之淡红色者，斑之轻也。治痘中之斑，与伤寒、杂证不同。伤寒之斑，宜主寒凉。痘中之斑，寒之则血凝而痘不起。杂证之斑，间用温补。痘中之斑，补之则血溢而斑愈盛。此方用酒红花、当归、赤芍药，所以活斑中之血。前胡、白芷、陈皮、荆芥，所以利表里之气。乃胡荽子、甘草节、酒郁金，皆所以散滞气尔。此其为药，利营调卫，不寒不热，诚得治痘斑之理也。师云：斑证之原，由初间不能清热解毒。若能于初间清热解毒，胡然有斑？

再造丸

生玳瑁一两半 片脑三钱 水蛭炒黄，一钱
蜈蚣炒，三钱 麻黄去节，一两

猪尾血为丸，龙眼大。每服一丸，日二。得微汗吉。

痘中有赤黑斑，狂言烦躁者，此丸主之。

原是实热之证，失于清热化毒，则令痘中夹斑，治之失道，则热益盛，而斑赤黑矣。若以手按之，血散者可治。是方也，生玳瑁能解毒而化斑，蜈蚣能从毒而化毒，水蛭能散瘀而破血，片脑能化气而利窍，麻黄能透肌而达表。和之以猪尾血，取其动而不滞尔。

黄连解毒汤

黄连炒 黄柏炒 黄芩炒 梔子炒黑，等分
里热壅盛者，此方主之。

无热固不化毒，热壅则毒亦不化。故用黄连泻心火，黄芩泻肺肝之火，黄柏泻肾火，梔子泻上下之火。无他证而惟热壅，故用药亦精专焉。

人参白虎汤

石膏三钱 人参 甘草 桔梗各一钱 知母二钱

里热渴甚者，此方主之。

石膏清里热，胃清则不渴。人参、知母、甘草、桔梗，化气而生津液，液生则渴自除。

辰砂益元散

滑石飞过，六钱 甘草净末一钱 辰砂二钱，
水飞

里热，小便黄赤，神气不清者，此方主之。

滑石清利六腑，甘草解热调中，辰砂安神去怯。

加味导赤散

生地黄 人参 麦门冬 木通 甘草等
分 竹叶十片 灯芯七根

小便黄赤，口干烦渴者，此方主之。

内热，故用生地黄。小便黄赤，故导以木通、竹叶、灯芯。口干烦渴，故润以人参、麦冬、甘草，乃气化而津液自生也。

七正散

车前子 赤茯苓 山梔仁 生甘草梢
木通 扁蓄 龙胆草

小便秘涩者，此方主之。

治痘而必欲利小便者，水循其道，而后地平天成故也。是方也，车前能滑窍，赤苓能渗热，木通能通滞，山梔能泻火，草梢能通茎，扁蓄能利水，胆草能利热。七物者，导其热邪，正其中气，故曰七正。

四顺清凉饮

大黄 当归 芍药 甘草

实热内壅，腹胀秘结，痘不能出者，此方主之。

痘以热而出，固不能以无热。若实热内壅，腹胀便秘，则三焦之气不化，而痘不能以出矣。故用大黄通其滞，当归活其血，芍药养其阴，甘草调其胃。通利之后表里气血皆承顺矣，故曰四顺。

蜜枣导法

形质虚弱，而大便秘结，不堪下者，用蜜熬滴水成珠，捻作枣子状，用鸡翎为心，少粘皂角末，纳入谷道中，病人以手急抱即出之，便随通矣。此以正气怯弱，不堪攻下故尔。

痘证五六日间方药考

活血散

木香一钱 当归尾酒浸，焙干 赤芍药酒浸
炒 川芎 紫草 酒红花各五钱 血竭一钱
每服三钱。

痘中气血凝滞者，此方主之。

气贵利而不贵滞，血贵活而不贵凝。木香、川芎，调其气滞。芍药、归尾、紫草、红花、血竭，理其血凝。

退火回生散

滑石水飞 辰砂水飞各一钱 冰片三厘
每用冷水调服一钱。

痘证，血热枯涩者，此方主之。

火炎则水干，是故枯涩。用滑石、辰砂导去其热，此灶底抽薪之意。入冰片者，欲其速达而无壅滞也。

犀角地黄汤

犀角生者 牡丹皮 白芍药 生地黄等分

诸见血、失血、血热者，此方主之。

心主血，生地黄所以凉心血。肝纳血，白芍药所以和肝血。火能载血，牡丹皮所以去血中之火。热能行血，生犀角所以解诸经之热。

白术茯苓泽泻汤

白术 茯苓 泽泻各一钱
痘而水泡者，此方主之。

中有实热，隔有停水，湿热外行，初则痘色晶亮，顷则痘皆水泡矣。此乃水不能润下，灶底燃薪，釜中发泡之义。是方也，白术甘而燥，能益土以防水。茯苓甘而淡，能益土以决防。泽泻咸而润，能润下而利水。水利湿消，泡自瘥矣。

补中益气汤

人参 黄芪 白术 当归 柴胡 升麻
陈皮 甘草

中气虚弱，痘不起胀者，此方主之。

《难经》曰：气主煦之。故气者，嘘长万物者也。痘不起胀，气之弱也可矣。故用人参、黄芪、白术、甘草以补气，用柴胡、升麻以升阳，有当归可以活其血，陈皮可以利其气。

保元汤

人参二钱 黄芪二钱 甘草一钱，炙 肉桂
每用五分至七分

气虚陷顶者，此方主之。

气者，长养万物者也。气盛即物壮，气弱即物衰，故痘疮陷顶者，责之气虚也。魏桂岩自论云：人参益内，甘草和中，实表宜用黄芪，助阳须凭官桂。前三味得三才之道体，后一味扶一命之倾危。

四物汤

当归 川芎 白芍药 熟地黄
痘根淡，血弱者，此方主之。

痘至五六日，气尊血附之时，痘根淡者，为血弱。故用当归活血，川芎行血，熟地补血，芍药敛血。

当归活血汤

当归 川芎 赤芍药 红花 紫草各一钱
生地黄一钱五分，取汁更良

血热壅滞者，用此方活血凉血。

色紫为血热，色枯为血滞。热者凉之，枯

者泽之，调血之道也。是方也，生地黄，凉血之品也。当归、川芎、赤芍药、红花、紫草，滑血之品也。凉者性寒，滑者质润，气利而已。

内托散

人参 黄芪 甘草 当归 川芎 白芍药 厚朴 防风 白芷 肉桂 木香 桔梗
表虚里实，气血皆弱者，此方主之。

在表者，痘顶灰陷为气虚，痘根色淡为血虚。若息重气粗，则为里实。气虚，故用人参、黄芪、甘草。血虚，故用当归、芍药、川芎。然防风、白芷、肉桂，能引诸药自内而托之于外；木香、桔梗、厚朴，能调壅实以归于和。加减法：红紫黑陷属热毒者，去桂加紫草、红花、黄芩。淡白灰陷属虚寒者，加丁香温里，肉桂温表。当贯脓而不贯脓者，倍参、芪、当归、糯米，煎熟入人乳、好酒。

八珍汤

人参 白术 茯苓 甘草 当归 川芎 芍药 地黄

气体虚弱，痘证虽顺，此方主之。

医贵未然之防，痘证虽顺，若气体虚弱，不补恐有后失。故用人参、白术、茯苓、甘草以补气、当归、川芎、芍药、地黄以养血。

独圣散

川山甲炒，一两 麝香一钱

紫草汤调下一钱。

五六日间黑陷者，此方主之。

黑陷，危证也。黑者，秽恶触之而变其色也。陷者，正气下陷，不能起胀也。川山甲、麝香，膻腥秽恶之属也，何以用之？盖痘之为物，外触秽恶，则向里而陷。内触秽恶，则向外而凸。原其血气虚怯，故令如此。人牙散亦是此意。

挑疔散

紫草 雄黄 巴豆各等分

共为细末，油胭脂调用。

有痘疔、痘母者，用针挑破，以此药少许着之。

痘疔之色有二，紫疔、白疔也。痘疔之见有三，先疔见在面，次疔见在腹，后疔见在足也。是方也，紫草解毒利窍，雄黄解毒利气，巴豆化毒拔疔，乃挑疔之捷剂也。所谓痘母者，初出之时，遍身光润，稀少绽凸，其间有一二颗起发胀大，如八九日痘者，名曰痘母。急以此药挑破着之。否则诸痘日渐隐没，以至于无，皮肤之外，仅存渣滓，身冷自汗，吐泻烦躁而死矣。

痘证七日八日九日间所用方药考

内解散

人参 黄芪 甘草 白芍药 川山甲 当归 川芎 木香 金银花 皂角刺 山楂 干姜

七八日间，痘色枯淡，不起无浆者，此方主之。

痘至七八日，灌脓起胀之时也。若根窝色淡者，责其血弱。不起无浆者，责其气虚。故用人参、黄芪、甘草大补其气。又用当归、川芎、白芍大补其血。川山甲、皂角刺、金银花长于化毒。干姜、木香、山楂长于化滞。

托里散

人参 黄芪 甘草 肉桂 白芍药 当归 川芎 连翘 贝母 山楂 陈皮 桔梗 木香

补虚托里，此方通用。

人参、黄芪、甘草，补气药也，佐之以山楂、木香，则气不滞。当归、川芎、芍药，补血药也，佐之以肉桂，则血不滞。桔梗、连翘流气清热，陈皮、贝母利气开痰。

肉豆蔻丸

肉豆蔻 赤石脂各三钱 木香 枯矾各一钱 诃子 砂仁 龙骨各二钱

七八日间大泻者，此方主之。

痘至七八日，灌脓起胀之时也。若大泻而虚其中，则痘必陷下而不可为矣。然有湿而泻，有滑而泻，有积而泻。湿而泻者，宜燥之，枯矾、石脂是也。滑而泻者，宜涩之，龙骨、诃子是也。积而泻者，宜消之，豆蔻、砂仁是也。乃木香者，调其滞气，和其腹中而已。

黄芩芍药汤

条芩 芍药 升麻等分 甘草减半

肠胃热泻者，此方主之。

粪色黄褐为热泻，条芩可以清之，芍药可以寒之，升麻可以举之，甘草可以调之。

附子理中汤

附子 人参 甘草 白术 干姜

胃中虚寒，或又误服凉药，泻而手足厥冷者，此方主之。

人参、甘草、白术之甘温，所以补虚；干姜、附子之辛热，所以回阳。

砂仁益黄散

陈皮 青皮各二钱 诃子一钱 丁香 木香 砂仁各五分

食伤胃寒，呕吐而泻者，此方主之。

仲景云：邪既中焦，则既吐且泻。故用陈皮、青皮理其脾，丁香、木香温其胃，诃子所以止泻，砂仁所以消食。

十二味异功散

人参 豆蔻白 白术 当归 丁香 肉桂 厚朴 陈皮 半夏 茯苓 附子 木香

痘出不光泽，不起胀，根窠不红，表虚痒塌者，此方主之。

中气有余，气血充满，则痘光泽起发，根窠红活，表无痒塌之患。中气不足，则表亦虚，而诸证作矣。是方也，人参、白术、茯苓、当归，所以补胃；附子、肉桂、丁香、豆蔻，所以温胃；半夏、木香、陈皮、厚朴，所以调胃。胃，阳明也。陈氏云：阳明主肌肉，胃气充足，则肌肉温暖，自然光泽起胀，而无痒塌之患。亦见道之论也。

十一味木香散

木香 丁香 肉桂 人参 青皮 大腹皮 半夏 甘草 前胡 诃子 赤茯苓

里虚泄泻而渴者，此方主之。

胃虚而寒，则生泄泻。泻失津液，则令人渴。是方也，人参、甘草，所以补胃。木香、丁香、肉桂，所以温胃。腹皮、青皮、半夏、前胡、赤苓，所以调胃。乃诃子者，所以止泻而生津也。此亦以胃气为主。盖胃不虚寒，则泻自止，津液自生，而渴自除矣。陈文仲云：腹胀渴者，泻渴者，足指冷渴者，惊悸渴者，身温渴者，身热面皤白色渴者，寒战渴不止者，气急咬牙渴者，饮水转水泻不已者，以上九证，即非热也，乃津液少，脾胃肌肉虚故耳。宜木香散治之。如不愈，更加丁香、肉桂。昆谓痘色皤白，手足寒，小便利，如是渴者虚也，本方主之；若痘色红赤，大便秘，小便赤，如是渴者热也，非此方所宜，慎勿与之。

二神散

丁香九粒 干姜一钱

痘色灰白不起者，此方主之。

气血原实，或以饮食凉剂，寒其中气，致痘不起。故只用丁香、干姜以温中，而不必参、芪等也。

救生散

即无比散

猪尾血腊月取以新瓦瓶盛，挂于当风阴干为末
牛黄 冰片 麝香 膩粉各一分 朱砂研

马牙硝各一钱

上为细末，一岁者服一字，大者五分，温水和乳少许调服。

痘陷色黑，危困恶候，此方主之。

痘之为物，外感秽气，则陷而入。内食秽物，则凸而出。故猪血、牛黄、麝香，原皆秽物，可以起痘。乃马牙硝者，所以攻结毒；朱砂、膩粉者，所以攻结热。冰片则神于行滞而已。是方也，为热毒倒入脏腑，不得已而用之，以少卧时许，取下恶物如鱼脑为吉，然非平剂也。

南金散

紫背荷叶取霜后搭水者 白僵蚕取直者炒去丝，各等分

共为末，每服五分，胡荽汁和酒调下。

痘已出而复隐，其势甚危者，此方主之。

小儿气体怯弱，外感不正之气，则痘已出而复隐。荷叶芬香，可以却秽，得震卦仰孟之象，可以升其生生之气，而长养痘疮。佐以白僵蚕，一以取其就毒化毒，一以取其疏利风痰尔。

水杨柳洗法春夏用叶，秋冬用根

痘出陷顶，浆滞不行，或为风久克者，用水杨柳枝叶五升，水一大釜煎汤，先将三分之一置于盆内，以手试之，勿使甚热，亦勿使过冷。先服宜用汤药，然后入汤浴洗，渐渐添易，不可太冷。浴洗久许，乃以油纸捻燃灯照之。累累然有起势，陷处晕晕有丝，此浆影也。浆必满足，如不满，又浴如前。若体弱者，只浴洗头面手足可也。桂岩云：此犹黄钟一动，而冻蛰启户；东风一吹，而坚冰解腹，始虽二物，竟则同一春也。

痘症十日以后宜用诸方考

十全大补汤

人参 黄芪 白术 茯苓 白芍药 当

归 川芎 肉桂 甘草 熟地黄

痘证十日以上，血气虚弱者，此方主之。

参、芪、苓、术、甘草，大补气也。芎、归、芍、地、肉桂，大补血也。气血平补，故口十全。

止痛活血散

白芍药酒炒，一钱

加细末，酒调下。

痘浆已满，血滞疼痛不可忍者，此方主之。

诸病痒者为虚，痛者为实。痒者宜补，痛者宜泻。此痛为血实而滞，故用芍药以平血，酒调以行滞。

如神散

当归 官桂 玄胡索等分

为末，酒调下一钱。

血滞腰痛者，此方主之。

当归活血，官桂散血，玄胡理血。血行而利，腰痛自除。

四圣挑疔散

珍珠 豌豆灰 血余灰各五分 冰片三厘
油脂调用。

痘中有疔者，此方主之。

凡痘中有独黑、独白、独陷下、独疼痛者，名曰痘疔，虽以针挑破，令人吸尽恶血，以此药傅之，失治则余痘皆陷矣。珍珠能出毒止痛，二灰能烂毒化血，胭脂能利血拔毒，冰片能利窍行滞。

人牙散

人牙一枚，烧存性 麝香少许

共为末，酒调下。

痘证黑陷者，此方主之。

痘之为物，外感秽气则陷入，内食秽物则凸出。牙灰、麝香，亦秽物耳，故用之以起陷下之痘。钱氏云：变黑归肾，而用骨余

以治之，非通论也。

蝉退散

蝉退 地骨皮 白芷等分

每服三五分，酒调下。

表有风热而痘色滞者，此方主之。

蝉退、白芷消风热于表，地骨皮退风热于里。

大连翘饮

连翘 白芍药炒 当归酒洗，各一钱 防风
滑石 柴胡 黄芩 木通各八分 荆芥
车前子 梔子炒黑 牛蒡子略炒，各五分 蝉退
甘草各三分

痘后蕴热者，此方主之。

痘焦之后，蕴热不去，则生痘毒。是方也，防风、柴胡、蝉退，解热于表，表有热者，自皮毛汗孔而泄。荆芥、牛蒡，解热于上，头目咽喉有热者，从口鼻而泄；滑石、木通、梔子、车前，解热于里，里有热者，导之从小便而泄。连翘去诸经之客热，黄芩去诸经之游火。乃甘草者，所以解热于气。而芍药、当归，所以调热于血也。

十三味败毒散

当归 陈皮 白芷 赤芍药 川山甲
乳香 没药 贝母 金银花 皂角刺 防风
甘草 天花粉

痘后肿毒，此方主之。

实证补之，则生痈毒。是方也，防风、白芷，解表而泄其热；乳香、没药，散血而消其毒；川山甲、皂角刺，能引诸药至有毒之处；金银花、赤芍药，能解热毒于瘀壅之中。痰中诸热，贝母、天花粉可除。气血不调，甘草、陈皮、当归可疗。

泻肝散

当归 川芎 防风 荆芥 白芍药 甘
草 黄连 木贼 蔓荆子 白蒺藜 甘菊花

痘后肝经蕴热，目痛者，此方主之。

目者，肝之窍。肝，木脏也，喜散而恶郁，故散之则条达，郁之则热痛。此方用防风、蒺藜、荆芥、木贼、蔓荆、菊花，虽所以清肝经之风热，而实所以散之，使其条达也。和肝部之血，有当归、芍药。和肝部之气，有甘草、川芎。复有黄连，泻心火也，实则泻其子，以故用之。

复明散

当归 川芎 白芍药 防风 生地黄
荆芥 柴胡 蔓荆子 白芷

痘后目痛，红丝翳膜者，此方主之。

日月中天，光明者也，一为云物蔽之，明者晦矣。风行天上，则蔽障去而日月复明。此方用防风、荆芥、柴胡、白芷、蔓荆子诸风药以治目翳，亦是道也。复用当归、川芎、芍药、地黄养血之品者，经曰目得血而能视，是故用之。

清胃汤

升麻二钱 当归一钱二分 黄连 牡丹皮
生地黄各一钱

牙疳肿痛者，此方主之。

牙疳责胃热，肿毒血热，痛责心热。升麻能清胃，黄连能泻心，丹皮、生地能凉血。乃当归者，所以益阴，使阳不得独亢尔。

犀角黄连汤

生犀角水磨，临饮加入，一钱 乌梅一枚 木
香二分 黄连一钱

痘后牙疳，此方互用。

诸痛痒疮痒，皆属心火。故用黄连泻心，生犀凉心。乃乌梅者，取其味酸，可以收敛虚邪；而木香者，取其辛香，可以辑和荣气。

走马牙疳傅药方

黄连一两 雄黄一钱 胆矾二分 冰片五
厘

患牙疳蜜蚀，此方为末掺之。

黄连之苦，能坚厚肌肉。雄、矾之悍，能杀蜜虫。冰片之辛，能利肌腠。

治痘疮湿烂方

或以败草灰傅之，或以蚕茧灰人枯矾少许傅之，或以墙上白螺蛳壳烧灰傅之，或以蛤粉傅之。四法者，皆是湿者燥之之意。

妊娠患痘宜用方考

罩胎散

当归 川芎 人参 白术 茯苓 甘草
黄芩 砂仁 柴胡 干葛 桔梗 紫草
阿胶 防风 荆芥 白芷 白芍药

孕妇出痘，此方主之。

以孕妇而痘，则血气大虚矣，故用当归、川芎、芍药、阿胶以养血，又用人参、白术、茯苓、甘草以补气。乃黄芩、砂仁、紫草、桔梗，所以安胎解毒。柴胡、干葛、防风、荆芥、白芷，所以利表疏邪。养血补气，则安其内。解毒疏邪，则利其外。安内利外，治道皆矣。

安胎独圣散

用砂仁炒为末，酒调下五分。

妊娠出痘胎痛者，此方主之。

胎痛者，热而气滞之故也。缩砂辛温，利而不滞，故可以利气，可以安胎。

安胎饮

人参 白术炒 茯苓 甘草 芍药酒炒
当归 川芎 砂仁 紫苏 黄芩酒炒 陈
皮 香附醋炒 大腹皮净洗

妊娠出痘，此方互用。

气血虚，则胎不安。气血热，则胎不安。气血滞，则胎不安。是方也，人参、白术、茯苓、甘草，所以补气。当归、川芎、芍药，所以养血。黄芩所以清热。砂仁、香附、紫苏、

陈皮、大腹皮，所以行滞。

妇人门第七十

叙曰：妇人杂病与男子等，惟月事，胎产异焉。今所考者，亦考其月事、胎产之方尔。他证则向全方求其证治。

四物汤

当归酒洗 川芎 白芍药酒炒 熟地黄

妇人月事不调，以此方为主而变通之。

无极之真，二五之精，妙合而凝。乾道成男，坤道成女。女以坤道用事，故治妇人者以阴为主。方其二七而癸至，月事以时下者，女子得坤之阴，阴中必有阳，故以七为纪，一七而齿更，二七而天癸至也。人受天地之气以生，故能克肖天地。月，天之阴也，以月而盈，以月而亏，故女子之血，亦以三十日而一下也。血之下也同子月，故名之曰月事。经曰：月事以时下，故能有子。是以月事不调者，宜以此方为主。随其寒热虚实而斟酌加减之，使月事调匀，则阴阳和而万物生，有子之道也。是方也，当归、芍药、地黄，皆味厚之品也，味厚为阴中之阴，故能益血。析而论之，当归辛温能活血，芍药酸寒能敛血，熟地甘濡能补血。又曰：当归入心脾，芍药入肝，熟地入肾，乃川芎者，彻上彻下而行血中之气者也。此四物汤所以为妇人之要药，而调月者必以之为主也。脉数、血色紫黑为内热，本方加黄芩、黄连。脉迟、血凝结者为寒，本方加官桂、附子。人肥有痰，加半夏、陈皮、南星。人瘦有火，加山梔、黄柏、知母。有抑郁者，加香附、苍术、砂仁、神曲。有留滞者，加桃仁、红花、玄胡索、肉桂。先期者为热，后期者为寒、为郁、为气、为痰。气虚者，加参、芪。气实者，加枳朴。或问：四物亦有不宜者乎？余曰：有之。气息几微者不宜川芎，恐其辛香，益散真气也。大便溏泄不宜当归，恐其濡滑，益

增下注也。脉迟腹痛不宜芍药，恐其酸寒，益增中冷也。胸膈痞塞不宜地黄，恐其粘腻，益增泥滞也。明者解之，昧者误矣。

八 珍 汤

人 参 白 术 炒 茯 苓 甘 草 炙 当 归
川 芎 熟 地 黄 白 芍 药 酒 炒

月来血少者，此方主之。

血盛则月来而多，血衰则月来而少。故用当归、川芎、芍药、熟地四物以养血，而又用人参、白术、茯苓、甘草以养气也。所以必兼养气者，太极之妙，阴生于阳故也。

固 经 丸

酒黄芩 龟板 白芍药各一两 黄柏炒褐色，二钱 椿根白皮七钱半 香附童便浸一宿，焙下，二钱

月来过多不止者，此方主之。

月来过多不止，是阴血不足以镇守胞络之火，故血走失而越常度也。是方也，黄芩、黄柏、芍药、龟板，皆滋阴制火之品，所谓壮水之主以镇阳光也。椿皮之涩，所以固脱；香附之辛，所以开其郁热尔。

白芷黄荆实瓦垄子治白带考

白带者，胃中湿热下注而成，犹之溺注于器而生溺底垢耳。前古名医有单用焦白芷而主者，有单用焦荆实而主者，有单用瓦垄粉而主者。盖以白芷之性，香而升举。荆实之性，辛而利气。瓦垄之性，燥而胜湿。炒而焦之，则火可以生土，土可以防水；炼而粉之，则燥可以胜湿，胜湿则无以下注，而白带止矣。此用三物之意也。

白葵花红葵花治赤白带下考

凡人腰脐之间有带脉，奇经八脉之一也，回身一周，如束带焉。下焦虚损，督任有亏，则中焦气血乘虚而袭之，陷于带脉之下，气病为白，血病为赤，名曰赤白带下也。东垣

曰：白葵花治白带，红葵花治赤带。赤治血燥，白治气燥，此何言哉？昆谓葵花乃朝阳之萼也，烹草之阴，涵天地之阳，故能润燥而升阳，使营卫上行，不复陷于带脉之下而为带下也。或问：带下一疾耳，此言气血陷于带脉之下为带下，前言胃中湿热下注为带下，何相悖也？余曰：妇人无病容，单下白者，责之湿热下注。妇人久病，赤白并下，责之气血下陷，多成瘵也。又曰：有言白者属寒，赤者属热，其说何如？余曰：曾见寒者固有赤带，热者益多白带，此白寒赤热之言不足徵矣，必若所言，则赤白并下者，是寒热并耶？见道之言不如此。

《千金》白马毛散

白马毛二两，椒和伏火一宿。白马毛治白带，赤马毛治赤带。龟甲四两，醋炙。鳖甲十八铢，醋炙。牡蛎一两十铢，火炙。

共为末，每服酒下方寸匕，日三。

治赤白带下，此方良。

气陷于下焦，则白带。血陷于下焦，则赤带。以涩药止之，则未尽之带，留而不出。以利药下之，则既损其中，又伤其下，皆非治也。白马得乾之刚，毛得血之余，血余可以固血，乾刚可以利气，固血则赤止，利气则白愈，此用马毛之意也。龟、鳖、牡蛎，外刚而内柔，离之象也，去其柔而用其刚，故可以化瘵，可以固气。化瘵则赤白之成带者，无复中留。固气则营卫之行不复陷下。营不陷则无赤，卫不陷则无白矣。

半夏茯苓汤

半夏 生姜各三十铢 干地黄 茯苓各十八铢 旋覆花 白芍药 人参 芎藭 细辛 橘皮 甘草 桔梗各十二铢

孕娠恶阻者，此方主之。

恶阻者，恶心而防阻饮食也。此是下部气血不足，复盗脾胃之气以固养胎元，故令脾胃自弱，不胜谷气，一闻谷气，便恶心而

防阻也。是方也，半夏、生姜，能开胃而醒脾；地黄、芍药、芎藭，能养阴而益血。人参、茯苓、甘草，能和中而益气。乃橘皮、桔梗、旋覆、细辛，皆辛甘调气之品，可以平恶逆之气而进饮食者也。或问：半夏为妊娠所忌，奈何用之？余曰：昔人恐久用而燥阴液，故云忌尔。若有恶阻之证，则在所必用也。故孙真人方之圣者也，其养胎之剂，用半夏者盖五方焉。

橘皮汤

橘皮 竹茹 人参 白术各十八铢 生姜一两 厚朴十二铢

妊娠呕吐不下食者，此方主之。

恶阻以闻食而恶，责之脾虚。呕吐以食入复吐，责之有火，所谓诸逆冲上皆属于火也。此是厥阴之血，既养其胎，少阳之火，虚而上逆。竹茹能平少火，厚朴能下逆气，橘皮、生姜所以开胃，人参、白术所以益脾，开胃益脾，欲其安谷云尔。

白术条芩考

先医云：白术、条芩，安胎之圣药。此何云也？盖以白术益脾，能培万物之母。条芩泻火，能滋子户之阴，兴其利而去其害，故曰安胎圣药。

胶艾汤

熟地黄 艾叶 当归 川芎 炙甘草 真阿胶炒成珠，各半钱 黄芪二分半

孕妇漏胎不安者，此方主之。

漏胎者，怀胎而点滴下血也。此是阴虚不足以济火，气虚不足以固血，故有此证。是方也，阿胶、熟地、当归、川芎，益血药也。黄芪、甘草、艾叶，固气药也。血以养之，气以固之，止漏安胎之道毕矣。

砂仁葱白汤

砂仁一钱，槌碎 葱白十枚，煎汤吞下

妊娠腹痛者，此方主之。

痛者，气血滯涩不通使然。故用砂仁顺气于下，葱白顺气于中，气行血利，而痛自止。有故而痛者，各随证以治之。

犀角散

生犀角 地骨皮 麦门冬 赤茯苓 条芩 生甘草

子烦者，此方主之。

子烦者，怀子而烦闷也。烦闷，责心肺有热。故用犀角凉心，骨皮退热，条芩泻火，麦冬清金，赤苓导赤，甘草和中。

四物汤加芩连姜夏方

当归 川芎 芍药 熟地黄 黄芩 黄连 半夏 生姜

子痛者，此方主之。

子痛者，怀子而痛仆也。此由血养其胎，阴虚火亢，痰气厥逆，故令痛仆。是方也，四物可以养血，芩、连可以降火，姜、夏可以破逆。

紫苏饮

紫苏叶 人参 陈皮去白 大腹皮黑豆汁洗过 当归尾 川芎 粉草 白芍药酒炒

子悬者，此方主之。

胎气不和，凑上心腹，腹满闭闷，谓之子悬。乃下焦气实，大气举胎而上也。故用紫苏、腹皮、陈皮、川芎流其气，当归、芍药利其血，气流血利，而胎自下矣。然必用夫人参、甘草者，邪之所凑，其气必虚也，流气之药推其陈，补气之药致其新尔！

地肤草汤

地肤草四两，水四升，煮取二升，分三服。取自然汁服亦可。

子淋者，此方主之。

怀子而小便淋涩，谓之子淋。子淋之原，本于湿热。地肤草能利膀胱，能疏风热，以

之而治子淋，亦单剂之良也。

冬葵子汤

冬葵子略炒 柴胡 桑白皮 赤茯苓
赤芍药 当归各等分

此亦子淋之方也。

滑可以去着，故用冬葵子。清升则浊自降，故用柴胡。气化则能出，故用桑皮。辛利则能润窍，故用当归。而赤苓、赤芍者，取其入血而利丙丁也。

木通散

木通 紫苏叶 香薷 桑白皮各一钱
枳壳 槟榔 条芩各五分 诃子皮 木香各三分

妊娠身体浮肿，四肢胀急，小便不利者，此方主之。

妊娠气血朝胎，营卫之行涩，故令身体浮肿，四肢胀急，而小便不利也。是方也，紫苏流气于表，桑皮、枳壳、木通、木香、槟榔流气于里，香薷流气中之湿。条芩流气中之热，诃子流气中之液。服药之后，营卫流行，气血健运，则浮肿诸疾可得而皆愈矣。或问：何以不利小便？余曰：《内经》有言，气化则能出矣。故知本之医，只调其气，无用淡渗为也。

三合汤探吐法

人参 白术 茯苓 甘草 当归 川芎
芍药 地黄 半夏 陈皮

妊娠转胞，不得小便者，此汤服之，探吐数日愈。胞，非转也，由孕妇中气怯弱，不能举胎，胎压其胞，胞系了戾，而小便不通耳。故用二陈、四物、四君子三合煎汤而探吐之，所以升提其气，上窍通而下窍自利也。

束胎丸

白术二两 茯苓七钱半 陈皮三两，不见火
黄芩夏一两，春秋七钱，冬五钱

妊娠七、八月间，服此，胎气敛束，令人易产。凡患产难者，多由内热灼其胞液，以致临产之际，干涩而难，或脾气怯弱，不能运化精微，而令胞液不足，亦产难之道也。故用白术、茯苓益其脾土而培万物之母，用黄芩清其胎热，泻火而存胞液。乃陈皮者，取其辛利，能流动中气，化其肥甘，使胎气不滞，儿身勿肥耳。此束胎之义也。

达生散

大腹皮三钱，黑豆汁洗，晒干入剂 人参 陈皮 紫苏 当归 白芍药 白术各一钱 炙甘草二钱

妊娠临月，此方服之，令人易产。

《诗》云：诞弥厥月，先生如达。朱子曰：先生，首生也。达，小羊也。羊子易生而无留难，故昔医以此方名之。然产难之故，多是气血虚弱，营卫涩滞使然。是方也，人参、白术、甘草益其气，当归、芍药益其血，紫苏、腹皮、陈皮流其滞，气血不虚不滞，则其产也犹之达矣。

车前子

《诗》曰：采采芣苢，薄言采之。芣苢，车前也。朱子曰：采之未详何用，其子治产难。昆得其说，凡遇妊娠临月，于宜用汤液内加之每良。

催生诸药考

生，不必催也，催之则宋人之揠苗耳，非惟无益，而又害之矣。古方有用兔脑者，有用猪脂者，有用油蜜、葱白者，有用葵子者，有用牛乳、榆皮、滑石者，有用金风子者，有用柞枝者，取其滑泽之义耳，犹近理也。又有用弩牙灰者，有用蛇退灰者，有用笔头灰者，有用百草霜者，有用伏龙肝者，有用凿头灰者，有用蓖麻子贴于足心者，有握石燕者，虽曰各有深意，但烧灰而服者，徒劫燥其津液，手握足贴者，用之弗验耳。噫！平

时失于将理，至于临产艰难，频以杂药催之，皆惑也。

十全大补汤

人参 黄芪 白术 白芍药 茯苓 当归 川芎 甘草 熟地黄等分 肉桂少许

正产之后，气血虚耗者，此方主之。小产者，亦此方主之。

气虚宜补气，故用人参、黄芪、白术、茯苓、甘草。血虚宜补血，故用当归、川芎、芍药、地黄、肉桂。丹溪曰：产后宜大补气血。此之谓也。

桃仁红花苏木玄胡索肉桂

山楂蒲黄考

产后有瘀血留于子户作痛者，宜四物汤加上件。

黑神散

熟地黄 炒蒲黄 炒黑干姜 当归 白芍药 桂心各二两 炙甘草三钱 黑豆炒去皮，二合半

上件共为末，此方主之。

胎死者，产难经日而胎死也，法以妊娠舌头青黑为用之方也。蒲黄能逐败血，熟地、芍药、当归、能养新血，干姜、肉桂能引新血而逐败血，甘草、黑豆能调正气而逐败气。师云：此方更治胞衣不下，产难血晕，余血奔心，儿枕疼痛，乍见鬼神等证。盖诸证皆是瘀血为患，故并治之。

《千金》神造汤

蟹爪一升 阿胶三两 甘草二两

妇人脉阴阳俱盛，名曰双躯。若少阴微紧者，血即凝浊，经养不周，胎却偏夭，其一独死，其一独生，不去其死，害母失胎，宜此方主之。

蟹爪能破胞而堕胎，以其稟锋利之质故耳，非妊娠所宜也。是方也，盖用蟹爪攻其

死，阿胶安其生，甘草平其毒也。或问蟹爪之毒手，保其不伤彼生者乎？余曰：无死者则伤生，有死者则毒以类从，惟攻其死，不犯其生。此《大易》方以类聚，物以群分，水流湿，火就燥之义也。

独参汤

人参二两

水一升，煎半升温服。

产后血晕，不省人事者，此方主之。

血晕者，下血过多而眩晕也。不省人事者，气血大脱而神不用也。故用人参甘温益元之品以主之。此药可以固气，可以生血，可以益元。身热气急者，加童便一爵。身寒气弱者，加附子三钱。

醋灰熏鼻法

凡血晕不省人事者，急治炭火以醋醋沃之，使醋气熏蒸入鼻，则能收敛神气，自然精爽。

红花酒

红花一两、炒

清酒五爵，沃之温服。

胞衣不下，此方主之。

胞衣不下者，气弱而瘀血盈于胞也。故用清酒壮其气，红花败其瘀。

猪肾汤

猪肾一具 白糯米三合 淡豉五合 葱白一升 人参 当归各二两

产后蓐劳者，此方主之。

蓐，产中之名也。产中虚羸喘乏，乍寒乍热，病如疟状，名曰蓐劳。此是虚乏气血不相顺接，虚故乍寒，壅故乍热，寒热无时休息，证状似疟，实非疟也。治宜大补气血，使其气血顺接，则病愈矣。故用人参补气，当归补血，糯米益胃，葱、豉醒脾。而猪肾者，取其以类相从，能补系胞之区也。

升阳举经汤

羌活 藁本去土 防风各二钱 肉桂去皮，夏勿用，秋冬用 白术 当归 黄芪 柴胡各二钱 人参 熟地黄 川芎各一钱 细辛六分 独活炙甘草 附子炮，去皮脐，各一钱五分 桃仁十枚，去皮尖 芍药 红花各五分

妇人经血崩下者，此方主之。

阳主升，阴主降，阳根乎阴，阴根乎阳，一动一静，互为其根，则一升一降，循经而行，无崩陷也。若阳有余，则升者胜，血从上窍而出。阳不足，则降者胜，血从下窍而出。是方也，附子、肉桂、人参、黄芪、白术、甘草，壮阳益气之品也。羌活、独活、柴胡、藁本、防风、细辛、川芎，升阳举经之品也。芍药、地黄、红花、当归、桃仁，滋阴入血之品也。壮阳则气不虚，举经则血不陷，滋阴则血不燥。诚如是，则血为气之守，气为血之卫，血营于中，气卫于外，升降上下，一循其经矣，胡然而崩也？

独活汤

独活 生姜各五两 防风 秦艽 桂心 白术 甘草 当归 附子各二两 葛根二两 防己一两

时人分作十服。

产后中风，口噤背反者，此方主之。

产后血气俱虚，易受风寒，风伤乎筋则痙，寒伤乎筋则疼，故令口噤背反。是方也，独活、防风、秦艽、葛根、防己，疏风药也。桂心、附子，驱寒药也。风去则筋不痙，寒去则筋不疼。乃当归者，所以养血子驱风之后。生姜、白术、甘草者，所以调气子散寒之余。必欲养血调气者，产后不忘其虚也。

莢蓉酒硝石饮

《史记》菑川王美人，怀子而不乳，召淳于意往视，与莢蓉药一撮，以酒饮之，旋乳。意复诊其脉而脉燥，燥者有余病，即饮以硝

石一剂，出血，血如豆比五六枚。

乳，产也。怀子而不乳者，气血凝涩，宜产而不产也。莢蓉能行痹气，酒性能行滞血，故主之而旋乳。复诊其脉燥，燥属有力，故为有余，有余之疾宜攻矣，故用硝石以下其积血。

当归补血汤加葱白方

当归二钱 黄芪一两 葱白十枚

产后无乳者，宜此方主之。

乳者，气血之所成也。故气血充盛之妇，未尝无乳，凡见无乳者，皆气体怯弱之妇也。是方也，用当归、黄芪大补其气血，此养乳汁之源也。葱白辛温，直走阳明，阳明达于乳房，故用之为使，此通乳汁之渠也。如依古方用猪悬蹄、漏芦辈，亦可。

免怀汤

当归尾 赤芍药 酒红花 酒牛膝各五钱

欲摘乳者，此方主之。

妇人之血，下则为月，上则为乳。欲摘乳者，通其月事，则乳汁下行，免乳胀之苦矣。是方也，归尾、赤芍、红花、牛膝，皆下行导血之品也，以故用之。名曰免怀者，子生三年，然后免于父母之怀故也。

广嗣门第七十一

叙曰：嗣以衍宗，微嗣，匪孝也，君子恒重之。故效禘之祀，尼丘之祷，古人胥急焉。然有祈之、药之，终身不一嗣者，此何以故哉？嗟夫！天地有不毛之处，故亦有无子之人，《灵枢》所以泄其微也。兹考方药五条，道其能嗣者尔。

长春广嗣丹

人参去芦 天门冬去心 当归酒洗 泽泻去毛 山茱萸去核 石菖蒲炒 赤石脂 五味

子去梗 覆盆子去萼 白茯苓 车前子 广木香 柏子仁各一两 山药姜汁炒 川巴戟去心 川椒去目与梗及闭口者，炒出汗 川牛膝去芦，酒洗 生地黄 熟地黄 地骨皮去木与土 杜仲各二两 远志去芦，甘草汤泡，去心 肉苁蓉酒洗，去心膜，晒干 枸杞子各二两 菟丝子酒洗，去土，仍用酒蒸，捣饼晒干，四两

上药廿五味，炼蜜作丸，梧子大。每服三十丸，日三。

男妇艰嗣者，此方主之。

二五之精，妙合而凝，然后成形孕育，故求嗣者，宜实其精。世人益精，专于补肾，此求其末也。经曰：肾者主水，受五脏六腑之精而藏之，故五脏盛乃能写。如斯言之，则肾主藏精耳，而生精之原，固本于五脏六腑也。是方也，人参、天门冬、五味子，用之补肺。石菖蒲、柏子仁、当归、远志，用之养心；白茯苓、怀山药，用之养脾。山茱萸、熟地黄、覆盆、杜仲、牛膝、巴戟、苁蓉、枸杞、菟丝，用之补肝肾，所以然者，肝肾同一治也。乃车前、泽泻，利其灼阴之邪。生地、骨皮，平其五脏之火。石脂之涩，所以固精。木香之窜，所以利六腑。川椒之辛，所以散湿痹也。此则兼五脏六腑而调之，五脏之精实，六腑之气和，夫然后可以媾精而宜子矣！非得《内经》之旨者，不能识此。

延龄育子方

天门冬去心 麦门冬去心 川巴戟去心 人参 白术 白茯苓 川牛膝 生地黄 熟地黄 肉苁蓉去心 枸杞子 菟丝子去心 莲须 白茯苓 山药姜汁炒 山茱萸去核 沙苑疾藜炒 柏子仁 鹿角胶 鹿角霜各五两 酸枣仁 远志 五味子 石斛各一两

上药共为末，蜜丸梧子大。早晨盐汤吞下百丸。

此亦广嗣之方也。

男女媾精，乃能有孕。然精得五脏之所生，而藏之肾者也，故欲藏精于肾者，必调

五脏，五脏盛而精生矣。是方也，人参、五味、天麦门冬，补肺药也。茯神、远志、柏仁、枣仁、生地，补心药也。白术、茯苓、山药、石斛，补脾胃也。熟地、枸杞、菟丝、巴戟、牛膝、茱萸、苁蓉、沙苑疾藜，补肝肾也。鹿角胶，气血之属，用之所以生精，角霜、莲须，收涩之品，用之所以固脱。如是则五脏皆有养而精日生，乃能交媾而宜子矣。

韭子小茴香蛇床子川椒天雄附子总考

此六物者，温热之品也，取之者何？凡人艰嗣者，多有下虚，而胃中之湿袭之，内生胞痹、肾痹、白滞之疾，故令精寒而不嗣也。能于此数物酌而用之，则痹去而宜子矣。

黄芩黄连黄柏梔子考

世人谓精寒者不宜嗣，辛以温暖之剂主之，此不可执也。盖天地冲和而万物发育，朔方寒胜，固令不毛。南服蒸炎，亦令焦土。明于精寒不嗣，昧于血燥不胎，非良手也。故述芩、连、梔、柏，以为广嗣者告，能令气血冲和，则生生之道矣。

人胞鹿茸麋茸鹿峻蛤蚧龟

板猪脊髓总考

凡年高精弱，难于生育，草木无情，不能补之，故宜上件酌而入药。盖取其为血气之不属，补之易易尔。

延年门第七十二

叙曰：服食引年，术之末也，能寡欲以至无欲，斯长生矣。故欲不灭，则苦亦不灭。苦不灭，宜生灭，虽令太乙处方，神皇品药，轩辕切问，广成烹调，亦天殃道耳。胡年之延哉？兹考方药七条，述医云尔。他如金丹玉液之术，则吾不敢为斯世诤也。

九 蒸 地 黄

地黄味厚，为阴中之阴，故能滋养阴血。必欲九蒸者，欲其气味纯和云尔。

九 蒸 黄 精

黄精气味与地黄等，故可以生长阴精。真人云：久服能脱旧肤，美颜色，乌须黑发，长生引年。

百炼松脂

不见风日吉良

松豆千年不谢，傲霜雪不凋，以其脂实也。服食家用之，亦欲其松其身而千其年尔。

去 母 水 方

上白云母二十斤，薄擘，以露水八斗作汤，分半洮洗云母二次。又取二斗作汤，内芒硝十斤，以云母水器中渍二十日，阴干，于木石臼中揉搥极细，得好粉五斗，余者弃之。每好粉一斗，用崖蜜二斤，搅令如粥，入生竹筒中，削去竹青，漆固其口，埋入地中，入土六尺覆之。春夏四十日，秋冬三十日出之，当如泽为成。若洞洞不消者，更埋三十日出之。服时服水一合，内药一合，搅和服之，日三。

孙真人云：此药服十日，小便变黄，是先疗劳气风疹也。二十日腹中寒癖消，三十日鬲街更新生，四十日不畏风寒，五十日诸病皆除，颜色日少，长生延年。

白 粥

老人夜卧口干亡泄，取自己溲溺，时进一杯，能长生引年。此以吾身之坎，交吾身之离，谚称轮回酒是也。

玄 黄 丹

硫黄制，一斤 青黛飞，一调六钱

用硫黄为丸，青黛为衣。

老人寒痰内盛者，此方服之，去疾延年。

硫黄，火之精也，人非此火不能以有生，故用之以益火。以青黛为衣者，制其燥咽云尔。硫黄详论在虚损劳瘵门补火丸下。

鹿峻鹿血鹿角胶鹿茸

麋茸猪脊髓总考

老弱之躯，木石不能荣养气血，故用上件血气之属，入药调和，以配服食。取其以类相从，荣养易易耳。七十非肉不饱，亦是此意。

《医方考》终

圣济总录纂要

〔清〕 程云来 纂辑

《圣济总录纂要》提要

宋·政和中奉敕编，清·程林删定。林字云来，休宁人。《四库全书》提要云：初徽宗御制《圣济经》十卷四十二章，又诏集海内名医，出御府所藏禁方秘论，纂辑成编，凡二百卷。以其原书繁重难行，且类似方重出者甚多，云来就经验所得，撮其概要，精选实验证方，重为纂辑，门类悉依其旧。所阙小儿方五卷，则倩其友项容补之，仍冠以徽宗原序。大德四年，集贤学士焦惠校上序，及校刊诸旨衔名。考晁·陈二氏书目，但有徽宗《圣济经》，不载是书。观焦惠序，称始成于政和，重刊于大定，殆汴京破后，随内府图籍北行，南渡诸人，未睹其本欤。清乾隆时，汪瑤圃有大德本校勘重印，惟原阙二卷，无从补刊，日本有元大德刊足本，全二百卷，上海文瑞楼石印本即日本之原刻本也。盖宋代崇尚医学，搜罗至富，就所采录，古来专门授受之方，尚可以见其大略。其每类冠论一篇，亦皆词简理明，均足以资考订。原本之末，有神仙服饵三卷，或言烹砂炼石，或言嚼柏咀松，或言吐纳清和，或言斩除三尸，盖是时道教方兴，故有是妄语。林病其荒诞，一概汰除，惟约取其寻常颐养之药三十余方。其别择具有条例，故所录诸方，多可通用，与墨守古法者异焉。

吴 序

医者意也，古人多不肯著书。然《肘后》、《禁方》又无不神验者，书果可尽废乎哉！历考载籍以来，艺文所志轩岐家言，无虑数十百种，要皆通人奇士卓然有传世之识，而后发为文章，按部就班，处方立案，嘉惠来学。其道与六经相表里。近世学者徇于所闻，守师承执一之见，其言固陋而不能以相通，自误误人，弊至莫可纪极。无他，读书不博，见道不真，用心不广，坐是三者而医道或几于熄。余戚友程云来氏，鄞山世胄也，少从其叔祖敬通先生讲越人之术，先生道高望重，名满天壤，云来与之游处者十余年，尽得其真传秘授。又其先明初有松崖公者，以名进士起家，一代伟人，精星象奇门岐黄术，著有《医案》等书。云来皆宗法之，故于方书无所不读，研穷考究，殚精竭思，以与古遇。出而仁民利物，称国工巨手焉。岁辛酉，余游维扬，邂逅云来于廿四桥头。盖方以校订《圣济总录》一书，留此者见一载矣。既而向余曰：是书始末甚异，幸为我序而传之。余览其发凡而观其用心，云来之不朽无疑也。夫云来以名家子，负才倜傥，博奥多奇，间以余情，溢为图篆绘事。得异人授，内养辟穆，颜如渥丹。至生平医道，所人辄梓，所著诸书不名一种，散布人间，藏之者若宝笈然。挟此才技，安往不足以垂名立教，而顾以是书为斤斤，其立心诚欲利济天下。如范文正所云，不为良相即为良医。是宜不朽者一。云来得读是书刻本于敬通先生所，又三十余年之久，始从友人江子郢上再睹抄本，遂慨然有剞劂之志，而不欲自专其美。推原究极，详著师友之渊源。是宜不朽者二。且是书自宋徽宗政和年间诏集海内名医，出御府所藏禁方秘论纂辑成编，非人世所恒见。阅年既久，湮漫随之，虽再刻于金大定，三刻于元大德，重以耶律楚材之论定颁行，终无解于若灭若没之数。非云来，孰能表章及之者？是宜不朽者三。云来以三不朽之盛之，又虑卷帙之繁重，于是删订收束，以便行笈之可携；知古今之不一其宜也，于是酌损裁成，以定规条于可守。鸿编巨典，恃有云来为之发皇矣。虽然，医者意也，书不可尽废，而亦不可徒泥陈言，顾用之何如耳。如或守一偏之见而不知变通，是日诵是书，复将奚益！又当进求云来自著之心传而后可也。

时岁次庚申花月既望同邑年家眷弟吴山涛顿首拜题

洪 序

医之道在隐显而功侔造化，始于神农黄帝之世。其后学者，相师延其术，无成书。历唐虞三代二千有余岁，太和保合，民不夭札，物无姤伤。及乎春秋战国，王迹寝衰，人与天地正气隔阂，而风寒暑湿燥热，相运行于营卫经络之中，乘情欲饮食起居罢劳动而为之疾。于是秦越人、仓公、扁鹊、淳于意者，各以其术显，而《素问》、《灵枢》、《甲乙》之书因以出。然其高者，犹为导引吐纳，治之于未始有病之先。盖人之身，阴阳合象而为气。清者曰气，浊者曰血，血之大隧谓之经，经之首曰冲，其次曰督，曰任，其次曰跷，皆先天隧道，知而通之，可以长生；左右手足三阴三阳诸经，皆后天隧道，知而调之，可以已病；平脐居腰而约束一周者带也，是为兼统先后天之隧道，知而行之，可以出入生死。故带、冲、督、任、跷五经者不病，其病则手足经病。经病乃移注五经，而阴阳十二经。又有系络之数三百六十有五，其隧穴六百四十有七。通其道而治之，则医之神秘尽矣。宋政和间，有《圣济总录》汇勘禁方秘论，凡二百卷，再刻于金元，实医学之河海。为时方所掩者，迄今湮没四百余年矣。

吾乡程子云来，从其从祖敬通先生，翻阅是书有年。因思全书浩瀚，有不切于治者，遂纂其精要，得二十六卷，详在凡例中。刻之广陵以行世，而问序于余。乃作而叹曰：是其道在隐见而功侔造化者乎？昔者黄帝与浮丘公炼丹黄山，其处即名炼丹台。云来之先，有松崖先生，读书其上，获遇至人。洞挾道奥，用之医药，人皆谓神。丘文庄公尝以异人称之。今云来生长黄山，而侨居武林，又尝从敬通先生游。其有得于古今之书，与夫至人之所口授而闷之于世者，无不洞见于发用之机。其啐然面背，类有道者，著释甚多。此其一也。虽然医之道有要焉，逆与顺是也。升降浮沉则顺之，寒热温凉则逆之。如操舟者，知江河之险易与风水之动静而顺逆其道，鲜不克济。余放以前人之所著书，如李时珍之《本草纲目》，王肯堂之《证治准绳》，张景岳之《类经》《素问》，与是书皆有功于天地人物，真医学之河海也。顾世之能用变而通其方者鲜矣。方也者，方舟也，并舟谓之方，所以济川者也。然则云来氏之所以纂《圣济总录》之要者，其不亦为医学之方舟，以济人于河海也哉！是为序。

康熙辛酉孟冬上浣同里年家眷弟洪琮拜撰

江 序

士君子不能得志于当时，而欲以有用之才，建无穷之业，不得已著书立言，以传后世。然揆藻雕虫，无关物命，犹之宋人楮叶，终归无益已耳。范文正公有言：不能作良相济天下，亦须作良医济生民。医固有相之道哉！虽然投之饵，施之砭，起彼尪羸，厝之康强，而东西朔南，势难遍及。故活人之术，莫如集古人遗编。公之天下，为用力勤而施济溥也。此《圣济总录》一书，余于是不敢弃，且不忍秘也。书故为先君子鹤诚公增纂。手录先君子生平著书，不下数十万言。如纂序《四书》，说约《春秋》宗旨，学者咸津逮焉。然负才未遇，齐志长逝。当时亦必以天下为己任，而因感于范公之言，不作良相，须作良医，以岐黄术，救诸疾痛患者于天下。于是殚精毕智，搜微索隐，参考是书，且集近代验方，以补其所缺。犹谓襁褓提携，口不能宣，手不能笔，其急切较倍。而医治尤难，故幼科五卷，葺遗增略，不惜余力。先君子之志，可谓切矣。岂意枣梨未登，而松楸陨泣也。呜呼，先君子之志，不亦可悲哉！余因是益不敢弃，且不忍秘也。于今三十余年矣，鸳湖程云来先生见而惜之。惜其书久秘，而恐终于弃置也。乃为删繁撮要，得二十六卷。剞劂之工，计一载而成。此先君子志哉，余何幸遇之。

粤稽是书，辑于政和间。历金至元，耶律楚材复加纂订。元以后久无刊本。计元至今已四百年。余因思是书之传，得先君而世守之；先君子之志得程先生而阐发之。由是仲景外感，东垣内伤，河间表热，丹溪阴虚，诸家之言，莫不咸备。九州千载，按形证以寻病源，察脉候以酌治方，虽人俞跗而家华扁可也，又奚事于隔垣之见，剝腹臂之诡乎！至原本有针灸，有符禁，有乳石发动，有食治，概从删削。谓《素问》可以养生，古法不尽掌录，奇隐之证少，而食性或未宜，勾漏之砂，亦不易得也。然是书传，亦可见先君子之志悲且切，而程先生之功，真足与医国等也。若余什袭有年，保守无斁，实不敢坠先君子遗绪云尔，讵敢贪天之功以为世业也欤！

康熙二十岁次辛酉长至日古歙江湘郡上氏谨书于貊其堂中

宋徽宗御制《圣济总录》序

生者天地之大德，疾者有生之大患，方术者治疾之大法。昔者神农氏、黄帝氏，独观太初，旁烛妙有，味百药以辨物，审百疾以全生。其制名，其取类，其正君臣，其立佐使，其见于《太素》、《玉册》之书，雷公岐伯之问，盖皆开神明之蕴，穷阴阳之变，原性命之理，而与天地同其复载。中古以还，镂之玉版，藏之金匱，功利及草木，惠泽被牛马，所以遗天下后世甚厚。历年既久，流弊滋甚，糟粕具在，而精意不传。《内经》有病名而莫之究，有治法而莫之习，极其妙至于通仙而莫之悟。人之生也，其位参于天地，其灵贵于万物。形不盈仞，而心侔造化。昆仑尺宅，修之可以长生；寸田神臚，闲之可以反照；天关神庐，息之可以召和。去土符，书金格，炼丹却粒，御气凌虚，不假于物而裕然自足。嗟夫，达士可以神解，昧者且不能养其形，而况于了其心乎。内之五脏六腑，外之九窍四关，著之于色，发之于声，寓之于三部九候，一失其平，则疾疢随至。神圣治于未兆，工巧救其已然。非天下之至精，孰能探天下之至赜？非天下之至粗，孰能佑天下之至神？朕悯大道郁滞，流欲之积习，斯民之沉痾，庸医之妄作，学非精博，识非悟解，五行之数，六气之化，莫索其隐，莫拟其远，曰寒曰热，曰寒热之相搏，差之毫厘，失以千里，而有余者益之，不足者损之，率意用法，草石杂进，夭枉者半，可胜叹哉！万机之余，著书四十二章，发明《内经》之妙，曰《圣济经》。其意精微，其旨迈远，其所言在理，所以探天下之至赜。亦诏天下以方术来上，并御府所藏颁之，为《补遗》一卷，《治法》一卷。卷凡二百，方几二万。以病分门，门各有论，而序统附焉。首之以风疾之变动，终之以神仙之服饵，详至于腧穴经络，祝由符禁，无不悉备，名之曰《政和圣济总录》。其所载在事，所以祐天下之至神。盖圣人之骇世，本在于上，末在于下。无见于上，则治之道不立；无见于下，则治之具不行。经之所言者道也，医得之而穷神；《总录》之所载者具也，医用之而已疾。汉张仲景作《伤寒论》，而杂之以方；唐孙思邈作《千金方》，而继之以《翼》，以谓不如是，则世莫能用其术。然之二人者，游于方术之内者也。彼超然独见于方术之外，下顾岐伯之流而与之议，始可谓知道。朕作《总录》，于以急世用而救民疾，亦斯道之筌蹄云耳。天下后世，宜致思于忘筌蹄而自得者。俯仰之间，颺笑之度，御五行之数，运六气之化，以相天地，以育万物。至于反营魂而起当生者，岂细事哉，盖将有来者焉。

焦 序

臣闻天地以溥生为大德，所以曲成万物而不遗。圣人赞天地之化育，故敛时五福，以敷锡于庶民。夫民之为物也，智者寡，愚者众。起居失常，食欲无节，外为寒暑燥湿风以贼其形，内为喜怒思忧恐以乱其气，形气乃伤，疾所由作。圣人有忧之，谓祝由不可以尽已也，遂制药石针艾以攻八风六气之邪，为汤液醪醴以佐四时五行之正，防其未然，救其已病，然后物各遂其生，民不夭其命矣。又谓非立宪言，不可以福万世也，于是上法天道，下因地宜，究阴阳之本，明生死之由，考于古而验之今，取诸已而施之人，定为成书，著之玉版，藏之金匱，宣之于布政之堂，秘之于灵兰之室，以俟来哲，以施无穷。其为仁民爱物之心，斯可谓极矣。然其言至简，其论至要，其理至深。后世学者虽有上智，非研精核虑，则亦未易窥其奥也。故旷代之中，能以斯术鸣世者，时固有之，若夫神圣工巧，独得先世不传之秘，如和缓越人，亦不过十余人而已。况去圣已远，支分派别，析而为众科，业而为专门，所以人各拘其偏，而莫肯究其全，则益不逮千古矣。积习成常，流弊滋甚，惧大道将遂于湮微，故《圣济总录》由是而作焉。上下凡二百余卷，始终几二百万言，逐病分门，门各有方，据经立论，论皆有统。盖将使读之者观论以求病，因方以命药，则世无不识之病，病无妄投之药。唯法有逆从，治有先后，在乎智者择其所当，从其所宜而已。究而言之，实医经之会要，学者之指南，生民之司命也。惜其始成于政和，重刊于大定，既绵历百年之久，不能无三豕之讹。今主上神极御天，修饰制度，治具毕张，以谓是书所载，虽先圣之绪余，其所以康济斯民，亦致治之一助也。乃诏江浙行省，刊于有司，布之天下，其或谬戾，随加厘正。复降德音，俾下臣为之序引。臣诚愚陋，窃不自量，仰惟圣德如天，甄陶万类，爰自即位以来，于今七年，恩浹飞沉，仁及草木，然犹夙夜孜孜，广求民瘼，或一物不得其所，则必为之惻然。臣谓此书复出，则上可以辅相天地之宜，下可以永底蒸民之生，物无疵疠，咸济于仁寿之域矣。

大德四年二月一日集贤学士嘉议大夫典瑞少监臣焦养直谨序

方技之书，尚之久矣。圣人治世，亦所不能后者也。若夫《黄帝内经》、《神农本草》、秦越人之《八十一难经》、仲景之三百九十七法、王叔和之《脉诀》、朱奉议之《活人》，固在所勿论，其余千方万论，历世所传，诚不为不多，然得其全者或寡矣。故近代诸书，独不若《圣济总录》之详且备也。圣主以至仁为心，勤恤民隐，所以首命板行之于天下，非惟重下民今日之命，盖将有开于先而觉于后也，书曰赞赞襄哉。夫是书之行也，虽本于上意之所注，其所以始而终之者，亦近臣有以赞襄之也。故凡与斯议者，并附于左：

医愈朗诸路医学副提举臣申甫

医效朗御药院副使臣王希逸

承直郎太医院判官臣和思诚

奉训大夫太医院判官臣隋有

朝列大夫太医院副使臣王佐

集贤直学士朝列大夫太医院副使臣欧阳懋孙

中顺大夫太医院使臣韩公麟

少中大夫同提点太医院事臣汪 斌

嘉议大夫提点太医院事臣麻惟由

正议大夫同签枢密院事左卫亲军都指挥使提点太医院事臣郑忙古仄

昭文馆大学士正奉大夫提点太医院事臣李邦宁

荣禄大夫平章政事大都护提点太医院事臣脱因纳

凡 例

一、是书，宋徽宗政和诏集海内名医，并出御府所藏，汇成共二百卷。禁方秘论，人所未闻，按病治疗，无不奇验。厥后再刻于金大定，三刻于元大德。自耶律楚材精校，奉诏颁行天下，越今四百余年，无有剗削。此书几几泯灭矣。余昔从先叔祖敬通夫子，翻阅刻本，今经三十余年。又从友人江郢上，再观抄本。抚今追昔，不胜愉快。郢上请余删繁纂要，以便梓行济世。因留维扬一载，纂其精粹，云其繁芜，共得二十六卷。诚医家之云笈琼函，方药之赤文绿字也。博览者知之。

一、大德重校《圣济总录》，元朝奉诏颁行者，大板大字，每卷首篇署元耶律楚材五字。明朝武林高相国家抄本，用绵纸朱格，缮写精工，亦依内府式大板大字。今刻小板密字，以便行笈可携，检方疗病也。

一、是书方法深奥，博学究心者，方能领会。如虚劳紫雪方，有追摄义；霍乱青金散，有劫夺义；热痢黄连汤，有反佐义。用之皆取效如神。至若调七伤，平五志，攻六气，理三因，方中有参附而用硝黄者，有桂附而用芩连者。必须熟读古人方经，庶几领会方法之妙也。

一、书中妇人门，选其胎前产后，带漏崩中。小儿门，选其急慢诸风，五疳吐泻。若一切杂证，与大人治法不殊，于大人方中，推类酌量用之。

一、书中运气，集定六十年，每年可按《素问》稽查，兹不刻。

一、书中针灸四卷，符禁三卷，古法不易行。乳石发动二卷，今人罕此患。又食治三卷，药食不合宜，俱不刻。

一、方中难得药品，如金牙、银牙、矾石、莽草之类，不刻。难合之方，废时日而不能应仓卒急需者，亦不刻。

一、方中药名，仍从原本，如天麻为赤箭，牛蒡为恶实，又为鼠粘，甜桔梗为荠苳，山梔为越桃，柴胡为茈胡，土茯苓为芡蓂，香附为莎草根，薄荷为鸡苏，砂仁为缩砂蜜，天花粉为栝蒌根，轻粉为膩粉。如此之类，不能更改。

一、方中分两，古法难用，今欲更改，又失古人之意。大约方中一两，今用一钱。方中一分系二钱，五分今用一字二分半，一七有半钱至五钱者。在人以意消息加减可也。

一、是书，成于北宋，其时四大家刘河间、李东垣、张子和、朱丹溪未生，无一切活套应时方法补中益气、逍遥、归脾、二陈、四物、四君之类。医家遇沉痾痼疾、疑难奇异等证，用时方而不奏效，良工亦束手者，是书有神方也。

一、圣济经四十二章，发明灵素精微，钩玄索隐，补圣经之未备。家有藏本，嗣刻行世。康熙辛酉桂月静观居士程林云来氏识于淮阴翁顺堂中

《圣济总录纂要》目录

卷一

诸风门	517	脑风	535
中风	517	风头眩	536
卒中风	518	风头痛	537
肝中风	519	偏头痛	537
心中风	519	滞风	538
脾中风	520	劳风	538
肺中风	520	风头旋	539
肾中风	520	风痰	539
瘫痪俗名痿痹	521	胃风	540
风弹曳	522	风秘	540
中风四肢拘挛不得屈伸	522	痲风	541
风痉	523	白驳	541
角弓反张	523	白癩风	542
中风失音	524	紫癩风	542
中风舌强不语	524	恶风	542
风口噤	524	大风眉须堕落	543
风口喎	525	大风出虫	543
破伤风	526	大风癩病	544
偏风	526	乌癩	545
风偏枯	527	白癩	545
肉苛	527	诸痹门	545
历节风	528	诸痹统论	545
中风 百节疼痛	529	痛痹	546
风走注疼痛	529	著痹	546
白虎风	529	行痹	547
风不仁	530	皮痹	547
风瘙痒	530	肌痹	547
风痞痛	531	血痹	547
风瘙癰疹	531	脉痹	548
		筋痹	548
		骨痹	548
		肠痹	549
		周痹	549
		痹气	549
		热痹	550

卷二

诸风门	533
虚风	533
肌肉颤动	533
风癰	534
风痛	534
风狂	535

卷三

伤寒门	551
-----	-----

伤寒可汗	551
伤寒可下	553
伤寒可吐	554
伤寒可温	554
伤寒过经不解	555
中风伤寒	556
伤寒湿温	556
伤寒时气	557
伤寒疫疔	558
伤寒结胸	559
伤寒谵语	560
伤寒潮热	560
伤寒烦渴	561
伤寒烦躁	561
伤寒厥逆	562
伤寒头痛	562
伤寒喘	563
伤寒上气	564
伤寒咳嗽	564

卷四

伤寒门	565
伤寒干呕	565
伤寒呕哕	565
伤寒心悸	566
伤寒痞满	566
伤寒霍乱	567
伤寒小便不通	567
伤寒大便不通	567
伤寒下利	568
伤寒阴毒	569
伤寒阳毒	569
伤寒发斑	570
伤寒发黄	570
伤寒发豌豆疮	571
伤寒发狂	571
伤寒刚痉	571
伤寒柔痉	572
伤寒坏病	572
伤寒狐惑	573
伤寒百合	573
伤寒阴阳易	574
伤寒衄血	574
伤寒吐血	575

伤寒瘀血	575
伤寒口舌生疮	575
伤寒舌肿胀	576
伤寒咽喉痛	576
伤寒毒攻手足	576
伤寒后夹劳	577
伤寒后劳复	577
伤寒后骨节烦疼	577
伤寒后虚烦	578
伤寒后盗汗	578
伤寒后惊悸	578
伤寒后失音不语	579
伤寒后咽喉闭塞不通	579
伤寒后变成疟	579
伤寒后脚气	580
伤寒后利下脓血	580
伤寒后壁疮	580
辟瘟疫令不相传染	581

卷五

疟疾门	582
寒疟	582
温疟	583
寒热往来疟	583
瘧疟	583
间日疟	584
痰疟	584
痃疟	584
劳疟	585
久疟	586
鬼疟	586
疟母	586
疟疾发热身黄小便不利	587
疟痢	587
瘴气	587
瘴疟	588
中喝门	589
中热喝	589
中喝闷绝	589
霍乱门	590
霍乱吐利	590
霍乱呕吐不止	590
霍乱四逆	591

霍乱心腹痛	591
下霍乱	591
中恶霍乱	592
霍乱吐泻	592
霍乱转筋	592

卷六

泄痢门	594
水泻	594
濡泻	594
飧泄	595
洞泄寒中	595
鹭泄	595
白滞痢	595
冷痢	596
热痢	596
赤痢	596
血痢	596
脓血痢	597
赤白痢	597
气痢	598
休息痢	599
瘟痢	599
久痢	599
下痢里急后重	600
痢后脱肛	600
疳盛	600
湿盛	601

卷七

咳嗽门	602
咳嗽	602
暴嗽	602
久嗽	602
冷嗽	603
热嗽	603
呷嗽	604
五脏诸咳嗽	604
咳嗽上气	605
咳嗽唾脓血	605
咳嗽失声	606
风冷声嘶	606
诸气门	606
诸气统论	606

上气	607
气喉中如水鸡声	607
短气	607
阳厥	608
气聚门	608
积聚	608
肥气	609
伏梁	609
痞气	610
息贲	610
贞豚	610
诸瘕	611
结瘕	611
痰气	611
酒癖	612

卷八

吐血门	613
吐血	613
吐血不止	613
呕血	614
唾血	614
舌上出血	614
衄血	615
鼻衄	615
衄不止	615
大衄	616
衄衄汗血	616
脚气门	617
风毒脚气	617
脚气痹窄	618
脚气疼痛不仁	618
脚气上气	619
脚气肿满	619
脚气心腹胀满	619
脚气冲心	620
脚气语言蹇涩	621
干湿脚气	621
脚气变成水肿	622
脚气大小便不通	622
江东岭南瘴毒脚气	622
脚气杂治膏药淋洗	623

卷九

膈气门	624
五种膈气	624
膈气呕逆不下食	625
膈气痰结	625
呕吐门	625
呕吐	626
干呕	626
痰饮门	627
痰癖	627
支饮	627
留饮	627
冷痰	628
热痰	628
膈痰积实	629
膈痰风厥头痛	629
消渴门	629
消渴	630
消渴烦躁	631
消渴小便白浊	631
久渴	632
消渴后成水	632
消渴后成痼疽	632
消中	632
消肾	633

卷十

水病门	635
水肿	635
十水	635
风水	636
石水	636
大腹水肿	637
水肿咳逆上气	637
水气遍身肿满	638
水蛊	638
膜外气	639

卷十一

黄疸门	640
黄疸	640
急黄	641
阴黄	641
酒疸	642
谷疸	642

胃疸	642
黑疸	643
女劳疸	643
黄汗	643
三十六黄	644
胸痹门	644
胸痹	644
胸痹噎塞	644
胸痹心下坚痞急	644
胸痛	645

卷十二

心痛门	646
心痛	646
卒心痛	647
久心痛	647
肝心痛	647
脾心痛	648
胃心痛	648
肾心痛	648
厥心痛	648
九种心痛	649
停饮心痛	649
虫心痛	649
冷气心痛	650
中恶心痛	650
恶注心痛	650
心掣	650
心腹门	651
心腹痛	651
腹痛	651
久腹胀	652
腹胀肠鸣切痛	652
腹内结强	652
臌胀	652
臌胀	653
胁肋痛	653
息积	653
腰痛门	654
腰痛	654
卒腰痛	654
风湿腰痛	654
腰痛强直不得俯仰	654

腰脚冷痹痛····· 655

卷十三

虚劳门····· 656

肝劳····· 656

心劳····· 657

脾劳····· 657

肺劳····· 657

肾劳····· 658

冷劳····· 658

热劳····· 658

气劳····· 659

急劳····· 659

风劳····· 659

虚劳咳嗽····· 660

虚劳痰饮····· 660

虚劳寒热····· 660

虚劳潮热····· 661

虚劳盗汗····· 661

虚劳咳嗽脓血····· 661

虚劳呕吐血····· 662

虚劳不得眠····· 662

虚劳失精····· 662

虚劳小便白浊····· 663

白淫····· 663

筋极····· 664

气极····· 664

脉极····· 664

肉极····· 664

骨极····· 664

精极····· 664

卷十四

骨蒸传尸门····· 666

虚劳五蒸····· 666

骨蒸肺痿····· 667

传尸骨蒸····· 668

传尸劳····· 669

诸疝门····· 669

寒疝····· 669

心疝····· 670

厥疝····· 670

寒疝心腹痛····· 670

七疝····· 671

疝病····· 671

阴疝门····· 672

阴疝····· 672

阴疝肿胀····· 672

阴疝卒肿痛····· 673

挖穿····· 673

卷十五

大小便门····· 674

大小便关格不通····· 674

小便不通····· 675

小便不禁····· 675

小便利多····· 676

小便出血····· 676

大便秘涩大便不通····· 677

结阴便血····· 678

诸淋门····· 679

卒淋····· 679

冷淋····· 679

热淋····· 679

气淋····· 680

血淋····· 680

膏淋····· 681

石淋····· 681

劳淋····· 681

九虫门····· 682

九虫····· 682

蛔虫····· 682

寸白虫····· 683

蛲虫····· 683

五脏虫····· 684

三虫····· 684

诸尸门····· 685

诸尸····· 685

遁尸····· 686

飞尸····· 686

尸注····· 686

诸注门····· 686

诸注····· 687

风注····· 687

走注····· 687

鬼注····· 687

气注····· 688

卒魔不寐	688
中恶	689
卒死	689
尸厥	689
鬼魅	689
鬼击	690

卷十六

脏腑虚实门	691
肝胀	691
肝气逆面青多怒	691
胆虚	691
胆实	692
胆虚不得眠	692
胆热多睡	692
胆瘕	692
心中寒	693
心健忘	693
善笑	693
小肠虚	694
小肠实	694
脾瘕	694
谷劳	695
食休	695
胃反	695
嘔	696
噎醋吞酸	697
胃寒肠热	697
胃热肠寒	697
肺消	697
膈消	698
肺痿	698
肺痿咽燥	698
肺痿小便数	699
肺痛	699
肺痛喘急胠满	700
肠垢	700
伏瘕	700
肾虚	700
肾实	701
肾胀	702
解体	702
暗痒	702
肾虚阳痿	703

肾虚多睡	703
骨虚实	703
髓虚实	703
胞痹	704
胞转	704

卷十七

面体门	705
面黧黯	705
面奸炮	705
面皴炮	706
面皴	706
面体疣目	706
狐臭	706
灭瘢痕	707
髭发门	707
乌髭发	707
须发黄白	708
白秃	708
赤秃	708
眼目门	708
肝虚眼	709
肝实眼	709
目胎赤	709
目赤痛	710
目热眦痛赤肿	710
目赤烂	711
目血灌瞳人	711
赤脉冲贯黑睛	711
坠睛	712
蟹目	712
目珠子突出	712
目见黑花飞蝇	713
瘰肉淫肤	713
目生胬肉	714
目内生疮	714
目眩漏	714
目生珠管	715
雀目	715
目睑垂缓	715
目睑肿硬	716
倒睫拳挛	716

卷十八

眼目门	717	肾虚齿风痛	731
目生肤翳	717	齿风肿痛	732
目生花翳	717	齿断肿	732
目青盲	718	风疳	732
将变内障眼	718	齿间出血	733
目眦膜	719	齿齲	733
眯目	719	牙齿动摇	733
针眼	719	咽喉门	733
耳病门	720	咽喉闭塞不通	734
耳聋	720	喉痹	734
风聋	721	马喉痹	734
劳聋	721	咽喉生疳	734
五聋	721	尸咽喉	735
耳聋有脓	722	咽喉中如有物妨碍	735
耳虚鸣	722	什鯁	736
耳聒聆	723	误吞诸物	737
聒耳	723	毒瘤门	737
百虫入耳	723	丘瘤	737
鼻病门	724	诸瘤	737
鼻塞气息不通	724	瘰疬门	737
鼻塞不闻香臭	724	瘰疬结核	737
鼽鼻	725	瘰疬寒热	738
鼻中生息肉	725	瘰疬久不瘥	738
鼻渊	725		
鼻流清涕	725		
鼻中生疮	726		
疳虫蚀鼻生疮	726		

卷十九

口齿门	727
口疮	727
口糜	728
口吻疮	728
口舌生疮	728
口臭	729
唇疮	729
唇生核	729
重舌	730
舌肿强	730
牙齿历蠹	730
牙齿疼痛	730
齿匿	731
虫蚀牙齿	731

卷二十

疔疽门	739
附骨疽	740
乳疽	740
肠疽	741
胃脘疽	741
附骨疽	742
疮疖门	742
诸疮	742
诸恶疮	743
反花疮	743
浸淫疮	743
下注疮	744
冷疮	744
月蚀疮	744
冻烂肿疮	745
痂疮	745
漆疮	745
汤火疮	746

卷二十一

疮肿门	747
疔肿	747
诸疥	747
诸癣	748
代指	748
诸丹毒	749
痈疮	749
肉刺	749
金疮门	750
金疮血不止	750
金刃伤中筋骨	750
金疮中风水及痉	750
金疮肠出	751
毒箭所伤	751
箭镞金刃入肉	751
狐尿刺	752
恶刺	752
竹木刺伤肌肉不出	752
痔瘻门	753
诸痔	753
牡痔	753
牝痔	753
脉痔	753
血痔	754
肠痔	754
气痔	754
痔瘻	755
肠风下血	755
伤折门	756
从高坠下伤损肿痛	756
伤折恶血不散	756
筋骨伤折疼痛	757
伤折风肿	757

卷二十二

伤折门	758
打扑损伤	758
被伤绝筋	758
诸骨蹉跌	758
伤损止痛生肌	759
伤折贴棉并膏药	759
杂疗门	759

中药毒	759
食毒	760
食诸菜草菌中毒	760
饮酒中毒及大醉不解	760
食牛马猪犬鱼蟹中毒、解金银铜铁 石毒	761
蛊毒	762
狗咬、猞犬啮	762
蛇螫、诸虫啮	763
溺水死、自缢欲死	764

卷二十三

妇人门	765
妇人月水不通	765
妇人月水不断	765
妇人月水来腹痛	766
室女月水不通	766
带下	766
漏下	767
经血暴下即血崩	767
经血暴下兼带下	768
妇人血分	769
妇人水分	769
妇人无子	769
妊娠门	770
妊娠恶阻	770
妊娠漏胎	770
妊娠胎动下血	771
妊娠胎萎燥	771
妊娠胎不长养	771
妊娠呕逆不下食	772
妊娠咳嗽	772
妊娠伤寒	772
妊娠下痢	772
妊娠子淋	773
妊娠浮肿	773
妊娠小便不通	773
妊娠大小便不通	774
妊娠半产	774
妊娠数堕胎	774

卷二十四

产难门	776
逆产	776

难产	777
子死腹中	777
息胞即胞衣不下	778
产后门	779
产后血晕	779
产后语言妄乱	779
产后中风	780
产后中风口喎	780
产后中风角弓反张	780
产后蓐劳	781
产后大便不通	781
产后乳汁不下	782
产后妒乳	782
产后乳结核	783
产后乳结痈	783

卷二十五

小儿门	784
小儿初受气法	784
小儿相法	784
小儿浴法	784
口噤	784
撮口	784
鹅口	785
重唇	785
脐风	785
解颅	785

肉陷	786
急惊风	786
慢惊风	786
天疮	787
诸疳	787
无辜疳	788
哺露丁奚	788
呕吐	789
啰吐哕	789
泄泻	790
洞泄注下	790
燕口疮	790
诸迟	791
齿不生	791
涎液不收	791

卷二十六

神仙服饵门	792
补益门	793
平补	793
峻补	794
补虚益气	794
补虚益精髓	795
补虚固精	796
补虚壮元阳	796
补虚理腰膝	796

圣济总录纂要 卷一

清 新安 程 林云来纂辑
鄞县 曹炳章赤电校点

诸 风 门

诸 风 统 论

论曰：易曰挠万物者，莫疾乎风。夫以吹嘘鼓舞，巽而易入，枯者荣者，成物之功，实在于是。然而分四时，位八方，适应其时则为正，弗循其方则为邪。人惟万物之灵，能察诸此，观冬至之日有从南方来，必曰贼风，其他可类推矣。感之浅者留于肌肤，感之深者，达于骨髓，而况仓卒顷刻于间，大可畏惧，因有治疗所不迫者。盖祸患之机，藏于细微，非常人所预见；及其著也，虽智不能善其后，是以上古圣人之教下，皆谓之虚邪贼风，避之有时。不然，何以言风者百病之始、风者百病之长、风者善行而数变？先圣之言，可深思之。

中 风

论曰：风邪中人，以春甲乙得之为肝风，以夏丙丁得之为心风，以季夏戊己得之为脾风，为秋庚辛得之为肺风，以冬壬癸得之为肾风。若中其五脏六腑之腑，则各随其证而治之。人生自幼稚至于耄耋，率多因风而致疾。或嗜食伤饱，或不食失饥，或渴而失饮，或饮而过量，或因五味之伤，或冒热冲风，或大寒近火，或暴露寒湿，或刺损肌肤，扑伤肢体，或失节宜，或多嗜欲，缘此风趋诸窍。或留一偏，遂使手足不随，言语謇涩，或痛连骨髓，或痹袭皮肤，搔痒如虫行，癢痹如

钱石，或多痰好睡，或健忘多瞋，血脉不行，肉色干瘦，久在床枕，起便须人，语涩面浮，精神困耗，皆其证也。

附子汤方 治中风欲死，身体缓急，目不得开，舌强语涩。

附子破，去皮脐制，一枚 芍药 甘草 麻黄去根节、先煎，掠去沫，焙 白术各一两 防风去叉 防己各一两半 人参 黄芩去心 桂去皮 独活去芦 芎藭各一两 天雄炮制，去皮脐，一枚

上一十三味，锉如麻豆。每服五钱匕，水一盞半，入生姜半分切，煎至八分，去滓。空心、日午、夜卧各温服，如人行五里，以热生姜粥投之。微汗出，慎外风。

麻黄汤方 治中风，肢体弛缓，言语謇涩，精神昏愤。

麻黄去根节、先煎，掠去沫，焙，三两 桂去粗皮 独活去芦 羚羊角镑各三分 萎蕤切焙，一两 葛根锉，三两 升麻 防风去叉，各半两 石膏碎，六两 甘草炙，锉，三分

上一十味，粗捣筛。每服五钱匕，水一盞半，煎至八分，去滓。温服，如人行五里再服，用热生姜粥投。汗出，慎外风。

薏苡仁汤方 治中风，肢体缓纵，精神恍惚，言语謇涩。

薏苡仁炒，五两 萎蕤切，焙 茯神去木，各三两 犀角镑，二两 乌梅七枚，去核 麦门冬去心，焙，三合

上六味，粗捣筛。每服五钱匕，水一盞半，入生姜半分，切，煎至八分，去滓，入竹沥白蜜各少许，再煎三五沸。食后、日午、夜卧各一服。

吐痰白矾散汤 治初中风。失音不语，昏昧不知人。先宜吐风痰令省觉，次可服诸汤散。

白矾二两，生用 生姜一两，连皮捣碎，水二升，煎取一升二合

上二味，先细研白矾如末，人浓煎生姜汤研滤。分三服，旋旋灌。须臾吐出痰毒，眼开风退，方可救治。若气衰力弱，不宜猛性药吐之。

防风汤方 治中风不语，两目不开，手足抽掣，发歇往来，昏塞涎潮。

防风去叉 羚羊角镑 独活去芦 赤箭即天麻苗。无，以天麻代之 当归切，焙 麻黄去根节 杏仁汤浸，去皮，麸炒 桂去皮，各一两 前胡去芦 秦艽去苗 甘草各半两

上一十一味，粗捣筛。每服四钱匕，以水一大盏，生姜半分切，煎至七分，去滓。不计时速服。

取涎丸方 治中风不语，喉中如拽锯，口中沫出。

天南星大者，一枚，去浮皮，剝中作坑，入醋令八分满，四面用火，逼醋干黄色，锉 藜芦一分

上二味，捣研为末，用面糊丸如桐子大。每服三丸，温酒下。良久吐出痰涎为效，吐不止，用冷葱汤呷即止。

羚羊角丸方 治中风，手足痿痹，行履艰难。

羚羊角屑 桂去粗皮 白槟榔煨，锉 五加皮锉 杏仁去皮尖，炒黄 人参 丹参 柏子仁

枳壳去瓤，焙，炒 附子制炮，去皮脐，各两半 茯神去木 防风去叉 熟干地黄焙 麦门冬去心，焙，各二两 南木香 牛膝酒浸，切，焙，各一两 薏苡仁二两半

上一十七味，捣罗极细，炼蜜为丸梧桐子大。每服空心温酒下三十九丸，日二。

卒 中 风

论曰：《内经》谓：邪风之至，疾如风雨。言邪之迅速如此。卒中风之人，由阴阳不调，

腑脏大虚，气血衰弱，荣卫乏竭，故风之毒邪尤易乘间，致仆倒闷乱，语言蹇涩，痰涎壅塞，肢体痿痹，不识人事者，此证也。

夺命散方 治中风卒倒，不省人事，口面喎斜，失音不语，但吐涎沫，或口噤不开，目眦垂死，一切风疾。

黑豆一合 乌鸡粪 马牙硝研 龙胆去芦头，锉碎，一分

共四味。先将鸡粪及豆同炒熟，次入龙胆马牙硝拌匀，以酒三盏，煎二盏，去滓。分三服，不拘时候，温服。

救生散方 治卒中风。

白矾 半夏 天南星三味等分

同为细散。每服以好酒一盅，药末二钱匕，生姜二片，煎七分。通温灌之。当吐涎，扶令正坐，经一复时，不得令卧，如卧则涎难出。良久再依法煎药一钱，后常服，只半钱。

簠竹沥饮方 治卒中风倒闷，口噤不能语，昏不知人，针不知痛。

簠竹沥五合 防风 甘草 桂各一两 防己 麻黄 白术 人参 黄芩 细辛 茵芋 秦艽去土 附子去皮脐，各一两 生姜焙干，三两 除竹沥外锉麻豆。每服五钱匕，水一盅半，竹沥一合，同煎至一盅，去滓。温服，不拘时。

羌活汤方 治卒中风闷乱，语言蹇涩，牙关紧急。

羌活 桑根白皮 麻黄 天雄去皮脐 当归各二两 桂 旋复花炒 远志各一两 大腹皮 甘草 芎藭 威灵仙 枳壳去瓤，麸炒 菖蒲各一两 杏仁汤浸，去皮，二十一枚

锉如麻豆。每服五钱匕，水一盅半，入生姜三片，煎至八分，去滓。温服，不拘时。

阿胶丸方 治腑脏久虚，气血衰弱，卒中风邪，及瘫痪等疾。

阿胶炙令燥 蝉壳去土 犀角屑 麝香三钱 白花蛇三分 桂一两 白鲜皮 白僵蚕炒 天南星 半夏酒浸三日，麸炒 天麻 桔梗

黄芪 当归 羌活 虎头骨^{酥炙} 海桐皮
白芷 白茯苓 附子^{去皮脐} 防风 芍药
麻黄各一两 干蝎^{去尾}，用糯米炒，四十二枚 人参
没药各半两 木香一两 羚羊角屑半两 干
姜四钱 乌蛇^{酒浸，去皮骨}，三分

共细锉，焙干，捣为末，炼蜜为丸如弹子大。每服一丸，生姜酒嚼下。中风甚者，拗开口，或先以药噤，化药灌下一丸，立省。

牛黄丸方 治卒中风，仆倒闷乱，语言蹇涩，涎痰壅盛。

牛黄 卢会 天竺黄 血竭 没药 丹砂俱研 续随子 皂荚灰各半两 丁香 木香 干蝎^{去土，炒} 粉霜 雄黄 甘遂各一分 麝香二钱 肉豆蔻二枚 槟榔二枚 龙脑一字

共捣研为末，每抄药末四钱，入轻粉三钱，再研匀，面糊为丸如黍米大。每服五丸，金银薄荷汤下，随大小加减。一方，添天麻一两，酒浸，炙，为末，研匀，丸如小弹子大。凡中风，用冷水化下一丸，立效。些小风寒，每服半丸；小儿惊风，一丸分作六服，并用冷水化下。与后牛黄丸并《局方》牛黄丸不同。

肝 中 风

论曰：《内经》谓以春甲乙中风为肝风。肝风之状，多汗恶风，善悲，噤于善怒，时憎女子者，有头目暈，两胁痛，行常伛偻，嗜甘，如阻妇状者；有但踞坐，不得低头，两目连额色微青，唇青面黄者。治法宜灸肝腧，后以药治之。

排风羌活散方 肝脏中风，筋脉拘挛疼痛。

羌活^{去芦头}，一两半 天麻二两 芍药一两 酸枣仁^炒，一两半 薏苡仁一两 鹿角胶^{炙燥}，一两 蔓荆实^{去皮}，二分 羚羊角镑，一两半 桂一两 人参一两 白附子^制，一两 牛膝^{酒浸}，焙二两 乌蛇三寸，酒浸，炙，用肉 犀角镑，三分 白鲜皮^锉，一两 地骨皮^锉，一两 柏子仁一两五钱，生用

上一十七味，捣罗为散。以豆淋酒调下

一钱匕，渐加至二钱匕，日三夜一。

升麻汤方 治肝虚中风，头痛目眩，胸中客热，气壅冲心烦闷。

升麻 前胡^{去芦头}，各一两五钱 玄参 地骨皮各一两 羚羊角屑 葛根各二两

上七味，粗捣筛。每服五钱匕，以水一盞半，煎至八分，去滓：入竹沥半合，重煎三两沸。放温，食后服，如人行五六里，更进一服。

心 中 风

论曰：心中风之状，多汗恶风，焦躁，善怒吓，赤色，病甚则言不快。诊在口，其色赤。夫心受风，风盛则生热，热盛则汗不止，心之液为汗故也。汗多则腠理疏，疏则真邪相薄，是以恶风。又以恶热，热极则唇焦内躁多怒。心之声为言，病甚则言不快，心气通于舌故也。又其证胸背拘急，不可倾侧，面赤头痛，翕翕发热，不能安卧，以心主血脉，其风日久随荣卫行，内外相搏，蕴积而然也。

辰砂天麻丸方 镇养心神，擒截诸风，和流荣卫，滋润筋络，开通关膈，肥密表腠。

丹砂半两 天麻一两 半夏^{汤煮软}，焙干 天南星各半两 蝎梢一分，炒 白附子半两 白僵蚕^炒 牛黄研，各半两 蓬砂一分，研入 麝香一分，研入

共为末，水煮面糊，为丸如梧桐子大。每服三十丸，荆芥汤下，不计时候。

乌犀散方 治心中风，精神冒闷，语声错误，恍惚多惊。

乌犀角镑，二两 丹砂研 独活^{去芦头} 人参 远志^{去心} 人参 蔓荆子 防风

共捣罗为散。每服二钱匕，食后酒调下，日三。

人参丹砂丸方 治中风恍惚惊悸。安神志，化痰涎。

人参 丹砂研，各二两 紫石英研 白石英 龙脑 细辛^{去枝叶} 赤箭 天门冬^{去心}，焙 远志^{去心}，生干地黄，焙 菖蒲九节者。米泔浸，切

焙，各一分 白茯苓去皮，二两 犀角镑 沙参
防风去叉，各半两 麝香研，半分

共捣研为末，炼蜜丸如小鸡头大。每服
一九，温酒嚼下，不拘时候。

脾 中 风

论曰：脾风之状，多汗恶风，身体怠惰，
四肢不欲举，色薄微黄，不嗜食。诊在鼻上，
其色黄。又曰：踞而腹满，身通黄，吐咸汁。
又曰：翕翕发热，形如醉人，腹中烦重，皮
肉瞤动，短气。脾，裨诸脏，灌四旁者也，所
主四肢，故脾中风，则身体怠惰，四肢不欲
动。脾者，仓廩之官，故病则不嗜食。诊在
鼻中央之位也，其色黄，黄土之色也，烦重
发热，风之候也。形如醉人都，邪气之甚也。

独活汤方 治脾脏中风，肢体缓弱，言
语不利，翕翕发热。

独活 麻黄去节，先煎，掠去沫，焙干 防风
去叉，各一两 白茯苓去皮 人参 羚羊角镑
前胡去芦头 沙参去芦头 旋复花 黄芪 半
夏汤洗七遍，切，焙 附子炮制，去皮脐，三分 甘草
炙，半两

共锉如麻豆。每服三钱匕，以水一盞半，
入生姜汁半分，同煎取七分，去滓。温服，不
拘时，日三。

秦艽汤方 治脾脏中风，身体拘急，舌
强不能语。

秦艽去苗土 麻黄去根节，沸汤，掠去沫，焙干
石膏各一两 独活 赤茯苓去皮 山萸 芎
劳 防风 桂 白术 人参 防己 附子炮
制，去皮 杏仁去皮尖，麸炒，各三分 干姜 甘草
炙 细辛去苗叶，各半两

共锉如麻豆。每服五钱匕，水一盞半，煎
取八分，去滓。温服，不拘时候。

羚羊角丸方 治脾脏中风，口面偏斜，语
言蹇涩，虚烦，手臂腰脚不随。

羚羊角屑 防己 白芍药 独活去芦头
白茯苓去黑皮 防风 酸枣仁微炒 杏仁去
尖双仁，炒黄 麦门冬去心，焙各三分 人参 芎

劳 柏子仁炒 槟榔锉 桂去粗皮 当归切，
焙，各半两 附子 薏苡仁 熟干地黄焙，各一两
共捣罗为末，炼蜜和丸如梧桐子大。每
服空心温酒下三十丸。

肺 中 风

论曰：肺中风之状，多汗恶风，色皎然
白，时咳短气，昼日则瘥，暮则甚。诊在眉
上，其色白。又曰：燥而喘，身运而重，冒
而肿胀，偃卧则胸满短气，冒闷汗出。夫热
生风，风盛则热。腠理开，多汗者，热甚故
也。风薄于内，所以恶风。皎然而白，金之
色也。在变动，为咳，又肺主故时咳短气。风，
阳也。阳，昼则在表，暮在里。阳里而风应
之，故暮则甚也。诊在眉上，其色白，肺之
色也。身运而重，则使然也。喘而肿胀，偃
卧而胸满短气，以肺主气故也。

羚羊角丸方 治肺中风气急，背项强硬，
语声嘶败。

羚羊角二两 白鲜皮五钱 升麻 蔓荆
实 恶实炒 枳壳一两 天麻白者 秦艽

共捣罗为末，炼蜜和丸如梧桐子。食后
煎桑白皮汤下十五丸，日三服。

芥苳汤方 治肺中风，项强鼻塞，语声
不出，喘鸣肩息，胸满短气。

芥苳二两 防风 人参各一两五钱 独活
细辛 赤箭 芎劳 羚羊角各五钱 麻黄
二两 桔梗锉，炙三分 前胡去芦头 蔓荆实
白鲜皮各五钱 甘草 石膏各一两

共细捣筛。每服三钱匕，水一盞，煎至
七分，去滓。温服，食后、临卧服。

肾 中 风

论曰：肾风之状，多汗恶风，脊痛不能
正立，其色黑，隐曲不利。诊在肌上，其色
黑。夫身之本在肾，受五脏六腑之精气，以
养百骸九窍。肾受风，则诸阳之气不上至于
头，故有面庞然浮肿之证。阳气虚者，则多
汗恶风。肾主骨，骨不强则脊痛不能立。精

神衰弱，则隐曲之事不利。肌上黑如衄色。又踞而腰痛，不可俯仰，或为冷痹，或为偏枯，耳鸣声浊，志意昏沉，善恐多忘，皆肾风证也。

海桐皮散方 治肾中风，踞而腰痛，脚肿疼重，耳鸣面黑，志意不乐。

海桐皮锉 五加皮去粗皮，锉 萆薢炒 薏苡仁各一两 虎骨炙，酥炙令黄 枳壳 赤芍药 牛膝去苗，酒浸，切，焙，各一两 恶实炒，半两 防风 续断 杜仲去皮，锉，炒 郁李仁汤浸去皮尖双仁，炒 熟干地黄各一两

共捣罗为散。每服二钱匕，温酒调下，渐加至三钱匕，空腹、食前各一服。

杜仲丸方 治肾中风，腰脚不随，骨节酸疼，筋脉拘急，行履艰难，两胁牵痛。

杜仲去皮，锉，炒，三分 牛膝去苗，酒浸，切，焙，一两 萆薢一两半 酸枣仁一两 当归三分 防风一两 丹参三分 赤芍药三分 桂半两 肉苁蓉酒浸，切，焙，一两 石斛一分 附子五钱 郁李仁汤浸，去皮，三分 槟榔煨，一两

共捣罗为末，炼蜜和丸如梧桐子大。每服空腹用温酒下三十九丸。

防风汤方 治肾中风，腰脚痠痹不仁，骨髓酸疼，不能久立，渐觉消瘦。

防风一两五钱 羌活一两 黄芪二两五钱 五加皮一两五钱 牛膝去苗，酒浸，切，焙，一两五钱 丹参一分 酸枣仁一合 桂一两五钱 赤芍药一两五钱 麻黄去节，煎，掠沫，焙，一两 槟榔煨，一两 当归切，焙，一两 木通一两五钱

共粗捣筛。每服三钱匕，水一盞，至七分，去滓。空心服及晚食前服。

石斛浸酒方 治肾中风注，腰脚痹弱。利关节，坚筋骨，除头面游风，补虚劳，益气力。

石斛去根黄，四两 黄芪一两五钱 丹参二两 牛膝去苗，二两 人参一两五钱 杜仲去粗皮，炒 五加皮 白茯苓各二两 枸杞子炒，一升半 山茱萸 山药 萆薢炒，各一两 防风一两五钱 天门冬去心，焙二两 生姜三两 细辛去苗叶，

轻炒，一两 薏苡仁半升

共细锉如麻豆，用生绢囊盛，以酒五斗，于净瓷器中浸七宿。初温服三合，日三夜一，渐加至六七合、一升许。令常有酒气，不至大醉。

摊 缓 俗名瘫痪

论曰：摊缓之辨，摊则懈惰而不能收摄，缓则弛纵而不能制物。故其证四肢不举，筋脉关节无力，不可收摄者，谓之摊；其四肢虽能举动，而肢节缓弱，凭物不能运用者，谓之缓。或以左为摊，右为缓，则非也。但也左得之，病在左；右得之，病在右耳。推其所自，皆由气血内耗，肝肾经虚，阴阳偏废而得之。或有始因他病，服吐、下之药过度，亦使真气内动，荣卫失守，一身无所禀养而致然也。

紫金天麻丸方 治中风摊缓，手足弹曳。

天麻 没药研 乳香研 牛膝酒浸 白术 当归各半两 牛黄研，三分 犀角一两 附子去皮脐，三分 五灵脂二两

共十味。为末，取三家井华水，丸如櫻桃大。每服一丸，先用生姜汁化开，次用酒调下。如中风摊缓，手足弹曳蹇涩，口眼喎斜，不省人事，口吐涎沫，或手足搐掉，骨筋疼痛，皮肉麻痹，并宜服之。

天麻浸酒方 治摊缓风，不计深浅，久在床枕。

天麻半两 松节锉一两 龙骨 虎骨酒浸 骨碎补半两 败龟醋炙，一两 乌蛇酒浸，去皮骨 白花蛇酒浸，去皮骨 恶实根各半两 附子去皮脐，一枚 羌活 独活去芦头 牛膝酒浸，各半两 当归 芎藭各一两 大麻仁二两 熟干地黄焙，半两 茄子根二两 原蚕沙炒，二两

共十九味，哎咀如麻豆，用酒二斗浸，密封，春夏三日，秋冬七日。每服一盞，不拘时候，温服。

虎骨丸方 治摊缓风，手足不随，口眼喎斜，头目昏重，腹膝少力，及风气凝滞，筋

骨疼痛。

虎胫骨酥炙，半两 当归一两 赤箭半两
安息香酒研，半两 海桐皮 独活 牛膝酒浸，
各一两 肉苁蓉酒浸，一两 金毛狗脊去皮 续
断各半两 草薢 乌头去皮脐 芎藭各一两 甜
瓜子 仙灵脾 乳香研，各半两 防风 天麻
石斛去根，各一两 酸枣仁去皮，研 黄松节酒
炒 细辛各半两

共二十二味。除别研外为末，酒煮面糊，
丸如梧桐子大。每服十五丸，酒下，或荆芥
汤，不拘时。

天麻丸方 治风气摊缓等疾。

天麻二两 玄参 防风 地榆 干浮萍
紫背者，洗，焙 干薄荷 乌头去皮脐 牛膝酒浸，
各一两 不蛀肥皂荚五挺，就地坑内烧成黑灰，瓷碗合
定候冷，用半两，细研，入诸药 牛黄 龙脑各一钱，
别研

共十一味，除别研外为细末，和匀，炼
蜜和杵百余下，丸如鸡头大。每服一丸，温
酒下。

牛黄丸方 治一切风及摊缓，言语蹇涩。
搜风镇心。

牛黄一分 龙脑一钱 麝香一钱 雄香一
分 丹砂五分，五味同研 天麻 乌犀 干蝎去
土，炒 羚羊角镑 羌活 独活 防风 细辛
白芷 赤茯苓 蝉蜕 麻黄去根节 牛膝
酒浸 芎藭 五加皮各半两 白附子炮，一分
乌蛇酒浸，去皮骨，炙，一两

共二十二味。研为末，炼蜜和杵一千下，
丸如鸡头大。嚼破，温酒或荆芥茶下，日三。

沉香煎丸方 治摊缓不收，体重无力，肢
节缓弱，运动不能。

沉香 丁香 葫芦巴炒 附子去皮脐
牛膝去苗，锉，酒拌炒 补骨脂 茴香子 石斛
锉，酒拌炒 芎藭 木香 青橘皮汤浸，去白 桂
去粗皮 肉苁蓉酒炒，各半两

共十三味。捣罗为细末，炼蜜为丸如梧
桐子大。每服二十丸，生姜盐汤下，酒亦可。

风 痹 曳

论曰：人假水谷之精，化为血气，周流
一身，使四肢相随，筋脉相续，犹挈裘领，无
所不从。若脾胃虚弱，水谷不化，筋脉无所
禀养，复遇风邪外搏，肤腠流传，筋脉纵缓，
则肢体痹曳。其痹则偏而不举，曳则弛而不
随，是皆不能收摄也。

独活汤方 治中风手足痹曳，不能言。

独活二两 甘草炙 桂 生葛根 芍药
栝蒌根实各一两

上六味，锉如麻豆。每服五钱，生姜三
片同煎。温服，日三夜一。

败龟丸方 治中风手脚颤掉痹曳。

败龟，涂酥炙，五两

一味，为细末，研饭为丸如梧桐子大。每
服二十丸，酒下。

附子汤方 治风痹曳，手足不随，身体
不能俯仰。

附子去皮脐 干姜 甘草炙 防风 独
活各一两半 石膏碎 白茯苓 白术 芎藭
柴胡 当归酒浸 人参各一两 杏仁去皮尖双仁，
炒，研，二十枚 细辛一两

共十四味。锉如麻豆。每服五钱，水酒
共煎。温服，日三。人羸弱者，只用水煎服。

羚羊角丸方 治中风手颤痹曳，语涩。

羚羊角一两 犀角三分 羌活 防风各一
两半 薏苡仁 秦艽各二两

上六味，为末，炼蜜丸如梧桐子大。每
服十丸，煎竹叶汤下，加至三十丸。

中风四肢拘挛不得屈伸

论曰：脏真散于肝，肝藏筋膜之气，筋
为肝所养。筋得所养，则俯仰屈伸，莫或乖
戾。若经络偏虚，风邪乘虚，客于机关，筋
脉缩急；干于阳络，则肩背从而拘挛，不得
屈伸。

夜合枝醪酒方 治中风手足不随，挛缩
屈伸艰难。

夜合枝 桑枝 槐枝 柏枝 石榴枝各生用荆，五两 羌活别切，二两 糯米五升 细曲七斤半 防风别切，五两 黑豆用紧小者，生用，五升

共十味。以水五斗浸五枝，同煎取二斗五升，去渣。浸米黑豆一宿，蒸熟；与曲、防风羌活二味拌和造酒，依常酝法，封三七日，压去糟滓。取清酒三合至五合，时饮之。常令有酒气，勿令过醉，恐至吐，悖乱正气。

乳香丸方 治中风四肢拘挛，筋骨疼痛。

乳香细研，一两 乌头去皮脐，辛一两 羌活一两 雄黄细研水飞，半两 白附子 羚羊角各一两 附子去皮脐，半两 原蚕蛾炒 防风 乌蛇酒浸，去皮骨，炙 白僵蚕炒 虎胥骨各一两 腻粉 麝香各三分 赤箭 牛膝酒浸 没药研，各半两

上十七味，为末，再同和匀，炼蜜丸梧桐子大。每服用豆淋酒下十丸，如人行五里再服。

地龙饼子方 治中风手足筋急挛疼痛。

地龙炒 海蛤 硫黄研 乌头去皮脐，各半两 鱗鲤甲各一两

五味，同研为末，醋煮面糊，为丸如鸡头，捏作饼子，暴干。每用一饼，以葱白裹，安手足节上，以手帛系住，搁在一朽木桶上淋之，候觉骨中热极，方解去帛子。后看手足未得舒展时，再用热汤淋之。每一饼可用三次。如用药毕，且着衣服盖之，不得透风。

酸枣仁煎方 治筋骨拘急及软疼痛，行履不得。

酸枣仁三两，半生半炒 虎骨酒炙，一两半 海桐皮 羌活各二两 仙灵脾 赤箭 萆薢 杜仲去粗皮，炙断丝 败龟酒炙 蒺藜子 石斛 牛膝酒浸 巴戟天 附子去皮脐 木香 熟干地黄 酥各一两 桑枝一握，一尺长 白蜜四两

共十九味。捣罗十七味为末，再研匀；用清酒七升，先煎桑枝令黄色，去桑枝，后下药末，更煎一二十沸；次下酥蜜，煎成膏，看香气得所，用瓷盒盛。每服一匙头，温酒调

下，日三服。

风 痉

论曰：风痉者，以风伤太阳之经，复遇寒温故也。其状口噤不开，腰背强直如发病。盖风邪内薄于经，则荣卫凝泣，筋脉紧急，故令口噤不开，卒然倒仆，不知所以。凡发极则复苏，苏则复作，其或耳中策策而痛，身背直而不屈者，不治也。

天麻汤方 治风痉，身如板直，遍身硬强。

天麻半两 羌活 人参 桂去粗皮 白术 麻黄去根节，煎，掠去沫，焙干 杏仁去皮尖双仁，炒，各一分 附子去皮脐，一枚

八味，锉如麻豆。每服五钱，生姜一枣大同煎，再入酒半盏煎。热服，后以生姜稀粥投之，取汗，日三。

甘草汤方 治风痉，口噤不语，肢体强直，神识不明。

甘草炙 羌活一两一分 人参半两 防风一两 附子半两

每服四钱，入地黄汁一合煎，再入荆沥竹沥各半合，同煎。温服，日夜各一。

角 弓 反 张

论曰：角弓反张之状，腰背反折不能俯也。中风邪，客于诸阳之经，邪正相搏，风气胜，则筋脉缩急，腰背反折，如弓之形也。

麻黄饮方 治中风身如角弓反张，四肢不随，烦乱口噤。

麻黄去根节，三两 防风 桂 白术 人参 芎藭 当归 甘草炙 干姜各一两 附子一两 杏仁去皮尖双仁，三十枚

每服五钱，水煎。温服，不拘时。

当归汤方 治中风身如角弓反张，口噤不开。

当归 细辛各三分 防风 独活各一两半 麻黄去根节，一两一分 附子一枚，去皮脐

每服三钱，水酒同煎。温服。如汗出，慎

外风；若口噤，即斡开口灌之。

急风散方 治中风身如角弓反张状。

附子一枚，去皮脐 乌头二枚，去皮脐 天南星一枚 藿香去梗 防风 白芷各半两 干蝎全者。去土，炒 白附子各一分

共八味，为散。每服半钱，豆淋温酒调下。并二服。未愈，再服。

中风失音

论曰：喉咙者，气之所上下也。会厌者，声音之门户。其气宣通，则声音无所阻碍。若风邪搏于会厌，则气道不宣，故令人失音；入脏，则不能言语也。

羌活汤方 治中风失音不语。

羌活去芦头，两半 甘草炙，锉 人参各半两 附子去皮脐，一枚 荆沥 竹沥 生地黄汁 共七味。先将四味锉如麻豆，每服五钱，入三件汁沥同煎。温服，日三夜一。

地黄汤方 治中风失音不语。

生地黄汁 淡竹沥各半盏 独活去芦头，一两 附子去皮脐，半个

四味，将二味如麻豆，每服三钱，入竹沥地黄汁同煎。温服，空心、日午、夜卧各一。

羚羊角汤方 治中风失音，手足不随。

羚羊角镑 芎藭 细辛去苗 木香 防风 麻黄 独活 羌活 当归酒浸 附子去皮脐 桂去粗皮 天麻各一两

每服三钱，水煎。温服，不拘时候。

竹沥汤方 治中风失音不语，昏沉不识人。

竹沥 荆沥 梨汁各二合 陈酱汁半合 四味，相和，微煎一二沸，再滤一遍。令温，细细灌入口中。口噤，斡开口灌之。

竹豆汤方 治中风失音不语。

新青竹碎如箬子，四十九茎 乌豆二升 二味，以水八升相和，煮令豆烂，去滓，再煎取一升。每服二合，灌之。或口噤不开者，即斡口灌。

中风舌强不语

论曰：中风舌强不语者，盖脾脉络胃，侠咽，连舌本，心气所通。今风邪客搏，则气脉闭塞不利，所以舌强不能舒卷，有客于言语也。

羌活汤方 治中风舌强不得语，手足举动不得。

羌活一两 羚羊角半两 麻黄去根节，一两 防风半两 旋复花炒，一两 独活半两 龙脑研，半两 人参 白茯苓 当归 麦门冬各半两 杏仁汤浸，去皮尖双仁，一两

每服一两，水煎。温服，空心、日午、夜卧各一服。

竹沥汤方 治中风舌强不得语，心神烦闷。

淡竹沥五合 人乳汁二合 三年酱汁半合 三味，相和调匀。分三服。口噤，干灌之，立瘥。

陈醋二合 三年酱汁 人乳汁各五合 三味，相和研，以生绢滤绞取汁。分为三服，日夜服之，服尽能语。

三圣散方 治中风舌强不语。

没药研 琥珀研，各一分 干蝎七枚，全者。炒 三味，研为末。每服三钱，用鹅梨汁半盏，皂荚末半钱，浓煎汤一合，与梨汁相和调下。须臾吐出涎毒，便能语。

雄黄丸方 治心脾中风，舌强不语，涎潮昏塞，不省人事。

雄黄研 丹砂研 牛黄研 天南星牛胆内制者 白僵蚕生用 天麻生用，各半两 麝香一分 金箔 银箔各五十片，与麝香同研

九味，研为细末，炼蜜丸如梧桐子大。每服十丸，温薄荷汁化下，不拘时。

风口噤

论曰：风口噤者，风寒客于三阳之筋，使筋脉拘急，口噤不开，牙关紧急。若不速治，恐致他病，以风者善行而数变也。

开关散方 治中风目瞑口噤，不能下药者，用此散。以中指指点散子，揩齿三二十次，在大牙左右，其口自开，始得下药。

天南星生捣为细末 龙脑别研

各等分研细，五月五日午时合。患者共使一字。若急用，亦不拘端午。

乌梅饮方 治中风不语，口噤吐痰，颈项筋急。

乌梅二十七枚，并子捶碎 拔藁碎锉捶，一两半 白矾生用，一两

先以水一升煎拔藁根，取三合，去滓，别盛；又以别水一升煎乌梅，至三合，去滓，别盛；又以水五合煎白矾，取三合，别盛。以物干开口，先灌拔藁汤，次下乌梅汤，又次下白矾汤，旋消停服之，良久即吐出恶痰毒涎，如不吐，以鹅毛搅喉口取吐。

附子散方 治中风牙关紧急，遍身强硬。

附子一枚，一两者。慢火炮制，去皮脐 白附子共末，为细散。每服一钱匕，温酒调下，三服效。

海带散方 治风口噤，牙关不开。

海带炒，半两 乌梅肉 天南星生，各一两 麝香二分，别研，后入

为细末，入瓷盒内，勿令透气。如患急，以半钱匕，于腮里牙关上揩，便自开口立效。

治牙关紧急方

甘草，比中指节截作五截，于生油内浸过，炭火上炙，候油入甘草用

以物干开牙关，令咬定甘草，可如人行五里时候，又换甘草一截，后灌药极效。

白神散方 治中风或吐泻，牙关紧噤，下药不能。

白梅末不拘多少

将揩牙，立开。盖酸能收敛，自然牙骨易开也。

风 口 噤

论曰：足阳明脉，循颊车；手太阳脉，循颈上颊。二经俱受风寒，筋急引颊，令人口

喎僻，言语不正，目不能平视。又云：风入耳中，亦令口喎。盖经络所系然也。诊其脉浮而迟者，可治。

治中风口面喎斜，葛根汤方

葛根 防风 附子 麻黄各一两，炙 独活一两 杏仁汤浸，去皮，四十枚 松实去壳，两半 共锉如麻豆。每用药十钱匕，以水二盏，酒一盏，入生姜三片，煎一盏半，去滓。分三服，日二夜一。

防风汤方 治中风口面喎斜，汨出失音。

防风 防己 升麻 桂 麻黄 芍药各一两 羚羊角一两半

锉如麻豆。每服三钱匕，以水一盏，煎取六分，去滓；入竹沥半合，更煎三二沸。热服，空心、日午及临卧各一服。

治贼风吹著，口眼喎斜，一字散方

乌头，生用 青矾各半两

共为散。每用一字，搐入鼻内，取出涕吐涎。

治风口喎方

蓖麻油 巴豆油

二味等分，并相和。如右喎，即点左口角；如左喎，即点右口角，仍急觑，才正，当急揩去药。

治中风口面喎斜，青松叶浸酒方

青松叶一斤，细锉如大豆

木石臼中杵，令汁出，用生绢囊贮，以清酒一斗浸二宿，近火煨一宿。初服半斤，加至一升。头汗出，即正。

治中偏风口面喎斜，石灰涂方

石灰半升

炒，乘热以醋调似泥，涂于一边缓处，才正，急用温水洗去。

人参丸方 治中风口眼喎斜，手足无事，语不蹇涩。止缘坐卧处，对耳有窍，为风所中。筋牵过一边，连眼皆紧，睡著一眼不合者，服此药，二十日内，眼口皆正矣。

人参 草乌生，去皮尖 牛膝去苗，酒浸，焙干，各一两，按牛膝入脑，虚人口眼喎用之

捣罗为细末，水煎面糊，丸如梧桐子大。每服十丸，炒黑豆淋酒下，一日二服。

治一切风口眼偏斜，假苏丸方

生假苏去梗 生薄荷用叶，一斤

二味，并沙盆内研，生绢绞取汁，瓷碟内看厚薄煎成膏，余滓三分，去一分粗滓不用，将二分滓晒干，杵为末，将膏和，为丸如梧桐子大。每服二十丸，温酒下。

破 伤 风

论曰：破伤风者，因卒暴伤损，风邪袭之，传播经络，致使寒热更作，身体反张，口噤不开。甚者，邪气入脏，则不可治。诸疮久不瘥，荣卫虚弱，肌肉不生，疮眼不合者，风邪亦能外入，为破伤风之候。

羌活汤方 治破伤风，身如铁石，或如角弓反张。口噤不开，宜干齿灌药。

羌活 防己 羚羊角 升麻 黄芩 蔓荆实去皮，各一两半 犀角二两 茯神去木 葛根 甘草各一两一分 防风三分 麻黄一两

粗捣筛。每服三钱匕，入地黄汁半合、薤白二寸，煎至八分，去滓。空心、日午、卧温服，如病急，不拘时服。盖复出汗即愈。

羚羊角散方 治打击破疮，或洗头，挑齿，灸疮，狗咬等中风。

羚羊角 石斛 芎藭 知母 山萸 薏苡仁 白芷 曲棘针生用 甘草炙 芍药 紫菀去土 天雄 防风 牛膝 枳实去瓤，麸炒 蔓荆实 石南叶酒醋炒 杏仁浸，去皮尖 麻黄 龙骨去土 黄芩 防己 白术 葶藶 干蔓菁花 葛根 赤茯苓 羌活 苍耳心 车前子 桑白皮 菊花不开者 酸枣仁 当归 丹参 乌蛇酒浸，去皮骨，炙，各三分 陈橘皮汤浸，去皮

共为散。每服一钱半至二钱匕，空心、午时、夜卧温酒调下。要丸，即炼蜜丸如梧子大。每服十丸，豆淋酒下。

治破伤风 **独圣散方**。

苏枋木不拘多少

共为细散。每服三钱匕，酒调服之，立效。一方，用鳔胶，白色，炙令黄色，为末，热酒调六钱。

治破伤风，身肿，牙关不开，**白僵蚕散方**

白僵蚕直者，不拘多少

生研为末。每用生姜自然汁调，以鸡翎子疮口扫之，勿令干，斯须肿塌皮皱为效；仍用生姜汁调半钱匕服。

治破伤风，打扑内损，**饮银花散方**

天南星大者，半生半炮 白附子半生半炮 防风去叉，等分

为细末。每服二钱匕，重者，童子小便调；稍轻，热酒调下。如外伤，用此药贴疮口，仍依法服之。如破伤风，先以小便温洗疮口，次用药干贴，追出风毒立愈。势稍恶，口噤者，以童子小便调，斡开口灌之。如斗打至死，但心头微暖者，并灌三服即活。常须合下，以备急用。一方无白附子。

偏 风

论曰：人身所养者，惟血与气。血气均等，则无过不及之害；稍至衰微，则所运不周，遂致体有偏复。因风客身一边者，谓之偏风。其状半体不知痛痒，或痿痹不仁，或纵缓，或痹痛是也。

荆沥汤方 治偏风不随，心中烦闷，言语蹇涩。

荆沥五合 竹沥五合 生姜汁三合

三味，相和，再暖。每服三合，以酒调下。

防己汤方 治偏风，半身不遂，口眼喎斜，不能言语，筋脉拘挛，不得转侧。

防己 芎藭 桂 黄芩 芍药 人参 甘草，炙 麻黄去根节 附子去皮脐 防风各一两 杏仁去皮尖，四十枚

每用十钱，生姜十片同煎。温服，三服，日二夜一。

生地黄汤方 治偏风，手足一边不收，口

目喎戾，言语謇涩。其药不虚人，老少并可服之。

地黄汁 竹沥 荆沥各一升五合

三味，别作羌活防风各一兩，去芦头并叉，锉，附子一枚，重半兩者。去皮脐，生用，作八九片，入煎三汁中，慢火煎取一升半。每用醇酒三合，调化药汁二合，暖服之，日二夜一。无问冬夏，并得服之。

麻子仁汤方 治偏风，手足不遂，口面喎斜。

麻子仁炒，二合 黑豆二合，紧小者，炒 鵲粪炒，二合 垂柳枝二握，锉半寸长

四味，先以酒七升，煮柳枝及五升，炒鵲粪麻仁黑豆等令黄，乘热便投柳枝酒内，须臾去滓令净。每服旋取，温服二合至三合，空心临卧各一服。

续命独活汤方 治偏风，半身不遂，热闷语涩。

独活 防风 人参 芍药各二兩 防己一兩半 桂一兩 羚羊角镑，三分

咬咀如麻豆。每服五钱，入竹沥半合，同煎。温服。

安息香丸方 治偏风，半体不仁，纵缓不收，或时痹痛。

安息香研，一兩 乳香研，一兩 麻黄去根节，二兩 胡桃仁汤浸，去皮，研，一兩半 下浮萍草去上，一兩半

上五味，先捣麻黄浮萍草为末，与研药拌匀，炼蜜和丸如弹子大。每服一丸，温酒化下，以汗出为效。

拟金丸方 治偏风，半身不遂，不知痛痒。

草乌头生，去皮脐，二兩半 骨碎补去毛，一兩半 狗脊去毛，一兩 五灵脂一兩 马蔺花一兩半 地龙去土，半兩 乳香研，一兩 枫香脂研，一兩 草薢一兩

九味，捣罗为末，入研者二味和匀，醋煮面糊，和丸如小豆大。每三丸至五丸，荆芥汤下，空心、临卧各一服。

风 偏 枯

论曰：气血不足，腠理开疏，风湿客于分肉之间，久而不瘥，真气去，邪气独留，乃为偏枯之疾。其状肢体不随，肌肉偏枯，细小而痛。言语不变，神智不乱，乃可治也。宜温卧取汗，益不足而损有余。诊其胃脉沉而大，心脉小而牢急，皆偏枯之脉也。

当归汤方 治中风手足偏枯，口面喎斜疼痛，一目不能合。

当归 白芷 防风 白鲜皮 白术 芍药 杏仁去皮尖 甘草炙 甘菊花 天雄去皮脐，各一兩 人参半兩

每服五钱，生姜半分同煎。温服，日三夜一，与食相间服之。

磁石汤方 治中风偏枯，骨酸无力。

磁石烧赤，醋淬，七遍，三兩 防风二兩 五味子二兩 甘草一兩 玄参二兩 附子去皮脐，一兩 牡丹去心，二兩

每用五钱，入黑豆三十五粒，同煎。空心、日午、夜卧服。

没药丸方 治中风偏枯，手足不随，言语謇涩，口眼喎斜。

没药研，半兩 天麻酒浸一宿，焙干，二兩 乌头去皮脐，一兩 地龙去土，炒，一兩 羚羊角镑屑，一分 犀角镑屑，一分 丁香一分 木香一分 乳香研，半兩 丹砂研，半兩 龙脑研，一分 麝香研，一分 玄参一分 人参半兩

十四味，捣研为末，炼蜜和丸樱桃大。每服一丸，温酒下，食前服。重病者，服一月瘥；初患，五七服即愈。

肉 苛

论曰：《内经》谓：人之肉苛者，虽近衣絮，犹尚苛也，以荣气虚，卫气实。夫血为荣，气为卫，气血均得通流，则肌肉无不仁之痰。及荣气虚，卫气实，则血脉凝涩，肉虽如故，而其证痼重为苛也。

苦参丸方 治荣虚卫实，肌肉不仁，病

名肉苁。

苦参二两，捣取粉 丹参炙 沙参去粗皮上
人参一两 五加皮 防风去叉，锉 蒺藜子炒，
去角黄 乌蛇酒浸，用肉 蔓荆实去白皮 败龟涂
酥炙 虎骨涂酥炙黄 玄参坚者，各一两

上十二味，捣罗为末。别以不蛭皂荚一斤，以水三升，按取汁，去滓。于无油铁器内煎成膏；炼蜜四两，拌和为丸如梧桐子大。每食后良久及夜卧，共三服，各用荆芥薄荷酒下十五丸至二十九丸。

天麻丸方 治荣虚卫实，肌肉不仁，遍身痼重。

牛膝酒浸，切，焙，一两 天麻酒浸，切，焙，两半
麝香研 桂各一分 干蝎炒，去土 白花蛇
肉炙，各半两 槟榔锉 独活各三分 防风一两

共九味。炼蜜和丸如桐子大。每服十丸，薄荷酒荆芥汤下，不拘时。

防风酒方 治荣虚卫实，肌肉不仁，病名肉苁。

防风去叉，二两 白术一两半 山茱萸并子
用，一两半 山药丁者，两半 附子去皮脐，炙，一两

天雄去皮脐，一两半 细辛去须叶，轻炒，一两半
独活去芦头，一两半 秦艽去土，两半 茵芋去粗
茎，一两半 杏仁去皮尖双仁，炒，两半 紫巴戟
一两，去心 桂二两 麻黄去根节，煎，去沫，焙下，二
两 生姜二两，切，焙 磁石生。捶碎如大豆粒，浸，
去汁，半斤 薏苡仁炒，三两 生地黄净洗，细切，
焙，二两半

共十八味。锉如麻豆，生绢袋盛，以无灰酒浸六七日。空心温饮四合至五合，以知为度。

五味子酒方 治荣虚卫实，肌肉不仁，病名肉苁。

五味子 防风 牛膝 黄芩 白术 当
归 泽泻 知母 白芷 五加皮 枸杞子用
根白皮，锉 牡丹去心 肉苁蓉炒 丹参炙 甘
草炙 枳壳麸炒 厚朴去粗皮，姜汁炙五遍 细辛
去须叶，轻炒 桂各一两

共十九味。锉如麻豆，生绢囊盛，用好

酒二斗密封浸，经七日。每空心、日午、夜卧各温服五合。久服，加至七合及一升，勿令醉吐。

历节风

论曰：历节风，由气血衰弱，为风寒所侵，血气凝涩，不得流通，关节诸筋无以滋养，真邪相薄，所历之节，悉皆疼痛，故谓历节风也。病甚，则使人短气，汗出，肢节不可屈伸。

防风汤方 治历节风，周身百节疼痛，肢痿弱。

防风二两 白术一两 白鲜皮二两 桂一
两三分 黄芪二两 薏苡仁炒，二两

上六味，捣筛。每服四钱，生姜三片同煎。温服，日三夜一。

没药散方 治历节风，百骨节疼痛，昼夜不可忍。

没药研，半两 虎胥骨酒炙，三两

二味，捣罗为末。每服二钱，温酒调下，日三服。

透关散方 治历节风，四肢挛急，疼痛难忍，短气汗出。

麻黄根五两 天南星炮 威灵仙各半两
革薢 当归 人参 天麻各一两 赤小豆浸，
去皮，焙，半两

共八味，捣罗为末。每服半钱，温酒调下。

独活散方 治历节风。

独活去芦头，一两半 玄参一两 生犀角屑，
二两 升麻二两 恶实根半两 豉二合 生干
地黄半两

共七味，捣罗为散。每服三钱，空腹米饮调下。

乳香大丸方 治血气衰弱，风毒攻注，历节疼痛。

乳香研 没药研，各一两 五灵脂去炒石，四
两 乌头去皮脐，一两半

共四味。捣研为末，再和匀，滴水和丸

如弹子大，以丹砂为衣。每服一丸，薄荷酒化下，日三服。

中风百节疼痛

论曰：中风百节疼痛者，由体虚受风，风邪中于关节，故令百节筋脉拘急疼痛，寒热更作，不可屈伸。此皆真气怯弱，不胜风邪，真邪相薄，所以痛也。

白花蛇散方 治中风肢节疼痛，言语蹇涩。

白花蛇酒浸，去皮骨，二两 何首乌去黑皮 牛膝三味用酒浸半日，焙干 蔓荆实去白皮，各四两 威灵仙 荆芥穗 旋复花各二两

共七味，捣罗为末。每服一钱，温酒调下。空心、临卧服。

羌活散方 治中风百节疼痛，寒热更作，不可俯仰。

羌活去芦头，一两 天麻去蒂，生用，一两 芎藭半两 酸枣仁炒，一分 鹿角胶炒燥，半两 蔓荆实揉去白皮，一分 羚羊角镑屑，三分 人参半两 白附子半两 牛膝三分 桂半两 薏苡仁一分，炒 乌蛇酒炙，用肉，半两 犀角镑屑，一分 白鲜皮炙，半两 地骨皮 柏子仁生用，三分

上十七味，捣罗为细末。每日空心及夜卧，以豆淋酒调下一钱至钱半。

白头翁酒方 治诸风痛攻四肢百节。

白头翁草一握

一味，烂研。以醇酒投之，顿服。

又方

生恶实根，摩酒服，痛止即住。

又方

黑豆炒去皮，半升 威灵仙二两 桑根白皮一两

三味，用醇酒一升半，煎取八合，去滓。顿服之。

又方

杏仁汤浸，去皮尖双仁，炒黄，研，半两 虎骨以酒涂酥炙黄，取半两为末

二味，用醇酒一升热调，顿服。

风走注疼痛

论曰：风走注疼痛之病，其痛无常处是也。气血流通，筋脉和同，则骨肉滑利。一有不调，风邪乘虚，与血气偕行，使荣卫凝涩，随所注处，悉为疼痛，故谓走注痛也。

虎骨散方 治风毒走注，疼痛不定。

虎胫骨酥炙 败龟酥炙，各二两 麒麟竭研 赤芍药 当归 没药研 防风 白附子 桂去粗皮 白芷 骨碎补去毛 苍耳炒 自然铜火煅，醋淬，研，各三分 牛膝酒浸，切，焙去苗 天麻 槟榔 五加皮 羌活去芦头，各一两

共十八味，为散。每服二钱，温酒调下。

芸苔散方 治风毒走注，疼痛如虎啮。

芸苔子 天南星 草乌头并生用，各一两

三味，为散。五钱，量入生面，以醃醋、生姜汁、生油各少许，调成膏，摊纸上厚一分，贴痛处即止。

消毒膏方 治风毒走注疼痛，筋脉拘急。

马牙硝一两，烧赤，研 乌头大者，二枚，烧存性，三分，研

二味，同研令匀。每用三钱，白面三钱，生姜汁一盞，同熬成膏，摊于帛子上。热贴，日二换之。

干地黄丸方 治走注疼痛。

生于地黄 白芷 当归 没药 乌头去皮酥 防风 木香 赤小豆

共八味，等分，捣研为末，水浸蒸饼心，和丸如梧桐子大。每服五丸，冷酒下，空心、食前服，日二。

白虎风

论曰：白虎风之状，或在骨节，或在四肢，其肉色不赤，昼静而夜发，发则痛彻骨髓，或妄言妄有所见者是也。盖风寒暑湿之毒，乘虚而感，播在经脉，留于血气，畜聚不散，遇阳气虚弱，阴气隆盛，则痛如虎啮，故以虎名焉。

羌活汤方 治白虎风，痛甚如啮。

羌活 防风各一两 秦艽 芍药 当归各一两半 牛膝酒浸，一两 附子去皮脐，三分 大腹连皮用，三枚 桃仁汤浸，去皮尖双仁，炒，二钱一枚

九味，锉如麻豆。每服五钱，入生姜一大枣大，同煎。温服，日二夜一。

牛膝散方 治白虎风，疼痛难忍。

牛膝酒浸 当归各一两 虎骨酥炙令黄，二两 赤芍药一两 芒硝别研，半两 桃仁去皮尖双仁，三钱 芍药半两

七味，为散。每服空心用温酒调下，一钱至二钱。

抵圣散方 治白虎风，骨髓疼痛，至夜转盛。

虎胫骨不计多少，打破，酒浸，蘸酒旋炙，令黄脆为度

一味，为散。每服半钱，入薄荷末一钱，入参末半钱煎。浮香酒调下。

一神散方 治白虎风，昼静夜发，痛彻骨髓，狂言妄见。

防风 羌活 桂，去粗皮 地骨皮 芍药 细辛 虎骨酒浸一宿，酥炙黄

共七味，等分，为散。每服一钱，温酒调下。

乌头散方 治白虎风，走注疼痛。

乌头去皮脐 地龙 羌活 虎骨酒炙 延胡索 当归 没药研 防风各一两

八味，为散。每服二钱，冷酒调下，空心、食前日二服。

风 不 仁

论曰：风不仁之状，皮肤搔之如隔靴是也。由荣气虚，卫气实，寒风入于肌肉，血气不相与，凝痹结滞，皮肤痒痹，厚无所觉知。《内经》曰：皮肤不荣，故为不仁，此之谓也。

乌鸦丸方 治风虚皮肤不仁，头目昏痛。利咽膈，解昏倦。

乌鸦一只，烧为灰 麝香别研，一分 虎骨酥

炙 白僵蚕炒 干蝎去土，炒 防风去叉 白附子 乌蛇酒浸，去皮骨，炙 藿香叶各半两

除别研外捣罗为末，入研者抖匀，炼蜜丸如梧桐子大。每服十九至十五丸，温酒下，茶清亦得。

羌活汤方 治风不仁，手足痠痛麻疼。

羌活 独活俱去芦头 防风 蔓荆实 人参 蒺藜子炒，去角 芍药 白茯苓 枳壳 芍药 天蓼木 阿胶炙令燥 威灵仙去苗上，各半两

每服二钱，空心豆淋酒调下。或炼蜜丸如梧桐子大，豆淋薄酒下，十五丸至二十丸。

五参散方 治风不仁，皮肤痒麻，绕膝遍身，似蛇皮黑癰，旋生旋没，通身痒痹。

人参 丹参 沙参 苦参 玄参坚者，各一两 白花蛇酒浸，去皮骨，一两半

上六味，为细散。每服二钱，食后温酒调下，加至三钱。

风 瘙 痒

论曰：风瘙痒者，表虚卫气不足，风邪乘之，血脉留滞，中外鼓作，变而生热，热即瘙痒，久不瘥，淫邪散溢，搔之则成疮。

五白散方 治皮肤风瘙，昼夜不止。

白附子 白僵蚕炒 白蒺藜炒 白鲜皮 各二两 白花蛇酒浸，去皮骨，炙，三钱

上五味，为散。每服一钱，空心、临卧温酒调下。

枳壳散方 治风皮肤瘙痒麻痹。

枳壳去瓢，麸炒，二两 苦参 蒺藜子炒，去角 蔓荆实各一两 荆芥穗 麻黄去根节 羌活去芦头 独活各等分

每服二钱，腊茶温酒调下，食后、临卧各一服。

天麻散方 治热毒风攻，遍体痒痒癰疹，皮肤痒痹，肢节疼痛，四肢大肠不利。

天麻 防风 羌活 甘菊花 杏仁去皮尖双仁，炒黄，各二两 甘草一两，炙

每服三钱，空心蜜酒调下，日再服。

天门冬丸方 治风热，皮肤癢疹痒，生疮如水疥，或如粟粒。

天门冬去心，焙，二两 枳壳去瓤，麸炒，三两 白术 人参各一两半 独活 苦参各一两 分为末，蜜为丸如梧桐子大。每食后米饮下三十丸，日二服。

八味散涂敷方 治遍身疮疥，皮破肉痛，或癢痒脓水。

蜀椒去目 吴茱萸汤洗，焙干，炒 青盐研 石硫黄研 膩粉研 白僵蚕炒 柏皮各一两 麝香少许，研

八味，捣研为散。猪胆汁调，涂之，湿则干敷。

防风汤淋洗方 治癢痒如虫行，或癢痹不仁。

防风 益母草 苦参各三分 蒺藜子炒，五两 荆芥穗 蔓荆实 枳壳去瓤，麸炒，各二两 每用三两，水一斗，煎至八升，乘热淋洗患处。

风 痞 瘡

论曰：风痞瘡者，由腠理不密，三阳气外泄，发而为汗，汗出未已，为风邪所搏，风热相并，不得流行，故结为痞瘡。状如麻豆，甚者渐长，搔之成疮。

独活丸方 治风癢疹，痞瘡肿起，时痒时痛。

独活去芦头 天门冬 防风 蒺藜子炒，去角 桔梗炒，各一两一分 薏苡仁炒 黄连去须，各一两 桂半两 枳实一两半

为细末，炼蜜丸如梧桐子大。每服二十丸，空心、临卧菊花汤下。

景天花散方 治脾肺风毒，遍身发痞瘡，癢痒烦躁。

景天花慢火焙干，一钱，俗谓楨大草 红曲半两 同研为细末。每服二钱，食后、临卧服，温水下。

胡麻散方 治肺脾风毒攻注，皮肤癢痒，手足生疮，及遍身痞瘡，发赤黑靨子，肌热

疼痛。

胡麻炒，令香熟 枳壳各二两 防风 蔓荆实 威灵仙 苦参 何首乌米泔浸透，去黑皮，炒干 芎藭 荆芥穗 甘草炙，各一两 薄荷用叶，半两

为散，每服二钱，温酒下。或炼蜜丸如梧桐子，每服三十丸，温酒下。

枳壳酒方 治风瘙癢疹，皮肤生痞瘡，或如虫行。

枳壳炒，二两 秦艽 独活 肉苁蓉各四两 丹参 蒺藜各五两 松叶切，三斗

锉如麻豆，用生绢袋贮，以清酒二斗浸六宿。每服半盏，日三夜四。

蒺藜浴汤方 治风毒癢痒癢疹，渐成痞瘡。

蒺藜子炒 芫蔚子 羊桃 蒺藜根苗 漏芦去芦头 苦参各半斤 盐四两

每全料，用水二石，煮取二石五斗，去滓。温室中淋浴，仍先饱食即入浴，久浸最良，可隔夜一浴。干衣盖取汗，慎外风。

桃仁涂方 治毒赤疹浮肿成痞瘡。

桃仁去皮尖双仁，生用 杏仁去皮尖，生研，各三两 胡麻生研 凝水石研如粉，各二两

上四味，各研细。别研芸苔菜，绞汁，和以白蜜，入前研药，搅为稀膏。用涂患处，干则易之

风 瘙 癢 疹

论曰：风瘙癢疹，其状有二，皆缘肌中有热，若凉湿之气折之，热结不散，则成赤疹；若因风邪所折，风热相搏，则成白疹。赤疹，得热则剧，得冷则灭，盖热气郁结于内，故恶热宜冷。白疹，得阴雨则甚，得晴暄则消，盖热气散失于外，故恶冷宜热。冷热之证异，其为癢疹则一，尽身体风瘙而痒，搔之隐隐而起是也。

秦艽丸方 治风瘙癢疹，搔之愈甚。

秦艽 防己 松脂炼成者，各四两 枳壳 蒺藜子炒，去角，各二两半 苦参 白术 芎藭

防风 附子 蒴藋 干姜炮,各一两

共研为末,炼蜜和丸如梧桐子大。每服二十丸,酒下,加至三十丸,早、食前各一服。

蔓荆实散方 治风瘙瘾疹,手足麻木。

蔓荆实 何首乌各二两 羌活 威灵仙 荆芥穗 防风各一两 苦参一分

为散。每服二钱,温酒调下,日三。

茵陈蒿散方 治风瘙瘾疹,皮肤肿痒。

茵陈蒿一两 荷叶半两

为散。每服一钱,蜜水下,食后服。

蒺藜子散子 治风瘙皮肤瘾疹痒痛,或有细疮。

蒺藜子炒,去角,二两 枳壳 荆芥穗 羌活 防风一两 苍术泔水浸一宿,四两

共为散。每服一钱,温酒或茶调下。

石南酒方 治风瘙瘾疹,经旬不解。

石南叶去粗茎,生用,三两

一味,捣罗为末。每服半钱至一钱,用酒三合,煎一沸,空心温服。

白蜜酒方 治风瘙瘾疹痒不止。

白蜜一合 酒二合

二味相和,煎温,食前服。一方,用松叶一斤,酒一斗,煮三升,日夜服,出汗。

枳实丸方 治风热头面身体瘙痒瘾疹。

枳实去瓤,麸炒,两半 天门冬 独活 黄连 防风 蒺藜子炒,去角 桔梗炒,各一两一分 薏苡仁一两 桂一分

共为末,炼蜜丸如梧桐子大。每服二十丸,空腹米饮下,日二。

涂药方

慎火草大叶青厚,名景天 生姜和皮不洗,等分,研 盐重少许

三味,涂摩痒,如遍身瘾疹,涂发处,日再。

芎藭粉摩方 治风瘾疹痒痛难止。

芎藭 白芷 麻黄根各二两 藿香一两 米粉二升

五味,捣罗为粉,摩病处,立效。

枳实熨方 治风白疹。

枳实生用,八两

一味,捣碎,以醋浸,冷啍啍炒热,用熟帛包裹,熨疹上,冷即易,分作二包子,更相炒熨尤佳。

圣济总录纂要 卷二

清 新安 程 林云来纂辑

鄞县 曹炳章赤电校点

诸 风 门

蛊 风

论曰：蛊风之状，在皮肤间，一身尽痛，若划若刺，淫淫跃跃，如中蛊毒，故名蛊风。皆由体虚受风，侵伤正气也。

天麻丸方 治蛊风如皮肤刺划。

天麻 踯躅花 独活 附子 白附子
原蚕蛾炒 防风 苍耳 蒺藜子 乌头去皮脐，各一两 麻黄去根节 乌蛇肉 麝香

除研者外捣罗为末，入麝香再研匀，炼蜜和捣三二百下，丸如梧桐子大。每服二十丸，温酒下，不拘时候。如有汗出，即宜避风。

石南汤方 治六十四种风注走皮肤，中如蛊行，痛如刺划，状似蛊毒，及卒风面目肿起，手不及头，口噤不能言。

石南 干姜 黄芩 细辛 人参各一两
桂 麻黄去根节 当归 芎藭各一两 干地黄三分 甘草炙，二两 食茱萸一两一分

咬咀如麻豆大。每服六钱，水酒同煎，温服，得汗为度。

何首乌散方 治蛊风。

何首乌 威灵仙各一两 苦参半两 麒麟竭一分

并生捣为散，入乳钵内研三五百遍。每服一钱，用荆芥汤调下，每日三服，酒服尤妙。

薄荷丸方 治蛊风，皮肤苦尽痛，若刀

划状，及头目不利、风痰等疾。

薄荷叶一斤 天麻四两 威灵仙三两 羌活四两 山梔子仁二两 蔓荆实三两 白芷桔梗炒 防风各一两 大黄湿纸裹煨，令纸干，一两 人参 赤茯苓各三两 龙脑研，半两

捣研为末，再和匀，炼蜜丸如鸡头实大。每服一丸，食后细嚼，茶酒任下。

肌肉 瞤 动

论曰：肌肉瞤动，命曰微风。盖邪搏分肉，卫气不通，阳气内鼓，故肌肉瞤动。然风之入脉，善行数变，亦为口眼瞤动，偏喎之病也。

虎骨丸方 治风虚肌肉瞤动，手足颤掉。

虎胫骨酥炙 松节锉，酒炒 天麻 牛膝酒浸 赤箭 海桐皮 独活 石斛去根 防风 乌蛇酒浸去皮骨 酸枣仁 当归 仙灵脾 甜瓜子洗，焙 乳香研 五加皮各一两

一十六味，先以十五味捣罗为细末，入研者乳香再和匀，酒煮面糊，丸如梧桐子大。每服十五丸至二十丸，荆芥酒或茶酒任下，不拘时候。

天麻丸方 治循经络肌肉瞤动，头目昏眩，手足麻痹。

天麻 芎藭各一两 荆芥穗 鸡苏叶各三两 白附子 甘草各半两

上六味，为末，炼蜜丸如樱桃大。每服一丸，茶酒任下。

荆芥汤方 治风气肌肉瞤动，头目昏眩，四肢烦疼。

荆芥穗 旋复花各四两 前胡 甘草炙

麻黄去根节 芍药 芎藭 半夏洗七遍，各一两

每服三钱，葱白三寸，鸡苏二叶，同煎，温服。

风 癲

论曰：风癲之状，发无常时，每发则仆地吐涎沫，无所觉知。盖由血气皆虚，精神离散，魂魄失守，风邪入于阴经故也。又以胞胎之初，其母卒大惊，精气并居，能令子发癲，其证与风癲大率相似。

丹砂煎方 治风癲疾，时发时省，涉历年月。

丹砂细研水飞，滤过后焙，研如粉，三两 石膏五两，研细 黄连去须，捣筛，一斛 生地黄研取自然汁，二升

共四味，以清水一斗先煮石膏黄连，取五升，净去滓，次下生地黄汁，又煎之如稠汤，始下火取丹砂粉，投入匀搅百余遍，贮于不津器中更搅，待冷即住手。每日两度，以温水调服，约如半弹丸大。服药后只吃淡饭、蔓菁菜等。

雄黄丸方 治五癲各有声，牛癲若牛鸣，马癲若马鸣，狗癲若狗鸣，羊癲若羊鸣，鸡癲若鸡鸣，凡此五癲皆宜服之。

雄黄 丹砂 雌黄三味各二两，碎，同用生绢袋贮之，入十两蜜内，重汤煮，待蜜赤色，滴如珠引若线为度，取药囊出，河水洗涤淘漉，出曝干，入乳钵中研，如粉为度。其蜜即丸药用 黑铅二两，大火化，用钱匙掩掠去法垢者，用精者一两。将无油净器中下水银及铅，同销熔，搅令匀，泻于热铁器内，待冷先将前三味石药乳钵内研，次入铅同研取匀 水银一两

共五味。各如前修制毕，便将前煮丹砂雄黄雌黄余蜜再重汤煮散，少少点入药中，渐渐和匀，为丸如大麻粒。每用桃柳柏桑木嫩条，各长七寸许，以水一升，煎至六合，去滓，分温下丸药，空心、午时、临卧下三丸至五丸，小儿一九至二九。

羚羊角丸方 治风癲病。

羚羊角 犀角 远志 人参 山药 茯

苓各一两半 防风一两三分 生地黄三分 金箔研 银箔研，各一百片 麦冬 铁粉研 天冬各三两 龙齿研，二两 水银一分，入金银箔龙齿铁粉，五件同研，水银无星子为度

共十五味。先将十味捣罗为末，入别研者相拌令匀，炼蜜和丸如绿豆大。用桃柳枝汤下二十丸，日二夜一，或人参茯苓汤亦可。

风 痲

论曰：风痲病者，由心气不足，胸中蓄热，而又风邪乘之，病间作也。其候多惊，目瞳子大，手足颤掉，梦中叫呼，身热，瘧疾摇头，口噤，多吐涎沫，无所觉知是也。然病发于阳者易瘥，发于阴者难治，故经曰脏病难治，腑病易治。又曰大人曰癲，小儿曰痲。

灵乌散方 治风痲多惊，手足颤掉，口吐涎沫。

乌鸦一只，腊月取，于瓷瓶内盛，以盐泥固济令干，用炭火煨存性，候冷取出，去肚肠，研 丹砂研，一分 细辛二两 干蝎全者，十四枚，炒

共四味。将二味研末，与别研二味同罗。每服半钱匕，午前温酒调下。

安息香丸方 治男妇暗风痲病。

安息香通明无砂石者 铅丹

二味，为细末，入白羊心中血研匀，丸如梧桐子大。每服十丸，空心温水下。

神圣丸方 治风痲、涎潮等疾。

雌黄 铅丹各一两

细研，以醋一斛解熬稠，丸如梧桐子大，与恶实末同收。每服十丸，临卧煎恶实末汤下。

丹砂丸方 治风邪诸痲，狂言妄走，精神恍惚，思虑迷乱，乍歌乍哭，饮食失常，疾发仆地，口吐白沫，口噤戴眼，魂魄不守，年岁深远者。

丹砂光明者，研，一两 酸枣仁微炒，研 乳香光莹者，研，各半两

合研令匀。令病人尽量饮酒沉醉，次取

药五钱匕，酒一盏调下，于静室中安睡，勿令惊动，候其自觉则愈。

铁粉乌鸦散方 治风痫。

乌鸦 只，去肠肚及嘴足 铅丹 黑铅 铁粉研，各二两 丹砂一两，研，先将铁粉并铅丹入铁器内熟炒，次入黑铅，一处结成砂子，入在乌鸦腹内缝合，以罐子盛，用物盖定，盐泥固济放干，用熟火一秤煅，令同赤，取出捣为末，次入丹砂，更研如粉，入后七味

天麻 羌活 独活 防风 芎劳 干蝎
天南星各二两

共研为细末，入麝香少许再研令匀。每服半钱匕，临卧冷酒调下。

五生丸方 治痢疾。

干姜不炮 乌头生，去皮脐 半夏生用 附子生，去皮脐各一两 大豆末生用

共五味。除大豆末外细锉为末，以豆末煮糊，为丸如梧桐子大。每服三丸，冷酒下。

半夏丸方 治风痫，痰盛痙痲，口吐涎沫。

半夏汤浸，去滑，生为末，五两 白矾生为末，二两 丹砂研 铅丹研，各一两

同研匀，以粟饭为丸如梧桐子大。每服食后生姜汤下二十丸。

五枝煎方 治风痫多惊，手足颤掉，身热瘧痲。

桃枝 柳枝 桑枝 夜合枝 槐枝并桤如豆大，各一斗 大豆一升，淘过

共六味。用水一石，慢慢火煎，候豆烂及嚼诸枝无味，即滤汁于银器内，煎令得所，不可熬过，以瓷器盛。每服一匙头许，入卢会末少许，温酒化破，空心徐徐服。

治内痲痲不省方

虎粪曝干 野猪骨并蹄炙，各不拘多少

共研为散。每日空心以酒调下二钱，忌一切有足之物。

水银丸方 治风痲。

水银半两 雄黄研 龙脑研 牛黄研，各一分 丹砂研一钱

再同研匀，用糯米饮和丸如绿豆大。每

服五丸至七丸，熟水下，空心、临卧日再服。

风 狂

论曰：风狂之状，始发则少卧不饥，自高自贤，自辨自贵。盖人之荣卫，周身循五环，昼夜不穷。一失其平，则有血并于阴而气并于阳者，有血并于阳而气并于阴者。阴阳二气虚实不调，风邪乘虚而入，并于阳，则谓之重阳。故其病妄笑好乐，妄行不休，甚则弃衣而走，登高而歌，或至数日不食，故曰狂也。又肝藏魂，魂则随神往来。悲哀动中，有伤于魂，则为狂妄。是亦血气俱虚，风邪乘之，阴阳相并也。

真珠散方 治风狂妄语，心热狂走，不知人。

真珠研 牛黄研 丹砂研各半两 金箔研 银箔研，各五十片 麝香研，一钱 铁粉研 天竺黄 人参 龙脑研，各三分 黄芩一两 防风犀角镑，各半两 茯神二钱 麦门冬一两半 远志 白鲜皮 羚羊角镑，各半两 甘草炙 胡黄连 甘菊花 白附子各三分

除研外捣罗为末，入研药抖匀。每服一钱，加至二钱，薄荷温水或梨汁调下。

茯神汤方 治风狂失神，少卧不饥，笑乐无节，弃衣登高。

茯神去木 杏仁汤去皮尖双仁，各三两 龙齿六两 水石一斤 升麻二两 石膏碎，二十两 沙参 白茯苓 白鲜皮各二两 生麦门冬四两

锉如麻豆。每服五钱，水煎，温服。如病甚，煎成，入竹沥半合，再煎服。

脑 风

论曰：《内经》谓：风气循风府而上，则为脑寒。夫风生高远，始自阳经。然督脉阳维之会，自风府而上至脑户。脑户者，督脉足太阳之会也。又太阳之脉起于目内眦，上额，交巅，上人络脑。今风邪客搏其经，稽而不行，则脑髓内弱，故项背怯寒，而脑户多风冷也。

石膏散方 治脑风，邪气留连，头痛不已。

石膏火煨，研 天南星炮 白僵蚕炒

三味，等分，捣研为散。每服二钱匕，葱白二寸，腊茶一钱，同连须葱煎汤，顿服，良久再服。

谷精草散方 治脑风头痛。吹鼻。

谷精草末 铜绿研，各一钱 硝石半钱，研共研和匀。每服一匙吹入鼻内；或偏头疼，随病左右吹鼻中。

通关散方 治脑风，鼻息不通，不闻香臭，或鼻流清涕多嚏，肩项拘急，头目昏痛，风府怯寒。

原蚕蛾瓦上炒，令黄 白附子炮 苦参 益智去皮 蒺藜子炒，去角 干薄荷各一两

共为散。每服一钱匕，温酒调下，日三服。

点头散方 治脑风头痛。吹鼻。

细辛 高良姜 瓜蒂各一分 硝石半两

共研为细散。用新水满含一口，搐药半匕入鼻中，良久即定。

远志散方 治脑风头痛不可忍。

远志去心，不拘多少

为细散。每用半匙，先含水满口，而搐药入鼻中，仍揉痛处。

羌活丸方 治脑风气鼓，或膈痰气逆，上冲于头，令头眩晕

羌活去芦头，米泔浸一宿，切，焙干，二两半 白蒺藜炒，去角 芎藭 干鸡苏各二两 白僵蚕去头角，炒，一两

共为细末，炼蜜为丸如弹子大。荆芥茶嚼下一粒，不拘时候，入龙脑麝香尤妙。

何首乌丸方 治脑风，鼻息不通，清涕流出，及诸风疾。

何首乌去黑皮，三两 芍药一两 桂去粗皮 乌头 芎藭 甘草炙，锉 藁本 甘松 羌活 天麻 陈橘皮汤浸，去白 缩沙蜜去皮，各二两 墨煨存性，一分

上一十三味，共为末，炼蜜和丸如樱桃

大。每服一丸，薄荷葱酒嚼下，不计时候。

芎藭汤方 治脑风。鼻息不通，或流清涕多嚏。

芎藭二两 细辛去苗叶 黄芩去黑心，各一两 荆芥穗二两 甘草炙，锉，半两

每服三钱，水一盞，入薄荷七叶，同煎至七分，去滓，温服。

吹鼻散方 治脑塞头痛。

卢会研 龙脑研 瓜蒂捣 硝石研

四味，等分，为末。每用一豆许，吹之。

胜金散方 治脑风头痛，鼻塞不通，或流清涕，多嚏不已。

荆芥穗 薄荷叶各四两 木贼去节，二两 蛇蛻二条，炙

四味，捣罗为散。每服三钱，清茶调下，食后日三服。

风 头 眩

论曰：风头眩之状，头与目俱晕是也。五脏六腑之精华，皆见于目，上注于头。风邪鼓于上，脑转而目系急，使真气不能上达，故虚则眩而心闷，甚则眩而倒仆也。

枳实汤方 治风头晕倒眼眩，脑项急痛。

枳实去瓤，麸炒 防风 麻黄去根节，先煎，掠去沫，焙干 芎藭各一两 杏仁去皮尖双仁，炒，一两 半夏为末，生姜汁和作饼，曝干 细辛各二两

粗捣筛，每服五钱匕，以水一盞半，煎至一盞，去滓，入竹沥半合，便煎沸。早晚食前温服。

人参汤方 治头风眩，但觉地屋俱转，目闭不开。

人参 防风 白术 当归酒洗，切，焙 麦门冬去心，焙，各一两 独活去芦头 黄芪 桂去粗皮 芍药各一两半

粗捣筛，每服五钱，水一盞半，煎至一盞，去滓。食前温服，日再夜一。

独活汤方 治风头眩，仆地屋转，呕吐痰涎，恶闻人声。

独活去芦头 茯神去木，各半两 甘草炙 当

归、酒洗，焙，切 牡蛎煨 白术 附子 肉苁蓉
酒浸，切，焙，各一两 黄芪半两 防风 远志去心、
三分 人参二两半

锉如麻豆，每服五钱匕，水一盞半，生姜三片，枣一枚去核，煎至一盞，去滓。温服，不拘时。

菊花汤方 治风头眩闷，起即欲倒，头痛眼疼，视屋转动。

甘菊花 细辛去苗叶，各半两 防风 前胡 茯神 白术 麻黄去根节，各一两 芍药 杏仁汤浸，去皮尖双仁，各三分

每服五钱，水一盞半，煎至一盞，去滓，入竹沥半合，更煎沸，食前温服。

山药散方 治风头目眩，眼痛耳聋。

山药 甘草 五味子 甘菊花择，各半两 细辛 山茱萸 升麻 蔓荆实各三分 防风一两

为细散，每服三钱匕，空心温酒下。

附子膏方 治风头眩。摩顶。

附子去皮脐 盐花各半两

为细末，以麻油和如稀汤。洗头摩之，日三。

守中丸方 治风头眩，脑转目系急，忽然倒仆。

白茯苓去黑皮，十两 麦门冬去心，三两 生地黄酒二十斤，取汁

共八味。将七味捣罗为末，先用生地汁于银器内，入酥三两、白蜜三两同煎，逐旋掠取汁上金花令尽，得五升许，于银器内拌炒前七味药，渐渐令尽，候干入白蜜同捣数千杵，丸如梧桐子大。每日空心或食后清酒下五十丸。服百日后，五脏充满，肌肤润滑，修合择四季旺相日或甲子日。此药亦名五芝地仙金随丸。

风 头 痛

论曰：风头痛之病，由风邪客于阳经，循风府而上至于头脑，令人头重疼痛，心膈烦热，上焦壅滞，头面虚汗。诊其脉，左手寸

口浮紧者是也。

石膏散方 治风壅头痛眉骨疼。

石膏研 芍药 旋覆花各一两 白附子炮 细辛去苗叶 甘草炙，各一两

共捣罗为散。每服半钱匕，腊茶调下，不拘时候。

清气香芎汤方 治头痛。

芎劳五两 细辛去苗叶，二两半 人参 两半 半夏曲 一分，用生姜和半夏末作曲用 甘草炙，二分

上五味，咬咀如麻豆。每服三钱匕，水一盞，入生姜三片、薄荷五叶，同煎七分。温服，不拘时候。

芎劳散方 治风头痛

芎劳 莎草根炒，去毛，一两 藿香叶 荆芥穗各一两 石膏碎，一两半

共为散。每服三钱匕，荆芥汤调下，食后服。

丹砂丸方 治诸风头痛不可忍者。

丹砂别研水飞 石膏烧通赤，地上出大毒 白附子炮，为末，各一两 龙脑少许，研

共同研令匀，粟米饭丸如绿豆大，更以丹砂为衣。每服五丸，食后薄荷茶嚼下。

六神散方 治头痛眼睛痛。

鸡苏 芎劳 马牙硝研，各二钱 石膏研 乳香研，各一钱 龙脑研，一匙

共研为细末。每用一匙，含水搐于鼻中。

吹鼻麝香散方 治头痛不可忍。

藜芦和州者，一茎

一味，曝干，研为散，入麝香麻子许研匀，吹鼻中。

通顶散方 治鼻塞及头痛。

马牙硝研细，半两 地黄汁一合

二味相和，于铜器内用慢火煎干，取出研细。每挑少许入鼻搐上，吐痰即瘥。

偏 头 痛

论曰：偏头痛之状，由风邪客于阳经，其经偏虚者，邪气凑于一边，痛连额角，故谓

之偏头痛也。

至灵散方 治偏头痛。

雄黄研 细辛去苗叶，为末，等分

二味再同研。每用一匙，左边痛搐入右边鼻，右边痛亦然。

乳香散方 治偏头痛不可忍。

乳香如皂子大 高良姜如指头大

二味，于火上烧，迎烟熏鼻，随痛左右用之。

天南星散方 治偏头痛。

天南星酸浆水煮透心，硬切，曝干，一两 菊花三分 自然铜烧赤，醋淬，一两 防风半两，用水一挑，同菊花自然铜防风三味煮，水尽为度，去防风自然铜不用，只单用菊花 芎藭一两

五味，除二味不用外，捣罗为细散。每服半钱匕，腊茶清少许调，只作一口呷尽，分作三咽，每咽点头一点。

葶苈散方 治偏头痛。

葶苈

一味，为细末。每用一匙，先令病人含满口温水，随病左右搐入鼻中。

漏 风

论曰：《内经》曰：饮酒中风，则为漏风。漏风之状，或多汗不可单衣，食则汗出，甚则身寒，喘息，恶风，衣裳濡，口干善渴，不能劳事。又曰：身热懈惰，汗出如浴，恶风少气，亦名漏风。夫酒以养阳，酒入于胃，与谷气相薄，热盛于中，其气慄悍，与阳气俱泄，使人腠理虚而中风，故其证多汗恶风，不可单衣。其喘息而少气者，热熏于肺，风客于皮毛也；其口干善渴者，汗出多而亡津液也；其懈惰而不能劳事者，精气耗不能营其四肢也。谓之漏风，以汗出不止，若器之漏，久而不治，转为消渴。

泽泻散方 治漏风，身热懈惰，汗出如浴，恶风少气。

泽泻 白术各二两半 麋衔 一两

为散。每服二钱，沸汤调，食后服。

黄芪汤方 治风虚多汗，夜卧尤甚，床席衣被并湿。

黄芪 人参各二两 麻黄根 牡蛎煅赤，各三两 地骨皮二两半 龙骨四两

每服三钱，大枣二枚同煎。空心服，日二。

防风散方 治风虚多汗恶风。

防风一两一分 泽泻 牡蛎煅赤 桂各三分为细散。每服二钱，温酒调下。空心服，日再。

杜仲散方 治风虚多汗，夜卧尤甚。

杜仲炙，炒，二两 黄芪 牡蛎煅赤，各三两 麻黄根五两

为细散。每服三钱，煎败扇汤调下。食后服，日二。

劳 风

论曰：《内经》曰：劳风发在肺下，使人强上冥视，唾出若涕，恶风振寒。夫劳风之病，肾劳则根劳于下，经所谓根弱则茎叶枯矣，故目视不明而背反强。肾之脉入肺中，故因皮毛感风而振栗也。肾主唾，故津液凝结，唾如涎涕。治之以救其俯仰者，戒其劳动也。

麻黄汤方 治劳风，胸膈不利，涕唾稠粘，上焦壅滞，喉中不快。

麻黄去根节 荆芥穗 杏仁去皮尖双仁 木香 当归 黄芩去黑心 羌活 芍药 柴胡 大黄炮熟，各一分 半夏汤洗七遍，去滑，一钱 牵牛子半两

每服二钱，生姜一片同煎，食后温服。

芎藭丸方 治劳风强上冥视。

芎藭一两 枳壳去瓢，麸炒

为末，炼蜜丸如梧桐子大。每服十丸，食后温水下。

萎蕤饮方 治劳风，项强急痛，四肢烦热。

萎蕤三两 人参 羚羊角镑，各二两

每半两，入豆豉一合、葱白一握，以水煎，分温空腹二服。

风 头 旋

论曰：风头旋者，以气虚怯，所禀不充，阳气不能上至于脑，风邪易入，与气相鼓，致头晕而旋也。又有膈胸之上，痰水结聚，复犯大寒，阴气逆上，风痰相结，上冲于头，亦令头旋。

松香散方 治风头旋。

松实去壳 白芷 当归 芎藭 甘草炙，各三两 甜瓜子洗，一升

同捣罗为细散，每服二钱，食后以荆芥薄荷清茶调下。

荆芥丸方 治风头旋，目痛眩，肢体拘急，手足少力。

荆芥穗四两 细辛 芎藭 白僵蚕炒，各一两 天麻一两半 羌活 防风 蒺藜子炒，去角，各一两

同为末，炼蜜丸如鸡头大。每服一丸，食后细嚼，荆芥汤下，茶酒亦得。

人参丸方 治风头旋，目眩，痰逆恶心，胸膈痞滞，咳嗽痰涎，喘满呕逆，不欲饮食。

人参 甘草 白术 旋覆花炒，各一两 麦门冬 前胡 枳壳各二两 木香半两

同捣罗为细末，以汤浸炊饼，和丸如梧桐子大。每服二十丸，食后生姜汤下。

祛痰丸方 治风头旋，痰逆恶心，咽喉不利。

天南星生 半夏生 赤茯苓 干姜炮 陈橘皮汤浸，去白，焙，各等分

稀面糊丸如梧桐子大。每服三十丸，加至四十丸，温米饮下。

羚羊角汤方 治热毒风上攻头面，目眩晕，耳内虚鸣，身体瘾疹麻痹。

羚羊角二两 菊花三两 防风去叉 羌活 前胡 藁本 玄参 黄芩 杏仁去皮尖双仁 菖蒲 甘草炙，各一两

每服五钱，水煎，食后温服。

治头旋脑闷，鼻塞眼晕，**贴膏顶方**

蓖麻子去壳，研 杏仁去皮，研 食盐 芎

劳捣末 松脂研，各等分

先捣食盐，次下四味，杵匀，即涂于蜡纸上。有病者，先炙百会三壮讫，将蜡纸药于炙处贴之，日二易，得脓血出效。

风 痰

论曰：风痰之病，得于气脉闭塞，水饮积聚。其状虽有冷热之异，至于心胸痞隔，饮食不化，则一也。盖风壅气滞，三焦不和，则水饮易至停积，风能生热，壅亦成痰，是故有头目不利，神思昏浊之候。其或呕逆，不纳饮食者，则因于胃冷而得之，其治固不可一概也。

半夏饮方 治风痰，心腹烦满，呕逆不欲饮食。

半夏汤浸，去滑 大腹皮 麦冬 赤茯苓 白术 桔梗 前胡各三分 青橘皮去白 厚朴姜汁炙，各二两 防风 枇杷叶拭去毛，炙，各半两

每服三钱，入生姜一枣大，同煎，稍热服。

泽泻汤方 治风痰壅滞，胸膈不利，头目昏眩，不思饮食。

泽泻 前胡 白术 赤茯苓 甘草 人参 半夏汤洗七度，切作片，以生姜汁浸，焙干，炒，各一两 槟榔 陈橘皮汤浸，去白，焙，各三分 枳壳去瓤，麸炒，半两

每服二钱半，生姜半分同煎。温服，不拘时候。

铁刷汤方 治风痰，胃中有寒，呕吐痰涎，胸满气逆。

附子五枚炮，令微折地上，以盏子覆，冷取，去皮脐 半夏汤洗七遍，去滑，麸炒，一两 木香半两

锉如麻豆。每服二钱，入生姜一枣大、大枣三枚，同煎，空心食前温服。

天南星丸方 治风痰，胸膈烦满，头目昏眩。

天南星一斤，每枚重一两者

用汤浸洗，刮去浮皮并虚软处，令浮用

法酒浸一宿，以桑柴蒸，不住添热汤，令釜满甑内气旺，更不住洒酒，常令药润，七个小时满取出，用铜刀切开，拣大者微嚼，看不麻人口即是熟，未熟即便蒸。候熟用铜刀子细切，入石臼内，木杵烂捣如泥，入丹砂一两、水飞过者，麝香一两，细研罗过，丁香末一两，龙脑一两，同捣令匀，丸如鸡头大，又用丹砂末一两为衣。每服一丸，嚼破，用薄荷茶或酒任下，小儿惊风，半丸。合时忌鸡犬、妇人见。

前胡丸方 治风痰不散，食逆呕吐。

前胡 白术 枳壳去瓢，麸炒 半夏汤洗七遍，去滑 赤茯苓 人参各三分 白矾半两 丁香一分

为末，枣肉和丸如梧桐子大。每服二十丸，煎生姜竹茹汤下，食后服。

逐痰丸方 治风痰壅盛，每日早时多喜呕吐。

人参 赤茯苓 干姜 半夏汤洗七遍，去滑，各一两

为末，以粟米饭和丸如梧桐子大。每服二十丸，空心生姜汤下，日午再服。

胃 风

论曰：胃风之状，颈多汗，恶风，饮食不下，膈塞不通，腹善满，失衣则腹胀，食寒则泄注，形瘦而腹大。盖胃者，水谷之海，五脏六腑之大源，因而食寒失衣，则风邪人易感。故证颈多汗，恶风者，以人迎胃脉之所动也；食饮不下，膈塞不通，腹善满者，其经循腹里，其病在中焦也；失衣则腹胀者，重感于风邪，伤肌肉也；食寒则泄者，风寒交伤于胃，故泄注也；形瘦者，精不营也；腹大者，气不通也。

豆蔻丸方 治胃风，颈项多汗，恶风，饮食不下，膈塞不通，腹善满，失衣则腹胀，食寒则泄，形瘦而腹大。

肉豆蔻去壳，半两 羌活 防风 桔梗炒，各一分 陈橘皮汤浸，去白 独活去芦头 葱苡仁

人参 草豆蔻去皮 芎藭各半两 甘草 木香各等分

为细末，炼蜜丸如梧桐子大。每服三十丸至四十丸，米饮下，日三夜一。

厚朴煮散方 治胃风，冷气攻心，腹胀满疼痛，饮食不消，四肢羸瘦。

厚朴姜汁炙 诃梨勒煨，去核，各一两 木香 苍术米泔浸一宿，切，焙 枳壳 当归 桔梗炒，各一两 陈橘皮汤浸，去白，二两

为散。每服三钱，枣一枚，同煎，温服。

风 秘

论曰：风秘之病，以大肠秘涩不通。大肠者，肺之腑，通行水谷，传导所出。若三焦不和，风热所搏，则肠胃干燥，津液虚少，糟粕结聚，传导不行，令人心烦腹满，便秘不通也。

前胡丸方 治风气，润利肠胃。

前胡二两 大黄 黄芩 木通 麻子仁 芍药各一两一分

共为末，炼蜜为丸如豌豆大。每服十五丸，温水食前下。

调中丸方 治大肠风热，秘涩不通。

大黄 鳖甲醋炙黄，去裙襕 朴硝 桃仁汤浸，去皮尖双仁，麸炒，各四两 皂荚五挺，去皮，捶碎。用水一升投取汁，滤过 莱菔一斤，捶碎，绞取汁

共六味。将前四味为末，以陈醋一升半，同莱菔皂荚煎，五七沸后入药末，同熬得所，丸如梧桐子大。每服二十丸，米饮下。

木香丸方 治肠胃风热，津液燥少，大便秘涩。

木香半两 槟榔锉 大黄煨 麻子仁各二两 牵牛子末 郁李仁汤浸，去皮 枳壳去瓢，麸炒，各一两

为末，炼蜜丸如梧桐子大。每服二十丸，温米饮下，食前。

威灵仙散方 治老人风气壅盛，大肠秘涩，五六日方大便一次，头旋目暗，发作无时。

威灵仙一两、酒浸，焙干 羌活去芦头 芍药各半两

为散。每服二钱，空心葱汤调下。

枳壳去瓤，麸炒 防风各一两 甘草炙，半两三味，捣罗为散。每服二钱，沸汤点服。

引饮导秘丸方 治风热，大肠秘涩不通，心烦腹满体热。

槟榔 木香 芍药 羌活 桂各二两
大黄湿纸裹煨 郁李仁浸，去皮尖，各四两

为细末，炼蜜丸如梧桐子大。每服二十丸，浆水下，茶汤亦可。

痲 风

论曰：痲病风之病，其状斑驳，点点相连而大圆，概似白驳而稍微也。皆由风邪热气搏于脾肺二经，流散肌肉使然也。

乌蛇散方 治痲风，颈面斑驳。

乌蛇酒浸，去皮骨，炙，二两 秦艽 芍药各一两半 桂羌活 人参 山梔子 枳壳 丹参 沙参 玄参 犀角镑，各一两 升麻 防风 木通 白鲜皮 黄芩 葵藜子炒，去角，一两 苦参二两

共为散。每日温酒调下三钱，食后、临卧服。

雄黄散涂方 治痲风，面颌颈忽生斑驳，其状如癣。

雄黄 硫黄 白矾并研如粉，各一分

三味，合研匀，以炼成猪脂调和，涂上。

附子散方涂方 治痲风，身体斑驳。

附子一枚，大者，去皮，生用 硫黄研，半两
苍耳苗一握，干者

三味，捣研为末，以米醋调。先以布巾揩痒上，即以药涂之，干再涂。

巴豆涂方 治痲风，面颊颈项忽生斑驳如癣。

巴豆去皮，生用，一分 酃醋一合

先以新布揩令赤，于故沙盆内，用醋磨巴豆如稀膏，涂于患上。

白 驳

论曰：白驳之病，其状驳斑如癣，过于痲痒，但不成疮尔。皆由风热搏于肤腠，脾肺二经不和也。

治白驳敷方

雌黄 石硫黄各一两，研如粉 蛇蛻皮一条，大者，烧灰

同研细，用醋调成膏。先以巴豆一粒中截，以平处磨，令皮起，然后敷药，三两遍即瘥。

治头项及面上白驳，渐长如癣，但不成疮，宜用此敷方。

桂去粗皮，一两

研为末。每用半钱或一钱，以津唾和，敷于白驳上，日三。

治面颈身体白驳傅方

鲇鱼一头，约重半斤。去肠肚洗净后，一依鲙法。用盐椒葱粳米拌匀，即用青荷叶裹作三包，各用薄片系

更用荷叶裹，令大臭烂。先以布拭白驳令赤，次炙鲙包，热熨令汗出，以绵衣包，无令风冷所伤。

蛇蛻皮方 治周身白驳，渐长似癣，但不成疮。

蛇蛻皮一条，大者

炒熟，按摩白驳，时时唾唾，数百遍，弃之田野草中。

鳊鱼涂方 治颈项及面上白驳，浸淫渐长如癣状，但不成疮。

鳊鱼一条，肥者

炙令脂出。先将白驳用物揩拭之，令小痛，然后用鱼脂涂。

大蛇皮涂方 治面颈身体白驳风。

蛇蛻皮大者，烧作灰 石硫黄研 槲皮烧作灰，二钱

三味，令研极细，以清热漆调和，勿令稠硬，薄涂白驳处。欲涂药时，先以巴豆中截，用平处摩，令皮微起，然后敷药。

白 癩 风

论曰：白癩风之状，皮肤皴起，生白斑点是也。由肺脏壅热，风邪乘之，风热相并，传流荣卫，壅滞肌肉，久不散消，故成此疾也。

乌蛇散方 治白癩风，身体痿麻。

乌蛇酒浸，去皮骨，炙，三两 白僵蚕炒 胡麻子 独活 天麻各二两 乌头去皮脐 细辛 防风去叉 桂 枳实 蝉蜕 白附子炮，各半两 天南星 一分

为散。每服温酒调二钱，不计时候。

治白癩风方

杏仁去双仁，不去皮尖，生用

每日早晨烂嚼二七粒，于白点处搽，夜卧再用。

治白癩风方

鸡子二枚，和壳以米醋三升浸七日，取白 石硫黄研，半两 附子去皮脐，生用，一枚，重半两者 粟米二钱

共四味。将后三味捣罗为末，以前鸡子白调和稀糊。临用药，先以葛布揩患处令赤，涂之。

苦参膏方 治白癩风。

苦参 盐各一分

研为末，先以酒一升，煎至四合，入药二味搅匀，慢火再煎成膏。每用先以生布揩患处令赤，涂之。

紫 癩 风

论曰：紫癩风之状，皮肤生紫点，搔之皮起，而不痒痛是也。此由风邪挟湿，客在腠理，荣卫壅滞，不得宣流，蕴于皮肤，致令色紫，故名紫癩风。

乌蛇散方 治痿麻紫癩风。

乌蛇酒浸，去皮骨，炙 防风 羌活 人参 玄参 沙参 苦参 丹参 白附子 蒺藜子炒，去角，各一两

为散。每服一钱，温酒调下。

附子硫黄散方 治紫癩风斑点。

附子生用，去皮脐，一枚 石硫黄别研，半两 共研为细散，入胡粉一分、膩粉少许，同繁柳汁和匀。临卧搽三五遍，早晨温浆水洗。不三五夜瘥。

牡蛎散方 治紫癩风。

牡蛎 胆矾各半两

二味，生用，为散。酃醕调，摩患处。

胡桃涂方 治紫癩风并白癩风。

初结青胡桃一颗，取外皮用 石硫黄一皂子，研如粉

二味，先取胡桃皮切研如膏，入硫黄末和匀，涂之。

羊蹄根涂方 治紫癩风。

羊蹄根绞自然汁，半合 生姜绞自然汁，半合 石硫黄四钱，研如粉

三味，将二汁与硫黄末同研，令粘涂患处，一日不得洗。不过两上瘥。

恶 风

论曰：恶风者，皆五风厉气所致也。风有青白赤黑黄之异，其毒中人五脏，则生虫亦有五种。虫生息滋蔓，入于骨髓，五脏内伤，形貌外应，故食肝则眉睫堕落，食肺则鼻柱倒塌，食脾则语声变散，食肾则耳鸣如雷鼓之声，心不受食，食心则为不可治，是故谓之恶风。

五参散方 治恶风。

人参 沙参 丹参 玄参 苦参 木通 蒺藜子 乌蛇浸，去皮骨，炙 干蝎 天麻 赤箭 何首乌 陈橘皮各一两 黄芩半两 原蚕蛾 一分

并生用，为散。每服三钱，热茶调下，服及半料，即减服二钱。初服三日后，先觉头项脊臂身上疼痛，乃药力与病相击也，当安卧两复时许即无事。如或身上有疮肿，服药一日后便觉渐减。

何首乌丸方 治脾肺风并恶风等疾。

何首乌 石菖蒲 荆芥穗 苍耳 胡麻

炒，各一两 玄参 沙参 苦参 白花蛇酒浸，去皮骨 乌蛇酒浸，去皮骨，各半两

共捣研为末，炼蜜和丸如梧桐子大。每服十丸，茶酒任下。如要作散，每服二钱，温酒调下，不计时候。

威灵仙散方 治恶风。

威灵仙二两 丹参六两 羌活一两 独活一两 苍耳四两 仙灵脾 玄参 人参 沙参各二两 紫参一两 甘草一两，生用 黄芩二两

为散。食后、临卧温水调下一钱。若身体无疮眼，瞳人不断，鼻梁不塌，服之一料可瘥。

蔓荆实方 治肺脏风毒发作，如癫变成恶风证。

蔓荆实去白皮，生用，四两 胡麻研为末，炒熟，半两 天麻二两 菊花未开者良，生用，四两 天南星 枸杞生用，四两 苦参研取粉，四两

为散。每服温酒调下二钱，日三次。每服宜去食稍远，恐药食相犯。

大风眉须堕落

论曰：大风眉须堕落，盖癩病也，皆由恶风染著，荣卫不清，风湿毒气浸渍肌肉，致淫邪散溢，痒搔成疮，皮肤痒溃，鼻柱倒塌，眉须堕落。

枳壳散方 治大风癩病，眉须堕落，热毒风入五脏，身体头面生疮。

枳壳去瓢，麸炒 黄芪 苍耳 白术 蒺藜 白蒺藜炒 防风生用 升麻生用 梔子仁研，三分 漏芦 黄连 人参 天门冬 防己 干姜 芎藭 丹参 麻黄去根节，煮，去沫 白芷 甘草炙 葛根各半两 玄参紧者，二两 乌蛇酒浸，去皮骨，炙，一两

共为末散。每服温酒调下二钱至三钱空心、夜卧服。

梔子散方 治大风癩疾，眉须堕落，遍身痲麻，手挛缩。

山梔子二两半 芎藭一两半 藜蘆二分 当归 蔓荆实各一两 桔梗一两三分 羌活

白蒺藜 白茯苓 防风各一两三分 侧子 天麻各半两

每日空心温酒调下二钱，加至三钱，夜卧时再服。服至一料，眉须再生。

羚羊角饮方 治大风癩，身上生疮，并面部浮肿，眉须堕落，四肢痿痹。

羚羊角镑 甘草炙，各三分 独活 山梔子仁各一两半 防风一两 枳壳 黄芪 蒺藜 丹参去苗，少炒 玄参 木通各一两一分

每服五钱，水煎。温服，每日早食后及夜卧各一服。

大风出虫

论曰：虫，动物也，皆风之所化。风入五脏，化生五虫，则生五癩。入肝，其虫青；入心，其虫赤；入脾，其虫黄；入肺其虫白；入肾，其虫黑。四虫皆可治，惟黑虫为难疗，或所伤未深，专意治之亦可瘥。

熟艾方 治大风癩，熏出虫。

艾叶别揉令熟 砒霜研 水银与雄黄同研 膩粉 硫黄 丹砂研 阿魏酒化，去沙石，面和作饼，炙 附子 雄黄研细。入水银，点醋再研，令星子尽。始入膩粉砒霜硫黄丹砂，同研，各一两 麝香研，半两 猪牙皂角一斤，去皮，研为末

共十一味。除艾叶皂角别捣为末外，并合细研。用纸四张，先布，次艾糝皂荚末，次糝诸药末，卷，刀切如饼啖，著碗内烧，以小木甑子笼碗，以衣衬四边，坐于上熏，以衣被遮壅，定不令透出气，热闷即俯伏。

独活散方 治大风癩，出五虫。

独活三分 雄黄研半两 青黛研，一分 麻黄去根节，煮，去沫，半两 水银一分，与丹砂雄黄点醋同研，以水银星子尽为度 阿魏生研，一两 雷丸 丹砂 滑石研，各半两 石胆 牛黄 紫石英研，各一分 斑猫四十枚，与糯米同炒，去翅足，米不用 芫青四十枚，与糯米同炒，去翅足，米不用

共一十四味。研为散。每服一钱，空心温酒调下，不得饱食，晚更服，当有虫从小便中出，或当日、或三四日至十日方出。若泻出赤

虫如烂樱桃、或如豆麦、或泻出黄虫似黄涕、青虫似青涕、菜汁、白虫似马尾。虫遇药气即死。或随大便下。惟黑虫如豆豉汁、此为难治。

大风癰病

论曰：癰者，《内经》为病。癰者，荣气热，其气不清，故使鼻柱坏而色败，皮肤疡溃。其证不同，其始则乍寒乍热，腠理壅塞，血气精髓耗竭，久而不治，令人痞痹，汗不流泄，手足酸疼，面目习习奕奕，胸颈间状如虫行，身体遍痒，搔之成疮。或身体锥刺不能，青赤黄黑如腐木形，或痛无常处，流移非一，或似绳缚拘急，不可俯仰，眼目浮肿，小便黄赤余沥，心神恍惚而善噫也。日月浸久，其风化生毒虫。虫既变动，外先食气血，肤革不泽；其内则食五脏，食肝则眉睫堕落，食肺则鼻柱损坏，食脾则语声散乱，食肾则耳闻雷鼓之音，食心则死。推是癰病率皆风与虫之为害也。

羚羊角散方 治大风癰疾。

羚羊角镑 犀角镑 吴茱萸汤洗，焙炒，各一分 羌活 独活各半两 麻黄去根节，炙 乌蛇酒浸，去皮骨 蔓荆实去白皮 当归 黄芪 防风 附子 杏仁去皮尖 蒺藜子炒，去角，各半两为散。每服一钱，空心服，食前温酒调下。

乌蛇丸方 治大风癰疾，若眼脉断，指节冷落，脚下有疮。语声哑，为不可治，如未有此证，宜服。

乌蛇一条，酒浸，去皮骨首尾，二两 檀香 丁香 茜根 紫葛 防风 苦参 独活 沙参 梔子仁 酸枣仁生用 槐子 白芷 附子 藁本 防己 羚羊角 苍术醋炒 犀角，镑 草薢 秦艽 桃胶生用 羌活仁炒 栝蒌根 乌药各三分 桑根白皮三两 木通一两半

共捣罗为末，炼蜜丸如赤小豆大。每服空心温酒下十丸至十五丸，日二。如不饮酒，薄荷槐白皮汤下；如要速瘥，宜用后汤药下。

桑枝汤方 治大风癰疾。下药。

桑枝 柳枝 槐枝 枸杞根 黄荆根

羚羊角镑，各一两

六味并生用，锉如麻豆大。每服用药五钱，以水一盞半煎七分，下前丸药。服一月，必觉四体皮肤痒痛不可忍，但宜饮酒，不得搔抓，仍频饮食，避外风。如有汗，必腥臭，及有虫从皮肤中出，如面尘，或马尾头发尖，或如线系尖，或如麸皮片，头黑身白，形色不定。但痒之后，仔细看之，或从小便中出，或从泻泄中出者，大效。此疾稍退，终身禁房室，又忌动风物，时以苦参汤洗浴，须换新衣，其旧衣并床荐等并焚之。

艾蒿酹酒方 治大风癰病，身体面目俱有疮痍，恶汗自出。

白艾蒿十束，每束如升许大，净择，水洗，细锉

一味，煮取浓汁，拌曲米一如常酹法，酒熟去糟取清，稍温饮之，令常醺醺然。

天门冬丸方 治大风癰病。

天门冬去心，生用，五斗，研，绞取汁

一味，纳瓷器中，密盖口以蜡封，勿失药气，于净室中经一年取开，其色赤如沙糖，即入苦沙参粉及干地黄末，为丸如梧桐子大。每服十丸，温水下，食后服。

百花煎方 治大风癰疾。

白蜜二十两 石榴七颗，甜者，并皮用 生姜去皮，细切，八两

三味，先研生姜石榴，绞取自然汁，更滤令净，入蜜，盛于瓷瓶，以蜡封口，勿令通气，垂系于釜中勿到底，以重汤煎，一复时成煎。空心酒调二钱，加至三钱，日二夜一。旬日内有恶物随便面出，是病根散矣。

黄精丸煎方 治大风癰疾，面赤疹起，手足挛急，身发疮痍，指节落。

黄精生者，十二斤 白蜜五斤 生地黄肥者，五斤

三味，先将黄精生地黄洗净细锉，以木石杵柏捣熟，复研烂，入水三斗，绞取汁置银铜器中，和蜜搅匀煎之，成稠煎为度。每用温酒调化二钱至三钱，日三夜一。久服，风

癰瘡平，面如童子，延年不老。

萎金丸方 治大风癰病。

金箔五十片 牛黄研 麝香研 龙脑研
白附子炮 天竺黄各半两 人参 白芷 细辛 芎藭 天南星生用，各二分 天麻 白花蛇酒浸肉，炙 防风各一两半 黄芪 藁本 白僵蚕 羌活 麻黄 白茯苓 犀角镑 羚羊角 芍药 甘草炙，各一两 甘菊三两

共研为细末，别用生地黄汁、蜜半斤、酒一斤、酥三分慢火同煎成，放冷，和药末匀，丸如鸡头大。每服三丸，细嚼茶酒任下。

黄芪丸方 治大风癰疾。

黄芪 防风 丹参 白术 白茯苓 芎藭 山梔子 赤芍药 枳壳 细辛各一两半 大腹皮一两三分 升麻 秦艽各二两 蒺藜子 独活 苦参各三两

共为末，炼蜜和丸如梧桐子大。空腹煎枳壳汤下二十九，日再服。

乌 癰

论曰：乌癰，初觉皮肤变异，肌腠之间淫淫跃跃，如虫行动，眼前有物，如系悬布，时发惊恐，言语错乱，皮肉癰疹如桃李实，或赤或黑，手足痠痹，不知痛所；或脚下痛不可践地，身体生疮，两肘如缚，此名黑癰。皆由恶风日渐伤损，血气不荣所致也。

马先蒿散方 治乌癰。

马先蒿不计多少，一名马禾蒿，名烂石草，细切，焙干用

捣罗为散。每服一钱，荆芥薄荷汤下。

治乌癰浸酒方

苦参根白皮五斤

细锉如麻豆，生绢袋贮，好酒三斗，冬浸七日，夏浸四日。每温饮二合至三合，日二夜一，渐加五七合。

露蜂房酒方 治乌癰。

露蜂房五两 苦参四斤

二味，锉细，用水三斗，煮取一斗五升，去滓，浸曲四斤半、炊黍米二斗，如常酝法，酒

熟。每服三合至五合，日二夜一，稍增无妨。

雌黄散涂方 治乌癰。

雌黄半两

以米醋和鸡子清如膏。涂疮上，干即便涂。

白 癰

论曰：白癰之状，语声嘶哑，目视不明，四肢痠痹，关节热痛，如火燔灼，脊脊拘急，肉如刀劈，手足缓弱，身体癰疹，鼻生息肉，目生白珠，肉色斑白，故谓之白癰也。

乌蛇散方 治白癰，语声嘶败，四肢痠痹，瘙痒生疮。

乌蛇酒浸，去皮骨，炙 葛根各一两一分 苦参 紫参 沙参 人参 芎藭 天麻 黄芩 木通 地骨皮 防风 防己 白术 蒺藜 黄连 莽草叶 木兰皮 附子炮，去皮脐 乌头炮，去皮脐 牛膝 姜蕤 槟榔煨 熟干地黄 芍药 桂 玄参 龙骨研 石膏研 升麻 菊花未开者炒 蒺藜子炒，去角 秦艽 细辛去苗叶 天雄炮，去皮脐，各一两 当归切，焙 甘草炙 远志 巴戟天 苍耳花炒干，各三分 吴茱萸汤洗 麝香研，各半两

上四十二味，捣研细罗为散。每服二钱，空心温酒调下，加至三钱，晡时服。

白花蛇散方 治白癰，语声嘶哑，目视不明，四肢痠痹，关节热痛，身体癰疹，鼻生息肉。

白花蛇酒浸，去皮骨 天麻 槐子 羌活 防风 晚蚕沙炒 蔓荆实 白鲜皮 威灵仙 枳壳各一两 甘草炙，半两

捣罗为散。每服一钱，温酒调下，不拘时候。

诸 痹 门

诸 痹 统 论

论曰：饮天和，食地德，皆阴阳也。然

阳为气，阴为血，气为卫，血为荣，气卫血荣，通贯一身，周而复会，如环无端，岂郁闭而不流哉！夫惟动静居处失其常，邪气乘间，曾不知觉，此风寒湿三气所以杂至，合而为痹。浅则客于肌肤，深则留于骨髓。阳多者，行流散徙而靡常；阴多者，凝泣滞碍而有著。虽异状殊态，然即三气以客之，则所谓痹者，可得而察矣。且痹害于身，其为疾也，初若无足治，至其蔓而难图，则偏废弗举，四体不随，皆自貽伊戚者也，可不慎哉！

痛 痹

论曰：寒气胜者为痛痹。夫宜通而塞则为痛。痹之有痛，以寒气入经而稽迟，泣而不行也。痛本于寒气偏胜，则阳气少，阴气多，与病相益。治宜通引荣卫，湿润经络，血气得温则宜流，自无壅阏矣。

茯苓汤方 治风湿痹，四肢痛痹，拘挛浮肿。

赤茯苓 桑根白皮各二两 防己 桂 芍药 芍药 麻黄去根节，各一两半 甘草炙，一两

每服五钱，枣一枚去核，水煎，温服，连三服后，以姜粥投之，汗出为度。

天雄丸方 治风湿痹，皮肉不仁，骨髓疼痛不可忍者。

天雄去皮脐 附子去皮脐，炙，各一两 桂一两半 干姜炮三钱 防风三钱

为细末，炼蜜丸如梧桐子大。每服二十丸，温酒下，日三夜一。

当归摩膏方 治诸风寒湿，骨肉痹痛。

当归 细辛一两半 桂一两 生地黄一斤，切，研，绞取汁 天雄十枚，去皮脐，生用 芍药半两 白芷三分 丹砂研一两 干姜二分 乌头生用，一两三分 松脂四两 猪脂四两，别炼，去滓

共十二味。先将八味锉如大豆粒，以生地汁浸一宿，与猪脂松脂同慢火煎，候煎白芷黄色，以厚棉滤去滓，瓷盒盛，入丹砂末，

不住搅，至凝即止。每用药用火灸，手摩病处千遍。

著 痹

论曰：《内经》谓：湿气胜者为著痹。地之湿气，感则害人皮肉筋脉。盖湿，土也，土性重缓，荣卫之与湿俱留，并以湿胜，则著而不移也。其证多汗而濡者，以阴气胜也。治宜除寒湿，通行经络即瘥。

天雄酒方 治寒湿著痹，皮肉不仁，至骨髓疼痛。

天雄 附子去皮脐 防风 独活 当归 白术 五加皮 芍药 桂 干姜各二两

锉如麻豆，以夹绢囊盛，用无灰清酒一斗浸，春夏五日，秋冬七日。温饮，任性加減，以醉为度。

茯苓汤方 治风湿痹自著不去，四肢痠麻，拘挛浮肿。

赤茯苓 桑根白皮各二两 防己 桂 芍药各一两半 甘草三两 芍药 当归 麻黄去根节，煮，各一两半

每服六钱，枣三枚劈破，同水煎，温服。如欲出汗，以生姜热粥投之。汗出，慎外风。

治风湿著痹，服药虽多，肌肉犹痠痹，**摩风膏摩之方**

防风 羌活 芍药 细辛 蜀椒去目并闭口 当归 白敛 踯躅花各半两 白芨 丹参 黑参 桂 附子 乌头 皂荚 莽草各一分 杏仁半两 苦参一两

细锉如麻豆，以米二升拌匀，浸三宿，熬干，同腊月猪脂二斤以文武火煎一日，绵滤去滓，瓷瓶贮。每用少许，点摩痠痹处。兼治一切风毒，其膏年岁深久者尤佳。

龙虎骨方 治风湿著痹，肌肉痠厚，不知痛痒。

龙骨二两 虎骨三两，酥涂炙 当归 桂各一两 皂荚半斤，肥者，去子

共为末，先别用好肥皂荚十挺，以苦酒三升掇取汁，去滓，入铛中煎，減半，即入

前药，同煎如稀汤，入瓷盒盛。每用少许，揩摩痼痹处。

行 痹

论曰：《内经》谓：风寒湿三气杂至，合而为痹。其风气胜者为行痹。夫气之在人，本自流通，所以痹者，风寒湿三气合而为病。然三气之中，各有阴阳。风为气，善行数变，故风气胜，则为行痹。其证上下左右无所流止，随其所至气血不通是也。治法虽通行血气，宜多以治风之剂。

防风汤方 治行痹行走无定。

防风 甘草各一两 黄芩三分 当归 赤茯苓各一两 秦艽 葛根三分 桂去粗皮 杏仁炒，各一两 麻黄去根节，煎，去沫，半两

每服五钱，枣二枚，生姜五片，酒一盅，水一盅，同煎，温服。

山茱萸丸方 治风痹游走无常处，亦治血痹。

山茱萸炒，一两一分 生干地黄二两 山药 牛膝 泽泻 萆薢各一分 天雄 蛭虻 车前子 干漆 狗脊去毛 白术 地肤子各二分 茵芋半两

共为细末，炼蜜丸如梧桐子大。每服温酒下二十丸，加至三十丸。

皮 痹

论曰：风寒湿三气杂至，合为为痹。以秋遇此为皮痹。盖肺主皮毛，于五行为金，于四时为秋，当秋之时，感于三气，遂为皮痹。盖正言其时之所感者尔，固有非秋时而得之者，皮肤不营，而为不仁，则其证然也。

防风汤方 治肺中风寒湿，项强头昏，胸满短气，嘘吸颤掉，言语声嘶，四肢缓弱，皮肤痲痹。

防风 芎藭 麻黄各一两 独活 桂 前胡 五味子 附子 杏仁 人参 茯神各三分 甘菊花 黄芪 甘草各半两

每服四钱，生姜五片，水煎，温服。

蔓荆实丸方 治皮痹不仁。

蔓荆实去浮皮，三钱 防风 羌活 桔梗 白附子 枳壳 蒺藜子炒，去角，各半两 皂荚半斤，新水浸一宿，绢滤去滓，入面少许，同煎成膏 七味为末，入膏中和捣，丸梧桐子大。每服二十丸，食后热不下。

天麻丸方 治皮肤痲痹。

天麻二两 玄参 没药研 地榆 乌头 各一两 麝香研一分

四味为末，与二味研者和匀，炼蜜丸如梧桐子大。每服二十丸，空心、食前温酒下。

肌 痹

论曰：风寒湿三气杂至，合而为痹。以至阴遇此者，则为肌痹。其状皮肤弗营，肌肉痲痹而不仁是也。

西州续命汤方 治肌痹，津液开泄，时复不仁，或四肢急痛。

麻黄去根节，煎，去沫，焙干 当归切，焙 石膏研，各二两 芎藭 桂 甘草 黄芩 防风 芍药各二两 杏仁汤浸，去皮尖，炒，四十枚

每服四钱，生姜一片，枣二枚，水煎，温服，不计时候。

细辛汤方 治肌痹淫淫如虫行，或腠理开疏汗出，皮肤肉色不泽，唇鼻黄。

细辛 防风 白术 附子 桂各一两 石膏研 黄芪 麻黄去根节，煎，掠去沫，焙干，各二两 枳实去白，麸炒 甘草各半两 当归一两

每服四钱，生姜五片，水煎，温服。

血 痹

论曰：血痹之状，形体肌肤如被微风所吹者是也。盖血为阴，邪入于血而痹，故谓之血痹。宜先针引阳气，后以药之。

芍药汤方 治风血痹，身体不仁，肉冷。

赤芍 侧子 桂 麻黄 萆薢 当归 丹参各一两 细辛 甘草各半两

每服三钱，生姜五片，水煎，温服。

黄芪汤方 治风血痹，阴阳俱微，寸口

关上微，或尺中小紧，其状身体不仁，如贼风所中。

黄芪 芍药各一两 桂三分

每服五钱，枣二枚，生姜一片，水煎，早晨、日午、晚每各一服。

草薢丸方 治风邪游走无定处，名曰血痹。

草薢 山药 牛膝 泽泻各一两 白术三分 地肤子半两 山萸炒一两 狗脊三分 茵芋一分 熟干地黄三两半

共为末，炼蜜和丸如梧桐子大。每服十丸，温酒下，不拘时，稍加至五十丸。

脉 痹

论曰：血性得温则宣流，得寒则凝涩。凝涩不行，则皮毛萎悴，肌肉痠痹。《内经》谓：风寒湿三气杂至，合而为痹。又曰：夏遇此者为脉痹，痹则血凝不流可知也。

人参丸方 治脉痹，通行血脉。

人参 麦门冬 茯神 龙齿 远志 黄芪 菖蒲 赤石脂各一两 熟干地黄二两

为末，炼蜜丸如梧桐子大。每服食后良久，以清粥饮下三十丸。

防风汤方 治脉痹。

防风 当归 秦艽 赤茯苓 茵芋去茎 甘草炙 桂去粗皮 杏仁去皮尖双仁，麸炒 独活各一两

每服五钱，以酒水各半，生姜半分同煎服。

筋 痹

论曰：经曰：风寒湿三气杂至，合而为痹。又曰：以春遇此者为筋痹。其状拘急，屈而不伸是也。筋痹不已，复感于邪，内舍于肝，是为肝痹。其状夜卧则惊，饮多，数小便，上为引如怀。盖淫气乏竭，痹聚在肝。治法以筋痹为先，筋痹既平，则邪弗入于肝矣。

天麻丸方 治筋风，四肢挛痹。

天麻 细辛 菖蒲 赤箭 地榆 人参

各二两 附子 芎藭 木香各一两 桂一两半 苦参三两 牛膝酒浸，二两 陈橘皮汤浸，去白，焙干，一两 当归切，焙 赤芍 酸枣仁 威灵仙去土 藁本 防风 独活各二两

共为细末，炼蜜和杵为丸如梧桐子大。每服温酒下二十九至三十丸。

牛膝汤方 治筋痹，以筋虚为风所伤，故筋挛缩，腰背不伸，强直时痛。

牛膝酒浸 防风 丹参 前胡各二两 石斛二两半 桂除酥炙 秦艽去苗土 续断各一两半 陈橘皮去白，一两 大麻仁一合

除大麻仁外捣筛，每服五钱煎熟，别下麻仁末一钱再煎，空心服，日二。

防风汤方 治肝痹，头目昏塞，四肢不利，胸腹虚烦。

防风一两 芎藭 黄芪 五味子 人参 茯神 独活 羚羊角镑屑 前胡各三分 细辛 酸枣仁 甘草各半两

每服三钱，大枣三枚，水煎，温服。

骨 痹

论曰：经谓：人有身寒，汤火不能热，厚衣不能温，然不冻栗，是人者，素肾气胜，以水为事，太阳气衰，肾脂枯不长，一水不能胜两火。肾者水也，而生于骨，肾不荣则髓不能满，故寒甚至骨也。所以不能冻栗，肝一阳也，心二阳也，肾孤脏也，一水不能胜二火，故不能冻栗。病名曰骨痹，是人当挛节也。夫骨者，肾之余；髓者，精之所充也，肾水流行，则髓满而骨强。迨夫天癸亏，凝涩则肾脂不长，肾脂不长，则髓涸而气不行，骨乃痹，而其证内寒也。虽寒不为冻栗，则以肝心二气为阳火，一水不能胜之，特为骨寒而已。外证当挛节，则以髓少而筋燥，故挛缩而急也。

石斛丸方 治肾虚骨痹，肌体羸瘦，腰脚酸疼，饮食无味，小便滑数。

石斛去根 牛膝酒浸 续断各三分 菟丝子酒浸，别研 石龙芮炒 桂各一两 肉苁蓉酒

浸，三分 鹿茸去毛，酥炙，一两 杜仲 白茯苓
熟干地黄各三分 附子一两 巴戟天半两
防风三分 桑螵蛸炙 芎藭各半两 山茱萸三
分 复盆子半两 补骨脂 草澄茄各一分 五
味子半两 泽泻一两 沉香 茴香子各三分，炒
薏苡仁一两

共为末，炼蜜和杵数百下，丸如梧桐子大。每服空心以温酒下三十九，日二服。

熟干地黄丸方 治肾虚骨痹，面色萎黑，足冷耳鸣，四肢羸瘦，腰膝缓弱，小便滑数，补肾。

熟干地黄 肉苁蓉酒浸 磁石煅，醋淬，二两 山茱萸三分 桂去粗皮 附子各半两 山药三分 牛膝酒浸，切，焙，一两 石南 白茯苓 泽泻 黄芪各三分 鹿茸去毛，酥炙，二两 五味子三分 石斛一两 复盆子三分 远志三分 补骨脂炒，一两 草薢 巴戟天各三分 杜仲一两 菟丝子二两，酒浸，别研 白龙骨一两

共为末，炼蜜和杵数百下，丸如梧桐子大。每服空心以温酒下三十丸，日三服。

肠 痹

论曰：《内经》曰：肠痹者，数饮而出不得，中气喘争，时发飧泄。夫大肠者，传导之官。其所以传导者，皆冲和之气。今风寒湿三气乘虚客于肠间，则邪留而和气闭矣。故其证数饮而出不得，中气喘争，时发飧泄。大小肠气痹，水道不通，故虽多饮而不得溲便。并气于大肠，使糟粕不化，故中气喘争，时发飧泄也。

草豆蔻散方 治肠虚，寒湿内攻，腹痛飧泄。

草豆蔻 陈橘皮汤浸，去白，各一两 桂 木香 白术 当归切，焙 白豆蔻仁 丁香 肉豆蔻仁 良姜各半两

为散。每服一钱，生姜枣汤调下，食前服。

诃梨勒丸方 治肠痹飧泄，腹肋胀满。

诃梨勒煨，用皮，一两 干姜二分 当归炒，一

两 黄连去须，一两 白术一两 木香二分 厚朴生姜汁炙，一两

为末，炼蜜和杵二三百下，丸如梧桐子大。每服三十丸，粥饮下，不拘时候。

周 痹

论曰：《黄帝内经》谓：周痹者，在于血脉之中，随脉以上，随脉以下，不能左右，各当其所。夫风湿寒之为痹，本痹而不通，今乃能周身上下者，以其邪中于血脉之间，与脉流通，随气上下升降无碍也。

黄芩汤方 治周痹身体不仁。

黄芩 甘草 防风各半两 秦艽 葛根 杏仁麸炒，各一分 桂 当归 赤茯苓各半两 为散。每服六钱，水酒各半，枣二枚，生姜一片，同煎。温服，日二夜一。

续命汤方 治八风十二痹

羌活三分 茯神 薏苡仁炒，各一两 每服六钱，别入竹沥一匙，更煎数沸。温服，日二夜一。

醍醐方 治寒湿周痹。

醍醐一两

每日空心以温酒五合和一匙服之。

大豆蘗方 治周痹，除五脏留滞、胸中结聚，益气止毒，润皮毛，补肾。

大豆蘗一升，炒，令香熟

为末。每空心温酒调下一匙，再加。

野驼脂方 治周痹。

野驼脂炼了，滤过，一斤

别入好酥四两，同炼搅匀。每服半匙，以热酒半盏和化服之，加至一匙，空心、食前各一服。

痹 气

论曰：《内经》谓：人身非衣寒也，中非有寒气也，寒从中生者何？是人多痹气也。阳气少，阴气多，故寒如从水中出。夫阳虚生外寒，阴盛生内寒。人身阴阳偏胜，则自然生寒热，不必外伤于邪气也。痹气内寒者，以

气痹而血不能运，阳虚而阴自盛也，血凝泣而脉不能，故其证身寒，如从水中出也。

温补鹿茸丸方 治阳气虚，阴气盛，痹气内寒，如从水中出。

鹿茸酥炙，四两 人参 天雄 五加皮 五味子 牛膝酒浸 防风 远志 石斛 山药 狗脊各一两 肉苁蓉酒浸，切，焙 熟干地黄各三两 草薢 石南 蛇床子 白术各三分 巴戟天 天门冬 杜仲各一两半 干姜 吴茱萸，炒 桂附子去皮脐 细辛 蜀椒去目，并合者，各三分 白茯苓 菟丝子酒浸，别捣，各一两一分 复盆子 石龙芮各二两

除菟丝子别捣外，捣罗为末，再拌匀，炼蜜丸如梧桐子大。每服温酒下二十丸，加至三十丸，空心、食前日三。

补益黄芪丸方 治阴盛阳虚，痹气身寒，如水中出。

黄芪 鹿茸酥炙 白茯苓 乌头去皮脐 干姜各三分 桂 芎藭 当归 熟干地黄各一两 白术 菟丝子酒浸一宿，别捣 五味子 柏

子仁 枸杞根各一两半 大枣去核，二十枚

共十五味。除菟丝子别捣外，同捣罗，再拌匀，炼蜜丸如梧桐子大。每服空心温酒下十五丸，日三。

热 痹

论曰：《内经》于痹论有云，其热者，阳气多，阴气少，阳遭阴，故为热痹。盖腑脏壅热，复遇风寒湿之杂至，客搏经络，留而不行，阳遭其阴，故痛痹翕热而闷也。

升麻汤 治热痹

升麻 射干 甘草 芎藭 人参各二两 赤小豆炒，三合 麦门冬 生姜 萎蕤各三两 每服四钱，生地黄汁半合，青竹叶十五片，水同煎。温服，不拘时候。

犀角升麻汤 治热痹。

升麻二两 茯苓 人参 防风 犀角镑 羚羊角 羌活去芦头，各二两 桂半两 每服四钱，生姜一块，水沥少许，水同煎，温服。

圣济总录纂要 卷三

清 新安 程 林云采纂辑

鄞县 曹炳章赤电校点

伤 寒 门

伤 寒 统 论

论曰：风寒暑湿，饮食劳倦，皆能为病，是谓五邪。冬伤于寒者，春必病温；春伤于风者，夏必飧泄；夏伤于暑者，秋必疟疾；秋伤于湿者，冬必咳嗽，是乃四时之气也。然五邪所中虽不同，本皆外邪，大率同类。唯冬时严寒，其毒厉尤甚，人或中之，病在冬时，则正名伤寒。若邪毒藏于肌肤，至春之时乘温而发者，温病；若留连日久，至夏之时乘盛暑而发者，为暑病。所谓先夏至一日为病温，后夏至日为病暑是也。其病之传次，先客于太阳，其病令人头项痛，腰脊强，其脉尺寸皆浮。太阳不已，传于阳明，其病体热，目疼，鼻干，不得卧，其脉尺寸皆大。阳明不已，传于少阳，其病胸胁痛而耳聋，其脉尺寸皆弦。少阳不已，太阴受之，其病腹满体重，其脉尺寸俱微。太阴不已，少阴受之，其病口燥舌干而渴，或背微恶寒，其脉尺寸俱沉。少阴不已，厥阴受之，其病烦满，舌卷囊缩，其脉寸尺俱缓。病之所传，不过三阴三阳而已。其未传三日者，邪在阳经，未入于里，其病在表，宜汗之而愈；若经四日者，邪入阴经，其病在里，宜下之而愈，特其大略尔。盖有一日而传之数经者，亦有数日而尚在太阳者。阳病虽宜发汗，阳明之病反宜下之；阴病虽宜下，少阴之病或宜温之，由人之禀受虚盛，其传有迟速，又有不传经

者，当审其脉证。凡此六经受病，五邪脉证各不同。伤风必恶风，其脉浮缓，伤寒者必恶寒，其脉浮紧，以至伤暑脉虚，伤湿脉濡，人迎紧盛为伤寒，气口紧盛为伤食。诊得五邪，知其本也，诊得六经，知其标也。有病虽在表而不可汗者，或里而不可下也。或若汗之太多，则津液燥竭，遂致亡阳；下之太早，则邪气动膈，乃成结胸；清浊相干，则变为霍乱；热毒内瘀，则变为瘀血。又或为发黄者，湿热相蒸也，或为发斑者，阳毒太盛也。阳盛之人得之于热，乃为阳毒，阴盛之人得之于寒，乃为阴毒。蛊动则为狐惑，坏病之甚则为百合。若劳复阴阳易之类，虽瘥后犹宜节慎。变态多端，不可备举，当以类求之，皆以适当为良。唯两感之病，表里皆受邪，为难治。其他或阴证似阳，阳证似阴，或阴盛隔阳，阳盛隔阴者，在诊病者以意详之。

伤 寒 可 汗

论曰：伤寒病，汗之而愈者，以初得病一日至三日，阳经受邪，未传诸阴，其邪在表，故当发汗，此大约也。然病数日，脉浮，太阳证不罢者，亦可汗之，当以脉证为准。凡头痛发热，恶风振寒，是为可汗之证，其脉浮者，是为可汗之脉。阳虚则恶寒，脉浮为在表，或浮而弱，或浮而紧，或浮大而数，皆宜汗之。

麻黄汤方 治伤寒太阳病，头痛发热，身疼腰痛，骨节疼痛，恶风发热，无汗而喘者。

麻黄去根节，三两 桂去粗皮，三两 甘草炙，

一两 杏仁去皮尖双仁，七十枚

咬咀如麻豆大。每服五钱，水煎，温服。
复取微汗，不须啜粥，余如桂枝法将息。

大青龙汤方 治伤寒太阳中风，脉紧发
热，恶寒身痛，不汗出而烦躁。

麻黄去根节，六两 桂去粗皮 甘草各二两
杏仁去皮尖双仁，四十枚 生姜三两 枣大者，十枚
石膏一鸡子大，碎

咬咀如麻豆大。每服五钱，水煎，温服。
脉微，汗出恶风者不可服。

桂枝麻黄各半汤方 治伤寒太阳病，得
之八九日，如疟状，一日二三度发。脉微缓
者，为欲愈也；脉微而恶寒者，此阴阳俱虚，
不可更发汗、更下、更吐也；面色反有热色
者，未欲解也，以其不能得小汗出，身必痒。

桂去粗皮，一两半 芍药 生姜 甘草 麻
黄去根节，各一两 大枣四枚 杏仁汤浸，去皮尖双
仁

咬咀如麻豆大。每服五钱，水煎，温服。

桂枝汤方 治伤寒太阳病，外证未解，脉
浮弱者，当以汗解。

桂去粗皮 芍药 生姜各三两 甘草二两
大枣十二枚

咬咀如麻豆大。每服五钱，水煎，温服。
须臾啜热稀粥助药力，取微汗。

麻黄附子甘草汤方 治伤寒少阴病，得
之二三日，宜微发汗。以二三日无里证，故
微发汗。

麻黄去根节 甘草各二两 附子一枚，炮制，
去皮脐

咬咀发麻豆大。每服五钱，水煎，温服。

葱豉汤方 治伤寒初觉一二日，头项腰
脊痛，恶寒。

葱白十四茎 豉半合 干姜一分 麻黄，根
节 桂去粗皮 芍药各半两

咬咀如麻豆大。每服五钱，水煎，温服，
良久投葱豉热粥，盖覆出汗。

葱粥方 治伤寒服葱豉汤后，未得汗，再
服。

葱白十茎，并头切 豉二合，炒 生姜半两，拍
碎

水五盏，煎至二盏半，去滓，入白米，依
常法煮粥，入少盐搅匀。任意食之，衣复出
汗，未汗再服。

麻黄葛根汤方 治伤寒初得一二日。出
汗。

麻黄去根节，一两 葛根 柴胡去苗，各一两
芍药三分

每服五钱，水一盏，豉一百粒，开口椒
七粒，连须葱白三寸，薄荷二十叶，同煎，热
服。服后葱豉汤一盏投之，衣复取汗，未汗
再服。

葛根汤方 治伤寒初觉头痛，恶寒，壮
热，腹内热，脉洪大，一二日宜服。

葛根 黄芩 柴胡去苗，各半两 葱白五茎
豉一合

咬咀。每服五钱，生姜一枣大拍碎，同
煎，温服。良久再服，得汗即止。

麻黄解肌汤方 治伤寒初患一二日，体
热头痛。

麻黄去根节，一两 石膏碎 葛根各一两半
甘草一分半 芍药 杏仁去皮尖双仁，炒，各一两
桂去粗皮，三分

每服五钱，生姜五片，水煎，温服。

葛根汤方 治伤寒一二日，头痛壮热，遍
身疼痛，其脉洪数。

葛根 白术 芍药 干姜各半两 麻黄
去根节 桂去粗皮，各三分 甘草炙，一分半

每服五钱，水煎，热服。如脉微，即加
附子半两

石膏人参解肌汤方 治伤寒初得一二
日，头痛，壮热，恶寒，脉浮紧。

石膏碎 麻黄各一两 柴胡去苗 人参各
半两 桂去粗皮 甘草各一分，炙 葛根二两

每服二钱，入葱豉生姜同煎，热服。

十味人参汤方 治伤寒头痛体疼，寒热
不解。

人参 厚朴生姜汁炙 桂 甘草 杏仁去

皮尖双仁，炒。白术、干姜、白茯苓、陈橘皮汤浸，去白，各一两。麻黄去根节，汤煮，去沫，一两。

每服三钱，生姜二片，枣一枚，同煎，热服。才觉伤风，并二两服，汗出立瘥。

羌活汤方 治伤寒表不解，头痛，体疼，发汗。

羌活、独活、柴胡、前胡、人参、白茯苓、桔梗、芍药、甘草炙，各一两。枳壳去瓤，麸炒，一两。

每服三钱，生姜二片，薄荷少许，同煎，温服，不拘时。

葱豉汤方 治伤寒一日至三日以前，身热，脉大，肢体疼痛，汗不出。

苍术米泔浸去皮，麸炒。麻黄去根节，汤煮，去沫，各二两。甘草炙、桂各一两。

每服三钱，葱白三寸，盐豉二十粒，同煎，热服，不拘时候。

伤寒可下

论曰：凡伤寒邪入于阴，其病在里，法当下之。诸腹满不大便，或口燥舌干而渴，或潮热谵语，皆为可下之证。诸证得脉沉而实，即为可下之脉。但脉证已具，不必拘以日数，急宜攻里。若病虽过经而里证未备者，未可下也。故经曰阳盛阴虚，下之则愈，其法谓此。

阳明病，不吐，不下，心烦者，可与调胃承气汤。太阳病三日，发汗不解，蒸蒸发热者，可与调胃承气汤。伤寒吐后，腹胀满者，可与调胃承气汤。

调胃承气汤

甘草炙，二两。大黄以清酒洗，四两。

咬咀。每服五钱，入芒硝一钱，更煎一二沸，温服。

阳明病脉迟，虽汗出，不恶寒者，其身必重，短气腹满而喘，有潮热者，此外欲解，可攻里也。手足濇然汗出者，此大便已硬也，与大承气汤；若汗多，微发热恶寒者，外未解也。其热不潮，未可与承气汤；若腹大满

不通者，可与小承气汤，微和胃气，勿令至大泄下。

大承气汤方

大黄酒洗，四两。厚朴炙，半斤。枳实麸炒，五枚。

咬咀。每服五钱，入芒硝一钱，同煎，温服。

阳明病，其人多汗，以津液外出，胃中燥，大便必硬，硬则谵语，小承气汤主之。若一服谵语止者，勿再服。

小承汤方

大黄四两。厚朴二两。枳实麸炒，大者。

咬咀。每服五钱，水煎，温服。初服汤当更衣，不尔者尽饮之，若更衣者勿服。

柴胡汤方 治伤寒四日以后，烦热不解，大小肠涩。

柴胡去苗，黄芩一两。犀角镑。芍药各二两。山梔子仁半两。大黄炒，一两半。木通二分。朴硝一两一分。

每服五钱，入竹叶三片，同煎，空腹服。大小肠通为度，如未效再服。

大柴胡汤方 治伤寒十余日，热结在里，往来寒热者。

柴胡去苗，半斤。枳实麸炒，四两。黄芩、芍药各二两。半夏二两半，汤洗七遍。大黄三兩。

咬咀。每服五钱，入生姜十片，枣三枚，同煎，温服。

调胃承气加橘皮汤方 治伤寒发汗不解，蒸蒸发热。

陈橘皮浸，去白，半两。大黄醋炒，一两。甘草炙，半兩。

每服四钱，入芒硝一钱，同煎，温服。

大青散方 治阳盛发狂有斑，大小便闭涩。

大青、知母、黄芩、大黄煨、山梔子仁、升麻、黄连各一两。甘草炙，半兩。

共为散。每服三钱，入朴硝一钱，蜜水调下。

承气丸方 治伤寒时气温热病，大便不

通。

大黄炒，三分 郁李仁汤浸，去皮，研 枳实
麸炒 朴硝研，各一两

共研为末，和匀，炼蜜丸如梧桐子大。每服二十丸，生姜汤下，未利再服，不计时候。

伤寒可吐

论曰：诸病吐之而愈者，邪在胸中也。伤寒大法谓四日以上，若入阴经，其传未深，邪气高而里实，客于胸膈，下之则动胃，汗之则亡阳，惟宜吐而出之，然亦不必拘此。凡寒邪热毒痰实在胸中，及有宿食在胃脘者，皆当吐之。但诊其脉，寸口或浮或滑，或数或紧，与诸部不同者；其证心胸痞满，郁郁而痛，不能息，多涎唾，饮食入则吐，欲吐复不能出，或手足厥冷，及心下满而烦，饥不能食，吐下后心中懊恼者是也。《内经》所谓其高者，因而越之，即其法也。

瓜蒂散方 治胸有寒，病如桂枝证，头不痛，项不强，寸脉微浮，胸中痞硬，气上冲咽喉不得息，当吐之。

瓜蒂熬 赤小豆各一分

捣筛，再和匀。每服一钱，豉一合，汤七合，先渍之，须臾煮作稀糜，取汁调散，放温顿服。不吐少加之，快吐为度。亡血虚家不可与。

擦膈汤方 治伤寒三四月，胸中痰壅，憎寒壮热，头痛。

桃枝一握，东引者，取梢 柳枝一握，取梢 甘草一分，生用 乌梅去核，三枚 山梔子仁一分

各细锉。同用浆水一大盏半，煎至一盏。空心分为二服，相次再服，取吐为度。

三物汤方 服前擦膈汤吐后，头痛壮热未退，即服此三物汤。

薄荷一握 人参半两 生姜一分

水煎，空心温服，晚再服。

苦参散吐方

苦参

为细散。每服三钱，温酒五合调服之，即

吐。

人参汤吐方 治伤寒出汗后，心胸妨闷，烦热未退。

人参半两 灯心一小束 枳壳麸炒，一分
大腹皮一枚 茶末三钱 生甘草

除茶末外，各细锉。用淡浆水二大盏，煎至一盏，下茶末，搅匀。分温二服，以纸捻于咽喉中取吐为度。

伤寒可温

论曰：伤寒病虽有三阴三阳，然在阳则太阳病多，在阴则少阴病多，以二经为表里故也。至于阳明太阴病颇稀少，而少阳厥阴病又少也。然究观古人治阳明则多下，于少阴则多温。盖阳明者，胃也，胃受病，则不恶寒反恶热，濇濇汗出，大便秘，谵语，潮热，须下之乃愈。苦乃气弱本虚，人初中病腠理，寒邪气更不经三阳，而便见少阴证。盖少阴者，肾也，肾受病，则身冷恶寒，四肢厥逆，脉微细，心烦但欲寐，或自利而渴，须温之乃愈。虽然三阴病大约可温，而古人特于少阴详言之者，则少阴病尤宜温故也。

附子汤方 治伤寒少阴病得之一二日。口中和，其背恶寒者当灸之。

附子去皮脐，二两 人参一两 白术四两
芍药 白茯苓三两

每服五钱，水煎，温服，日二。

四逆汤方 治伤寒少阴病，脉沉者温之。

甘草二两 干姜两半 附子一枚，生用

锉如麻豆。每服五钱，水煎，温服。强壮之人，可倍加姜附。

四逆汤方 治伤寒少阴病，下利清谷，里寒外热，手足厥冷，脉微欲绝，身反不恶寒，其人面色赤，或腹痛，或干呕，或咽痛，或利止。脉不出者，通脉加减四逆汤。

甘草二两 附子大者，一枚 干姜二两

各锉如麻豆大。每服五钱，水煎，温服。其脉即出者愈。面色赤者，加葱九茎；腹中痛者，去葱加芍药二两；呕者，加生姜二两；

咽痛者，去芍药加桔梗一两；利止脉不出者，去桔梗加人参二两；病皆与方相应者，乃服之。

生姜汤方 治伤寒手足厥冷，脉细欲绝。其人内有久寒者，宜当归四逆加吴茱萸生姜汤。

当归 芍药 桂去粗皮 细辛各二两 吴茱萸汤洗，炒 甘草炙 木通各二两

锉如麻豆。每服五钱，入生姜半分，枣三枚，水酒同煎，温服。

通关饮方 治厥阴伤寒。脉弦长者生，沉细不足者死。

附子一两 干姜 羌活 桔梗 甘草炙 五加皮各半两 桂三分 黄芩一分 防风一分半

锉如麻豆。每服五钱，水煎，食前温服。

回阳汤方 治伤寒阴盛，手足厥冷，体寒脉微。

延胡索炒 半夏切，生姜汁炒黄 甘遂麸炒，一两 陈橘皮汤浸，去白 附子去皮脐 桂去粗皮 麻黄去根节，汤煮，去沫，各半两 槟榔一枚 天南星一钱

锉如麻豆。每服三钱，酒煎，温服，服后一次顷。患人头面浑身觉热时，便与衣服盖复，令出汗。

温白丸方 治伤寒面青，心下坚硬，开口出气，身体不热，头面多汗，四肢厥冷。

半夏汤浸，去滑 白附子炮 硫黄研，各一两

共研为末，用粳米饭捣和，为丸如梧桐子火。每服二十丸，温酒下。吐逆，炒姜盐酒下，或艾醋汤下。阴毒，并吃二三服，不计时候。

白术饮方 治伤寒伏阴，胸膈妨闷，吐逆不定，手足厥冷。

白术 附子去皮脐 高良姜炮 桂去粗皮 人参 干姜炮，各一两 藿香去根，一分

锉如麻豆。每服三钱，水煎，温服。

吴茱萸散方 治伤寒浑身手足厥冷，面青唇口无色，心中寒栗。

吴茱萸汤浸，焙，炒 硫黄研 桂去粗皮 附子去皮脐 芍药各一分

捣罗为散。煎艾叶汤调下三钱。阴盛者，兼灸气海数十壮。

黑龙汤方 治伤寒阴盛隔阳，身冷烦躁，脉细沉紧。

附子一枚，及半两者。烧存性，用冷灰焙去火毒

捣研细，入腊茶一钱和匀，分作二服。每服以水一盞、蜜半匙，同放冷服。须臾躁止得睡，汗出为效。

返阴丸方 治伤寒阴盛，手足多冷，脉沉细，助阳消阴。

硫黄 消石 阳起石 太阴玄精石 白矾 石膏各半两

研为末，同入铤子内熬，成汁为度，放冷，细研，用水浸炊饼为丸，如梧桐子大。煎艾汤下十五丸。

伤寒过经不解

论曰：伤寒为病，六经受邪，始传于三阳，病在表者可汗；其满三日，传于三阴，病入里者可下；其不两感于寒，更不传经，不加异气者，至七日太阳病衰，头痛少愈，八日阳明病衰，身热少微，九日少阳病衰，耳聋微闻，十日太阴病衰，腹满减如故，十一日少阴病衰，渴止舌干已而嚏，十二日厥阴病衰，囊纵少腹微下，大气皆去，病入精神爽惠也，故伤寒愈者皆在十二日。若过此经病犹不解者，为邪热结于里，其或谵言妄语，或郁郁微烦，或腹满吐下，皆缘治之失宜，邪气稽留，故病过经不能解也。当随其证以治，若更感异气，变为他疾者，当依坏病法疗之。

犀角汤方 治伤寒过经不解，热结在里，往来寒热，烦渴躁闷。

犀角屑，一两 柴胡去苗 吴蓝各三分 大青 升麻各一两 乌梅去核 黄芩各三分 甘草半两

每服五钱，入竹叶三十片同煎，温服。

木通汤方 治伤寒十三日，过经不解，脐

腹胀满，小便淋沥，烦闷躁渴。

木通 葛根 青橘皮汤浸，去白，盐炒 槟榔 滑石 瞿麦穗各一两

每服五钱，入葱白二寸同煎，温服，不计时候。

柴胡汤方 治伤寒发汗、下之后，过经不解，胸肋满结，渴而不呕，但头汗出，往来寒热，小便不通，宜服柴胡汤。

柴胡二两 桂 黄芩各一两 牡蛎生用 甘草各半两 枳实根一两半 木通一两

每服五钱，生姜半分，葱白五寸，同煎，食后温服。

中风伤寒

论曰：中风伤寒，三阳三阴，候各不同。太阳中风，其脉阳浮阴弱，其证发热自汗，盖阳浮热自发，阴弱汗自出，啬啬恶寒，淅淅恶风，翕翕发热，鼻鸣干呕。又曰：太阳病，发热汗出，脉缓者，名为中风，不可燔灸。若以火发其汗，邪风为火热所劫，血气流溢，荣卫失常，两阳熏灼，其身发黄。阳盛即衄，阴虚即小便难，阴阳俱虚竭，其身体枯燥。但头汗出，齐颈而还，腹满微喘，口干咽烂，或不大便，久则谵语，甚者至哕，手足躁扰，循衣摸床，其小便利者可治。阳明中风，即阳明病能食为中风。其证口苦咽干腹满，微热恶寒，脉浮而紧，下之则腹满小便难。少阳中风，两耳无闻，目赤，胸中满而烦，不可吐，吐之则悸而惊。太阴中风，四肢烦疼，其脉阳微阴涩而长欲愈。少阴中风，其脉阳微阴浮为欲愈。厥阳中风，其脉微浮为欲愈，不浮为未愈。凡此六经之病，其状虽异，大抵其脉皆浮，经所谓浮为风是也。

大青龙汤方 治伤寒太阳中风，脉浮紧，发热恶寒，身痛，不汗出，躁烦。

麻黄去根节，煮，去沫，六两 桂去粗皮 甘草炙，各二两 杏仁去皮尖双仁，四十枚 石膏如鸡子大，碎

咬咀如麻豆。每服五钱，入生姜一枣大、

大枣二枚，同煎。温服，取微汗。汗多者，以温粉粉之。

桂枝汤方 治中风伤寒，阳浮阴弱，阳浮者热自发，阴弱者汗自出，恶寒、发热、鼻鸣、干呕等疾。

桂去粗皮 芍药各三分 甘草炙，半两

每服五钱，入生姜一枣大、枣二枚，同煎，温服。以汗为度，未汗更服，仍作生姜稀粥投之，以助药力。

石膏汤方 治中风伤寒，头痛，四肢痠痛，身体沉重。

石膏 甘草炙 麻黄去根节，煎，去沫 桂芍药各二两

每服五钱，入生姜一块，同煎，空心温服。

麻黄桂心汤方 治中风伤寒，脉浮紧，发热恶寒，身体疼痛，汗不出而烦。

麻黄去根节，煎，掠去沫，二两 桂去粗皮 甘草 干姜炮，各一两 石膏 干薄荷叶 杏仁去皮尖双仁，各半两

每服五钱，入枣二枚，同煎，食前温服。

桂枝汤方 治中风伤寒初得，其外证头项疼，腰背强，壮热，语涩，恍惚，唾涕稠粘，遍身拘急。

桂去粗皮，三分 芍药 半夏汤洗七遍，生姜等分同捣 附子 菖蒲 麻黄去根节，煎，去沫 羌活 细辛各半两 白芷一分

锉如麻豆。每服三钱，入生姜一块，同煎。食前温服，盖复取汗。

麻黄细辛丸方 治中风伤寒，头痛恶寒，四肢烦疼，心躁闷。

麻黄去根节，一两 细辛 人参 白茯苓 甘草 白术各半两 枳实根三分

共研为末，炼蜜和捣，丸如鸡头大。每服一丸，薄荷蜜汤研下。

伤寒湿温

论曰：伤寒有五，其一为中湿。盖风湿之气，中人为病，发热与寒病相类，故曰湿

温也。此因汗出当风，或因取冷过度，致阴湿气袭入肌肤，流传经络。其证喜汗出，关节疼痛，发热而烦，小便不利，大便反快，是谓中湿。若风湿相搏，则一身尽疼，日晡所剧，微热相蒸，则身必重黄。凡治风湿者，欲其微汗，即风气解而湿自去。湿甚者，当利其小便，不可大发汗，大汗则风去湿在，其病不去；亦不可下之，下之早则哕，下之而利不止即死。诊其脉，当沉而细，《难经》曰湿温之脉，阳濡而弱，阴小而急是也。

麻黄杏仁薏苡仁甘草汤方 治湿温病，一身尽疼，发热，日晡即剧。此病伤于汗出当风，或伤取冷所致。

麻黄去根节，三两 杏仁去皮尖双仁，三十枚，炒 薏苡仁一两 甘草炙，一两

咬咀。每服五钱，水煎，温服。

桂枝附子汤 治伤寒八九日，风湿相搏，身体疼痛，不能自转侧，不呕不渴，脉浮虚而黄者，桂枝附子汤主之。若其人大便坚，小便自利者，术附子汤主之。

桂去粗皮，四两 附子三枚 甘草炙，二两

咬咀。每服五钱，入生姜五片、枣二枚，同煎，热服。

术附子汤方

附子炮制，去皮脐，三枚 白术四两 甘草炙，二两

锉如麻豆。每服五钱，生姜五片，枣二枚，同煎，温服。初一服其人身如痹，半日许复之，三服后其人如冒状，勿怪，此以附子术并走皮中，逐水气未得除，故使之然耳。法当加桂四两。此本一方二法，以大便坚，小便自利，故去桂也；以大便不坚，小便不利，当加桂。附子三枚恐多也，虚弱家及产妇宜减服之。

甘草附子汤方 治风湿相搏，骨节疼痛，不得伸屈，近之则痛剧，汗出短气，小便不利，恶风不欲去衣，或身微肿者。

甘草炙，二两 附子二枚 白术二两 桂四两

咬咀如麻豆，每服五钱，水煎，温服。初服得微汗则解，能食，汗出复烦者，少减服之。《千金方》去身肿者，加防风四两；悸气，小便不利者，加茯苓三两。既有附子，今加生姜三两。

治湿家身烦疼，**麻黄汤加术四两**。发其汗为宜，慎不可以火攻之方。

麻黄三两 桂二两 甘草炙，一两 杏仁去皮尖双仁，七十枚 白术四两

咬咀如麻豆大。每服五钱，水煎，温服。取微汗则解。

防风黄芪汤方主之 治风湿，脉浮，身肿，汗出恶风者。

防风四两 黄芪五两 甘草炙，二两 白术三两

咬咀如麻豆大。每服五钱，入生姜半两、大枣二枚，同煎，温服，日三。喘者，加麻黄，胃中不和者，加芍药，气上冲者，加桂，下有陈寒者，加细辛，服后当如虫行皮中，腰以下如冰。后坐被上，又以一被绕腰下，温令微汗痒。

杏仁汤方 治风湿，身体疼痛，恶风微肿。

杏仁去皮尖双仁，炒，二十五枚 桂去粗皮 麻黄去根节，先煮，一两，焙干 芍药 天门冬去心，焙，各一两

咬咀如麻豆大。每服五钱，入生姜半分，同煎，温服。

伤寒时气

论曰：春温，夏热，秋凉，冬寒，是为四时正气。非其时有其气，人或感之，病无分少长，率相似者，谓之时气。如春应温而反寒，夏应热而反冷，秋应凉而反热，冬应寒而反温是也，其候与伤寒瘟疫病相类，但可汗可下之证，比伤寒瘟疫病疗之宜轻尔。

葛根汤方 治时气二三日不解，头痛，壮热，恶寒。

葛根一两 麻黄去根节，炙，二两 陈橘皮汤

浸，去白 甘草炙 黄芩 知母 杏仁去皮尖双仁，各二两

每服三钱，入生姜二片，同煎，温服。

七圣汤方 治时气，头痛，壮热，肢体烦痛。

麻黄去根节，炙，二两 苍术炒，二两 橘皮汤浸，去白 木通各二两 桔梗一两半 山茵陈一两 甘草炙，二两

每服三钱，生姜三片，同煎，温服。

八神汤方 治时气一二日，头痛，壮热，心神烦闷。

麻黄一两，炙 大黄 当归 甘草 白术 山栀子仁各半两 芍药 荆芥穗各一分

每服三钱，入薄荷三叶、葱白一寸、生姜二片，同煎，热服。

人参干葛汤方 治时行，表不解，壮热恶寒。

人参 干葛 白芍药 桔梗炒，各一两 赤茯苓三分 甘草炙 木香各半两 麻黄依前炙，三分

每服三钱，水煎，热服。并三两服，温复出汗。

五苓散方 治时气，解表，出汗。

赤茯苓 桂 泽泻 白术各一分 猪苓去黑皮，半两

为散。每服五钱，以新汲水调，顿服訖，以葱豉粥投之，衣盖取汗。

葱白汤方 治时气伤寒，发汗。

葱白研，二两 生姜二两 豉一合 细茶末二钱

先以水二盏，煎葱并姜至一盏半，次下豉，煎少时，即入茶末，去滓，顿服。厚衣盖取汗。

解表汤方 治初得伤寒时气，壮热，头痛。

甘草炙，二两 生姜二两半 黑豆二合

咬咀。每服五钱，煎，顿服。厚衣盖复取汗。

附桂散汤 治伤寒时气。

附子去皮脐 桂各半两

为散。每服三钱，热酒调，顿服。厚衣盖，汗出为度。

万灵汤方 和养三焦，调顺阴阳，升降痞滞，祛遣寒邪，温中散寒，暖胃和脾，资助气血，思美饮食。虚寒痼冷，痰癖动气，心膈疼痛，噎闷呕逆，一切气疾，不日全愈。

前胡 柴胡 秦艽 甘草炙，各半斤 茯苓子炒 木香 桂去粗皮，各一斤 槟榔十枚 白豆蔻去壳，半斤 芍药半斤 青橘皮半斤 芎藭半斤 甜葶苈半斤，微炒 桔梗四两

每服三钱，大枣二枚，同煎，食前温服。

伤寒疫疔

论曰：人生天地间，禀气于阴阳，气和则安，气盛则病。故一岁之内，节气不和，寒暑乖候，皆为疫疔之气，感而为病，故名疫疔。其状无问长少，率皆相似，俗又名天行。其病与时气、温热等病相类，俗又名天行。其病与时气、温热等病相类，各随其证以方制之。

前胡汤方 治时行疫疔，壮热咳嗽，头痛心闷。

前胡 升麻 麦门冬 贝母去心 紫菀去苗土 杏仁去皮尖双仁，研，各半两 甘草炙，一分 石膏一两一分

每服三钱，竹叶二七片，同煎，温服，不拘时候。

葛根汤方 治时行疫疔，兼风热目疼，心中妨闷。

葛根一两 芍药三分 葱白三茎 豉半合 水煎，温服，再服。

石膏汤方 治时行疫疔病，壮热，头痛，唇干。

石膏一两 葛根三分 芍药 贝母 百合 升麻各半两 栀子仁 甘草炙，各一分

每服三钱，豆豉五十粒，葱白三寸，同煎服。

柴胡汤方 治时行疫疔一二日，头痛，壮热。

柴胡二两 芍药一两 枳实仁 黄芩各一两
石膏 葛根各一两

每服五钱，葱白三寸，豉三十粒，同煎，温服，不计时候。

伤寒结胸

论曰：伤寒病发于阳，下之早，邪毒之气结聚于胸膈，故名结胸。其证心下坚硬，按之则痛，项强如柔痉状，或从心下至少腹坚满而痛，其痛不可近，其脉寸口浮，关上白沉，是其候也。若正在心下，按之即痛，而脉浮滑，亦名结胸。凡此本太阳病，脉浮而动数，医反下之，胃中空虚，客气动膈，令人短气躁烦，心中懊恼，阳气内陷，心下坚满，则为结胸。又或因得病二三日，不能卧，但欲起者，心下必结。若脉微弱者，此素有积寒，而反下之，利止作结胸；但下之而脉浮者，必结胸，皆当下之。脉促者，不为结胸也。脉若浮，不可下，下之则死。结胸证悉具，烦躁者亦死。又有水结在胸胁者，又有脏结者。结胸，无大热，为水结。似结胸状，饮食如故，时时下利，阳脉浮，关脉小细沉紧者，为脏结。舌上白苔滑者，为难治。若心下痞坚，按之不痛者，非结胸，乃痞也。宜审察而各依其法治之。

陷胸丸方 治伤寒结胸，心下坚实，大便秘利。

大黄醋炒 葶苈子隔纸炒 杏仁炒，各二两
朴硝一两，研细，与杏仁同研，令如膏

共为末，再同研匀，入少炼蜜和，更任三五百下，丸如弹子大。每服一丸；别入甘遂末半钱、蜜一合，水煎，温顿服之。一宿乃下，如不下，更服，取下为效。

大陷胸汤方 治伤寒结胸，头项强，心下痛，按之实硬。

大黄醋炒，二两 甘遂湿纸裹煨，一钱 朴硝另研，二两

各捣研为末。每服用水一盅，入大黄末二钱，次下朴硝末一钱，则煎一二沸，次下

甘遂末一匙，搅匀，温服，取快利为度。

小陷胸汤方 治伤寒小结胸病，正在心下，按之则痛，脉浮滑者。

黄连去须，一两 半夏汤洗七遍，焙，二两半
栝蒌实大者，一枚

各细锉。先以水五盏煎栝蒌实，取三盏，去滓，入黄连半夏各一半，煎取一盏，分温三服。

治伤寒寒实结胸，无热证者，与三物小陷胸汤。用前方白散亦可服之。

栝蒌炒，三分 巴豆去皮心，熬黑，研如脂，一分 贝母去心，二分

除巴豆外捣罗为散，入巴豆合匀。每服强人半钱，弱羸之人减之，并温热水调服。病在膈上必吐，在膈下必利。不利，进热粥一杯；利不止，进冷粥一杯。身热，皮粟不解，欲引衣自复，若以水噀之洗之，益令热却不得出，当汗而不汗，则烦。假令汗出已，腹中痛，与芍药三两如上法。

葶苈汤方 治伤寒结胸，心下痛，如石坚硬，小便不利。

葶苈子隔纸炒，三分 槟榔半两 桑根白皮一分 杏仁去皮尖双仁 大黄醋炒，各半两 朴硝二分

每服五钱，水煎，食前温服。

增损理中丸 治伤寒下后虚气不理，毒复上攻，毒气相搏，结于胸中。纵不下者，毒已入胸，胃中不通，毒还攻上，心中结满，厥逆欲绝，心起高胸，手不可近，当先理其气。

人参 白术 甘草炙 栝蒌根 枳实麸炒，去瓤 赤茯苓去黑皮 牡蛎煨，各二两 干姜一两半

捣罗为末，炼蜜丸如弹子大。每服一丸，熟水化下，不歇再服。不过五六丸，胸中豁然。

陷胸青龙汤方 治伤寒结胸，毒气内盛，手足逆冷，腹胀喘急，大便不通。

牵牛子微炒，一两半 人参三分 陈橘皮浸，去白，半两 桂 槟榔各一两 大黄醋炒，半两

朴硝一两

每服五钱，入生姜半分，同煎，食前温服。

伤寒谵语

论曰：伤寒，不应发汗而汗之，遂至亡阳。津液内竭，胃中燥实，则令谵语。此语或由津液不和，内有燥屎，或三阳合病，或瘀热蓄血在里，或妇人热入血室，皆使谵语也。然谵语属胃，胃者，足阳明经也。阳明为病，主身热，故谵言妄语，则身当有热，脉当洪大，洪大亦阳脉也，故其病为烦满谵语。若手足厥，脉反沉细而微者，为逆也。然又有郑声者，取其郑重之意，与谵语相类。盖古人以此分虚实，医者当以脉症参合别之，不可不慎，故谓虚则郑声，实则谵语。

小承气汤 治伤寒阳明，病人多汗，津液外出，胃中燥，大便必硬，硬则谵语，宜此汤。

大黄四两 紫朴二两 枳实三枚

水煎五钱，空心温服，日二。

大承气汤 治伤寒阳明，下血谵语，此为热入血室；但头汗出者，刺期门，随其实而泻之，濇然汗出则愈。汗出谵语，以有燥屎在胃中，此为风也，须下者，过经乃可下之。下之过早，语言必乱，以表虚里实故也。下之愈。

大黄四两 紫朴半斤 枳实五枚

水煎五钱，去渣，入芒硝末一钱，再沸，温服，日二。

白虎汤 治三阴合病，腹满身重，难以转侧，口不仁而面垢，谵语遗尿。发汗则谵语，下之则额上汗出，手足厥冷。若自汗出者，宜此汤。

知母六两 石膏一斤 甘草二两 粳米六合

水煎五钱，温服。

柴胡汤 治伤寒热实，得汗不解，腹胀满，烦躁谵语。

柴胡一两 大黄的 片苓 白芍 半夏

三分 枳壳五钱

姜水煎五钱，温服。

犀角汤 治伤寒邪热在胃，谵语妄言，身体壮热。

犀角 大青 人参二两 远志 升麻两半 片苓 柴胡一两 甘草五钱

姜水煎五钱，入芦根茅根各五寸，温服。

人参柴胡汤 治伤寒经六七日不解，默默而烦，心腹干燥，大肠结涩，谵语妄言。

人参三分 柴胡一两 白芍 知母 片苓 萎蕤 大黄的 半夏 甘草五钱

姜水煎五钱服，日二。

自愈方 治伤寒病，汗多亡阳，谵言妄语，不可下。与柴胡桂枝汤，以和荣卫，以通其津液。

柴胡四两 白芍 人参 桂心 片苓 半夏 甘草一两

姜枣水煎五钱，空心温服，日二。

伤寒潮热

论曰：伤寒潮热者，谓潮作有时，由邪气入里，故病日晡发潮热，已而微利者。有微发潮热而大便溏者，有潮热而咳逆者，有结胸而潮热者。大凡潮热皆以邪气内实，制方宜酌其轻重。

小柴胡汤 详谵语

柴胡加芒硝汤 治伤寒十三日不解，胸胁满而呕，日晡潮热，已而微利。此大柴胡症，下之而不得利，今反利者，知医以丸药下之，非其治也。夫潮热者，实也，先宜服小柴胡以解外，后与此汤。

柴胡 半夏 芒硝二两 人参 片苓 甘草二两

姜枣水煎五钱，去渣，入芒硝一钱，沸，服。

大小承气汤 详谵语

柴胡石膏汤 治伤寒十日以上，潮热不退。

柴胡 石膏 白术 赤茯苓 山栀 姜
萸 桑白皮三分

水煎五钱，温服，日二。

鳖甲汤 治伤寒过经，潮热不解，或作寒如疟状。

鳖甲 柴胡 赤茯苓一两 片苓 甘草
知母五钱 桑白皮三分

姜枣水煎五钱服。

秦艽汤 治潮热不退，发作无时。

秦艽 鳖甲一两 甘草五钱

生姜水煎五钱，入豆百粒、葱白三寸，空心温服，日二。

伤寒烦渴

论曰：肾者，水脏；膀胱者，津液之腑，二经相为表里。伤寒热入于脏，流于少阴之经，则肾受病矣。肾水恶燥，热盛则燥，故渴而引饮。又伤寒邪气，非发汗、吐、下，则不能除。若发汗、吐、下过甚，则亡津液耗少，热气内生，亦令病人烦渴也。

白虎加人参汤 治伤寒用桂枝汤，大汗出，大烦渴水解，脉洪大者。

知母三两 人参一两 石膏八两 甘草一
两 粳米一合

水煎五钱，至米熟，温服，日二。

五苓散 治发热六七日不解，烦渴引饮，水入则吐，此为水逆。

猪苓 赤茯苓 白术 桂心 泽泻一两
共末。熟水下二钱，日二。汗出乃愈。

猪苓汤 治伤寒脉浮发热，渴欲饮水，小便不利，水入则吐。

猪苓 赤茯苓 阿胶 滑石 泽泻一两
水煎五钱，空心温服，以痰为度。

八味知母汤 治伤寒病数日不解，心燥烦乱，小腹胀急，脐下疼痛，大渴喘乏。

知母 白芍 麦冬 柴胡 泽泻三分
片苓 甘草五钱 石膏两半

姜枣竹叶水煎五钱服。

葛根散 治伤寒躁渴，头痛不得眠，四

肢痛。

葛根 片苓 大青 石膏 人参一两
甘草五钱

水煎三钱，温服，日二。

人参汤 治伤寒下后，除热，止烦渴。

人参 麦冬 五味 石膏一两 甘草五
钱

水煎五钱服，日二。

黄芩芦根汤 治伤寒吐、下后，内外有热，烦渴。

片苓 芦根 人参 赤苓一两 桂心五
钱

姜枣水煎五钱服。

竹茹汤 治伤寒吐、下后，烦渴不止。

竹茹一两 人参五钱 乌梅肉炒，二枚

水煎三钱服，日二。

茯苓地黄汤 治伤寒胃热引饮，烦渴不止。

赤茯苓 生地 栝蒌一两 知母五钱 麦
冬两半

水煎五钱，入小麦百粒、竹叶二七片、枣二枚，煎服。

知母犀角汤 治伤寒烦渴，饮水无度，日渐消瘦。

知母 犀角 升麻五钱 石膏三分

水煎五钱，入竹叶三七片、小麦五十粒、土瓜根汁、栝蒌汁各半合，服。

伤寒烦躁

论曰：伤寒，阳气多，阴气少，病发于阳经者，故令烦躁。其候身热而烦渴，引水浆；若胃中干燥者，必谵语。亦有少阴经烦躁者，当辨之。

大青龙汤 治伤寒太阳中风，脉浮紧，发热恶寒，身疼痛，不汗出而烦躁者，此汤主之。若脉微弱，汗出恶风者，不可服。服之则厥逆，筋惕肉瞤，此为逆。

麻黄去根节，六两 甘草 桂心一两 杏仁
去皮尖，炒，四十枚 石膏三两，研

姜枣水煎五钱，温服，出汗止后服。

五苓散 烦躁，不得眠。

白虎加人参汤 大渴，舌干燥，欲饮水数升。

二方俱详烦渴。

茯苓四逆汤 治汗、下后病仍不解，烦躁。

白茯苓四两 人参 附子一两 甘草 干姜二两

水煎五钱服。

吴茱萸汤 治少阴病吐利，手足逆冷，烦躁欲死者。

吴茱萸洗，炒，一升 人参二两

大枣生姜水煎五钱服，日二。

芦根汤 治阳毒五六日以上，胸中烦热，干呕躁闷。

芦根一两 甘草 知母 柴胡 栝蒌根两半 片芩两半 生姜

水煎三钱，温服。

梔子豉汤 治阳明病，脉浮而紧，咽喉口苦，腹满而喘，汗出不恶寒，反恶热，身重。若发汗则躁，心愤愤而反谵语；若加温针，必怵惕烦躁，不得眠；若下之，则胃中空虚，客气动膈，心中懊恼，舌上苔者。

山梔肥大者，四枚 豉五钱

水煎，空心温服，得吐便止。

桂甘龙牡汤 治火逆，下之，因烧针烦躁。

桂枝一两 甘草 龙骨 牡蛎二两

水煎五钱，温服，日二。

伤寒厥逆

论曰：伤寒病，手足厥逆，其名曰厥。此因阳气衰，阴气盛。阴胜，则阳脉逆而不通于四肢，所以逆冷。其症令人恶寒，不饮水，下利清谷，或清便自调，或小便数，外症默静，是其候也。宜温之、灸之。若灸而手足不温者，为难治。然厥亦有热者，先发热而后厥，热深厥亦深，热微厥亦微，脉虽沉伏，

按之当滑。若或畏热，饮水，或扬手掷足，烦躁不得眠，大便秘，小便赤，外症昏愤者，虽厥不可温也。宜下之。

通脉四逆汤 治手足厥冷，微喘，脉不出。

附子五钱 人参 甘草一两 干姜两半
水煎五钱，温服，日二。

当归四逆汤 治伤寒手足厥冷，脉细欲绝。

川归 白芍 桂心一两 细辛一两 甘草 木通七钱

大枣水煎五钱，温服，日二。

芍药汤 治下利清谷，内寒外热，汗出而厥，腹痛兼呕。

白芍 附子一两 人参 甘草五钱
姜水煎五钱，温服，日二。

吴茱萸汤 治手足厥冷，脉细欲绝。

吴茱萸 白芍 川归 桂心一两 甘草 细辛二分 干姜五钱

枣水煎五钱服，日二。

葱熨法 治伤寒病后，气虚阳脱，体冷无脉，气息欲绝，不少人事，及阴厥服百法不效者。

葱一斤，水洗净

以麻缕扎如盏许大，切去根及叶，惟存白二寸许，如大饼饅，先以大焰一面令通热，乃以热处放在病人脐中连脐下，其葱上以熨斗满贮火熨之，令葱饼中热气透入肌肉中。须预作三四个饼子，一饼坏不可熨，又易一饼。良久病人渐醒，手足俱温，有汗出，更服四逆汤，以温其内，其病即瘥。

伤寒头痛

论曰：伤寒头痛者，邪气循阳脉上攻于头也。是以伤寒、伤风、温病、热病、风温病皆有头痛病者。盖头痛乃阳症也，故太阳头痛必发热恶寒，阳明头痛不恶寒反恶热，少阳头痛脉弦细而发热。至于三阴脉，从足至胸，皆不至头。惟厥阴脉，挟胃，属肝，络

胆，循喉咙，上颊颞，连目系，上出额，故仲景止有厥阴头痛一症，治以吴茱萸汤是也。

桂枝汤 治太阳病，头痛发热，汗出恶风。

桂枝 芍药三两 甘草炙，一两

生姜大枣水煎五钱，空心温服。投以热粥，助药力。

小承气汤 治伤寒六七日，不大便，头痛有热。

大黄四两 紫朴姜汁炒，二两 枳实三枚

水煎五钱，温服。

麻黄汤 治伤寒太阳，头痛发热，身疼腰痛，一身骨节俱痛，恶风，无汗而喘者。

麻黄三两 桂枝二两 甘草 杏仁去皮尖，炒，一两

水煎五钱，稍热服。取汗。

连须葱白汤 治伤寒已发汗或未发汗，头痛如破。

葱白连须，三茎 生姜二两

分三服，水煎，通口热服。服不瘥，用葛根葱白汤。

葛根葱白汤 治头痛不止。

葛根 芍药 知母五钱 川芎一分

姜葱水煎五钱，温服。

小柴胡汤 治脉弦细，头疼发热，属少阳。少阳不可汗。

柴胡二两 枳实 人参 甘草三分 半夏六钱

姜枣水煎五钱，空心温服，日二。

吴茱萸汤 治伤寒厥阴，干呕，吐涎沫，头痛。

吴茱萸洗，炒，三两 人参两半

姜枣水煎五钱，空心温服。

茶调散 治头痛不止。

石膏研，二两 羌活 茵陈蒿 苍术 甘草 荆芥穗 川芎一两 桂心五钱

共末。用腊茶末一钱，同葱煎汤，下一钱。

石膏汤 治头痛不可忍。

石膏 麻黄一两 葛根三分 何首乌五钱
水煎三钱，温服，日二。

瓜蒂散 治头痛胸满，发热恶寒，脉紧而不大，是膈上有涎。

瓜蒂一两

为末。热水下一钱，吐痰涎愈。

前胡汤 治头痛壮热。

前胡 半夏 桂心 玄参 甘草 枳实
炒 旋覆花 片苓 生地一两

姜水煎五钱服。

四白散 治头痛身热，百节疼痛。

白芷 白附子 白僵蚕炒 白蒺藜炒，各等分

共末。茶酒任下二钱。

伤 寒 喘

论曰：伤寒喘，其症不一，有邪气在表，表未解，无汗而喘者；有邪气在里，汗出不恶寒，腹满而喘者；有潮热者，有心下有水气而喘者。古人各亦求其本，故在表者当汗，在里者宜下，至于心下有水而喘，又当利其小便。若仍阴症发喘，是为无阳，非灸之不可。

小青龙加杏仁去麻黄汤 治心下有水气，咳而发喘。

芍药 甘草 桂心 杏仁 五味 细辛
干姜二两 半夏二两半

水煎五钱服。

麻杏草膏汤 治下后，不可更行桂枝汤，汗出而喘，无大热。

麻黄去根，四两 石膏八两 甘草二两 杏仁去皮，五十枚

水煎五钱服。

麻黄汤 治太阳与阳明合病，喘而胸满，不可下。

麻黄三两 桂心二两 甘草一两 杏仁七十枚

水煎五钱，温服，取微汗。

大承气汤 治伤寒阳明病脉迟，虽汗出，

不恶寒，其身必重，短气腹满而喘，有潮热者，此外欲解，可攻里也。手足濇然汗出者，此大便已硬也，大承气主之；若汗多，微发热恶寒者，外未解也，其热不潮，未可与承气汤；若腹大满不通者，可与小承气汤，微和胃气，勿令至大泄下。

大承气汤方 详语

伤寒上气

论曰：伤寒上气者，肺主气，手太阴是其经也。病人肺气凡有不调，又遇寒热，邪气伤于其经，则胀而气逆不下，故令上气。

竹茹汤 治上气喘满，客气在脏，干呕，口生疮，不得饮食。

竹茹 葛根一两 半夏 麦冬三分 甘草 陈皮去白，炒，五钱

姜水煎五钱，温服，日二。

天门冬丸 治心肺热，上气喘逆。

天冬 白茯苓 杏仁一两 生地 贝母 甘草 乌梅肉炒 人参五钱

共末，蜜丸弹子大。含化一九，日可三五。

葶苈汤 治上气喘粗，身面肿，小便涩。

葶苈纸隔，微炒，五钱 大枣五枚，去核

水煎，温服，日二。

贝母丸 治心肺有热，咳嗽上气，喉中作声，痰涕口干。

川贝母二两 杏仁去皮尖，炒，四两 天门冬一两 旋覆花五钱 炙甘草三分

共末，蜜丸弹子大。食后含化一九。

伤寒咳嗽

论曰：伤寒咳嗽者，寒气客于肺也。肺受虚寒，微则咳嗽。然又有邪热客于上焦，其人必欲饮水，水停心下，水气乘肺而咳嗽者。

当熟察之。

麻黄汤 治咳嗽日夜不止。

麻黄去根节 赤茯苓 桑白皮一两 葛根 五味子 紫苏叶 炙甘草 紫苑五钱 石膏研，两半 桂心一两 葶苈炒，一分

姜枣水煎五钱，空心温服，日二。

小青龙汤 治心下有水气，咳而微喘，发热，或利，或噎。

麻黄去根节，一两 白芍 半夏姜汁制 桂心 细辛炒干姜 五味子炒 甘草五钱

水煎五钱服，日二。

五味子散 治伤寒咳嗽。

五味子炒 麻黄去根节 阿胶 陈皮炒，一两 甘草 杏仁去皮尖，炒，五钱

姜水煎三钱服。

加减小柴胡汤 治五六日往来寒热，或微热，咳嗽。

柴胡二两 片苓 半夏 甘草三分 黑干姜五钱 五味子炒，一合

姜水煎五钱。

地黄饮 治毒气攻肺，咳嗽，咽喉生疮。

生地二两 大黄 升麻 贝母 麦冬 甘草一两

水煎三钱，入蜜少许服。

射干汤 治春冬月伤寒，夏秋月中冷，咳嗽喉鸣，声啞干喑，咽喉不利。

射干 杏仁 麻黄 桑皮一两 半夏 甘草 桔梗炒，二两 陈皮 紫苑五钱

姜枣水煎五钱服。

前胡饮 治肺盛寒，痰嗽不止，心膈烦满，不能饮食，常多呕逆。

前胡 桔梗 玄参 人参 生地 甘草 旋覆花 桂心一两 半夏 紫朴二两

姜水煎五钱服。

圣济总录纂要 卷四

清 新安 程 林云来纂辑
鄞县 曹炳章赤电校点

伤 寒 门

伤寒干呕

论曰：伤寒干呕者，呕而无所出也。此因邪热在胃，或汗解后，胃中不和，尚有蓄热，气熏上焦，心中痞结，故令干呕，且诸邪气在胃，胃气上逆，皆发为呕。冷即寒痰凝结，呕出涎沫；热即津液销烁，独其气逆，攻干呕不已，施治者不可不察。

竹茹汤 治胃气虚热，干呕不止。

竹茹 半夏 甘草五钱 人参 芦根一两
前胡 葛根三分
姜水煎五钱服。

芦根汤 治心脾虚热，干呕烦热，不下食。

芦根二两 人参 赤茯 竹茹一两 甘草五钱

水煎五钱，入小麦一撮、姜一分。温服，日二。

枇杷叶汤 治干呕，烦渴不止。

枇杷叶去毛、蜜炙 麦冬 人参 葛根三分
白茯五钱 甘草炙，一分
姜水煎三钱服。

人参煮散 治胃气虚冷，干呕不止。

人参一两 白术 白芍三分 杏仁 陈皮 枳壳 高良姜 甘草 干姜五钱

姜枣水煎三钱，稍热服。相继三服，以热粥投之，以助药力。汗出乃瘥。

白术饮 治邪热虽退，胃中不和，干呕

不已，甚则吐逆。

白术 芦根 紫朴一两 枇杷叶去毛，炙，五钱

姜水煎三钱，空心温服，日二。

伤寒呕哕

论曰：伤寒呕哕者，病在足阳明胃经也。足阳明之脉，厥而上行，令人气逆。气逆，故呕哕。仲景云呕多，虽有阳明症，慎不可下，盖为此也。又伤寒呕哕，有因热壅胸中，邪气之高所致；有因吐下后，虚热在内，及饮水停积所致。症既不同，治亦有异，不可不察。

半夏汤 治胃气逆冷，食已呕哕即欲吐。

半夏 白茯一两 人参 枳壳五钱 白术炒，四半

姜水煎三钱，温服，日三服。

人参汤 治服冷药过多，胃寒呕哕，不下食。

人参 白术 附子 白茯 陈皮一两
桂心 干姜五钱 丁香一分

姜水粳米煎五钱服。

藿香人参汤 治呕哕不止，胸满烦闷。

藿香三分 人参一两 甘草 陈皮五钱
姜水煎三钱服，日二。

通正散 治哕逆呕吐，虚气妄行。

丁香 干柿蒂一两 莲肉五十枚
共末，酒下二钱。

四逆加姜汤 治少阴症呕哕。

甘草炙，一两 附子 生姜切，焙，两半 干姜三分

水煎五钱，温服。

伤寒心悸

论曰：伤寒心下悸者，谓悸动不定也。伤寒饮水过多，水停心下，肾气乘心，由心虚气弱，故为之悸动。皆由发汗后又下之，津液燥少，若内生虚热，热则饮水，水气停积，故必振寒而心下悸也。

茯苓甘草汤 治伤寒厥，心下悸，先治其水，服此汤却治其厥。不尔，水渍入胃，必作利。

赤茯苓 甘草 桂心一两

姜枣水煎五钱，温服，日二。

桂枝甘草汤 治发汗过多，其人又手自冒心，心下悸欲按者。

桂枝四两 甘草三两

水煎五钱，温服，日二。

甘草汤 治脉结心悸。

甘草 麦冬一两 生地四两 人参 桂心五钱 麻仁一合

姜枣酒水煎五钱，去滓，入阿胶一片，令烊尽。温服，日二。

桂枝汤 治水在心下，心悸动，欲得入按。

桂枝二两 赤茯苓半 白术一两 甘草 陈皮去白，炒，五钱

生姜水煎五钱，空心温服，日二。

伤寒痞满

论曰：伤寒病，发于阴，医误下之，邪气入里，胃中虚，客气上逆，心下满，不痛，按之不坚，此为痞也，法宜泻心。唯表未解者，未可攻之，当先解表，然后攻痞。若表解而里未和，或泻心而痞不解，其人口燥烦渴，皆随症处治。其眩冒而经脉动惕者，久则成痿。若表里俱虚之人，有气痞，阴阳气并竭，无阳则阴独，复加火针，因胸烦、面青黄、肤润者，难治。其脉微浮，而气上冲咽喉，不能息者，非痞，乃有寒在胸中故也，

治属吐法。

半夏泻心汤 治心下痞，但满不痛者。

半夏一两 干姜 人参二两 片苓 川连 甘草五钱

大枣水煎五钱，食后服，日二。

大泻黄连泻心汤 治伤寒大下之后，复发汗，心下痞，恶寒者，表未解也。不可攻痞，当先解表，表解乃攻痞。解表宜桂枝汤，攻痞宜此汤。

大黄二两 川连一两

以麻黄沸汤渍三钱，须臾，绞取汁，温服。一方，有片苓一两。

泻心汤 治伤寒汗解后，胃中不和，心下痞硬，干噫食臭，肋下有水气，腹中雷鸣下利。

人参 甘草三分 川连 干姜一两 片苓一两 半夏姜汁，炒，二两半

姜枣水煎四钱，空心温服，晚又服。

甘草泻心汤 治伤寒中风，医反下之，其人下利，日数十行，完谷不化，腹中雷鸣，心下痞硬而满，干呕，心烦不得安。医见心下痞，谓病不尽，复下之，其痞益甚。此非结热，但以胃中虚，客气上逆，故使硬也。

炙甘草四两 片苓 干姜三两 半夏姜汁炒，二两半 川连一两

水煎四钱，大枣二枚，温服。

旋覆代赭汤 治发汗，若吐、下后，心下痞硬，噫气不除。

旋覆花三两 代赭石一两 人参 半夏 甘草炙，二两

姜枣水煎四钱，温服，日二。

苏橘汤 治胸中痞满，心腹气滞，不思饮食。

紫苏叶 大腹皮 旋覆花一两 陈皮二两 赤茯苓半 半夏五钱

姜枣水煎五钱，温服。

异效丸 治五六日大下后，心中痞满，气息喘逆欲绝。

人参 白术 甘草 枳壳 赤茯苓 栝蒌

陈皮炒 木香五钱 干姜三分

共末，蜜丸桐子大。空心米饮下二十丸，至晚再加至三十丸。

草豆蔻汤 治伤寒汗后，胃气不和，心下结痞，噫气食臭，胁下虚满，虚鸣下利。

草蔻 陈皮 枳壳五钱 人参 半夏 甘草 干姜三分

姜枣水煎五钱，温服，日二。

伤寒霍乱

论曰：呕吐而利，病名霍乱。此由邪气在中焦，使阴阳二气不能升降，则心腹绞痛而作吐利。其候先心痛，则先吐；腹后痛，则先利；心腹俱痛，则吐利并作。古人以其病迅暴，挥霍之间，便致撩乱，故名霍乱。伤寒霍乱，亦由中焦阴阳不和所致。故其状有热而渴者，有寒而不渴者，有发热恶寒，汗出厥逆者，有病势已而身体疼痛不休者，不可概以一法治。

理中汤 治霍乱，吐利，寒多，不喜饮水。

人参 白术 甘草 干姜二两

共末，蜜丸弹子大。沸汤化一丸，温服，日三夜二。

五苓散 治霍乱，头痛，发热，多欲饮水。

猪苓 白术三分 桂心五钱 赤茯苓 泽泻一两

共末，温水空心下二钱，日二。

芦根人参汤 治霍乱，心烦，干呕。

芦根二两 人参 麦冬 赤茯苓一两 枇杷叶去毛，炙，一分

水煎五钱，入薤白三寸。温服，日二。

藿香汤 治霍乱，转筋，呕吐不止。

藿香 人参 附子 木瓜 桂心 川归二两

生姜水煎三钱，温服，日二。

吴茱萸汤 治霍乱，吐利，腹胀，转筋，手足冷，饮食不消。

吴茱萸 紫朴一两 桂心 丁香 木瓜

甘草 藿香五钱 人参三分

姜水煎三钱服，日二。

白术汤 治霍乱，吐利，转筋。

白术 陈皮一两 木瓜二两

姜水煎三钱服，温服，日二。

伤寒小便不通

论曰：伤寒小便不通者，或因发汗过多，津液虚少，胃中干燥；或小肠有伏热，气道不宣，皆令小便不通也。方论云：胃中干则无小便，慎不可利，盖言汗后亡津液也。若下焦有热，而小便不利，又当随症利之。

赤茯苓通汤 治下焦有热，小便不通。

赤茯苓 木通 滑石 车前子一两

水煎五钱，温服，日二。

猪苓汤 治脉浮发热，渴欲饮水，小便不利。

猪苓 赤茯苓 滑石 泽泻一两

水煎五钱，去渣，人阿胶末一钱，再沸。温服，日二。

五苓散 治伤寒汗后，小便不利，微热消渴。

猪苓 赤茯苓 白术三两 桂心五钱 泽泻一两

共末，水下三钱。

鸡苏汤 治小腹痛，小便不利。

鸡苏一把 木通 滑石 杏仁去皮尖，炒

冬葵子 石韦去毛，一两 生地二两

水煎五钱，温服。

伤寒大便不通

论曰：伤寒大便不通者，胃腑实也。因太阳病，若汗、若下、若利小便，亡其津液，胃中干燥，因转属阳明。不更衣，内实，大便难，此阳明症也，当下之。然有阳明症不可下者，当问其小便日几行。若本小便日三四行，今日再行，故知大便不久出。为小便数少，津液当还胃中，故知不久当大便。如

此。则伤寒呕多，虽有阳明症，不可下明矣。凡胃中有燥屎，常以汤水和之。汤入腹中，转矢气者，此所谓有结燥，下之无害。若不转矢气者，此但初硬，后必溏，不可下；下之，则胀满不能食也。

小承气汤 治阳明病，潮热，若不大便六七日，恐有燥屎，欲知之法，少与小承气汤。汤入腹中，若转矢气者，有燥屎也，乃可攻之。若不转矢气者，但初头硬，后必溏，不可攻；攻之，必腹胀不能食也。欲饮水者，与水则哕，其后发热者，必大便硬而少也，以小承气和之。

大黄酒洗，四两 紫朴姜汁炒，二两 枳实三枚，炒

水煎五钱，温服。当更衣，不尔者再服，更衣者勿服。服后若不转矢气者，不可攻。

大承气汤 治伤寒病不大便五六日，绕脐痛，烦躁，发作有时，此为有燥屎，宜此汤。

大黄酒洗，四两 紫朴姜汁炒，八两 枳实炒，五枚

水煎五钱，去渣，入芒硝一钱，数沸，温服。仲景云，少阴病六七日不大便者，此汤主之。

麻仁丸 治伤寒跌阳脉浮而涩，浮则胃气强，涩则小便数，浮涩相搏，大便则硬，其脾为约。

麻仁半升 白芍炒，二两 紫朴姜汁炒 枳实炒，一两三分 杏仁炒，二合 大黄炒，四两

共末，蜜丸桐子大。饮下十丸，日三。

蜜胆导 治大便秘涩，服药不通。

白蜜三合 雄猪胆一枚 腻粉研，半分

先将蜜入铜器中，微火慢熬二十沸，入胆汁，将杷子不住手搅，慢煎成膏，入腻粉和，丸如枣核大。以薄绵包，纳下部中。未通，再用。

伤寒下利

论曰：伤寒下利者，其种固多，然皆由

表实里虚，寒热温气乘虚，客搏于肠胃之间，故肠胃随其所伤而下。若伤寒，则下青白；伤热，则下黄赤，寒热相杂，则赤白俱下；若兼以湿毒，则又下脓血如鱼脑，如烂肉也。其候不同，有下利而脉实者，有湿毒胜而腹痛者，有热气盛而烦渴者，有津液搏滞而肠垢者，有屎燥结聚而妄言谵语者，其要在审别虚实以治之。

白头翁汤 治伤寒下利，饮水者，内有热也，及热利后重。

白头翁五钱 川连 川柏 秦皮三分
水煎五钱，空心服，日二。

桃花汤 治伤寒少阴病，二三日或四五日，腹痛，小便不利，下利不止，及便脓血。

赤石脂四两，一半研，一半不用研 糯米二合半 干姜一分

水一升，煮姜米并不研石脂，候米熟，用汁一小盅，入石脂末一钱，再沸，温服，日三。

四逆汤 治自利，不渴者，属太阴，以其脏有寒故也，当温之。

炙甘草一两 附子五钱 干姜炒，三分

水煎五钱，温服。又治伤寒后，下利清谷不止，身疼痛，急当救里。

犀角汤 治热毒不解，日晡壮热，腹痛，纯下鲜血。

犀角 片苓 川连 茜根 地榆一两
山枝五钱

水煎五钱，入薤白五寸，温服。

黄柏汤 治下痢脓血。

川柏 阿胶五钱 川连一两 山枝一分
水煎三钱，食前服，日二。

龙骨丸 治脏腑虚冷，下白脓，腹痛。

龙骨 干姜 附子一两

共末，醋糊丸桐子大。米饮下三十丸，日二。

竹茹汤 治利下，血不止。

竹茹 白芍 子苓五钱 木通三分 升麻 黑木耳烧灰

水煎三钱，去滓，入生地汁一合，温服。

伤寒阴毒

论曰：阴气独盛，阳气暴衰，阳为阴所胜，内外皆阴，故成阴毒。伤寒有初得病，便成阴毒者；有服药经六日不瘥，变成阴毒者，以病本属阴，因服寒药过多，或脏腑内外受寒，阴气转盛，阳气不得所致。其候四肢逆冷，脐腹筑痛，身如被击，呕吐下利。其脉微细而疾。

阴毒甘草汤 治伤寒初病一二日，便结成阴毒，或服药后，自变成阴毒。身重背强，腹中绞痛，咽喉不利，毒气攻心，心下坚强，短气不利息，呕逆，唇青面黑，四肢厥冷，其脉沉细，身如被杖。五六日可治，至七日不可治。

甘草 升麻 桂心 川归五钱 川椒
雄黄一分 鳖甲炙，两半
水煎五钱，温服，日二。

气壅喘闷方 治阴毒，手足厥冷，或生斑点。

附子二枚，火烧黑色，出火毒

为末，用沉香磨水，米饮下二钱。

正阳汤 治伤寒阴毒，唇青面黑，张口出气，心下硬，身不热，额上出汗，烦渴不止，舌黑，多睡，四肢逆冷。

附子 甘草 干姜一两 皂荚一枚，去皮子，炙黄 麝香一钱，研

共末，水煎二钱，稍热服。

正阳丹 治阴毒手足厥冷，脉沉细，面目青。

硫黄 硝石 太阴玄精石一两

同研入瓶内，盐泥封固，阴干，火煅赤，细研，酒煮糊丸桐子大，酒下二十丸。

附子回阳散 治伤寒阴毒，面青唇黑，四肢逆冷，脐腹痛，身体如冰，并一切卒暴冷气。

附子二枚

为末，用生姜自然汁半盅，冷酒拌匀。下

三钱，更以冷酒送下，相次再服。良久脐下如大，遍身和暖为度。

伤寒阳毒

论曰：阳气独盛，阴气暴衰，阴为阳所胜，内外皆阳，故名为阳毒。伤寒有得病便成阳毒者；有服药经五六日不瘥，变成阳毒者，盖以病本属阳，或以火劫发其汗，或因炙炳，阳气转盛，阴气内消所致。其候面赤发躁，狂走妄言，或发斑如锦纹，或咽喉疼痛，或涕吐脓血，或下痢黄赤。其脉洪实滑促，是其证也。

升麻汤 治伤寒一二日，便成阳毒，或服药吐、下后，变成阳毒。腰背疼痛，烦闷不安，面赤，狂言或见鬼神，或下痢，脉浮大数，面赤，斑纹如锦，咽喉痛，吐脓血。五日可治，七日不可治。

升麻 犀角 射干 人参 片苓 甘草
一两

水煎五钱，温服。少顷又服，取汗。未汗再服。

枝子汤 治阳毒壮热，百节疼痛。

枝子 赤芍 大青 知母一两 石膏
片苓 杏仁炒，二两 甘草五钱 柴胡两半
姜枣水煎四钱，入豉百粒服。

黑奴丸 治伤寒时行热病，六七日未得汗，脉洪大，或面赤目胀，身大热烦躁，狂言欲走，渴甚，又五六日，以上不解，热在胸中，口噤不能言，心下尚暖，灌药下咽即活。兼治阳毒及发狂。

麦奴山麦未熟时，中有一不成者，上有黑衣勃，取下，即名麦奴，一两 麻黄去根节，三两 大黄二两 片苓 芒硝 釜底煤 灶突煤 梁上尘各一两

共末，蜜丸弹子大。取新汲水，化下一丸。渴者，与冷水，尽量饮之，须臾当寒，寒过汗出即瘥。若服药，日移五尺不汗，再服一丸，瘥即止，须微利下。此药须病人大渴倍常，燥盛者，乃可与之；不尔，不可与。

大青汤 治阳毒，烦躁不解，或下利危

困。

大青一两 犀角 山枝 甘草 川连五钱 秦艽一两

水煎五钱，入豆百粒 薤白七寸，空心服。

犀角汤 治伤寒阳毒初得，身大热，目赤便黄，心闷头痛，烦渴不止，四肢疼痛，语言错乱，眠卧多惊。

犀角一两 赤茯 陈皮 甘草 麻黄 细辛 茵陈蒿五钱 人参三分 姜枣水煎五钱服。

伤寒发斑

论曰：伤寒发斑者，阳盛故也。其病在表，或未解发汗，或已经发汗未解，或吐、下后，邪热不除，毒气内盛，因表虚，热毒乘虚，出于皮肤，发为斑疹如锦纹。若色赤，发在五六日内者，可治；色黑，过七日乃发者，难治。甚则身体喉舌皆成疮也。

黄芩汤 治伤寒热病，十日内未得汗，表里有热，遂发斑点，时或狂言，目色黄，心中烦热，大便不利。

片芩 大青 大黄 升麻 朴硝 山枝 一两 茵陈蒿一两 川连 甘草五钱

竹叶三七片，水煎五钱服。

石膏汤 治发黑斑。

石膏二两，研 麻黄 葛根一两 川连三分 故鞋一只，去土，细切 川椒炒，一分 桂心五钱 水煎五钱，温服，取汗。

伤寒发黄

论曰：伤寒发黄之状，身体尽变黑黄，或如橘色是也。凡阳明中风，太阳中湿，皆令人发黄。盖由得病无汗，小便不利，寒湿不散，则热结脾胃，腠理闭塞；瘀热之气，与宿谷相搏，而郁蒸不能消散，故二便结涩不通，令人身体面目皆变黄色。其病腹满，身疼发热，若其人小腹满急，眼涩疼，鼻骨痛，两膊及项强，腰背急者是也。但得小便快利，

渐愈；仍不用大便，多即令人心胀。又有急黄者，身体黄甚，卒然而发，心满气喘，命在须臾，故名急黄。有初得病便黄者，初不知是黄，死后方变黄者，此病亦因脾胃瘀热，本天行时气所作。宜细辨之。但发热，心战者，乃是发黄之候。

茵陈蒿汤 治阳明发热，汗出，此为越热，不得发黄也。但头汗出，小便不利，渴饮水浆，此为瘀热在里，身必发黄，下之宜此汤。又伤寒七八日，身黄如橘皮，小便不利，腹微满者，宜此汤。

茵陈蒿六两 梔子十四枚 大黄生，三两 共为粗末，水煎五钱。三服后，小便当利，下如皂莢汁状乃愈。

麻黄连翘汤 治瘀热在里发黄。

麻黄去根节，二两 连翘 生姜焙，二两 杏仁四十枚，去皮尖，炒 生梓白皮东引，一升 大枣十二枚 甘草一两

水煎五钱，热服。

梔子柏皮汤 治伤寒身黄发热。

梔子十枚，炒 黄柏二两 甘草一两 水煎三钱。

抵当汤 治伤寒太阳，身黄，脉沉细，小腹硬，小便利者，为无血也；小便自利，其人如狂者，血滞证也。

水蛭三十枚，炒 虻虫三十枚，炒 桃仁十枚，炒，去皮尖 大黄三两

水煎三钱服。

龙胆汤 治发黄烦热，皮肉皆黄，小便赤不利。

龙胆 枳壳 山枝 木通 知母 柴胡 地骨皮 白芍 甘草 麦冬 升麻 羚羊角一两

水煎五钱。

黄芩汤 治伤寒发黄，或先服利药未瘥，宜以内消，以折热气。

片芩 茵陈蒿 升麻 犀角一两 山枝 柴胡 龙胆草五钱

水煎五钱，入生地汁一合。

茅根汤 治伤寒发黄，通身如金色。

茅根 山枝 甘草 茵陈蒿 地骨皮

两

姜水煎五钱，入豉三七粒，热服。

枝子汤 治伤寒急黄

山枝 柴胡 朴硝另研 茵陈蒿五钱

水三大盅，煎二大盅，去渣，入硝。分三服，取利。

茵陈蒿散 治伤寒时气，急黄疼痛。

茵陈蒿 片苓 枝子 大青一两 大黄
朴硝五两 白鲜皮 葛根 升麻两半
共末，新汲水下二钱，得利瘥。

伤寒发豌豆疮

论曰：伤寒热毒内盛，多发疮疮者，以病入表虚里实故也。里实，则毒气不能内消；表虚，故乘虚，发于肌肉而成疮。其疮大小，形如豌豆，其色或白、或赤。若头作瘰浆，戴白脓者，其毒则轻；若紫黑色作根，隐隐在肌肉里者，其毒则重。甚者，周匝遍身，五内七窍皆有也。

参麻汤 治伤寒热病，生豌豆疮并疮疮，烦闷昏迷。

玄参 升麻 干蓝叶 两 甘草 三分
犀角镑，五钱

水煎五钱，入葱白三寸、豉一撮，热服，日二。

豌豆疮，四边赤肿

胡荽一把 生地

二味，捣取汁。空心用，盏许。

犀角汤 治伤寒热毒气盛，疮如豌豆。

犀角二两 麻黄 川连两半 木香一两
水煎五钱，日二。

内消散 治伤寒热病，欲生豌豆疮，毒未出，令不成。

京墨烧去烟，一分

用酒三合磨，令顿服。

紫草汤 治伤寒斑疹豆疮。

紫草 恶实 荆芥穗一两

水煎三钱，热服，日二。

伤寒发狂

论曰：重阳者狂，谓阳气独盛也。伤寒热毒既盛，内外皆热，则阳愤熅而发为狂越，使人狂走妄言，或骂詈不避亲疏，或妄见妄闻，弃衣而走，登高而歌，或数日不食，逾垣上屋。盖四肢，诸阳之本，热盛而四肢实，是为重阳，故所上之处，皆非素所能，而病乃能也。若乃因火为邪，而发为惊狂，乃内有瘀血，而外症如狂，其为病虽不同，然其为阳气有余则一也。

犀角汤 治伤寒十数日，头战掉，大汗出，恍惚狂走，眼见鬼神。

犀角 山枝五钱 白芍 生地 麦冬
茯神 两 茵陈蒿三分

水煎五钱，入竹叶二十一片，食后服。

羚羊角汤 治汗后热毒未尽，因有所惊，狂言欲走。

羚羊 犀角 防风 片苓 升麻 玄参
茯神五钱 龙齿 甘草一两 人参 竹茹
骨皮三分

水煎五钱。

抵当汤 治太阴病六七日，表症仍在，脉微沉，反不结胸，其人发狂者，以热在下焦，少腹当满，小便自利者，下血乃愈。所以然者，以太阳过经尽，而瘀热在里故也。

水蛭十枚，炒，虻虫十枚，去翅足，炒 大黄酒浸，炒，一两 桃仁七枚，炒

水煎五钱服。当下瘀血，不下再服。

绛雪丸 治伤寒发狂眼赤，二便血出，身如金色。兼治六七日，狂躁发热。

硝石一两 丹砂一分

研细，粟米饭丸弹子大，砂糖冷水下一丸。服药后便睡，移时汗出为效。

伤寒刚痉

论曰：伤寒病发汗过多，因致痉。其状令人摇头发热，颈项强急，恶寒，背反张，痠

痲口噤。谓之刚痉者，特以无汗，而反恶寒故也。

葛根汤 治伤寒太阳病，无汗，小便反少，气上冲胸，口噤摇头，欲作刚痉。

葛根四两 白芍 麻黄去根节，二两 甘草 桂心二两

姜枣水煎五钱，热服，取微汗。

大承气汤 治伤寒刚痉，胸满口噤，卧不着席，脚挛急，必齞齿。

大黄四两 枳实一两 紫朴五钱

水煎五钱，去渣，入芒硝五分，二沸服。

羚角升麻汤 治伤寒刚痉，仰目壮热，筋脉不舒，牙关紧急，不欲见食。

羚角 升麻 白鲜皮 龙齿五钱 木通 百合 防风一分 石膏一两

水煎五钱，入豉百粒、葱白五寸。

小续命汤 治伤寒刚痉，无汗恶寒，口噤背强。

麻黄 桂心 甘草五钱 白芍 白术 人参 川芎 附子 防己 防风一分半

姜水煎五钱，日三夜二。

伤寒柔痉

论曰：柔痉之状，摇头发热，颈项强急，腰身反张，或痲痲口噤。与刚痉同，然谓之柔痉者，特以其自汗，不恶寒故也。痉又谓之痉者，盖以痉一类，古之时以强直名之。

桂枝加葛根汤 治伤寒柔痉，项背强几几，反汗出，恶风。

桂枝二两 葛根四两 麻黄 白芍三两 甘草二两

姜枣水煎五钱，取汗。

桂枝汤 治寒柔痉，手足厥冷，筋急，汗不止。

桂心一两 白术 人参 附子三分 甘草 防风 干姜五钱

水煎五钱，日二。

五味子汤 治柔痉汗出，身体强直，手足多寒。

五味炒，一两 木香 附子 槟榔三两 白术 甘草 干姜 桂心五钱

水煎五钱，日二。

柴胡饮 治柔痉，四肢逆冷，汗不止，腹中痛，筋脉急。

柴胡 赤茯三分 桂心 良姜一分 槟榔煨 五味子炒，五钱

水煎五钱服。

伤寒坏病

论曰：伤寒太阳病三日，已发汗、吐、下、温针，仍不解者，多变为坏病。又阳病转入少阳，已吐、下、发汗，少阳症罢，此为坏症，知犯何逆，以法治之。此由伤寒病在诸经络，发汗、吐、下，而病症不除，又感异气，有寒暑燥湿风不同，病亦随变，故谓之坏病。又有伤寒过经，再受邪热，留蓄脏腑，病候多变者，及伤寒解后，虚羸少气，余症未除者，皆谓之坏病。

知母麻黄汤 治伤寒坏病瘥后，或十日二十日，终不惺惺，精神昏，语言乱，又无寒热；医作鬼祟，或作风病，多端治，药弗效；或朝夕潮热颊赤，或似虐，由发汗未尽，余毒在心包络间所致。

知母两半 白芍 麻黄 甘草 片苓 桂心五钱，暑月减半

水煎五钱。半日内可相次三服。取汗，未汗再服。若心烦不眠，欲饮水者，稍稍与之，令胃中和即愈。

黑奴丸 治坏病，头与骨肉俱疼，狂言妄语，医所不治。

麻黄 片苓 甘草 芒硝 灶突墨一两 豉炒，一合

共末，蜜丸弹子大，新汲水下一丸。考此丸，与阳毒黑奴丸不同。

麦冬汤 治伤寒坏病经久不瘥，潮热不退，身体沉重，昏愤烦闷。

麦冬 赤茯 甘草 鳖甲醋炙，一两

水煎三钱，入乌梅肉一枚，小麦五十粒，

温服，日二。

伤寒狐惑

论曰：狐惑之病，初得状似伤寒，或因伤寒而变，皆虫症也。虫蚀其喉，为狐，使人声嘎；虫蚀其下部，为惑，使入咽干。其候皆默默欲眠不得卧，起居不得安，恶饮食，面目乍赤乍白乍黑是也。由伤寒病，腹内热，饮食少，肠胃空虚，而虫为之不安，故随食上下部而病，名狐惑也。

赤小豆当归散 治伤寒变成狐惑，脉数，无热微烦，默默欲卧，汗出。得之三四日，眼赤；得之七八日，目四眦黑。能食者，脓已成也。

赤小豆一升，浸洗 川归一两

共末，水煎三钱，温服，日二。

黄芩汤 治伤寒不发汗，变成狐惑，脉数，无热微烦，二目赤，但欲眠睡，咽干不能食。

片苓 射干一两 甘草 竹茹 知母
前胡五钱 川连炒，三分

水煎五钱，日二。

黄连犀角汤 治病后疮出下部。

川连五钱 犀角一两 木香一分 乌梅七枚

水煎三钱，日二。

木通汤 治伤寒阴阳不和，变成狐惑，目如鸠赤，面色斑纹如锦。

木通一两 甘草 桂心 细辛五钱 吴茱萸洗，炒，三两

姜枣水煎五钱，葱白五寸。

雄黄导气汤 治伤寒狐惑，下部匿疮。

雄黄研 青箱子 川连 苦参五钱 桃仁炒，一分

共末，生艾汁和如枣大，绵裹，导下部，扁蓄汁更好。冬月无艾，蓄用根。

擦膈汤 治伤寒狐惑，病在上焦。

苦参一两 甘草五钱

作一股，水煎，五更服，良久即吐。

熏洗四皮汤 治狐惑攻下部，肛内生疮。

槐白皮 柳白皮 桑白皮 桃白皮各二两
水煎四两，熏洗下部。

槟榔丸 治末汗变狐惑，毒蚀肛门，痒不止，下脓血。

槟榔 丹砂五钱 麝香一钱 杏仁四十九枚，炒

共末，用饴糖和如枣核大。先用椿根、槐白皮各二两洗肛门，将药纳之。

雄黄熏方 治狐惑，虫食下部，肛外如蜜，痛痒不止。

雄黄研，五钱

用瓶一个，口稍大者，入灰半瓶，灰上放火，将黄末烧之。候烟出，坐瓶口上熏之，良。

伤寒百合

论曰：伤寒百合者，谓百脉一宗悉致其病也。其状欲食复不能食，常默默欲得卧又不能卧，欲出行又不能行，食欲有时美，亦有时不美，如有寒又如无寒，如有热又如无热，口苦，小便赤黄，得药则吐利者是也。此由伤寒及大病后，脏腑俱虚，荣卫耗弱，不能平复，变成斯病。然以百脉一宗悉致其病，又无复经络，故其病症变异，治之各随其症。

百合鸡子汤 治伤寒病吐之后。

百合七枚 鸡子黄一枚

水渍合一宿，更水煎，去渣，入子黄，搅服。

百合知母汤 治伤寒已经汗后。

百合七枚 知母一两

水浸百合一宿，更水煎，分二服。

百合滑石散 治伤寒变发热。

百合一两 滑石两半

共末，空心饮下二钱，日二。

百合地黄汤 治伤寒不经汗、吐、下后，病形如初。

百合七枚 生地黄汁一盅

水煮百合，取汁，和生地汁。温服，中

病勿更服。大便当如漆。

百合半夏汤 治伤寒病不瘥，不思食欲，成劳。

百合二两 半夏 人参 赤茯 川连炒
知母一两 生地两半
姜水煎五钱，日二。

百合紫菀汤 治伤寒病似劳，形状如疟。

百合二两 紫菀 柴胡 杏仁 白茯
半夏 甘草
姜水煎五钱，日二。

伤寒阴阳易

论曰：凡伤寒大病后，气血未复，若房事太早，不特令病人劳复，因尔染易。男病传女，女病传男。由转易然，故名阴阳易。其状身体重，少气，热上冲胸，头重不能举，目昧，四肢拘急。若小腹急痛，力弱，著床不能转侧，举动凭人，不急治则死，或经岁月渐至羸困亦死。

枳实汤 治伤寒劳复阴阳易。

枳实 山枝一分 豉炒，二合 雄鼠粪十七粒，炒

水煎，二服。未效又服。

烧裨散 治伤寒阴阳易，身肿气少，小腹急，阴中拘挛，热上冲胸，头重不欲举，目生花，膝胫拘急。

女人中裨，取对阴户者。水洗，烧灰，研末。女人病取男人者

水服方寸匕，日三服。小便利，阴头肿愈。

立效汤 治阴阳易，身重，小腹里急，阴头微肿。

韭白一把 雄鼠粪二十七枚，炒

水煎，一日服。汗出愈。

萎蕤汤 治阴阳易，气冲心胸，头重不举。

萎蕤一两 木香 桂心三分 荆芥穗五钱
雄鼠粪二十七枚，炒

水煎五钱，温服，日二。

二灰散 治伤寒阴阳易。

手足指甲二十大片，男病用女，女病用男 裤裆布水洗，一片，男病用女，女病用男

烧灰，研末，分三服，酒下。

犀角汤 治病未平复阴阳易，壮热头痛，鼻出血。

犀角 竹茹 丹参 葛根一两 石膏三
两

水煎五钱，日二。

伤寒衄血

论曰：伤寒衄血者，由热气蕴甚，血溢妄行。盖心生血，肝藏之；肺主气，鼻则通之。心肝为热邪所伤，则血随气妄行，所以从鼻出也。人谓阳盛则衄者，盖阳盛则热盛，热盛则宜衄，盖伤寒太阳症，衄血乃解，谓是故也。至于阴病，则不宜衄，盖阴症自无热，安得而衄？故少阴病，但厥无汗，强发之，必动其血。或从口鼻耳目出者，是谓下厥上竭，为难治。

茅花汤 治伤寒衄血不止。

茅花

水煎浓汁，温服。如无花，以根代之。

黄连散 治热病鼻衄不止，或兼吐血。

川连 竹茹 伏龙肝三分 片芩一两

山枝 甘草炙，五钱

姜枣水煎五钱，入生地汁半合、乱发灰五分，一沸，食后服。

阿胶汤 治衄不止，此阳毒攻肺。

阿胶 片芩一分 葱白五寸 熟艾五钱
豉四十九粒，炒

作二服，水煎，温服，入生地汁一合。

刺藟汤 治伤寒衄血吐血，心中坚硬，一身疼痛，四肢烦闷。

刺藟 麦冬 生地一两 竹茹 紫苏
白茯苓五钱

姜枣水五钱服。

黄土汤 治衄血，去五脏热毒。

黄土灶中者 白芍 川归 片芩 甘草

川芎三分 生地两半 桂心一分 竹茹五钱
水煎五钱服。

发灰散 血衄不止。

灰发 麝香

同研极细，新汲水下一钱，又吹鼻中少许。

四生饮 治衄血，心胸烦闷。

生地汁，三合 生藕汁，二合 生姜汁，半合
白药子一分 生刺蓊汁，一合

五味共煎，微温，分二服。

升麻汤 治衄血不止，头痛壮热。

升麻 紫苏 白芍一两 青蒿 犀角
芒硝三分

水煎三钱，入生地汁一合。

地黄饮 治血衄不止。

怀生地黄酒二合 白蜜三合
搅匀，顿服即愈。

生地汁饮 治时疾壮热头疼，血衄不止。

生地汁 生藕汁 生姜汁 白生蜜各二合
和匀，分三服，微煎，食后卧服。

伤寒吐血

论曰：伤寒吐血者，热在阳经，邪盛于表，应汗而不汗，热毒入深，结于五脏，遂成瘀热；熏蒸于上焦，血随气妄行，并人胸中，胃得血则满闷气逆，故尔吐血也。

麦冬汤 治伤寒头疼，手足烦热，吐血不止。

麦冬两半 生地 片苓 甘草 吴蓝
茅根 茅苳一两

水煎五钱，入豆百粒。

黄连汤 治吐血不止，由心肺积热，血得热即妄行。

川连炒，半两 荷叶微炒，一两 熟艾叶微炒，
五钱 侧柏叶微炙，三分

水煎五钱，入生地汁一合，温服。

紫河车散 治吐血烦躁。

紫河车瓦上炙，三分 朴硝 甘草五钱 蛤
粉一分

共末，新汲水和，沙糖下二钱，日二夜一。

蜜汁方 治伤寒病后，余毒不解，心脏热极，吐血不止。

生藕汁 生地黄酒 恶实根汁 刺蓊根汁
各二合 生白蜜一合

和匀，频频温服一二合。

伤寒瘀血

论曰：伤寒病在表，当汗不汗，邪无从出，热结在里，皆成瘀血。然太阳病不解，热结膀胱，其人如狂者，少腹硬满，小便自利，下血乃愈。又阳明病，其人喜忘者，本有瘀血，大便虽硬反易，其色必黑或赤；病人腹不满，反自言其满者，亦为瘀血在里，皆宜下之，待瘀血得下即愈。诊其脉沉结者，亦瘀血病也。

抵当汤 治伤寒阳明症，其人喜忘者，必有蓄血。所以然者，本有瘀血，故令善忘。大便虽硬反易，其色必黑。

水蛭三十枚，炒 虻虫三十枚，去翅足，炒 桃
仁二十一枚，去皮尖，炒 大黄炒，一两

水煎五钱，空心服。不下，更服。

桃仁承气汤 治太阳病不解，热结膀胱。其人如狂，血自下者愈。其外不解者，尚未可攻，当先解其外，外已解，但少腹急结者，乃可攻之。

桃仁十二枚，炒 大黄一两 桂枝 甘草
芒硝五钱

水煎五钱，去渣，入硝，再沸，分三服。

芍药地黄汤 治伤寒病温，应发汗而不发，内有蓄血，衄血、吐血不尽，面色黄，大便黑。

白芍三分 地黄 丹皮二两 犀角一两
水煎三钱，入生地汁三合，再沸服，日二。如发狂，加黄芩一两。

伤寒口舌生疮

论曰：伤寒口舌生疮，此脾经受热，熏

于口舌；口或因冬时发汗、吐利后，重亡津液，表里俱虚，热势不已，毒气攻于上焦，致口中糜烂生疮。

升麻汤 治口舌疮赤烂。

升麻一两 麦冬三分 丹皮 甘草五钱
水煎五钱，入竹叶二十一片、大枣二枚，温服，日二。

苦酒汤 治少阴病咽中生疮，语声不出。

半夏十四枚 鸡子一枚，去黄留白，入苦酒于蛋中

又以半夏入苦酒内，以鸡子壳，放剪刀环中，安火上，煮二沸，少少含咽。

羚羊角汤 治病后余热上冲，口舌生疮。

羚羊角 射干 麦冬三两 白芍 木通
芦根三两 升麻两半
水煎五钱，食后服。

伤寒舌肿胀

论曰：伤寒舌肿胀者，病在三阴也。太阴之脉，连舌本，散舌下；少阴之脉，循喉咙，挟舌本；厥阴之脉，循喉咙之后；又手少阴心经，其气通于舌。凡此经络为风热所乘，随脉至知，热气留于血，血气壅塞，故令舌肿胀。诊其脉数急者，是其候也。

升麻汤 治热病喉咙闭塞，连舌根肿痛，热气聚于胸中。

升麻 麦冬 石膏一两 竹茹 木通
黄柏五钱 朴硝二两 玄参 前胡三分
水煎五钱服。

犀角汤 治脾肺虚热，毒气壅塞，喉咽连舌根肿痛。

犀角 川归 白芷一两 升麻 甘草
杏仁 射干五钱
水煎五钱，日二。

治心脾热，舌肿痛。

生地汁半斤 生白蜜八两

慢火煎稠，含化半匙，日二三。

伤寒咽喉痛

论曰：伤寒咽喉痛者，少阴受邪，邪毒

壅遏于上焦，微则咽喉痛，甚则痛而生疮。又伤寒过经，邪热内盛，熏于上焦，亦令人咽喉痛。各随症治。

甘草汤 治伤寒少阴二三日，咽痛。

炙甘草二两
水煎，空心，分作四服。

桔梗汤 前服甘草汤不瘥者，服之。

桔梗炒，五钱 炙甘草一两
水煎，分二服。

苦酒汤 治少阴咽痛生疮，不能言语，声不出。

半夏十四枚，洗七次 鸡子一枚

将鸡子去黄用白，和苦酒半夏，夏入蛋中，安火上，令三四沸，少少咽之。不瘥，再服。

半夏汤 治少阴咽中痛。

半夏 桂心 甘草一两
水煎，放冷，少少咽之。

地黄煎 治时气，肺热，咳嗽，咽痛。

地黄汁半斤 白芍 玄参 升麻 贝母
三分 麦冬 柴胡 竹叶一两 白蜜五两
水五大盅煎，去渣，入蜜汁，慢煎，日三。

伤寒毒攻手足

论曰：伤寒毒攻手足烦者，热胜则肿也。热毒之气，客于腑脏，邪结在里，循经而出，注于四肢，故令人手足烦热，赤肿疼痛也。

连翘汤 治毒气攻手足，肿满疼痛，心神烦闷。

连翘 麦冬 犀角 片苓 枳壳 川归
一两 大黄炒 木香 防风 羌活 恶实五钱
麝香一钱

共末，水煎服。

又方 治毒气攻手足，虚肿疼痛欲死。

苍耳子五把

捣烂，绞取汁，渍洗手足。

铅丹膏 治毒气攻冲，手足虚肿。

铅丹五两，飞过 明松香 乳香炙去油 黄

蜡一两 麝香一分，另研

先将松香炼化，次入黄蜡化，去渣，入铅丹、乳末，慢煎成膏，入麝香，搅匀。候冷，用绢摊贴肿处。凡一切肿毒并宜贴此膏。

伤寒后夹劳

论曰：伤寒瘥后，复夹劳者，由病人先有风疹，因汗、下之后，荣卫虚弱，气不充足，形体羸瘦，时有盗汗，寒热不常，喘嗽痰唾，鼻中臭气，饮食不消，肢体酸痛，面黄颊赤。不即治之，则致危殆。

人参汤 治夹劳，骨节疼痛，浑身壮热，气力虚乏。

人参 白茯苓 白术 白芍 桔梗 大茴香 紫菀一两 柴胡 陈皮 苍术 羌活二两 甘草两半 秦艽三分

共粗末，姜枣水煎二钱，不拘时，温服。

黄芪鳖甲汤 治伤寒病瘥后夹劳，形体羸瘠，或寒或热，病如疟状，四肢烦疼等症。

鳖甲 黄芪一两 白术 甘草 陈皮三分 知母 桑白皮五钱

葱白、姜水煎五钱，食后服。

柴胡汤 治夹劳，五心烦热，背膊酸痛，手足无力，不能饮食。

柴胡 黄芪 鳖甲 赤茯苓一两 秦艽 枳壳去白，炒 地骨皮 片苓 葛根五钱 人参 甘草三分

姜水煎三钱服。

人参鳖甲汤 治伤寒瘥后夹劳，寒热往来，进退不时，头疼体痛，口苦咽干，不思饮食。

人参 鳖甲 附子 柴胡一两 白芍 知母 乌梅肉炒 五味 桃仁炒 桂心 陈皮 羌活 秦艽 川芎五钱

姜水煎三钱，温服。

伤寒后劳复

论曰：《内经》谓：热病少愈，食肉则复，多食则遗，此其禁也。盖伤寒病新瘥后，脾

胃尚虚，气血尤弱，谷气未复，津液未通，若将养失宜，辄嗜肉食，则脾虚不能消释，或因劳形于事，皆令邪热乘虚还入经络，复成大病，故名劳复。当随其症候，或表或里，依法治之。

知母汤 治新瘥后劳动用力，或饮食过伤劳复。

知母 鳖甲 柴胡两半 麻黄 葛根三分 雄鼠粪炒焦，五七枚

水煎五钱，入豆百粒、葱白五寸，食后温服，吃葱粥，取汗。

石膏黄芩散 治食肉劳复如初，壮热头痛，心烦欲吐，小便赤黄。

石膏一两 片苓 山枝 人参 川连 知母 葛根五钱

共末，葱白竹叶汤下二钱，空心服，日二，以瘥为度。

知母汤 治劳复，小腹硬，卵缩，疼痛欲死。

知母 柴胡 麦冬 甘草半分 葱白三茎

水浸一宿，煎至小半，入童便二盏、豉心半合，再煎五六沸，入地黄汁二合，更煎微沸。空心顿服，微利即瘥。

伤寒后骨节烦疼

论曰：伤寒后骨节烦疼者，由津液不足，血脉皆虚，余毒客于经络，荣卫涩滞于骨节之间，故令骨节烦疼。诊三部脉细而迟涩者，乃其候也。

柴胡饮 治伤寒病后骨节疼痛，咳嗽不能食，口舌干燥，乍寒乍热，唇口生疮。

柴胡 升麻 人参 白芍 茯苓 百合 地骨皮 片苓 麦冬 犀角五钱 鳖甲 石膏一两 甘草一分

水煎五钱，入竹叶、生姜。食后服，日二。

百合汤 治瘥后四肢烦热，骨节疼痛。

百合 知母 鳖甲 柴胡 葛根 桑白

皮一两

水煎五钱，入生地汁一合。食后服，日二。

羌活汤 治伤寒病瘥后，下焦风虚，骨髓酸痛，腰脚顽痹不仁，不能久立，日渐消瘦。

羌活 防风 丹参 白芍 枣仁 牛膝
五加皮 玄参 木通 川归 槟榔 麻黄
独活五钱 黄芪 桂心三分

姜水煎五钱，空心服，日二。

伤寒后虚烦

论曰：伤寒病后烦躁者，有虚烦，有谷烦。阳气偏多，谓之虚烦。病瘥后，食谷太早，新虚不胜谷气，胃内蒸热，谓之谷烦。若阴阳和调，则虚烦自已；损其谷食，则谷烦者瘥。

竹叶汤 治伤寒后虚烦，状似伤寒病，但身不疼痛，不恶寒，内外皆不可攻者。

淡竹叶半把 石膏四两 人参 甘草五钱
麦冬二两 半夏姜汁制三分

生姜水煎三钱，入梗米百余粒，温服。

栀子豉汤 治伤寒汗后，虚烦不得眠，剧者必反复颠倒，心中懊恼。又治伤寒发汗，若下之，虚烦，心中窒痛。又治下利后，更烦，按之心下软为虚烦。

山栀子十四枚，去皮，炒 豉四合

水煎三钱，不拘时服，日二。

五苓散 治伤寒中风发热，六七日不解，心烦躁闷，有表里症，渴欲饮水，水入内即吐，名曰水逆。

猪苓 赤茯苓 白术三分 桂心五钱 泽泻一两

共末，汤下二钱。

麦冬汤 治伤寒病后，余热不解，或寒或热，四肢瘦弱虚乏，饮食不入，胸中烦满闷，虚躁等症。

麦冬 赤茯苓 人参 白术 黄芪 陈皮
地骨皮一两 甘草 桂心五钱

水煎三钱，温服。

六神汤 治病后虚烦不安。

人参 黄芪 白茯苓 山药 百合 防风
二两

姜枣水煎五钱，不拘时服，日二。

伤寒后盗汗

论曰：汗者，心之液。伤寒瘥后，眠寝有汗者，由心气偏虚，荣卫不足，腠疏表弱。因寝寐之间汗出，故名盗汗。久不已，日渐羸瘦，肢体瘦弱。

人参汤 治伤寒病后，体气虚弱，夜卧汗出不止，头旋恶心，日渐羸瘦，不思饮食。

人参 半夏 黄芪 麻黄根一两 牡蛎
火煨，童便淬三次，二两 防风三两

生姜水煎五钱，温服。

杜仲汤 治病后虚弱，夜多盗汗。

杜仲二两 人参 甘草三分 白术 黄芪
白茯苓 白芍炒 苁蓉一两 牡蛎 麻黄
根两半

水煎五钱，温服。

白术散 治盗汗不止。

白术二两，陈壁土炒

为末，菖蒲汤下二钱，不计时服。

粉汗方 治病后盗汗，腠理开疏。

牡蛎烧红，童便淬，八两 麻黄根水洗，焙，一
两

共末，寝寐中有汗，使人敷之。

伤寒后惊悸

论曰：伤寒后心气不足，风邪乘之，则令入精神不宁，恍惚惊悸，由于忧忿思虑，致心气虚，邪气内乘，故神气不得泰定，而生惊悸也。

前胡汤 治伏热在心，怔忡惊悸。

前胡 茯神 人参一两 远志两半 丹
砂 甘草一分

姜枣水煎服。

人参茯神汤 治心虚惊悸，恍惚不宁。

人参 茯神一两 陈皮一分 杏仁去皮尖、炒，一分

生姜水煎三钱服。

茯神丸 治心力劳倦，四肢羸弱，心忪惊悸，吸吸短气。补虚。

茯神 麦冬 熟地一两 人参 丹皮 黄芪二分 泽泻 甘草 牛膝 桂心五钱

共末，蜜丸桐子大，食前酒下二十丸。

伤寒后失音不语

论曰：伤寒后失音不语，由风寒客于会厌。会厌为音声之户，邪气伤之，故卒然无音。又肺主声而通于气，人之五脏有五声，皆禀气而通之。若邪客于肺，则气道不调，亦令人语无声音。当随其轻重治之。

杏仁煎 治暴嗽失音，语不出。

杏仁炒，研，二两 百合 木通 五味 贝母 紫菀 桑白皮一两 姜汁五钱 白蜜 砂糖四两

水五大盅，煎六味，去渣，下杏仁、姜汁、蜜糖、砂糖，微煎，收如饴样，收贮。水煎半匙，不拘时服。

豆竹汤 治失音不语。

黑豆半升 青竹去节，如蒜大，四十九茎，每茎长四寸，洗净

用水五大碗，同豆煮熟为度，温服，三服。

羚羊角散 治失音不知人，口眼不正，舌强。

羚羊角一两 麻黄去根节 石膏五钱 片芩 防风 麦冬 升麻 干葛三分

水煎五钱，温服，日二。

二沥汤 治失音不语。

竹沥用绿竹，去节，火烧取沥 荆沥同上 梨汁二合 陈酱汁半合

各滤过，和匀，分四服，早晚用。

桂心汤 治邪气伤肺，失音不语。

桂心二两 石菖蒲一两

水煎三钱，温服，取微汗，未退再服。

芥子酒熨方 治肺中风冷，失音不语。

白芥子五合，洗干，研

用白酒三盅煮，令半熟，以布带热包裹。令人熨头项周遍，冷则易之。

伤寒后咽喉闭塞不通

论曰：咽喉闭塞不通者，脾肺壅滞，风毒蕴积，内搏经络，上攻咽喉也。足太阴之脉，上膈夹咽，而喉则肺气之所通，故脾肺壅热，则咽喉闭塞。凡伤寒后余毒未尽，上攻咽喉，故亦令闭塞不通。

黄芩汤 治咽喉疮痛，口疮，烦躁头痛，毒气上攻。

黄芩 大青 山枝 甘草五钱 升麻 麦冬一两

水煎三钱，入竹叶。食后服，日三。

升麻汤 同。

升麻 木通一两 白芍 射干 羚羊角 五钱 芦根一握

水煎三钱，食后温服。

葛根汤 治伤寒后咽喉疼痛。

葛根 竹茹一两 仓粳米一合

生姜大枣水煎三钱，食后服。

贴喉膏 治喉痛舌强，邪热上攻。

白蜜半斤 甘草二两 猪脂四两

以脂蜜炼化，入甘草，煎赤黑色，滤去渣，收贮。频取半匙，含化。

射干煎 治咽喉痛，闭塞不通。

射干研末，半斤 猪板脂一斤，切

先煎脂化尽，下干，熬黑色，滤过，再熬成煎，收贮。绵裹弹子大，含化。

又方 热病后喉痛，闭塞不通，毒气上攻，肿病。

黄明胶

如掌大一片，用水煮软，贴颈外，瘥。

伤寒后变成疟

论曰：伤寒后变成疟者，因病瘥后，外邪未散，其脏尚虚，因为劳事，致二气交争，

阴盛则振寒，阳盛则发热，阴阳更盛，则往来寒热，休作有时也。一日再发者，得汗必解。若伤寒八九日得之，热多寒少，其人不呕，清便自调者，欲自愈也；或阳明症，烦热汗出，日晡所发热者，脉浮宜解表，脉实宜攻里。又妇人热入血室，发热而更作寒者，当详辨之。

升麻前胡汤 治变成疟，寒热躁渴。

升麻 前胡两半 白芍 知母三分 木通 朴硝 乌梅肉 山梔五钱 甘草炙，一两 生姜大枣水煎五钱，去滓，入生地汁二合，煎二三沸。食后服，日二。

黄芩鳖甲汤 治伤寒后变成劳疟，久不瘥。

片芩 柴胡 山梔 乌梅肉炒，五钱 鳖甲醋炙，一两 甘草一分

生姜、大枣、柳枝尖七枚、大豉半合、药五钱，入童便同浸一宿。次早五更煎，减半，去滓，入生地汁一合，沸服。

茯苓饮 治寒热不退变成疟。

赤茯苓 鳖甲 地骨皮二两 知母 柴胡两半 枳壳去白，炒，一两

水煎五钱，去滓，入生地汁一合，再沸。食后良久服，如人行五六里，再服。

伤寒后脚气

论曰：伤寒后脚气者，缘其人肾经本虚，风湿毒气乘虚客入肾。肾主腰脚，故邪气沉滞，则脚弱而痛。虽伤寒已瘥，邪热未尽，风湿毒气与热相搏，上冲于心肺，其状令入心胸烦满，上气息急，甚者致死。诊左尺脉洪而数者，脚气也。服药后，脉沉而缓者愈。

羚羊角汤 治脚气上冲，心膈烦闷。

羚羊角 白茯苓一两 片芩 半夏姜汁炒 陈皮去白，炒 吴茱萸洗，炒 槟榔五钱

生姜水煎五钱，空心服。

紫苏木香汤 治脚气冲心，心神烦乱，呕逆减食，脚膝酸疼。

紫苏 白芍 沉香 木通一两 木香

赤茯苓五钱 吴茱萸洗，炒 槟榔 陈皮

姜水煎三钱，食前服。

赤小豆汤 治脚膝肿满，气急，大便秘涩。

赤小豆半合 桑白皮 槟榔五钱 紫苏一两

水五盅，姜一分，煎减半，空心分二服。

吴茱萸散 治脚气，心腹妨闷胀痛，坐卧不安。

吴茱萸洗，炒，一分 木香 川归 槟榔 郁李仁炒，三分

水煎三钱，空心温服，日二。

伤寒后利下脓血

论曰：伤寒后变成脓血利者，因本病瘥后热毒未散，乘虚客于肠胃之间，怀津液相搏，故下利脓血。毒气盛，则脏热而痛，兼以湿气加之，则所下如鱼脑，或如烂肉、鸡鸭肝之属。寒未解，阴病下利便脓血者，亦湿热相搏故也。

地榆汤 治热毒不解，日晚壮热腹痛，下利脓血。

地榆 川连 片芩 犀角 茜根一两 山梔五钱

水煎三钱，入薤白二寸，不拘时服。

桃花汤 治伤寒少阴病，二三日或四五日，腹痛，小便不利，下利脓血不止。

赤石脂四两 干姜炒，一分 糯米二合半 水煎五钱，温三服，得愈止。

黄连汤 治热病瘥后，下利脓血不止。

川连 阿胶一两 片芩三分 梔子一分 水煎三钱，空心服，日二。

赤石脂汤 治下利脓血，腹痛不止。

赤石脂 黑干姜 附子 川归五钱 白芍一两

水煎五钱，空心温服，日二。

伤寒后蜜疮

论曰：伤寒后蜜疮者，因腹中有热，其

人少食，胃中空虚，三虫须食，或食五脏，或食下部，隐僻有疮，故名蛭疮。其候齿无色，舌上尽白，四肢沉重，忽忽喜眠，甚则唇舌有疮，其疮在上唇里如粟米。心内懊恼痛者，此虫食五脏之症。若下唇里有疮，其人喜眠者，此虫食下部之症。若肛烂见五脏者，死。故名曰蛭疮。

桃仁汤 治伤寒后蛭疮。

桃仁去皮尖，炒 槐角子炒 熟艾一两 大枣十五枚

水煎，分三服。

槐角子丸 治湿蛭虫食下部，心中烦懊。

槐角子炒 苦参一两 干漆炒，三分 木香 槟榔一两 桃仁去皮尖，炒，二两 熊胆五钱 共末，蜜丸桐子大。空心，荆芥汤下二十丸。

羚羊角散 治心中烦躁，唇口生疮，虫食下部。

羚羊角 黄芪 玄参 柴胡三分 草龙胆 升麻五钱

共末，用槐角子汤，空心下二钱，日二。

雄黄散 治蛭虫。

雄黄醋研，一分 川连 苦参 青箱子两半 桃仁去皮尖，炒，研，三分

共末，空心饮下一钱五分。蛭在下部，以绵裹少许，纳之。

桃皮汤 治虫食下部。

桃白皮 榧实 槐角子一两 石榴根皮五钱

大枣水煎五钱，空心温服，日二，以瘥为度。

天行下部蛭疮

乌梅肉五钱，捣 独蒜一枚，捣 屋尘三合，研用苦酒一升，于铜器中共煎，候可丸即丸如枣核大。纳下部中，少顷易之，瘥。

伤寒不究心仲景，则变证不知，杂证不识，今《总录》中变证备载，仲景祖方，一无遗漏，按方疗治，神明在人矣。本家藏发明仲景伤寒书，自郭白云、庞安常、成无己后五十余家。节庵，非仲景衣钵，不与焉。行将剞劂《伤寒集注》公诸宇内，则学有渊源，方有祖法，为医家大宗匠，此余之所厚望于来学也。

康熙辛酉花朝静观居士程林识于维扬三一斋中

辟瘟疫令不相传染

论曰：凡时行瘟疫，皆四时不正之气。感而病者，长少大率相似。此病苟不辟，多致传染，宜方术预防。

败龟板汤 治辟时行瘟疫，令不相传染。

败龟板酥炙，五钱 山梔 大青 白芍 羚羊角 马牙硝 紫菀 前胡一两

水煎五钱，空心温服，日二。

苍耳子散 宜预先服之，辟瘟疫时气。

苍耳子，午日，干，三两

为末，空心，井华水下二钱。

又方

芫青不拘多少，水洗净，捣取汁。

立春后值庚子日，合家大小宜温服一二盅，则永除瘟疫之患。

涂敷方 辟瘟疫时气。

雄黄一两 丹砂 鬼白 石菖蒲一两

共末，井水调和，涂五心及额上、鼻中、耳门，辟瘟甚验。

调中丸 治四时疫疠非时之气。

大黄炒，五两 麻仁研，一两 枳壳炒 白茯苓 白芍药 前胡 片苓一两

共末，蜜丸梧桐子大。空心饮下二十丸，微利，卧服佳。

圣济总录纂要 卷五

清 新安 程 林云来纂辑
鄞县 曹炳章赤电校点

疟疾门

诸疟统论

论曰：夏伤于暑，秋成疟疾。该于夏而作也，方夏之时，阴居于内，暑虽入之，势不能动，候得秋气，阳为之动变，汗出遇风，乃成此疾，故名曰疟疾。皆生于风，蓄作有时，其气阴阳上下交争，虚实更作，阴阳相移也。阳并于阴，则阴实而阳虚。阳明虚，则寒栗鼓颌；巨阳虚，则腰背头项痛；三阳俱虚，则阴气胜，阴气胜，则骨寒而痛。寒生于内，故中外皆寒。阳盛则外热，阴虚则内热，内外皆热，则喘而渴，故欲冷饮。因伤于暑热，气盛藏于皮肤之内、肠胃之外，此荣气之所舍也。令人汗孔疏腠理开，因得秋气，汗出遇风，乃得之于浴，水气舍于皮肤之内，与卫气并居。卫气者，昼行于阳，夜行于阴。此气得阳而外出，得阴而内薄，内外相薄，是以日作。日作者，气之所舍深也。作之早晏者，随风腑日下一节也。是以或先寒后热，或先热后寒，或但热而无寒，或本于痰，或本于瘴疠，或本于鬼神，或本于邪气，大概外传经络，内入五脏。症既不同，治法亦异。凡治疟者，不辨阴阳虚实，概以吐药投之，有非痰实而真气受毙者固多。《内经》论五脏诸经之疟，本以刺法补泻，其寒热先后，与夫正发早晏，又皆不同，明指邪气所传，不可一概而论。今备载诸症本末，参以治之轻重，要在随症而施，庶几乎无一曲

之蔽也。

寒疟

论曰：寒疟之状，《内经》谓先寒而后热，病以时作是也。盖伤暑，汗出腠理开发，因遇夏气，凄沧之水寒，其气藏于皮肤腠理之中，秋伤于风，则病成矣。其症先起于毫毛，伸欠乃作，寒栗鼓颌，腰脊俱疼，寒去则内外皆热，头痛饮冷是也。

槟榔汤 治寒疟神效。

槟榔 常山 桂心 陈皮去白、炒 甘草炙，一两

酒水合煎三钱，未发时先服。

鳖甲常山酒 治疟先寒战，解即壮热。

鳖甲醋炙，一分 淡竹叶 一两 甘草 常山 三分

酒半盅，浸药一宿，次早加水煎。未发时温服，得吐为效。

蜀漆散 治寒疟。

蜀漆水洗去腥，焙 云母火煅一昼夜 龙骨一两

共末，未发时浆水下五分。

乌梅丸 治寒疟不止。

乌梅肉炒 桃仁去皮尖，炒 常山 豉炒，三分 升麻 肉苁蓉酒浸，洗 人参 甘草炙 桂心一两

共末，蜜杵，丸桐子大。空心酒下二十丸至三十丸。

虎骨丸 治一切寒疟，无问远近。

虎骨酥油炙 人参 甘草 桂心 乌梅肉炒，五钱 桃仁去皮尖，炒 肉苁蓉 常山

升麻三分 附子五钱 麝香研，一钱 豉炒，一合
共末，蜜丸桐子大。未发时，饮下三十
丸。

二姜散 治寒疟不瘥。

黑干姜 高良姜 一两

同炒黑，为末。空心酒下一钱，日三。

寒疟涂方

鳖甲醋炙，五钱 乌贼鱼骨去甲 附子 常
山 炙甘草一两

炒黑，为末。空心酒下一钱，日三。

寒疟涂方

鳖甲醋炙，五钱 乌贼鱼骨去甲 附子 常
山 炙甘草一两

酒煎五钱，次日以酒涂手足并背上。如
不发即止，发时饮此酒一盅。

又方

附子一枚，生用

共末，用酒和，涂病人背心上佳。

温 疟

论曰：温疟之状，《内经》所谓先伤于风，
后伤于寒，其症则先热后寒，病以时作是也。
盖风为阳气，寒为阴气，风气大胜，故先热
而后寒。得之冬，中风寒气，藏于肾内至骨
髓，至春，阳气大发，邪气不能自出，至夏，
大暑，脑髓烁，肌肉消，腠理发泄，或有所
用力，邪气与汗俱出，故气从内之外。其法
宜先治其阳，后治其阴，则疟疾自除。

芦根汤 治初壮热，后寒战，骨节酸疼，
口干烦渴。

芦根 石膏一两 麦冬 升麻 葛根三
分 山梔五钱

水煎五钱，入竹叶十片。未发前，连三
服。

知母汤 治疟，骨节疼痛，时呕，朝发
暮解，暮发朝解。

知母二分 甘草一两 石膏三两 桂心五
钱 梗米一合

水煎五钱，入米一撮。候未热，未发时

先服。

常山饮 治温疟，壮热微寒。

常山如鸡骨者，五钱 淡竹叶一把 小麦一合

水浸一宿，次早煎。未发时，空心温服。

老年久病之人及虚弱者，煎三钱服。

寒热往来疟

论曰：阴阳相胜，而寒热互作者，以邪
气相弄也。故气并于阴，则为寒；并于阳，则
为热。寒则振栗鼓颌，以阴实阳虚故也；热
则渴而饮冷，以阴衰阳胜故也。

柴胡桂枝汤 治疟寒热往来。

柴胡四两 桂枝 人参 片苓 白芍两
半 甘草 半夏 两

姜枣水煎六钱，温服，日二。

人参汤 治寒热疟时作，面色黄。

人参 常山五钱 甘草 陈皮去白，炒，三
分

水煎五钱，入茶末灯心，去滓，入酒半
盅。未发时，先服，取吐。如未吐，再服，以
痰尽为度。

鳖甲大黄丸 治疟寒热往来，久不瘥。

鳖甲 大黄，生 附子 人参 甘草
常山 蜀漆 白薇一两

共末，蜜丸桐子大，竹叶汤平日服十五
丸，良久又服。

瘧 症

论曰：瘧症之状，《内经》所谓但热不寒，
阴气先绝，阳气独发，少气烦冤，手足热，而
欲呕是也。得之邪热留于身中，厥逆上冲，气
实而不外泄，因有所用力，腠理开疏，风寒
客于皮肤之内、分肉之间而发。发则阳气盛，
不及于阴，故但热不寒。气内藏于心，外舍
于分肉之间，令人消烁肌肉，名曰瘧症，以
单阳无阴故也。

白虎加桂汤 治疟疾，阴气孤绝，阳气
独发，脉微，少气烦满，手足热，欲呕，但
热而不寒，邪气内藏于心，外舍于分肉之间，

令人消烁肌肉。

石膏研，一两六钱 知母盐酒炒，六钱 甘草蜜炙，二两 梗米炒，半合

用汲水一升，煮药五钱，入梗米一撮，以米烂为度，去滓，入桂末三钱，再煎取四合。作一服，稍热服，取汗。先寒发热汗出愈。

鼓心汤 治瘧症，但热不寒。

鼓心一合 雄鼠屎炒，二钱 童便三升半 黑山枝三分 柴胡 鳖甲一两一分 甘草五钱 乌梅肉七枚，炒 生地汁二合 生姜汁一分 桃枝心 柳枝心各一把

除鼠粪地姜汁小便，将药入小便浸一宿于星月下。次早煎，去滓，入鼠屎地姜汁煎。分三服，一日用。

石膏汤 治瘧症热甚不瘥。

石膏研，二两 白梗米五十粒 常山三分 水煎五钱，入竹叶二七片，空心，欲发与正发时，各一服。静卧，勿与人语，俟过发时，再洗手面饮食。七日内禁房事及酒面热物。久疟，不过二剂。

车前草汤 治瘧，壮热不止，渴欲饮水。

车前草 常山 生甘草 升麻 大鼓炒，五钱 梗米半合

水浸五钱，于星月下露一宿，上横刀一把。次早五更煎。空心，温分二服。良久即吐，吐定以浆粥止之。

常山饮 治瘧症，但热不寒，烦渴不止。

常山 生甘草 乌梅肉炒 青蒿五钱 竹叶二十一片

以童便白酒各一大盅，微煎，露星月下一夜，上横刀一把。次早空心温服，及当发时，各一服，以瘥为度。

间日疟

论曰：间日疟者，邪气著于阴，不得与阳气俱出也。卫气昼行于阳，邪气不得出，故必再会而后发，是以间日乃作。

醇醪汤 治间日疟。

大黄炒，三分 常山 甘草炙，两半

水煎三钱，未发先服。

常山酒 同。

常山一两 蒜独头者，一枚 糯米 黑豆百粒

共粗捣，以白酒一升，浸上件，露星月下一宿，下横刀一口。次早煎。未发时，三分饮一分。如未吐，更服一分，得吐瘥。

糯米煮散 同。

糯米四十九粒 常山 淡竹叶 乌梅肉炒炙甘草五钱 石膏二两

共末，水煎五钱，未发时先服。

神圣丸 治间日疟，先寒后热。

黑豆小者，二十一粒 白砒细研，一钱 大枣三枚，饭上蒸，去皮核

共研极细，须于五月五日，或七月七日修合，丸如豌豆大，丹砂为衣，阴干。冷茶清下三九。忌食热物一伏时。合丸时，忌女僧尼姑鸡犬。

痰疟

论曰：痰疟之状，胸中不利，头痛，振寒洩栗，而不能食，食即呕吐，寒去则内外皆热，更作心下支满，痰积胸中，气逆烦呕，故谓之痰疟。

石膏饮 治一切痰疟。

石膏三两 常山二两 淡竹叶三两 生甘草 乌梅肉二两 梗米半合

水煎五钱，空心温服，吐痰瘥。如热甚，加大黄一两。

犀角散 治痰疟呕吐。

犀角 升麻 玄参 常山五钱 细辛 甘草生 松罗山枝一分

水煎五钱，空心徐徐温服，取吐痰涎效。

痃疟

论曰：痃疟者，以疟发该时，或日作，或间日作也。夫卫气流行，合于昼夜。阴阳邪气，内舍于荣，随卫气以出入，而应于风府。其作之早晏，皆以时发。寒、温、瘧症，动

作亥时，故《内经》统谓之疟症。其状伸欠，乃作寒栗鼓颌，腰脊痛，寒去则内外皆热，头痛如破，渴欲冷饮。

麻黄丸 疟症发作有时。

麻黄去根节，一两 常山 甘草 知母 大黄生，五钱

共末，蜜杵丸小豆大。未发前，空心饮下五七丸，临发再下。

鳖甲渍酒 治疟症以时发。

鳖甲九肋，醋炙 附子 甘草一两 常山二两 乌贼鱼骨去甲，二两

酒三盅，渍药五钱。明早先以酒涂五心，次温饮一二盅。

常山酒 治疟症，先寒战后壮热，日发及间日作者。

常山 淡竹叶一两 鳖甲醋炙，一两 甘草三分

共粗捣，酒浸五钱，于星月下露一宿。次早水煎。未发时，先温服，取吐效。

知母丸 治一切疟。

知母 乌梅肉炒，二两半 常山 肉苁蓉 豉炒，二两 炙甘草 人参 桂心两半

共末，蜜丸桐子大，酒下二十丸。

扼虎膏 治疟症。

入大蒜肉，研和为膏。用大核桃一枚，劈开去仁，取一片，以药填核内。发时将药核复在手虎口上，男左女右，令药着肉，以帛缚定，过宿乃去。

劳 疟

论曰：劳疟者，以久疟不瘥，气血俱虚，病虽间歇，劳动即发，故名曰劳疟。盖邪气日深，则气息愈耗，表里既虚，故令人食减肌瘦，色悴力劣，而寒热如故也。治宜补养气血。

柴胡汤 治劳疟经久不瘥。

柴胡一两 人参 黄芪 片苓 甘草 括萎根五钱

姜枣水煎五钱，未发时先服，日二。

祛劳汤 治疟经年不瘥，寒热痿瘦。

鳖甲 柴胡 常山 知母 甘草 青蒿 枳壳炒 桂心一两 木香五钱

姜枣水煎三钱，入柳枝心七段，葱白三寸煎。空心未发先温服，已发又服。

柴胡枳壳汤 治劳疟经久不瘥，翕翕发热，骨节疼痛，不下食，小便赤涩，日渐消瘦。

柴胡 枳壳 升麻 麦冬 鳖甲 甘草 桃仁一两

水煎三钱，未发先服，日二。

常山丸 治积劳寒热。

常山 知母 蜀漆叶 白薇 炙甘草 乌梅肉炒 麦冬 升麻 地骨皮三分 鳖甲 萎蕤五钱 大豉炒，一合 石膏一两

共末，蜜丸小豆大。空心饮下十丸，未发前再服，加丸数，以瘥为度。

乌梅丸 治年疟不瘥，颜色羸瘦无力。

乌梅肉炒 人参 桂心 炙甘草 升麻 五钱 桃仁去皮尖，炒 肉苁蓉 常山三分 豉微炒，一分

共末，蜜杵，丸桐子大。空心饮下二十丸，未发前服三十丸。

牛膝饮 治疟经年不瘥。

常山 知母 鳖甲 甘草 柴胡 青蒿 枳壳炒 桂心一两 桃枝心 柳枝心各一把 水煎五钱，入葱白、薤白各三寸。空心温服，日二。

乌梅五补丸 治疟经年不瘥，状如劳疾。

乌梅肉 黄芪 桂心 肉苁蓉一两 柴胡 桃仁去皮尖，炒 赤茯苓 人参 升麻 川归酒洗 常山 怀生地一两 甘草炙，两半 麝香五钱

共末，蜜杵丸小豆大。空心酒下二十丸，加至三十丸。

二物汤 治久疟，食少肌瘦。

童子小便半升 白蜜一两

同入磁瓶内，煎数沸，分三服。

久 疰

论曰：久疰者，疰疾经久不瘥，发汗、吐、下过甚，真气虚耗，邪气深沉以内搏，卫气不应，故积岁月而难治。虽有虚痞不可攻，治当先其发时，用汤液以发汗。盖浸渍熏蒸，邪气方出，出则微汗，令小便利者，表里俱和，则久疰自瘥矣。

黄芪散 治疰，四肢虚，汗出不止。

黄芪 牡蛎 人参 知母 麻黄根 各一两

共末，未发前，小麦汤空心下三钱。未瘥又服。

车前草汤 治久疰，憎寒壮热不止，渴欲饮水。

车前草 常山 升麻 甘草五钱 大豉微炒 白糯米炒，半合

水浸三钱，露星月下一夜，上横小刀一口。次早煎，空心温服，相次又服。良久得吐，吐定即食稀粥。

枝子汤 治久疰经年不瘥。

枝子一两 常山三分 车前子叶，炙，五钱 粳米半合

水煎五钱，空心温服，以吐利为度。

常山汤 治久疰不止。

常山 乌梅肉炒，一两 生甘草三分

姜水煎三钱，空心温服。发时再服，以瘥为度。

鬼 疰

论曰：鬼疰者，外邪之所乘也。凡人真气内虚，神守不固，则鬼邪投间而入，故恍惚喜怒，寒热更作，若有所持，而屡发屡止。治宜攘解，兼以祛邪安神之剂即愈。

独胜丸 治鬼疰经久不瘥。

桃仁大者，一枚

和皮尖劈二片，一片书“奉敕斩鬼”四字，一片书“奉敕杀鬼”四字，合作一枚，以彩线扎定，五更新汲水吞下。

三圣丸 治鬼疰。

雄黄 雌黄 大黄生，各一两

各研末，用井华水浸蒸饼，丸小豆大。发日清晨，取汲水，向东方下二丸。宜五日午时修合。

阿魏雄黄丸 治鬼疰经久不瘥。

阿魏 雄黄五钱 柳枝心 桃枝心取向东者，各十七寸，为末 丹砂一分，外一分为衣

共末，以三家棕角小豆大，丹砂丸为衣。发日，用净器磨一丸，涂中指尖上，男左女右；未退，冷水下一丸。

疰 母

论曰：疰母者，因病疰久不瘥，结为癥瘕是也。邪伏于阴故也。治以破结削癥之剂，陈其病本，则疰自除。

鳖肉煎丸 治疰久不瘥，结为癥瘕，名曰疰母。

生鳖肉半斤，治如食法 片苓 葶苈子纸炒 柴胡 蛭螂去头翅足，炒，五钱 桃仁汤泡，去皮尖，另研 大黄生 牡丹皮 紫菀 瞿麦穗去梗 半夏汤泡，去皮，姜汁炒 人参 黑干姜 大戟 阿胶蛤粉炒 海藻水洗，去咸汁 蜃虫炒 鼠妇炒，去足 紫朴一分 桑螵蛸炒，一两 石韦去毛净用，羊脂炒焦黄 桂心 射干取紫色者，用米泔浸一日 赤芍药一分

共末，取灶下灰三升、白酒二升，用竹笋盛灰，以酒淋，取灰汗澄清，用汁煮鳖肉令烂，绞去肉，将汁入药末，同煎成膏，试可丸即止，丸如桐子大。未发前，空心酒下二十丸。

雄黄丸 治远年疰结成癥瘕。

雄黄醋煮，研 丹砂 麝香五钱 鳖甲醋浸，炙 白薇 虎头骨酥炙 木香 羚羊角 知母 乌犀角 麻黄去根节 防风 柴胡 茯神 草龙胆 川归酒洗 牡蛎童便淬 赤芍药 猪苓 升麻 槟榔 龟甲醋炙 玄参 乌梅肉 地骨皮洗净 山枝 川连 安息香 阿魏醋研，入面作饼，炙 萎蕤 桃仁去皮尖，炒

龙齿各三分

共末，入蜜杵，丸如梧子大。未发时，空心饮下二十丸，临发再下。

疟疾发热身黄小便不利

论曰：寒热凌疟于人，名为疟病。疟而发热，小便不利者，身必发黄。此盖热气下迫，入于小肠，小道即涩，故小便不利。

常山饮 治手足苦烦，发热渴躁，通身悉黄，小便不利。

常山 柴胡 山枝 甘草一两 石膏
赤茯苓 蜀漆炒 鳖甲二两

水煎五钱，入竹叶二七片、豉百粒。

知母汤 治发热烦渴，咽干口燥，身黄怠惰，小水涩。

知母 升麻 人参 麦冬 柴胡 犀角
地骨皮一两 龟甲 石膏二两 甘草两半
赤茯苓三钱

水煎四钱，入豉五十粒。

柴胡汤 治大渴烦躁引饮，身黄，小便不利。

柴胡二两 人参 麦冬 知母 杏仁去
皮尖，炒，一两 炙甘草五钱

水煎四钱服，以利为度。

赤茯苓汤 治发热烦躁，身面黄，小便不利。

赤茯苓 片苓 桂心一两 升麻 甘草
常山 蜀漆炒，五钱

水煎五钱服，以利为度。

赤茯苓汤 同前。

赤茯苓 白芍炒，一两 白术土炒，三分
木通 瞿麦穗一两

生姜葱白水煎五钱，温服，以利为度。

疟 痢

论曰：疟痢者，疟久不瘥，寒热邪气内搏肠胃间也。其病寒热往来，利下脓血，赤白相杂，肠中切痛。随其阴阳而治之。

黄连犀角丸 治伤寒病兼痢疾，无间下

赤白，水谷完出及下鲜血，并皆主之。

川连 犀角 豉炒，二两 龙骨火煅，四两
牡蛎醋淬，五钱

共末，蜜丸桐子大。饮下三十丸，日二。

前胡丸 治伤寒疟气，急黄并利。

前胡 赤茯苓 片苓 白芍 枳壳去白，
炒，五钱 大麻仁两半，研 大黄酒，一两

共末，蜜丸小豆大。空心饮下十丸，以溏利为度。又利，服十五丸。

瘴 气

论曰：传言瘴气乃山川毒厉之气。又云，江山雾气多瘴，几以其气郁蒸而然也。阅诸方论，治瘴气之法不一。或谓其证与伤寒相类，有在表可汗者，有在里可下者，有在膈可吐者；或以治疟法治之者。盖原广南山川地形，瘴气所生之因，及春夏之交，又瘴气所起之时，与夫人染瘴气拯治之法，悉著于篇，庶可考焉。且阳生于子，盛于巳；阴生于午，盛于亥，阳不极，则阴不萌；阴不极，则阳不长。而广南位当巳午，则阴阳之气蕴积于此可知矣。天不满西北，地不满东南。西北，阴也，土地高厚；东南，阳也，地土卑下。而广南属东南，则土地之卑下可知矣。以上地卑下，而阴阳二气所蕴积，是以四围之山崇高相环，百川之流悉皆归赴，及秋草木不凋瘁，冬令蛰虫不伏藏，寒热之毒蕴积不散，雾露之气易以伤人。此岐伯所谓南方地下水土弱。盖雾露之所聚也，故瘴气独盛于广南。然瘴气所起，其名有二：孟夏之时，瘴名芳草，而终于秋；孟冬之时，瘴名黄芒，而终于春。四时皆能伤人，而七八月间，山岚烟雾蛇虺郁毒之气尤甚，当是时疾瘴大作。不论老少，或因饥饱过伤，或因荣卫虚弱，或冲烟雾，功涉溪涧，但呼吸斯气，皆成瘴疾。其状头疼体痛，胸膈烦满，寒热往来，咳嗽多痰，全不思食，发渴引饮，或身黄肿胀，眉发脱落，此皆毒厉郁蒸之气所致。夫生于凌者安于凌，其土入宜无所虚矣，然且日食檳

榔。盖槟榔之性，破坚毒，除蕴积故耳。治法先以磁石下收其阴，次以丹砂上正其阳，阴阳气正，中满自消，然后以槟榔解其余蕴毒，斯愈矣。

磁石丸 治瘴气，下收其阴。

磁石三两，醋淬七次

研极细，醋煮糊，丸小豆大。汲水下三十丸，日二。

丹砂散 治瘴气，上正其阳。

丹砂明亮者，三两，飞

蜜水下五分，旦一服。

秦艽汤 治山岚瘴气如症状。

秦艽 柴胡半分 常山一分 糯米一握
乌梅肉炒，三枚

共作一服，水煎半，分二服，取吐利。

元气十补丸 治伤寒瘴气，人虚弱面黄，不思食，或因或省，心腹胀满，痞气，耳鸣。

巴戟天 肉苁蓉 白术 石斛 五加皮
一两 鹿茸去毛，酥炙，五钱 菟丝子酒煮 人参
柏子仁 甘菊三分

共末，蜜丸桐子大。空心酒下二十丸，日二。

香椿散 治瘴气恶心，四肢痛，口吐酸水，不思食，憎寒壮热，发过引饮。二广闽中多山岚，烟雾蛇虺郁毒之气，当秋七八月之间，芒花发时，此疾大作，俗谓之黄芒瘴。又谓之芳草瘴是也。盖人或因饥饱，或因虚怯，或冲烟雾。或涉溪涧，遂得此疾。谓之黑脚瘴，虾蟆瘴，哑瘴，其名不一，并皆治之。

香椿嫩叶酒浸，三两 炙甘草 南壁土取向
日者 腊茶一两

共末，酒下二钱。如患久者，加入柴胡甘遂各五钱，空心临卧服。

葛蒲散 治瘴气久治不瘥。

石葛蒲 川芎 白术炒 苍术炒香 荆
芥穗 炒山梔一两 吴茱萸 甘草 硝石
侧柏炒黄 荷叶五钱

共末，薄荷汤下二钱。如患热疾，姜枣

煎服。

煮黑豆丸 治山岚一切瘴气。

白术 苍术 甘草 贯众二两

共末，蜜丸弹子大。用黑豆一合，入铫内令平，将药安豆中，入水高豆一指许，慢火煮干，复曝干，以绢袋盛之。用新汲水，吞二十粒。有患处，空心一服。如涉远遇饥，水下五十粒至百粒，可充饥饿。

乌药汤 治岚气一切瘴气。

乌药炙，一斤 半夏半斤，姜汁炒 桂心 甘
草二两 马鞭草半斤 陈皮去白，炒 荆芥四两
姜水煎三钱服。

瘴 症

论曰：人与天地流通，万物一气。故有感于山川毒疠之气而为病者，瘴症是也。以其寒热相似于疟，故名瘴症。传谓两山夹水多疟。盖阴气多而阳气少，则易为寒热之疾也。

白薇汤 治瘴症经百日并一年者。

白薇 知母 升麻 龙胆草 炙甘草
蜀漆叶炒 片苓 苦参五钱 常山 大黄微
炒，一两 淡竹叶三钱 鳖甲醋炙 豉一合 独
蒜一枚 石膏 赤茯苓三分

酒水合煎三钱，先时及发时各一服，仍以药汁涂手心并面。

木香丸 治一切瘴蛊毒等症。

木香一分 升麻 玄参 猪苓三分 甘
草 槟榔 炙鳖甲 犀角五钱 豉一合，炒
共末，蜜丸小豆大。空心酒下三十丸，日二。

砒霜丸 治山岚瘴气寒症，解邪毒。

白砒一分 淀花二两 铁砧上末四两，水淘
净

共研，入麝香少许、金银铂各十片，糯米糊丸芡实大。酒下一丸，吐泻瘥。

常山散 治瘴症寒热往来，二三日一发。

常山 紫朴一两 草豆蔻二枚 槟榔
炙甘草五钱 乌梅肉七枚

水煎三钱，候冷，未发前先服。如热服，即吐。

保安汤 治瘴疟久不瘥。

常山 桃仁五钱 知母 青蒿一两

姜水煎二钱，稍热服。

中 喝 门

中 喝 统 论

论曰：盛夏炎热，人多冒涉路途，热毒易伤。微者客于阳经，令人呕逆头眩，心神懊闷，汗出恶寒，身热发渴，即时不治，乃至热气伏留经络，岁久不除，遇热即发，俗名暑气。甚者，热毒入内，与五脏相并，客邪炽盛，郁痰不宣，至阴气卒绝，阳气暴亡，经络不通，故奄然闷绝，谓之中喝。此乃外邪所击，真脏未坏，若遇药救，气通则苏。但治热喝，不可饮以冷物，冷则热不流通。若外以触，则热蕴积于内，反不得宣发故也。

中 热 喝

论曰：热喝之病，由冒犯暑热邪气。其脉弦细芤迟，其状汗出恶寒，身热而渴，身重疼痛，小便已则沥沥然，毛耸，四肢厥冷，微劳动则热，口开齿燥。经所谓脉虚身热，是为伤暑。不可汗下，若汗下，则恶寒更甚。宜以去热邪药治之则愈。

白虎汤 治中热喝，头痛汗出，恶寒发热而渴。

知母去毛，六两 石膏研，一斤 甘草生，二两 糯米六合

水煎五钱，空心温服。一方加人参。

小香薷饮 治伏暑吐逆中喝。

香薷穗二两 人参一两 白扁豆炒，五钱
水煎三钱，空心温服。

竹茹汤 治中喝烦渴不止。

竹茹一合 甘草一分 乌梅肉炒，二枚
水煎，时时细呷，愈。

消暑散 治中暑烦躁，多困乏力。

人参 白面一两

共末，空心汲水下二钱。

甘露散 治暑气。

川连一两 吴茱萸五钱，洗

同炒茱萸黑色，地上去火毒，去萸，用连为末。食后茶清或汲冷水下五分。

甘露丸 治中暑热躁闷。

寒水石火煅，故井中浸七日，研，四两 天竺黄
马牙硝二两 生甘草一两 冰片研，五钱

共末，糯米粥丸茱萸实大。姜枣水下一丸。

救生散 治中暑毒，烦躁渴闷。

脂麻新者，一两，慢炒黑色

为末，用新汲水下三钱，以瘥为度。凡暑热，外不可以冷物逼之，得冷即死。

中 喝 闷 绝

论曰：中喝之病令人闷绝者，乃热毒伤于脏也。盖心藏神而恶热，若冒触暑毒，蕴蓄于五脏，则阴阳不能升降，经络不能宣通，故奄然闷绝。然真脏未坏，救疗有方，使呼吸之气宣通即苏。亦不宜待其自苏，又不可使之犯冷，若外犯冷，则与热气相拒，令气反不通而速毙，宜慎之。

热喝欲死闷气方

生地汁一盅

令旋旋灌之即苏。

中暑毒热喝不省方

上白面

用热汤和三钱，令人灌之即瘥。

中热不省人事方

大蒜去衣，捣烂

用新汲水调和灌之瘥。

又方

以湿泥围中喝人脐，使二三人溺其中，不可使流去。此路上无汤可用，乃令人溺取温，有汤不必溺也。仲景不云泥及车缸，盖此物必冷，喝人忌冷。若得热汤和泥，及火烧平缸可用也。

又方

生菖蒲

捣取汁，微温一盅，令人灌之愈。

又方

掘池作小坑子，以蜜半盅倾坑内，入新汲水二三盅搅匀，取起放碗内，澄清水浆，一盅灌之瘥。

中热喝死方

取路上热尘土，以壅其心；冷，复易之，候患人气通乃止。

陈皮汤

陈皮去白，炒 黑干姜 炙甘草一两

水煎三钱，稍冷咽，勿顿与之。中喝垂死，备急救生。

霍乱门**霍乱统论**

论曰：三焦者，水谷之道路，气之所终始也。因风冷，或饮食伤内，至中焦不和，则正气不守，而邪得内干，挥霍之间便致撩乱，故名霍乱。盖清浊相干于肠胃之间，便致撩乱，腹痛即利，甚者吐利俱发。其不吐不利，谓之干霍乱，亦以饮食暴争于中，而不得出也。然脉必代者，以气不足也。脉大能言者，为可治。若脉微气劣，面不欲言，为难治。

霍乱吐利

论曰：霍乱吐利者，以三焦气不升降，而清浊相干于肠胃，五内闷乱。先心痛则吐，先腹痛则利，心腹并痛则吐利俱作。治此者，当清中焦为本，中焦既和，则清浊自分，而吐利止矣。

藿香汤 治吐利不止。

藿香五钱 白芷 砂仁二两 丁香一分
水煎一钱，稍热呷。

大豆饮 治吐利不止。

大豆 陈皮 香茹 竹茹 前胡 芦根

枇杷叶

姜水煎五钱服，以瘥为度。

理中汤 治霍乱吐利虚冷。

人参 白术二两 甘草 干姜二两

水煎五钱，温服。若胸满腹痛吐下者，加川归紫朴姜，炒，各二两。

四顺汤 治吐下，虚冷厥逆，腹痛干呕。

干姜 人参 甘草二两 附子一枚

水煎五钱，空心温服。一方，下甚者，加龙骨二两；腹痛不止，加川归二两。

香薷丸 治冷热不调，霍乱吐下。

香薷两半 扁豆 木香一两 丁香皮二两
益智仁一分 零陵香 藿香五钱

共末，糊丸桐子大。苏叶汤下二十九。

青金散 治吐逆，手足厥冷，面青，诸药不效者。

硫黄一两，溶作汁 水银一两，与硫汁溶结成沙子

研细，用冷木瓜汤下二钱，米饮下亦可。

和气煮散 治吐下，冷热不和。

胡椒 绿豆一两 人参一分

共末，水煎三钱，空心稍热服，日二。

霍乱呕吐不止

论曰：霍乱呕吐不止者，胃气逆故也。胃气逆，则气上而不下，故呕吐不止也。若上下降，阴阳和平，而吐自止矣。

藿香 紫朴二两 人参 白茯苓 干姜
青皮 枇杷叶 半夏姜炒 甘草一两 丁香五钱 草豆蔻六枚

姜水煎三钱，热服。定呕逆，止心腹刺痛，进饮食，化痰益气。

香薷汤 治吐逆不止，烦闷。

香薷陈者，一斤 扁豆 紫朴姜汁炒，半斤

水酒合煎五钱，汲水坐顿冷分二服。未效，再服。

紫朴汤 治呕吐不思食。

紫朴姜汁炒，二两 人参 白术 半夏姜炒
陈皮一两

姜枣水煎三钱，空心温服，日二。

返魂汤 治呕逆，手足厥冷。

食盐一分 生姜一两

用童便碗半煎一碗，分三服。

人参汤 治下焦热气逆上，呕吐不止，名曰走哺。

人参 山梔 片苓 知母 萎蕤 一两
白茯 陈皮 白术 石膏 两半

姜水煎三钱服，日二。

四汁煎 治呕吐不止。

生藕汁 生葛汁 木瓜汁 各 生姜汁
半合

同慢火煎如饴，频服一二匙，含化，徐徐津液咽下。

藿香散 治吐逆，开胃和气。

藿香 一两 人参 丁香 五钱 诃勒皮 十枚
石莲心 二百枚 糯米 三百粒

共末，煨。生姜大枣煎浓汤下二钱。

霍乱四逆

论曰：四肢为诸阳之本，阳气之所通也。霍乱吐利，阳气暴厥，故四肢逆冷，而脉微欲绝也。古法治四逆专于通脉，盖荣卫流行，气道升降，则手足自和，逆者顺矣。

理中汤 治伤寒霍乱呕逆，四肢厥冷，烦闷汗出，食不化，心腹虚满，拘急短气。

麦冬 干姜 六两 人参 白术 五两 附子
白茯 三两 甘草 四两

水煎三钱，空心温服，少顷又服。

龙骨汤 治吐利，手足逆冷。

白龙骨 黑附子 一两 黑干姜 人参
炙甘草 两半

生姜水煎三钱，空心温服，以瘥为度。

霍乱心腹痛

论曰：霍乱心腹痛者，由脾胃虚弱，客风冷之气，使阴阳不和，至水谷相并，清浊莫分，变乱于肠胃之间。令人心胸烦懊，闷乱不安，故名霍乱。然邪气上下于阳络，则

心痛而呕吐；下搏于阴经，则腹痛而泻利，故谓之霍乱心腹痛也。

桂心汤 治心腹痛，烦呕不止。

桂心 三两 紫朴 姜汁炒，四两 枳实炒，五两
姜水煎三钱，温服，日二。

抵圣散 治霍乱，宿食不消，心腹疼痛。

紫朴 姜汁炒，四两 白术 土炒，二两 人参
白茯 高良姜炒 木香 吴茱萸 洗，炒 草豆
蔻 枳壳 甘草 陈皮 去白，炒，一两

共末，空心沸汤下二钱，日二。

石菖蒲汁汤 治霍乱心腹痛，急如中恶。

石菖蒲 生者，四两

水洗，捣取汁一盅，分四服。热汤和汁，温服。

厚朴汤 治霍乱，心腹痛烦不止，或呕。

紫朴 姜汁炒 桂心 枳壳 去白，炒，二两 白
芍 炒 槟榔 微煨，一两

生姜水煎三钱，空心温服。

缩砂散 治心腹冷痛，呕逆恶心，滑泄不止。

砂仁 陈曲 白术 赤石脂 黑干姜
吴茱萸 洗，炒 川芎 龙骨 一两

共末，熟米饮下二钱。

干霍乱

论曰：干霍乱之状，中气喘争，而不吐不利是也。盖肠胃挟实，与正气相搏，正气暴衰，神志昏冒，上下隔寒，白汗自出。治之稍缓，则不可救。

盐便汤 治不吐不利，冷汗自出，气闷将绝。

食盐 半匙，熬 童便 一盅

和匀，温服，少顷吐下即愈。

紫苏丸 治干霍乱。

紫苏 陈皮 人参 桂心 高良姜 一两

共末，蜜丸梧子大。气满恶心欲吐，不吐干呕，酒下二十丸，日二。

人参汤 同上。

人参 白茯 紫朴 一两 桂心 甘草

高良姜炒，五钱

姜水煎三钱，温服，日二。

黍米饮 治干霍乱。

黍米二合

水研，澄清，取白汁，呷尽即瘥。

不得吐利方

食盐一合 汲水一升

同煎，令盐消。服之，吐出涎沫便愈，如不吐，又如上法饮之，令吐佳。

活命饮 治脾元虚损，霍乱不吐利，腹胀如鼓，心胸痰壅。

食盐一合 生姜 葛根五钱 丁香七枚
炙甘草一分

作一服，用童便煎温，分二服。未瘥再服。

中恶霍乱

论曰：中恶霍乱者，由客邪内于，正气暴乱，使胃中食物不化，气道痞涩，不得宣通，令人心腹卒痛，吐利烦闷。甚则精神冒昧，靡所知识，此得之鬼气所作也。

麝醋方 治中恶霍乱。

麝香细研，一钱 米醋半盅

共和匀，分二服。

白术汤 治中恶吐利，手足麻痹，转筋。

白术土炒 人参 木瓜一两 炙甘草
黑干姜五钱

生姜大枣水煎三钱，温服，日二。

霍乱干呕

论曰：霍乱干呕者，胃气逆也。本于吐利之后，脾胃俱虚，三焦不理，气时逆上。但呕逆而无所出，故名干呕。

木瓜汤 治干呕。

木瓜一枚，去瓢 人参 干姜一两 紫朴五钱

水煎五钱，温服，日二。

薤白汤 治干呕不止。

薤白一把，切

水煎二服，以止为度。

厚朴汤 治胃弱呕吐不止。

紫朴四两 白术五两 人参 白茯苓三两
扁豆叶干，二两

水煎五钱服。

霍乱转筋

论曰：霍乱转筋者，缘风冷伤于三焦，传于脾胃，脾胃得冷，则阳气不得宣行，致四肢经络不得舒缓，此由中气不足。其候胃闷不安，脛筋挛结，腠肉紧痛，反急于上。盖足阳明之经、膀胱之脉寒也。然足阳明之脉，其支者起胃下口，循腹里，下至气冲中，而合以下髀关，抵伏兔，下入膝腘中，下循髀外廉。足太阳之经，其脉循髀外后廉，下合腘，中贯腠内，是动则病，髀不可曲转，腘如结，腠如裂。治宜调胃腑，温膀胱，则小水得宣行，寒冷自下，胃腑温和，霍乱可愈，转筋之疾无由作也。

川椒汤 治转筋。

川椒炒出汗，一分 乌梅肉炒，七枚

水煎，入蜜少许，顿服。老人亦可。

肉豆蔻汤 治霍乱转筋

肉豆蔻面煨熟 人参二两 茱萸洗、炒，一两
姜水煎三钱服。

鸡屎白汤 治转筋，闷绝欲死。

鸡屎白一合，炒 胡椒二十粒 木瓜六两
白术 桂心 高良姜一两 生姜六两

水煎五钱，温服，日二。

木瓜汤 治转筋，吐利不止。

木瓜一两 茯苓子炒 人参 陈皮五钱
甘草 石菖蒲一两

共末，冷米饮下三钱，顷再下。

生姜酒 治转筋入腹欲死。

生姜五两，切片

酒一升，煎八合，顿服，瘥。

鸡屎白汤 同。

鸡屎白炒，一两，研

水煎二钱，顿服。勿令病人知。

附子汤 治转筋淋足。

附子一枚 葱白半斤 生椒绵裹 生姜切，
各一分

水一半，煎数沸，去渣，以盐浆水解之，
淋洗，立瘥。

盐撮法 同。

食盐三合

水五斗，煎三升，浸青棉布，撮转筋上。

苦酒絮裹足法 同。

苦酒二升

以絮内酒中，煮酒，裹患处，差。

又方

木瓜二枚，切

水煎汤，以青棉布漫裹。

神圣香薷饮 治胃气虚，霍乱吐利，转
筋腹痛。

香薷穗两半 川连微炒 紫朴姜汁炒，二两
白扁豆炒，一两

用生姜汁四两，慢炒连朴紫黑色，入二
味，同捣粗末。酒水合煎五钱，用器乘，入
井中浸冷，连进二服。至死者亦可救。

治转筋方

糯米二两 人参 生甘草 干姜二钱

共为末，用新汲井水下三钱，以瘥为度。

圣济总录纂要 卷六

清 新安 程 林云来纂辑

鄞县 曹炳章赤电校点

泄痢门

泄痢统论

论曰：脾与胃合，其象土，外荣肌肉，内熟水谷。风寒水湿袭于外，则留连肌腠，传于脾胃；若饮食不节害于内，肠胃乃伤，不化糟粕，皆能为病。所得之源不一，故立名多端。且久风入中则为飧泄，湿胜则为濡泻，寒中则为洞泄，暑胜则为毒痢，而又或冷，或热，或赤，或白，或色杂，或肠垢，或滞下，或休息，或疳，或蛊之类。种种不同，悉由养摄失宜，饮食不慎，致肠胃不调，邪气交攻。施治之法，则有宜调补，宜攻化，宜收敛，宜渗泄，各随所宜以治。

水泻

论曰：《内经》谓：诸厥洞泄，皆属于寒；暴注下迫，皆属于热。盖为冷热不调，气不相济也。脾胃怯弱，水谷不分，湿饮留滞，水走肠间，禁固不能，故令人腹胀下痢，有如注水之状，谓之注泄，名为水泻。

紫朴散 治一切水泻冷痢。

紫朴 白术 干姜一两 甘草五钱 陈皮三分

共末，饮下三钱，日二。霍乱吐泻，新汲水下。

肉豆蔻散 治水泻无度，肠鸣腹痛。

肉蔻一两 姜汁二合 白面二两

将蔻为末，用汁和面，裹末煨熟。饮下

二钱。

黄蜡丸 治水泻不止，伤冷虚极。

硫黄 黄蜡一两

研硫，化蜡，和匀，丸梧子大。汲水下五丸。

紫朴散 又方 治暴水泻不止。

紫朴一两 白术 川连 甘草 赤茯苓 干姜 白豆蔻三分 诃勒一两

共末，饮下二钱。

诃梨勒丸 治水泻，肠滑不禁。

诃勒 龙骨 干姜 赤石脂一两

共末，糊为丸如梧子大。饮下二十丸。

正气散 治水泻腹痛，日夜不止。

砂仁 附子 白术 人参 龙骨 石榴皮 甘草 肉蔻 吴萸 地榆 干姜 赤石脂 两

共末，饮下三钱。

又方 治水泻水谷不化，日夜不止。

熟艾半斤

慢炒，合热包裹坐之，冷再炒。

濡泻

论曰：《内经》云：湿胜则濡泻。《甲乙经》曰：寒客下焦，传为濡泄。夫脾为五脏之至阴，其性恶寒湿。今寒湿之气内客于脾，则不能裨助胃气，腐熟水谷，致清浊不分，水入肠间，虚莫能制，故洞泄如水，随气而下，谓之濡泻。

肉豆蔻散 治肠胃受湿，濡泻不止。

肉蔻 川连 诃勒三分 白术 甘草 赤茯苓 干姜五钱 紫朴一两

共末，饮下二钱。

又方 治肠胃受湿，濡泻不止。

紫朴 甘草一两 肉豆蔻五枚

共末，饮下二钱，日二。

附桂丸 治濡泻水痢不止。

桂心 附子一两 干姜 赤石脂二两

共末，蜜丸梧子大。饮下二十丸。

白术丸 治脾胃受湿，濡泻不止。

白术 人参 干姜炒黑，三分 紫朴用生姜同炒，一两

共末，蜜丸梧子大。饮下二十丸。

生姜黄连散 治水泻久泄泻。

生姜四两 川连一两，咀片

将姜切片，与连同入锅慢炒，姜赤色，去姜，用连为末。腊茶下二钱，二服止。

飧泄

论曰：《内经》云：清气在下，则生飧泄。又曰：久风为飧泄。夫脾胃，土也，其气冲和，以化为事。今清浊交错，风邪之气得以干胃，故冲气不能化，而食物完出。夕食谓之飧，以食难化者尤在于夕，故食不化而泄出，则谓之飧泄，此俗所谓水谷痢也。

白术汤 治风冷入中，飧泄不止，脉虚而细，日夜数行，口干腹痛。

白术 紫朴 熟艾 龙骨 川归 一两
姜水煎三钱，温服。

洞泄寒中

论曰：《内经》云：长夏苦病洞泄，寒中洞泄者，谓食已即泄，乃飧泄之甚者。此因春伤于风，邪气留连，至夏发为飧泄，至长夏发为洞泄。盖当春之时，阳气在表，为风邪所中，入客于经，未至脏腑。夫风者，阳气也，东方木也。木能胜土，脾胃受之。仲夏则阳盛之时，以阳邪之气逢阳盛之时，重阳必阴，病在脾胃，故为飧泄。阴生于午，至未为甚，是长夏之时，脾土当旺。脾为阴中之至阴，故阴气盛，阴气既盛，则生内寒，故

令人脏腑内洞而泄，是为洞泄寒中之病。

附子丸 治洞泄寒中，注下水谷，或痢赤白，食已即出，食物不消。

附子 乌梅肉一两，炒 川连二两，炒 干姜炒，两半

共末，蜜丸梧子大。饮下二十丸。

温中丸 治脾胃虚寒，洞泄不止。

附子 干姜 龙骨 硫黄 肉豆蔻一两

共末，糊丸梧子大。食前艾汤下二十丸。

火轮散 治脾胃气寒，大肠虚滑，日夜不止。

附子一枚 肉蔻五钱 干姜一分

共末，空心饮下二钱。

鹩塘

论曰：脾气衰，则鹩塘。盖阴中之至阴，脾也，为仓廪之官。若脾胃气虚弱，为风冷所乘，则阴气盛，阴气盛则脏寒，致糟粕不化，故大便色黑，状如鹩塘也。又大肠有寒，亦令鹩塘。

吴茱萸丸 治脾气不足，鹩塘青黑。

吴茱萸 干姜 陈曲 川归 赤石脂三分
紫朴一两

共末，蜜丸子大。饮下二十丸。

龙骨黄连汤 治脾气不足，鹩塘青黑。

龙骨五色者，一两，煨 川连三分，姜汁炒 川归 干姜 甘草炙，五钱

姜水煎三钱，空心温服，日二。

白滞痢

论曰：白滞痢者，冷痢之类。盖肠虚受冷，留而不去，与津液相搏，结滞如脓，或如凝脂而下，故曰滞痢。

人参汤 治白滞痢及小便色白。

人参 龙骨 白茯苓 川归 甘草 干姜
五钱 紫朴一两

水煎五钱，温服，日二。

赤石脂散 治白滞痢。

赤石脂一两 干姜三分

共末，饮下一钱，未差再服。

姜附子丸 治脏寒，下痢白脓，心腹痛。

干姜 附子 龙骨 诃勒皮 一两

共末，饮下二钱。

冷痢

论曰：下痢，其色或青或白或黑者，皆冷痢也。此因肠胃虚弱，寒气乘之，故令人大便痢下青黑；若其痢色白而食不消者，寒中也，当诊其脉，沉则生，浮则死。其人素有积寒，即久冷痢有脓也。

牡蛎汤 治冷痢腹痛。

牡蛎烧红，醋淬 白术 川归 干姜 龙骨煨，三两 赤石脂一两 附子炮，去皮脐 人参 白芍 甘草五钱

水煎三钱，湿服。若下脓，加紫朴；呕逆，加陈皮。

肉豆蔻丸 治冷痢青白色黑者。

肉豆蔻 炙甘草二两

水煎三钱，温服，日二。

诃勒汤 治脾胃虚冷，下痢滑泄，不思食，及一切冷气。

诃勒 紫朴 白术 甘草 陈皮 草豆蔻一两

生姜大枣大煎三钱，温服，日二。

吴茱萸丸 治冷痢下脓血，脐腹痛，胀满，食不化。

吴茱萸 干姜两半 紫朴 川归四两 陈曲 赤石脂一两

共末，蜜丸梧子大。饮下二十丸

赤石脂丸 治多年冷痢，饮食不化，或青或黄，四肢沉重，起即目眩，手足逆冷。

赤石脂 熟艾一两 干姜 川椒炒出汗，两半 乌梅肉炒，五两

共末，蜜丸梧子大。饮下二十丸。

四白散 治一切冷痢。

白龙骨 白石脂 胡粉炒 枯矾五钱

共研极细，饮下二钱。

热痢

论曰：凡痢色黄赤并热也，甚则下血汁，此由肠胃虚弱，邪热气乘虚入客于肠间。故其症下痢兼黄赤，或血杂下，腹中热，小便赤涩，身热烦渴，故名曰热痢。

生地黄汤 治热痢不止。

生地五钱 甘草一分 地榆三分 水煎三钱，空心温服，日二。

甘草汤 治夏月暴下热痢。

甘草五钱 生姜一分 白蜜一合 浆水五合煎，分二服，日二。

蒲根汤 治热痢。

蒲根二两 粟米二合 水煎三钱，温服，日二。

黄连汤 治热痢腹痛，日夜百行，气欲绝者。

川连一斤 附子一两 白术 龙骨 赤石脂 干姜 阿胶 川归一两 水煎五钱，空心温服，日二。

赤痢

论曰：热痢之盛者，为赤痢。本由肠虚，为风邪所伤，又挟邪热，血得而妄行，乘虚必凑，渗入肠中，与痢相杂。其色纯赤，名为赤痢。若肠虚不复，则又为久赤痢，变成呕啰痞蠱之候矣。

黄柏丸 治痢下黄赤水或黄赤脓，四肢烦，皮肤冷。

川柏 片苓一两 川连二两 熟艾五钱

共末，蜜三两三、蜡一两，化丸梧子大。饮下二三十丸。

六神汤 治赤痢腹痛，或下纯血。

川连 车前子二两 陈皮去白，炒一两 山枝 甘草炙 地榆五钱 水煎五钱，空心温服，日二。

血痢

论曰：邪气客于血脉之中，肠胃虚弱，血

随热行，流渗肠间，因便血下，故名血痢。其脉见虚小者生，身热疾数者难治。

茜根汤 治痢下解血。

茜根 川连 地榆 一两 山枝 二十一枚

犀角 锉末，一分

水煎三钱，入薤白三寸、香豉一撮，温服。

艾叶饮 治血痢不能止，小腹刺痛。

艾叶 川连 川归 龙骨 诃勒皮 二两

水煎三钱，温服。

三物散 治一切血痢。

胡黄连 乌梅肉 灶下土 一两

共末，茶下二钱。

葛粉饮 治血痢日夜无度。

葛粉 白蜜 一两

汲水四合，和匀服。

地榆汤 治血痢日夜无度。

地榆 二两 甘草 炙，五钱

水煎五钱，温服，日二。

人参散 治一切血痢腹痛。

人参 肉豆蔻 乌鱼骨 二两

共末，饮下二钱。

通圣散 治血痢腹痛，日夜无度。

大枣 去核 乌梅肉 七枚 甘草 一尺 干姜

三钱

共末，姜枣水煎三钱服。

脓血痢

论曰：春伤于风，邪气留连，夏为洞泄。若遇热气乘之，则血随热行，渗入大肠，与肠中津液相搏，致积热结血，化为脓，脓血相杂，故成脓血痢。秋冬诊脾脉微涩者是也。其脉滑大，或微小沉细虚迟者，皆生；若悬绝，或实疾，或数大，身热者，皆死。

黄连丸 治下痢脓血，羸瘦。

川连 龙骨 苦参 紫朴 一两 熟艾

枯矾 赤石脂 甘草 陈曲 干姜 五钱

共末，蜜丸如梧子大。饮下二十丸。

柏叶丸 治脓血久痢，腹痛。

侧柏叶 川黄连 阿胶 地榆 川归 五

钱

共末，蜜丸梧子大。饮下二十丸。

干姜丸 治脓血痢日久不止。

干姜 川连 川柏 一两 附子 甘草

熟艾 乌梅肉 三分

共末，蜜丸如梧桐子大。饮下二十丸。

二宜散 治新久痢下脓血。

川连 吴茱萸 二两

各制为末。赤脓多，萸末一钱，连末倍之；白脓多，连末倍于萸末，俱饮下。

赤白痢

论曰：赤白痢者，由肠胃虚弱，冷热相乘，客于肠间，变而为痢。盖热乘于血，流渗肠内，即赤；冷气入搏，津液凝滞，则白。其候里急后重，数至圊而不能便。脓血相杂，故名赤白痢。重者，状如脓涕而血杂之；轻者，脓上有赤脉薄血，状如鱼脂脑，世谓之鱼脑痢。

黄连散 治赤白痢，腹中痛，口干，或作寒热。

川黄连 炒，三分 白术 片苓 甘草 干

姜 川归 乌梅 肉 五钱 阿胶 一两

共末，水煎三钱，温服。

白术丸 治赤白痢及水谷、冷、热、气痢。

白术 川归 龙骨 犀角 赤白脂 乌

梅 三分 紫朴 川连 一两 干姜 甘草 五钱

共末，蜜丸梧子大。饮下二十丸。

乌梅散 治赤白痢久不止，腹痛，下血，脱肛。

乌梅肉 川归 地榆 赤石脂 川连

椿根白皮 五钱 干姜 三分 甘草 一分

共末，饮下二钱。

加减姜黄丸 治冷、热、赤白痢。

干姜 川连 炒，一两

各末，糊丸各收。白痢冷泻，姜丸三十丸，连丸减半，空心饮下；赤痢下血，姜丸

十五，连丸倍之；赤白相杂，姜连各半。

龙骨散 治赤白痢，肠胃虚滑。

龙骨五钱 川连 牡蛎一两 乌梅肉三分
共末，饮下二钱。

阿胶丸 治赤白痢。

阿胶 枳壳五钱 川连 白芍 木香半
生半炒 诃勒皮 干姜 甘草一两 川归 地
榆两半

共末，酒糊丸梧子大。饮下二十丸。

黄连散 治赤白、脓血痢。

川连 龙骨二两 人参三分 地榆 紫
朴 干姜一两 片苓一两 赤白脂两半
共末，饮下二钱。

艾叶丸 治赤白痢，多痛不可忍。

艾叶 木香半生半炒 川连 肉豆蔻三分
地榆一两 阿胶蛤粉炒 川归五钱

共末，蜜丸梧子大。饮下二十丸。

阿胶丸 治赤白痢，腹痛不止。

阿胶三两 川连二两 胡粉 川归一两
共末，糊丸。饮下二十丸。

黄连丸 治赤白痢，不问远近。

川连 川柏 赤茯苓 当归一两

共末，蜜丸如梧桐子大。饮下二十丸。

四神散 治赤白痢，后重肠痛。

川连 干姜 川柏 川归一两

共末，乌梅汤下二钱。赤痢，加黄柏；白
痢，加干姜；后重肠痛，加黄连；腹痛，加
当归。大凡泄痢宜食酸苦，盖酸收苦坚故也。

木香散 治一切赤白痢。

木香 槟榔 肉蔻一两 干姜五钱
共末，饮下二钱。

和中散 治冷热痢，腹痛里急。

附子 川连一两 乳香一分

各为末。冷痢热痢，连、附末共一钱，乳
末一字，饮下未止，用青皮汤再下一服；赤
痢，附末五分，连末倍之，乳末一字；白痢，
附末一钱，连末减半，乳末同前。

黑豆汤 治赤白痢服药不止。

黑豆半升，炒，去皮，为末四合 甘草一两

用绵裹，入湖水三升，煎一升，分二服。

白矾丸 治赤白痢。

白明矾 铅丹二两

同入瓶中封固，火煅为末，糊为丸如梧
桐子大。饮下一二十丸。

气 痢

论曰：气痢者，由冷气停于肠胃间，致
冷热不调，脾胃不和，腹胁虚满，肠鸣腹痛，
便痢赤白，名为气痢。治宜厚肠胃，调冷热，
补脾气，痢当自愈。

缩砂丸 治气痢，胃与肠虚，不能制伏，
日夜无度，黄瘦，食不生饥，困重无力，眼
目昏涩，多年不愈。

砂仁 陈皮 川归 赤石脂一两 川连
二两 肉豆蔻五钱

共末，蜜丸梧子大。饮下二三十丸。

黄连丸 治久气痢不止，或差或剧。

川连 川归 乌梅肉 诃勒皮一两

共末，蜜丸梧子大。厚朴汤下二三十丸。
日二。

猪肝丸 治冷劳气痢久不差。

雄猪肝一具，去筋膜，切 陈皮 乌梅肉
干姜 诃梨勒煨，取皮 桂心 川归一两 川
连 紫朴姜炒，二两 大蒜煨熟，二枚

共末，用肝、蒜研糊，丸梧子大。饮下
二十丸。

木香丸 治气泻不止。

木香 丁香 砂仁 肉豆蔻一两 赤豆
脂 诃梨勒五钱，煨 藿香五钱

共末，糊丸梧子大。饮下三十丸。

木香丸 治一切气痢不止。

木香 肉豆蔻 砂仁 赤石脂五钱
共末，用枣肉为丸如梧子大。饮下三十
丸。

香艾丸 治气痢腹痛，卧眠不安。

熟艾 陈皮一两

共末，酒糊丸梧子大。盐汤下二十丸。

乌梅丸 治气痢不止，瘦劣，痢成冷劳。

乌梅 草薤 紫朴一两 甘草 川归
诃勒皮 肉蔻 干姜 茱萸三钱 桂心五钱
猪肝一大叶，醋煮，研糊

共末，肝糊丸如梧子大。多下三十丸。

木香砂仁散 治气痢，腹胀虚鸣。

木香二两五钱 砂仁两半 枳壳 诃勒皮
三两

共末，饮下二钱。

肉豆蔻散 治气痢，腹胀，不下食。

肉蔻 诃勒 木香一两，同上俱半生半炒

甘草 白术三分 茱萸 干姜五钱

共末，饮下二钱。

茱萸煎 治气痢久不瘥，及诸痢困弱者。

茱萸三钱，研末 牛乳半升

慢煎，其半顿服，神效。

休息痢

论曰：肠中宿挟固滞，每遇饮食不节，停饮不消，即乍瘥乍发，故取名为休息痢。治药当加之以治饮、消削陈寒痼滞之剂即愈。

阿胶汤 治休息痢。

阿胶 川连 龙骨一分 艾叶五钱 仓
米二合，炒

水煎三钱，温服。

黄丹散 治休息痢诸药无效。

黄丹三两，炒 枣肉三十枚，同丹捣，纸包煨，研
末 川连 枳壳五钱

共末，饮下。

砂仁丸 治休息痢。

砂仁一两 肉豆蔻五钱 羊肝半斤，切

共末，拌匀，面包纸裹煨熟，研米糊丸
梧子大。饮下三十丸。

黄连汤 治休息痢。

川连 龙骨五钱 熟艾 阿胶五钱

水煎三味，去滓，入阿胶再沸，分二服。
每服后，浓煎艾汤饮之。

玉液丹 治休息痢。

枯矾二两 硫黄 硝石五钱

同研化，研末糊丸小豆大。饮下一二十

丸。兼治肠风下血。

砂仁丸 治冷气腹痛不止、休息气痢、劳
损。消化水谷，温脾胃。冷滑下痢不禁。

砂仁 附子 干姜 紫朴 陈皮 肉豆
蔻五钱

共末，蜜丸梧子大。饮下二三十丸。

四神丸 治多年休息痢者。

川归 龙骨五钱 川连一两 乌梅肉二枚

共为末，用薤白取汁，杵丸小豆大。温
水下二十丸。

金石散 治多年休息痢。

石灰风化者 铅丹炒，一分 糯米炒黑，一合

将灰丹同入锅，慢炒一炊久，入米，同
研末。空心饮下二钱。

蛊痢

论曰：丸下痢脓血，间杂瘀黑，有片如
鸡鸭肝，与血皆下者，蛊痢也。此由岁时寒
暑不调，湿毒之气袭人经脉，渐至脏腑，毒
气挟热，与血相搏，客于肠间。如病患注之
状，故名蛊痢。

茜根饮 治蛊痢下血如鸡鸭肝，腹痛难
忍。

茜根 升麻 片苓 犀角 川柏 桔梗
三分 白藜叶 地榆一两

水煎三钱，温服。

升麻汤 治毒痢下血片，脐下刺痛。

升座 地榆 片苓 茜根两半 犀角一
两 山枝二十一枚

水煎五钱，入生地、薤白、香豉，温服，
日二。

久痢

论曰：久痢不瘥，则元气日耗，肠胃损
伤，温气散入，肌肉浮肿，以胃土久虚故也。
虫因虚动，上食于膈，则呕逆烦闷；下蚀肠
中，则肛门疮烂，久而不差，变成痞蟹。或
下赤汁，水血相半，腥不可近者，是谓五脏
俱损，其病难治。

紫朴汤 治久痢经年不瘥。

紫朴 川连 熟艾 干姜 阿胶炒 石榴皮炒一两

水煎三钱，温服。

茯苓丸 治久痢，脾胃虚弱，食不消，肠鸣痛。

白茯苓 龙骨 川归 干姜 川柏 赤石脂三分 陈曲 川连一两 附子 人参 甘草

共末，蜜丸如梧子大。饮下二十丸。

黑神散 治肠滑久痢，神效无比。

酸石榴一枚，劈四块，火烧烟尽，不令作灰，碗盖存性，出火毒

研末，水煎石榴一瓣，取汁下二钱。久泻亦治。

久痢不止

生姜切 砂糖一两

拌匀，纸煨。五更初作一服，以腊茶嚼下。

下痢里急后重

论曰：下痢里急后重者，有痼聚也。经所谓大瘕泄者，里急后重，数至圊而不能便，茎中痛是矣。法当和气而祛蕴滞，则脾胃平和，饮食腐化，脓血自消，大肠自固也。

当归黄连汤 治后重，下赤白滞下，腹内结痛。

川归 犀角 赤茯苓三分 川连两半 甘草五钱 紫朴 地榆一两

姜枣水煎三钱，温服。

圣功散 治冷热不和，下痢赤白，脐腹痛，里急后重。

干姜 五倍子一两 甘草 诃勒皮五钱 共末，饮下二钱。

白头翁汤 治热痢下重。

白头翁 川连 川柏 秦皮三两 水煎三钱，温服。

当归汤 治冷痢，里急后重。

川归酒炒 胡椒 干姜 阿胶一两 川

连 紫朴二两

共末，醋熬胶末为膏，丸梧子大。陈皮汤下二十丸。

通神丸 治脓血杂痢，后重疼痛，久不瘥。

没药 乳香 五灵脂一钱 巴霜五分

共研末，丸小豆大。木瓜汤下五七丸，小儿减半。

痢后脱肛

论曰：下痢脱肛者，因大肠虚弱，冷气偃滞，致不能便，极力于下，肛门脱出，故名脱肛。温其脏则愈。古方有坐汤、温熨之药，皆良法也。

黑圣散 治痢久、脱肛痛。

大蜘蛛一枚，入泥，合烧黑色，勿太过

研末，入黄丹少许。先用白矾葱椒汤洗，拭干，渗药在软帛上，掇托肛头，即不下。

猪肝散 治洞泻、脱肛。

猪肝一片，炙 川连 阿胶 川芎一两 乌梅肉二两 艾叶醋炒，五钱

共末，酒下二钱。

壁土散 治脱肛。

故室东壁土五合 皂荚三枚

共末，敷肛上，取皂荚灰，暖，更互熨入。

枳实熨方 治积冷下痢、脱肛。

枳实一枚

石上磨，令滑泽，钻安柄子，蜜涂炙。令暖熨之，冷易，肛入即止。

一方 以猪脂和蒲黄，敷肛上，手按令入，日二三愈。

疔 瘻

论曰：疔有五种，久变为瘻。一曰白疔，令人皮肤干燥而无润泽之气；二曰赤疔，令人毛发枯焦；三曰烧疔，令人腰脊强重；四曰瘻，令人下部挛急，背强不能俯仰；五曰黑疔，患者必死，令人五脏俱损，或下瘻

血。此盖肠胃俱虚，嗜肥甘过度，致脾胃虚弱，谷气衰微，卫气虚损，肠间诸虫因虚而动。虫蚀于上，则手足烦疼，心中懊恼，嘿嘿不欲饮食，腰脊无力，食不知味，精神恍惚，夜梦倒颠，咽喉生疮，齿断，黑点损烂，脓血俱出，胃气逆则变呕哕；下蚀汤胃，便痢脓血，或下瘀黑，久不已则肛门烂开，渐至危殆。

治积年疳痢面黄瘦

硫黄 川连 熟艾一两 白蜜一合

水一升煮连艾取汁，入黄末数沸，绵滤过，入蜜数沸，分三服。

疳痢久不瘳羸瘦欲死

羊屎一升

水一斗浸一宿，明旦绞汁，顿服。至日午，惟食水煮饭。极重，不过三服差。

二白汤 治久痢变疳，下部生恶疮，恶寒壮热。

桃白皮 槐白皮一升 苦参五合 大枣十枚 熟艾五合，要五月五日取者方妙

用水五升，煮半，入熊胆一枣大，搅匀。以一升灌下，余分三服。

治久痢成疳百方不瘳

丁香 麝香 川连一分

共末，用竹筒吹入下部。

湿 蛭

论曰：凡下痢不止，或发之余，为水湿所乘，客于肠胃，令九虫皆动，侵蚀脏腑，故为湿蛭之病。所谓蛭者，虫动于匿而难寻故也。谓虫因湿而动，故然湿蛭。其症上蚀唇口，下食肛门。上唇生疮，是虫蚀五脏，令人心烦懊恼；下唇生疮，是虫蚀下部，令人肛门伤烂。若胃气虚逆，则变为呕哕，其则脏腑变伤。齿上下绵，皆生疮，齿色暗黑，是其候也。下痢出瘀血者，不可治。

黄连汤 治疳湿蛭蚀口齿及下部。

川连四两 熟艾三两 苦参 槐白皮三分 水煎五钱。重者不过三服。

猪胆煎 治疳蛭下部，上攻除热杀虫。

猪胆一枚 米醋五合

煎醋百沸，入胆汁再熬。满口饮之，虫死，瘥。

涂方 治疳蛭，无问所在皆治。

死虾蟆一只，烧灰

研末。麻油和，涂患外。

丁香散 治疳蛭。洗熨下部。

丁香一分 麝香一钱 甘草 犀角三分

共末，以盐椒各三合、豆二合、水三升煮。乘热用，用绵蘸洗熨。

圣济总录纂要 卷七

清 新安 程 林云来纂辑

鄞县 曹炳章赤电校点

咳嗽门

咳嗽

论曰：肺主皮毛，皮毛先受寒邪，乃为咳嗽。五脏六腑又皆禀气于肺，故以其时感寒而受病，亦能为咳。形症不同，治亦随异，学者审之。

桑白皮汤 治咳嗽，胸满气急。

桑白皮 半夏 川贝母 知母 五味子
款冬花 紫苏一两 人参 炙甘草 紫朴
五钱

姜水煎三钱服，日二。

百部煎 治咳嗽久不已。

百部汁 生姜汁 生地汁 百合汁，如
无，以藕汁代之 白蜜各一盅 麦冬汁同 大枣肉
四两

将诸汁入砂锅内慢煎，下蜜，又将枣肉捣烂，入汁内收成煎。汤化，日频服。

贝母散 治咳嗽。

贝母一两 甘草 阿胶五钱

共末，空心饮下二钱，日二。

诃勒散 治咳嗽。

诃梨勒煨，取皮

为末，每以二钱，用雄猪胰一枚，去脂，切掺末，入乌梅肉一枚令匀，以芭蕉包纸裹，煨熟，慢嚼。

五味子汤 治咳嗽昼减夜增，不得眠，食即吐逆。

五味子 白石脂 桑白皮 百合 麻黄

去根节 白蒺藜 杏仁去皮尖 川贝母 柴胡
款冬花 旋覆花 枳壳炒 紫苑 桂心五
钱

姜水煎三钱，入糯米一撮，温服。

暴嗽

论曰：肺感于寒，微者即成咳嗽。盖肺主皮毛，寒伤肤腠，则肺先受之。其状咳嗽，语声嘶破，咽喉不利也。

杏仁汤 治中冷暴嗽，上气喘逆，恶寒，出清涕。

杏仁 紫苑 片苓 甘草 川归 陈皮
麻黄 桂心五钱 木香一分 大黄炒，两半

水煎三钱，温服，日二。

贝母煎 治暴嗽，胸膈不利，痰逆喘急。

川贝母去心 紫苑蜜浸，焙 杏仁去皮尖，炒
桑白皮炙，一两 甘草蜜炙 百部去心，酒浸，炒
五味子炒 白前甘草汤浸，焙干，五钱

用水一斗，入诸味，煎取汁二升，滤去滓，入生地汁五合、冬汁五合、白蜜三合、牛酥二两，慢煎成饴。频频含化一匙，饮下。

饴糖煎 治暴嗽肺寒。

饴糖 干姜炒，两半 豉炒，二两

分二剂煎，去渣，入糖姜末服。

久嗽

论曰：肺主皮毛，易感风邪，寒邪伤于肺，则为咳嗽。五脏各以其时受之，为五脏之咳。久不已，传于六腑。六腑不已，三焦受之，是为久嗽。其人咳而腹满，不欲饮食，多唾面肿气逆，乃其症也。

人参煎 治积年咳嗽。

人参一两 酥油 栝蒌捣 蜜糖二两
饭上蒸九次，晒干，为末。空心汤下
一匙，日二。

蛤蚧丸 治久咳嗽喘急。

蛤蚧一对，酥炙 半夏 杏仁去皮尖，一两，炒
栝蒌大者，二枚，去子，取肉蒸，研 阿胶蛤粉炒
人参五钱 青皮去白，炒，一分 干姜煮，二两
共末，蜜丸如小豆。空心饮二十九。

阿胶散 治久咳嗽。

阿胶 人参 黄芪 炙甘草 杏仁去皮
尖，炒 桑白皮炙 紫菀 桔梗一两
共末，用猪胰一枚，去油膜，切拌末二
钱，葱白三寸，盐少许，温纸包，煨熟。细
嚼，酒下。

款冬花散 治肺寒久咳嗽。

款冬花不拘多少
为末，烧烟，令病人吸之，愈。

阿胶饮 治久咳嗽。

阿胶一两 人参二两
共末，用豆汁，入葱白煎三钱。若嗽，频
呷。

痰藜贝母汤 治久咳嗽。

白痰藜 川贝母 百合 赤石脂 紫菀
麻黄 去根节 天雄 枳壳半两 五味 川
连 地榆 桑根白皮东引者，炙 桂心 贯众
一两 片苓五钱 旋复花炒，三两
姜水煎三钱服。

冷 嗽

论曰：形寒饮冷，内外合邪，因而客之，
则为肺咳。盖肺主气，外合皮毛，其经循环
胃口，故内外得寒，皆能伤之，而为冷痰嗽。
其候吸呼气寒，口如饮冰雪，呕吐冷沫，胸
中急痛，昼静夜甚，得温则止，遇寒即发是
也。

干姜汤 治冷痰嗽。

干姜 麻黄去根节，二两 桂心 炙甘草一
两 紫菀 五味子五钱 杏仁去皮尖，炒，三十枚

水煎三钱，空心温服。

细辛散 治肺寒咳嗽喘满。

细辛 甘草 五味子 干姜三两 赤茯
苓四两

共末，汤下二钱，蜜丸亦可。

干姜饴糖煎 治冷嗽及一切嗽。

干姜炒，研末，三两 胶饴糖一斤
化饴糖，拌末匀，蒸熟。频含化一匙。

杏仁丸 治冷嗽，呼吸气寒，呕吐冷沫，
胸中急痛。

杏仁去双仁皮尖，炒香，一升 生姜一斤，切片，
焙干 陈皮去白，炒，五两

共末，蜜丸如梧子大。空心酒下二十九。

热 嗽

论曰：热嗽之状，嗽而少涎，由邪热熏
于上焦，客于肺经，使津液内燥，搏于咽嗑，
喉咙不利，随其吸呼而咳嗽也。

百部丸 治肺气热嗽，胸膈烦闷。

百部 黄芪 杏仁 桂心一两 天冬
栝蒌五两 马兜铃 紫菀 紫苏四两 玄参二
两半

共末，蜜丸如梧子大。乌梅甘草汤下二
十九。

阿胶丸 治客热嗽，止嗽化痰。

阿胶 人参 硼砂三分 丹砂 甘草五
钱 冰片二钱

共末，蜜丸如芡实大。含化一九，日二。

华盖汤 治上喘咳嗽，兼治膈热。

桑白皮 陈曲炒香 桔梗炒，一两 人参
百合三分 杏仁去皮尖，炒 炙甘草五钱

水煎三钱，温服，日二。

凉膈散 治肺热咳嗽。

甘草生，二两

雄猪胆汁浸五日，炙香，为末，蜜丸如
梧桐子大。薄荷汤下二十九。

马兜汤 治肺热嗽，气急喘闷。

马兜铃微炒 桑白皮炙，一两 苦葶苈桑纸
炒 炙甘草五钱 半夏姜汁制，三分

姜水煎三钱，空心温服。

呷 嗽

论曰：呷嗽者，而胸中多痰，结于喉间，与气相击，随其吸呼，呀呷有声，故名呷嗽。宜调顺肺经，仍加消痰破饮之剂。

射干丸 治久呷嗽，喉中常作声，发即偃卧不得。

射干一两 半夏 陈皮 百部 款冬 细辛 干姜 五味子 贝母 白茯苓 皂荚去皮子，炙 郁李仁一两

共末，蜜丸如梧子大。空心饮下二十丸。

杏仁丸 治呷嗽有声。

杏仁去皮尖，炒 甘草炙，一两 大黄蒸 牙硝熬，五钱

共末，蜜丸如梧子大。空心姜汤下二十丸。

紫菀杏仁煎 治肺脏气积，呷嗽不止。因肺虚损，致劳疾相侵；或胃中冷膈上热者。

紫菀酥炙，二两 杏仁去皮尖半升 贝母姜汁，三两 大枣去皮核，半斤 五味子 人参 白茯苓 甘草 桔梗 地骨皮洗，一两 白蜜一斤 生地汁五合

共末，与蜜汁同煎百沸，器盛蒸三五次，成饴煎。仰卧含化一匙，日二。

五脏诸咳嗽

论曰：《内经》谓：肺咳之状，咳而喘息有音，甚则吐血；心咳之状，咳而心痛，喉中介介如梗状，甚则咽肿喉痹；肝咳之状，咳而两胁下痛，甚则不可以转，转则两肢下满；脾咳之状，咳而右胁下痛，阴阴引肩背，甚则不可以动，动则咳剧；肾咳之状，咳则腰背相引而痛，甚则咳涎。五脏之咳，久而不已，乃传六腑。六腑之咳，《内经》论之详矣。

前胡汤 治五脏诸咳嗽。

前胡 五味 生地 泽泻 半夏二两 贝母 麻黄 人参 山药 白术 白茯苓 杏仁 甘草 葛根 乌梅去核，炒，一两

姜水煎三钱，空心温服。

五灵脂汤 治肺咳嗽及诸嗽。

五灵脂 马兜铃一两 人参 五味 甘草炙 桑白皮蜜炙 陈皮去白，炒 杏仁去皮，炒，五钱

姜水煎三钱，空心温服，日二。

人参桔梗散 治心咳嗽，咽喉肿痛。

人参一两 桔梗炒，四两 白茯苓 牛蒡子炒，三两 甘草炙，两半

共末，姜汤空心下二钱，日二。

木乳散 治肝咳嗽，两胁下满。木乳即皂荚树根皮

木乳酥炙，三两 杏仁去皮尖，炒 贝母去心，二两 甘草炙，一两

共末，姜橘汤下二钱。

半夏陈皮汤 治脾咳嗽。

半夏 陈皮 杏仁一两 赤茯苓 柴胡 麻黄一两 生姜 甘草五钱

水煎三钱，空心温服。

四味散 治肾咳嗽。

补骨脂炙 牵牛子半生炒 杏仁一两 郁李仁五钱

共末，茶下二钱。

黄芪散 治大肠咳嗽。

黄芪 人参 白茯苓 桑白皮二两 甘草二两

共末，汤下二钱。

半夏桔梗汤 治肺脾寒劳咳，痰盛呕逆。

半夏 桔梗 桑白皮 胆南星二两 姜枣水煎三钱，温服。

阿胶散 治肺胃不调，久咳不差。

阿胶 甘草 桔梗炒 桑白皮五钱 细辛一钱

共末，空心姜汤下二钱，日二。

鹿角胶汤 治大肠咳嗽。

鹿角胶 杏仁去皮尖，炒，研 甘草 半夏姜汁制 麻黄去根节，二两

姜水煎三钱，空心温服。

人参丸 治脾胃虚弱，痰壅咳嗽。

人参 木香 诃梨勒_根，取皮，一分
共末，蜜丸梧子大。空心饮下二十丸。

咳嗽上气

论曰：诸气皆属于肺。肺气和平，则升降自若；若为寒邪所伤，则肺气壅，不得宣通，故咳嗽而上气。其症咳嗽多涕唾，甚者面目浮肿，久而不已，肺气虚极，风邪停滞，令人胸背痛，以至唾脓血也。

润膈丸 治积年咳嗽上气，涎吐稠粘，五心烦躁，不思食，肺经留热。

阿胶 熟地 人参 山药 五味 白茯苓 远志 防风_{一两} 麦冬 贝母 杜仲 丹参 茯神 柏子仁 百部_{五钱}

共末，蜜丸如弹子大。水煎一丸服。

香豉豆汤 治三十年咳嗽上气。

豉炒，五钱 细辛 杏仁 甘草 吴茱萸_{洗，炒，一两} 紫菀_{二两}

共末，蜜为丸如梧桐子大。含化，日二。

郁李仁煎 治积年上气咳嗽，不得卧。

郁李仁去皮，二两

水二升，研如杏酪，去滓，煮令无辛气，入酥二、枣许，和匀。空心频频温服。

槟榔汤 治上气，腹胀胸胁痛，咳嗽不下食。

槟榔_{十四枚} 白蜜_{二合} 生姜酥_{三两} 干姜_{一两} 枇杷叶_{一把}，去毛，蜜炙

水三升，煎一升，去滓，入酥蜜再煮沸。分三服。

柴胡桑皮汤 治咳嗽上气促急，心躁寒热，四肢烦痛，夜甚。

柴胡 桑白皮 天雄 枳壳 大腹皮 麻黄_{去根节} 羌活_{两半} 川黄连 甘草 桂心 川归_{一两} 白梅_{去核，四枚} 片苓 旋复花_{五钱}

姜水煎三钱服。

紫菀汤 治咳嗽上气。

紫菀 款冬 枳壳 桔梗_{一两} 赤芍 赤茯苓 陈皮 百合_{两半} 大腹_{二枚}

水煎三钱服。

四神散 治肺气不和，上气咳嗽。

百部 白薇 川贝母 款冬花_{二两}

共末，蜜丸如梧子大。空心桑白皮汤下二十丸。

地黄煎 治上气咳嗽，肺气壅热不和。

怀生地_{升半} 麦冬汁 天冬汁 生姜汁 玄参 柴胡 黄牛酥 赤茯苓_{五两} 五味子 款冬花 紫菀 黄芪 川贝母 桂心_{二两} 杏仁_{去双仁皮尖，炒，五两} 人参_{二两}

共末，将酥汁蜜慢煎，入末和匀，熬成煎，用瓷瓶盛贮，甑上蒸。频服一二匙，汤下。内有白蜜五两

咳嗽唾脓血

论曰：咳嗽唾脓血者，由肺感寒气咳嗽，伤于阳也。心主血，肺主气，血随气上逆，故咳而有血；寒邪壅热于肺间，津液相搏，凝滞蕴结，故化为脓，因咳而咯吐脓血也。

百部丸 治咳嗽上喘，吐脓血，胸膈不利，咽喉肿痛。

百部 天冬 贝母 桔梗 紫菀 款冬花_{二两}

共末，蜜丸如梧桐子大。甘草乌梅汤下三十丸。

桑白皮汤 治咳嗽吐脓血，痰涎。

桑白皮 麦冬 款冬花_{一两} 贝母 甘草 黄明胶_{五钱}

水煎三钱，温服。

莱菔子汤 治咳嗽吐脓血痰涎。

莱菔子_{五钱}，研 白蜜 牛酥 桃仁 杏仁_{二味同去皮尖，烂研成膏，一两} 饴糖_{二两}

熬酥蜜，入饴糖膏酥成煎。汤化一匙。

蛤蚧汤 治咳嗽咯血吐脓。

蛤蚧 人参 贝母 杏仁 甘草 知母 鹿角胶 葛根 桑皮 枇杷叶_{炙，一两}

水煎三钱，温服。

五味子汤 治咳嗽吐脓血，连胸膈痛。

五味子 生地 桔梗 桑皮 紫菀 续

断 赤小豆 甘草五钱

水煎三钱，入竹茹一丸煎，温服。

薤白汤 治久咳嗽，肺虚吐血，将成劳病。

薤甲 阿胶 甘草 鹿角胶二两

水煎三钱，入薤白三寸服。

栝蒌汤 治咳嗽咯血，喘满肺痿。

栝蒌二枚，去穰，入蛤粉炒 葛根 防己 杏仁 贝母 马兜铃 甘草 阿胶二两

水煎三钱，入蜜少许，温服。

杏仁汤 治肺气壅热，咳嗽上气，吐脓血。

杏仁 桑皮 柴胡三分 甘草 桔梗 紫苑 麻黄去根节 款冬 川连 茜根 半夏五钱

姜水煎三钱，温服。

咳嗽失声

论曰：咳嗽失声者，盖肺气上通于喉咙，喉咙者，肺之系，肺感寒，微者成咳嗽，咳嗽不已，其气奔迫，窒塞喉中，故因而失声也。

杏仁煎 治咳嗽失声语不出。

杏仁一升，去皮尖，炒，研 五味子 木通 贝母 紫苑一两 桑白皮五两 姜汁 饴糖一升

分三剂。每水四盅煎，去滓，入杏汁糖三分之一成煎，贮器中。含化一匙。

补肺人参汤 治气虚咳嗽，言语声嘶，饮食减少，日渐消瘦。

人参 黄芪 熟地 桂心一两 白术 紫苏三分 干姜 杏仁 紫苑 五味五钱 鹿角胶一两

枣水煎三钱，温服。

漏声散 治咳嗽声不出。

五味子 款冬 人参 木通 细辛 竹茹 石菖蒲 牛酥三两 杏仁 白蜜 姜汁一升 枣肉二升 桂心三两

水煎诸味，去滓，入酥汁蜜枣，慢煎稠。

酒下一匙，日三。

紫苑丸 治肺感风冷，咳嗽声嘶

紫苑 贝母 款冬 桂心两半 杏仁 甘草二两 陈皮 人参 白茯苓 百部一两

共末，蜜丸如梧子大。空心饮下三十丸。

风冷声嘶

论曰：其风冷声嘶者，其声嘶哑不通畅也。盖肺象金，金主声音，人五脏有五声，皆禀肺气而通之。今风冷乘于肺经，则肺道不调，故声音不出而嘶哑也。

杏仁煎 治风冷失声，语音不出。

杏仁去皮尖，烂研成膏 桂心二两 五味子 贝母 细辛 紫苑一两

共末，水煎，去滓，入蜜饴糖姜汁杏膏，慢煎。酒下一匙。

石菖蒲散 治风冷搏肺，气塞不通，声嘶不出。

菖蒲 五味子 细辛 陈皮 紫苑 干姜五钱 诃梨勒 杏仁一两

共末，酒下二钱。

通声辛甘煎 治肺气虚，为风寒所伤，语声嘶哑，气息喘急不通，痰逆上气咳嗽。

真酥 白蜜 饴糖 姜汁 百部汁 枣肉一斤 杏仁一升，研

用微火慢煎成煎，酒下一匙。

诸气门

诸气统论

论曰：《内经》云百病所生，生于五脏。肺之所生，独主于气不足有余。盖由虚实，故所病不同，其症亦异。怒则气逆，甚则呕血及飧泄，故气逆也；喜则气和，荣卫通利，故气缓也；悲则心系急，肺布叶举，使上焦不通，荣卫不散，热气在内，故气消也；恐则精怯，怯则上焦闭，闭则气还，还则下焦胀，故气不行也；寒则腠理闭，气不行，故气收

也；热则腠理开，荣卫通，汗大泄，故气泄也；惊则心无所倚，神无所归，虑无所定，故气乱也；劳则喘息汗出，内外皆越，故气耗也；思则心有所存，神有所归，正气留而不行，故气结也。

七气丸 治寒热愁怒惊思恚气。

大黄二两半 人参 半夏 细辛 柴胡 干姜 吴茱萸 桔梗 菖蒲五钱 赤茯苓 芎 甘草 石膏 桃仁去皮尖，炒 川椒三分，炒

共末，蜜丸如梧子大。饮下三十丸。一方加桂心。

麝香丸 治一切气逆，胸膈痞闷，中脘不快，痰癖留滞，呕吐恶心，肢体倦，不思饮食。

麝香 丹砂 紫朴 木香 肉蔻五钱 半夏 槟榔二两 丁香 乳香 两 桂心三分

共末，用姜汁煮半夏末为膏，丸小豆大。陈皮汤下二十丸。

藿香汤 治诸气不调，胸膈痞滞，升降不匀。

藿香 紫朴 干姜一两 甘草 青皮三分 桂心五钱 枇杷叶一两

生姜大枣水煎五钱，空心温服，日二。

上 气

论曰：凡人一日一夜，共一万三千五百息。呼，随阳出气，于是升；吸，随阴入气，于是乎降，一升一降，阴阳交通，气乃和融。所谓上气者，盖气上而不下，升而不降，喘而有声是也。本于肺脏之虚，复感风邪，肺胀叶举，诸脏气又上冲而壅遏，此所以有上气之候也。

地黄煎 治上气乏急。

生地汁升半 生姜汁 牛酥升半 白蜜一升 淡竹叶半升 杏仁去皮尖，二两半 炙甘草 贝母去心 苏子二两 赤茯苓 紫菀两半

水四升，煮竹叶甘草茯苓，去滓，入汁蜜，熬成煎。重汤者，搅稀饴，含化一匙。

款冬花汤 治上气咽中不利。

款冬 五味子 半夏二两 射干 细辛 紫菀一两 麻黄三钱

姜枣水煎三钱，空心温服。

酥蒜煎 治上气喘急。

酥半斤 大蒜三枚

以酥煮蒜，煮去蒜，入姜汁，成煎。频服一匙。

双仁丸 治上气喘急不安。

桃仁 杏仁俱去皮尖，炒

烂研，水和生面，为丸如梧桐子大。姜蜜汤下二十丸。

上气喉中如水鸡声

论曰：肺主气，上通于喉咙。肺经客寒，则喉咙不利，痰唾凝结，气道奔迫，喘息有声，声如水鸡。

半夏丸 治上气咳嗽，喉中作声，坐卧不得。

半夏 紫菀 桑皮一两 百部 款冬 射干 陈皮 五味贝母 皂荚炙 赤茯苓三分 杏仁两半 细辛五钱

共末，蜜丸如梧子大。姜枣汤下二十丸。

射干汤 治咳而上气，喉中如水鸡声。

射干 半夏 五味 款冬 紫菀二两 细辛 麻黄 生地四两

大枣水煎五钱，温服。

短 气

论曰：短气不足以呼吸者，肺虚也。倚息，短气不能卧，其形如肿者；饮也，短气上喘，气道促急者，肺虚而寒邪实也。如是者，不可概而论之。

紫苏汤 治卒短气。

紫苏二两 陈皮五钱

大枣酒水煎三钱，温服。

枸杞汤 治短气。

枸杞

姜枣水煎三钱，温服。

阳 厥

论曰：《内经》云：有病怒狂者，生于阳也。阳气者，因暴折而难决，故善怒也。病名曰阳厥。夫阴阳未可偏胜，则气逆阳厥者，阳胜而气逆不调也。益阳气暴折，则郁而不散，故多怒而狂。怒则气上，故颈脉动而大疾者，为阳厥之症也。其治，夺食则已。盖食入于阴，长气于阳。阳盛故厥逆怒狂。夺食者，所以平其气也。

铁落饮 治阳厥善怒，除烦下气。

铁落即染皂铁浆是也

每服重汤，温，一盅，饮之。

竹沥石膏汤 治阳厥多怒，狂躁不安，上攻头额。

竹沥 石膏两半 山梔 生地 玄参 赤茯 升麻 知母三分

姜水煎三钱，入竹沥服。

犀角丸 治阳气偏胜，气厥多怒如发狂状，心胸烦满，忿忿多怒，颈脉疾动。

犀角 防风 甘草一两 枳壳 石膏五钱 升麻 菱莖三分

共末，蜜丸如梧子大。饮下二十九。

定神丸 治阳厥怒狂。

白茯 远志 人参 防风 柏子仁一两 甘草一两 龙骨两半 牡蛎 枣肉一两

共末，蜜丸如梧子大。汤下二十九。

羚羊角汤 治阳厥，气逆善怒，狂妄不常。

羚羊 五味子 沙参 枣仁 茯神 远志 菱莖一两 龙骨煨，五钱

为粗末，姜水煎三钱服，日二。

积 聚 门

积 聚 统 论

论曰：积者，五脏所生，气之所积名曰积。其始发有根本，其痛不离其部，由阴气

所生也。聚者，六腑所成，气之所聚名曰聚。其始发无根本，其痛亦无常处，由阳气所生也。然又有癥、瘕、癖结者，乃积聚之异名也。症状不一，原其病本，在约相类。但从其所得，或诊其症状，以立名尔。且癥者，为隐现腹内，按之形症可验也；瘕者，为瘕聚，推之留移不定也；癖者，癖侧于胁肋；结者，沉伏结强于内。然有得之于食，有得之于水，有得之于忧思恚怒，有得之于风寒，种种不一。凡使气血沉滞留结而为病者，治须渐磨溃削，使气血流通，则病自愈矣。

积 聚

论曰：经云病有积有聚，何以别之？夫积者，阴气也；聚者，阳气也。阴沉而伏，阳浮而动，故气之所积名曰积，气之所聚名曰聚。然积者，五脏所生；聚者，六腑所成。积之为病，其始发有常处，其痛不离其部，上下有终始，左右有所穷尽；聚之为病，其始发无根本，其痛亦无常处，上下无留止，此积聚之分别也。

鳖甲丸 治腹内积聚，心肋气满，时吐清水，恶寒，不下食。

鳖甲醋炙 大黄炒 槟榔二两 人参 附子 前胡 白术 黑干姜 枳壳 防葵 川归 桔梗 甘草一两 吴茱萸 紫朴三两

共末，人蜜杵，丸如梧子大。空心酒下三十丸。

万灵丸 治积聚滞气，胸膈痞闷，心腹刺痛。

雄黄 陈皮去白，炒 大黄 白丑一两 肉苁蓉 京三棱煨 杏仁 巴豆去皮心油 干漆炒烟 青皮五钱 诃勒皮二分 天南星姜制 木香 藿香叶 白术炒一分 胡椒半分

共末，薄荷汁糊，为丸如小豆大。伤食，姜汤下三五丸；伤酒，姜汤下十丸。

大五积丸 治五积，胸膈痞闷，腹胁胀满，宿食不消，积气成块，心腹痛，不能饮食。

硃砂 芫花 干漆炒烟，一两 木香同后末
巴豆去皮心油 皂荚去皮子尖 乌头去皮脐，三
分，同上五味入醋三升熬膏 大黄炒 京三棱煨
鳖甲醋炙 川归 陈曲 青皮去白，炒，一两
桂心二分

共末，用膏丸如小豆大。茶酒任下五七
丸。欲疏利，服十丸。

十味五积丸 治五积气，呕吐酸水，心
腹胀闷，不思食。

沉香 陈皮去白，炒 甘松 京三棱五钱
芫花醋炒焦 牵牛捣取末 木香 甘遂连珠者
大戟 姜黄 一两

共末，糊为丸如梧子大。用陈皮汤，空
心下二三十丸。

木香丸 治五种积聚成块。

木香 槟榔 人参 郁李仁 诃勒皮
大黄微煨，三两 苏子 白芍 赤茯苓 枳壳去
白，炒 黑干姜 硝石二两

共末，入蜜为丸如梧子大。酒下三十丸。

牛膝芍药丸 治积聚痞癖气块。

牛膝 白芍药 大黄炒 桔梗 赤茯苓
诃梨勒取皮 柴胡 紫朴姜炒，三两 枳壳
槟榔 陈皮去白，炒，一两

肥 气

论曰：凡人积气在左胁下，如覆杯，有
头足者，名曰肥气，乃肝之积也。盖肝藏血，
故阴多而阳少，发为积气。由肺病传肝，肝
传脾，脾以季夏适王而不受传，是邪气留于
肝，故积为积气。久不愈，令人发咳逆、痰
涎，连哕不已。此阴盛阳虚故也。

蓬蘽根汤 治久积结癖气不散，左胁下
如覆杯，吐酸水，面色黄，此名肥气。并女
人血瘕。

蓬蘽根 怀生地二两 川归 赤芍药一
两 丹皮 枳壳炒 桂心三分 生姜焙，五钱
水煎三钱，空心温服，日二。

青蒿汁汤 治久积肥气，寒热痰涎。

青蒿汁 合 生姜汁 童便半合 常山

柴胡三分 乌梅肉炒 鳖甲醋炙 炙甘草一
分

水煎五钱，去滓，入三汁少许，沸服，日
二。

酸枣仁丸 治肝积肥气久不已，变成寒
热痰涎，令人热多寒少，小便赤涩，咳逆。

酸枣仁生 苏子 木通 薏苡仁 黄芩
枳壳姜炒 木香 坐罌草 升麻 大黄
麦门冬 赤茯苓 一两

共末，入蜜杵，丸如梧子大。荆芥汤下
二三十丸。

伏 梁

论曰：《内经》谓：病有小腹盛，上下左
右皆有根，名曰伏梁。裹大脓血，居肠胃之
外，不可治；治之，每切按之至死。又曰，人
有身体髀股胫皆肿，环脐而痛，病名伏梁，此
风根也。夫气之所聚名曰聚，气之所积名曰
积。聚，阳气也，故无留止；积，阴气也，故
有形状。伏梁，心之积也，起于脐上，故小
腹盛，上下左右皆有根。裹大脓血，居肠胃
之外，故环脐而痛，此为风水之病。使身体
髀髀股胫皆肿，名曰伏梁。以其若梁之隐于
伏也。其症有浅深，居脐上为逆，以邪气之
逆上行也；居脐下为从，以邪气之顺下行也。
治法不可动；动之，为水溺涩之病。故曰论
在刺法中。

鳖甲汤 治伏梁积气。

鳖甲醋炙 白芍 京三棱 大腹皮一两
怀生地 柴胡 川归两半 桂心 生姜三
分

水煎三钱，入木香少许服，日二。

桃奴散 治伏梁积气。

桃奴

暴干为末，空心温酒下三钱。未差再服。

诃梨勒丸 治忧积伏梁气。

诃梨勒二两 槟榔 大黄炒，三两半 防葵
柴胡 枳壳去白，炒 羚羊角 川连 赤茯
苓 生姜两半 子芩 木通一两

共末，入蜜杵，为丸如梧子大。空心饮下三十丸，日二。

痞 气

论曰：凡积气在胃脘，覆大如盘者，脾积也。痞结不通，故名痞气。此本肝病传脾，脾当传肾，肾以冬适王而不受，邪气留于脾，故结为积。久不愈，令人四肢不收，发为黄疸，使饮食不为肌肤。所以然者，脾藏肌肉之气，能与胃行其津液，以荣养四肢，若为积气所留则不能荣养，故有四肢不收，饮食不为肌肤之症也。

平气丸 治脾积痞气，腹胁膨胀，心胸闷痛，不思食。

槟榔微煨，一枚 京三棱 砂仁 胡椒五钱
青皮炒，一两 乌梅肉炒，半两 巴豆二钱，去皮心油

共末 糊为丸如小豆大。姜汤下三丸。

白术汤 治脾积痞气，胁肋满闷。

白术 紫朴姜汁炒 桂心 柴胡三两 炙甘草一两 槟榔十枚，微煨

生姜水煎三钱，空心温服，日二。

匀气汤 治脾积痞气，胃脘不安，肌瘦减食。

大腹皮二枚，全用 白术 桂心 牵牛半生半炒 甘草 陈曲一两 高良姜五钱

生姜大枣水煎五钱，空心温服，再晚服。

息 贲

论曰：凡积气在左胁下，覆大如杯者，肺积也。气上贲冲，息有所妨，各曰息贲。此本心病传肺，肺当传肝，肝以春适王而不受，邪气复贲于肺，故结为积。若久不已，令人洒淅寒热，喘咳，发肺癰。所以然者，肺主气，外合于皮毛，今肺气留积，故有咳喘，寒热，肺癰之病。

枳实汤 治肺积息贲，上气冲，胸满咳逆。

枳实麸炒黄 木香 槟榔 炙甘草 葶

劳纸炒 吴萸炒，五钱 杏仁去皮尖，炒，二分

姜枣水煎三钱，空心温服，日二。

桑白皮汤 治肺积息贲上气，胀满咳嗽，涕吐脓血。

桑白皮 麦门冬两半 桂心 甘草五钱
陈皮炒 皂牙去皮尖，一两

半夏汤 治肺积息贲咳嗽。

半夏姜汁炒 细辛 桑白皮 前胡两半
诃梨勒煨 桔梗炒 人参 川贝母 白术炒
甘草 柴胡一两

生姜大枣水煎三钱，空心温服，日二。

贲 豚

论曰：凡积气发于小腹，上至心下，若豚状，或上或下，来往无时者，肾积也。盖肾水乘心，其状贲冲如豚，名曰贲豚。此本脾病传肾，肾当传心，心以夏令适王而不受，邪气复留于肾，故结为积。久不已，令人喘逆，骨痿少气。所以然者，肾藏骨髓之气，若其气留积，不能荣养骨髓，故变为喘逆，骨痿之病也。

四味丸 治久积贲豚气，时攻膀胱痛。

川椒，炒出汗 附子 肉苁蓉 苻香子一两

共末，蜜丸如梧桐子大，酒下。

桃仁丸 治肾积气贲豚。

桃仁去皮尖，二两，研，用酒二升煎成膏 木香
青皮去白，炒 苻香子炒 桂心五钱 槟榔三分 黑干姜一分

共末，膏丸梧子大。酒下三十丸。

化气沉香汤 治肾积。

沉香 木香 人参 附子 黄芪 乌药
甘草 五味 大茴 牛膝 石斛 陈皮
高良姜 巴戟天 桂心五钱

生姜水煎三钱，温服，日二。

李根白皮汤 治贲豚气冲心，汲汲短气，发作有时。

李根白皮炙，八两 人参 附子 甘草二两 半夏七两 赤茯 黑干姜 桂心三两

水煎三钱，温服，日二。

吴茱萸汤 治贲豚气上冲，心胸逆满。

吴茱萸一两 人参 甘草 半夏四两
桂心

姜枣水煎服。

木香散 治一切风，及肾脏豚气上冲，心胸满闷。

木香一两 白芷 沉香 杉木节 蓬莪
朮 荜香子炒 桂心 青皮五钱 木瓜 枳
壳炒，三分

共末，姜汤下二钱。

磁石散 治贲豚冷气上冲，昏乱，四肢
软弱不收。

磁石 木香 槟榔 肉豆蔻一两

共末，葱白酒下二钱，日二。

压气木香丸 治贲豚气上冲胃脘。

木香 丁香 肉豆蔻 白豆蔻 吴茱萸
炒，五钱 沉香三分 青皮一分 麝香二钱

共末，用硃砂猪胆汁和，丸梧子大。酒
下二十丸。

木香槟榔散 治肾积气不散，结伏贲豚，
发即上冲心胸，令人喘逆，骨痿，少气等疾。

木香 槟榔 白芷 沉香 磁石 大茴
川芎 诃勒皮 牡蛎五钱 桂心 陈皮三
分

共末，生姜盐汤下二钱。

诸 瘕

论曰：积气在人腹中，久不瘕，则牢固，
推之不移者，瘕也。此由寒温失宜，饮食不
节，致脏腑虚弱，食饮不消，按之其状如杯
盘牢结。久不已，令人体瘦而腹大，至死不
消。诊其脉弦而坚，其状不转动者，此其症
也。

鳖甲丸 治诸瘕块，冲心气满，不下食，
手足烦闷。

鳖甲 诃勒皮二两 人参 炙甘草 防
葵 大黄微炒，两半 白术 郁李仁 桂心
杏仁去皮尖，一两，研成膏

共末，入蜜杵，丸梧子大。酒下二三十
丸。

夹食丸 治瘕癖食气食劳，五膈痰逆。

乳香 木香 川归 肉蔻 干姜 京三
棱煨 附子 丹砂 青皮 巴豆去油，一两
紫苑 鳖甲醋炙，二两 丁香

共末，入蜜杵，丸小豆大，丹砂为衣。酒
下三五丸。

结 瘕

论曰：结瘕者，积聚之类也。聚积久不
散，谓之结；浮流腹内，按抑有形，谓之瘕。
结之症候，形体瘦瘁，饮食不作肌肤，遇阴
寒冷湿之气则发，而腹肋块硬，隐隐然痛者
是也。瘕之症候，腹中气痛，动转横连肋下，
有如癖气，遇脾胃有冷，阳气不足而发动者
是也。

紫葛丸 治结瘕腹胀坚硬如石，肚上青
筋浮起。

紫葛 郁李仁一两 木香 桔梗 河勒
皮三分 大黄炒，两半 紫苑三分 牵牛子五钱，
半生半炒

共末，入蜜杵，丸梧子大。木通大枣汤
下二十丸。

瘕 气

论曰：瘕气，谓脐腹左右紧硬而痛，横
逆如臂，取象如弓弦之急，故谓之瘕气。盖
因寒温失宜，房劳过度，真阳虚惫，饮冷内
生，所以水饮入于胃，而不能销铄，流于肋
下，经久不去，遂成痼疾。若遇阴寒，或食
冷物，则作痛，久之则不能饮食，致肌肤消
瘦。

诃梨勒丸 治瘕气胸肋满，大肠常涩。

诃勒 桂心 白芍 大黄炒 甘草 乌
药 防葵一两 鳖甲二两

共末，入蜜杵，丸如梧子大。姜汤下二
三十丸。

附子草蔻丸 治瘕气急痛，呕吐酸水。

附子 草豆蔻二两 桂心 吴茱萸一两
 大香五钱 桃仁三两，去皮尖，炒 丁香二分
 共末，入糊，丸梧子大。姜橘汤下二三十丸。

大黄丸 治疰气急痛，呕吐酸水，大便不通，满闷。

大黄二两，用酒二升熬成煎 丁香 槟榔煨，三分 木香 诃梨勒煨，取皮 桂心一两
 共末，同煎，杵丸小豆大。酒下二三十丸。

京三棱丸 治五积疰气块。

京三棱 木香 青皮 槟榔 石三棱
 鸡爪三棱五钱 肉豆蔻二枚 硃砂三分

共末，用姜汁糊，丸梧子大。姜汤下二三十丸。

缓中丸 治疰气急痛，腹胀，胃脘痛，不下食，呕逆。

干姜 甘草一分 人参 附子 白芍
 陈皮 槟榔 桂心 枳壳 鳖甲 半夏 紫

朴五钱

姜水煎服。

酒 癖

论曰：胃弱之人，因饮酒过多，酒性辛热，善渴而引饮，遇气道痞塞，酒与饮俱不化，停在胸胁，结聚其癖。其状按之有形，或按之有声，胁下弦急胀满，或致痛闷，肌瘦不能食。因酒得之，故谓之酒癖。

干姜丸 治酒疰癖水饮不消，两胁胀满，时呕吐，腹中水声。

干姜 葛根 枳壳一两 白术二两 陈皮三分 甘草五钱，炙

共末，入蜜杵，丸梧子大。饮下三四十丸。

栝蒌散 治酒癖胁下胀满，不能下食。

栝蒌实一两 陈曲炒香，五钱

共末，空心葱白下二钱，日二。

圣济总录纂要 卷八

清 新安 程 林云来纂辑
郭县 曹炳章赤电校点

吐血门

吐血统论

论曰：吐血病有三种：一则缘心肺蕴热，血得热则妄行，下流入胃，胃受之则满闷，气道贲冲，故令吐血。二则虚劳之人，心肺内伤，恚怒气逆，肝不得藏，血乘虚而出，因怒气逆，甚则呕血。三者缘酒食过饱，胃间不安，或强吐之，气脉贲乱，损伤胃心，血随食出，此名伤胃。

黄芪散 治吐血。

绵黄芪 白芨 白敛 黄明胶粉炒，四两
共末，空心饮下二钱。

绿云散 同前。

百合 人参 侧柏叶 阿胶粉炒，二两
共末，空心饮下二钱。

神效鹿角散 治吐血、咯血。

鹿角胶 川柏炒，五钱 杏仁二十枚，去皮尖
共研，入白面，水下二钱。

阿胶散 治咯血、吐血。

阿胶 白芨 白芷 白敛 川柏蜜炙，一

两

共末，饮下二钱。

藕汁茯苓散 治吐血不止。

生藕汁 白茯苓 怀生地 炒黑蒲黄等

分

以三味共末，调藕汁下二钱。

补肺煮肺散 治吐血、咯血等。

杏仁一百二十枚，去双仁、皮尖，研极烂 百合

四两 葱白三茎 熟糯米三合

共和匀，用猪肺一具，去筋管膜，同煮熟，蜜汤下。

异功散 治吐血不瘥。

人参一两

研极细，五更时，打鸡子清和服二三钱。

黄药子散 治吐血。

黄药子 防己等分

共末，用小麦汤下一钱。吐甚者，一服减，二服止。

艾炭散 治吐血。

艾叶

烧炭存性，为末，新汲水空心下二钱。

竹叶芍药汤 治吐血、衄血、大小便去血。

淡竹叶六合 赤芍 甘草炙，一两 阿胶三
两 川归两半

水煎五钱，温服，日二。

地黄藕汁饮 治心肺热极，喘闷吐血。

生地汁 生藕汁 生姜汁 小蓟根汁
生牛蒡子汁 生白蜜等分

共和匀，徐呷数口。

地黄饮 治吐血不止。

怀生地一两，取汁 鹿角胶一两，炙

童便五合，煎沸，入汁末，十数沸，分
三服。

吐血不止

论曰：脏真高于肺而主气，脏真通于心而主血，脏真散于肝而藏血。是三者，或因忧愁思虑，与夫恚怒气逆伤之，则气乱而血

妄行，下入于胃，胃受之则胀满，其气贲冲于上，故吐血不止也。

白金散 治吐血，肺元受损。

上白面 石菖蒲一两

共末，空心水下二钱。暑毒气，姜汁蜜水下。

白敛汤 治吐血，咯血不止。

白敛二两 阿胶炒，二两

用酒水合煎三钱，去滓，入生地汁半合，沸服。

生犀桔梗散 治吐血，似鹅鸭肝，昼夜不止。

生犀角 生桔梗一两

共末，空心，温酒下二钱，晚下一钱。

补肺百花煎 治吐血不止，兼咳嗽。

生地汁 生藕汁一升 生姜汁半升 干青柿五枚，研，作糊 黄牛乳升半 胡桃肉十枚 大枣二十枚，研

好白酒一升，同上数味煎如饴，入后药。

黄明胶炙，研，五钱 杏仁去皮尖，研，三两 秦艽五钱，研末

同上合煎减半，入蜜四两，养成煎，空心用糯米饮下一二匙，日三服。酒下亦可。

阿胶汤 治吐血不止。

阿胶炒研 熟艾三两 白芍 地榆四两 小蓟根五两

水煎五钱。

土马鬃汤 治心肺蕴热，恚怒气逆，便血妄行，日夜不止。

土马鬃焙，二两 人参 白茯苓 秦艽 炙甘草 枳实麸炒 怀生地酒洗 柴胡一两

水煎五钱，空心温服，日二。

呕 血

论曰：忧愁思虑则伤心。恚怒气逆，上而不下则伤肝。盖心主血，肝藏血。二脏俱受伤，则血溢妄行，流散不止，气逆则呕吐而出血也。

三汁饮 治吐血、呕血、衄血等。

麦冬汁 生地汁 生藕汁 熟冷水各一盅 白芍一两

和匀，温服一二盅，以瘥为度。

生地黄汤 治忧愁恚怒，呕吐出血，烦闷少气，胸中痛。

怀生地半斤 阿胶粉炒研 炙甘草两半 用大枣水煎，五钱空心温服，日二。

荆芥穗饮 治呕血不止。

荆芥穗 山梔仁 片苓 蒲黄一两

水煎五钱，空心温服，晚再服，以差为度。

唾 血

论曰：邪热熏于肺则损肺，恚怒气逆伤于肝则损肝，肺肝伤动，故令人唾血。如唾中有若红缕者，属肺脏；如肋下先苦痛，而后唾鲜血者，属肝经。俱可析而治之。

紫菀散 治肺气内伤，邪热熏积，咳唾有血。

紫菀 川归 川芎 附子 款冬 五味子 白术 桂心 生地 甘草 细辛 侧柏叶 杏仁去皮尖，炒研 贝母一两

共末，入蜜少许，和滚汤，空心下二钱，晚再下。

蒲黄散 治唾血不止。

蒲黄一两，生

研罗细末，用冷水和，三钱，空心下，日二。

舌 上 出 血

论曰：心主血，在窍为舌。若心脏蕴热，血得热而妄行，或溢于心之窍，故有舌上出血之症，甚者出如涌泉。

升麻汤 治心藏有热，舌上出血，势如涌泉。

升麻 茜根 小蓟根两半 熟艾一把 凝水石三两

水煎三钱，去滓，入生地汁半合，再沸服，日二。

阿胶散 治舌上出血不止。

阿胶粉炒，研末 黄芪蜜炙 蒲黄新者，一—两共末，用生地汁空心下二钱。

熟艾叶汤 治心藏热，舌上出血，及一切失血。

熟艾叶用糯米同炒 松黄 侧松叶炙，一两水煎三钱，空心温服，日二。

汗 血

论曰：《内经》云：脏经通于心，血脉之气行焉。又曰：肝藏血，故人卧血归于肝。然血虽藏于肝，而妄则行之。若肝心二脏俱伤于邪，则血随心液为汗而出，是为血也。

人参汤 治肝心二脏伤邪汗血。

人参 赤芍 白术 甘草 桂心一两 川归 淡竹茹 川芎 子芩二两

水煎三钱，空心温服，日二。

神白散 治血汗从皮肤中出。

人中白

用瓦上炙干，研成末，人麝香末少许，和匀，空心酒下二钱。

如圣散 治汗血不止

郁李仁去皮尖，研烂

用梨取汁下一钱，日二。

竹茹汤 治吐血、汗血、尿血。

竹茹 人参 白芍 生地 甘草 川归 桔梗炒 川芎 桂心一两

水煎三钱，空心温服，以差为度。

鼻 衄

论曰：脾移热于肝，则为惊衄，是木克土也。盖脾土热气移于肝木，则神魂惊恐，而血行不由其道。夫肺主气，开窍于鼻，血随气上。今血既妄行，故于鼻出而为衄也。

生地藕节汤 治邪热上攻，鼻衄。

怀生地 生藕节一两

水煎五钱，空心温服，以差为度。

蒲黄散 治鼻衄。

蒲黄 棕榈烧炭存性 川归 阿胶 乳

发炭 柏子仁烧，研，一钱

共末，用藕节汁空心下二钱。如肺损伤吐血，生地汁下。肠风下血，樗根皮汤下。女人赤白带，艾叶汤下。日二服。

贴背膏 治上焦肺壅热鼻衄。

京三棱大者，一枚

湿纸包，煨熟，乘热烂捣，用醋煮糊，贴背上第三椎骨。

贴鼻方 同前。

鹿角胶

用沸汤浸软一薄片，贴鼻坳上，差。

扎耳方 治肺壅热鼻衄。

玄胡索

为末，绵包扎耳内。左衄扎右，右衄扎左。左右俱衄，两耳俱扎。

吹鼻方 同前。

石榴花，取百叶者

干阴为末，用少许吹鼻中，即差。

葱白汁 同前。

葱白汁

以汁入酒少许，点二三匙，滴入鼻中，愈。

衄 不 止

论曰：营卫之行，常与胃气相随，则气与血未曾一刻相离。盖肝藏血，肺主气，营卫和平，则气血调顺。若人脏腑有热，热乘血气，血性得热，流溢妄行。夫肺开窍于鼻，故其发为鼻衄。衄不止者，脏虚血盛故也。《内经》又云：脾移热于肝，则为惊衄。盖脾土也，肝木也。今脾移热于肝，则木不能制土明矣。肝藏血，其神魂，故为惊衄之病。

发炭散 治衄不止。

乱发炭一钱 人中白炙研，五分 麝香研，一字

共研，用少许吹鼻中，立愈。

车前子散 治衄血不止欲死者。

车前子 牛耳内垢等分

用车前子为末，与垢同研，和成挺子，塞耳中，差。

柳枝散 同前

柳枝寒食日收者，一两 人参一分

共末，空心，温水下二钱，日二。

人参莲心散 治血衄不止。

人参一钱 莲子心一分

共末，空心温水下二钱，以差为度。

玉粉散 治鼻衄，日夜不止，头痛心烦。

石膏研 牡蛎童便淬

共研极细，温水下二钱，日二。

二花散 同前。

酸石榴花 黄蜀葵花 一两

共末，水煎三钱，温服，日二。

栗炭散 治衄不止。

生栗取独颗或中心者，七枚，连皮烧炭末

入麝少许，研匀，酒下三钱，日二。

法纸散 治衄血不止。

衄血时，以纸接血，将纸焙干，烧炭，温水和服。但不可与病人知。

灯心散 同前。

灯心一两，为末 丹砂飞过，一钱

共末，空心饮下二钱，顷再服。

大蒜贴足 治衄血不止，诸药无效者。

大蒜去皮苗

研烂，用帛摊钱大。左窍出，贴左足心；右窍出，贴右足心。两鼻并出，二足并贴。血止急洗去。

通神散 治衄不止，心神闷乱，头旋欲倒。

乱发烧炭 伏龙肝一两

共末，用温水空心下二钱，顷再服。

茅花汤 治血衄不止。

茅花

用水煎浓汁二碗，分二服。如无花，以根代之。

大 衄

论曰：大衄者，口耳皆出血是也。盖血为营而藏于肝，气为卫而生于肺，肺开窍于鼻，三者相为流通。若热气乘血，热盛则气

妄行，与卫气错溢于上窍，故鼻衄不已，而口耳皆出血也，是名大衄。

南天竺饮 治血妄行，九窍皆出，服药不止者。

南天竺草生瞿麦者是，一大把 山梔三十枚 生姜一两 灯心一把 炙甘草五钱 大枣肉五枚

用水一大碗，煎减半，空心温服。

苦参汤 治大衄，口耳皆出血不止。

苦参 川连一两 山梔七枚 大黄微炒，两半

水煎五钱，去滓，入生地汁服。

阿胶汤 治大衄不止。

阿胶粉炒研，一两 蒲黄五钱

水煎三钱，去滓，入生地汁服。急用帛系两乳。

白龙骨散 治大衄水止。

白龙骨煨

为末，用少许吹鼻中，立止。

生地饮 治大衄出血，血上心胸，气急劳热。

怀生地四两 子芩 赤芍药 青竹茹三钱 蒲黄三合 地骨皮五两

水煎五钱，空心温服，晚再服。以差为度。

衄 衄 汗血

论曰：《内经》谓：胆热移于脑，则酸涩鼻渊，传为衄衄瞑目。夫血得热则涌溢，得寒则凝涩。若胆受胃热，循脉而上，乃移于脑。盖阳络溢则血妄行，在鼻为衄，在汗孔为衄。衄衄者，皆热厥血溢之过也。今之治衄衄者，专于治血，不知血之行留，气为之本，犹海水朝夕两潮，乃阴阳之气使然也。明夫经络顺逆，则血与气俱流通，而无妄行之患矣。

青竹茹汤 治热盛所致衄血、汗血。

青竹茹 子芩 怀生地二两 白芍药 麦门冬 蒲黄一两

水煎五钱，空心温服，以差为度。

地黄散 治血汗不止。

怀生地 阿胶炒研，一两 蒲黄二两

共末，空心饮下二钱，日二。

刺蓊汤 治热气上行，衄血、汗血。

刺蓊 紫苏二两 川连 犀角 怀生地

一两

水煎五钱，温服。

独圣汤 治血热妄行，或衄或蟊。

子芩

用酒浸，微炒，水煎七钱，空心温服，立差。

脚 气 门

脚 气 统 论

论曰：风毒中人，随处悉能为病，偏着于脚何耶？盖五脏经络，心肺起于手十指，肝肾脾起于足十指。地之蒸温毒气，足先受之，久而不瘥，渐至四肢、腹痛、头项。古人所谓：微时不觉，痼滞乃知，所以谓之脚气。其症不一，或见食呕吐，憎闻食臭，或腹痛下利，或二便秘塞不通，或胸中忪悸，不欲见明，或精神昏愤，或善忘语错，或壮热头疼，或身体冷痛，或时觉转筋，或小腹不仁，或髀腿顽痹，或纵缓不随，或肿，或不肿，或百节挛急。凡是之症，皆脚气候也。治法固多，唯孙思邈云：不得大补，亦不得大泻。故须汤剂为治法之最，学者宜加意焉。

风 毒 脚 气

论曰：《内经》谓：暑胜则地热，风胜则地动，湿胜则地泥，寒胜则地裂。寒暑风湿之气，皆本乎地，人或履之，所以毒亦易于足也。因病从脚起，故谓之脚气。况五脏流注，脾与肝肾之经络皆起足指，故有风毒脚气之病。其症或见食呕吐，或腹痛下利，或便澼不通，或胸中惊悸，不欲见明，或言语

错忘，或头痛壮热，或身体冷疼，转筋胫肿，痠痹缓纵。其状不一，治不可缓。稍缓，气上入腹，或肿，或不肿，胸中逆满。上气肩息者，死不旋踵。宽者数日必死。不可不急治也。但看心下急，气喘不停，或自汗数出，或乍寒乍热，其脉促短而数，呕吐不止者死。故不可缓也。

木瓜虎骨丸 风毒脚气，疼痛少力，筋脉拘急，行步艰难。

木瓜 虎胫骨 没药 当归 麒麟竭 骨碎补 木香 自然铜醋淬七次 败龟板 枫香 安息重汤酒熬 桂心 甜瓜子一两 地龙二两 乳香五钱，同没药、麟竭研，入木瓜内，用黑豆一斗，水洗，安木瓜于中，蒸烂研膏

共末，膏丸，入酒少许，丸梧子大，木瓜汤下之三十丸，日二。

大续命汤 脚气痹挛不随，风毒攻四肢，壮热如火，头项挛急，气冲胸中。

当归 人参 防风 麻黄去根节 石膏二两 芍药 杏仁炒微黄 赤芍 黄芩 炙甘草 桂一两

姜水煎四钱。

越婢汤 风毒，脚痹挛，行步不遂。

麻黄 石膏四两 白术二两 附子 炙甘草一两

姜水煎四钱。

木香散 脚气缓弱，大肉顽痹，肢节疼痛。

木香三两 牛膝 萆薢 羚羊 陈皮 杏仁 独活 丹参 杜仲 秦艽 桂一两 车前五钱

姜水煎三钱，日三。

犀角丸 风毒脚气上冲，散入四肢，虚肿无力。

犀角二两 白术 槟榔 人参 川芎 赤茯苓 羌活 木香 防风 石斛 牛膝一两 蜜丸，梧子大，酒下二十丸，日二。

五柔丸 肾虚冷，肾风，或头风，兼风毒脚气。

大黄一斤，蒸三次 前胡二两半 白芍 半
夏 苡蓉 葶苈纸炒 赤茯 细辛 当归四
两

蜜丸，梧子大，饮下五七丸，日二。以
利为度。

芦根汤 风毒脚气，昏烦壮热，头疼呕
吐，口干。

芦根生，两半 赤茯 葛根 知母 淡竹
叶 麦冬三分 炙甘草五钱
水煎五钱，日二。

淋瀝方 风毒脚气，腰膝病痹肿，行履
不得，皮肤如小虫行。

羊桃 蒴藿 蒺藜 苍耳 海桐皮 柴
胡 白茯 柳木蠹末 水红花一两

水五斗，煎二斗，去滓，淋洗，慎避风
冷。

淋洗方 风毒脚气，腰膝病痹肿，行步
不得，皮肤如虫行。

水菰 附子 露蜂房 茵芋二两 川椒
一两 蒴藿四两

水五斗，煎取汁三斗，避风淋洗。

脚气痹挛

论曰：脚气痹挛者，寒气多也。寒搏于
筋脉，结而为病，则筋急不能转侧，行步艰
难，甚则不可屈伸也。

肉苡蓉丸 风湿脚气，寒搏筋脉，痹挛
不仁。

苡蓉 牛膝 天麻 黄芪 何首乌 木
瓜各十两，酒五斤，浸一日，晒，入后药 狗脊 续断
草薺三两

共末，用木瓜三枚，剉空，入青盐一两，
闭口，饭上蒸，研膏入上件，和丸。如干，加
酒糊丸，梧子大。盐汤酒任下三十丸。

秦艽汤 脚气行步痹挛。

秦艽 枳壳 白术 丹参 羌活 人参
柴胡 陈皮 紫苏 苡仁 桑皮两半 防
风 石斛 大麻仁 炙甘草二两
水煎五钱，日二。

石楠丸 脚气挛痹。去风湿，活血脉，益
元气。

石楠 白术 牛膝 同上酒浸 天麻 防
风 枸杞 黄芪二两 鹿茸 桂两半

共末，用木瓜一枚，去皮瓢，蒸烂捣膏，
入糊，丸梧子大，酒下三五十丸。

大腹汤 脚气痹挛，寒搏筋脉，不能转
侧。

大腹四枚 防己 青皮 木通 羌活
紫苏 草薺 川芎 地骨 诃勒皮五两 木
香五钱 五加皮二两，酒浸，炙

姜枣水煎三钱，日二。

脚气疼痛不仁

论曰：脚气疼痛，皮肤不仁者，盖人之
气血，得温则流通，遇寒湿则凝涩。今脚气
之疾，缘风寒湿毒，客于气血，营卫虚弱，不
能宣通，故有脚气疼痛麻痹之症。

牛膝丸 下经气弱，风湿毒气，与气血
相搏，皮肤不仁，足痛不能履地，上攻眼目，
迎风流泪。

牛膝 山萸两半 防风 羌活 乌头
川芎 地龙炒 槟榔一两

共末，酒糊丸，梧子大，盐汤下二十丸。

整痛膏 脚气肿痛，行履无力，及打扑
伤折痛。

乌头生 干姜生 五灵脂生，一两 浮麦炒
黑，一分

共末，用醋一盅，入药三钱，熬成膏，摊
纸上，敷患处。又以麸，醋炒热，裹熨痛处。
如患脚气，先烧热砧，将药在砧上，脚心熨
之，引脚中气，消肿止痛。

败龟散 脚气及筋骨疼痛。

败龟醋炙 白芥子研 芸苔子研 木别
于去壳，研 自然铜醋淬七次，五钱 地龙炒 硫
黄一两

共末，用末与面醋和贴。

牛膝丹参酒方 脚气，入冬即苦脚痹弱，
或筋骨疼不能屈伸，皮肤痛痹不仁，手脚指

节肿，满闷，或四肢肿，腰胫直。

牛膝 丹参 苡仁 生地八两 白术
生姜 五加皮五两 侧子 赤茯 单藓 防
风四两 独活 石斛九两 茜芋叶 人参
天雄 石楠叶炙 川芎三两 细辛 升麻二两
磁石醋淬七次，一斤 桂三两 白酒五斗，浸服

柴胡汤 风寒湿毒，脚气痛，皮肤不仁，
缓弱痠痹，足胫肿满，心下急，大便涩。

紫胡 猪苓 紫苏两半 防己 陈皮
郁仁炒 大麻仁炒，一两 桑皮二两半
水煎五钱，日二。

脚气上气

论曰：风湿毒气之中人，多从下起，足
先受之，故名脚气。毒气循经上入于肺，则
气道奔迫，升降不顺，故令人上气喘满。

桑白皮汤 脚气，面目肿，上气，眠卧
不得，气欲绝。

桑皮炙，二两 陈皮一两 葶苈炒研，二两
共末，水煎姜枣汤，入末三钱，再沸，温
服，顷又服。当利一二行，肿气下即差。三
五日服一次。

大腹汤 脚气肿满。

大腹四枚，连皮 杏仁三七枚，炒
童便水煎三钱，日二。

枳实散 脚气上气。

枳实炒，二两 白术 赤茯一两 桂四两
共末，酒下二钱，日二。

乌豆汤 洗脚气上气，抬肩喘，冲心痛。
乌豆

水五斗，煮汁二斗半，入瓮中，浸足，令
人从膝上向下淋洗百遍。病者不过再洗差。服
后丸。

加减小香丸 洗脚后服。

木香 白芍 枳壳 大黄炒，二两 槟榔
四枚 桂五钱

共末，蜜丸，梧子大，酒下十五丸，日
二，渐加至三十丸，大便利为度。

杏仁煎方 脚气乘肺，上气喘促。

杏仁炒 百合一分，水二升，令研细 甘草
麻黄 射干五钱

共末。入百合汁中煎一升，去滓。日服
二。合此药不得久停，惟旋合。

木香槟榔丸 脚气冲心，烦闷上气喘满。

木香三分 槟榔五钱

葱水煎三钱，去滓，下紫雪二钱，姜汁
中合童便一合。紫雪治脚气最妙，方在虚劳门

淋洗豌豆汤 脚气抬肩喘。

豌豆三升 葱白十根 川椒三分

水五斗，煮半。令人从膝上淋洗下，百
遍。患极者，洗三次效。

脚气肿满

论曰：脚气，风湿毒气，克抟肾经。肾
者，胃之关也。关门不利，则聚水而生病。水
性就下，故令肾气不化，小便不利；湿寒之
气下注，足胫肿胀不消，故谓之脚气肿满。

赤茯苓汤 脚气上攻，身体肿满，小便
赤涩。

赤茯 防己 桑皮 陈皮两半 旋复五
钱 杏仁 麻黄去根节 白术 紫苏一两

水煮黑豆汁，盅半，煎药五钱，姜半分。

旋覆花汤 脚气肿满，上冲心胸，烦闷
气急。

旋复 犀角一两 前胡 杏仁 桑皮
紫苏 赤茯两半

姜水煎三钱。

大豆汤 脚气，足胫肘肿，上气遍身，痰
胀风引。

大豆合半，炒香 附子三两 枳壳 泽泻
陈皮四两 炙甘草 赤茯苓 防风二两

水煎黑豆，取汁煎药三钱，日三。若肿
痛止，去大豆、泽泻。

脚气心腹胀满

论曰：风毒之中人也，必先中脚，久而
不差，遍及四肢。其气淫溢，则腹胁胀满，小
便不利。气喘息高者，其病为重也。

诃梨勒丸 治脚气疼痛，发热肿闷，上攻心腹，胀满吐逆。

诃勒皮 木香 防己 大腹连皮煨 紫苏一两 白芍 杉木节 羌活 沉香五钱

水煎五钱，日二。

羚羊角丸 脚气，心腹妨闷，两胁虚胀，不思食，渐觉心满，气隔不通。

木香 防风 升麻二两 大麻仁 赤茯苓三钱 旋复 羚羊 茯神二两 独活二两半 大腹七枚，连皮

共末，蜜丸，梧子大，酒下四十九，日一服。如腹内先冷，加附子二两。大肠秘涩，加大黄，炒，两半。气滞，加槟榔二两。心胸膈热，加麦冬三两。筋急掣痛，加牛膝二两。皮肤风痒，心下妨闷，加枳壳，炒，两半。藏气羸弱，加黄芪三两。

前胡饮 脚气攻心，腹胀满，呕吐，不下食。

前胡 生姜 羚羊角 半夏 大黄炒 赤茯苓五钱 枳壳三分

水煎五钱，去滓，下朴硝一钱。

松节汤 脚气入腹，心腹胀急，烦躁肿痛。

松节炒黄 桑皮 紫苏一两 炙甘草五钱 槟榔三分

水煎三钱，入灯芯、生姜、童便，日二。

脚气冲心

论曰：脚气冲心之状，令人胸膈满闷，上气喘急，甚者呕吐是也。盖风毒气，初从足起，纵而不治，上入于腹，小腹湿痹不仁，毒气上冲，是谓肾水克心火，故名脚气冲心。孙思邈云：凡小觉病候有异，即须大怖畏，决意急治之，不可概以肿为候，亦有不肿者。正谓此也。

吴茱萸汤 脚气冲心，烦闷腹胀，气急欲死。

吴茱萸 木瓜 槟榔二两

水煎五钱，入竹叶一把，以快利为度。

独活汤 脚气冲心。

独活 犀角 石斛 侧子 川芎 防风 当归 防己 炙甘草二两 丹参 白艾二两 赤茯苓四两 桂两半

姜水煎五钱，日三。凡服一二剂后，隔五日一服。若觉腹内气散，两胁有力，行动无妨，宜常服香豆酒。

香豆酒方 同前。

香豆一升

酒三升，浸，随量频饮，觉利多即止。

吴茱萸槟榔汤 脚气，毒气攻心欲死者。

吴茱萸炒，四升 槟榔七枚 木瓜 陈皮一两 厚朴二两

竹叶水煎三钱。

木瓜汤 脚气，风湿毒气攻心，烦闷，手足脉绝。

木瓜 吴茱萸等分

水煎三钱，顷又服。

犀角汤 脚气，若风热轻，但毒气入胃，唯心胸烦热，索水洒胸面，干呕好叫，气欲断绝者。

犀角 木香 人参 羚羊 竹茹 沉香 射干 麦冬 赤茯苓二两 鸡舌香 麝香一两，另研 石膏三两

水煎四钱，去滓，入麝末五分，再沸服。顷又服，觉眼明心悟是效。若呕逆不下食，加半夏二两、生姜一两、陈皮两半。

木香汤 脚气攻心，闷绝欲死。

木香 槟榔一两 赤茯苓 郁仁 牛膝 大黄炒 吴茱萸 桂三钱

水煎桑皮、木通汁入药三钱服。如重，又服。

木香汤 又方 脚气风毒攻心，闷乱狂躁，口干，气欲绝，或秘涩。

青木香 生黑豆皮二两 大黄炒 红雪一两，即紫雪

水煎五钱，入红雪三钱，分二服，顷再服，当下燥粪。

乌豆汤 风毒脚气攻心，心闷倒仆，失

音不语，困甚者。

乌豆一升，水四升煎汁二升 甜竹叶一把 桑皮三两 大腹七枚

用豆汁浸药一日，次早煎，分二服，顷再服。已死者，斡开口灌之，愈；及灸脚心七壮，男左女右。

麻仁汤 脚气冲心，上气，二便涩，小腹胀痛。

大麻仁微炒 赤小豆半升

水七升，煎二升半，分三服，过二日又一剂。

朴硝汤 脚气攻心闷绝。

朴硝 白芍 柴胡 旋复 紫苏五钱 大腹 桑白皮炙，三分 槟榔二枚 生姜一两

作三贴，水煎，去滓，入朴硝二钱，分二服。

矾石汤 脚气冲心。

白矾一两

浆水一斗五升煎，浸脚，良。

九味木香丸 脚气冲心，胸膈烦满，喘急呕吐。

木香 诃勒 枳壳 桂二两 白芍 柴胡两半 厚朴姜汁炒 槟榔二两半 大黄炒，三两 共末，蜜丸，梧子大，酒下二三十丸。

脚气语言蹇涩

论曰：风毒脚气，语言蹇涩者，脾肾气虚，风湿中其经络也。肾之经，循喉咙，挟舌本；脾之经，挟咽，连舌本，散舌下。二经为风湿所中，故令舌本强硬，语言蹇涩也。

大八风汤 脚气上攻心脾，语言蹇涩。

当归 大豆三两 白芍 乌头 黄芩 远志 独活 五味 防风 川芎 麻黄 人参 秦艽 干姜 甘草 杏仁 石斛 白茯苓 升麻 紫苑 黄芪 桂二两

酒水煎三钱。

桂心汤 风毒脚气，痿痹不仁，语言蹇涩。

桂心三分 麻黄 当归一两 防风 升

麻 犀角 槟榔二两 黄芩 赤茯苓半 水煎三钱。

下湿脚气

论曰：脚气有干湿之异者，盖阴阳所以分也。在脏为阴，在腑为阳。然皆由风湿毒气，乘虚而入，其症大同小异。故下脚气之状，血脉痞涩，皮肤痒痹，胫细酸疼，食减体瘦，脏腑秘滞，上冲烦闷。湿脚气之状，脚先肿满，或下注生疮，肌汗流下，两脚疼，上攻心腹，咳嗽喘急，面浮膝肿，见食呕吐。

四根汤 年深十九种干湿脚气。

桑麻根节心 松木根节心 柏木根节心 杉木根节心并细锉，炒黑，各一两 肉苁蓉酒浸，二两 五灵脂 石龙芮炒，一两 天雄泡裂，去皮脐，二两 紫檀香 地龙炒 木香各一两 麝香五钱 乳香 没药一两

共末，木瓜酒下二钱，日三。

立应汤 干湿脚气，冲注四肢。

大腹煨 木香 防己 紫苏 白芍 羌活 诃勒皮 木瓜 杉木节 沉香一两 水煎五钱，日二。

四斤丸 干湿脚气，差后常发，令永不发。

牛膝 木瓜 苁蓉 天麻一斤

酒五升，浸一日，晒干为末，用酒浸熬膏，丸梧子大，酒下三十丸。

杉木节汤 干脚气，头痛，腰脚酸痛，心躁渴闷，汗出气喘。

杉木节一升 橘叶一升 大腹七枚，逐皮童便三升

同煮取半，分二服。如一服，快利便止。唐柳宗元，干脚气，夜半痞绝，左胁有块如大石，且死困天寒，不知人三日，家人皆号哭。荥阳郑洵美传此方，服之半食间，气通立愈。

防己汤 干脚气，脚湿肿满。

防己 猪苓 郁仁 槟榔三分 木通 枳壳 紫苏五钱 赤茯苓 炙甘草一两

姜水煎四钱。

海桐皮散 湿脚气，及肾脏风下注，满脚疮，疼痛，脓水出。

海桐皮 草乌盐炒 地龙炒 蒺藜炒，一两共末，酒下二钱，日二。

脚气变成水肿

论曰：昔人论脚气谓：脾受阳毒即热痞，肾受阴湿即寒痹。是知脚气之病，脾肾得之为多。今变成水肿者，亦缘脾肾俱虚乏，盖肾虚则不能行水，脾虚则不能制水，故水气散溢，渗于皮肤，流于四肢，所以通身肿也。

葶苈丸 脚气成水肿上气，气急咳嗽，二便苦涩，所服利水药，反利大便，小便反涩。

葶苈三两 防己 炙甘草一两 杏仁贝母一两半

为末，枣肉丸，梧子大，大枣、桑皮、粳米饮三十丸。小便未快，加十丸。

槟榔散 脚气浮肿，渐变成水，心腹胀满，二便不通，气急喘息。

白槟榔五枚 大腹皮七枚 木香一两

大腹细锉，二味为末，用童便一盅煎大腹一枚、香末二钱，去滓，入槟榔末三钱，再沸服，日二。

猪苓汤 脚气兼水气膈气，通身肿满，气急，小便不通，坐卧不得。

猪苓 防己 赤茯苓三分 木香 郁仁泽泻二两 桑皮五两，炙 大腹七枚，和皮

水煎五钱，服下小便立效。日三。

脚气大小便不通

论曰：脚气二便不通者，中风湿之气，搏于脚膝，上攻胸腹，胁肋填满，营卫痞隔，三焦之气升而不降，所以传导变化皆不能出，而二便不能。盖肾气化则二便利。脚膝者，肾之候。今脚气上攻，则肾气不得化，肾气不化，致二便不通也。

桑白皮汤 男女风毒脚气，及遍身拘急刺痛，二便赤涩，不思食，呕逆，或寒热。

桑皮 木通 青皮 紫苏 羌活一两 荆穗 蒜香子根 木瓜 独活 枳壳一两 大腹大者，二十枚

姜葱水煎三钱，日二。

槟榔汤 脚气肿满，坐卧不得，上气冲心，二便秘涩。

槟榔七枚 木香 郁仁二两 桑皮炙 木通三两

水煎三钱，去滓，入牵牛末一钱，二便利，气快为度。

江东岭南瘴毒脚气

论曰：《内经》谓：南方者，其地下，水土弱，雾露之所聚也。江东岭南，大率如此。春夏之交，山水蒸郁，风湿毒气为甚，足或感之，遂成瘴毒脚气。其候脚先屈弱，渐至痹疼，膝胫微肿，小腹不仁，头痛烦心，痰壅吐逆，时作寒热，便溲不通，甚者控心而势迫。治不可缓。支法存所以留意经方，编善斯术者，岂非江左岭表此疾得之为多欤？

犀角汤 江东脚气，小欲动作，渐觉心闷，脚胫酸疼，烦热不止。

犀角 木香 前胡一两 竹茹三分 麦冬两半 大腹皮三枚，全用

用水煎五钱。

羚羊角汤 江东脚气盛发，上冲脾胃，胸膈妨闷，意气不畅，口干，目不知人。

羚羊 犀角两半 木香 升麻 旋复一两 麦冬 大腹五枚 枳壳 前胡一两

水煎五钱，快利为度。

旋复花饮 乍处岭南，未伏水土，饮食不宜，兼卑湿，脚气发动，时复心闷，面目脚膝浮肿，气乏，唇口青黑，胸膈烦热，见食吐呕，心腹妨痛，冷气结聚。如有此疾，急服。

旋复 前胡 郁仁一两 半夏 赤茯苓二两 大腹五枚，全 吴萸三分

姜水煎五钱，日二。要疏利，如槟榔末。

犀角汤 脚气之疾，先起岭南，稍来江

东，皆由卑湿得之。或微觉疼痹，或二胫肿满，行起痹弱，或上入腹，不仁，或时作冷热，皆其候也。若先觉此症，食呕不下，气上逆者，宜急服。

犀角 旋复一两 赤茯苓 陈皮两半 紫苏半握

姜枣水煎五钱，豆一合。

独活酒 岭南脚气发动，地气郁蒸，热毒风盛，脾肺常有风热。

独活 生地三两 海桐皮二两 恶实根生桂一两 黑豆皮生 大麻仁炒，一大升

生白酒三斗浸，频服。

脚气杂治膏药淋渫

论曰：脚气，症候不一，随症用药，备载于前。然有一方兼治数症者，有膏酒淋敷者，皆昔经验，用之多效。今复详类于后。

木瓜丸 脚气诸疾。

木瓜四枚 乳香二两 甘菊一两 青盐一钱

将瓜去瓤子，入末封固，蒸研，丸梧子大，酒下五十丸，日三。汗香为验。并膝脚等疾皆治。

桑叶煎 脚气，曾用诸方，苦脚弱，宜服。

白桑木用生桑椹者，采软枝，切一石

水一石，煎五斗，又加水五斗煎，去滓，慢煎成膏，约二升即止，收贮，频含化一匙，服七日。觉四肢通畅，频频泄气，已后两脚或肿，勿怪，乃是得药力病差之候。

牛膝酒 脚气极冷，着厚衣，盖覆不觉暖。

牛膝 生地半斤

纸包泥裹，又用纸包泥固，下灰火养半日，次以火烧，一伏时取出，渍酒服。

蒜酒 初觉似有脚气，宜服。

蒜二升，切炒 桃仁一升，去皮尖，炒 豆一升，炒香

酒一斗浸服。

石斛酒 脚气痹弱，筋骨疼痛。

石斛四两 人参 丹参 川芎 杜仲 白术 黄芪 五味子 防风 陈皮 甘草炙 白茯苓 干姜 山药 当归 桂二两 牛膝三两

酒五斗浸服。

菝葜酒 脚气，屈弱积年，腰脊挛痹，及腹内坚结。

菝葜五斗，水石半，煮七斗 曲十斤，用上汁二斗浸二日 白糯米一石，淘

蒸摊，入汁，曲拌匀，内瓮中。常法取酒服。

脚气发，心膈闷，宜此方

取新砖二块，中心凿孔，如球子大，勿令透过，将火烧红，用醋泼之，便入川椒于孔内，以物盖，看温暖以脚踏砖上，立愈。

麻黄裹足方 久蕴风热，足多冷麻，隐痛难行，夜常转筋，如风所吹，皆脚气之证。

麻黄二斤，炒

令极热，以帛包贮裹二足，勿透气，良久，脚上有汗，候麻黄温，不用，却着棉袜，无令风吹，如此数次，永除病本。

芥子膏 风湿脚气，肿痛无力。

白芥子 蓖麻 木鳖 芸苔子 白胶香一两 胡桃五枚

捣干杵，成膏，如弹子大，涂患处。

黑豆煎 脚气。

黑豆五升 桑皮五两，水三升，用豆煮汁 羌活 蒺藜 吴萸 海桐皮五钱

共末，入汁煎膏，酒下。

圣济总录纂要 卷九

清 新安 程 林云天纂辑
鄞县 曹炳章赤电校点

膈 气 门

膈 气 统 论

论曰：胸中者，气之府，呼吸升降之道也。阴阳升降顺理，则气道通调，胸中乃治。喜怒寒热不调，则气聚于胸而为膈气。夫膈气有五：忧膈、悲膈、气膈、寒膈、热膈是也。忧膈之病，胸中气结烦闷，津液不通，饮食不下，羸瘦无力。悲膈之病，心下若实，呕辄噫，醋心，食不消，心下痞涩，积结在于胸中，大小便不利。气膈之病，胸肋逆满，咽塞不通，恶闻食臭。寒膈之病，心腹胀满，咳逆，膈上苦冷，脐腹常鸣，食不生肌。热膈之病，脏有热气，五心中热，肉烂生疮，骨烦，四肢重，唇口干燥，身体头面手足或热，腰背疼痛，胸痹引背，水谷不消，不能多食，羸瘦少气。此五膈为病之症也。人之和气，一有忧思悲怒，寒热饮食，悉皆伤之，致阴阳不和，脏腑生病，气痞于胸脏之间，故曰膈气。诸方之论不一，又有十膈，症各不同，其发之原，不越于此也。

五 种 膈 气

论曰：入之胸膈，升降出入，无所凝滞，命曰平人。若寒温失节，忧悲不时，饮食乖宜，思虑不已，则阴阳拒膈，胸脘痞塞，故名膈气，曰忧、曰悲、曰气、曰寒、曰热，五种虽殊，其为膈病则一。

建中丸 治男女五种膈气及一切气，不

思食。

白豆蔻 胡椒 甘草 陈皮 高良姜
怀香子炒，一两 红豆蔻 人参 川芎 茺蔚
黑干姜 藿香叶五钱

共末，入蜜杵丸，芡实大，酒下二丸。姜汤下亦可。

备急沉香散 治霍乱吐泻，气逆结胸，膈气刺痛，不思食。

沉香 丁香 京三棱 黑干姜 蓬莪茂
五钱 肉豆蔻 人参 木香 赤茯苓 藿香
叶 桂心一两 高良姜 甘草 胡椒一分

共末，用盐点茶下二钱。

五膈丸 治五种膈气，噎塞，胸中满闷，不下食。

白术 木香 陈皮 去白炒 诃勒皮
桃仁去皮尖，炒 昆布洗，烧炭，三分 桂心 大
黄 半夏姜汁炒 枳实麸炒 槟榔微煨 琥珀
研，一两

共末，入蜜杵丸，如梧子大，姜枣汤下三十丸。

人参白术汤 治膈气咽塞，忧结不散。

人参 白术 甘草 京三棱 诃勒皮
陈皮去白，炒 木香 桂心 槟榔 草豆蔻
赤茯苓 枳壳炒，五钱

生姜水煎三钱，温服，日二。

人参丸 治膈气，咽喉噎塞，不下食。

人参 槟榔 紫朴姜汁炒 枇杷叶一两
半夏姜炒，五钱

共末，糊丸，如梧子大，姜汤下二三十丸，日二。

导气散 治膈扎咽塞不下。

虎头骨 人参 紫朴 羚羊角 藜蘆一兩

共末，饮下二钱。

昆布丸 治膈气，噎塞，不下食。

昆布洗净烧灰，一两 椿杵头细糠一合

共研，用老牛涎一合、生柏叶汁一合，慢煎，入蜜搅成膏，与末杵丸，芡实大，每用一九，含化咽下。

膈气呕逆不下食

论曰：膈气呕逆不下食者，由胃气不足，风热乘之，或忧患气结，不得宣通，故令膈脘痞满，气塞胸中，纵能食而卒不下，或入胃中，多致不消，与留饮相击，则变为呕逆也。

丁香丸 治膈气呕逆不下食，壅闷恶心。

丁香二十一枚 木瓜 木香一两 槟榔微煨，一枚 肉豆蔻一枚 青皮去白，炒，七枚 半夏姜炒，一分

共末，入蜜杵丸，梧子大，姜汤十二十九。

人参赤茯苓 治膈气呕逆不下食，或忧患，气不宣通。

人参 赤茯苓 细辛 白芍药 枳壳去白，炒 黑干姜 桂心 炙甘草一两 槟榔诃勒皮两半

共末，入蜜杵丸，如梧子大，用酒十二十九。如觉有物在喉中，即丸三五丸，如弹子大，津咽含化一九。

五膈丸 治胃气素弱，因于忧患，膈气虚弱，呕逆，不思饮食。

人参一两 附子 川椒 细辛 远志干姜五钱 炙甘草 麦冬 桂心三钱

共末，入蜜杵丸，如弹子大，食后含化一九，津液咽下。觉胸中气逆，即服一九，日三。

膈气痰结

论曰：膈气痰结者，谓结痰在胸膈之上，

喉间噎塞，咳唾稠浊，气满胸中，妨害饮食。盖缘脾肺久虚，气道痞湿，不能升降，水饮停结，聚而为痰。久不差，则变虚弱上喘之病。

木香丸 治膈气痰结，呕吐酸水。

广木香 青皮 白术 桂心 益智仁 肉豆蔻煨，一两 吴茱萸 细辛 黑干姜五钱 共末，用酒煮陈米，糊丸，如小豆大，生姜汤下十五丸至二十丸，日二。

妙红散 治膈气痰结，呕逆吐食。

红曲炒 人参 丁香 白茯苓 藿香五钱 共末，饮下二钱，日二。

五膈丸 治膈气痰结，胸中不利。

赤茯苓 陈皮 桑白皮 紫苏一两 槟榔煨，八枚 紫朴姜炒，一两 生姜焙，二两 旋复花两半

共末，入蜜杵丸，如梧子大，饮下三十丸。

呕 吐 门

呕 吐 统 论

论曰：人之阴阳升降，三焦调顺，脾胃和匀，乃能腐熟水谷，变化糟粕，传泻行导，下走肠间。若脾胃虚冷，水谷不化，则阴阳痞隔，三焦不调，浊阴之气不能下行，冲奔于上，故发为呕吐。然吐逆之病，有得之于膈实者，有生下中满者，有发于下焦者。种种不同，悉本于胃气逆则呕吐。盖胃者，水谷之海。三焦者，乃水谷之道路。胃气宣通，则上焦如雾，中焦如沤，下焦如渎，命曰平人。若胃气虚弱，水谷迟化停滞，三焦格拒，升降不匀，其气虚满，得食则呕。而又有朝食暮吐，暮食朝吐者，有食已即吐者，有呕吐谷不得前者，有但呕而无所出者，有先呕却渴者，有先渴却呕者，有呕家本渴而反下渴者。治求其本，各有不同。假令内格拒逆，食不得入，是有火也。病呕而吐，食久反出，

是无火也。举此二者，乃知呕吐之名则一，而治药之法各异。虽治有冷热、有虚实之别，要在安胃气为本，使阴阳升降，呼吸平均，呕吐之病顺而愈矣。

呕 吐

论曰：呕吐者，胃气上而不下也。譬之空瓶小口，顿灌不入，乃升气所碍。人病呕吐，其理如此。盖脾胃气弱，风冷干动，使留饮停积，饮食不化，胃气虚胀，心下淡淡，其气上逆，故令呕吐也。

厚朴丸 治脾胃虚寒，痰盛呕吐。

紫朴去皮，一斤，姜汁炒 半夏半斤 生姜三斤，取汁，又入水三碗，捣绞汁

将汁同朴、半共入砂锅内，慢火煮干，为末，枣肉丸，如梧子大，酒下二十丸。

藿香散 治脾胃虚寒，痰盛，呕吐不止，饮食不化。

藿香 紫朴一两 桂心 炙甘草五钱 青皮去白，炒三分 枇杷叶去毛炙，一分 干姜两半 姜枣水煎三钱服。

七宝汤 治脾胃虚冷，呕吐痰涎，胸膈痞闷，不思食。

人参 白茯苓 甘草一两 大腹皮全用 半夏姜制，二两 草豆蔻四枚，煨 诃勒皮五枚 姜枣水煎三钱服。

济急丸 治脾胃虚寒，痰饮留滞，呕吐不止。

附子大者一枚，剉空 丁香四十九枚，入附子孔内，封

以姜自然汁浸附子于器中，重汤煮干为末，每服一钱，津液咽下。

和胃汤 治饮食下不，呕逆清水，面目虚肿。

人参二两 赤茯苓两半 半夏 茅草根一两 木通 青竹茹三分 甘草五钱 姜枣水煎三钱，空心服。

人参半夏丸 治呕吐，不下食，头痛。

人参 半夏汤泡七次，姜汁制，二两 前胡一

两 铅丹水飞过，五钱

共末，蒸大枣，去皮核，杵成丸，如梧子大，空心姜汤下二十丸，晚再服。

干 呕

论曰：呕而欲吐，吐而无所出，故名干呕。此由阴阳不和，胃中虚弱，气逆上行，不能下降，故有干呕之症。

麝香平气丸 治胃气虚弱，干呕，心胸痞闷，痰逆恶心，吞酸噎食，腹肋疼痛。和脾胃，进饮食，辟除邪气。

麝香 木香 沉香 肉豆蔻 乳香生姜汁煮，研成膏 丁香 丹砂 桂心 紫朴姜汁炒 半夏姜汁制 槟榔一两

共末，人膏糊丸，如梧子大，空心饮下二十丸。

四倍散 治胃气不和，干呕恶心。

何梨勒煨，取皮，一两 人参二两 白茯苓上蒸，四两 白术陈土炒，八两

共末，盐汤下二钱，或姜枣水煎服之。大补虚损。

按中散 治干呕。

小麦炒，四两 甘草炙 陈曲五钱 干姜炒，一两

共末，空心枣汤下二钱，日二。除邪热，和胃气，进饮食。

桂苓汤 治干呕，烦闷，不下食。

桂心 人参 白术 干姜五钱 砂仁 紫朴一两 陈皮 甘草二分 姜枣粟米水煎三钱服。

和安汤 治胃气上逆，干呕不止。

陈皮去白炒，一两 甘草炙，二两 干姜炒，五钱 姜水煎三钱，空心温服。

参粟汤 治干呕，不下食。

人参一两 半夏汤泡七次，四两 生姜五大片 陈粟米二两

同入锅，慢炒，捣为粗末，姜枣水煎三钱，空心服。

胡椒汤 治胃气上逆，干呕烦闷。

胡椒二十一粒 木香二钱 熟糯米一合
同炒熟，分三服，水煎，空心下。

痰 饮 门

痰 饮 统 论

论曰：人之有形，藉水饮以滋养；水之所化，凭气脉以宣流。盖三焦者，水谷之道路，气之所终始也。若三焦调适，气脉平均，则能宣通水液，行入于经，化而为血，灌溉周身。设三焦气涩，脉道闭塞，则水饮停滞，不得宣行，因之聚成痰饮，为病多端。古方论痰饮有四：痰饮、悬饮、溢饮、支饮是也。若其人素盛今瘦，水走肠间，沥沥有声，谓之痰饮。水流胁下，咳唾引痛，谓之悬饮。饮水流行，归于四肢，当汗出而不汗，体身疼痛，谓之溢饮。其人咳逆短气，倚息不得卧，其形如肿，谓之支饮。此饮疾之大概也。然又有五饮及水在五脏，病各立名不同与。夫聚而不散曰留饮；癖于胁肋下曰癖饮；流移不定曰流饮；沉伏于内曰伏饮；因酒多而成名曰酒癖。因寒多所致，即曰冷痰；因热邪所伤，即曰热痰。病虽多端，悉由三焦不调，气道痞涩而生病焉。是以气行即水行，气滞即水滞。故知饮之为病，在人最多。善治者，以宣通其气脉为先，则水饮无所凝滞。所以治痰饮者，当以温药和之。盖人之气血，得温暖则宣流也。及结而成坚癖，则兼以消痰破饮之剂攻之，坚癖自消，痰饮自愈。

痰 癖

论曰：痰癖之病，由三焦气不升降，水饮停滞，留于胁下，寒气乘之，则令胁肋坚胀，按之沥沥有声，有时而痛，妨害饮食，久不施治，令人肢体羸瘦，谓之痰癖。

枳壳丸 治痰癖，胁肋刺痛。匀气宽胸。

枳壳 人参 五味子 柴胡五钱 甘草

石斛 诃梨勒一两

共末，蜜丸，如梧子大，饮下三十丸。

消饮白术丸 治痰癖，及饮酒停痰，积聚不利，呕吐，日昏耳聋，肠中水声。

白术 半夏姜汁捣饼，炙干，三两 枳壳去瓤炒，四两 干姜炒，二两

共末，蜜丸，如梧子大，空心饮下三十丸。

支 饮

论曰：水饮停积胸膈，不能消化，支乘于心，故名支饮。其状令人心下筑悸，咳逆喘息，饮食不下，身体虚浮，形如水肿是也。

参茯丸 治支饮不消，胸膈满闷。

人参 赤茯 胆南星三分 半夏 生姜 晋矾一两

将生姜、南星、半夏捣成饼，慢炙黄，与药共末，糊丸，如梧子大，姜汤下二十丸。

甜葶苈丸 治支饮，气喘不得息。

甜葶苈纸上炒 木香 半夏姜汁制

共末，姜汁糊丸，如梧子大，空心姜枣汤下二十丸。

槟榔丸 治支饮，胸肺痞满闷。

槟榔 肉豆蔻面裹煨，五钱 半夏姜汁制 青皮去白炒 干姜炒黑，一两

共末，姜汁糊为丸，如小豆大，姜汤下五丸，以瘥为度。

留 饮

论曰：留饮之病，得于三焦壅痞，气脉凝涩，致饮水不消，留聚胸膈之间，令人痞满短气，胁下胀满，喜渴数饮，是其候也。

赤茯汤 治膈间留饮，呕逆头眩，短气多渴。

赤茯 柴胡 白术 枳壳 槟榔一两 杏仁 半夏三分 人参 旋复花五钱 姜水煎三钱，空心服。

半夏汤 治留饮不除，胸中痰冷。

半夏五两 人参 附子 桂心 甘草

赤茯苓二两 白术二两

姜水煎三钱，空心服，日二。

枳实汤 治留饮不消，心下痞坚，时复作痛。

枳实麸炒，二两 白术土炒，二两 桂心 一两
姜水煎三钱，空心服，日二。

沉香茯苓丸 治留饮。

沉香一两 白茯苓 半夏姜汁制 人参去芦 丁香二两 甘草 陈皮去白 肉豆蔻煨 槟榔五钱

共末，蜜丸，如梧子大，姜汤下二十丸。温脾胃，利胸膈，和气血。

芩薏煮散 治留饮食癖。

芩薏 炙甘草 大腹皮 丁香 诃梨勒干姜炒，五钱 白术 草豆蔻 陈皮去白炒，一两 桂心三分

共末，姜水煎三钱服。

冷 痰

论曰：气为阳，阳不足者，不能消烁水饮，遇脾气虚弱，气道痞膈，则聚饮而成痰。浸渍肠胃，上为呕逆吞酸，下为洞泄寒中。久不已，则令人消瘦，倚息短气，妨害饮食。昔人治痰饮，多以温药和之，为此故也。

半夏汤 治冷痰癖饮，胸膈痞满，呕逆不止。

半夏汤泡七次，姜制，三两 人参 白术 附子 甘草 赤茯苓 桂心二两

姜水煎三钱服，日二。

吴茱萸汤 治胸中塞痰，心下烦满，欲吐，不下食。

吴茱萸洗炒 人参 半夏姜汁炒 桂心二两 甘草一两

姜枣水煎三钱，空心温服，日二。

半夏汤 治胃中冷痰，呕逆。消食，温胃，止逆。

半夏 杏仁 陈皮二两 桂心 甘草一两 木香 干姜五钱

姜水煎三钱，空心温服。

吴茱萸汤 治胃中冷痰，吐酸水，胸中不快。

吴茱萸汤洗炒 附子 半夏姜汁炒，二两
用姜水煎三钱，空心温服。

丁香半夏丸 治胃中冷痰。利胸膈，和脾胃，进饮食。

丁香一两 半夏姜汁炒，二两 人参 木香 藿香五钱 肉豆蔻煨，二枚 陈皮五钱

共末，姜汁糊为丸，姜汤下二十丸。

治制半夏 治冷痰，利胸膈，一切诸痰并治。

半夏八两，汤泡，酒浸一日 白矾四两 丁香 皮 草豆蔻二两

同入酒浸，春夏七日，秋冬十五日，取夏洗过，焙干，每嚼五六粒，茶酒任下。

热 痰

论曰：热痰者，由气滞壅塞，津液不通，热气与痰水相抟，聚而不散。若咽喉干燥，或寒或壅，头目昏重，咳唾稠浊，面目赤热，是其症也。

鹅梨煎丸 治热痰。凉心肺，利胸膈，解毒，补元益气。

鹅梨大者，二十枚，去皮渣，取汁 皂荚十条，去皮，水揉取汁 怀生地黄酒八两，水捣取汁 薄荷生捣取汁 白蜜八两，同上汁煎成膏 人参 白茯苓 赤芍 肉苁蓉 白茯苓炒去刺 牛膝 半夏

一两 云白术 羌活三分 槟榔煨，三分 山药 青皮去白炒 防风 炙甘草 桔梗三分

共末，捣膏为丸，如梧桐子大，荆芥汤下二十丸。

千金散 治热痰壅盛，胸膈不利。

半夏姜汁制 蛤粉五钱 甘草 羌活 凝水石三钱，煨过

共末，水下三钱，空心服，以利为度。

丹砂丸 治热痰壅盛，虚烦躁渴。

丹砂半为衣 胆南星 枯矾一两 炙甘草五钱 半夏一两，姜汁制，水作糊

共末，用姜汁糊为丸，如梧桐子大，丹

砂为衣，每服姜汤下二十丸。

麦冬汤 治胸间热痰，不思食。

麦冬 人参 前胡 葛根 犀角一两
桔梗五钱 芦根二两

水煎五钱，空心服，日二。

膈痰积实

论曰：膈痰者，气不升降，津液痞涩，水饮之气，聚于膈上，久而结实，故令气道奔迫，痞满短气，不能眠卧，甚者头目旋运，常欲呕吐是也。

金箔丸 治膈痰结实，咽喉不利，咳嗽喘息。

金箔五十片 牛黄 麝香九分 冰片 珍珠无油而白者，入豆腐中，水煮研 硼砂一钱 丹砂一两 甘草二两 马牙硝一钱

共末，蜜丸，如芡实大，金箔为衣，人参汤或薄荷汤下一丸。

半夏丸 治膈痰结实，满闷喘逆。化痰。

半夏姜汁制，五两 皂荚五挺，去皮揉水，煮半夏 生姜五两，与半夏捣成饼，炙下

为末，蜜丸，如梧子大，姜汤下二十丸。

犀角汤 治膈痰结实，头目昏运，不思食，咳嗽烦渴。

犀角 人参 片苓 柴胡一分 麦冬 白茯苓 升麻五钱 甘草半钱

姜水煎三钱，空心服。

八珍丸 治膈痰结实，满闷喘逆，不能眠卧者。

丹砂研，半两 犀角镑 羚羊角镑 茯神 牛黄研 龙脑研，各二钱半 牛膝 南星 硼砂研，各一两

上为细末，研匀，蜜丸，如鸡头大，每服一丸，食后细嚼，人参荆芥汤下。

神仙坠痰丸 治膈痰结实，满闷，或痰饮痞塞等症。

皂角不蛀者，去皮弦，酥炙黄色，去子净，一两六钱 白矾一两，生用 黑牵牛一斤，取头末四两

上为末，滴水丸，如梧子大，每日服三

十丸，渐加至百丸，空心，温酒送下。

膈痰风厥头痛

论曰：痰生于脾胃，宜实脾燥湿。又随气而升，宜顺气为先，分导次之。风动于肝，肝宜疏和。如治之未当，则脾受木制，而痰由自生，久而郁结胸膈，随火上升，以致头痛发晕，甚而至于风厥。风厥者，即肝厥也。凡治此者，宜豁其痰而燥其脾，疏其肝而和其胃，则痰自不生，厥自愈而痛自止矣。

玉壶丸 治膈痰风厥，头痛目眩等症。

天南星生 半夏生，各一两 天麻半两 头白面三钱

上为细末，滴水为丸，如梧子大，每服三十丸，用水一大盏，先煎令沸，下药煮五七沸，候药浮即熟，漉出放温，别生姜汤下，不计时服。

玉真丸 治膈痰厥逆不可忍。

硫黄二两 石膏煅通赤，研 半夏汤洗 硝石研，各一两

上为细末，研匀，生姜汁为丸，如桐子大，阴干，每服二十丸，姜汤或米饮下。更灸关元百壮。虚寒甚者，去石膏，用钟乳粉一两。

芎辛导痰汤 治痰厥头痛。

川芎 细辛 南星 陈皮去白 茯苓以上各一钱半 半夏二钱 枳实麸炒 甘草各一钱

上作一服，水二盅，姜七片，煎至一盅，食后服，渣再煎服。甚者，三四服必止。

川芎丸 治膈痰头痛眩晕。

川芎一斤 天麻四两，用郢州者佳

上为末，蜜丸，每两作十服，每服一丸，细嚼，茶酒下，取效最速。

消渴门

消渴统论

论曰：消渴一症，有标本之异，当审其

所起，辨其所发，而施治焉，庶不舛错误人。若六气为病，其本有之；三阴三阳为病，其标有之。一曰消渴，以渴而不利，引饮过甚言之。二曰消中，以不渴而利，热气内消言之。三曰肾消，以渴而复制，肾燥不能制约言之。此久不愈，能为水肿、痈疽之病，宜慎此者。服药之外，当以绝嗜欲、淡滋味为本。

消 渴

论曰：消渴者，渴而引饮，乃复澍少是也。得之五石之气，内燥津液，肾气不化，故渴甚而澍少也。久之不治，则经络壅涩，留于肌肉，变为痈疽、肿毒、疮疖之候。

桃红散 治三消渴病。

石膏 铅丹 赤石脂 白石脂 栝蒌根 一两 炙甘草五钱

共末，空心温水下二钱，日二。

沃焦散 治三消渴病，饮水无度，小便短少。

泥鳅鱼十条，阴干，去头尾，烧灰研 荷叶阴干，研

共研匀，用新汲水下三钱，日二。不思水即止。

葛根丸 治消渴，日饮水数斗不止。

葛根 附子 栝蒌根 铅丹炒，一两

共末，入蜜杵丸，梧子大，用茅根汤下二三十丸。

神应丸 治消渴，津液内耗，饮水不休，溺少。

桂府滑石飞过 寒水石研，五钱

用鸡子一枚，取孔去黄，将清和末如膏，人壳封固，外以盐泥包裹，晒干，煅赤，以药细研，大人饮下二钱，小儿五分。

止渴栝蒌饮 治因好热面炙燥，及热药并乳石，三焦气隔，心肺干热，口干舌焦，饮水无度，小便数多，心欲狂乱。服此急救。

栝蒌一枚，要黄熟者，去皮，用瓢并子 冬瓜中样大者一枚，去蒂，入栝蒌瓢子

用黄土泥裹瓜，半指厚，阴干，以火烧通赤，去泥，就热将瓜烂研，绞汁，约七八合，入蜜二两，和匀，稍冷，分作三服。脏腑热竭，即不思水，小便自无。如栝蒌未熟时，独烧冬瓜服之，亦妙。

生津丸 治消渴痰，津液内耗，饮水不止，澍少。

青蛤粉 白滑石飞过，一两

共研匀，用黄颡鱼涎和丸，小豆大，陈粟米饮下二三十丸，日二。

猪脊骨饮 治消渴久不差。

雄猪脊骨五寸 炙甘草 黑干姜半分 大枣肉二十枚

用水三升，煎二升，发时和熟水，不拘时服，以差为度。

竹龙散 治消渴，引饮不止，澍少。服之止渴利便。

五灵脂醋化，滤去沙石 黑豆五钱

共末，用冬瓜汤下二钱。无瓜时，用叶与子煎汤，日二。小可渴，只用一服差。差后，不可服热，惟宜服八味丸，仍用五味子代附子。

八味丸 治消渴愈后复发。时服之俱妙。

怀熟地四两 山药 山萸肉 白茯苓 牡丹皮二两 泽泻 五味子 桂心 一两

共末，入蜜杵丸，梧子大，盐汤下二三十丸。

甘露散 治消渴饮水不止。

猪胞干者，十枚

剪破洗净，以火烧，烟止，研末，空心酒下一二钱，日二。

生津液梅苏丸 治消渴，隔热烦躁。

白乌梅 紫苏 乌梅肉五钱 人参一分 炙甘草两半 诃勒皮一两 百药煎三两 麦冬三分

共末，用黄蜡汁和丸，芡实大，津化一丸咽下。暑月行路止渴，甚妙。

人参煎方 治消渴。

人参一两 葛根二两

共末，发时用豕猪汤一升，入末三钱，蜜二两，慢煎取汁三合，白稠如饴，收贮。夜饭后，含化一匙，津下。重者不过三服。

牛膝丸 治消渴，下元虚损，经久不止。

牛膝五两，为末 生地汁五升

以汁浸末，夜漫日晒，汁尽为度，入蜜作丸，梧子大，酒下三十丸。久服，壮筋骨，驻颜色，黑须发。

姜鱼丸 治消渴饮水不止。

生姜

切片焙干，为末，用鲫鱼胆汁和丸，梧子大，米饮下七丸至十丸。

鸡臆胫散 治久渴不差，旬日见效。

鸡臆胫黄皮 鸡肠 五具，炙 鹿角胶 白龙骨煨 白石脂一两 桑螵蛸二十一枚，炙 土瓜根三两 川黄连 牡蛎童便淬 苦参二两半 漏芦炙，一两

共末，空心饮下二钱，日二。

黄连牛乳丸 治消渴。

川连一斤，去须 麦冬一两 牛乳 生地汁 生葛汁四两

二味共末，用乳汁煎沸，杵丸，梧子大，空心饮下二三十丸，日二。

竹叶汤 治消渴，饮水不辍，多至数斗。

甘竹叶切 大麻仁炒 赤秫米各一升 鹿蹄四只，汤泡，去皮毛骨，细研肉 白茯苓一两 薤白切，二两

共分八服。先以水三盅煎麻仁、竹叶，取汁入药，煎一盅，微微饮之，渴止为度。

消渴烦躁

论曰：消渴烦躁者，阳气不藏，津液内燥，故令烦渴而引饮且躁也。《内经》谓：诸躁狂越，皆属于火。盖以心肾气衰，水火不相济故也。

芦根汤 治消渴，心脾中热，烦躁不止，下焦虚冷，小便多，羸瘦。

芦根一斤 栝蒌根 牡蛎童便淬 黄芪二两 知母三两 生麦冬六两

水煎三钱，空心温服，日二。

翠碧丸 治烦渴不止，咽干，躁热昏闷。

青黛 麦冬 葛根 怀生地二两 栝蒌根三分 寒水石煨，三两 胆星 知母五钱

共末，用陈米糊丸，梧子大，金箔为衣，煎人参竹叶汤下十五丸至二十丸，日二。

天冬煎丸 治消渴烦躁，引饮无度，惊悸不安。

生天冬半斤，去心 白蜜五两，炼

用水五盅，煎天冬至三盅，以汲水淘数次，别以热水一盅，入蜜搅匀，浸天冬五日。每食后食天冬一两，差。

白茅根饮 治丹石关热药发动，毒气不宣，心肺躁热，烦渴饮水不止，旋作小便。久之，即为痈疽、肿毒。

白茅根 麦冬两半 白茯苓三两 桑白皮二两 露蜂房炙黑，一两

共粗末，和黍米大，水煎四钱，淡竹叶十二片，大枣二枚温服，日二。

消渴小便白浊

论曰：消渴饮水过多，久则渗漏，脂膏脱耗，精液下流胞中，与水液浑浊，随其所之，与小便利下凝膏，故谓之消渴小便白浊也。

肾沥汤 治消渴，小便白浊如脂。

白羊肾一对，去脂膜，切，五味 杜仲 生姜 黄芪两半 怀生地一两 人参五钱 大枣五枚 磁石三两，打碎，洗去黄水，绵裹煎

药分二剂，先以水四升，煎肾与磁石二升，人药再煎八合，去滓，分二服。

山茱萸丸 治消渴，饮水极多，肌体瘦弱，小便如米泔，腰膝冷痛，诸方不能治者。

山茱萸肉 栝蒌根 苦参 土瓜根 龙骨研，两半 川连三两

共末，用生栝蒌汁捣丸，梧子大，饮下三十丸，日二。

川连丸 治消渴，饮水不知休，小便如脂，舌干口渴。

川连 栝蒌根五两

共末，用生地汁捣丸，梧子大，牛乳下三十丸。

肉苁蓉丸 治消渴，下焦冷，小便如脂泄。

肉苁蓉 丹皮 川归 五味子 巴戟天 地骨皮 白龙骨 韭子 甘草 怀熟地 泽泻一两 磁石醋淬七次 赤石脂 人参两半 白术 禹余粮煨，三分 桑螵蛸炙，四十枚

共末，入蜜杵丸，梧子大，牛膝汤下二三十丸，日二。

久 渴

论曰：消渴之病，本于肾气不足，下焦虚热，若病久不愈者，邪热蕴积，营卫滞涩，精血衰微，病多传变。宜知慎忌。凡忌有三：一饮酒，二房室，三咸食及椒面炙博。又消渴病，经百日以上者，当忌针刺。若妄针灸，则疮上漏水，变成痈疽矣。

肾沥汤 治久消渴，饮水不绝。

远志 赤茯 人参 川归 龙骨 泽泻 怀熟地 川芎 片苓 桂心二两 五味三分 麦冬二两半 羊肾一对

用水三盅，煮羊肾，取汁煎药五钱，入姜枣温服，日二。

升麻黄芩丸 治久渴不止。

升麻 片苓 麦冬五两 人参 生地三两 苦参八两 栝蒌根七两 川连 川柏五两

共末，用牛乳和丸，梧子大，饮下三四十丸。

消渴后成水

论曰：脾，土也，土气弱，则不能制水。消渴饮水过多，脾土受湿而不能有所制，则泛溢妄行于皮肤肌肉之间，聚为浮肿胀满，而成水也。

瞿麦穗汤 治消渴欲成水气，面目膝胫浮肿，小便不利。

瞿麦穗 泽泻 滑石飞过，五钱 子芩

大黄炒，一分 桑螵蛸炒，四十枚 防己三分 水煎三钱，温服，顷又服。

赤茯苓汤 治消渴后头面脚漆浮肿，胃气虚弱，不能下食，心胸不利，或时吐逆。

赤茯 人参 白术 前胡 紫苏一两 陈皮 槟榔 木香 桂心三分 甘草五钱 姜枣水煎三钱服。

消渴后成痈疽

论曰：消渴则随饮而出，皆作小便。由少服乳石所致，久则营卫损伤，精血不足，肌肤减耗，石气增炽，随附经络，津液内竭，经络凝涩，营卫不行，热气留滞，故变为痈疽。此当精穷治法。恐毒气不出，穿通脏腑也。服热毒助阳药，同一治法。

玄参散 治渴利后，经络痞涩，营卫留滞，壅热结成痈疽。

玄参 犀角 木香 沉香 芒硝 黄芪 羚羊角一两 甘草三分

共末，空心温水下二钱，日二。

磁石散 治消渴后经络壅热，结成痈疽。

磁石引铁者，醋淬二十次，一两，研 生地 黄芪 地骨皮三分 槟榔 五味子 桂心 枳壳五钱

共末，温水下三钱，日二。

石膏汤 治消渴后成痈疽。

石膏 知母两半 栝蒌根生，去皮，半斤，捣取汁。如无，以干者四两代之 犀角一两 升麻三分

土瓜根生，去皮，半斤，捣取汁。如无，以干者四两代之

水煎药三钱，入小麦少许，去滓，人二汁各半合，温服，日二。

桑白皮汤 治消渴后，心肺气独盛，结成痈疽。

桑根白皮，东引者，蜜炙，半斤

用水煎三钱，空心温服，日二。以差为度。

消 中

论曰：消中者，不渴而多溲。一名内消。

以邪热熏铄五脏，然后外及肌肉形体也。得之少年饵石、房室太甚，真气耗惫，石气孤立，结于肾则肾实，肾实则消水浆，故不渴而小便利多，不得润养五脏，使所食之物结消为小便。治宜滋肾水、养津液则差。

天冬丸 治初得消中，食已如饥，手足烦热，背疼闷，小便白浊。

天冬去心，二两半 鸡内金二具，微炙 知母 土瓜根 五味子微炒，两半 桑螵蛸炙，十枚 鹿茸去毛酥炙 泽泻 赤石脂两半 牡蛎童便淬，二两 苦参一两

共末，入蜜杵丸，梧子大，饮下二十丸。

荠苳汤 治内消，所食物皆化作小便，兼治强中。

荠苳 大豆 人参 白茯苓 石膏 葛根 栝蒌根 子芩 甘草 知母 磁石醋淬，二两

水煎五钱温服，日二。

牡蛎丸 治消中，食已即饥，手足烦热，背膊疼闷，小便稠浊。

牡蛎醋淬 赤石脂 栝蒌根 肉苁蓉一两 知母 泽泻去毛 天门冬 土瓜根 桑螵蛸炙 五味子 鹿茸 川连 子芩三分 怀熟地两半

共末，入蜜杵丸，梧子大，饮下三十丸，日二。

猪肚连丸 凡消渴变为消中者，饮食到胃府即时消化，小便多而色白，饮食过人而不觉饱者，是为消中。

雄猪肚一枚，洗去脂膜 川连去芦，五两，为末 以大麻子仁二合，研水四升，调如杏酪汁，煮肚，候烂，入连末，密缝，蒸极烂，乘热捣丸，梧子大，暴干，饮下三四十丸，临卧再服。

肉苁蓉丸 治消中，真气耗惫，小便无度。

肉苁蓉二两 人参 五味子 巴戟天 炙甘草 栝蒌根 地骨皮 丹皮 泽泻 怀熟地 韭菜子一两 桑螵蛸炙，三十枚 禹余粮

烧红，醋淬二七次 龙骨 赤石脂 磁石醋淬二七次，两半

共末，入蜜杵丸，梧子大，牛乳汁下三十丸。

消 肾

论曰：消肾者，由少服药石，房室过多，精血虚渴，石热孤立，肾水燥涸，渴引水浆，下输膀胱，小便利多，腿胫消瘦细小，小便数，或赤似血包，骨节酸痛，故名曰消肾。

地黄汤 治消肾，腿胫消瘦细小，小便数，似血色，脏腑虚冷。

怀熟地 麦冬二两 桂心 炙甘草 川续断 白茯苓炒，五钱 黑干姜一两

水煎三钱，温服，日二。

山茱萸丸 治消肾，自腰以下瘦弱无力，小便数不禁。

山茱萸肉 牛膝 桂心 韭菜子炒，一两 黄芪蜜炙 肉苁蓉酒洗 杜仲盐酒炒断丝，两半

共末，入蜜杵丸，梧子大，黄芪汤下二十丸，日二。

人参鹿茸丸 治消肾，肢体瘦弱无力，小便数。

人参 黄芪蜜炙，三分 鹿茸一两 栝蒌根 桑螵蛸炙，一两 兔丝子酒煮，两半 杜仲盐酒炒 山茱萸肉三分 鸡脆胫黄皮炙，四枚

共末，入蜜杵丸，梧子大，枣肉汤下三四十丸，日二。

磁石汤 治消肾，小便白浊如凝脂，形体消瘦。

磁石六两，捣如米粒，分作二十贴，煎用绵包入同煎 黄芪炙 杜仲盐酒炒 人参两半 怀熟地二两

水三盅，先煮羊肾一对，切片煮，取汁二盅，入磁石一分，再煎盅半，用汁煎药四钱服，日二。

金箔箔丸 治消肾，口干眼涩，阴痿，手足烦疼，小便多。

金箔 银箔一百片 葛根 白茯苓 怀

生地三两 肉苁蓉 天冬 麦冬 三两半 川连
四两 栝蒌根 丹砂飞，二两 黑干姜 五味
子 巴戟天 泽泻两半

共末，入蜜杵丸，梧子大，丹砂为衣，空
心饮下二十丸，日二。

人参附子汤 治消肾，饮水无度，腿膝
瘦细，小便白浊，不差。

人参 附子 青黛五钱

水煎楮叶二片，取汁煎二钱温服，日二。

圣济总录纂要 卷十

清 新安 程 林云来纂辑

鄞县 曹炳章赤电校点

水 病 门

水 病 统 论

论曰：《内经》谓：肾者，胃之关也。关门不利，故聚水以从其类，上下溢于皮肤，而为胕肿。胕肿者，聚水而生病也。其状目窠上微肿，若新卧起然，颈脉微动，时作咳嗽，股冷肤肿，口苦舌干，不得正偃，正偃则咳清水，不得卧，卧则惊而咳，甚则小便黄涩，以手按肿处，随手而起，如裹水之状是也。以脉别之，脉沉者，水病也。洪大者，可治；微细者，难治。水病有不可治者五：唇黑，伤肝一也；缺盆平，伤心二也；脐出，伤脾三也；足下平满，伤肾四也；背平，伤肺五也。盖脾肾气虚，三焦闭塞，至阴之气内蓄，巨阳之气不得宣通，如是则水道不利，饮湿攻脾，散于肌肉，而为水肿之病矣。

水 肿

论曰：水肿之病，以脾胃气虚，不能制水，水溢妄行，溢于皮肤，其胫股冷，肤肿，时作咳嗽，不得安卧，小便黄涩，以手按肿处，随手而起是也。

妙香散 治一切水气，四肢肿满。

乌药生 青皮 良姜 茴香子一两
水煎三钱温服。

暖肾散 同前

巴戟天 甘遂炒，一分 木香 葶苈 沉香一分 陈皮 芫花醋炒 麦麩五钱 膩粉一

钱 泽泻一分 槟榔二枚，一生一熟

共末，用猪腰，切，掺末二钱，纸包煨，先食粟米葱粥半碗，吃腰，又食粥，临卧服，至五更，大小便下赤黄恶物，愈。

大黄汤 治水肿腹满。

大黄醋炒 桑白皮二两 人参 甘草 桂心 细辛二两

水煎五钱 入枣二枚，去滓，入白汤一匙，沸服，日三。利小便三五升，差。

槟榔丸 治水肿。

槟榔微煨 附子 防己 紫朴 吴萸 干姜 葶苈炒紫 杏仁 甘草 椒目 赤茯苓 栝蒌仁 海藻 麻黄去根节 白术 黄芪 桂心两半

共末，蜜丸，梧子大，饮下二十丸，二便利为效。

十 水

论曰：十水之病，肿从脚起，上气而咳，名为白水，其根在肺。肿从面目起，名为青水，其根在肝。肿从腹肉起，名为黄水，其根在脾。肿从脚趺起，名为黑水，其根在肾。肿从心起，名为赤水，其根在心。肿从腹起，名为气水，乍实乍虚，乍去乍来，其根在大肠。肿从头面起，至足，名为垂水，其根在胆。肿从内起，坚块，四肢小肿，名为石水，其根在膀胱。肿从四肢起，腹大，名为风水，其根在胃。肿从腹内起，名为里水，其根在小腹。凡此十水，生于脏腑，各从其根，究其所本，则肺与肾而已。故《内经》云：其根在肾，其本在肺，皆积水也。又曰：津液

充郭，其魄独居，孤精于内，气耗于外，形不可与衣相保。盖肾气虚弱，水胀满，上攻于肺，肺气孤危，肾为水害，子不救母，故阴精损于内，阳气减于外，三焦不溢，水道不通，水满皮肤，身体痞肿。治之之法，备见《内经》，故曰：平治于权衡，去菟陈莖，微动四极，温衣，缪刺其处，以复其形。开鬼门，洁净府，精以时服，五阳已布，疏涤五脏，则精自生，形自盛，骨肉相保，巨气乃平。

赐名神助散 旧名葶苈散 治十种水病，百方不愈，面目四肢俱肿，气息喘急，眠卧不安，小便渐涩，腹胀气闷，水不入口，垂命欲绝者。

椒目微炒，三两 猪苓 泽泻四两 牵牛炒香，五两 苦葶苈炒，六两

共末，姜水煎三钱，入葱白三茎，酒半盅，稍热下，良久，吃葱白粥一碗，酒一盅，面东热吃，至子后，二便通利，喘定肿减。间日再服，百日尽消。

神药木香丸 取下水气。

木香 青皮一钱 莪术二钱

共末，糊丸，梧子大，汤下十丸。

灵保丸 治十水

滑石二两 膩粉一两

共研，木瓜汁丸，小豆大，五更饮下七丸，日只一服。服七日，觉脐腹撮痛，小便多，为效。忌盐百日。觉效，便服补脾胃药。

再苏丸 治十种水气，大通三焦。此方仙经所载，天台山金坛石室中镌记。但令人忌口，无不差者。

大戟炒 甘遂炒 桂心 干姜 春大麦而炒 巴豆面裹，炒去油 大黄炒

共末，蜜丸，小豆大，茶下十丸，取利为度。

桑白皮饮 治气水，面目浮肿，胸满短气，小便不利。

桑白皮 赤芍 郁李仁 百合两半 木通二两 大腹皮五枚

水煎五钱，空心溢服，日二。

风水

论曰：《内经》云：肾者，牝藏也。肾主水，故人勇而劳甚，则肾汗出；肾汗既出，复感于风，内不得入于脏腑，外不得出于皮肤，客于玄府，行于皮里，传为肘肿，本之于肾，名为风水。其脉自浮。其外症，骨节疼痛而恶风，且身肿如裹水之状，颈脉动，时咳者是也。《金匱方》云：脉浮而洪，浮则为风，洪则为气，风气相搏，身体洪肿，汗出乃愈。恶风者，为风水；不恶风者，小便通利，上焦有寒，其口多涎，此为黄汗。二者之症，不可不察。

麻黄石膏汤 治风水，遍身洪肿，骨节疼痛，恶风汗出不仁。

麻黄去根节，六两 石膏八两 白术三两 附子一枚 甘草二两

姜枣水煎服。

大豆汤 治风水，一身肿满，短气欲绝。

杏仁二两 防风 白术二两半 赤茯苓 已 麻黄去根节 甘草二两 黄芪一两

水煎五钱，入大豆酒一合，日三。利小便愈。

防己汤 治风水，脉浮，浮为在表，其人或头面汗出，而表无他病，但腰以下肘肿。

防己 白术二两 甘草一两 黄芪二两半

姜枣水煎三钱，空心温服，日二。如喘，加麻黄，去根节。身重，胃中不和，加桂心。心下久寒，加细辛。每服药取汗，愈。

石水

论曰：肿从内起，坚块，四肢游肿，名为肾水，其根在膀胱。盖肾主水与膀胱。膀胱者，州都之官，津液藏焉，气化则能出矣。今肾水则膀胱气弱，膀胱气弱，则不能化气，而隐滞不能行，水液停结于脐腹间，故其症胸腹鼓满，按之如石，胁下胀痛。其脉沉迟，身体发热，四肢头面皆肿也。

桑白皮汤 治膀胱石水，四肢瘦。

桑皮三两 白术 射干 赤茯 猪苓二两 泽漆炒 泽泻炒 防己一两

水煮大豆半合，取汁，煎三钱，温服，日二。

楮白皮汤 治石水，四肢细瘦，独腹肿大，状如怀孕，心中妨满，食即气逆。

楮皮 桑皮 防己 两 白术 射干 赤茯一两 泽漆炒 大豆炒，五钱

水酒合煎三钱，温服。

杏仁丸 同前

杏仁去皮尖，炒 苦瓠去膜，微炒，一两

共末，糊丸，梧子大，饮下二十丸，水出为度。

大腹水肿

论曰：《内经》云：水病，下为跗肿大腹。又曰：上下溢于皮肤，故为跗肿。其症腹大，四肢小，阴下湿，手足逆冷，腰痛上气，咳嗽烦疼是也。盖三焦闭塞，水道不通，流溢皮肤，营卫痞涩，内连腹膜，则至阴内动，胀急如鼓。得病之本，多因大病之后，或积虚劳损，或新熟食毕，入水自渍，及浴冷水，水气不散，理宜然也。

牛黄丸 治大腹水肿，气息不通，症候危笃者。

牛黄五钱 昆布 牵牛 海藻 桂心一两 椒目 葶苈炒紫，三分

共末，蜜丸，小豆大，饮下十丸。小便利为度。

苏合香丸 治水气，腹大肿。

苏合香 水银水浸煮一伏时，后入研 白薤末一两

共研，蜜丸，小豆大，空心饮下十丸。

丹参酒 治久患大腹病，其状四肢细瘦，腹大，有劳苦则胫肿满，食则气急。此病服下利药不差，宜用此酒以散除风湿，利小水。

丹参 鬼箭羽 白术上炒，两半 知母 赤茯苓一两 秦艽七分 猪苓 海藻水洗 真

独活 桂心三分

共为粗末，以白酒五升浸五日，每服一盅，日三。

水肿咳逆上气

论曰：《内经》谓：肾为水肿，肺为喘呼，气逆不得卧。盖肾主水，肺主气，肾虚不能制水，水气胀满，上乘于肺，肺得水而浮，故虚而咳嗽。古方有云：肿从脚起，上气而咳，名曰白水，其病在肺。

楮澄防己煎散 水肿上气。

防己 泽漆叶 泽泻五两 白术 丹参 赤茯 桑白皮 陈皮 木通三两 郁李仁五合

水煎五钱，入生姜，日三。小便利为度。

防己汤 水气，咳逆上气，四肢浮肿，坐卧不安。

防己 甜葶苈炒，五钱 木通 桑白皮 赤茯一两 陈皮二两 泽漆五钱 郁李仁微炒 百合一合

水煎五钱。

鲤鱼汤 水肿，腹大喘咳，胸胁满，不得卧。

鲤鱼一尾，二斤，去鳞肠 紫菀 桂三两 防己 黄芩 硝石研 人参二两

用水一斗煮鱼，取汁五升，每二盅煎末五钱，日三。

雌鸡汤 胸中喘嗽逆，水气身肿。利小便。

雌鸡白者，一只 白术 半夏一两 泽漆二两 炙甘草两半

粗捣筛，用东流水五升煮鸡，取汁入药五钱，姜、枣、赤小豆煎服，日三夜一。

泽漆根汤 水在肺，令人咳喘上气，腹大脚肿，目下如卧蚕，微渴，不得卧，小便难，少而数，胸满隐痛，此水气迫肺，宜利小便。

泽漆根生，四两 人参 麦冬 炙甘草 赤茯一两 鲤鱼一尾，大，一斤

水三升，煮鱼汁，煎三钱，日三。以二便利为度，未利，稍增。寒加生姜。

水气遍身肿满

论曰：肾主水，脾胃主土，土克水。胃为水谷之海，其气虚，不能化水气，使水气浸渍水脏。又脾得水湿之气，土衰不能制，水气溢归于肾；肾虚，三焦不泻，经络闭塞，故水气溢于皮肤，传流四肢，所以通身肿也。其候上气体重，小便黄涩，肿处按之随手而起是也。

木通汤 遍身肿。

木通 苦葫芦两半 防己 泽泻三分
猪苓一两 海蛤一两

酒水煎五钱，入葱白温服。当下小便数升，肿消。

鲤鱼汤 水病，通身洪肿。

鲤鱼一斤 泽漆微炒 人参两半 杏仁炒，五钱

共末，水三升，煮鱼，以汁煎末三钱，日三。小便利乃止。

海蛤丸 水肿腹满，四肢瘦，喘促，小便涩，妨闷。

海蛤研，二两 木香 防己 厚朴 河勒皮 旋复花一两 桂五钱

共末，蜜丸，梧子大，大腹皮汤下二十丸。

枳实汤 水气。

枳实去白，炒 白术 升麻 炙甘草 紫苑 知母 桑白皮 赤茯苓 黄芪 秦艽 麦冬 黄芩等分

葱白水煎三钱。

白术汤 水气，渴，腹胁胀满。

白术 人参 赤茯苓 炙甘草

水煎五钱服。

平补鹿茸丸 水气平愈，体瘦如旧。

鹿茸炙 茯苓酒洗 地黄 兔丝子酒炒 柏子仁一两 白茯苓 黄芪 防风 远志 车前子 五味子 桂五钱

蜜丸，梧子大，饮下三四十丸。

水 蛊

论曰：水肿之状，腹膜肿胀，皮肤粗黑，摇动有声，此由脾胃气虚，湿气淫溢。久不治则害人，如蛊之毒，故谓之水蛊。

大黄汤 水蛊，二便不通，急胀壅塞。

大黄醋炒，两半 麦冬三分 川连 甘遂微炒 茅根一两 贝母三分

水煎二钱。

瞿麦汤 水蛊，腹胀满急，小便不通，纵有少而黄赤。

瞿麦穗 车前 滑石 茅根 甘遂炒 苦参等

水煎二钱，日三。

分水气海蛤丸 水蛊，腹胀喘嗽。

海蛤煨，五钱 凝水石 滑石一两 膩粉 粉霜一钱 白丁香五十枚

共末，面如作饼子，纸包煨熟，为末，糊丸，绿豆大，酒下二十丸。

鼠尾草丸 水蛊。

鼠尾草 马鞭草各五斤

水五斗，煮二升，取汁再煎成膏，为丸，小豆大，以轻粉为衣，饮下三丸。

恶实丸 水蛊，身体洪肿。

恶实微炒

为末，糊丸，梧子大，饮下十丸，勿嚼破。

瓠瓢煎 同前。

瓠瓢一枚

水二升，煮一炊，去滓煎，堪丸即丸，小豆大，饮下十丸。取小便利后勿饮水，作小豆羹食之。

楮枝煎 蛊病水肿。

楮枝半斤

水五升，煎半取汁，入黑豆末半升，煎成，频服一匙。

膜 外 气

论曰：诸家方书，论水病甚详，未曾有言膜外气者。唐天宝间，徒都子者，始著膜外气方书，本末完具，自成一家，今并编之。然究其义，本于肺受寒邪，传之肾，肾气虚弱，脾土又衰，不能制水，使水湿气散，溢于皮肤之间，气攻于腹膜之外，其病令人虚胀，四肢肿满，按之没指是也。

徒都子论病本

膜外气者，或谓之水病，起于他疾，不可常定，或因患疟，或因积劳，或因肾脏中风，或因肺腑伤冷，或因膈上气，或因冲热远行，或因酒肉中所得。始于肺，终于肾。或因咳嗽，或多涕唾，或因蓄聚冷气，壅塞不散，遂使肺脏邪气攻心，冷气化为水，流溢膀胱，在大肠膜外，所以切脉不能知，针灸不能及。盖人肾为命本，不可虚也。本固枝叶茂，本虚即枯槁。况四时衰旺，皆禀肾脏之气。肾损则五脏皆衰，是致胃闭而脾不磨，气结而小便涩。轻重之候，在大小便耳。若小便不通，则气壅，攻击腹内，冲出膜外，化而为水，使人手足头面浮肿。若二便微涩则微肿，极涩则极肿，二便俱不通，三日即遍身洪肿，则阴亦肿。夫阴肿有二：有肿而小便自出者；有肿而不便涩者。又有苓囊连小腹脐背肿者，此并为死候，宜速治之。若患此肿病，亦不常定，或先手足面目浮肿，或

先腰肋微肿，或先手足小肿，其候或消或甚，三五日稍愈又发，亦以小便通涩为效，积渐变成洪肿。女人得之，与此略同。凡患此疾，令人腹胀烦闷，胸间气急，此由肺胀，甚至喘如牛吼，坐卧行立不得，或中夜逆气攻心胸。重者一二年方死，有一二月死者。若将息失度，误食毒物，十日半月即甚也。愚医多以针灸出水为功，又以鲤鱼、赤小豆为药，又令药人饮黄牛尿，服商陆根，反有所损，少有差者。大抵此病，尤忌针灸。华佗云：患水病，勿遇良医，第一不可针灸。言气在膜外，已化为水，水出即引出腹中气，水尽则死。有此病疾者，宜向阳行坐，遇阴雨则愈觉壅滞。房中常须存火。服药后夜卧觉胸间热甚，宜含红雪与好茶之类，慎勿饮酒，及冷药茶、冷水。若渴，宜吃五灵汤。录在卷后。尤忌盐、生、冷、醋、滑。

五灵汤 膜外水气。

木通 诃勒皮 防己 赤茯苓 陈皮一两
水煎五钱。觉热，吃好茶。

紫苏煮散 膜外水气。

紫苏 防风 白术 桑皮等分

共末，水煎。觉热，去白术加甘草。功效如前方。又有蛇蛊，状如水病相似，四肢如故，小便不甚涩，但腹急肿而蛊胀，不下食。凡医多误作水气治之，宜仔细详审。

圣济总录纂要 卷十一

清 新安 程 林云来纂辑
鄞县 曹炳章赤电校点

黄 疸 门

黄 疸 统 论

论曰：疸病，症有五种：一曰黄疸，二曰黄汗，三曰谷疸，四曰酒疸，五曰女劳疸。黄疸者，遍身面目悉黄如橘。黄汗者，身体黄肿，汗出如柏汁，不渴，状如风水。谷疸者，食毕头眩，心中懊郁不安而发黄。酒疸者，心中懊痛，足肿满，小便黄，面发赤斑，黄黑，由大醉当风入水所致。女劳疸者，一身面目皆黄，发热恶寒，小腹满急，小便难，由大热房室过度。此五者，症状虽异，大率因酒食过多，水谷相并，积于脾胃，复为风湿所搏，热气郁蒸，所以发黄为疸。其症，食已如饥，曰胃疸。额上黑，足下热，曰黑疸。其因伤寒时气，后变成黄者，缘阳明病。无汗，小便不利，热瘀在里，心中懊恼，身心发黄。若被火，额上微汗出，但小便不利，亦发黄，其状如橘色，腹微满。此由寒湿不散，瘀热在于脾胃故也。又有九疸三十六黄，其症其名，悉各不同，治皆有法，俱载后章。凡黄病，当利其小便。疸而渴者，其病难治；疸而不渴，其病可治。

黄 疸

论曰：《内经》谓：目黄者曰黄疸。又曰：安卧脉盛，谓之黄疸。其外症，身体、面目及爪甲、小便尽黄；其内症，食已如饥。此由酒食过度，脾胃有热，复为风湿所搏，瘀

结不散，热气郁蒸，故发是疾。若面目微黄，身体或青赤黑色皆见者，与纯热之症不同，当于湿家求之。诸黄疸发于阴部，其人必呕；发于阳部，其人必振寒而发热也。

茵陈蒿汤 治黄疸，目黄，小便如血，心烦躁闷，口苦头痛。

茵陈蒿 麦冬 山梔仁三分 木通 柴胡 栝蒌根一两 炙甘草五钱

水煎五钱 入竹叶二七片，温服，日二。

木通汤 治黄疸，脾胃积热，皮肉皆黄，烦躁口苦，小便赤涩。

木通 瞿麦穗一两 怀生地两半 大青 赤茯苓 白茅根 秦艽三分

水煎五钱，温服，日二。

黄连汤 治黄疸，面目遍身皆黄，小便尽黄。

川连 大青 人参 地骨皮 茵陈蒿 山梔仁炒 子芩 柴胡 芒硝一两 大黄炒，二两

水煎五钱，温服，日二。

桃根汤 治黄疸，面目一身如金色，及一切黄疸。

桃根皮东引者，一把，如钗股者佳。勿见风及避女人、鸡、犬

水煎取汁，空心频服。如眼中黄色未退时，饮酒一杯。

白藓皮散 治一切黄疸，面目皮肉如金色，小便赤黑，口干烦渴。

白藓皮二两 芒硝 大黄三两 土瓜根 茵陈蒿 栝蒌根 白芍 川连 柴胡 山梔两半 子芩一两 真珠三十枚，烧赤研 大青两

半

共末，用白茅根取汁下三钱，取利。至晚不利，再服。服了以葱豉粥投之，取利为效。

柴胡汤 治黄疸，身面黄，口渴。

柴胡五钱 炙甘草一分 白茅根一把

水煎服温服。未差再服。

秦艽煮散 治面、身、目、爪甲、小便俱黄。

秦艽一两

用牛乳二盅半，煎盅半，分二服。未差再服。

茵陈蒿丸 治一切黄疸，并小便如金色及身皮皆黄者。

茵陈蒿四两 大黄 片苓 山梔仁三两

共末，入蜜杵丸，梧子大，空心饮下二三十丸，日二。

吴蓝饮 治黄疸，身肿发热，汗出而渴，汗著衣正黄。

吴蓝 白芍 麦冬 白藜皮 山梔仁

桑白皮炙 防己一两

水煎五钱，温服，日二。

急 黄

论曰：诸发热心颤，定必发为急黄。谓其卒然发黄，心满气喘，命在顷刻，故名急黄也。有初得病，身体面目即发黄者；有初不知是黄，死后变黄者。但先有其症，当急治之。此由脾胃有蓄热，及客气郁蒸，又因热毒所加，故发为斯病也。

茵陈蒿汤 治急黄，小便赤黄，如梔子汁色，兼心中烦闷。

茵陈蒿 子苓 山梔仁 川连 大黄微炒 白藜皮一两 贝齿煅 朴硝研，五钱

水煎五钱，去滓，入朴硝五分，沸服，日二。

茵陈川连汤 治天行急黄，身目如金色。

茵陈蒿 川连 子苓 大黄炒，一两 人参 炙甘草五钱

水煎五钱，空心温服，日二。

龙胆草汤 治急黄，面目身体如金，躁欲饮水。

龙胆草一两 石膏二两 木通 土瓜根 大黄微炒，两半 白茅根 朴硝研 犀角一两 山梔五钱

水煎三钱，去滓，入朴硝末五分，沸服。

黑豆煎 治急黄，烦热口干，遍身悉黄。

黑豆一升

用水五大盅，煎汁二盅，入生地汁、藕汁、麦冬汁、白蜜各二合，酥半合，慢煎成膏，含化一匙，日三夜一。

阴 黄

论曰：阴黄者，面黄头痛，不发热，不欲闻人声音。此由阳伏于阴，邪气热盛，沉潜散于肌肉，身黄如橘，故谓之阴黄。昔人有言，下之后，身目发黄者，当于寒湿中求之。此其类也。

秦艽汤 治阴黄，不欲闻人言语，小便不利。

秦艽一两 赤茯苓 炙甘草 旋复花五钱

用牛乳煎四钱温服。

茵陈蒿散 治阴黄，身面如橘色，小便不利。

茵陈蒿二两 白术 猪苓 赤茯苓三分 桂心五钱 泽泻去毛，一两

共末，空心水下二钱，日三。

半夏汤 治阴黄，小便色不变，欲自利，腹满而喘者，必啰。

半夏汤泡，姜汁炒，一两 人参 葛根二两 生姜水煎四钱，温服，日二。

赤小豆散 治阴黄。

赤小豆 丁香各二十一粒 麝香研，一钱 瓜蒂二枚 青棉布灰二钱

共末，熟水下一钱，日二。以吐为度。又取少许吹鼻中，有黄水出，效。

酒 疸

论曰：胃虚谷少，醉以入房，冒犯风邪，胃中热毒，随虚入里，小便黄赤，湿毒内聚，心下懊恼疼痛，熏发肌肉，则身目发黄，或发赤斑，足胫浮肿。或下之早，则变为黑疸，令人心如病饥，大便黑瘕，皮肤不仁。治法，概宜先去湿毒，后分小水。

茵陈蒿汤 治酒疸，心中懊痛，小便黄赤。

茵陈蒿 葛根 赤茯苓五钱 升麻 秦艽一两 栝蒌根三分 山梔仁半分

水煎三钱，温服，日二。以差为度。

艾叶汤 治酒疸，身目俱黄，心中懊痛。

艾叶生，一把，如无，用干者 麻黄去根节，二两 大黄炒，两半

用酒煎四钱，入大豆半合，空心温服，日二。

凝水石散 治酒疸，小便不利，或饮少洩多，如白泔色。

凝水石煨 白石脂 栝蒌根一两 知母 桂心 兔丝子酒煮，二两

共末，空心饮下二钱，日二。

小麦饮 治酒疸。

生小麦

用水煎二合，取汁顿服，未差再服。

追毒饮 治酒疸，遍身发黄。

狗脊去毛，酒煮，一两 白芥子 炙甘草一分

用酒一升，煎半升，分二服。以利下为度，未利再服。

大黄汤 治酒疸，心懊痛，胫肿洩黄，面发赤斑。

大黄炒，二两 山梔仁 枳实炒，一两 大豉炒，三合

水煎四钱，温服，日二。

谷 疸

论曰：夫饥饱甚则胃中满塞，谷气未化，虚热熏蒸，遂为谷疸。其症心下懊闷，瞤睡

心忪，怫郁发烦，小便不利，身黄如橘是也。

茵陈蒿汤 治谷疸，食则目眩心忪，怫郁不安，久久发黄。

茵陈蒿 柴胡四两 子芩 龙胆草 枳实麸炒，二两 大黄炒 山梔仁 升麻二两

水煎五钱，温服，日二。若病人羸瘦气弱，去大黄，用怀生地五两，山梔仁四两。

苦参梔子丸 治谷疸。

苦参 子芩 山梔仁 龙胆草一两

共末，用雄猪胆汁和丸，如梧子大，空心饮下二十丸，日二。

胃 疸

论曰：已食如饥者，胃疸也。夫胃热则能消谷，今已食如饥者，以胃气但热而无阴也。然胃为足阳明，阳明之脉，络属子心，阳明得热，则心火上行，阳炎过矣，故单阳成瘵，心嘈杂而身面黄，小便赤色也。

泻热汤 治胃中有热，食已如饥，不生肌肉，而色萎黄。

生大黄 麻黄去根节 子芩四两 甘草 陈皮去白 杏仁去皮尖，研 赤茯苓 芒硝研 泽泻一两

水煎三钱，温服，日二。

芦根汤 治胃热壅盛，食已如饥，面黄口燥。

芦根 麦冬 栝蒌根一两 甘草 知母 赤茯苓三分

生姜水煎三钱，入小麦一撮，竹叶、生地一分，温服，日二。

赤茯苓汤 治胃积热，食已即饥，面黄肌瘦，胸满胁胀。

赤茯苓 陈皮 泽泻 桑白皮三两，炙 白芍药 白术四两 石膏研，八两 人参 桂心二两 半夏姜炒，六两

生姜水煎四钱，温服。

犀角汤 治胃实热，呕逆，不下食。

犀角霜 葛根三分 麦冬 枇杷叶去毛炙，一两

生姜水煎三钱服。

黑 疸

论曰：诸黄疸、酒疸、女劳疸，久不已，皆变为黑疸。其状，小腹满，身体尽黄，额上反黑，足下热，大便黑是也。黄本脾病，脾者土也。脾病不已，传其所胜，肾斯受之。肾为水脏，其经足少阴，其色黑。病在肾，故小腹满，色黑，大便黑，足下热，是皆足少阴经受病之症。

当归汤 治诸疸久不瘥，变成黑疸，小腹满，身黄，额黑。

川归三两 桂心六两 麦门冬 大黄炒，一两 黑干姜 黄芪炙 茵陈蒿 子芩 赤茯苓 炙甘草 石膏研 川连 白芍药 人参二两

共十四味，铤如麻豆大，用生姜水煎三钱，空心温服，日三。一方无黄芪。

土瓜根饮 治诸疸变成黑疸，诸医所不能治者。

土瓜根

水煎取汁，每日空心服半盅。其病随小便出即愈。须强壮人可半盅，羸瘦人只一合。无生者，铤干者一两，水煎服。

女 劳 疸

论曰：脾胃素有湿热，或缘大暑醉饱，房劳过度，引热归肾，湿气交攻，小水不利，小腹坚胀，湿毒流散于肌肉之中，则四肢身面发黄，故谓之女劳疸。然其症又有额上黑，微汗出，手足心热，薄暮即发，膀胱急，小便自利者，各宜随其症而治之。

硝石矾石散 治女劳疸，身目皆黄，发热恶寒，小腹满急，小便难出，大劳大热，房室伤损，湿毒散于肌肉。

硝石 矾石烧枯，一两

共末，空心饮下一钱，覆衣取汗，随利小便，色黄，大便色黑，瘥。未瘥再下。

犀角汤 治女劳疸，及劳气热渴，额上

汗出，手足热，小便赤涩。

犀角 龙胆草一两 升麻 炙甘草五钱 麦冬去心，三分

生姜、大枣水煎三钱，去滓，入生地汁一合，再沸服，日二。

发灰散 治女劳疸，身目俱黄，恶寒发热，小腹满急，小便难。

乱发鸡子大一丸 猪脂半斤

用油慢火煎发，令发消尽，温水下一匙，不拘时频服，以小便利为度。

黄 汗

论曰：黄汗者，汗出沾衣，色正黄如槩汁，故名曰黄汗。由脾胃有湿，瘀热伏留，薰发肌肉，散而为汗。其症使人身体浮虚，骨节疼痛，发热汗出而不渴，是其候也。

黄芪苦酒汤 治黄汗，身肿发热，汗出而不渴，状如风水，汗沾衣，色黄如槩汁，脉沉。由夫汗出人水中浴，水从汗孔入而得之。

黄芪蜜炙，五两 白芍药 桂心三两

用苦酒二盅煎五钱，空心服之。当心烦，苦酒阻故也。日二服。

吴蓝汤 治黄汗，身重发热，汗出而不渴，状如风水，汗出衣黄。

吴蓝 防己 白藓皮 山梔仁 桑白皮 麦冬去心 白芍药半

水煎三钱，温服。未效再服。

茵陈蒿汤 治黄汗，身热不退，大小便不利。

茵陈蒿 木通 黄芪 赤芍药 赤茯苓 炙甘草一两 大青炒，二两

水煎五钱，温服，顷再服。以二便通利为度。

山梔栝蒌丸 治黄汗，身热，大小便不利。

山梔仁 栝蒌根 苦参一两

共末，用醋浸鸡子二枚，和丸，梧子大，水下三十丸，日三四服。

蔓菁子散 治黄汗如柏汁，沾衣，身虚

浮。

蔓菁子

为末，用井花水空心下二钱，日二。以差为度。

三十六黄

一心黄 二肝黄 三脾黄 四肺黄 五肾黄 六鬼黄 七奸黄 八血黄 九人黄 十髓黄 十一阴黄 十二急黄 十三气黄 十四痢黄 十五白黄 十六阴黄 十七胆黄 十八惊黄 十九风黄 二十走精黄 二十一酒黄 二十二鸡黄 二十三蜒蚰黄 二十四火黄 二十五走马黄 二十六房黄 二十七黑黄 二十八灰黄 二十九水黄 三十瓜黄 三十一肠黄 三十二接黄 三十三气黄 三十四猪黄 三十五土黄 三十六虾蟆黄

上三十六黄，有烙法，有灸法，有方法。中多奇证，大约是温疫中坏证必有之恶候也。然三法俱难用，故不刊载，今存其名，以备医家博览。

胸痹门

胸痹统论

论曰：虚极之人，为寒邪所客，气上奔迫，痹而不通，故为胸痹。其症坚满痞急，或胸中怫郁如噎塞，或胸背皆痛，或胸满短气，咳唾引痛，烦闷，白汗出，或心痛彻背，或肌痹皮痛，是皆闭塞而不通也。夫脉当取太过与不及，阳微阴弦，则胸痹而痛。又云：胸痹之病，喘息咳唾，背痛短气，寸口脉沉而迟，关上紧，是皆胸痹之候也。

胸痹

论曰：胸痹之病，其脉阳微而阴弦。阳虚则知在上焦，阴弦故令胸痹心痛。上方用理中汤，取缓其中气则可也。然背者胸之腑，或筑或悸，或渴，或腹痛，或寒，或腹满，其

候不一，治当随症加减。

理中汤 治胸痹。

人参 白术 炙甘草 黑干姜 一两

水煎五钱，温服，顷又服。若筑者，此肾气动也。去白术，加桂心。脐上筑，吐多者，去白术，加生姜。下多者，复用白术。悸者，加白茯苓。渴者，加白术二两。腹中痛，加人参一两。寒者，倍干姜。腹满，去白术，加附子。服后以稀粥投之取汗。

栝蒌实汤 治胸痹。

栝蒌实一枚，并瓤子用 枳实五枚麸炒 半夏四两，姜炒

水煎五钱，入薤白五寸，生姜三片，煎温服，日二。

半夏汤 治胸痹，心下坚痞急痛彻背，短气烦闷，白汗出。

半夏姜汁炒，二两半 栝蒌实一枚 薤白切，二合

生姜水煎五钱，入薤白服，日二。

胸痹噎塞

论曰：胸痹噎塞之病，以胸中痞结不通，故有噎塞之症。盖寒气客于五脏六腑，因虚而发，上冲胸间，则气痞而不通，甚则为噎塞也。

昆布丸 治心胸气闷，喉中噎塞。

昆布洗，烧灰，二分 木香 赤茯苓 枳实麸炒 槟榔五钱，半生半炒 诃梨勒煨皮，五钱 甘草 干姜一分

共末，入蜜杵丸，如梧子大，空心温酒下，三十丸，日二。

赤茯苓汤 治胸中气塞噎塞。

赤茯苓三两 炙甘草一两 杏仁四十九枚，去皮尖，炒研

水煎三钱，温服，日二。

胸痹心下坚痞急

论曰：体虚之人，寒气客之，气结胸郁而不散，故为胸痹。其症心下坚满痞急，甚

者疼痛抢心如刺，手不得犯，治之当辨至微，殆不可忽也。

五物汤 治胸痹心下坚。

陈皮去白炒 白芍 川归五钱 木香一分
桔梗一两

生姜水煎五钱服。

桔梗汤 治胸痹，心下气坚满痞急，刺痛不可俯仰，气促，咳吐引痛，不能饮食。

桔梗炒 陈皮炒，一两 甘草一两 栝蒌实炒，一枚

生姜、大枣水煎五钱，入薤白五寸，空心温服，日二。

五味丸 治胸痹，心下坚痞急。

附子 黑干姜三两 桂心 槟榔 诃勒皮一两

共末，入蜜杵丸，如小豆大，酒下二三十丸，日二。

白豆蔻汤 治胸痹，心下坚痞急。

白豆蔻 人参 木香 桂心五钱 黑干

姜 京三棱醋煮 炙甘草 陈曲一两 陈皮
大麦糵炒香，一两

生姜水煎三钱，入盐少许，温服，日二。

胸 痛

论曰：胸痛者，胸痹痛之类也。此由体虚挟风，又遇寒气加之，则胸膈两乳间刺痛，甚则引背膊，或彻背臂，咳唾引痛是也。

桔梗黄芪汤 治胸膈痛。

桔梗一两 人参 川芎 甘草 苏叶五钱 川归 黄芪 沉香一两

水煎三钱，温服，日二。

白术枳实散 治胸痹。

白术七炒 枳实麸炒 陈曲炒，一两

共末，酒下二钱，日二。

柏实散 治胸痹。

柏子仁炒，一两 桂心半分

共末，饮下二钱，日二。

圣济总录纂要 卷十二

清 新安 程 林云来纂辑
鄞县 曹炳章赤电校点

心痛门

心痛统论

论曰：心痛诸候，皆由邪气客于手心主之脉。盖少阴心之经，五脏六腑君主之官也。精神所舍，诸阳所合，其脏坚固，邪气未易以伤。是以诸邪在心，多在胞络者，心主之脉也。其候不一：有寒气卒客于脏腑，发卒痛者。有阳虚阴厥，痛引喉者。有心背相引，善瘦偃偻者。有腹胀归于心，而心痛甚者。有急痛如针锥所刺者。有其色苍苍，终日不得太息者。有卧则从心间痛作愈甚者。有发作肿聚，往来上下，痛有休止者。或因于饮食，或从于外风，中藏即虚，邪气客之，痞而不散，宜通而塞，故为痛也。君主真心，不痛若痛，即实气相搏，手足厥冷，非治药之所及，不可不辨也。

心痛

论曰：心为君主之官，神明出焉。正经不受邪，其支别之络脉，为风寒邪气所乘，令人心痛。盖风邪之气，痞而不散，内干经络，则发为心痛，乍减乍甚，乃其症也。

木香汤 治心痛如锥刀刺。

木香 川归 桔梗 鳖甲 槟榔煨 吴茱萸一分

姜水煎三钱服。

姜黄散 治心痛不可忍。

姜黄微炒 川归一两 木香 乌药炒，五钱

共末，吴茱萸醋汤下二钱。

莎草根散 同前。

香附根炒，去毛，入醋炒 丁香炒，一两
共末，酒煎一钱，热下。

人参汤 同前。

人参两半 吴茱萸一两，醋洗炒

姜枣水煎三钱，日二。

五灵脂散 治心痛。

五灵脂研

男人热酒下一钱，女人当归汤下一钱。

莪茂饮 同前。

蓬莪茂生用

水醋煎三钱，热服。

铅丹丸 治心痛及腹痛。

铅丹 白矾一两

同研，入瓶中，封盖，火煅赤，研，饭丸，梧子大。心痛，姜汤下十丸。腹痛，醋汤下十丸。

参香散 治心痛不下食，胁下刺痛，壅闷。

人参 木香 白芍 半夏 大腹 荜茇
三分 高良姜 丁香 川芎 青皮 桂心五钱

共末，空心姜汤下二钱。

木香汤 治心疼，气刺痛，不下食。

木香五钱 白术 白芍 枳壳 陈皮
桂心三分 甘草一分

姜水煎三钱服。

丁桂丸 治心痛不可忍。

丁香 干姜五钱 枳壳 川归 紫朴
桃仁 槟榔 桂心一两 川芎三分

共末，蜜丸，梧子大，空心酒下三十丸。
姜汤下亦可。

吴茱萸生姜汤 治九种心痛。

吴茱萸汤泡七次炒 生姜切片焙干，一两 人
参三分

大枣水煎三钱，空心热服，顷再服。

卒心痛

论曰：卒心痛者，本于脏腑虚弱，寒气卒然客之。其状心如寒痛，不得息。《千金》治寒客心痛而用大黄、黄芩，治心痛彻背而用乌头、附子之类，治药相反如此，而在用之随宜而已。

川芎丸 治卒心痛不可忍。

川芎 川归 良姜 桂心五钱 紫朴一
分

水煎三钱服，日二。

半夏丸 同前

半夏 细辛三分 人参 附子 干姜一
分

共末，醋糊丸，小豆大，酒下五丸，日二。

紫桂煮散 治暴心痛。

桂心 良姜 川归一两 紫朴三分，姜汁炒
吴茱萸五钱，洗炒

共末，姜枣水煎一钱五分服。

三圣散 治卒心痛不可忍。

附子 莪茂一两 胡椒五钱

共末，热酒下一钱，女人醋汤下。

神应丸 治暴心痛危笃者。

石灰风化 干姜一钱

共末，滴水丸，豌豆大，用葱白一寸，刺开，入川椒七粒，湿纸包煨，烹汤细嚼，醋下七丸。

高良姜散 治暴心痛。

高良姜 白芍药一两

共末，空心酒下二钱。

久心痛

论曰：心为诸脏之长，神之所舍也。其

正经不可伤，伤之则旦发夕死，夕发旦死，是为真心痛，不可复治。其久成痛者，由风冷邪气乘于心之支络，停滞不去，发作有时，故经久不差也。

姜黄散 治久心痛不可忍。

姜黄炒 川归一两 木香 乌药五钱

共末，吴茱萸醋汤下二钱。

木香散 同前。

木香半生半炒 白芍 川归 细辛 炙
甘草 吴茱萸一两 桂心 槟榔 干姜五钱

共末，姜盐汤下二钱。

丁香汤 同前。

丁香 胡椒炒，一分 陈皮 桂心 炙甘
草 荜香子炒，一两

水煎三钱服。

远志汤 同前。

远志 菖蒲一两

水煎三钱，空心服。

桃仁煎方 同前。

桃仁四十九枚，去皮尖，炒，研成膏
分三服汤下，日二。未差又服。

吴茱萸汤 同前。

吴茱萸汤洗炒，五钱

水煎空心顿服。

肝心痛

论曰：肝心痛，色苍苍如死灰状，不得太息是也。盖肝在色为苍，而足厥阴之脉，贯膈布胁肋。今肝脉虚受邪，传为心痛，故其色苍苍而不泽，拘挛不得太息也。

细辛汤 治肝心痛，胸膈气滞，四肢厥逆，两胁痛。

细辛 桃仁 人参 附子 川归 前胡
柏子仁 川芎 陈皮 木香 白茯苓 桂
心三分 吴茱萸汤洗炒，五钱

姜枣水煎三钱服。

紫菀丸 治肝心痛连肋，不得太息。

紫菀 木香 白术 川归 桔梗五钱
桂心 郁李仁三分

共末，蜜丸，小豆大，槟榔汤下二十丸。

脾心痛

论曰：脾者，属中州，为孤脏，以灌四旁。脾气盛，则四脏皆得所养。今脾虚受病，气上乘心，故为痛特甚。上方谓如针锥所刺，而痛迫急者，是为脾心痛之候。

木香宽中散 治脾心痛，泄泻不止。

木香 肉蔻 白茯苓 人参 甘草 陈曲 诃梨勒一两 附子 草蔻 白蔻 麦蘖五钱

共末，姜汤下二钱。

诃梨勒汤 治脾心冷痛，不可忍，霍乱吐泻。

诃勒 甘草 白蔻 陈皮 紫朴 良姜 干姜 白茯 神曲 麦蘖一两

水煎三钱，入盐少许。

厚朴汤 治脾心痛。

紫朴 人参 吴茱萸一两

姜枣水煎三钱，温服。

食茱萸汤 治脾心痛，兼吐水。

食茱萸洗炒 白术 干姜一两

姜水煎三钱，空心服。

胃心痛

论曰：胃为水谷之海，冲和之气属焉。固而保之，则邪不能袭。若经气虚，风冷伤，则乘于心之络脉，痛归于心而腹胀，是为胃心痛也。

六气汤 治脾胃伤冷，心腹痛，霍乱吐泻。

良姜 陈皮 白术 甘草 大茴 桂心 姜水煎三钱。

高良姜散 治胃气极冷，卒病心痛，吐逆寒痰，饮食不下。

高良姜三两

酒浸，湿纸包煨熟，为末，酒下二钱。

肾心痛

论曰：肾心痛者，心痛与肾相引，善瘕

瘕，如物从后触其心，身伛偻者是也。盖少阴之脉，贯脊属肾。其直者，上贯肝膈，入肺中；其支者，从肺出，络心注胸中。今肾虚逆气乘心，故其痛与肾相引，善瘕瘕，如物触其心也。

乌头丸 治肾寒，气逆上奔，心痛引背。

乌头一两 川椒 桂心三分 干姜 赤石脂五钱

共末，蜜丸，梧子大，酒下二十丸，日二。

桃花散 治肾心痛，如物从背触心，牵脊伛偻。

桃花取片焙，半升 苦参两半

共末，酒煎三钱服。

巴戟天丸 同前

巴戟天 人参 附子 青皮 肉苁蓉 苻香子炒，一两 槟榔五钱

共末，用羯羊肾二对，人盐五钱，湿纸包，煨熟，研，人蜜，丸梧大子，盐汤下二十丸。

高良姜汤 治肾寒，气逆上冲心痛。

高良姜 紫朴 桂心三两 川归二两

姜水煎三钱，热服，日二。

厥心痛

论曰：手少阴，心之经也。心为阳中之阳，诸阳之所会合。若诸气虚，少阴之经气逆，则阳虚而阴厥，致令心痛，是为厥心痛。

当归散 治厥逆，冷气上攻心痛。

川归 陈皮 枳壳 桂心 桔梗 槟榔一两 赤芍 人参 木香五钱

共末，空心姜枣汤下二钱。

草豆蔻汤 治厥逆，冷气上攻心痛，不食。

草蔻两半 良姜 桂心 川归一两 紫朴姜汁炒，二两

姜枣水煎三钱，稍热服，顷再服。

麝香汤 治厥心痛，气痛。

麝香 木香 吴茱萸一两 桃仁三十五枚，

去皮尖炒 槟榔三枚，煨

共末，童便水煎三钱，去渣入麝末三分服。日二。

九种心痛

论曰：九种心痛者，曰虫、虫注、曰风、曰悸、曰食、曰饮、曰冷、曰热、曰去来者是也。治病必求其本。今九种心痛，其名虽异，而治药各有其法。盖正气和调，则邪不能入。若或虚弱，外邪乘之，则种种皆能致疾。善医者，惟明攻邪以扶正，则九种之病，其治一理也。

木香煮散 治九种心痛。

木香 柴胡 陈皮去白炒 吴茱萸一两
槟榔 郁李仁炒 白芍 川归五钱 麝香研，五分

共末，水煎五钱，去滓，入麝末少许，空心温服，日二。

厚朴汤 治九种心痛。

紫朴姜汁炒 槟榔 白芍 柴胡 食茱萸
川归酒炒，一两 郁李仁三分
水煎五钱，空心温服，日二。

弭痛丸 治九种心痛不止。

木香 川归 五灵脂 高良姜 蓬莪茂一两

共末，入蜜丸，梧子大，空心，木香汤下二三十丸。

不换金煮散 治九种心痛，滞气。

玄胡索 蓬莪茂 威灵仙 鬼箭羽 姜黄 苦楝根一两

共末，空心，酒水合煎三钱，温服，日二。

无比丸 同前。

高良姜 赤芍药 黑干姜 缩砂密 桂心一两

共末，米醋糊丸，弹子大，茱萸子汤下一丸。

万灵丸 治九种心痛及滞气。

石菖蒲九节者，二两

为末，醋面糊丸，梧子大，丹砂为衣。男用盐汤空心下五七丸，女入醋汤下，日二。

停饮心痛

论曰：心属火，其气炎上；饮为水，其性趋下。若营卫和平，脏腑调适，则水液下行，不能逆害心火。若水饮停滞于胸中，火气不能宣通，则阳虚阴盛。其病心中淡淡欲吐而痛者，是为停饮心痛也。

半夏汤 治痰饮在心，久不散，痛不可忍。

半夏 干姜三分 高良姜 桂心 旋复花五钱 槟榔半生半炮 木香 丁香一分
姜水煎三钱，温服。

旋复花汤 治痰饮在心下不散，痛不可忍。

旋复花微炒 桔梗一两 半夏两半 柴胡 槟榔二两，煨

姜水煎服，顷又服。

又方

桂心 紫朴三分 吴茱萸洗炒，五钱
共末，酒下二钱。

虫心痛

论曰：诸虫在入身中，若脏腑平调，则自安其所；若脏气虚弱，或因食肥甘过度，致动肠胃间，诸虫往来，上攻于心，终则令人心痛，痛有休止，腹中热，喜吐涎出，是蛔心痛也。速宜治之。不治，虫贯心，则能杀人。

乌梅丸 治蛔厥呕逆，心痛不可忍。

乌梅三百枚，水洗净，去核 附子 人参 细辛六两 川椒去目炒，四两 桂心六两 川连去芦炒，一斤 川归四两 干姜十两 川柏蜜炙，六两

共末，以酒二升，浸梅一宿，取肉蒸烂，捣如泥，入蜜杵丸，梧子大，饮下三十丸。

木香汤 治三虫心痛，面色黄，不下食。

木香 槟榔 陈皮三分 葱苡根一两
水煎三钱服，顷又服。

槟榔散 治蛔咬心痛不止。

槟榔 川椒炒，一两

共末，空心，米饮下二钱，日二。

狗脊丸 治虫心痛，兼气痛。

狗脊去毛，酒蒸，一分 陈皮去白炒，三两 吴茱萸洗炒，五钱 槟榔两半 茺莢仁三分

共末，蜜杵丸，梧子大，陈皮汤下二十丸。

皂莢丸 治心痛如虫咬。

皂莢炙黄，去皂子 杏仁去皮尖，炒研，一两

先以皂为末，入杏仁捣丸，小豆大。发时空心米饮下七丸。

干漆汤 治虫心痛如咬。

干漆炒，一两 胡椒

用白水煎一钱，入葱白一寸、麝香末少许服。

冷气心痛

论曰：风邪冷气，伤于心之络脉，皆能致痛。若阳气偏虚，宿挟寒冷滞气，又因饮食伤动，而致心痛，则其病喜温而恶寒，其气惨而不舒，甚者四肢厥冷，气攻心而发痛也。

八味桂心丸 治冷气心痛，不能饮食。

桂心两半 人参 白术 陈皮 吴茱萸 桔梗 高良姜 川归一两

共末，入蜜丸，梧子大，酒下二十丸。

防风汤 治虚冷气，胸满短气，心痛呕吐。

防风 赤茯苓 甘草一两 人参两半 桂心三两 半夏 干姜二两

姜枣水煎三钱，空心温服，日二。

三味桂心汤 治冷气冲心痛。

桂心五钱 川归三分 吴茱萸洗炒，一两

共末，入蜜丸，梧子大，早晚盐汤下二十丸。

中恶心痛

论曰：心者，君主之官，神明出焉。心

神安静，则邪无得而干。若心气不足，精神衰弱，邪恶之气因得干正，连滞心络，令人气不升降，卒然心痛如刺，闷乱欲绝者，中恶心痛也。

赤芍药汤 治中恶心痛不可忍。

赤芍炒 杏仁去皮尖，炒，二两 桔梗炒，二两半

水煎三钱，空心温服，日二。

丁香白芍汤 治中恶心痛不可忍。

丁香 白芍 槟榔煨 吴茱萸洗炒，一两 白术三分

水煎三钱服。

犀角散 治中恶，心腹刺痛。服之去恶气。

犀角 木香五钱 麝香一分

共末，空心，姜汤下二钱。

沉香散 治中恶心痛不可忍。

沉香 赤芍 桔梗五钱 槟榔 芒硝一两 酸石榴皮炒，五钱

共末，水煎五钱，入葱白五寸，空心温服，日二。

恶注心痛

论曰：凡人将理失度，阴阳俱虚，气血不足，复因风寒水湿客忤，邪恶之气乘虚入于肌体，流注经络，伏留脏腑，毒击心包络，时发疼痛，积滞日久，转相注易，故曰恶注心痛。

当归汤 治恶注，胁连心痛。

川归一两 木香三分 麝香一钱 槟榔五枚，煨

水煎五钱，去滓，入麝末一字，温服，以利为度。

桃枝汤 治恶注，心痛不可忍，气逆奔走，连胸胁，如刀刺，及蛔虫咬，心痛不止。

桃枝向东南引者，去皮，一把

水煎，空心，稍热服，日二。

心掣

论曰：《内经》谓：一阳发病，少气，善

咳善泄，其传为心掣。夫心，君火也；三焦，相火也。盖人气血和平，三焦升降，则神明泰定。三焦既病，故上咳下泄，少气，致心火胥应而不能，其动若掣者，乃其症也。

调中汤 治心掣，胸中少气，善咳善泄。

白术 人参 赤茯 川归 干姜一两
甘草 五味子一两 桂心两半
水煎三钱，温服，日二。

赤茯苓煮散 治心掣，胸中气少，水谷不化，泄利气逆。

赤茯苓 紫朴 人参 川芎 甘草 麦
麋一两 干姜五钱

共末，水煎三钱，温服，日二。

当归散 治心掣少气，善咳善泄，腹痛上攻。

川归 枳壳 赤芍 桂心 陈皮 桔梗
一两 木香 人参五钱

共末，姜枣汤下二钱。

心 腹 门

心 腹 痛

论曰：脏腑气虚，风寒客之，邪正相搏，故上冲于心络，而为心痛；下攻于腹膜，而为腹痛，上下攻击，则心腹疼痛。其或阴气凝结，久而不散，内攻肠胃，则为寒中胀满，泄利之症。

独活汤 治心腹冷痛。

独活 人参 白茯 甘草 陈皮 干姜
吴茱萸 白芍 川芎 防风 桂心 黄芪
二两 川归两半

用羊肉煮，取汁，入姜枣煎三钱，空心服，日二。

桔梗散 治心腹痛，食冷物即发，及吐恶水。

桔梗 麦冬 白茯 槟榔两半 人参
白芍 紫朴 陈皮 枳壳一两 桂心三分
共末，姜枣汤下二钱。

沉麝丸 治一切心腹痛不可忍。

沉香 麝香 丹砂 血竭 没药 两
木香五钱

共末，甘草煎膏，丸梧子大，姜盐汤空心下三五丸。

调中丸 治心腹一切冷气刺痛。

人参 白茯 白术 甘草五两 黑干姜
四两

共末，入蜜，丸梧子大，空心，酒下二三十丸，日二。

人建中汤 治腹中虚寒，心腹切痛。

桂心三两 白芍酒炒，两半 甘草炙，五钱
姜枣水煎，去滓，入饴糖，稍热服，日二。此药能治腹中虚寒，补血调气，尤止腹痛。常入见其药性温平，未必肯用。然腹痛按之便痛，重按却不甚痛者，此正是虚痛。若重按愈痛而坚者，当有积也。气痛不可下，下之愈痛，此虚寒症也，尤宜服此药。《外台》治虚劳，腹中痛，梦遗失精，四肢酸疼，手足烦热，口燥，及女人小腹痛，亦用此药。张仲景《金匱要略》阳脉涩，阴脉弦，法当腹中急痛，先与此药。不差者，宜小柴胡汤主之。此二汤皆主腹痛。

腹 痛

论曰：脏腑内虚，寒气客之，与正气相击，故令痛也。又有冷积不散，乍减乍甚，为久腹痛者，若重遇于寒，则致肠鸣下利。盖腹为至阴之所居，又为阴邪客气所搏故也。

人参汤 治腹痛疝刺，除寒冷湿痹。

人参 附子 甘草二两 川归 黑干姜
大黄炒，一两

水煎三钱，空心温服，日二。

人参丸 治腹中冷痛。

人参 茯神 木香 甘草 牡蛎 远志
黄芪炙 桂心五钱

共末，大枣肉丸，梧子大，麦冬汤下二十丸。

赤石脂丸 治心腹积冷，腹痛短气，胸

背痛，胁下有冷气，不能饮食，如刀锥刺，及虫食痛，针灸不差，状如鬼神往来。

赤石脂 附子 人参 辽细辛 乌头
黑干姜一两 真珠五钱，豆腐水煮，研 桂心一两
共末，入蜜杵丸，梧子大，饮下十九。

吴茱萸汤 治寒冷气腹痛。

吴茱萸 人参 川归 半夏姜汁炒 桂
心一两 炙甘草五钱 小麦一合
姜枣水煎三钱，空心温服。

久 腹 胀

论曰：久腹胀者，冷气结于腹内，与脏气相搏，积久而不散也。盖腹为至阴之所居，脾胃为仓廪之官。今寒气在内，与脏气相搏，停积不散，故为久胀。脾胃既虚，则难以腐熟水谷，故胀久不已，则令人变饮湿之疾。

厚朴汤 治腹胀烦闷，食不消。

紫朴 人参 白术 沉香 桔梗 槟榔
桑白皮炙 丁香皮一两
共末，糊丸，梧子大，陈皮姜汤下五十丸，日二。

木香丸 治久腹胀，无力，不思饮食。

木香 陈皮 槟榔一两 莱菔子炒，二两
共末，入蜜杵丸，梧子大，空心姜汤下二三十丸。

腹胀肠鸣切痛

论曰：腹者，至阴之所居。若寒气所伤，则阳衰阴盛，于是有腹胀肠鸣切痛之病。此脾弱胃虚，气胀痞满，加之冷气与正气交争故也。不已，则变为下利之症。

白术汤 治腹胀肠鸣切痛，发作有时。

白术 赤茯 人参 川归 陈皮 桔梗
吴茱萸 桂心一两 甘草 细辛五钱 紫
朴二两

姜枣水煎三钱，温服。

高良姜汤 治脾虚，腹胀肠鸣切痛，食少无力。

高良姜 丁香五钱 人参 桂心三分

草豆蔻 诃勒皮一两 陈皮去白炒 紫朴两半
甘草一分

枣水煎三钱，温服，日二。

丹参汤 治腹胀肠鸣，不下食。

丹参 白茯 细辛 桔梗 紫朴姜汁炒
食茱萸一两 甘草五钱
姜水煎三钱，温服，日二。

附子粳米汤 治腹寒气，雷鸣切痛，胸胁逆满。

附子 半夏 甘草一两
姜枣水煎三钱，入粳米一撮，空心温服。

腹 内 结 强

论曰：血气，温则流通，寒则凝结。结强者，风冷邪气结于腹中也。凝结而不散，与正气相击，上下流走，盛按之有根，状如覆杯，食寒则腹中硬痛，妨害饮食，留滞经久，则变结强。

丁香皮煎方 治寒气结强，日久不消。

丁香 白术 川归 陈皮 槟榔 姜黄
京三棱 甘草一两
姜枣水煎三钱，温服。

白术散 治冷气不散，腹内结强，坚硬疼痛。

白术 人参 白茯 紫朴 陈曲 麦蘗
吴茱萸 川芎二两
共末，空心饮下二钱，日二。

平胃丸 治腹内结强，不可俯仰，饮食不化。

杏仁三十枚，去皮尖，炒 玄参 葶苈炒，二
两 川芎 桂心一两 丹参三两
共末，入蜜杵丸，梧子大，空心饮下十五，日二。

膜 胀

论曰：《内经》谓：浊气在上，则生膜胀。此阴阳反作，病之逆从也。夫清阳为天，浊阴为地，二者不可相干。今浊气在上，为阴气干扰清阳之气，郁而不散，所以膜塞胀满。

而常若饱也。

桔梗丸 治虚冷气满腹胀，不饮食，虽食不消化，呕逆恶心，虚满，腹内雷鸣，下气。

桔梗 白术 人参 白茯苓 甘草 陈皮 吴茱萸 枳壳 紫朴 干姜一两 桂心二分

共末，蜜丸，梧子大，酒下三十丸。

人参汤 治虚冷腹胀及呕逆，醋心翻胃，不能食，面黄。

人参 白茯苓 白术 紫朴二两 桂心 陈皮一两 半夏二两 甘草三分

生姜水煎三钱，温服，日二。

臌 胀

论曰：《内经》谓：有病心腹满，旦食则不能暮食，名为臌胀。夫水谷入口，则胃实肠虚，食下则肠实胃虚。若乃饮食不节，寒温失宜，胃满气逆，聚而不散，大肠无以传导，故心腹逆满，气臌而胀也。旦食不能暮食者，脾以至阴居中，五阳不布，水谷化迟而然也。

鸡屎醴方 治旦食不能暮食。

鸡屎炒香熟

为末，空心，醇酒下二钱。弱入一钱。

牡丹皮汤 治臌胀。

牡丹皮 鳖甲醋炙 枳壳 紫朴 郁李仁两半 桃仁二十一枚，炒 桑白皮 槟榔二两大黄炒，一两

姜水煎三钱，温服。

桔梗丸 治臌胀不下食。

桔梗 白茯苓 白术 人参 炙甘草 陈皮 紫朴 枳壳 吴茱萸 干姜一两 桂心三分

共末，蜜丸，梧子大，酒下三十丸。

赤茯苓汤 治臌胀不下食。

赤茯苓 木通二两 吴茱萸 紫菀 郁李仁一两 白芍炒，两半 槟榔二枚

水煎三钱，温服，日二。

肋 肋 痛

论曰：肋肋痛者，足厥阴肝经虚寒气乘之也。足厥阴肝经，其支脉起于足大指丛毛，上循阴股，入腹贯膈，布肋肋。寒邪之气乘虚，则伤于经络，邪气与正气相搏，故令肋肋痛也。

大黄附子汤 治肋下偏痛，发热脉弦，寒也。当以温药去寒。

大黄醋炒香，两半 附子三枚 细辛一两 水煎三钱，稍热服，日二。

半夏汤 治胸肋气不利，腹胀急痛。

半夏姜汁制七次，两半 桂心 槟榔一两 生姜水煎三钱，温服，日二。

吴茱萸丸 治胸肋冷气，妨闷切痛，不下食。

吴茱萸汤泡洗，醋炒干 川归一两 麝香研，五分

共末，入蜜麝杵丸，梧子大，空心酒下二十丸。

息 积

论曰：《内经》谓：病肋下满，气逆，二三岁不已，病名息积。夫消息者，阴阳之更事也。今气聚于肋下，息而不消，积而不散，故满逆而为病。然气不在胃，故不妨于食，特害于气而已。治法，不可灸制，宜服药导引。药不可独治者，盖导引能行积气，药力亦藉导引而行故也。

桔梗汤 治息积肋下，气逆妨闷，岁久不已。

桔梗 人参 白术 枳实 川归 鳖甲九肋者，醋炙 干姜一两 桂心 甘草 吴茱萸汤洗，醋炒，五钱 大麦蘖炒香，两半

共末，入蜜，丸梧子大，空心，酒下二十丸，日二。

赤茯苓汤 治息积肋下，气逆满闷。

赤茯苓 桂心 陈皮炒，两半 高良姜一两 甘草一分 大腹皮五钱 吴茱萸三分

水煎三钱，空心温服，日二。

白术丸 治息积肋下，满闷喘息，气逆，消散导引。

白术陈土炒 枳实麸炒 桂心两半 人参 陈皮去口炒 甘草蜜炙 桔梗炒，一两

共末，人蜜杵丸，梧子大，空心，酒下三十丸，日二。

腰痛门

腰痛统论

论曰：腰痛有五：一者阳气不足，足少阴气衰，令人腰痛；二风寒着腰，风痹腰痛；三肾虚劳役，伤肾腰痛；四坠堕伤腰，名肋腰痛；五寝卧湿地腰痛也。凡此皆本于伤肾。盖肾主腰脚，肾伤则腰痛也。《内经》云：腰者，肾之府。转摇不能，肾将惫矣。

腰痛

论曰：腰者，一身之要，屈伸俯仰，无不由之。或风寒所客，或肾气伤损，使筋脉拘急，动摇转侧不得，故腰痛也。

人参汤 五种腰痛。

人参 杜仲 川芎 桑寄生 桂心一两 白芍三两 当归 白术 木通 玄参 熟地三分 丹皮 独活五钱

水煎三钱，日三。

寄生汤 五种腰痛，不能转侧。

桑寄生 附子 川芎 独活 杜仲 狗脊 桂一两 人参 炙甘草五钱 白术 白芍 石斛 牛膝三分

水煎三钱，日二。

杜仲酒方 肾虚腰痛。

杜仲 丹参八两 川芎五两 酒一斗五升浸服。

卒腰痛

论曰：卒腰痛者，谓气脉凝滞，经络壅

涩，或举动伤腰，故卒痛也。宜通行气脉，调顺经络，平补肾脏，则病可愈。

牡丹汤 卒腰痛。

丹皮 牛膝 续断 萆薢 桂心一两 酒水煎三钱。

杜仲汤 劳动伤腰卒痛。

杜仲 羌活 川椒 秦艽 石斛 续断 栝蒌根 丹皮 白芍 五加皮 当归 桂一两

酒水煎三钱。

风湿腰痛

论曰：夫肾气虚弱，风寒湿气着于腰间，则令腰痛。盖腰为肾府，肾经留滞，风湿不得发散，注于腰脚，故起坐立行皆痛，甚则浮肿，故名风湿腰痛。

羌活汤 风湿腰痛。

羌活 杜仲 干姜 五加皮 桂三分 附子 巴戟天一两 牛膝两半

共末，蜜丸，梧子大，酒下三十丸。

羚羊角汤 风湿著于腰脚，骨节冷痛，摇转不能。

羚羊 羌活 牛膝一两 白芍 枣仁 升麻两半 虎胥骨 山枝 防风二两 水煎五钱。

腰痛强直不得俯仰

论曰：腰为肾之府，足少阴肾之经也，其脉贯脊属肾抵腰。劳伤之人，肾气既衰，阳气不足，寒湿内攻，经络拘急，所以腰骯强直而痛，不能俯仰也。

郁李仁煮散 腰痛强直，不可俯仰。

郁仁 槟榔 朴硝一两 白芍 当归三分 木香 诃勒皮五钱

共末，水煎三钱，日三。

五加皮汤 同前。

五加皮 白芍 杜仲 芦根 萆薢五钱 水煎三钱。

巴戟天酒方 治腰痛强实，不得俯仰。

巴戟天 牛膝 石斛 一两 羌活 当归
生姜两半 川椒一分

酒八升浸服。

牛膝酒方 治风冷伤腰，筋骨疼痛。

牛膝 虎胫骨 枳壳 羚羊一两

酒五升浸服。

石斛酒方 腰痛强直，不可俯仰。

石斛二十四两 白茯苓 五味子 丹参
杜仲 黄芪 草薢二两 人参 枸杞两半
天冬 生姜三两 山药 牛膝 山萸二两
苡仁 防风 细辛一两

酒五斗浸服。

羌活酒方 同前。

羌活六两 独活二两 五加皮三两 生地
汁一升、煎滤 黑豆小者一升，炒

酒二斗浸服。

腰脚冷痹痛

论曰：痹之为病，在骨则重，在皮则寒，
在肉则不仁，在筋则屈而不伸，在脉则血凝
而不流。腰脚得之，谓之冷痹痛，亦由风寒
湿气杂合而成也。盖肾主腰脚，其经为寒邪
冷气所客，注于腰脚，则膝、胫、髀、臑、腰、
脊冷痛，肌肉不仁，而腰脚俱痛也。

桂心丸 腰脚冷痹，顽痹不仁。

桂心三分 附子 杜仲 牛膝 丹参
续断一两 干姜五钱

蜜丸，梧子大，酒下三十丸。

杜仲酒方 治肾虚冷，或感寒温，腰脚
冷痹疼痛。

杜仲 川椒 川芎 天雄 防风 羌活
草薢 炙甘草 秦艽 干姜 桂一两 细
辛 石斛 地骨皮 续断 五加皮三分 桔
梗两半

酒浸服。

巴戟天酒方 治风冷寒湿，伤着腰脚，冷
痹疼痛。

巴戟 羌活 牛膝 石斛二两 川椒五
钱 生姜 当归三两

酒浸服。

牛膝丸 治腰脚痹疼，膝以下冷，不得
屈伸。

牛膝三两 附子 川椒 石斛 狗脊
干姜 桂半两

蜜丸，梧子大，酒下三十丸。

独栗丸 治腰膝沉重，及劳伤腰痛脚气
等疾。

栗独个者

蒸熟，炼蜜丸，梧子大，酒下四五十丸，
日二服。

圣济总录纂要 卷十三

清 新安 程 林云来纂辑
鄞县 曹炳章赤电校点

虚 劳 门

虚 劳 统 论

论曰：虚劳之病，因五脏则为五劳，因七情则为七伤。劳伤之甚，身体疲极，则为六极。所谓七伤者，一曰大饱伤脾，脾伤则善噫欲卧，面黄；二曰大怒气逆伤肝，肝伤则少血目暗；三曰强力举动，久坐湿地伤肾，肾伤则少精，腰脚痛，厥逆下冷；四曰形寒饮冷伤肺，肺伤则气少，咳嗽鼻鸣；五曰忧愁思虑伤心，心伤则苦惊，喜忘善怒；六曰风雨寒暑伤形，形伤则发落，肌肤枯槁；七曰大恐惧不节伤志，志伤则恍惚不乐。此七者，劳伤之因也，故名七伤。所谓五劳者，一曰肺劳，令人短气面肿，鼻不闻香臭；二曰肝劳，令人面目干黑，口苦，目视不明；三曰心劳，令人忽忽喜忘，大便苦难，时或溏泄，口中生疮；四曰脾劳，令人舌本苦直，不能咽唾；五曰肾劳，令人背难以俯仰，小便黄赤，时有余沥，阴痛生疮，小腹满急。此五者，劳气在五脏也，故名五劳。所谓六极者，一曰气极，令人内虚，五脏不足，邪气多，正气少，不欲言；二曰血极，令人无颜色，眉发堕落，忽忽喜忘；三曰筋极，令人数转筋，十指甲皆痛，苦倦不能久立；四曰骨极，令人酸削，齿苦痛，手足烦疼，不可以立，不欲行动；五曰肌极，令人羸瘦，无润泽，饮食不生肌肤；六曰精极，令人少气，吸吸然内虚，五脏气不足，毛发落，悲伤喜

忘。此六者，劳伤之甚，身体瘦极也，故名六极。又五劳、七伤、六极之外，变症不一，治法皆以补养为宜。形不足者，温之以气；精不足者，补之以味。气味相得，合而服之，以补精益气，此其要也。

肝 劳

论曰：患怒气逆，上而不下，则伤肝，肝劳则面目干黑，口苦，精神不守，恐畏不能独卧，甚则筋急而爪枯，目盲无所见，毛悴色夭者，难治。

芍药饮 肝劳不足，补虚。

白芍 牡丹皮 枳实 荆芥穗二分 熟地 青箱子 黄芪 炙甘草 白茯苓 白附子 山梔 防风两半 细辛五钱 竹叶水煎。

前胡汤 肝劳虚热，目赤难开，烦闷，热气上冲。泻肝除热。

前胡 山梔 大青 细辛 秦艽 干姜 决明子 片苓一两 车前子一合 石膏一两 竹叶三两

水煎。欲利，加芒硝。

茯苓汤 肝劳热，恐畏不安，精神闷怒，不能独卧，气错越。

白茯苓 人参 防风 炙甘草 远志 牡蛎 柏子仁五钱 龙骨二分

蜜丸，梧子大，酒下二十丸。

青龙丸 治肝伤健忘，目视不明，面目青白，常多恐惧。

龙骨 羌活 秦艽一两 茯神 羚羊 甘菊 青箱子 白附子 丹砂三钱

蜜丸，梧子大，人参汤下三十丸。

心 劳

论曰：心劳病者，补脾气以益之，脾旺则感于心。人逆夏气，则手太阳不长，心气内洞。顺之则生，逆之则死。顺之则治，逆之则乱。反顺为逆，是谓内格，病不生矣。其候令人善怒不乐，大便鸭溏，口疮久不差，耳枯而鸣，不能听远，皮毛焦，色夭者，死于冬。

远志汤 心劳，多烦躁，背膊妨闷，面色时变，乍赤乍黑，或笑或歌。

远志 白芍 犀角一两 人参 知母五钱 赤茯 麦冬两半 片苓 前胡

水煎五钱，顷时又服。

磁石汤 心劳热，耳焦多鸣，不能听远。

磁石 人参 白术 赤茯 白芍 大青 菖蒲两半 赤石脂一两

竹叶水煎。

补心麦冬丸 心劳，多惊悸，心气不足。

麦冬 天冬 熟地 川连 远志 升麻两半 菖蒲 人参 白茯一两 桂五钱

蜜丸，汤下。开心气，多记不忘。

獭肝丸 心劳热，胸膈聚痰，头目微痛，肌肤渐觉消瘦。

獭肝 川连 柴胡 鳖甲 地骨 升麻 天灵盖 贝母两半 天冬 知母 犀角

茯神 紫苑 胡黄连 前胡 杏仁 炙甘草 生地 槟榔三两 百合 麻仁各三两

蜜丸，饮下，日二。

朱雀汤 心气劳伤。

雄雀十枚，用肉 人参 枣肉 赤茯 紫石英 小麦一两 赤小豆一合 炙甘草一分 丹参 远志 紫苑五钱

水煎。

脾 劳

论曰：饮食劳倦则伤脾，脾伤则善噫欲卧，面黄，舌本苦直，不得咽唾，皆脾劳也。

宜补益肺气则感于脾矣。

七香散 脾劳腹胀，忧思不乐，大便滑泄，不思食，肌肉瘦。

人参 白术 白茯 白芍 陈皮 桔梗 紫苑 茯苓子 白芷一两 苍术五两 干姜一两 柴胡两半

共末，用猪肾切一对，入盐一钱，末三钱，纸包煨，饮下。

羊肾丸 脾劳，脏腑滑泄，夜多盗汗，腹虚鸣，困倦少力。

羊肾 艾叶糯米粥拌，焙干，末，五钱 木香 肉蔻 苁蓉一两 丁香五钱

枣肉丸，酒下。

茯苓子丸 脾劳，肌肤瘦瘠，面色焦黄，四肢无力，脚膝疼痛，大便不调，或风劳上攻，头眩目暗，肌体沉重，昏愤嗜卧，皆宜急服。

茯苓子 附子 川椒 牛膝 苁蓉 青盐 巴戟天二两

共末，羊肾三对，煮研，蜜丸，酒下。

黄芪汤 脾虚劳伤。

黄芪二两 枣肉 白石英 木通 白石脂五钱 炙甘草 藁本一分

水煎。

肺 劳

论曰：肺劳者，因形寒饮冷，逆秋气所致。其症短气面肿，鼻不闻香臭，胸中结滞，气乏声嘶，咳嗽呀呷，咯唾稠粘，或吐脓血，或咽喉干咳不能唾，上气喘满，渐至衰瘵，寒热时作，饮食减耗，皆肺劳之症。

补气黄芪汤 肺劳，饮食减少，气虚无力，手足颤掉，面浮喘嗽。

黄芪 白术 人参 五味 麦冬 熟地 茯神 陈皮 阿胶 桂一两 牛膝 白芍 当归三分 炙甘草五钱

用姜枣水煎。

鳢鲙煎丸 肺劳，咳嗽日久。

大鳢三条，醋洗断截，酒煮取肉，再入酒散成煎

桔梗 柴胡 青蒿子 人参 附子 炙甘草
知母 秦艽 鳖甲

共末，入蜜煎丸，梧子大，酒下，日二。

白虎汤 肺气劳伤。

龙骨 人参 白茯苓 白石英 百合 磁石 桑白皮 玄参五钱 大豆一合
酒水煎。

蛤蚧丸 肺劳咳嗽。

蛤蚧一对 天冬 生地 麦冬一两 贝母四两 款冬 紫菀二两 杏仁三百枚
蜜丸，梧子大，姜汤下。

肾 劳

论曰：肾劳者，劳伤肾也。肾伤则少精，腰背痛，难俯仰，小便不利，时有余沥，阴痛囊湿，生疮，小腹满急，厥逆不冷，皆其候也。经所谓：强力入房，久坐湿地，伤肾特其一端耳。

羊肾汤 肾劳虚损，寒热耳鸣，好睡善欠，腰脚痿弱。

羊肾一对 白术 白茯苓 磁石 黄芪 生姜一两 桂三分

水煮肾汁煎五钱。

远志丸 肾劳虚，梦寤惊悸，小腹拘急，面色黧黑，白浊，腰脊痛。

远志 杜仲 白茯苓 枳壳 桂五钱 熟地 兔丝子一两

共末，蜜丸，梧子大，酒下三十丸。

冷 劳

论曰：冷劳者，由脾胃久积风冷之气，不能灌溉四旁，润养身体，致腑脏俱虚，阴阳衰弱。其状食不化，心腹痞满，呕吐吞酸，面色萎黄，甚者心腹常痛，大肠泄利，手足逆冷，骨节酸疼，日渐羸瘦是也。

木香丸 治冷劳，便利不调，腹胀呕逆，因乏少力。

广木香 附子 肉豆蔻 干姜 陈皮去白炒 麦门冬 郁李仁一两 熟艾 鳖甲醋炙

柴胡 陈曲炒，二两 紫朴姜炒，三两 钟乳粉 桂心五钱

共末，用雄猪肚一具，去脂膜，细切，入好米醋三升，煮极烂，研细，入末捣丸，梧子大，空心温酒，米饮任下二十丸。

猪肝丸 治冷劳，腹痛下利，面色萎黄，四肢无力。

雄猪肝一具，去脂切片，入米醋二升煮肝 紫朴姜汁炒 干姜炒黑 陈皮去白炒 川连一两 枯白矾 柴胡二两 附子 桂心五钱

共末，将肝烂捣如泥，入白面五匙，沸汤煎三五沸，和肝末同捣丸，梧子大，空心酒下十丸，日二。

热 劳

论曰：热劳之症，心神烦躁，面赤头疼，眼涩唇焦，身体壮热，烦渴不止，口舌生疮，饮食无味，肢节酸疼，多卧，少时出盗汗，日渐消瘦是也。

鳖甲丸 治热劳，羸瘦壮热，盗汗烦渴。

鳖甲醋炙 柴胡 秦艽二两 生地黄汁 生薄荷汁如无，用干熬 生青蒿汁 生姜汁各一盂，慢熬成膏

共末，入膏捣丸，梧子大，空心，米饮下二十丸，日三服。

人参汤 治热劳，心神烦躁，肢体酸疼，不能食。

人参 茯神 赤芍 枣仁 甘草 知母 生地 枳实 栝蒌根 白薇一两

水煎三钱，空心，温服，日二。

蛤蚧丸 治热劳，烦躁面赤，口干唇燥，骨节酸疼，盗汗，咳嗽痰壅，力乏气促。

蛤蚧酥炙 人参 黄芪蜜炙 麦冬 胡黄连 甘草 地骨皮 知母盐酒炒 柴胡 怀生地 鳖甲醋炙 紫菀 桑白皮五钱 细辛 杏仁去皮尖，炒，研，一分

共末，入蜜杵丸，小豆大，空心，米饮下二十丸，临卧再下三十丸。

青蒿饮 治暴劳热，四肢烦疼，手脚心

热，咽干虚渴，食少，宜退热。

青蒿 甘草 龙骨 麦冬 知母 柴胡
一两 桃枝心一把 柳枝心一把

童便合水煎四钱，入葱白、薤白各三寸，空心温服。

地黄煎 治热劳，五心壅热，烦渴不止。

生地汁 青蒿汁 生薄荷汁 童子便
白酒二升，入汁同熬成煎 秦艽 鳖甲醋炙 柴胡
去芦，二两 丹砂飞过 麝香另研，半分

共末，入煎杵丸，小豆大，丹砂为衣，空心，酒下二十丸，日二。

气 劳

论曰：气劳者，由喜怒不节，忧思过甚，荣卫卫除，谷气不治，故气血为之干涸，不能荣养肌肉，使形体瘦瘁，面色萎黄，胸痞痞满，饮食减少，羸瘦困乏，故名气劳。

沉香汤 治气劳，心胸不利，日渐消瘦，四肢沉倦无力，饮食无味，骨节疼痛，小便赤涩，荣卫不和。

沉香 川芎 桂心 槟榔 川归 干姜
五钱 人参 草豆蔻 枳实 白茯苓 前胡
黄芪三分 柴胡 诃勒皮 附子 甘草
五味子一两 半夏姜汁炙，二两

生姜大枣水煎三钱，空心温服，日二。

天冬丸 治气劳，咳嗽喘促，下焦虚损，上焦烦热，肌瘦。

天冬 麦冬 熟地 鳖甲二两 人参
牛膝 黄芪 山药 杏仁 白茯苓 五味子
石斛 枸杞 诃勒皮一两 沉香 紫菀
肉苁蓉酒洗去甲，三分

共末，入蜜捣丸，如小豆大，空心，煎大枣汤下二十丸，日二。

人参陈皮汤 治气劳，心胸烦闷，痰涎壅塞，不思食，头目昏眩。

人参 陈皮 白芍 前胡 柴胡 鳖甲
枇杷叶炙，三分 半夏 白茯苓一两 大腹
皮一枚，全用

姜枣水煎三钱，空心温服。

急 劳

论曰：急劳之病，其症与热劳相似，而得之差暴也。缘禀受不足，忧思气结，荣卫俱虚，心肺壅热，金火相刑，脏气受克，或感外邪，故烦躁体热，颊赤心忪，头痛盗汗，咳嗽咽干，骨节酸疼，久则肌肤消烁，咯涎吐血，皆其候也。故名急劳。

青蒿饮 治急劳，烦躁壮热，四肢无力，酸疼。

青蒿三两 山梔 甘草五钱 地骨皮一两
桃枝心 柳枝心各二两

乌梅水煎三钱，空心温服。

猪肝丸 治急劳瘦瘁，日晚寒热，惊悸烦渴。

雄猪肝二具，去筋膜，切片 生甘草十五两，为末

将肝为末，拌匀，入童便五升，浸一伏时，慢煮干，捣丸，梧子大，空心饮下二三十丸，日三。

葱白饮 治急劳，潮热盗汗，肌肉消瘦。

葱白 薤白 炙甘草七寸 青蒿心七枚
杏仁去皮尖，炒研，七粒

用童便浸一宿，煎服。

皂荚丸 治急劳，咳嗽痰涎，食少无力。

猪牙皂一两，去皮炙 蛤蟆一枚，要青黄肋畔纹如金色者，去肠，挂风处阴干 麝香另研，一钱

各研末，和匀，入羊肠内扎定，碗盛，安甑内，蒸极烂，研杵极细，为丸，约有二百余粒，每服熟水空心下二三丸。避风取汗。良久泻血，汗出去衣被，用白粥将息调养。合药用五日或天德日，忌见女人、鸡犬。

风 劳

论曰：风劳者，即肝劳之类也。盖肝主风，风善行而数变，无所不至。劳伤之人，气血俱虚，风邪易侵，或游行皮肤，或沉滞脏腑。其病令人手足顽痹，筋脉拘急，头旋目暗，好怒多惊，寻觅衣缝，卧语狂呼，爪甲

枯，目黯黑，是其症也。故名风劳。

败龟版汤 治风劳气虚，咳嗽发热。

败龟板醋炙 白芍 防风 川归 海桐皮 虎骨酥炙 木通五钱 桂心 木香 酸枣仁 黄芪 麻黄去根节 大腹皮全用 牛膝一两

水煎五钱，入青蒿、乌梅肉少许，空心温服。一方加熟地、柴胡一两。

天麻散 治风劳，气虚不顺。

天麻 附子一两 甘草 乌头 麻黄三两 羌莨仁炒 柴胡 秦艽 前胡 鳖甲青蒿四两

将药粗捣末，用雄猪脊骨一条，白酒一斗，同煮干，去骨为末，空心，酒下三钱，日二。

茵陈蒿散 治风劳七种，冷气六极等疾，脾胃虚寒，不思饮食，痞痢、休息痢，二便秘涩，及屢年不差者。

茵陈蒿 人参 白术 石斛三分 白茺藟 吴茺莢洗炒、一两 白芍药 桂心 防风 桔梗五钱 紫菀 柴胡去芦，三分 犀角三分 共末，用猪肝一具，切片去膜，分三服，每入末五钱，葱白、食盐少许，拌匀，湿纸包，煨香熟，细嚼，酒下。

虚劳咳嗽

论曰：虚劳咳嗽者，以肺伤胃弱，营卫衰微，气不温充故也。肺主气，为五脏之盖，其脉环循胃口。肺脏劳伤，则令人咳嗽上气，或吐脓血，寒热潮作，面赤口干，偏卧喜汗，不能饮食，肌肤消瘦是也。

蛤蚧汤 治虚劳咳嗽，呕吐痰涎，胸膈不利，喘急壅满，呀呷有声，饮食不进。

蛤蚧一对，酥炙 人参 白茯 桑白皮一两 杏仁去皮尖，五两 甘草五钱

姜水煎三钱，空心温服。

阿胶丸 治虚劳咳嗽，发热羸瘦。

阿胶 怀熟地 山药 羚羊角 茯神 百合 地骨皮 五味五钱 麦门冬 人参

牡丹皮 远志三分 蛤蚧 对，酥炙 柏子仁炒 共末，蜜柞为丸，如弹子大，每服一丸，细呷，日二。

虚劳痰饮

论曰：虚劳之人，阳气不足，水饮下咽，入于胃府，不能流传，致多痰饮。其候胸膈痞闷，肩息短气，怠惰嗜卧，心下悸动，咳嗽痰水，不欲饮食是也。治宜调顺三焦，升降阴阳，使气道流通，痰饮自化。

人参半夏汤 治虚劳，脾胃不和，痰饮留滞，心胸烦闷，呕吐痰涎，头昏目眩，不思饮食。

人参 半夏姜汁炒 赤茯一两 大腹皮二枚 前胡 白芍 陈皮去白炒 柴胡 鳖甲醋炙，三分 枇杷叶去毛，炙

姜水煎三钱服。

虚劳寒热

论曰：虚劳寒热者，以脏腑久虚，阴阳交争，营卫不足，以致阳气胜则热，阴气胜则寒，阴阳相胜，故寒热互作。

秦艽丸 治寒热虚劳，四肢无力，面色枯瘁。

秦艽二两 黄芪 桂心 白芷 柴胡 鳖甲 肉豆蔻 桔梗一两 人参 荆芥穗 麦冬 甘草 川归 海桐皮 白芍 熟地 枳壳 木香 沉香 枣仁 槟榔五钱

姜水煎三钱，空心温服。

前胡汤 治虚劳，营卫不和，寒热消瘦，肢体烦疼，头目昏眩，饮食无味，多困少力。

前胡 人参 羌活 独活 枳壳 柴胡 桔梗炒 鳖甲一两 甘草五两 石膏 旋复花两半

水煎三钱，温服。

柴胡汤 治虚劳寒热，羸瘦，不下食。

柴胡 白茯三两 人参 麦冬两半 白术 枳壳二两，炒

生姜大枣水煎三钱，空心温服，日二。

虚劳潮热

论曰：虚劳潮热者，潮作有时也。此由阴阳不和，气有偏胜。其候头面翕赤，体热潮躁，卧寐不安是也。

柳枝汤 治虚劳烦躁，少力痰嗽，面颊红赤，潮热盗汗，饮食无味，五心烦热，百节疼。

柳枝 柴胡 鳖甲二两 木香 甘草 青皮 大黄炒，五钱

水煎四钱，入青蒿、小麦温服。

羚羊角汤 治虚劳潮热，五心烦躁，口干，咽喉不利。

羚羊角 人参 白茯苓 柴胡 鳖甲醋炙 麦冬 枣仁去壳炒 地骨皮 羌活 怀生地 陈皮去白炒 知母 炙 甘草 葛根 黄芪一两

姜水煎三钱，空心温服，日二。

柴胡汤 治虚劳，营卫不和，潮热盗汗，面黄痿瘦，四肢骨节疼痛，多困少力，饮食少。

柴胡 知母 甘草 鳖甲醋炙，一两 秦艽两半

大枣水煎三钱，空心温服，日二。

鳖甲猪肚丸 治虚劳潮热，唇红颊赤，呼吸气粗，口干，盗汗，大小便秘涩，饮食减少，困乏。

鳖甲九肋，醋炙 柴胡 广木香 青蒿 怀生地一两 川连炒，二两 青皮去白炒，五钱

共末，用雄猪肚一具，去脂，用盐揉洗净，入末药于肚内，扎定，蒸极烂，入石臼中捣千杵，丸梧子大，空心饮下二三十丸，日二。

虚劳盗汗

论曰：眠寝之间汗出，盗人气血，久则津液枯耗，谓之盗汗，此盖虚劳之人，阳气外虚，风在肌表，腠理虚疏，心气不足故也。不治，则营卫衰损，肌肉消瘠，变为羸瘠。

麻黄根汤 治虚劳盗汗不止，四肢困乏无力。

麻黄根 牡蛎蜜便淬 黄芪各等分 水煎三钱，入葱白三寸，温服。

黄芪汤 治虚劳盗汗不止，及阳虚自汗。

黄芪蜜炙 人参一两 麻黄根二两 牡蛎蜜便淬，三两 地骨皮五钱

大枣水煎三钱，空心温服，日二。

车前子散 治虚劳盗汗，咳嗽潮热。

车前子炒，五钱 木贼草炒 兔丝子酒浸，一分 椒目炒，一两

共末，用生猪肉精者一两，切片，入末二钱，拌匀，湿纸包，煨熟服。

虚劳咳嗽脓血

论曰：虚劳之人，气血久耗，寒邪僭热，伏结上焦，内伤心肺，残贼营卫。心主血，血为营；肺主气，气为卫。营卫不调，金火相克，其病难治。则因咳嗽间有脓血者，津液腐也。宜润养上焦，滋益营卫，则病缓而可已。

萎蕤汤 治虚劳咳嗽，咯吐脓血。

萎蕤 百部 人参 知母 桑皮一两 阿胶 马兜铃 麦冬 白茯苓五钱

水煎三钱，入乌梅肉、生姜。

蛤蚧汤 治虚劳咳嗽，咯吐脓血。

蛤蚧 贝母 杏红去皮尖，炒 知母 鹿角胶 人参 枇杷叶去毛炙 桑白皮 甘草 葛根一两

共末，水煎三钱，温服。

白前饮 治虚劳咳嗽，上气壅热，咯吐脓血。

白前二两 桔梗 桑白皮一两 白茯苓 杏仁两半 甘草一两

水煎服。

通神汤 治虚劳咳嗽不止，肺气损伤，咯吐脓血，痿瘦。

白茯苓 枳实 人参 甘草 秦艽 柴胡一两 生地两半 土马驢二两

水煎三钱，温服。

虚劳呕吐血

论曰：血与气相随而行，外养肌肉，内荣脏腑。若脏腑劳伤，则血液妄行，损轻则随吐而出，损极则血下于胃，因呕而出，胸膈气逆，甚乃吐血。盖虚劳之人，脏气内伤故也。

香胶散 治血劳，内伤吐血。

阿胶 鹿角胶 枳实同上，用糯米炒 人参 荷叶 黄药去皮，麸炒 蒲黄生，一两，四味同末同研，藕汁下一钱，日二。

人参散 治肺脏虚劳，吐血。

人参去芦，五钱 黄蜀葵一两
共末，空心，米饮下一钱，晚再下。

独圣散 治虚劳，咯血、吐血不止。

枫香脂不拘多少，研

用人参糯米饮空心下一钱，日二。

箬叶散 同上。

箬叶烧灰，一两 麝香研，一钱

同研匀，用人参阿胶汤下一钱，日二。

虚劳不得眠

论曰：老人卧而不寐，少壮寐而不卧者何者？少壮者，血气盛，肌肉滑，气道通，营卫之行不失其常，故昼日精而夜寐也。老人，血气衰，肌肉枯，营卫之道涩，五脏之气相搏，其营气衰少，而卫气内伐，故昼不能精而夜不得寐也。虚劳之人，气血衰少，营卫不足，肌肉不滑，其不得眠之理与老人同。

半夏汤 虚劳烦躁不得眠。

半夏二两 白茯苓四两 糯米炒黄，一合
生姜水煎三钱，温服，日二。

陈皮汤 治虚劳，昼夜不得眠，短气，食不下，大病后虚热痰冷。

陈皮一两 半夏五钱 川芎分半 甘草半分

姜水煎五钱，入竹茹一九，日二。

酸枣仁煎 治虚劳，心热，忧惧不得眠。

酸枣仁二两半，炒 乳香二两，炙，去油 牛黄另研，一分 丹砂五钱，飞过 糯米炒，二合 白蜜四两

共末，同白酒半斤，入蜜与末，慢火煎，如稀汤，勿令焦，收贮。空心，酒下一匙，日二。

酸枣仁丸 治虚劳，心烦热，口干，忧惧不得眠。

酸枣仁微火炒 地榆炭微炒，五钱

共末，入蜜杵为丸，如小豆大，空心，米饮下三十丸，晚再下。茶下亦可。

虚劳失精

论曰：经曰：肾者主蛰，封藏之本，精之处也。盖肾受五脏六腑之精而藏之，气盛则输泻有常。虚劳之气，精脏已亏，邪气乘之，则藏者不固，或于梦寐便溺，漏失无常。其症小腹强急，阴头寒冷，目痛发落，脉数而散，疝动微紧，是其候也。

韭菜子散 治虚劳损，小便失精，及梦泄等症。

韭菜子一两 麦冬一两 川芎三分 兔丝子酒煮，一两 车前子微炒，一合 白龙骨煅，三分
共末，酒下二钱，日二。

韭菜子丸 治虚劳漏精。

韭菜子炒 兔丝子 天雄 车前子 龙骨一两 黑干姜 桑螵蛸炙 鹿茸三分

共末，蜜丸，梧子大，黄芪汤下二十丸。

白龙骨散 治元气虚弱，精泄不禁，腰脊疼痛。

白龙骨 肉苁蓉 补骨脂一两 兔丝子酒煮，五钱 韭菜子炒，五钱

共末，酒糊丸，梧子大，空心酒下三十丸。

正阳丸 治阳气虚损，下元冷极，精泄不禁，小便频数，腰脚无力，饮食减少，困乏。

白马茎酥炙 鹿茸二两 附子 肉苁蓉一两 巴戟天 石楠 葫芦巴 牛膝 五味子

三分 韭菜子 石斛五钱 木香两半

共末，蜜丸，梧子大，酒下二十丸。

金锁丸 治虚劳失精。久服，补骨髓，去肾邪。

巴戟天 白龙骨 山萸肉一两 韭菜子四两

共末，蜜丸，梧子大，空心酒下三十丸。

固气不二丸 治虚劳，元气衰弱，精气滑泄，梦中遗泄。

干柿 鸡头舌鸡头簪下尖也 金樱子 莲蕊一两

共末，用乌鸡子汁杵丸，梧子大，空心，酒下二十丸，日二。

韭菜子散 治虚劳梦泄，日渐消瘦。

韭菜子炒，一合 人参 大枣 黑干姜 黄芪 赤芍 白龙骨炒 半夏姜汁炒 川归 甘草一两

共末，入蜜杵，小豆大，空心，酒下三十丸，日二。

鹿茸丸 治虚劳，肾气虚乏，失精，腰脚无力，小便数。

鹿茸 补骨脂一两 附子 牛膝 桑螵蛸 杜仲盐酒炒 山药 兔丝子 桂心 黄芪 肉苁蓉酒煮 怀熟地 远志一两 白龙骨 泽泻 黑干姜 防风 牡蛎童便淬，三分

共末，入蜜杵丸，梧子大，空心，酒下二三丸，日二。

虚劳小便白浊

论曰：虚劳小便白浊者，肾气劳伤，胞络内冷，气道不宜通也。肾主水，肾虚则胞冷而津液停滞，故令小便白浊如米脂而下。

泽泻散 治大虚损内伤，肾气不足，小便浊。

泽泻 白龙骨 车前子 桑螵蛸炙 狗脊一两

共末，酒下二钱。

七圣丸 治虚劳，下元虚冷，小便浊，精滑不禁。

原蚕蛾 牛膝 白石脂 白龙骨 桑螵蛸五钱 肉苁蓉 山药一分

共末，酒煮糊，丸梧子大，空心，酒下二十丸，日二。

黄芪丸 治虚劳有热，虚烦口干，腰膝痛，便浊如米泔。

黄芪 茯神 羚羊 牡蛎 甘草两半 川连 栝蒌根二两 苦参二两半 鸡胞脬黄皮五枚，炙

共末，入蜜杵丸，梧子大，饮下三十丸。

人参汤 治肾虚引饮，便浊腰痛。

人参 五味子 川芎 川归 远志 泽泻 桑螵蛸 桂心 熟地一两 白芍 片苓 白茯 鸡胞脬黄皮炙，五钱 麦冬二两

水煮羊肾一对，取汁，入姜枣，煎药五钱，温服，日二。

白淫

论曰：《内经》谓：思想无穷，所愿不得，意淫于外，入房太甚，宗筋弛纵，发为筋痿，及为白淫。夫肾藏精，以慓为事，志意内治，则精全而蓄出。思想外淫，房室太甚，则固者摇矣，故使淫沃不守，随洩而下也。然本于筋痿者，宗筋弛纵故也。

金锁丸 治下元虚冷，小便白淫，梦遗。

原蚕蛾 韭菜子 补骨脂二两 白龙骨 牛膝 桑螵蛸 山茱萸 兔丝子 肉苁蓉一两

共末，入蜜，丸梧子大，酒下三十丸。

秘真丸 治精气不固，白淫不止。

白龙骨 砂仁五钱 诃勒皮五枚 丹砂飞，一两

共末，用糯米粥丸，梧子大，丹砂为衣，空心，热酒下二三丸，不可多服。若大便不道，欲通，用葱白汤点茶服之，即通。

龙骨汤 治白淫遗泄，无故自出。

龙骨五两 人参 白茯 甘草 熟地 桂心 牡蛎一两

水煎五钱，空心温服，日二。

石斛散 治阳气虚惫，白淫不止。

金钗石斛三两 巴戟天 兔丝子二两
杜仲盐酒炒 桑螵蛸炙，两半
共末，空心，酒下一钱，日二。

筋 极

丹参汤 治筋实极，脚下肿满而痛，不能远行，脚心如割筋断折，痛不可忍。

丹参 木通 生地 麦冬 麻黄去根节
川芎 杜仲 牛膝 续断 地骨皮 禹余粮醋淬七次 桂心 川归一两 牡蛎童便淬 甘草五钱

姜水煎五钱，温服，日二。

地黄煎丸 治足厥阴经有余，筋实极，足下满痛，四肢筋急。

生地汁六升 天冬汁三升 生姜汁 白蜜 鹿髓 黄牛酥 枣肉取膏，各三合 醇酒升半 茯神分半 枳壳 川芎二分 金钗石斛 黄芪一两，炙 甘草炙，一两

上六味，共末。先将前三汁与酒并煎，减半入蜜，髓酥膏同熬，如稠糖，再下六末，重汤，不住手搅匀，丸梧子大，空心，酒下三十丸。

气 极

甘露丸 治肺脏气极，风热所伤，津液不通。

甘草炙 怀生地 天冬 大黄蒸，一两 远志 桑白皮炙 防风 地骨皮 羌活 秦艽三分 羚羊 胡黄连五钱

共末，入蜜杵丸，梧子大，空心，姜汤下二十丸，日二。

脉 极即血极

镇心丸 治脉极惊悸。

丹砂 铁粉 人参 远志五钱 茯神一两 虎睛一对 琥珀研 牛黄 冰片一合 金箔 银箔廿张

共末，入枣肉杵，丸梧子大，丹砂为衣，

金银汤空心下十丸。服之安五脏。

桑皮沐头汤 治脉极虚寒，须发堕落。

桑白皮二升

用井华水渍一宿，煮汤沐须发，极佳。

柏叶沐头丸 治脉极虚寒，鬓发堕落。

生柏叶一两 附子五钱 猪膏五钱

共末，入猪膏，丸作二十丸，每用一丸，入沐汤中，洗头，令发长不落。

肉 极即肌极

防风汤 治肉极，肌肉变色，舌强阴缩，脚膝痿弱。

防风 独活 白茯苓两半 人参 川芎 五加皮 干姜 桂心 甘草 川归一两 附子五钱

共末，酒煎四钱，空心服。

石南散 治肉极实热，身上如鼠走，风痹，唇口坏，皮肤变色。

石南一两 山药二两 山萸 升麻 萎蕤两半 石膏 黄芪三两 真珠 天雄 桃花 甘菊 甘草五钱

共末，酒下二钱。

骨 极

酒浸芍药散 治骨极，骨髓中酸疼。

白芍 生地 鹿骨酥炙，二两

酒一斗浸，晒，为末，酒下三钱，日二。

木瓜汤 治骨极，腰脊酸痛，风虚气衰，不能久立，脑髓酸疼。服之，补虚损。壮元阳。

木瓜五枚，去皮子，切片，用晒砂十两，取霜，拌蒸，收贮，每用三两，入后药 雄雀四只，去头足，入醋煮烂，取肉，入干姜、川椒末各二两，同瓜用酒三升慢熬膏

附子 兔丝子三两 木香 沉香 天雄去皮脐制 羌活两半 补骨脂炒，一两 白蒺藜

石斛 天麻酒煮 肉苁蓉酒浸洗 大茴炒，三分

共末，入膏，丸梧子大，盐汤下三十丸。

精 极

地黄饮 治精极，脏腑俱损，遍身虚热，

骨节烦疼。

生地汁 麦冬汁 白蜜二合 竹沥一合
炙甘草两半 片苓 石膏二两半 麻黄去根
节，一两 人参 川芎两半 桂心 川当归一两
水煎五钱，去滓，入汁蜜、竹沥，分二
服。

地黄煎 治精极，脏腑虚羸，骨节烦疼，
精泄不止。益气养神，驻颜色，调血脉。

生地汁五升 白酒一斗，同汁熬成膏 巴戟
天 鹿茸 桑螵蛸炙 肉豆蔻 附子 黄芪
蜜炙，一两 蛇床子 石斛 补骨脂炒 青木香
陈皮 牛膝 五味子三分 沉香 枳壳去
白炒 芡澄茄五钱 肉苁蓉二两

共末，人地黄膏为丸，如梧桐子大，酒
下三十丸。

圣济总录纂要 卷十四

清 新安 程 林云来纂辑
鄞县 曹炳章赤电校点

骨蒸传尸门

虚劳五蒸

论曰：虚劳五蒸者，本热劳之气，热著气血，深连骨髓，侵受五脏，久而不已，各随其脏气之虚，熏蒸而为疾。骨蒸者，本于肾。其症早凉晚热，烦躁，寝不安，饮食五味，小便色赤，喘息无力，腰疼脚冷，手心常热，蒸盛之时，内变为疳，蚀人五脏。脉蒸者，本于心。其证日增烦闷，擗手出足，渴欲饮水，唾白沫，睡语，惊恐，脉数，蒸盛之时，亦变为疳，脐下闷，或暴下不止。皮蒸者，本于肺。其证大喘，鼻干口燥，舌上白苔，小便如血，蒸盛之时，胸满，两肋下胀，背胛疼，卧不安，咳嗽，毒伤脏则唾血。肉蒸者，本于脾。其证体热如火，烦躁无汗，心腹膨胀，食即欲呕，小便如血，大便秘涩，蒸盛之时，身肿目赤，卧不安。肝蒸者，肝气盛也。肝虚则血无所藏，血无所藏，肝亦无所养，使营气涸竭，虚阳内蓄。其证外寒内热，亦名内蒸，按之附骨，即内热甚，骨肉自消，饮食无味，皮燥不泽，蒸盛之时，目暗妄怒，时惊，四肢渐细，足跖肿起。凡此五蒸，与热劳之病大同小异，其治法有不同者，盖蒸病内著骨髓，蒸发皮肤也。昔入论蒸有二十三证，细而推之，脏腑之病，变态多端，皆在于虚，不必拘之。

猪肚黄芪丸方 治骨蒸虚劳、传尸、肺痿，咳嗽不止，困重羸瘦，饮食无味，头痛

口干，涕唾稠粘，渴不止者。

猪肚一具，以童子小便煮，令热，细切，焙干，捣为末，知母、地黄、芩薤仁炒，各二两，紫菀去苗，人黄，炒，槟榔煨，苍术米泔浸焙，鳖甲去裙襕，醋炙，百部，地骨皮，黄芩去黑心，桔梗，贝母，柴胡，白茯苓，黄连，龙胆，人参，黄芪各一两。

上十九味，捣罗为末，炼蜜丸梧子大，每服空腹温酒下二十九。

地骨皮汤方 治五蒸。

地骨皮，白茯苓，麦门冬，柴胡各二两半，赤芍药，甘草炙，令赤，各一两。

上六味，捣筛，每服五钱，水煎，食后分温二服。

茯苓汤方 治心蒸，苦心惊悚栗，男子因读书损心气伤，思虑损心，吐血，心烦多忘，失精神，或身体瘙痒，风癬，或胸中气满。

白茯苓，麦门冬，款冬花，独活，槟榔各六两，桂，防风，防己各五两，甘草炙，枳壳四两，地骨皮去土，十两。

上十一味，锉如麻豆大，每服五钱，以水二盏，先煎山泽银，取水一盏半入药，并生姜半分，切、大枣三枚，掰破，同煎，温服，早晨日晚各一。

麦门冬饮方 治心蒸，心中烦躁，手足热疼，欲露其体，惊悸怵惕，咽干虚渴，面色萎黄，失前忘后，妇人血气衰弱，多传此疾。

麦门冬二两，白茯苓，人参，龙齿，远志各三两，甘草炙，一两，防风，地骨皮各三两。

羚羊角镑末，一两

共九味，锉如麻豆大，每用五钱，以水二盏，入山泽银一分，枣二枚，同煎，取一盏，分温二服。若大患烦热渴燥者，入淡竹沥一合，煎服。若曾经吐血，亦治如上法，一剂无不差。

鳖甲汤方 治男子女人骨蒸热劳，皮肉消瘦，面萎黄，不思饮食，夜多咳嗽，涕唾稠粘，骨节疼痛，憎寒壮热，心腹胀，坐卧不安，发如疟状，女人血风劳等疾。

鳖甲去裙襴，醋炙令黄，二两 秦艽二两 紫苑一两半 柴胡三两 诃梨勒皮煨，一两半 牡蛎 麻黄去根节 犀角 知母 升麻 甘草炙 梔子仁 槟榔锉 木香 当归 桔梗 大黄炒 桑根白皮锉 黄连 桃仁炒 人参 桂 萎蕤 芍药各一两

上二十四味，捣筛，每服三钱，枣一枚、乌梅一个、生姜三片，同煎热服。

鳖甲汤方 治虚劳骨蒸，肌瘦盗汗，潮热咳嗽，或即吐血，肢体倦怠，饮食不下，及室女劳热，经血不行，时发潮热，烦躁虚渴。

鳖甲九肋大者一枚，浸一宿，去裙襴骨，更蘸醋，炙令赤，用二两半 人参 柴胡各二两 白茯苓 地骨皮 枳壳 生干地黄 牡丹 百部 芍药 牛膝 贝母 黄芩 栝蒌根 当归 山梔仁 桔梗 陈橘皮 麦门冬 天门冬 紫苑 白术 桂去粗皮 桑白皮 槟榔各三分 大黄 甘草炙，各半两 京三棱一两五钱 草豆蔻五枚，去皮 天灵盖酥炙黄，一两

共三十味，捣为粗末，每服五钱，生姜半分、枣三枚同煎，稍热服，空心临卧服。按方中劳证用天灵盖甚多，此物人所不忍。其意为传尸杀虫也。今择其方可用者，亦备一二，余俱不取。

鳖甲猪肚丸方 治骨蒸，唇红颊赤，气粗口干，遍身肿热，或多虚汗，大肠秘涩，小便赤黄，饮食全少。

鳖甲去裙襴，醋炙 柴胡 木香 青蒿 生干地黄各一两 黄连二两 青橘皮去白，半两 共七味，捣罗为末，用猪肚一枚，去脂

膜，净洗，入药末在内，系定，蒸令烂熟，入白杵千百下，为丸如绿豆大，每服十五丸，温水下，食前日午临卧各一服。

紫雪方 治骨蒸，痲疾瘟疫，寒热症病，五尸五注，心腹绞刺，蛊毒魅鬼，一切热毒脚气，闷乱攻冲，烦热，口中生疮，狂阳叫走，乃解诸毒，兼金石草药，热毒发黄，瘰癧热疼痛，一切热病方。与《和剂局方》略不同，原方黄金壹百两。

金十五两 银十五两 寒水石 石膏 磁石 滑石各三斤

上四石药同捣碎，后以金银共六味一处，以水一石煮，取一斗，去金银并石滓，入后药味。

木香一两 犀角五两 丁香四两 沉香五两 甘草炙 升麻 玄参各一斤

上七味，除前六味外，用水三升煮，取一斗，绞，去滓净，与前药汁相和，即内芒硝五升，细研入药汁，慢火同煎，手不住搅之，可有一斗余，即投入盆器内盛，欲凝，内水飞丹砂末三两、麝香末一两一分，同砂如粉面和匀，盖覆之，二日成霜雪矣，曝干，以新盒或瓶内密封盛贮之，有病，即取强人服一钱，冷水和服，以意随人强弱增损之。脚气病，或增服石药发动毒闷者，服之，水和半钱，如神。凡服讫即仰卧，以物撑腰令高，使药向胸府间。若患眼赤及热痛者，以冷水和之，点眼，大小眦初著微痛，少时泪出自定，日三五次用，夜亦如之，即无不效。口内生热疮，含如杏核许，令消痛止。按《局方》有硝石，即火硝也。药品有追魂之妙，深于玄理者知之。

骨蒸肺痿

论曰：骨蒸肺痿者，由营卫虚损，蕴热熏蒸上焦，传播胸膜，使人肺热叶焦，发为肺痿。其证咯唾脓血，胸满短气，咳嗽咽痛，寒热往来，不能饮食是也。

秦艽扶羸汤 治肺痿骨蒸，已成劳嗽，或寒或热，声哑不出，体虚自汗，四肢怠惰。

软柴胡二钱 人参 鳖甲醋炙 秦艽
当归 紫菀 半夏各一钱 地骨皮一钱半 甘草五分

上用水二盅,姜三片,乌梅、大枣各一枚,煎七分,食后服。如热甚者,加青蒿;汗多者,加黄芪,去半夏、生姜二味。

人参养荣汤 治肺痿咳嗽有痰,午后热,并声嘶者。

人参去芦 阿胶蛤粉炒 贝母 杏仁 桔梗 茯苓 桑皮 枳实 甘草以上各一钱 柴胡二钱 五味子十二粒

上水二盅,生姜三片,枣二枚,煎至一盅,食远服。

保和汤 治骨蒸久嗽,肺热成痿。

知母 贝母 天门冬去心 麦门冬去心 款冬花各一钱 天花粉 薏苡仁炒 杏仁去皮尖炒,各五分 五味子十二粒 马兜铃 紫菀 桔梗 百合 阿胶蛤粉炒 当归 百部各六分 粉草炙 紫苏 薄荷各四分

上水二盅,姜三片,煎七分,入饴糖一匙,食后服。吐血,或痰带血,加炒蒲黄、生地黄、小蓟。痰多,加橘红、茯苓、萎仁。喘,去紫苏、薄荷,加苏子、桑皮、陈皮。

知母茯苓汤 治肺痿喘嗽,往来寒热,自汗。

知母 白术各八分 茯苓去皮 五味子 人参 阿胶各五分 款冬花 桔梗 麦门冬 黄芩各七分 半夏汤泡七次 柴胡 甘草炙,各一钱 薄荷 川芎各五分

上水二盅,姜五片,煎至一盅,食后服。

传尸骨蒸

论曰:传尸骨蒸,有十二种、二十二种、三十六种,或九十九种之异,其病皆起于骨蒸内热,或五脏次第相传而成,皆令人寒热,盗汗,梦与鬼交,遗精白浊,发干而耸,或腹内有块,或脑后有小结,复连数个,或聚或散,沉沉默默,咳嗽痰涎,或咯脓血,如肺痿肺痛状,或下利羸瘦,自汗盗汗,目昏

耳鸣,饮食无味,口内生疮,心烦腰痛,五心烦热,朝轻夕重,累年积月,以至于死,死复传注亲属,乃至灭门者是也。

五癆麝香散 治男子妇人,传尸骨蒸,实热。

天灵盖 麝香 甘草 东引桃枝 东引柳枝 石榴皮各一握 青蒿 犀角半两 阿魏 柴胡各一两 葱白 薤白各七茎

上十一味,除麝香外,锉碎,同用童小便二升半浸一宿,别入槟榔末三钱,同煎至一升半,去滓,分温三服。男病女煎,女病男煎,勿令孕妇六畜见。初服讫,如人行五里,又进一服。恐恶心,可含白梅。病在上即吐,病在下即泻出,各恶物如虫类及头发、马尾状,兼身如蚁行。泻后以葱粥及软饮补之,仍服后方获神汤,调和五脏,避风一月。若远年重病,不过两剂。其吐下虫,腹红色可治,黑色或差或否,白色者不可治也。

获神汤方 治传尸骨蒸,先服麝香散,取虫后,服此方补五脏。

获神 人参 远志 甘草炙 陈橘皮 当归 龙齿 干熟地黄各一两 五味子 麦门冬 桂各一两半 黄芪二两

上十二味,每服五钱,入枣七枚,生姜五片同煎,空心温服,日三。

珍珠丸方 治传尸骨蒸,咳嗽上气,痰喘寒热,四肢瘦弱。

珍珠末 獭肝 获神 贝母 柴胡 龙胆 黄连 芍药各一两半 白槟榔煨 旋复花各一两

上十味,捣罗为末,炼蜜和丸,如梧桐子大,每服十五,食后温水下,日再。

黑虎丸方

干虾蟆一枚,头足分为两段,一半生一半酥炙黄 蛤蚧一对,各取一半,并去头,泥涂酥炙黄 芦荟研 天灵盖酥炙 雄黄研 白狗粪炒黄 麝香研,各一分 乌驴蹄炙干,二两 乳香一两半 猪胆一枚,取汁于碗中,慢火煨如膏,和药

上十味,捣研,九味为末,合匀细,以

猪胆膏同粟米饭为丸，如梧桐子大。先吃热面一碗，次以茅根香水沐浴，次以砂糖、麝香少许调冷水一盞，投药一丸，于是月下浸一宿，平旦空腹服之，厚被盖卧，应是传尸冷劳者，脊骨中出白虫，或出赤虫。若骨蒸刚汗出，腰脚疼痛不遂，脚下出汗如胶漆。诸风气水病，并服一粒。若小儿无辜，可服半粒。如前法，有虫出鼻内，如线状，是效。

乌鸡丸方 治传尸劳，尸注骨蒸，眼目昏涩，面色青黑，咽喉噎塞，痰涕咳嗽，或疮癖攻刺疼痛，胸膈满闷，时或恚怒，或多感伤，情思不乐，梦寐虚惊，精藏滑泄，失血，憎寒潮热，盗汗，肩背拘急，腰臂肢节烦疼，四肢少力，不喜饮食，小便黄色，大便不通，乍进乍退，服取虫药后宜服此。

黄连 附子去皮脐，各二两 柴胡 白附子 当归 秦艽 槐胶 甘草炙 苡蓉酒浸，切焙 续断 远志 巴戟天各一两 乳香 陈橘皮 雄黄研 丹砂研，各半两 丁香 干姜炮，各一分

上十八味，捣研极细，先养雄乌鸡一只，以雄黄三两为末，分作三十分，每日拌饭，喂一月，日用麻子一升，喂尽宰治，去毛及嘴爪并肠肚，留心肝，将前药末入在鸡腹内，以麻线缠定，再用无灰酒一斗，银器石锅内用文武火煮，令鸡熟，取出，除去粗骨，将鸡并腹内药同细研，更将鸡骨焙干，捣罗为末，同研药和入臼中，杵千百下，丸如梧桐子大，每服二十丸，以暖酒吞下，空心，日午临卧各一服。

传尸劳

论曰：传尸劳者，骨蒸之病，流传五脏也。其证殓溺，半卧半起，且即醒然，午后微热，情常不悦，心多惊悸，夜即盗汗，梦与鬼交，两颊红赤，唇如血色，睡不得卧，欲食不能，食或喘急咳嗽，心胸满闷，背膊烦疼，两目精明，四肢无力，脊臂拘急，膝胫酸疼，两肋虚胀，时或微利，鼻干口燥，渐

至尪羸，虽死在须臾，精神尚爽，是其候也。治之若缓，犹如水涸，不觉其死。

苏合香丸 治肺痿，客忤鬼气，传尸状连殓溺，及卒得心痛，霍乱吐利，时气，诸疟，瘀血月闭，痲癖，水肿，惊邪气，狐魅，瘴疔诸疾。

苏合香 白术 丹砂 沉香 诃梨勒肉 丁香 木香 莎草根 白檀香 乳香 草茛 犀角镑 安息香各一两 麝香研 龙脑研，各半两

上十五味，捣研为末，炼蜜和丸，如鸡头实大，每服一丸，温酒或人参汤嚼下。一名白术丸。此药大能安气血，却外邪。凡疾自内作，不晓其名者，服此往往得效。虽治气注、气厥、气逆、气不和、吐利、营卫阻塞，尤有神功，人家不可无此药，以备急难。辟疫尤验。仓卒求人参不得，白汤亦可，勿用酒。上方虽云用酒，酒下口，多不效。昔有人病瘵，凡渐羸消，至于骨立，肌热盗汗，劳状皆具。凡服八九两，所苦都差。一方用牛黄半两。古方本无，乃后人加之。

诸疝门

寒疝

论曰：寒疝为病，阴冷内积，卫气不行，结于腹内，故遇寒则发。其状恶寒，不欲食，手足逆冷，绕脐痛，白汗出。

蓬莪茂汤方 治寒疝四肢逆冷，气弱汗出。

蓬莪茂 一两 干姜半两 附子去皮脐，一两 芍药三分 桂 一两 白术三分 槟榔一两 芍药一两

共八味，锉如麻豆，每服三钱，水煎温服，不拘时。

人参汤 治寒疝冷痛，气弱汗自出，不欲食。

人参 白茯苓各一两 蜀椒去目炒 干姜

各半两 附子去皮脐 槟榔 青橘皮汤浸去白
白术各一两

上八味，锉如麻豆，每服三钱，水煎温服，不拘时。

乌头汤 治寒疝满逆，手足不温，遍身疼痛。

乌头大者，五枚，去皮尖，生用 白蜜一斤 桂心二两

三味，先以慢火煎蜜及乌头，候蜜减半，去乌头，别就一处，以水三盏煮桂，候减半，滤去桂，将桂汁共和，别煎，取二盏许，服时每用半盏温服，未知再服。其知如醉状，得吐为中病也。

高良姜汤 治寒疝卒痛，积聚不散，上冲心胸，与阴相引，痛则汗出。

高良姜 槟榔 木香 当归各一两半
吴茱萸炒，一两

上五味，捣筛，每服三钱，水煎温服。

心 疝

论曰：《内经》谓：诊得心脉而急，病名心疝，小腹当有形也。心为牡脏，小肠为之使，故曰小腹当有形也。脏病必传于腑。今心不受邪，病传于腑，故小肠受之为疝而痛，小腹当有形也。世之医者，以疝为寒湿之疾，不知心气之厥亦能为心疝。心疝者，当兼心气以治之。

当归汤 治心疝，心痛虚冷，烦闷。

当归 干姜 赤芍药 黄芪 蜀椒去目
人参 半夏为末，姜汁作饼子，焙干 附子去皮脐
青橘皮去白 甘草炙，各一两 厚朴姜汁炙，二两 桂心半两

上十二味，咬咀如麻豆，每服三钱，水煎温服，不拘时候。

牡丹丸 治心疝，心痛如锥所刺。

牡丹皮 桂心 芍药 乌头去皮脐 细辛 甘草炙 木香 吴茱萸汤浸，焙干 槟榔各一两

上九味，捣罗为末，炼蜜为丸，梧桐子

大，每服二十丸，温酒下，不拘时。

蓬莪茂煮散 治心疝，心痛，肢体虚冷。

蓬莪茂 槟榔 附子 甘草炙 桂心各一两 胡椒半两 芎藭 白术各三分

八味，捣罗为散，每服二钱，水煎温服。

橘皮益智汤 治痼冷在内，阴气交攻，心痛如刺。

青橘皮去白 益智去皮 乌头去皮脐 威灵仙各一两，去土

上四味，锉如麻豆，每服三钱，生姜三片，盐少许同煎，温服，食前，日二。

厥 疝

论曰：《内经》谓：黄脉之至也，大而虚，有积气在腹，中有厥气，名曰厥疝。女子同法得之，疾使四肢汗出当风。夫疝藏疾隐而难见，阴沉而伏也。今脾虚风寒客于腹膜之间，不能与胃通行水谷之气，结而成积，使气道厥逆而痛，故谓之厥疝也。

山茱萸丸 治厥疝，上抢心腹冷痛。

山茱萸 吴茱萸炒 食茱萸 楝实麸炒 马兰花 荜香子 青橘皮 橘红焙 京三棱 干姜各三分 附子一枚，重半两者，去皮脐

上十一味，捣罗为末，醋煮，面糊和丸，如梧桐子大，每服二十丸，酒或盐汤下，空心服。

木香汤 治厥疝，逆上攻腹冷痛。

木香 槟榔 乌头 细辛 当归 吴茱萸炒 枳壳麸炒 甘草炙，各一两

共八味，咬咀，如麻豆大，每服三钱，水煎，温服。

寒疝心腹痛

论曰：疝者痛也，本缘寒气内积，阳衰阴盛，不得散释，寒邪因得攻击，或上抢心，或腹内刺疼，发即俱痛，故名寒疝心腹痛也。

人参汤 治寒疝心腹痛，胸胁支满，不下食，汗出，呕逆。

人参 白茯苓 槟榔 木香 芍药 芎

芎 当归 桂心 青橘皮去白，各一两
共九味，每服三钱，水煎，温服，不拘时。

蜀椒汤 治寒疝心腹痛，不可忍。

蜀椒去目炒，二百粒 附子一枚，去皮脐 梗米半盏 干姜半两 半夏汤洗七遍，去滑，切捻，十二枚 甘草炙，一两

共六味，咬咀如麻豆，每服五钱，入生姜半分、枣二枚同煎，温服。

地黄汤 治寒疝心腹痛，汗出厥冷。

生干地黄三两 甘草炙 白茯苓 人参 当归各二两 羊肉去脂，切，三斤

上六味，前五味细锉，将羊肉用水二斗煮，取汁一斗，去羊肉，入诸药，煮取七升，入葱白一把、枣十四枚，再煎，取六升，绞去滓，温服，一盏，不拘时。

当归汤 治寒疝心腹痛，里急。

当归三两 生姜五两 羊肉去脂膜，切作片，一斤

三味，以水一斗煮，取五升，去滓，每服一盏，不拘时，日三夜一。

七 疝

论曰：疝病有七：厥逆，心痛足寒，饮食即吐者，名厥疝。腹中气满，心下尽腹，气积如臂者，名坚疝。寒饮则腹中脇下尽痛者，名寒疝。腹中乍满乍减而痛者，名气疝。腹中痛在脐旁者，名盘疝。腹中痛，在脐下有积聚者，名肘疝。小腹与阴相引而痛，大便难者，名狼疝。凡此七疝，皆寒气内积，血气凝涩，不得通利，冷剧则痛，故皆谓之疝。《难经》曰：任之为病，其内苦结，男子为七疝，女人为瘕聚。盖以此也。

桃仁汤 治诸疝。

桃仁去皮尖双仁 吴茱萸炒 陈橘皮去白 海藻洗去盐 白茯苓 羌活 蒺藜子炒去角，各三两

共七味，每服三钱，生姜、大枣同煎，温服。

厚朴丸 治七疝，肢体寒，脐腹坚痛，满闷。

厚朴姜汁炙 附子去皮脐 茴香子炒 白术 桂心 干姜 枳壳 青橘皮 芎藭 乌头去皮脐 木香 当归各一两

上十二味，捣罗为末，炼蜜丸，如梧桐子大，每服二十丸，温酒下，姜汤亦可。

蛊 病

论曰：经谓脾风传之肾，病名疝瘕，小腹冤热而痛，出白，一名蛊。夫脾受风邪，传于肾经，邪热内炼，故其征小腹冤热而痛。其精失守，故其证洩出白液，痛名曰蛊。以邪热内炼，其精不守，久而弗治，适以丧志也。水之精为志，志丧则精从之。《左传》谓惑以丧志为蛊者如此。

大建中汤 治蛊病，小腹急痛，便溺失精。

黄芪 远志 当归 泽泻各三两 芍药 人参 龙骨 甘草炙，各二两

八味，锉如麻豆，每服五钱，生姜三片、枣二枚，水煎，温服。

泽泻丸 治蛊，小腹冤热而痛，精气不守，洩便出白。

泽泻 补骨脂炒 巴戟天 五味子 石斛 芍药 人参 龙骨 甘草炙，各一两

共八味，为末，炼蜜丸，如梧桐子大，每服三十丸，温酒或盐汤下，空心，日午临卧各一服。

干地黄丸 治蛊病，精气不守，便溺出白，小腹冤热而痛。

熟干地黄二两 钟乳粉半两 龙骨 兔丝子酒浸一宿，别捣 磁石火煨醋淬七遍 芍药 黄芩各一两

上七味，捣罗为末，酒煮，面糊丸，如梧桐子大，每服二十丸，酒或盐汤下。

阴 疝 门

阴 疝 统 论

论曰：疝者，痛也。邪气聚于阴，令阴器肿大而痛者，阴疝也。一名癰疝。其类有四，即肠癰、卵胀、气癰、水癰是也。世俗云疝气，亦云小肠气，或曰膀胱气。原其病本缘肾气通于阴，与膀胱为表里；胞囊者，膀胱之候。此二经不足，下焦受寒，皆能至阴卵肿大，或发疝痛，故通称为阴疝。若寒湿之气有连于小肠者，即小肠控睾而痛。阴丸上下，谓之肠癰。寒气客于经筋，足厥阴脉受邪，脉胀不通，邪结于阴卵，谓之卵胀。肾虚之人，因饮食不节，喜怒不时，津液内溢，下流于肾，寒气结聚不散，谓之气癰。水气盛则津液内结，谓之水癰。水癰、气癰，病生于标，故针灸可治，其疾易愈。肠癰、卵胀，病生于本，邪气入深，其治难差。

阴 疝

论曰：《黄帝针经》曰：足厥阴之脉，环阴器，抵少腹。是动则病丈夫癰疝。即阴疝也。嗜欲劳伤，肾水涸竭，无以滋荣肝气，故留滞内结，发为阴疝。阴疝之病，世俗论阴疝者，为肾余气，殊不知邪实又本于肝。经云：治法当泻邪气之实，补肝经之虚。

葵藜子汤 治阴疝。

葵藜子炒去角 附子去皮脐 山梔仁各一两
上三味，哎咀如麻豆，每服五钱，水煎温服，食前服。

昆布丸 治阴疝，肿大偏坠。

昆布洗去咸 海藻洗去咸 葵藜子炒去角
羌薏仁炒 槟榔各一两半 枳壳去瓢，麸炒 大麻仁研，各二两 木香 黄芪锉 诃梨勒去核，各三分 陈橘皮去白炒 桃仁去皮尖双仁 兔丝子酒浸一宿，别捣，各一两

共十三味，捣研为末，和匀，炼蜜丸，如

梧子大，每服三十丸，空心，食前，温酒或盐汤下。

沙参丸 治疝气。

沙参二两 昆布洗去咸 茴香子炒，各半两
三味为末，酒煮，面糊丸，如梧桐子大，每有二十丸，空心食前温酒下。

二气丸 治阴疝，上而不下，脐腹疼痛。

石硫黄研 黑铅各一两

二味先以铅于铫内溶成汁，次下硫黄，火焰透移下，候冷取出，研为细末，糊和丸如梧桐子大，每服三十丸，酒下。

葫芦巴煮散 治阴疝攻痛。

葫芦巴 沉香 马兰花 蓬莪茂煨 茴香子炒，各一两半 楝实取肉，麸炒 木香 姜黄 槟榔锉 桂心各一两 附子去皮脐，三分 甘草炙，半两

共十味，捣罗为散，每服三钱，炒酒同煎，空心，食前温服。

葫芦巴丸 治阴疝，气攻疼痛。

葫芦巴 神骨脂炒 白豆蔻去皮 萆薢 青橘皮 茴香子 附子去皮脐 肉苁蓉酒浸 菟丝子 牛膝酒浸 桂心 防风各一两

上十二味，为细末，酒煮，面糊丸如绿豆大，每服二十丸，空心生姜盐汤下。

应病丸 治阴疝，撮痛不可忍。

韭子炒 芎藭

二味等分为末，炼蜜丸如梧桐子大，每服三十丸，空心，温酒下。

阴 疝 肿 缩

论曰：阴疝肿缩者，寒邪客于厥阴之经，而阳气不能自温，故令诸筋拘急，阴器紧缩而疼痛也。肝者，筋之合也。筋者，聚于阴器而络于舌本，脉不营即筋缩急，筋缩拘则引卵与舌，故知卷卵缩也。皆厥阴为病也。

翹灰散 治阴疝肿缩。

鸡翹上左都用，不拘多少，烧灰

一味，细研为散，每二钱温酒调下，不拘时。

雄黄洗 治阴疽肿缩。

雄黄研 甘草各一两 硃石研，二两

三味，捣研为末，每用药一两，热汤五升，通手洗肿处，良久再暖洗。

车前子涂 治阴疽肿缩。

车前子不拘多少

一味，捣罗为末，汤调涂肿处。

蔓菁子散涂 治阴疽肿缩。

蔓菁子不拘多少

一味，捣罗为散，温水调涂肿处，或绢帛敷之，以差为度。

阴疽卒肿痛

论曰：阴疽卒肿痛者，肾气虚弱，暴受邪气，传入阴中，冷热相薄，故卒然而痛也。痛甚则邪胜，邪胜则热胜，热胜则肿皆卒然而作也。

鸡翎散 治阴疽卒肿痛。

鸡翎一大茎，烧灰 蛇床子一两

二味，捣罗为散，每服一钱，温酒调下。如左边肿，即取鸡右翎，右边取左边翎。

木香散 治阴卒肿痛攻注，腹胀闷。

木香半两 赤茯苓一两 牡丹皮三分 防风半两 槟榔一两 泽泻三分 郁李仁一两，汤浸去皮，炒

七味，捣罗为散，温酒调下。

雄黄淋洗 治阴肿前方同。

雄黄 白矾 甘草炙，各一两

三味，为散，每用药一两，以水一斗煎，取三升，通手淋洗至冷，候汗出差。

黑豆熨 治坐久卑湿，忽阴囊虚肿，气上筑。

上方以米醋炒黑豆，青布袋盛，熨心腹，更以椒葱汤淋濯腰膝，厚衣盖下部，然后服诸药。

治阴肿偏著一血，连小肠痛，不可忍。

上方以苾香苗叶，取汁一斗服之，日三四服，其滓贴肿处。

控 辜

论曰：《甲乙经》曰：小腹控辜，引腰脊，上冲心肺，邪在小肠也。又曰：小肠病者，小腹痛，腰脊控辜丸而痛。夫小肠者，连心系，属于脊，贯肝肺，络心系。其经虚不足，则风冷乘间而入，邪气既盛，则有厥逆之证，其气上冲肝肺，客冷散子胸，结于脐，控引辜丸，上而不下，痛引小腹，甚则冲于心胸。盖其经络之所系属然也。

苾香子散 治小肠受邪，控辜，痛引小腹。

苾香子炒 草澄茄 楝实一方，用巴豆同炒，去豆不用 木香各一两半 葫芦巴 青橘皮去白，各一两 槟榔半两

共七味为散，每服一钱，温酒调下，空心食前，日二。

吴茱萸散 治小肠疝气，牵引脐腹疼痛，腰曲不伸。

吴茱萸汤洗炒 楝实四十九枚 巴豆半两，推令微破，三味同炒，候入楝实黄焦色，去巴豆，茱萸不用，楝实去核用 沉香半两 木香 马兰花 苾香子炒，各一分

上七味，除巴豆、茱萸不用外，捣罗为散，每服二钱，炒葱、酒调下，空心、夜卧、发时服。

木香丸 治小肠受寒气，控辜牵痛。

木香一两 石南 肉苁蓉酒浸，切焙，别为末 牛膝酒浸，切焙，别为末 菖蒲 苾香子炒 楝实炒，各二两

共七味，除苁蓉、牛膝二味别作末外，捣罗为末，以酒一升熬苁蓉、牛膝成膏，和丸如梧桐子大，每服三十丸，空心，食前以纸裹葱白一寸煨熟，细嚼，温酒下。

圣济总录纂要 卷十五

清 新安 程 林云来纂辑
鄞县 曹炳章赤电校点

大小便门

大小便统论

论曰：脾胃、大小肠、膀胱者，仓禀之本，营之居也，名曰器。能化糟粕，转味而入出者也。盖营受水谷之真精，营卫之根源，大小肠、膀胱得以变化，皆营为之本。是以小肠为受盛之官，水谷之未分也。及其化物，归于膀胱而为溺，转于大肠而为糟粕，必由气化则能出矣。或阴阳之气不平，寒热相胜，或气实塞而不通，或气虚损而遗泄，或燥而结，或热而秘，皆阴阳不和之病也。治此者，勿概以寒热为法，寒剂涤荡，热剂枯燥，反伤和气，耗其精血津液。若关格不通，三焦约病，责以营卫之痞塞；若产后便难，与夫老者秘涩之病，又以津液不足。止可滑以利之，润以滋之。苟荡以快剂，则糟粕不通，真气受弊，不可不知也。

大小便关格不通

论曰：大小便不通者，阴阳关格，三焦约之病也。阴阳和平，三焦升降，则水谷糟粕以时传导。今阴阳偏盛，气痞于中，则营卫因之以不行，故气结于腹内，胀满不通，而大小肠俱闭塞也。

芒硝汤方 治关格不通，脘肠妨闷，大小便不通。

芒硝二两半 冬葵子炒，三合 滑石三两三味，除芒硝外，咬咀，每服五钱，水

煎，再入芒硝末半钱更煎，空心温服。

茱萸汤方 治腹胁胀满，关格，大小便不通。

吴茱萸汤浸炒 大黄 当归 桂心 赤芍药 甘草炙 芎藭各二两 人参 细辛各四两 桃白皮一握 干姜一两 雄黄三分 珍珠末半两，与雄黄同细研

上十三味，将十一味捣筛，每服三钱，水煎，再入雄黄、珍珠末一字，酒半盏，更煎三沸，空心服之。

车前子汤方 治大小便俱不通。

车前子五两，生用 木通四两 黄芩 郁李仁汤浸去皮尖双仁，研如膏，各三两

上四味，将前三味捣筛，与郁李仁拌匀，每服五钱，入芒硝半钱同煎服。

猪脂酒方 治大小便不通。

猪脂半鸡子大，切

一味，以酒一升微煮沸，投猪脂更煎二沸，分为二度，食前温服，未通再服。

发灰散方 治大小便不通。

乳发一两，净烧灰

一味，细研，每服三钱，温水调，食前服，日三，以通利为度。

茯苓丸方 治大小便不通。

赤茯苓 芍药 当归 枳壳 白术 人参各五两 大麻仁 大黄各三两

共八味，为末，炼蜜丸如梧桐子大，每服十五丸至二十丸，空心，煎茅根汤下。

治大小便不通腰脇胀蒸下部方

莲叶二两 葱三七茎，并须用 皂荚一挺，炙，铍 生姜一两，切

共四味，以浆一斗二升煮十余沸，并滓分两度用，旋盛入小白瓷缸中，坐缸口上熏蒸，冷则易之。如未通，再倾药于桶斛中，添热水，坐蘸下部，即通。

小便不通

论曰：肾脏不足，气不传化，膀胱有热，水道不宣，故小便不通也。令人小腹胀满，其气上冲，心腹膨痞，甚则喘急，不能升降。《内经》曰膀胱不利为癃者，如此也。

滑石散方 治小便淋涩，疼痛不通。

滑石 海金沙 木通等分

三味为散，每服二钱，煎灯心汤调下。

松烟散方 治小便不通。

墨上好者小浓研汁，半盏 酒半盏 葱白三茎 膩粉研，半钱

四味同煎至七分，放温，去葱白顿服，即通。

独蒜涂脐方 治小便不通。

独颗大蒜一枚 梔子仁三七枚 盐花少许
三味烂捣，摊纸上，贴脐，良久即通。未通，涂阴囊上，立通。

治小便不通久即成淋方

以琥珀捣研成粉，每服二钱，浓煎萱草根汁调下，空心或食前服。葱汤调下亦佳。

杏仁散方 治卒不得小便。

杏仁去皮尖双仁，二钱

一味炒黄研细末，米饮调下，立瘥。

牛膝汤方 治小便不通，茎中痛，及女子血结，腹坚痛。

生牛膝根茎叶，一握 黄芩半两 当归一两
三味，细锉，每服五钱，水煎温服。

桑螵蛸汤方 治小便不通。

桑螵蛸炙，三十枚 黄芩二两

二味，细锉，用水三盏煎，分温二服，相次顿服。

治小便不通脐下急痛胀闷欲绝盐熨方
盐二斤

一味，锅中炒，令极热，布帛裹熨脐小

腹，以小便通快为度。

石苇汤方 治小便不利。

石苇去毛 瞿麦穗 冬葵子各二两 滑石五两

共四味捣罗为散，每服二钱，温水调，食前服。

治小便不通方

蓬莪茂 苾香子 荷叶各半两

三味，捣罗为散，水煎，入盐二钱、葱白二寸同煎，空心服。

小便不禁

论曰：《内经》言：膀胱不约为遗溺。亦肾虚不能约制水液，故便利多，甚则下焦伤竭，真气不固，而小便不禁也。

苁蓉丸方 治肾脏虚冷，腰膝无力，小便下利不禁，或溺白也。

肉苁蓉净刷，去皱皮，酒浸二宿，薄切，焙干，二两半 杜仲去粗皮，二两半，炙紫色，横锉 黄芪三两 韭子水淘去浮者，焙，三两，焙干 桂心二两 牛膝酒浸，二两 山茱萸二两

上七味，捣罗为细末，炼蜜丸和，更入白内涂酥，杵令匀，丸如梧桐子大，每日空心煎黄芪汤下三十丸，至晚再服。

鹿茸散方 治肾脏虚，腰脐疼冷，夜遗小便。

鹿茸去毛酥炙令黄 乌贼鱼骨去甲，炙，各三两 当归 白芍药 龙骨研 人参 桑寄生各一两 桑螵蛸一两，甲劈破，慢火炙令黄

上八味，捣前七味为末，更与龙骨同研，令匀细，每服一钱，温酒调服，日三。

兔丝子散方 治小便不禁。

兔丝子酒浸一宿，焙干，微炒，别研细如粉，一两 蒲黄炒 黄连各一两半 肉苁蓉酒浸，一两 五味子 鸡胞脰黄皮炙黄色，两半

共六味，先捣四味为细散，再入兔丝子粉与蒲黄，同研匀细，每服两钱，酒调食前服，日三。

黄芪散方 治小便不禁。

黄芪 狗脊去毛 牡蛎煅 肉苁蓉酒浸,切焙,各一两 萆薢 牛膝酒浸 赤石脂研 山茱萸各二两半 土瓜根三两

上九味,先捣罗入味为散,更与赤石脂同研匀,每服一钱,酒调,食前服,至午间、夜卧各一服,加至二钱。

鸡肠散方 治小便不禁,日夜无数。

黄雄鸡肠四具,切破洗净,炙黄 肉苁蓉酒浸 苦参 赤石脂研 白石脂研 黄连各五两

共六味,捣四味为散,更与赤白二石脂同研匀细,每服二钱,酒调食前服,日二夜一。

鹊巢散方 治小便不禁。

重鹊巢中草一斤,烧作灰,细研如粉 蔷薇根皮去皮,五两

二味,先捣蔷薇根为散,每服三钱,水煎去滓,再入鹊巢灰二三钱,空心服。

小便利多

论曰:肾者主水,膀胱为腑。今肾气不足,膀胱有寒,不能约制水液,令津滑气虚,故小便利多,久不差,则肾气伤惫,真元耗损,腰脊酸痛,身体寒颤,羸乏之病生焉。

覆盆子丸方 治元脏虚弱,脐腹疼痛,膝胫少力,百节酸疼,昏倦多睡,小便频浊,头旋痰唾,背脊拘急,饮食无味,温顺脏气,补益下经。

覆盆子 黄芪 肉苁蓉 乌药 五味子 石斛 补骨脂 泽泻 萆薢 沉香 巴戟天一两 芎藭 当归 赤芍药 山茱萸各三分 兔丝子酒浸,三日,二两 熟干地黄两半

共捣罗为末,炼蜜和丸,如梧桐子大,每服二十丸,加至三十丸,食前温酒下。米饮盐汤亦可。

八味补骨脂丸 治小便滑数。

补骨脂 巴戟天去心 桑螵蛸炒 兔丝子酒浸三日,别研 牛膝酒浸,切焙 干姜半两 熟干地黄一两 枳壳麸炒,去瓤,三分

共捣罗为末,酒煮,面糊和丸,如梧桐

子大,每服二十丸,空心食前温酒下。粟米饮亦可。

雌黄丸方 治小便滑数。

雌黄研如粉一两半 干姜半两,捶,入盐四钱,同炒黄色

共捣研为末,用干蒸饼为末,入水内拌和,捣熟丸如绿豆大,每服十丸,加至二十丸,空心盐汤下。

牡蛎丸方 治膀胱虚寒,小便数。

牡蛎 独活 狗脊去毛,三分 肉苁蓉一两 龙骨半两

共末,炼蜜和丸,如梧桐子大,每服三十丸,盐汤下,空心食前。

治小便频数及引饮不止**糯米粢方**

取纯糯米粢一手大,临卧炙令软熟啖之,以温酒送下。不饮酒人,汤下。多啖弥佳。行坐良久,待心空便卧。一夜十余行者,服之即止。或言假火气,温水道。不然也。大抵糯稻主缩水,凡人夜饮酒者,夜辄不溺,此糯米之力也。昔有人病渴殆死,有人用糯稻秆及根斩去穗,取中心,净器中烧作灰,每用一合许,汤一碗,沃浸良久,澄去其滓,尝味如薄灰汁,乘渴令顿饮之,是夜减饮水七八升,此亦糯稻缩水之一验也。

小便出血

论曰:《内经》谓:悲哀太甚则胞络绝,绝则阳气动中,数洩血。又曰:胞移热于膀胱则癃、溺血。二者皆虚热妄溢,故洩血不止也。治宜去邪热,调心气。

金黄汤方 治小便出血,水道中涩痛。

郁金 瞿麦穗 生干地黄 车前叶 芒硝 滑石

每服五钱匕,水一盏半,煎至七分,去滓,温服,不拘时候。

车前叶汤方 治小便出血。

车前叶 茜根 黄芩 阿胶 地骨皮 红蓝花一两

每服五钱匕,水一盏,煎至七分,温服。

不拘时候。

人参汤方 治小便出血。

人参 生干地黄 白芍 桔梗 当归
甘草 桂心 芎藭一两 淡竹茹二两

每服四钱匕，水二盏，煎至一盏，温服，不拘时候。

阿胶汤方 治肾客热连心，小便出血疼痛。

阿胶 黄芩各三分 甘草炙，半两 生地黄
绞取汁 车前叶绞取汁 藕节绞取汁，各四合 生
蜜一盅

将前药捣筛，同后四味搅匀，每一大匙，水一盏，煎至七分，温服。

柏叶汤方 治小便出血不止。

柏叶 甘草 阿胶 黄芩 竹茹 生干
地黄各一两

共捣筛，每服四钱匕，水一盏半，同煎至八分，去滓，温服，不计时候。

地黄汤方 治小便出血。

生干地黄 兔丝子酒浸一宿，晒干，别研 白
芷 冬葵子炒 当归 芎藭 败酱 赤茯苓
蔓荆实 蒲黄一两

共为末，炼蜜和丸，如梧桐子大，每服二十丸，煎粟米饮下，日三服

车前子散方 治小便赤色，或小便鲜血。

车前子 木通 泽泻 当归 桑螵蛸
桂心 滑石各等分

共为散，每服二钱匕，煎冬葵根汤下。

治小肠尿血方

指甲半钱 头发一分

二味，烧灰研匀，空心，温酒调一钱匕顿服。

大便秘涩、大便不通

论曰：大便秘涩，其证皆营卫不调，阴阳之气相持也。若风气壅滞，肠胃干涩，是谓风秘。胃蕴客热，口糜体黄，是谓热秘。下焦虚冷，窘迫后重，是谓冷秘。或因病后重门津液，或老弱血气不足，是谓虚秘。或肾

虚小便过多，大肠枯竭，渴而多秘者，亡津液民。或胃实燥结，时时作寒热者，中有宿食也。治法，须宜和顺阴阳，然疏风散滞、去热除冷、导引补之法不可偏废，当审其证以治之。

麻仁丸方 治大便秘难。

大麻仁研膏别捣 大黄炒，各三两 厚朴生姜
汁炙，二两 枳壳去瓤，麸炒，二两

共捣三味为末，与麻仁同研，炼蜜和杵令匀，丸如梧桐子大，每服二十丸，空心，温水下，以利为度。

麻仁丸方 又方 治三焦不和，脏腑虚结，胸膈痞闷，大便秘涩。

大麻仁研膏，四两 大黄半生半熟，四两 白
槟榔 山茱萸 兔丝子酒浸一宿，别研 车前子
桂心 羌活 山药 枳壳 防风各一两半
木香一两 郁李仁去皮研膏，四两

共研为末，炼蜜和丸，如梧桐子大，每服十五丸至二十丸，温水下。

威灵仙丸方 治大肠冷秘。

威灵仙不拘多少

捣为末，炼蜜和丸，如梧桐子大，每服十五丸，生姜米饮下。

附子散方 治大便冷秘。

附子炮制，去皮脐

削去外面，留中心如枣大，碾为细散，蜜水调下一钱匕。

葱胶汤方 汉年老虚弱，大便秘滞。

阿胶十片 葱一握

用水二盏同煎胶，烊取一盏，温服之，立效。

大黄丸方 治脾胃不和，内有虫滞，大便秘难。

大黄 赤芍药三两 厚朴姜汁炙，二两 枳
壳两半 大麻仁别研如膏，五合

共捣四味为末，与麻仁同研匀，炼蜜和杵，丸如梧桐子大，每服十丸至十五丸，食前温水下，以通利为度。

滑石散方 治大便不通，腹胀，气急妨

闷。

滑石细研，二两，分二帖 手足指甲剪患人自身者，烧为灰，研，分二贴

取滑石末一贴，以水盞半煎至八分，去滓，调爪甲灰一贴，空心服，至辰再服。

葵酥汤方 治大肠闭涩，大便不通。

冬葵子二合 牛酥二两，如无，猪脂代

将葵子捣筛，分四贴，每贴以水一盞煎至五分，去滓，下酥半两，再煎二沸，食前冷服。

摩脐方 治大便不通，腹胀。

杏仁汤浸，去皮尖 葱白三茎，去须叶，细切盐一分

三味同研如膏，每取如酸枣大，计心，摩脐上三百转，须臾即利。如利不止，以冷水洗手，即定。

治病后津液燥少大便不通肠结方

糯米二合，炒炭存性，研 猪胆一枚，取汁 砂糖少许

和研如膏，内少许入下部，立通。

治卒大便不通或热结或风秘及妇人产后大便不通等方

皂荚切去皮，炙令黄熟，为末 白梅肉五枚 蜜少许

将梅肉并蜜拌和皂荚，如枣大，以绵纸裹，引内下部中，须臾即通。

郁李仁粥方 治大便不通。

郁李仁一两，去皮，细研，分二服用

煮薄粥一碗，临熟时下郁李仁，煮三两沸倾出，空心吃，便通，再服一分，以通利为度。

治下部壅塞大便不通方

乌梅五枚

内汤中渍软，取肉熟捣之，丸如弹子，内下部中，即利。

结阴便血 详痔门肠风下血

论曰：经谓：结阴者，便血一升，再结二升，三结三升。夫邪在五脏，则阴脉不和，

阴脉不和则血留之。结阴之病，以阴气内结，不得外行，血无所禀，渗入肠间，故便血也。

地黄煎丸方 治结阴便血。

生地黄汁 小蓟汁各一升 砂糖一两，同上二味熬成膏 地榆根 阿胶炙令燥 侧柏各二两

除以上三味外，捣为末，入膏中和丸，如弹子大，每服一丸，水一盞煎至六分，和滓温服。

神仙必效丸方 治便血无度。

阿胶二两 当归焙 乌贼鱼骨去甲 白芍药 刘寄奴各一两

共为末，炼蜜和丸，如梧桐子大，空心，米饮下三十丸，加至五十丸。

龙骨饼子方 治脏毒血不止。

龙骨 乌贼鱼骨去甲，各等分

为末，每服一钱匕，入鸡清一枚，用白面同和，捏作饼子，三枚，焙火内煨熟，细嚼，温米饮送下，空心食前服。

石榴散方 治结阴泻血不止。

酸石榴皮 陈橘皮汤浸去白 甘草 干姜地

四味等分，焙干，捣罗为散，每服二钱匕，陈米饮调下，日三服。

地榆散方 治结阴泻血。

地榆 桑耳 甘草 赤芍药各三两 艾叶二两 黄芪六两 熟地黄 伏龙肝各四两

为细散，每服二钱匕，米饮调下，食后临卧服。

金屑丸方 治便血，一切血妄行。

叶子雌黄不计多少，入在枣内，绵系定，蒲煎汤，用黑铅一两半，熔成汁，倾入汤内同煮，自早至晚，不住添，沸汤取出，研细，以盞盛，饭上蒸过。

以煮药枣取肉和丸，如梧桐子大，每服三丸，煎黑铅汤下。便血甚者，三服瘥矣。

金虎丸方 治结阴失血。

黄柏一两，去粗皮，用鸡子清涂炙

为末，滴水丸，绿豆大，温水下七丸。

诸 淋 门

诸 淋 统 论

论曰：膀胱者，州都之官，津液藏焉，气化则能出矣。位处下焦，与肾表里，分别清浊，主出而不纳。若膀胱气虚，寒热不调，使气不化，而水道不宣，故为淋闭之病矣。诸淋之证，大体缘肾脏气虚，膀胱有热。唯冷淋为异。善治此者，当熟察之。

卒 淋

论曰：卒淋者，缘下焦有热，传入膀胱。其候卒然小腹急痛，小便淋涩痛，故谓之卒淋。盖下焦在脐下，当膀胱上口，主分别清浊，主出而不纳，以传道也。今热在下焦，故其病如此。

瞿麦汤方 治卒淋，通利小肠。

瞿麦半两 木通 赤茯苓 陈橘皮各一两，去白 滑石碎，一两半 冬葵子炒，一合 甘草炙 桑根白皮各半两

共八味，捣筛，每服三钱，入葱白二寸，同煎，温服。

茅根饮方 治卒淋，结涩不通利。

茅根 木通各三两 石苇拭去毛 黄芩 冬葵子 当归 芍药 滑石碎，各二两 乱发鸡子大，二握，烧灰

共九味，捣筛，每服三钱，水煎温服，不拘时。

黄芪饮方 治膀胱虚热，小便卒暴淋涩。

黄芪 人参 白茯苓 旱莲草 滑石研，各一两 桑白皮 黄芩 枳壳麸炒 芒硝

共九味，捣筛，每服三钱，水煎温服。

黑金散方 治卒淋不通。

好细墨烧，一两

一味为散，每服一钱，温酒调下，不拘时候。

茯苓汤方 治小便卒淋涩。

赤茯苓三两 滑石 石苇去毛 瞿麦穗 蒲黄各二两 榆白皮二两 冬葵子二合

共七味，捣筛，每服五钱，小煎温服，食前。

冷 淋

论曰：肾与膀胱为表里，下通于胞，宣行水道。肾脏虚弱，冷气客于下焦，邪正交争，满于胞内，水道不宣，故其状先寒颤，然后便溺成淋，谓之冷淋也。

菝葜饮方 治冷淋，寒颤涩痛。

菝葜 土瓜根 黄芪 地骨皮 五味子各二两 人参 牡蛎煅，各一两半 石膏四两

共八味，捣筛，每服五钱，水煎温服。

黄芪丸方 治肾虚，膀胱冷淋不利。

黄芪锉 黄连 土瓜根各一两半 玄参三两 菝葜 鹿茸去毛，酥炙，各二两 牡蛎一两 桑螵蛸 人参 五味子各一两半

上十味，捣罗为末，炼蜜丸如梧桐子大，每服二十丸，盐汤下，不拘时。

兔丝脂散 治冷淋。

兔丝子酒浸，别研 白石脂 牡蛎煅研，各二两 桂心 土瓜根各一两

上五味，研为散，每服二钱，煮麦粥饮调下，空心食前服。

兔丝子散方 治冷淋，小便多，或不禁。

兔丝子酒浸一宿，别捣，一两 蒲黄 黄连一两 硝石半两 肉苁蓉酒浸，一两 鸡臍脰黄皮炙，一两半 五味子一两半

共七味，捣罗为散，每空腹温酒调下三钱服，日二。

热 淋

论曰：三焦者，水谷之道路也。三焦壅盛，移热于膀胱，流传胞内，热气并结，故水道不通利而成淋也。其状溲便赤涩，或如血汁，故谓之热淋。

滑石散方 治热淋，小便赤涩疼痛。

滑石研，三两 栝蒌根三两 石苇炙，去毛，半

两

三味，捣罗为散，每服一钱，煎小麦汤调下，不拘时。

车前子散方 治热淋，结涩不通。

车前子炒 牛膝各一两 桑根白皮三两 蒲黄一两

共四味，捣罗为散，每服二钱，煎葱汤调下，不拘时。

四汁饮方 治热淋，小便赤涩疼痛。

葡萄自然汁 蜜 生藕自然汁 生地黄自然汁，各五合

四味，和匀，每服七分一盏，银石器内慢火煎沸，温服，不拘时候。

瞿麦汤方 治心经壅热，小便淋涩赤痛。

瞿麦穗三分 茅根 冬瓜子各半两 葵子 木通一分 黄芩六钱 竹叶一把 滑石研，一分，为末，分作三贴

共八味，除滑石外，捣筛，分作三剂，每贴用水三盏煎，去滓，入滑石末一贴，搅匀，分温二服，食前。

气 淋

论曰：肾虚，则不能制小便；膀胱挟热，则水道涩。肾虚膀胱热，则胞内气胀，小腹坚满，因至淋涩之疾也。其候出少喜数，尿有余沥，亦曰气癃。诊其脉，少阴脉数者，则为气淋。

木通汤方 治气淋，结涩不通。

木通一分 木香半两、生用 细辛一分 草豆蔻三枚 人参半两 赤茯苓三分 桃红去皮尖双仁，半两 肉豆蔻二枚，去壳

共八味，捣筛，每服三钱，水煎温服，不拘时。

桑白皮汤方 治气淋结涩，澹便不利。

桑白皮一两半 茅根二两半 木通 干百合各二两

四味，捣筛，每服三钱，水煎温服，不拘时候。

海金沙散方 治气淋结涩不快。

海金沙别研，二两 滑石研 甘草 山梔子仁各一两

四味，将甘草、梔子仁为散，入余药再研匀，每服一钱，茶清调下，不拘时。

通神散方 治气淋结涩不通。

粟米一合 故笔头二枚，烧灰 马兰花七朵，烧灰

三味，为散，温酒调下二钱。如不可忍者，连服三服。

贝齿汤方 治因气成淋，小便痛，或澹血，或如豆汁。

贝齿研，一枚 冬葵花研，半合 石膏一两半 滑石一两

上四味，咬咀如麻豆大，每服五钱，水煎，再入猪脂肪少许，再同煎数沸，空腹温服。

血 淋

论曰：心主血，气通小肠，与膀胱俱行水道。下焦受热，则气不宣通，故澹便癃闭而成淋也。热甚则搏于血脉，血得热则流入于胞中，与澹便俱下，故为血淋也。

白茅根汤方 治血淋，小便出血疼痛。

白茅根 芍药 木通 车前子各三两 滑石碎 黄芩各一两半 乱发烧灰，半两 冬葵子微炒，半两

共八味，捣筛，每服三钱，水煎温服，日三。

鸡苏汤方 治血淋。

鸡苏一两半 石膏碎 淡竹叶切 木通 甘草生 滑石 小蓟根各一两 生地黄半斤

共八味，捣筛，每服六钱，水煎，空心服。

鸡苏饮方 治血淋不绝。

鸡苏苗 竹叶各二两 滑石 木通各五两 小蓟根一两 生地黄六两

共六味，咬咀如麻豆大，每服五钱，水煎温服，不拘时，以利为度。

治血淋方

车前子叶生捣汁，三合 生地黄汁三合
二味，相和，煎三沸，食前服。

膏 淋

论曰：膀胱为渗泄之腑，肾气均平，则
洩便清。肾既虚，不能制其脂液，故与俱出，
色若脂膏，故谓之膏淋，又曰肉淋。

磁石丸方 治膏淋，小便脂如膏。

磁石火煅醋淬三七遍 肉苁蓉酒浸，切焙 泽
泻 滑石各 两

共四味，为末，炼蜜丸，如梧桐子大，每
服三十丸，温酒下，不拘时候。

沉香丸方 治膏淋。

沉香 肉苁蓉酒浸 黄芪 瞿麦穗 滑
石 磁石火煅，醋淬三七遍，各一两

上六味，捣罗为散末，炼蜜丸，如梧桐
子大，每服三十丸，温酒下，不拘时。

滑石汤方 治膏淋，小便肥浊。

滑石 白茯苓 白术 木通 熟干地黄
赤芍药 五味子各一两

共七味，捣筛，每服三钱，水煎温服，不
拘时。

石 淋

论曰：石淋者，淋病而有沙石从小便道
出也。盖由肾气虚损，则饮液停聚，不得宣
通；膀胱客热，则水道涩痛，胞内壅积，故
令结成沙石，随小便而下。其大者，留碍水
道之间，痛引小腹，令人闷绝也。

人参散方 治沙石淋。

人参 木通 青盐研 海金砂别研，各一分
莎草根炒，去毛，半两

上五味，除海金砂、青盐外，捣罗为散，
合研匀，每服二钱，空心米饮下。

海金砂散方 治砂石淋涩，疼痛不可忍。

海金砂 滑石 石膏 木通 井泉石碎
甘草炙

上六味，等分捣研为散，煎灯心汤调下
二，不拘时候。

菝葜散方 治砂石淋，重者取出根本。

菝葜 二两

一味为散，每服一钱，米饮调下，服毕
用地椒煎汤浴，连腰浸洗。

独圣散方 治砂石淋。

黄蜀葵花炒，一两

一味，研为散，每服一钱，食前米饮调
下。

木通汤方 治砂石淋。

木通 滑石碎，各一两 冬葵子二两

三味，捣筛，每服五钱，水煎温服。

鳖甲散方 治砂石淋。

鳖甲去裙襕，烧灰存性

一味，捣罗为散，每服三钱，空心，温
酒调下。

茅根汤方 治砂石淋。

茅根细切，一片 葛花为末，一两 露蜂房，
为末，二两

三味，分作三服，每服以水三盏煎，温
服。

劳 淋

论曰：人因劳伤肾经，肾虚膀胱有热，气
不传化，小便淋沥，水道涩痛，劳倦即发，故
谓之劳淋。小腹引痛者，是其候也。

地黄汤方 治劳淋结涩不通。

熟地黄 人参 石韦各一两 滑石三分
桂心 车前子 甘遂炒 王不留行 冬葵子
炒 木通各半两

共十味，捣筛，每服三钱，水煎温服，不
拘时候。

兔丝子丸方 治肾劳虚损，洩便不利，淋
沥不已。

兔丝子酒浸别捣 人参 黄芪锉 滑石
木通 芍药 车前子各一两 黄芩三分 冬
葵子一合，炒

上九味，细末，炼蜜丸如梧桐子大，每
服二十丸，食前温酒或盐汤下，日二。

石韦散方 治劳淋，日夜数起，小便不

利，引阴中痛。

石苇去毛 滑石 瞿麦穗 王不留行
冬葵子各等分

上五味，为细散，每服二钱，食前葱白汤调下。

九 虫 门

九 虫 统 论

论曰：虫与人俱生，而藏于幽隐，其为害也。盖本于正气亏弱，既食生冷，复感风邪，所以种种变化，以至蕃滋。初若不足畏，而其其可以杀人。善摄生者，薄滋味，节嗜欲，早去三尸，防患于未然，彼九虫亦将销铄于冥冥之中。惟未进此道而攘孽，则蠹无使滋蔓，盖有药存焉。

九 虫

论曰：九虫，一名伏虫，长四分；二名蛔虫，长一尺；三名白虫，长一寸；四名肉虫，状如烂杏；五名肺虫，状如蚕；六名胃虫，状如虾蟆；七名弱虫，状如瓜瓣；八名赤虫，状如生肉；九名蛲虫，状如菜子，至微细者。是九虫皆依乎肠胃之间。若腑脏气实，则不能为害；及其虚也，发动变化，侵食气血，寝成诸病，不可不察也。

鸡子丸方 治九虫。

鸡子去壳，二枚 好漆滤过，四两 蜡三两
梗米粉半斤

四味，先取漆蜡入铜铛中，用慢火煎，搅令得所，次入梗米粉，又搅令匀，煎令凝，候可丸，即取铛置生黄土堆上，才候稍温，即下鸡子，又搅令得所，再置火上，煎令可丸，如小豆大，宿勿食，空腹煎粟米饮下二十丸，小儿五丸。

石榴枝汤方 治九虫动作，腹中刺痛，口吐清水，面色黑黄，及虫心痛者。

东引石榴枝三两 木香 陈橘皮汤浸去白

吴茱萸汤洗，焙炒，各一两半 大黄煨 芍药各二两 薏苡仁二两半

共七味，咬咀如麻豆大，每五钱，水煎温服，空心。

南粉散方 治腹中诸虫，令人腹痛，多食泥土及泄者。

南粉二钱，细研

五更初，用生油调下，至食时虫出尽。

蛔 虫

论曰：蛔即九虫叙所谓长虫者，今此析而治之。盖较之他虫，害人之为多。观其发作，冷气，脐腹撮痛，变为呕逆，以至心中痛甚如锥刺。昔人谓蛔厥贯心能杀人，则所以治之不可缓也。

柴胡汤方 治虫心痛。

柴胡一两半 当归 食茱萸各二两 芍药一两半 槟榔三枚 郁李仁洗去皮，三分 厚朴涂姜汁炙熟，一两

上七味，捣筛，每服三钱，水煎，食前温服，日三。

桑根白皮汤方 治蛔虫心痛。

桑根白皮二两 酸石榴皮干者，一两 白茺莢炒 槟榔炮 厚朴涂姜汁炙，各半两

上五味，捣筛，每服三钱，入生姜一块同煎，空心服，至晚再服。

葶藶散方 治蛔虫发作。

葶藶炒 白茺莢炒 狗脊去毛，锉，各一分
三味为散，每服二钱，温酒调下。欲服药，先隔宿吃牛肉干脯一片，次日空心服药，虫下即瘥。

薏苡根汤方 治蛔虫。

薏苡根一握，去土

一味，捣筛，水煎分温二服，空心，先吃汤少许，然后温服。

槟榔煎方 治蛔虫。

槟榔炮锉，五枚 酸石榴根皮入土五寸东引者，去土细锉，一斤

二味，先将槟榔捣筛，与石榴根各均分

作三度用，每度用水二升半，煎至一升，绞去滓，入粟米一合，煮如粥，平旦空心顿吃。利下虫即效。

蚕蛹汁方 治蛔虫。

蚕蛹

取缣丝蚕蛹四合，烂研，生布绞取汁，空心顿服饮之。非缣丝时，即须依时收取蚕蛹，晒干，捣罗为末，用时以意斟酌多少，和粥饮服之。

寸 白 虫

论曰：寸白虫，乃九虫之一种，状如绢边葫芦子。因脏气虚，风寒湿冷伏于肠胃，又好食生脍干肉等，所以变化滋多，难于蠲治。说者谓食牛肉饮白酒所致，特一端尔，亦未必皆缘此。

香附丸方 治葫芦虫。

木香为末，一分 附子生去皮脐，为末 硫黄研，各半两

三味，先将密陀僧末半两入醋熬成膏，然后入三味药末一处和丸，如小豆大，每服十五丸，温酒下，食前服。

槟榔散方 治寸白虫。

石榴根 陈橘皮去白 桑根白皮各一两

三味，细锉，分作三服，每服水一盞半煎取一盞，去滓。五更初，调槟榔末二钱服，至欲明不泻，至晚又服。如虫母未下，再服。或泻不止，吃冷粥止之。

食榧实散方 治寸白虫。

生榧实四十九枚，去皮

上一味，于每清旦空腹食七枚，七日后食尽，其虫即化成水矣。

干脯汤方 治寸白虫。

干脯一片，如手大 石榴根东引者，一握

上二味，并细锉，以水四升浸一宿，明日平旦煎至一升，去滓，分三服。空腹先嚼干脯一片，即服药，如人行十里，又服。每服药后，以手按患人腹上，药力易行，其虫自下。凡服药取月一日至五日前，虫头向上，

服良。

黑铅散方 治寸白虫，累取不尽，久令人面黄，心中如饥。

黑铅沙子 画家银涂是也

一味，研极细，每服二三钱，五更初，肉汁调顿服，至平明取下虫，立差。

玉粉散方 治寸白虫。

定粉一两

上一味研极细，每服二钱，用生麻油调，于五更初顿服，至晚虫下。

蛲 虫

论曰：蛲虫甚微细，若不足虑者，然其生化众多，攻心刺痛，时吐清水，在胃中侵蚀不已，日加羸瘦，甚则成痔瘻、疥癣、痈疽、诸癰，害人若此。绝其根本，勿使能殖，则毒而治之，所不可忽。

桃皮汤方 治蛲虫、蛔虫，及痔瘻蚀下部生疮。

桃木皮干者，去粗皮 槐子微炒，各一两半 艾叶半两

三味，捣筛，每服三钱，入枣一枚同煎，空心，食前、夜卧各一服。

艾汁方 治蛲虫，攻心如刺，吐清水。

生艾叶取嫩心，切，二升

一味，捣绞取汁两盞许，宿不食，平旦先嚼干脯少许，后顿饮汁，不能尽即两日服。

槐皮丸方 治蛲虫在胃，人渐加羸弱。

槐皮干者 桃仁去皮尖、双仁，生用 榧实去核，生用，各半两

三味，捣罗为末，炼猪膏丸如人指大，以绵裹，导下部中。

治蛲虫咬人下部痒方

水银一两

一味，用蒸枣膏和丸，如人指大，绵裹，临卧内下部中一宿。内药时，常留绵带子在外。

熬漆丸方 治蛲虫在胃，令人渐羸。

好漆 醇酒 白蜜各半斤

三味，于铜器中和匀，微火熬，令可丸，丸如鸡头大，每服一九，宿勿食，空腹，温酒下。虫未下，再服。

五 脏 虫

论曰：五脏虫者，缘脏真衰弱，热薰蒸而成之。传所谓肉腐出虫，鱼枯生蠹，理固如此。其名状之异，见于九虫叙，可辨而察也。

雷丸丸方 治心脏劳热伤心，有长虫，名曰蛊，长一尺，贯心为病。

雷丸灰火炮过 陈橘皮汤浸去白 桃仁去双仁、皮尖，麸炒，各一两一分 贯众大者，去须，半两 狼牙连苗净捣，一两半 白茺藘 青箱子炒 干漆炒令烟出，各一两 乱发如鸡子大，一两，烧灰

共九味，除乱发烧灰外，八味捣罗为末，然后与乱发灰同研令匀，炼蜜和，更于铁臼内涂酥，杵令匀熟，丸如梧桐子大，每服空心温酒下十五丸，至晚再服，米饮亦得。

麦门冬丸方 治肺劳热生虫，其形如蚕，令入咳，气喘。或谓忧膈、气膈、志膈、寒膈、热膈，皆从劳气所生，名曰膏肓病，针灸不至。

麦门冬去心，十两 蜀椒去目及闭口者，炒出汗，一两 人参一两一分 远志去心 附子去皮脐 细辛各一两半 甘草炙，一两半 干姜炮，一两 桂心 百部焙 白术 黄芪锉细，各一两一分 杏仁去皮尖、双仁，焙干，炒令黄，半两

上十三味，捣罗为末，炼蜜和，更于铁臼内涂酥，杵令匀熟，丸如酸枣子大，含化。稍稍咽津。

桑根白皮酒方 治肺劳热生虫，在肺为病。

桑根白皮东引者，取一升 狼牙其连苗处净刷去土，三两 吴茱萸根皮东引者，净刷去土，五升

上三味，细锉，用酒七升煮至二升，去滓，分作三服，每日空腹一服。

茱萸根丸方 治肝劳生长虫，为病恐畏不安，眼中赤。

东引行吴茱萸根去土，三两 蜡三两 鸡子五枚，去壳，取黄用 梗米一盞

上四味，除蜡并鸡子外，各捣罗为末，先以铜锅内煎蜡，熔即下茱萸末、米粉、鸡子黄，煎令可丸即丸，如小豆大，早晨煎粟米饮下五十丸，小儿服二十丸，虫出即差。

前胡汤方 治脾劳有白虫，长一寸，在脾为病，令人好呕，胸中咳咳，即呕而不出。

前胡 白术 赤茯苓 枳壳去瓤，麸炒 旋复花去叶，炒 细辛 常山 松萝各一两半 杏仁去皮尖、双仁，炒 龙胆去苗，各一两

上十味，捣筛，每服五钱。竹叶十片净洗细切同煎，去滓，空心温服，吐之即差。若腹中热满，入芒硝半钱、梔子仁一两、黄芩一两半、苦参一两

茱萸根浸酒方 治脾劳热，有白虫在脾中，为病令人好呕。

吴茱萸根东引者，一尺 麻子八升，净拣 陈橘皮去白炒，二两

上三味，先捣碎橘皮、麻子如泥，然后拌茱萸根，用酒一斗浸一宿，慢火上微煎，绞去滓，分作五服，每服空心温服，虫即下。欲合药时，忌言合杀虫药。

贯众散方 治肾劳热，四肢肿急，有蛲虫如菜中虫，生于肾中。

贯众大者，三枚，去须 干漆炒令烟出，二两 吴茱萸水洗七遍，焙干，一两半 白茺藘炒 槐白皮一两，干者 杏仁去皮尖、双仁，炒黄，半两 胡粉炒令黄色，一两

上七味，除别研粉外，捣罗为散，更与胡粉同研，令细，每服二钱，空腹，用并花水调服，日晚再服。

三 虫

论曰：三虫，亦九虫之数，曰蛔、曰赤、曰蛲是也。其发动诸病，较之他种为甚。蛔虫，又曰长虫，长一尺，动则吐清水，心痛贯心则死。赤虫，状长似生肉，动则肠鸣。蛲虫，至细微，形如菜虫，居肠间，多则为痔，极则为癰，

或生诸痈、疽、癣、癩、痼、疥，而其变甚多。三虫为患如此，古人必析而治之，意亦深矣。

鳖甲丸方 治三虫发痛，面目黄，不下食。

鳖甲去裙襕，醋炙黄，二两 白术一两半 陈橘皮去白，一两 木香 狗脊去毛，各一两半 槟榔四两 吴茱萸水浸二宿，每日三次换水，洗去涎，干炒，一两

上七味，捣罗为细末，炼蜜和为剂，置臼内，入酥杵令匀熟，丸如梧桐子大，每日空腹煎青橘皮汤下三十丸，晚食前再服。

天门冬煎方 治三虫，保定肺气，去寒热，养肌肤，益气力，利水便，及诸暴中、偏风、湿痹，强骨髓。

天门冬去心，生用，十斤 白蜜七两

二味，先取天冬，细切，烂捣如泥，用酒一斗，和绞取汁，并蜜搅令匀，铜器中重汤上煎，仍用竹篦搅，候如饴。每服如弹丸大，空腹温汤服之。或用生地黄汁一盏同煎，更炒。

乱发灰散方 治三虫。

乱发，净洗如鸡子大，烧灰 丹砂研如面，飞过，一两

二味，同研极细，每服一钱，醋调空腹服之。

藜芦散方 治三虫，神效。

藜芦微炒，二两

一味，捣罗为细散，每服二钱，隔宿勿食，于清旦用羊肉浓汁调服之，虫自下。

槟榔汤方 治三虫。

槟榔三枚，灰火煨过

一味，捣筛，用水三盏煎至一盏半，去滓，分三服，空腹、日午、近夜各一服，其虫尽下。或葱白、盐豉同煮饮之亦佳。

诸尸门

诸尸统论

论曰：人身中有三尸诸虫，与人俱生，常

忌血而恶能，善与鬼神通，每接引外邪，与人为害，谓之尸病。其状沉沉默默，不的知所苦，而无处不恶，或心腹痛胀，或累块踊起，或牵引腰脊，或精神错杂，变状不一，有飞尸者，有伏尸者，复有遁尸、沉尸、风尸之异，久不已，停注留滞，及死又注易旁人，则为尸注之病矣。

诸尸

诸尸病因不一，其最重者，惟五尸。若得之疾速，如飞走状者，名飞尸；停遁不消者，为遁尸；沉痼在人脏腑者，为沉尸；冲风则发者，为风尸；隐伏积年不除者，为伏尸。唯此五尸之气，变态多端，各各不同。大率皆令人沉沉默默，痛无常处。五尸之外，复有尸气。虽各有证，然其为病大同小异而已，亦可通一法治之。

雄黄丸方 治五尸、痼积及中恶心痛、蛊注鬼气。

雄黄 丹砂 矾石 牡丹皮 巴豆去皮心，麸炒，研去油 附子 藜芦炙，去芦头，各一两
共七味，为末，炼蜜丸如小豆大，每服二丸，米饮下，食前服。

雄黄丸方 又方 治卒中飞尸、遁尸、沉尸、风尸，腹痛胀急，上冲心胸，及攻两肩，或累块踊起，或牵引脊腰。

雄黄研 大蒜各一两

二味烂捣，丸如弹子大，每服一丸，热酒化下，须臾未差，更服。尸疹者，常宜预收此药。

恶气散方 治五尸、鬼注、百毒。

桂心 干姜

二味，捣罗为散，每服三钱，炒盐一钱，温水同调下。

蒺藜子丸方 治中五尸，腹急痛，不喘息，上冲心胸，及攻两胁，或累块踊起，挛缩引腰脊。

蒺藜炒去角，二两

一味为末，炼蜜丸如小豆大，每服二十

丸，食后水下。

遁尸

论曰：遁尸，谓尸伏埋，染注连滞，在于胸腹胃膜之间，寻常如无病，若因喜怒不节，饮食伤动，其隐之疾发则心腹胀痛，连及胁肋，气喘促急，不得安卧者，是其证也。

木香汤方 治初得遁尸、鬼注，心腹中刺痛不可忍。

木香三分 鬼箭羽一两 桔梗一两 丁香三分 陈橘皮去白炒，一两 紫苏茎叶微炒，一两 当归一两 白槟榔火煨，十四枚 桃仁汤浸，去皮尖，双仁，炒黄色，十四枚

上九味，捣筛，每服五钱，水煎温服，日二，不计时候。

蒸熨方 治遁尸、飞尸及风毒肿流入头面四肢。

芥子蒸熟焙，一斤

一味，半末，以铅丹二两拌之，分作两处，用陈布袋盛之，更换蒸熟以熨痛处。

飞尸

论曰：飞尸者，其状令人心腹刺痛，气息喘急胀满，上冲心胸是也。此病忽然而至，疾如飞走，故谓之飞尸。

走马散方 治飞尸入腹，胀满刺痛，气息喘息。

巴豆二枚，去皮心 杏仁二枚，去皮尖

二味以绵缠，椎令极细，投热汤二合，取白汁分三服饮之，食顷当下，老小量加之。

雄黄散方 治一切飞尸、鬼注，身痛如刺。

雄黄 甘草炙 黄芩各半两 梔子 芍药各一两

共五味，为散，每服以温酒调下二钱，再服，不拘时。

尸注

论曰：尸注者，尸病注易于人也。多因

哭泣感染尸气，流注身体，令人寒热淋漓，沉沉默默，不知所苦，而无处不恶，或腹胀满，喘急不得息，上冲心胸，旁攻两胁，或磊块踊起，或牵引腰脊，或举身沉重，精神不爽，每更节令，愈加烦滞，不治者死，死则注易旁人，故名尸注。

虎掌丸方 治尸注，寒热往来，不思饮食，心腹刺痛。

虎掌 丹砂炒，各半两 白茯苓 龙齿各一两 蓬莪茂煨，锉 当归各三分

上六味，为末，用酒煮阿魏，面糊丸如梧桐子大，每服二十丸，姜乌梅汤下。

神效蜜陀僧散方 治临尸哭泣，尸气入腹，沉滞脏腑，有时发动。取劳积神效。

蜜陀僧半斤，煨，醋淬，淘研，控干，取六两 诃梨勒不去核，生用，一两 京三棱煨，捣末，二两

三味，合研令匀。每服二钱，用煮面浓汤下。当晚不食，卧一服。余时切饼汤服三夜。次夜当下恶物。不下，第三夜加生牵牛子末一钱，同调下。

杏仁丸方 治尸注。

杏仁去皮尖、双仁，炒 乱发灰各一分

二味，研匀，和丸如小豆大，每服五丸，猪膏酒调下。

诸注门

诸注统论

论曰：诸注者，邪气所注也。皆因精神衰弱，经络空虚，伤于风寒暑湿，饮食劳倦，或感生死之气，或挟鬼物之精。初为中恶、客忤、卒死、诸尸之类，虽或暂差，必有邪气伏于经脉，流传脏腑，深入骨髓，经久不已，皆成注病，变状多端，时发时差，令人昏闷，无不病处。若因风寒暑湿之邪所注者，则为风寒注、凉注、冷注、温注之病。若因饮食劳倦之邪所注者，则为食注、饮注、酒注、水注之病。若因生死之气而为其邪所注者，则

为丧注、哭注、转注之病。若因挟鬼物之精而为邪所注者，则为鬼注、邪注、尸注、殃注之病。犯土禁为注者，为土注，产后得注者，为产注，虚劳所成注，为劳注。邪气外浸为泄注。凡此诸注，以受病之因为名也。邪注于肺，则为气注；邪注于劳，则为血注；久注不已，伤损骨髓，则为骨注。风此诸注，以病之所在为名也。又有石注者，言其牢强如石；走注者，言其游走无常。凡此诸注，以病之形变为名也。名类虽多，各有形证，合而言之，皆注病也。治注病者，欲辨是非，但覆纸于痛处，烧发令焦，投于纸上，若变粘纸者，注气引之也。不粘者，非注也。审知其因，随证治之，无专门者。诊脉浮大者，可治；细而数者，难治。

诸 注

论曰：诸注者，邪气停而为病也。盖由经络空虚，伤于风寒暑湿，或因饮食劳倦，或因大病后气虚，邪气流注，或感死气，或犯鬼邪，皆至是疾。其状变易不同，各随其本而治之也。

赤芍药丸方 治五尸注。

赤芍药一两 吴茱萸汤浸，焙干，炒 丹砂研
乌头去皮脐 蜀椒去目并开口者，炒出汗，各半两
干姜三分 桂心一两

共七味，捣罗为末，炼蜜丸如小豆大，每服十丸，空心温酒下，日三。

风 注

论曰：风注者，由体虚风邪之气客于营卫，邪气行游，连滞停注，故名风注。其状皮肉掣振，痛无常处，一年之后，则有头发堕落，颈项掣痛，骨拉解鸣，目疼鼻酸，牙肿之证。又十二风，所注不同，温风所注，头痛欲解发；汗风所注，头痛体热，骨节两强；桑风所注，游肿在腹，或在手脚；水风所注，啖食服卧汗出；九风所注，脑转肉裂，目系痛，恶闻人声；绝风所注，暴倒仆，口有白

沫，癫风所注，披发狂走，遇物击破；狂风所注，叫呼骂詈，独语谈笑，奇风所注，口噤面喎，四肢不随；纠风所注，体生疮，眉毛堕落；蚝风所注，顽痹如蚝螯疮，或痒或痛；覃风所注，举身战动，或鼻塞。其状虽异，其为邪气停注则一也。

安息香丸方 治一切风注痛。

安息香研 乳香研，各一两 白胶香研 地龙去土炒研，为末，各半两 胡桃仁研，二枚 没药研，一分 桃仁去皮尖，双仁，研，七枚

共七味，同研匀为细末，酒煎，为丸如弹子大，每服一丸，温酒化下。

羌活汤方 治风注心腹刺痛，上攻胸背。

羌活三分 大豆炒，一合 桑根白皮一两半 陈橘皮去白，三分 芍药一两 大腹并子焙，三分

上六味，捣筛，每服三钱，水煎温服，良久再服。

走 注

论曰：走注者，风邪客于卫气也。风善行而数变。卫气之行，栗疾滑利。邪正相搏，则淫溢皮肤，去来击痛，游走无常，故名走也。

蒸熨方 治走注风毒疼痛，流移不定。

芥子一斤，蒸熟，曝干，为末 铅丹二两

二味，和匀，以疏布袋盛，分二处，更互蒸熨痛处。

枳壳丸方 治走注疼痛如锥刺，皮肤风气，心腹四肢疼痛。

枳壳去瓢，麸炒 厚朴姜汁炙，各一两 犀角半两 桑根白皮一两 槟榔二两，煨 柴胡一两半 半夏汤浸，焙干，为末，姜汁和，作饼晒干 大黄醋拌炒，各一两

共八味，为末，炼蜜丸如小豆大，空心，酒下二十丸。

鬼 注

论曰：鬼注者，忽因鬼邪之气排击，当

归即病，心腹刺痛，闷绝倒仆，如中恶状，余热不歇，停积弥久，有时发动，连滞不已，乃至死，死则注易旁人，故谓之鬼注。

玉壶丸方 治鬼注风冷，饮食不消，心腹胀满，攻刺心痛，大便不通。治万病详《千金方》、《外台秘要》

雄黄研 丹砂研 矾石煅 附子去皮脐 藜芦 巴豆去皮心，炒研去油，各一两

上六味，为末，炼蜜和丸如小豆大，每服二丸，米饮下，取快利为度。小儿以意减之。

八毒丸方 治鬼注、中恶心痛、积癖、蛊注、鬼气。

雄黄研 珍珠研 矾石煅 牡丹皮 巴豆去皮心，炒去油，各一两 附子去皮脐，三两 藜芦二两 蜈蚣去头足，炙，一枚

共八味，研为末，炼蜜丸如小豆大，每服米饮下二丸，得吐为效。

太极鳊鱼煎方 治鬼注、传尸、五劳七伤。

鳊鱼寸切洗净，三斤 附子一两，去皮脐 柴胡三分 芎藭 贝母去心 鳖甲去裙襴醋炙 当归切焙 知母 荆芥穗各一两 芫荽仁一分 木香三分 秦艽 青蒿子小便浸一宿 黄芪木通各一两

共十五味，除鳊鱼外，捣罗为末，分作三贴，以鳊鱼一斤、清酒三斤于银器内煮烂，去滓，入药末一贴，重煎如稀汤，以净器盛，空心，温酒下一钱，服了，夜用被盖，出汗，加至一匙。

气 注

论曰：气注者，邪气传注，蕴伏于肺也。肺主气而通行表里，若为注气所传，则其病随气游，冲击掣痛，上喘奔急，饮食不下，是为气注之候。

厚朴丸方 治一切气注，大肠结涩，背膊刺痛，气注四肢，及食物不消，奔豚气逆。

厚朴姜汁炙，一两 桂心 大黄醋炒，各二两

桃仁浸，去皮尖、双仁，炒，三两

四味，为末研匀，炼蜜丸如小豆大，每服三十丸，米饮下，食后临卧服，微利即效。一方加附子一两，去皮脐。

桃仁饮方 治注气，肩膊刺痛不移。

桃仁去皮尖、双仁，炒 酸枣仁炒 人参 赤茯苓 桂心 丁香 甘草炙

共七味，等分，捣筛，每服五钱，水煎临卧顿服。

木香散方 治卒注方。

木香 当归 白术 桂心 白茯苓各一两

共五味，捣罗为散，每服二钱，沸汤点服，不拘时，日二。

卒 魔 不 寤

论曰：其寤者魂交，其觉也形开。老弱数惊恐，心气妄乱，精神慑郁，志有摇动，则有鬼邪之气乘虚而来，人子寢寤，使人魂魄飞荡，去离形体，故魔不得寤也。久不寤，以致死，必须得人助唤，并以方术治之乃苏。若在灯光前魔者，是魂魄本由明出，唤之无忌。若夜暗处魔者，忌火照，火照则神魂不复入，乃至子死。又人魔须远呼，不得近而急唤，恐神魂或致飞荡也。

小定心汤方 治形体虚羸，心气怯弱，多魔善亡。

茯神一两 甘草炙 芍药 干姜 远志 人参 桂心各二两

上七味，锉如麻豆大，每服五钱，枣二枚同煎，温服，日三。

又 方

上方以芦管吹两耳，并其人头发二七茎，作绳，内鼻孔中，割雄鸡冠，取血，以管吹喉咽中，大良。

治卒魔方

上方以盐灌之，多少在意。

又 方

上方以雄黄如枣核系在腋下，令人终身

不魔。

治卒魔不寤方

上方用伏龙肝末，或末雄黄，或末桂心，以芦管吹入两鼻孔中。

治卒魔死方

上方以井底泥涂死人目，令人垂头就井，呼姓名，即活。此法灵异莫测。

又方

上方勿以火照，但痛齿其足后跟及足大指爪甲，即活。齿其踵不觉者，宜用矾石散。方见卒死门。

中 恶

论曰：志弱心虚，精神失守，忤犯邪恶，令人心腹暴痛，闷乱如死，无所觉知，故曰中恶。又曰卒忤。盖阴阳痞膈，气道厥逆，上下不通，阳气散乱，故令人不知也。气还则生，不还则死，久不已则变注。

麝香散方 治卒中恶，心腹刺痛，去恶气。

麝香一分 犀角屑 木香各半两

三味，研为末散，搅匀，每服二钱，空心，熟水调下，日再，未止更服。

又方

韭根一握，切 乌梅十四枚 吴茱萸汤浸，焙干，炒，二两半

三味，以净水五升煮，以病人栲内其中，三沸。栲浮者生，沉者死。煮取三升，时饮之。

治中恶气欲绝不省方

上方以皂角生为细末，内鼻孔中。一方用细辛等分，取屑如胡豆大，吹两鼻。

治中恶气欲绝方

是方取新牛粪绞汁。若无新者，取以干者汁服。

卒 死

论曰：卒死者，缘人有三虚，一谓乘年之衰，二谓逢月之空，三谓失时之和，贼风

鬼邪之气乘虚而入，故令阴气偏竭于内，阳气阻隔于外，二气壅闭，不得升降，厥气上行而暴绝也。气还则复生，不还则死。《内经》曰：出入废，则神机化灭；升降息，则气立孤危。盖谓是也。

扁鹊治卒死方

湿牛马粪，绞取汁，灌入口中，令入喉。若口噤者，斡开灌之。不可灌者，扣折一齿下之。若无新马粪，以水或人尿和干者，绞取用之。

又方

半夏末，如大豆许，吹鼻中。

治卒死而壮热者方

白矾半斤

煮令消，渍脚，令没踝。

治卒死而目闭者方

骑牛临其面捣薤汁，灌耳中。又末皂荚吹鼻。

尸 厥

论曰：《内经》谓：邪客于手足少阴太阴足阳明之络，五络俱竭，令人身脉皆动而形无知，其状若尸，故曰尸厥。盖五络皆会于耳中，苟为邪所客，则其气逆厥，上下暴隔，五络闭结而不通，故俱竭而令人状若尸仆焉。治法宜当先刺其足中指爪甲上各一痛，后刺大指内侧端，如韭叶后刺手心至少阴锐骨之端各一痛，立已。不已，以竹管吹两耳，使气脉疏通，内助五络，然后以药石治之。

治尸厥脉动而无气气闭不通故忽然如死方

上方以菖蒲末吹入两鼻中，又以桂末著舌下。

治尸厥方

鬓左角发方寸烧灰，以醇酒一杯饮之，不能饮者，灌之立已。

鬼 魅

论曰：心者，精之合，神之舍也。心气

不足，精神衰弱，邪气乘虚而感，则为鬼魅。其状令善怒不常，情思如醉，或狂言惊怖，向壁悲啼，梦寐多魇，与鬼交通，病乍寒乍热，腹满短气，不能食。诊其脉，人迎气口，乍大乍小，乃鬼魅所持之候也。

治妖魅病人不言鬼方

鹿角镑屑

一味，捣罗为细散；每服一钱，且言则差。

治鬼迷不寤方

雄黄研如粉

一味，吹入病人两鼻中，瘥。

辟诸邪崇附著及小儿惊哭恐悸方

安息香

一味，取一皂子大，焚令烟起，邪自去。

鬼 击

论曰：精足则神旺，精耗则神衰，精神耗衰，血气虚弱，则邪气易袭，故尔邂逅鬼邪相遇，则为鬼击之病。其得之无渐，卒著

人，如矛戟所伤，令人胸胁腹满急痛，不可按抑，或即吐血，或下血。轻者获免，重者或至不救。治宜符禁之法，兼辟邪安正之剂。

升麻散方

升麻 独活 桂心各半两

三味为散，每服一钱，温酒调下。

治鬼排击方

熟艾鸡子大、三枚

一味，以水五盏煎取二盏，去滓，顿服之。

又方

以浓酒吹灌鼻中。

又方

以盐一两，水三盏，和搅饮之，并以冷水噀之，须臾得吐即差。

治卒中鬼击方

鸡冠血

一味，沥口中，令下咽，仍破鸡以榻心下，冷即弃于道旁，得乌鸡尤佳。

圣济总录纂要 卷十六

清 新安 程 林云来纂辑
鄞县 曹炳章赤电校点

脏腑虚实门

肝 胀

论曰：肝胀之状，《千金》谓胁下满而痛引少腹。盖厥阴之经，起于大指，抵少腹，挟胃贯膈，布胁肋。《脉经》曰：肝病者，必两胁下痛引少腹是也。夫肝受邪则令气血不通，故胁引胀满，引少腹而痛也。

桂苓汤 肝受邪气，两胁下痛，牵引少腹，胸胁胀满。

桂心 赤茯苓 柏仁 防风 细辛 犀角三分 鳖甲二两 白术 枳壳 独活 桔梗五钱 甘草一分

枣水煎三钱，空心温服，以知为度。

三实散 治肝受邪气，客于肝经，攻胀两胁，满闷，引少腹痛，四肢厥逆拘急。

赤茯苓七钱 桂心 蜀漆 石菖蒲二两 柴胡 紫石英 山茱萸 丹砂一两 赤芍三分

共末，酒下二钱。

山茱萸汤 治肝受邪气，两胁胀满，筋脉拘急，痛引少腹。

山萸 川芎 山药 木瓜 川归 五味 黄芪 白术 生地一分 独活 枣仁二钱

大枣水煎五钱，空心温服。

肝气逆面青多怒

论曰：肝在色为青，在志为怒，故其气逆则面青多怒。盖本脏气逆于内，干之则多

怒而面青也。

防风汤 治肝气壅逆，肢体沉重，面色青，时欲嗔怒，甚则恍惚狂言，心神不守。

防风 半夏 秦艽 麻黄 独活二两 川归 远志 人参 白芍 防己 甘草 片芩 升麻一两 石膏五钱

姜枣水煎五钱，去渣，入麝末少许，热服。热服。

秦艽散 治肝气逆，面青多怒，身难屈伸，头目眩晕。

秦艽 人参 附子 白术 川椒 桔梗 干姜 天冬 川归一两 山萸 防风 白芷 前胡 麻黄，去根节 五味 甘草五钱 乌头 细辛三分

共末，酒下一钱，日二。

胆 虚

论曰：足少阳胆经不足者，胆虚也。虚则生寒，寒则其病恐懼，不能独卧，口苦，善太息，呕胆汁，心下淡淡，如人将搏之状，噎中介介，数唾，头眩，痿痹，足指不能摇，坐不能起，僵仆，目视眈眈，则胆气虚，虚则精神不守，其气上溢，循其所在而生病也。

中正汤 治胆气虚寒不足，常多恐惧，头眩痿痹，心下淡淡，四肢不利，僵仆目黄。

茯神 羌活 黄芪 怀熟地 酸枣仁一两 柏子仁炒研 防风 甘菊三分 人参 白芍药 川归酒洗 炙甘草五钱

水煎三钱，空心温服，以差为度。

人参汤 治胆气虚寒不足，精神不守，眼目昏眩，奔气在胸，眠卧多恐不安。

人参 桂心一两 白茯苓 枣仁 知母
石膏两半 甘草八钱
姜水煎五钱，空心温服，日二。

胆 实

论曰：胆实则有余，有余则生热，故其症苦腹中气满，饮食不下，咽干，心胁痛，不能转侧，足外反热，是为阳厥。及头疼，目锐眦痛，缺盆中肿痛，胁下肿，马刀侠癭，皆谓胆气实，足少阳壅滞故也。

半夏东流水汤 治胆腑气实生热，腹中气满，饮食不下，口燥咽干，头重恶寒，胁肋胀痛。

半夏姜汁炙，两半 枣仁 生地二两 片苓 赤茯苓 远志一两

用东流水二盅煎五钱，入秫米生姜温服。

泻热汤 治胆实热，精神不安。

龙骨 枣仁 片苓 竹茹 升麻 茯神 伏龙肝 甘草

水煎三钱温服，日二。

胆虚不得眠

论曰：胆虚不得眠者，胆为中正之官，足少阳其经也，其经不足，复受风邪则胆寒，故虚烦而眠卧不安也。

千里流水汤 治胆寒，虚烦不得眠。

半夏 麦冬三两 白茯苓四两 人参 片苓 远志 葶藶 桂心 甘草 酸枣仁炒，二两 《集验》、《外台》有生姜无远志

以千里水五大盅，入秫米半合煎，候沸，扬千遍，澄清，盅半入药五钱，姜半分，再沸，空心温服。

五味子汤 治胆气虚冷，头痛，心中惊悸，眠卧不安，常如人捕之状，精神不守。

五味子 白茯苓 人参 远志 川芎 熟地 枣仁微炒 麦冬一分 桑寄生五钱

大枣水煎三钱服。

枣仁丸 治胆气虚热不眠。

枣仁 地榆一两 丹砂 人参 白茯苓

石菖蒲五钱

共末，蜜丸，小豆大，空心，米饮下二十丸。

山药丸 治胆气虚冷，精神不守，眠卧不宁，头痛目眩，常怀恐惧，不能独处。

怀山药 酸枣仁 茯神 柏子仁 山茱萸三分

共末，蜜丸，小豆大，空心酒下三十丸，米饮亦可。

人参散 治胆虚，眠卧不安，多惊悸。

人参 白茯苓一两 丹砂飞过 茯神五钱

共末，米饮下一钱，或用蜜丸，梧子大，饮下亦可。

乳香散 治胆虚不得眠，精神恍惚。

乳香炙去油，研 马头脑骨烧灰，研，一两 酸枣仁微炒，二两

共末，空心，酒下二钱，以差为度。

胆热多睡

论曰：胆热多睡者，盖胆腑清净，决断乃所自出，今肝胆俱实，营卫壅塞，则清净者浊而扰矣。故精神不守，而多睡也。神既昏愤，是以常寝卧。

半夏汤 治胆热，精神不守，昏困多睡。

半夏姜汁炒，三两 怀生地五两 赤茯苓 远志二两 枣仁，生用，半两 黄芩一两

长流水三盅，煎秫米半合，取汁入药五钱，温服。

黄连汤 治胆热口苦，神昏多睡。

川连 片苓 赤茯苓 麦冬 升麻一分
水煎三钱温服。

枣仁汤 治胆风毒气，虚实不和，昏困多眠。

枣仁生用，研，一两 腊茶姜汁涂，炙微焦，二两

水煎二钱温服。

胆 痺

论曰：经谓：有病口苦，名曰胆痺。夫

胆为中正之官，清净之腑，十一脏之所取决，咽为之使。若数谋虑不决，则胆虚，气上溢而口为之苦。胆主藏不泻，今数谋不断，则清静者浊而扰矣，故气上溢而其症为口苦也。经所谓是动则病口苦，以气为是动也。

麦冬汤 治胆气虚逆，口中常苦，烦躁引饮。

麦冬 片芩 大黄炒 地骨皮 炙甘草
羚羊角镑 升麻 茯神一两
水煎五钱，入竹茹半分，温服。

黄连丸 治胆气热，口苦。

胡黄连一两 青羊角 蛇黄炙研如粉，五钱
熊胆 青黛真者，研，一分

共末，用黄牛胆汁和丸，或羯羊胆亦可，丸如绿豆大，食后淡竹叶煎汤放温下七丸至十九。

心 中 寒

论曰：心中寒者，心痛彻背，背痛彻心，如蛊注之状。盖心为阳藏，中寒则寒必甚，其心背彻痛，则寒邪乃藏深矣。

赤石脂丸 治心中寒，心痛彻背，背痛彻心。

赤石脂两半 人参 细辛一两 桂心
乌头三分 黑干姜二两 川椒炒，五钱

共末，入蜜，丸梧子大，饮下十丸，日二。未效，渐加丸数。

吴茱萸丸 治心中寒，心背彻痛。

吴茱萸汤洗，醋炒，一升 桂心 川归二两

共末，入蜜杵丸，梧子大，酒下三四丸，临卧再下。

心 健 忘

论曰：健忘之病，本于心虚，若血气衰少，精神昏倦，故心志动乱而多忘。盖心者，君主之官，神明出焉。苟为怵惕思虑所伤，或忧愁过损，惊惧失志，皆致是疾。故曰：忧愁思虑则伤心，心伤则善忘。

安神定志人参汤 治心善忘，小便赤涩，

多梦亡人，或梦水泽中，惊恐惕惕，目视眈眈，不欲闻人声音，食不知味。

人参 甘草二两 半夏 龙骨三两 麦冬 石膏 怀熟地四两 远志用甘草水浸过，四两
水煎五钱，入大枣、小麦，去渣，入阿胶末一钱、饴糖少许，再沸，温服，日二。

延龄煮散 治心脏气虚，健忘。服之安神养气，聪明不忘。

茯神 人参 益智仁 怀熟地 藿香叶
桑寄生 沉香 防风 炙甘草一两
共末，空心米饮下二钱，日二。

白石英汤 治心气虚，健忘，精神不足，失志善忘，阴痿，懒语，多惊，稍思虑即小便白浊。

白石英 人参 川芎 白术 藿香叶
紫石英 石斛 石菖蒲 续断一两 炙甘草
细辛五钱
水煎三钱服。

檀香丸 治心虚，常怵悸，恐惧多忘。

白檀香 桂心 白茯苓 甘草三两 石菖蒲 苏合油酒化 天竺黄 犀角 怀生地一两 人参 麦门冬 远志两半

共末，用苏合油人蜜杵丸，芡实大。食后含化一九，饮下。

乌犀角丸 治心虚，忧愁过度，惊悸善忘，精神恍惚，言语无度，心中烦闷。服之安魂定魄。

乌犀角 麦冬 远志 羚羊角 郁李仁
铁粉飞过 丹砂飞，一分 人参 茯神 龙齿五钱 冰片一钱，另研

共末，入蜜杵丸，芡实大，金箔为衣，酒嚼一九饮下，小儿半丸。

善 笑

论曰：《内经》谓：神有余则笑不休。盖心藏神，在声音为笑，在志为喜。今心气实，则神有余，神有余则阳气发越，此所以有善笑之症。

草龙胆丸 治心经实热，惊悸喜笑。

草龙胆 白薇 茯神 山梔仁 大黄微炒，二两 麦门冬三两 羚羊角 玄参二两半 人参 炙甘草两半

共末，入蜜杵丸，梧子大，空心，大枣汤下二三十丸，日二。

丹砂丸 治心气有余，精神恍惚，自语自笑，举止不常。

丹砂飞过 乳香炙去油 酸枣仁生用，一两

共末，酒糊丸，如梧桐子大，水下十丸。

龙齿丸 治心神狂越，多喜善笑，如邪祟。

龙齿 远志 人参 生地 山药 防风 地骨皮 五味 白茯 麦冬 天冬 车前子一两，炒

共末，入蜜丸，梧子大，用竹叶汤下二三十丸，日二。

丹砂酒 治心神不定，登高临险，言语不避亲疏，时时自笑，高声叫呼，举止无常，大便秘，小便赤，解衣露体，不能安处。

丹砂飞过，五钱 麝香研，二钱

同研匀，入白酒二升，重汤慢煨，随患人平日酒量，令醉，候患人睡着，急厚衣被盖之，令汗出病愈。若病人不能多饮药，只用其半，时时饮之，良。

小 肠 虚

论曰：小肠者，受盛之官，心之腑也。乃手太阳之经。其气虚则为不足，故左手寸口人迎以前脉阳虚者，小肠虚也。虚则生寒，是故有颠际头角偏痛，耳聋不聪，惊跳，小便频数之症。治宜补之。

牡蛎丸 治小肠虚寒，小便数，小便下久，面有膜如乳膏状。

牡蛎童便淬 石斛 川芎 益智仁 革藓 石硫黄另研 龙骨 五味子 牛膝 狗脊 山萸肉 巴戟天 续断一两

共末，入蜜杵丸，梧子大，盐汤下四十丸，便止即已。

益智仁丸 治小肠虚寒，小便后有余沥，

阴痿。

益智仁 川芎 木瓜 巴戟天 川革藓 川续断 牛膝 狗脊五钱 附子一枚

共末，蜜丸，梧子大，盐汤下四十丸，日二。

断弓弦散 治小肠气虚寒撮痛，并女人血刺心痛。

五灵脂 蒲黄新者，一两

先用好米醋一合，入药二钱，熬成膏，以水盅，煎七分，热呷。又名失笑散。

茯苓子丸 治小肠虚冷，少腹气痛

茯苓子 桂心一两 木香 附子 革澄茄 赤石脂三分 川归酒洗 川椒炒，五钱

共末，入蜜丸梧子大，酒下二十丸。

小 肠 实

论曰：小肠者，受盛之官，心之腑也。手太阳之经。其脉盛则为有余，故左手寸口人迎以前脉阳实者，小肠实也。夫实则生热，是故有身热来去，口疮心烦，身重汗不出，并小便不利之症。治宜泻之。

麦冬汤 治小汤实热，脉气盛实，小便赤涩下血。

麦冬 知母 片苓 木通 升麻 蒲黄一分 大黄炒，三分

水煎三钱，温服，日二，以差为度。

瞿麦穗汤 治小肠实热，小便黄赤，结涩不通。

瞿麦穗 猪苓 川连 防己 乌犀角 车前子炒，一两 炙甘草五钱 木通一两

水煎三钱，温服，日二。

脾 瘕

论曰：有病口甘者，此五气之溢也，名曰脾瘕。夫食入于阴，长气于阳，肥甘太过，令内热而中满，则阳气盛矣。故单阳名为瘕，其症口甘，久而弗治，转为消渴，以热气上溢故也。

兰草汤 治脾瘕，口甘中满。

兰草切，一两

水三盅，煎令减半，分三服，早中晚用，以差为度。

麦冬汤 治脾瘕，发口甘烦渴。

麦门冬 石膏二两 白芍药 片苓两半
乌犀角一两 梔子五枚，碎

水煎五钱，去滓，入朴硝五分，再二三沸，温服，日二。

石膏汤 治心脾实热，口甘烦渴，引饮无度。

石膏四两 人参 知母 白芍 紫苑
茯神 赤石脂 白术 山梔两半 竹沥 生地汁

水煎五钱，去滓，入竹沥少许，生地汁一合，再二三沸，温服。若宣利，加芒硝一两，去白芍药。

麦冬生地汗煎 治脾瘕，内热口甘，烦渴引饮。

生麦冬汁 怀生地汁 生白蜜半斤 栝
蒌根二两 犀角生者 淡竹叶 知母盐酒炒
地骨皮 萎蕤 绵黄芪 升麻一两 炙甘草
五钱 凝水石碎研 石膏研，二两

除二汁、蜜，用井花水七升煮十一味，取三升，滤去滓，入汁、蜜同慢煎，如稀汤，入瓷瓶内，重汤顿稠成煎，收贮，每用一二匙，含化，温汤送下，日二夜一。

谷 劳

论曰：胃受水谷，其气虚弱，不能传化，则令人怠惰嗜卧，肢体烦重，腹满善饥，而不能食，食已则发，谷气不行使然也，故谓之谷劳。

沉香汤 治谷劳体重，食已便卧，使气消消化。

沉香 白术土炒 紫朴姜炒，一两 人参
白茯苓 半夏姜汁炒 木香 草豆蔻 甘草
三分 陈皮去白炒，三分 黑干姜一分

生姜大枣水煎三钱，温服，日二。

木香汤 治谷劳身重，少力多困。

木香 陈皮 人参 甘草 陈曲三分
紫朴 蓬莪茂 大麦槌炒，一两 枣肉五十枚
水煎三钱，温服，日二。

白豆蔻丸 治谷劳身重，食已困倦少力，食已即眠。

白豆蔻两半 枳壳去白炒，半斤 桂心 陈皮去白炒 诃黎勒面煨取皮 川归一两，酒浸

共末，蒸大枣肉和末杵丸，梧子大，用淡姜汤空心下二三十丸，临卧再服。酒下亦可。

食 飧

论曰：《内经》云：大肠移热于胃，善食而瘦，亦谓之食飧。胃移热于胆，亦曰食飧。夫胃为水谷之海，所以化气味而为荣卫者也。胃气和，则食有节，气血盛，而肤革充盛。若乃胃受邪热，消烁谷气，不能变精血，故善食而瘦也，病名食飧，言虽能食亦若饥也。胃移热于胆，亦曰食亦。以胆为阳木，热气乘之，则烁土而消谷也。

参苓丸 治胃中结热，消谷善食，不生肌肉。

人参 赤茯 菖蒲 远志 牛膝 地骨皮二两

共末，蜜丸，梧子大，饮下二十丸，日二。

甘露饮 治胃热善食，不生肌。

生地 熟地 天冬 麦冬 片苓 石斛
枇杷叶 甘草 枳壳 茵陈蒿一两
水煎三钱服。

胃 反

论曰：脾与胃合，主腐熟水谷。今脾胃气虚，水谷不化，与停饮相击，胃中虚胀，其气逆上，食久反出，故名胃反。其候朝食暮吐，暮食朝吐，寒热时作，心下痞结，状如覆杯。

人参汤 治胃反，食下便吐。

人参 泽泻 甘草 大黄炒 桂心二两

赤茯苓二两 竹茹三两 陈皮 干姜一两

水煎五钱服，日二。

铅丹丸 治胃反，呕吐哕逆。

黑铅四两，化汁，入纸灰，以柳木椎研成粉，罗过二两

米醋二升，熬成膏，入蒸饼少许，熟丸如赤小豆大，姜汤下十丸。饮亦可。

木香汤 胃反，不纳饮食。开胃和气。

木香一分 糯米一撮 胡椒二十一粒

同炒米，熟研末，分五服，水煎服。

田季散 久患翻胃，及小儿惊吐诸吐。

硫黄五钱 水银一钱五分，同研黑煤色 生姜四两，取汁

酒一盅，和药，每服三钱，空心服之，以衣补盖覆，自足指汗出，拖迺遍身，汗彻即瘥。常有人病反胃经三年不差，消瘦殆尽，用药一服，汗出如胶，腥秽不可近，当日更不复吐，遂差。又小儿诸吐，量大小与药，一字至三四字，冷水下，吐立定。此散极浮难调，须先滴少当，以指缓缓研杀，稍增汤调和。若倾入汤酒，尽浮泛，不可服。又乌头煮散、吴茱萸散，皆治反胃，惟田季散有阴阳理，胜于二方，今载于后，但性差热，更量脏腑寒温用之。

吴茱萸散 胃气虚冷，不能饮食，食即吐酸水。

吴茱萸汤洗七次炒 干姜炮制，二两

共末，空心，热酒下三钱。

吴茱萸丸 治年深膈气翻胃，早食晚吐，生存不化，膈上常有痰涎，时时呕血，胸中多酸水，吐清水无时，夜吐至晓，日渐消瘦羸弱，腹中痛楚，痰逆，时复冷滑，又即秘结等疾。

吴茱萸汤洗炒，三分 半夏一两 生姜四两，取汁，入水煮烂，细研成膏 当归酒洗 人参 胡椒

甘草五钱，半生，用纸裹六七重，醋浸，煨干，又浸又煨七次 白矾烧枯，五钱

共末膏丸，梧子大。桑柳枝煎汤下七丸，日三服。忌食诸毒发物，惟可食油煎猪胰脾

软饭。

茯苓饮 治胃反吐逆，烦渴饮水。

赤茯苓二两 白术 甘草 桂心五钱 泽泻 干姜炒，一两

水煎五钱，空心服，日二。

通膈汤 治胃反不下食。

昆布取对阴户者，洗去咸水，焙干，烧灰 白术一两 大黄炒，五钱 槟榔 丁香 诃黎勒

木香 半夏三分

姜水煎三钱服。

嘔

论曰：人食于口而聚于胃，脾胃散精气以养四旁，脏腑气和，乃能裨助于中。若脾胃气虚，不能传化水谷之精，与新谷相干，脾胃气逆痞满，复遇冷折之，故令嘔逆也。

人参汤 治嘔逆不止。

白茯苓 人参 白术 藿香五钱 甘草一分

水煎三钱温服。

水银膏 治诸般嘔逆。

水银不结沙子 硫黄细研 太阴玄精石各一两，研

共和匀，研极细，用米醋五升，文武火熬成膏，磁合收贮，旋丸，梧子大，艾汤下七丸。

枇杷叶汤 治嘔逆不止，饮食不下。

枇杷叶去毛，炙，四两 陈皮去白炒，五两 甘草炙，三两

姜枣水煎三钱，稍热服。

三圣散 治嘔逆不止。

丁香四十九枚 胡椒十四粒 半夏大者七枚，姜汁洗

共末，大人姜汤下一字。小儿篦头蘸姜汁点药口中，立愈。至甚不过二服。

神效方 治胃口冷，嘔逆不止。

大枣一枚，去核

入胡椒七粒，湿纸包，煨熟，出火毒，空心，细嚼，温酒送下，以粥投之，取效为度。

噫醋吞酸

论曰：上焦有留饮，脾胃挟宿寒，致饮食滞于膈腕，不能传化，令人腹满气逆，所以噫醋也。

半夏丸 治上焦冷气，噫醋吞酸，吐沫呕逆，不思饮食。

半夏姜汁制，二两 丁香五钱 干姜炒，二分
共末，姜汁糊丸，梧子大，空心，木瓜盐汤下十五丸。

藿香半夏丸 治胸膈有痰，脾胃积冷，噫醋吞酸，不思食。

藿香一分 半夏五两，姜汁浸 丁香五钱
共末，糊丸，梧子大，姜汤下十五丸。

丁香煮散 治噫醋吞酸，不欲饮食。

丁香 干姜五钱 人参 白术 白芷 赤茯苓 桔梗炒半夏 甘草 桂心一两 槟榔 高良姜 肉豆蔻一分

共末，姜枣水煎三钱服。

丁香丸 治饮食不化，噫气吞酸。

丁香 人参 五味 半夏五钱 甘草 琥珀 干姜一分 桂心 枳壳 昆布 诃勒皮二分

共末，蜜丸，梧子大，空心，姜橘汤下二十九。

胃寒肠热

论曰：病有腹胀而泄者，为胃寒肠热。胃受寒，则气收不行，而为胀满；肠客热，则水谷不聚，而为泄注。病本浊寒之气在上，清热之气在下，故为腹胀而泄也。

诃梨勒汤 治胃寒肠热，腹胀满闷，泄泻不止。

诃勒皮两半 青皮 大黄炒 陈皮 紫朴姜汁炒 高良姜炮 枳壳炒，五钱 防风 甘草一分 干姜一两

姜枣水煎三钱服。

当归黄连汤 治胃寒肠热，腹胀泄利。

当归 川连二两 木香 紫朴姜汁炒 诃

梨勒 吴茱萸洗炒 赤茯苓一两

共末，蜜丸，梧子大，饮下三十丸，日二。

紫朴丸 治胃寒肠热，腹胀泄利。

紫朴姜汁炒，两半 附子 龙骨 川连 白豆脂 诃梨勒 吴茱萸洗炒 干姜一两

共末，醋浸，炊饼丸，梧子大，空心，吴茱萸汤下三十丸，米饮亦可。

妙应丸 治胃寒肠热，腹胀泄利。

乌头炮，去皮脐，五钱 梔子 干姜一分

共末，姜取自然汁，和丸，梧子大，空心，酒下七丸，日二。

胃热肠寒

论曰：肠胃相通，疾病相连。人固饮食不节，寒温失宜，致肠胃受邪，有冷有热，病症俱见者，则善饥，小腹痛胀，为胃热肠寒之病。胃热则消谷，故善饥；肠寒则血凝脉急，故小腹痛；又寒则气聚，故痛而且胀。

地黄汤 治胃热肠寒，食已小腹痛胀。

熟地 人参 白茯苓 地骨皮 甘草 枇杷叶去毛炙 麦冬 石斛 黄芪炙，二两
水煎三钱，空心服。

调中汤 同前

人参 白茯苓十两 甘草炙 紫河车炙，二两
水煎三钱，空心服。

麦冬汤 同前

麦冬 炙甘草二两 白术 羌活 白茯苓 旋复花 人参 升麻 桑白皮 白芍药 玄参 当归酒洗浸 柴胡一两 胡黄连一分 木香五钱 熟地两半

共捣粗末，姜枣水煎三钱，人甘草一寸，空心服，日二。

肺消

论曰：《内经》谓：心移寒于肺，故为肺消。肺消者，饮一溲二，病不治。夫病必有传，而传则有顺有逆。传其所生者顺，顺则易治；传其所胜者逆，逆则难治。缘心经受

邪，传之于肺，是为逆证。盖以寒邪随心火内烁金精，肺脏既已销铄，气无所持，故症饮少而洩多也。当其始病之时，治宜去其寒邪，使不乘心火而移害于肺。至于肺已既消，则又当补其肺气，平其心火，邪无所容，而病自愈。

黄芪汤 治肺消，饮少洩多。

黄芪二两，蜜炙 人参 五味子 麦冬 贝母去心 桑白皮东引者，炙 枸杞子酒浸 怀熟地两半

水煎五钱，空心温服，日二。

兔丝子散 治肺消，饮少洩多。

兔丝子酒洗净，用白酒浸一宿，点，捣烂，焙干，研，一两 鸡臆脰黄皮不见水，炙，两半 蒲黄纸隔微炒 五味子炒 川连去须芦，水洗，两半 肉苁蓉酒洗去甲，焙干，一两 硝石五钱

共末，酒下三钱，日二。

黄芪汤 同前

黄芪蜜炙 土瓜根二两半 芡莫 地骨皮 五味子 人参 石膏研 牡蛎童便淬，一两

膈 消

论曰：心移热于肺，传为膈消。夫心肺二脏，皆居膈上，心火既炽，移热于金，二脏俱热，熏蒸膈间，而血气消铄也。心主血，肺主气，俱受邪热，宜不息而消，故久则引饮，为消渴之疾。

麦冬饮 治膈消，胸中烦满，津液燥少，短气多渴。

麦冬二两 人参 生地 五味 甘草 葛根 栝蒌 知母 茯神一两

水煎五钱，入淡竹叶十片，温服，日二。

除热地黄煎 治膈消烦渴。

生地汁 生栝蒌汁二升 牛乳三升 白蜜半斤 川连一斤，为末

合煎减半，入末，收成膏，热汤化下二大匙，日三。

知母汤 治膈消，心胸烦渴，咽燥。

知母 子芩 白茯 生姜焙 泽泻二两

小麦八合 大枣肉十五枚 甘草二两

水煎五钱，入淡竹叶十五片，温服，日二。

肺 痿

论曰：《内经》谓：热在上焦，因咳为肺痿。其病之所得，或因汗出，或因呕吐，或因消渴，或小便利数，或因便难，数被快药下利，重亡津液，故得之。诊其寸口，脉数而虚，其人胸烦多唾，唇燥，小便难，或数咳不得咳，咳则出干沫，胸中隐隐痛者是也。

地黄汤 治虚寒肺痿喘急。

怀熟地 川芎五两 人参 桂心三两

桑白皮炒，二升 大麻仁一升，炒研如脂

水煎五钱，去滓，入麻仁脂少许，再数沸，温服，日二。

旋复花汤 治肺痿，咳嗽，吐稠粘，虚瘦，喘急，盗汗。

旋复花 甘草 牡蛎醋淬，一两 生地汁 生姜汁二合 紫苑 桔梗炒 萎蕤五钱

水煎五钱，去滓，入二汁少许，沸服，日二。

紫苑汤 治肺痿，咳嗽，涕吐稠粘，小便利。

紫苑 天冬 桔梗五钱 白茯 知母一两 百合二两 生地汁

水煎五钱，去滓，入生地汁半合，沸服。要利加朴硝末少许。此疾利多，为肺为大肠合，故秘涩者少。

鹿髓煎 治伤中气，脉绝筋急，肺痿咳嗽。

鹿髓半斤 白蜜 真酥二两 杏仁去皮尖，三两 桃仁去皮尖，三两，炒研，用酒一升滤汁 生地汁五合

先将二仁汁、生地汁煎减半，下鹿髓、酥、蜜，搅匀，慢煎如饴，不拘早晚，频服一匙。如无鹿髓，以牛髓代之。

肺 痿 咽 燥

论曰：热在上焦，因咳为肺痿，其脉则

寸口数，其症则咳而口中有浊唾涎沫，甚者咽中干燥。盖以邪热熏肺使然，或因快药下利，重亡津液所致。

天冬丸 治肺痿咽干，烦躁，痰壅咳嗽，小便涩赤，眠卧不安，咳吐涎沫，咽喉肿痛。

知冬 人参二两 杏仁 甘草一两 贝母 阿胶 桑白皮 五味子五钱

共末，蜜丸，梧子大，临卧人参汤下十丸，含化亦可。

生姜甘草汤 治肺痿，咳吐涎沫不止，咽燥而渴。

生姜五钱 甘草四两 人参三两 大枣十枚

水煎六钱，温服，日二。

天冬煎 治肺痿，咳嗽吐涎沫，咽燥渴。

生天冬汁 醇白酒 饴糖一斤 紫苑四两，为末

将酒汁重汤煎沸，下苑末，搅匀，入饴糖，可丸即丸，如杏仁大，津液含化一丸，日三。

生地煎 治肺痿，喘嗽，涕吐稠粘，咽膈不利。

怀生地 杏仁去皮尖，炒研，三两 生姜二两，与生地同研取汁 玄参生，一斤 天冬去心，半斤 麦冬去心，一斤，二味用生者 牛蒡子生用，四两，与玄参、天冬、苏子同用水捣取汁 苏子炒，二两

同和匀，慢火煎，令稠，入炼过蜜五两、真酥二两，搅匀，入瓷罐内，放饭甑蒸，少时收贮，频化一匙。

肺痿小便数

论曰：《内经》云：脏真高于肺。又曰：精气夺则虚。今肺中冷，则肺中真气不足而其人上虚矣。虚则无以制下，故上为肺痿，下为小便数，以致吐涎沫而欲咳不能咳者，皆其症也。治宜以温药和之。

白茯苓汤 治肺痿小便数，甚者吐涎沫，欲咳不能。

白茯苓 附子 桂心 白芍三两，炒 川

椒炒，四十粒 肉苁蓉两半 补骨脂 黄芪一两 水煎三钱，空心温服，日二。

甘草干姜汤 治肺痿小便数，咳吐涎沫，

炙甘草四两 黑干姜二两

用水煎三钱，空心温服，二日，以差为度。

五味子汤 治肺痿小便数。

五味子 款冬花 人参 桂心二两 麦门冬 桑白皮炙，三两

生姜大枣水煎六钱，空心温服，日二。

龙骨汤 治肺痿小便数，渐觉气弱。

白龙骨 肉苁蓉 黄芪蜜炙，一两 附子 白薇 牡蛎醋淬，三分 炙甘草五钱

生姜大枣水煎三钱，温服，日二。

肺 痈

论曰：肺痈之病，脉数而实。盖以风中于卫，呼气不入，热过于营，吸而不出，风热凝滞，蓄结为痈。其症恶寒口干，胸中隐隐痛，咳而胸满，时出腥唾者是也。宜速治之。久则吐脓如米粥。始萌可救，脓成难治。

苇叶汤 治肺痈。

苇叶细切，两升 桃仁去皮尖炒，五十枚，研 瓜蒌仁 薏苡仁半升

用水一斗，将苇叶取汁五升，人药煮二升，去滓，分三服。当吐如脓，差。

甜葶苈丸 治肺痈。

甜葶苈纸炒研 杏仁去皮尖，一两，炒研膏 贝母炒，五钱，研 皂荚肥大不蛀者，二两。

先将皂荚捶碎，人无灰酒半升，内熟按滤，去滓，慢煎成膏，将三味共末，入膏和丸，梧子大，温水下二十丸。如肺气喘急，浓煎桑白皮汤下。

防己丸 治肺痈咳嗽久不差。

防己 杏仁去皮尖，炒研 川贝母 炙甘草二两 甜葶苈纸炒研，四两

共末，糊丸，梧子大，水下三十丸，日二。

地黄汤 治肺痈。

生地汁一升 人参 附子 白石英醋淬三次 川归 甘草炙，一两 白豆小者，二十粒 白丝毛鸡一只，男人用雌者，女人用雄者，治如食法

用水一斗五升，先煮鸡取汁七升，去鸡，入生地汁，再沸，下诸药，慢火煎三升，滤去滓，每服一盅，日三夜二。

桔梗汤 治肺癰吐脓如粳米粥。

桔梗炒，二两 炙甘草一两

水煎六钱，空心温服，须臾吐脓数合，再服。

薏苡仁汤 治肺癰咳嗽。

薏苡仁一升 苦酒三升

用酒煮薏仁至一升，温顿服，吐出脓血，验。

桔梗白术汤 治肺癰，吐脓经时不瘥。

桔梗炒，三升 白术 怀生地 薏苡仁 炙甘草 败酱草二两 桑白皮一升 川归一两 大豆四升

用水一斗五升煮豆，取汁七升，内清大酒三升，合诸药煮之，去滓，取三升，每服盅，日三夜一。

肺癰喘急胕满

论曰：《内经》谓：肺之癰，喘而两胕满。盖肺主气而合于息，其脉别支者，从肺系横出腋下，故邪气蕴积于肺，则上为喘急，下连两胕满。治宜泻其肺脏之邪毒，病斯愈矣。

葶苈大枣泻肺汤 治肺癰喘急，不得安卧。

葶苈甜者，五两，纸炒，研取末五钱 大枣去核，十枚

用水三大盅煮枣取汁，入葶末五钱，一二沸，温服，日止一服。

平肺汤 治肺癰，气急喘逆，咳嗽胕满。

黄芪 陈皮 杏仁一两 沉香五钱 人参 紫苑 紫苏二两

水煎五钱温服，日二。

夜合汤 治肺癰咳喘，体有微热，烦满，胸前皮肤甲错者。

夜合白皮一两，炙，即合欢皮，肺癰之妙药

水三盅半，分二服，日服之，以差为度。

肠 垢

论曰：《内经》谓：大肠有热，便肠垢。巢元方云：肠垢者，肠间津汁垢腻也。盖传化之腑，热气积而为痢，痢久不已，肠间虚滑，津垢乃出，是邪热气实，真脏气虚，故有此症。

附子丸 治肠垢，因久痢肠滑，下垢不止，羸困。

附子去皮脐，炮 桂心 赤石脂 黑干姜 二两

共末，人蜜杵丸，梧子大，空心，米饮下二三十丸，临卧再下。

伏 瘕

论曰：《内经》谓：小肠移热于大肠，为伏瘕。夫小肠者，乃受盛之官，化物出焉。大肠者，乃传导之官，变化出焉。二者皆以传化为事令也。小肠受热，移于大肠，则阴气虚而津液耗，不能滑利，故糟粕内结，沉伏而为瘕聚，肠间菀结，大便秘涩是也。

槟榔丸 治大小肠胃受热，气不宣通，瘕聚沉伏，肠间菀结，腹胁胀满，大便秘涩。

槟榔 大黄 枳壳炒，二两 桃仁去皮尖炒 大麻仁炒 青皮炒 木香二两

共末，温水下一钱，日二，以知为度。

秦艽汤 治大肠伏瘕，秘涩躁闷。

秦艽两半 防风 枳壳 槟榔 桂心 独活 牵牛生捣，一两 朴硝研

水煎三钱，去滓，入硝末五分，再沸服，日二。

肾 虚

论曰：肾主水，变五脏六腑之精而藏之。若肾气虚弱，则足少阴之经不利，故其腰膝背酸疼，小便滑利，脐腹痛，耳鸣，四肢逆冷，骨枯髓寒，足胫力劣，不能久立。故曰：

诊左手尺中神门以后阴脉虚者，为少阴经病，令心闷下重，足肿不可按。盖足少阴肾之经也。

磁石丸 治肾经虚惫，四肢无力，体面少色，恶风寒，手足冷，骨节痛，耳内蝉鸣。

磁石醋淬七次，研 附子 桂心 补骨脂 肉苁蓉一两 巴戟天去心 续断 人参 白茯苓 柴胡 黄芪 山药 紫朴姜汁炒 木香 牛膝酒浸 远志甘草水浸 川椒炒，一两 羊肾一对，去筋膜，盐水煮 槟榔一枚 桃仁去皮尖炒

共末，入蜜杵丸，梧子大，空心，酒下二三十丸，日二。

鹿茸丸 治男子肾脏虚损，腰脚弱，气不足，体烦倦，面色黑，小便数。

鹿茸一对，酒浸，去毛，炙 附子 牛膝 人参 木香 巴戟天 天雄 肉苁蓉酒浸，去甲 五味子 川椒 羌活 桑螵蛸 兔丝子 葫芦巴 红豆蔻 山药 沉香 肉豆蔻 楮实子 怀熟地 白蒺藜 桂心 白茯苓 没药 各一两

共末，入蜜杵丸，梧子大，酒下二十丸，日二。

羊肾丸 治肾虚，攻注四肢，烦热多汗，肢节痛，耳鸣。

羊肾一对，去筋膜 杏仁去皮尖炒 川椒 川归 麻黄去根节 黄芪一两

共末，用羊肾酒煮烂研，酒煮糊丸，梧子大，酒下二十丸，日二。

羊骨补肾丸 治肾虚寒，耳鸣，好睡，日渐痿弱。

羊胫骨酥炙，五两 白术 磁石醋淬七次，二两 桂心三两 黄芪蜜炙 白茯苓乳浸 干姜一两

水煎五钱温服，日二。

葫芦巴丸 治肾气虚损，阳气痿弱。补虚损，兴阳气。

葫芦巴微炒 附子 肉苁蓉 巴戟天紫者，炒 苻香子炒，两半 川牛膝 蛇床子 桂

心 楝实去皮，醋浸 补骨脂一两 蓬莪菹醋浸，二两

共末，入蜜杵丸，梧子大，姜盐汤下二十丸，日二。

桑螵蛸丸 治肾元虚，耳聩，胀满，腰脊强直，小便赤黄。

桑螵蛸炒 山药 沉香 山萸肉 肉苁蓉 磁石醋淬，研 五味子 川归五钱 附子三枚 石菖蒲 续断三分 苻香子，炒，一分

共末，蜜丸，梧子大，酒下二十丸，日二。

沉香饮 治肾气虚，小腹急满，骨肉干枯，阴囊湿痒。

沉香 木香 羌活 熟地 黄芪 泽泻 桑螵蛸五钱 白芍 川归 天雄 续断 磁石醋淬七次，研，一分 革薢 牛膝 大腹皮三分

生姜水煎五钱，温服，日二。

床云散 治阳气不足，肾元虚，精乏不能施行。

兔丝子五两 天冬九两 五味子六两 覆盆子十两 紫石英二两 桑寄生 天雄一两 白术 石斛三两

共末，酒下二钱。气寒者，去桑寄生，用细辛二两

肾实 肾何能实？以肾火实也

论曰：足少阴肾经，其气实为有余，有余则舌燥咽肿，上气喘干，咳喘汗出，腰背强急，体重内热，小便黄赤，腰脊引痛，足胫肿满，此由足少阴经气实，或为邪湿所加，故有是症。治宜泻之。

泻肾大黄汤 治肾元实热，小腹腹胀，腰重不利，足下热痛，耳聩腰解，梦伏水中。

大黄蜜水浸 怀生地 磁石醋淬七次，二两 玄参 片苓 泽泻 五加皮 羚羊角 石菖蒲 炙甘草 赤茯苓一两

水煎二钱，入竹叶二七片，温服，日二。

羚羊角汤 治肾元实热，多怒好忘，肢

体烦满，腰腹急重。

羚羊 升麻 槟榔 白芍 杏仁 甘草
泽泻 子芩 木通 赤茯苓

水煎三钱，入竹叶十四片，温服，日二。

大泽泻汤 治肾元实热，多怒善忘，舌燥咽肿，喘急，耳听不聪，四肢满急，腰背强直。

泽泻 子芩 升麻 杏仁去皮尖 芒硝
研，三钱 磁石醋淬七次，四两 茯苓 大青 竹
叶二两 怀生地五两 羚羊角一两 柴胡二两
水煎五钱，空心温服，日二。

肾 胀

论曰：肾胀之病，腹满引背，央央然，腰髀痛者是也。盖肾主腰脚，其经属足少阴，与足太阳为表里，故肾经所过，抵少腹，通膀胱，挟脊内，过髀枢，循髀外，是动则病髀不可以曲。今寒气积于肾经不得宣，故气留滞而为胀，名曰肾胀。

温经汤 治肾虚胀，寒气不宜利，上攻腹内，及背腰脊髀痛。

附子 杜仲盐酒炒 牛膝一两 补骨脂
川续断 黑干姜 桂心三分

生姜水煎三钱，入盐一捻服，日二。

茴香子散 治肾虚胀，气攻腰腹髀痛。

茴香子 桂心 石斛 怀熟地 桃仁去
皮尖炒 黑干姜 杜仲酒炒 甘草一两

共末，空心酒下二钱，日二。

八味丸 治肾气虚冷，气攻腰腹痛。

附子去皮脐，炮 桂心 泽泻二两 怀熟地
八两 山药 山萸肉四两 牡丹皮不见火 白
茯苓三两

共末，入蜜杵丸，梧子大，空心，酒十二三十丸。盐汤下亦可。久服温肾经，消胀满。

解 体

论曰：《内经》云：冬脉太过，则令人解体。其症脊脉痛而少气不欲言语。夫肾为作

强之官，精为养身之本，所以运动形体者也。

一或受邪，则肾实而精而不运，故有脊脉痛，少气不欲言之证。其名解体者，解有解缓之义，体则疑其寒亦疑其紫，疑于壮又疑于弱，有不可必之之词。诊其尺脉缓而涩者，为解体也。

利肾汤 治解体，脊脉痛而少气不欲言，此为肾气有余。

怀生地 赤茯苓 泽泻两半 柴胡 枳
壳去白炒 麦门冬 川牛膝 槟榔 子芩一两
水煎三钱，空心温服，日二。

通肾汤 治解体，少气不欲言，脊脉急痛，腰背强直，足下热疼，小便癃闭，心烦咽干。

怀生地 羚羊角 赤芍 石菖蒲二两
猪苓 炙甘草 五加皮 泽泻一两
水煎三钱温服，日二。

暗 瘕

论曰：《内经》谓：内夺而厥，则为暗瘕，此肾虚也。暗瘕之状，舌暗不能言语，足废不能为运用。盖肾脉挟舌本，肾气内夺，气厥不至舌本，故不能言语而为暗，肾脉循阴股，循胫骨内踝，入足下，肾气不足，故足废而为瘕。名曰暗瘕。

熟地黄汤 治肾气虚厥，语声不出，足废不为运用。

怀熟地 附子 石斛 五味子 巴戟天
肉苁蓉 山萸肉 桂心 远志 麦冬去心
白茯苓 石菖蒲五钱

生姜大枣水煎三钱，温服，日二。

补骨脂丸 治暗瘕，肾气内夺，舌暗足废。

补骨脂 肉苁蓉一两 远志 麦冬 石
菖蒲 钟乳粉五钱

共末，入蜜杵丸，梧子大，用木通汤下三十丸，日二。

肾虚阳痿

论曰：肾脏虚损，阳气痿弱者，盖由嗜欲不节，劳伤肾气，精血耗竭，脏腑空虚，血气不能充养故也，治宜补虚损，兴阳道，益精气。

五味子丸 治肾虚损，精神衰竭，阳道痿弱，腰脚无力。

五味子 兔丝子 鹿茸_{去毛炙} 巴戟天 杜仲 肉苁蓉_{一两}

共末，入蜜杵丸，梧子大，酒下二三十丸，日二。

磁石丸 治肾气虚损，骨髓枯竭，小便频数，腰背拘急，耳鸣，面色黑黯，阳道痿弱。

磁石醋淬_{二七次}，二两 附子_{一两} 人参 白朮 白茯苓 地骨皮 桂心 五味子 熟地 黄芪 牡蛎 泽泻_{三分}

共粗捣，每用羊肾一对，煮汁，入药三钱，姜枣煎服，日二。

助阳丸 治肾虚损，阳气痿弱无力，志意不快，小便数。

附子 人参 鹿茸_{去毛炙} 菟丝子 肉苁蓉 钟乳粉 黄芪 原蚕蛾_{一两}

共末，入蜜杵丸，梧子大，酒下二十九，日二。

肾虚多唾

论曰：水饮，非升降不能传导，非阳气不能消烁。肾虚多唾者，盖缘肾脏不足，阳气虚微，而又阴寒凝结，停滞于胸膈之间，不能消烁水饮，上溢于齿牙，故喜唾也。

地黄汤 治肾虚使人痰唾不休。

怀熟地 鹿茸 巴戟天 丹参 五加皮 枸杞子_{一两} 车前子 桂心 防风_{一两}

水煎四钱温服，日二。

半夏丸 治肾虚寒，唾痰不休，心胸痞闷。

半夏汤泡七次，为末，用姜汁和，白饮咽下，炙

人参 附子 前胡_{一两} 五味子 枳壳 槟榔 赤茯苓 陈皮 桔梗 河勒皮_{五钱}

共末，酒煮糊丸，梧子大，姜汤下二三十丸，日二。

骨虚实

论曰：肾生骨髓，骨髓者，肾气之余。肾气虚，则骨髓酸疼，倦而无力。其气实，则骨热苦烦，清液内燥。当随症施治。

补骨脂汤 治骨虚酸疼，多倦不能久立。

补骨脂 人参 附子 五味子 肉苁蓉_{一两}

水煎三钱，去滓，入酒二分，温服，日二。

白芍虎骨散 同前

白芍药_咀，一斤 怀熟地_咀，五斤 虎骨_{四两}，锉

用白酒一斗浸三宿，晒干，又浸又晒，以酒尽为度，共末，不拘茶酒下二钱，日二。

四物汤 治骨髓实，苦疼烦热。

葛根汁 生地汁 麦冬汁 白蜜_{各盅半}

共和匀，分三服，每服入水半盅同煎，温服。

髓虚实

论曰：骨髓之病应肝胆，若其腑脏有病，皆从髓生。盖热则应脏，寒则应腑，故髓虚者，脑病不安，身常清栗；髓实者，身体烦躁，勇悍惊热。此髓虚实之候，当随症施治。

补虚羌活丸 治髓虚寒，脑病不安，身常清栗。

羌活 川归 人参 川芎_{二两} 桂心_{一两} 大枣_{去皮核}，三十枚 羊髓 牛髓 真酥 大麻仁_{各一合}，研

共末，入髓酥，和匀，入器内，重汤炖稠，丸梧子大，空心，酒下三四十丸，日二。

温髓汤 治髓虚骨寒。

附子 人参 桂心 黄芪_{蜜炙} 细辛_{一两}

水煎三钱，温服。髓实者，于肾实并骨实中求之。

胞 痹

论曰：《内经》谓：胞痹者，小腹膀胱，按之内痛，若沃以汤，涩于小便，上为清涕。夫膀胱为州都之官，津液藏焉，气化则能出矣。今风寒湿气客于胞中，则气闭不能化出，故胞满而水道不通。其症小腹膀胱，按之内痛，若沃以汤，涩于小便。以足太阳经气闭，故热而痛也。上为清涕者，以足太阳经直行者从巅顶入络脑，脑气下灌，出于鼻窍，则为清涕矣。

温肾汤 治胞闭，小便不利，腰脊疼痛，腹背拘急绞痛。

泽泻 白术 赤茯苓 黑干姜二两
水煎四钱温服，日二。

人参汤 治胞痹，小便不利。

人参 白芍 川芎 生地 川归 赤茯苓
远志 子芩 五味子 甘草 麦冬 干姜
一两 桂心二两

水煎羊肾，取汁，入大枣煎五钱，温服，日二。

肾沥汤 治胞痹，小腹急痛，小便赤涩。

麦门冬 犀角 五加皮 杜仲盐酒炒
桑螵蛸十枚，切破，炙黄 赤芍药 木通 桔梗。
炒，一两

水煮羊肾一对，取汁煎五钱，去滓，入竹沥半合、姜汁少许，再沸，温服，日二。

胞 转

论曰：胞受水液，气未转行，则小肠满

胀，或饱食用力，或因合阴阳，令胞屈辟，小便不下，遂致胞转。其候水道不通，小腹急痛，烦闷汗出，气逆奔迫，甚至于死，名曰胞转。宜速治之。

琥珀汤 治胞转，脐下急满，或因霍乱而得者。

琥珀研，一两 阿胶，炒，五钱 车前草三两
葱白三七茎

用水五盅煎葱白、车前，取汁三盅，下胶末，次下珀末，微煎，分三服。

石菖蒲散 治胞转，不得小便，少腹急痛。

石菖蒲 滑石飞过，一两

共末，用鸡子白和二钱下，顷再下。

秦艽汤 治胞转，不得小便，小肠满胀。
秦艽

水煎五钱，空心，温服，少顷又服，以瘥为度。

琥珀汤 治胞转，小便不能，小腹痛，烦闷。

琥珀研细 生大黄 滑石飞过 车前子
车前叶 一两

水煎五钱，入葱白三寸，空心温服，日二。

车前草饮 治胞转，脐下急满，小便不利。

车前草去根，一握

用水三盅煎，温服，日二。以瘥为度。

圣济总录纂要 卷十七

清 新安 程 林云来纂辑
鄞县 曹炳章赤电校点

面 体 门

面 黥 黯

论曰：黥黯之状，点如乌麻，斑如雀卵。稀则棋布，密则不可容针。皆由风邪客于皮肤，痰饮浸渍，其形外著；或饱食安坐，无所作为。《养生方》所谓积聚不消之病，使入面目黥奸是也。散之，固有常剂，若乃涂泽蠲除，朝夕从事者，又安可已耶？

治面黥黯方

鸡子一枚，去黄 朱砂末一两

二味，先研朱砂为末，入鸡子中，封固口。与鸡卵同令鸡哺，候鸡雏出，即取涂面，效。

治面黥黯方

沉香三分 牛黄三分 熏陆香三分 雌黄各半两 丁香一分 玉屑三分 鹰屎半两 水银一分

共八味，先将三味香捣罗为末，次将玉屑、雌黄入乳钵中，研令细。方入水银入诸药同研，令极细，入白蜜调和，令稀稠得所。入瓷盒中盛，每至入卧时涂面黥黯处。

杏仁膏 治面黥黯，涂之令白润泽。

杏仁去皮尖双仁，一两半 雄黄一两 瓜子一两 白芷一两 零陵香半两 白蜡三两

上六味，除白蜡外并入乳钵中研令细。入油半斤，并药内锅中，以文火煎之。候稠凝，即入白蜡，又煎，搅匀，纳瓷盒中。每日先涂药，后敷粉。大去黥黯。

羊髓膏方 治面黥黯，涂之令光白润泽。

羖羊胫骨髓二两 丹砂半两 鸡子白

三味，先将髓并丹砂入乳钵中，研令极细，以鸡子白调和，令匀，入盒中盛。每用时，先以浆水洗面，后涂之。

益母草涂方 治面黥黯，令光白润泽。

益母草灰一升

一味，以醋和为团，以炭火煨七度后入乳钵中研细，用蜜和匀，入盒中。每至临卧时，先浆水洗面，后涂之。大妙。

面 奸 皤

论曰：面奸皤者，面生皤皤，细起如粟壳状，由风热相搏而生。盖诸阳在于头面，风热乘之，结面不散，故成奸皤。《养生方》说：醉不可露卧，及饮酒热未解，冷水洗面，令人面发疮，轻为皤。正谓此也。

白芷膏方 治面奸皤，涂面光白。

白芷 白敛各三两 白术三两半 白芨细辛三两 白茯苓一两半 白附子一两半

上七味，捣罗为末，用鸡子白和匀，丸如弹子大，瓷盒中盛。每卧临时，先洗面，后取一丸以浆水研化，涂面上。明旦，并华水洗之。不过七日，大效。

矾石散方 治面奸皤，令白，涂面。

矾石烧令汁尽 白石脂各一分 白敛三分 杏仁去皮尖，研，半两

四味并为散，以鸡子白调，令入瓷盒中盛。临卧时，先用浆水洗面，后涂药。明旦以并华水洗之。

浮水膏方 治面奸皤，令光白。

水萍暴干，五两

一味，捣罗为末，以白蜜调和，稀稠得所，入瓷盒中盛。每临卧时涂面。

面 鼓 皤

论曰：诸阳皆会于面，风邪、热气客于肤腠，不能流通，因发为鼓皤。形以米粟，色有赤白。亦有缘醉酒露卧，及饮酒未解，以冷水洗濯而得之。有率由风热在皮肤间，外感冷气击搏而成。

杏仁膏方 治面鼓皤。

杏仁浸去皮砂，研，半两 硫黄研，一分 蜜佗僧研，半两 硃砂研，一钱 白鹅脂冻成，四两

上五味，除鹅脂外，再同研如粉。入鹅脂油，更研，令匀，倾入瓷盒子，坐煨灰火中养之，搅令稀稠得所，成膏。每卧临时，以纸拭皤，令干，涂之。

防风散 治肺脏风毒，及过饮成鼓皤。

防风一两 石膏细研水飞 小荆子一两 梔子仁一两 莽莛一两 枸杞子一两 白蒺藜一两 甘草炙，半两

共八味，捣罗为末。每服二钱，温水调下，食后服。

面 鼓

论曰：面鼓者，是粉刺也。面上有鼓如米粒。此由肤腠受于风邪，搏于津脉之气，因虚面作。亦去，傅胡粉散，入虚肌使之然也。

白敛膏涂方 治面粉鼓。

白敛 白石脂 杏仁去皮尖双仁，研，各半两 三味，捣罗为末，更研极细。以鸡子白调和，稀稠得所，瓷盒盛。每临卧涂面上，明旦以井华水洗之。

兔丝汁涂方 治面粉鼓。

兔丝苗一握

一味捣绞，取自然汁涂面上。不三五次，效。

石粟膏涂方 治面粉痞痛如麻子。

石灰二两 粟米二合

二味，将石灰研细，同粟米纳瓶中，以水浸三宿，取出研如膏，曝干，重研如粉，以面脂调匀，入瓷盒中盛。每洗面讫，拭面，涂之。

面 体 疣 目

论曰：风邪入于经络，气血凝滞，肌肉弗泽，发为疣目。或在头面，或在手足，或布于四体，其状如豆、如结筋，缀连数十，与鼠乳相类，故谓之疣目。

去疣目方

石灰二两

一味，以苦酒渍七日，滴汁点疣上，即落。

又方

牛口中涎

用以涂疣上，自落。

又方

艾一味，作柱于疣目上，灸之，三壮即除。

狐 臭

论曰：阴阳之在人，血与气尔。二者调适，则行流散秽，莫或底滞。达于形色，畅于肤理，无不得其和。苟失其宜，血气从而凝积，此所以有狐臭之病，其候不一，有曰狐臭，有曰体臭，有曰漏腋。狐臭者，指其腋间；体臭者，举其大概；漏腋，则又言其湿而生疮者，不可不辨也。

治丈夫、妇人腋气不可近者方

上方以开通钱四十九文，用铜筋穿，入炭火内烧赤，醋浸四十九次，碾罗为细末。入麝香一分，研和匀。先以热酒洗腋下，后以药末揩腋下。数次，永除臭气。

治腋气，人不可近者方

石灰二两 桑柴灰一两 炭灰一两 雌黄一两

四味，同研末，水调涂于腋下。可一食久，即以柳木篦子刮药，其腋下毛并落，然

后用四灰散。

治腋气四灰散方

粉霜 艾叶炭 矾石灰 铅灰无，即用胡粉、蜜佗僧代之

四味，唯艾叶灰稍多余，并等分，研令极细。先以醋浆水洗，拭干，即敷之。不过三五上，永除臭气。如要试，但敷药蒜上，良久自无臭。兼治脚汗。

治腋下湿汗不止及足心、手掌、阴下、股里常如汗湿臭方

干蔷薇根 干枸杞根 甘草炙，各半两
商陆 胡粉 滑石炙，各一两

上六味，先将四味捣罗极细，即入研者二味，拌匀。以苦酒许和涂。当微汗出，夜复更涂之。不过三傅，愈。

丁沉丸方 治七窍臭气。

沉香一两 丁香半两 甘草炙，半两 白瓜子仁一两 藁本三分 当归 芍药 麝香

共八味，研七味为细末，后入麝香拌匀，炼蜜丸如小豆大。每服温酒下二十九丸，日三。含化令遍体俱香。

灭 癍 痕

论曰：风热诸毒留于腑脏，发于肌肉，而为疮疖。病后疮愈，余毒未殄，故疮痂虽落而癍痕不灭。治法既有涂泽膏润之剂；亦须赖荣卫平均，肌温气应，外宜慎风冷也。

辛夷膏方 治面上癍痕，涂之。

辛夷一两 鹰屎白 杜若 细辛各半两
白附子三分

共五味，除鹰屎外，并锉碎，以酒两盏浸一宿。别入羊髓五两，银石锅中以文火煎得所，去渣。将鹰屎研如粉，纳膏中搅匀，再以微火暖，入盒中。每日三涂疮癍痕，避风。

当归膏方 治面上癍痕，涂之。

当归 白芷 乌鸡粪以猪脂三斤饲鸡三日后取干鸡粪，各一两 鹰屎白半两，与鸡粪同研

上四味，先将当归、白芷锉碎，酒浸一宿。别熔猪脂一斤，消后，入浸药，并酒，文

火煎之，候白芷黄色，去滓。将鸡屎、鹰屎纳膏中搅匀，倾入瓷盒中。每日三涂癍上，避风。

腊脂膏方 治面上癍痕，涂之。

腊月猪脂四斤 大鼠一枚

二味入铛中，以文火煎之，待鼠销尽，以新绵滤去滓，入瓷盒盛。每用先以布拭，令癍痕色赤；次以膏涂之。三五度差，慎风。

鸡子膏方 治疮癍痕，无问新归，涂之。

鸡子五枚

一味熟煮，取黄于铛中炒如黑脂膏，以物先揩癍痕，然后涂膏，日三次，即自灭。

麦麸散 治面癍痕凸，涂之。

上方，秋冬以小麦、春夏以大麦麸，细捣为散，酥和，傅封癍痕上。

真玉磨方 治面上癍痕。

真玉

取平处一面磨癍痕，入则无痕。

髭 发 门

眉髯髭发统论

论曰：足太阳血气盛则眉美，足少阳血气盛则髯美，足少阴血气盛则发美，手阳明血气盛则髭美。夫经络所至不同，血气各有所属。眉、髯、发、髭率本于经络之血气，或黑，或绀，或黄，或白，可以知盛衰。盖血气在人，犹水之津也。髭发犹津之有髭也，津之槁泽而髭随之，则髭发本气血可知矣。

乌 髭 发

论曰：发本于足少阴，髭本于手阳明。二经血气盛则悦泽，血气衰则枯槁。容貌之间资是以资饰，则还枯槁为悦泽法，焉可废乎？

地黄丸方 乌髭发。

生地黄汁一斤 生姜汁五合 巨胜子 旋复花 熟干地黄 干椹子各二两

共六味，除二味汁外捣罗为末。先将前

二味汁用银器煎熟，看稀稠将药末和丸，如弹子大。每服夜饮酒，半酣后含化一丸。

揩牙乌髭方

皂荚怀州者，十条

以地黄自然汁、生姜自然汁各半盏和匀，旋刷皂荚于火上炙，以二药汁尽为度，研细为末，入青盐拌匀。逐日擦齿，药用经旬，效。

须发黄白

论曰：足少阴血气盛则发润泽而黑，足太阴血气盛则须润泽而黑。二经血气虚乏，则须发变为黄白。然则还其润泽，复其紺黑，虽有敷染之法，曾不如益血补气为常服剂。盖血调适，则滋泽外彰，其视用敷染之功远矣。

干漆丸方 治髭发白可以变黑。

干漆炒令烟尽 柏子仁炒 生干地黄 熟干地黄各一两

共四味，捣罗为末，研，糯米饭和捣三五百杵，涂酥丸如梧桐子大。每服二十九，空心温酒下。

治须发黄白变令黑色倒行油方

上方，取银子三两作小盒子，盛汞一两，以干水蛭七枚为末，同入盒内。用蚯蚓泥固济，约半指厚，深埋在马粪中，十九日取出，已化为黑油矣。用鱼胞裹指头点药拈之。

白 秃

论曰：蛲之为害，因血气虚，乘风而上则能生疮。疽、癣、病、疥无不为也。疮痂不去而痒，鬓发秃落，无复生荣，是为白秃。

五味子膏方 治白秃发落。

五味子 肉苁蓉 松脂 蛇床子 远志各三两 雄黄研 鸡粪白 雌黄研 白蜜 兔丝子五两，以酒浸一宿 各一两 猪脂二升

共十一味，先将草药捣罗为末。将将石药及，粪白再研，令如粉，下猪脂、松脂入锅中同熬化，复下诸药，文火煎，稀稠得所，以绵滤去滓，瓷盒盛。每用先以桑柴灰汁洗头，令净后涂药。不过三次，发落生。

赤 秃

论曰：诸阳脉皆在于头。风热乘之，则阳邪炽盛，发于头皮脑络之间。细疮遍密，赤色有汁，痒痛侵淫，乃至发落，故名赤秃。

旱莲汁方 治赤秃发落，涂之。

旱莲草三两 铁粉一分

二味先将旱莲草捣绞取汁，次入铁粉研令极细，入盒中。每用先以泔浆洗头，次涂之。

牛羊角灰方 治赤秃发落，涂之。

牛、羊角等分，烧灰

二味研如粉，以猪脂调，敷之。

马蹄灰方 治赤秃发落，涂之。

马蹄 烧灰

一味研如粉，用腊月猪脂调，涂之。

椹汁方 治赤秃发落，涂之。

黑椹一斗

一味纳瓶中，密封，干北檐下埋之，百日即变为水。每用，净洗头，次涂发，即生。

眼 目 门

眼 目 统 论

论曰：《内经》曰：肝主目。又曰：在脏为肝，在窍为目。《难经》曰：肝气通于目，目和则知五色矣。《内经》又曰：心者，五脏专精；目者，其窍也。夫目既为肝之窍矣，又为心之窍，何也？曰目者，五脏之精华，固不专于肝也。所谓骨之精为瞳人、筋之精为黑眼、血之精为络脉、气之精为白睛、肉之精为约束是也。析而言之，则通乎五脏；合而言之，则主于肝。夫惟通乎五脏，故曰精明。五色者，气之华于此乎。观五脏有余不足、六腑强弱、形之盛衰，以此参伍，决生死之分。夫惟主于肝，故肝虚寒，则目眈眈，视物生花。肝实热，则目痛如刺。肝中寒，则目昏而瞳子痛。肝热冲睛，则目眦赤痛，生

瘕肉。不特如此，神志俱悲而泣下，则以水火相感故也。一水不胜五火而目盲，则以阴阳各并故也。夫五脏阴阳，其变动俱感于目，又况摄养失宜，动过生疾者耶？或多热食，或嗜五辛，或喜怒不时，或房室不节，以至凌寒、冒暑、处湿、当风、哭泣、不寐，凡过用目力，皆至疾病，其候不一，养生者不可不知也。

肝 虚 眼

论曰：肝虚眼，其证不一。巢氏析之，有忽然发肿者，有泪出不止者，有睛生翳膜晕者，有视物漠漠不能远视者，有精彩昏浊、黑白不明而晕者。盖肝开窍于目，腑脏精华之所聚也。血气既衰，不足以营养，故证状之异如此。《龙木论》有肝脏虚热外障，谓其证忽发昏涩，泪出，痒痛，摩隐瞳人，黑睛肿，渐生翳障，视物不明者，宜审治之。

柏子仁丸方 治肝虚视物漠漠，不通远见，睛轮昏暗涩痛，翳晕时聚。补肝丸。

柏子仁 薏苡仁 乌麻仁 车前子 枸杞子 庵蓂子 兔丝子酒浸，别捣末，各一两 杜荆子 青葙子 五味子 蛇床子 桂心 菊花 山药各半两 熟干地黄 肉苁蓉酒浸，切焙 白茯苓各一两

上十七味，捣罗为末，炼蜜和丸，如桐子大。每服二十丸，空心温酒下。

石决明丸方 治肝虚血弱，目久昏暗。

石决明 兔丝子酒浸一宿，别研末 五味子 各一两 熟干地黄 细辛 知母 山药各一两

七味，为末，炼蜜和丸，如梧桐子大。每服三十丸，空心米饮下。

地黄丸方 治肝虚泪出不止，翳晕侵睛，视物不远，或睛昏浊，黑白不明。

熟干地黄 五味子 兔丝子酒浸一宿，别捣 葵仁去皮 车前子各一两 白茯苓 柏子仁 研 细辛 甘草 防风各半两

共十味，为末，炼蜜和丸，如桐子大。每服二十丸，空心温酒下。

肝 实 眼

论曰：肝气通于目，其气平则诸疾不生。过实则生患，乃有肝实眼之证。令人目痛如刺，久不已则目赤而生淫肤息肉。治宜泻之，又当视其老壮。凡人五十以前，可服泻肝汤。过五十，则不可；或有是疾，当不得已而用之。

菊花散方 治一切眼疾，肝热上攻，羞明，畏日，泪出。

菊花一两 密蒙花 甘草生 梔子仁 芎藭 大黄各半两 蒺藜子，炒，去角 防风 当归焙切，各一两

九味，为散，每服二钱。食后、临卧，麦门冬热水调下。

生地黄汤方 治肝实热，眼热痛不止。

生地黄汁 蜜 车前子汁三味和匀，各三两 玄参 升麻 梔子仁各一两 芍药一两半 细辛半两

共八味，罗五味为末，每服五钱，水煎。入前三汁，再煎，温服。

点眼煎方 治肝实热，目眦热痛。

梔子仁 葵仁 决明子微炒，各一两 石膏二两 车前叶三合 竹叶二握 秦皮三分 白蜜三两，后入

共八味，锉碎，七味以井华水五斤煎，取汁一升，再入蜜调匀，瓷器中重汤煮如稀汤，每点如大豆许。

羚羊角散方 治肝脏实热，眼目昏暗，时多热泪。

羚羊角 羌活 玄参 车前子 黄芩 瓜蒌仁 山梔子各半两 胡黄连 菊花各三分 细辛一分

为散，每服二钱。食后，竹叶热水调下。

目 胎 赤

论曰：目胎赤者，缘在胎时，母嗜五辛及饵热药，传移胞脏，内禀邪热，及至生长，两目赤烂，至大不瘥，故名胎赤。又人初生，

洗目不净，秽汁溃坏者，亦有之。内外之治，小异也。

羚羊角汤方 治胎赤眼，久不差，昏暗漠漠，瞳人胀痛。

羚羊角屑三两 防风 芍药 蕤仁 麦冬 地骨皮 决明子 甘草炙，各二两 茯神去木，三两

每服五钱，水煎。食后，临卧服。

治胎赤眼，点眼梨汁煎方

梨汁绞汁，一盞 古字铜钱二七文 胡黄连末二钱 青盐半两 龙脑一钱

共五味，先将古钱二七枚重重着青盐隔，每一重钱着一重盐，坐之，填满钱孔中，入火烧令通赤，去灰尘，投入前梨汁中。浸一复时，去钱，将汁煎三五沸，以新绵滤，入瓷器瓶内。入胡黄连末，浸七日，去黄连、龙脑末令匀。要用，以铜箸点少许在目眦头。

治胎赤眼，点眼龙脑膏方

龙脑研，一钱 蕤仁去皮，一分，研 杏仁七枚，汤浸去皮尖双仁，研

三味，研如膏，用八乳汁调和，令匀，瓷盒中盛。每用以铜箸点少许在目眦头，日两度。

目赤痛

论曰：《内经》谓心主血，又曰肝受血而能视。盖肝开窍于目，若肝火壅盛，心火炎实，热气既炽，血乃旁溢而冲于目，故目赤痛也。《难经》所谓痛者为实，宜散邪实，决邪实，则病可已。

羚羊角汤方 治肝心气热，目赤痛。

羚羊角镑 蔓荆实去皮白 菊花 防风 芍药各二两半 黄芩一两 玄参半两

每服三钱，煎，再入马牙硝半钱。食后温服，临卧再服。

旋复花汤方 治目赤痛。

旋复花 升麻 秦艽 防风 羚羊角 萎蕤各一两 黄连 柴胡去苗叶 黄柏去粗皮 甘草炙，各半两

每服五钱，水煎，食后温服，临卧再服。

乳汁煎点眼方 治肝热目赤痛。

人乳汁半两 古字钱十文

二味以乳汁于铜器中磨钱令变色，稀稠成煎，即止，纳瓷瓶盛。每以铜箸点少许日眦头，日三五次。

犀角汤方 治赤眼肿痛。

犀角末 秦艽二两 黄连 马牙硝 滑石 杏仁去皮尖双仁，半两，出油

上六味，为末，和匀，以沙糖一处药熬成膏。每用皂子大，沸汤化洗之。

通顶散方 治赤眼肿痛。

苦葫芦子四十九粒 谷精子研，一钱 瓜蒂十四枚，烧灰 乳香研，半钱 薄荷叶一钱

五味为末，入龙脑少许，鼻内搐，一字立效。

石膏散方 治上焦壅热，目赤口干。

石膏 甘菊花 羌活 白附子 白僵蚕 玄参 黄连

共七味，等分为散。每服二钱，生姜茶酒调下。

目热疼痛赤肿

论曰：五脏六腑之精华皆上注于目，若风热搏于腑脏，毒气乘肝，冲发于目，则热气外泄，泪下眵多，日夜暴躁，故热疼痛赤肿也。

地骨皮汤方 治风毒冲眼，赤痛，朝干疹。

地骨皮 甘菊花择 升麻 黄连 防风 决明子微炒 细辛各一两 竹叶

共八味，除竹叶外，捣筛。每服五钱，入竹叶七片，同煎服。食后，临卧再服。

龙烟汤方 治眼疹涩如针刺，血痛昏暗。

生麦门冬一两半 木通一两 熟干地黄三两 旋复花 大青 茯神各一两 黄连各一两

每服三钱，水煎，入芒硝半钱搅匀，食前温服。

地骨皮散方 治风毒气上攻两眼，疹涩

疼痛，及暴赤眼。

地骨皮 羌活 防风 土茯苓去刺，微炒
甘草炙，一两

为散，每服二钱，荆芥清茶调下。如患暴赤眼，浓煎甘草汤调下，食后、临卧服。

洗眼蕤仁汤方 治目热赤痛疹涩。

蕤仁去皮 秦皮 防风各一两 甘菊花半
分 竹叶二握 山梔子仁 萎蕤各半两

共七味，锉如麻豆，以水五盏，煎取二盏半，热淋。冷，炖暖淋洗，痛止则止，即住煎药，不得犯铁器。

点眼黄连煎方 治眼目暴赤，疹涩疼痛。

甘蔗十二两，法 黄连研，半两

二味，于铜器中以慢火养，令汁涸去半，以绵滤去，每日两度点。

目 赤 烂

论曰：目赤烂者，眦眦俱赤且烂，见风益甚，又谓之风赤眼。此由冲冒风日，风热之气伤于眦眦，与津液相搏，故令赤烂也。迎风则痒，泪出，遇热则伤烂、眵多。治宜镇平肝气，涤洗脸肤，则清静之窍自然明矣。

菊花汤方 治风毒气攻，眼生疮烂。

菊花 升麻 黄连去须 木通 防风去
又 白茯苓 地骨皮 萎蕤各一两

上八味，捣筛，每服五钱，入竹叶十片同煎，去滓，空心、日午、临卧温服。

柴胡洗眼汤方 治眼赤痛微肿，眦赤烂多时。

柴胡去苗 蕤仁去皮研 黄连去须 升麻
各一两

上四味，捣筛。以水三升，煮取一升半，滤去滓，微热淋洗。如冷，再暖，洗三遍。

黄连散方 治赤白眦烂生疮，冲风泪出。

黄连去须 雄黄研，各一两半 细辛去苗，麝
黄柏去粗皮，各三分 干姜一分

上五味，捣罗为散，研令极细，以密器盛。每用二黍米许，点两目眦，日三度。

目血灌瞳人

论曰：目属肝，肝受血而能视，则目瞻视必资血。苟因物损伤，致血脉散乱，则致血侵睛，灌注瞳人，害于瞻视。不早治，或致丧明，故谓之血灌瞳人。

人参汤方 治血灌瞳人，涩痛。

人参 赤茯苓 细辛 桔梗 车前子各
一两 防风去叉 五味子各半两

共七味，捣筛。每服五钱，水煎温服，食后、临卧再服。

决明汤方 治血灌瞳人。

石决明 人参 川芎 细辛 五味子各
一两 赤茯苓二两

上六味，捣筛。每服五钱，水煎温服，食后、临卧服。

没药散方 治血灌瞳人。

没药一两半 麒麟竭 大黄炒 芒硝各一
两

上四味，捣研为细末。每服三钱，熟水调下，空心、食后，日三。

赤脉冲贯黑睛

论曰：眼者，五脏之精华。若风邪热毒内干于脏腑，则随其经路上冲于目，故令赤脉冲贯黑睛也。上下左右各有部分，不可不察。其从大眦侵睛而痒者，肺胃热也。其从小眦起者，手少阳脉动虚热也。其自上而下者，足太阳脉动邪热也。其自下冲上者，足阳明脉动邪热也。其源不同，当察其部分，依经以治之。

通明汤方 治三焦热，治小眦遍赤，赤脉射黑睛。

木通 萎蕤 甘草炙，各一两半 枳壳去
瓤，麸炒 黄芩去黑心

上五味捣筛，每服五钱，水煎，入芒硝、地黄汁各少许，再煎沸，温服。

黄芪汤方 治眼上下赤脉贯黑睛。

黄芪 芍药 知母 升麻 犀角屑，各两

半 苦竹叶五十片

上六味捣筛，每服五钱，水煎，入芒硝少许，再煎，温服。

摩顶明目膏方 治风热冲目，赤脉胬肉。

生麻油二升 真酥五两 车前叶 淡竹叶洗，各半两 吴蓝 大青 黄连去须 山梔子仁 麦门冬 槐白皮 甘草炙 柳白皮 黄芩 马牙苋实 生犀角镑 马牙硝别研 朴硝别研，各一两 盐花研，半两

上十八味，除硝、盐、油酥外，细通油瓷瓶中绵罩口，重汤煮三复时，拭去滓，更新绵滤过，置生铁器中，每日饭后及卧时，开发，滴顶心，以生铁熨斗子摩顶一二千下。兼去目中热毒，昏障痛涩。

坠 睛

论曰：坠睛者，眼因贼风所吹，血脉受寒，贯冲瞳人，风寒气随眼带牵拽睛瞳向下，名曰坠睛也。日久不治，瞳人损陷，遂致失明。

犀角散方 治坠睛，眼时发疼痛，视物散乱。

犀角 羚羊角各半两 青牛胆一枚 五味子 槐实 茺蔚子 青箱子 恶实炒 胡黄连 芦荟研 地骨皮各一钱 兔肝炙干，一具

上十二味，除胆外，捣研为末，以胆汁拌匀。每服二钱，煎槐子汤调下，卧再服。忌发热毒物。

槐实丸方 治坠睛失明，眼睛牵陷。

槐实 羚羊角 独活 地肤子 天麻 沙参 人参各一两 防风去叉 甘菊花 枳壳炒，各一两 决明子二两

上十一味，捣罗为末，炼蜜和捣百杵，丸如梧桐子大。每服三十丸，空心、临卧浆水下。

蟹 目

论曰：脏腑壅滞，肝经积热上冲于目，令人目痛睛疼者，毒气结聚，甚则黑睛上生黑

珠子如蟹目状，故以名之。或有如豆者，名曰损翳，或曰离睛，又曰蟹睛。病极难治，不可钩割，及敷诸毒药，唯宜服宣泄之剂，使邪热退，病差矣。

泻肝补胆防风汤方 治蟹目疼痛。

防风一两半 远志 黄芩 人参 桔梗炒 细辛 芍药各一两

上七味，捣筛，每服五钱，水煎，食后、临卧温服。

萎蕤犀角散方 治眼生蟹目，黑睛疼痛。

萎蕤 犀角 蕤仁汤浸去赤皮 黄连去须 黄芩 梔子仁 甘草 升麻各等分

共八味捣罗为散，每服三钱，水煎，食后、临卧温服。

泻肝黄芩羚羊角汤方 治蟹睛疼痛。

黄芩 羚羊角 赤芍药 细辛 桔梗炒 人参 远志 甘草炙，各半两 防风去叉，一两半

上九味捣筛，每服五钱，水煎，食后、临卧温服，日再。

目珠子突出

论曰：人因风热痰饮攻渍腑脏，阴阳不和，肝气蕴积，热毒之气上冲于目，使目睛痛疼，甚者突出。治宜先服寒药以泻肝气，然后调治。勿求速效，惟渐治之，仍须微针引出恶汁也。

麦门冬茺蔚饮方 治风热攻目，赤痛，目睛欲凸出者。

麦门冬 茺蔚子各二两 桔梗炒 防风 玄参 知母各一两 黄芩去黑心 天门冬去心，各一两半

上八味捣筛，每服五钱，水煎，食后、临卧温服。

黄连汤方 治风毒冲眼，赤肿，睛欲突出，洗眼。

黄连去须 秦皮 黄柏去粗皮，各一两 干枣十枚，去核 蕤仁三分

上五味咬咀如麻豆大，拌匀。每用一两

半，以水四盏煎至二盏，稍热，去滓，抄洗眼。冷则重暖，日三度。

治睛眼忽然突出一二寸者，冷水灌

上方，急取冷水灌眼中，数次换水。须臾，睛当自收。

目见黑花飞蝇

论曰：肾，水也；肝，木也，木得水而盛，其理明矣。肾水既虚，肝无以滋养，故见于目者，始则眴眴不能瞩远，久则昏暗见黑花飞蝇。其证如此，肾虚可知也，治宜以益肾水、去肝风之剂，则标本两得矣。

治肝肾风虚眼生黑花，宜服此方

磁石二两，烧，醋淬七遍，细研水飞 神曲四两，炒 朱砂一两，细研，水飞

上三味，捣罗为末，炼蜜和捣一二百杵，丸如梧桐子大。食后酒下二十九。

治肝肾虚风上攻，眼生黑花，头目不利，能通神延年

川椒一斤

一味拣净，去目并闭口者，于铫内炒令透，于地上铺净纸二重，新盆合定，周回用黄土培之。半日去毒，出汗，然后取之，干为度。只取椒子瓷盒子内收。每日空心新汲水下十粒。

五倍子丸方 治眼见黑花，去翳明目。

巴戟天一两 枸杞子拣，二合 甘菊花三两 旋复花四两 蜀椒去目并闭口者，五两

上五味，将椒入银器内，入青盐四两、醋三升，慢火煮干。如器物小，旋添醋煮。候醋尽，又将椒与前四味焙干，杵为末，炼蜜和丸，如梧桐子大。每服三十丸至四十丸，空心、午夜、临卧温酒或盐汤下。

枸杞丸方 治肝肾风气上攻，眼生黑花。

枸杞久暴，二两 巴戟天穿心紫色者，去心 蜀椒去目并闭口者，炒出汗，各一两 旋复花择净

上四味捣为末，炼蜜和丸，如梧桐子大。每服三十丸，腊茶下，不拘时。

兔肝丸方 治肝肾毒气攻冲，眼生黑花，

昏暗，视物不明。

兔肝去筋膜，切焙 羌活 黄连 菊花各三分 地骨皮 龙齿 防风 柴胡 车前子 青葙子 白附子 萎蕤各半两

上十二味，捣罗为末，炼蜜丸，如梧桐子大。每服二十丸，食后，竹叶汤下。

息肉淫肤

论曰：脾肺有热，蕴积不散，传播肝经，流注血脉，上冲于目，发于眦眦，息肉胀起，攀系白睛，隐涩妨闷，故谓之息肉淫肤。

桔梗汤方 治目生鸡冠、蛩肉。

桔梗 大黄炒 细辛 黄芩 玄参 芒硝 炼过者，各一两 防风 车前子各一两半

上八味捣筛，每服三钱，水煎，食后温服。

点眼蜗牛浆方 治息肉淫肤，赤白膜。曾见人说治小儿痘后生翳，以蜗牛汁、丹砂滴目中效。

生蜗牛一枚

一味去其掩，纳丹砂末于口中，火上炙沸，以绵注取汁，敷于眦中，立效。

点眼雀粪膏方 治息肉淫肤，赤白膜。

雄雀粪

一味，取细直者，以乳汁和，研细，点敷翳上。

又方

杏仁汤浸去皮尖双仁用，七枚

一味，嚼细，吐于手掌内，以绵缠箸头，点于胬肉上，不过三五度，差。

点眼食盐膏方 治眼中息肉。

食盐研，一分 驴脂一两

二味，先熬驴脂，后下食盐，调成膏。以铜箸点如黍米许于目眦头，日三、夜一。

通神膏方 治眼生翳膜，赤脉瘕肉，涩疼痒痛，有泪。

白沙蜜四两 青盐研 麝香研，各一字 硃砂飞过，半字 白矾飞过，半字 当归为末，半钱 黄连去须为末，一钱

上八味，同研，令研匀，入青竹筒内，慢火炙半日，候冷，绵滤去滓，瓷瓶收贮。每用眼，目少时，以温汤洗。翳与瘕肉等俱下。

目生胬肉

论曰：目生胬肉者，由脾肺不利，风热乘之。其候或痒，或痛，赤瘀而烂。壅热既久，胬肉增长，近则侵睛轮，大则复瞳人。治不可缓，钩、割、熨、烙，各自有法。至于祛风涤热之剂，岂可偏废哉！

玄参散方 治目赤痛，胬肉满疼。

玄参 甘菊花 决明子 大黄炒 苦参 车前子 枳壳麸炒 山梔子仁 防风 黄连去须 升麻各二两

上十一味，捣罗为细散。每服三钱，食后以米饮调服，临卧再服。

决明散方 治眼生胬肉侵睛，及胬肉生疮，晕，眼赤。

决明子 车前子 青葙子各半两 黄连去须 蔓蕪 甘草炙 羚羊角 枳壳麸炒 芍药各一两

上九味，捣罗为细散。每服三钱，食后温浆水下，临卧再服。

升麻丸方 治热痛，胬肉生疮。

升麻 车前子 黄芩 芩藁子 玄参 决明子炒 龙胆 山梔子仁 防风 甘草炙 生地黄 地肤子各一两

上十二味，捣罗为细末，炼蜜丸如梧桐子大。每服二十丸，食后湿浆水下，临卧再服，加至三十丸。

点眼艾薰散方 治目生胬肉。

蕪仁研细，一两 膩粉一钱 牛酥一两 熟艾如鸡子大许

上四味，捣三味，入乳钵中令极细，摊开。次取艾火烧，将乳钵复，令烟熏之。候烧尽艾烟，以槐木椎碎研，令烟气匀，然后少少点眼眦头，三五度。

鲫鱼贴方 治目生胬肉，涩痛。

鲫鱼鲜者

一味，去皮骨，净取肉一片，中央开一窍，正贴眼上，日三五度易。

目内生疮

论曰：目内生疮者，以脾脏毒热熏蒸于上，郁而不散，遂令睑内生疮。其初患时，或痒，或痛，发歇无常，或多眵泪，眦门如丹砂色，于是渐有翳膜。《龙木论》谓不宜点药、针灸，惟宜服泻脾清膈之剂，涤荡本源，当如是也。

决明子丸方 治肝肺热毒气攻，两眼生疮，赤痛。

决明子炒 菊花 秦皮 黄连去须，各一两 车前子 地骨皮各一两半 黄芩 羚羊角 生干地黄焙 山梔子 蔓蕪 秦艽各一两 青葙子 白茯苓各一两半 升麻一两

上十五味，捣罗为末，炼蜜丸如梧桐子大。每服三十丸，食后温水下，再服。

梔子汤方 治肝心热毒，目生疮及碇痛。

梔子仁半两 犀角屑一两 木通 黄芩各半两 大黄炒 瞿麦穗各一两 黄连去须 车前子一两

上八味捣筛，每服五钱，入竹叶七片同煎，入芒硝末半钱，放温服，日二。

清凉包子方 治眼赤热，生疮，退翳。

黄连一分，为末

一味，用水一碗，面东扑取倒流水些小，将黄连末匀掺在碗内，用熟艾一块如鸡子大，安在古钱七文上，四面更用青铜钱四十文，足作四块垛子，复黄连碗在上，点火烧艾，候烟尽，更扫下黄连末，用夹娟袋子盛了。取孩儿乳汁浸，时时点在眼中，觉口中苦透为度。如暴赤眼用之，立效。

目脓漏

论曰：目脓漏者，缘血脉壅热，传入于足太阳膀胱之经。膀胱之脉起于目内眦，则令人眦肿痒，久即成疮，脓汁时下，绵绵

不绝，如器津漏，故谓之脓漏。不治则脓毒淹渍，穿坏白睛，黑点相连，即难治疗。

防风汤方 治眼漏睛脓出。

防风二两 地骨皮 远志 白茯苓 人参 黄芪各一两 大黄炒 知母各二两

上八味捣筛，每服一钱，水煎，食后、临卧温服。

龙脑散点方 治睛漏疮，日大眦出脓汁，有窍。

龙脑研 马牙硝各半钱 绿豆粉一钱

三味同研极细，用灯芯粘药点之，再点。

目生珠管

论曰：目生珠管者，风热痰饮渍于肝，血气蕴积，津液结聚所由生也。肝藏血，故肝受血而能视，气调血和则精华见于目。今邪乘于肝，肝气受病，为风热熏蒸，痰饮渐渍，使血气壅滞，上冲于目，津液结聚，状如珠管，故以名焉。

铜青丸方 治眼生肤翳垂珠管。

铜青一两 细墨半两

二味合研为末，醋和丸如白豆大。每用一丸，以乳汁、新汲水各少许浸化，以铜箸点之。

铅丹膏方 治眼卒生珠管。

铅丹半两 鲤鱼胆汁，量铅丹多少用

二味，合调如膏，点目眦中，日三五次。

治卒生珠管方

白蜜

一味，以少许点目中，仰卧，令泪出，半日许洗之。

雀目

论曰：昼而明视，暮不睹物，名曰雀目，言其鸟雀不能见于夜也。夫卫气昼行于阳，夜行于阴。阴血受邪，肝气不能上荣于目。肝受血而能视，今邪在于肝，阴血涩滞，至暮则甚，故遇夜目睛昏不能睹物，世谓之雀目。

防风煮肝散方 治雀目。

防风去叉 黄连去须 谷精草 黄芩 甘草炙 天南星各一两 蛤粉半两

上七味捣罗为细散，每服一钱，用猪肝一片，铜刀批开，掺药在内，以麻绳缚定，置菜米饭一大盏，银石锅内煮熟，反焙，临卧时服，切不可犯铁器。病甚者，不过再服必效。

郁金散方 治雀目。

郁金一两 猪牛胆各一钱 猪胆炙 蛤粉半两 大黄酒 半两 黄连去须 半两 雄黄一分

共七味，将五味为细散，并猪胆拌和入牛胆中填满，阴干，为细散。每服，大人一钱，小儿半钱，食后新汲水调下。赤眼、气眼、疳眼，亦能治之。

煮肝散方 治雀目咫尺不见物。

紫芥菜子员香炒令黑色，碾为细散。用羊肝一具，分作八服。每用散二钱，捻在于肝上，以笋箬叶裹煮，令熟，放冷服，以煮肝汤下。不过一具肝，永除根本。临卧时服。

还睛丸方 治雀目。

人参 细辛 白茯苓 木香 知母 芍药各一两 石决明 羌蔚子各二两

共八味，捣罗为细末，炼蜜丸如梧桐子大。每服，空心茶下二十丸。

目睑垂缓

论曰：眼睑垂缓者，以血气不足，肤腠开张，风邪客于眦肤，其皮垂缓，下复睛轮，故俗呼为睢目，又曰侵风。久之则垂复愈下，眼即难开。

羌蔚散方 治风毒攻眼，睑垂下。

羌蔚子 防风 羌活 蔓荆实 玄参 细辛 甘菊花 黄芩 车前子 甘草炙 各一两 大黄酒 半两

上十一味，捣罗为散，每服四钱，水煎温服，食后、临卧各一。

竹叶汤方 治眼热毒，睑垂肿遮睛。

苦竹叶 黄连去须 黄柏 梔子仁各一两 黄芩一两 大黄酒 半两

上五味细锉，以水五大盏煎至二盏半，去滓，温服。澄清，洗眼，日五七次。

黄芪丸方 治气血不足，肤睑下复睛轮，垂缓难开，又名睢目。

黄芪 蒺藜子炒，去角 生干地黄 柴胡 甘草炙 梔子仁 苦参 白术 白花蛇酒浸，去皮骨，各一两 防风去叉 菊花 茯苓 山药 秦艽各三分 天门冬 枳壳麸炒 白槟榔各一两半

上十八味捣罗为末，炼蜜丸如梧桐子大。每服三十丸，空心温酒下。

升麻散方 治风邪客子睑肤，其皮垂下缓，复睛轮，眼闭难开。

升麻 山茱萸各三分 甘菊花 细辛各半两 蔓荆实 山药 防风各一两

上九味捣罗为散，每服三钱，温酒调下。

目 睑 肿 硬

论曰：目睑肿硬者，内因肺肝积热上冲于目，外为风邪所搏，风热留结在于眦眦，血气不得宣通，故令肿硬。久不差，多成风粟细疮，眵汁淹渍，浸坏眼目。先宜镰洗出毒，然后以药攻治，则病可差。

黄芪汤方 治目眦硬赤肿痛。

黄芪 羌蔚子 麦门冬各一两半 地骨皮 玄参 黄芩 知母各一两

上七味捣筛。每服五钱，水煎。食后、临卧温服，日三。

大黄桔梗散方 治目眦肿硬，刺痛。

大黄炒，一两半 桔梗炒 黄芩 玄参 羚羊角 白茯苓 人参各一两

七味捣罗为散。每服一钱至二钱，食后、

临卧米饮调下，日三。

洗眼防风汤方 治风热客搏，目眦肿硬。

防风 秦艽 甘菊花各一两 蕤仁汤浸，去皮 竹叶一握 梔子仁 蒺藜各半两

上七味细锉，令匀，每服一两，以水三盏煎取一盏半，绵滤去滓，每暖洗之。

倒 睫 拳 挛

论曰：脏腑久积风热，内熏肝经，冲发于目，始则肿赤、隐痛、多泪，日久津液涩少，眦眦皮急，至睫拳倒刺隐瞳人。治法当起去毛睫，又刺太阳经令出血，及铍镰除其恶血，仍服除风退热之剂。

防风汤方 治风热冲肝，目多倒睫。

防风 甘菊花 旋复花 决明子炒 蒺藜 麦门冬 梔子仁 黄连 甘草炙 升麻 秦皮各等分

上十一味捣筛，每服五钱，水煎。食后、临卧温服。

车前子散方 治倒睫，赤眼疼痛不开。

车前子二两 马蹄决明微炒 蕤仁各一两半 地肤子 龙胆 甘草炙 菊花各半两 青箱子 山梔子仁各一两 前胡三分

上十味捣罗为散。每服二钱至三钱，空心粟米饮调下，食后、临卧再服。

洗眼汤方 治风热攻目，眵涩疼痛，渐致倒睫。

蕤仁 秦皮 防风各一两 山梔子仁 菊花 蒺藜各半两 竹叶

上七味细锉，以水三升煎取一升半，乘热淋洗。冷即再暖，作三度使。

圣济总录纂要 卷十八

清 新安 程 林云来纂辑
鄞县 曹炳章赤电校点

眼 目 门

目生肤翳

论曰：目生肤翳者，以腑脏气血虚实不调，加以风邪、痰饮郁于膈上，熏蒸既久，冲发于目，乃生肤翳。其睛上及瞳人有物如蝇翅状，是为肤翳也。

决明子丸方 治久患肤翳，遮覆瞳子。

决明子炒 蕤仁去皮 地肤子 白茯苓 防风 麦门冬 泽泻 菟薢子 枸杞子 五味子 青箱子各一两 细辛 车前子 兔丝子酒浸，别捣末，三分 生干地黄二两 桂心去粗皮、半两 黄芩 杏仁

上十八味，捣罗为末，炼蜜丸如梧桐子大。每服二十丸，食后以米饮下，临卧再服。九月服此药，加兔肝一两，至二月停，甚妙。

芦荟丸方 治眼热赤痛，及生肤翳。

芦荟研，半两 鲤鱼胆一枚，取汁 牛胆，干者半两，湿者用汁一合 熊胆研，一分 石决明刮削，一两 麝香半分 车前子一两

上七味，除胆外，捣研为细末，后人汁，同和匀，炼蜜丸如梧桐子大。食后米饮下二十丸，加至三十丸。

贝齿散方 治目风热赤，生肤翳，点眼。

贝齿七枚，烧为末 珍珠一分，为末 龙脑研，半钱

三味，合研如粉，每点眼时，用黍米大于翳膜上，日三度。

菊花散方 治眼目肤翳侵及瞳人，如蝇

翅状。

菊花 防风 木通 木贼 仙灵脾 荊芥去梗 甘草炙，各一两

上七味，捣罗为散，每服二钱。食后茶半钱同点，温服。

目生花翳

论曰：目生花翳者，点点色白，状如枣花、鱼鳞之类是也。此由肝肺实热冲发眼目，其始则目痛泪出，变生白翳，宜急治之，不尔则致障翳也。

桑白皮汤方 治目生花翳，白点状如枣花。

桑根白皮 木通各一两半 羚羊角 泽泻 黄芩 旋复花 川大黄炒 玄参 茯神 以上各一两 甘草一分 甘菊花半两

上十一味捣罗为细散，每服二钱，水煎，温服。

羚羊角汤方 治眼生白翳，如枣花。

羚羊角 大黄炒 桑根白皮 黄连 决明子 黄芩去黑心 甘菊花各一两 甘草炙，各半两

上八味捣筛，每服三钱，水煎煮，食后温服。

退翳仙术散方 治眼生花翳。

苍术二两，米泔浸一宿，焙 木贼 甘草炙，各一两 谷精草 蝉蜕各一分 蛇蛻一钱，汤洗，焙 黄芩半两

共七味为散，每服一钱，空心、临卧冷水调下。

目 青 盲

论曰：《龙木论》称内障有变青盲者，初患之时，昏暗，不痒不痛，亦无翳膜，至于失明与不想者相似，是知青盲之状外无异证，瞳子分明而不见物。由肝肾气虚，精血衰弱不能上荣，故目盲而无所见者。经曰肝气通于目，目和则知白黑。《养生方》乃以塞故并水读，令人目盲，岂其本哉？

羊肝丸 治内外障、青盲、至目、眼生黑花白翳，十年以上者可治。

羯羊肝一具，切片，文武火炙。桑叶一两 锦文斑鸠一只，去头、足、肠胃，取肉炙为末 细辛 防风 黄连去须 瞿麦子 蒺藜子 桂 甘菊花 牡蛎烧为末，各五两 羌活二两 白茯苓四两 蔓菁子二升，煮五七遍 决明子炒，二两

上十五味，捣罗十二味为末。入羊肝、斑鸠、牡蛎末，乳钵内同研匀，炼蜜如丸，如梧桐子大。每服二十丸，食后、临卧茶清下。

泽泻汤方 治肝脏热冲，目赤瞻视，漠漠积年，青盲不见物。

泽泻 杏仁汤浸去皮尖，研 决明子炒 大黄炒 黄芩 甘草炙 枳实麸炒 芍药各一两 梔子仁 人参 赤茯苓 黄柏 细辛 白术各半两 柴胡四两 青箱子一两 桑根白皮炙，三两 升麻一两

上十八味捣罗，每服五钱，水煎，入生姜半分同煮，再入芒硝半钱，放温。食后、临卧服，日再。

真珠散方 治眼青盲。

真珠末三分 胡黄连三分 石决明三两，捣碎细研，水飞 琥珀三分 地肤子 一两 天灵盖三分，烧灰 母猪肝半两，切，炙干

上七味捣罗为散，每服二钱，食后温水调下，临卧再服，日三。

治青盲乌鸡丸方

上方用黄荆嫩头，春初取之，九蒸九晒，取半斤。用乌鸡一只纯黑者，以米饲五日，洗净板上，饲以大麻子又二三日，旋收粪暴干，

取入净瓷瓶子内。熬粪令香黄，然后和荆头捣成末，炼蜜和丸如梧桐子大。每服十五丸，陈米饮下，加至二十丸，日二服。

将变内障眼

论曰：眼疾始于浮浅，久而弗图，变为内障者，非一端也。《龙木论》内障皆有其渐，盖从一眼先患，后乃相牵。其损是肝肾气虚，风邪热毒上攻眼目。气血衰微，久则为害，但不痛不痒，亦无眵泪，日视如轻烟，或如薄雾，或见垂丝，或见蝇翅，或见飞蚊。其初若无足虑，至其成内障，则慢慢不知矣。今以将变内障者叙之，盖图难于易之意也。

泻肝饮方 治雷头风，恐成内障，先服泻肝饮，后服磁石丸。

防风一两 五味子炒 细辛 车前子 黄芩 羌藟子 桔梗炒 大黄炒 芒硝研，各一两

上九味捣筛为粗末，每次服三钱，水煎，去滓，放温。食后、临卧服。

磁石丸方

磁石二两，烧赤，醋淬七遍 五味子炒 牡丹皮 附子去皮脐 玄参各一两

上五味，捣罗为细末，炼蜜丸如梧桐子大。每服三十丸，空心盐汤下。

黄芪丸方 治肝虚劳，兼膀胱久积虚冷，目眩见花不明，渐成内障。

黄芪 白茯苓 石斛去根，各二两 鹿茸去毛，酥炙，一两半 五味子炒二两 防风去叉 生干地黄 覆盆子 酸枣仁 牡丹皮各三两

上十味捣罗为末，炼蜜和丸，如梧桐子大。每服二十丸，空心温酒下，加至三十丸。

藜仁丸方 治内外障眼。

生干地黄焙，一两半 菊花焙，一两一分 藜仁三两 黄连去须 车前子各二两 人参 麦门冬各三两 防风 黄芩 青箱子汤浸，焙 秦艽 羚羊角各一两半 甘草炙 丹参炒 决明子炒 天门冬 地肤子 升麻炒 苦参炒 地骨皮 羌活 玄参炒，各一两一分

上二十二味，捣罗拌匀，炼蜜和丸，如梧桐子大。食后，煮百合汤下二十丸，加至三十丸。但有瞳人，不拘内外障翳，并治。

目 眇 瞤

《广韵》眇，目汁凝。目伤。眇音答。瞤音灭。眇瞤，目赤也，眇也。

论曰：目者，五脏之精华，肝之外候，津液之道也。若腑脏挟热内熏于肝，冲发于目，使液道热涩结滞，于眇眇则成眇瞤。

羚羊角散方 治风热冲肝上熏于目，结成眇瞤。

羚羊角二两 犀角一两 桑根白皮 生干地黄焙 防风 五味子 白蒺藜炒 牛膝羌活 芍药各三分

为末。每服二钱，水煎，温服。

淋洗秦皮汤方 治目生眇瞤。

秦皮 柴胡 黄连去须 黄柏 蛇衔各二两 苦竹叶二握 细辛一两

每一服用药二两，河水细细煎浓，去滓，须热淋洗眼，冷即再暖，洗。

黄柏膏点方 治风热冲目，多生眇瞤。

黄柏去粗皮，一两 蕤仁半两 大枣青州者，三枚，劈

三味，以水三升同纳瓷器中，慢火煮至一升，去滓，取清，再以净瓶子收。每用铜箸点眼，日五度。

眯 目

论曰：眯目者，簸糠飞尘等物入于目中。治宜亟出之。久不出，着于眇眇，因而伤动则为涩痛、泪出。古方：初眯时，令绵裹箸擦去之，或以墨汁，或以鸡血浮出者，皆良。

治杂物眯目不出方

桑根白皮

一味，取新者一片如箸大，削一头，薄捶令软滑，渐渐入目中，拨之，须臾自出。

又方

猪脂一分

一味取塞鼻，随左右用之。

又方

生粟米七颗

一味，烂嚼，并唾洗之，即出。

治云母等人眼方

好墨

研为细末，用新笔蘸点眼大小眇头，即时随墨出。

又方

鸡肝中血少许

到滴目中，即出。

又方

衣中白鱼

暴干，研为末，点眇头，即出。

又方

酥

以少许纳鼻中，随眯目左右垂头，卧少时，令流入目中，泪与眯物同出。

针 眼即偷针

论曰：针眼者，以邪热搏于血脉，上攻眼目，发眇眇结焮肿痛，赤根白头，包裹脓汁，痛如针刺。治法当详其外证，随宜砭刺，决泄邪毒，后以消毒败热之剂断其根本。

半夏汤方 治目热客，目眇结成肿泡，俗呼偷针者。

半夏汤浸七遍，去滑 细辛各一两 前胡枳壳麸炒，各二两 乌梅肉半两

每服五钱，水煎，入生姜三片同煎。食后、临卧温服。

芍药汤方 治热毒攻目眇，目肿起有脓汁者。

赤芍药一两半 羚羊角 玄参 防风黄芩各一两 蔓荆实 甘菊花各三钱

每一次服五钱，用白水煎浓，入马牙硝一钱，俟食后、临卧时温服。

点眼蕤仁煮方 治热毒攻注目眇，肿结赤痛。

蕤仁研去皮 黄柏去粗皮 青竹茹洗,切
秦皮各一两 梔子仁半两
锉碎,拌匀,以水三升入铜器中,煮取
一升,以绵滤取清汁,点眼,日三五度。

耳 病 门

耳 病 统 论

论曰:肾气通于耳,心寄窍于耳,气窍相通若窗牖然,音声之来虽远必闻。若心肾气虚,精神失守,气不相宣,内外壅塞,斯有聾聵之疾。经所谓五脏不和,则九窍不通是也。

耳 聾

论曰:耳聾之证有二。有肾气虚,精脱而聾者,肾气通于耳也;有经脉气厥而聾者,经脉终于耳也。肾虚而聾者,其候面色黑;气厥搏于耳而聾者,其候耳中焔焔焔焔,或耳中气满是也。焔焔焔焔过在手少阳,耳中气过在手太阳。以至五络皆会于耳中,各有证候。审而治之。

肉苁蓉丸方 治肾虚耳聾。

肉苁蓉酒浸,切焙 兔丝子酒浸,捣研 白茯苓去黑皮 山药 人参 熟干地黄 桂去粗皮 防风去叉 芍药 黄芪半两 附子去皮脐 羌活去芦头 泽泻锉,各一分 羊肾一对,批去筋膜,炙干

共为末,炼蜜和丸,如梧桐子大。每服三十丸,空心温酒下。

山药丸方 治耳聾。

山药 熟干地黄 磁石煨,醋淬七遍 菊花炒 黄芪 茯神去木 木通各一两 升麻 独活各三分

共为末,炼蜜和丸,如梧桐子大。每服二十丸,米饮下,加至三十丸。

磁石酒方 治耳聾及耳鸣,常如风水声。

磁石捣研碎,绵裹,半两 木通 菖蒲米泔浸

一二日,切焙,各半斤

共咬咀,以绢囊盛,以好酒一斗浸。寒,七日;暑,三日,每饮三合,日再。

铁酒方 治耳聾。

铁五两 酒一升

烧铁令赤,投酒中,去铁饮之,仍以磁石塞耳中。

菖蒲丸方 治耳聾,塞耳。

菖蒲 木通 磁石煨,醋淬,研 乳香 杏仁炒,去皮尖 松脂 蜡各一分

共研极细,入鹅膏,同捣一二百杵,捻如枣核大。以铁穿中心作一孔子,先挑耳令净,然后纳药耳中,入,再。初著时,痒及作声勿怪。

治久耳聾方

乌驴乳一合 皂荚半两,为末 蜡一两

相和于铤子内溶成膏,凝定即丸,如枣核大。用针穿透,安耳中,一宿。至来日看之,有物下来在耳门中,即便取却,再用一两度,即差。

又方 治耳聾,塞耳。

雄黄一分 硫黄一分

共研为末,绵包裹一字于耳中,即差。

治耳聾灌耳方

鹅毛翎根筒七茎 灯心七茎 木通一两 地龙三条

共相和,烧灰,研,每用半钱。以生油调倾入耳中,便用绵纸塞耳,且侧卧良久,如此三度。

鲫鱼胆膏方 治耳聾,滴耳。

鲫鱼胆一枚 乌驴脂少许 生油半两
和匀,内入葱管中七日,滴放耳内。

鹅膏方 治耳聾,滴耳。

鹅膏一合

以少许滴耳中。

蟹汁方 治耳聾,滴耳。

生蟹二枚

捣绞取汁,以少许滴入耳中。

龟尿方 治耳聾,滴耳。

龟

一味，荷叶上养之，专看叶上有尿，收取滴耳中。

鼠胆方 治耳聋，灌耳。

鼠胆雄者

取汁，滴入耳内，令透。初益聋，半日后便能听，虽久亦差。

蜡纸角方 治耳聋。

蜡纸一张

一物，裁为四片。每一片于肌上紧卷，抽却筋，以蜡纸卷子安耳中，燃之，待火欲至耳，急除去。当有恶物出在残纸上，日一角之，角了以蜡塞定。

又方 治耳聋。

以绵裹铁内耳中，随耳左右，口含磁石一块，即通。

风 聋

论曰：风聋者，本于足少阴经虚，风乘之，令气脉不通，风邪内鼓则耳中引痛，牵及头脑，甚者聋闭不通，故谓之风聋。

黄茛汤方 治风聋，飐飐如风雨钟磬声，或时出清水，或有脓汁。

黄茛 一两半 附子去皮脐 菖蒲米泔浸一宿，各一两 木通二两 五味子 防风各一两半 磁石醋淬七次，三两 杜仲炒，去粗皮 玄参 白茯苓 熟干地黄 人参各一两半

每服三钱，生姜三片、大枣一枚同煎。空心温服，日二。

鱼脑膏方 治风聋年久。

生鲤鱼脑二两 当归切焙 细辛 白芷 附子去皮脐 菖蒲各半两

共为末。以鱼脑置银器中，入药在内，微火煮，候香去滓，入瓷盒中，候凝，如枣核大，绵裹塞耳中。

劳 聋

论曰：劳聋者，肾气虚劳所致也。足少阴肾经，宗脉所聚，其气通于耳。肾气虚弱，

宗脉耗损，则气安得聪彻而不聩？旧说谓因劳则甚，要当节嗜欲，慎起居，无损肾脏为要。

内补丸 治肾虚劳聋。

熟干地黄 附子去皮脐 桂心去粗皮 肉苁蓉酒浸一宿 鹿茸去毛，酒浸，酥炙 人参各一两 山药一两半 柴胡三分 远志半两 胡黄连一分 白茯苓一分 细辛 钟乳鹅管者二两，以甘草水煮三日，研

共为末，再研匀，炼蜜丸如梧桐子大。每服空心温酒下二十丸。

肉苁蓉丸方 治劳聋积久，耳鸣。

肉苁蓉酒浸一宿，切焙 附子去皮脐 山茱萸炒 干姜 桂心去粗皮 巴戟天去心 熟干地黄焙 石斛去根 泽泻 兔丝子酒浸一宿，另研 人参 白茯苓 蛇床子炒 牡丹皮 当归酒浸令润 细辛 甘草炙 菖蒲米泔浸一宿 黄芪 远志 芍药各一两 羊肾一对，批去筋膜，炙 防风三两

除菟丝子外，为末，入菟丝子重罗，炼蜜丸如梧桐子大。每服二十丸，食后温酒下，渐加至三十丸，日三。

五 聋

论曰：五聋不同，曰风聋、曰干聋、曰劳聋、曰虚聋、曰聵聋是也。肾通气于耳，足少阴其经也。经虚受风邪，及劳伤血气，停滞津液，皆能致聋。惟所受不同，故其证各异。葛氏的所谓风聋者，痛掣；干聋者，生眵眦；劳聋者，出黄汁；虚聋者，肃肃作声；聵聋者，脓汁出。可不辨哉！

黄茛汤 治五聋。

黄茛一两半 附子一两，去皮脐 菖蒲米泔浸一宿，一两 木通一两一分 磁石醋淬七次，二两 白茯苓 五味子 防风 熟干地黄 玄参 人参各一两一分 杜仲一两，去粗皮

每服五钱，生姜半分、大枣二枚同煮，温服。续吃羊肾粥助之，日四五服。

耳聋有脓

论曰：耳聋有脓者，盖肾肝虚，劳伤，血气与津液相搏，热气乘之，则结聚于耳中，腐化脓汁，气不开窍则致耳聋。

禹余粮散方 治耳聋有脓。

禹余粮煨，醋淬，一分 乌贼鱼骨去甲 伏龙肝 龙骨各半两 附子去皮脐，一两

共为散，每以一钱，绵裹塞耳中。日一易，取差为度。如有出，加麝香一黑豆大。

一方加铛墨半两。

治耳聋有脓水不绝臭秽方

肉苁蓉一两 龙胆一两 白茅根一两

共烧为灰，以少蜜和令匀，后人鲤鱼胆汁三枚，搅令稀，即以绢拭取汁，沥入耳中。其拭干滓捻作挺子，以薄绵裹塞耳，不过三日上愈。

治肾热耳聋有脓血溜日夜不止方

鲤鱼脑一枚 鲤鱼肠一具 乌麻子一升

先捣乌麻令碎，入二味相和。微火熬，以暖布裹薄耳，两食顷开之，当有白虫出，复更作药。若两耳并脓，分药于两耳中用；若只一耳，即于一面薄之，不过三度差。

二圣散方 治耳内出脓水。

白附子 羌活各一两

为散。用猪、羊肾各一只切开，每只入药末半钱，不得着盐，温裹煨熟。五更初温酒嚼下，续吃粥压。

速效散方 治耳聋，脓出，久不瘥。

地龙一条，入白葱管，当门挂，阴干入麝香少许，研为细散，掺入耳内。

鱼醋膏方 治耳聋出脓，或有虫。

鲤鱼肠一具 醋三合

捣如膏，取少许绵裹塞耳中，二食顷当痛，或白虫出，即易之，虫尽乃止。

耳虚鸣

论曰：耳者，心之寄窍，肾气所通也。腑脏和平，则其窍通而无碍。肾气既虚，风邪

干之，复以思虚劳心，气脉内结，不得疏通，则耳内焔焔与气相击而鸣，或为钟磬雷鼓，或如蝉噪，皆肾虚所致也。

磁石散方 治肾气虚弱，气奔两耳作声，甚则成聋。

磁石煨，醋淬七次 熟干地黄 菖蒲米泔浸一宿 牡丹皮 白术各一两 白茯苓 人参 芍药 附子 牡荆子炒 桂心去粗皮 大黄炒 桑螵蛸切破，炙 当归各半两 羊肾一对，切去筋膜，炙干

共为散，每服一钱，温酒调下，日三。加至二钱，不拘时。

桑螵蛸散方 治肾气虚弱，气奔两耳，鸣甚则成聋。

桑螵蛸炙 附子 人参 白茯苓 当归 桂心各半两 牡丹皮 白术炒 熟干地黄各一两 羊肾切去筋膜，炙干

每服一钱，空心、食前温酒调下，日三。加至二钱。

鹿茸丸方 治肾劳虚后耳常闻钟磬风雨之声，补肾。

鹿茸去毛，酒浸一宿，酥炙 磁石煨，醋淬 枳实麸炒，各二两 附子 去皮脐 山药 肉苁蓉酒浸，切焙 牡蛎煨，各一两半 五味子 巴戟天各一两 楮实炒，别捣末，三两

共为末，入楮实末，同罗、炼蜜和丸如梧桐子大。每服二十九至三十丸，空心，牛膝酒下。

塞耳方 治耳内昼夜虚鸣。

菖蒲 乌头去皮脐，生用，一两

为末，绵裹半钱塞耳中，再易之。

牛膝煮丸方 治肾虚弱，风邪干之，上攻于耳，常作蝉鸣，以至重听。

牛膝 海桐皮二味各半斤捣末，用好酒五斤于银石器内熬成膏 苻香子炒 当归 五加皮 赤箭 赤芍药 桂心去粗皮 麻黄去节根 地龙炒 木香 独活 乳香研 防风 骨碎补 麒麟竭 干蝎炒，去上 沉香 天南星生用，各一两 附子去皮脐 乌头去皮脐 楝实 川

芎各二两 虎脑骨四两，酥炙 没药一两 麝香研，半两

共研，再入前膏内，和捣三千杵，丸如梧桐子大。每服十九至十五丸，空心温酒或盐汤下。

耳 聃 聃

论曰：耳者，肾之候，心之寄窍。风热搏于经络，则耳中津液结聚如铁片之状，久则丸结不削，或似蚕蛹，致气窍不通，聃聃为聃。

猪脂膏方 治聃塞耳聋，强坚不可挑，塞耳。

生猪脂一合 釜下墨半两，研

调和成膏，捏如枣核大，绵裹塞耳中。

地龙汁方 治聃聃塞耳聋，强坚不可挑，灌耳。

地龙湿者，五七条

取汁数滴入耳中，挑即自出。

聃 耳

论曰：肾气通耳，耳者肾之候。若其经为风邪所乘，毒气蕴结于耳中，以至脓汁俱出，妨闷疼痛，谓之聃耳。

白敛散方 治聃耳出脓血，塞耳。

白敛 黄连 龙骨 赤石脂 乌贼鱼骨去甲，各一两

为散，先以绵拭干，用药一钱，绵裹塞耳中。

鲤鱼肠方 治聃耳出脓久不差者。

鲤鱼肠一具，细切 醋三合。

合捣，布裹枣核大塞耳，半食顷，痛，即有虫出，著布即拔之。更易新者，虫尽为度。

附子散方 治聃耳，耳中痛。

附子去皮脐，一分 黄连半两

为散，以少许掺耳中。

又方 治聃耳，塞耳。

母鼠肝 具

旋取活鼠，乘肝热时，以枣核大塞耳中。

治聃耳方

石首鱼脑中枕子

为末，掺耳中，即差。

百 虫 入 耳

论曰：百虫入耳，其类不一。古方或灌以药，或导以物，皆以意出之也。独驴乳、牛酪二物最为良法，诸虫之入耳，灌之即化为虫。其入腹者，则连服数剂，取差。

灌耳牛乳方 治蚰蜒入耳。

牛乳一盏

少少灌入耳内，即差。若入腹者，饮一二升，当化为黄水出，未出再服。

涂耳百部方 治蚰蜒入耳。

百部切焙

为末，以一字生油调涂于耳门上，其虫自出。

胡麻枕耳令出方 治蚰蜒入耳。

胡麻半升炒，令香

碎研，以葛袋盛，侧卧枕耳。

猪肉掩耳方 治蜈蚣入耳。

猪肉一两片

炙令香，掩耳上，立出。

鲮鲤甲方 治蚊入耳。

鲮鲤甲半两，烧为灰

以水调，滤过滴入耳中，即出。

猪脂枕耳方 治蚊入耳。

猪脂一片 猪肉一片

将猪脂煮炙猪肉，令香，安耳孔边，枕睡即出。

蜀椒醋灌耳方 治百虫入耳。

蜀椒半两，为末 醋半盏

以椒末入醋中，少灌入耳内，行一二十步，即出。

葱油枕睡方 治百虫入耳。

油麻一升，炒研，令烟出 葱白一茎，切炒令香

将葱与油麻拌匀，以瓶子盛。当耳门，安侧睡，令瓶口向耳，无令倾，虫从耳中出至瓶子内，即去之。

又方

以火照之，即向明出。

击刀方 治百虫入耳。

以刀口于耳上相击作声，虫即出也。

治百虫入耳方

雄鸡冠血不拘多少

滴耳内，立出。

治蜈蚣入耳闭气令出方

闭气，气满即吐；复闭，取令出。或死耳中，徐徐以物钩出之。若积久不出者，取新热猪肉安耳窍上，即出。

治飞蛾入耳法

先大吸气，仍闭口掩鼻，呼出气，虫即随气出。

又方

以鸡肉塞耳中，立出。

鼻 病 门**鼻 病 统 论**

论曰：肺为五脏华盖，开窍于鼻。肺气不和，则鼻亦不和。肺气感风冷，则为清涕、为鼾、为息肉、为不闻香臭。肺实热，则为疮、为痛。胆移热于脑，则浊涕不已，谓之鼻渊。惟证候不同，故治疗亦异。

鼻塞气息不通

论曰：鼻塞气息不通者，以肺感风寒，其气转结，不得宣快，窒塞既甚而息不能出入也。巢氏谓息肉生长，致气塞不通。盖有未尝生息肉而气息不通者，宜析而治之。

人参汤方 治肺风上攻，鼻塞不通。

人参 白茯苓 陈橘皮去白 蜀椒去目并合口者炒 麻黄去节根 黄芩 羌活各半两

每服三钱，水煎，食后温服。

杏仁煎方 治肺伤寒气，咳嗽唾痰，声重鼻塞，补肺。

杏仁去皮尖双仁，二两，研 枣肉煮取皮核，一

升 白蜜 生姜汁 酥各半升 汤一升

同合，和于银器中，微火煎，候熟，服一匙头，温酒调下，食后。

人参丸方 治肺风上攻，鼻塞不通。

人参 防风 细辛 黄芪 沙参 甘菊花炒 木通各半两

共为末，炼蜜丸如梧桐子大。每服十丸，温水下，日再。

木通膏方 治鼻窒塞不通利。

木香 细辛 当归 川芎 木香 蕤仁研 白芷各半两

共细锉，内银石器中，入羊髓，微火煎，候白芷色黄，膏成去滓，澄清凝。每用小豆大，纳鼻中，日再，以差为度。

鼻塞不闻香臭

论曰：鼻有息肉，不知香臭者，亦有无息肉而不知香臭。生息肉不知香臭已列方剂。此姑论鼻塞不闻香臭。盖鼻之窒塞，或冷风乘，或肺壅热。冷热故异，其塞则一，皆肺脏不和，气不宣通也。治塞者，当审其冷热。

天门冬丸方 治鼻塞不闻香臭。

天门冬 白茯苓各五两 人参 枳实炒甘草炙，各三两 槟榔二两

共为末，炼蜜和丸，如梧桐子大。每服二十丸，食后浆水下，日再。暑月以牛乳下。

通气膏方 治鼻中不利，窒塞不通，不闻香臭。

木通 当归 川芎 蕤仁 桂心各半两 细辛 白芷

共细锉，与羊髓三两同于银石器中，微火煎至白芷黄色，去滓澄凝。每服小豆大塞鼻中，日再。

芎藭散方 治鼻塞不闻香臭。

芎藭 辛夷各一两 细辛三分 木通半两 每用少许，绵裹塞鼻中，湿即易。

瓜蒂散方 治鼻塞不闻香臭。

瓜蒂 藜芦各一分

每用一钱，绵裹塞鼻中，日三易。

鼽 鼻

论曰：鼻和则知香臭。夫鼻为肺之窍，非能自和也，必肺气流通，然后鼻为用而香臭可知。若心经移热于肺，致肺脏不和，则其窍亦无以宣达，故为鼽鼻。此乃《内经》所谓心肺有病，则鼻为之不利也。

黄芪散方 治鼽鼻，顺肺气，四时服食。

黄芪 人参 防风 防己 生干地黄
桔梗炒 芍药 黄芩 泽泻 石楠叶 白术
米泔浸一宿，炒 桂心去粗皮 甘草炙 牛膝酒浸一宿 赤茯苓 紫菀各三两

共为散，每服一钱，温酒调下。如要丸，炼蜜丸如梧桐子大，每服三十丸，温酒下。

雄黄丸方 治鼽鼻。

雄黄一钱 甘草炙 附子去皮脐 细辛各一分

为末，用羊胆汁和丸，如枣核大。以绵裹纳鼻中，移时，出恶物即差。

细辛散方 治鼽鼻，不闻香臭，宜塞鼻。

细辛 甘草炙 附子去皮脐 木通各一分
为散，以羊胆汁和如枣核大，塞鼻中。

治鼽鼻法

伏面临床，以新汲水淋至枕上，即差。

治鼽鼻，吹鼻

皂荚一挺，炙去皮、子

为散，以一字吹入鼻中，即差。

鼻中生息肉

论曰：鼻者肺之窍，算和而知香臭。风寒客于肺经，则鼻气不利，使津液壅遏，血气搏结，附著鼻间，生若赘疣，有害于息，故名息肉。

羊肺散方 治鼻中息肉。

羊肺一具，切去筋膜，炙干 木通半两 白术
米泔浸一宿，炒黄，四两 干姜半两 肉苁蓉酒浸一宿，半两 川芎半两

为散，每服一钱，食后米饮调下，日二。

矾石丸 治鼻生息肉。

矾石熬令汁枯，四两 木通 细辛各半两
丹砂研，一分

共为末，面糊和丸，如小豆大。每用一丸，绵裹纳鼻中，一日一易，取下息肉止。

胡粉膏方 治鼻中息肉不通，傅鼻。

胡粉炒 白矾烧令汁尽，各等分

为末，用青羊脂和成膏，以少许涂敷息肉上。

鼻 渊

论曰：《内经》谓胆移热于脑，则辛颞鼻渊。鼻渊者，浊涕下不止也。夫脑为髓海，皆藏至阴，故藏而不泻。今胆移邪热上入于脑，则阴气不固，而藏者泻矣，故脑液下至渗于鼻。其证浊涕出不已，若水之有渊源也。治或失时，传衄衄、瞑目之患。

防风散方 治脑热鼻渊，下浊涕不止。

防风一两 黄芩 人参 甘草炙 川芎
天门冬各一两

为散，每服二钱，食后沸汤调下，日三。

鸡苏丸方 治脑热肺壅，鼻渊多涕。

鸡苏叶干者 麦门冬 桑根白皮 川芎
黄芪炙 甘草炙，各一两 生干地黄二两

为末，炼蜜和丸，如桐子大。每服二十丸，食后、临卧，人参汤下。

辛夷膏方 治肺热，鼻塞多涕。

辛夷一分 白芷三钱 藁本 甘草 当归

细锉，以清酒二盏、羊髓十两，银器内，微火煎五七沸，倾入盒中，澄凝。每取一豆许，纳鼻中，日夜各一服

鼻流清涕

论曰：五脏化液，遇热则干燥，遇寒则流行。鼻流清涕，至于不止，以肺脏感寒，寒气上达，故其液不能收制如此。且涕、泗、洩皆鼻液也，以继泣则曰涕；以生于肺则曰泗；涕其曰洩。此独言涕，与《宣明论》五脏化液，肺为涕，同意。

细辛丸纳鼻方 治脑冷，鼻塞，时出清涕。

细辛 桂心 甘遂炒 芎藭 附子各一分 辛夷半两 木通二两

为末，炼蜜丸如枣大。以绵裹纳鼻中，勿令气泄。觉小痛，捣生姜汁和捻，即愈。

一方用狗胆和丸。

芎藭膏方 治鼻塞多清涕。

芎藭 吴茱萸炒，汤浸 蜀椒去目炒 细辛 干姜 皂荚去皮、子，各三分

细锉，以醋浸一宿，纳猪脂子银器、石器中，煎五七沸，去滓，顷入盒中，澄凝。以绵裹少许，纳鼻中。

黄连汁方 治鼻塞多年，清水出不止，灌鼻。

黄连去须，二两 蒺藜苗二握

细锉，水二升煎至一升，取一合，灌鼻中，不过再灌，大嚏即差。

蒺藜汁方 治鼻塞，清水不止，灌鼻。

蒺藜苗一握

细锉，以水三盏煮至一盏，去滓。仰面，先满口含饭，取汁一合灌鼻中，不过再灌，嚏出息肉，差。

鼻中生疮

论曰：心肺有病，算为之不利。盖心肺在膈上，肺开窍于鼻。心肺壅热，气熏于鼻间，蕴积不散，其证干燥而痛，甚则成疮也。惟能平调心火以利肺经，则疮可已。

升麻汤方 治鼻干痒生疮，干呕，不下饮食。

升麻 桔梗 黄芩 犀角 贝母去心 龙胆各半两 甘草炙，一分

每服三钱，水煎，食后温服，不拘时。

硫黄膏 治面疮，鼻头赤烂。

硫黄研细，一钱

以葱白三寸，入童便二合，浸一宿，研绞，取涎和末，如膏涂上。不见风，日二。

梔子煎方 治肺气风热，鼻内生疮。

山梔子去皮壳 苦参 木通各三两

细锉，以四两酥同煎，令香，去滓，倾入盒中。每以少许滴入鼻中。

矾石煎方 治鼻中热气生疮，有脓臭，兼有虫。

矾石一两，枯 苦参 生地黄洗净，绞取汁，三合

二味为末，以地黄汁并水二盏，煎至三合，绵裹，去滓。少吹滴鼻中，三五度差。

黄柏饮方 治鼻中热气生疮，有脓臭，兼有虫。

黄柏二两

以冷水浸二宿，绞取汁一盏，服之。

疳虫蚀鼻生疮

论曰：五脏皆有虫，虫得风则化。肺开窍于鼻，肺经既虚，风热乘之，鼻气壅塞不得宣通，则疳虫因得浸蚀，疮生鼻间。

治鼻中疳疮方

牛鼻津 取涂疮上。

椿根汤方 治疳虫蚀入口鼻。

椿根切，一升，去皮 盐半合，葱白，切，半升 豉半升 椒一合，去目

合和，以醋及清泔各三升同煎数十沸，去滓，约及一升。分作三服，有恶物出。小儿量加減。

如圣散方 治疳虫蚀鼻生疮及鼻下赤烂。

胡粉半两 麝香研，一字 甜瓜蒂七枚，为末，粉内同研

合研匀。用蟾酥少许，水浸一宿。次日取蟾水先和粉，次同和丸如绿豆大。每用二丸，水化敷疮上，鼻下赤烂者亦涂之。小儿每用一丸。

青金散方 治疳虫蚀鼻生疮及鼻涕淹渍。

铜青 白矾生研，各等分

同为散，每用少许傅疮上。小儿亦可用。

圣济总录纂要 卷十九

清 新安 程 林云来纂辑
鄞县 曹炳章赤电校点

口 齿 门

口 齿 总 论

论曰：足太阴脾之经，其气通于口。足阳明胃之经、手阳明大肠之经，其脉并夹于口。故其腑脏风邪湿热发于经，则于是有口吻之疾。牙齿者，骨之所终，髓之所养也。又手阳明之支脉入于齿，故骨髓之气不足，与夫阳明之脉虚，不能有所滋养，于是有牙齿之疾。牙齿之疾，其候甚多，治疗之法固不得略也。《养生方》云鸡鸣时叩齿三十六下，食毕令啄齿，皆宜长行之，令齿不蠹，去虫。又早朝未起，漱口中玉泉，令满口，咽之。啄齿二七遍，去虫牢齿。《千金》又曰每旦以盐一捻纳口中，以暖水揩漱，及叩齿百遍，为之不绝，不过五日即牢密。若此之类，皆简易可行，行之有效，不可忽也。

口 疮

论曰：口疮者，由心脾有热，气冲上焦，薰发口舌，故作疮也。又有胃气弱，谷气少，虚阳上发，而为口疮者。不可执一而论，当求所受之本也。

当归膏方 治口烂生疮，水浆不下。

当归一两 射干 升麻 附子各半两 白蜜四合 猪脂五两

除蜜外，并锉。先煎脂，化去滓，入诸药慢火煎，候附子色黄，又去滓，入蜜更煎，如膏，以瓷器盛。每服如杏核大，含之，日

三五度，咽津不妨。

黄连膏方 治口疮并咽喉塞。

黄连三两 猪脂一斤 白蜜四两 羊髓研二两

以慢火煎猪脂，取油去渣，入黄连又煎，令黑色，下羊髓化以绵滤去滓，入蜜更煎，成膏，瓷盒盛。每含一枣大，日三五度，咽津不妨。

烧肝散方 治口疮久不差。

茵陈蒿 犀角屑 石斛 白术 柴胡各半两 芍药 吴茱萸汤浸三遍 紫参 桔梗 防风 桂心 人参 白芨黄各一分

每服五钱，以白羊肝五两切去筋膜，入葱白一茎，细擘相和，湿纸三五重裹，慢火煨熟。空腹顿服，米汤下。

巴戟散方 治元脏虚冷上攻，口疮。

巴戟天一两 白芷半两 高良姜为末，一钱为细散，用猪腰子二只去筋膜，每一保入药散一钱，用纸湿裹，煨熟，乘热去纸，以口吸热气，有涎即吐。候冷，细嚼服之。

生姜煎方 治口疮疼痛。

生姜取汁一盞 白沙蜜三两

同煎十沸，用瓷器盛。时时以热水调一匙，含咽之。

柳花散方 治口疮。

黄柏一两 淀花半两

为散，临卧干掺。误咽亦不妨。

升麻含汁方 治口疮。

升麻不拘多少

一味，含一里，咽津。

升麻饮方 治口内生疮，齿断肉烂。

升麻 黄连 羚羊角 玄参 麦门冬
黄芩 葛根 甘菊花 防风 羌活 大黄各
半两 人参三分 甘草炙 知母各一分

每服三钱，水煎，食后温服。

玄参汤方 治心肺壅热，口内生疮，胸膈痰逆。

玄参 茅根 羌活 竹茹 木通 羚羊
角 升麻各半两 黄连 苦竹叶 人参 半
夏浸去滑，各三分 甘草炙，一分

每服三钱，入生姜三片同煎，温服，食后再服。

玄参丸方 治口疮。

玄参 天门冬 麦门冬各一两

为末，炼蜜和丸，如弹子大。每用一钱丸，绵裹含化，咽津。

口 糜

论曰：膀胱移热于小肠，膈肠不便，上为口糜。夫小肠之脉络心，循咽，下膈，抵胃。阴阳和平，水谷入胃，小肠受之，通调水道，下输膀胱。今热气厥逆，膀胱移热于小肠，胃之水谷不得传输于下，则令肠膈塞而不便，上则令口生疮而糜烂也。大抵心胃壅热，则必熏蒸于上，不可概以数药，当求其本以治之。

大青丸方 治口糜生疮，久不差，及心脾中热，乍发乍退。

大青去根 甘草炙 枳壳麸炒 苦参各三分 生干地黄焙 升麻各一两 黄连半两

共为末，炼蜜丸如梧桐子大。每服二十丸，食后熟水下，日二服。

升麻丸方 治口糜生疮。

升麻 黄连 黄柏炙 杏仁各一两，去皮尖
将上三味为末，次研杏仁如膏，炼蜜三
两，以药末并杏仁和为丸，如弹子大。每服
一丸，含化咽津。

口 吻 疮

论曰：口吻疮者，其疮发于唇吻之间，疼

痛微肿，湿烂有汁，世名燕口，又名服疮。此由脾胃有热，随气熏发，上攻于口唇，与津液相搏所致。

芎藭丸方 治口吻疮。

芎藭二两 白芷 陈橘皮去白 黄连各半两

为末，炼蜜和丸，如梧桐子大。每服二十丸，甘草汤下，不拘时候。

麝香散方 治口吻生疮，久不差。

人中白研 麝香研，各一钱

再研匀，涂疮上。

葵根散方 治口吻疮。

取秋葵根一握，烧作灰，研为散，敷之。

口 舌 生 疮

论曰：口舌生疮者，心脾经蕴热所致也。盖口属脾，舌属心。心者，火；脾者，土。心火积热传之脾土，二脏俱蓄热毒，不得发散，攻冲上焦，故令口舌之间生疮，肿痛。

乌犀汤方 治口舌生疮。

犀角屑三分 羚羊角屑三分 丹砂三分
黄芪半两 大黄一分 升麻半两 生干地黄一
两 射干一分 天门冬生者，去心，一两 玄参三
分 甘草炙，一两

每服三钱，水煎，食后温服。

防风散方 治口舌生疮。

防风一两 龙胆一两 生地黄二两 沉香
半两 升麻半两

每用二钱，入盐少许，沸汤调匀，揩齿，含咽，便睡。

茯神丸方 治积年口舌疮，诸方不差。

茯神一两 白术一两 旋复花半两 缩砂
密三分，去皮 大黄煨，半两 芍药半两 桂心三
分 郁李仁一两 大麻仁别研，二两 人参半两
枳壳炒，三分 诃梨勒一两 厚朴姜汁炙，一两
白槟榔三分 白藓皮半两 陈橘皮去白，一两
地骨白皮半两

为末，炼蜜和丸，如梧桐子大。每服二十丸，空心粥饮下，加至三十丸。

口 臭

论曰：口臭者，脾之候。心脾或热蕴积于胃，变为腐臊之气，停聚不散，随气上出，熏发于口，故令臭也。

升麻散方 治口臭，生肌长断。

升麻二两 防风一两 当归 白芷各半两
川芎 藁本各三分 麝香一分 甘草炙，半两
木香 细辛各一分

每用一钱，敷齿根下。甚者，绵裹含化，咽津。

七香丸方 治口及身臭。

白豆蔻仁 丁香 藿香 零陵香 青木香 白芷 桂心各一两 香附子二两 甘松香 当归各半两 槟榔二枚 沉香一两

为末，炼蜜和丸。常含一丸大豆大，咽汁，日三、夜一。亦可常含，咽汁五日，口香十日，体香二七日，夜被香三七日，下风人闻香四七日，洗手水落地香五七日，把他人手亦香。慎五辛，下气去臭。

芎藭散方 治心虚寒口臭，虫蚀齿痛。

芎藭 白芷各一两 甘草炙三分 桂心去粗皮 杜蘅各半两 当归切三分

为散，食前暖酒调下一钱，日二服。三十日体皆香，即差。

草豆蔻丸方 治心脾蕴热，随气上熏发为臭。

草豆蔻仁 丁香各一两 麝香一分 藿香一分 藿香叶 零陵香 桂心 莎草根去毛 木香 白芷 当归 槟榔各半两

为末，炼蜜和丸，如鸡头大。每含化一丸，咽津液，日三丸。

唇 疮

论曰：唇疮者，以脾胃有热，热气循经而外发于唇，故生疮也。盖足阳明之脉，下循鼻外，人上齿缝中，还出挟口环脉。《内经》谓脾之合，肉也，其荣唇也。是故脾胃之经与唇相应，热气乘经而冲发，所以唇为

之生疮。

硫黄膏方 治唇疮及紧疮，久不差。

硫黄研 白矾枯研 丹砂研 水银 麝香研 黄柏各一分，为末

同研，候水银星尽，用腊月猪脂和如泥。先拭令净，后以膏涂之，日三五上，即瘥。

五倍子散方 治口唇生疮。

五倍子去心中虫 槐花择

等分，为细散，每用蜜敷唇上。如疮口干，以葱汁调上。

治沉唇疮方

鲤鱼血

一味，取血磨墨，相和涂之，差。

唇 生 核

论曰：唇生核之候，大概与唇疮、紧唇相类。然其肿至于生核者，盖足阳明与太阴为表里，脏腑俱有风热，风热之气冲发二经，与血气相搏，而为唇肿。外复为内冷所乘，血气凝结聚而不散，故生核也。

防风汤方 治脾胃蕴积，热气复为风冷所搏，唇边生核，结硬疼痛。

防风去叉，半两 菊花一两 升麻半两 独活半两 黄芩半两 知母半两 玄参半两 生干地黄半两 藁本半两 大黄炒，半两 梔子半两 前胡半两 桔梗半两 甘草炙 麦门冬各半两

每服用三钱，水煎，食后温服，日三。

黄连散方 治脾胃积热，风冷乘之，唇结核。

黄连去须 升麻 龙胆各一两

为散，绵裹如弹子大，临卧新汲水浸过，含化，咽津。

治唇生核肿痛如弹方

牛膝烧灰存性，研

先以针刺出恶血，次用药少许，以新汲水调涂核上。

治唇黑肿生核痛痒不可忍方

古铜钱青者，四文

放石上，以腊月猪脂磨，取汁涂之。

重 舌

论曰：重舌者，以心脾二经蕴伏热气，循经络上冲舌本，遂令下血脉胀起，如小舌状，故谓之重舌。盖心开窍于舌，足太阴之脉属脾，络胃，上膈，挟咽，连舌本，散舌下故也。紫雪服之甚效。

牛黄散方 治重舌。

牛黄研 人参各半两 白茯苓三分 大黄炒，半两 当归一分 甘草炙，半两 丹砂研，半两
为散，每服半钱，温水调下。甚者加至一钱，食后服。

舌 肿 强

论曰：心气通于舌，脾脉挟咽，连舌本，散舌下。心脾二经受风邪，则舌本强不能卷舒，久或热气加之则肿，肿则脉筋胀急，势连咽喉，碍于呼吸。法宜刺之，泄去恶血，及饵以药。

白茯苓汤方 治舌肿强。

白茯苓 牛黄研，各三分 犀角屑，一分 甘草炙 人参 羚羊角屑 熟干地黄 白术桂各半两

每服三钱，水煎，温服，日三。

百草霜方 治舌忽紧硬，逡巡能塞煞人者。

百草霜 好盐各半两

同研匀，表里涂之，立效。

蜜虫散方 治舌肿满口，言语不得。

蜜虫五十枚 盐半两

细研为末，每服以水煎，热含，冷吐，以瘥为度。

螻蛄散方 治木舌肿强。

桑螻蛄十二月者，炙黄

每服半钱，莱菔汁调下。

蚯蚓涂方 治舌肿满塞喉，欲死。

蚯蚓一条

以少许盐花化为水，涂咽喉舌上，良久

渐消。

牙 齿 历 蠹

论曰：牙齿历蠹者，肾虚弱也。骨髓不固，气血衰耗，不能荣润于牙齿，故令人牙齿黯黑，谓之历蠹。

麝香散方 治齿历蠹。

麝香 一匙 定粉 一钱 黄腊半两

细研前二味，熔蜡调之，摊在纸上。每临卧时，剪作片子，贴所患齿上。

升麻散方 治牙齿历蠹，齿根黯黑。

升麻 槐枝灰各半两 白附子 密佗僧煨 露蜂房各一分

为散，入地黄汁一合，和匀，阴干，每用揩齿。

牙 齿 疼 痛

论曰：牙齿疼痛有二，手阳明脉虚，风冷乘之而痛者谓之风痛；虫居齿根，蚀侵不已，传受余齿而痛者谓之虫痛。二者不同，古方有涂敷漱濯之药，治去风、虫用之，各有法也。

细辛散方 治牙齿疼痛，头面浮肿，吃冷热物不得。

细辛 芎藭 藁本 独活各一两 地骨皮半两 蒺藜子三分

为散，绵裹如江豆大，含化，咽津，每日三五度，易之，去膈间风热。若患头风鼻塞，先以油涂顶心，以手摩一二百遍，次用散一钱，又摩顶心，依前法。

地骨皮汤方 治牙齿疼痛，吃物不得。

地骨皮一两 细辛半两 生干地黄一两 戎盐一分

每用五钱，以水煎三五沸，热漱，冷吐，以差为度。

地黄汤方 治牙齿痛。

生干地黄三两 独活一两

咬咀，每用五钱，以酒一盞浸一宿，煎十余沸，热漱，冷吐，以差为度。

柳枝汤方 治齿痛连牙，额疼。

柳枝 槐枝 黑豆各一合 蜀椒炒去目，半两 青盐 细辛 羌活各一分

除椒盐外，锉，先以水六盏煎取二盏，入椒盐再煎二盏，通口漱之，不拘时候，以瘥为度。

齿 齲

论曰：齿齲如疳，齲虫之证，齿根先露，坏烂，脓血俱出，口内气息。盖缘脏腑壅滞，熏发上焦，攻冲齿牙。又有嗜服甘过多，或宿食在齿根，不能漱去，致腐臭之气淹渍而成者。

雄黄膏方 治齿齲，虫蚀牙齿。

雄黄别研，半两 牛酥五两 黄蜡 白蜜各一两 薰木二分 丹砂别研，一分 藜芦一分 升麻 川芎 白芷 杏仁去皮尖、双仁各半两

除别研药并蜜蜡外，余细锉，先于铛中，以酥煎所锉药，候杏仁赤黑色，去渣，下蜜蜡，煎二十沸，候膏成，续下别研药，搅勿住手，候凝成膏，于瓷器盛。每以少许涂齿病处，或虫孔中点之，大验。

蔷薇根膏方 治齿齲。

蔷薇根二两 地骨皮一两 葱根一根 胡粉一两 白蜡一分

前三味俱锉，以水二大盏煎至半盏，以重抄纸半张浸之，暴干，更湿浸，汁尽为度。干了以粉蜡涂之于上，剪作条子，夜卧贴之，神效。

细辛散方 治齿齲，齿根腐烂。

细辛二两 川升麻二两 地骨皮二两 角蒿二两 牛膝二两 生地黄五两

都烧为灰，细研每夜临卧敷齿根，或以蜡纸上贴之，至旦即去。

黄矾散方 治疳齲，齿根宣露。

黄矾烧灰，一分 麝香研，一钱 干蛤壳烧灰研，一分 防风去叉 独活各一两

除别研外，为散，以暖浆水漱口，后用药贴齿根上，有涎即吐出，日再贴，即差。

藜芦散方 治齿疳风齲，疼痛不止。

藜芦 蜀椒去目炒 附子各一分 麝香研，一钱

先以三味为散，次下麝香，和匀。每用一钱，绵裹置所患处，有涎吐之。

虫 蚀 牙 齿

论曰：字书谓凡动皆风，虫以风化。盖手阳明脉入于齿，其经虚损，骨髓不荣，风邪乘之，攻入于齿，毒气与湿相搏而生虫，故云虫蚀牙齿也。其状，齿根有窍，或作疼痛，甚则摇动宣露，浮肿作臭，世俗亦呼为蛀牙。

玉池散方 治虫蚀牙齿，蛀虫风痒，摇动疼痛，及牙宣出血，气息浮肿等疾。

地骨皮 白芷 升麻 防风 细辛 芎藭 槐花 当归 薰本 甘草

共十味，等分捣罗为末散。常用揩牙，良久以温水漱。次用药散二钱、生姜三片、黑豆三十粒同煎，含，冷吐。

附子丸方 治久患牙疼及齿虫。

附子一两，去皮脐，生用 蜀椒 革拨 黄蜡各一分

四味捣罗，三味为末，熔蜡和丸，如梧桐子大。每用绵裹一丸，以患牙咬之；如虫，安在虫窍内。

比金散方 治牙疼不止，去风虫，神仙功效。

雄黄不拘多少

一味，研细，随左右疼处以刺耳子送入耳中，立止。

治牙齿风虫疼痛

乌头去皮脐 芎藭 甘草 地骨皮 细辛 高良姜 白芷等分

共七味，捣罗为散，以指点药揩于痛外，出涎，以温水漱，三五度即差。

肾虚齿风痛

论曰：肾主骨髓。齿者，骨之余，而髓之所养也。足少阴经虚，气血不能荣养骨髓，

故因呼吸风冷，或漱寒水冷，则令齿痛而巳。

地黄丸方 治肾脏虚，食冷热齿皆痛。

生地黄一两 白茯苓 防风 独活 枸杞子 山药各半两

上六味，捣罗为末，炼蜜丸如梧桐子大。每空心，煎枣汤下十丸至十五丸。

鸡肠草散方 治肾虚齿痛，揩牙。乌髭髯，驻颜。

鸡肠草 白矾 诃梨勒皮 荜香子 旱莲子 晚蚕砂 青盐 茜根 皂荚各一两 麻糝半两

共十味，除矾并青盐、荜香、蚕砂外，各锉半寸。用瓷瓶一枚，开口入诸药在内，纸筋盐泥固济，以炭火半秤煨尽火，放冷，取出研如粉。早晨、食后、夜卧揩三两上，顷之漱口。

齿风肿痛

论曰：齿风肿痛者，齿根虚浮，牙齿疼痛，或过呼吸风冷其痛愈甚，则断槽肿赤，乃至动摇。此盖手阳明经虚，风客其脉，流注齿间，故为齿风肿痛之患也。

芎藭汤方 治风齿疼痛及口臭。

芎藭 当归 独活 细辛 白芷各一两 共五味，捣为末，每用五钱，水煎，热含，冷吐，如此三五次易，取差为度。

葶拔散方 治诸阳气虚，风攻牙齿疼痛，不任寒热，嚼物隐痛。

葶拔 苦参 防风 升麻各三两 藁本一分

共五味，捣罗为散，每三钱，水煎，热漱，冷吐。

皂荚汤方 治诸风齿疼痛。

皂荚一挺，去皮子，炙令黄色 露蜂房一枚，劈碎 盐一分

三味，劈锉，分为三贴。每贴以浆水煎，热漱，冷吐。

齿断 肿骨槽风附

论曰：足阳明之脉起于鼻，交頞中，旁约太阳之脉下循鼻外，入上齿中。手阳明之脉，其支者从缺盆直入上颈、贯颊、下入齿缝中。若其经虚，风热所袭，传流齿牙，攻注断肉，则致肿痒。甚者与断间津液相搏，化为脓汁，或血宣而巳。

黄芩汤方 治齿断肿痛及虫蚀。

黄芩 甘草 当归 细辛各一两 蛇床子 桂心各一两

上六味共捣，筛为粗末。每用五钱，酸浆水一盞，煎十沸，热含，冷吐。

地骨皮散方 治骨槽风，牙齿宣露，肿痒浮动，疼痛作时，或断烂生疮。兼治大人、小儿口疮。

地骨皮 麦槎各一两 猪牙皂荚半两 青盐一分

上四味同捣碎，入锅炒，捣罗为散。每用先以盐浆水漱口，掺擦。

风疳

论曰：风疳之病，其候槽断虚肿，牙齿动摇，侵蚀齿根，腐臭脱落，下攻断颊，损烂，脓血俱出者是也。盖缘手、足阳明之经气虚，风邪热毒在胃，蕴积日久，上熏胸间，攻发口齿，故成斯疾。

升麻细辛散方 治风疳疼痛，侵虫断烂。

升麻 细辛 藁本 防风 芎藭 凝水石研，各一两 甘草炙，半两

上七味，捣研为散。取少许贴齿痒处。又取一钱，绵裹含化，咽津。常令药味相接为佳。

治风疳出血及牙齿浮动，牢牙散方

皂荚五挺，烧存性，小者用十挺 附子一枚，生乳香研，半两 麝香研，少许

四味，捣研为末。如常揩齿，良久漱之，频用为妙。

齿间出血

论曰：邪僭热在上，流传于手阳明之脉，注于齿间，则令齿断虚肿。甚者齿间出血，盖血性得温则宣流故也。

龙脑散方 治牙齿疼痛，断间血出。去口气，辟风冷。

龙脑研一分 蔓荆实 细辛 升麻各一两
共四味，捣罗三味为散，入龙脑拌匀。每用半钱，揩齿，良久以温汤漱口。

胡粉散方 治牙宣血出不止。

胡粉半两 麝香研，半钱

二味，同研为散。临卧净揩牙，漱口。且兼能牢牙。

齿 齲

论曰：齿齲之病由风热邪气客于手、足阳明二经。其状断肿；或肿，脓出而臭，久则侵蚀，齿断宣露，一名风齲。

蜀椒汤方 治牙齿风齲疼痛。

蜀椒去目并合口者 芎藭 细辛 升麻 莽草 防风 黄芩各一分

上九味捣筛，每用五钱，水煎，热漱，冷吐。

白矾散方 治齲齿，断肿出脓汁。

白矾一分，烧灰 麝酥半分 干虾蟆 麝香半分 雄黄半分 熊胆一分

上六味，捣罗为散。每用半钱，敷牙根。

牛膝散方 治牙齿风齲疼痛，解骨槽风毒气。

牛膝一两，烧为灰

为末，以少许著齿间，含之。

又方 取郁李根一握，切，水一盞煎至六分，热含之。吐出虫，长六分，黑头虫。

牙齿动摇

论曰：手阳明支脉入于齿，足太阳之脉又遍于齿，为骨之所终，髓之所养。若经脉虚，风邪乘之，血气损少，不能荣润，故令

动摇也。

治齿风动摇，捍齿牢牙方

丹砂别研，一两 青矾别研，半两 白矾别研，半两 马牙硝别研，半两 防风半两 细辛半两 黄蜡一两 麻油三两 松节二两 当归半两 松脂二两 黄芪一两 腊月猪脂半斤

上十三味，除脂、蜡、油外，并细锉。先于铛中煎脂，滤去滓，次下油煎三、两沸，续下锉药，煎十余沸，以绵滤去滓，再下蜡，并别研药慢火养成膏，于瓷器盒盛。每用少许，涂敷患处，即差。

防风汤方 治齿根出露，动摇疼痛。

防风一两 蔓荆子一两 细辛半两 川升麻半两 地骨皮半两 赤茯苓半两 芎藭一两

共七味，都锉碎，和匀。每用半两，以酒水同煎，热含，就于患处良久，冷即吐，含尽为度，日二。此一剂，永差矣。

地黄丸方 治齿动摇。

生地黄五斤，粗者取汁 山药四两 枸杞根三两，大者 人参一两 白茯苓四两

上五味，先煎生地黄汁。捣诸药末，用好酒一斗别煎至三升，入煎下地黄汁，同再煎入白蜜一斤、酥少许，煎候可丸，即成丸，如小豆大。每服，酒下二十丸，日三服，加至五服。

咽 喉 门

咽喉统论

论曰：咽门者，胃气之道路；喉咙者，肺气之往来，一身之中，气之升降出入莫急于是。详考经络流注，即咽喉所系，非特肺胃为然。故孙思邈曰：应五脏六腑，往还神气，阴阳通塞之道也。又人之气血与天地相为流通，咽喉尤为出纳之要。故《内经》曰：喉主天气，咽主地气。若脏热，则咽门闭而气塞，甚则咽门破而声嘶，以至肿痛、喉痹、生疮、悬痈之属。与夫梗塞如有物妨闷，痒痒，

多涎唾，其证不一，不可概以实热为治。大率热则通之，寒则补之，不热不寒，依经调之。汤剂荡涤之外，复有针刺等法，要皆急治，时不可缓。非若脏腑积久之病，磨化调养之可比也。一切咽喉病，紫雪为要药。

咽喉闭塞不通

论曰：咽喉闭塞不通者，由脾肺不利，风邪热毒攻冲咽喉，故令肿痛，甚则闭塞不通。宜急治之。盖咽喉者，呼吸之道路，气之所出入也。

升麻汤方 治喉中痛，闭塞不通。

升麻 木通各一两 射干 络石 芍药 羚羊角镑，三分 淡竹叶 杏仁去皮尖双仁，炒，各半两

共八味，除竹叶外，捣筛。每服三钱，水煎，入竹叶七片，煎至六分。温服，日三。

喉 痹

论曰：喉痹，谓喉里肿塞痹痛，水浆不得入也。治稍缓，杀人。由脾肺不利，蕴积热毒，外犯寒邪，二经壅热结于喉间，痹而不通，其状身热恶寒。治法有先针而后药者，可谓之急先条矣。

射干丸方 治喉痹肿塞。

射干一两 香豉一合 杏仁去皮尖双仁，炒 芎藭 犀角各二两 升麻一两 甘草炙，半两
上七味，捣罗为末，炼蜜丸如小弹丸大。每服一丸，含化，咽津，日可三五服。

治咽喉闭塞不通方

大黄末一分 蜗牛二七条 白矾末 马勃一分

四味，于五月五日午时用白梅肉、蜗牛同研，和丸如楮实大。如患者开口不得，即以水磨，用竹管子吹下喉中，立差。如轻者，以绵裹含化一丸。

透关散方 治男子、妇人喉痹，口噤，牙关紧。

雄黄研 猪牙皂荚炙，去皮 藜芦各一分

三味研为散。每用一匙，分弹入两鼻中，关透处即差。

逡巡不救方 治急喉痹。

皂荚去皮、子，生半两

一味，捣为末。每服少许，箸头点肿处。更以醋调药末厚涂项下，须臾便破，血出即愈。

马 喉 痹

论曰：马喉痹之状，势如奔马，喉间痹痛，肿连颊骨，壮热烦闷，数数吐气者是也。此盖脾肺不利，热毒攻冲，发于咽喉所致。

生犀丸方 治热冲喉间，连颊肿，数出气，烦满。

犀角 枳实 射干 海藻洗去咸 升麻 各一两 杏仁去皮尖双仁，研 白附子 百合 一两半 胡黄连 蒺藜子各三分

上十味，捣罗为末，炼蜜丸如弹子大。每服一丸，绵裹，咽津，不计时。

天门冬丸方 治马喉痹，咽喉肿痛，唇焦舌干，腮颊连肿。

天门冬 玄参 恶实炒，各一两 百药煎 半两 人参一分 紫苏叶半两 甘草炙，一两半 蓬砂研，一分 龙脑一分

上九味，捣研为细末，炼蜜和丸，如皂子大。每服一丸，食后、临卧熟水下。

治成喉痹肿连颊吐气方

马衔铁一具

以水三升煎至一升，细细含咽。

龙脑散方 治成喉痹，颊咽痛。

白龙脑细研 牛黄细研 犀角屑 羚羊角屑 玄参 马牙硝细研 沉香 甘草炙 朱砂以上各一分 蓬砂研，一钱 升麻半两

上十一味，除龙脑、马牙硝捣筛为散。每服三钱，水一盞，竹叶七片同煎，去滓。温，入龙脑、马牙硝一钱，搅令匀，细细含咽。

咽 喉 生 痹

论曰：肺气上通于喉咙，胃经外连于咽

嗑，其气和平，则呼吸、咽纳无所妨碍。若脾肺壅热，熏发上焦，攻于咽喉，结聚肿痛，不得消散，热气炽盛，致结成痈，妨害吐纳。古方论：一寸为疳，二寸至五寸为痈。其候使人寒战，咳吐稠浊。善用针者，辨其可刺，宜速破之，仍施以点钅之剂。

天门冬煎方 治喉痈，咽嗑不利。

生天门冬汁，二升 人参一两 生麦门冬汁，一升 生姜汁，一升 桂一两 半夏汤浸七遍，暴干，一两 赤茯苓二两 生地黄汁，一升 牛黄研，半两 甘草三分

上十味，除四味汁外，余六味为末。先以天门冬、麦门冬汁煎，减半；次入生姜汁又煎，减半；次又入地黄汁，并余六味末同煎，汁欲尽，即入白蜜一斤、酥四两同煎，成煎，以瓷盒盛。不拘时以温水调下一匙，以差为度。

射干汤方 治喉痈，咽嗑肿塞，及心肺热极，吐纳不利。

射干半两 升麻 大黄生用 恶实生用，各一两 木通 马薊子炒，半两

上六味，捣筛。每服三钱，竹叶七片，水煎，去滓。下马牙硝半钱，搅令匀。不拘时候，细细温服。

尸 咽 喉

论曰：道家服药务先去三虫者，以其为人害也。尸咽之病，亦本如此。巢氏谓：腹中尸虫上蚀咽喉，能令生疮，或痒，或痛，如蠶候者是也。善摄生者，倘未能除去，亦当服药治之，勿使妄动，则善矣。

黄柏汤方 治尸咽，喉闭塞，出疮，及干呕，头痛，食不下。

黄柏炙，半两 升麻 木通各一两 竹茹三分 麦门冬一两半 玄参一两 前胡 大青各三分

共八味，捣筛。每服三钱，水煎，去滓。入芒硝末一钱，搅匀，温服。如鼻中有疮，以生地黄汁少许，滴入鼻中。日三五服，不计

时候。若通利，加芒硝；不欲利，去之。

一捻金方 治尸咽，及走马喉痹，或脑内生痛。

雄黄研 藜芦 猪牙皂角去皮子，各一分

三味捣研，为散。先含水一口，用药一钱许，搐鼻内，即吐去水，少时立效。

咽喉中如有物妨碍

论曰：喉者，胃之系，故咽主咽物；天气通于肺，故主通气。咽喉如有物妨碍者，乃肺胃壅滞，风热客搏，结于咽喉使然。故《圣惠》谓：忧愁思虑，气逆痰结，皆生是疾也。

射干汤方 治咽喉中如有物噎塞不下。

射干 升麻 紫菀 百合各半两 木通一两 赤茯苓 桔梗各三分

上七味，每服三钱，水煎，食后温服。如要通利，每服加朴硝末一钱，同煎服。

半夏木通汤方 治咽喉如有物噎塞，饮食妨碍。

半夏汤洗七遍 木通 干姜各半两 芍药 桑根白皮

共五味，每服三钱，入盐少许煎温服。又一方捣罗为末，炼蜜丸如梧桐子大，每服十五丸，食后生姜汤下，加至二十丸。

四物汤方 治咽喉中如有物，咽吐不利。

半夏姜汁浸一宿，焙 厚朴姜汁炙 陈橘皮浸去白，各一两 赤茯苓二两

共四味，每服二钱，人生姜三片同煎，食后温服。

厚朴汤方 治咽喉中如有物。

厚朴姜汁炙炒 赤茯苓各一两 半夏洗七遍，切焙，一两半 紫苏叶一两

共四味，每服三钱，入生姜三片同煎，食后温服。

石莲汤方 治咽喉如有物噎塞，饮食不下。

石莲 人参 杵头糠各一分

共三味，每服三钱，水煎温服，日二。

柞糠丸方 治咽喉中如有炙脔，食即噎塞。

柞头细糠二合

一味为末，炼蜜和丸，如弹子丸。每空腹含化一丸，微微咽津下。

杏仁煎方 治肺胃壅滞，咽喉中如有物，妨闷。

杏仁汤浸去皮尖双仁，炒 桑根白皮 贝母 各一两半 生姜汁二合 地黄汁二合半 酥半两

大枣六十枚，去核 紫菀二分 甘草炙 桔梗 炒 五味子 赤茯苓去黑皮 地骨皮 各一两 人参三分

共十四味，研，杏仁，以水五升滤取汁，将草药细锉，同煎至二升，以绵滤去滓，续下酥及地黄汁，慢火煎成膏。每食后含一匙，细细咽津。

骨 鲙

论曰：用药之法，有不取于气味，特以意为用者，若鱼网、虎骨之治骨鲙是也。然网能制鱼，乃鱼之所畏。虎能伏兽，乃兽之所畏。其所制伏既不同，则用之无异矣。

治咽喉诸鲙，软骨散方

赤茯苓 陈橘皮浸去白，各半两 甘草炙 缩砂仁 各一分

共四味，为散。每用二钱，先掺口中，次用新水一盞，咽下。

马勃散方 治骨鲙在喉中不出。

马勃 白矾灰 恶实 陈橘皮浸去白，各半两

共四味，研为末，浆水和丸，如樱桃大。含化，咽津。

橘皮丸方 沿骨鲙在喉中不出。

陈橘皮去白，半两 乌贼鱼骨去甲 沙糖 各一分

上三味，捣罗为末，炼蜜和丸，如皂子大，绵裹含咽。

栗皮丸方 治诸骨鲙在喉中不出。

栗子肉上皮半两，为末 乳香 鲙鱼 各一分

三味同研为丸，如梧桐子大。看骨远近，绵裹一丸，水润，外留绵线，吞之即钓出。

饴糖丸方 治诸鱼骨鲙在喉中。

饴糖不拘多少

一味为丸，如鸡子大，吞之。又渐作大丸，再吞，即效。

鱼网散方 治诸鱼骨鲙在喉中。

捕鱼网 片

一味烧灰研细，每服一钱，新水调下。又以鱼网复鲙人头上，即下。

鸬鹚散方 治诸鱼骨鲙在喉中。

鸬鹚毛翅十片

一味烧灰，细研，每服一钱，浓汁橘皮汤调下。或以绵裹，含咽，即下。

薤白嚼方 治诸鱼骨鲙在喉中。

薤白

一味嚼，令揉，取粗线系之，持线一端，吞薤到鲙处，引之即出。

揉筋引方 治诸鱼骨鲙在喉中。

鹿筋不拘多少

一味，渍之令软索如弹丸，持一端吞之，至软处，徐徐引出。

虎骨散方 治诸兽骨鲙。

虎骨

一味，研细，每服一钱，水调下。狸骨亦得。

血余散方 治食中发鲙不下，绕喉。

乱发一团，烧灰

一味研为细散，每服一钱，粥饮调下。

猪膏吞方 治诸鲙。

猪膏

一味，吞如杏核大，未差再吞。

蜈蚣散方 治诸鲙并刺不出。

蜈蚣头一枚

一味为散，以绵裹，咽津。勿令鲙人知。若刺不出者，涂刺疮上，即出。

治诸鲙方

上方用木炭皮为末，研令极细。如无炭皮，但坚炭亦可。粥饮调下二钱，四五服，以

鰓下为度。

误吞诸物

论曰：误吞诸物，若金银钱钩之类，虽非病之自内，然无术以出之，久则害人。若旧梳治发、磁石出针，皆意为之。治不特取其性味，治药之工可谓用心精微者矣。

治误吞针及箭镞等方

肥猪脂肉不拘多少

一味煮令熟软，恣意饱食，即下。

治误吞针方

磁石一弹大

一味口含之，即出。

瘰癧门

五 瘰

论曰：石瘰、泥瘰、劳瘰、忧瘰、气瘰，是为五瘰。石与泥则因山水、饮食而得之；忧、劳、气则本于七情之所感，气则随之，或上而不下，或结而不散是也。

治瘰癧海藻散方

海藻一两 昆布一两半 海蛤 木通 白茯苓三两 桂心 羊膈十枚，去脂炙黄

上七味捣研为散。非时，温酒下三钱，夜再服。

茯苓丸方 治气结喉中，蓄聚不散，成瘰。

白茯苓三两 半夏汤洗去滑 生姜二两 昆布 海藻各五两 桂心 陈橘皮各一两

上七味为末，炼蜜丸如杏仁大。常含化一粒，细细咽津，令药气不绝。

诸 瘤

论曰：瘤之为义，留滞而不去也。气血流行不失其常，则形体和平，无或余赘。及郁结壅塞，则乘虚投隙，瘤所以生。初为小核，寢以长大若杯盂，不痒不痛，亦不强。

方剂所治以治瘰法同，但瘰有可针割，而瘤慎不破尔。

消肿散方 治骨瘤、石瘤、肉瘤、脓瘤、血瘤，大如杯盂、升斗者三。三十年不差，致有脓溃，令人骨消肉尽。或坚、或软、或溃，令人惊惕，寢寐不安，体中掣缩。

乌贼鱼骨去甲 硫黄各一分 白石英 紫石英 钟乳各半两 干姜 大黄炒 附子去皮脐 胡燕屎 琥珀各一两 丹参三分

共十一味，为散，贮以韦囊，勿令气泄。若疮湿即敷之。若疮干无汁者，以猪膏和敷，日三四易之，以干为度。若汁不尽者，至五剂、十剂止。著药令人不疼痛。若不消，加芒硝二两。

神效散方 治项气瘤结附赘，日渐增长。

猪羊膈各三十枚，旋入猪胆内蘸过，令干 陈橘皮去白，一两

三味为散。每服二钱，空心米饮调下。初结不过数服觉消，不用久服。

瘰癧门

瘰癧结核

论曰：瘰癧结核者，由风热毒气蕴积肝经，攻注筋脉，毒气郁而不散，故项腋之间瘰癧结聚成核，或如梅枣核状，累累相连。其证令人乍寒乍热，头项强痛，心神烦躁。盖毒气与气相搏，则荣卫不和使之然也。

沉香汤方 治瘰癧毒肿。

沉香 丁香 木香 麝香研，各一分 连翘 黄芩各半两 犀角一两半 升麻一两

每服五钱，水煎温服，空心、日午、夜卧各一服。

凝冰散方 治风热毒气，项下结核，及欲作痈疽、疮疖、发背等疾。

绿豆粉 乳香研，各一两

二味合研为散。实人分作四服，虚人分作八服。食后米饮调下，就有核处一边卧，尽

剂必瘥，大消肿痛。

内消方 治瘰癧肿结。

蜗牛壳不拘多少

一味捣为细散。每服二钱，空心米饮调下，日再，至四十九日自消。

消毒涂方 治风热结硬，肿赤疼痛，乃腮颌下忽结成核。

大黄一两 景天即慎火草

二味同研烂，涂于患外，日再敷。

平肌散方

黄狗骨头烧灰 鲛鲤甲烧灰，各一钱 乱发一团，纸烧灰

三味研匀。如疮口已干，用白津唾调湿敷之，日三四次，疮即平愈。

治瘰癧在项上结成颗块，用触处但有结凝，似作痿痹——**急灸法**

独头蒜一斤

一味截两头，去心，作艾炷，火与蒜称贴病子。灸之勿令破肉，但取气而已，觉热勿畏。每七壮易蒜，可至七易，取消。

治五种瘰癧牡蛎散方

牡蛎煅研 连翘瓦上炒，各一两

二味，为细散。每服一钱，临卧无灰酒调下。差后更服一两，永不发。

瘰癧寒热

论曰：《甲乙经》论瘰癧寒热，皆鼠痿寒热之毒气留于脉而不去，上攻于项腋之间，风热毒气与血相搏，则荣卫不和，故瘰癧而发寒热也。

连翘丸方 治瘰癧寒热，结核在项腋之下，坚痛。

连翘 玄参 木香 升麻各一两半 大

黄蘗半两 大麻子别研，微炒 昆布各二两 枳壳麸炒，一两半

共八味，捣罗为末，炼蜜丸如梧桐子大。每服十五丸，食前米饮下，加至二十丸。

木香消毒汤方 治瘰癧连连大小，寒热烦闷。

木香 大黄生用，各半两 竹叶干者，一分 连翘一两 独活半两 梔子仁一分

共六味，每服三钱。水、酒、童子小便共一盞，同煎，温服。

瘰癧久不差

论曰：风热毒气蕴积腑脏，攻于筋膜，则结为瘰癧。其毒气所感深者，则冲发肌肉，令久不瘥。此疾尤忌忧思恚怒、气血劳伤、饮食寒冷。

漏芦汤方 治瘰癧久不差，将欲破者。

漏芦半两，洗焙 海藻半两 连翘一两 沉香半两 山梔子仁一分 玄参 丹砂各三分 上七味，筛。每服三钱，水煎，温服。

乌鸡丸方 治瘰癧久不差。

乌鸡卵一枚 锦贝子

二味，将锦贝子入在鸡卵内，用湿纸裹头七重，再用泥固济。火煨过后，入地坑内出火毒一宿，取出研细。入大黄末半两、麝香一钱，同研细，炼蜜丸如绿豆大。空心蜜水下五十丸，不过五服，效。

连翘汤方 治瘰癧不差，败肉生脓。

连翘 犀角各一两 玄参 木通 黄芪 漏芦 杏仁去皮尖双仁，炒黄，各一两半

共七味，捣筛。每服五钱，水煎食后温服。日三。

圣济总录纂要 卷二十

清 新安 程 林云来纂辑
鄞县 曹炳章赤电校点

痈 疽 门

痈 疽 统 论

论曰：周官疡医与疾医分职而异治，凡有疡者受其药焉。盖非专门之学，不足以深究博识故也。人之气血与天地同流，经经常数与昼夜同度。一或壅而不通，沮而不利，则血老不作汗，肉陈不脱垢，蒸气不达，痈疽内热，甚于焚溺，治之不可缓。是以喜怒忧乐之不时，饮食居处之不节，芳草药石之发动，内使阴阳不平而蕴结，外致荣卫凝涩而腐化，轻者起于六腑，浮达而为痈，外溃肤肉。经所谓荣卫稽留于经脉之中，血涩不行，卫气壅遏不通，热甚则肉腐为脓。然不陷肌肤，骨髓不为焦枯，五脏不为伤损，其皮薄以泽是也。重者发于五脏，蕴结而为疽，内消骨髓。经所谓热毒炽盛，下陷肌肤，骨髓焦枯，五脏涸竭。当其病下，良肉无余，其皮夭以坚上，如牛领之皮是也。夫疮肿之患，莫大于痈疽，明乎二者则凡肿毒丹疹可以类推矣。故证有浅深，治有轻重。若疮发之初，汤液疏其内，针石疏其外，内外之治不同也。五脏内虚则平补，内实则快利，补泻之法不同也。疮发于虚处则难痊，发于实处则易愈，则其生有虚实之辨。富贵体逸，危殆者多；贫贱形苦，困笃者少，则其形有苦乐之辨。浅疮若在厚处，攻之易平；深疮欲在薄处，达之易及，则肌肉皮肤有厚薄之辨。脉见洪、滑、粗、散，其病难治；脉见微、涩、迟、缓，其

病易治，则脉之与病有应否之辨。凡痈之类，其气浮达，宜灸焫而不宜针烙。凡疽之类，其气深沉，宜针烙而不宜针焫。此灸焫、针烙之异也。淋射焫贴以清肿毒，膏润温养以生肌肉，此先后终始之序也。昔人论痈疽病者，惑于人神所在。不可妄行针，针刺见血。不知神之与形固为休戚，体既不平，神焉能定？《内经》痈疽不得顷时回，恐内烂筋骨，第通脏腑，岂有人神之忌耶？

痈疽所生忌穴

背面九处不可患疮：第一，入发际为玉枕，亦为舌本。第二，项颈节。第三，为崇骨。第四，大椎为五脏。第五，脊骨两边肺俞穴。第六，夹脊骨两连脾俞穴及肝俞穴。第七，脊骨两边肾俞二穴。第八，后心鸠尾穴。第九，鸠尾骨穴。

正面五处不可患疮：第一，喉骨为重雁。第二，当胸前为神舍。第三，为心鸠尾。第四，当乳穴。第五，脐下二寸为肠屈之间。

侧面三处不可患疮：耳下近耳后，牙车尖夹陷中为喉脉一穴。当膊下，下穴为肩骨。承山上三寸一穴为膈肠。

辨痈疽证候美恶法

大痈疽外发，其理易明，至于内痈、内疽，隐而不见，目既不接，治之至难。然五脏六腑有便募，虽结困于中而自形于外，外察其部，内审其源，定药按方，若拔芒刺然。则痈疽之发，有五善、七恶之证，不可不察也。烦躁时嗽，腹痛渴甚，或泻利无度，或小便如淋，一恶也。脓血大泄，肿焮尤盛，脓色败臭，痛不可近，二恶也。喘粗短气，恍

惚嗜唾，三恶也。目视不正，黑睛紧小，白睛青赤，瞳子上视者，四恶也。肩项不便，四肢沉重，五恶也。不能下食，服药而呕，食不知味，六恶也。声嘶色脱，唇鼻青赤，面目、四肢浮肿，七恶也。动息自宁，食饮知味，一善也。便利调匀，二善也。脓溃肿消，色鲜不臭，三善也。神彩精明，语声清亮，四善也。体气和平，五善也。

痈疽、发背，治有专门。寒热、虚实、善恶、浅深、阴阳、脏腑，不深谙者，恐多错误。东垣曰：少有差谬，变症甚于伤寒。未可按方疗治，故一方不录。其余一切痈疔、疮毒，则精选不遗也。

附 骨 痈

论曰：凡身体盛热不可当风冷之气，入于肌肉，则热搏伏不得出，故附著于骨，而成痈也。其状无头但肿而阔，皮肤薄泽者，以毒气伏留于内故也。法宜外散其寒，内达蕴结之热。

治附骨痈方

新鼠皮一张

一味，看疮大小裁贴，日二次。若出脓已溃者，用猪脊脂贴，吮脓出尽，即差。

治附骨痈方

蓖麻子去壳，不拘多少

一味，研令细，取涂痈上。日三两度，即差。

治附骨痈方

生地黄取汁一盞

一味，用银石器中煎如膏，候冷，涂敷肿上。日三五度，即差。

乳 痈

论曰：足阳明之脉自缺盆下于乳。又冲脉者，起于气冲，并足阳明之经夹脐上行，至胸中而散。盖妇人以冲、任为本，若失于将理，冲任不和。阳明经热，或为风邪所客，则气壅不散，结聚乳间，或硬、或肿、疼痛有

核，皮肤愀肿，寒热往来，谓之乳痈。然风多则肿硬色白，热多则肿嫩色赤。若不即治，血不流通，气为留滞，与乳内津液相搏，腐化为脓。然此疾产后多有者，以冲任之经脉上为乳汁、下为月水。新产之人，乳脉正行，若不自乳儿，乳汁蓄结，血气蕴积，即为乳痈。又有因乳子汗出露风，邪气外客，入于乳内，气留不行，传而为热，则乳脉壅滞，气不疏通，蓄结成脓，疼痛不可忍，世谓吹乳。速宜下其乳汁，导其壅塞，散其风热，则病可愈。

黄芩饮方 治乳痈初觉赤肿，有异于常。

黄芩 甘草炙令黄 桑上寄生炙 麦门冬 赤芍药 防风 黄芪炒，各一两 木通一两半

上八味，捣筛。每服三钱，入枣三枚同煎，再入乳糖一分更煎，令消，温服。日三，早晨、日午、夜卧各一服。

鲛鲤甲散方 治乳痛疼痛结硬，不可忍。

鲛鲤甲烧灰，一两 栝蒌一枚，烧灰

二味研和为散。每服二钱，空心用葱调酒下。

牡蛎散方 治乳痈初发，肿痛结硬，欲成脓。令一服，差。

牡蛎取脑头厚处，生用

一味细研为散。每服三钱，研淀花冷酒调下。如痈成溃者，以药末敷之，仍更服药，一日三服。

桦皮散方 治乳肿初发，肿痛结硬，欲成脓。一服，差。

以北来真桦皮烧灰，酒服方寸匕。就病乳处卧，及觉已差。

甘草饮方 治乳肿痛，虑作痈毒。

甘草半炙令赤黄，半生用 栝蒌一枚，去皮取瓤

二味，先以酒二盞煎甘草，至一盞，入栝蒌瓤同绞，和匀，滤去滓。温，顿服。未差，更作服之。

丹参膏方 治乳痈疼痛。

丹参 白芷 芍药炒，各二两

三味以苦酒浸，经一宿，又取猪脂半斤微火上同煎之，令白芷黄，其膏成，去滓。以膏涂痈肿处，差。

乳香涂方 治乳痈。

乳香一两，为末 丹砂半两，研末 葱白三两，切

三味，先研葱，令细，入二物末，再研，令匀。涂敷乳上，干即易之。

治乳痈结硬疼痛方

泥和芥菜半斤

一味锉碎，以水四升煮取二升，倾于瓷瓶内，熏乳肿处。日三五度即差。

治乳痈结硬疼痛方

和泥葱半斤

一味细锉，以水四升煮十数沸，二瓷瓶子内盛，薰乳肿处，冷即再暖，以差为度。

连翘汤方 治吹乳、乳痈。

连翘 瞿麦穗各一两 升麻 生干地黄 芍药各三分 甘草炙，一分 射干半两 玄参三分

上八味，细锉，如麻豆大。每五钱，水煎温服，食后。

肠 痈

论曰：肠痈为病，其身甲错，皮肤急，按之濡如肿状，腹无积聚，身无热，或恶寒自汗。其脉迟紧者，脓未成，可下之，当有血；脉洪数者，脓已成，不可下也。

牡丹皮汤 治肠痈。

牡丹皮一两 芍药 生干地黄 丹参各二两 桔梗炒 麦门冬去心 薏仁各一两半 赤茯苓 甘草炙 败酱各一两

上十味捣筛，为粗末。每服用药五钱，入生姜五片同煎，空心，日晚温服。

附子汤方 治肠痈。

附子去皮脐 败酱各三分 薏苡仁一两半

上三味，咬咀如麻豆大。每服三钱，水煎，空心，日晚温服。下脓血即瘥。

大黄牡丹汤方 治肠痈。

大黄炒 牡丹皮各二两 桃仁汤浸去皮尖双仁，半两 芒硝研 冬瓜仁三合

上五味，捣筛粗末。每服用五钱，白水煎，空心温服，以利下脓血为度。

薏苡仁汤方 治肠痈。

薏苡仁一两 牡丹皮 桃仁汤浸去皮尖双仁，各一两 瓜子仁半两

上四味，捣筛。每服五钱，水煎，空心，日晚温服。

胃 脘 痈

论曰：《内经》谓人病胃脘痈者，当候胃脉。其脉沉细者，气逆；气逆者，人迎甚盛，其盛则热。人迎者，胃脉也；逆而盛则聚于胃口而不行，故胃脘为痈也。夫阴阳升降，则荣卫流通；气逆而膈，则留结为痈。胃脘痈者，由寒气隔阳，热聚胃口；寒热不调，故血肉腐坏；以气逆于胃，故胃脉沉细；以阳气不得下通，故人迎甚盛，令人寒热如疟，身皮甲错，或咳，或呕，或吐脓血。观伏梁之病，亦有夹胃脘内痈者，以其裹大脓血居肠胃之外故也。

射干汤方 治荣卫不流，热聚胃口，血肉腐坏，胃脘成痈。

射干去毛 梔子仁 赤茯苓 升麻各一两 赤芍药 白术各一两半

上六味，咬咀，如麻豆大。每五钱，水煎，入生地黄汁一合，再煎三沸，温服。不拘时候，日二服。

麦门冬汤方 治热气留聚胃脘内，结成痈。

麦门冬 犀角 萎蕤 莽苈 赤芍药 石膏各一两半 甘草炙 紫雪各一两

上八味，捣筛，每服五钱。水煎入竹沥一合，再煎二三沸，温服。

芍药汤方 治胃脘蓄热，结聚成痈。

赤芍药 犀角 木通 石膏 升麻各二两 甘草生 朴硝 玄参 麦门冬各一两，去心

上九味捣筛。每服五钱，水煎温服，不

计时候。

附骨疽

论曰：附骨疽者，由风入骨解，与热相搏，复冷湿所折，风热伏结不得发散，蕴积成毒，故附骨而为疽。喜发于大节解间，按之应骨，皮肉微急，隐在肌而不外见是也。治之宜急，稍缓则脓不得溃，而肢体变青黯者，不可治也。

漏芦汤方 治附骨疽。

漏芦去芦头 升麻 连翘 麻黄去根节，各一两 防己三分 大黄炒，两半 木香 白敛 沉香各三分

上九味，捣筛。每服五钱，入竹叶七片同煎，更入芒硝一钱，搅匀，空心温服。取利三、两行为度，未利再服。

败酱汤方 治附骨疽。

败酱二两 大黄炒，一两 桃仁二两

三味捣筛，每服五钱。先取皂荚刺一两锉碎，以水二盏煎至一盞半，漉出，下药及朴硝一钱同煎，空心温服。

内消小豆散方 治附骨疽。

赤小豆一合 糯米炒黑，五合

二味，为散。水调如糊，涂摊故帛上，贴。于即易之。

疮 肿 门

诸 疮

论曰：诸疮皆缘风湿热毒之气，种类甚多，载之方书备矣。然有俗名疮，本论未见，采录考之，皆不离于邪气逆肉理，害肌肤者。今随症以治法附之，虽田野下俚取而用之，判然可晓，不必泥于诵袭也。

露蜂房散 治头面上无名疮，黄水不止。

露蜂房 蛇蛻

各烧灰，等分，入膩粉少许，拌匀，麻油和敷。

黄香饼 治卷毛疮在头上，初生如葡萄，痛不止。

川郁金五钱 川柏一两 乳香炙，一分 共末，桃花水和作饼，贴之。

龙骨散 治发际疮，初生如粟米大，或痒，或痛。

白龙骨 胡粉 乌贼鱼骨去甲，五钱 铅丹炒紫，五钱

共研，用盐汤洗过，贴之。日二三次。

海带散 治缘唇上疮。

海带

焙干，为末，临卧贴上。二三宿即差。

白龙散 治眼睛漏疮，目人眦出脓汁，有孔子。

龙脑 马牙硝五钱 绿豆粉一钱

研极细，用灯心蘸药点之，日四五。

井中苔散 治彻耳疮。

井中苔 土马驹等分

焙于共末，麻油和敷患上，日二。

马齿苋涂治唇紧面肿

马齿苋

去根，洗净，捣取汁，涂之。冬月用末，水和涂，日二。

麝香散 治鼻疳疮侵蚀鼻柱。

麝香研 草乌烧灰，三钱

共研匀，干掺，日二三。

百合散 治颐颌疮，一名独骨疮。

百合 川柏 白芨一两 蓖麻子五十粒

共研，用朴硝水和作饼，贴疮上。日三五次。

红粉散 治粉铃疮，绕颈项赤烂，多汁。

密陀僧煨 白龙骨煨，五钱 胡粉二钱 铅丹炒紫，一钱

共研，油和涂，日三。

芙蓉敷 治腮肿痛，或破，或疮。

芙蓉叶

取生者烂捣如泥，敷之，帛系，一日换。

败蹄散 治天柱疮生脊大椎上，如钱大，赤色，出黄汁不止。

驴蹄刀割二十片，烧炒 胡粉熬，一分 麝香少许

共研，未破用米醋面糊和成膏，涂上。已破，干掺。日二。

诸恶疮

论曰：《内经》云诸疮疡皆属心，诸湿肿皆属脾。盖心主血，脾主肉也。由体虚受风湿，邪毒与气血相搏，故发疮也。甚者焮肿满痛，溃而多汁，或形体为之壮热。稍缓不治，则毒气内攻，难以疗也。

麝香散 治一切恶疮，久不差。

麝香当门子，二枚 丁香 木香 紫檀香一分 乳香 没药炙，五钱

共末，用鸡子清和匀，入壳内，饭上蒸熟，晒干，研，分六服，茶饮下，日二。

膩粉乳香散 治一切恶疮，久不差者。

膩粉二钱 乳香一钱 葱白一根，煨熟共捣烂，摊帛上，贴之。三日一易，差。

二黄散 治一切不测恶疮，年深不愈。

大黄 川连 山梔 白芨 青黛 连翘五钱

共末，水和涂。

白香散 治一节恶疮，久不差。

枫香脂 膩粉 防风 一分

共研末，用甘草水洗过，敷止，痛立止。

蛇床子散 治一切恶疮，久不差。

蛇床子 膩粉 硫黄 一分

共末，用麻油和敷，日二。

反花疮

论曰：疮生恶肉，久则反出疮外，故名曰反花疮。其初如饭粟，破之血出，余毒尚炽，恶肉随生，根深而脓溃，皆风热毒气所作。

甘草涂 治反花疮。

甘草半生半炒 白枯矾 人中白煨 密陀僧煨，五钱

共研，为细末，用童便慢熬成膏。煎葱

椒水洗过，敷上。日三五次，差。

胭脂涂 同上。

胭脂一两 胡粉两半

共研匀，以盐汤洗过，干涂。日三次，瘥。

藜芦敷 同上。

藜芦研为细末 雄猪脂一两

化猪脂，入末，和成膏。涂患上，日三五次。

柳槐煎 同上。

柳枝叶 槐枝叶

细锉。各二升，用水五升煎，减半，去滓，煎如稠汤。涂患上，日三五。

浸淫疮

论曰：心恶热。若风热蕴于心经，则神志躁郁，气血鼓作，发于肌肤，而为浸淫疮。其状初生甚微痒痛，汁出渐以周体，若水之浸渍淫佚不止，故名曰浸淫。其疮自内而出，流散四肢者轻，以毒气外出故也。从四肢反入于内则重，以毒气内入故也。

升麻汤 治心有风热，淫疮遍体。

升麻 大黄 片芩 白芍 枳实一两 甘草 川归五钱

水煎五钱，入灯心一把，空心温服，日二。

鲫鱼涂 治疮癣浸淫。

生鲫鱼二四寸长者一尾 香豉一合

捣极烂，涂疮上，日二易。

雄鸡冠血涂 忽得浸淫疮，不早治，绕身周匝，则能杀入。

雄鸡冠血性烈雄大者

用针活取血，涂数疮。日三五次，即瘥。

燕窠敷 治浸淫疮，久不差。

胡燕窠

取向东方者为细末，用葱椒水洗过，敷疮上，日二三，效。

苦楝根敷 同上。

苦楝根及皮

烧灰研细，用猪脂和敷疮上，日二三。

下注疮

论曰：足三阴之脉，脾、肾、肝之经也，并起于足大、小指之内，循足跗内踝前上膝胫中。若风湿毒气乘之，则荣卫枯涩，稽留不行，气脉下注于脚、膝、胫间，故令皮肤肿软，结核成疮，脓水不绝，绵历年岁，愈而复发。以毒气自上而下，如水之注，故名曰下注疮。

枳壳丸 治毒气下注脚膝，膝、胫皆疮。

枳壳去白，炒，二两 怀生地 五加皮 防风二两 羌活一两 黄芪二两

共末，入蜜杵丸，如梧桐子大。空心酒下二三十丸，日二。

蚯蚓泥散 治下注疮，久不瘥。

蚯蚓泥韭菜地上烧赤，研，一两 膩粉一分 麝香五分

共末，用葱汤洗过，干敷。

白黄散 同上。

白枯矾一分 川连五钱 膩粉一钱

共研匀，以鸡子白和涂患上，日二。

鲫鱼散 同上。

鲫鱼去鳞肠一尾，三四寸大 川连五钱 铅丹 胡粉 密佗僧煨赤，研，一钱

共末，入鱼肚内，缠扎，用泥固济，烧赤，出火毒，研末，入猪胆汁和敷，日二。此方亦治恶毒疮。

蒜灰散 治一切恶毒风湿疮下注，血气冷，新肉不生者。

蒜大者，百头

去衣、根、苗，切片暴干，入小铁锅内，净盆盖之，用盐泥封固，不令透气，以火炼成灰，出火毒，研细，干敷疮上，日二。此治冷恶疮最妙，若热毒恶疮不可敷，敷之肉反烂开故也。

冷疮

论曰：形不足者，温之以气，气能养形故也。周官疡医掌肿疡、溃疡、金疡、折疡，

有五气养之法。盖以气不足则血不行，血不行则经久不差，所谓冷疮是也。盖诸疮既溃，风冷之气客于荣卫，伤于肌肉，故令疮冷而不痛痒，俗谓之冷痿。治宜温肌养心，濡痹除脓则愈。

二黄散 治冷疮不愈。

雄黄 雌黄 定粉 膩粉 蜜佗僧一两 乳香炙，一两

共研末，入生蜜和敷，日二。

葱白汤蒸法 治一切疮，风冷肿痛，皆因疮肿坐于水中，及内所致。若肿胀入腹，则能杀人。

葱白 薤白半斤 川椒 香豉二合 川芎一两 防风二两

共粗捣，用长瓷瓶纳药，入水三升，以故帛纸数层封口，紧缚，重汤煎熟。取孔通气，以疮当气口上，射之，令疮出黄水，尽即止，日二次。

月蚀疮

论曰：月蚀疮，小儿多有之。盖由嗜肥甘，荣卫不清，风湿毒热之气蕴积脏腑。其疮多生于两耳及鼻面间，并下部诸孔窍侧，侵蚀之甚则溃烂，黄赤汁流达于筋骨。月初则疮盛，月晦则疮衰，以其随月盈虚故名月蚀疮。或谓小儿以手指月而生未必尽然。

小细膏 治月蚀疮多在耳上及窍傍，随月盈虚者。

水银一分 胡粉与水银研，不见星 松脂 川连末五钱 猪脂四两

熬脂化香，去滓，再熬，入银粉搅匀，以盐汤洗过，敷疮上，日二三。

酥粉涂 治月蚀疮。

蟾酥五钱 胡粉一两

共研，涂疮上，日二三次。

又方 治卒得月蚀疮。

地龙屎 猪脂

和涂患上，日三次，差。

冻烂肿疮

论曰：经络气血得热则淖泽，得寒则凝涩。冬月严寒，气血凝聚不流，则皮肉不温，痂音竹冻焮赤痛肿而成疮。轻则溃烂，重则损坏关节也。

白敛散 治大人、小儿冻手，皴裂成疮。

白敛末三分 白芨末五钱 油麻二合，生捣菜菔子二合

同烂研，酒和涂，日二。

猪悬蹄膏 治手足冻疮，血出痛苦者。

猪后悬蹄

夜半时，烧灰存性，研末，以猪脂和膏成，敷上，日二。

雄脑膏 治冻面、耳，并手、足冻疮，年年发者。先痒后痛，肿破黄水，乃血出不止。

雄脑雄者一枚，捣 黄蜡同上 麻油减半

慢火熬，去滓收成膏，涂敷，日二三。

羊肉汤洗 治冻疮肿痒。

羊肉 葱白半斤

用水煮取汁，洗，日二三，差。

川椒汤 治寒冻面、目、手、足，肉裂。

川椒炒 白芷 防风 食盐一分 川芎三分

水煎，频洗，汤冷暖之。

尸脚方 治人足在冬月常裂，名曰尸脚。

鸡屎炒，一升

用水三升，煮五沸，去滓渍，洗足裂处，冷即易之，以差为度。

牛胶散 治寒冻足跟破裂，出血疼痛。

牛皮胶

烧灰，研末，津唾和涂。

病 疮 今之疥案疮

论曰：病疮者，疥疮之类，由风热温毒客搏于皮肤之间，变化生虫。其状生于皮肉之处，手足尤甚，赤根白头相对并生，状如小豆，或若茱萸子，浸淫痒痛，抓之汁出，折裂成疮。此盖脾肺壅滞，风湿乘之，与热相

搏，结聚而成。治宜疏涤于内，敷药于外，并淋洗之类，次第以治。

藜芦膏 治病疮经久，虫出。

藜芦 杜矾 松脂 雄黄二两 苦参两半 猪脂半斤

共研末，用脂熬末，搅匀，涂疮上，日二。

胡粉膏 治病疮经久不差。

胡粉三两 水银二两 皂荚十挺，水浸揉，取汁一斤

慢火熬汁五合，入银粉搅匀，涂疮上，日二。

雄黄膏 同上。

明雄黄 川连一两 片芩 明松脂二两 乱发灰一分 雄猪脂六两

用脂熬令发尽，去渣，入末，搅匀，涂患上。

虾蟆灰涂 治湿病疮。

干虾蟆一只，烧灰研 发灰各等分

猪脂和涂，日二。

漆 疮

论曰：漆虽有毒，性有所畏，毒即中之，亦有气适然相近者。凡中毒轻，痒始于面，而胸臂臄臄应之，头面肿起，赤延于目，搔之随手生痞瘤，已而细疮如粟。重则遍身作疮，小如麻豆大，若桃李红赤肿焮，异常痛楚，旋痒旋发，如火炳之状是也

铁浆饮 治漆疮。

铁浆

用密绢滤过，随量饮之，即差。

又方 同上。

柳叶生者，三斤

用水一斗煮汁，频洗，差。

芒硝汤淋洗 同上。

芒硝五两，研

用滚汤入硝，浸洗，日三次，差。

又方 同上。

猪脂

熬化，频涂疮上。

蟹黄涂 治漆疮，焮肿痛楚。

生蟹黄

用之频涂疮上，干即易之。

鸡子黄涂 同上。

鸡子

取黄频涂，干易，差。

四和膏 治漆疮，遍身焮赤肿痛。

麻油 松脂二两 桂心末 黄蜡一两

用油化脂蜡，入桂末，和涂。

川椒汤 治漆疮。

川椒

水煎汤频洗之，瘥。

汤 火 疮

论曰：水火之气，当因其势而利导之。夫汤火所伤，毒热方炽，通导而泄其气可也。苟救目前痛楚，遽以冷物淋搨，则热毒寒气内搏，致有烂骨伤筋之患，非热气本然也。汤火之伤本非气血所生病，故治不及于汤液，特在乎涂敷膏汁，专治其外而已。

清凉膏 治汤火伤。

生山药

洗净去皮，烂研如膏。敷疮上，痛立刻即止，且无瘢痕。

鸡黄涂 同上。

鸡子黄

将鸡子煮熟，用黄慢炒，取油，入膩粉搅匀。敷上，无瘢痕。

戊己散 治汤火疮，大热肿痛。

干牛粪

烧灰存性，为末。用生麻油和涂，日二次，差。

又方 同上。

好米醋

用醋倾净土上，取醋泥敷之，日二次，立刻止痛，无瘢痕。

又方 同上。

侧柏叶

将叶烧灰存性，罗过。用生蜜和涂，日二三，差。

圣济总录纂要 卷二十一

清 新安 程 林云来纂辑
鄞县 曹炳章赤电校点

疮 肿 门

疔 肿

论曰：疔肿者，由风邪毒气入于肌肉所生也。凡有十种：一者，疮头乌而强凹。二者，疮头白而肿实。三者，疮如罅蛭色。四者，疮似葩红色。五色，疮头内有黑。六者，疮头赤红而浮虚。七者，疮头葩而黄。八者，疮头如金箔色。九者，疮头如茱萸。十者，疮头如石榴子。亦有初如风疹，搔破，青黄汁赤，里有赤黑脉而小肿。亦有全不令人知，忽衣触手摸着则痛，若故取便不知处。亦有肉突起如鱼眼之状，赤黑，殄痛彻骨，久结皆变至烂疮，疮下深孔如火针穿之状。初作时突起如疔盖，故名疔疮。令人恶寒，四肢强痛，三日疮变焦黑，肿大光起，根硬不可近，犯之则痛彻骨。其发于手、足、头、面、骨节间，为气血所会，尤宜速治，不然毒气入腹，烦闷，恍惚如醉人，治无所施矣。

疔肿方

河东柳宗元偶病疔疮，凡四十日，他药治之莫效。长乐贾宣伯教用蜣螂心贴之，一夕而穴，百苦皆已。次年春，因食鹅、羊肉，疔又大作，再用之，亦如神效。按蜣螂心在腹下，度取之，其肉稍白者是也。以此贴疮半日许，可穴，再易之，血尽根出而愈矣。

巴豆涂 治疔疮，乃日本国传来者。

巴豆十粒 半夏一枚 附子半枚 蜣螂一枚

各为末，以人粪相和。看大小疮作纸圈子，围疮口，以药敷上，用绢贴之，一日三易。

地骨皮散 同上。

地骨皮五钱 小麦 大麻子各十粒，烧灰 绯帛五寸，烧灰 乱发卵大，烧灰 半夏七枚，炒黄 曲头棘刺二十枚，烧灰，即棘针倒下多年者

用骨皮、半夏为末，与各灰同研匀，酒下二钱，日二。

干姜胡椒傅 治一切疔肿恶毒。

干姜 胡椒炒 龙骨 皂荚去皮、子，炙 斑猫去翅、足，一两

共末，用酒和如膏，贴上，日二。

诸 疥

论曰：字书以疥有介守之义，言虽微小，介然守形体而难治。是以疥有五名，皆因风热邪气客于皮肤之间，久则化为虫，时作痛痒，故作为疮。肿焮赤痛痒者，谓之大疥；皮内引起结根，搔之不痛，谓之马疥；瘙痒皮起，谓之干疥。三者为重，以风湿热气深在肌肉故也。若水疮，瘡瘡如瘰浆；温疥，疮小而汁出，特风热淫干皮肤之间，故浅而轻。俱风热之客，故皆有虫，或谓晓虫内出，理或然也。治宜疏风涤热，当以熏浴、傅涂、汤液并施则善。

苦参散 治遍身疮疥，风毒瘙痒。

苦参 白花蛇酒浸，去皮骨，炙 川连 川归三两 人参 玄参 丹参 白芍 防风五钱 白蒺藜炒去刺，一两
共末，酒下二钱。

快肌丸 治遍身疮疥痒痒。

威灵仙三两，为末 雄猪胆三枚

用胆汁和末，丸梧子大，荆芥汤下二十丸。

防风丸 治一切风疥疮癣，皮肤痒痒，瘾疹。

防风 蝉蜕 猪牙皂炙去皮，二两 天麻三两

共末，用精羊肉煮极烂，以酒熬成膏，丸梧子大。用荆芥酒下三十九，日二。

苦参丸 治一切疥疮。

苦参 玄参 山梔 独活二两 甘菊
防风 大黄炒香熟 片苓 枳壳一两 川连两半

共末，蜜丸梧子大。酒下二十丸，日二。

五参散 治诸疥，风虚恶疮。

人参 玄参 丹参 沙参 苦参 秦艽
白蒺藜炒 山药 子芩 防风 麻黄去根节 独活 茯神 细辛五钱 山梔 枳壳三分 乌蛇肉酒炙，一两

共末，水下三钱，日二。

鸡子油涂 治一切恶疥疮。

鸡子七枚，煮熟，用黄油炒，取油 膩粉 发灰
杜矾一分 石硫黄五钱

共研，入油和匀，涂上，日三五次，瘥。

诸 癣

论曰：癣之字从鲜，言始发于微鲜，纵而弗治，则浸淫滋蔓。其病得之风湿客于腠理，搏于肌肉，痞涩，久则因风湿而变化生虫。故风多于湿则为干癣，但有周廓皮枯痒痒，搔之皮起白屑者是也。湿多于风则为湿癣，周廓中如虫行浸淫，赤湿搔痒，汁出是也。风搏于气血则为风癣，顽痹不痛痒是也。如钱形则为圆癣，如雀目则为雀目癣，亦皆赤痛而痒痒。又或牛、犬所饮之水，刀刃磨淬之浆，取以盥濯，毒气传人亦能生癣。故得于牛毒者，状似牛皮，于诸癣中最为痛厚，乃邪毒之甚者，俗呼为牛皮癣。狗癣白点而连缀，刀癣纵斜无定

形。凡此八者，皆风湿毒气搏于肌中，故痛痒不已，久而不差，又谓之大癣。

苦参丸 治一切风癣，皮肤痒痒。

苦参 乌蛇肉炙，四两 石菖蒲二两
共末，入蜜，丸梧子大，酒下二三十丸。

丁香散敷

丁香 虾蟆灰一两 麝香一分 枯矾
五倍子 膩粉研，五钱

各末，研匀，敷上。

一抹散 治干癣。

天南星 草乌头各一枚，生，为末
用羊蹄根捣取自然汁，调涂，三日差。

狼牙丹砂膏 治一切干、湿诸癣。

狼牙 丹砂 枯矾 雷丸 雄黄 藜芦
硫黄一两

共末，入猪脂和成膏，日涂三五次。

代 指

即天蛇头

论曰：疮发指端，爪甲脱落，名曰代指。盖爪者筋之余。筋骨热盛，注于指端，故其指先肿，赤热焮痛，结聚成脓。甚则爪甲脱落，世俗谓之遭指，又名沦指，又名代甲。其实此病类于指疽，然无蕴毒，故色不黯黑，即病虽久，亦不杀人也。

漏芦汤 治代指，筋骨脏腑中热，焮赤肿痛。

漏芦 升麻 子芩 大黄炒，一两 玄参
三分

水煎五钱，入淡竹叶二七片煎，减半，去滓，入芒硝一钱，再二三沸，温服，日二。已利，去芒硝。

地龙散 治代指。

地龙

去泥，瓦上炙为末，用猪脂和，涂患上，日二。

升麻汤浸 治代指，虽内无蕴毒，然筋骨中热气壅盛。

升麻 生甘草一两

用水煎，去滓，入芒硝末一两，搅匀，浸

指数十次。

蛇头疔疮痛不可忍，臭不可闻

蜈蚣一条，焙干为末，猪胆汁调

又用黑豆生研末，入茧内，笼之。

酱蜜涂 治代指不结靥。

酱汁 白蜜

二味和煎令沸，稍热，涂上，日三五次。

热汤蘸 治代指，为五脏气流注十二经，毒热冲于手指。

热汤

急蘸五七次、冷水浸之，又复如此三度，便涂羊胆汁，差。未成脓者用此方甚效，或以猪胆盛代指，用线扎之，亦妙。

诸 丹 毒

论曰：热毒之气暴发于皮肤间，不得外泄，则蓄热为丹毒。以其色如涂丹之赤，又复阳气伏于皮肤中，故谓之丹。因热气慄悍，其发无常处，大则如掌，甚则周流四肢，若不急治，或坏烂出脓血。若发于骨节之间，则以药断截毒气，入腹则能杀人。治法用镰割，明不可缓故也。

漏芦汤 治丹毒游走。

漏芦 升麻 白芍 于芩 白敛 白薇
麻黄去根节 甘草 大黄一两

水煎五钱，温服，日二。

赤小豆涂 治丹毒如掌大，身赤肿痛痒。

赤小豆

为细末，以鸡子白和如膏，涂丹上，日二。

吴蓝汤搗 治丹毒。

吴蓝 升麻 石膏 片芩 白敛 犀角
一两 生地三分 山梔 大黄五钱

水煎一两，入竹沥，浸搗。

羚羊角涂 治赤黑丹毒。

羚羊角烧灰

研细，以鸡子白和如膏，涂患上，日二次，差。

鹿角散涂 治赤黑丹。

鹿角

烧灰存性，研末，入熟猪脂和涂，日二。

疖 疮

论曰：《内经》谓汗出见湿，乃生痃痒。盖热盛汗出，阳气发泄而腠理疏，反以寒水洗浴，则热气内郁于皮肤之间，轻则为疖，重则为痃也，世俗通谓之疖子。其状皮肉如毫针所刺，遍体细疮如麸片，愈而复发是也。

葛粉敷 治疖子。

葛粉三两 生甘草一两 风化石灰微炒，五钱

共研，扑之。

滑石豆粉敷 治疖子。

滑石飞过 绿豆粉 枣木叶

共研末敷之，日三。

干壁土敷 治暑月肌肤疮烂，或因搔成疮者。

陈干壁土取向东方者

研细，敷之，日三四次，随手即愈。

肉 刺

论曰：肉刺者，生于足指间，形如硬胝，与肉相附，隐痛成刺，由靴履急穿相摩而成，名为肉刺，俗呼为鸡眼睛是也。

胶脂膏贴 治肉刺。

柏木上白胶 明松脂一两 黄蜡五钱
将胶脂熬化，入蜡成膏，贴之。

酥粉傅 治肉刺。

蟾酥自取者 膩粉一钱

将酥浸湿，入粉研匀。用针拨破，涂上，蜜裹，日二。

硃砂傅 同上。

硃砂

醋化熬成霜，以少许和柏胶，敷之，其根即出。

金 疮 门

金疮血不止

论曰：血行脉中，周行灌溉而无穷已。金刃所伤，深则其流湍激，若海泄河驶，御之至难，要在杜其冲溢之势，外观其形，内订其脉之何如。若血出不断，其脉大而止者，为难治。若血出不止，前赤后黑，或黄，或白，肌肉腐臭，寒冷踈急者，为难治，不可不察也。

麻黄散 治金疮，止血闷疼痛。

麻黄两半 白芷 附子 白芍 川归
续断 干姜 炙甘草 子芩 川芎 桂心五钱

共末，酒下二钱，日二。

天南星散 治刀刃所伤，血出不止。

天南星三枚 铅丹炒紫，一钱

共末，研匀，干贴患上，日二。

刀箭方 治血出不止。

石灰远年者，一两 铅丹炒，三分 龙骨 狗脑骨烧，五钱

共末，敷上，日二。

风化散 治金疮，止血定痛。

风化石灰一升 干姜三分 生栗子 白药五两

午日共末，以备急用。

石榴花散 同上。

石榴花干者，五钱 石灰炒，升半

共末，用少许敷上，少刻断血止痛。

蒲黄散 治金疮血出，腹胀欲死。

蒲黄 生地黄两半 川芎 白芷 川归
黄芪 续断一两 甘草三分

共末，空心酒下三钱。令腹中死血化为水，日三。若口噤，用物干开，灌之，加大黄两半。

金刃伤中筋骨

论曰：金丸所中，至于筋骨，其所伤深

矣。然接骨绝筋亦可接续，要在乘血气未寒，急施治法。若不乘热，则风冷易入，疮纵暂愈，后必不仁，亦致痛烦而终身不完。至于小碎之骨，即当出之，不尔则脓血不绝，肌肉亦不能收敛矣。

骨碎补丸 治一切金刃伤中筋骨，风冷所入，疼痛。

骨碎补三两 山药 附子 虎骨炙 桂心 白槟榔 自然铜醋淬七次 熟地 败龟板醋炙 白薇 山萸肉 泽兰叶一两 五味子 川归 干姜五钱 肉苁蓉二枚 肉苁蓉三分
共末，入蜜，杵丸如梧子大。酒下二三十丸，日二。

金疮中风水及痉

论曰：金疮中风水者，以封固不密所致也。夫中风之候，其仓卒无汁；中水之候，则出青黄汁，而又疼痛发热，内肿硬，时为痉状，可急治之。凡痉状，口急背直，摇头马鸣，腰为反折，须臾十发，气息如绝，汗出如雨，治不可缓，缓则不能救疗。

熟地丸 治远年伤折，忽因风气于归处，痛不可忍。

怀熟地四两 杏仁去皮尖，炒 牛膝两半 黄芪 苦参 兔丝子酒煮 肉苁蓉 草薢炒，一两 升麻 桂心三分 青木香一分 诃勒皮五钱

共末，入蜜，丸梧子大。酒下二三十丸，日二。

鸡屎白豆酒 治金疮中风反张者。

鸡屎白一合 大豆二合

先以豆炒焦黑，入屎白同炒熟，又以瓶贮酒三升，乘热，豆倾酒中，盖。良久去滓，服五合，少顷又服，取汁出，饮酒后以姜粥助之。

羌活饮 治金疮并伤折骨，诸疮肿，慎不可当风、卧湿地取凉。若风湿所伤，则发瘰，口噤，杀人。若觉颈项强，身拘急，便服。

羌活一两 竹沥二盅

用水煎羌活，减半，去滓，入沥再沸，分三服。

川椒罨 治金疮中风。

川椒生用，二两

看疮大小，用面做馄饨，灰火中炮熟，乘热开一孔，当疮上罨之，劫引风出。多做，候换，数次差。

川芎汤 治金疮中风，痛不可忍。

川芎 防风 羌活 川归一两 炙甘草三分

水煎六钱，热服取汗。如汗不出，加麻黄一两、桂心三分，汤成入竹沥，沸服，日二。

盐韭敷 治金疮中风，水肿。

韭白 食盐等分

共捣烂，放疮上，以火炙药上，热彻，愈。

又方

鹿角

烧灰存性，研末，用猪脂和涂，日二，差。

金疮肠出

论曰：金刃所伤，有肠出者，有肠出已断者，视其轻重以决死生。肠有一头见者，不可续也。若腹痛不可忍，短气不能食，近则一日，远则一日，治无及矣。肠有两头见者，速以桑白皮掇作线，或以麻缕续之，仍用鸡白涂隙，勿令气泄，推纳之，密缝疮口，用雄鸡血涂之。肠有出而不断者，以大麦汁洗而纳之，亦如前法。须研米粥饮二十余日，强糜百日，方可食饭。又不可令饱，恐其肠断，仍常以汤、散助之。

磁石散 治金疮肠出，宜入之。

磁石醋淬七次 滑石飞过，等分

同研，酒下一钱，日三。及以针砂涂肠上，其肠自收入而无害。

小麦饮喷汤方 治金疮肠出不能入。

小麦三升

用水九升煮汁五升，以绵滤过，候冷含

喷疮上，渐入。以冷水喷其背，不令病人知，亦不可便旁人语，卒然急喷，其肠自入。不可食饱，勿使病人惊恐，恐惊则杀人，难治。

毒箭所伤

论曰：箭疮毒药入皮肤肌肉间，令人短气闷绝，口噤唇干，血虽止而腹满不能言，其人如醉者，为难治。若瘀血应时出，其疮温而热，开口能言，则可治。巢氏论毒箭有三种，曰：岭南夷俚人用焦铜作箭镞，其岭北诸处以蛇毒、螫物汁著管中渍箭镞，及有以苗药为之者。三种伤人皆不易治，唯急饮粪汁可以御其毒，少缓则毒气深入，不可救也。慎之，慎之！

半夏饮 治毒箭所伤，箭镞毒药在内不出。

半夏三两，用生姜二斤取汁浸三日 白敛三两
同炒为末，酒下一钱，日三。疮浅十日出，疮深二十日方出。

雄黄涂 治毒箭所伤。

明雄黄

研极细，傅疮上，日四五，汁出愈。此方治毒蛇、蜈蚣咬亦妙。

生姜饮 治中毒箭。

生姜

取自然汁，饮五分，未退再饮。一方用甘草煎汁，频饮。

旋复根散 治中毒箭。

复根散

为末，酒下二钱，日三。仍敷疮上。无根用花。

箭镞金刃入肉

论曰：凡箭镞金刃入肉，治宜速出。内有碎骨亦须去尽，然后傅药，不然其疮必不合，纵然少愈，亦常作疼痛。若神惊、血乱、气夺，则死无救。

丹皮散 治金疮箭头在骨，多年不出。

丹皮 白敛一两 丁香 麝香 藿香

桑白皮一分

共末，温酒下二钱。浅者十日，深者二十日，箭头自出。

又方 同上。

磁石生研极细 明雄黄二分

同研匀，用绿豆煮汁下二钱。十日后轻拔便出，手足上用此末点之，亦自出。

红散子 治中箭头用之，摩疮口上。

蔓佗罗子 草乌 茄子花 蓖麻子 麒麟竭

五钱

共末，以好酒和调，涂摩疮上，箭头自出。

解骨丸 治箭镞不出，能令自出

明雄黄 象牙末 蛭螂一两

共末，入蜜，杵丸黍米大。用一丸纳疮中，以细腻羊肾脂点之，箭头自出。

鼠肝敷 治箭头不出。

鼠肝五枚

研如泥，傅之。兼以鼠脑髓涂之，良。亦治针折肉中，涂之自出。

象屑涂 治箭头不出。

象牙屑

研末，用蜜和涂疮上。并折针、竹木刺皆出。

狐 尿 刺

论曰：狐尿刺者，乃狐狸尿草棘上，人有误犯，则发肿痛焮热，多在于手、足指节。然亦有端居不出而被此毒者，盖毒气有相类之症，亦不因狐狸尿乃尔也。

白敛膏 治犯狐尿，久不差。

白敛 羊屎 栝蒌根五钱

共捣，如膏，裹疮上。一伏时，其刺自出。

大豉傅 治狐尿刺在手足指节间，肿痛。

大豉一两

细嚼，熟傅之，少顷取下，看豉中有毛，效。如不见毛，又嚼，傅之，以毛出为度。

桂心黄蜡丸 治一切恶刺入肉者。

桂心

研末，用黄蜡化丸。看疮口大小，置丸疮内，以湿纸三五重搭盖，以火烘，候丸化入肉，其刺自出。如无刺，其伤处亦平也。

独栗涂 治恶刺不出

独颗栗

去衣，嚼如泥，涂疮上，帛裹半日，有刺自出。

恶 刺

论曰：恶刺初得以蛇虺毒气，经由草木水泽间，有入染著，忽似刺扎，俄致肿痛，其肉溃烂，若手、足上著注，即指节坠落。土人谙历既多。初觉中刺时，以艾灸数十壮，十愈八九；灸弗愈者，速以下药涂傅。

葱白蒲公英膏 治中一切恶刺。

葱白一把 蒲公英五两 大豉一分

共捣烂，涂疮上，外用醋面纸封，自出。

木虫涂 治恶刺。

木中虫五枚

用米醋和研如泥，封之，差。

黑豆汁渍 同上。

黑豆一升

用水煮取浓汁，频频渍之，差。

竹木刺伤肌肉不出

论曰：竹木刺所伤，为患甚浅。然入人肌肉久不得出，则损动荣卫而作疮，或中风水则肿痛。若成脓，淹留岁月，未易治也。但刺伤之初，宜速治之，加以涂敷，无致风水之患。

羊屎敷 治竹木刺。

羊屎

炙干为末，用猪脂和敷，日三五上，经宿自出。

象牙散敷 治竹木刺，并针折不出。

象牙屑

为末，以雄鼠脑髓和，傅上，立出。

糯米膏 治金疮、水毒、痈疽、热毒、竹

木等刺。

糯米三升

于端午日前四十九日，以冷水浸之，日二换水，经淘，至午日午时曝干，挂风处。凡遇患，用少许炒焦为末，水和成膏，涂疮口，帛缚，候疮愈解去。若金疮误犯生水，作脓肿甚者，急用此膏涂之，良久其肿处即消。若痈疽、毒疮初发，才觉焮肿痛并痒腮等症，用此末贴项下及肿处。若竹木签刺入肉者，临卧时贴之，明日揭看，其刺自出在药内。若贴肿毒，药干即换之，须常令湿为妙。惟金疮及水毒切不可换，恐伤动疮口

痔 瘻 門

諸 痔

论曰：痔有五名，一曰牡痔，二曰牝痔，三曰脉痔，四曰肠痔，五曰血痔。症虽小异，大率皆饮食饱甚，情欲过度之所致也。夫饮食饱则肠胃伤，情欲过则气血耗，毒气乘虚流入下部，所以癖积而为痔也。

如神丸 治肠风五痔。

乌蛇肉酒炙 防风 大黄煨，二两 枳壳炒 黄芪 刺猥皮炙黑 陈皮 白蒺藜炒，去刺 秦艽半两

共末，入蜜杵丸如梧子大。空心酒下三十丸，临卧再服。当日血止定痛。

神妙汤 熏洗五痔。

草薢 甘草 五倍子 括萎根 大豉 葱白等分

每日用一二两煎水熏洗，日二。

神白散 治痔疮下部发肿如梅李大，痛硬不能行者，即时取效。

半夏齐州者

每用一枚，研极细，入冰片一小皂子大，同研匀，用津唾和，摊软纸上，贴之。即冷如冰，良久清水，水渐消。未痊愈，再贴，去根尤妙。

牡 痔

论曰：《内经》谓饮食自倍，肠胃乃伤。因而饱食，筋脉横解，故癖而为痔。其状肛边生鼠乳，或痒，或痛，脓血时下，谓之牡痔。

猥皮丸 治牡痔，肛边生鼠乳，疼痛，寒热。

猥皮炙 附子 槐木耳 枯白矾 川归 桑白皮 赤芍一两 楮根白皮炙

共末，入蜜，杵丸梧子大，饮下三十丸。

荆芥槐花散 治鼠乳牡痔，便血，痛不可忍。

荆芥穗 槐花炒 枳壳炒 黄芪蜜炙，二两

共末，空心饮下二钱。

牝 痔

论曰：牝痔者由邪热壅在肺经，传注大肠。又大肠久虚，风热留滞，故令肛边生疮而出血也，名曰牝痔。此皆酒食房劳过度，令毒气攻注所为，故又谓之酒痔。

地榆汤 治牝痔，肛门生疮，下血不止。

地榆 子芩 枳壳 槟榔 川归 黄芪炙，一两

水煎四钱，空心温服，日二。

淋洗白矾汤 治牝痔。

枯白矾

研末，每用五七分入沸汤内，和匀，浸洗，日二，差。

脉 痔

论曰：脉痔者，脏腑蕴积，风热不得宣通也。风热之气乘虚流入下部，故肛边生疮，痒痛血出也。盖实为痛，虚为痒。今实热乘虚下攻肛肠，故痒且痛。又脉者，血之腑，得热则妄行，故血乃出也。

槐荚煎丸 治脉痔生疮，下血，痒痛。

槐荚一斤，洗，入水半斤，研取汁 白蜜二两，与

莢汁同煎成膏 防风 黄芪炙，五钱 杏仁去皮尖，炒 皂莢子炒，三分 枳壳炒，一两

共末，与杏末拌匀，入膏，杵丸梧子大，饮下二三十丸，日二。

阿胶汤 治脉痔有虫，时作痒痛，血出不止。

阿胶炒 艾叶 川归 青箱子 一两

水煎五钱，温服，日二。

薰洗槐白皮汤 治脉痔有虫，或下脓血。

槐白皮二斤

用水一斗五升煎一头，倾盆中，坐熏。汤冷再暖，虫当随便利自出。仍用槐白皮为末，绵包钱许，纳下部中，日二，差。

出虫方 治脉痔，下部如虫咬。

桃叶十斤

捣研，蒸熟，乘热入小口器中，坐熏，其虫自出。

涂痔散 同上。

白矾研，一两

取小便三升，温热，入矾末五钱，乘热洗之，差。

血 痔

论曰：血痔者，乃肺热流毒也。肺与大肠为表里，今肺脏蕴热，毒气流渗入于大肠，血性行热则流散，故因便而肛肠重痛，清血随出，各曰血痔。

猬皮散 治血痔。

猬皮烧灰存性 白芷 黄芪 怀熟地 侧柏叶 川续断 地榆 川连一两

共末，空心饮下二钱，日二。

地榆汤 治血痔。

地榆 熟艾 防风 枳壳炒 龙骨 黄芪 桑木耳一两

水煎五钱，入生地一分，温服，日二。

蒲黄汤 治诸痔下血。

蒲黄 川芎 生地 白芷 川连 川归 白石脂 甘草一两

水煎五钱，空心温服，日二。

黄芪散 治血痔，下血不止。

黄芪蜜炙 枳壳炒，三两 防风两半

共末，空心饮下三钱，日二。

枳实槐角子散 治血痔下血，久不瘥。

枳实麸炒 槐角子 木贼五钱

共末，用皂莢汤下二钱，日二。

肠 痔

论曰：肠痔者，以肠胃有风挟热，二者乘虚入于肠间，冲发下部，故令肛边生核，肿痛不消，病始作令人寒热，时有血出也。

枳壳汤 治肠痔肿痛生核，或发寒热。

枳壳炒 子芩 白芍 黄芪一两 川芎 川归 槟榔煨 丹参两半

水煎五钱，空心温服，日二。

栝蒌散 治肠痔下血。

栝蒌大者，一枚 乌梅肉十枚

将蒌切盖去空，以梅肉实其中，仍盖封，用黄泥包裹，晒干，火煨存性，研末，温酒下二钱，日二。

地榆散 治肠痔下部生核肿痛，时发寒热，出血。

地榆 槐花半生半炒 甘草一两

共末，用枳壳、桑白皮汤下二钱，日二。

又方 治一切痔，淋洗。

荆芥穗 生甘草二两

同末水煎一两，淋洗，日二。

白术紫朴丸 治久积虚冷，肠风痔瘕，面色萎黄，虚劣。

白术 紫朴三两 人参 甘草 川归一两 黄芪 黑干姜 陈皮两半

共末，入蜜，杵丸梧子大。饮下二三十丸。

二根散 治肠痔有血。

枸杞根白皮 白蔷薇根白皮二两

共末，水下二钱，日二。

气 痔

论曰：气痔者，因便下血，或肛头肿凸，

良久乃收是也。此由毒氣蘊積腸間，乃患怒不節，酒食過傷，令下部氣滯壅結而成。

烏蛇黃芪丸 治氣痔，大便下血，脫肛，腫痛。

烏蛇肉五兩 人參 獨活 枳殼 地骨皮一兩 郁李仁去皮炒 羚羊角二兩 黃芪 檳榔兩半 大黃炒 大麻仁炒，二兩 訶勒皮一分

共末，入蜜，杵丸梧子大。酒下二十丸，以利為度。未利，加丸數。

必效丸 治氣痔脫肛不收，或生鼠乳，時出膿血，久不差。

枳殼麸炒 黃芪蜜炙

共末，陳米糊丸梧子大。空心飲下三十丸，日二。

痔 瘻

論曰：五痔之疾，或生鼠乳，或發寒熱，或生瘡痒痛，或下膿血，其症不一。治之不早，反勞傷過度，則毒氣浸漬，肌肉穿穴，瘡口不合，時有膿血，故成痔瘻。經曰痔久不瘥，變為痔瘻是也。又或蔓穿數處，或形似螺蛳，膿血與肌肉綿綿而下，故謂之痔瘻。昔人謂蛻虫居腸間，多生瘻痔。方中用熏法及化虫之藥，不可不察。

乳香丸 治一切痔瘻、反花瘡。

乳香五錢 麝香 冰片 丹砂 沒藥二錢 雄黃 黃蜡 生地一兩

共末，研勻，化蜡丸梧子大。用麥冬湯下十丸，少留末，塗瘡上。

獐皮丸 治五痔多年不瘥，漸成痔瘻。

獐皮炙焦 龍骨煨，二兩 附子 川歸 枳殼炒， 黑干姜兩半 黃芪蜜炙 艾葉三分

共末，入蜜，杵丸梧子大，用黃芪湯下三十丸。

腸風下血

詳結陰下血

論曰：腸風下血者，由腸胃有風，氣虛挾熱，血得熱即妄行，因而滲入腸間，故令

下血，故以為名。昔人謂先血後便為近血，先便後血為遠血，遠近之別，不可不察。

玉壺丸 治腸風下血。

皂莢針青嫩者半斤，用水五升浸七日，砂鍋煮取汁一升，又熬減半，入蜜一兩，熬成膏 胡桃仁十枚 枳殼火燒酒淬，一兩 乳香 沒藥炙，二錢 椿根白皮陰地者，炙，一兩

共末，入膏，杵丸梧子大。每服二十丸。腸風下血，煎木賊湯下；五痔疾，荊芥湯下；時常瀉血，米飲，日下二。

玉屑丸 治腸風下血，及痔瘻、脏毒久不差。

槐根白皮 椿根白皮 苦楝根白皮三兩，三味采時，春宜早，夏宜遲 天南星生 生半夏五錢 威靈仙一兩 寒食面二兩

共末，拌勻，滴水丸，梧子大。每服三十丸。先用水二盞煎滾，入丸，令浮再服，日二。

琥珀散 治腸風及一切血痢，脾脏下血不止。

琥珀屑研 赤小豆 白芷 枳殼 槐花 鹿角霜一兩

上五味，同炒焦黑為末，入珀末拌勻。空心米飲下二錢，日二。

槐角子散 治腸風。

槐角子炒， 防风 枳殼炒，五錢 黃芪炙，一兩

共末，空心茶下一二錢。

防风散 治腸風下血。

防风微炒 黃芪炙，二兩 炙甘草 人參五錢

為末，空心飲下二錢。

白朮丸 治腸風痔瘻，脫肛下血，面色痿黃，久不差。

白朮一斤，用糯米三升同浸三日，曬干，細切，溫炒香，為末 怀生地半斤，酒浸，甑上蒸熟爛，搗如泥 二味，和勻，用大力者搗二三千錘，如硬，入好酒、蜜少許，丸梧子大，陰干。空心米飲下二三十丸，日二。

牡蛎散 治肠风下血不止及脱肛。

牡蛎人者醋淬七次

细研如面，空心饮下二三钱，日二。

伤折门

伤折统论

论曰：诸脉从肉，诸筋从骨。骨三百六十有五，联续缠固，手所以能摄，足所以能步，凡厥运动罔不顺从。若乃仓卒之际，坠堕倒扑，伤折蹉跌，患生不测，诂可不图。疗治小则消肿而伸挛，大则续筋而接骨，各有方剂存焉，当按症旋治。

从高坠下伤损肿痛

论曰：凡坠堕伤损肿痛，轻者在外涂敷可已；重者在内当导瘀血，养肌肉，宜察浅深以治之。

阿胶汤 治坠堕伤折，手足痛。

阿胶 白芍两半 生地 川芎 川归
熟艾一两 黑干姜 甘草五钱

水煎三钱，温服，日二。

地黄糟裹方 治坠堕扑损，筋骨疼痛，瘀血凝滞，肿热不消。

怀生地捣 酒糟等分

看轻重下药，拌匀，蒸热，涂傅患上，用帛裹缚，日一易。

接骨膏 治一切打扑伤坠疼痛。

续断一两 白芷 附子 川归 独活
桂心 雄黑狗脊骨烧灰 白敛 桑白皮五钱
黄米炒，三合

共末，用酒半盅和药末三钱、白面二钱、生姜自然汁少许，慢熬成膏，摊贴，三日一换。冬月用杉木皮绵绳夹缚，夏月以柳枝子五条夹缚，虽紧不妨。

续骨丸

黄蜡炼过半斤 铅丹飞炒，过 自然铜醋淬七次
蜜佗僧煨，四两 白矾十二两 麒麟竭 丹

砂飞过 乳香炙，去油，勿焦 没药炙去油，一两
猪脂半两

先熬脂化蜡于冷处，入僧丹、铜末再熬，搅，滴水不散，又出鼎离火，下诸末，不住手搅，至凝丸弹子大，且用笋皮衬之，极冷收贮。凡伤折，用一丸入少油化涂伤痛处，以油纸帛护之。甚者以灯心裹木夹之。又以一丸分作小丸，热酒下，痛即止。如药力尽，痛未除，再一服，骨上便安。

玄胡索汤 治伤折疼痛，筋骨未合，肌肉未生。

玄胡索 川归 白敛 怀熟地 鹿角胶
绵黄芪 桑寄生 桂心一两

水煎五钱，空心温服，日二，盖暖。

伤折恶血不散

论曰：脉者，血之府。血行脉中，贯于肉理，环周一身，因其肌体外固，经脉内通，乃能流注，不失其常。若因伤折，内动经络，血行之道不得宣通，瘀积不散，则为肿、为痛。治宜除恶瘀，使气血流通，则可复完。

黄芪汤 治伤折，恶血凝滞，肿痛。

黄芪 白芍 附子 生地 桂心 川归
续断一两 大黄生 川椒 干姜二两

白水煎三钱，温服，日二。

糯米涂 治伤折赤肿，恶血不散，疼痛。

酒糟二斤 糯米半升

用酒煮米熟，入糟煮，稀稠得所，乘温热涂上，用帛封裹暖，一日一换，以差为度。

蒲黄散 治伤损，恶血不散，不欲闻人声，胸中气塞，便利出血。

蒲黄一合 生地二两 桂心 白芷 川归
续断一两 炙甘草五钱

共末，酒下一二钱，日二。

葱白涂 治一切坠落打扑，肿毒疼痛。

葱白三十根

用灰火煨透，乘热捣烂，涂患上，用棉纸包缚，令暖。

筋骨伤折疼痛

论曰：人之一身，血荣气卫，循环无穷。或筋肉骨节误致伤折，则血气瘀滞疼痛。仓卒之间，失于调理，所伤不得完，所折不得续，轻者肌肤肿痛，重者髀肉锉脱。治宜先整其骨，续其所折，后施贴煨封裹之剂。

麒麟竭散 治筋骨损伤疼痛。

麒麟竭 白芷 赤芍 没药炙去油 蒲黄 自然铜醋淬七次 生地黄 川归五钱 桂心 荷叶 骨碎补去毛，三分

共末，空心酒下二钱，日二。

川芎散 治伤折肿痛，血不散。

川芎 桂心 附子 川椒炒 甘草 兰叶一两 大黄醋炒 川归五钱

共末，酒下二钱，日二。

接骨桂芸膏 治扑打筋骨伤折，肿痛不可忍。

桂心 芸苔子 白芥子 败龟板 大黄 虎头骨酥炙 赤狗头骨烧灰存性 木鳖子一两

共末，研匀。用小黄米粥摊帛上，掺末一匙，裹损上，以竹片夹定，绳缚七日。

没药丸 治伤折筋骨疼痛。

没药炙，研 丹砂 牛膝一两

为末，研匀，用酒面糊丸梧子大，丹砂为衣。用木瓜汤下二十丸，日二。

八骨散 治筋伤骨损疼痛。

虎骨醋炙 龙骨煅，研 牛骨醋炙 鸡骨醋炙 狗骨 兔骨酥炙 羊骨醋炙 猪骨醋炙 枫香脂 自然铜醋淬七次

共末。每有伤折，以黄米粥热摊布上，掺末，贴患处，用布包裹，以绳缚之。

神授散 治伤折，内外痛不可忍。

川归 铅粉五钱 蓬砂二钱

共研匀，用苏木煎汤下二钱。仍用粟米粥摊布上，掺末贴肿处。如骨碎，用木、皮、竹、帛夹定，绳缚。

五骨散 治伤折筋骨，痛不止。

鯪鲤甲项骨 虎头项骨 猴孙项骨 黄犬项骨 野猎项骨 一两

上五骨细锉，以米醋、好酒各半斤，浸一宿，炙黄为末，入后药用。

天雄五钱，去皮脐，炮裂 肉苁蓉五钱，浸洗，炙

二味共末，与上末拌匀，每服，酒下二钱，日二。又用粟米为末，醋煮成糊，入末拌稠，摊涂帛上，贴痛处，用帛包棉裹暖，痛立止。

伤折风肿

论曰：肌肉伤折，皮肉破裂，久而未合，为外风所触，则令肌肉受寒，既不得收敛，又与气血相搏不得消散，故为风肿。风肿不散，即变脓血败坏之疾。

荆芥汤 治伤折风肿。

荆芥穗 川归 川芎 川续断一两 共末，酒下二钱，日二。

地黄川归散 治伤折为风冷所候，肌肉不合，肿痛。

怀熟地 川归 羌活 独活一两

共末，空心酒下二钱，日二。

没药散 治伤折风肿。

没药 川芎 附子 白芷 川椒 川归 槟榔 甘草 桂心五钱

共末，酒下二钱，日二。

川归汤 治伤折，皮肉破裂，风毒内攻，肿痛不消。

川归 大黄炒 白芷 防风 乌头一两 水煎五钱，温服，日二。

黄蜡膏 治伤折风肿痛。

黄蜡五两 桂心 吴茱萸一两 食盐烧，二钱

共用为末，以麻油化蜡，入末熬，搅匀成膏，摊，日一易。

圣济总录纂要 卷二十二

清·新安 程 林云夔纂辑

鄞县 曹炳章赤电校点

伤 折 门

打扑损伤

论曰：打损扑伤，或焮肿疼痛，或血出不止。外须以贴煨、涂傅；内须服去瘀血、养肌肉、和血气之剂；次则生肌敛口，敷之以俟平复，此治损伤之大法也。

骨碎补散 治打扑损伤筋骨皮肉，发热，疼痛。

骨碎补 白芷 乳香去油 生地 当归
一两 泽兰叶 川芎 桂心 桃仁五钱 甘草 附子一分

共为细末。温酒调下三钱，顷又服。

地黄汤 治坠堕伤折，手足痛。

生地 川归一两 阿胶 白芍两半 川芎 熟艾一两 骨碎补一两 桂心 甘草五钱
水煎五钱，温服，日二。

二奇汤 治打扑损伤。

威灵仙 骨碎补各五钱

作一服，酒煎，尽量饮，盖暖，出汗即愈。

回生散 治打扑损伤，疼痛。

大茴 官桂 乌药 紫荆皮 甘草各一钱

上为末。每服五分，好生酒送下，尽量饮，取汗，避风。瘦人三分。大便出血即愈。

被伤绝筋

论曰：被伤绝筋者，须观其轻重治之。接

续之法，要在气血未冷之际，外用续筋止痛药傅裹，内兼服药调治，庶几可救。缓则风冷入于里，则难治矣。

圣功散 治筋骨伤折，疼痛不止，接骨续筋。

朱砂 明雄 乳香 没药俱去油，各一钱
麝香一字 土鳖十枚，烧酒浸死，焙干

上为细末，瓷瓶封贮，勿令泄气。用时，强盛人服一字，瘦弱人服半字，烧酒调下，未愈再服。

没药散 治跌打损伤，骨折筋绝。

乳香去油 没药去油 琥珀二钱 土鳖三个，烧酒浸，焙 明矾一钱 硼砂一钱 麝香三分，
半两钱一个，醋淬七次 蟹爪肉熟，三钱 活牛角刮取，炒黄色，二钱

上为细末。每服五分，白酒送下。在下部，食前服；在上部，食后服。

诸骨蹉跌

论曰：诸骨蹉跌者，坠堕、倒扑，伤折致诸骨蹉跌。治之须扶骨对正，用止痛、生骨、接骨之剂封裹，内服药调治。倘骨碎者，便当出之，否则脓血不绝，肌肉亦不能收敛，则难愈也。

接骨紫金丹

乳香炙去油 紫荆皮 骨碎补 大黄 血竭 归尾 硼砂 土鳖烧酒浸死，瓦焙干 自然铜煅淬七次，各一两

上为细末。每服七分，半热酒调服，其骨自接。此方治打扑骨折，瘀血攻心，发热昏晕，其瘀血自下。吐血等症皆可服之。如

骨接而诸症未去者，去土鳖、自然铜，更服五分即愈。

伤损止痛生肌

论曰：伤折之候，皆因刑杖、跌扑损伤，或焮肿痛，或血出不止。大抵最忌服冷物，恐血凝入心之故，内服之剂要在温补、和血、止痛为主，至于敛口生肌之外用，岂可偏废哉？

虎骨散 治打扑损伤，疼痛不止，并治筋骨疼痛。血风走注疼痛皆治。

虎骨炙 自然铜醋淬七次 地龙水浸，晒干
牛膝 漏芦 延胡索 威灵仙 龟板炙
桂心 当归各一两

共为细末，每服一钱，暖酒调下。

生骨散 治打扑坠堕损伤，诸骨蹉跌，筋绝血出，疼痛不止，敷之即愈。并治一切痈疽肿毒，脓水将尽时用之，去腐生肌。金疮刀斧伤血出，疼痛不止者，傅之神妙。

白蜡 合欢皮 乳香去油 赤石脂煨
没药去油 血竭 海螵蛸去壳 雄黄 龙骨煨
儿茶 樟脑各二钱 土鳖焙干，三枚 蟹爪肉
熟 白芷 枯矾各一钱 朱砂一钱 麝香一字
金箔少许

上为细末，瓷罐收贮。每用少许傅伤处，立能止痛。止血合时，须五月五日或天医日合为妙。

伤折贴煨并膏药

论曰：伤折之症，轻则肌肤肿痛，重则肉脱血出。既整其骨，内服去瘀生肌之剂，外必以贴煨膏药并用可也。

接骨方 治打扑坠堕损伤，手足骨折。

用雄鸡一只，约一斤重者，生去毛，生去爪咀，开腹底，乘生气即捣烂，用五加皮研末，和入捣之，以匀为度，勿太烂，勿过干。用时先以五加皮煮无灰老酒，饮至极醉，将骨折处用手按平，将鸡药敷上，棉帛缚之。如今日此时缚，至明日此时解开，其骨即生满矣。如过一时，其骨即长一寸。如骨接后

而尚痛者，以黑豆炒焦色，用老酒沃之，捣烂傅上，半日一换。

糯米涂 治跌打损伤疼痛。

糯米一升 酒曲三丸

将糯米煮熟如饭，入酒曲和匀，乘热涂上，用帛封裹。三日一换，酒香即愈。

龟板膏 治打扑损伤疼痛。

败龟板一枚，烧灰 虎骨烧灰 白芥子 生大黄 川归五钱 滴乳香炙 没药炙，一分

上为末，研匀，用小黄米粥摊帛上，掺末一匙，裹损上，以竹片夹定，绳缚七日。

杂 疗 门

中 药 毒

论曰：炎帝尝百草而著《本经》，分上、中、下三品，圣功极矣。汉唐以来渐增致千百种之繁。盖无毒之中而有有毒者，后代庸民去圣已远，不审良恶，偶误饵之。经云有病病当，无病胃伤。不急救之，渐致危毙。古方用甘草、绿豆能解诸毒，亦用诸药而各相制伏者。

冬青汁饮 解砒霜毒。

先用白蜡为末，和新汲水服之，护其肠胃。仍以冬青叶捣汁灌之，以大便去毒为度。如冬月无叶，以根捣汁和水代之。

解中砒霜方

羊血 鸡血各一盅

和匀服之。

又方

稻秆

烧灰，新汲冷水淋汁滤清，冷服一碗，毒即下。

黄连汤 解中巴豆毒。

黄连 黄柏各五钱

水二升，煎一升，候极冷，服之。忌服热物，仍以冷水浸两手。

又方

寒水石

一味为末，煮汁饮之。

解乌头、附子、天雄毒

远志一两 防风五钱

水煎汁，饮之。

服诸石药中毒解方

白鸭屎汁

水和服之。

解中大戟毒方

石菖蒲

一味煎汁，服二升，差。或生捣汁更妙。

解芫花毒方

防风 甘草 防己等分

三味，水四升煎二升，服之。

解射罔毒方

蓝汁 大豆 绿豆二合 藕汁一盅

二豆煎汁，和匀服之。

解甘遂毒方

大豆五合

水三升煎升半，服之。

食 毒

论曰：饮食虽以养生，亦有时而伤生，何也？凡食物诸品，莫不有阴阳五行具焉。漫不察其寒、温、燥、湿之性，顺逆宜忌之因，人性南北异禀，食物南北异种，一或犯之，棘喉溃腹，可不慎欤！倘误中其毒，宜服药解之。

解一切饮食毒方

大豆五合 大粉草五两，微妙

二味捣细。用水四升煎二升，温服。须臾吐，或泻，毒即随去。虽甚渴，不可饮水。

又方 治误饮饌中毒者，未审中何毒，卒急无药可解。

莽苳 甘草一两

水二升煎一升，服之，人口便活。

食诸菜蕈菌中毒

论曰：诸菜虽地产阴物而能养生，然气

有寒湿，性有善恶，偶不审辨之，其不为祸也。几希如诸草菌夜有光者，煮不熟者，煮讫其汤照人无影及欲烂无虫者，皆不可食。倘误中其毒，以地浆诸药解之。

解食诸菜毒方 治食诸菜中毒，发狂、烦闷，吐下欲死。

葛根

生捣汁一升，服之，良。或无生者，即干捣葛末，水和服之。煮服之，亦可。

治食诸菜毒方

苦参二两 甘草一两

苦酒二升同煎数沸，去滓服，吐出即愈。

治诸菌毒方

地浆水

掘地作坎，以水沃其中，搅之令浊，俄顷取之，饮三四盅即解。又兼治枫树菌误食之，令人笑不止，饮之即解。

又方

橄榄七枚，去核

捣为泥，服之。

又方

防风二两 甘草一两

用水四升煎至二升，须冷饮，即解。

解食诸蕈毒方

木香 青皮

等分，为末，煎汤饮之。

饮酒中毒及大醉不解

论曰：本草谓酒通血脉，厚肠胃，御雾露瘴气，敌风雪寒威。惟糯米面曲为良。随处出者，名多不一。或用诸燥药为曲，皆大热有毒，惟绿豆能解之。若恣饮过多，助火乱性，腐肠损身，倘中其毒及大醉不解者，急宜服药解之。

黄连解毒汤 治纵饮热酒，中酒毒，烦乱，躁渴引饮，面赤眼红，小便涩少。

黄连 黄柏 黄芩 山梔仁等分

水煎五钱，温服。

解醒丸方

葛花 一两 桂花 菊花 五味子 乌梅
肉五钱

共末，蜜丸，弹子大。每用一二丸。予
先化下，能解酒毒。若已醉者服之，能解。

饮烧酒醉死急救方

先用冷豆腐厚敷胸膈以护其心，仍急用
清水煮滚，用锅数个取气汗水三盅，徐徐灌
下，即解。

治酒醉不醒方

甘草五钱 绿豆去壳，一合
水二升煎一升，温服。

又方

甘菊花

九月九日采取，阴干为末，清饮调下三
钱。

酒醉不醒方

葛根

生捣汁，饮一二升即瘥。

又方

菴莱子二合

细研，井华水一盅，调为二服。

食牛马猪犬鱼蟹中毒、解金银铜铁石毒

论曰：天产属阳，地产属阴。禽兽皆阴
阳生物，气味各有冷热之殊，性有好恶之异。
大抵诸肉补阳，能助起温中之火。《素问》云
膏粱之变，足生大疔。故诸肉如热血不断，落
水不沉，及病牛坏马，鱼目有睫，目能开合，
脑有连珠，虾煮不弯，蟹腹有毛，及诸肉形
色异常，皆有毒，不可食。孔子色恶不食，臭
恶不食者，此也。倘中其毒，宜服药解之。

解一切牛马肉毒方

大粉草

细切，微炒，捣细。量病人吃得多少酒，
取无灰酒一处研，去滓，温服。须臾大吐泻，
毒亦随去。虽十分渴，不可饮水，饮水难救。

解中鸡子毒方

醇醋

饮三、四口，即解。

治食狗肉不消，心下坚硬，或腹胀口干， 忽发热妄语方

韭根 杏仁一两 芦根三两

水四升煮取二升，饮之。

治食鱼肉毒方

苦参三两

以苦酒一升煎三五沸，去滓服，吐出即
愈。

解诸鱼毒方

陈橘皮二两

水三升煮取升半，去滓服，即愈。

又方

芦根三两

锉碎，水三升煮一升，饮之即解。

治河豚毒解方

扁豆五两

水四升煮汁二升，服之即解。

又方

橄榄十枚

水二升煎汁一升。服。

治解鳖毒方

黄芪 吴蓝等分

水煎一两，服之即解。

治蟹毒方

冬瓜

生取汁饮一二升，即解。

又方

紫苏一握

捣汁一升饮之，瘥。如无生者，干煮煎
汁饮之。

又方

干蒜七枚

煮汁饮之，即愈。

解金银铜铁石毒，治误食金银铜铁方

蚕豆炒

研为细末，砂糖调服，即从大便出。

解金毒方

斑鸠肉

治如食法，煮食之，解。或鹌鹑肉食之。

又方 治吞金欲死

鸭一只

杀，取血饮之，即解。

解金银铜铁毒

鸡屎

水淋取汁，服之。或鸭屎汁亦可。

解铁毒方

磁石

为末，水服三钱。

蛊 毒

论曰：蛊毒者，岭南人多作之。凡病人中蛊，其状令人心腹切痛，如有物咬，或吐下血。不即治之，蚀入五脏，尽即死。欲知是此，当令病人吐水，沉者是，浮者非。亦有以虫蛇合作蛊药，著饮食中，使人病瘕，此一种一年死。治之之法，当服药，使呼蛊姓名，即去。亦有服诸药而制伏者。

蛊毒方 治卒中蛊毒，下血如鹅肝，昼夜不绝，脏腑坏败，待死。

败鼓皮

烧灰，酒服三钱，须臾自当呼主姓名，即瘥。

试中蛊毒方

鸡子一枚

煮熟去壳，以小银簪一枝，插在蛋内，含口中一顿饭时，视簪、蛋俱黑，即是中蛊。倘若人与饮食，以犀角搅之有白沫泛起，即有毒也，用后方

石榴皮饮 治中蛊毒。

石榴根皮东引者

铨一两，煎浓汁饮之，即吐出活物。

又方 治中蛊毒，吐下血如烂肝。

苦瓠一枚

水二升煮取一升，服，立吐，即愈。又方煮苦瓠，令消，服，神验。

治蛊毒神验方

胡荽根

捣烂，绞汁半升，和酒服之，立下。

治蛊毒神验方

玳瑁

以水磨浓汁，饮服一盏，即解。

治中蛊毒或吐下血如烂肝方

蚯蚓十四枚

以苦酒二升渍之，蚓死，但服其汁。已死者，皆可活。

治虾蟆及蝌蚪蛊，得之心腹胀满，口干思水，不能食，闷乱大喘而气绝方

车辖脂半升

和温酒一升，渐渐服之，其蛊自出。

又方

刺猬皮

烧过为末，水服三钱，当吐出毒。

治蛊毒方

牡丹根

捣罗为末，每服一钱，日三，良。

治中蛊毒方

胡荽子五合

酒二升煮汁一升，服之。

狗咬

治狗咬方

甘草 杏仁一两 紫苏五钱

水四升煎，去滓，温服。更以三味末傅咬处。

又方

生铁

不拘多少，煮令有味，洗之。

又方

干姜

为末，纳疮中，立差。

狗咬、猯犬啮

论曰：猯犬啮者，犬发狂，疾跑躁啮，人若中之，令人疼痛不止，发狂如犬声。不急治之，亦能杀人。男子过三日不治，妇人过五日不治。

治猯犬啮方

地榆一两

水二升煮汁一升，饮之。兼为末，敷疮上。每服末三钱，白汤下，日三服，忌酒。若疮已差者，捣生韭汁饮三升。

又方 治猘犬啮疮。

矾石

为细末，掺纳疮中，裹之，立止痛，其疮即愈。

又方

生地黄

捣汁饮四五合，并涂疮口。

治猘犬啮方

小儿胎发炒 新香附 野菊花

研细末，酒调服，尽醉。

又方

鼠屎^{二升}

烧存性，为末，傅疮上。

蛇螫、诸虫啮

论曰：诸蛇螫人，如青竹、赤练、虺蛇、地鼯之类，皆有大毒。倘中人，不急治之则能杀人也。

雄黄散 治诸蛇毒螫人欲死，佩之兼辟蛇毒。

雄黄 干姜各等分

共为细末，傅螫处。如辟蛇毒，用小绢袋盛，系臂上，男左女右，蛇闻药气远避。

香白芷散 治诸蛇螫，辟蛇毒。

香白芷 雄黄 藜根各等分 麝香少许

共为末。醋调，敷螫处，立愈。欲辟蛇，焚之，即远遁去。

一方用菊花根汁调傅，尤妙。

治一切蛇螫方

金线重楼

水磨少许，敷螫处。又为细末，酒调饮之。

治毒蛇螫人方

地榆根

捣烂绞汁，饮之，兼渍之。

治蛇人口并人七孔中方

母猪尾尖割断，沥血，滴口中，即出。

治蛇螫方

凤仙花

捣烂傅之，即愈。

辟蛇方

若蛇到，烧羖羊角，令有烟出，蛇即去矣。

治蛇啮方

人粪

先以火酒洗过，次以粪傅啮处，差。

诸虫啮

治蝎螫人方

活蜘蛛一枚

烂研，取汁傅之，即差。

治九里蜂螫方

处士刘汤隐居王屋山，曾见一大蜂误落蛛网，为蜂所螫，坠地。俄顷蛛腹欲裂，徐徐行入草中，咬开芋梗，以伤就咬处磨之，良久腹渐消，轻走如故。自后被蜂螫者，将芋梗傅之即愈。

治蜂螫人方

羊酥

傅之即愈。

蜘蛛虫等咬伤方

锈铁

即铁上缩衣，取和独蒜磨傅咬处。

治蜈蚣咬伤方

取活蜘蛛一枚，放咬处，则能吸其毒。如蜘蛛死，痛未知，更著生者，以愈为度。

又方

蜗牛

掬取汁，滴入咬处。

又方

若参末 百齿霜，即头垢腻

二味，酒调敷之。

治蜈蚣咬方

桑白皮

生者取汁，和白盐敷之。

溺水死、自缢欲死

论曰：凡溺水死，心气尚温而脉未绝者，宜换去湿衣，以厚衣裹之，灌以热汤，可活。切忌火烘，恐寒热相搏之故，若或犯之，则不能救也。

治水溺死灸法

艾炷如黄豆，灸脐五七壮。如不应，移上一二分，再灸数壮，可活。

溺水死方

皂角

为末，绵裹纳谷道中，须臾出水，即活。

自缢欲死

治缢死灸法

凡自缢死，用面块塞粪门，勿急剪绳，用二人扶定，将绳解松，用艾火灸脐七壮。如不应，移上一二分，再灸。只在上下脐孔间不住灸，至数十壮犹有活者。不可因脐伤释

手，至嘱！至嘱！令数人搓手心、脚心热，更好。

五绝散 治自缢死并溺死。

半夏 一两

捣筛为末，丸如豆大，纳鼻中即愈。心温者，一日可治。

治自缢死方

梁上尘

如大豆，各纳一筒中，四人各一筒，同时极力吹两耳、鼻中，即活。

治自缢死，定安心神，徐缓解之，慎勿割绳断，抱定，心下犹温者

鸡冠血

刺取之，滴口中，即活。男雌女雄。

又方

鸡屎白

如枣大，酒半盏，和灌之及鼻中佳。

圣济总录纂要 卷二十三

清 新安 程 林云来纂辑
鄞县 曹炳章赤电校点

妇人门

气血统论

论曰：血为荣，气为卫，行阴行阳，昼夜共行五十度，周于身，内之五脏六腑，外之百骸九窍，莫不假此而致养。矧妇人所禀纯阴，以血为末，以气为用，在上为乳饮，在下为月事。养之得道，则荣卫流行而不乖；调之失宜，则气血愆期而不应，卫生之经，不可不察。

妇人月水不通

论曰：妇人月水不通者，所致不一。有气不化，血微不通。有先期太过，后期不通。有大病后，热燥不通。有凝寒结滞不通。有积聚气结不通。有心气抑滞不通。凡此所受不同，治之亦异。盖女人假血为本，以气为用，血气稽留则涩而不行，其为病或寒，或热，或脐腹坚痛，或肌肉消瘦。久而不治，则为劳瘵之症。

地黄煎丸 治月水不行，心忪悸，身体热，面颊红赤，食味不美，脐下刺痛，腰膝重。

生地汁 青蒿汁 生姜汁一盅，共熬膏
麒麟竭 没药去油 玄胡索 凌霄花 红蓝花五钱

共末，用膏丸弹于大，酒下一丸。

当归汤 治血涩不行，心忪肌热，腰重腹痛，不可忍。

川归 丹皮 川芎 白芍 牛膝 麦槩
玄胡索 桂心五钱 琥珀 没药炙去油，一分
水煎三钱，温服，日二。

妇人月水不断

论曰：女人以冲、任二经为经脉之海，手太阳小肠之经与手少阴心之经者，此二经相为表里，主下为月水。若劳伤经脉，则冲、任气虚；冲、任既虚，则不能制其气血，故令月事来而不断也。

白茯苓散 治女人血海不调，因虚冷成疾，致月水不绝，及赤白带下，面色萎黄。

白茯苓 木香 怀熟地 石菖蒲 秦艽
柏子仁 青皮 兔丝子 赤石脂 乌贼鱼骨 河勒皮 川归 五加皮 牛角腮烧灰
杜仲 艾叶烧存性，一两

共为末。不拘茶、饮、酒，任下二钱，日二。

川归丸 治月水不断，或多或少，四肢倦，身瘦瘁。

川归三两 地榆 人参 白术 白茯苓 鹿茸 白龙骨 阿胶 白芍 卷柏 石斛 蒲黄 紫朴一两 桂心 枳壳二两 怀熟地三两

共末，蜜丸梧子大。酒下三十丸，日二。

地黄汤 治冲、任气虚，经血虚损，月水不断，绵绵不止。

怀生地二两 子芩 川归 侧柏叶两半 熟艾五钱

水煎三钱，入蒲黄一钱，食前温服，日二。

一方加地榆、伏龙肝。

白芍药汤 治月水经久不断。

白芍药炒 侧柏叶炙，各二两

用水酒同煎三钱，温服。未差再服。

妇人月水来腹痛

论曰：月水乃经血之余，和调则所下应期，无过举不及之患。苦冲、任气虚，为风冷所乘，致气脉不顺，所下不调，或先或后，或多或少，风冷之气与月事相击，故因所下而腰背拘强，脐腹刺痛也。

川归饮 治月水不调，及欲来脐下痛，肌体热。

川归 白茯 人参 白芍 枳壳 紫朴
肉豆蔻 甘草五钱

水煎三钱，温服，日二。

丹皮汤 治月水来而不利，攻脐腹痛，不可忍。

丹皮 人参 川芎 子芩 甘草 干姜
吴茱萸 桂心两半 白芍 白茯 川归一
两 桃仁八十枚，炒

水煎三钱服。

白芍汤 治月水来腹疼，烦闷体热。

白芍药 紫朴 人参一两 甘草 川归
枳壳三两 肉豆蔻五钱

水煎三钱，温服，日二。

川芎丸 治月水来腰腹刺痛不可忍，或多或少，或来如清水豆汁，虚乏，黄瘦。

川芎 白芷 生地 桃仁去皮尖，炒，一两
黑干姜 蒲黄 甘草五钱 人参 白芍
丹皮 牛膝 桂心 川归三分

共末，入蜜，杵丸梧子大。酒下二三十丸，日二。

室女月水不通

论曰：女子二七而天癸至，任脉通，月事以时下。若禀受不足，或任脉为风寒所搏，致令风气凝结，不能应时而下。经久不治，则致癆疾。

人参汤 治室女思虑太过，心气不足，气结不得宣利，月水不依时，或久不，或血隔成癆，渐有寒热，肌肉不生，不思各味。凡此病症，不可复行破血急性之药，宜通心气，行荣卫、滑经络。

人参 白芍 麦冬 丹皮 槟榔 草薢
大腹皮 白术 川芎 生地 桔梗 防己
枳壳 丁香皮 甘草 茯神 川归一两
桂心 大黄 远志

生姜、大枣、水煎三钱，入酒少许，温服，日二。

赤芍药散 治室女月水不通。

赤芍 牛膝 人参 木香 甘草 丹皮
玄胡索 川芎五钱 桂心 川归三分 桃
仁去皮尖炒，一两

共末，酒下二钱。

沉香汤 治室女荣卫凝涩，月水不利，目昏闷，肢体拘急，五心虚烦，多困少力。

沉香 槟榔 甘草三两 人参 木香
桂心 川归 生地 白茯苓 陈皮 青皮
柴胡 鳖甲醋炙，两半

生姜、水煎三钱，温服，日二。

羚羊角汤 治室女元气不足，虚劳内燥，月水不利，四肢少力，颊赤口干，五心烦热。

羚羊角 防风 地骨皮 川芎 黄芪蜜
炙 赤茯苓 桂心 麦门冬 防风 炙甘草
一两 怀生地三两 羌活 酸枣仁炒 川归
红花子 白芍药两半

生姜三片、薄荷七片、水煎三钱，入酒少许，温服，日二。

二地散 治室女月水不通，脐腹下刺痛。

怀生地 怀熟地四两 桂心 川归二两
共末，酒下二钱，日二。

带下

论曰：带下有三十六种，名虽不同，其所致则一。盖妇人冲、任为经脉之海，上为乳汁，下为月事，血气和平则生育之道得矣。敬垂于保养，风寒乘虚袭于经络，冲、任不

能循流，血气蕴积，冷热相搏，故成带下。冷则色白，热则色赤，冷与热并则赤白杂下。间有五色者，各随五脏虚损而应焉。

川芎汤 治带下，漏血不止。

川芎 吴茱萸 白芍药 黄芪 炙甘草
黑干姜 川归一两 怀熟地二两
水煎三钱，温服，日二。

桑寄生汤 治三十六种带下。

桑寄生 熟艾 川芎 鹿角胶一两 川归二两

用酒、水合煎三钱，温服，日二。若口干渴者，加白茅根、怀生地、麦门冬一两

龙骨散 治三十六种带下不止。

白龙骨 黑干姜一两 黄牛角腮烧灰，三两
禹余粮醋淬七次 续断 阿胶炒 川归五钱
共末。酒下一二钱，日二，以差为度。

侧柏叶散 治带下腹痛。

侧柏叶炙，二两 白芍药 川芎 牡丹皮
白芷 黑干姜一两 川归五钱

共末。酒下二钱，日二。

禹余粮散 治带下五色，久不止。

禹余粮醋淬七次，研 鹿茸 赤石脂二两
乌贼鱼骨去甲烧灰，两半 阿胶炒 川归 白芍药
蒲黄一两 牡蛎童便淬，二两

共末。酒下二钱，日二。

川归散 治带下白黄不止，体瘦，绕脐腹痛。

川归 附子 白术 白龙骨 桂心 鹿角胶粉炒，一两

共末。酒下一二钱，日二。饮下亦可。

漏 下

论曰：漏下之病，经血淋漓不断是也。夫冲、任之脉所至有时，若非时而下，犹器之津泄，故名之漏下。盖由血虚气衰，不能约束，又有瘀血在内，因冷热不调，致使血败。其色或赤如豆汁，黄如烂瓜，黑如坏，青如蓝，白如脓，五色随五脏虚损而漏应焉。

沉香丹皮丸 治内挟瘀血，月水淋漓不

止，或多或少，四肢烦倦。

沉香 人参 丹皮 赤芍 川归 木香
巴戟天 川芎 山药 白茯苓 白芷 陈皮
黄芪 吴茱萸 桂心 枳壳 紫朴 肉蔻
牛膝 龙骨 黑干姜一两

共末，入蜜，杵丸梧子大。酒下二三十丸，日二。

白马蹄汤 治赤白带下，淋漓不止，色败如五色者。

白马蹄锉炒焦，二两 白龙骨 禹余粮两半
白僵蚕 赤石脂 附子 怀熟地 牡蛎醋淬 炙甘草
一两 川归 乌贼鱼骨烧灰，两半

水煎三钱，入酒少许，温服，日二。

鹿茸散 治漏下久不止。

鹿茸去毛，炙 阿胶粉炒 乌贼鱼骨去甲烧灰，两半 川归 蒲黄微炒，一两

共末。酒下二钱，日二。

龟甲散 治漏下赤白，经久不止。

龟甲醋炙 牡蛎童便淬，二两

共末。空心酒一二钱，日二，以差为度。

白术散 治赤白漏下不止。

白术十炒 川柏炙，两半 白薇炒，五钱

共末。温酒下二钱，日二。

大黄散 治漏下青色

大黄炒，三分 牡蛎童便淬 子芩 桂心一分 白薇五钱

共末。酒下二钱。

蒲黄散 治血漏不止，日久虚损。

蒲黄微炒，二两 鹿茸去毛，炙 川归酒炒，一

两

共末。酒下二钱，日二。

黄芪汤 治漏下赤白，淋漓不断。

黄芪炙，两半 陈胶粉炒，二两 炙甘草一分
大枣肉五十枚

水煎三钱服。

经血暴下 即血崩

论曰：女人经血谓之月事者，常以三旬而一见也。若血气和平，则所下应期。应冲

气虚则经血不能制约，故令暴下不止，乃至数升也。

生地散 治血伤暴下不止，腰脚疼重，倦怠无力，心烦渴燥，面目虚浮。

怀生地 黄牛角腮烧灰 酸石榴皮炙 人参 白芷 炙甘草 陈皮 地榆炙 川续断

共末。饮下二钱，日二。

刘寄奴汤 治血下不止，脐下虚痛。

刘寄奴 赤芍药二两 艾叶炒，四两 白茯苓一两 川芎 川归两半

水煎三钱，温服，日二。

如圣散 治经水暴下不止。

棕榈皮烧灰，一两 乌梅肉 黑干姜三味并烧存性，各一两

共末。用乌梅汤下一钱，日二。久患，不过三服。

续断丸 治经水漏下，日久不止，或五色相兼而下，面萎黄，肌体瘦，腰重无力。

续断 赤石脂 炙甘草 阿胶粉炒 川芎 丹参 地榆 车前子 侧柏叶 鹿茸 川归一两 龟甲醋炙 怀生地 黄牛角腮

共末，人蜜，杵丸梧子大。酒下三十九。

白芍药散 治经水不止，兼五色杂下不定，日夜不止。

白芍药 黄芪 白茯苓 白龙骨一两 乌贼鱼骨醋炙 桂心 附子 干姜 牡蛎醋淬，五钱 怀生地三分

共末。酒下二钱，日二。

地黄汤 治经血不止，颜色不定。

怀生地五两 子芩 熟艾叶 川归二两 侧柏叶 伏龙肝 蒲黄微炒 生姜三两 地榆四分，炙

水煎三钱，温服，日二。

二灰散 治经水暴下不止。

蚕丝烧灰 箬叶用茶萋内者烧灰，各一两 同研匀，酒下一二钱，日二。

禹余粮丸 治经血不止，气弱黄瘦。

禹余粮米醋淬七次 附子去皮脐，炮 川芎

川归三分 白芷 黄芪蜜炙 白龙骨 桂心 白石脂

共末，入蜜，杵丸梧子大，丹砂为衣。酒上二三十丸，日二。

经血暴下兼带下

论曰：女人脏腑久冷，素有赤白带下。复因冲、任气虚，不能制约经血，以致暴下，则二病兼作，故谓经血暴下兼带下也。

黄牛角腮丸 治经水暴下兼带下，经久不止，面黄困劣。

黄牛角腮烧灰 赤石脂两半 鹿茸去毛，炙 桑白皮，炒 阿胶粉炒，一两 艾叶炙，二分 白龙骨煨，三两 黑干姜一分

共末，人蜜，杵丸梧子大，酒下。

白芍药酒 治经血暴下兼带下，经久不差。

白芍药炒 怀生地 黄芪炙，三两 艾叶炙，一两

酒一斗，浸七日，服

牛角腮散 治伤血并带下。

黄牛角腮酒炙焦 侧柏叶炙 川续断炒 熟艾 伏龙肝 川归 赤石脂一两 地榆 共末。酒下二三钱，日二。

人参散 治血伤兼赤白带下，日久不止。

人参 五味子 艾叶烧灰 白茯苓 牡蛎醋淬 地榆 白龙骨 怀熟地 炙甘草 川芎 续断一两

共末。空心用酒下一二钱，日二。

白茯苓丸 治血伤兼带下，积久不止，渐成虚劳，面黄，腰脚沉重。

白茯苓 柏子仁 河勒皮 兔丝子 木香 杜仲炒 赤石脂 五加皮 怀熟地 秦艽 川归 石菖蒲 青皮 黄牛角腮切，烧灰 乌贼鱼骨去甲，烧灰 艾叶烧灰，一两

共末。酒下二钱，日二。醋糊丸亦可。

生地汤 治血伤带下。

怀生地炒 川归 阿胶 黄芪炙，一两 艾叶炒，三分

生姜、水煎三钱，温服，日二。

乌贼鱼骨丸 治血海虚败，赤白带久下不止，肢体虚热烦躁，头目旋运，口舌干涩。

乌贼鱼骨去甲烧灰 白芍药 川归 山萸肉 川芎 诃勒皮 酸枣仁 白茯苓 覆盆子 玄参 毕澄茄 怀熟地 地榆 黄芪 炙，一两

共末，蜜丸梧子大。酒下三十丸。

黄芩汤 治经水暴下，带兼赤白不止。

怀生地二两 子芩 蒲黄微炒 熟艾 侧柏叶 川归五钱

水煎三钱，温服，日二。

车前子汤 治经血暴下，兼赤白带下，经久不止。

车前子 子芩 怀生地 淡竹叶 阿胶 炒，一两

水煎三钱服。

白龙骨散 治经血暴下，兼赤白带下不止。

白龙骨 续断 鹿茸 赤石脂 肉苁蓉 白芍药 怀生地炒 乌贼鱼骨去甲烧灰，二两 共末。用米饮下二钱，日二。

妇人血分

论曰：血分者，经水通之际，因寒湿伤其冲、任，为之中止，气壅不行，播在皮肤，邪气相搏，经血分而为水，发为臃肿，故曰血分。《脉经》曰经水前断，后病水者，名为血分。久之不治，积水水肿，即难治也。

枳实散 治血分身体浮肿，心腹烦满，不能食。

枳实麸炒 牛膝 青皮去白炒 猪苓去黑皮 桑白皮 川归炒，一两 木香 牡丹皮 防己 大黄炒 槟榔煨 甘遂炒，五钱 人参 一两

共末。汤下二钱，日二。

槟榔汤 治血分上攻头面，身体浮肿，心烦热，满闷。

槟榔微炒 赤芍药 郁李仁 牵牛子炒

人参 牡丹皮 百合 木香五钱 赤茯苓 牛膝 枳壳炒，三分 知母盐酒炒，一分 水煎三钱，温服，日二。

妇人水分

论曰：水分者，以水气上溢于皮肤，分散于四肢，发为臃肿。盖肾者，胃之关，关门不利，故聚水而从其类也。此病与血分相似，而治疗有先后耳。

赤茯苓 治水气在皮肤，浮肿，经水不通。

赤茯苓 赤芍药 泽漆微炒 木通 防己一两 猪苓去黑皮 小海蛤 泽泻两半，炒 桂心 陈皮炒，三分

共末，入蜜，杵丸梧子大。桑白皮汤下三四十丸，日二。

防己饮 治水病浮肿，因经水断绝，名曰水分。

防己 泽漆 子芩 玄参 陈皮一两 赤茯苓 葶苈纸炒 杏仁 白术 猪苓 大豆 炒，两半 桑白皮炙，一两

水煎三钱服。

甘遂丸 治水分，四肢浮肿，经水断绝。

甘遂微煨，一两 天冬去心 川连两半 葶苈纸炒，二两 苦葫芦一枚，取瓢

共末，蜜杵丸小豆大。酒下十九至十五丸，水利止服。

木通散 治水分，先病水肿，日久不消，致经水断绝。

木通 赤茯苓 石苇去毛 桑白皮 防己 泽泻三分 大腹皮四枚

水煎五钱，温服，日二。如水通利，少服。

妇人无子

论曰：妇人所以无子者，由冲任不足，肾气虚寒故也。《内经》谓妇子二七而天癸至，任脉通，太冲脉盛，阴阳和，故能有子。若冲、任不足，肾气虚寒，不能系胞，故令无

子。亦有本于夫病妇疾者，当原其所因而调之。

白薇丸 治妇人久无子。

白薇 川归 人参 附子 川芎 藁本 禹余粮一两 石斛 熟地 柏子仁 紫参 姜黄 川椒 桑寄生 牛膝 五味子 桂心 吴茱萸 防风 甘草五钱

共末，入蜜，杵丸梧子大。酒下二三十丸，日二。

泽兰叶丸 治久无子。

泽兰叶 川归 白龙骨 陈皮去白炒 远志 庵蓂子 川芎 桃仁去皮尖炒 禹余粮醋淬七次，研 紫石英 藁本 蒲黄微炒 覆盆子 白芷 卷柏一两 人参 麦门冬 黑干姜 车前子 怀熟地 细辛 白茯苓 赤石脂 川椒炒 石膏 白薇 蛇床子五钱

共末，蜜丸梧子大，酒下。

妊娠门

妊娠恶阻

论曰：妇人所食谷味化为血气，下为月水。凡妊娠之初，月水乍取，一月为媾，二有为胚，三月为胎，胎成则男女分，方食子母而口如鸟。在媾胚之时，血气未用，五味不化，中气壅实，所以脾胃不思谷味，闻见于物即恶心有所阻也。其病心中愤闷，头重目眩，四肢怠惰，恶闻食气是矣。

茯苓汤 治妊娠恶阻呕逆，肢疼头痛，恶闻食气，心忪烦闷。多损坠，宜安胎，调血脉。

白茯苓 旋复 生地二两 人参 白芍 陈皮 桔梗炒 细辛 芎藭 甘草炙，两半 水煎三钱。

橘皮汤 治妊娠恶阻，呕吐，不下食。

陈皮 竹茹 人参 白术三钱 厚朴二

两

姜、水煎三钱。

柴胡饮 治恶阻，头疼，瘦弱，不思食，嗜卧。

柴胡 赤芍 人参 麦冬 黄芪 甘草炙，五钱 生地两半，取汁

水煎三钱，入地汁一分，日二。

人参饮 治恶阻烦闷，呕哕吐逆，恶闻食气，头眩，肢节疼，嗜卧，出汗，黄瘦。

人参 麦冬 白茯苓 生姜三分 陈皮 甘草炙，五钱 大枣五枚

共为二剂，每剂水五盅，煎二盅，分三分，顷再服。

茯苓饮 治恶阻烦闷，头眩，憎闻食气，闻便呕逆，四肢不能自持。

白茯苓 人参 白术 防风 枳壳炒 生姜五钱 甘草炙，一分

分为二剂，每用水四盅煎半分，二服，顷再服。

妊娠漏胎

论曰：妊娠将理失宜，经血时下，谓之漏胎。由冲任虚弱，不能固养胞胎，故令经血时下如器之漏也。久漏不已，则胎气无所禀养，必致萎燥矣。

续断饮 治妊娠漏胎，下血不止，腹内痛。

续断二两 艾叶 熟地 当归一两 竹茹 阿胶 鸡苏五钱

为粗末。水煎三钱，日二。

艾叶饮 治漏治，淋漓不止。

艾叶五钱 干姜 当归三分 芎藭一两 姜、水煎三钱，日二。

胶艾汤 治漏胎下血过多。

陈胶五钱 艾叶一两 水煎三钱，日二。

黄芪汤 治五六月下血。

黄芪两半 熟地 桑寄生 地榆一两

艾叶 龙骨三分

姜、枣、水煎五钱，日二。

竹茹桑寄生汤 治漏胎，心腹痛，时下

血。

竹茹 桑寄生 艾叶 白芍 阿胶 白术各等分

水煎三钱。

当归阿胶散 治胞漏下血不止。

当归 阿胶 熟艾五钱 龙骨二分半 蒲黄炒 地榆三分 牛角觶炙焦 熟地一两

共末。酒饮任下二钱，日二。

妊娠胎动下血

论曰：妊娠之人将护为难，若触冒风寒，饮食生冷，及喜怒劳动之过，致患胎动，胎动则气血失度，古下血也。古方云：母有宿疾，子脏为风冷所乘者，亦令胎动下血，皆失将护所致。

阿胶汤 治胎动腹痛，下血，晕闷。

阿胶一两 生姜炒 侧柏叶 桑寄生 当归 艾叶三分 竹茹一大团 芎蒭 续断五钱

枣、水煎三钱。

鹿角胶汤 治胎动漏血不止。

鹿角胶一两 人参 白茯苓五钱

水煎三钱。

阿胶散 治损动胎气，腹内结痛，血下不止，晕闷。

阿胶 桑寄生二两 人参 怀熟地 白芷 芎蒭一两 续断两半

共末，竹茹糯米汤下三钱。

秦艽汤 治胎动下血，身体烦热，倦怠。

秦艽 人参 炙甘草 芎蒭 地榆 白芷 鹿角胶五钱

糯米一撮，水煎五钱。

芍药散 治胎动下血不止，脐腹痛，迷闷昏塞。

白芍 木贼一两，炒 牡蛎 熟地 干姜 乌贼鱼骨去甲，五钱

共末，酒下三钱。

人参饮 治胎动腰腹痛，血下不止。

人参 芎蒭 当归 阿胶 杜仲二两

熟地 炙甘草一两 艾叶一把

枣、水煎五钱。

妊娠胎萎燥

论曰：人由受气于有生，十二经脉迭相滋养，尤生物也。得寒温之正，土地之宜，无物不长。凡胎处胞中，或有萎燥者，盖由孕妇所禀怯弱，不足自周，阴阳血气偏系，非冷却热，胞胎失于滋利，所以萎燥而不长也。日月虽过，能生育，亦有后时致生者。惟宜资母血气，俾阴阳调通，本末相应，则胎从而有养矣。

艾叶汤 治胞中冷，致胎萎燥。

艾叶炒 芎蒭 当归炒 白术 干姜一两

水煎三钱，日三。

白术汤 治萎燥，瘦劣，面黄黑，腹脏虚冷。

白术炒，二两 人参 当归 白芍 芎蒭 河勒皮 厚朴 炙甘草五钱

姜、水煎三钱，日三。

白术当归汤 治胎萎躁，漏下，腹痛不可忍。

白术 当归 人参 芎蒭 阿胶二两 艾叶一两

酒、水煎五钱，入大枣，分三服。

桑寄生汤 治胎萎燥，不能转动，心中急痛。

桑寄生 人参 白茯苓 萎蕤五两 白术二两

姜、水煎三钱，入梗米半合，温服，日二。

地黄汤 治胎萎燥，过时未产。滋气血，益胞脏。

熟地 当归 熟艾炒 芎蒭一两 阿胶 炙甘草五钱

水煎三钱，日二。

妊娠胎不长养

论曰：妊娠将理无方，脾胃不足，饮食

减退，不能行荣卫、化精微、养冲任，故令胎脏内弱，子气不足，生化稍亏。巢元方谓母病疗母，则胎安是也。若使脾胃和而能饮食，水谷化而运气血，则何虑胎气不长也。

白术散 治胎不长养。

白术一两 人参 白芍 芎藭 陈胶一两 炙甘草五钱

共末。葱粥饮下三钱。日三。

地黄汤 治气血不足，胎瘦不长。

熟地 阿胶 芎藭 当归二两 人参 赤芍 炙甘草五钱

水煎三钱，入梗米，日三。

妊娠呕逆不下食

论曰：妊娠之人脾胃气弱，风冷乘之，则中焦痞隔，胃中虚满。其气上溢，气不下降，故虽食饮，卒不得下，甚则呕逆。

茯神汤 治妊娠呕逆不下食。和胃顺气。

茯神 黄芪 人参 白术五钱 藿香 甘草炙，二钱

姜、水煎二钱。

人参汤 同。

人参 山药 白茯 梗米陈者，一两 半夏五钱

姜、枣、水煎三钱。

保生汤 治妊娠呕逆不下食。

陈皮二两 人参 白术 麦冬 厚朴 白茯一两

姜、枣、水煎四钱，入竹叶。

厚朴汤 同上。

厚朴 人参 白茯苓 白术 陈皮 竹茹 半夏一两

姜水煎三钱。

妊娠咳嗽

论曰：妊娠咳嗽者，以肺感寒气也。经曰形寒饮冷同伤肺。久嗽不已，则寒气相移，不惟孕育有伤，而肺气痿弱，皮毛枯悴。治宜发散寒邪，资补胎气，则咳嗽自己。

麦冬饮 治咳嗽不止。

麦冬一两 紫菀 桔仁 桔梗炒，三分 炙甘草一分 桑白皮五钱

水煎三钱，入竹茹、白蜜，日三。

人参散 治妊娠咳嗽。

人参 陈皮 炙甘草三两 生姜五两，切 共末，汤下二钱。

桑白皮丸 治妊娠咳嗽，痰盛呕逆。

桑皮二两 半夏 人参 陈胶一两 丹砂一分 炙甘草五钱

共末，粥丸芡实大。临卧含化一九。

妊娠伤寒

论曰：妊娠感冒寒邪，藏于皮肤，洒然而寒，熇然而闷，头项痛，腰脊强，脉浮。在表者，当汗之；在里者，下之。汗下之理，制方宜轻，但非破血伤胎之剂，和其阴阳，正其表里，使经不传，邪无深入，斯无危殆矣。

麻黄汤 治妊娠伤寒，发热恶寒，体痛。

麻黄 苍术三兩 陈皮二兩 白术 炙甘草一两

水煎三钱，入葱白、盐豉。

异功汤 治妊娠伤寒，头痛体疼。安胎和气。

麻黄去根节，四兩 白术 苍术二兩 芎藭 炙甘草兩半

葱白、水煎三钱，日三。

柴胡汤 治妊娠伤寒，憎寒壮热，头痛身疼。

柴胡 白术一两 芎藭 白芍药 当归 防风 赤茯苓一分 黄芪 生地五钱

姜、枣、水煎三钱。

白散子 治妊娠伤寒。护胎。

白药子研末

用鸡子清调涂纸上，约碗大，贴在脐下，干以温水润之。

妊娠下痢

论曰：妊娠饮食过伤，脾胃不和，冷热

之气入于肠间，肠虚则泄，故为痢也。然冷多则白，热盛则赤，冷热相攻赤白相杂，甚则脓血杂下，速宜疗之，恐伤胎也。

阿胶丸 治妊娠下痢，日夜频泻。并安胎气、止腹痛。

阿胶 酸石榴五钱 川连一两 当归肉豆蔻三钱

共末，蜜丸小豆大。饮下十五丸。

黄连汤 治妊娠下痢，频泻，并里急后重。

川连炒 黄柏三两 白术四两

姜、水煎五钱，日三。

健脾汤 治妊娠下痢，脐腹撮痛。益胃气、思饮食。

厚朴 苍术四两 人参二两 大枣一枚，煮熟去皮、核，研枣汁五升，与朴、术同煮干 陈皮去白炒白茯苓二两半 炙甘草二两

姜、水煎三钱。进饮食，调脾胃。

阿胶丸 治妊娠下痢脓血不止，腹痛。

阿胶三两 白术五两 川连 肉豆蔻一两 共末，蜜丸梧子大。饮下三十丸。

黄柏散 治妊娠赤白痢，腹痛腰疼如欲产。

黄柏微炒 当归 赤芍药 阿胶 艾叶 芎藭 桑寄生一两 炙甘草 干姜三分

共末，水煎四钱。

阿胶散 治妊娠赤白痢，腹痛不止。

阿胶 当归一两 白术三分 艾叶炒石榴皮炒，五钱

共末，姜、水煎四钱。

妊娠子淋

论曰：妇人怀子而淋者，谓之子淋。因肾虚，膀胱经客邪热，令溲少而数，水道涩痛，痛引于脐者，是其候也。

海蛤汤 治妊娠子淋，频数涩痛。

海蛤 木通 猪苓五钱 冬葵子微炒滑石一分

水煎三钱，入灯心三十根。

白芷散 治妊娠子淋，频数涩痛。

白芷三分 阿胶 郁金 滑石一两 共末，葱白汤下二钱。

当归汤 治妊娠子淋涩痛。

当归 白芍药 赤茯苓 炙甘草 山梔子等分 水煎三钱。

妊娠浮肿

论曰：脾合土，候肌肉，土气和平则能制水，水自传化，无有停积。若妊娠脾胃气虚，经血壅闭，则水饮不化，湿气淫溢，外攻形体，内注胞胎。怀妊之始，肿满必伤胎气。如临月而脚微肿，利其小便则病自愈。

防己汤 治妊通身浮肿，喘促，小便涩。

防己 大腹三分 赤茯苓 桑白皮一两 木香 紫苏一分 姜、水煎四钱。

木通汤 治妊身体浮肿，心腹胀满，小便不通。

木通 香薷 桑白皮一两 木香 诃勒皮 黄芩三分 枳壳炒 槟榔 紫苏五钱 姜、水四钱，日二。

赤茯苓汤 治妊娠身体浮肿，心腹急满，小便赤。

赤茯苓一两 白术 旋复花五钱 木通 杏仁 黄芩三分 姜、水煎三钱。

赤茯苓饮 治妊娠，胎间水气，子满体肿。

赤茯苓 白术二两 杏仁 旋复花一两 黄芩两半 水煎五钱，日二。

桑寄生饮 治妊娠遍身虚肿。

桑寄生 紫苏一两 木香五钱 桑白皮炒大腹皮三分 水煎三钱。

妊娠小便不通

论曰：妊娠小肠挟热，热结胞内，使气

道痞涩，故小便不通。令人腹胁胀满，脐下急痛，是其证也。

榆白皮散 治妊娠小便不通，心神闷乱，小腹急痛。

榆白皮 王不留行 滑石一两

共末，灯心汤下二钱。

冬葵子汤 治妊娠淋，小便涩，小腹急，水道热痛。

冬葵子三合 赤茯苓 白芍药 车前子一两 黄芩五钱

水煎五钱

滑石散 治妊娠子淋，小便数，热痛，手足烦疼。

滑石飞

汲水调五钱，涂脐下一寸，小便即利，未利再涂。

妊娠大小便不通

论曰：妊娠大小便不通者，以脏腑盛实，热气蕴积，不时宣导之所致也。若热结于大肠，则大便不通；结于小肠，则小便不通。今大小肠俱有热，则二便俱不通。其候令人烦满，小腹胀急。惟能均调腑脏，使气疏达，则转化无所留滞矣。

梔子汤 治妊娠二便不通，脐腹胀痛。

梔子 黄芩 柴胡 姜薤两半 石膏四两 泽泻 赤芍二两 车前草五钱

水煎四钱，入竹叶十片。

柴胡通塞汤 治妊娠二便不通，下焦热结。

柴胡 黄芩 陈皮 泽泻 羚羊三分

梔子 大黄炒 石膏一两

水煎四钱，人生地一分、豉微炒，半分。

茅根汤 治妊娠二便不通，结闷气急，腹满欲死。

茅根 滑石 车前子 大黄炒，各等分 水煎四钱。

木通汤 治妊娠二便不通，下部胀满。

木通 大黄生，二两 滑石三两 大麻仁一

两

水煎四钱。

又方 治妊娠二便不通。

猪脂二两

酒半升煎脂化，分三服，未通再服。

妊娠半产

论曰：妊娠日月未足，胎气未全而产者谓之半产。盖由妊妇冲任气虚，不能滋养于胎，胎气不固，或颠扑闪坠致气血损痛，或因时病痢症之类，皆致半产。

延胡索汤 治半产后气血不快，恶露续断。

延胡索 当归 白芍药 炙甘草 芎蒭桂心一两

水煎三钱。

艾叶饮 治半产后恶露不断，心闷气短。

艾叶 生地黄 当归 人参 地榆 干

姜 阿胶各等分

水煎三钱。

妊娠数坠胎

论曰：胚胎之始，赖血气以滋育。若妊娠血气盛强，阴阳之气和，相与流传于一体，唯能顺时数、谨人事，勿动内伤，则生育之道得矣。冲任气虚，将摄失宜，子脏风冷不能滋养于胎，故每有妊则数致伤坠也。

地黄散 治数坠胎，子宫虚冷。

熟地 黄芪 人参 白术 芎蒭 当归

一两 吴茱萸 炙甘草 干姜五钱

共末，酒下二钱。

阿胶汤 治数坠胎，小腹痛不可忍。

阿胶 熟地 艾叶炒 芎蒭 白术 当归 杜仲炒，一两

枣、水煎四钱服。

地黄汤 治妊娠气血衰微，胞脏挟冷，数坠胎。

熟地黄四两 艾叶 当归二两 杜仲 芎蒭 阿胶 五加皮三两

水煎五钱，日二。

两

芎蒭汤 治数堕胎，心腹痛。

艾叶、糯米、姜、水煎三钱。

芎蒭 白芍药 白术 阿胶 炙甘草一

圣济总录纂要 卷二十四

清 新安 程 林云来纂辑
鄞县 曹炳章赤电校点

产 难 门

逆 产

论曰：逆产者，盖因妊妇初觉腹痛，产时未至，惊动伤早，儿回转未至，竟使用力产之，即令逆也。

牛酥膏 治逆产数日，或生不以理，横逆艰难，千方百计不安，急宜服之，膏至儿身上即产下。

真牛酥 秋葵子一升 大豆黄卷 滑石二两 瞿麦一两 白蜜半升 秋冬二葵子功用并同

共末，用酥煎沸，入蜜再煎，下末搅匀，收贮。酒下一二匙，频服。

半夏饮 治横产及倒生，胎死腹中，并衣不下，母气欲绝者。

半夏五枚，姜汁炒 白敛一两

共末。温酒下二钱。难产一服，横产二钱，倒生三服，胎毙衣不出四服。此方加瞿麦尤佳。

灶心黄土涂 治逆产。

灶底心黄土研，五合

以生姜汁和如糊，涂产母脐中，以帛系换。

小麦饮 治逆产。

小麦 小豆炒，一两

共末。水煎二三钱，温服，少顷又服。

盐粉涂 治逆产足下。

食盐 胡粉

共研匀，用米醋和涂儿足心，即顺下。

葱蒜熏法 治逆产。

大蒜七枚 生姜五钱 葱白三十根

共捣入盆中，以沸汤五大碗投盆内，速扶产妇坐盆上，熏产户，冷即易之，三易胎正矣。

丹砂涂 治逆产。

丹砂五分

用蜜和涂儿足心。又以丹书儿左足心千字，书右足心里字。

又法

以针刺先出足底，足痛还，即顺。若手先出，即刺手。

又法

取三家盐熬令黄，以津唾和，涂儿足心。次取三家饭，放儿母手中，佳。

艾叶汤 治逆产及子死腹中。

生艾叶五两

用酒一升煎，施服，则顺下。如不饮酒，以水煎服。

蛇蜕灰酒 治逆产及子死腹中。

蛇蜕烧灰

研末。用白酒和下，面向东方服一钱，未下再服。

兔丝子酒 治逆产及子死腹中。

兔丝子炒

为末。酒上一二钱，即生。一方以车前子为末，洒下二钱。

蒲黄涂 治逆产。

蒲黄

用水和涂儿手足心，即顺。

难 产

论曰：临产或难，盖为正气扰乱，心神不宁所致。古人有预备方法：临月用滑胎散，并日行二三十步，贵使血气下顺，产无留难。无令喧杂惊忙，必须产阁温暖。遇严寒之日，四围烧灰，及多备热汤，梦诸异香，常令汤火气及身。暗使人看候产妇，才觉腹痛，速与饮食令饱，无使困乏，饥则雌鸡煮粥，渴则白蜜煎汤。或空痛经日，儿胎未动者，宜安心熟忍，以荐席铺床，就上安产，免为地气所侵。又就周行三五百匝，或困于行，暂且扶立，须臾又行。如血水俱下，痛陈及腰，此欲产之兆。诸余法度宜次序行之。

车前子散 治难产，经日不下。

车前子^{微妙} 滑石 川归^{五钱} 榆白皮 瞿麦穗^{一两}

共末。用酒下二钱。如血水未下，用大黄酒二钱煎酒服，胞胎即下。

如意膏 治难产，催生。

蓖麻子^{二十一粒}，去壳研 丹砂^{五分}

共研如膏，用油纸摊贴脐下小腹间，外用帛紧缚。候产与胞衣下，速去之，稍缓即脱人气血。此药觉腹痛便宜用。

牛酥膏 治难产，催生。见前逆产

苎麻根饮 治难产，及晚嫁难产。

乳母论云三十后适人者，谓之晚嫁也。盖少嫁则筋骨软弱，故产门易开。晚嫁则筋骨坚强，所以难产。产妇临月，宜常服之。

苎麻根 人参 陈皮 怀生地 炙甘草 乌梅肉^{一两}

生姜水煎四五钱，温服，少顷又服。

烧弓弦散 治难产。

弓弦^{五寸}，烧灰研 箭杆^{五寸}，烧灰 共研匀，作一服，酒下。

牛酥饮 治数日不产，胎上冲心，欲死。

白芍 川芎 甘草 川归 茯神 陈皮^{二两} 苎根^{一把} 发灰^{一分}

共末。空心食前酒下二钱，少顷又服。

桂心汤 治难产，数日不生，子死腹中，母气欲绝者，服之效。

桂心^{两半} 木通 牛膝 瞿麦穗 榆白皮^{二两}

水煎五钱服。

石燕酒 治难产，催生。

石燕

以童便磨取三四钱，微温，吞赤小豆七粒，立产。一方两手握石燕，亦产。

子死腹中

论曰：胞衣未下，急于胎之未生；子死腹中，危于胎之未下。盖胞衣未下，子与母气通其呼吸，若子死腹中，胞脏气寒，胎血凝互，气不升降，所以难下。古方多以行血顺气药及硝石、水银、硃砂之类。其胎已死，形体已冷，血凝气聚，复以至寒之药下之，不惟无益，而害母命者多矣。古人用药深于用意，但后生不分子死理有二端，用药寒温各从其宜。有妊娠胎漏，血尽子死者；有坠堕颠扑，内伤子死者；有缘久病，胎萎子死者，若此之类，遂令生人提掣妊妇，使身体平正，仍以裋褐自腰抵定，令仰卧开足向地，如欲产势，边进附子汤三服。^{方见后}即以衣包温瓦数片，二三人不住手，自脐腹腰肋左右周围熨之，使胞脏温暖，凝血流动。盖附子汤能破寒气、堕胎，服之少顷觉腹内痛阵渐作，恶血渐动，良久必产，此用温药之意也。有因伤寒、热病、温疟之类，胎受邪热毒气，内外交攻，因致胎死，胎不即下，留于胞脏。古人虑胎受毒气心致胀大，所以用硝石、水银、硃砂之药。盖硝石、水银之性，不惟使胎不胀大，又能使胎化烂，副以行血顺气之味，死胎即下。临产更令生人以手体候胎，有横有逆，有胀有烂，以意治之，庶免留难。凡生产之理，胎活则所生子日月已周，脐系不养，所以自下，由之果实既熟，不俟剪折，带蒂自分。若子死腹中，则所生在母，日月未足，脐系尚固，由之果实未熟，枝末虽枯，不折

不离，所以在母行之有法，用之有度，斯无虞矣。凡审死胎，当熟辨有妊之妇，病胎隐伏不动，难认存亡，令生人以暖手就脐下款款按至胎处，觉腹中冷应手，是胎已死，稍温即非。更看妊妇外症，面青舌冷，舌下脉青黑，口秽气，手指甲黑，皆子死之候。

附子汤 治子死腹中，产后气寒，胎血凝互，子死难下。破寒，堕胎。

附子大者，一枚，生，去皮脐，切十片 生姜五片

水煎，稍热服。经时不下，服桂心汤。

桂心汤 治子死腹中，产后气寒，胎血凝互，子死难下。破寒，堕胎。

桂心不见火 乌头大者，一两

水煎，稍热，连用三服。

地黄酒 治子死腹中，未下。

怀生地酒洗捣取自然汁

用酒煎沸，和地黄汁，连三服。胎不下，服牛膝汤。

牛膝汤 治子死腹中，气血凝结，致子难下。

牛膝 朴硝三两 川芎 大黄炒 桂心 蒲黄五钱 怀生地二两

水煎五钱，去滓，入朴硝一钱，再沸，服。连进三服未下，服后瞿麦汤。

瞿麦穗汤 治子死腹中，三日不出，母气欲绝。

瞿麦穗两半 牛膝 榆根白皮一两 木通 桂心三分

水煎五钱，去滓服。连进三服胎未下，服后牛膝汤。

牛膝汤 治子死腹中。滑气血，破胞胎。或子死坏烂，母气闷绝者。

牛膝一两 川归 桂心三分 川芎 蒲黄五钱 硝石 瞿麦穗二两 怀生地汁一盅

水煎五钱，入汁再沸，连进三服，恶血下，子即出也。或胎已损，令生人仔细探之，勿令腐肉瘀在腹内。出毕，再一二服。逐恶，免生它病。

姜汁酒 治子死腹中，气血凝滞不下。

生姜汁六分 鸡子黄三枚 白酒三分 米醋二分

共酒、醋同煎，入姜汁二分，再沸，倾碗中，入鸡黄一枚，乘热打转，稍热服。须臾，依上法连进三服。

牛尿涂 治子死腹中，二三日不下。

牛尿

用之涂儿母脐腹中，并左右，少顷立出。

水银饮 治子死腹中，闷绝者。

水银一两

饮下。若母不知人事，干开口灌下；口干不开，当于鼻中灌下，令头稍仰，银入母腹中，立出。

又方

灶中黄土

研末，用酒和服二三钱，立下。

息胞 即胞衣不出

论曰：凡产，子母已分而胞衣未下，名曰息胞。盖由欲产之时用力太过，产罢又被风寒冷气所侵，血气凝涩。乏力运用，以致持久，不惟有妨儿脐，兼亦致害母命，急须提掣产母，使形体平正，气息少待可以运动，及以壮气益血汤散助之，俾气血滑利，其胞可下矣。若初生产妇未经谙练，见胞衣未下，恐妨儿体，辄便剪脐，或误牵断，或执握不固，其胞直上掩心，使不尽天年者多矣。古入剪脐之法，必用惯熟。生人先备金银铜铁、秤锤之类，用软熟衣带一条就一头缩定，仍留一头，才下腹，即将脐带与衣带相连结定，以紧牵为度，所贵胞不上掩心也。

壮气益母汤 治胞衣未下，被风寒所侵，血气凝涩，或气少乏力，不能运用，胞衣停息。

怀生地 人参 川归一两 代赭石醋淬，五钱，研 木香一分

生姜、大枣、水煎五钱，稍热服，少顷又服，以衣下为度。

牛膝汤 治胞衣半出半不出，或子死腹中，著脊不下，及二三日不产，血气上冲。

牛膝 秋葵子 榆白皮三两 怀生地取汁，三分

水煎五钱，入汁服。

滑石汤 治胞衣不出，服之壮胞。

滑石 川归 炙甘草一两 牛膝 瞿麦穗两半 秋葵子二合

水煎五钱，稍热服。少顷再服，以下为度。

恶血不下，盛于衣中

鹿角

锉为细末。用酒下一二钱，衣下为度。

草麻子涂 治胞衣不下。

草麻子 二十一枚

去壳，研如泥。涂脚心，衣下速去。

又方 治胞衣不下。

水银

用枣肉研，不见星，丸皂子大。酒服一丸，立下。

冬葵子酒 治衣不下，令烂胞。

葵子 阿胶 牛膝 川归一两

共末，酒下三钱。

产 后 门

产 后 血 晕

论曰：产后血下或多或少者，皆致血晕。盖血随气行，血多者气虚，血少者气逆故也。其候头目旋转，精神昏愤，沉默不知人事。治法：虚弱者，宜调气而益血；气逆者，宜调气而下血，则晕思过半矣。

玄胡索汤 治产后血晕。

玄胡索 川芎一两 人参 川归 牛膝两半 怀生地二两

水煎五钱，去滓，入蜜少许，稍热服。

益母草饮 治产后血晕，心烦闷乱，恍惚如见鬼神。

益母草汁如无，以上瓜根汁代之 **生地汁** 藕汁半盅 鸡子白三枚 童子便一盅

将四汁煎沸，入鸡子白搅匀，分三服，连进。

红蓝花汤 治产后血少，晕闷，呕逆。

红蓝花 苏枋木一两

水煎四五钱，稍热服，日二。

姜黄饮 治产后恶血上掩心，如见鬼神，欲死。

生姜汁 生地汁一盅

用白酒一盅同二汁煎十数沸，稍热服。

醋鸡子 治产后血晕，迷闷，不省人事，唇口冷，面青。

米醋一盅 鸡子生，一枚

将醋煎沸，以鸡子打破，搅匀，顿服。

白芍汤 治产后血晕，心中迷闷，不知人，错乱，少气。

白芍药 怀生地 炙甘草一两 丹参五钱

生姜、水煎五钱，去滓，入蜜少许，连进三服。

产后语言妄乱

论曰：忧愁思虑则伤心，心虚故邪从之。新产之人，内亡津液而血虚志弱，使人精神昏乱，语言差谬，恍惚不宁，甚者变狂颠之症。治宜补血益心，安心定志，其病自愈。

白茯苓汤 治产后血气虚弱，精神不安，言语错谬。

白茯苓 人参 桂心 泽泻 蒲黄两半 怀熟地 川归 麦门冬 远志一两

共末，入蜜杵丸梧子大。入参汤下三四十丸。

白茯苓汤 治产后心气不足，血虚狂言。

白茯苓 熟地二两 人参 甘草 防风 白薇 龙齿 独活 远志一两

水煎四五钱，稍热服。

茯神汤 治产后血虚，狂言妄语，心志不宁。

茯神二两 人参 白芍药一两 桂心
川归 炙甘草一两

生姜、大枣、水煎四五钱，稍热服，日二。

远志汤 治产后血虚，心气弱，为风邪所搏，语言妄乱。

远志 人参 赤芍 白茯苓 子芩 独活
炙甘草 防风一两 怀熟地二两
水煎四五钱，热服，日二。

产后中风

论曰：产后血气未完，风邪乘之入于经络，则发为痉。其候口噤不开，筋脉挛急，面目喎斜，至于五脏六腑则随所中而症候出焉。甚者痙痙直视，角弓反张，神志昏塞，便溺遗矢，暗不能言，为中风之证。

小续命汤 治产后失血中风，口眼喎斜，冒昧不知痛处，拘急不得转侧，遗溺，失音。

麻黄去根节，二两 人参 附子 川芎
白术 防己 白芍 子芩一两 桂心 甘草
二两 防风两半

生姜、水煎五钱服。

大豆酒 治产后中风，背强口噤，或烦热，头身皆重，身痒，及呕逆直视，皆风湿所致。

大豆三升

炒令声断，用酒五升沃热豆中，取豆汁服一盅，日饮五七次取微汗，身才润即愈。一则去风，二则消血。

麻黄汤 治产后中风，口眼喎斜，身背拘挛。

麻黄去根节 桂心一两 川芎 白芍药
防风二分半 竹沥二合 白术炒，五钱

生姜、水煎五钱，去滓，入竹沥半合，二三服，取汗。

地黄酒 治产后中风，口噤，筋脉挛急，角弓反张。

生地汁二升 白酒三升 生姜汁二合

用二汁煎数沸，入酒再煎十数沸，任性

细饮数杯。若冷多，加桂心末二两；若热多，加藕汁二合。

产后中风口喎

论曰：足阳明胃经入上齿中，环出挟口，环唇，下交承浆。手太阳经循颈上颊，至目锐眦。此二经皆为风寒所中，使筋脉缩急，牵引于颊，故为口喎斜不正，语言蹇涩，目不能平视也。

人参汤 治产后中风，口面喎斜。

人参 白芍药 防己 白术 甘草 防风
麻黄去根节 附子 川芎 子芩 桂心
一两

生姜、大枣、水煎三钱，温服。

天麻散 治产后中风，口眼喎斜，筋脉不利。

明天麻 怀生地 白僵蚕糯米炒 玄胡
索 独活 防风 川归 荆芥穗 桂心五钱
共末。用酒下二三钱，日二钱。

独活汤 治产后中风，口面喎斜。

独活 防风 川归两半 川芎 枳壳
桂心一两 细辛五钱 蔓荆子两半 竹沥

水煎三钱，去滓，入竹沥半合，再沸服，日二。

竹沥汤 治产后中风，口面喎斜，手足不随，语言蹇涩，昏昧。

竹沥 防风 麻黄去根节，两半 升麻
羌活 羚羊角 川芎 桂心一两 杏仁八十
枚，去皮尖，炒，研

水煎三钱，去滓，入竹沥半合，再沸二三沸。少顷再服，取微汗，差。

地汁竹沥饮 治产后中风，口眼喎斜，筋脉挛急。

生地汁 竹沥各半升 独活两半

用水二盅，煎独活三钱，去滓，入生地汁、竹沥各半合，再二三沸，温服，日二。

产后中风角弓反张

论曰：背为阳，腹为阴，阴阳之脉交相

维持。产后血脉不足，风邪中于阳经，使阳脉拘急，反引腰背，如角弓反张，故以为名。

麻黄汤 治产后中风，角弓反张，筋脉急痛。

防风 人参 白术 白术 川芎 甘草
川归 麻黄去根节 桂心一两 附子 干姜
五钱 杏仁去皮尖，炒，四十枚

水煎三钱服，日二。

白茯苓汤 治产后角弓反张。

白茯苓 山梔仁 川芎 川归 炙甘草
五钱 黑干姜 吴茱萸 怀熟地 桂心 细
辛一两

水煎三钱，温服，日二。

黑豆酒 治产后中风，腰背反折，筋急口噤。

黑豆小者，二升 白酒四升

将豆炒香熟，倾入酒中，去豆用酒，不拘时频服一盅。服完再服后地黄酒。

地黄酒 治产后中风，腰背反折，筋急口噤。

生地汁二升 白酒三升 生姜汁二合

先煎二汁数沸，入酒再沸十数沸，任意饮二盅。若冷多，加桂心末二两；热多，加藕汁二合。

产后蓐劳

论曰：产蓐之后，食饮起居失于常度，使气血不得其养。若血虚则发热，气虚则发寒，气血俱虚则寒热更作，日渐羸瘦，故为蓐劳。又产后恶露未尽，亦令致此，则时寒时热，腰腹刺痛，甚者不能食，食亦不作肌肤。

怀熟地汤 治产后蓐劳，寒热，肢体痛，力乏。

熟地黄 人参 白术 白茯苓 牛膝
鳖甲 淡竹叶 桂心 麦门冬 川归 甘草
一两

水煎三钱，温服，日二。

赤芍汤 治产后蓐劳，疼痛，寒热，头目眩晕，多惊，盗汗，腹痛，大便不利，瘦

劣。

赤芍 川芎 人参 丹皮 玄参 五味
子 白薇 白茯苓 麦冬 甘草 川归一两
熟地二两

水煎三钱服。

猪肾汤 治产后蓐劳，似疟寒热，不能食。

猪肾一对 粳米 白芍药 知母三分
川归分半 葱白五寸

水煎肾取汁，入米煎三钱，温服，日二。

黄芪煮散 治产后蓐劳，肌瘦，面无颜色，或寒或热，肢痛，头疼，心烦。

黄芪 鳖甲一两 人参 白芍药 川归
白茯苓 桑寄生 麦门冬 熟地 桂心
牛膝 甘草五钱

共末，每用猪肾一对煮取汁，入姜、枣煎三钱，温服，日二。

白薇丸 治产后蓐劳，寒热，体虚瘦弱，不思食。

白薇 附子 熟地 柏子仁 鳖甲 川
归 肉苁蓉 黄芪 人参 白芍 丹皮 桂
心 石斛 羌活三分 川芎 甘草五钱

共末，蜜丸梧子大。饮下三四十丸。

产后大便不通

论曰：大肠者，传道之官，变化出焉。产后津液减耗，胃中枯燥，润养不足，糟粕壅滞，故令大便难，而或致不通。盖新产之人喜病此得，由去血过多，内亡津液故也。

诃梨勒丸 治产后大便不通。

诃梨勒皮 人参 怀熟地 大黄酒炒 川
归 大麻子一两

共末，入蜜杵丸梧子大。米饮下三四十丸，日二。

人参丸 治产后大便不通。

人参 槟榔两半 紫朴姜炒，三分 川归一
两 郁李仁去皮尖，研，五钱

共末，入蜜杵丸梧子大。酒下三四十丸，日二。

大黄丸 治产后大便秘涩不通。

大黄酒炒 赤芍药 川归 紫朴姜炒，
两 枳实炒 怀生地 大麻仁三分

共末，入蜜杵丸梧子大。陈米饮下三四
十丸。

升麻汤 治产后大便秘涩。

升麻 大黄一两 生地 前胡三两 山
梔 川归一两

水煎服。

大腹皮汤 治产后下血过多，热毒气结
燥，大便不通，壅滞气闷，腰痛肋胀。

大腹皮五枚 枳壳 怀生地 赤芍药一
两 甘草 天门冬三分 羌活 郁李仁 秦
艽五钱

水煎三钱，温服，日二。

蜜煎导法 同上。

白蜜半斤

慢煎，令稠如硬饧，搓指大长二寸，纳
下部中，仰卧，效。

乌梅导法 同上。

乌梅肉

烂捣如泥，入蜜少许，搓，纳下部中，即
仰卧，效。

温中丸 治产后大便不通，七八日以上
者。

硫黄生用，柳木捶细研

以不浸炊饼糊丸梧子大。用木香汤下一
二十丸。

中和散 治产后大便不通，及老少皆可
服。

附子去皮脐 大黄一两，同上俱半生半炒

共末。临卧饮下二钱，日二。

产后乳汁不下

论曰：新产水血俱下，暴伤津液，气脉
未顺，所以乳汁不下。若能调其冲、任，治
手太阳、少阴之经不足，则乳脉自然流行。若
其经虚弱，气脉闭而不通，虽治之亦无益也。

猪蹄汤 治产后乳汁少，或不下。

猪蹄四只，用水五升煮，取汁三升 木通 漏
芦 瞿麦穗一两

用汁煎三钱，温服，日二，以效为度。

木通汤 治产后乳汁不通。

木通两半 子芩 白芍药 桑皮 漏芦
一两 甘草 枳壳炒，五钱 竹叶一把

水煎三钱，温服，日二。

莴苣子散 治产后乳汁不下。

莴苣子 糯米 粳米半合

水煎甘草五钱，取汁，煎三味，分三服。

栝蒌酒 同上。

栝蒌

取大者一枚捣烂，入白酒煎。温服，以
效为度。

鱼灰散 治产后乳汁不下。

鲤鱼骨

烧灰，为末。酒下一二钱。

产后妒乳

论曰：气血流行，上为乳汁，下为月水，
上下通达，不失常度，是谓平人。若不通而
塞则为痛，热气复来乘之则为肿，向之流行
者，今壅遏矣。倘失调治，则结硬成核，身
体壮热，盛则憎风，遂为乳痈。世传治结乳、
闭乳，亦即为妒乳者此也。

升麻汤 治产后妒乳，乳汁不泄，结成
痈肿，热痛。

升麻 玄参 白芍药 生地黄 甘草
连翘 瞿麦穗一两 射干五钱

水煎三钱，温服，日二。

二灰散 治乳汁不下，结滞不消，热肿。

蔓荆子 皂荚刺各烧灰存性，一两

共研匀。用酒下一二钱，日二。

升麻散 治妒乳，结成痈肿。

升麻 木香 檀香五钱

各用成块，砂盆酒磨，相等，用翎傅乳
上。

天麻草洗 治妒乳成痈肿，或已破，脓
血未散。

天麻草不拘多少

用水煎浓汁，频洗患上，日三四次，差。

产后乳结核

论曰：产后乳结核者，以血气虚弱，风邪搏之，乳脉凝滞，故结为而核。日久不差，蕴积生热，热胜则肿，肿甚则成痈也。

枳壳汤 治产后乳结核，或成痈肿，发热，疼痛。

枳壳 木通 人参 白蒺藜炒去刺 桂心 乌鸡骨醋炙 白芍药 川归 黄芪 大黄炒，一两

水煎三钱，温服，日二。

麦门冬汤 治产后乳结核，及欲作痈，肿痛。

麦门冬去心 子芩 木通 白芍药 人参 赤茯苓 甘草 绵黄芪 桑寄生 防风 一两

大枣、水煎五钱，去滓，入沙糖二钱，搅服。

川归散 治乳结核，坚硬。

川归 人参 白芍药 枳实麸炒，三分 木通 白蒺藜炒 乌鸡骨醋炙 黄芪一两 桂心五钱

共末。酒下一二钱，日二。

产后乳结痈

乳痈并结核详见乳痈门

论曰：产后冲、任不足，气血俱虚，其热潜行，入于足阳明之脉，其直行者从缺盆

下乳内廉，下挟脐，入气街中。冲脉者，起于气冲，并足阳明之经夹脐上行，至脑中而散。其经为邪热攻冲，则血为之击搏，气为之留滞，击搏则痛作，留滞则肿生。《内经》所谓荣气不从，逆于肉理，乃生痈肿。产后多有此疾者，以乳汁壅滞，与气相击搏故也。

黄芪汤 治乳结核，肿痛烦热，渐成痈。

黄芪 生地黄 升麻 麦冬两半 人参 赤茯苓 两 远志 川归 白芍药 甘草 五钱

水煎三钱，温服，日二。

白芍汤 治乳结痈，肿毒败坏不散，发热，疼痛。

白芍药 人参 赤茯苓 生地黄 川归 黄芪 麦门冬 甘草 桂心一两

生姜、大枣、水煎三钱，去滓，入朴硝五分，沸服，日二。

甘草饮 治乳痈热痛，未结脓者。

甘草五钱，半生半炙 栝蒌一枚，去皮 用酒、甘草取汁，入蒺藜，再煎服。

栝蒌散 治乳痈脓溃、未溃，热痛不已。

栝蒌二两 防风 人参 细辛 紫朴 黑干姜 败酱 桔梗一两

共末。用酒下二钱，日二。

黄芪膏 治乳痈欲结，未结脓，攻痛。

黄芪 白芍药 川芎 子芩 防风 川连 白敛 川归一两

共末。用鸡子白和，涂患上，日二易。

圣济总录纂要 卷二十五

清 新安 程 林云来纂辑

鄞县 曹炳章赤电校点

小 儿 门

小儿初受气法

小儿受气在娠，一月胚，二月胎，三月血脉生，四月形体成，五月动，六月筋骨立，七月毛发生，八月脏腑具，九月谷气入胃，十月百神备而生。生后六十日，目瞳子成，能频笑，识人。百日任脉生，能反复。百八十日尻骨成，能独坐。二百十日掌骨成，能匍匐。三百日髓骨成，能倚立。三百六十日为一期，膝骨成，乃能行立。此是定法，若有不依期者，必少寿也。

· 小 儿 相 法

儿生，枕骨未成者，能言而死。膝骨不成者，能踞而死。掌骨不成者，匍匐而死。踵骨不成，能行而死。胸骨不成者，能立而死。又初生头四破者，不成。啼声散者，不成。汁不流，小便凝如脂者，不成。此其大略也。

小 儿 浴 法

初生浴儿，用猪胆汁一枚投汤中，令终身无疮疥。汤中勿加生水，浴讫断脐。

生三日浴法

桃李梅根二两

水煎浴之，去不祥，令无疮疥。或入麝香少许。

虎头骨汤浴法 镇心安神，永无惊风、癫

痫、疮疥、痼疔之患。

虎头骨五两 赤金十两 白芷二两 苦参四两

水煮，入猪胆汁，浴儿。

白 噤

论曰：凡儿初生，便口噤不能饮乳者，此由在胎时母脏腑有热，熏蒸胞胎，热气入儿心脾，致初生后热结于口，点生中如黍米大，令儿不能吮乳，名曰口噤。

竹沥饮 治口噤，体热。

竹沥

一合，水顿令温，分三服，徐徐灌下，差。

又方 治小儿口噤，病在咽中，如麻豆许，令儿吐沫，不能哺乳。

雄鼠屎

一枚，研涂舌上，与儿饮，差。

撮 口

论曰：小儿初生未满七日，面赤喘促，啼声不出，乳哺艰难，名曰撮口。盖因胎中受风挟热，始生之时气血未定，洗浴当风，捧抱失宜，致成斯疾，最为急切，宜速治之。

麝香散 治初生胎热撮口

麝香 丹砂一分 蛇蛻一尺许，炙赤，研共研，津液和涂儿唇口上，五七次。

牛黄竹沥散 治胎风热，撮口发噤。

牛黄一分 竹沥半合

用沥和黄一字服之，三四岁儿服二字，良。

鹅口

论曰：小儿初生，口中有白屑如粟米状，鼻外有疮，至舌上又生疮，谓之鹅口。此由胎中禀受谷气偏多，既生之后，心脾气热上薰于口，致成斯疾。盖心主舌，脾之络脉散于舌下故也。

爪断法

治小儿初生，连舌下有膜，如石榴子者中隔。连舌下致令儿语不发，舌不转也。

以爪甲摘断，令微有血出，无害。若血不止，可烧乱发灰涂傅，即差。

鹅口

栗房

用井花水浓煎汁，以绵缠箸头，拈拭之。如无栗房，以栗木代用。

白矾散 治鹅口不能吮乳。

白枯矾 丹砂一分

同研细，傅舌上。日二、夜一。

又方

白鹅屎

用水绞取汁，沥涂口中舌上下，良。

重腭

论曰：小儿初生，上腭有物胀起，若悬痈或如芦菴盛之状者，名曰重腭。此乃脾胃挟热，血气不能收敛，令口中舌下或在腭颊如吹脬。速宜以绵缠长针，微露锋芒，刺肿上，决去恶血，则其病可消。若再生，再刺。不尔则胀满口中，妨害乳食、呼吸，不可少缓也。

二乳饮 治小儿重腭。

驴乳 猪乳二合

以二乳和煎，频服一二匙，良。

又方 治小儿重腭。

蛇蛻 露蜂房各烧灰

研匀，涂口中，差，日二。

脐风

论曰：初生断脐后，脐疮未愈，不可令犯风邪，及浴水入疮，湿冷棚抱，皆致脐风。其候脐肿多啼，甚则风行百脉，口噤不乳，身体反强，乃致不救。

锦白散 治初生七日脐风，发肿，欲落者。

锦帛烧存性，一钱，研 雄鼠屎七枚，炒研 麝香少许 大枣肉三分

共末。脐欲落不落，用末傅之，忌见外风。

川柏散 治脐风，汗出不止。

川柏两半 乱发灰一分 釜黑煤三分

共研末，傅上，良。

解颅

论曰：肾为一身之骨髓，脑为髓海。若肾气和平，则骨髓充足。骨髓充足，则颅囱圆满。若肾气不足，则骨髓不充，年虽长大，其头缝尚开，故名曰解颅，又名凶解。

细辛散 治解颅。

细辛 桂心 干姜炒，五钱

共末。用乳汁和傅囱上，日二三。

封囱散 治囱门开解。

柏子仁 细辛 白芨 防风一两 草乌

五钱

共末。乳和傅开处。

蟹足散 治囱门开解。

蟹足炙 白敛五钱

共研末。用乳汁和傅开处，日二。

甘菊汤 治小儿鼻中多涕，是脑门为风所吹。

甘菊花 炙甘草一两 防风五钱 山萸肉四钱

水煎二钱服，日二。

合囱散 治囱门不合

防风 白芨 柏子仁一两

共末。用乳汁和涂，以合为度，日二三。

鸡血涂 治脑长凶不合。

丹雄鸡

就儿凶上刺冠，令血滴凶上，以赤芍药末粉之，日二。

蛇蛻膏涂 治脑长发大，凶开不合，臂胫不能胜头。

蛇蛻烧灰

研末。以猪颊骨少许和涂上，日二次，差。

凶 陷

论曰：人之冲气，内闭于胃，上通于顶凶。小儿胃气冲和，则脑髓充足，凶顶自合。若胃热熏蒸，腑脏竭，渴而引饮，或致泄利，则腑脏血气虚弱，不能充髓脑，所以凶陷也。

生地散 治小儿脏腑壅热，气血不荣，致凶陷也。

怀生地二两，酒洗 乌鸡骨酥炙，一两

共为末。用米饮下一钱，日二。儿小者服三五分，以差为度。

狗头骨涂 治小儿胃虚，气血不充，凶陷。

雄狗头骨酥炙黄

研末。以鸡子白和涂凶上，日二三，以瘥为度。

地黄丸 治小儿胃虚，血气弱不充足，凶陷。

怀熟地 白术 白芍药 川归五钱 桂心一两

共末，入蜜，丸如黍米大。饮下一二十丸，日二。

急 惊 风

论曰：小儿急惊之状，身体壮热，痰涎壅滞，四肢拘急，筋脉牵掣，项背强直，目睛上视，牙关紧急，谓其发动掣急，故名急惊，此因心络受邪所致。盖心藏神而主血，小儿血气不和，宿有实热，若为风邪所乘，则热盛血乱，血气相并则神舍不安，故卒然而惊，古人所谓阳痫是也。

龙齿散 治小儿急惊风，四时伤寒，壮热，口焦干，目翻露，搐搦，昏迷。

龙齿二钱 丹砂 麝香五钱 铅霜三钱

共末，研匀。用水煎金银葱白汤下三五分，汗出立愈。

黑神丸 治小儿急、慢惊风。

牛黄 麝香 冰片 青黛五分 膩粉二钱 芦荟 京墨 使君子 白面一钱

共研，陈米糊丸芡实大。薄荷汤下一丸。

蝎梢散 治小儿急、慢惊风。

蝎梢 乌头尖七枚 丹砂五分 附子生，一分 半夏一枚

共末，柳枝汤下。

慢 惊 风

论曰：小儿慢惊者，痫病发于阴也。由在胎时禀受不足，心气虚弱，外中风邪，入于脏腑。其发则手足痿痹，头目摇动，牙关紧噤，神情如醉，休作有时，潮搐不定，谓之阴痫。治则外以灸法，内以药饵，临机应变，可谓上工。若症见息高、鱼口、泄泻、遗尿者，皆所不治。

羌活丸 治小儿慢惊风，兼内外俱虚。

羌活 防风 人参 独活 桂心一分 硫黄 水银二钱 白附子五钱 全蝎 白僵蚕一分

共末，枣肉丸小豆大。防风汤下一二丸。

全蝎散 治小儿慢惊风，兼内外俱虚。

全蝎五枚 乳香 细辛一分 青黛 白附子五钱

共末，冬瓜子汤下。

珍珠丸 治小儿慢惊风。

珍珠 牛黄 丹砂 雄黄 膩粉一分

共末，研匀，用陈米糊丸小豆大。用薄荷汤下五七丸，日二。

睡脾散 治小儿慢惊风。

人参 半夏 胆星 山药 全蝎 薄荷一分 桑螵蛸四枚

共末，入麝香少许，拌匀。用粟米饮下五

分。

钩藤煎 治虚风慢惊。

钩藤 防风 川芎 天麻 麻黄一分

蝎梢 荆芥穗 蝉蜕五钱 冰片 麝香一字

白僵蚕 薄荷心各二十一枚

共末，入蜜杵丸皂子大。用荆芥薄荷汤下一丸。

天竺黄散 治小儿慢惊风，经久不瘥。

天竺黄 人参 使君子 炙甘草 蝎梢

胡黄连一分 冰片 麝香五分 半夏姜炒，二枚 藿香五分

共末。蜜汤下三、五分。

天 疳

论曰：小儿卒然惊悸，眼目翻腾，壮热不止，四肢抽掣，上仰如钩缚之状，名曰天疳。乍作乍止，此风热痰涎之所发也。良由乳母恣啖五辛热酒之类，毒热气流入乳中，因即乳儿，儿饮热乳，腑脏风热，脾胃生涎，痰涎既生，必壅滞不得宣通，致令心神不宁，为天疳之病。

赤灵丸方 治小儿天疳、痼病、急慢诸风。

丹砂研，水飞过 人参各一两，为末 酸枣仁研，二两 乳香研，半两 白面二钱

生蜜和膏，入新竹筒内，以油纸封扎定，坐饭甑上炊，俟饮熟为度。分作三十丸。每一丸分四服，薄荷汤化下，更量儿大小服之。

白僵蚕散方 治小儿天疳。

白僵蚕炒 马牙硝 郁金 干蝎去上炒，各半两

为散。每服一字匕，乳汁调服，甚者半钱，不拘时候

天南星散方 治小儿天疳。

天南星大者一枚，掘地作坑，安砖子一片，先用火烧赤，后放南星于热砖上，用酒半升倾天南星上，即用盏子盖之，候冷

为散，每服一字，温酒调下。二岁以下用乳汁调。

备急涂顶膏方 治小儿天疳。

乌头末 芸苔子末，各二钱

每用一钱，新水调傅儿顶上。

诸 疳以下原缺，今补时方。

论曰：疳之为病多矣。钱氏谓二十以下为疳，二十以上为癆，二症同出而异名也。总之不外毛发焦稀，口噤唇白，眼昏脊耸，腹胀肠鸣，或食炭、米、泥土等物。又有五疳之分：心疳即惊疳，其症壮热，脸赤，唇红，口疮，盗汗，烦渴，便赤，虚惊是也。肝疳即风疳，其症摇头，侧目，白膜遮睛，筋青，燥渴，汗多，下痢是也。肾疳即急疳，其症脑热，肌削，手足如冰，寒热时来，滑泄，肚痛，口干，爪黑是也。肺疳即气疳，其症咳嗽喘逆，皮肤粟立，口鼻作痒，生疮，流涕，咽喉不利是也。脾疳即食疳，其症身黄困倦，肚大脚细，水谷不消，泻下酸臭是也，此五脏成疳之谓也。其外又有脊疳、脑疳、虫疳、蛔疳之不同；疳渴、疳泻、疳肿、疳劳之各异。然详其始，幼者不出哺乳失常，大者不过甘肥无度所致，总在随症斟酌，治之不可执一端以误事也。盖疳者，干也；因脾胃津液枯涸，治宜调补胃气为主。

福建煎红丸 治小儿疳积初起，各种疳症皆宜服之。

槟榔一斤 大黄一斤 牵牛末一斤 雷丸五钱 三棱六两，醋炒 蓬术六两，醋炒 贯众五钱炒 商陆五钱，炒 沉香五钱 藿香五钱 木香一两五钱 丁香三钱 青木香三两 速香五钱 香附米二两 生漆渣四两 楝树根八两 牙皂八两，煎汁 茵陈八两，煎汁 金毛狗脊二两，煎汁

不煎汁者各为细末，再用使君子肉二两同大黄、好酒浸一日夜，先放柏叶于锅底，次放大黄、使君子肉在上，酒煮三炷香，取出二味晒干为末。各色先以一圈者，槟榔、牵牛末跌起，次用二圈者，次用三圈者，次用四圈者，将前汁跌为丸，以百草霜为衣。看儿大小虚实，自一钱至三钱止，空心温茶送

下。

芦荟肥儿丸 治诸疳，并鼻下生疮，爱吃泥、炭、米、土诸物，神效。

五谷虫二两，煨 芦荟一两 胡黄连炒，一两 川黄连姜汁炒，一两 银柴胡炒，一两二钱 扁豆炒，二两 山药微炒，二两 山查肉饭锅内蒸透，一两五钱 虾蟆肥大者，四只，煨 肉蔻面裹煨去油，七钱 槟榔六钱 使君子肉炒，一两五钱 神曲炒，二两 麦芽炒，一两六钱 鹤虱炒，八钱 茺萸炒，去皮膜，一两 朱砂二钱 麝香五分

共为细末，醋糊为丸如黍米大。每服，大者二钱、小者一钱，米饮汤下。

蒸鸡丸 治肾疳成癆，骨蒸潮热，盗汗瘦弱，腹急面黄，食不生肌，日哭夜啼。

黄连 柴胡 茺萸 鹤虱 秦艽 知母 丹参 使君子肉等分

上为末。用黄雄鸡一只，重一斤者，笼之。用大麻子饲之五七日，去毛令净，于背上开一孔，去肠肚，拭干，人前末药于鸡腹内，以线缝之。先以黑豆铺三寸于甑底，再安鸡于甑中，仍以黑豆盖满，自朝蒸至晚，候温冷，取鸡肉研烂，同前末药入酒、面糊丸如赤豆大。二岁者，米汤吞服二十丸。十五岁，温酒吞五十丸。忌猪、鸡肉。

无 辜 疳

论曰：小儿病，面黄发直，时时壮热，饮食不生肌肤，头项生核状如瘤赘，以无辜面得，故名无辜疳。由小儿嗜肥甘过多，虫因甘动，内缓脾气，饮食不调所致也。治之当如治诸疳之法。凡小儿头项有核如弹丸，按之虚软，法当去之。为此核初生软而不痛，中有虫如米，得热气则能蔓生。蚀小儿腑脏。故外证肌瘦悴，毛发耸直，下痢脓血，体常疮痍脓漏不已也。无辜疳者，言天有鸟名曰无辜，昼伏夜游，洗浣衣被露之经宿，或遇此鸟飞从上过，将衣被与小儿穿卧，便令儿有此疾，古人立言必有所据。

丹砂丸方 治小儿一切无辜，黄瘦，腹痛，疳痢，或有虫，冷熟悉宜治之。

丹砂 雄黄 干虾蟆一枚，去头足，涂酥炙焦为末，研 石菖蒲 漏芦各一两 麝香一分，研

以菖蒲、漏芦为末，与余四味入乳钵同研匀，再罗，粟米饭为丸如麻子大，每服二丸，米饮下，空心、后午各一服，随儿大小加減。

芦荟散方 治小儿无辜疳，气寒热积滞不化，心腹胀痛。

芦荟研 人中白研 虾蟆炙黄，各半两 麝香研，一分

为散，再合研令细。每服一字至五分，熟水调下，不拘时，日二服。后当下恶物，量大小加減。

鳖甲丸方 治小儿无辜疳。

鳖甲醋炙黄，去襁 黄连 桔梗炒 夜明砂 各一两 诃梨勒皮一两，半生半熟 麝香一分 干虾蟆雄者，一枚，涂酥炙黄

为末，以糯米饮为丸，如绿豆大。粥饮下七丸。疳痢亦宜服，日三，量大小加減。

哺 露 丁 奚

论曰：小儿乳哺不调，伤于脾胃，脾胃衰弱不能饮良，血气减损不荣肌肉，而柴辟羸露，其脏腑不宣畅，则吸吸苦热，谓之哺露也。丁奚者，黄瘦，腹大颈小，与无辜、哺露二候大体相似，以轻重立名也。

十全丹 治丁奚、哺露。

陈皮 川芎 青皮 莪术煨 五灵脂 白豆蔻 槟榔 芦荟各五钱 木香 使君子 虾蟆各二钱

上为末，猪胆汁浸糕糊丸麻子大。每服二十丸，米饮下。有热，薄荷汤下。

赤芍药丸 治小儿丁奚，虽食不生肌肉，腹大，食不消化。

赤芍 大黄微炒 鳖甲醋涂炙令黄，去襁，各三分 桂心 柴胡 赤茯苓各等分

上件药捣为末，炼蜜和丸如麻子大。每服五丸，日三服。

人参丸 治小儿羸瘦，腹大青筋，及丁

奚等病。

人参 麦冬去心 半夏汤洗 黄芪 大
黄微炒 茯苓 柴胡 黄芩各三分 甘草炙
芍药半两 诃梨勒煨、用皮 鳖甲醋炙黄，去闾边，
各一两

上件药捣罗为末，炼蜜丸如麻子大。一
二岁以粥饮下三丸；四五岁五丸，日三服，量
意加減用。

呕 吐

有物有声名曰呕，有声无物则曰干呕，有
物无声曰吐，皆因胃气不和。阳明之气下行
则顺，今逆上行则呕吐。有因胃寒、胃热、痰
水、宿食、气攻之症，有乳吐、热吐、寒吐、
冷吐、伤食吐、伤寒吐、各受症不一，治法
不同。但儿啼未定，气息未调，遽以乳饮之，
其气尚逆，乳不得下，停滞胃中，则令呕吐。
又乳母贪凉，冷气入乳，儿若饮之，亦生呕
吐。或因宿食未消，或解脱衣服因受风冷之
气入于腠理，则腹胀痛，呕吐。热吐者，先
去风痰。冷吐者，宜固胃气。痰吐宜下其痰，
次与固正气的药。食吐者，当与塌气。诸症
岂可一概治之？吐泻不止，脾虚生风，眼开，
风惊；眼合，慢惊。慢脾当要固养正气，若
仍以惊药治之，则死不旋踵，若不参详治疗，
岂不误哉！

加味二陈汤 治胃有热，膈上有痰，以
成呕吐。

半夏制 橘红 茯苓 甘草炙 黄连姜
汁炒 山梔子炒黑 生姜各等分

水一盅煎至六分，缓缓热服。

加味理中汤 治寒痛呕吐。

人参 白术 干姜 甘草 丁香

上药各等分，用水一盞半，煎六分，热
服。

藿香正气散 治小儿风寒呕吐。

藿香 紫苏 陈皮 桔梗 大腹皮 甘
草 茯苓 厚朴 白芷 半夏曲

上锉为末。每服二钱，加姜一片、枣一

枚、水一盞，煎至六分，去滓，温服。

竹茹汤 治小儿积热呕吐。

葛根三钱 半夏制 竹茹各二钱 甘草一
钱

共为末。用水一盞半煎八分，去滓，临
服加生姜汁一茶匙。

朱沉丹 治小儿呕吐不止。

朱砂二钱半 沉香三钱 藿香三钱 滑石
半两 丁香十四粒

上为细末。每服半钱，用新汲水一盞，芝
麻油滴成花子，抄药在上，须臾坠，滤去水，
却用别水，空心送下。

紫金核 治小儿一切呕吐。

半夏汤洗姜制 人参 白术 木香 丁
香各二钱半 藿香三钱

上为细末，稀面糊为丸如李核大。后用
沉香一钱为末，朱砂一钱水飞，二味同研匀，
为衣，阴干，每服一丸。用小枣一枚去核，纳
药在内，湿纸裹，烧熟，嚼与小儿服，后以
米饮压之。

圣惠散 治心神烦热，呕吐。

麦冬半两 淡竹茹半两 甘草 人参
茅根 陈皮去白，各五分

上为末。每服二钱，水一盞、姜三片煎
至五分，温服，日二、三服。

绿豆饮 治呕吐，误服热药。

绿豆粉一两 黄连 干葛 甘草各五钱

上除豆粉外，余药三味共为细末，入乳
钵同绿豆粉杵匀。每服半钱至一钱，温豉汤
调服。

嘔吐

论曰：小儿初见乳自流出，谓之观。观
之不已，谓之吐。吐之不已，则作呕吐。呕
吐不已，则传逆。逆之不已，即作嘔。自呕、
逆、嘔皆有出声动气，呕者，口开而作；逆
者，心胸上下气逆郁结；嘔者，无物可出，即
膈虚胃寒引气嘔嘔作声。皆由哺乳冷，冷乳
入胃与胃气相逆，冷伤胃气不得宣通，故作

嘔也。此候若不調和胃氣，養正祛邪，須臾症變，而慢驚、慢脾風者立至也。

又曰：小兒嘔、嘔、吐、嘔四症，皆胃有傷。而發現，則如簷水射出；嘔則開口而作；吐者，吐出有物；嘔者，無物可出。失于調治，則慢驚由此而成。四者之候同，而每症之寒、熱、虛、實有異，必須察其脈症以治之。

六君子湯 治小兒胃寒作嘔。

人參 白朮土炒 茯苓 甘草炙 陳皮 半夏制各等分

上銼咀，加姜三片、水二盅煎八分，溫服。

泄 瀉

論曰：小兒肌膚、脾胃脆弱，若角脫不時，風邪易侵，客于肌肉，搏于胃經，則為胃風。其狀腹善滿，食寒則泄，診形瘦腹大。蓋足陽明胃之經，其支者，起胃下口，循腹里下至氣沖，故風冷入中則腹善脹大。又胃為水谷之海，得寒則食物不化，氣血虧損，故泄瀉而形瘦也。

胃風湯方 治小兒胃風泄痢，腹脹腸鳴。

人參 白茯苓 川芎 桂心 白芍藥 當歸 白朮

每服一錢，入粟米半匙同煎，溫服。空心、食前，日二，以意加減。

河梨勒湯方 治小兒胃風，腹脹，得冷則泄痢。

河梨勒煨，用皮 當歸炒 黃連炒，各一兩 甘草炙 木香 干姜各等分

每服一錢，水煎，放溫，不計時候服。

厚朴散方 治小兒腸胃風冷，泄痢水谷，腹脇脹滿，不欲食。

厚朴姜汁炙 黃連各半兩 丁香 肉豆蔻 當歸 木香 龍骨 白朮各一分

為散。每服半錢，以粥飲下。食前服，日三，量意加減。

洞泄注下

論曰：小兒下痢不止，食已即泄，名為洞泄注下。此由風邪客于腸胃，方春之時為風冷所傷，藏在肌肉，至長夏陰氣方盛，或因飲食居處不慎，復被同冷入于腸胃，其症下痢，冷盛則重，故為洞泄注下，俗謂之水谷痢是也。病本于風，若甚則變胃風証。

草豆蔻湯方 治小兒洞泄不止。

草豆蔻二枚，去皮 高良姜 人參 甘草 各一分 干木瓜 一分 白茯苓 桔梗炒，各半兩
每服一錢，生姜七片，水煎，分三服，乳、食前各一，量加減。

梁米湯方 治小兒洞泄注下，水谷不分。

梁米 稻米 黍米各三分 蜡如半彈大

以東流水二升煮梁米三沸，去滓，留汁，煮稻米三沸，去滓，復以煮黍米三沸，去滓，置蜡于汁中和之，候蜡消，放溫，每以半合分為二服，空心、午後各一，更量兒大小加減。

厚朴湯方 治小兒泄瀉不止。

厚朴姜汁炙 黃連去須，各一兩

一二歲兒每用一錢，姜二片、水煎。分溫二服，空心、日午各一，量大小加減。

黃連丸方 治小兒腸胃虛寒，洞泄下痢，腹痛。

黃連炒，半兩 干姜 吳茱萸炒，各三錢 肉豆蔻三枚 草豆蔻一枚

為末。燒粟米飯和丸如綠豆大。每服七丸，乳、食前米飲下，量兒大小加減。

燕口瘡

論曰：小兒燕口瘡者，口吻兩際瘡生如燕口，世亦謂之肥瘡，此由脾胃客熱上沖口唇，熏發為瘡。或者以燕泥和麝少許傅之甚良，蓋治之以其意也。

胡粉散方 治小兒燕口瘡。

胡粉炒，研，一分 黃連末半兩

二味，同研勻，以少許敷瘡上。

治小儿燕口及口内生疮方

羖羊髭烧灰

一味研细，以腊月猪脂和，日三四上涂之。

又方

鸡臄脰黄皮不拘多少，烧灰

一味研为末，以乳汁调半钱，日三。

黄柏皮散方 治小儿燕口疮。

用黄柏皮为末，甄汁，调涂傅疮上，差。

语 迟

论曰：心为言，肝为语，其经属于手少阴、足厥阴，其气上通于舌。舌者，声之机。若禀受之初，母怀惊怖，则子之心火不足而肝木弱，令机关不利，气不宣扬而语迟期者，有经数岁月而不能言者。

鸡头丸方 治小儿诸病后，六七岁不能语。

雄鸡头烧灰，一枚 鸣蝉去翅足，炒，三枚 甘草炙，半两 麦门冬一两半 大黄炒，一两半 当归三分 黄芪三分 川芎三分 远志去心，半两 木通半两 人参一两

为末，炼蜜丸如绿豆大。每服以粥饮送下五七丸，量儿大小加减，不计时候。

菖蒲丸方 治小儿五六岁不语。

菖蒲 人参 黄连各半两 丹参 赤石脂各三分 天冬去心 麦门冬去心，各一两

上为末，炼蜜丸如绿豆大。每服五七丸，温水下，不拘时候，日三，量儿大小以意加减。

齿 不 生

论曰：牙齿是骨之所终，髓之所养，手阳明、足阳明之脉并入于齿。若血气充实，则骨髓强盛，虽其齿损落，犹能更生也。若虚弱者，血气衰耗，同冷乘之，致令齿久不生。假令生者，或龋，或虫，落不能复生也。

治小儿牙齿不生方

雄鼠粪二七枚

一味，每日用粪一枚齿根上拭，至二十一日其齿即生。

又方

道旁遗稻粒

一味，于齿根落处，点三七下，其齿自生。

治小儿齿不生，无问远近皆得便生神效方

雄鸡粪二七枚，头尖者 雌鸡粪二七枚，头圆者 上二味，用火烧灰存性。先用针挑开齿龈上，后以鸡粪灰点之。

涎 液 不 收

论曰：小儿因气不升降，膈腕痞滞，致令乳饮不化，流入胃中，随气上溢，故令多涎。其候胸满短气，饮食迟化。《内经》谓脾为涎。当调脾胃，升降其气，则病可愈。

半夏丸方 治小儿脾胃气不升降，气溢于上，涎液不收。

半夏炒，一两 白矾生研，半两

先以半夏为末，再入白矾和匀，面糊和丸，如粟米大。每服五七丸，量轻重加减，食后、临卧姜汤下。

桑白汁方 治小儿脾热，乳食不下，胸膈痞闷，涎溢不收。

新桑根白皮不计多少，细锉

自然汁涂于儿口内，立效。如无新桑根白皮，取干者一两细锉，用水一盏煎一半煎放温，涂儿口亦可。

是书三副凑合仍缺小儿方五卷。一百七十三卷至一百七十七卷止。余于秘阁内府江浙齐梁诸鉴古家遍访，无有藏本，欲补全而未能。同学项视庵搜求小儿今古方论，补全五卷，议论简要，方法详明，可称全璧矣。诸疳以下即其所补也。

黄海程林识

圣济总录纂要 卷二十六

清 新安 程 林云来纂辑

鄞县 曹炳章赤电校点

神仙服饵门

神仙服草木药石

论曰：神仙服草木，必取其柯叶坚固，形质不变，若松柏、茯苓之类，其意盖以延年益寿为本。至于其它，非具五行之秀，则必备四气之和，其意深矣。《千金》谓：服饵大法，必先去三虫；三虫既去，次服草药；草药得力，次服木药；木药得力，次服石药，精粗相代，由粗以至精，其序不可紊也。

黄精丸方 延年补益，疗万病。

黄精十斤，洗令净，蒸烂熟 白蜜三斤 天门冬三斤，去心，煮令烂熟

拌和，令匀，置于石臼内捣一万杵，再分为四剂。每一剂再捣一万杵，取出丸如梧桐子大。每服三十丸，温酒下，日三，不拘时。

兔丝子丸方 明目，进饮食，益精，壮下元。

兔丝子一斤，酒浸三日，控干，捣末 甘菊花去土，捣末

拌和令匀，炼白蜜为丸，如梧桐子大。每日清晨至晚后，食前以温酒送下二十丸至三十丸。进食倍常，频频泄气，是药之应。若诸般眼疾，黑花昏暗者，并宜服之。

黄精酒方 延年益寿，返老还童，除万病。

黄精五斤 天门冬去心，三斤 松叶 枸杞根各五斤

捣为粗末，以水三石，入前药在内，煮二石，用糯米一石、细面曲半秤，蒸米曲入在前药水中，封闭二七日，熟，任性饮之。

地髓散方 长年保命。

生干地黄四两 香附根 茜根 地骨皮 洗糖 庵闾子 茅草根各一分

上六味，择日修合，春用甲子，夏用丙子，秋用庚子，冬用壬子，捣罗为细散。每日早晨温酒调下一钱匕，午后再服。五十日后诸疾不生，身体轻强。养血去风，治吐血、衄血、失血诸疾。

灵仙散方 轻身延年，却老还童。

白茯苓一两 巨胜子酒浸半斤，九蒸晒 天门冬去心 白术 杏仁去皮尖 干黄精各一两

上六味，捣罗为细散。每于食前水饮下三方寸匕，日二服。或以蜜丸如赤小豆大，每服三十丸，温水下。

松实丸方 延年复命。

松实 柏实净拣，各三两 松脂炼成，十斤 甘菊花五升

为细末，炼蜜和捣五六百下，丸如梧桐子大。每日食后、午前温米饮下二十丸，渐加至三十丸，至百日不饥，颜色光润。

胡麻散方 益寿延年，去客热。

胡麻子 白茯苓 生干地黄 天门冬去心，各八两

为细散。每服方寸匕，食后温水调下。

芡实散方 河上公益寿延年。

干鸡头实五两 忍冬茎叶，拣无虫污新肥者 干藕各一斤

三味于甑内炊熟，暴干，捣罗为细散。每

日食后新汲水调下一钱。

益寿地仙丸方

甘菊花三两 枸杞二两 巴戟天二两 肉苁蓉酒浸一宿，洗净，切片焙干，四两

为末，炼蜜和丸，如梧桐子大。每日空心盐汤或酒下三十丸。久服清头目，补益丹田，驻颜润发。春、秋，枸杞、菊花加一倍；冬、夏，苁蓉、巴戟加一倍，服饵勿令断绝。

辟谷木耳丸方

木耳捣末 大豆炒熟捣末，八两 大枣煮熟去皮核，研，一斤

三味，炼蜜和丸如鸡子大。有食，日服一丸；无食，日服二丸。逢食即食，无食亦不饥矣。

服松脂辟谷不老方

松脂五斤 桑灰汁一石

二味，以灰汁一斗，于釜内煮松脂三五沸，取接置冷水中，候凝复煮之，如此十度乃止。逐度易灰汁并换冷水，其脂白矣。取炼成白脂研罗为末，每服一匙头，以酒或米饮调下，空腹、日午、近晚服。若至十两以上，不饥一年，以后夜视明日，久服不老。

绝谷升仙不食方

松实去皮 菊花等分

二味为末，炼过松脂和丸如梧桐子大，或炼蜜为丸。每服十丸，酒下，日三服。可至二十丸。亦可作散服二钱，空心、日午、近晚各一服。

天门冬丸方 辟谷延年。

天门冬 白茯苓 白蜡 白蜜 白羊脂去膜，各一斤

先捣罗天门冬、茯苓二味为末，次以清酒五升入大铛中煎三沸，纳羊脂煎三、五沸，又纳蜜并蜡煎五沸，掠去沫，次入天门冬、茯苓末，用柳木篦不住手搅令匀，火勿令猛，候煎成膏，可丸乃丸，如樱桃大。又取大杏仁一升，浸去皮尖，双仁研如膏，倾入净通油瓷瓶内，坐慢灰火中，纳前药丸子于杏仁膏中养令色白，即取离火，每服三丸，空腹温

酒下。

广福延龄丹方 去三尸，洁脏腑，镇七魂，明耳目。

丹砂研 雄黄研如粉 人参 白茯苓各二两 白术 乳香研，四两

上六味，各捣研为末和匀，入银器中，用白蜜和如稀膏。以油单封口，又以水和白面裹器物外，厚两指许，每日于饭上炊，候饭熟取下。如此半月，如药干更入蜜丸如梧桐子大。空心温酒下二十丸。忌羊血，其功甚大。

神仙巨胜丸方 轻身壮阳，却老还童，去三尸，下九虫，除万病。

巨胜即黑芝麻。二斤，酒浸一宿，九蒸九晒 牛膝酒浸，切焙 巴戟天 天门冬 山药 柳桂 熟干地黄 酸枣仁 覆盆子 兔丝子酒浸别捣，暴干 远志去心 菊花 人参 白茯苓各一两

拣择净，为末，炼蜜丸如梧桐子大。每日空心温酒下二十丸。服一月，身轻体健，万病不侵。

青元子返童散方 轻身延年，除百病，去三尸。

天门冬 人参 白茯苓 麦门冬 白菊花各六两

为散。每日温酒或饮调下三钱，不拘时候。服三年，身轻。

补 益 门

平 补

论曰：一阴一阳之谓道，偏阴偏阳之谓疾。不明乎道，未有能已之疾者。世之贪药石，惟务酷烈，非徒无益，反伤和气。故方平补之法，欲阴阳适乎其中也。

平补五脏延年治百病方

兔丝子酒浸七日，炒黄，三两 覆盆子 车前子 巴戟天 远志 生地黄 白术 细辛去

苗叶 何首乌 菖蒲 地骨皮 牛膝 一两
续断 菊花去梗、萼，各一两半

除菊花外，以温水和酒少许洗过，焙干，杵罗为末，炼蜜丸如梧桐子大，每日空心常服三十丸。男子，盐汤下；妇女，醋汤下。午食前更一服。至十服，其人病有发时，是药动病本，功应也。

枸杞丸方 平补心肾，延年驻颜。

枸杞子 肉苁蓉酒浸一宿 菊花 黄芪涂酥炙 桂心 牛膝酒浸一宿 生干地黄酒浸一宿 远志 山药各一两 人参 白茯苓 柏子仁炒，酒浸，各一两半

上为末，以浸药酒煮面糊丸如梧桐子大。每服空心酒下三十丸，盐汤下亦可。

无比山药丸方 平补诸虚百损，五癆七伤，头痛目眩，手足厥冷，或烦热有时，或冷痹骨疼，腰骭不随，饮食虽多，不生肌肉，或少食而胀，体无光泽，阳气衰绝，阴气不行。此药能补经脉，起阴阳，安魂魄，开三焦，破积聚，厚肠胃，强筋练骨，轻身明目，除风去冷，无所不治。

干山药二两五钱 肉苁蓉四两，去皱皮，酒洗，焙 五味子二两五钱 兔丝子酒浸，三两，研烂，焙干 杜仲炒，三两 牛膝酒浸二两 山茱萸二两 熟干地黄二两 泽泻一两 茯神去皮，二两 巴戟二两 赤石脂一两 一方有远志二两

上为末，炼蜜和丸如梧桐子大。每服二十丸至三十丸，食前温酒下，温米饮亦得。服之七日后令人身轻健。四体润泽，唇口赤，手足暖，面有光悦，消磨饮食，身体安和，音声清响，是其验也。十日后长肌肉。此药通中入脑，鼻必酸疼，勿怪。

六神丸方 平补诸虚，大益气血。

石菖蒲 地骨皮 牛膝酒浸 兔丝子酒浸，炒 生干地黄 远志各等分

上为末，炼蜜丸如梧桐子大。每服二十丸，空心、食前温酒或盐汤下，加至三十丸。

山药四倍丸方 平补，除风疾，益年寿。

山药半两 枸杞子一两 甘菊花二两 熟

干地黄四两

为末，炼蜜丸如梧桐子大。空心、食前盐汤下三十丸，温酒亦可。

补骨脂丸方 平补诸虚，益精壮阳。

补骨脂 松脂 白茯苓 山药各八两 杏仁去皮尖双仁炒，三升 胡桃肉 大枣各一斤 桂心 牛膝酒浸 泽泻 菖蒲 薏苡仁 草薢 槟榔各一两 鹿角胶炙燥，十两 独活 蛇床子 蒺藜子炒去角，各一两 生地黄廿斤，取汁上除地黄汁外为末，以水煎至地黄汁成膏，入药，点蜜和丸，如梧桐子大。每服空腹温酒下三十丸。

峻 补

论曰：阴阳之气，本自和平，过则生患。峻补之药施于仓卒，缘阳气暴衰，真气暴脱，或伤寒阴证诸疾，急于救疗者，不可缓也。盖人禀受有限，嗜欲太过，病疾横生，固当取阳气以扶衰。弱则峻补，诸方经所谓补下治下制以急，急则气味厚者，引之谓也。

青硫丸方 治久冷，峻补元脏。

硫黄一斤，酒、甘草、水浸研三日 附子去皮脐 山茱萸各四两 牛膝酒浸，三两 白豆蔻去壳，二两 木香二两 肉豆蔻去壳，三两 艾叶一两，干

为末，拌匀，蒸木瓜肉和捣为丸，如梧桐子大。每服十丸至十五丸，空心盐汤下。如脚腰疼痛，用木瓜汤下。

益神丸方 补元脏久冷。

硫黄酒并甘草水浸一日 木香 肉豆蔻 槟榔 桂心 青橘皮去白，各一两 附子去皮脐 干姜各一两

为末，和匀，用糯米粥丸如梧桐子大。每服十丸至十五丸，空心酒下。

补 虚 益 气

论曰：形不足者，温之以气；精不足者，补之以味。形精相成，气血生化，则荣卫循流不失其度。食饮不节，起居非常，嗜欲过

度，神惫精摇，则其气将耗，虚损之疾由是而生。治法当补虚益气。

兔丝子丸方 补元脏，益脾胃。止腹脐疼痛，思进饮食。固真气，美颜色。

兔丝子水淘去浮者，用酒浸七日，别捣羊脂各二两

肉苁蓉酒浸一宿，四两 黑狗脊骨并髓，炙焦，一两半，黄耆亦佳 枳实炒，一两 熟干地黄二两 山药一两

为末，酒煮面糊丸，如梧桐子大。每服三十丸，米饮下，空心、食前各一服。

地黄沉香丸方 治上热下冷，五劳七伤，补益虚损。

沉香 鹿茸酒浸，酥炙 肉苁蓉酒浸 牛膝酒浸 附子去皮脐，各三两 兔丝子酒浸一宿，另捣末，三两 巴戟天 川芎 石斛 山茱萸 木香 羌活 补骨脂 蛇床子 楝实取肉 人参 桂心 茯苓子炒 槟榔 骨碎补 安息香 胡桃瓤二枚，研，各一两

上为末。别取地黄自然汁七升、枣膏四两、酒三升、蜜半斤、酥五两于银石器中熬如膏，放冷。入羯羊筒骨内髓斗斤，炼油，去滓，和前末，杵千百下，丸如梧桐子大。每空心温酒或盐汤下三十丸，加至四十丸。

四补丸方 益气血，补元脏，悦颜色。

柏子仁生绢袋盛 何首乌切片 肉苁蓉切片 牛膝生绢袋盛，各三两

用酒三升，春、夏，浸七日；秋、冬，浸二七日。取牛膝、柏子仁先捣如泥，次将何首乌、苁蓉杵得所为丸如梧桐子大。每服二十丸至三十丸，空心温酒下。

补虚益精髓

论曰：《内经》谓肾者主水，受五脏六腑之精而藏之。又曰肾之合，骨也；骨者，髓之府。放嗜欲过伤，精髓耗惫，则必用补肾之剂以益之。凡病虚则补之，不必专用热药。若肾虚之证尤当以益精髓为先。《圣济经》谓阳剂刚胜，则曰天癸竭而荣涸，盖谓此也。

覆盆子丸方 治五劳七伤，骨髓虚惫。

覆盆子 鹿茸去毛，酥炙 巴戟天 五味子 桂心 山药各半两 黄芪 牛膝酒浸 熟干地黄一两 远志一分 肉苁蓉酒浸 石斛各三分

上为末，炼蜜丸如梧桐子大。空心温酒下三十丸。

仙丸方 补不足，填精髓，除风，变白。

生地黄廿斤，取汁 生牛膝十斤，取汁 生姜三斤，取汁 兔丝子酒浸，另取末 桃仁去皮尖，双仁炒 杏仁酒浸去皮尖双仁 巨胜子甑内炊熟，暴干，九遍，汤浸去皮，炒，研 蒺藜子各一升 白蜜

先将地黄汁量三升入银石器内，浸到处刻记定。次入余地黄汁慢火煎至刻处，次下牛膝汁又煎至刻处。其火常令如鱼眼沸。次下杏仁、桃仁末，次下巨胜末，次下蒺藜末，次下菟丝末，又下白蜜搅，勿住手，候可丸，即捣三千杵，丸如梧桐子大。每服空心温酒下三十丸，加至四十丸，晚再服。百日后，白发变黄；二百日后，从黄变黑，诸风悉除。尤补腰肾，益气明目。

金锁丸方 壮元气，益精髓，补虚损。

龙骨一两，茅香汤浴三遍，研如面 莲花蕊七八月采二两 鸡头粉三分 山茱萸酒浸取肉 沉香 肉苁蓉酒浸去皮 附子去皮脐 桂心

为末，以金樱煎膏丸。如无，即炼蜜丸如梧桐子大。空心温酒下二十丸至三十丸。

地黄煎方 治精极，填骨髓。

生地黄一斤，取汁 牛酥一斤 白蜜一斤

以慢火地黄汁减半，纳牛酥更煎，良久，次下蜜，搅匀，候稀得所，瓷器盛，每日空心、食前温酒调下数钱。

灵芝丸方 治脾肾气虚，补骨髓，通利耳目。

苍术一斤，米泔浸，时换水

以竹刀刮去皮并土，夏浸三日，冬浸七日，晒干为末。枣肉丸如梧桐子大，空心寒汤下三十丸至五十丸。苍术一味甚妙，人以至贱而忽之，服之胜它药多矣，熬膏亦佳。

补虚固精

论曰：肾主水，受五脏六腑之精而藏之。所谓天一在脏，本立始也。若肾衰精气不固。或因洩而出，或因闻见而溢，或因虚劳漏泄精气，或因邪气乘虚客于阴为梦遗，皆肾虚也。宜神益固之，涩以去脱之剂。

九物金炼丹方 治虚损，去风，闭精，固元阳。

龙齿 败龟板酥炙 雄蚕蛾 白莲花各半两 山药二两 巴戟天半两 莲子心 肉苁蓉各一两 雄鸡肝一具

为末，面糊丸如梧桐子大。每服十丸，空心温酒下。

补骨脂丸方 治梦泄。

补骨脂炒，四两 龙骨 山茱萸 巴戟天各一两

为末，炼蜜和丸，如梧桐子大。空心盐汤下三十丸。

神效散方 治梦泄。

白茯苓一两 猪苓二钱

先用水煮合宜，去猪苓，再将茯苓焙干为散，每服一钱，温酒下，空心、夜卧各一。

半夏丸方 治梦泄，除痰，利胸膈。

半夏二两，汤洗七遍，入猪苓四两，炒令猪苓紫色，去猪苓，用半夏

为末，酒面糊丸，如梧桐子大。每服十五丸，空心粥饮下。

韭子丸方 治肾脏虚冷，腰膝酸疼，冷痹，夜多小便，梦寐遗泄，日渐羸瘦，面无颜色。兼治女人恶露，赤白带下。

韭子七升，净拣

以醋汤煮干百沸，取出焙干，旋炒，令作油麻香，为末，炼蜜丸如梧子大。每日空心温酒下二十丸，加至三十丸。

补虚壮元阳

论曰：阴阳气血之在人，初无余欠。及劳动妄作，嗜欲过度，戕其太甚，则有阴阳

伤惫之病，气血虚损之证，法宜补之。

苁蓉丸方 补元脏，益精气，利腰脚。

肉苁蓉酒浸，二两 天雄去皮脐，一两 白马茎酥炙，二两 雀卵四十九枚 兔丝子酒浸三宿，一两

上将四味为末，以雀卵并炼蜜，丸如梧桐子大。每服十丸，空心温酒或米饮下。

兔丝子丸方 补虚益气，壮元阳。

兔丝子淘去浮者，以酒浸七日，烂研，焙干，三十两 茴香子炒，八两 青盐三两

为末，用浸药酒煮面糊丸，如梧桐子大。每服空心温酒下二十丸至三十丸。

补虚理腰膝

论曰：《内经》谓腰者，肾之府，转摇不能，肾将惫矣。膝者，筋之府，屈伸不能，行则僂仆，筋将惫矣。盖肾主腰，肝主筋，筋聚于膝。若肾脏虚损，肝无伤惫，则筋骨受病，故腰膝为之不利。

酸枣仁散方 治骨极肾虚，脚膝骨髓酸痛。

酸枣仁八两，微炒 虎胫骨二两，涂酥炙黄 熟干地黄八两 杜仲二两，炒黄 桂心三两 牛膝三两

上为散。每服二钱，胡桃酒下，葱茶亦可。空心、日午、夜卧各一服。

杜仲丸方 补下元，乌髭鬓，壮腰膝，进饮食，悦颜色，治腰疼。

杜仲炙为末 补骨脂炒香熟为末 胡桃仁汤浸去皮，研，各一两

研匀，炼蜜丸如梧桐子大。每服三十丸，空心温酒下。

地仙煎方 治腰膝酸疼痛，腹内一切冷病。令人悦泽颜色，骨髓坚固，行及奔马。

山药末一斤 杏仁去皮尖，一升 生牛乳一升

先将杏仁研细，人生牛乳绞取汁，次取山药末相拌，入新瓷器密封，安放釜中，重汤煮一日，煎成。每服一钱，空心温酒中。

兔丝子丸方 治腰膝积冷酸疼，或顽麻无力，壮真元。

兔丝子 牛膝 各一两

于银石器内好酒渍之，令酒过药一寸，经五日，控干，焙燥，捣罗为末。将原浸药酒煮面糊丸，如梧桐子大。每服三十丸，空心食前酒下。

神仙服饵三卷，非烹砂炼石，则嚼柏咀松，或吐纳清和，或斩除尸害，皆藏经所备

载，亦难行难用也，一概删去。今选其可服饵，延年驻颜者方十余道，又补益门方二十余道为养生家备用。博雅君子求全书翻阅，则余《纂要》一书济世婆心，广开闻见，当有尝识者矣。

康熙辛酉中秋日 静观居士程林题于邗上三一斋

《圣济总录纂要》终

[General Information]

书名=中国医学大成 (10)

作者=

页数=797

SS号=11150594

出版日期=



知盈医学资源网
www.knowwing.com



金沙医院
专业妇科疑难杂症治疗



廖艺
专家
咨询>>



杨碧玉
专家
咨询>>

点击咨询更多>>

医保定点医院 / 二级乙等医院
028 66250088
200032222

首 页 | 书 籍 | 文 献 | 视 频 | 软 件



搜索

热门标签: 中国百年百名中医临床家丛书(106) 海外回归中医善本古籍丛书(21) 曹洪欣(19) 中医古籍珍稀抄本精选(17) 掌纹(12) 王晨霞(12)

开业酬宾

惊爆价! 40头三七每斤280元

足头保证 纯干货保证 限时特价 数量有限

道地药材 品质保证

华夏药材店

您的位置: 知盈医学资源网 → 首页

最近更新 - 最新推荐 - 热门排行

焦点图片

站内统计

站内公告

共有资源数量

今日更新资源: 0 个

资源总的容量: 7.512 G

共有书籍数量: 441 个

今日更新书籍: 0 个

共有文献数量: 100 个

共有视频数量: 0 个

当前在线人数: 0

下载更新

more

> [药膳食疗]家庭食疗妙方精选

2012-05-22

> [美容养颜]番茄健康美容疗法

2012-05-22

> [饮食健康]食用菌治百病 (第二版)

2012-05-22

> [饮食健康]疯狂果蔬: 开启果蔬养生密码

2012-05-22

> [男性养生]陈氏男性养生补阳全方

2012-05-22

> [男性养生]细说男性病

2012-05-22

> [男性养生]人体使用手册 男人版

2012-05-22

> [男性养生]男性自诊手册

2012-05-22

> [男性养生]男性保健与疾病防治189法

2012-05-22

> [男性养生]男人不可不知的118个保健细节

2012-05-22

> [男性养生]当代男性病妙方

2012-05-22

> [男性养生]男人幸福一生的健康法则

2012-05-22

> [男性养生]妻子关爱丈夫健康枕边书

2012-05-22

> [男性养生]男性健康管理书

2012-05-22

> [男性养生]走进男性健康生活

2012-05-22

> [男性养生]细说男性健康202个细节

2012-05-22

> [男性养生]中国男人书——我们的身体秘密和健康选择

2012-05-22

> [男性养生]男人二十四小时健康保养书

2012-05-22

> [男性养生]家用男性保健养生药酒666例

2012-05-22

> [男性养生]青年男性常见病自我按摩与养生

2012-05-22

推荐下载

■ 骨桥蛋白通过MAPK信号通路上调MM

■ 甲型H1N1流感病毒 (2009) HA蛋白

■ IL-6、TNF-α在术后肠梗阻动物模

■ 肠道病毒71型的层析纯化

■ 耻垢分枝杆菌MSMEG_6402基因功能

■ 结核分枝杆菌Rv1096的表达及功能

■ 结核分枝杆菌Rv3717基因的克隆、

■ 首次利用人iPSC产生HCV能够感染的

■ 鉴定出产生培育造血干细胞微环境

■ 揭示LSD1在胚胎干细胞分化中起关

■ 猪髂内动脉粥样硬化狭窄模型的建

■ 开发一种指导干细胞增加骨生成和

■ 人源白细胞介素(h-IL2)基因克隆及

■ 防腐固定心脏材料制作心血管铸型

■ 兔抗Myosin X多克隆抗体的制备及

■ 内质网应激与胰岛β细胞功能

■ 负载人热休克蛋白抗原肽的树突状

■ 人DC-STAMP真核表达载体的构建及

■ NK细胞联合西妥昔单抗对大肠癌细

■ 血红素加氧酶-1高表达对大鼠同种

中医书籍

more

> 珍版海外回归中医古籍丛书第7册

> 海外回归中医善本古籍丛书 (续)第5册

> 海外回归中医善本古籍丛书 (续)第4册

> 海外回归中医善本古籍丛书 (续)第3册

> 海外回归中医善本古籍丛书 (续)第2册

> 海外回归中医善本古籍丛书 (续)第1册

> 珍版海外回归中医古籍丛书第6册

> 珍版海外回归中医古籍丛书第4册

> 珍版海外回归中医古籍丛书第9册

> 珍版海外回归中医古籍丛书第10册

> 珍版海外回归中医古籍丛书第8册

> 珍版海外回归中医古籍丛书第5册

养生书籍

more

> 家庭食疗妙方精选

> 番茄健康美容疗法

> 食用菌治百病 (第二版)

> 疯狂果蔬: 开启果蔬养生密码

> 陈氏男性养生补阳全方

> 细说男性病

> 人体使用手册 男人版

> 男性自诊手册

> 男性保健与疾病防治189法

> 男人不可不知的118个保健细节

> 当代男性病妙方

> 男人幸福一生的健康法则

中药功效

more

> 大黄蛰虫丸在络病治疗中的临床应用

> 丹红注射液治疗维吾尔族青年人急性脑梗死疗效...

> 丹红注射液治疗COPD急性发作的疗效观察

> 丹红注射液治疗不稳定性心绞痛70例临床观察

> 丹红注射液治疗急性脑梗死46例疗效观察

> 通督手法联合丹红注射液治疗椎动脉型颈椎病的...

中药药理

more

> 大蒜油拮抗酒精性肝损伤及相关机制的研究

> 芦笋多糖、芦笋皂苷抗肿瘤作用及机制研究

> 蒿红方止咳抗炎的药效研究和机理的初步探讨

> 黄芪丹参药对其有效组分对肾纤维化JAK/STAT...

> 参附注射液对大鼠心肌缺血再灌注损伤的保护作...

> 生黄合剂对缺血再灌注大鼠心肌脂质过氧化损伤...

本周下载排行

1 谢海洲——中国百年百名中医临

2 于己百——中国百年百名中医临

3 周次清——中国百年百名中医临

4 海外回归中医善本古籍丛书第1

5 张琪——中国百年百名中医临床

6 米伯让——中国百年百名中医临

7 叶桔泉——中国百年百名中医临

8 海外回归中医善本古籍丛书 (续

9 张缙——中国百年百名中医临床

10 俞慎初——中国百年百名中医临

11 许润三——中国百年百名中医临

12 一日养生24法

- > 中药丹红注射液治疗缺血性脑卒中**95**例疗效分析...

> 丹红注射液对急性冠脉综合征患者血清**hs-CRP**的...

> 丹红注射液对急性脑梗死患者脑循环动力学影响...

> 丹红注射液治疗老年冠心病心绞痛的临床观察

> 丹红注射液治疗老年患者慢性脑供血不足的疗效...

> 丹红注射液治疗急性脑梗死患者对血浆**TXB₂**、**6...**
- > 中药何首乌饮对衰老大鼠睾丸组织**NO**和**iNOS**含量...

> 中药吴茱萸活性成分吴茱萸次碱与牛血清蛋白作...

> 桂枝加葛根汤对组胺致大鼠毛细血管通透性的影...

> 宁夏四种道地药材及其复方醇提物体外抑菌实验...

> 菩人丹超微粉对**2**型糖尿病大鼠血糖和血脂的影响...

> 大黄酒提物对雄性小鼠睾丸影响的实验研究
- 7** 俞慎初——中国百年百名中医临

8 许润三——中国百年百名中医临

9 一日养生**24**法

10 海外回归中医善本古籍丛书（续

11 张镜人——中国百年百名中医临

12 邹云翔——中国百年百名中医临



首页连接(首页连接日IP>15000,次页连接无流量限制,欢迎合作连接!)

- 华夏中医网
- 华夏中医论坛
- 华夏医学视频网
- 华夏中药店
- 绵阳药品批发网
- 更多链接
- 更多链接
- 更多链接
- 更多链接
- 更多链接

按字母检索	A	B	C	D	E	F	G	H	I	J	K	L	M	N	O	P	Q	R	S	T	U	V	W	X	Y	Z
按声母检索	A	B	C	D	E	F	G	H	J	K	L	M	N	O	P	Q	R	S	T	W	X	Y	Z	数字	符号	

Copyright © 2008-2012 **KnowWing.Com**. All Rights Reserved .

页面执行时间：250.00000 毫秒

Powered by: www.knowwing.com

[关于本站](#) | [网站帮助](#) | [广告合作](#) | [下载声明](#) | [友情连接](#) | [网站地图](#)

历代中医资料大全分享

你好，我是**逢原**，你现在看到的这本资料是我从网上收集整理的。

本人自学中医多年，耗时多年搜集珍藏了众多的中医资料，包括了目前已经出版的大多数中医书籍，以及丰富的视频教程，而这些中医资料，是博览群书，勤求古训之必备。

只需要在下面输入你的邮箱并确认就可以直接下载中医资料：

http://list.qq.com/cgi-bin/qf_invite?id=03157beabc6d50e0b64029a2715966596d94dcac7ed0cfd7

如果有你也喜欢中医，需要一些学习中医的资料；或者是学习中医的路上碰到了什么问题需要交流；或者碰到一些疾病的困扰，需要求助，可以通过以下方式联系我：

一、发邮件：fyzy999@qq.com

二、加我 QQ/微信：**2049346637**

三、关注微信公众平台——逢原中医，经常有中医文章更新。

四、关注我的空间：<http://user.qzone.qq.com/2049346637>

免责声明：所有资源均是网上搜集，本人收集整理这些中医资料，仅仅为了方便中医同道中人私下交流学习之用，不为营利，将不对任何资源负法律责任。所有资源请在下载后 24 小时内删除，任何涉及商业营利目的均不得使用，否则产生的一切后果将由您自己承担！如果您觉得满意，请购买正版资源。



私人微信号：2049346637



公众平台：逢原中医